






Columbia University  
in the City of New York

LIBRARY



B949.2  
W733







v. Richtofen  
1857.

EVINSEMI  
RERUM  
FRISICARVM  
LIBRI SEPTIMVS

Magis operis priores libri et jam editi fuerunt  
Leonardine An 1629 in H<sup>o</sup>. —

P. W I N S E M I I  
R E R U M  
FRISICARVM  
LIBRI SEPTEM.

*Accedunt:*

*Martini à Wybinga Laudatio funebris in honorem  
et memoriam P. Winsemii*

*et*

*P. Winsemii Oratio in excessum Henrici Nassae*

---




WILSON & MILES

LIBRARY

TRISTARVM

LIBRARY



P. WINSEMIUS.  
*Illustrum Ordinum Frisiae Historiographi,  
ac Eloquentiae et Historiarum Professoris.*  
**HISTORIARUM**

AB EXCESSU  
CAROLI V. Cæsaris.

SIVE  
Rerum sub PHILIPPO II.  
per FRISIAM gestarum.

*Ab Anno cId. Id. LV. usque ad annum cId.*

*D. LXXXI. assertæ Libertatis.*

LIBRI SEPTEM.

LEONARDJÆ.  
Excudebat CLAUDIUS FONTANUS.  
Illustr. Ordinum Frisiae Typographus.  
ANNO cId Idc XLVI.

*Cum  
Privilegio.*







1 June " ASP  
ILLUSTRIBUS

A C

Præ-potentibus  
FRISIÆ  
ORDINIBVS;  
Patribus Patriæ.

ILLUSTRES & PRÆ-POTENTES DOMINI;



FFERO vobis posthumam  
PIERII WINSEMII vestri Hi-  
storiam, cui quidem vivus supre-  
mam manum imposuerat, ac in Co-  
mitijs vestris obtulerat, eoq; ut ty-  
pis mandaretur decreto cautum erat:  
sed cum præfaga mens, quodam-  
modo mortem præsentiens, testaretur, hoc ipso  
vivo in effectum perducì non posse, illam mihi cu-  
ram, pro veteri familiaritate, commendavit, quod  
acriter instanti denegare religio mihi fuit: voluit,  
ut & debuit, illam Illustriss. Dominationibus offerri  
& inscribi, utpotè quorum autoritate & jussu eam  
conscripserat: Laudabili sanè ab omni ævo, instituto,  
ut posteritati constaret ante actorum memoria, &  
à quam parvis initijs, Majores vestri (benedictione  
divinâ adjuvante,) supra captum humanum Provin-

ciam ad florissantem præsentem statum deduxerint , ut à cunabulis propemodum jam adolevisse dici possit.

Edidit quidem Historicus vester ante annos aliquot, Historiæ partem primam , & postmodum etiam secundam , sed defectu multorum autographorum , non ut in præsentī absolutam : etenim multa ex illo tempore in archivis vestris & alibi reperta sunt , quæ ut fidem majorem Historiæ faciunt , sic lucem clariorem Lectori præbent , quæ posteriori huic editioni inserta sunt.

Placuit Illustriss. Dominationib. vestris initium Historiæ sumeret , ex illo tempore quo maximus Cæsar Carolus V. abdicavit Provinciās Belgicas , & in Philippum filium heredem unicum uno quasi ore transtulit , cum placuisset maximo Cæsari , morti donum præripere , & mortalitatis donum in vita antevertere , rarò sanè exemplo ut desinas imperare , cum possis.

Et quamquam plurimi Scriptores , de causis impulsivis abdicationis curiosius indagent , satius est cuique judicium suum relinquere , cum revera , magis in conjectura positum sit , quàm quod quid certi jam statui possit. Hoc saltem verum , quod domus Austriaca in Carolo V. Cæsare , summum majestatis & gloriæ fastigium viderit , ex quo sensim & quasi sine sensu paulatim retrocedere cæpit , sive quod dies decretorius ac fatalis periodus immineat , sive quod ob tyrannidem , religionis causa effusi sanguinis guttulæ , & ex eo renascentes furculi ( Deo eorum injuriam vindicante ) eveniat : judicio divino relinquimus , nos latet , ut & quæ præsentis status catastrophè futura sit : sanè periodus lenta nunc violentior esse videtur.

Incidit abdicatio Cæsaris , noviq; Principis Philippi  
in-

inauguratio, in annum millesimum quingentesimum quinquagesimum quintum. Quamquam & verum sit, ut ex actis publicis in archivis vestris repartis, ac Historiæ insertis pateat, Cæsarem jam præviè Dominium Frisiæ, (quod à Duce Saxoniae obtinuerat. Qui anno millesimo quadringentesimo nonagesimo octavo, Snecæ Archi-Gubernator Dominij Frisiæ salutatus erat, & ad annum decimum quintum supra sesqui millesimum obtinuerat) anno millesimo quingentesimo quinquagesimo, xv 111. Ianuarij, transulisse in principem Philippum filium, eumq; & tum Dominum Frisiæ salutatum fuisse, imò & indicto Ordinum conventu proclamatum esse, interveniente solemnij juramento, quod Ioannes Lignæus Arembergiæ Comes, Leoverdiæ die qua supra, solemnij ritu præstitit. Quod & ipse princeps Philippus (novus dominus) inviolabiliter se servaturum, in majorem populi securitatem, solenni corporali juramento interveniente, expromisit. Continebat illud juramentum, confirmationem privilegiorum ac tractatum à Ducibus Saxoniae & Cæsarea majestate obtentorum, & juxta, omnia alia Philippum principem facturum ad qua justus & bonus princeps ac dominus fidelibus subditis suis tenetur.

Magno sanè applausu procerum & populi proclamatio & inauguratio novi domini celebrata est, ut de novo Cajo sibi congratulantes, dum spes erat patribus & populo, mitius (ut plerumque fieri solet) sub novo Domino imperium fore, & severiora Cæsaris Edicta, de Religione, introductione novorum Episcoporum, & exosæ inquisitionis insolito judicio, mite temperamentum acceptura, patriasque leges & privilegia salva ac intacta fore. Et quamquam merito



rito majores terrere debuisset, Hispanica indoles, educatio & averſi à Belgis mores & ſolitæ tyrannidis ſuſpicio, vicit tamen in avidis libertatis ingenijs falſo ſperata clementia & Edictorum mitigatio. Sed tanta eſt mentis humanæ caligo, ut etiam in multum nocitura, cum applauſu ruamus, dum futuri temporis exitum caliginofa nocte premit D E U S.

Evenit etenim Majoribus veſtris, quod in proverbio eſt, Fortuna vitria eſt cum ſpendet frangitur; &

Aſpera, ſub dolci melle, venena latent.

Omniſ enim illa concepta ſpes de miti imperio ac patriarum legum conſervatione ſubitò evanuit & ſtultæ lætitiæ populus graves pœnas dedit. Quamquam enim & Cæſar, præſentibus provinciarum Deputatis, Bruxellis in ipſo ſolemni renuntiationis omnium provinciarum actu, Philippum filium (provinciarum jam dominum (ſerio monuerat de conſervanda populi (utpote meritis in donum Auſtriacam illuſtris) libertate & privilegiorum jure, utque princeps paternum amorem, ex anticipati temporis uſura ſibi debitum, in amore & cura populi Belgici compenſaret, jure poſtularet, ſub hac comminatione, fore alias ut populus patriarum legum tenax & ſervitutis impatiens jugum excuteret, ac Philippus princeps id ſe facturum ſpopondiſſet Cæſari, fruſtra fuit & repromiſſio in ventum abiit: atq; alia ſe rerum facies mox obtulit, dum imperium quod mite ſub novo domino ſperaverant patres, crudele & intolerabile factum eſt. Idque non ſolum ſeveriorum edictorum Cæſaris confirmatione tam de religione, Episcoporumq; introductione quam &, qua arbiter conſcientijs dabatur, inquisitione. Sed & inſuper  
novo-

novorum eorundemque severiorum edictorum promulgatione, atque eorum rigida ac severa executione, dum immemor Rex omne imperium violentum non esse diuturnum. Tum mox exauditur detestabilis & execrabilis vox: Ure, Seca: Non curamos privilegios vestros, laniatibus carnificum, exilio, tortura, gladio, patibulo, aqua, confiscatione bonorum, jus edictorum vindicatur. Luctu, armis, cæde, cadaveribus, cruore incendio omnia complentur; sic

Nulla dies mœrore caret, — — — —  
— — — — fed nova fletum causa ministrat.

Urbes, castella præsidij firmata, legiones scriptæ; novæ arces extructæ, in consilium patriarum legum exteri vocantur, Hispanus per omnia dominatur, quasi à rege sibi omnis juris dicundi potestas data, & pro lege sit;

Sic volo, sic jubeo, stat pro ratione voluntas.

Ad hæc, merito obstupeſcunt & preſſis labijs exhorreſcunt Patres, cum omnia undique nil niſi tyrannidem redolerent; conſternatio omnes occupavit, dum libertas & vita in dubio ſunt, nec amiſſo patrimonio corpus liberum habere liceret; & vim atque injuriam ſtrictus tueretur enſis.

Sed quid conſilij? cum huic nodo non eſſet æqualis cuneus? & vix moles ſine exitio convellentium convelli poſſe videbatur. In juſ namq; Princeps, (jam Rex & dominator in Aſia & Africa) trahi non poterat: Patres tranquillitatis amantes, ſupplices, precibus clementiam Regis edictorumque mitigationem implorandam ducunt eamq; ut tutiſſimam viam cum

omni animi submissione ingrediuntur, supplicesque libellos, Austriacæ, Regis locum tenenti, regisque consilio, multa cum humilitate offerunt, oblationemq; repetunt, non honores, divitias ac imperium petentes, sed patriarum legum conservationem, edictorum mitigationem & conscientiarum libertatem. Sed quid his precibus, lamentationibus, se fatigantes promeriti sunt Patres? hoc unum quod Geusij, hoc est, mendicantis nomen datum sit, in contumeliam, contemptum & risum, quasi catervæ ex decoctoribus mendiculisque collectæ. Cujus nominis, Geusij, dico, ignominiosa nota partibus inusta, tantæ efficaciam habita ut nondum cicatricem obdlexerit, sed etiamnum aculeum dedignationis obtineat, ut & hodie apud hostes quisquis quenquam Geusium dixerit, omnia opprobria dixisse videatur. Et quod magis mirere, nec Cæsareæ, nec Regiæ, nec Principum intercessionibus, postmodum quidquam valere ad demulcendum Regis animum. Adde in testimonium alienati à Belgis animi, intercessores supplices in Hispania morte multatos: Adde & in testimonium alienati Regis à Belgis animi, quod efferrissimus Tyrannus Ferdinandus de Toledo Albæ Dux in Belgium, cum Hispano milite mittatur, ut omnes vi atque armis subigat ac internecioni devoteat, utpote criminis Læsæ majestatis reos, Bona fisco Regio addicat, & de Belgio in illum modum disponat, quasi de Regno vi ac armis subactò ac devicto, in quod Regi jus vitæ ac necis erat: dicam uno verbo ut falsis nominibus jus & leges inverteret.

Hunc effectum in Regis animo sortitæ sunt supplicationes: jura, leges & privilegia provinciarum, paterna monita, & juramentum provincijs datum, de



de conservandis legibus & privilegijs. Hinc paulatim, patrum & populi magis magisq; à Rege Regioque consilio alienata mens est, seclusa omni clementiæ & commiserationis spe, Rege ad preces furdo, & animum in patres indies exasperante & in pejus obfirmante, consiliaq; ventilare cœperunt Patres, cum flecti Rex non posset, ut quoquo modo frangi executio, & invisum Tyrannicum Regis imperium posset, & si non executi, saltem enervari aliquid tantulum posset, crescente ex desperatione audacia (quæ inermes in arma & periculi societate animos conjungente trudit) cum libertatem conscientiarum nemo bonus nisi cum vita simul amittat. Non contumacia aut malevolo in Regem animo, (quis enim gentem ullam magis supplicem regi vidit?) sed quod viderent Patres, aut perpetuo læsa conscientia abjectissime vivendum, serviendum, & moriendum esse, aut Regis injustum imperium dum supplicationibus non poterat armis enervandum, aut relictis aris & focis, in exilio mendicandum esse. Quod equidem tandem, tandem, obtinuerunt Majores vestri, ut hodierna tempora & præsens vester status testantur. Idque maxime eo tempore cœptum, ex piscatorijs quodammodo navibus cum nulla vel minima eluctandi spes apparebat, atque omne humanum auxilium sublatum videbatur, dum nulla provincia, nulla urbs, castellum aut oppidum erat, quod non absolute sub Tyrannide (quæ est violentum unius imperium præter mores & leges) Hispanica suppressa libertate ac religione ingemiscebat, dum Albani tyrannis omnes subegerat, & prædæ exposuerat, in tantum ut ne hiscere quidem quisquam auderet. Atq; ij quibus vires aut divitiæ erant, patria profugi



aut proscripti exulabant. Imo & qui in Angliam pro-  
fugi, qui æquatiles Geusij indigebantur (procu-  
rante hoc Albano, crudeli & Belgicæ libertatis o-  
fori efferissimo) portubus exire, & prohibito com-  
meatu, mare petere iussi erant: Unde tamen, sub-  
lato omni auxilio humano, Deo omnia dirigente,  
divinum auxilium remedium tulit, dum Brila ab  
exulibus capta, respiratio quædam, quasi novum sy-  
dus subortum, ut Belgis testatum faceret Deus di-  
vina auxilium non desiderare, nec juvari posse:  
Et quamquam Albanus nihili faceret hunc exulum  
conatum & Brilæ occupationem: docuit tamen po-  
sterior ætas, quod Brilam nunquam in potestatem re-  
duxerit Dux Albanus. Et quod ex illo fonte exopina-  
to, cepta in servitute respiratio, & multorum animo-  
rum erectio, quibus hoc divinum auxilium, majora  
sperandi ansam præbuit. Unde & multis civitatibus  
occasio nata ab Albani Tyrannide se subtrahendi.  
Ac didicit Albanus, quod Brila à Lumæo ipsi impo-  
sita, in tantum lumina ejus obscuraverit, quod lu-  
cem Belgicam ulterius non ferens, Hispaniam repe-  
tere coactus sit, suo exemplo confirmans quod tyran-  
norum execrabilis & brevis potestas sit. Et sic paula-  
tim successu temporis, Deo & proram & puppim guber-  
nante, provinciæ in illum statum adoleverunt, de cu-  
jus honore, gloria, ac divitijs nihil attinet dicere, dum  
arma Hispanica terra non metuat mari leges quo-  
dammodo det. Dum excusso tyrannidis jugo, jam  
majestas singulis inest. Sed quales quantique casus  
obvenerit & provinciam angiauerint, quam aspera  
ad libertatem & statum præsentem clivus fuerit, quan-  
tas misérias, clades & calamitates perpessi sint majores,  
quantæ vicissitudines quassarint & concusserint, quam-  
que

que accipiti Marte, sæpè dimicatum sit cum parvis copijs, & quantum in-noxij sanguinis effusum sit. ]

Hæc animus meminisse horret luctuque refugit.

Argumenti loco est quod Albanum excedentem provincijs gloriabundum dixisse ferunt: sexennio quo regio nomine provincijs præfuerat, 18. millia hominum carnificis manu (exhorresco) perempta esse, eorum qui in acie & exilio occubuerunt infinitus est numerus.

Illa sunt quæ ordine deducit Historicus vester, non in globo ut dici solet, sed veris & ex archivis deductis documentis eo ordine quo gesta sunt, specialius in Frisia hac vestra: Idq; ex commisso in illud usq; tempus, quo Provinciæ in Libertatem sese vindicarunt, & Philippum tunc Hispaniarum Regem ob Tyrannidem omni jure cecidisse judicarunt, nomenq; regium, sygilla, atq; omnia Regis insignia, sustulerunt & dominium ejurarunt, ac Remp. Liberam constituerunt, quod publico edicto, rationibus insertis ad longum, promulgatum anno supra CIO. IO. LXXXI. XII. Kalend. Septemb. quo Lectorem remittimus.

In Historiæ commendationem me non dabo, ne huic tam vendibili vino hederam suspendere videar, cum & multorum celeberrimorum doctissimorumq; virorum testimonia de excellentia Historiæ extant, quæ brevi forte in lucem prodibunt; ausim dicere neminem ante hac majori studio & curiosa indagatione scripsisse, magisq; facta verbis exæquasse. Finio in voto, & apprecor ut in florenti rerum statu Ill. D.D. vestras, diu conservet magnus ille arbiter rerum Deus, à quo, in quo & ad quem sunt omnia. Cui sit laus, honos & gloria in æternum.

D. L. S.

\* \* 3

In

## In Historiam Frisicam

*Doctissimi, Amplissimi, totoque orbe Celeberrimi Viri,*

D. PIERII WINSEMII, Frisij.

Icti & Illust. Frisiæ Ordinum Historiographi,

E O R V N D E M Q V E

In Academia Franequerana Eloquentiæ & Historiarum Professoris dignissimi.



ALLOR? an in nostri redierunt tempora sæcli  
Historiæ Princeps sapienti nobilis ore,  
Nobilis & gemmis Latij SALUSTIUS ævi?  
Nec minor hoc TACITUS, victuris Nomina chartis  
Gestaque Romulidam tradens annalibus orbi?

Credite! non alius stylus est. Nec dignius unquam  
Majestas meminit sese Romana locutam.

Res alia & seges est. Tua, FRISIA, Bella, DUCESQUE  
Jura, POTESTATES æterna luce beantur.

Hei mihi! quam latum quondam mea Patria Regnum,  
STAURIA cum Ducibus Septem, clara inde Novenis  
Regibus & Danis fuit & contermina Gallis.

Nunc alius patriæ limes, quam Lavica claudit,  
Et mare Flevanis insulûm terminat undis.

Scilicet instabilem variata potentia mundum  
Voluit, & æternum nihil est. Regnisque negatum  
Stare diu, veniente die, quo gloria rerum  
Sistitur, & cæco succisa potentia fato.

Cui fecere viam bellis & sanguine gaudens

RHADBODI genius, sed post civilis Erynnis  
Frisiacas totis concussit viribus oras

Inque novas secuit parteis. Hinc turbida dudum.

VETCOPERI tollunt, contraria signa SCHYRINGI,

In sua crudeles vertentes viscera dextras

Vastarunt patrios ferro flammaque penates.

Sic caput & mundi terror, quæ fortibus armis

Imperium terris, animos æquarat olympo,

Martia ROMA suis struxit sibi funera telis.

Ast animus meminisse horret, luctuque refugit,

Quanta per Hollandos Frisiosque effusa PHILIPPO

Tempestas iërit campos, quibus actus uterque

Europæ atque Asiæ fatis concurrerit orbis,

Ut Libertatem, patrias ut funditus aras

Dirueret. Fuit ergo truci crudelior ALBA



Tygride, vel tristi Busyride favior ipso  
Missus in has oras, juratas frangere leges  
Jussus, & hostiles veluti devincere terras;  
Mancipioque suo bellis ascribere Regi.  
Ille per innocuos grassatus cæde penates  
Obvia quæque metit ferro, non flectitur annis;  
Non ullis precibus, crudeli sanguine mactat  
Uxoresque Virum, Puerosque ante ore Parentum.  
Nec generi parcit, Nec stirpi sævus equestri.  
Illustres Patriæ Proceres, clarissimus HORNÆ  
EGMONDÆQUE comes, tum millia multo virorum  
Carnifici trucidata manu. Fit Belgica tota  
Exul, inops, terras alio sub sole jacentes  
Dis sedem exiguam patrijs, litusque rogavit  
Innocuum, & cunctis undamque auramque patentem.  
Haud aliter stimulante fame tygrifvè lupusvè  
Mansuetas prædatur oves, vigilique remoto  
Terribilis miti Balautum sanguine longam  
Exsaturat rabiem, & totis dat funera campis:  
Illæ, qua data porta, ruunt, in montibus, antris  
Se tegere, & letum tutis evadere sylvis.

Sed redijt tandem vetus in præcordia virtus  
Sub duce ARAUSIADA, & pro libertatis amore  
Creverunt animi, civilis maxima quercus  
Gloria fit, miserisque rogo servare penates.  
Suasit amor Patriæ, libertas pristina gentis,  
Religioque viris animoso occumbere leto.  
Ergo per adversas fortes erecta resurgens  
Juncta Philippeos excussit Belgica fasces,  
Terribilemque Ducem, qui tum felicibus armis  
Imperium Oceano, famamque æquarat Olympo.  
Salvè læta Dies, Niveo signanda Lapillo,  
Salvè læta Dies, qua non felicior orta,  
Natalis Patriæ, tum Libertatis avitæ.  
Candida Religio FRATERNIS faucia flammis,  
Et SPE pollenti clypeos armata FIDEQUE  
Libera tum coluit sacra, Libera vota Tonanti  
Obtulit, & licitum templis indixit honorem.  
Nataque Libertas Suffragia libera liquit  
Libera Frisidis Patriæ moderamina terræ.  
Hæc meus æternis consignat tempora chartis  
VINSEMIUS Patriæ celeberrima gloria terræ  
Gloria, lingua, manus. Latæ facundia Suadæ  
Sive undare foro, numerosque referre solutos,  
Seu libet Aonias sub leges cogere voces.  
Ast nunc illa jacet Patriæ celeberrima terræ  
Gloria, & elinguis, qui nuper lingua manusque  
Sola fuit Patriæ. Fatis concessit ab atro

Ordine fatorum Patrias qui vindicat oras.  
 Mens verò è claustris fugiens mortalibus inter.  
 Agmina cælituum victrix migravit ad astra,  
 Et sanctos cœli cives & amœna piorum  
 Concilia, Elysios celebrans jam carmine campos.  
 Patria quas grates solves? quæ præmia fastis?  
 Prælia, quæis, Regesque tui, præclaraque facta,  
 Libertatis amor, jurataque Regibus olim  
 Pacta triumphali ducuntur ad ultima curru  
 Sæcula, & extremos æterna laude nepotes.  
 Hoc opus (exstat enim de te non dignius ullum)  
 Sede loca illustri, magnis & honoribus auge.  
 Hæreat in memori VINSEMIUS ore manumque,  
 Nec pretium, nec tanti aboleseat gratia facti.  
 Sit, pete, terra levis, multaque in pace quiescat,  
 Et violis sacrum consperge, rosisque sepulcrum,  
 Ac cineri tanto magna cum laude parenta,  
 Nos quoque, nos curam veteris servamus amici,  
 Et memores nostri, quamvis rude, pignus amoris  
 Distichon hoc meritiæ grati sacravimus URNÆ.

## EPITAPHIUM.

**H**EC situs Orator Magnus, magnusque Poëta,  
 VINSEMIUS Patriæ Conditor Historiæ:

*Cui quantum Doctos minuit mors sævior annos,*

*Tantum nescitur FRISIA chara Tui.*

Scriptit P. à DOMA,

*I. V. D. Frisæ Rationarius.*

I D E M

## In Effigiem Authoris.



*Historicus, Vates, totoque Orator in Orbe,*

PIERIO clarus Nomine VINSEMIUS;

*Hoc licet excusus vultu spectetur in ære,*

*Spectatur Libris rectius ille suis.*

P. à DOMA.



# Ad Historiam

CLARISSIMI ET CONSULTISSIMI VIRI

D. PIERII WINSEMII, IC.

Eloquentiæ & Historiarum dum  
viveret, Professoris & Historiographi  
Illustr. Frisiæ Ordinum Celeberrimi.



*S* magnum, quod magna Dei miracula narrat,  
*Quæ* nostros tantum cernere fecit avos,  
*Dum* vox imbellis populi & suspiria mixta  
*Sanguine* ruperunt vincula dura Erebi,

*Regnaque* quassarunt, & celsò culmine structum

*Mundique* æquatum finibus imperium,

*Pondere* sub cuius, nutantis vulnere vasto,

*Iam* pridem rerum machina tota gemit:

*Dum* tener astuti rejecit frena PHILIPPI

*Belga* vovens soli libera corda Deo.

*Qualia* non Tacitus non aurea vena Maronis

*Explicuit* sive bis doctius ingenium.

*Os* felix, cui tanta datum est nudare nepoti

*Risuro* fumos labilis imperij,

WINSEMII; quod nec voluit mors dura silere.

*Verba* etenim seclis pagina tradet anus:

Honori Collegæ dum vivebat amandi & observandi, post  
obitum desiderati, raptim ponebat.

IOHANNES COCCEIUS Doct. S. Theol. & Ling.  
Hebraica Professor, ac pro tempore Rector in Acad. Franckerana.

\* \* \*

In

In Historiam Frisicam  
CLARISSIMI VIRI DOMINI  
PIERII WINSEMII, IC.

Ordinum Frisæ Historiographi & Historia-  
rum atque Eloquentiæ Professoris, inter operas  
Typographicas, ante editum opus, defuncti.



N V I D A mors nulli mortali parcere docta,  
Sæpius egregios, suspiciosa, premens,  
Viderat hunc prodire librum, qui redde-  
ret ævum  
Exstinctis longo tempore funeribus.  
Qui Soli exhibeat res gestas luce Carentum  
Lethe devictâ, Tartareoque specu.  
Scilicet hîc veterum patrata leguntur avorum,  
Quos tenet inferni regia muta poli.  
Ferratæ patuêre fores, calamoque potente  
*Pieridum* magnos vivere fecit avos.  
W I N S E M I calamus duxit de nocte profundâ  
P I E R I U S Frisios restituitque Patres,  
Quotquot in Hispanos animosi ivêre secures,  
Et soboli dederunt libera regna suâ.  
Vidit & ingemuit torsitque volatile ferrum,  
Invisumque malo vulnere stravit humi.  
Sic quicumque, inquit, mortem violare deinde  
Speret & è Stygia victor abire domo.  
Sic invise jaces, solâ tamen utere vitâ,  
Quam potuit functis addere docta manus.  
Ergo parte sui subijt W I N S E M I U S umbras,  
Et non emissum morte reliquit opus:  
Parte sui meliore viget, vivetque per illos,  
Quis tribuit nunquam posse deinde mori.

C. S C H O T A N V S,

Græc. Litt. & Histor. Eccles. Profess.

# HISTORIAM

## PHILIPPICO-FRISICAM

CLARISSIMI, AMPLISSIMIQUE VIRI

### D. PIERI WINSEMI,

I. C. & Historio - graphi Frisiorum  
integerrimi, ac Eloquentiæ & Historiarum  
Profëssoris Celeberrimi; Amici & Collegæ  
quondam intimi ac desideratissimi.



RGONE PIERIDES meritis nec præmia constant?  
Nec sua Musarum cultori, & honesta Profëssor  
Nomina sunt clari concessa brabeia laboris?  
Ergonè post rigido consumtas frigore noctes  
Egelidas, lucemque datam melioribus actis,

Non licuit superesse sibi, superesse suorum  
Effectis operum, dignosque hinc carpere fructus?  
Sed fuit in fati, ut quem diversa deceret  
Sæcula nosse suum, vel qui, si comoda nostra  
Spectasset, si PIERIDUM juga sacra sororum  
Difficilis Natura gradus servare secundos  
Curasset, multos tempus traxisse per annos  
Debuerat, Pylio longè dignissimus ævo;  
Hunc (veniam fasso da numen) magna gerentem,  
Complexumque suâ præclaros mente labores,  
Ultrà quos dederat, cunctisque sacraverat avis,  
In medio rerum cursu, Mors sæva Lycæis  
Eriperet nostris, ac funere mergeret atro?  
Exueretque citum moribundæ carcere molis  
Invida vis fati? Quem nunc, heu! squallida gestans,  
Oraque, & incompertos jaciens Academia crines,  
Luget; & expresso lachrymarum fonte, Patrono  
Orba suo, fugiens oculis solatia, questus  
Concoquit intempesta suos, gemitusque per auras  
Nequidquam evanidas fundit, concussa recenti  
Vulnere, cujus agit nunc, præstans antè, profundum  
Justitium densis Facundia mersa pruinis.  
Quid quod sinistra silent præcoci conscia fati?  
Et tripodes, & muta chelys, & marcida laurus  
Squallent? nec Cyrrhæ cortina remugit ab antro?  
Claraque ob abruptam cessant oracula vocem?



Sic miseri morimur nascendo ; horæque rapacis  
Præda fumus , vitæ florem sic singula carpit  
Ætas , sic vixdum meditantes lubrica vita ,  
Alternasque vices rerum , sortemque malignam  
Nequidquam , humanis nos tandem excedere rebus  
Mandat summa dies , & ineluctabile fatum.

Non tamen interijt totus , depasta nec omnem  
Est inopina Virum supremi funeris hora.  
Terra tenet corpus , tumuloque recondita tristi  
Viscera , mortali quæ sanguine creta , quietum  
In vitam expectant reditum. Nam parte superstes  
Ipse sui meliore manet , mortique relinquit  
Quod mortale fuit : sed vivax particula auræ  
Divinæ æthereas conscendit Spiritus arces ,  
Regna beata colens : ac Nobis magna relinquens  
Ingenij documenta sui , mirandaque mentis  
Lumina , doctrinæque suæ pollentis acervos  
Immodicos , sacro quos fudit pectora motu  
Pulsus , & æthereo perfusus numine mentem.

Quem quoque Thymbræus puerum formavit Apollo  
Obsequio clarere bono , primæque Juventâ  
Magna rudimenta & teneræ cunabula linguæ  
Edere clara satis , cum prima elementa laborum  
Percurrit , titubansque ratos industria gressus  
Discendique sibi callem legit. Aucta Lycæo  
Gloria cum crevit , curisque Academia primis  
Successit , roburque dedit juvenilibus annis :  
Tum verò pariter mens ingeniosa , laborque  
Vires commisere suas , quo se quoque posset  
P I E R I I S gaudens studijs , attollere victor ,  
Claraque Magnatum præcox volitare per ora ;  
Cecropiæque simul versans consulta Minervæ ,  
Scandere Doctrinæ Sapientum templa serenæ.

Inde Machaoniam naturâ ductus ad Artem ,  
Pergameos , Coösque senes , & Græcia quotquot  
Docta dedit Medicos , vel quotquot Roma superbit ,  
Barbarus aut Arabs , sibi vult fecisse frequentes ,  
Ingenio studioque suo complexus , in imum  
Corporis humani perspexit , & intima lustrans  
Quæ sapiens Natura tegit , penetralia parvæ  
Inspexit Mundi machinæ , si fortè labaret  
Fabrica , vel languor popularet corpore vires ,  
Posset ut obscuras morborum pandere causas.  
Quin quod & ulterius , quod sævis pharmaca morbis  
Aptaret , dextræque manu medicamina ferret ,  
Non minor hæc tum cura fuit , cognoscere Plantas ,  
Quas Oriens Eöus habet , quas fidere sero  
Spectat pulcra dies , septem gelidique Triones  
Aspiciunt , pluvijs perfususque imbris Auster.

Sed quoniam quò fata trahunt, retrahuntq; sequendum;  
Præcipuè Juveni bona iussa capefcere fas fit;  
Ergò sanctarum sisus moderamine Legum,  
En vestras Astræa fores, edictaque pandit  
Vestra, triumphantes quos vidit Roma Quirites,  
Et Bizantinis suffragia condita regnis.

Quin & ut optatam studijs contingere metam,  
Ac dignam meritis mercem sufferre laborum  
Posset, terrarum longos invisere tractus  
Maluit, atque sitas alio sub cardine gentes  
Quærere longinquas peragratus sedulus oras,  
Ne quid inexpertum studijs rellinqueret usquam;  
Sed posset varios hominum cognoscere mores,  
Atque alios casus Legum, diversaque Jura.  
Igitur Hercinius saltus, Fuldæque rigentes  
Legit aquas, Vesaræque vias, transivit & Albim;  
Et sæpè Hesperio mutatum sanguine Mosam,  
Cornigerumque patrem Rhenum, Viadrique ruentis  
Fluminaque, & celebres Meliboco vertice Catts,  
Et Nemetos, & quæ nostris contraria terris,  
Albiona, immensis quâ circumfunditur undis:  
Et Te, quæ Batavas inter caput exeris urbes,  
Ingens Leida sacris semper domus hospita Musis.  
Perque alios plures tractus, populosque remotos;  
Quos fluvij diversa suis intervalat unda,  
Et varias ivit terras: dum præmia laudum  
Et voluit, simul & meruit retulisse decora.

Rettulit & mercem studiorum, ac digna probatus  
Præmia ferre, Gradum titulis comitantibus auget,  
Quam dedit ambiguis natalibus acta Cadomum.

Hunc tum mirata est ingens, quæ lumina vitæ  
Dulcia præclaro tribuit Leovardia Alumno;  
Dum plausu exceptus populi, non voce clienti  
Emtâ, non pretio, sed juri obnoxius uni,  
Ancipites casus, litesque absolvit amaras,  
Adversasque suo pressit sub Judice partes.

Alit quem PIERIDES sibi primis semper ab annis  
Sacravère, suo quem perfudère liquore, &  
Innocuæ pietatis amor ducebat, & almæ  
Pacis honos, Litique feræ contraria Virtus;  
Huic quoque tum querulas vulgi, plebisque profanæ  
Pertæso facilè curas, semperque calentis  
Officium servile fori, strepitusque clientum,  
Blanda quies placuit, nec desidiosa, sed inter  
Munia curarum tranquillam carpere vitam.

Igitur urbano, quia sic tum fata volebant,  
Jam procul à strepitu, & primâ statione recedens;  
Excludensque simul populique forique calores,

Prætulit exculti vernantia gaudia ruris :  
Arboreosque inter medius , gelidosvè recessus ,  
Et virides læto ridentes gramine campos ,  
Et liquidas inter fluviorum ac æquoris undas ,  
Otia P I E R I D U M carpit , devotaque Musis  
Tempora diverso rerum oblectamine fallit :  
Posthabitisque bonis , quæ pallax gloria mundi  
Æstimat , & studio vulgus sectatur hiantes ,  
Altius insurgit , studiumque effusus in omne ,  
Exerit ingenium , & divinæ semina mentis  
Inferit haut ullo perituris tempore chartis.

Sive suos ardens Tibi M I N C I A cantat A M O R E S ,  
Sive dolet , nullos cum mœstus in ignibus ignes  
Invenit , & tristi modulatur carmen avenâ.  
Sive tuos ignes , Cererem qui sævus in æstu  
S Y R I U S eludis medio , cum torridus iras  
Evomis in campos , avidisque in lucra colonis  
Spes messis tardare vales Latrator anhelus ,  
Cum premit indomiti trux Phœbus terga Leonis.  
Sive etiam ulterius tendit , mirandaque tractat  
Divinæ monumenta manus , nec clara parentum  
Gesta filet , nec voce suâ profitetur inertes  
Frifacos rexiffe Duces , dum stare quietas  
Res nostras Fortuna vetat , servatque tenorem  
Ipsa suum , ac luctu gaudet turbare triumphos.  
Nec laudes ô Magne tuas G U S T A V E , nec ista  
Invictæ documenta manus , nec fortia facta ,  
Nec cum Phœbæo diffusum lumine Nomen ,  
Præterit , at scriptis donat vivacibus orbi.  
Ah quoties curis defixum talibus , atque  
Magnæ molis opus rimantem , & pectore toto  
Absentem penitus , vidit cum surgeret undis  
Purpureis ventura dies , cum lumine pleno  
Umbras contraheret tennes altissimus orbe  
Sol medio , vel cum claro nox fidera cœlo  
Spargeret , & rebus cœcas induceret umbras.

Donec & ad curas nova cura accederet istas ,  
Expeteretque sibi luxata Academia tantum  
Depositum , quod læsa suos sanare labores  
Posset , & auspicio Procerum præclara per orbem ,  
Præsidio tali , diffundere nomina totum.  
Hic curæ indomitæ ; nullisque interrita Virtus  
Adversis satis emicuit , dum victa fatiscit  
Undique barbaries , & labem inferre vetatur  
Moribus ingenuis , sed passim Legibus æquis  
Vivitur , officioque bono : quin docta Juventus ,  
Felix voce illâ , semperque assueta doceri  
Annuit , & totam se ipsi debere fatetur ,  
Nec dignum meritis unquam statuisse brabium ,

Dum



Dum tali auxilio res quondam Acadēmica tuta,  
Contra Barbaricos ausus, Cyclopiæque arma,  
Perstat ovans; dumque hic altis Palinurus in undis  
Puppe sedet celsa, clavoque intentus adhæret  
Intrepidus, fragilem queat ut dissolvere navim  
Syrtibus, & decimis subducere sedulus undis.  
Nec tentant peccare mali, nec præmia desunt  
Ingenuis, cunctos regit at Prudentia casus,  
Consilijs matura suis; quidquid vel Erinnijs,  
Seque vorans Livor, toto molimine tentent,  
Vel quæ vibratæ decernant vulnera linguæ,  
Vel quæ feralis recinat convitia Bubo.

Interea totum sibi tandem vindicat omnis  
Historie, jussu Procerum: quis iusta petenti  
Deneget officia, & monumenta sacrata futuris?  
Igitur exæquans præclari cœpta laboris,  
Altæ mentis opus, documentaque maxima laudum  
Aggreditur mandatque suis memorabile chartis  
Quidquid nostra tulit Tellus sub Rege PHILIPPO:  
Quidquid & à primâ nascentis origine juris  
Obrigit Hesperij Patriæ, Laribusque paternis:  
Donec ad excussum jure & victricibus armis  
Gens properat pertasæ jugum crudelis Iberi  
Belgica, nec sceptris se vult submittere Regis  
Perjuri de more suo. Fidusque recenset,  
Quæ fuerint tanti nobis cunabula belli,  
Qui dubij fluctus, & quæ discriminata, cum post  
Invidiam factura alijs, nos pilea sanctæ  
Libertatis apex urfit, timidusque coëgit  
Omnia dura pati, jugulisque admittere ferrum,  
Sospite pro Patriâ, quam Regem ferre Tyrannum.  
Et medias Syrtes, inter mediasque Charybdes,  
Infontem dubijs patriam committere bellis:  
Cum quidquid præstare potest, vel publicus horror,  
Vel suadet commune malum, tentavimus omnes,  
Quos Patriæ conjunxit amor, conjunxit iniquis  
Religio vexata modis, expulsaque Terris,  
Quin & ab Hesperio pessundata Jura PHILIPPO:  
Indociles tam dura pati, sed vivere ferro,  
Et pariter didicisse mori, quam templa, focosque,  
Nostraque perjuri committere rostra PHILIPPIS,  
Scilicet atroci vapulavit Belgica Monstro, ●  
Tutoris vim passâ sui, perpessaque sævi  
ALBANI furias Ducis; atque experta nefandis  
Corpora supplicij devota, & millia ferro  
Carnificum demissa neci, foedataque stupris  
Barbaricis sacra, & stagnantes sanguine rivos,  
Et prædâ invalidos agros, & coëdibus urbes  
Exhaustas, raptasque nurus, socrusque preemtas,

Et dulces mixto maculatas sanguine Matres  
Heu ! proles , fructûsque sui : glomerataque tandem  
Funera funeribus densis , bonaque omnia tanquam ,  
Ut fera diluvies solet , unomersa profundo.  
Donec fata viam faciunt , & gnava Potentum  
Sedulitas exosa scelus , furiasque PHILIPPI ,  
Asseruit belloque Lares , Mavortiaque arma  
Strinxit , & incolumem spretâ defendere vitâ  
Ausâ fuit Patriam , victricia signa per orbem  
Gestans , & veteri sub Libertate triumphans  
Marani contra rabiem , dum vulnere multo  
Pressus , dejurata sibi sua nomina sentit  
Et sceptra , oppositis jam fractus viribus Hostis.

Hæc pandit nunc cura Viri suprema , laborum  
Materiem complexa sinu , dum dura retexit  
Tempora , fortunasque Ducum ; dum pace vel armis  
Inclyta perpetuis Annalibus acta revolvit.


Quod superest , Ô Vos PROCERES , Patriâq; Parentes ,  
Magnanimi Heroës , quos inter maximus arte  
Consilijisque valens summo SCHELTINGA favore  
Assidet , & rerum fidus Secreta gubernat.  
Cernite , quàm vestris aspirent Numina factis :  
Cernite , quam Patriam nunc prospera cuncta sequantur ,  
Excusso cervice jugo , pulsisque PHILIPPIS :  
Tutaque præsidio Libertas Patria vestro  
Extolli lætetur ovans : spectate labores  
Preclaros meritis , animisque , ut & auguror , æquis  
Accipite hæc vestris Monumenta sacrata trophæis :  
Hoc Opus Historiæ Frisicæ , quod marmora vincet ,  
Manfurum sine fine bonum , cui nulla nocebunt ,  
Aut nocitura suos evertent tempora leges.

IOH. PHOCYLIDES HOLWARDA.

# ALLOQUIUM

A D

## Authorem Celeberrimum.

 Eclo, Cognate, dignus hoc Scripto fugis,  
Ereptus Orbi, quinque bis ævi videns:  
Peracta Lustra, & annos novem, sic homo est  
Inane nomen, fumus, aura, vanitas:  
Solâ superstes mente, quæ cœlum tenet.

L. M. P.

V. R E V I U S, Med. Do<sup>r</sup>

*Nempe tantillum est homo.*

\* \* \* \*

I N



# IN OBITU M

CLARISSIMI *per terrarum orbem* VIRI,

## D. PIERII WINSEMII,

Frisiæ Historiographi, & in Patriâ Acca-  
demiâ Historiarum & Eloquentiæ Professoris;

*Ad Amplissimos D. D. CURATORES.*



HEU! WINSEMII referunt mala nuncia mortem:  
Nuncia Pieridum collachrimanda Choro.  
Huius fata Viri Musarum pulpita plorant:  
Et Themis in pullo conspicienda gemit.

*Quis nunc Eloquentis Franicas mulcebit Athenas?*

*Pulsabit doctam quis, velut ille, lyram?*

WINSEMII occubuit facilis cum funere Vates;

*Et Gravis Orator conditur in tumulo.*

Quàm mirum! semper quo vindice Frisia vivet;

*Vindictam mortis WINSEMIUS patitur.*

Vos, quæis Franagrij commissa est cura Lycæi

*Insignes quatuor Palladis arte Viri;*

Hoc agite! ut viduas scandat dignissimus Arces

*Et par WINSEMIO plectra diserta sonet.*

Sit procul hinc FAVOR, & procul hinc eat improba Pestis

*Ambitio, laurum sola Minerva ferat.*

Eia agite! ut stent firma Dei fundamina magni,

*Et solitis habitet Patria Musa locis.*

Non melius ferro potuisti excindere regnum

*Obversum Christo cor Iuliane fovens;*

Otia quàm sacris indicere segnia ludis,

*Legibus & Patrium dividuare forum.*

Libertas, sincera Fides, & gloria Christi,

*Hec fecit sacras edificare Domus:*

Tolle Scholas, expelle Viros, & supprime Leges;

*Nos premet antiquo Vultur Iberque iugo.*

HÆC olim, scripsique tuo Vir Clare sepulchro,

*Cum mea sub falsis Musa natabat aquis.*

Integer à luctu quia nunc elabitur annus,

*NEUHUSIUS leto succinet ore melos.*

Plaudite Pierij, Parnassi Numina collis!

*Plaudite Castaliæ turba novena fori!*

Plaudite! PIERIUS mundani luminis osor

*Hospes in Aënidum maluit esse Choro;*

Atque ibi divino vobiscum nectare pasci,

*Et facilem tecum, Clio, sonare Lyram;*

Longius ac tristem vitam servare figuram ,  
 Et curis plenos continuare dies.  
 Felix WINSEMI ! qui post tua terga relinquis ,  
 Et rides quæ nos tristia fata premunt.  
 Felix WINSEMI ! cui nunc meliore theatro  
 Quam FRISIAE rostris scribitur Historia.  
 Scilicet hoc nostro vix tutum est scribere sæclo !  
 Difficile est omni posse placere viro.  
 Ille novus , plebi sua qui natalia debet ,  
 Vult sibi prisca dari nomina Nobilium.  
 Si Proavum narras quæ sors , quæ vita manebat ,  
 Non moritura tuas obsidet ira fores.  
 Iste , malis querit conscendere culmen honoris  
 Artibus , Ambitio sola cui pretium.  
 In laudes te accinge viri , sit dignior , ex quo  
 Et Patrum & Patriæ pendeat una Salus.  
 Illum si contra Calami distrinxeris arma ,  
 En ! suprema leves sors jacet ante pedes.  
 Frisonis referes quæ prima potentia Regis ?  
 Quasve sibi tenuit Stauria divitias ?  
 Vel faciles scribes Radbodi ad Tartara gressus ?  
 Inveniet nusquam pagina vestra fidem.  
 Si Satyris , tecto sub nomine , crimina culpes ,  
 Te vocat in crimen conscius ipse sibi.  
 Disce , quod obsequium dubios tibi reddat amicos.  
 Scribere vera , nocet ; scribere falsa , nefas.  
 Felix WINSEMI terrarum exemptæ periclis !  
 Felix præteritis cui vacat urna malis !  
 Fallor ? an in vestros recidit labor iste lacertos  
 KOLDE , Leoninæ cui data cura Scholæ ?  
 I ! sequere ingenio rutilantem lampada Phæbi :  
 WINSEMIUS , famâ non moriente , præit.  
 Invida WINSEMIO quæ scribere Fata negarunt ,  
 Absolvat pensum KOLDIUS Historiæ :  
 Historijs comprênde , potens quæ Roma ruinam  
 Sentiat & Meretrix de Babylone cadat.  
 Quæ Grex Christiadum , iustis satiata Triumphis ,  
 Sub Pace in toto prædicet orbe Deum.  
 Hæc sunt vota tuæ quondam divina Parentis ,  
 Quæ toties templis sunt memorata sacris ;  
 Illa eadem à nostro prædicta & scripta Parente ,  
 Cujus in æternum non morietur Opus.  
 Sit tibi KOLDE , novos unâ gratamur Honores :  
 Et flemus magni funera WINSEMII.

HENR. NEUHUSIUS.

Curæ Frisæ Advocatus.





## L E C T O R I.

**B**enevolus Lector, ut vitia Typographica pro benevolentia sua corrigat, rogat Typographus: Irrepere ob mortem Authoris, absentiam Correctoris & hyemis injuriam, cum Corrector quandoque in loco non esset.

V A L E.

\* \* \* \* 3

# LECTORI

**B**enevolus Lector, ut vi-  
des Typographica pro benevo-  
lentia sua corrigat, rogat Typogra-  
phus: Insuper ob mortem Autho-  
ris, abstantiam Correctoris & hye-  
mis injuriam, cum Corrector quan-  
doque in loco non esset.

V A L E.

\*\*\* 3



Posteritas venerare Virum qui hoc pingitur aere:  
 Ingenium & Virtus hoc meruere Viri.

Ille fuit Doctus, Facilis, Gravis, atq' Divertus,  
 Orator, Vates, Doctor, et Historicus.  
 Qualibet Ans toto vix uni addiscitur aeo:

WINSEMIUS quatuor praevalet Ingenijs.

Os, Oculi, Facies, Sensus, Miracula ponunt:

Fama per Historias non moritura viget.

H. NEYHVSRS. Fris. Advoc.





# P. WINSEMI

# Historiarum

## LIBER PRIMUS.



ORTE Maximiliani Burani Cæsarei per Frictio. Io. Io.  
siam Præfecti, qui ingenti Provinciæ luctu Bru- L v.

xellis anginâ extinctus erat, suffectus à Carolo  
Cæsare Joannes Lignæus Arembergiæ Comes.  
Cuius tristem ac turbulentam Præfecturam sæ-  
vissima bellorum per Belgicam tempestas, mu-  
tatioq; cæcilium animorum subsecuta. Postquam  
enim Carolo Cæsari gravis senectâ, & animus

*Arember-  
gius Frisicæ  
Præfectus.*

tranquillitatis avidus tædia regni, & fluitantium  
per Europam bellorum peperere, destinatumq; Philippo filio (quem  
Anno M. D. XXVII. XII. Kalend. Jun. ex Isabellâ Emanuelis Lusita-  
niæ Regis filiâ Carolus Cæsar susceperat) Belgarum Imperium fuit,  
tum, velut infausto sydere, commoti animi prælagio eventuræ calamita-  
tis fluctuavere. Iudicantibus, ut in tali statu fieri solet, plerisque,  
Philippum Hispaniæ & circumjacentium Regnorum Principem, à  
suo cœlo aut educatione alium, vel potentiâ gravem fore. Alij ve-  
rò novo in successore mitissimam rerum sortem & conditionem intue-  
bantur, validis tum adhuc patrijs legibus, nec adultâ, ut solent, po-  
tentiâ infractis. Ita promiscuè Belgarum gentem spes, metusque agi-  
tabant, donec ille terrarum gentiumque victor, terror Europæ, in  
Asiâ, Africâq; dominator Carolus Cæsar conventu omnium Belgicæ

Ordinum ad XIX. Kalend. Novemb. Bruxellis indicto fidem faceret Anno  
CIO. IO. L v.

placituri in filio Imperij. Se Fato, ac divini numinis ope ad fastigia re-  
rum evectum, sed nunc gravem annis, neque oblitum humanæ for-  
tis melioribus desiderijs agitari. Continuum sibi invaletudinem; nec  
parem molestijs senectam, esse aliquid in principe animo, quod post  
decurrentis ævi legem æterna spectet, ad quæ perveniri non nisi per  
tranquillitatem solitariæ, & nihil molestum versantis vitæ possit. Itaq;  
validis annis plurima bellorum per Europam, Asiam, atq; Africam gessisse,  
ultra Herculis sui columnas, & mare Oceanum, velut destinatum ma-  
gnitudini suæ gyrum circumacta, quorum potissima subsidia à Belgi-  
câ gente accepisset. Inde propensum sui in Provincias animum, qui-  
bus si satisfactum non esset, ut molestum lubricumque tam multa regen-  
di onus est, darent patres veniam imbecillitati suæ, spemq; in Philip-  
po filio Angliæ rege (id enim quod post mortem Mariæ Portugallicæ,  
Mariam Anglorum Reginam matrimonio teneret addi placuit) pone-  
rent,

*Caroli Cæs  
saris Oratio*

cIo. Io. rent, beneficia fidemque Belgici populi, & si quæ sint, paterni principatus deliquia novis virtutibus pensaturo. Quare Cæsar filium monere moderati & clementis Imperij, populumque magnis in Burgundicam Austriamque domum meritis illustrem, è præscripto patriarum legum, ac avitæ libertatis regat. Fore alias, ut sæviore dominatu fidâ, sed bellaci gente commotâ intestinæ in eum partes exsurgant, cum ipsis civilium bellorum initijs terminum occasumque suæ potentiaë habiturum. Quibus stabiliendis valida cani atque augusti vultus majestas erat. Tum Cæsari Gulielmi Nassovij Principis Aurantij humeris innixio lacrymæ fluxerunt, ut creditum fuit, miseratione, aut reverentiâ coeuntium Ordinum, vel paterni erga Belgicam gentem, & natales sibi cunas ( Gandæ enim Flandrorum natus erat ) affectu argumenta. Dein precatus Deum prospera sibi, & successori solio excessit, filiumque in eo collocavit tantarum rerum vivo patre hæredem. Præter Galliam enim Belgicam, quam Oceanus ingens Rhenique flumen, tum Sequanæ fontes, & Vogesi juga claudunt, regna mox Hispaniarum ac Siciliaë, noviterque repertus Indiarum orbis Philippo accessere, translato quoque postmodum, ( ne quid animus Caroli mortale curaret ) in Ferdinandum fratrem majoris Germaniæ Imperio. Ita omne Burgundicæ domus patrimonium, quod casu, & sterilitate principum familiaram in Philippo Bono, post Carolo Audace coaluerat, à morte Mariæ Charlesiæ, quæ Maximiliano Frederici III. Imperatoris filio nupserat, in Philippum Austriam, ac post Carolum Cæsarem, & Philippum filium justâ successione devolutum est. Qui, etsi robustæ ætatis Princeps, veniam imbecillitati orare, ac testari de affectu. Contra Ordines prompta obsequia polliceri, Cæsarique Carolo imprimis grates agere, quod tot nationum in successore filio prospexisset incolumitati. Ut, quia Cæsar ampli & diu gesti Imperij pertæsus quieto otio se dare, ac experiri privatæ vitæ felicitatem constituisset, Provincia Belgicæ conceptam ex habitu Cæsaris ægritudinem successione filij, tanquam justo solatio, levarent. Id sibi gravissimi mœroris non leve remedium, &, si pericula post ingruant, grande munimentum fore. Se interim daturus operam, ut regiæ Majestatis splendor justa sui Principatus subsidia habeat, sentiatque se populum regere Principis sui reverentem. Hæc à Legatis Provinciarum, quæ jam ante Burgundicæ domui paruerant, pulchrâ cum obtestatione fidei, ac integritatis Carolo coram Philippoque dicebantur. Quare Maria gubernatrix Philippo nepote principatum adepto Præfecturâ Provinciarum se abdicavit, Emanueleque Philibertum Sebaldum Philippi consobrinum successorem accepit. Hoc verò solummodò restabat, ut Transihenana Frisiorum ora, ( quam Maximilianus Austrius Cæsar Frisicæ libertatis æmulus pro jure, ut ferebat, Imperij, etsi veriùs prolatandæ Burgundicæ domus potentiaë, in Albertum Saxonem, Saxo in Carolum cessione transfulerat ) eodem Carolo Cæsare adhuc rerum potiunte, & vergentibus sensim ejusdem annis, Burgundicis ditionibus in Philippo filio jungeretur. Itaque Carolus rerum humanarum inconstantiam, & fortunæ ( quæ consilia eius per Germaniam confuderat ) mutabiles, & incertas vires, tum brevitatem mortalis ævi expendens Anno M. D. XLIX. de

CAROLUS  
 imperium  
 transferre in  
 filium.

Philippi &  
 Ordinum  
 Oratio.



maturandâ Philippi filij per Frisiam inauguratione cogitaverat, ac ut ipse humanæ legi obnoxius, confirmato hærede, & successore, minore mentis inquietudine & mortalium rerum curâ terris excederet. Quod factu ijs temporibus arduum, ac difficile non erat. Præterquam enim, quod tanti Cæsaris consilij refragari, tam Imperiosæ, & sublimis potentia fastigium non sinebat, ita hoc maxumè ad exequendam Caroli voluntatem, & concilianda populi ingenia faciebat, quod tot annorum pacem suis Provincijs per externa arma, & illustres victorias peperisset, aureâque velut temporum felicitate florentissimus etiam tum populus uteretur. Quare per omnem Belgicam Philippo filio hærede proclamato, conventuque Ordinum Frisæ Ianuario mense Anno M. D. L. Leovardiæ coacto, Carolus Cæsar Philippum quoque filium hæredem ac successorem ab iisdem Ordinibus renunciari fecerat, tabulasq; huiusmodi, procurante Ioanne Lignæo AreMBERGIO, Frisæ vicinarumque ditionum Præfecto, hac de re impetraverat:

**N**O S Gerardus Wittenius Fosuerdiensium, Gerardus Zutphanienſis, <sup>Tabule de successione Philippi.</sup> Clare-campensium, Gerardus Duingelius, Gerconis Canoby, Henricus Smeinsus Horti Mariæ, Henricus Zutphanienſis Doccomiensium, Præsules; Serapius Hamia Legum Doctor, & Albertus Francisci Consules, ac Delegati Leovardiensium; Petrus Dekema, Eques, pro Ielsumanis, Bortto Wibrandius pro Corniumanis, Feico Tiallengius pro Briksumijs, Gisbertus Gerritius pro Stenanis, Haringus Heringa pro Fintzumanis, & Hiumanis, Goffo Douma, & Martinus Ioannis pro Husumanis, ac Hempenijs, Hero Doconius pro Goutumanis, Geroldus Feytzma, Douwo Sacerdos, & Igo Petreus pro Wirdumanis, Benedictus Renicius pro Leccumanis, Ioannes Buygerius pro Medumanis, Haringus Sytzma Prætor, Ernestus Gostinga, R. Feytzma, Feico Ritskenius pro Ferwerdicis, Olphardus Pastor Tennartius, Feddo Haerda, Sibrandus Edsardius, Worperius Tyessenius, Geroldus Montzma, Worperius Peyma, Sipco Monickhusius, & Bernardus Ioannis pro Dongrijs Occidentatibus; Franciscus Aylva, Saco Ringia, Worperius Ropta Prætor, Andreas Pastor Oestrumanus; Iouco Eßema, & Ieldertus Popkonius pro Orientalibus Dongrijs; Leo Ielgersma, & Leo Harkema pro Octo-Pagicis; Scipio de Meckmans, Tammo Eeus, Folkerus Buvinga, Gaius Folkertius, Tyepco Hesselius Pro-prætor, pro Collumanis; Ioannes Wopconius Prætor, Leo sacerdos Dantumanus, Feio Eysingha, & Feio Iornſma, pro Dantumanis; Gosuinus Petreus Pro-prætor, Iouco Pastor Zuydwoldius, Feio Hemstra, Ado Eysingha, pro Nobilitate, Prior in Bergum; Wopko Suffrideus, Iuco Tennius, Briuchtus Atteius, Gailco Ielcomius, Bonno Bennenius pro Zietzerchijs; Emcko Genckius Prætor, & Arnoldus Oedzius pro Smallingijs; Feddo Sixtinus Ielgersma, Hector Gerritius, Petrus Tetardus, Douwo Pibenius, & Feico Diricius, Prætor, & Delegati pro Idaerderanis; Wibrandus Albada, Pastor Rauwertius, Hector Albada Prætor, Suffridus Regnerius pro Soelanis, Sibrandoburanis, Enguirdijs, Ernſumanis, & Poppingaverijs; Gerbrandus Gulielmus pro Rauwerdys, Vicario & Præbendario; Petrus Ioannis pro Deersumanis, Broertius Hansonius, pro novo Canobio, Leo Mellæus Consul Doccomiensis, omnes Oostergo. Ioannes Buscoducis Abbas in Hemelum, Godefridus Zuollis Antistes Liduma-

cl. Is. nus pro se, Cornelio Pastore Firdgumano, & Cænobio Tiumarumano, Gerbrandus Aysma præpositus Angiumanus, Petrus Purmeranus, Prior Achlemius, Stephanus Eæus, Cellarius Floridi Campi, nomine Præsulis, Petrus Ruardus pro Gerardo Siuckis Priore in Thabor, Iarichus Dekema, & Nicolaus Hanso-nius Iureconsulti pro Franequeranis; Iarichus Dekema, Andreas Waltinga, & Hanso Douwomius pro Territorio Franequerano, D. Horatius Fons, D. Wopko Albada presbyteri, Iulius Botnia, Petrus Walta, Sidsius Sidzii, & Iarichus Tadeus pro Baerderanis; Gerardus Pastor Oosterendius, Siricius Donna Prætor, Ruardus Roorda, Gaius Petreus pro Hemardiis, Adrianus Michaëlius Pro-Prætor, Ielgerus Tierkenius, Sipko Iasperius, Suffridus Tiallesius, & Hero Lollius pro Barranis; Adrianus Michaëlius pro Harlingius, Ioannes Herama Prætor, Uldricus Pastor Fervoldius, Dodo Sixtinus, Martinus Haionius, Ruardus Feitefius, & Sibrandus Tiallengius pro Wonseranis; Epo Petreus, Annas Feddonius, Vibius Tzommerius, & Kempo Gellius, Consules, pro Snecanis; Valerius Herama Iureconsultus, & Pastor Novolandius, Abbaeus Pastor Tyallehusius, Ultricus Oenema, Loingius, Elingus Horatius pro Goingis, Regnerus Hotsemius, Iustus Emius, Auco Heronius, pro Wimbritseris; Pibo Annus, & Gofuinus Haionius pro Bolsuertiis, Ielmerus Ielmerius, pro Hemclumolpherdiis; Saco Wibrandius, & Ulpus Lollius, pro Worcumanis; Titus Suffridæus pro Elostanis; Kempo Doma, Heëtor Hemmema, Haringus Glinzius pro Menaldumanis; Wibrandus Sellingwirtius pro Hindelopijs, omnes Westergoi; Hommius Haersma, pro Slotanis; Hubertus Schoffius Commendator Nessanus, pro me & Cænobio Aelsumano, Focco Iskius Bornensis, Franciscus Tiepkonius, Sicco Pierius, Epo Femmius, pro Haskerijis quinque pagicis; Feddo Pastor Oelanus, Gabinius Andringa, Ferco Intiaus, & Annas Tiærkenius pro Domiwerstalliis; Idsardus Pastor Echtmanus, Christianus Pierius, Annas Emius, & Hanco Meiczzius pro Lemsteranis quinque pagicis; Vibius Pastor Wikelius, Ioannes Ietsonijs, Rinco Sipkonius, Gasparus Hermanni pro Gæsterlandis; Ioannes Luydens Pastor Olbercopius; Ioannes Franck, Prætor, & Christianus Lutgenius pro Stellinguerfijis Orientalibus; Wigerus Pastor Idsartius, Lubbertus Lyclesius Prætor, Folckerus Everardus, & Andreas Sinæus pro Stellinguerfijis Occidentalibus; Eylardus Tyssenius, & Annas Poppius pro Scoterlandis; Gerbrandus Mintiaus Prætor, Hanco Nicolaus, & Tiebbo Sannius pro Enguertiis, Douwo Pastor Leppenhusanus, Focco Teius Prætor, & Vitus Brunius pro Opsteranis. Notum facimus: Quandoquidem Frisæ Ordinibus de voluntate Caroli Cæsaris Domini nostri Clementissimi, placuit Illustrissimum Philippum Principem Hispaniarum, utriusque Sicilia, & Hierosolymæ, Archiducem Austriæ, Ducem Burgundiæ & Brabantie, Comitem Habsburgi, Flandriæ, Hollandiæ, Domini Frisæ, unicum Cæsareæ Majestatis filium, ut verum heredem declarare, ac pro eo, à morte Caroli Patris, in successorem recipiendo fidem iuramentumque interponere, ita nos prædicto nomine & de mandato Ordinum Nobili viro Ioanni Lignæo Comiti Arembergio, Equiti Aurei Velleris, & Cæsareæ Majestatis per Frisiam, Trans-Isulaniam & Gromingam Præsæcto, iurandum fecimus hoc modo:

Nos Delegati Præsulum, Religiosorum, Nobilium, Oppidorum, Proprietariorumque Frisæ, fidem facimus nos Carolo Cæsare (cui Deus longam salutemque vitam largiatur) humanis exempto Illustrissimo Duci, & Domino Philip-



Philippo Principi Hispaniarum &c. Domino Frisiae, Caesareae Majestatis unico filio, c1a. Is. & heredi, tum heredibus, posterisque eius, ut veris hereditariisque Frisiae L. V. Dominis fideles subditos fore, Praefectisque, Praesidibus, Senatoribus & Officialibus obsecuturos, neque facturos quidquam, quod Principi, heredibus eius, Praefectis, Reftoribus, Praesidibus, & Officialibus, quoad jura Principis, contrarium, atque adversum sit. Pollicemur ea propter si quid tale contingat nos id vulgatueros Praefectis, Praesidi, & Senatoribus, omniaque facturos, ad quae fideles subditi vero & hereditario Domino praestanda teneri solent. Ita Nos Deus adjuvet, & omnes Sancti. Et quoniam iurjurandum, quod praestitimus ratum efficaxque esse volumus, ita nos praedicti rogavimus Ioannem de Busco-Ducis Abbatem in Hemelum, Iarichum Dekema Oldermannum civitatis Franequeranae, Ioannem Buygerium, Praetorem Territorij Leovardienfis, Iure-Consultos, ut sigillis, & subscriptione sua muniant. Et nos Delegati oppidanorum potestatem fecimus Serapio Hania Iure Consulto, & Consuli civitatis Leovardienfis, sua manu subscribendi, sigilloq; praedictae civitatis roborandi. Quod nos Ioannes de Busco-Ducis, Iarichus Dekema, Ioannes Buygerius, & Serapius Hania fieri curavimus. Leovardiae xviij. die Ianuarij, Anno salutis M. D. L.

Tum Philippi nomine reciprocum juramentum à Ioanne Lignæo Aremergio dictum hoc modo.

**N**os Ioannes Lignæus Comes Aremergiae, &c. Frisiae, Trans-Isulaniae, Insul-jurand-  
& Groningae Praefectus, de speciali mandato Illustrissimi Philippi Prin-  
cipis Hispaniarum, Domini Frisiae; Notum facimus hisce litteris; <sup>ium Comi-  
tis Aremer-  
giae.</sup>  
Quia Ordinibus Frisiae visum est assentiri petitioni Caroli Caesaris Domini nostri clementissimi & Philippum Caroli Caesaris unicum heredem, in futurum, hereditarium Frisiae Dominum & successorem, Caroli Caesaris nuncupare, & declarare, eiusq; rei hoc die nobis ab ipsam Ordinibus facta solemnitas sunt, ita nos de mandato Principis Philippi reciproce juramentum diximus hoc modo:  
Nos Ioannes Lignæus Comes Aremergiae, & Eques Aurei Velleris, Praefectus generalis Caesareae Majestatis per Frisiam, Trans-Isulaniam, & Groningam, nomine & de speciali mandato Illustrissimi Principis Philippi Principis Hispaniarum, utriusque Siciliae & Hierosolymae, Archiducis Austriae, Ducis Burgundiae & Brabantiae, Comitum Habsburgi, Flandriae, & Hollandiae, Domini Frisiae, juramus ac fidem facimus, Illustrissimum Principem Philippum, Carolo Caesare (cuius vitam Deus prorogare dignetur) vita defuncto, Frisiam ut Dominum Hereditarium decet iuste & decenter recturum, Matrem Ecclesiam, Religiosos, Viduas, Pupillos, tum Equestrem Ordinem, Dominos, Nobiles, Oppida & Agros defensurum, neque deserturum, daturumque operam ut eorum pacta, privilegia, immunitates, consuetudines & jura, primum ab Illustrissimo Saxoniae Duce Georgio, dein Caesarea Majestate Anno millesimo quingentesimo decimo quinto concessa, confirmataque, integra maneant, & serventur, omnesque subditi & incolae Frisiae clementer habeantur, prout ab hereditario Domino & Principe fieri equum est. Ita nos Deus adjuvet, & omnes Sancti. Et quia hoc modo res confecta est, ita nos has litteras manu nostra signavimus, & nostro sigillo munimus. Datum Leovardiae, xviii. die Ianuar. Anno M. D. L.



clo. lo. Quas tabulas ut accepto pridie Burgundicarum ditionum principatu  
l v. confirmaret Philippus, evocatis ad se in atrium, quod regio ornatu  
instructum pellucebat, Frisiorum qui Flevum inter Lavicamque flu-  
mina colunt, Legatis, in eodem folio desedit, repetitoque paterni  
consilij secreto hunc in modum eos adlocutus est:

Philippi  
Oratio.

*Posteaquam Carolo Cesari patri meo certis de causis, (quarum rationes he-  
sterno die in Conventu omnium Belgicæ Ordinum vobis etiam presentibus expo-  
suit) visum fuit, dimissâ Principatus curâ, Belgicæ provincias, quas à ma-  
joribus longâ traditione acceperat, in me filium transferre, ita paternæ vo-  
luntati morem gessi, arduumque illud regendi onus in me recepi. Quapropter  
ut Principatum sumpsisse videar, qui obtestatione sanctissimi numinis firmetur,  
ac de libertate vestrà, Patrioque jure non delibet, hac juris-jurandi formulâ  
me adstringo:*

Iusjuran-  
dum Phi-  
lippi.

**E**GO PHILIPPUS, Dei gratia Rex  
Angliæ, Franciæ, Neapolis, &c. Princeps Hi-  
spaniarum; Archidux Austriæ; Dux Burgundiæ,  
Lotharingiæ, Brabantia, Limburgi, Luxem-  
burgi, Gelriæ, & Mediolani; Comes Habspur-  
gi, Flandriæ, Artesiæ, Burgundiæ, Palatinus  
Hannoniæ, Hollandiæ, Zelandiæ, Namurci, &  
Zutphaniæ, Princeps Sueviæ, Marchio Sacri Im-  
perij, Dominus Frisiæ, Salinarum, Mechliniæ,  
Civitatis, Oppidorum & Territorij Trajectensis,  
Transisulaniæ, Groningæ, &c. Promitto & ju-  
ro vobis Deputatis Terrarum & Oppidorum Fri-  
siæ, ab iisdem Mandatum & Procuracionem ha-  
bentibus, & specialiter ad hoc authorisatis, quod  
facta nobis cessione per Sacratissimum Domi-  
num & Patrem nostrum Carolum, eius nomi-  
nis Quintum, Romanorum Imperatorem, de o-  
mnibus terris suis inferioris Germaniæ, & nomi-  
natim Dominio Frisiæ, inviolabiliter observan-  
da, ita observari faciam omnia & singula quæ  
mense Ianuario Anno millesimo quingentesi-  
mo quinquagesimo Comes de Aremberga Gu-  
ber-

bernator locum tenens Frisiæ, ex nostro mandato & nomine, cum in dicta Frisia in futurum Dominum & Principem, post dicti Domini Patris nostri decessum, reciperemur, tam generaliter quam particulariter communi terræ, Provinciæ, Oppidis & Subditis eiusdem Frisiæ promisit & iuravit, & ad quæ virtute iuramenti tunc præstiti post obitum dicti Domini Patris nostri tenerer, & obligarer, cum confirmatione Privilegiorum & Tractatum, à Ducibus Saxonie, & Cæsarea Majestate obtentorum, & quod omnia alia faciam, ad quæ bonus iustus Princeps ac Dominus fidelibus Subditis suis tenetur. Ita me Deus adjuvet, & omnes Sancti eius.

*Et quoniam Isbrandus Antistes Lidlumanus, Sixtus Dekema Eques, Aggeus Albada Cæsarei per Frisiam Senatores, Schelto Lyauckama, Gemma Burmania, pro Nobilitate, Tzomerus Vibenius, Oldermannus Snecensium, Iacobus Sibrandius Leovardiensium, & Regnerus Annus Bolsuerdiensium Consules, Delegati omnes Agrorum, Oppidorumque Frisie, adstantibus Viglio Zuichemo Equite, Præsede Secreti Senatus, Reinoldo à Burmania Equite, Satrapa Coverdiensi & per Drentiam, Christophoro Sternzee, Satrapa Harlingensi, & Renico Camminga, præsente Ioanne Linaeo Equite nostri Ordinis, & Generali Frisie, Trans-IJslandia, Groningæ, & ditionis Lingæ Præsecto, iurandum fecere hac formâ:*

**Q**uandoquidem nos Deputati & alij supra dicti, qui presentes fuimus, <sup>Iusjuran-</sup>Carolo Cæsare clementissimo Domino nostro in Illustrissimum Philippum <sup>dum Ordinum Frisic</sup> filium, Regem Angliæ, & hereditarium Dominum ac Principem, & hic præsentem patrimonium ceterasq; Ditiones Belgicas, & Dominium Frisie transferente, Illustrissimusq; Philippus, hereditarius Dominus noster, iuramento se obstrinxit, se ea omnia quæ tempore inaugurationis XVIII. Ianuarij M. D. L. per Aremergiæ Comitem, Præsectum Frisie, promissa & confirmata iuramento sunt, tam generaliter, quam particulariter servaturum, prout Majestas regia post obitum Caroli patris tenebatur, & quidem eâ lege ac conditione ut è præscripto mandatorum nostrorum ius-jurandum quoque Regie majestati diceremus: Ita fidem facimus, & juramus nomine Agrorum ac Oppidorum Frisie, Nos prædicto Regi fideles subditos fore, servaturosque ea omnia quæ tempore Inaugurationis nos facturos promissimus, & in quæ post decessum Caroli obligati eramus; Ita Deus nos adjuvet, & omnes Sancti. Propterea Nos Philippus ex Formula iuramenti à Nobis præstiti confirmavimus, & confirmamus eorum privilegia, & conventiones cum Saxonie Principe & Cæsarea Ma-

clō. Io. *testate per Agrarios Oppidanosq; imitas, salvo tamen cuiusque jure. In quo-*  
 L v. *rum fidem, & testimonium, & ad petitionem Deputatorum has perscribi man-*  
*davimus, ac nostra manu ac Cæsareo sigillo, quo nos utimur, roborari fecimus.*  
*Datum Bruxellis xxvi. Octobris, Anno Domini millesimo, quingentesimo,*  
*quinquagesimo quinto. Subscript.*

P H I L I P P U S.

*Et ad mandatum Regis*

D. O V E R L O P E.

## H Æ C T A B U L Æ.

Quæ etsi populo Frisco speciosæ viderentur, sive odio factionum, quæ ante Saxonum tempora exarserant, sive quod Caroli Cæsaris Saxonumq; memoriam innovarent, tamen sive gentis errore, aut in Philippum fiduciâ factum est, ut omissis aliorum Principum, qui à Francorum ætate hanc gentem nobilitaverant, tabulis, Romanorum Imperatorum diplomata vetustissimæ libertatis simulachra, & simul munimenta præterirentur. Quæ res Philippo occasionem licentiosioris imperij, nobis foedioris servitij, ac ultimæ rerum patientiæ dedit. Invenio in litteris secretioribus xvii. Octob. Bruxellis datis, Frisios ad Cæsarem Carolum, Bruxellis tum agentem, Renicum Cammingha, & Petrum Ruartium Ic. stabilendis patriæ suæ privilegijs tum ablegasse, impeditoq; ob instantia transferendi imperij solemnia Cæsare inritos voti Bruxellis hæsisse. Magnam quoq;, præter Cliviæ Ducem, Episcopum Osnaburgensem, Aurei que Velleris equites procerum frequentiam è Germaniâ, Hispaniâ & Galliâ Belgicâ convenisse, eosq; in ipso apparatu magnam rerum mutationem ex futurâ imperij cessione formidasse. Frisios quoq;, etsi omnia præparante Viglio secreti Senatus Præsides, tardiores in mittendis legatis fuisse, istamq; cunctationem, veluti taciti metus interpretem, sinistre ab aulicis acceptam. Traditum memoriæ est Frisiorum Legatos stantes & erectos, velut tacitâ utrinq; libertatis agnitione, Philippo Sacramentum dixisse, reliquarumque Provinciarum legatos, quas hæreditario jure Philippus tenebat, inclinato genu solemnia homagij recitavisse. Quæ ex magnâ domo & nobilissimi viri, qui actioni interfuit, ore profecta inferenda annalibus duxi, quo opera mea læturis innotesceret, Frisiæ gentem præ cæteris magnâ libertatis prærogativâ valuisse.

Itaq; peractis solemnibus, Frisiæq; Ditionibus è jure tabularum conventionumque, quas memoravi, in Philippum à Carolo Cæsare devolutis, Legati in Frisiam regressi. Tum Novembri mense Senatus per Frisiam regius (qui à Carolo Cæsare dicundi administrandi; juris potestatem acceperat) à Philippo confirmatus, adactique ad sacramentum novi Principis Hippolytus Persinius, Præsides, Jacobus Rouffellius, Petrus Dekama Eques, Upco Burmania, Ioannes Rommarius, Iulius Gelius Fisci Regij Procurator, Adrianus Vastartius, Antonius Lavailius, Alexius Gelius, Sixtus Dekama Eques, Aggaus Albada, & Valerius Ockingha Iure-Consulti, cum Godefrido Duverno Graphiario. Post, quod Caroli Principis ætate divisâ in factiones,

&c

Senatus  
 Philippi  
 constitutus.



& non nisi Saxonum, Geldri, ac Burgundi, armis fatigata gens c. 10. 10. perfecerat, Magistratus quoque reliqui ius-jurandum homagij Philippo L. V. dixere, Philippusq; ut ante Anno M. D. L. filius ac hæres Caroli, ita hoc tempore successor nulla adhuc aut exili animorum dissensione per Frisiam renunciatus est. Hoc ut fieret, celebratum à Philippo aurei Velleris festum, & in istam societatem (quam ducentis abhinc annis ut munimentum imperij & concordiae Philippus Burgundio instituerat) Principes adsciti, tum theatralium ludorum, & recentis magnificentiae imago provincialium animos impellebant. Ad hæc Caroli patris in Philippum fidele monitum, & magni Cæsaris lachrymæ precesq; in ipso Patrum confessu fusæ, tum ceremonijs pactisq; conventis advocatum numen, velut adhuc intuentibus, percipientibusque, obversabantur. Vulgum verò novi, ut fieri solet, Imperij dulcedo (ac si illud libertati gentis parum derogaret) tum vernantes Principis anni, & gerendis bello paceque rebus habiles, universos, ut & Carolum Cæsarem, conciliatum per Mariæ nuptias Anglicum foedus securitate atq; fiduciâ implebant. Eo namque inter cætera cautum erat, ut Philippus ex Maria primogenito cum patrij, aviritque regni, tum universæ quoq; Belgicæ hæreditas obveniret, pactorumque dotantium ratione æterna ac inviolata Anglicæ Belgicæque gentium foedera haberentur.

Cæterum ut res humanæ ultrò fluxæ ac instabiles sunt, ita novam rerum foelicitatem velut cæcâ vertigine omnia rotantis fortunæ adversitas excepit. Philippus namque sive ut principatum suum (cuius solemnities proximo mense celebraverat) Romanorum Pontificum Imperijs assimilaret, sive ut suspectam, quam plurimum regnantibus, populi libertatem, ipsâ teneritudine rerum, specioso adhuc Principatus sui exordio, perverteret, vulgato circa medium Decembrem Inquisitionis Edicto, Ordinum populiq; spes non parum obturbavit. Ita-que prioris fiduciæ, ut mobiles ad deteriora mortalium animi sunt, vis repente conversa, actæque ante quinquennium admirandæ solemnitatis memoria percussis animis se intorsit. Tum quippe certam spem futuri Principatus Philippo factam recordabantur, jactoque, simul cum Philippi imperio novæ servitutis fundamine primos Inquisitores per Carolum Cæsarem in Frisiam missos quinq; jam annorum insolentem dominatum exercuisse. Quare sagaciores nihil aliud sperari potuisse tum primum innuebant, quam ut post ordinatas cæptando Concilio (quod Paulus III. Pontifex consulto Carolo Cæsare Tridenti indixerat) per Frisiam mense Julio, Anno c. 10. 10. XLVI. supplicationes, ejusdem Concilij decreta, eodem Carolo adhuc rerum potiunte per Frisiam cæterasq; Provincias invalescerent, premendisq; conscientijs, & accidendæ Principum potestati repertum imperium Frisicæ quoque libertati contra datam à Cæsare fidem intorqueretur. Quod etsi edicto Anni c. 10. 10. L. coercendis Anabaptistarum furoribus, Carolus Cæsar adumbrasset, ita arguebant Carolum Cæsarem, & Mariam Gu-bernatricem, promiscuè edicti legem in eos quoque strinxisse, qui caligine istorum temporum, & fædissimis cleri moribus offensi alio cultu adorandum numen, quærendumq; æternæ salutis mysterium arbitrabantur. Exindè namq; Anno c. 10. 10. LIII. Hyppolytum Per-

*Inquisi-  
tionis Edi-  
ctum vul-  
gatur.*

cIo. Io. LV. nium Regij per Frisiam Senatus præsidem, solenni Ordinum Frisiæ conventu ad IV. Eid. Ianuar. Leovardix indicto; multâ acerbitate & vehementi oratione nomine Caroli Cæsaris à Romanâ Ecclesiâ defectoribus atroces ex edictis poenas comminatum, Prætoribusq; , ut & Magistratibus, severioris per Frisiam Imperij præscriptum demandasse. Tum Hermannum quoque Letmatium, & Franciscum Sonnum, Inquisitores Frisicæ genti datos, rescriptoq; Mariæ Gubernatricis, (quod xvi. Kal. Sept. Anno cIo. Io. LV. transmiserat) novâ potestate auctos observandis Provincialium actionibus consilijque præfuisse. Itaq; criminabantur Carolum Cæsarem moderatum ante, & juris antiqui reverentem, procurato successore filio, & adulta potestate novis rebus se dedisse, Philippumque beneficio Frisicæ gentis anticipatum imperium (quod ei Ordines non nisi expletâ per Carolum mortalitate depacti erant) vivo patre, contra receptum regnantibus morem, quorum lenissimi primo dominatus esse solent, iisdem auspicijs & ferè prioribus ordiri. Quâ de causa, quoque factum existimo, ut honorarium sexaginta millium aureorum, quod intra sexennium Carolo Cæsari se datures Ordines Frisiæ promiserant, non nisi recuperatis majorum immunitatibus, & patrio jure restituto, per abolitas intra annum conventiones ut libertati adversas, ita potentiâ regnantium, aut adulatione temporum introductas, se soluturos caverent, solemnesque eâ de re tabulæ approbante Carolo Cæsare, ac Mariâ Gubernatrice, etsi, ut creditum fuit, invitâ, velut in gratiam læsi offensique populi Prid. Non. Iul. Anno cIo. Io. LV. conscriberentur.

cIo. Io. LVI. Unde etiam factum est ut Anno LVI. præside Senatusque regio secundam honorarij pensionem exigente Frisij eidem Senatui hunc in modum responderint:

*Inter Carolum Cæsarem & nos ante biennium procurante Arembergio Frisiæ Præfecto conventum est, ut sexaginta aureorum millia titulo Honorarij (rogas vocabant) intra sexennium justis pensionibus Carolus Cæsar acciperet. Hac tamen cautione interpositâ, ut si quid legibus nostris atq; Privilegijs adversum, durante Caroli imperio, actum foret, id omne intra breve tempus, & quidem ante unius anni effluxum per Delegatos Cæsaris rescinderetur. Quâ pactione nos etiam cavimus, ut priusquam secunda pensio à Cæsare exigi posset, postulatis nostris, quæ ante biennium Cæsari exhibuimus, benigne & ex patrio jure responderetur. Cæterum quoniam Philippo Caroli patris successori placuit legatos nostros ad Præsidentem Senatumque regium remittere, quo quadam postulata in iudicio disceptarentur, quibusdam Philippus ipse rescriberet, ita censent Delegati nostri conventioni Carolo cum Cæsare inite satisfactum non esse. Et quoniam Senatus regius secunda pensionis solutionem præstari sibi petiit, ita protestamur exactionem illam frustraneam & irritam esse, nullogue jure subnixam; facimusq; copiam notarijs nostris Nicolao Clewinghio & Gualthero Coquillano qui hanc protestationem Regio procuratori exhibeant. Datum vi. Eid. Ian. cIo. Io. LVI.*

Hoc modo dubijs Philippi subditorumq; animis, & lubricâ fide prima etiam principatus tempora fluebant, donec crescente Inquisitorum insolentiâ, contemptu ac detestatione tam enormis Imperij, magis magisque nexus infaelicis concordix laxaretur. Quare Philippus, ne prima



# Historiarum Lib. I.

II

prima Principatus sui infantia Frisiorum animos à se alienaret, ex lit-  
teris Leovardiae xii. Kalend. Martij autore, prout deprehendo, Re-  
gio Senatu, datis, de attemperanda mox Inquisitorum potestate co-  
gitavit, demulcendisq; offensis mentibus, Edictum tale in Frisiam misit.

**Q**uamvis ad præcavendas hæreses, & errores adversus Christianam fi-  
dem in his Belgicæ provincijs exortos plurima Edicta facta, ac vul-  
gata fuere, pœnaque isti rei decreta detertere animos hominum de-  
buisse, quo minus in ysdem erroribus perseverarent, ita deprehendo  
magnum pravis opinionibus incrementum per Frisiam accedere, cum quod è vi-  
cinis locis illa contagio luesque proserpat, tum quod simplicissimi, innocentissi-  
mique ope seductorum corrumpantur inquinenturque. Et quia plurimæ difficul-  
tates super puniendis per Frisiam pro rigore Edictorum hæreticis ex hac cau-  
sa emanant, quod Georgius Scencus Teutoburgius, nuper provincia istius  
Præfectus, in confessu regij Senatus fidem fecisset, Carolum Casarem patrem  
meum super hoc consultum singulari clementia indulgisse, veniamque eidem Se-  
natui fecisse, quâ Edictorum asperitati temperamentum reperiret, judica-  
retque pro qualitate rerum personarumque conscientia magis normâ, quam  
pro scripti juris rigore. Ea propter perspectis visitatisque actis, quæ miti-  
gandis corrigendisq; Edictis perscripta erant, de consilio Senatus statui  
atque ordinavi: Ut ij, qui simplicitate suâ aut persuasione aliorum, ab Ec-  
clesiâ desciverunt, continententes sacramenta, interrogatique de articulis fidei  
sua, non respondent prout veros Christianos decebat, ceterum ut hæretici & con-  
tra doctrinam Ecclesiæ sentientes, nisi intra ternum decimum quartum diem to-  
ties moniti resipuerint, & ad communionem Ecclesiæ redierint, factâ errorum  
suorum confessione sine morâ puniantur pro rigore Edictorum. Illi vero qui præ-  
missis admonitionibus, intra illud tempus resipuerunt, redieruntque ad Ecclesiam  
damnantes errores suos, arbitrariâ à Senatu ( qui hoc modo ex Edictis judi-  
care non tenebitur ) pœna corrigantur, ceterum hac lege & conditione nisi re-  
lapsi in hæreses, neque illarum Doctores fuerint, quibus id beneficij nequaquam  
dabitur. Quod ad eos verò attinet, qui errore seducti non baptizari liberos  
suos fecerunt, aut baptizari vetuerunt, vetabuntque, illi, & si hac de re con-  
victi fuerint, & si prima, secunda, aut tertiâ admonitione emendaverint se, ac  
pœnitentiam egerint, oblata abjuratone errorum suorum, arbitraria pœna cor-  
rigentur, sin vero persistant etiam admoniti, à Senatu meo è formula Edicto-  
rum igne punientur, non requisita Inquisitorum sententia. Quapropter Sena-  
tui meo per Frisiam mando, ut sine ulla tergiversatione ea exequatur, quæ con-  
stitutum, ac quæ publicè expedire judicavi. Datum Bruxellis ii. Non. Martij,  
Anno Domini millesimo quingentesimo, quinquagesimo sexto. Signatum

Edictum  
Philippi.

PHILIPPUS.

Et ad mandatum Regis

D. OVERLOPE.

Tum ut diversitati religionum, & simul asperitati publicorum ju-  
dicio subveniret Philippus Georgium Egmondanum Præsulem Ul-  
trajectinum, (cuius Ecclesiasticæ jurisdictioni clerus tum per Frisiam  
parebat) Bruxellas evocavit, deque mittendo in Frisiam Legato Sedis

Legatus Se-  
dis in Fris-  
iam missus.



c15. 15. decretum fecit. Pensionem quoque ei ex ærario sacro, tum etiam suo  
 L V I. assignavit, Ioannemq; Lignæum Arembergium secretis hac de re mandatis instructum in Frisiam præmisit. Iis verò maxumè caverat Philippus, ut fœdis abominandisque monachorum sacerdotumque moribus asperius remedium ordinaretur, descendentiumq; ab Ecclesia dignitates, & sacerdotia, adstricti moris vitæque cultoribus & incorruptam religionem professis, interpositâ Præsulum autoritate, conferrentur. Itaque Arembergius evocatos ad se antistites sui officij serio commonefecit, evilescentisque divini cultus restaurationem imperavit. Litteræ Philippi hac de re ad Senatum regium VII. Eid. Mart. datæ. Mox  
 Cometa visus. eodem Martio mense dirus Cometes exarsit, aucto adhuc animorum metu tristi illo prodigio imminuentium rerum funesta initia signari. Carolum quoque Cæsarem conspecto crinito inusitatoque sydere illud præsagium suis extremis, tanquam instantibus, applicasse Guiciardinus tradit, animumq; magni Cæsaris jam ante inclinantis vitæ sollicitudine occupatum, majoribus privatæ fortunæ desiderijs exarsisse. Cornelius Gemma magni Gemmæ Frisij filius celeberrimus illius temporis Mathematicus easdem fere, (cum de Carolo Cæsare non pronuntiet) criniti syderis præsignificationes tradit, additque quarto post anno, dein septimo, nono, & undecimo, tempestatis futuræ, quæ tum adhuc latebant, femina, velut per Criticas indicationes toti Europæ, & imprimis Belgicæ populo aperuisse. Itaque Carolus instructâ Liburnicarum classe mense Septembri Zelandico portu solvit, unaq; cum Eleonorâ, & Maria sororibus in desideratam diu Hispaniam navigavit, Cenobioque D. Iusti se clausit. Scribit Strada Carolum Cæsarem, velut desiderio veteris potentiae retractum, translatis in filium imperij poenitentiam egisse, fastidioq; privatæ vitæ ductum imminutam antiquæ majestatis venerationem, obvelatâ tamen animi ægritudine, dissimulasse. Certe credibile est tantum Principem, qui ex secundarum rerum continuo fluxu fortunam velut in potestate habuerat, tantâ ex vitæ mutatione, quam brevem fore prænovarat, quadam generosæ mentis concussione affectum fuisse, comparationeq; temporum institutâ, amissum vetus imperium loco indecentis recentisque servitij habuisse. Tradit Demetrius Mariam Philippi amitam, ut non æquâ mente Præfecturâ Provinciarum defunctam, ita clam renitentem Carolum fratrem in Hispaniam secutam, quod calidioris cæli inclementiam, quæ causa mortis post fuisse creditur, dubiæ per annos valetudini, & temperamento infirmi corporis obtenderet. Eam ipsam quoq; Mariam velut ab Hispanicæ, (quæ sensim in Belgicam immigrabat) gentis superbis consilijs abhorreret supremo conloquio, Belgicæ nobilitatis fidem tanquam grande stabiliendi imperij secretum Philippo commendasse, vocemq;, si pondus habuisset, publicæ rerum tranquillitati, & tot gentium sanguini profuturam veridico oraculo elocutam. Cæterum Philippi animus suæ magnitudinis, & potentiae immodicus, libertatis verò Belgicæ & iniquus æstimator, alijs tum imperij arbitris utebatur. Quorum suasu hoc etiam factum est, ut vivo adhuc & agenti in Belgicâ Cæsari, quod alias exempto humanis fieri consuevit, religio, & veluti consecratio decerneretur, Philippusq; Caroli patris de Religione rescripta, & præsertim

# Historiarum Lib. I. 13

Edictum (quod Anno c15. 10. l. ex decreto Concilij Tridentini conceperat) solenni Edicto x 11. Septemb. confirmaret. c15. 13. l v i.

Edictum Caroli istiusmodi erat.

**Q**uoniam id operam semper dedi ut meos intra fines antiqua & vera religio servaretur, etsi totus in hoc semper fui, ut qui multis nunc annis disseminati sunt per orbem Christianum errores, hereses atque sectæ funditus tollerentur, licet hoc nomine vana subinde proposui Edicta, gravissimamq; penas, tamen magno cum animi dolore accepi, non meæ solum Ditionis homines, verum exteros etiam qui nostris in Provincijs habitant atque negotiantur, huius mali contagionem longè latèq; in promiscuam multitudinem diffundere, sic ut planè sit opus acrem aliquam adhibere medicinam, & in fontes diligenter inquirere, ut ea pestis extirpetur radicitus, quemadmodum in postremis Provinciarum conventibus Praefectos & Ordines admonui, ut pro se quisque diligenter in hanc curam incumberent & in veteri atque Catholica Religione permanerent, praesertim cum sit omnium oculis expositum, quas turbas atq; seditiones in vicinis populis excitaret ea labe, ut interim de salutis & animarum dispendio nihil dicam. Itaque de consilio charissimæ sororis germanæ, & reliquorum procerum, novam hanc legem fero, & simul edico. Primum, ne quis omnium quicumque ille sit domi habeat, emat, aut distribuat, Lutheri, Oecolampadij, Zuinglij, Bucerij, Calvinij, & quoscunque tandem libros editos annis abhinc triginta incertis autoribus, ut amplius in Theologorum Lovaniensium Catalogo continetur. Item ne quis ullam habeat picturam atq; imaginem fictam in ludibrium Divæ Virginis, atque Sanctorum, neve deiciat, aut infringat ullam imaginem in honorem alicuius Divi depictam; Ne quis domum suam occultis conventibus aperiat, in quibus & disseminari solent errores & homines rebaptizari, & conspirationes in Ecclesiam atque Rempublicam fieri. Ne quis de S. Scripturâ maxumè de rebus dubijs, atque difficilibus privatim aut publicè disputet, aut eius interpretationem sibi sumat, nisi sit Theologus, qui probatæ alicuius Academiæ testimonium habeat, qui secus fecerint punientur ut seditiosi, & publicæ tranquillitatis perturbatores, ac viri quidem gladio ferientur, femina autem in terram defodientur, si quidem ab errore desistant; si verò pertinaces erunt, exurentur, publicatis illorum bonis utrumcunque luant supplicium. Ad hæc testamenti faciendi potestatem nullam habebunt, & quicquid eius rei fecerint, à quo primum tempore hanc legem nostram violare ceperunt, irritum esse iubeo. Præterea ne quis hospitium præbeat, aut ullâ re subveniat ijs, quos de heresi novit suspectos, mando, verum denunciât statim Inquisitori, vel loci Praefecto subiturus pœnam nisi faciat. Qui non malitiâ nec obstinatione, sed per infirmitatem lapsi fuerint in heresin, & errorem, neque tamen in hanc nostram legem commiserint, nec seditiose quid fecerint & sponte redierint ad sanitatem, & abjuratone factâ recepti fuerint in gratiam, nullum posthac sermonem inter se conferant de rebus ad fidem ac religionem pertinentibus, alioqui plectentur ut in crimen relapsi. Qui non convictus quidem sed admodum suspectus de heresi damnatus fuerit, ut vel publicè satisfaciât, & idem post accusetur hereseos, multabitur ut in crimen relapsus. Iis, qui sunt hereseos, & id genus criminum maculâ polluti, licet in gratiam recepti fuerint, nullus honos, nullum munus publicum, nulla dignitas communicabitur. Nisi testimonium quis adferat ab Ecclesiæ ministro eius loci, ubi vixit postremo, non permittatur ei domi-

Edictum  
Caroli à  
Philippo  
confirmâ-  
tur.



cIo. Io. micilium, vel habitatio, nam ejusmodi pro suspectis haberi debent. Præfetti  
 LV I. locorum, & reliqui nostri Beneficiarij, diligenter inquirent in eos, qui legem  
 hanc violabunt, sed & Inquisitoribus, Iudicibusq; Ecclesiasticis opem ferant,  
 ut in quibus culpa residebit, comprehensi penam luant, juxta formulam quam  
 Inquisitoribus præscripsi, nisi faciant, arbitrio nostro luent. Procurator etiam  
 publicus cognoscat, an suum illi munus faciant, & si negligentiam in ijs de-  
 prehendet, in judicium venire jubeat, & si deliquisse apparebit, Magistratus  
 illis abrogetur, aut alia, quæ videbitur, pœna constituitur. Episcopi præ-  
 terea, & Archi-Diaconi, & Abbates, & in genus alij proceres investigent  
 omni studio, si quis ordinis Ecclesiastici sit infectus eo morbo, & severè vindi-  
 cent. Qui contaminatum aliquem hac peste norunt, vel quibus locis commo-  
 rentur, & delitescant heretici compertum habent, ilico deserant, nisi faciant,  
 eandem, quam illi, penam luent. Delator, si modo non vana accusatio fue-  
 rit, dimidiam partem bonorum illius consequetur, si quidem bona sexcentos au-  
 reos non excedent, nam quicquid erit supra hanc summam, eius decima pars  
 illi decidetur. Qui conventus occultos Inquisitori detegit, etiamsi cum illis  
 contulit, non plectetur, modo & de religione bene sentiat, & in po-  
 sterum abstineat, sed qui remotus ab eorum societate deferet, præmium con-  
 sequetur, ut supra dictum est. Pœna, quas constituimus, irrogentur tales om-  
 nino, neque sit in ullius potestate illas vel mutare, vel mitigare, quod sæpe factum  
 esse intelligo. Nam qui Iudices in eo delinquent, non ferent impune. Qui de  
 heresi accusati, & in jus vocati profugerunt, ac postea proscripti sunt, ubi de  
 socijs criminum jam mortuis acceperunt, supplicare solent, ut ad purgatio-  
 nem admittantur, quandoquidem probari crimen amplius non posse putant, eo-  
 que fit, ut reversi falsam doctrinam & errores iterum diffundant, id verò ne  
 fiat, publice interest. Itaq; mando, ne locus ullus detur ipsorum postulatis,  
 verum, ut omnes, qui citati non comparuerunt, sed fugâ salutem quaere-  
 runt, habeantur pro convictis atq; damnatis. Qui pro suspectis & fugitivis,  
 & proscriptis, & Anabaptistis intercedunt, habeantur pro fautoribus hereti-  
 corum. Iudices autem & Præfetti neminem ex illis in gratiam recipiant, nec  
 vel meo, vel sororis germanæ permissu. Qui secus agent, ijs abrogabitur  
 Præfectura. Librarij nihil excudant, nihil divendant, aut distrabant rei  
 sacræ, nisi de voluntate & consilio eorum, quibus hæc erit demandata cura,  
 si quid etiam ipsorum operæ in eo deliquerint, ipsi præstabunt. Et quia Ca-  
 talogus extat librorum, quos Academia Lovaniensis rejecit, Library in suis  
 tabernis eum habeant suspensum, & ob oculos positum, ne post ignorantiam  
 obducant vel ipsi, vel emptores, dein alterum habeant librorum suorum Ca-  
 talogum. Qui non parebit, 100. aureis mulctetur. Pueros etiam eruden-  
 dos nemo suscipiat, nisi permissu Magistratus, & præcipui Ecclesæ ministri.  
 Nihil autem doceat aut proponat juventuti, nisi juxta formulam à Theologis  
 Lovaniensibus conscriptam. Hæc Sleidanus.

Tum ne memoria superstitiosæ in Carolum patrem pietatis per  
 injuriam temporum intercideret, solenne hac de re Edictum bis in  
 anno publicari per Frisiam jussit, istique Actui VIII. Kalend. Iul. &  
 IX. Kalend. Ianuar. dies redintegrandæ suæ, & juxta paternæ venerationi  
 designavit. Legem quoque Carolo Cæsare Anno cIo. Io.  
 x l. de legitimandis liberis latam Philippus tum confirmavit, antiqua-  
 toque Comitum, ut vocant, Palatinorum sordido, & venali jure legi-



legitimationes non nisi suo, aut Curiae rescripto fieri præcepit, pecuniæque isti actui assignatam, ne quid detrimenti jus Principis patere-  
tur, inferri in ærarium, legitimatorumque nomina rationariorum tabulis perscribi jussit. Dein suæ & simul Belgicæ quietis pertæsus, Gallico bello, quod Anno c. 10. 10. 11. Carolum inter Cæsarem Henricumque 11. Gallorum Regem recruderat, quinque annorum inducijs, ipso Paschæ festo per Frisiam publica supplicatione celebratis, silente ac suspenso, ex eodem Edicto constitutis Inquisitoribus ministeria delegavit, de quo Gulielmo Lindano, homine pro more illius ordinis, superbo in Frisiam mittendo cogitavit. Ei quoque, mutato Inquisitoris, quod eâ ætate invisum erat, nomine, quo invidiam apud Frisios declinaret Philippus, titulum Delegati generalis facere, summamque ei rerum Ecclesiasticarum censuram committere constituit. Seorsim verò volebat Philippus, ut à communione Ecclesiæ licentiâ temporum secretos, profanæque Romanæ religionis insimulatos arctius coerceret, eorumque nomina actis perscripta ad Senatum Regium deferret. Qui æthereæ luis metu, ne socordiâ hominum inquinatus aer, pecori tum infestus, atrocem mortalibus pestilentiam daret, jacentia campis animalium cadavera humari jussit, Edictumque eâ de re per Frisiam vulgavit. Sumptuum quoque impensarumque, quæ ante annum habendæ, honorandæque Philippi Principis inaugurationi, factæ erant cum legatis rationes initæ, Opidanisque seorsim, trecenti & quinquaginta septem Carolini notabili temporum frugalitate ac parsimonia à Delegatis Opidorum è suo Ærario assignati. Tum Reynoldus Brederodius eius nominis 111. vir illustris ex antiqua & nobili Ludigmannorum apud Frisios gente, quæ Potestatis summum per Frisiam Imperium circa annum 988. in Gosuino Ludigmanno tenuerat, maternum genus ducens, litteras Leovardiam ad Senatum dedit. Iis monebat: Ducendæ se per ditio-  
nes suas in Vahalin, Mosamque flumina, novæ ac navigabilis fossæ consilium cæpisse, expediendis Frisiorum vicinarumque gentium commercijs, quæ Frisij cum illius oræ populis multa per tempora magnâ onerum navigandi molestia egissent. Ita Frisios huc usque superato Austrini maris sinu, lecta potioris Hollandiæ ora Dordracum magno flexu petere coactos, dissitas navium stationes magnis sæpe portorijs telonijque redemisse. Et quoniam consilij sui ratio non alia sit, quam ut Frisij compendijs locorum, & simul levamenti onerum fruantur, ita cælare rem non potuisse civitati Leovardiæ, cæterisque per Frisiam Oppidis fructuosam. Monere ea propter ut Oppidani cæteri que, quorum inter sit, in commune consulant ocys, decernantque quod maturando negotio, & suo simul commodò expedire judicaverint. Itaque Senatus Leovardiensium ne quid socias urbes clam haberet, easdem Brederodij ( quibus suas Prid. Non. Aug. subjunxerat ) litteras ad vniuersos oppidorum per Frisiam rectores misit, eorumque Delegatos, ut Leovardiæ quam primum adsint, quod res moram non ferret, hortatus est. Ibi oppidorum Delegati voluntatis deducendi operis rationibus istaque re, Iacobo Ægidio Consuli, Hermannio Feltesio, & Alberto Iacobæo, Scabinis Leovardiæ urbis, Adriano Michaëlio Consuli Harlingano, & Ot-

*Brederodij  
de novâ fos-  
sâ ducendâ  
ad Frisios  
litteræ.*

cIo. Io. & Ottoni Bauconio Ærarij apud Franequeranos Tribuno, commissâ, Tzemerum Vibenium Oldermannum Snecensium, & nuperâ ad Carolum Philippumque legatione functum, delegavere, qui ad Brederodium eat, ac cum eo de telonio cæterisque rebus agat, deq; ijs ad suos referat. Tabulæ mandatorum Prid. Eid. Aug. per Leovardios nullo, ut post patuit, eventu signatæ, decreti operis consilio morte ejusdem Brederodij (quæ vii. Kal. Octob. eum terris exemit) interrupto. Eâ namque evenit ut Henricus filius Brederodiæ domus ditione potiretur, turbulentissimique, quod post subortum fuit, temporis fortunâ, declinante sensim Frisiorum cum Vahalis, Mosæque accolis commercio, consilia pacis, & florentium rerum non procederent. Mox enim gravis, & supra hominum memoriam memorabilis anno cIo. Io. annona cum asperimo gelu, mense Februario surgens, post in Martium ac Aprilem provecta, ac sensim asperior tantam frumenti caritati attulit, ut ad famem fermè veniretur, absumptisq; aut suppressis hominum alimentis languentia corpora flaccescentis ferè animæ deliquio conciderent. Itaque plebes, ut solet ingruentibus adversis turbulenta, tum maxumè inediæ impatiens, & structoribus annonæ infesta prærepta sibi infelicitis vitæ subsidia querebatur. Esse domi inopem turbam, & infirmis præ inediâ corporibus alimenta poscentem, tum sæcundas matres desideria non implere enutriendis infantibus destituta. Foetus quoq; ipsos acetabulis adhuc suis, & secreto matrum clausos injuriam miserrimi temporis sentire, cuius principium necdum ingressi sint. Id verò mali non ab inclementiâ syderum, aut annorum sterilitate, sed aliunde haberi. Quippe incuriâ, aut assensu dominantium annonam per homines flagellari inopum sanguine, & alienâ miseriâ fœlices, neq; absimiles lieni, quod viscus exarescente toto corpore solum intumescit. Ab ijs esse quod exportata in Hispaniam è Frisijis frumenta, gravius annonæ pretium parent, ac tot millium animæ facilioris alimonie egentes insatiabili paucorum cupidine, & avaritiâ cruciuntur. Ut id porro non fiat statuendum lenitati, & incuriæ imperantium terminum esse reprimendis coëmptionibus, quas Carolus Cæsar Anno cIo. Io. xLvi. & post cIo. Io. Llv. asperis vulgatisque per Frisiam Edictis vetuisset. Quin satius esse res malis artibus, & damno humanæ societatis introductas, supinis civitatum rectoribus, & annonæ Præfectis, per vim subverti, omniumque vitam, & incolumitatem privatis dispendijs emi. Itaq; parum abfuit, quin florentissimarum urbium direptiones instituerentur, acriorque ferro fames mobilem & egenam plebem, quiete temporum etiam præter hoc infidâ, ad perpetranda enormia stimularer. Cæterum benignitate propitij numinis ea infœlicis mali vis diuturna non fuit. Notat Andræas Gryphius vir literatus, & apud Utingeranos, Præturam tum gerens, panem fecalicium 11. libr. adultâ circa Kalend. Iun. frumenti caritate 12. mox eâ inclinante quatuor sestertijs vasisse, inopinâque rerum mutatione stupentes hominum animos vitæ velut remedium divinitus concessum reputasse. Ducentas quoque onerarias naves flante Euro Balthicum sinum, dein Germanici maris, (quod à Sundâ Daniæ fretò veterem Frisiorum oram, marginemque intuti littoris pulsâ) partem



tem emensas, frumentoque onustas confertim appulisse; eundemq; c. 10. 15. annum, cuius initium penuriâ feruè funestum fuerat, ut desperatio- L V I. nem mortalium eluderet, frugum, & annonæ feracissimum fuisse. Gemma notat hoc anno, qui horrendâ lampade in cælo visâ, & secutis tempestatibus notabilis fuit, modij partem octavam tribus florinis cum semisse vâijisse, intensioreq; annonæ malo, ne frumenta quidem justum pretium excedentia ære aut argento haberi potuisse. Tum ut asperis fatis, & importuno syderi res Belgicæ subjacerent, premente adhuc Provincias annonâ, resurgens è Galliâ bellum ferbuit, Caroloq; Cæsare, ac Francisco, Henricoque Regibus jam ante cæptum, Philippo Principi, cum ipso Belgicæ imperio hæreditario velut jure obvenit. Qui propterea ne Henrici I. Gallorum regis periniqua consilia, suam verò integritatem, & stabiliendæ pacis studium cæaret, datis in Frisiam VI. Kal. April. litteris causam renascentis belli exposuit. Ijs significabat: Non aliâ mente se fuisse, quàm ut diuturno, quod Carolus pater cum Gallorum regibus, gessisset, bello, si nem imponeret, factaq; ante annum Non. Febr. inducias tanquam auspices veræ duraturæque pacis integras, inviolatasque servaret, novoq; & ut plurimum, lubrico principatui fundamentum servatâ quiete, & procurata florentis populi concordia substerneret. Id verò per Gallorum Regem non licere, occasionem rumpendi fœderis, & quinquennialium Induciarum jam diu animo agitantem. Exindè violata per Hispaniam, Pedemontium atque Belgicam finium jura, fœdatisque vastitie agris, & sacro limite, vim quoque commercijs libero mari inlatam. Postremò ne vires nocendi deessent, sollicitata per Lavignium Legatum Turcarum fœdera, quo Italiæ, Hungariæq; bellum, & juxta furem Otthomannicæ gentis sentirent, omnisque Tanaim intra atque Oceanum Europa illo fœdere dissociaretur. Eius pessimi consilij Laubespina (is Henrico regi à Secretis) ad Bassum Fontanum apud Belgas Legatum, indices litteras fuisse, quibus fidem faceret, Henricum regem mutare Inducias novo bello constituisse, & animum alere religioni fœderum, pactorum adversum. Quamobrem velle metu instantis periculi, ut Frisij per Galliam & istius regni confinia agentes in sua redeant, fruanturque domestica securitate commerciorum jure-foris, & præsertim per Galliam infido. Dein Philippus trajectu in Angliam è Pleumosij factò Mariæ Uxoris, Anglorumque auxilia poposcit, decretoq; procerum regni, tum assensu populi Anglici, qui pro more gentis interponi solet, voti compos factus, bellum per facialem Gallo denunciavit. Mox classe in Belgicam reductus haberi delectum jussit, turmisque equestribus (quas nomine Caroli Cæsaris Maria Gubernatrix Anno c. 15. 15. xlv. autoraverat) supplementa procuravit. Itaq; & Ioannem Lignæum Arembergium Frisicæ Præfectum, virum militiæ egregium, & qui jam ante Carolo Cæsare Gallicis bellis stipendia fecerat, adesse ocysus jussit, rogatisque voluntariorum (quod Frisum de jure patrio, & conventionem Anni c. 15. 15. xxi. Provinciâ evocare fas non esset) auxilijs solemnia propitiando per Frisiam numini instituit. Post supremo belli imperio in Emanuele Philibertum Belgicæ Præsidem collato, circumferentibus arma per

*Gallicum  
bellum re-  
novatur.*



c10. 10. per Italiam Gallis, exercitum jam ante de more lustratum in Gallia fines duci præcepit, vulgatoque, ac si in Rhemos expeditionem adornaret, eundem Philibertum cum copijs Marianum pergere, oppeririq; auxilia Germanorum iussit. Is, dum ea adventant, triduum moratus equitum turmas, cum expeditâ peditum manu Guisam, & mox Quintini fanum præmisit, subsecutusque cum reliquo exercitu, in quo Arembergius Frisæ Præfectus voluntariorum ex illâ gente auxilia ducebat, haud procul Sabi flumine, quod urbem eam modico alveo lambit, castra locavit. Mox suburbio, & propugnaculo, quod cis flumen erat, occupato, arctiore obsidio oppidum pressit, dispositisque tormentis & idoneo primum opere præparato oppugnare aggressus est. Quâ re exciti Galli Dandaloto nobili viro, mox ipso Connestablio duce castra propè posuere, præmissoque in locum solvendæ obsidioni opportunum prono flumine Dandaloto, de transmittendis quoque in adversam ripam reliquis copijs cogitare. Cæterum per Lamoralium Egmondanum, qui in exercitu Philippi erat, detectum Gallorum consilium omnino infructuosum fuit. Itaq; Philibertus copiarum partem trajicere Sabim flumen, equitatumq; confestim subsequi iussit, affecutusque Gallorum exercitum, qui signum receptui jam dabat, fugæ, & per conturbatos ordines, confusioni proximum cecidit, magnâq; clade affecit. Bis mille & quingenti ac inter eos nobilissimi Gallorum cæsi cruentatis sanguine campis jacuere. Præda ingens parta, omnisq; ferè Gallorum apparatus arma, & machinæ, cum signis militariibus victoribus obvenere. Tum Philippus primis principatus sui & juventæ annis præter spem hominum, qui Carolo Cæsare imperium ponente aliud augurati erant, id gloriæ adeptus in castra ad Quintini fanum contendit, confidenteq; Compendij Henrico Rege, muniendis tantum locis, & petendis sociorum auxilijs post acceptam cladem occupato, urbem maxumam atque florentissimam Burgundicis iterum editionibus adjecit. Ita Quintini fano potius Philippus Ioannem Lignæum Arembergium Frisæ Præfectum, cum delecta suorum manu, auxiliariibusque copijs Castellum amandavit. Qui ne tempus gerendis accelerandisque rebus destinatum muniendis castris insumeret, in circumjacentes campos, nullo vally, aut fossâ præductis, repente effusus locum naturâ munitum tormentis aggressus est, murique parte per vim machinarum repente subruta, cæptandæ oppugnationi se paravit. Cæterum præsidarij ultro inbelles, tum sociorum ad Quintinum clade fracti, simulque rerum instantium metuentes Arembergio se permiscere. Arembergius locato ibidem præsidio, ordinatisque rebus in Philippi ad Quintinum castra cum copijs revertit. Quâ in Galliam expeditione inoffenso cursu rerum peractâ de reducendo in Belgicam exercitu, Philippus mox consilium caput, motisque derepente per ingruentis brumæ incommoda, & dubij aëris inclementiam castris, in hyberna se recepit. Frisij quoque navatâ Philippo extra ordinem opera, ut periculorum ultrò socij, ita gloriæ consortes in sua rediere, illustreque ut Anno c10. 10. LI. ad Metim, ita hoc tempore ad Quintini Fanum fidei in Principem virtutisque exemplum, ore gentis huc usque & memorabili fama celebratum edidere. Annotatum invenio Carolum

Cæsarem eodem bello Gallico resurgente Anno c10. 10. LII. men- c10. Ic.  
 se Ianuario lustrandis per Frisiam armis Arembergium delegasse, eun- L V I.  
 demque Arembergium evocatis Leovardiam agrariorum civitatumque  
 Syndicis diem armilustrio ad xiv. Kal. Mart. dixisse. Voluisse quoq;  
 ut Urbanæ Rusticæq; tribus, tum ipsa quoque nobilitas more majo-  
 rum arma in promptu haberet, ac tertius quisq;, prout fieri soleret,  
 ferro thorace, lorica, ac gladio, militari lege cingeretur. Tum Ia-  
 cobus Osius Flandricæ gentis, in Frisia apud Hatlinganos agens, ob  
 suspectam, ut tum ferebant tempora, religionem, in carcerem Leo-  
 vardiæ conjectus, ac non multo post à Senatu Provinciæ regio da-  
 mnatus, excruciatum per tormenta spiritum acerba morte, & memora-  
 bili in extremis constantiâ effudit. Constat ipsum Philippum Regem  
 datis ad Lalainium Brabantiae Præfectum Eid. Novembris Antverpiam,  
 quâ in urbe Osius vixerat, litteris, de eodem captivo cognovisse,  
 ac ut cum eo lege & ex Edictis Caroli patris ageretur, etiam detectâ  
 per Lalainium viri innocentiam, Senatui per Frisiam regio demandas-  
 se. Vulgaris fama fuit eundem Osum Antonij Lavailij Senatoris re-  
 gij nuper ministrum & Scribam ab hero suo proditum, domesticæ con-  
 suetudinis & in Lavailium officij triste præmium & sortem violentæ  
 mortis retulisse. Legem namque asperam Anno c10. 10. xxxv. con-  
 tra Anabaptistas sanxerat Carolus, ut istius sectæ asseclæ, aut fauto-  
 res, mares capite luerent, fæminæ verò in puteum, fluentemvè de-  
 mergerentur. Quamobrem & Edicto Anno c10. 10. xxxvii. pu-  
 blicato eosdem sectarios vinculis dari, Prætoresque per Provinciam  
 constitutos navatæ operæ testimonium singulis mensibus exhibere suo  
 per Frisiam Senatui sub poenâ rogatæ legis jusserat. Qui propterea  
 Mennonem quoque Symonium presbyterio apud Witmarsios jam ante  
 functum, post hæresiarcham clam haberi, recipiq; vetuerat, deferen-  
 tiq;, aut capienti 100. Carolinorum mercedem ex ærario Cæsaris assi-  
 gnaverat. Neque ullâ magis de causâ Mariæ Gubernatrix Anno c10.  
 10. LIV. convocari Frisicæ Ordines, Hyppolinumque Persinium Præsi-  
 dem Senatus verba facere in comitio jusserat, quàm ut eadem Secta  
 extirparetur, Ordinesque Provinciæ statuendi in sectarios juris præsi-  
 dium Cæsaris Præfecto, Senatuiq; commodarent. Criminatus nam-  
 que Mariæ nomine Persinius erat, novarum religionum semina per Fri-  
 siam spargi, nihilq; aliud metuendum esse, quam ut invalescentibus in-  
 dies sectis avita religio obscuratur. Inter omnes verò pessimam A-  
 nabaptistarum esse, cuius id propositum sit specie præstigijs, aut simu-  
 latæ pietatis regna, & resp. turbare, subversisque legibus, & sublata  
 Magistratuum autoritate damnatis moribus, & impiâ ad lubricitatem su-  
 perstitutionem uti. Hoc modo Floridi Campi coenobium à fanaticâ gen-  
 te occupatum, oppressos Monasterienses aliosq; vicinos, ut sedem atq;  
 officinam suæ impietati haberet, execrabilemq; dominatum, quem o-  
 dio Principum & sua stoliditate somniaverat, muris moenibusq; præ-  
 cinctum tueretur. Ita eosdem quoque sectarios plus quam belluinâ fe-  
 ritate suarum conjugum carnifices, & simul parricidas extitisse, dirâ-  
 que regni sui imagine tamdiu usos, donec Principum armis repressi,  
 ac in angustum redacti dignas facinoribus suis poenas referrent. Et quo-

Osius reli-  
 gionis da-  
 mnatur.

Edictorum  
 in Anabapt  
 Series.



clō. Io. niam interesset humanæ societatis, execrandum illud genus in naturâ rerum non extare, cæterum in ipso ortu extingui, ita Carolum Cæsarem singularis prudentiæ Principem Edictis rescriptisq; suis cavisse, ne in ditionibus suis haberentur, cæterum convicti reprobatae religionis & impietatis ex hominum coetu, tanquam usurâ lucis, & vitæ munere indigni, exterminentur. Hæc à Persinio Præsidente IV. Eid. Ian. Anno c lō. lō. LIV. proposita. Idcirco Philippus confirmatis jam ante Caroli sanctionibus, exasperatâ Anno c lō. lō. LVI. lege caverat, ut sectarij istiusmodi, pertinaces præcipuè & refractarij, igne punirentur, Senatusq; per Frisiam regius in eundem post Osium ex Edictis statueret. Tum, quod ante Philippus præconceperat, ne Romanæ religioni, quam solum teneri in ditionibus suis Carolus Cæsar, & post Philippus sanciverat, aliquid contagij ex proserpentibus per Europam, ut vocabant, hæresibus accederet; Georgius Egmondanus Episcopus Ultraiectinus Gulielmum Lindanum sacrae paginae Doctorem titulo Vicarij per Frisiam potestatem, ac Diplomate donavit, eundemq; pro iure, ut aiebat, sedis iurisdictionem Ecclesiasticam exercere iussit. Diploma tale erat:

Diploma  
Lindani.

**G**eorgius Egmondanus Dei & Apostolicæ Sedis gratiâ Episcopus Trajectensis, Venerabili & eximio Viro D. Magistro Wilhelmo Lindano, sacrae Theologiæ Professori, salutem in Domino, & in commissis debitam adhibere diligentiam de tuâ circumspectione & industriâ & expertâ providentiâ plenam in Domino fidem habentem. Te per Frisiam nostræ iurisdictioni subjectam, nostrum Decanum Commissarium, seu Officiale, & ad ordinariam nostram iurisdictionem Ecclesiasticam, ibi nostro nomine exercendam constituimus, deputamus & ordinamus, dantes & concedentes tibi per præsentium tenorem liberam & plenam potestatem, & auctoritatem ac mandatum, generale ac speciale, de & super quibuscunque causis meris, & mixtis, matrimonialibus, civilibus, criminalibus cognoscendi, definiendi, sententiandi & exequendi super quibuscunque criminibus, culpis, delictis, & negligentijs quarumcunque personarum, communitatis vel universitatis ibidem ex officio, vel ad partium instantiam inquirendi, corrigendi & definiendi, in personas, universitates, Ecclesias, parochias & loca prædicta excommunicationis, suspensionis, & interdicti sententias aliasq; censuras & pœnas canonicas fulminandi & infligendi, ac per te inflictæ & fulminatæ absolvendi, suspendendi, relevandi, & tollendi. Invocato etiam ad hoc, si opus fuerit, auxilio brachij secularis, nec non matrimonii clandestine contrahentes, & eosdem interesseñtes corrigendi & ab huiusmodi excommunicationis sententiâ, quam propter hoc inciderant, absolvendi, quæcunque monasteria non exempta verò auctoritate Apostolicâ nobis commissâ, quam præsentibus tibi subdelegamus, visitandi auctoritatem, abusus, negligentias & enormia ibidem inventa corrigendi, omniaque alia & singula faciendi & exercendi, quæ in præmissis & circa ea fuerint necessaria, seu quotquot opportuna, etiamsi mandatum exigant aliud speciale & quæ ad dictorum spectant officium de iure vel consuetudine (causâ correctionum & absolutionum occisorum, vulneratorum & immutilatorum clericorum, Ecclesiasticarum personarum, ac violatarum immunitates ecclesiarum & camiteriorum, aliorumque locorum sacrorum, exceptis, quas nobis specialiter reservamus, contraditores quoslibet & rebelles per censuras Ecclesiasticas



*compeſcendi, ſententias quas præmiſſorum occasione ritè tuleris, ratas habebimus, ac faciemus auctoritate noſtrâ inviolabiliter obſervari præſentibus, uſq; ad noſtram notariam revocationem duraturis. Datum ſub ſigillo noſtro ad cauſam præſentem appenſo, die ultimâ menſis Julij, Anno Domini milleſimo, quinquageſimo ſeptimo.* cIo. Io. LV I.

Quod diploma an Philippo rege inſtigante Lindano conceſſum, an auctoritate Egmondani indultum ſit, non reperio, hoc ſaltem conſtat, Philip-pum ſequenti menſe hoc ipſum Valencenis confirmâſſe die quarto Au-guſti. Antonium quoq; Perennottum Episcopum Attrebatenſem ac Præ-poſitum divæ Mariæ Trajeſtenſis Eccleſiæ menſe Julio ſignaſſe. Rober-tum quoq; de Bergis Episcopum Leodiensẽ, ac præpoſitum ſancti Sal-vatoris Trajeſtenſis una cum Iacobo Utenengio Decano ſancti Petri, poſt approbaviſſe. Hoc verò Philippi diplomate cautum reperio, ne per hoc Lindani diploma moribus antiquis ac conſuetudine receptis quid dece-deret & ne oppidanorum aliorumque privilegijs, tum Abbatum reliquo-rumq; Eccleſiaſticorum jurisdictionibus quid derogaretur. Jus quoq; quod Philippus Senatusq; Regius in cauſis Eccleſiaſticis haberet inte-grum inviolatumq; foret. Hoc modo Lindanus à Philippo in poſ-ſeſſionem ſui muneris miſſus, Eccleſiaſtica concordiaſtina, ſevere-riore imperio pervertit.

Itaq; curante per Belgicam religiones & trahente bellum ſegnius Phi-lippo, qui cum Pontifice foedus inierat, factum eſt, ut Henricus Rex Gallorum Caletum ad Iccium portum in finibus Morinorum urbem va-lidam occuparet, ſubmotiſq; omni Galliâ (ac ſi occasione Burgundi-cæ ſocietatis eorum per Galliam dominationi periodum tum fortuna pa-ra:et) Anglorum præſidijs, Divodurum Guifiſus cum valido exercitu poſitis ad Moſellam caſtris obſideret. Quapropter Philippus, velut excuſſo per diſcrimen torpore, qui etiam incubante Belgicæ Gallorum exercitu de mittendo Romam Franciſco Sonnio, nuper per Friſiam Inquiſitore cogitabat, quo obſeſſis ſubveniret, repente copias contraxit, miſſis in Provincias, qui auxilia concirent, exercitumq; in bellum cogerent ocius. Tum ne miles ſtipendij, & juxta animi egeret, a-geretque laxius, demandato Præſectis Præſidibusque Provinciarum ne-gotio populum tributum rogavit, eâque de re v. Eid. April. litteras in Friſiam ad Arembergium dedit. Qui propterea communicatis cum Senatu regio, qui tum comitiorum dies ordinabat, Philippi litteris, ad x. Kal. Maij Friſiæ Ordines Leovardiam convenire fecit, Carolumq; Nitzenium virum Equeſtris dignitatis, & (ablegato ante annum Ultraje-ctum Hyppolito Perſinio) Senatus tum Præſidem verba facere juſſit. Ibi Nitzenius vir ut auctoritate ac ſacundiâ, ita (quod jam ante Carolo Cæſare procuratorem Fiſci Regij per provinciam egiſſet) peritiâ rerum excellens à Caroli Philippique regum in Friſios affectu orſus, periculofi temporis conditionem cum anteaſti fortunâ compoſuit. Friſios quippe à recepto Carolo Principe ſælices diu annos pace, & legibus florentes egiſſe, inturbataq; domi quiete uſos Franciſci Henricique Galliaſtine regum vaſtris, & pernicioſis conſilijs ſubſuiſſe. Eos aliena namq; invadendi cæ-ca cupidine impulſos bellum ſemper ab occasione capiſſe, ruptiſq; toties fæderum ſacris nullâ lege, aut conventionione coërcitos, ut veteris in Bur-

Comitium  
Ord. Friſiæ.

clo. Io. gundos odij, ita cupidinis professionem patefacere. Hoc modo Anno cIo. LV I. Io. xxxviii. decennales inducias per Frisiam solenni more promulgatas, eademq; à Gallo violatas, mox Anno cIo. Io. xliv. repetitas, infidam pacem, & brevem, ut plurimum, circuitum habuisse. Tempus quoq; quinquennialibus inducijs pridem præfinitum eodem Gallo autore abrumpti, strataq; armis viâ dubiam partium fortunam victoriâs damnis cladibusq; miscuisse. Nunc verò rem in summum discrimen adductam. Occupatum quippe à Gallis Caletum, & Anglos Philippi socios maritimis Galliæ, & littorali tractu submotos, nihilque aliud instare, quam ut Divoduro Gallicis insuper armis capto, reliqua Gallorum, & victrix manus in Pleumosios ac interiora Flandriæ cæterarumque Provinciarum pergat, depulsaq; avitis sedibus, aut excisâ Belgicâ gente Philippum Principem possessione Burgundicæ domus exuat, veteri odio, & novo conatu non improspere capto. Itaque usitato gentium more quibus necessitas mali semper remedium extorsisset, obstandum consilijs hostium esse, & subveniendum ultimo exitio utili liberalitate, qua Principis imperium, patriæ sacra atque leges, privatorum pignora, atq; possessiones in tuto sint. Hæc Nitzenius. Cæterum Ordines agrarij sive quod Anno cIo. Io. liv. Carolo Cæsari honorarium (ueq; enim de tributo loquutus erat Nitzenius) sexaginta millium aureorum iustis pensionibus addixissent, sive quod fastidium declinantis à libertate majorum Imperij ureret, postulato Arembergij ægrius assensere. Recordabantur namque majores suos Carolo Cæsari præter agrum Biltanum, quem vestigalem ei reverentiâ Imperij fecerant, quatuordecim aureorum florenorum millia quotannis eâ lege ac conditione depactos, ut omnem Frisiam à Stavria in Gërricomium, qui Lavicæ anni imponitur, pontem, adversum externâ arma, suis etiam viribus, & illo Provinciæ subsidio, defenderet. Cavisse quoque eosdem Anno cIo. Io. xxiv. ut ulterioribus actionibus Carolus abstineret, nulloq; titulo, aut specie, imponendis genti Frisicæ novis oneribus se daret. Ab eo etiam fuisse, ut Caroli cum Imperio Romano, & Provincijs Belgicæ initam conventionem Anno cIo. Io. xlix. Frisij rejecerint, ipsæque Maria Gubernatrix secessionem metuens, nihil acturos Frisios præter quam proprio & arbitrario motu de speciali Cæsaris Mandato rescripserit. Oppidanorum verò Delegatis, (in quibus pro Leovardiensibus Serapium Haniam, Iacobum Egidium, Iacobum Sibrandium, & Dyonisium Wingiam, Consules, Tzomerum Vibenium, Oldermannum, & Andream Oenonium pro Snecensibus, Adrianum Michaëlium pro Harlinganis, Nicolaum Hanfsonium pro Franequeranis, Regnerum Anniun, pro Bolsuedijs, Theodorum Theodoretum Oldermannum, & Hermannum Roswinckelium pro Doccomijs, Buwonem Diorraum, & Ulpium Nicolaum, pro Worcomijs, & Regnero Siboldio Delegato Hindelopæ, Sceltronem Martinium pro Slotanis, Gajum Andree pro Staurijs, & Aufonium Popma pro Iltanis fuisse comperio) alia, ab Agrarijs, mens erat. Quamobrem illi sive æmulatione in eosdem Agrarios, (quibuscum in constituendum Reipub. formâ dissidebant) sive affectu in Principem, negotio Dyonisio Wingiæ, Tzomero Vibenio, Adria-

*Dissentio  
Ordinum,  
in causa  
tributi.*



Adriano Michaëlio, & Regnero Annio commissio, decretum de præstando subsidio perscribere; honorariumque Philippo pro modo agrorum suorum, quos ipsi cæterique oppidani jure dominij per Provinciam tenerent, tum territoriorum Urbicorum quantitate, ac juris sui termino depacti sunt. Rogavere insuper Arembergium Senatūq; regium, ut de eo ad Philippum regem referant, deq; Oppidanorum promptitudine, si forte Agrarij dissentiant, testentur. Hæc v l l l. Kal. Maij perscripta, & à Tzomero Vibenio Rollema, D. Wingia, Adriano Michaëlio, & Regnero Annio Leovardiae confirmata. Cæterum an Gallicæ expeditioni plenius subventum sit, in indigestis illorum temporum actis non reperio. Mihi verisimile est, Ordines Agrarios, ne discrepare illâ temporum teneritudine ab Oppidanorum sententiâ viderentur, consensum interposuisse, opeque tributi, honorarijve, quod è Frisiâ cæterisque Provincijs subministratum puto, vergente Augusto, stipendia veterano militi assignata. Tum Philippus acceptâ dediti Divoduri famâ, Thermumq; nobilem Gallum Pleumosijs imminere, Emanuele Philibertum Belgicæ Præfectum cum parte copiarum in Condusios præmisit, commeatumque ut & annonam, Ediçto ea de re Leovardiae xiv. Kal. Iul. publicato, è Frisia fertilissimâque Lavicam inter Flevumque orâ comportari in castra jussit. Post Emanuele Philiberto in Mediomatricum finibus relicto, Lamoralium Egmondanum virum inlustrium natalium, & gestarum nuper ad Quintinum rerum gloriâ clarum, Grevelingam cum potissimâ exercitus parte ablegavit, gerendisq; cum imperio rebus præfecit. Ibi Thermus Gallus castra quoq; haud magno terrarum spatio discreta posuerat. Qui ubi circumventum se in hostico videt, Egmondanumq; animum pugnae præferre, de receptu cogitavit. Quare relabente vicini maris æstu, & superato Ada amne sensim retrocessit, præmenteque tergum exercitus Egmondano aciem instruere pro naturâ loci, temporisque coactus est. Tum Egmondanus pro concione verba fecit, formatisque Ordinibus signum pugnae dari jussit. Itaq; acies commissæ tamdiu dubiâ fortunâ & miro virtutis certamine pugnare, donec Galli à præfidiarijs Anglorum navibus impetiti, equitatu insuper præter morem Gallicarum turmarum tardo, & mox in fugam acto peditum quoque ordines luxati in diversa spargerentur. Mille & quingentos Gallorum cecidisse fidus istorum temporum Scriptor annotavit. Thermus ipsè gravi vulnere accepto, prædam omnem, quam Flandriæ municipijs extorserat, tum tormenta, signaque militaria Egmondano reliquit, cuius prudentiæ & virtuti illius ferè ævi Scriptores victoriâ assignavere. Notat Cleutingius perlata Leovardiam Egmondani de Gallis victoriâ grates in templis publicè numini decratas, peractaque re divina populum sacris locis effusum, alterum illum Gallicæ cladis diem communi lætitiâ insignivisse. Tum Philippus, ut eventum rerum specularetur, Attrebatî diu commoratus, ultro per ætatem, & regios spiritus (per quos arduæ res, & fortunæ etiam imperio subjactæ factu faciles videntur) maxumè verò recentis victoriæ fiduciâ luxurians de maturanda totis viribus, valida in Galliam expeditione cogitavit. Quare conquifito per omnem oram milite, at-

*Gallia vifit-  
cuntur ad  
Grevelingam*



clo. Io. nuatisque urbium praesidijs, ipse recta in hosticum duxit, castraque  
 L V I. prope Dorlentem Gallicae ditionis oppidum metatus est. Pedestrem  
 exercitum tricena millia, equestrem duodena conficiebant. In com-  
 mitatu quoque regio clarissimi per Germaniam, Belgicam atque Hi-  
 spaniam, Duces spectabantur, Ioannemque Ligneum Arembergium  
 Frisiae Praefectum, sua etiam provincia Philippi litterae, tum cla-  
 rissimae expeditionis fortuna, velut optuma adipiscendae gloriae ma-  
 teries, exciverat. Militum quemque ut sacramenti religio, ita exo-  
 luta jam ante provinciarum subsidij stipendia, universos virtutis &  
 gloriae contemplatio ad omne officium, & simul discrimen accende-  
 bant. Erant quoque, qui in opulenta hostium castra, & sumptuo-  
 sam, etiam in bello, Gallorum luxuriam oculos converterent, quam  
 Henricus rex, locato ad Petram pontem exercitu, haud vanâ quoq;  
 suarum virium fiducia ostentabat. Apparatus quoque Philippi castror-  
 um multiplex, tormentorum machinarumq; variae species, &, quod  
 gerendo continuandoque bello primum esse solet, comaeatuum ac  
 annonae copia è Frisorum orâ, vicinoque tractu habebatur. Hoc  
 modo comparatis necessarijs, & officio cuiq; militarium Ducum assi-  
 gnato, rem, prout erat, ultimi discriminis Philippus aggressus est,  
 Dorlentemq; oppidum naturâ loci munitum, etiam Henrico rege stati-  
 va castrorum propius habente, oppugnare constituit. Caterum per-  
 suasus à purpuratis, qui reprimendum lubricae aetatis, & inconsulti im-  
 petûs ardorem sanioribus consilijs autumabant, capto destitit, conten-  
 tusq; magnificâ castrorum, & potentiae ostentatione ad Auctiâ flu-  
 minis ripam haud procul Henrici castris desedit. Ita duorum potentis-  
 simorum Europae regum capita, & fortunam angustis terrarum spa-  
 tijs, appetitus gloriae, & magnarum rerum insatiabilis cupido circum-  
 scripserat. Quare periculi metus, & sollicitudo obversantium extre-  
 morum (in quâ facilius, quam res prosperi ominis humanarum men-  
 tium imbecillitas se deflectit) omnium animos pervasit, ac si de alter-  
 utro regum subvertendo, & tot gentium internecione praecipuus proteren-  
 dis rebus fortuna laboraret. Neq; aliud momenta temporum alla-  
 tura videbantur, cum praeter spem mortalium, quos vel arcano fato-  
 rum imperio duci tum observatum fuit, consilium capendae pacis,  
 velut caelo missum, animos regum, atq; ingenia occupavit. Itaq;  
 Legatis Insulam Flandrorum missis, mox evoluto Octobri mense im-  
 perato armistitio castramota, copiaeque aut impetrata missione exau-  
 toratae, aut in hyberna circa Vergiliarum occasum reductae, non ob-  
 scurum futurae pacis auspiciu fecere. Cuius belli Gallici mole, etsi  
 haud dubiè Provinciae gravarentur, ita maxumè metuebant prudentio-  
 res, ne Philippus, stratis cum Gallorum rege odijs, & diuturnâ dis-  
 fensione in foedus, aut, ut Principum ferè solet, in affinitatem ver-  
 sa, insitâ animi fluctuantiumque annorum mobilitate, exequendis per  
 vim, quae jam ante vulgaverat, Caroli Edictis se accingeret. Id nam-  
 que curiosae mentes, & velut anxiam fatorum indagatione suspensae se-  
 cius interpretabantur, quod per Hispaniam equitum peditumq; delectus  
 haberi dicerentur, copiaeque Hispanorum, tanquam coloniam facturæ,  
 Gallici belli praetextu, in Provincias Belgicae magno numero se effun-  
 de-

Philippus  
 praelium pa-  
 rat, & Gal-  
 lia.

Conventus  
 Insulae Flan-  
 driae.

derent. Quamobrem diffitis oris, & longè post Pyrenæos non spiculatores tantum, custodesque regij corporis, sed copias armatorum, (etiam silente ad tempus Gallico Bello) evocari, ac per præsidia urbium disponi ægrius habitum, Philippumq; velut recentium pactorum, monitorumq; Caroli patris immemorem, novum imperium non favore fidissimi populi, sed peregrino stipatore, & præfidiario milite inchoare. Reperio in actis publicis, majores nostros Carolo Cæsare & Philippo rerum potiuntibus, quotannis è conventibus suis delegasse, qui læsæ libertati remedia peterent, omnibusq; quæ per dominantes abusu potentiae, inrepserant, actis prolatis Cæsarem & Philippum, eorundemq; Præfectos decentis & simul exorbitantis imperij commouisse. Comitium quoq; x i. Kal. Mai Leovardiae habitum perpenisq; quæ aut arcendo populi servitio, aut comprimendæ dominantium licentiae profutura credebantur, tuendo juri publico, tam in Ecclesiasticis, quam politicis causis delectos. Decretum quoq; ut in Commissarios regios, Decanosq; inquirant delegati, faciantq;, dum de advocato provinciae constituendo qui regio opponeretur deliberatum foret.

Magnam quoque & sub Carolo Cæsare institutam jam ante, dissensionem tum viguisse, repetitisq; in Senatu Philippi, quæ controversa erant, varios, prout affecti erant, animorum motus observatos. Volentibus Agrarijs, ut tota dominationis vis ad se pertineret, Oppidaniq; à corpore Provinciae seclusi, tributa arbitrio Agrariorum conferrent. Ita domi forisq; dissensionibus occasiones quærebantur. Cæterum infidam Belgicæ concordiam importuna maxumè Caroli Cæsaris, qui x i. Kal. Octob. naturæ legem impleverat; mors luxavit. Qui deposito imperio, etsi in Hispaniæ solitudinem amotus, Philippi tamen filij ponderosa consilia, & teneriores annos senili prudentiâ moderabatur. Quare vivo Carolo florens adhuc & sine motu Belgica, postquam lentâ febre sublatum in Hispaniâ Provinciâ flevire, maxumî Cæsaris monumento libertas simul, & quies populi se conclusit. Unde publicus, domesticusque per Provincias mæror, dubium an Caroli Cæsaris immaturum funus, an instantia temporum præfagæ mentes lugerent. Idcirco & per primarias Belgicæ urbes tristes exequiarum pompæ, & mœrentium turbarum varij processus spectabantur, quos paternis manibus, ac (ut mihi videtur) fato quodam futuræ civilium bellorum tempestatî Philippus filius procurabat. Funus quoque Carolo Cæsari Leovardiae factum, deductumq; ad D. Viti fanum, lamentantium præficarum, ut in Principum exequijs solet, luctumque universæ multitudinis secum traxit. Funestas quoque faces per Leovardiam urbem præluxisse funeri ferunt, adornatisq;, illorum temporum ritu, per delubra altaribus, magni Cæsaris umbræ, velut eternitatem ingressæ, Præsulum, Flaminumq; ministerijs consecrationes decretas. Gemma scribit, admirandum venti vorticem mense Julio, toti Belgicæ vicinisq; locis incumbentem, ædificia passim arboresq; disjecisse, ortumq; rursus mense Augusto Cometen Carolo Cæsari imminuentia extrema portendisse. Quamvis non ignorem, multos scriptores, priori Cometæ, qui anno quinquagesimo sexto magno cum horrore gentium illuxerat, Carolinæ mortis prædictionem assignasse, mo-

ANNO  
CIC. ID.  
LVIII.

Carolus V.  
moriatur.



cIo. Io. req; mortalium, quibus extraordinaria naturæ opera ad Principum ex-  
 LVIII. tus referre mos est, omnia illa, quæ cælo terrisq; apparuere, Caro-  
 lino excessui applicata. Ut ut sit, novum & insolitum non fuit, tanti  
 Principis obitum diversis naturæ prodigijs signatum, laboraturamq;  
 eius morte tot gentium securitatem laboribus cælestium attributam.  
 Strada notat, Carolum Cæsarem continuâ mortis & vergentis vitæ me-  
 ditatione imaginarium funus suo in Secreto instituisse, solenni; more,  
 ac si rebus humanis excessisset, elatum, veri funeris secuturos appa-  
 ratus, prævio, quasi spectaculo, oculis suis delibasse. Quæ res etsi  
 religionis plena præludenti ad æterna crederetur, mihi tamen à super-  
 stitione aliena non fuisse videtur, quod præter commune mortalium  
 officium, seria & severa futuræ mortis argumenta ludicris exemplis,  
 velut mox ulturo numine, dehonestaverit. Idem Gemma tradit, hye-  
 mem imbribus tempestatibusq; valde sædam fuisse, ipsoq; crinito,  
 quod arserat, fidere discutiendis aëris squaloribus invalido, novis mor-  
 talium aut saltem insolitis morbis viam ortumq; præstructum. Eodem  
 quoq; anno magnum frugum ubertatem fuisse, populumq; benignitate cœ-  
 li abusum, luxu immodesto proventum felicioris anni prodegit. Ean-  
 dem quoq; anni, qui subsequutus est, temperiem fuisse, publicâq; ter-  
 rarum fecunditate, vitia quoq; hominum istius ætatis increvisse, præ-  
 struente quasi providentiâ, ut ventura tempestas nostro merito aut errore  
 accidisse crederetur. Igitur Philippus peractis, mense Decembri, patri  
 inferijs, Mariæ quoque amitæ, nuper Belgicarum Provinciarum Guber-  
 natrici, post Mariæ conjugii (quæ durante legatorum ad faciendam  
 cum Gallorum rege pacem x v. Kal. Nov. repentinâ morte decesserat)  
 iusta persolvit, honorarioq; funeri per Frisiam faciendo tempus ordina-  
 vit. Iussit quoq;, ut toto quintiduo ternis in diem horis campani aëris  
 per omnem Provinciam pultatio fieret, diesq; postremus celebrandis  
 Mariæ exequijs decerneretur. Qui casus, ut toti Belgicæ funestus, ita  
 Philippo regi maxumè luctuosus fuit. Eius morte namque factum est,  
 ut infelicitis & non durabilis matrimonij pactione Anglicam inter Belgi-  
 camque gentem inita societas dissolveretur, Philippusque sociâ vitæ &  
 consorte rerum orbis, Francici Anglicique regni titulis insignibusque è  
 jure connubialium codicillorum cederet. Ijs quippe perscriptum erat, ut  
 Mariâ sine liberis decedente, Angliæ, Franciæque regnorum titulos,  
 (quorum speciem magis quam vim, vivâ etiam & superstite Mariâ te-  
 nuerat) Philippus amitteret, usurpandique insignibus abstineret. Qua-  
 propter Philippus Elisabethâ Mariæ sorore ad regnum Angliæ xvii.  
 cIo. Io. Kalend. Febr. evectâ, de omittendis Francicis Anglicisque titulis per  
 LX. Emanuel Philibertum ad Senatum per Frisiam regium scripsit, eun-  
 demque vetere judicialium actorum formulâ uti iussit. Litteræ Philiber-  
 ti Prid. Kal. April. Leovardiam missæ. Itaque Philippi regis consilia eo  
 tum spectabant, ut concussum bello Gallico, & accisum Mariæ mor-  
 te principatum, stabili, & incorruptâ pace muniret, Mariâque conjuge  
 fato extinctâ, novâ matrimonij felicitate regiæ domus orbitatem re-  
 pararet. Quare repetito fæcialium conventu, etsi dubio adhuc  
 exitu consilia regum fortuna libaret, pax tandem Cambresij ix.  
 Kal. April. facta. Traditum commentarijs est, Viglium Zuiche-  
 mum



mum, Frisicæ gentis, & equestris ordinis virum, Senatus secre- clj. Is.  
 tiorum Præsidem, præter alios sanciendo fæderi à Philippo delega- LIX.  
 tum, valetudineq; impeditum procerum conventui, & actioni pacis  
 non interfuisse. Eâ præter cætera, cautum erat: Ut quicquid Galli-  
 co, Italicoq; bello vi, aut dolo partum, amissumvè foret, utriq;ue  
 Regum, eorum subditis, socijsque restitueretur, omnibus & singulis  
 libera commercia, pax certa, atque constans esset. Emanuel quo-  
 que Philibertus Belgicæ Præfectus exceptis paucis, quæ, dum lege co-  
 gnosceretur, pignori essent, omnia sua cis ac trans Alpes reciperet,  
 Margaretamque sororem regiam nuptijs sibi adjungeret. Fœdus ipsum  
 toti ferè Europæ fructuosum Carolo Hispaniæ Principi, & Delphinati  
 Galliæ probaretur. Tum adimplendæ conventioni Henrico regi tri-  
 mestre, quadrimestre Philippo præstitutum, obsidesque arbitrio par-  
 tium dati regum fœderi robur addidere. Quod ne Philippus Frisios  
 clam haberet, litteras eâ de re confestim ad Arembergium Præfectum  
 in Frisiam dedit, quibus certiores Frisios faciebat: Placuisse atero  
 numini post tot tædia & incommoda bellorum discordibus regum ani-  
 mis desiderium pacis instillare, asperitatemque durissimi temporis sum-  
 mo humani generis bono firmâ pace lenire. Ea propter velle, ut  
 Frisij stato supplicationum die amburbia decernant, votaue duraturâ  
 paci nuncupent tam fœcundæ mortalium felicitati solemnia. Hæc  
 Bruxellis Non. April. Philippi manu signata, ac Leovardiam transmissa.  
 Itaque publica lætitiæ signa per omnem Provinciam edita, structi-  
 que in publico ignes, & accensa funalia, testandæ domesticæ rerum  
 incolumitati colluxere. Post Margareta Marchica, (ea Arembergio  
 uxor) litteris Philippi suas adjecit, procuratæq; interventu Christiæ-  
 næ Lotharingicæ Gallicæ pacis nuntium Frisij firmavit. Id verò seor-  
 sim addebat, eâdem Christiæna, ut novi fœderis ita nuptiarum con-  
 ciliatrice, Elisabetham Vallesiam Henrici regis filiam Philippo despon-  
 saram, Philippumq; Gallici fœderis vinculum innovatâ matrimonij fide,  
 & opportunis Elisabethæ amoribus geminasse. Hoc modo bellorum  
 funemq; facibus nuptialis fax subdita, Philippusq; securo per Belgi-  
 cam principatu potitus de adiiciendo Burgundicæ hæreditati Hispaniæ  
 regno à morte Caroli patris agitavit. Cuius excessum ut surgens iterum  
 mense Augusto Cometes portendisse, ut ante dixi, creditus est; ita ma-  
 gnæ rerum mutationis, & futuræ tempestatis signum infœlici Belgicæ  
 attulisse. Ab eo namq; tempore evenit, ut Philippus Carolo patrè  
 finem mortalitatis adepto, velut amoto suarum actionum moderatore,  
 definitum lege principatum immodestiùs gereret, secretisque à com-  
 muniõne gerendarum rerum Belgicæ proceribus, suorum Hispanorum Causa Bel-  
 consilij, & Antonij Perennotti Cardinalis post Granvellani vafro, & li.  
 crudeli ingenio uteretur. Reputabat namq; Philippus, Carolum pa-  
 trem in Germaniâ res novas molitum, Nicolao Perennotto Antonij pa-  
 tre tanquam fidissimo, & principe Senatus usum, Antoniumque filium  
 non alio à patre ingenio, magnæque per Belgicam autoritatis, stabi-  
 liendis ijsdem Caroli Edictis commodum instrumentum superesse.  
 Mariæ verò, ut dixi, Austriacæ alia mens, atque consilium fuerat.  
 Prævidebat namque prudens fæmina, & longo usu res Belgicas edocta,

c15. 15.

L I X.

( x x i v . enim annis Provincijs præfuerat ) communi hoc modo concordia periculum fore , validâ utramq; inter gentem , Belgicam Hispanicamque , & pervetustâ æmulatione , quam à Philippi Austrij cum Ioannâ Ferdinandi Hispaniæ regis filiâ , matrimonio , post Hispaniam Belgicæ , Burgundiæque connexam , periti aulicarum rerum observassent . Ita factum esse , ut Legati , ( quos quotannis in Belgicæ Provincias Hispaniæ reges mittebant ) regijs magis quam suis opibus nixi Belgicam nobilitatem magnificentia ac luxu provocarent , attritisq; , nullo ærarij regij subsidio , Illustrium familiarum facultatibus eisdem Belgicæ Principes reparandæ velut fortunæ avidos , ad captanda novarum rerum consilia , Carolum verò Philippumque ad frenandam mobilitatem , ut talia fere Principum sunt , ingeniorum cupiditatem propellere conarentur . Quam causam subsecutæ civilium bellorum tempestati , non ultimam fuisse Everardus Reidanus , qui in arcana istorum temporum penetravit , fidus autor est . Cui malo , etsi id occulto naturæ odio inter eas gentes diu alitum esset , occasione belli Gallici grande incrementum accessisse haud dubium est . Criminabantur namq; intra se Hispani , ut Gallorum spolia , & manubias , ita omnis belli gloriam , & victoriæ decus Belgicæ genti cessisse , Lamoraliumque Egmondanum Belgici sanguinis Principem , qui Philippi partes cum imperio gesserat , cruentum illud diuturnumque bellum , Carolo etiam Cæsare variâ fortuna motum , primo ad Quintini fanum , deîn Grevelingam in littore Flandrico , Gallorum clade , & memorabili exitu finisse . Quare interveniente propriâ rebus prosperis invidia ( quæ pravis aulæ artibus optumè facta pessimè interpretari solet ) faciliore Principis juventâ , per æmulos , & , ut creditum fuit , Ferdinando Albano præcipuo autore actum est , ut omnis Gallici belli gloria obscuraretur , gestarumque rerum magnitudo , & simul felicità , quâ factorum auspicio usus fuerat Lamoralius , invidentium studijs in sædissimam post eadem verteretur , populisque Belgicus tributî , & fidei suæ mercedem novi Principis odium , & mox omnis sævitæ documentum acciperet . Ita libertati Belgicæ structæ clam insidiæ , quam Caroli , Philippique Principum inauguratione ratam semper inviolatamque Ordines Belgicæ caverant , & quæ Hispanos , cæterosque peregrinos dignitatibus , honoribusq; submovebat . Ad quos ut ipsis Hispanis aditus pateret , formâ regni , ut notat Demetrius , mutare Remp. in Secreto Hispaniæ diu constitutum erat , Philippumque lubricæ adhuc , & ambrosiæ ætatis Principem majoris imperij pollicitatione circumvenire . Quare Gallico bello sopito , & proclamata Philippum inter Henricumq; pace , hoc maxumè quærebatur , ut exurgens per Philippi ditiones religio , & cum eâ libertas opprimeretur , invalesceretq; Philippi Imperium vi & armis stabiendum . Scribit Borraeus Henricum II. Galliarum regem Gulielmo Nassovio Aurantio Principi Secretum icti foederis clam communicasse , pronosq; in eum affectu , sive ut fato aut ordinatione numinis in plures arcanum foedus dispalesceret , sanguinarium Philippi de subvertendo Belgicæ statu consilium aperuisse .

Emulatio-  
mes Ducum.

Tum missus in Frisiam à Margareta Arembergius cum mandatis ;  
Ut Gulielmi Lindani delegati regij Ultrajectini Præfulis , tum extraordi-



ordinarij per Frisiam Senatoris, auctoritatem confirmaret, regisque Philippi in stabiliendâ Romanâ religione voluntatem aperiret. Quæ duo varijs conventibus agitata populum Frisicum ab ipsius Lindani actionibus, ipsoque Philippo, alienavere. Qui capto deferendæ Belgicæ consilio, quo Hispanias reviseret, Gandavo, ubi morabatur, litteras ad Præsidentem Senatumque suum dedit, Frisiorumq; Legatos una cum cæteris Belgicæ Legatis adesse iussit: Litteræ hæ erant:

**G**ANDAVVM, civitatem meam, devedus sum, celebrando Aurei Velleris conventui, & ut rerum per Belgicam meam, antequam regna mea per Hispanias revisam, moderamini prospicerem. Quare Ordines meorum provinciarum convocare, & quidem quanto ocyus intra mensem hunc adesse volui, ne meum in Hispanias iter deliberatione, aut tarditate Legatorum retardetur. Igitur etiam mandabitis Frisjs, ut Legatos suos intra præscriptum tempus mittant, tardisq; & privilegium de Non Evocando obtinentibus, persuadebitis me in procinctu mei in Hispanias discessus stare. Per hoc etiam esse, quod ante animo agitaveram, ne in provinciam illorum excurrere queam. Igitur quoniam Belgicâ propediem excessurus sum, ne Frisjs quoque desim, persuadebitis ipsis ut Legatos suos salvo jure mittant, fidemq; facietis, hoc ipsum augendis illorum privilegijs commodisq; fore. Litteræ Non. Iul. Gandavo datæ.

Philippi  
litteræ in  
Frisiam.

Igitur repetito, & quidem acriore Philippi mandato, velut exulceratâ mente regiâ, quæ jus populi cum detrimento potentiae suæ invalescere ægrius ferebat, comitium Delegatorum Frisiae ad XII. Kal. Aug. Leovardiae indictum, ibique recitatis per Alexium Gelium Senatorem regum Philippi litteris, Decretum factum.

Non posse se (salvâ interim majestate Philippi) Legatos hoc tempore extra provinciae suae fines mittere, cæterum perstare in antiqui juris defensione, quod Frisios patriâ suâ evocari prohibuisset. Hoc à Regnero Meinardo Pastore Collumano, Gellio Bonnio Commendatore Hospitalis Sneccani, & Guihelmo Hissio Advocato signatum.

Quod rescriptum etsi jure subnixum foret, tamen asperius illis videbatur, qui in Philippo durius paterno ingenium, & valitum ex patientia Belgarum potentiam observabant. Itaq; x. Kal. Aug. conventus procerum Leovardiae repetitus, suspensâque agrariorum oppidanorumque lite, quæ tum flagrabat, Isbrandus Hardervicenus Præsul Lidlumenfis, Aggæus Albada IC. & Senator regius, Ruardus Roorda, & Serapius Hania Legum Doctor, & Consul Leovardienfis, ad Philippum Delegati. Illis mandatum erat, ut cum Belgicæ Provinciarum legatis, Gandavum irent, deq; Philippi regis, antequam Belgio excedat, voluntate & postulatis cognoscant. Præterea ut apud Regem populum Frisicum à pollutæ religionis suspitione purgarent, falsasque de lationes apud Philippum professione Romanâ diluerent. His mandatis litteræ ad Philippum datæ, quæ juris antiqui non obscuram probationem, cum reverentiâ tamen dominantis conjunctam, præ se ferebant. Igitur ne Philippi evocatio Frisicæ genti in præjudicium cederet, Legati coram Præsidente Senatuque regio comparuere, eaq; de re acta per-



CLV. Is scribi manu Emskerchij Graphiarij regij, VIII. Kalend. Aug. curavere.  
LIX.

Ita gens nostra dum juris sui ob potentiam dominantis vim non poterat, nudam speciem retinebat, aliquali solatio, ut cessante vetustæ, quam ab Imperatoribus Germaniæ, acceperat, & cuius libera atque sociæ provincia fuerat, immunitatis exemplo, in solis Philippi novam dominationem molientis actis, extaret. Unde Philippus confirmatâ etiam per Belgicam eâdem Gallicâ pace retineri sub signis Hispanum militem iussit, comparatisque ad protectionem, quam in Hispaniam parabat, rebus, conventum omnium Belgicæ Ordinum Gandavi indixit, exhibitoque scripto hunc in modum disseruit:

Oratio Philippi ad Ordines Belgicæ.

**I**N Hispaniam, Ordines, curandis regni mei negotijs ire constitui, imitatus exemplum Caroli patris, quem è mediâ Hispaniâ vestri aliquando amor, & publicæ pacis cura protraxit. Itaque Carolus pater, ne quid adversum ordini ingrueret, ab Anno CLV. ID. XLIII. tam diu apud vos egit, donec in me filium Anno CLV. ID. LV. senio aut invaletudine, compulsus, Burgundicæ domus patrimonium transferret. Ipse reliquum vitæ, quam brevem, & angustis terminis circumscriptam post habuit, divinis meditationibus, tum curandæ valetudini destina-ret. Ab eo tempore in Principem vestrum delectus heic quoque substi-ti, vestroque ac juxta regnorum meorum subsidio cruentum bellum, quo Gallia ruptis Inducijs in me ardebat, firmâ pace clausi. Neque excessurus adhuc Belgicâ meâ fuisset, nisi in motu Hispania, & nisi rationes mearum rerum, quas ipse expendo, postularent. Hac de causa, ut Gallicum & atrox bellum robustis nervis traherem, regnum meum non modico onere pressi, postquam tanti exercitus stipendijs vestra liberalitas par non fuit. Isto onere ut me levem, tributo, & ut illud exigam, impetremque, præsentia meâ opus est. Et quia hoc tempore omnem simul exercitum dimittere per inopiam aris non licet, ita legionem meam vestris in finibus relinquo, stipendia, prout confido, à vobis habiturus. Ut quoniam flagrante bello deesse vobis nolui, ita vos recuperatâ per me pace quieti, & felices simile mihi subsidium præstetis. Compositis per Hispaniam rebus idem addico, neque affectum in vos meum distantium locorum intercapedo imminuet. Quin daturus sum operam, ut ordinato per Hispaniam regni statu remigrem ad vos ocyus, modo res meæ, & simul vestra exigant, quarum incolumitati cætera mea posthabeo. Interim Emanueli Philiberto nuper provinciarum Præfecto, & Gallico sedere in res suas immisso (dum Carolum filium certis de causis, & antequam discors Hispaniæ regnum intravero, præficere vobis non licet) Margaretam sororem meam substitui, eiq; ut & singulis Provinciarum præfectis, in mandatis dedi, religionem Romanam certam tectam, curet, statuâtq; in delinquentes è præscripto legum coercendos. Ut idem faciatis, Ordines, moneo, hortorque, ita fiet, ut florentissimas Provincias, prout in vos Regem me sitis habituri.

Ordines dissimulâgre ferunt.

Ea Philippi Oratio, Legatis Ordinum moerorem indignationemque simul incusserat. Dolebant quippe Provincias Gallicâ adhuc face calentes, ut ante à Carolo, ita nunc Philippo deferi, summæque rei regimen inquietis peregrinorum ingenijs, & muliebri Margaretæ imperio committi. Erant quoque qui eandem Margaretam, velut tantarum rerum incapacem, pronuntiarent, & quod in matrimonio ut ante

ante Alexandri Medicæi, ita tunc Octavij Farnesij viveret, haustos <sup>Cl. Is.</sup> Italiae mores criminarentur. Maxumè verò conquerebantur, militeni <sup>L. I. x.</sup>

Hispanum, & regij exercitus reliquias in finibus Belgicæ confidere, omnis belli metu per Gallicam pacem sublato, & post mortem Mariæ Anglicæ Elisabethâ Valfesiâ in Philippi domum denuptâ. Idcirco è quiete publicâ fore, eum in Hispanias ablegari, alijs bellis usus futurum, allaturumque intereà Philippo securitatem per longinqua & infesta classibus maria ituro. Quæ Ordinum, Principumque Belgicæ supplicatio, ut tandem fructu suo, ita odio quoque apud Philippum non caruit. Præterquam enim, quod exautorandi exercitus, cuius operâ bello Gallico usus fuerat, & faciendæ intra trimestre militum missionis vanam spem faceret Philippus, ita creditus fuit, eo tempore clam sententiam mortis in eos strinxisse, qui amoveri in Hispaniam eundem militem, & extrudi Belgicis terris sollicitaverant importunius. A quo etiam hoc fuit, ut idem miles post Philippi discessum (qui vii. Kalend. Septem. Vlissingæ classem ingressus erat) annum & semestre in Belgicâ subsisteret, acturusque haud dubiè diuturnius præsidium, solius, quâ ad Zerbium Afri littoris insulam Philippus affectus erat, atrocissimæ cladis insperato vulnere revocaretur. Ita Philippus relicta Belgicâ, quam pacatam à Carolo patre acceperat, turbatam verò reliquis vitæ, & regni sui annis habiturus erat, in Hispaniam profectus est. Tradit V. C. L. Suffridus Petrus quondam Ordinum huius gentis Historiographus, Philippum non aliâ de causâ, quam ad capeffendum Regni Hispaniæ diadema, Belgica excessisse, ac secundo vento usum ad vi. Eid. Septemb. in eandem Hispaniam appulisse. Alij addunt viso attractoque regni littore classem Philippi horrendâ tempestate disiectam, navesque plurimas ipso etiam Philippo spectante, turbatis supra modum aquis demersas. Gemmas quoq; , signa, toreumata; tum operis antiqui tabulas, mirâ Belgarum arte elaboratas ac per Germaniam Italianq; à Carolo Cæsare regio paratui, ac domesticæ magnificentiae congestas, mari haustas, ipsumque Philippum magno vitæ discrimine fluctibus expositum, suis terris restitutum. Tum è Philippi habitu & simul relicto in præsidij milite, præcius velut eventuri mæror, & tacita simul indignatio omnem Belgicam pervasit. Ratiocinabantur quippe prudentiores Philippum Principem Belgicæ genti diffusum pignorandæ arctius fidei arma & militem delegisse, modumq; parando populi obsequio repertum, concordia quam maxime inimicum fore.

Strada notat, Ordinum supplicationem benignè à Philippo auditam, eandemque regia pollicitatione liberandi à milite Belgij firmatam. Cæterum properato Philippi habitu, & ut ille scribit, Belgicæ perincommodo, necdum ritè constitutæ res evanuerè, milesque Hispanus post anni effluxum per præsidia habitus. Quod ut argumentum suspectæ apud regem Belgarum fidei fuit, ita occasionem nascenti properantique ad sua initia fatali malo dedit, quod dein licentiâ Hispanorum auctum, ne moram daret, procerum quoque acrioribus ingenijs stimulatut. Sunt qui tradant, Margaretam Gubernatricem moderamini rerum jam admotam, Philippi missionem dissuasisse, ne demisso quod petebatur milite periculum à finitimis civitatibus incumberet, quas rumpendam ad pacem,

*Tempestas  
in classe  
Philippi.*



cIo. Io cem, ex se sæpe infidam opportunitas nocendi impelleret. Quibus  
 L I X. Provinciarum querimonijs etiam hæc per Frisiam seorsim accessit, quod  
 Gulielmus Lindanus Philippi, & Ultrajectinæ Sedis Legatus ( de quo  
 in Frisiam mittendo Philippus Anno cIo. Io. LVI. cum Georgio Eg-  
 mondano Præsule Ultrajectino consultaverat ) insolentius ageret, man-  
 datisque Philippi, & simul functionibus Romanæ Sedis subnixus, teme-  
 randis sacris, atque profanis sua ministeria adaptaret. Itaque Frisæ Or-  
 dines ultrò superbiam hominis perosi, mox instigante clero, de cuius  
 jure agebatur, inritati, ut pessimarum rerum principijs obstarent,  
 prolixè apud AreMBERGIUM egere, deque ejusdem Lindani superbâ &  
 insolenti dominatione hoc modo conquesti sunt :

**E** T S I libertatis nostræ diuturna possessio, quâ majores nostri au-  
 reâ illâ atate rerum usi sunt, Præsente, & nuperæ conventiones, quas  
 cum Carolo Philippoq; non semel inimus, movisse Philippum regem de-  
 buissent, ne vis ulla legibus nostris, ac religiosis ritibus, inferretur,  
 ita præter spem nostram jam diu dispendium facimus nostræ libertatis, obtru-  
 so nobis Gulielmo Lindano commissario Fidei, etsi revera Inquisitori, homine  
 peregrino, & supra quam ambitioso. Quod genus hominum, ut majoribus  
 nostris infrequens fuit, qui à Sergio Pontifice post paganos ritus Friscis ter-  
 ris ejectos liberè atatem egere, ita cum hoc ipso Philippi imperio, quod sal-  
 vâ & incolumi libertate depacti eramus, novam servitutem accepimus. De  
 patrijs legibus, quas suo huc usq; sanguine majores nostri tutati sunt, nunc  
 non loquimur : Ne quis eas violaret Francorum impetus, & Normannicam  
 vim, tum intentatum à Florentijs ac Albertis inclementius imperium susti-  
 nuimus, & ne corpora lege mancipij servirent, nosque ultimi nepotum cum  
 traduce spiritu pessimam vivendi conditionem, & novorum juxta dominorum  
 insolentiam acciperemus. Nunc verò animis, atq; conscientijs nostris tor-  
 menta parantur. Ut, quia ferrum & cauteria urendis secandisque mentibus  
 non sunt, quas ut liberrimas, ita ab omni terrenâ illuvie secretas immortale  
 numen homini largitum est, cruciatibus corporum conscientia deterreantur, ser-  
 viantq; superbis, importunisq; dominatoribus, quorum speciosa pietas enormi-  
 bus sæpè flagitijs obtenditur. Ab eo est, quod ambitioni suæ modum non po-  
 nant, Ecclesiasticas dignitates, contra leges patrias, à Carolo Cæsare Anno  
 cIo. Io. XXII. confirmatas conduplicent, autoritatem, honores, opes, ut  
 reliqui mortalium, & ferè sædius rapiant, nullo, aut minimo pietatis docu-  
 mento, quæ destinata divino cultui, & saluti hominum ministeria sedare cu-  
 ris seculi, & ludicris querendæ fortuna cupiditatibus non solet. Hoc verò  
 Lindani per Frisiam munus, hæ actiones sunt. Is namque imperia, æs, sa-  
 cerdotia, aut suæ conditioni adhevit, aut pretio corruptus largientibus conces-  
 sit, & quidem in fraudem Ecclesiastici per Frisiam Ordinis, qui Philippi in-  
 auguratione caverat : **UT JUS EI INTEGRUM IN-  
 TAMINATUMQUE ESSET,** Philippusque intacto omnis  
 status jure, ac beneficio, prout Carolinis temporibus factum erat, omnem im-  
 perij ac potentia gloriâ confirmandis religiose vetustatis monumentis impende-  
 ret. Nunc verò ut patrij sacrorum ritus polluantur, ita Præsulibus ac Deca-  
 nis legitimum jus subtrahitur, quorum à tot seculis fuisset, res sacras ordi-  
 nare, ac clerum coercere pudoris, & recti oblitum. Ea propter rogamus,

Præ-

Oratio ad  
 AreMBER-  
 gium à Fri-  
 sjijs habita,



*Præfete, ut te istiusmodi rebus interponas, procuresque in posterum, Ne quid eis id novum & insolens, quod à majorum receptis ritibus declinet, per Frisiam in-* LIX.  
*valescat.*

Cæterum, siue Legati reverentiâ, siue quod Caroli Philippique regum Edictis & sanctionibus Pontificum ultrò patrocinaretur Arembergius, parum profectum est. Hoc tantum subsecutum comperio, quod Arembergius spem Ordinibus redintegrandi Ecclesiastici juris faceret, ac de eâ re apud Margaretam Gubernatricem se acturum polliceretur. Verum in speciem, ut eo tempore ferè omnia, sed maxumè ut Philippi consilia morâ invalescerent, aulicâ lenitudine trahebantur. Quamobrem Lindanus ultrò præfractus & contumax, tum notatâ Arembergij conniventia insolentior in omnem immodestiam erupit, severumq; inquirendi officium sædiore post imperio exercuit. Cuius rei cum eum Ordines Frisæ acrius monerent, Lindanus interninatam potestatem, & secretam licentiam comprimendis temporum vitijs obtendit, Ordinesque ac Senatum juxta regium puniendis flagitijs, pollutisque sacris tardos criminatus, fremens & indignabundus cætu excessit.

*Frustra accusatur Lindanus.*

Quâ actione cum odia gentis & juxta superbia Lindani intenderetur, Ordines agrarij denuo libellum supplicem Præsidi Senatuque regio exhibuerunt, deque imminuto jure Ecclesiastico hoc modo conquesti sunt.

**C**onvenimus cum Saxone, Carolo Casare, & dein Philippo Caroli Patris Successore, privilegia & jura nostra salva fore. At verò Philippus Rex Gulielmo Lindano diploma concessit, quo rerum Ecclesiasticarum, adjudicandarum potestas ei demandatur. Quo ipso cum Ecclesiasticorum, quæ tertium Provinciæ membrum constituunt, jus lædatur, duo tamen Philippus rex istâ dispositione cavisse videtur, ut privilegijs populi Lindani diploma non obstaret, & ne regij per Frisiam Senatus auctoritatem ac jus minueret. Et quoniam Senatus regio incumbit, jus suum per regium Procuratorem tueri, ac defendere, ita de nostro retinendo tantum laboramus, quod ab omni temporum memoriâ utque in hunc diem receptum Commissarios arbitrosque juris Ecclesiastici per Ooster-Goos, Wester-Goos, Silvestres, & quidem ex ipso sacro ordine accepit. Præterea longâ consuetudine presbyteri & pastores hoc obtinuerunt, ut Decanos in jurisdictione suâ nominent, eligantq; quibus coram omni questione, quæ judicio Senatus regij non subesset, in promptu decidebatur. Ad hoc compertum est Abbates, Lidumensium, ut & alios suorum subditorum Archidiaconos esse, ipsosque per Frisiam Pastores jus instituendi Vicarios habuisse. Quæ omnia etsi retineri debuissent, utpotè à Saxone, Carolo Casare, & ipso rege Philippo Frisicæ genti confirmata, ita Lindanus horum omnium & juris apud majores nostros quesiti transgressor violatorque est. Præterquam enim quod Commissarios Ecclesiasticos neque ex Ooster-Gois nec ex Wester-Gois, nec ex Sylvestribus creatos admittat, ita Presbyteris Decani electionem negat, inque pastores presbyterosque alicuius facti criminisve insimulatos judicium exercet. Quod in Henrico Drolshagio perpetuo vicario Oldenbovis observatum est, quem à divinarum rerum administratione suo arbitratu semovit. Præterea pastorum jus, quo vicarios instituunt, ad se trahit, facitque omnia, quæ immodicæ, & non legibus compressæ potestati conveniunt. Quod cum nobis intolerabile, ipsi indecens sit, petimus, Præses Senatusque, ut superbi hominis libidinem, insolentiamque castige-

cl. Is. tis, illiusque Lindani immodestos mores rescripti severitate coercetis.

LIX.

Quo facto Præses Senatusque regius Lindanum ad se vocavere, increpitumque turbati ordinis & violatorum rituum abstinere immodestis actionibus iussere. Hæc ix. Kal. Aug. acta, & ab Emskerchio Graphiario regio signata. Quod etsi se facturum polliceretur Lindanus, tamen sacræ et jam cæptæ dominationis cupido, hominem ex ingenio suo violentum magis effervit, novisque Frisiorum querimonijs occasionem aperuit. Quippe ademptâ plurimis concionandi, sacraque celebrandi potestate, omne Ecclesiasticum iudicium maiore superbiâ, & ut fieri in liberâ gente assolet, invidiâ exercuit, ipsosque Ordines, quasi ex Philippi ore pronuntiaret, acerbioribus dictarijs insectatus est. Itaque retracto ad iudicium Senatus regij Lindano partes litis contestationem subiere, ipseque Lindanus, etsi favore, ut profitebatur, regis ac Viglij Præsidis subitus, acrem juris processum, quo multa ei objectabantur, cum invidia provincialium sustinere coactus est. Invenio in actis Renicum Burmania Iuris Doctorem, Valerium Cammingha, Harinum Glinzium, Hesselum Aysma Iureconsultum, Frisiæ Delegatos causæ actores fuisse, ipsosque Leovardientes, alienis à Lindano animis agrariorum partibus se adjunxisse.

Maris inundario,

Post xviii. Kal. Decemb. ipso novilunio, quo maria ordinarijs vicibus maiore æstu cientur, Oceanus intumuit, ruptoque multis in locis, qui Lemmarios spectat, aggere, depressa ferè ac palustria regionis obtexit. Itaque Biltanus ager, per quem clementi, & insensili ferè altitudine Frisia in Corum exsurgit, ut & maior Westergoæ pars, intactus ab aquarum salsedine mansit, toto Sylvestrium tractu, qui à Cunera, & Stellingwerfs in Winbriterios, ac Wonseranos protenditur, marinis undis operto. Oostergoos quoque plerosque Leppæo aggere, velut munimento agrorum suorum, clausos, ab hoc malo immunes fuisse Andræas Gryphius in suis notis autor est. Idem scribit aquam marinam eodem æstu circa nonam vespertinam repente Bornensibus affusam, mox Coro vento auctam, areas domorum, villarumq; habiles ferendis navigijs fecisse. Post surgente Euro sensim relapsam eadem quâ perruperat, viâ, & laxantibus catarractis in suum alveum rediisse.

Arembergius conveniunt habet.

Mox Arembergius ad viii. Eid. Iun. conventum Ordinum Frisiæ Leovardiæ indixit, postulataque quæ vigesimo mensis Anni LIX. Gubernatrix Margareta ipsi commiserat, hoc modo Carolus Nitzenius, Præses Senatus, proposuit.

**A**NNO LVIII. mense Aprili Arembergius Frisiæ Præfectus vos convocari fecerat, & quidem de mandato Philippi regis, ut indicaret quibus oneribus regie res premerentur. Quæ ipsa quoque non aliâ ex causâ regio ærario obvenere, quam quod Provincias hæc à Gallorum armis ac incursionibus liberaverit. Ita modo circa Rhenum, modo per Artesiam, Hannoniâ atque Flandriam exercituum aluit, quo à vobis vestrisque finibus hostem averteret, qui regionem in vestram, & Translaticanos, tum gentes circa Isalam flumen sitas, excursurus dicebatur. Hoc modo Provincia aliâ pace & securitate beneficio regio florere. Quod agnoscendo, dum Groningenses, Trans-



Transsilvani, Lingenſes, Drentini, & ipſi Geldri Philippo ſubſidia decernunt; c15. 10. vos ſoli perducere ad ſublevandum regis ararium non potuiſſis. Neque tamen eo minus à bello ceſſatum eſt, quod binis, & quidem felicibus ad Quintum ſanum, & Grevelingam præliis, utilem honeſtamque pacem, ſed impenſa regiâ dedit. Qui propterea res ſuas aut diſtrahere, aut pignori dare coactus, militem in armis, quantum potuit, ac fide retinuit, aliquos defectu æris, non exſolutis ſtipendijs, exautoravit. Quæ ut ad manum ſint, ne fides, exercitus ac ſimul diſciplina ſolvatur, & ut ſubveniatur rebus regijs diuturno ex bello impulſis, Margareta Gubernatrix conventum hunc haberi voluit, quo ſubſidia regi præſtaretis. Quod facere tanto vobis facilius erit, quanto minus provincia veſtra onerum ſuſtinuit, quæ durante AreMBERGIJ Præfecturâ neque militem colligere, nec militarem manum recipere intra fines ſuos juſſa ſit. Cum è contra Brabantini, Flandri, Artesij, Hannonij, Namurcenſes, Luxemburgi militaribus injurijs vexati ſint, regiſq; amore aut ipſi ſub ſtipendijs fuerint, aut laudabili facilitate rogas conceſſerint. Quibus rationibus permotus AreMBERGIUS idem, quod anno LVIII. proponi per me fecit, ut in memoriam revocaret, quæ iſto conventu acta ſunt. Quo tempore vos ipſi deprædicaſtis non minore affectu erga regem Philippum duci, quam quo Carolum patrem proſecuti eſtis. Ut iſtis vocibus fidem adſtruatis, retinendis in obſequio ac diſciplinâ egionibus, ſublevandæque domui regiæ, ſeptuaginta aureorum millia hoc tempore exigit, utque intra quadriennium æqualibus penſionibus ea præſtentur. Hæc VII. Jul. voce Nitzenij propoſita.

Quare XI. ad AreMBERGIUM ablegati Gerardus Duingelius Abbas Ger-ricomius, Ioannes Herama, & Hero Burmania, hoc modo reſponderunt.

Non uno malo populus noſter, Præſecte, gravatur, ſed inter ſteriles annos inclementiâ cæli infelices, tum inter infrequens commercium, res provincie trahuntur. Vnde annonæ caritas, quæ publicæ infœcunditatis individua comes eſt, per Friſiam ſuborta, intumeſcente ad hoc mari, quod ruptis, aut attritis littoribus falſedine agros corruptit. Inde pecorum paſſim interitus, & frugum penuria facultates noſtras exhaustit, quas, veluti confluentibus malis, præter aggerum marinorum impendia, roga quoq; & precarium æs in Caſarem collatum attenuarunt. Et certè niſi perire terras noſtras, quod in Zelandiâ evenit, aut arredi ab Oceano volumus, marinis eſtibus frangendis, reſcien-diſque aggeribus, omne, quod poſſidemus, impendendum eſt. Ut certè præſtando beneficio, & liberalitati obvia quæque calamitas nos invalidos fecerit, quorum inſuper ararium, ſexaginta millibus aureorum, quos Caſari Carolo erogavimus, exhaustum ſciēs. Tamen, ut in tantâ rerum anguſtiâ nos, quemadmodum ante Caſari, ita regi Philippo approbemus, offerimus quinquaginta aureorum millia ſex penſionibus perſolvenda, ſub hac tamen cautione & curâ, ut ſalvo jure & immunitate noſtrâ fiat, & ut ex conventionem cum Carolo Caſare Anno XXXIX. initâ, omne juri noſtro adverſum corrigatur.

Quâ conditione lectâ offenſus AreMBERGIUS, cum Senatus regij parte in arcem ſe contulit, ſibiſque ſexaginta millia aureorum assignari pure non adjectis conditionibus petijt, quas regis Philippi nomine, ſi imminutum gentis jus foret, ſuppleturum ſe dicebat.

Neque enim ante ( inquit ) civitate hac excedam, niſi quod regio Carolique



cIo. Io. nomine vobis promissum est, præstetur, paratus, ut impendia conventuum publicorum evitemus, toto die ab ortu solis ad occasum reparandis rebus vestris vacare.

LIX.

Quare postero die, qui XII. erat, Arembergio per Ruardum Roorda & Heronem Burmania Delegatos, responsum:

*Quamvis oblatio quinquaginta millium aureorum nostram liberalitatem, & in Regem affectum satis prædicaverit, tamen amore & reverentiâ regis Philippi majestatis ducti, spondemus nos quinquaginta aureorum millia quinque justis pensionibus soluturos, sed hac cautione adjunctâ, ut lesi juris exempla aboleantur, & ut Lindani superbiæ actionibusque Ecclesiasticis occurratur.*

Hæc ab Eysone Wiltinghio Præsule Clare-campio, Herone Burmania, Isbrando Harderviceno Antistite Lidlomenfi, Ruardo Roorda, Feddone Ockio, presbytero Oelano, & Ulrico Regnerio signata. Quæ cum detrectaret Arembergius, qui puram & sine exceptione conventionem volebat, rursus conventum sibi dari petijt, novamque relationem ad Ordines institui. Qui cum in priore decreto persisterent, Arembergius pertinaciam, an libertatem gentis miratus, præstationem 50000. aureorum accepit, eâque de re Margaretam Gubernatricem se monitutum fidem fecit. Ita res ad tempus interquievit, donec Margareta Gubernatrix, mobilitate animorum introspectâ, libertati gentis aliquid daret, conventionemque cum Frisco populo initam, scriptis eâ de re solemnibus tabulis XIII. Augusti, ratam esse jussit.

Extruenda  
Basilicæ  
co. filium.

Reperio in actis, eodem conventu de extruendâ Philippi Basilicâ, colloquium institutum, Ordinesque Frisæ, petente Arembergij nomine Nitzenio, tria millia aureorum erigendo operi, Leovardienfes octingentos addixisse. Sub hac tamen formulâ, ut conclave aliquod conventui Ordinum habendo, reservaretur. Quæ res etsi anno XLVI. Carolo adhuc Cæsare & Maria Caroli sorore, rerum potiuntibus, tractata in curia oppidanâ fuisset, ita tunc in comitio confirmata vim ac robur accepit.

Querela de  
Lindano.

Mox vetus de Lindano querela recrudit, multaue odio illius & conciliandæ invidiæ Arembergio Senatuique regio oblata Lindani personam & simul dignitatem prægravavere. Quâ cum movere cum Ordines conarentur, non invalidis rationibus, quibus malè administrati muneris urgebatur, tamen exteri hominis superbiæ, quam æquiori causæ plus datum, inrepente apud nonnullos metu, regis majestatis voluntatem repetitis contra Lindanum obloquijs eludi. Quare multa in speciem acta, retinendique juris spe populo Frisco per Arembergium Senatuique regium factâ Lindanus abjectum & humilem, quem simulabat, animum, majore mox superbiâ elevabat. Quod ab Arembergij, qui impense ei faciebat, consilio profectum illi non ignorabant, qui arcanos per litteras cum Margareta Gubernatrice Arembergij sermones, tanquam Lindano profuturos, evulgabant. Quippe illi Margareta rescripserat; Non videri sibi accusationum materiem amovendo Lindano satis validam, quin contra innocentiam ejus facere, quod ab objectis se purgare singulari constantiâ offerret. Interea monitutam se Episcopos & Archidiaconos jurisdictionem per Frisiam habentes, ut vetus mos in instituendis pastoribus servetur, & ut curatum, sicuti

voca-

vocabant, beneficium nacti non nisi de consilio præsidis Senatusque regis, & ipsius quoque Lindani, repetito examini subijcerentur. Quod ad commissarios Episcopi Ultrajectini & Archidiaconorum, qui Oostergois, & Westergois pro more præsent, placuisse Philippo regi, & Episcopo Ultrajectino, non ita pridem defuncto, ut stabiliendam ad religionem, reformationemque status ordinisque Ecclesiastici per Frisiam, ut censor aliquis doctrinæ & pietatis laude præcellens crearetur, qui in vitam ac mores cœnobarum pastorumq; doctrinam inquirat. Cujus curationi, cum Rex, & Episcopus, tum ipsi Archidiaconi multum æris impendant, non aliam Regis, Episcopi, aut Archidiaconorum intentionem esse, quam ut Romanæ religioni consulatur, & ne Frisij onere sustentandi Episcopalis Vicarij, aut censoris, graventur. Præterea addebat Margareta non esse suæ potestatis, sine regis voluntate, aut mandato, hac in parte quid mutare, neque inconsulto novo Episcopo aut Archidiaconis aliud decernere quam quod Philippo regi visum fuisset. Se interim daturam operam, ut jus Frisij factum tectum servetur, moneaturque Lindanus; ut ex præscripto Philippi Regis agat. Hæc Bruxellis v. Eid. Jul. acta, & Margareta manu signata.

Tum ut res ultrò per Edicta & Inquisitionem, dein ob Hispanorum Legionem per præsidia distributam lubrica, validioribus machinis impulsæ nutarent, vix reversus in Hispaniam Philippus post compressos primatum sanguine regni motus, & infelices exitu cum Elisabethâ Vallesiâ regij Francicque sanguinis fœminâ, celebratas nuptias, constituendorum per Provincias Episcopatum negotio se dedit. Quapropter misso jam ante Romam, ubi Paulus xv. Pontificatum tum gerebat, & quo cum bellum in Italiâ Philippus gesserat, Francisco Sonnio Theologo Lovaniense, & per Frisiam Inquisitore, de consilio Antonij Perennoti, hoc maxumè cavit, ut negotium Pontifex maturaret, ipseque occasionem obturbandæ Belgicæ nactus, Gallici fœderis secretum, suo principatui, & juxta Provinciis fatale, & climactericum exequeretur. Itaque Paulus Pontifex, ne rei tam sanctæ, & necessariæ moræ necerentur, x. i. v. Kal. Jun. Philippi mox consilium approbavit, confirmarique tabulis fecit. Quo Pontifice humanitus abrepto, & damnatâ cum eo ob fœditatem gesti Pontificatus omni memoriâ, Pius xv. successor eandem mox sanctionem confirmaverat, Philippique propositum, velut persanandis per Belgicam mentibus salubre, & Romanæ Sedis Imperio conducens corroborari factis eâ de re v. i. i. Eid. Mart. tabulis fecerat. Ita Sonnius curatis, quas Romæ voluerat, rebus, in Belgicam regressus ordinationes novorum Episcoporum, & simul fomitem civilis incendij clam adduxit. Reperio in litteris mandatorum Sonnij, causam constituendæ per Frisiam Sedis luxui & corruptis cœnobarum moribus imputatam, reprimendisque adultis cleri vitij unicum illud remedium sanandis malis repertum. Duorum quoque Cœnobarum Horti Mariæ, & Lidlumani amplissimum censum Sedi destinatum, triaque millia ducatorum mensæ Episcopali assignata. Reliquum dotis, quod ante monachorum luxum insumpserat, Canonici attributum, eosque è S. paginæ Canonumq; Doctoribus, tum è Nobilitate creandos in iisdem litteris Philippum constituisse. Ultrajectinæ

ANNO  
CL. 15.  
L. X.



clo. Io. quoque Sedi, ut ante Willebrordi ætate, Archiepiscopum ordinatum  
 l x. Suffraganeosq; Daventriensem, Leovardiensem, Groningensem, Har-  
 lemensem, & Middelburgicum eidem Archi-Episcopo subjunctos. Qui-  
 bus in Hispaniam à Sonnio missis robur post additum, Philippusq;  
 xv. Eid Maij in ipso (ut habent tabulæ) consistorio eâ de re Decre-  
 tum fecit.

Extat in Cornelij Gemmæ observationibus terribilem Solis defectum  
 mense Augusto evenisse, multaque prodigia velut facem belli denun-  
 tiantia, curiosè notantibus apparuisse. Lucem quoque magnam cum  
 levi terræ motu notatam, totumque annum tempestatibus & procellis,  
 tum fulminibus fragoribusque cœli, turbidum fuisse. Præfagiente vel-  
 ut rerum naturâ, indicandis in hoc terrarum circulo motibus præludi.

Dein Philippus regio luxu celebratis nuptijs Carolum filium unicum  
 adhuc regię domus hæredem per omnem Hispaniam, juramento à pro-  
 ceribus regni subditisque accepto, designari successorem, confirmari-  
 que curavit. Ut scilicet dubio longioris vitæ spatio, & incertâ Eli-  
 sabethæ fœcunditate, diffusum regni corpus, & haud pridem factio-  
 nibus obnoxium, certo hærede, &, si quid humanitus accideret, ma-  
 jestate novi regnantis coërceret. Quarum rerum ut ignaræ adhuc per  
 Frisiam mentes erant, ita domesticis econtra malis, & multo prædona-  
 ne adligebantur. Interceptis namque Gallicâ pace stipendijs pessimos  
 quosque, ut nuper militiæ, ita tum ignavia ac desidis vitæ cupido gras-  
 sationibus per provinciam mancipabat, otiumque inutile, & turbidis  
 rebus, aut perdendis Provincialium fortunis succressens, fœdis & re-  
 probatis bello sceleribus pascebatur. Quamobrem Senatus regius (quod  
 jam ante sancitâ Anno clo. Io. xlv. Gallicâ pace Carolo Cæsare  
 venerat) edicto in prædones statuit, deprehensisque cum telo concili-  
 andæ securitati publicæ severam legem, poenam capitis, denunciavit.

Invenio in actis circa Berlicomos, Vieranos, Beetgumanos & confines  
 enormi licentiâ pecora promiscuè alienum in pascuum acta, ipsosque  
 colonos agrorum & proprietarios eâ de vi apud Senatum regium con-  
 questos, ad comitium provinciæ rescripto Curiæ remissos. Ad libellum  
 quoque supplicem ab iisdem Berlicomijs socijsque anno sequente lll.  
 Mai oblatum, velut distractis in graviora ingenijs, non rescriptum fuisse.

ANNO AreMBERGIUS quoque Ægyptios paganis ritibus, & profanis supersti-  
 clo. Io. tionibus imbutos, suæque Præfecturæ graves & molestos Frisiâ ocys  
 l x. excedere, similique gladij poenâ (quâ Carolus Cæsar ex Edicto An-  
 ni clo. Io. xxxiix.) coërceri iussit. Edictum vii. Kal. Octob.  
 Vollenhovæ signatum. Cautum quoque, ut earum rerum merciumq;  
 (quæ adulatione istorum temporum, ac discordi implicitoque factioni-  
 bus populo Frisco, Carolo Cæsari Anno clo. Io. xxiv. vectigales fa-  
 ctæ erant) apud Conductores Regios professio fieret, persolvereturq;  
 vectigal importandis in Frisiam, rebus, mercibusque assignatum. Poe-  
 na in Transgressores Edicti statuta, decretumque ut confiscationi re-  
 rum, mercium, naviumque pecuniaria quoque multa adjiceretur à Ca-  
 rolo Cæsare Anno clo. Io. xlv. fraudatoribus istiusmodi vectiga-  
 lium irogata. Si fructus deperditæ per discordias libertatis fuere, quo-  
 rum onera adolescente principatu, post etiam bello aucta, liberrimam



tot sæculis gentem diuturnis armis, & succrescenti indies servituti c10. 19. implicuere.

LXI.

Post partem Edicti à Carolo Cæsare Anno c10. 10. l. publicati Senatus per Frisiam regius renovavit, vetuitque; Ne quid in publicum, ANNO præterquam de consilio Censorum typis ederetur, vulgareturque poenâ c10. 10. ex eodem Edicto 100. aureorum constitutâ. Edictum 1x. Kalend. LXII.

Ian. Leovardix signatum. Hoc quippe Edicto obtendebatur, ne, ferace istiusmodi librorum Germaniâ, quæ libertatem suam, invito etiam Cæsare, retinuerat, simile per Belgicam fieret, ætasque tenerior, propriâ animorum mollitie, cum ipso velut lacte præcepta purioris doctrinæ hauriret. Itaque Maria Gubernatrix nomine Caroli Cæsaris hoc etiam Anno c10. 10. LIII. sanxerat, ut decretorum Germaniæ liber per Frisiam non valeret, nullaque aut inefficax ad Decreta Germaniæ Augustanis Comitij Anno c10. 10. XLVIII. facta reorum, damnatorumq; in causa religionis provocatio haberetur. Ijs namq; caverat Carolus, ut partem onerum Imperij Belgæ ferrent, ad eos verò Rescriptorum, Statutorumque ejusdem Imperij (quibus libertatem Religionis coactus indulserat) communio, beneficiumvè non perveniret. Quapropter ne jure ac immunitate Germaniæ (quâ ab omni memoriâ ex tot Cæsaris Diplomatis, tum ex ipsa quoque Carolinâ conventionem anni c10. 10. XXII. debebant) Frisij fruerebatur, promulgatis per Belgicam de Religione Edictis, Statutisque eos parere jufferat, omni exemptione foedo exemplo antiquatâ. Ita namq; inter Frisios Carolumq; Cæsarem conventum erat: **U T C A E S A R J U S S A X O N I S A C H A E R E D I T A R I I P R A E F E C T I C E S S I O N E A C C I P E R E T, E I Q U E J U S - J U R A N D U M, U T E T H A E R E D I B U S, P O S T E R I S Q U E N O M I N E R O M A N I I M P E R I I D E F E R R E T U R.** Neque aliam rationem ineundi inter Belgicæ Provincias, Frisiosque foederis Mariam Gubernatricem, Anno c10. 10. XXXV. iv. Eid. Iun. proposuisse, quam ut ad mutua auxilia adversum vim externam Provinciæ se obligarent, suo verò jure, (ac si foedus, Principisvè imperium nihil de eo delibaret) unaquæque Provincia fruerebatur. Cæterum robusto Cæsaris Principatu, & adultâ post partium, quæ à libertate majorum desciverant, adulatione, omnis aviti, patrijque ju is memoria, atque vis sensim oblitterata, Frisiorumque Ditiones Germaniæ Imperio subtractæ, duorum Cæsarum Maximiliani atque Caroli cupiditate, patrimonio Burgundicæ domus adscriptæ sunt. Ab eo namque fuit, ut solemnem illam cum Frisij Anno c10. 10. XXIV. pactionem omisso Imperij, quod præferre debuerat, nomine, CAROLUS CAESAR, SE, ET HAEREDES, POSTEROSQUE, UT HOLLANDIAE COMITES servaturum caveret, nulloque tempore, ita paciscente odio Geldricæ partis Burgundicæ factionis nobilitate, Frisiam ab Hollandiæ Comitatu se separaturum, fidem interponeret. Quod ne fieret subsecutis temporibus Maria quoque Gubernatrix, datis in Frisiam Anno c10. 10. XLIX. Prid. Eid. Iun. litteris, obnixè Frisios rogaverat, ut foedus autore Cæsare, cum Romano Imperio, de præstandis auxilijs.

Edictorum  
promulgatio.

Au-

c10.10. Augustæ Vindelicorum initum, Frisij approbarent, arctiorisque societatis vinculo hac ipsa occasione cum Belgicæ populis coirent. Hoc namque illo consilij arcano tum agebatur, ut Frisij hortatu Mariæ Gubernatricis, Principis fæminæ, & civiles animos movere non imperitæ, tum reverentiâ, cuius mandatum Maria præferebat, Caroli Cæsaris pellecti, & firmiore cum cæteris provincijs nexu uniti, ab antiqua Romani Imperij societate divellerentur, communemque cum Belgico populo fortunam, & conditionem instantium temporum acciperent. Carolus quoque Cæsar sociatâ Germaniæ Belgicâ, discors religionibus, & lacerum Principum armis Imperium commodius coërceret, compositoque, & pacato eodem Imperio Belgicam suam, novarum, ut aiebat, religionum fæcundam, in speciem regni, & non disparatæ cum Hispaniâ servitutis, subsidio eiusdem fœderis formaret. Caterum continuam in Carolo fælicitatem fastidiente, & velut manum retrahente fortunâ factum est, ut sua Germaniæ libertas constaret, Carolusque Cæsar, prout incerti mortalium rerum eventus sunt, proposito excidens, præfractum illum & magnitudini suæ fatalem in religione zelum, quietis Belgicæ provincijs suo, & successoris filij damno inferret, Frisios etiam, ut naturæ limite & ultimo Rheno, ita legibus, moribusque à Belgicæ populis Burgundionum subditis discretos, ipsdem, quæ de religione per Belgicam sanxerat, Edictis teneri obligarique pronuntiaret. Litteræ Mariæ Gubernatricis ad Senatum regium (qui iudicium Caroli Cæsaris super hac re per litteras xvi. Kal. Iun. Leovardiæ datas requisiverat) Bruxellis iv. Non. Iun. Anno c10. 10. lxxx. signatæ. Liber quoq; de Confessione Fidei incerto autore, & spretâ Censorum autoritate, editus, à Senatu per Frisiam regio damnatus est. Tum deducendâ reparandâque, quæ à Sigeri Coenobio Garipam ducit, viâ, inter Tietzerchios, & Smallingæos orta lis à Senatu regio definita, mandatumque agrarijs per Provinciam, ut vias publicas eluvie brumalium aquarum fœdatas, ferendis equis, curribusque commodas curent. Cautum quoq; asperè, Ne quod maris ejectamentum, sive æstu è fundo actum, sive tempestate disiectum, sine Prætorum consensu à litore asportaretur, cæterum omne fluitans, naufragumvè, ut ante ex pacto Cæsari, ita Philippo pro more cederet, denunciatione eius rei intra xxiv. horas Prætori, triduum verò Senatui regio facienda.

Idem statuit, Ut ij, qui tabulationibus littorum, portumvè (arcas veteres achitectonicæ autores, ut & hodie, vocabant) manus admovissent, earum asseres, sublicas, tigna rupissent, abstulissentve, capite luerent, ablatorum verò ejectamentorum convicti, pecuniariâ multâ, post arbitrariâ poenâ corrigerentur. Hoc quippe nolebat Senatus, ut Frisica gens navigiorum spolijs questum faceret, munimentumque infidi littoris immenso sumptu arcendo mari à maioribus fundatum privati licentia, & rapacitate nudaretur. Mox ingravescenti rursus annonæ prospectum, publicatumque à Margaretâ Gubernatrice, Ne quod frumentum Frisiâ exportaretur. Quod decretum, quia Anno c10. 10. lxi. Carolo Cæsare impediendis, minuendisq; commercijs videbatur, ita per Legatos coram Mariâ agrarij tum egerant, ne quid tale in posterum manifesto Provincialium damno perscriberetur.

Caroli Cæsaris molitiones.

Annonæ Cura.



tur. Ostendebant namque exportatis frumentis annonæ periculum non c<sup>15</sup>. Is.  
 frui, quod ea soli Frisici natura esset, minimum secalis, hordei verò L<sup>11</sup>.  
 ac avenæ plurimum ferre. His quoque solis stare, & florere com-  
 mercia, ijsq; fieri, ut per mercatores aliunde advectos pecuniæ haud  
 parum agrarijs accedat, quâ marinorum aggerum, tum regionum  
 vectigalium onera ferri queant. Sine hoc verò subsidio, nec privatas  
 agrariorum res consistere, nec statas vectigalium pensiones præstari  
 posse. Neq; enim tantas oppidanis opes, atq; facultates esse, ut omni  
 frumento paratum æs assignare queant, etiam extemplo persolutum,  
 caritatem annonæ daturum. Ita namq; fore, ut ipsi pretium quod vo-  
 lent, statuunt, agrariorumq; sæpe angustia malè usi per damnatas legi-  
 bus coëmptiones, frumento caritatem, egestatem plebi, penuriam uni-  
 versis sint paraturi. Idcirco rogabant Carolum Cæsarem, ut habitâ  
 libertatis ratione, decretum antiquaret, duranteq; bello Gallico, aut  
 caritate rerum tantummodò valiturum, fidem daret. *Discepta-  
 tio.*

Id Mariæ Gubernatricis rescripto (additâ obtestatione integrum  
 agrarijs jus, inviolatumque fore) v<sup>1</sup>. Eid. Ian. confirmatum, ut  
 ijsdem agrarijs tum damnosum, ita hoc tempore sublevandæ commu-  
 ni annonæ remedium fuit. Eò namque Margaretae consilium atque  
 Edictum spectabat, ut coëmptiones cessarent, omneq; frumentum in  
 promiscuos populi usus erogatum istius anni præsentaneæ sterilitati me-  
 deretur. Æstas enim ut multo imbre madens, ita torpido aëre pu-  
 tredinem frugum, mox animalium luem, atque pestilentiam invexerat,  
 stagnantesq; per planitiem aquæ campis suoapte ingenio humentibus æ-  
 grius laxabantur. Inveno in Annalium libro Kemponis Martenæ, graf-  
 fantibus adhuc per Provinciam Burgundicam Geldricarumque par-  
 tium reliquijs, Frisicæ Ordines Georgij Scenci & suorum dominatione  
 offensos, Margaretam Cæsaris amitam Provinciarum tum Gubernatricem  
 suppressæ, aut sterili annonæ simile remedium orasse, querimoniam-  
 que Ordinum eidem Edicto, per Carolum sæpius Cæsarem vulgato,  
 causam dedisse. Idem quoque Edictum vehementibus oppidanorum  
 studijs anno sequente confirmatum, poenamque lege constitutam vio-  
 latoribus Edicti à Magistratibus per Frisiam irrogatam esse, Hobbio  
 Baerdio, Cornelio Fonckio, Tarquinio Valleſio, Iacobo Iacobæo,  
 G. Wallema, Theodoro Theodoreto, Foccone Andreae, Ioanne Iu-  
 lio Beima, & Bonnone Petræo III. Eid. Mart. subscribentibus. Legem  
 quoq; de ponderibus, & mensuris, Saxonum ætate latam, ab ijsdem  
 innovatam, statutumque ut per oppida Saxonicae legis ratio atque for-  
 mula observaretur. Dein litteræ à Senatu regio ad Prætores, Magi-  
 stratusq; per Provinciam datæ, quibus statuebat, Ne qui clam con-  
 ventus populi concionesvè essent, intraque præturas aut oppida ulli  
 advenæ præterquam probatæ in Ecclesiam fidei reciperentur. Sanxit  
 insuper, ut ex optimis quibusque Magistratus populi Frisici crearen-  
 tur, arcerenturque communione munerum dignitatumq; novarum re-  
 ligionum suspecti, tum sædiore vitâ, temulentia & adulterijs cooper-  
 ti. Franequeranos etiam, velut majore rerum licentiâ præ cæteris u-  
 sos, idem Senatus commonuit, ut frequentes sacris intersint, remque  
 divinam more majorum agant, abstineantque privatis consultationibus

*Edictum in  
 conventus  
 populi*



cIo. Io. Philippo regi, & simul pacti publicæ adversis. Litteræ rrr. Eid No-  
 vemb. Leovardiae exaratae. Unde Ordinum Delegati (in quorum nu-  
 mero Renicum Burmania Jure-Consultum, Ruardum Recorda, Vale-  
 rium Camminga, Haringum Glinzium, & Hesselum Aysma fuisse  
 comperio) velut diuturnioris moræ pertæsi, quod reparandi juris pro-  
 missa tardius procederent, Commissarios, ut vocant, dari sibi à Senatu  
 regio petiere, qui de laso imminuteque gentis jure cognoscerent, a-  
 ctæq; & postulata toties in spem rediturae libertatis repetita eludi va-  
 nis responsionibus deprehenderent. Quare Senatus Regius Carolum  
 Nitzenium Equestriis ordinis virum, & Senatus Praesidem, Petrum  
 Dekama, Equitem & Senatorem, Alexium Gelium Senatorem & regij  
 Fisci advocatum, delegavit, cognitisiq; quæ Ordinum Delegati prolata-  
 turi forent, totum ad Senatum relationes institui jussit. Qui ut com-  
 modis Philippi prospiceret, gratiamq; novi dominantis cum odio pro-  
 vincialium demereretur, naves quoq; omnes ex Hispania, Gallia, An-  
 glia, tum de freto Danico, ac emporijs orientalibus in sinum Scolbalgi-  
 cum provectas, sponte an de consilio Margaretæ Gubernatricis, gra-  
 vari nautico ære fecit, quo vasorum indicandis syrtibus mari innat-  
 antium impendia commercijs negotiantium redimerentur. Quod cum  
 ægerrimè provinciales haberet, & imprimis Collumanos Doccuma-  
 nosque, quorum onerariae naves illo potissimum sinu recipiuntur, De-  
 legati Ordinum, qui indicti oneris novitate offendeabantur, recitari  
 Doccomij & per maritima, regij Senatus Edictum vetuere, populoque  
 commercijs florenti, jus antiquum, immunitatemq; asseruere.

Aded diffidentiae vitium, quod postremis etiam Caroli annis se ape-  
 ruerat, debile rebus se ultro dissolventibus vinculum, Philippi maxumè  
 principatu increvit, pertinacibus populi in libertatem studijs Principi  
 suspectis, & Arembergij Senatusque Regij imperio Provinciae gravi.  
 Itaq; is jam ante caverat: Nequis Leovardiae præterquam officialis re-  
 gius, aut publicus justitiae administer, cum telo incederet, ipsove no-  
 ctis obscuro, sub poenâ legis de VI P U B L I C A latae, per-  
 petrandis obtegendisque flagitijs uteretur. Post, stabiliendis Romanæ  
 sedis Pontificumque sanctionibus statuta per Provinciam publicavit. Iis  
 præcepit. Ut festis diebus, & divino cultui dictis, quæcunque etiam  
 operæ, commerciaque cessarent, ipsiq; quadragesimæ, aut alijs die-  
 bus, quibus Ecclesia jejunium ordinasset, esu carniū Frisij abstine-  
 rent. Statuit quoque ne, dum res divina publice fieret, cauponaria,  
 & comessationes haberentur, pecuniaria multa, post arbitraria & gra-  
 vi poenâ transgressoribus irrogata. Hoc tantum indultum fuit, ut pro  
 operarum, valetudinisve ratione Decanus, Commissarius, Presbyter,  
 Medicusve disponderet, isti; rei, ne quæ fraus statuto fieret, testimo-  
 nium scriberetur. Tum diuturna asperimaq; hyems omnium, qui  
 tum per Frisiam degebant, memoriam superans Frisiae incubuit. Quip-  
 pe non Lavicae tantum, Amasique flumina, sed Austrinum etiam ma-  
 re, quod latissimis aquis, & qua Flevo proximus est, vehementi æ-  
 flu concitatur, commendi potestatem hominibus, curribus, jumen-  
 tisque fecit, remque oculis expositam, & majoribus infrequentem na-  
 turæ quodam miraculo insignivit. Annotatum reperio eadem flumina  
 atque

Armatum

 ANNO  
 cIo. Io.  
 LXIII.
Asperum  
gelu,

atque æstuarialia, quæ Frisijs prætexuntur, vernum ultra Æquinoctium c. 10. glaciem aluisse, agrosq; non ante Iunium mensem revirescentes adulti L xiii. veris amantitatem brumali inclementiâ commutasse. Itaque pecorum fimus, quæ adhuc Majo mense stabulabantur, in ipsis stabulorum fossis adeo per gelu induruerat, ut solis ferramentis comminueretur, atque grique antecedentis anni sterilitate infœcundi stato Æquinoctij tempore non pastinarentur. Hyems quoq; ut longa, ita quam maxumè aspera accisa pecorum pabula faceret, cultisq; serius arvis metus iterum ab annonâ, & difficili alimoniâ anxij solicitiq; provincialibus haberetur.

Mox Margareta Gubernatrix datis ad Præsidentem Senatûq; regium litteris totius cleri conventum indixit, litterasq; suas prælegens Carolo Nitzenio, in cuius domo congregabatur, recitari hoc modo fecit.

Margaretæ  
litteræ de  
Concilio  
Trident.

*Concilium Tridenti coactum nostris, ac jam Episcopos sacræq; pagine Doctores celebrando isti Christiani orbis conventui isthuc se contulisse. Et quoniam tanta ac tam sancta res sine magnis impensis geri non potest, rectè & ex voluntate regis facietis, si, quod ab omni clero per Belgicæ provincias factum est, pecunias quoq; isti negotio colligatis. Neq; spero vos in illo Philippi regis decreto exequendo tardos ac contumaces fore, præsertim cum stabiliendo Ecclesiastico Ordini, & reprimendis erroribus jam ubivis grassantibus, istud Concilium destinetur.*

Similes litteræ ad Godefridum Sylvium Horti Mariæ Præsulem datæ, quo eius autoritate, Præsulum per Frisiam animi ex novitate rerum exulcerati, sacrum ad æs corrogandum perducerentur.

*Neq; enim (scribebat Margareta) huic tributo obloquutum est, etiam ab ijs, qui à Belgicæ olim provincijs secreti, magno corpori ex justis principum imperijs se sociavere.*

Quo cum Geldros, Ultrajectinos, Transilvanos, & Groningenses innueret, quos aut unius dominatio, aut Sedis reverentia rexerat, Frisiorum quoq; notatam tacitè libertatem obstringi ad conferendum hoc subsidium volebat, ne unius gentis contumaciâ plurium fides laxaretur. Gemma in suâ Cosmocrítica notat, præter terræ motum aliaque prodigia, horrendas tempestates, hac ætate exortas, maritimis locis magna damna dedisse, ipsumq; mare etsi minore æstu ardente syrio intumescat, vi ventorum impulsu littoribus infestum fuisse.

Tempe-  
states.

Ita domesticâ ferè factorum aduersitate, foris & per Hispaniam res turbidis consilij trahebantur. Iam enim Philippus ruptâ cunctatione, regium opinatus præconcepta exequi, eaq; arbitrio regnantis, non ex eventu rerum metiri, quod in Hispaniâ iv. Eid. Maij Anno c. 10. I. de Episcopis perscripserat, consilium vulgabat, multique eâ de re neq; inveni rumores passim per Frisiam ferebantur. Unde subita consternatio, mox tacitus moeror Provinciâ frequentavit, secretaque in Philippum murmura, & dissonæ voces præcinentium sinistra audiræ. Id namque ciendis maxumè ingenijs erat, quod novarum rerum instituto inconsultis Ordinibus, quos reprimendis durioribus imperijs majores semper habuissent, sancta, & venerabilis antiquitas convelleretur, imminutoque cœnobiorum jure sacri redditus pijs usibus,



clo. Is. bus, & sublevandis egenis tot per sæcula applicati novo Episcoporum  
 LXIII. luxui, & magnificentiæ destinarentur. Accedebat & illud, quod fir-  
 mandæ Inquisitioni ordinatio Episcoporum tanquam velum quoddam  
 obtendi diceretur, tabularumque Episcopaliū formula ab eā suspi-  
 cione non variaret. Ideò scilicet Frisiorum Episcopo erogandarum in  
 novem Canonicos præbendarum (ut loquuntur) potestatem factam,  
 ut in causâ Inquisitionis istiusmodi assessoribus idem Præsul uteretur,  
 ipsiq; Decreta Sedis, & eum ipsum in conscientias dominatum Inqui-  
 sitionem de mandato Episcopi exequerentur. Quæ etsi corrigendis pa-  
 ganis (qui ex Africâ opum commerciorumq; cupidine in Hispaniam  
 migraverant) Ferdinando rege excogitata esset, ita intorqueri con-  
 scientijs suis aiebant, ut ipsi probrosæ exterminatæq; etiam Germaniâ,  
 ac potiore Italiæ ora servitutis impatientes turbis ac seditionibus se  
 darent, temerataque sui in Principem obsequij lege, sibi ipsis exit-  
 ium, Philippo verò quam ex composito quærebat, opprimendæ mul-  
 titudinis, & infelicitium armorum occasionem accelerarent. Hac de cau-  
 sâ innuebant tributi etiam sui, quod sædus, ope continuata post Gal-  
 licum bellum militi stipendia, ut post evocatam Italiâ Margaretam Gu-  
 bernatricem Caroli notham imperitam rerum, & Belgici regiminis, sum-  
 ma imperij, aut regni (nam hoc moliebatur) Cardinali Granvellano  
 ministro, & assentatori Romanorum Pontificum cederet, conculcatæq;  
 Statûs publici, & Belgicæ Nobilitatis autoritate, ponderosa negotia ad  
 Philippum in Hispaniam, cæterosq; aulæ regiæ satellites devolveren-  
 tur. Hoc modo, horrente, & contremiscente populo, Ordinum quo-  
 que Principumque virorum mentes percussæ, & quod peractâ non  
 semel in Hispaniam legatione, (Montinius namque cæterique jam ante  
 ad Philippum missi erant) velut obdurato regis animo, nulla in melius  
 rerum ægrescentium mutatio sequeretur. Itaq; Principes aurei Velleris,  
 in quorum iudicio Aurantius, Egmondanus, Hoogstratenus, Mont-  
 morentij cæterique erant, nutantium Provinciarum, & suæ juxta in-  
 columitatis metu i v. Eid. Mart. ad Philippum regem litteras dedere,  
 expositisq; immodestis Granvellani consilijs (quibus eum, per incu-  
 riam Principum, & quod plerique voluptatibus, atq; oblectamentis  
 ludicris immergi gravem luxu ac socordi ignaviâ vitam agerent, usum  
 fuisse Reidanus notat) tanquam civilium turbarum fomentis, revocan-  
 dum eum in Hispaniam cum obtestatione fidei suæ proposuere. Alij  
 addunt, adæsis per luxum facultatibus eosdem Principes impulsos, mo-  
 re mortalium, quibus gravis alieni æris sarcina, & recordatio veteris  
 fortunæ esse solet, novas clam societates inijsse, ijsdemq; subnixos de  
 submovendo à procuratione Belgicarum rerum Granvellano præservi-  
 dis, neque injustis desiderijs laborasse. Ubi verò omne salutis, quie-  
 tisque impetrandæ consilium inritum fuit, validâ, & flagrante apud  
 Philippum Granvellani gratiâ, ne quid labentibus in deterius rebus i-  
 psorum otio, ac privata fortunæ affingi posset, missionem oravere, &  
 ut Philippus lubricos honores, quos Carolus pater, aut ipse, Belgi-  
 câ excedens concefferat, & simul in alios onera ac pericula transferret.  
 Cæterum, ut lubricam Imperij semitam ingressis retrahere pedem for-  
 tuna non sinebat, ita honores ijs à Philippo continuati, ut statò tem-  
 pore

Equitum  
 Aurei Vle-  
 leri litteræ  
 ad Philip-  
 pum.



pore confortes principatus sui administros ex arduo, & prærupto honoris. Id. norum culmine præcipitaret. Qui propterea prævisâ nutantis fortunæ L X I I I. inconstantia concilio status abstinerunt, potiorēque regundæ, pacandæque (nam haud parum commota cernebatur) Belgicæ curam in cæteros dignationis suæ, & potentia æmulos rejecere.

Tum MARGARETA Gubernatrix, secessione Principum Equitumque aurei Velleris clam offensa, ne conciliandæ Granvellano invidia major procerum divulsio pararetur, legatum in Hispaniam properè amandavit, Antoniusq; post Perennottus Cardinalis Granvellanus mandato Philippi, sive ut Reidanus habet, ultrò injurijs Principum laceffit, inexpressibili erga Belgicam nobilitatem odio, superstite adhuc sociorum factionis suæ potentia in Burgundiam, & mox Hispaniam concessit. Cæterum Principum Belgicæ secessio, ut inimicis paratura invidiam videbatur, ita econtra potentiam paravit. Submoto namque Belgicâ Granvellano evenit, ut quos ante consiliorum suorum participes fecerat, eosdem inlatæ sibi contumeliæ ultores reliqueret, omneq; publicæ autoritatis robur, in excusationem Granvellani, & oppressionem adversæ partis, & simul Belgicæ libertatis veteretur. Creditum fuit præclaros alios viros, & fortunam ex virtute naçtos, ut ante dominatus, ita tum Granvellani famæ importunos defensores extitisse, ipsumq; Philippum Granvellani è Belgica discessu exacerbatum, ardens sponte ingenium, & præcipitia suorum consiliorum exasperasse. Itaq; Senatus tum regius per secessionem Principum, sui juris, & potestatis factus in curam consecrandorum, introducendorumq; Episcoporum deflexit, quod ad negotium ocyus capeffendum, Margareta Gubernatrix primores Senatus muliebri vehementiâ impellebat.

Iam enim mense Iunio Fredericus Tauteburgius, qui Egmondano successerat, primus post Willibrordum Ultrajectinæ sedis Archi-Episcopus totam constituendi per Frisiam Episcopatus rationem evulgerat, missumq; in Frisios diploma Pontificum sanctione, ac Philippi mandato firmaverat.

Legatus  
Margareta  
in Hispania

ANNO  
CL. I. C.  
L X I V.

Fredericus  
Tanteburgius  
Archiepiscopus  
Vltrajecti.

**F**REDERICVS, Dei & Apostolica Sedis gratiâ, Archi-Episcopus Traiectensis, Vniuersis præsentis litteras nostras visuris Salutem in Domino. Cum dudum Sanctissimus Dominus noster Pontifex Maximus; ad preces Serenissimi Principis PHILIPPI, Hispaniarum Regis Catholici, domini temporalis civitatis & patriæ Traiectensis, Domini nostri clementissimi, ad honorem & gloriam Dei omnipotentis, pro religionis Orthodoxæ conservatione, ac patriæ & subditorum salute, certos Archi-Episcopatus ac Episcopatus in provincijs suis inferioribus erexerit. Et præsertim novam Sedem Episcopalem in civitate Leovardiensi, cui tota provincia & populus Frisæ de Oostergoo, Westergoo & Sevenwolden, perpetuo tanquam suo Episcopo Diocesano subjiciantur, constituerit, & ab Ecclesiâ Traiectensi, cui antea suberant, separaverit; Notum facimus, quod nos, qui ex Sanctæ Sedis Apostolicæ clementiâ & dictæ serenissimæ regie maiestatis auspicio & favore, ad Archi-Episcopatus Traiectensis Præsulatum vocati & assumpti fuimus, eaque omnia quæ per eandem Sedem Apostolicam circa huiusmodi erectionem Episcopatus Leovardiensis salubriter decreta & ordinata

clō. Io.  
L XI V.

exiſtunt, quo ad nos & Archi-Epiſcopatum noſtrum attinet, rata & firma eſſe volumus omnibus viâ, modo, formâ, ac jure, quibus potuimus & poſſumus melioribus, creavimus, conſtituimus & deputavimus, creamuſq; , conſtituimus & ordinamus, ac deputamus, per præſentes, noſtros certos indubitatos, & legitimos procuratores & mandatarios ac nuncios ſpeciales ac generales, ac negotiorum noſtrorum infra ſcriptorum geſtores irrevocabiles, videlicet Reverendum in Chriſto patrem, Nobiles & Magnificos viros, D. Iohannem Epiſcopum & Suffraganeum noſtrum in Eccleſiâ Cathedrali Groningeniſi, &c. abſentes tanquam præſentes, & eorum quemlibet (qui has deſeret ſolum & in ſolidum ſpecialiter & expreſſe) ad noſtro nomine & ſub titulo & qualitate Archi-Epiſcopi Trajectenſis, ad quamcunque requiſitionem dictæ regie Cathed. Majeſtatis ac Illuſtriſſ. & Excellentiffimæ Principis Duciffæ Parmæ & Placentiæ, &c. Locum-tenentis & Gubernatricis generalis harum provinciarum, vel etiam ipſius Illuſtris Domini Comitſ AreMBERGENſis locum tenentis generalis patriæ Friſiæ, coram Senatu provinciali, ſeu ſtatibus ac populis dictæ Friſiæ, aut civitate & Eccleſiâ Leovardiensi, aut alibi ubi opus, & neceſſe erit comparandum, ibique quo omnia, quæ circa erectionem & inſtitutionem dictæ novæ Sedis Epiſcopalis Leovardiensiſ de noſtro conſenſu, ut prædictum eſt, ſanctè ordinata exiſtunt; nedum ſi neceſſe fuerit hoc ipſum declarandum, vel denudò conſentiendum, ſed aſſiſtendum quoq; & juvandum, ut conſtet mentis noſtræ fuiſſe, & eſſe, ut negotium hoc pro dictæ Sedis Apoſtolice ac regie Majeſtatis intentione planè conſiciatur, & executioni ac effectui mandetur, nec non ſpecialiter ac generaliter ad omni iurisdictioni auctoritati & poteſtati Eccleſiaſtica & ordinariæ, quam nos ratione Eccleſiæ noſtræ Trajectenſis hætenus in dictâ provinciâ Friſiæ cum appendentijs ſuprà dictis habuimus, & nobis competere potuit, ac poſterum quomodo prætereare poſſemus in favorem dicti novi Epiſcopi Leovardiensiſ ſi opus ſit, cedendum & renuntiaandum, quemadmodum etiam ex abundanti bonâ fide cedimus & renuntiamus per eaſdem præſentes, exceptâ duntaxat ſuperioritate, & jure noſtro metropolitico, quod in Eccleſiâ & Diocæſi Leovardiensi ſubjecta & ſubjicienda nobis & Archi-Epiſcopatui noſtro Trajectenſi perpetuò ſalvum, integrum & reſervatum eſſe intendimus. Et generaliter omnia alia & ſingula faciendum, dicendum, gerendum, declarandum, & procurandum quæ in præmiſſis & circa ea neceſſaria erunt, ſeu alias quomolibet opportuna, & quæ nos ipſi ſi præſentes & perſonaliter ibidem adeſſemus, facere, declarare & aſſiſtere poſſemus, etiam ſi talia forent, quæ mandatum exigèrent magis ſpeciale, quam præſentibus eſt expreſſum, & majora forent prænarratis. Promittentes in fide Archiepiſcopi totum id, & quicquid per dictos noſtros Procuratores & Mandatarios, ſeu eorum alterum actum, dictum, factum, geſtumvè fuerit in præmiſſis ratum, firmum ac gratum perpetuò habituros. In cuius rei fidem & teſtimonium eaſdem præſentes manu noſtra ſubſcripſimus, ſigilliq; noſtri ſecreti juſſimus apenſione communiri. Datum in adibus Archi-Epiſcopalibus civitatis Trajectenſis, menſis Iunij die ſecundo, Anno à nativitate Domini, milleſimo quingenteſimo ſexageſimo quarto.

F R E D E R I C U S.

Quapropter Margareta, ut ſingulis Provinciarum Ordinibus conſilium Philippi commendaret, litteras in Friſiam ad Ordines, Senatumque



que Leovardiensem dedit, quibus docebat: Placuisse Philippo Regi cō. 10. Episcopum Frisijs designare, ac Leovardiæ Sedem constituere. Hac de causâ Philipppum, Romam Franciscum Sonnum ad Paulum & Pium Pontifices Romanos, ablegasse, ne quid temerè statueret, adulteræ temporum licentiæ, & manifestis ab Ecclesia secessionibus opportunum. Neq; enim aliud istâ Sonnij Legatione, & hoc ipso Decreto spectasse, quam ut ipse Hispaniâ suâ clausus, ita exigente regni statu, per Episcopos in Provincijs Belgicæ, & simul Frisiâ constitutos, religionem, tot sæculis receptam, & simul jus populi stabiliret, rerumque ultrò fluentium, ut in humanis constans nihil atque perpetuum esset, ordinem, confusionis vitio intactum conservaret. Et quoniam à longâ temporum memoriâ Ecclesiasticarum rerum summa per Frisiam cognitio, ac consecratio Antistitum penes præsulem Ultrajectinum fuisset, ita Philipppum regem, hoc ipso erectæ Sedis beneficio cleri maxumè ærario prospexisse, ne tantis impendijs Legationes Ultrajectum fiant, cæterum intra Provinciam omnia habeantur, ordinationi, consecrationique religiosorum præscripta. Propterea Archiepiscopum Ultrajectinum jus suum, quo ante usus fuerat, Suffraganeo suo Frisorum Episcopo cessisse, ut is simili potestate agat, commissumque sibi munus ex instituto veteri, bono populi Frisici tueatur. Rogare eapropter Frisæ Ordines, & Senatum Leovardiæ urbis, ut omnem operam erigendæ Sedi præstent, quo Philippi regis voluntati, & conditioni simul temporum satisfiat. Litteræ Margaretæ Bruxellis v. i. Kal. Aug. signatæ. His addebat Margareta, Sedem in Provinciâ constitutam agrarios, oppidanosque majore concordia juncturam, foreque ut divulgati ante Provincialium animi, eadem communione sacrorum connexi, in unum corpus sepositâ dissensione coalituri sint.

Invenio in archivis Provinciæ Deputatos Ordinum, suo & Magistratus Leovardiensium nomine Margaretæ Gubernatrici hunc in modum respondisse: Displicere sibi quam maxumè Philippi regis in, constituendâ apud Leovardios Sede, consilium, neque è Rep. videri hoc institutum antiquandis patriæ legibus, & majorum immunitatibus reperi- tum. Quas ipsas fartas tectas fore Carolus Cæsar publicâ Anni c. 10. 10. xxiv. conventionem fidem fecisset. Neq; aliâ lege Philipppum paterni Principatus hæredem, & successorem Frisco populo obstringi, quam quæ conservandis iisdem privilegijs sit. Quorum propterea sanctum, atq; inviolabile jus nihil commune haberet cum novo illius Ordinis instituto, quod inquietudinem populo, exitium Provinciæ daturum sit. Quapropter se operam, ac consilium commodare isti negotio non posse, nisi speciali Ordinum Frisæ mandato instructos, quorum interfit, Ne quid detrimenti. Rogare interea Præfectum Arembergium, pro eâ re apud Gubernatricem intercedat, interpreteturque responsum à libertate sua, & studio salutis publicæ profectum. Hoc in acta relatum, ac à Serapio Hania, C. Fonckio, Valerio Buma, Ruaro Roorda, Haringio Glinzio, Docone Martena, Iacobo Sibrandio, & Hesselø Aysma, v. Eid. Aug. signatum.

His duorum potentium cænobiorum validæ adversus ordinationem Episcopi contentiones, & juxta querimonix accedebant. Repetebat namq;



clo. Io. namque Horti Mariæ Antiftes Regnerus Asperanus in confeffu Dele-  
 LXIV. gatorum, Ordinem illum Honorio II. & post Calixto Pontifice in-  
 ftitutum, illudque canobium ab Anno cIo. Io. LXIII. tenui for-  
 tunâ ufum, pietatis & fâctimonîæ claritudine fenfim increviffe. Da-  
 tos ei ex inluftribus familijs Antiftites, hominesque defiderio calibis  
 vitæ & faftidio terrenarum rerum correptos, locum hunc delegiffe fuo  
 feceffui, & pijs meditationibus commodum. Exinde cenfum, tem-  
 porum progressu auctum, non aliâ donantium intentione, quam ut  
 numen à mortalium turbâ fecretis ritè coleretur, reliquumque cenfus  
 frugalitate canobitarum corrogatum egeftati pauperum inferviret. Hoc  
 modò post trium ferè feculorum ambitum jus canobio integrum fui-  
 fe, donec intestina bella ambitione & discordiâ Principum, ac sciffæ  
 per Frisiam nobilitatis Saxonice temporibus exorta, cum ipfo Prin-  
 cipis imperio occupatâ Provinciâ, vis quoq; canobio inferretur. Tum  
 quippe Tacone Æbinghâ viro nobili loci Antiftite, canobij agros  
 maris alluvione pascendo pecori vicino littori adjectos à Georgio Sa-  
 xone per vim occupatos, ac aggere circumductos annuos canobij re-  
 ditus iniviffe. Antiftitem ipsum dispendio fuarum rerum, & impe-  
 rio Saxonis potentis domini offensum, ac temporì obsecutum depofi-  
 tâ dignitate Lidlumum commigrasse, animiq; ægritudine, post pesti-  
 lentiâ correptum diem vitæ claufiffe. Neq; Carolo Cefare meliorem  
 Canobij fortunam fuiſſe. Ita ſparſis per Provinciam Cefarei exercitus  
 reliquijs locaria agrorum intercepta, inductis quoque canobio praſi-  
 dijs, ne quod ſacrum religioſumque intactum armis aut ſaltem armo-  
 rum incommodis haberetur. Tum militem contemptâ loci religione  
 ſadâ libidine & immundâ Venere ſacram polluiſſe, oppreſſaque im-  
 munitate (quam à Pontificibus donatam Carolus Cæſar Anno cIo. Io.  
 x v. per Florentium Iſelſteinium, poſt Vormatiæ iſſis Imperij comi-  
 tijs, coram Legatis, integram fore promiſerat) importunis exactio-  
 nibus vexaſſe. Cæterum iſta omnia bellicæ tum legi imputata. Nunc  
 verò quietâ regione, & ſilentibus armis loci jus inverti, atque viola-  
 ri, eoq; robuſto Principis imperio perventum eſſe, ut nec Senatus  
 Philippi jus petentibus dicat, aut reſtitutionem in integrum poſcentibus  
 ſubveniat, cæterum ſupplici clero, tum iſſis Friſiæ Ordinum Legatis  
 juris Eccleſiaſtici deſenſoribus ſilentium imponat. Id Renico Burmaniae,  
 & Franciſco Camminghæ viris nobiliſſimis, & mandata Ordinum ge-  
 rentibus à Senatu regio, Anno cIo. Io. LV. obveniſſe, nihilque  
 aliud in poſterum ſperari poſſe; quam ut leges per vim ſileant, om-  
 neq; divinum, & juxta humanum dominatio Principis, & cupido ma-  
 joris imperij profanet. Interim morem ſe gerere mandato Principis  
 hac in re non poſſe, quin obteſtari jus inveteratum, innocentiam Or-  
 dinis ſui, morum atque Religionis integritatem, violenta hæc eſſe, per-  
 raro retinendis in fide mentibus diuturna. Neque abſimilia Iſbrandus  
 Hardervicenus Lidlumanus, omniſque per Provincias antiſtitum ordo  
 proferebant. Creditum fuit collegiorum iſtorum antiſtites molliori vi-  
 tæ ſuetos, ut ægrius à jure ſuo, ita vivendi licentiâ dimoveri potuiſſe,  
 diſſuidentemque otioſo luxu vitam naſtos, metuentes diſciplinæ, cen-  
 ſuræ Episcopali periniquos extitiſſe, Notat Sibrandus Leo in Vitis Ab-  
 ba-

batum Horti Mariæ, Ioannem Hasseltanum loci illius Antistitem, clō. 15. Mariam Gubernatricem Caroli Cæsaris sororem Anno c15. 15. XLV. LXIV. Provinciam Frisiæ lustrantem unâ cum Georgio Egmondano Episcopo Traiectense, & Maximiliano Burano Frisiæ Præfecto, sumptuoso, & æmulo principum epulo excepisse, eundemque Antistitem immodico luxu jam ante usum, ne umbrâ quidem virtutis in posteros transfusa, sex millia alieni æris Henrico Smeinzio successori reliquisse. Eundem quoq; Smeinzium socordis ignaviæ hominem, & domestico paratu nobilitati gravem æs alienum cumulasse, auctoque nexu creditoribus obligatum, & suarum rationum oblitum, curâ Petri Dekamæ Senatoris regij dignitate exutum, mox in squalidum carcerem detrusum, ac vix dimissum, attenuatum mærore corpus cum vitâ posuisse. Reperio in actis, Godefridum Sylvium Smeinsij successorem, implorato prius Curiae decreto annuos hoc tempore prædiorum redditus, expungendis nominibus alienasse, ipsumq; Smeinsium Volveganum tanquam conflati alieni æris autorem, in ipsis venditionum tabulis insignivisse. Redditus quoq; & prædia canobiorum, quod in Philippi prætorum mandatis observo, rerum divenditarum onere exempta fuisse, solaq; proclamatione per tribunal factâ, emptorem in possessionem rei divenditæ immissum.

Idem Sibrandus Leo tradit, Isbrandum Hardervicenum Præfulem Lidlumanum, ante dignitatem rectè ingenio usum, mox dignitate corruptum celebrandis quotidianis epulis, & geniali vitæ se dedisse, Præposituræque insuper Bolsuerdiensis administrationem adeptum, mox eâ à Senatu regio privatum, dein munere Antistitis defunctum, & reddendis rationibus inparem, Embdam, post Francofurtum, dein Coloniam rediisse, destitutumq; à suis, pestilenti aurâ attacktum, mortalitatem implevisse. Eiusdem quoq; Antistitis electione biduum in ipso cœnobij atrio largâ potatione exactum, precesque ad DEUM fusas, tum ceremonias isti actui solemnes infami ebrietate, & probrosis repotijs fœdatas. Perscriptum commentarijs est, Præfectum Arembergium, Senatumque regium, tum ipsum quoque Gulielmum Lindanum Commissarium jam ante monasticorum collegiorum luxu irritatos, clam illud consilium Philippo suggestisse, immutandoq; ordini occasionem commodasse. Eundem quoque ordinem suâ opinione Principis imperio exemptum, jus suum pertinaciter tutatum, de removendo Frisiâ Episcopo vehementius laborasse.

Ipsos quoque Oldehovios, Nychovios & D. Catharinæ presbyteros totumque Leovardiæ civitatis clerum, expensis Margaretæ, quas memoravi, literis liberiùs respondisse, Philippoq; ac Margaretæ Gubernatrici promovendæ Sedis operam denegasse.

*Neque enim (respondebant) beneficia nostra, quæ possidemus, ab alijs, quam à Magistratu Oppidano, interveniente electione & collatione, accepimus. Cum ipsis enim societate ac nexu juncti sumus, neque fas est nobis fœderi inter nos inito, nisi de voluntate Rectorum civitatis, ac ipsorum provincie Ordinum, renuntiare. A quibus cum beneficia, cum emolumenta nostra prove-niant, rectè faciet Gubernatrix, si apud Philippum regem responsum hoc, velut à libertate profectum, excusaverit.*



cIo. Io. Quare ipsi quoque Ordinum Delegati, ne soli clero odium parare-  
L X I V. tur, iisdem fere, sed nonnihil acerbioribus decretis responderunt.

*Episcopi*  
*res.* Convelli novæ Sedis instituto, violarique jura, & privilegia gentis, cui li-  
bertatem à majoribus pace belloque partam Carolus Cæsar, & Philippus non unâ  
passione asseruissent. Neque tantum jus patrium tolli, cæterum ex illâ rerum  
novitate tempestates nascituras provinciæ exitiosas. Se quoque ipsos ex illis  
discordijs turbisque in odium Philippi regis incursuros. Atque hanc esse sibi  
mentem, hæc esse Decreta Ordinum, mandataque, non consentire in Episco-  
pi introductionem.

Cui rei cum Præses Senatusque regius multa objecissent, & ex re  
provinciæ esse, ut religio, & cum eâ pax servetur, & ne regis vo-  
luntati ac mandato quid decedat, quod per Brabantiam, Geldriam,  
Transfulaniam, Groninganam civitatem & Omlandiam valuisset, ita  
denuð à Frisijis repositum: Scire se quid Romæ actum foret, & quantum  
incommodi nova Episcoporum electio per vicinas provincias daret. Neque  
posse se (ita enim rescribebant) sine totius populi Frisici conventu,  
in hoc consentire, cuius interesset, aliquid mutare. Ita res in suspen-  
so mansit, donec tandem horrore Albani nominis, & simul feritatis  
spreti regij decreti vindictâ inardescens conterritus, populus Episco-  
pum reciperet.

*Libellus ad*  
*Margare-*  
*tam missus*

Tum libellus supplex à Frisijis ad Margaretam, & dein ad Philip-  
pum in Hispaniam missus, in quo de cædium homicidiorumq; impu-  
nitate, & frequentibus per Frisiam in fraudem creditorum cessionibus  
conquererentur, contraq; juris Saxonici, quod Georgius sanxerat, in-  
stitutum, omnium rerum licentiam lenitate Iudicum incrementum. Qua-  
re Philippus, aut Philippi nomine Margareta Gubernatrix, invalescen-  
te homicidarum multitudine, quæ ne à propinquis quidem fusi san-  
guinis crimen pretio redimebat, jus ad Saxonicum recurri jussit, Fri-  
sijque, ut clariora istius decreti aut legis documenta ederent, man-  
davit. Quod cum propter locorum intercapedinem, agente in Hispani-  
niâ Philippo, maturè fieri non posset, Margareta Saxoniz principis con-  
stitutionem exhiberi sibi petijt. Igitur extracto apud Margaretam ne-  
gotio postulata quædam, quos ante delegatos monui, Carolo Nitze-  
nio Præfidi, Petro Dekama, Alexio Gelio Senatoribus tradita, quo  
nautici aris exactiones in sinu Scolbalchico cessarent, & ut homicidijs  
cessionibusq; bonorum incrementibus paci publicæ, & commerciorum  
prosperitati subveniretur. His addebant, ut quinque præturis, quod  
Harlinganæ arcis Satrapa impedire dicebatur, jus suum salvum esset,  
liceretque aggerum præfecto omne lignum contabulationibus littorum  
destinatum, pro recepto more vacuis juxta portam fossamque margi-  
nibus inlocare. Præterea ut prædiorum Ecclesiasticorum fructus, va-  
cante ministerio, reparandis pastorum ædificijs, aut patrono, aut pau-  
perum usui cederent, nulliq; sacerdoti beneficium conduplicaretur. Tum  
de Prætorum, in quos acriter tum invecum, licentiâ avaritiæque co-  
ercendis quædam addita, postulatumque, ut quoniam regiæ populique  
pecuniæ exactores, quæstoresq; forent, autoritate Senatus reddendas  
ad rationes cogerentur. Postremo de judicijs illorum reformandis a-  
ctum, ac ut Leppæo aggeri, qui Oostergoam ab inundationibus tue-  
tur,



tur, reliquisq; per Opsteranos, Smallingios, Scoterlandos, & Anver-  
 dios aggeribus prætores istorum districtuum prospiciant: Quibus ab A-  
 rembergio, Nitzenio, Dekama, & Gelio responsum, Scolbalchicum  
 finum, nunquam tonnis vasisq; ligueis quæ vadusum mare indicarent,  
 natatum fuisse, neq; regi id oneris incumbere, cæterum regem per-  
 specto maris atq; æstuarij discrimine, & ne naves Doccumanorum &c.  
 Harlingensium in syrtes impingerent, naufragijsq; exponerentur magnâ  
 æris impensâ securitati navigantium subvenisse. Quam si reponere re-  
 gij ærarij tribuno Frisij velint, daturos se operam, ut diploma apud  
 Philippum super hac re impetrent, & ut istâ nautici æris solutione merca-  
 torum res exonerentur. Quod ad cædium immanitatem, & cessionum  
 fraudes attineret, scripturos ad Regem & Margaretam, facturosque ut  
 Edictorum quæ ætate Saxonum viguissent, ratio habeatur. Idem de  
 Prætoribus aggerum Præfectis rescriptum, dissimulatis aut elevatis il-  
 lorum vitijs, qui regiæ, quam obibant, functionis prætextu, libertate,  
 & fortuna populi abutebantur. Tum Doccumani ne quid asperius pate-  
 rentur, salvo Collumanorum aliorumq; jure, certis sub conditionibus  
 cum delegatis regij Senatus transigere, sedq; in singulas navium lastas  
 dimidium sestertium soluturos recepere. Sex-viri quoque quos redar-  
 guendo Philippi imperio, quotannis constitutos dixi, morte Gulielmi  
 Hissij, & Hesseli Aysmæ, Barthium Idzaerda, & Tiepconem Oene-  
 ma lreconfultos surrogare, quo autoritatis dignitatisq; suæ vis mor-  
 te prædecessorum non solveretur, & ne illorum sollicitudines pervi-  
 giliaq; intermitterentur, qui refrænandæ Philippi potentia, & tuendis  
 legibus destinabantur. Quare & adversus prætores regios, & imprimis  
 Pelgronium Indichium Ferverdicum, Emconem Genchenium Smal-  
 lingium, & Simkonem Duconium Idardium, validæ accusationes in-  
 stitutæ, eaq; majore cum acrimoniâ repetitæ corrupta affectibus indi-  
 cia, & sædatam peculatu avaritiam proferebant. Cæterum regiæ do-  
 minationis fiducia, & quasi Philippi consilia præscirent, etiam inter  
 publicas criminum insimulationes, & vehementiam actorum rei con-  
 victiq; securitatem immunitatemq; profitebantur, acerbisq; injurijs, tan-  
 quam fortunâ ac potentiâ regis validi, in omnem superbiam proter-  
 viamq; dicendi se effundebant. Ut certè communi discordiæ viam  
 præstruere acerbitas partium videretur, omniscj judiciorum vis in infæ-  
 licium armorum rabiem transitura. Unde prodigia, notante in com-  
 mentarijs Cornelio Gemma, rursus hoc anno enata, cælumq; chasma-  
 te, & horrendo hiatu, quasi maria terrasq; haustus videretur, de-  
 forme, annorum quoque tristes inclementias aperuit. Quippe gelu  
 mense Decembri ortum, inclinante eodem, ita ferocivit, ut multis mor-  
 talium, imprimis pauperioribus, manus, pedes, ipsaq; genitalia proci-  
 derent, præterq; hominum mortes armenta quoq; & aves acerrimo fri-  
 gore extinguerentur. Scribit idem autor, annosas etiam nuces, pyros,  
 persicas, moros, ficus, rosarum frutices, vitesque emarcuisse, ma-  
 gnamq; annonæ caritatem ex injuriâ hybernæ asperitatis subsecutam. Pe-  
 stilentiam quoq;, velut compressis corporum poris ac impeditâ transpi-  
 ratione, enatam, malumq; scorbuti (scelotyten & stomachacem) Frisij  
 solis populare per vicinas quoq; regiones se sparsisse. Idem quoq; gelu

*Querela  
adversus  
prætores  
Philippi.*

*Prodigia.*

CLIO. IO. Aprilem usq; in mensem & adultum ver protractum agricolarum labores  
 LXIV. & simul spem anni conturbasse. Tum Hesselus Aysma defuncti patru-  
 Annalium  
 libri cura  
 Hesselus Ays-  
 sma deman-  
 data.  
 lis Ordinum Delegatorum curâ recensendo Annalium operi, quod ex  
 Saxonum Caroliq; actis Kempo Martenâ vir nobilis concinnaverat, de-  
 lectus, ne memoria priorum temporum interiret, & ut scirent po-  
 steri quantum inter antiquam gentis nostræ libertatem, ab Imperato-  
 ribus Regibusq; religiose habitam, & Saxonum Caroliq; dominatio-  
 nem interesset. Quam cum aut potentum assentatio, qui aulæ honores  
 ac simul opes ab imperatoriâ aut principali indulgentiâ affectabant, aut  
 patientia percussi Cæsaris majestate populi peperisset, ita erant, qui in  
 prisca libertatis recordationem se reflecterent, acriorisque imperij,  
 quam libertas ferre posset, metuentes vindicias indecentis regni ab ipsâ  
 inermium actorum fide requirerent.

De Pannis  
 Anglicis.

Traditum libris Edictorum Provinciæ reperio, Anglos inter Philip-  
 pique subditos litem tum ortam, Philippumq; agente in humanis Ma-  
 riâ conjuge Anglorum societate usum, ita populi Anglici aut Elisabe-  
 thæ reginæ actionibus offensum, eandem tum rescidisse. Querebatur  
 namque Philippus Belgicam gentem suæ tutelæ commissam, & com-  
 mercia cum Anglis exercentem per Angliæ regnum novis oneribus ex-  
 actionibusque gravari, conventionesque inter Belgicæ Principem &  
 Anglorum regem jam ante initas, novo illius regni statuto infringi.  
 Elisabetham quippe jam ante regio Edicto cavisse, Ne Belgæ merces,  
 & simul opificia in Angliam perferrent, cæterum commercijs ejus-  
 dem regni abstinere. Addebat Philippus intutum Belgicis mercato-  
 ribus fretum Anglicum fuisse, Elisabethamq; reginam spreta Legato-  
 rum actione, & æquissimis conditionibus aliò consilia vertisse. Et  
 quoniam subditorum suorum non alia postulata essent, quam ut simili  
 jure, quo Angli per Belgicam, ipsi in eodem regno fruantur, ita  
 molestius ferre suorum subditorum jure imminuto commercia impedi-  
 ri, aut aliò terrarum transferri. Ita Anglos pannorum forum è Belgi-  
 câ in fines Imperij Embdam transfuisse, non aliò consilio, quam ut  
 fortuna Belgicæ gentis decresceret, & insida diu societas novâ lite la-  
 xaretur. Quapropter velle ut Anglorum regno Frisij excedant, ab-  
 stineantque similiter, dum Edictum Elisabetha rescindat, natâq; ex  
 hac causâ lites per arbitros dirimantur. Interea vetare, ne panni An-  
 gliци in Frisiâ recipiantur, vendanturvè, quin econtra statuere, ut re-  
 cepti, ac veno positi fisco cedant. Litteræ Margaretæ Gubernatri-  
 cis IV. Kalend. Aug. Bruxellis in Frisiam missæ, ac Leovardiæ III.  
 Eid. publicatæ. Constat ex iisdem litteris, grassantem tum per An-  
 gliam luem atq; pestilentiam edictum promovisse, suspectisq; Anglo-  
 rum mercibus, & negotantium halitu commercia retardata. Tum re-  
 pulsæ Episcopalis injuriam tanquam contemptum imperij sui ulturus Phi-  
 lippus, litteras minarum plenas ad Margaretam Gubernatricem dedit,  
 quibus severa jussu recipiendæ Inquisitionis, & Concilij Tridentini conti-  
 nebantur. Quare Margareta convocato Status Belgici Senatu, ne quid  
 clam haberet, litteras Philippi exhibuit, quas diversi, prout cuiusque  
 animus, aut ingenium erat, dubijs illis asperisque temporibus variè  
 interpretabantur. Erant, qui publicanda ocysus per Provincias Philip-  
 pi

Philippi ad  
 Margare-  
 tam litteræ.



pi decreta censerent, suadentibus econtra prudentioribus, & inter eos cIo. Ig. Viglio Zuichemo, differendam decretorum promulgationem esse, donec L X IV. Senatus Belgicus de Provinciarum statu ad Philippum retulisset. Alij <sup>Disceptatum de ijs.</sup> addunt Viglium Zuichemum, si quod è prolatione rei incommodum, regiavè iræ periculum resultaret, id omne in se recepisse, præsentèq; Margareta sponfionem obtulisse. Cæterum Viglij salubre, & amans publicæ pacis consilium per aliorum suffragia evictum tum fuit. Itaq; laxata malis fræna, ac Margareta Gubernatrix XIII. Kal. Ian. litteras ANNO ocys in Frisios perscripsit, quibus significabat: Velle Philippum suis CIO. IO. de Religione Edictis populum parere. Monere quoque oppidanos Magistratus, ut sub poenâ in iisdem Edictis comprehensâ è Senatorum L X V. Scabinorumvè numero singulis trimestribus unum edant, eique potestatem faciant Concilij Tridentini Decreta facta tecta curandi. Scribit <sup>Philippus Concilium Trident. urges.</sup> Vir Clarissimus Abelus Franckena in Historicis suis fragmentis, Tridentinum Concilium à Paulo III. Pontifice Tridenti ad Athesium flumen cæptum, ut omnium per Germaniam, ita Belgicam motuum matrem extitisse, Carolumque & mox Philippum reverentiâ procerum eiusdem Concilij tanquam inspiratione numinum actos, Perennottis patre & filio impulsoribus, omnem civilis imperij Legem, atque rationem neglexisse.

Tum rursus prætoribus regijs à Iulio Gelio procuratore Fisci, dies dictus, missusq; Ianuario mense Bruxellas (cuius nomen actis reticetur) vir nobilis, qui coram Viglio Præside & Ioachimo Hoppero Senatore regio quereretur. Publicanos, aut conductores regionum vectigalium per Frisiæ portus fraudem Regi, ac commercijs facere. Prætoris morte aut alia ex causa vacuis successores dandos, eosq; à populo electos offerendos Senatui regio esse. Conventiones cum Saxone ac Carolo Cæsare initas renovandas esse. Satrapas arcium coram iudicio regio conveniendos. Privilegiorum Frisiæ pactorumque publicorum instrumenta à Viglio Præsidi, ac Hoppero, repetenda esse. Ad quæ responsum in commentarijs istius viri nobilis reperio. Non interesse tantum provinciæ, sed & regis, ut publicanorum fraudibus subveniatur, eleganturque prætores more antiquo, constituenturque à Curiâ, sed ut conventionibus Saxonis ac Caroli Cæsaris cum hac gente initis firmitamentum accedat, archivorumque acta à Viglio, & Hoppero, qui se ad hoc offerrent, provinciæ restituantur. Quod ad satrapas attineret, eos, qua prætores forent, coram regio Senatu sistendos, donec aliter à Philippo statutum sit. C. Gemma notat, non uno huius anni prodigio insignitam civilis belli tempestatem, æmulationeq; ac discordias virorum Principum, velut ipso conciente cælo, plebem quoque ipsam instantium pavidam funestis partibus miscuisse.

Tum vulgaris per Frisiam Margarete litteris altiore metu trepidatum, perculsarumq; mentium sollicitudinem inauspicati prodigiorum monitus auxere. Tradunt monstrorum ortu deformes partus tum notatos, horrendaque per vicinos Frisios vaticinia maturum exitium cecinisse. Cæteris laborantium tabescentiumvè velut rerum mœstæ & inpositæ facies, & per omnem Provinciam manifesta civilis concordie deliquia, ut certioris mali præludia observabantur. Quare



CLIO. IO. Margareta Gubernatrix prodigiorum fide contrerita, & ut mollitiem  
 LXV. sexus, animumque miseratione tristiorum omnium motum ostentaret,  
 de mittendo in Hispaniam ad Philippum Legato cogitavit, convocatoq;  
 ocyus Status Belgici Senatu Principes Aurei Velleris, & provinciarum  
 Præfectos adesse Bruxellas jussit. Ibi ponderato temporum discrimine  
 de Legato proposuit, perrogatisque sententijs Lamoralium Egmon-  
 danum virum illustrium natalium, & Carolo Philippoque regibus Gal-  
 licis alijsque bellis clarum, expediendæ in Hispaniam Legationi de-  
 signavit. Strada scribit, Egmondanum ab illâ legatione alienum non  
 fuisse, publicæq; Belgarum causæ prætextu usum, sua quoque desideria,  
 in spem privatæ utilitatis exposuisse. Quod arcanum Margaretæ Gu-  
 bernatrici fæminæ, nobilitati Belgicæ haud satis æquæ, aperire ma-  
 gnæ temeritatis fuisse videtur, hominemque laudis & simul opum po-  
 tentem æmulæ (nam id Regi indicaverat) principi devium ab hone-  
 sto consilium instillasse.

Illius mandata habebant, ut omnium Ordinum nomine Philippum  
 Regem de statu suarum ditionum doceret, Edictorumque asperitati  
 salubre remedium oraret. Quapropter Egmondanus in Hispaniam non  
 segni itinere contendit, salutatoque, pro more, Philippo rege, in  
 hunc modum differere potuit:

**N**ON veni ad te, letorum, prosperorumque nuntium ferens, PHILIPPE REX, nec reporto manubias Gallorum, quibuscum bella nuper illustria victorijs gessisti. Caterum accedo tristium & infelicitis veri narrator, Belgicam florem regnorum, & hereditatis tuæ non leviter commotam, metuentemq; graviorum turbarum, quas decreta tua, & si in ea perseveres, novæ severitatis imperium dabunt. Neq; enim edita tua minore curâ (quam quâ olim Carolo patre per Germaniam Principes) Belgæ, ceteraque nationes expendent, supra omnium gentium fastigium, quas Sol videt, suâ, nec inverâ opinione libertatis ac armorum gloriâ erecti. Quos cogitabis suis fortunis, ac virtute, usos maioribus tuis præclaras victorias, & secura imperia peperisse. Id patris Caroli voce, cum imperio se abdicaret in concessu Patrum, ac honorati Ordinis expositum. De tuis bellis, cum Gallorum vires nuper in te versæ, ipse testaberis, reputabisque (si pacatam florentemque Belgicam tuam vis) beneficia populi illis præmijs, & gravi dominatu non pensari. Quin clementiam potius ostende ijs, qui fide ac obsequio erga te cum omni terrarum gente certabunt, modo consensum tui imperij cum illorum libertate non auferas. Certè majores tuos, etiam offensos, non depuduit, odia simul cum armis ponere, donareq; clementiam Arteveldis ac Agricolis, qui frenandis majorum tuorum imperijs intestinâ ac victricia arma per Flandriam circumtulere. Ita reputa Carolum Burgundionem atavum tuum suetum bellis & ferocem, amore pacis Gandensium licentiam tolerasse, & ne arma in suos verteret, adprobasse, quæ fastidiret. Idem si facias, PHILIPPE REX, obsequia populi tui, opes, & tributa, ex te ipso gloriam ac decus habiturus es. Caterum si arma, & vis apud te prævalebunt, contumaciam tuorum, dein egestatem spectabis, & transire aliud terrarum commercia, quibus majores tui suam potentiam debuerunt. Fiet inde, ut in antiquas Sedes (quod olim sub Ludovico Maleano Flandriæ Comite, Anglica,

gica gens faciebat) ac tutiora loca, & bellis inaccessa populi remigrent, re- c10 13  
linquaturque Provinciis solitudo, & post inopiam omnium rerum etiam optu- L X V.  
marum confusio. Quare vota, quæ omnium subditorum nomine Legatus offero,  
ac desideria tuorum implebis, temperabisque severius imperium clementiâ, cui  
soli, tuam, & florentis nuper Belgicæ fortunam, conjugum ac liberorum nostrorum,  
tum carissimi cuiusque pignoris incolumitatem commissam scies. Eam si mihi  
addideris Legato, PHILIPPE Rex, non indignos hac legatione fructus feram,  
quorum is primus sanctissimusque erit, tibi ditiones tuas, quas à præclaris  
majoribus longâ traditione accepisti, cæterum mihi, & subditis tuis dulcissi-  
mam patriam ab imminenti periculo liberaſſe.

Ferunt eâ Egmondani legatione delinitum Philippum spem clemen-  
tiæ, & mitioris imperij fecisse, eundemq; Egmondanum festino itinere  
ex Hispaniâ in Belgicam revectum, magno gaudio, etsi non diuturno,  
Provincialium animos perfudisse. Ab eius namq; reditu factum est,  
ut omne restituendæ quietis consilium protraheretur, conceptaq; me-  
lioris fortunæ spes, & desideria longiore apud populum morâ evanes-  
cerent. Hoc tantum subsecutum Demetrius tradit, ut leniendis Phi-  
lippi Edictis Legati à Margareta ederentur, eorumque officia, attem-  
perandæ Edictorum severitati destinata, Hispaniæ Senatus, Inquisito-  
rum interventio perverteret. Fuere, qui Barlamontium, hominem  
ex imo ad res magnas, & ut plurimum, invidiæ expostas, eve-  
ctum, Margaretaeque Gubernatricis muliebri gratiâ subnixum, autorem  
fotoremq; pessimorum consiliorum criminarentur, eumque secreto com-  
mercio Hispaniæ familijs, & magnatum negotijs innexum grande ob-  
staculum impudentibus ausis quieti Belgicæ substernere. Itaque Phi-  
lippum jam ante monuisse, ut suæ animæ & legis conscius patris Cæsa-  
ris Edictis robur adstrueret, duplicatâque hoc modo in paternos ma-  
nes, & simul Ecclesiam Romanam pietate, etiam inter homines a-  
gens, quod patri evererat, consecrationis velut gloriam & simul ima-  
ginem futuræ æternitatis acciperet. Quare Philippus, Barlamontij a-  
liorumq; consilij inimpulsus, etiam reverso in Belgicam Egmondano,  
edixit. Ut rescripta de Religione integra, & inviolata essent, cultâ-  
que imprimis Inquisitione, Tridentinum Concilium per Episcopos sta-  
biliendum Belgicæ genti, cæterisque trans Rhenum Frisiorum populis  
sacro-sanctum haberetur:

*Edictorum  
mitigatio  
reicta aut  
dilata.*

*Barlamon-  
tij fides.*

Cui malo ne fomes quoq; per Frisiam deesset, Fredericus Tautobur-  
gius Archi-Episcopus Ultrajectinus, sive Philippi impulsu, sive ut no-  
vam dignitatem acrioribus studijs exornaret, datis ad Præsulem Stau-  
rium litteris, omnes Frisiæ Abbates Ultrajectum evocavit, haben-  
doque ibidem Concilio adesse jussit. Litteræ hæ erant:

*Archiepis-  
copus etas  
Abbates ad  
Concilium.*

**R**everende Domine Abbas sincere dilecte: Metropolitica nostra autori-  
tate Regiæ Majestatis atq; Illustrissimæ Domine Ducissæ Gubernatri-  
cis harum ditionum Generalis ordinatione subnixa, vobis indicimus &  
denuntiamus, Concilium provinciale inchoandum ausspicandumq; mensis  
Octobris proxime futuri, die decimâ mane, apud Ecclesiam nostram Metropolitica-  
nam, & Cathedralē in civitate Trajectensi, cum solemnitatibus debitis & con-  
suetis finēq; Canonico (Dei opitulante gratiâ) terminandum. Ad quod qui-  
dem



CLIO. ID. dem provinciale Concilium; qui de jure ad id vocari debent, vocati sunt; prout  
 LXV. & vos presentes serid vocamus, una cum alijs Abbatibus circumvicinis ordinis vestri nostræ Metropolitanæ superioritati subiectis, quos tecum adducas, idq; sub pœnis Ecclesiasticis in vos, si emanseritis, per dictum Concilium infligendis (quod fore non speramus) ad consultandum, & tractandum super ijs, quæ Dei gloriam, Ecclesiæ decus, unitatem fidei, morum emendationem, atq; animarum salutem, respicere & concernere dinoscantur. Valete in Domino; ex Arce nostrâ Duerstede. 15. Septmb. Anno 1565.

F R E D E R I C U S ,

Archi-Episcopus Trajectensis.

Abbatess  
 exonsant.

Cæterum clerus spreto Archi-Episcopi mandato, veteris potentia libertatisq; reminiscentiâ, contumaciam induit, fiduciaq; sociæ potestatis (quâ Ordines & Leovardienses complectebatur) detrectantem immodesta absentiam professus est. Quod sive antiqui Iuris obtentu, quod evocari finibus Frisium non sinebat, sive instinctu politicæ autoritatis factum, in commentarijs istorum temporum non observo. Hoc saltem verum est, totum provinciæ, cuius membrum clerus constituebat, corpus, Episcopali potentia tum oblectatum, civilem potius regnandi in Philip-po modum, quam novam sacri ordinis dominationem expetivisse. Quare Ultrajectinus excussam à Frisorum Præsulibus, Sedis suæ reverentiam indignatus, contumacem clerum, dato duodecim dierum tempore, rursum ad Concilium evocavit, ac ut adesset, cum aliqua severitate edixit.

Secundo  
 vitantur.

F R E D E R I C U S à Tautenburg, Dei & Apostolicæ Sedis gratiâ, Archi-Episcopus Trajectensis; Notum facimus, universis & singulis; Quod cum nos insequendo sacri Oeconomici & generalis Concilij decretum, sanctaq; Sedis Apostolicæ confirmationem & mandatum (quo omnia & singula dicti Concilij decreta conservando, eadem ab omnibus Christi fidelibus suscipienda & servanda esse decrevit, ac in virtute sanctæ obedientia & sub pœnis ijsdem sacris canonibus constitutis, alijsque gravioribus etiam privationis arbitrio eiusdem sanctæ Sedis Apostolicæ infligendis, universis & singulis Patriarchis, Archi-Episcopis, Episcopis, & alijs quibusdam Ecclesiarum Prælati, ut eadem decreta in iudicio & extra diligenter observent, & à subditis quisq; suis faciat inviolabiliter observari, districtè præcepit, & mandavit (ne nostro deessemus officio) Synodum provincialem ad decimam diem huius mensis Octobris indixerimus, & ad eandem omnes nostri comprovinciales Episcopi & seu Suffraganei aliq; Prælati & capitula per nos evocati, tanquam obedientia filij comparuerunt, in tantum quod divina gratia idipsum provinciale Concilium feliciter sit inchoatum. Cumq; nonnulli, & inter hos potissimum Prælati Frisæ, atq; Transsylvanica, per nos tamen serid evocati in prædicto Provinciali Concilio desiderarentur, Seq; contumaciter absentassent. Nos maturâ cum Venerabilibus fratribus nostris comprovincialibus & Suffraganeis, Episcopis nimirum Harlemonsi, Middelburgensi, Groningensi, Leovardiensi & Daventriensi, nec non Episcopo Ruremundensi, deliberatione præhabita, eosdem sic evocatos, prout revera sunt, contumaces reputavimus, non indignum fore censes; reliquis exemplo penâ aliqua salutare feriri, nisi antiquius duxissemus,



mus, de nimia argui misericordia, quam rigore. Quapropter eosdem Prælatos omnes & singulos, tam prius vocatos, quam nunc primo vocandos; (etiamsi exemptionem ab ordinaria nostra jurisdictione, quavis etiam Apostolicâ autoritate prætendant, & habeant Commissarium etiam nostrum, & Archidiaconorum Trajectensium, Leovardie residentem) Iterato evocandos esse duximus, prout præsentium tenore evocamus, iisdem & eorum cuilibet tam ordinariâ nostrâ, quam sanctæ Sedis Apostolicæ (cuius hac in parte tanquam eiusdem sub titulo nostræ Archiepiscopalis dignitatis delegatus) vice fungimur, totiusq; Concilij provincialis inchoati autoritate districtè mandantes, sub inobedientiæ ac arbitraria correctionis penis, nostro tam in qualitate prædictâ, quam aliâs, ac totius Concilij provincialis arbitrio infligendis, ac moderandis, quatenus infra duodecim dierum spatium à receptione & intimatione præsentium compareant, & quilibet eorum compareat personaliter Trajecti ad Concilium provinciale inchoatum; Ibidem ipsis injungenda incumbentiâq; officia & munia obituri, quo omnia communiter ad Dei gloriam omniumq; Christi fidelium salutem tractari & concludi possint. Nisi tamen ydem Prælati, & seu eorum aliquis legitimam & in jure fundatam (præter tamen quamcunq; exemptionem quæ hac in parte militare non potest) causam & excusationem habeant, seu habeat, quominus personaliter comparere possint, seu possit, ad quam coram nobis dictoq; Concilio provinciali allegandum, & simul ipsorum seu ipsius constituendum præstandum, & subeundum, omniaq; alia & singula faciendum & gerendum, quæ ipsi constituere, facere & gerere possent, & deberent, seu posset, & deberet, si personaliter comparuissent, vel comparuisset, procuratorem cum sufficienti mandato mittant, seu mittat, ne ulterior eorum seu ipsius contumacia & inobedientiâ nos, alioqui invitos, ad penarum aliquarum declarationem, & seu, tanquam inobedientium, imò rebellium constrictionem contra eosdem procedere cogat. Ad evidentiam atq; robur præmissorum; Nos, atq; comprovinciales nostri Episcopi hi litteris subscripsimus, easq; nostri sigilli appensione munivimus. Datum Trajecti sub anno à nativitate Domini millesimo, quingentesimo sexagesimo quinto, mensis Octobris die decimâ quintâ. Sic subscriptum, Fredericus, Archiepiscopus Trajectensis; Nicolaus, Episcopus Harlemonsis; Nicolaus de Castro, Episcopus & Prælatus Middelburgensis; Ioannes Knyff, Episcopus Groningensis; Remigius Drutius, Electus Leovardiensis; Ioannes Mahusius, Electus Daventriensis. Et sic subscriptum de mandato supra fati amplissimi Domini Archi-Episcopi.

HENRICUS ZONNIUS, Not.

Pro sua & Reverendiss. specialiter deputatus.

Quare repetito exasperatoq; Ultrajectini edicto conventus cleri Leovardiæ habitus, decretumq; , ut ad declinandam contumacis silentij invidiam Archi-Episcopo responderetur, mittereturq; Ultrajectum Ghybertus Arnoldinus, actuarius publicus, cum Arnolde Harderviceno, qui litteras perferrent, sub hac formulâ. Allatæ sunt ante paucos dies.

**R**everendissime atque Illustrissime Domine, nobis per quandam, qui se cursorem juratum asserbat, litteræ tue Rev. Celsit. perlatae sunt, quibus tua Rev. Celsit. nos contumaciæ accusabat, & denuo ad diem duodecimum post earum receptionem vocabat, ut Trajectum veniremus.

Responsus  
Abbatum.

H

Atq;

cIo. Io.  
L x v.

Atq; in ijsdem Rever. tua Celsit. affirmabat sese destinaſſe nos competenti pæ-  
nâ afficere, quod omnino factum fuiſſet, niſi tua Rever. Celsitud. præſtabilius  
viſum fuiſſet, de nimia miſericordiâ quam rigore argui. Nos ut laudamus,  
quod inſontes non punieris, ita ſummopere admirati ſumus, quæ res effecerit,  
ut tam ſiniſtram de nobis opinionem conceperis, cum ante hac nunquam citati  
fuerimus. Sed tamen cum huiusmodi evocatio, extra fines huius noſtræ re-  
gionis fiat, contra antiquas atq; approbatas conſuetudines atq; privilegia no-  
ſtra, re deliberatâ cum Deputatis Ordinum huius regionis, quos Status vocant,  
atq; Senatu Leovardiensî, ſcripſimus tuæ Rever. Celsit. excuſationes noſtras,  
idq; linguâ vernaculâ, propterea, quod Deputati Senatusq; nobis ſocij ſint in  
privilegijs atq; conſuetudinibus patriæ defendendis. Nos eſſi non dubitamus,  
quin rationibus allegatis, etiam ſecundum ſacros Canones, excuſemur, quo  
minus eo venire cogamur, tamen & privatim volumus teſtari noſtri animi er-  
ga tuam Rever. Celsit. benevolentiam atque promptam obedientiam in ijs, qui-  
bus conſuetudinibus noſtraq; regionis privilegijs nihil derogatur. In his autem,  
quamvis maximè velimus, non eſt nobis integrum, neq; in noſtrâ manu, quic-  
quam abſq; aliorum Ordinum conſenſu tentare. Is eſt enim, ſemperq; fuit o-  
mnium Ordinum nexus, ut unus abſq; alio in ijs, quæ publicam utilitatem  
concernant, nihil queat efficere. Quare cum nos tantum unius Ordinis, Eccle-  
ſiaſtici, ſcilicet pars aliqua ſimus, & fruſtra non habentes aliquam poteſtatem  
quidquam decernendi in aliorum præjudicium, veniremus, idq; inſtante jam  
hyeme atq; tempore, quo ſecundum probatos autores maria clauſa cenſentur,  
non ſine ſummo discrimine, petimus unanimis ut tua Rever. Celsit. nos excu-  
ſatos habere dignetur. Offerimus in alijs omnibus, in quibus & poſſumus &  
debemus, promptam obedientiam. Rogamus clementiſſimum atq; omnipoten-  
tem Deum, ut tuam Reverendiſſ. Celsit. quam diutiſſimè ſervet incolumem,  
atq; depulſis tenebris atq; erroribus, reſtituat Eccleſiæ ſuæ ſerenitatem, atq;  
fidei unitatem, noſq; tua Rev. Celsit. quam humillimè commendamus. Leovar-  
diæ 8. Novembris, 1565. Nicolaus Landenſis, Abbas Stauriæ in Hemelis; Pe-  
trus, Abbas in Foſuert; Eyſo Wiltink, Abbas Clarecampi; Henricus Steen-  
wijck, Abbas Floridi Campi; Everardus Dotechem, Abbas Gerricomijs;  
Iſbrandus Harderwijck, Abbas in Lidlum; Henricus Keſſel, Abbas in Dockum.

Ordinum  
litteræ.

Quo die juxta nominatos Præſules, Ordinum quoq; Friſiæ Delega-  
ti, una cum Magiſtratu Leovardiensî, litteras ad Archi-Epiſcopum  
Ultrajectum miſerunt, expoſitâq; Belgico idiomate juris antiqui con-  
ſuetudine, hoc modo reſponderunt.

Reverendiſſime in Chriſto Domine & Pater,

**P**AUCOS ante dies Præſules noſtros Ultrajectum evocaſti ad Concilium. Ad  
quod, eſſi ſub interminatione panarum, cum non iverint, denuò citari  
ad tuum iudicium feciſti. Quo ipſo cum jura, privilegia, & exemp-  
tiones gentis noſtræ tollantur, quæ auferri non expedit, & quæ neque pro  
affectu tuo in Friſios imminuta voles, ita ſcies longa libertatis poſſeſſione nos  
gaudere. Quam neque per illos etiam Principes inſirmari volumus, quibus-  
cum contraximus, ut neque belli tempore, neque ex aliâ cauſâ, finibus noſtris  
extraheremur. Hoc ipſum Saxonica dominatione, hoc conventionem regiâ &  
Carolinâ cavimus, ac ut ipſi religione juris-jurandi noſtræ ſacra, noſtras le-  
ges



ges confirmarent. Sic anno quadringentesimo nonagesimo octavo Saxonem, cIo. Io. anno millesimo quingentesimo Carolum Principem obstrinximus, ne provinciâ LXV. evocaremur, cuius pacti fructum, & Caroli Caesaris, & Philippi filij durante imperio, retinuimus. Et quoniam Ecclesiasticus ordo nobiscum communem Remp. constituit, ex indissolubili nexu, quo invicem obligamur, ita separari disjungere non possunt, quæ longis temporum spatijs coaluere. Tanto minus in præjudicium alicuius statui poterit, præsertim cum sine conventu Ordinum, sine relatione ad populum Ordinesque institutâ, nihil agi gerique possit. Præterea ad vos ire, nec anni tempus, nec clausum navigantibus mare permittet, neque censemus Præsules nostros (quod in Concilio Turonico factum) ad hoc teneri, imprimis cum ex præceptione regiâ ab isto onere liberentur. Quare excusabis absentiam illorum, dabisq; veniam illorum libertati, cuius argumentum hoc in casu allegandum est. Quod si feceris, beneficia, quæ nostræ potestatis erunt, à nobis expectabis, habebisq; cæteris in rebus nos dignitatis tue reverentes. Ita à Nicolao Landensi, Petro Fosuerdico, Eyfone Wittinghio, Henrico Steenuicano, Everardo Dotechemio, Isbrando Harderuiceno, Henrico Kesselio, Ruardo Roorda, Haringio Glinfio, Valerio Cammingha, Docone Martna, & Hesselo Aysma signatum.

Quorum postremi ad Arembergium Præfectum, Senatunque regium postero die ablegati, auxilium intercessionemque apud Philippum aut Archi-Episcopum oravere.

Reperio in actis, Ghybertum Grotium actuarium publicum, Frisiorum nomine, litteras provincialium decimo quarto Novembris die Durestedum pertulisse, admissumque ad colloquium aulicorum Mindani, & Wingardij perhumaniter exceptum. Ipsum quoq; Archi-Episcopum, quasi suo consilio tota res non ageretur, se modestè excusasse, Suffraganeisq; suis atque provincialibus Episcopis partem istius invidiæ imputavisse. Mandatum quoq; Margaretae Gubernatricis obtendisse, apud quam, si excusari contumacia Præsulum posset, quorum litteras ad Margaretam missurus foret, se de severitate consilij facile remissurum. Hæc v. Id. Nov. Durestadi acta, ac Ghyberti Grotij manu signata. Cæterum Philippi animus propositi tenax, ne aut regno suo, quod moliebatur, quid decederet, & ne gentis obsequium minueretur, severioribus decretis negotium religionis exasperavit, immaniumque edictorum rigorem majore acerbitate tutatus est.

Addit Borræus atrocius quiddam, Philippumque prodito immanis sevitiæ consilio horrendam hanc Legem edixisse: Malle se multorum millium sanguinem profusum, quam suis de Religione, Carolique patris Edictis, quid decedere. Mandasse quoque, ut Anabaptistæ, quotquot vinculis dati essent, per omnes Provincias nullâ miseratione, aut conniventia Iudicum necarentur, statuerenturque exempla deterrendis populi ingenijs valida. Ita recens gaudium mærore conversum, ægerrimè ferente Egmondano Principis animæ, & legationis suæ fidem contrarijs decretis subverti. Quare immodicus affectuum, probra in Philippum, etiam in ipso procerum confesso, effudit, questusque de fluxâ fallacis regni conditione, fraudem legationi suæ factam temperandis inimicorum æmulationibus asseruit. Quæ res, quia

Edictum  
Philippi.

Egmondani  
indignatis.



cIo. Io. secreto silentio ægrius obfignabatur, sparsa in populum, venerationem  
L X V. Regis, auctis econtra odijs, minuebat. Itaq; nobilissimi quique, velut

prævisâ formidabili tempestate, in cætus coire, & communicare confilia, ut si plebes tumultuaretur, communis autoritas tempestatem fedaret, si Philippus desæviret, concordia opponeretur. Philippus namque ut suo in exitium populo uteretur, Edicto Leovardiae publicato caverat: Ne extrâ Provinciam Frisij stipendia facerent, commeatumvè bellicum vicinis regnis Provincijsque præstarent. Quare & externa Principum arma secutos, eodem edicto revocari jussit, ipseque mentis metusq; sui detector conciliabula cætusq; populi prohibuit, ad quos per exceptas immodestius virorum Principum legationes amor vacillantis patriæ populum, Principesq; haud iniquis desiderijs impellebat. Quaniobrem oblatâ nuptiarum opportunitate, quas Alexander Farnesius Octavij, & Margaretæ Gubernatricis filius, cum Mariâ Portugallicâ celebrabat, colloquia Principum, Belgicæque Nobilitatis instituta, consultatumq; de fædere, quod solemnibus sancientium votis post ictum retundendæ peregrinorum in aulâ Philippi, & Senatu regio potentiæ, submovendisq; omni Provinciâ Inquisitoribus fuit. Formula fæderis hæc erat:

Occasio fæderis,

cIo. Io.  
L X VI.

Formula  
Fæderis,

**Q**Vandoquidem pro vero accepimus, peregrinos quosdam alienis à Belgicâ animis sepositâ gloriæ divinæ, ac salutis publicæ cura, privatâ ambitione, & avaritiâ compulsos, regio, & Provincialium censui inhære, eosdemque peregrinos fucatâ pietatis specie, & simulato in concordiam, pacemque publicam affectu, eò Philippum Regem compulisse, ut, spre-tâ juris-jurandi, quo se obstrinxerat, religione, exasperandis Edictis incumbat, Inquisitionemq; omni divino humanoq; juri adversam, ac omnium temporum memoriam superantem Belgicæ intorqueat. Ipsi vero sanctimonie prætextu id tantum curent, ut Ordinum, Magistratumq; autoritatem, legum, consuetudinum, immunitatumq; à majoribus traditarum vim atque efficaciam conculerent, potestatemque legitimis administratoribus ereptam in se suosq; transferant, habitisque per Inquisitionem in modum mancipiorum Provincialibus ea moliantur, quibus patriæ periculum, Deo, Religioni atq; Regi, cultus, honos, obsequium minuatur, inferaturque Provincijs ut solitudo, ita vastitas & confusio. Ita nos officij Legisq; nostræ, quâ Regi obstringimur, non ignari perseverare volentes in fide & obsequio erga Regem, & à sacris rebusque nostris vim omnem atq; miseriam avertere, sanctum & religione jurisjurandi firmatum fædus injimus, eo maxime consilio ut Inquisitio cesset, ipsaque ut omnium malorum fons & origo, prout in regno Neapolitano, aboleatur, extirpeturque. Præmissa obtestatione Deo coram & omnibus gentibus terrarum, nos nihil adniti contrarium gloriæ Dei, aut repugnans Regiæ Majestati, ceterum id curare ut Regi suus honos, legibus institutisque majorum, sua vis atque integritas constet, arceanturque seditiones & turbæ nostræ patriæ exitiales. Quod idcirco Fædus juravimus validum, atque perpetuum fore, advocantes ad hoc Deum Opt. Max. & conscientias nostras nullâ ratione aut causa nos illud infracturos, transgressurosque esse, neque laturos ut cuiquam nostrum vis aut injuria ex hoc ipso fiat, eoque ipso semel obligatus, quocumq; etiam casu, aut tempore eximatur, ita tamen ut officium omne conforme sit nostro fæderi aut sociorum arbitratui. In testimonium fidemque rei supra scripta

*ptæ advocavimus æternum numen, quod animis atque conscientijs nostris præest, cō. Iō. ut benedicat fæderi, sapientiæq; & prudentiæ spiritum nobis det, quo omnes nostræ actiones ad nominis divini gloriam, regis commodum, concordiam pacemque publicam, ac salutem nostrarum animarum dirigantur.* cō. Iō. L X V I.

Cuius Tabulæ per Provincias sparſæ, ac ad Maximilianum II. Imperatorem Philippi patruelem, qui Augustæ in Vindelicis comitia Imperij tum agebat, missæ, Romani Imperij intercessionem implorabant. Sperabant namque fæderati, ut Germania, partâ in invidiam Caroli Cæsaris religionis libertate, communione juris antiqui, & memoriâ veterum coloniarum, tum fæderis Anno cō. Iō. XLIX. icti, sociæ gentis miseresceret, asserendæque libertati Belgicæ intercessionem potentis Imperij apud Philippum commodaret. Maximilianus Cæsar mitis ingenij Princeps propinquitate sanguinis, & ductâ in matrimonium Mariâ Philippi sorore per affinitatem Hispanicæ domui innexus optumo & amantissimo pacis ingenio ad conciliandum cum Philippo Belgicæ populum uteretur. Itaque vulgatâ per Provincias ac omne confinium fæderis famâ magnus horror atque trepidatio fuit, ac si isto nobilitatis fædere extrema secessio, & rerum omnium certissima confusio pararetur. Emissæ in publicum turbidæ voces, criminantium, pollutas civilibus armis infelices dexteræ esse, legiq; per Provincias militem alio à Principis sacramento auctoratum. Cæteri censebant religioni Pontificiæ discrimen impendere, non alio coeuntium in fœdus consilio, quam ut populus asperè habitus durioris imperij sortem, cum licentiæ regno commutaret. Magnam verò illam rerum conversionem sine tempestate perfici non posse, valido & inexorabili rege, & fæderatâ Nobilitate tuendæ libertatis percupidâ. Eam quippe juris sui defensionem à fædere orſam, Bruxellas Brabantix urbem, sedem Principis habendo conventui, & maturandis consilijs destinasse. Quæ omnia, senescentibus nusquam rumoribus, mobilitate velocis famæ tamquam præcipiti turbine ferebantur. Neq; Margaretæ Gubernatricis animus idem, ceterum pro disceptantium opinione, ut solet rebus turbidis, muliebri quoque fragilitate fluctuabat. Quare crescente per aulani metu, vehementi sollicitudine implexa de detegendo rerum per Provincias statu, & scribendis ad Philippum litteris agitavit. Metuebat namque Margareta, ne infirmitate sexus sui, aut publici commodi respectu, commotæ nobilitati equior facta lenitatis apud Philippum regem incusaretur, incerta famæ pro veris sæpe haurientem. Econtra assertâ Edictorum asperitate & mandatis Philippi obsecuta, infidam nobilitatem, & jam novæ societatis consilia professam acerbioribus odiis irritaret. Itaque litteras in Hispaniam ocys dedit, quo omne adhibendi robusto malo remedij discrimen in ipsum Regem reclinaret. Iis litteris docebat.

*Fæderis formula, per Germaniam & Belgicam promulgata*

*Margaretæ consilij antecept.*

Populum Belgicum Edictis offensum magnâ inquietudine ferri, & turbis ciendis proximum pernicioſa quieti publicæ consilia meditari. Ita nobilitatem in fædus pertractam stabili concordia coaluisse, facturam haud dubiè majora, nisi istiusmodi pactiones aut effecta fæderum prudentiâ Regis cohibeantur. Clementiâ, & moderato imperio opus esse. Saltem cavendum ne quid ipsâ mali exacerbatione, aut vigore præ-

*Margaretæ litteræ ad Regem.*



eiō .iō præscribatur, præterquam quod Rex judicaverit rei suæ & juxta subdito-  
rum expedire. Interim rogare se Regem mitigari quam primum Edicta  
curet, leniatq; imperium, & cum eo animos novitate rerum effrenes.

Tum Margareta Gubernatrix ut Frisios à societate fæderis deterre-  
ret, & ne oppida per Provinciam, velut robur regij imperij in partem  
adversam tranfirent, fæderatique juris fierent, litteras ad Senatum Leo-  
vardiæ urbis v i. Kal. April. istiusmodi misit:

Margareta  
litteras in  
Frisiam dat

**N**isi certa essem instantis periculi, meâ admonitione vestra res non eguis-  
sent. Nunc autem quia fide non vanâ accipio homines quosdam clan-  
destinis conventibus, dein conspirationibus subnixos Provincijs exiti-  
um, Philippo Regi, cuius sacramento obligantur, vim, atque bel-  
lum machinari, ac jam militem autorasse, majoris mali metu deterrita, ut  
illorum consilij certiores vos facerem, mei muneris esse duxi. Cum enim hoc  
tantum agere in animum inducant, ut cuncta misceant, ac turbent, paran-  
darumq; per vim opum avidi, civitates, honores, æraria & privatorum for-  
tunas suas faciant, occurrendum veteri medicina censeo, quâ in ipso civilium  
furorum ortu cautum semper fuit, ne invalescerent. Quapropter vestro, &  
maxumè publico bono ægetis, ut fomenta malo dematis, providique & per-  
spicaces rerum curetis ne illorum societas novâ mobilis populi accessione auge-  
atur. Quin Philippi Regis nomine mando vobis, ut urbis vestræ, portarumq;  
decentem curam custodiamque habeatis, faciatisque ea omnia, quæ impediendis  
fæderatorum machinationibus, & vestræ securitati conducere censebitis. Vigi-  
lantibus, & in commune consulentibus cuncta prosperè evenient, ignavos ac  
suarum rerum incuriosos fortuna destituet.

Quæ Leovardiam Bruxellis perscripta, ac in primarias Belgicæ ur-  
bes transmissa fæderatam pessime nobilitatem habuere. Et quemad-  
modum impuris corporibus ingesta supra modum alimenta quam maxu-  
mè nocent, ita adactum jam ante civili concordia vulnus atrocis in-  
jurix fæditate, tanquam fæcundâ mali materie, intumuit. Iniquum  
namq; erat, homines præter majorum decora, & gentilitias imagi-  
nes, tot Principum affinitatibus, & suâ gloriâ claros conjurationis in-  
famiâ gravari, Margaretamq; Gubernatricem extra matrimonium Cæ-  
saris natam feminam, tam enormem calumniam clarissimis Belgicis  
familiaris imponere. Quapropter fæderata Nobilitas suam juxta & pu-  
blicam causam actura, ne quid moræ interveniret, die Bruxellis con-  
dicto coram Margaretâ Gubernatrice voce, & scripto, verba faciente  
Henrico Brederodio, hunc in modum disseruit:

Oratio  
Brederodi.

**L**ibellum, quem vides, supplicem exhibemus tibi Margareta, ut apud  
te more antiquo scripto ageremus, ac de nostro in Philippum regem  
affectu propalam testemur. Cui legitima obsequia conferre, more  
majorum nostrorum qui hac laude omnes terrarum nationes provocare,  
gloria quoq; nostra, & incolumitas est. Itaque illi olim fortunas suas, corpora,  
atque animas periculis objecere, ut in tuto Principum suorum, & simul res  
patriæ essent, quas hoc ipso tempore Philippi Regis Edicta non parum con-  
turbavere. Cui etsi Caroli patris decreta tolli durum atque profanum videat-  
ur, tamen in acta eius Edictaque nos jurare manifeste civilium animorum  
pertur-



perturbationes non sinunt. Quas etiam ipsas severa Philippi iussa ac imperia cō. 10. augebunt potius, quam sedabunt. Ita vides concitatum populum haud ob- L X V I. scura affectarum mentium signa præferre, nihilq; instare, quam ut captâ seditione, præceptis ruina sacra omnia atque profana commisceat. Quare satius erit, inquietis, & nisi sistas, mox efferis futuris animis, amovere aut in aliud tempus rejicere Inquisitionem, fontem omnium malorum ut vides, quam optimâ cuiusque civis fortunam, sanguinem atq; famam levissimorum hominum delationibus, accusationibus, atq; sententijs subijcere. Quarum certarum vel solus metus turbas, & seditiones excitabit, quæ si ingruant, Margareta Princeps, reputabis nostrorum omnium, quos vides, conditionem miserissimam fore, dum urbibus munitiombusq; exclusi, ac per plana agrorum divissim sparsi, primam furentium insolentiam, & cum eâ teterrima queque susferemus. Spectabimus direptionem nostrarum rerum, & possessionum vastationem, ne quid dicamus de liberorum, ac conjugum statu, quas pro arbitrio victoris impudicus furor, aut hostiles manus temerabunt. Quare habendum Margareta, clementius imperium, sine quo integritati, securitatiq; nostræ locus esse non potest. Edicta mitigari, aut aboleri è re Philippi regis, & simul nostrâ erit. Quare hoc imprimis necessarium judicamus, ut Legatum in Hispaniam mittas ocyus, moneasque Philippum præsentium rerum & impendentis exitij. Non quod regij imperij majestatem nostro præscripto aut consilio stare velimus, sed ut nostræ fidei publicum hoc & illustre documentum rex accipiat, omniaque paci ac fortunæ publicæ adversa clementiâ hac de re commonti Regis, & de consilio Ordinum amoveantur. Rogamus interim Margareta, ut omnis actio Inquisitionis religionisvè in suspensio sit, dum Rex aliter decernat, & consilium hoc nostrum, quod publicæ salutis cura nostris mentibus atq; pectoribus extorsit, à Philippo Rege in ipso rerum secreto expendatur. Quod si fiat, satisfactum nostris desiderijs, & in patriam affectui erit: sin minus obtestamur, Deum, Regem, & te Principem Margareta, dein nostras conscientias, publici exitij consilium alijs autoribus stetitisse. Quinscias non Gallorum nos fœdera, non Germaniæ societates querere, sed ut exasperatus seductusque Philippi Regis animus ad se redeat, misereaturque innocentia illorum, qui sanguinem suum, atque gloriosa funera, regij imperijs sacraturi essent. Tantum abest nos vetus sacramentum exuere, aut à rege desistere, (quo piaculo non nisi aula satelles, & vanus delator nos adstringet) ceterum volumus ut patriæ quies, Regi honos atque autoritas sit, silentique in posterum Edicta libertati, & conscientijs hominum adversa.

Ad hæc Margareta: Accepisse se supplicationem, acturamq; ut ea ad Philippum Regem ocyus mittatur. Se quidem jam diu consilium cepisse intercedendi apud Regem pro leniendis Edictis, idque cum Ordine Aurei Velleris Provinciarum Præfectis, tum Status Belgici, Regioque Senatu communicasse. Ceterum suæ potestatis non esse, quod delegatam tantum haberet, statuere pro arbitrio, aut mederi malis temporum sine Regis rescripto, quod interponi debere ipsi fœderati non ignorarent. Curaturam interea, ut (dum rex decernat) quies Provincijs sit, Magistratuumque ac Inquisitorum potestas cum tempore exerceatur. Hæc postridie, Non. April. perscripta.

Ita Margareta Gubernatrix muliebri astutiâ, & ex Italiæ suæ disciplinâ velum Edictis obducere, præferre moderamen, metu fœderatæ Nobilitatis & civilium armorum, quod ijs resistendis par non esset, debili

clō. Io. debili urbium præsidio, & solis prætorianis ad corporis custodiam delictis. Quare crudis adhuc per Hispaniam quoque rebus, & mobili per Belgicam populo remedium ab ostentatione clementiæ quæsit, factaque lenioris imperij fide exacerbatas mentes demulsit. Tum fæderati lenocinio verborum Margaretæ Gubernatricis, versipellis faminæ, ac fiduciâ restitutæ quietis in sua rediere. Scribit Demetrius finitâ Nobilitatis cum Margaretâ actione simplicem populum, & morum aulæ rudem suis commercijs, ac diurnis operis mox usum, intermissa turbidis rebus negotia velut compositâ tempestate continuasse. Cæterum ut spes mortalium lubricæ, ut plurimum, & fallaces esse solent,

*Philippus à  
fæderes factio  
Belgii in-  
quior.*

ita fæderatæ Nobilitatis, populiq; incerta & eventu inrita fuit. Perlatō namque in Hispaniam icti fæderis, mox Philippi aulam nuntio, regium animum primo consternatio, post ira, & abolendi fæderis studium occupavere. Constat certe ab illo tempore alieno magis à Belgicâ animo Philippum fuisse, subsecutasque res, ut aulicâ simulatione, ita revera secretis & infestis odijs obductas. Populum quoque suæ servitutis, & fluxæ per aulam Principis fidē pertæsum majore desiderio fæderis flagrasse, respūentemq; Ediçta, ac velut spatia laxantem liberatati, arcana conscientiarum professum. Criminabatur namque Margaretam Gubernatricem pactis conventis vim derogare, ac datam publicè Nobilitati fidem aulæ artibus deludi. Philippum ipsum, adhibendo deploratis rebus remedio tardum, lenta consilia trahere, differreque illius vulneris curationem, quod moræ impatiens esset, & cuius notæ, necdum coalitâ cicatrice, conspicerentur. Cavisse enim fæderatam Nobilitatem, ut rescritum Margaretæ libello Brederodij subscriptum efficax esset, minimoq; temporis spatio interjecto Philippi regis ratihabitione firmaretur. Ordinum quoque, ( penes quos pace, belloq; administratio rerum, & jus publici consilij fuisset ) conventus intra Provincias de voluntate Regis haberetur, statuereturque quiddam tollendis civilis dissidij fomentis opportunum. Itaque debili Philippi ac Margaretæ Principum fide, & quod Ordinum convocatio illâ rerum desperatione præpediretur, offensa multitudo velut ad mores, ac ingenium rediens rursus in cætus coivit, communemque concordiam, ut munimentum retinendi juris durioribus dominantium imperijs objecit.

*Legatū  
Margaretæ  
in Hispan.  
missi.*

Quapropter Margareta periculi metuens, & ut sponsioni suæ, quâ Nobilitati se obligaverat, robur adfingeret, de suo & Senatus Belgici Consilio, Ioannem Marchionem Bergæ, & Florentium Montmorentium Montinium in Hispaniam ablegavit, ipsq; potestatem fecit, ut de mitigandis Religionis Ediçtis, ac auferendâ Inquisitione coram Philippo agerent, veniamq; præteritorum orarent. Additum quoque de maturando Ordinum Belgicæ conventu, quod sine illo subortam tempestatem sedari non posse consentiens hominum fama testaretur. Quæ mandata in ipso regij Senatus confessu à Legatis exposita, plus invidiæ suis autoribus, quam adjumenti rebus Belgicis attulere. Creditum fuit, eosdem Legatos longioris in aulâ moræ pertæsos, ac jure suo immodestius, quam consuetudo regni ferret, usos, pro gratiâ odium, & ex eo contumaciam audientium reperisse. Alij addunt, conventum omnium Belgicæ Ordinum urgentes ferventius, & de contumelijs ac inrisu



inrisu Hispanicæ gentis, haud vana suæ Belgicæq; nobilitatis fiduciâ, cIo. Io. questos, instructuosam legationem, & post mercedem tristis officij L X V I. accepisse. Quorum omnium, ut nihil fæderatos fallebat, quod secretis

epistolarum commercijs & fido interprete res gererentur, ita in populum ferente ocyus famâ divulgatum, infidam jam ante Belgicæ quietem abruptit. His accedebat, quod exules fæderati excedere ditionibus Edicto juberentur, disturbatisque per arma, aut vim, populi conventibus, reformata, ut vocabant, religio novis supplicijs, & piorum sanguine coërceretur. Suspectæ namq; Margaretae Gubernatrici ad populum conciones erant, & divino cultui securitas armis quæsitæ. Quæ propterea ne odia fæderatæ Nobilitatis, & conglobatæ multitudinis in se derivaret, longarum precum continuatione tantum profecit, ut lenito, prout videbatur, Philippi regis animo cum fæderatâ & jam mobili Nobilitate in reciprocam conventionem descenderit. Male ex-  
cepti.

Eâ perscriptum fuit, ut Inquisitio cessaret, novoque ac mitiore Edicto antiquatis superioribus, supplici Nobilitati litteræ traderentur, quibus de F I D E P U B L I C A caveretur. Nobilitas quoq; legis, ac officij memor, justum Philippo obsequium præstaret, provideretque in posterum, ne sacrorum locorum vastatio, arma, aut vis ulla, fædera quoq; aut societates haberentur, regio juri publicæ tranquillitati adversæ. Id Patrum ix. Kal. Sept. tabulis signatum, ac in Frisios eodem Augusto inclinante perlatum. Itaq; tum arma posita, ac conciones (quod jam ante Margareta indulserat) per Provincias restauratæ, populusque, ut fere solet, facile affectuum imperio parens priorum criminationum materiem per subsecutam sælicitatem excussit. Nobilitas quoque fæderis auspex velut restituto jure patrio secura, secreto suo se clausit, Præfectique à pactionis formulâ Provincias ordinavere. Cæterum asfulgentis fortunæ, & quietis splendor durabilis non fuit, quod armorum apparatus fama nuntiaret, & quod pactionis ratihabito præter expectationem tardius ex Hispaniâ mitteretur. Quare diffidentiâ Principum, civiliumq; animorum subdola omnia, atque involuta suspicionibus mansere, animiq; mobiles, velut impellente vento, huc illuc in spem publicæ securitatis acti varias rerum species, & imagines circumtulere. Ea per superiores Belgicæ Provincias, & in Philippi aulâ rerum facies, tum erat. Neque per Frisiam, quam Lavica Flevusque lato alveo determinant, melioribus fatis res agebantur.

Postquam enim libellus supplex (quem Henricus Brederodius fæderatorum nomine Margaretae Gubernatrici obtulerat) Leovardiæ circa Kal. Iun. vulgatus, ingenia procerum, populiq; non parum is affecit. Reputantibus prudentioribus non sine gravi causâ sociatam fædere Nobilitatem fæminæ Principi supplicasse. Eam namque optumo jure de contractis patriæ suæ legibus questam non temerario nexu, non fortuito concursu convenisse. Æternum rerum ordinem istiusmodi consilia sequi. Gentes quippe ab initio faciundæ societatis causâ congressos, post dominantium lubidine oppressos, mutuæ defensionis auxilium, odio ac infamiâ pravorum principum à communi concordia petiisse. Ita pacatos ante Belgas, & suorum Principum reverentes, secessionem non nisi ab oppressione fecisse, & quod interesse censerent liberum an man-

Conventio  
Margaretae  
nobilitatis.

Crimina-  
tiones po-  
puli.



ciō. Io cipem Spiritum sub patrio cælo traherent. Hoc modo ne cum lucis  
L X V I. usurâ inauditæ servitutis legem acciperent, Ediētis atq; Inquisitori-  
bus, dein Episcopis obstitisse, advocatâ juris patrij, & antiquarum  
conventionum fide, quas teredo annosæ vetustatis & potentia reg-  
nantium necdum fustulisset. Extare adhuc homines memoriam tem-  
porum repetentes, qui obsequium Principi debitum confundi cum servi-  
tute, & infælicem Patriam exponi periculis indignantur. Pressisse  
interea generosos Spiritus, & ne causam exitio darent, supplices  
Principi factos, turbidis temporibus usitata remedia, conventum Or-  
dinum orasse. Æquum scilicet fuisse, ut inter Regem populumque  
ortæ lites, intercessione Optumatum sternerentur, sanareturq; omne  
malum, à motu ac licentiâ populi, aut ambitione Principis profectum.  
Id recusanti inimicam pacem videri. Esse Margaretam versipel-  
lem fæminam, & vota Nobilitatis fæderatæ aulicis artibus trahen-  
tem, tum Philippum Hispaniâ sua septum falsis rerum testimonijs in-  
turgescere. Alterutrum eligendum esse, aut coeundum in fædus,  
aut turpiter serviendum. Hæc in secreto per Frisiam agebantur.

*Legati in  
Frisiam  
missi.*

Quamobrem fæderati sparsis per omnem Provinciam socijs, perce-  
ptâq; populi Frisici in fædus inclinatione, Herbertum Raephorstium,  
Fredericum Egmondanum, & Albertum Huchtenbroeckium, claro-  
rum natalium viros, in Frisiam ablegavere: Mandata eorum hæc erant,  
ut de fædere, & rebus cum Margaretâ Gubernatrice Bruxellis, tum  
cum ipso Philippo Rege in Hispaniâ gestis ad Frisios referrent, ijsque  
copiam scripti fæderis & suorum simul mandatorum facerent. Cura-  
rent quoque, ut, factâ regie iræ, & ruentium indies in peius rerum  
obnuntiatione, repellendis à Patriâ periculis in eandem societatem  
Frisij condescendant, spretâque Margaretæ Gubernatricis monitione,  
& fallacibus litteris, commune libertatis studium, & simul discrimen  
amplectantur. Ita acceptis mandatis Legati in Frisiam profecti,  
Leovardiam Provinciæ metropolim pervenere. Famâ ferunt Legatos  
candidis equis vectos, vestesque cinericei coloris indutos, ligneum-  
que poculum argenteis laminis obductum, præferentes, multorum  
hominum affectus commovisse, formatoque præter morem habitu,  
servile etiam in Regem obsequium, & patientiam infontis ludibrij  
signasse. Immania namq; à Pontificijs in Legatos convitia jaciebantur,  
effrænisque ac maledici oris licentia integritatem fæderis, & simul  
existimationem Legatorum impetebat. Notat Antonius Iodocius, a-  
ctuarius publicus, Herbertum Raephorstium unum Legatorum, diem ut  
plurimum somno, noctem oblectamentis vitæ, & exercitijs libidinum  
egisse, dignitatemque Legati turpi ignaviâ & nocturnis fæminarum  
amoribus attaminasse. Alij in atrociore calumnias, prout pravus cuius-  
que animus, aut ingenium dictabat, invidiâ fæderis effundebantur.  
Quamobrem Legati ne illa temporum partiumq; dissensione in discrimen traherentur, Delegatis Ordinum Frisiae Leovardiam evocatis,  
istiusmodi litteras exhibuere:

*Legatorum  
Oratio.*

**Q** Vanquam graves causæ nos impulerint, Ordines, ut in Frisiam vestram  
profisceremur, ita pro vero accepimus, esse quosdam qui afferant speciali nos  
man-

mandato instructos ad pertrahendam clandestinis modis in fœdus nostrum Frisicam cIo. Io. Nobilitatem advenisse. Quæ calumnia ne famæ, ac existimationi nostræ a-LXVI. pud credulas mentes quidquam derogaret, ac ne haberemur pro ijs, quos pudere suæ Legationis & officij posset, vestro in cœtu Ordines nos sistimus, fidemque facimus nullis secretis mandatis nos munitos esse, ceterum adferre tabulas Sanctissimi Fœderis, & honestissimæ Societatis Principum nobiliumque virorum manu obsignatas. Tantum abest homines nos esse malis artibus, consiliisque instructos. A quibus etiam ut longius nos abesse probemus, exhibemus propalam easdem tabulas, obtestamurq; nostrum ac majorum decus, non aliam Legationis nostræ causam fuisse, quam ut de honesto sanctoque fœdere certiores vos faceremus. Vestri arbitrij erit, hoc approbare aut rejicere. Nobis satis erit, nostræ Legationi satisfecisse, ac nos ipsos populum Frisicum, Ordines, à communione ejusdem fœderis excludere noluisse.

Cui Orationi ut fides adstrueretur, & ne quid Legatorum officijs, illâ partium per Provinciam, & simul civitatem æmulatione, affingi posset, testimonij publici dictionem petiere, ac ut rei apud Frisios gestæ memoria actis mandaretur. Igitur Ordinum Delegati, quod facili, & quod metuebant, instanti calumniæ occurreretur, & ne plebs seditionem ex vanis acribusq; rumoribus agitare, ita perscribi curaverunt.

**V**Enere ad nos vv. Nob. ALBERTUS HUCHTENBROECKIUS, & FREDERICUS EGMONDANUS, formulam Fœderis adferentes. Præter hoc verba in nostro conventu habuere non alium, ut profitebantur, in finem, quam ne clandestinæ conjurationis insimularentur, & ut evulgaretur justissimum sanctissimumque Fœdus; quod nostræ quoq; genti, si retinere libertatem vellet, offerri desiderabant. Neq; enim Legatos arcere provinciâ licuit, quos gentium jus inviolabiles fecisset, & qui ex uxorum suarum dotibus prædia & possessiones per Frisiam tenerent. Ut certè ne in mali quidem consilij, aut fabricatæ conspirationis suspicionem apud nos venirent, quæ plerumq; imbecilla, ex animi livore atq; odio, aliquid iniuriæ, etiam bonis, afformat. Ita enim fit, ut qui timeri volunt ex suâ, alienam potentiam formident, credantque vero proxima, quæ ipsi finxere. Nos testimonium, quale debuimus illorum integritati innocentiaque dandum duximus, ne videamur ex iniquo quid egisse. Hoc à Ryardo Rorda, Haringio Glinzio, Valerio Cammingha, Docone Martena signatum.

Ut mirari liceat, læsæ libertatis Belgicæ concors documentum non ineruditis alias ingenijs & huius sæculi scriptoribus conjurationis titulo traduci, ipsosq; suorum Pontificum, aut Principum assentatores juris aboliti vindicias pessimi criminis enormi infamiâ velare. Quod equidem illis familiare deprehendo; qui in regno, aut Principatu nati, educatiq; suæ tantum servitutis conscientia, ad defensam armis nobilissimarum gentium libertatem, ex consuetudine crudi, atq; infælicis obsequij non assurgunt. Ut ut sit, hoc saltem incomperito est, invalidi Fœderis initium fato quodam regnanti Philippo obiectum, magna & quidem terrarum orbi formidolosa incrementa inter continuas belli tempestates, & variantis fortunæ asperitatem traxisse, nobilitatemq;



clo. Io. ac populum Belgicum in vindicandâ dominantium immanitate terrarum gentibus ex divinæ benignitatis indulgentiâ præluxisse.

Invenio in actis istorum temporum, magnam de Fenis Bantianis Scoterlandiisq; inter Petrum Dekamæ Equitem, Antonium del Vailium, Balduinum Lozum cum socijs, & quosdam nobilium, super aquâ istarum paludum deducendâ controversiam fuisse, itemq; modo ad Senatum regium, modo ad legatos Ordinum remissam, magnâ acerbitate partium animos inritasse. Quippe Dekamæ inveteratum sedecim annorum jus, & intemeratam possessionem obtendebant, eiq; Fenorum fossurâ (quos insularum natantium instar Frificis terris stagnisque se superfundisse creditum est) magnum operariorum multitudini, tum toti provinciæ commodum obvenire. Quippe egestati istos bituminosos agros tractantium subveniri, & evocari in provinciam vicinos, è fossurâ cespitum se sustentantes, quos in omnem regionem devehî gentis interesset. Econtra nobilitas istis paludum ac bituminosis aquis suos agros ingenio suo depressos, & humentes oppleri criminabatur, agrisq; fertilibus ex vitiatæ corruptæque aquæ inundatione sterilitatem induci. Ne ipsâ quoq; regis domania ab hoc malo exempta esse, consulendumq; esse æquitati, quæ non ferret, ex unius paucorumq; commodis, inreparabile damnum detrimentumq;, nisi subveniat, Frificis agris terrisque accedere. Cæterum causæ ex se justæ patronos atque advocatos deesse, potentiâq; adversariorum perterritos officia sua, & clientum fortunas negligere. Hæc à Douwone Douma, Tito Hettingha, Erasmo Douma, Florentio Abbema, Horatio Oeningha, Onnone Grovenstenio signata, 28. Iun. & Deputatis exhibita. Ita factum est, ut tarditate iudicum, majora odia accenderentur, spretâq; iudicij autoritate, prædicta nobilitas, coactâ plebis rusticæ manu, catarractas rivosque devehendo cespiti factos injectâ terrâ oppilaverit. Quo tempore metu poterat, ne futura civilis belli fax se ostenderet, latensque inter regios & libertatis patriæ amantes, odium ex violentis istiusmodi actionibus, turbisq; se aperiret. Cæterum interventus Sibrandi Hettingha Prætoris Scoterlandici, & Hansonis Gelij actuarij, negotium Eelkoni Haulæo advocato Curiae disceptandum in foro demandavit, actionemq; in iudicio persequendi potestatem fecit. Hoc etenim Scoterlandi volebant, ut Drachtana fossa, qua Drachtanis in orientem est, juxta viam publicam repurgaretur, oppilatusq; paulo ante rivus omnem paludum agrorumq; eluvium sine ullo obstaculo exoneraret. Itaq; litis contestatio in iudicio regij Senatus facta, omnem occultioris dissidij vim amovit. Gemma notat paulo ante Iconomachiam, quæ per omnem Belgicam mox secuta, horrendæ nubis imaginem in cælo, mense Julio conspectam, ingentia fulgura cum grandine ejaculasse, flammeq; colore, quasi universi conflagrationem minaretur, non nihil remisso, in ventos pluviâsq; abiisse. Magnam etiam tempestatem fulminum, una cum nubium fragoribus Leovardiæ auditam, ex incerti notis observo, illamq; cælestis oræ conturbationem secuturis populi motibus assimilatam.

Reperio in notis ejusdem Iodocij, famosos libellos odio Inquisitorum Leovardiæ tum sparsos, gratumq; eâ tempestate Brederodij nomen



men publico præconio celebratum. Autores quoq; famosorum car-  
minum de Sententiâ regij Senatus virgis cæsos, proscriptosque, im-  
modesti laboris mercedem præter cruciatum faucij per flagra corporis,  
pænam exilij accepisse. Idem Iodocius addit, crescente per exem-  
plorum fæditatem populi audaciâ, Regem quoque ipsum diris oppro-  
brijs impetum, Margaretamque Gubernatricem, tum Præfectum  
Senatumque per Frisiam regium haud abfimili criminatione, & acer-  
bis dicteris exceptum. Itaque exasperatis judicijs, animi concivium,  
quos miseratione atrocis spectaculi, aut propinquitas movebat, majori-  
bus in regios odijs ferbuere, quibus fomentum Gabinus Selsma vir  
audacis ingenij, & juxta liberrimi oris, ( apud quem Legati diver-  
terant ) novo commento subministrabat.

Gabinij  
Selsma di-  
visiones.

Is namq; clam per urbem cives convocare, deprædicare periculum,  
quod à Pontificijs immineret, qui infidis animis publicè familiares, intra  
se cædes, & excidium fæderati populi agitent. Ideò scilicet in fo-  
cios, ac concives statutum asperius, regiumque Senatum in corpora li-  
berorum, ingenuorumq; civium sævijsse. Aggestas in supplicij loco tri-  
stes virgas, & avidum libertatis avitæ sanguinem manu carnificis expres-  
sum. Parari adhuc majora fœcordibus fæderatis. Commeare namque  
ad Arembergium internuncios, eosque noctu intromitti, inscio incon-  
sulutoque cive, cujus interfit urbem in tuto esse, & non introïre clam  
homines infesta aut saltem suspecta consilia perferentes. Quin de-  
mandandam potius civi urbis custodiam, ut per omnium curam, om-  
nium quoque securitas habeatur. Hæc ab eodem Gabinio in Curiâ  
oppidanâ cum vehementiâ dicta. Quare Decreto Magistratus claves  
portarum civibus traditæ, Sagittariorumq; collegium agendis excubijs  
præfectum. Additi his diurni vigiles, quibus mandatum erat, ne mi-  
litem intromitterent, quem ad firmandam majore præsidio regiam ar-  
cem, alijs è locis Arembergius evocaverat. Qui comperto regium mi-  
litem portâ prohiberi ( quam D. Jacobo sacram illorum temporum re-  
ligio, Carolo v. Cæsare sub Maximiliano Burano Frisæ Præfecto ex-  
truxerat ) arce regiâ cum paucis stipatoribus descendit, Vibiumque Al-  
lartium primipilarem asperè adlocutus, iræ plenus in arcem se recepit.  
Addit Iodocius, Arembergium prehensâ viri barbâ comminatum extre-  
ma; Magistratus, quod Allartius obtendebat, imperium contemptum  
habuisse. Itaque Magistratus robur imperio daturus, Kal. Sept. pri-  
mipilares civicarum cohortium ad se vocavit, ac pro defensione urbis  
sacramentum accepit. Alij putant defendendis reformatis concionato-  
ribus id factum, quos durante Inquisitorum & Gulielmi Lindani domi-  
nato per Leovardiam urbem sacris domesticisq; ministerijs liberiores  
conscientias clam delegisse jam diu Arembergius indignabatur. Itaq;  
illum nimia & imperiosa populi libertas, Magistratum importuna Arem-  
bergij consilia, & sinistra machinationes urebant. His accedebat,  
quod Philippum Segoviæ è febre lecto affixum conventio Margaretæ, &  
fæderatæ Nobilitatis offendisse diceretur, Philippusq; displicitæ pactio-  
nis ægritudinem aulicâ simulatione, & fucatis in Principes blandicijs  
velaret. Quapropter Magistratus ne discordi cive aut multitudine quid  
tentaret, frequentissimo conventui in Curiâ habendo VIII. Eid. Sept.

Leovard-  
diensium  
acta.

cLo. Io. diem dixit, Conciliumq; juratum, ut & Tribunos cohortium, LXVI. ac sagittariorum Præfectos adesse in Senatu iussit. Ibi Tarquinius Vallesius Consulatum tum gerens, & qui in Senatu præsidebat, verba in hunc modum fecit:

**C**onvenimus in hunc locum P. C. ut de formandâ civitate nostrâ cogitaremus, prospiceremusque conscientijs, legibus, atque fortunis nostris, quas regy imperij importunus rigor, & soluti dominantium mores fermè opprèssere. Ut ea singula restituamus parabili medicinâ, & non longâ curatione egemus. Ab animarum nostrarum curâ, tanquam præcipuo mortalium bono, ut incipiamus censeo, ac ut diu sacra nostra clam & in secreto professi submoto potentium metu profiteamur publicè. Quapropter templa ab imaginum idolorumq; cultu repurganda, ut Deum ex præscripto nostrarum mentium, & divinæ legis culturi, locum habeamus superstitione vacuum, & nullâ sacerdotum illuvie deformem. Occasionem absentia Præfecti, qui in Trans-Iulaniâ concessit, & noster zelus dabit. Neque enim grave nobis præsidium, quod portis nostris exclusimus, neque alieni à nobis, quos exploravimus, civium animi sunt. Paucis adversarijs nostræ vires auctæ meo consilio pares sunt, modò moræ rumpantur, & opportunitate commodi temporis utamur. Quamobrem censeo primâ nocte id faciendum, ac depurgandis fanis, ne quid promiscuus plebis turbæ furor peccet, sagittarios adhibendos. Opificum collegia, quæ templis dicavere auferant, cætera amoveantur pro arbitrio eorum, quibus negotium demandabitur. Hæc Vallesius:

Edictum  
Leovardien-  
sium,

Mox decretum Senatus eâ de re perscriptum, Edictumque per præconem; Ne qui nocte proxumâ in publico præterquam Sagittarij, illivè essent, quibus potestatem prodeundi Senatus fecisset. Cæteri dubia civitate aut triste silentium, aut mæstam solitudinem, omnes varias rerum spes, atque eventus exercebant. Itaque Sagittarij mandato Senatus accepto, adultâ nocte in unum convenere, progressique in templa, præter Nyehovam, D. Vito & Catharinæ sacra, subverfis aris omne Pontificijs ceremonijs ante subserviens, quod per omnem Belgicam jam ante factum erat, submoveri spectantium oculis fecere. Iodocius notarum autor, etsi affectibus indulgens, tradit omnem sacram supellectilem fædè contractam atque disjectam jacuisse, octenosque sagittariorum manipulos isti negotio destinatos mandatum Senatus perfecisse. Tum Edictum ab eodem Præcone pronuntiatum, quod turbandæ quieti nocturnæ aut vastandis ultra sacris vim omnem atq; insolentiam vetabat. Hoc modo immutato civitatis statu postero die (qui v. Eid. Sept. fuit) exercitia reformatæ religionis cæpere, sacra facturis Antonio Nicolao & Martino Elio, quos magno numero ad fanum D. Vito sacrum, armati cives sequebantur. Tarquinius verò Vallesius, Consul, cum Henrico Alberto Senatorij ordinis viro stipati satellitio suorum, & insignia imperij præferentes, totum ordinem procedentium antecedeabant, omneq; negotium, quod invidiâ non carebat, & simul securitatem docentium gravi autoritate tuebantur. Tum Res divina primum ab Antonio Hogebeintano nuper sacerdote, post à Martino presbytero Tjumano, facta. Scribit Iodocius eos deposito sacerdotali habitu ædem ingressos, mox pileis pallijsque con-

Reformatio  
septis.



contactos, in suggestum ascendisse, populumq; præsidio armorum sub- clo. Io. nixum, ab ore differentium, tanquam oraculi voce pependisse, Itaq; L x v i. Senatus regius peractam concordibus animis rem divinam ægrè ferens, metuenſque ne cæteri ad exemplum deſciſcerent, trium Eccleſiarum paſtores Ivonem Joannis, Sixtum Abbæum, & Douwonem, Oldehovios; Adrianum Vernerum, Nyehovium; & Douwonem Jouckenium, cum Petro Jacobæo, Vicario ad Catharinæ, in Regiam Curiam ad i i i. Eid. Septemb. evocavit. Ibi Carolus Nitzenius Præ- Reformati  
in Curiam  
regiam quia  
vocati. ſes, in hæc verba erupit:

*Eſſi de integritate veſtrâ non dubitemus, quin de Romanâ Eccleſiâ Catho-  
licâ optumè ſentiat, tamen quia pericula nos urgent, volumus, ut testi-  
monium veſtræ fidei noſtro in Senatu diceretis. Idcirco per ſalutem animarum  
veſtrarum, per conſcientias veſtras, & juſſurandum quod Philippo Regi præ-  
ſtitit, vobis deferimus, ut id nobis audientibus dicatis, adprobetisvè religio-  
nem Romanam Catholicam, aut ſignificetis eam animis mentibuſque veſtris ad-  
verſari. Nolumus equidem ut vera rerum judicia falſis involvantur, atros vi-  
deamini ſimulatam pietatem metu periculi, & pro conditione temporum profeſſi.*

Refert Iodocius, Sixtum Abbæum Oldehovium, omnium nomine, Senatui regio reſpondiſſe, eundemque adprobatâ in Senatu Romanâ religione poſtridie inverſâ mente reformatæ apertam confeſſionem feciſſe. Quamobrem Senatus Regius ijs mandavit, ut, non obſtante locorum ſacrorum vaſtitate, {ac turbatiſſimi temporis injuriâ, officia, atque cõciones continuarent; ſubnixiq; conſcientijs in arduâ, ac con- creditâ ſibi præſbyterij vocatione perſiſterent. Edi-ctum quoq; v i i i. Kal. Sept. Bruxellis à Margaretâ Gubernatrice in templorum, ſacro- rumque violatores perſcriptum, publicari ocys Leovardiæ & per o- Edictum  
contra ica-  
no machos. mnem Friſiam juſſit, ſuumq; graviore ſub pænâ prid. Kal. Sept. factum addi, vulgarique fecit. Ijs cautum erat: Ne quis templa, ſacravè loca, rituales libros, aras, imagines, ſtatuavè confringeret, auferetvè, ſub pænâ ſuſpendij, & bonorum conſiſcationis. Sanxit quoq; ut in talium reos, velut ſacrilegos, Dei hominumque hoſtes & contem- ptores, juſ necis cuivis eſſet, impunitate non tantum cædis, ſed & mercede promiſſâ. Magiſtratus quoque oppidorum conniventes, & quo minus iſtiusmodi puniantur, præpedientes, pro fautoribus talium habendos edixit, ac ut Oppida, Univerſitateſq; per Magiſtratus populi- vè delictum omni jure, ac immunitate exciderent. Faſoſi quo- que carminis crimen, modo in Religionem, Pacem publicam, Regem, Gubernatricem, Rectoreſvè Provinciarum commiſſum eſſet, eadẽ laquei pænâ corrigi juſſit, eandemque Flevum inter Amasum- que copias conſcribentibus, autorantibuſvè denuntiavît.

Mox Arembergius x v i. Kal. Octob. quatuor civitatis Conſules ad ſe vocavit: miſſionemq; quanto ocys reformatæ religionis miniſtris poſtulavit. Templis quoq; fanisq; veterem ornatum reddi petijt, om- nemq; deformatæ civitatis ſtatum mutari antiquo juſſit. Ad quæ Conſules.

**C**onvocavimus, Scabinos, concilium juratum, cohortium Præſectos & vex-  
cilliſeros, præterea manipulares ſagittariorum, & honeſtiſſimorum civium  
primos, ut poſtularis tuis, Præſecte, reſponderemus. Quo tempore decretum eſt  
(quod



CLIO. IO. (quod ante triduum te praesente professi sumus) reformatos pastores dimitti non posse, neq; ornamenta templis restitui, ceterum volumus ut in praesenti statu civitas permaneat, dum aliter à rege, aut Ordinibus generalibus totius Belgicae statutum sit. Nihilominus, fidem Regi datam servabimus, petimusq; ut odio, aut gratiâ sepositis, regi omnia transcribas prout acta sunt. Itaque pastores reformatos admisimus, ornamenta templorum amovimus, averruncandis majoribus malis, & ne in publicam seditionem iste civitatis motus erumperet. Quamobrem petimus, ne sinistre hoc interpretari velis, omnemq; rerum gestarum seriem bonâ apud regem aut Gubernatricem fide exponere. Quam cum in acta redigi petieris, ut Rex, aut Gubernatrix de toto negotio cognoscat, ita censuimus mittendos ad te ex primariâ nobilitate, qui conventionem honestam offerant, ut utriusque religionis exercitia in fams, templisq; indulgeas. Nos, si id permittas, cives nostros inducemus, ut sacramentum regi dictum renouent, & ut regie arcis, tuæ personæ, & Senatui regio securitas sit. Hoc saltem præcaveri volumus, ne praesidium arcis novo externoq; milite adaugeas, cum nostrorum civium fide tutus esse queas. Et quoniam mandatum Regis desiderari obtendis, neq; conventionem institui super his rebus posse, ita actis comprehensa tibi tradimus, ne istorum, quæ evenere, memoriam prægraves. Neq; enim religiosorum tuorum exercitia turbavimus, ceterum hoc egimus cavimusq;, ut tutè Pontificiorum sacra fierent. Quæ si ipsi continuare volent, per nos licebit, obeant.

Dein Deputati quoq; Ordinum Arenbergio libellum hunc obtulere.

**N**on hanc tantum per civitatem, Praefecte, sed populum per reliqua oppida agrosque conturbatum vides. Omnia quoq; angore, metu atq; tumultu agitari, non aliâ ex causâ, quam quod militem conscribas, arcemq; regiam majore praesidio obfirmes. Et quamvis propter merita tua, etiam ab illis annis, quibus Frisiam cum laude rexisti, sinistrae suspiciones de te concipi non possint; & quidem eo magis, quod neq; mandatum à rege Philippo autorandi armatos, coram Valerio Cammingha, & Ruardo Roorda, pridem sis professus, tamen sedari efferatæ plebis mentes nequeunt, & fiduciam reconcipere, quam minuerunt. Nam unam cohortem & quidem in corporis tui arcisq; custodiam tibi non invident, modo fidem securitati nostræ des, bonaq; ac corpora nostra à vi & incursu militum tuta fore. Cuius animi sis, Praefecte, colluviem otiosorum per agros ac canobia se spargentem, ad disciplinam revoca, & exonera sacra profanaque loca isto metu, qui infidus ut plurimum, concordiae pacisq; custos est. Quod si feceris, Praefecte, perseverabimus in fide regi datâ, pacem pro bello habituri. Hæc ab Isbrando Herderviceno, Præfule Lidlumano; Sceltone Liauckama, Petro Cammingha, Amelandiæ Domino; Gemma Burmania, Iulio Dekama, Sixto & Siricio Donia, Epone Douma, Sceltone Tiaerda, Serapio Galama, Hartmanno Galama, Edone Heringha, Wilcone Holdingha, Erasmo Douma, Sibæo Sceltema, Gabinio Sceltama, Vigerio Sirima, Alepho Aggema, Ottone Herama, Hesselo Oosthemio, signata.

Post Kalend. Octobrib. alio Edicto Senatus cavit: Ne per presbyteros, Pastores, vicarios cæterovè beneficiarios, in Religione quid novaretur, ceterum res divina, more prisco, sub pænâ amissionis beneficij, exerceretur. Sed novæ Veritatis desiderio incalescens ministrorum zelus,

alia

alia meditabatur. Itaque factum est, ut finitâ Anthonij concione (so- cto. 13. lis Ivone & Douwone Oldehovio exceptis) cæteri priore habitu ex- LXVI. cusso, reformatis se sociarent, spretisque temporum periculis secreta animorum profiterentur. Tum Sixtus Abbæus vir magnæ facundiæ pro concione verba fecit, præmissâque Fidei confessione multa de institutis, erroribusque Pontificum, ac regno Antichristi disseruit. Quare gratulari non parum sibi ac symmictis suis quod à tanta sæculorum caligine sacrario veritatis recepti ad veros divini numinis cultus rediissent. Petere se D. O. M. misereatur cæcitatibus tam diuturnæ (cuius omnes singulosq; certo conscientie testimonio puderet) ac firmandis in fide mentibus Spiritum dei sanctioris sapientiæ auctorem. Tum celsantibus edicto Magistratus Pontificiorum exercitijs, templa reformatæ Religioni assignata.

Igitur velut fatis concordiam pacemq; publicam revellentibus, & religionis dissensione simul cum metu regio auctâ, Ordinum Deputati conventum Præfulum, Nobilitatis, & agrariorum indixere, omnesque citati, quasi de re ponderosâ consultaturi ad diem XIV. Kal. Decembrium adesse Leovardie iussi. Ex Oostergois, Petrus Trajectensis, Mosanus, Abbas Fosuerdicus; Gerardus Dotichemus, Præful Gerricomius; Petrus Cammingha, Amelandiæ Dominus; Suffridus Heemstra, Epo Douma, Gemma Burmania, Tetardus Holdingha, Ritco Eysingha, Hector Abingha, Sixtus Emingha, Bennertus Hiltingha, Ritco Dyxtra: Ex Westergois, Isbrandus Hardervicenus, Præful Lidlumanus; Henricus Steenvicenis, Abbas Floridi-Campi; Hector Hemmema, Edzardus Groustins, Iarichius Botnia, Oldermannus Franequerensium, Scelto Liauckama, Dominicus Hottingha, Oldermannus Bolsuerdienfium; Hero Ockingha, Sixtus Donia, Serapius Galama, Vibius, pastor Cubardius; Godscalcus Hiddema, Renicus Gerlacius; Ex Sylvestribus, Ioannes Harmannus, Prior Hascheranus, Auco, pastor Sindelius; Douvo Douma, Iulius Dekama, Foppo Douma, Meinius Lyclefius, juris Licentiatus, Iouco Oenius, Edo Auconius, Florentius Abbema, Poppo Pierius, Andræas Mirica, Medicus; Quo die, cum Deputatis congregati Ordines de negotio religionis deliberare, non sine animorum perturbatione, quod Margareta Gubernatrix litteras comminationis & acerbitatis plenas ad Arembergium, Arembergius ad Senatum regium misisse, nec inveris rumoribus, diceretur. Unde Delegati Ordinum, mox in Curiam citati, prælectæq; Gubernatricis litteræ, quibus Magareta jubebat; *Nihil in religione, sacrisque ritibus mutari Regem velle, neque dandum esse tempus postulatis federatorum Nobilium, cavendumque imprimis Senatui, ut omne Fœdus, omnem societatem, omnes conventus disturbet.* Hæc Leovard. XIV. Kal. Dec. acta.

Itaq; magna in conventu Ordinum consternatio orta, qui ut instantibus malis mederentur, Delegati ad Arembergium, & simul Margaretam Gubernatricem, Doco Martna, Barthius Idzaerda, Dominicus Hottingha, Oldermannus Bolsuerdienfium; qui dilationem publicando Philippi Edicto postularent, ac ut Præfectus Arembergius apud Gubernatricem, Gubernatrix apud Regem pro Frisijs, datis fiducia-rijs legatorum litteris intercederet. Hoc etiam additum, ut, dum rex



CLV. Id. decretum religionis cum Ordinibus Belgicæ fecisset, toti Belgicæ populo, & eius supplicationibus Legati se afformarent, & ut remedia minuendis Philippi exacerbationibus, & restituendæ per provincias paci quærerentur. Cæterum an institutæ legationi eventus responderit, non reperio, hoc saltem constat, Philippi animum ex se immānem mitiora decreta tum respuisse, anniq; sequentis discordias majoribus odijs repetitas.

*Arembergij  
litteræ.*

Quas populares turbas & mutationem rerum ægre ferens Arembergius, qui in Transfulaniam profectus erat, iv. Eid. Decemb. litteras ad Magistratum dedit, quibus fidem faciebat, Non placere sibi istam actionem, quin monere Magistratum, ut habita quietis publicæ curâ, modum ponat fervidis studijs, sinatq; religionem Romanam restitui tot sæculis usurpatam. Se propediem adfore, conciliandis divulsis mentibus, daturumque operam ut sopiatur auferaturque omne civilis discordiæ fomentum. Reperio in notis Iodocij, litteras Arembergij non multum ponderis habuisse, Magistratumq; oppidanum prioris constantiæ documentum tam diu dedisse, donec Philippi regis asperius Edictum postrid. in secreto Senatus recitaretur. Itaque tum, ne adspernari Philippi Imperium, & excussisse legitimum obsequium per desideria novæ pietatis fæderisque videretur, Propriid. Eid. Decemb. collegium Sagittariorum in templum D. Viti convocavit, communicatoq; edicto (quod, restitui Romanam religionem, & auctoritatem Præfecti volebat) super eo publicando longum consultavit. Erant namque in collegio sagittariorum, qui procacibus, servilibusque studijs Philippum sectabantur, sacrisque ac ceremonijs Pontificijs impensius dediti, gloriâ etiam fædissimæ servitutis se placarent. Qui propterea, ne pro supprimendo Philippi Edicto stetisse viderentur, duobusque temporibus suffragiorum libertate in discrimen venirent, fano D. Viti excessere, relicta multorum civium multitudine, quam Dionysius Wingia, qui Magistratui à secretis erat, in hunc modum allocutus fertur:

*Conventus  
Leovardie*

*O. Wingia  
atio.*

**Q**uod verba apud vos faciam, Concives, non de nihilo est, posteaquam in magnum discrimen Philippi regis exacerbatio, & nostra innocentia nos perduxit. Qui ut vivere optaveramus more felicitum majorum, quibus omnia secura, inturbataque etiam Carolo Cesare fuere, ita nos nepotes fortunatorum patrum Philippi filij asperitas exercet. Cuius etiam imperium ut omni lege ac exceptione careret, & ut minimum haberemus, quod intactum servitute esset, conscientias quoque nostras paucorum hominum inspectionibus subijcere conatus est. Vidimus quippe jam diu oberrantem Gulielmum Lindanum Inquisitorem, hominem peregrinum, & præferocem, istiusmodi imperia exercentem, quæ pati fortium, & liberorum hominum non est. Quorum majores ut Normannicam servitutem, ac Hollandicam dominationem excussere, ita nos soli degeneres huc usque, ignobiles animos inhonestaq; peccata novis istis vilissimisq; censoribus mancipavimus. Reliqui vero vicini, socijque nostri, ne ista turpia, & horrenda paterentur, in sædus coivere, gnari concordia res parvas crescere, discordia dilabi & concidere. Atqui istius fæderis copiam miseratione sociorum accepimus; ut sepulta virtus nostra se erigeret, ac nos semel memores patriæ vacillantis, omnem ignaviam, metumque generosis

ant-



animis excuteremus. Ratum quoque idipsum fœdus fecimus, quantum in no-  
bis fuit, & æquissimam censuimus supplicationem, quam Henricus Bredero-  
dius Margareta Gubernatrici obtulerat. Eâ opinione subnixi populum in ju-  
stos catus convocavimus, & ne superstitionum servi essemus, templa à sordibus  
depurgavimus, stabilitumq; religionem nostris congruam. Ut paucis dicam,  
Libertatem nobis, aut saltem imaginem, eius paravimus, istorum hominum  
machinationibus adversam, qui in ultimam servitutem protrusos nos vellent.  
Inde AreMBERGII minaces litteras, & hesterno die Philippi Edictum accepimus,  
jussique sumus ea dimittere, quæ magno constiterunt. Redonare hostibus ini-  
miciq; nostris templa, Curias, Collegia, Magistratus, dignitates, & opes,  
& brevi omnia ista, quæ justis titulis possidemus, nobis econtra reservare  
contemptum, infamiam, egestatem, exilium, mortem, & hac ipsâ peiorem  
eternam servitutem. Id namque necessario eventurum est, si Edictum hoc pu-  
blicemus, quod ego, salvis circumstantis coronæ judicijs, supprimendum censeo.  
Quin suadeo potius, Concives, ut memores fœderis, & sanctissimi nexus,  
quo nos invicem obligavimus, perseveremus in proposito, parati res nostras  
atque sanguinem consecrare Libertati, quam recidere in sortem fortibus egre-  
gisque viris non tolerandam.

Tum cricumstantes dexterâs erexere, perorantiq; Dyonisio prônus  
vultibus assensum est. Cæteri qui cætui se subtraxerant, postridie eo-  
dem in loco se siltere jussi, multatâ, nisi præsto essent, Carolini au-  
reï indictâ. Ibi perrogatis populi suffragijs iterum de supprimendo E-  
dicto decretum factum, proficiente nequicquam illorum secessione,  
qui isti rei vehementibus studijs adversabantur. Itaque Hector Æbin-  
ga vir nobilis, & ab illo decreto alienior, etsi in ordinem sagittario-  
rum cooptratus, Hallemum se conferre jussus est, ac curare amplissimas  
possessions, quas illo in districtu plurimas hæreditario jure tenebat.  
Non egere quippe libertatem populi istiusmodi defensoribus dicebant,  
quibus periculum creare crudis illis civilium furorum temporibus, immo-  
destæ locutionis præceps temeritas posset. Tum XVII. Kal. Jan. ma-  
gnum illud Dominicæ cœnæ mysterium Leovardiæ administratum est,  
accipiente illud è primis Tarquinio Vallesio Consule. Cæteris longo  
ordine accedentibus, ut magnum Ecclesia incrementum senserat, ea-  
dem communiô facta. Nec multum post quatuor Curijs populi, etsi  
seorsim, convocatis (quas Hoecani, Kempemani, Mennemij & Olde-  
hovij constituebant) Magistratus creandis tribunis cohortium se dedit,  
ne illâ teneritudine ac infantia libertatis publica quies occultis machi-  
nationibus obturbaretur. Urgebat namq; Magistratus, ut Sagittarij,  
peres quos jus eligendorum Tribunorum erat, iisdem Tribunis pote-  
statem facerent cum Senatu urbis agendi, consulendi, statuendique  
quod è re civitatis esset, tabulæque mandatorum, & procuratio-  
nes Tribunorum ad arbitrium Senatus formarentur. Sed divisâ  
urbe, & sagittariorum collegio in diversa scisso, paucorum contu-  
macia Senatus consilij obstitit. Hoc quippe cavebant Sagittarij par-  
tes adversæ, ne quid juramento Philippo regi præstito decederet,  
omneque civitatis commodum, & actiones Senatus, cum sacra-  
mento populi, & Philippi imperio convenirent. Ita Paulus Brecke-  
rus,

CL. IS.

LXVI.

Philippi E.  
dictum sup-  
primitur.

ANNO  
CL. IS.  
LXVII.

cIo. Io. rus , Henricus Tarquinius , Bernardus Sirxma , Theodorus Haringius , & Nicolaus Stafius intercessere. Alij immodestius pro affectuum lubricitate agebant. Neque enim deerant , qui scriptis clam protestationibus libellisque criminationum ( conciliandæ apud Arembergium ac Margaretam Gubernatricem gratiæ ) populum divellerent , publiceque confidentes & turbulenti , violatam a fœderatis juris-jurandi religionem clamitarent. Sibi quippe Philippo Caroli Cæsaris filio & hæredi Anno cIo. Io. L. & post Anno cIo. Io. LV. Regi Principique præstitum juris-jurandum , integrum , intemeratumque fuisse , neque miscuisse se turbulentis eorum consilijs , quorum manus intactæ sacrilegijs non essent. Quæ res cum seditionibus data causam videretur , Magistratus Henricum Tarquinium , tanquam incitorem turbarum in custodiam dari jussit , quo ceteros ab effræni licentiâ commodius deterreret. Reperio Antonium Iodocium notarum autorem , Consuli Allæo Terebio de sistendo cavisse , Magistratumque , ne quid in innoxios statuisse videretur , acta protestantium Pontificiorum in populum vulgasse. Paulum quoque Breckerum hominum peregrinum , & quod in matrimonio nobilem fæminam teneret , ad dignitatem Præturæ evectum , à Suffrido Bejemo viro nobili in regio Senatu frustra accusatum , materiem suæ defensionis à vehementibus in Philippum , & Romanam religionem studijs mutuasce. Ita sursum deorsum magnâ dissensione animorum res Leovardiensium volutabantur , donec Arembergius è Transilvaniâ redux ( in quam sedandis motibus cum quatuor Germanorum peditum cohortibus , & aliâ Equitum levis armaturæ profectus erat ) suo in Bergumanos adventu , Pontificiorum animos , & juxta fortunam erigeret. Qui vocatis ad se confestum militarium copiarum tribunis , Iacobo Husingio , Quirino Laccio Burano , Ernesto Mulartio , Foxio Hasseltano , & Ioanne Splinterio , parari ultionem nuperis seditionibus non obscuris indicijs innuebat. Cui , etsi salubrius remedium ordinare Margareta , adjuta Belgici regijque Status concilio , potuisset , sopiendis coercendisque turbis validum , ita econtra muliebri temeritate , aut magnitudine periculi perculsa litteras in Hispaniam ad Philippum dedit , quibus civilium motuum seriem exponebat. Vastata templa , innovatos divini numinis cultus , oppressam auctoritatem regnantium , & quidem de eorum consilio , quos olim Carolus Cæsar , aut Philippus filius sui imperij exordio , dignitate Equestri , Aureique Velleris insignibus ex instituto Burgundicæ domus donaverat. Rogare itaque Philippum , ut rerum per Provincias suas nutantium misertus , ex Hispaniâ in Belgicam properet , mobilem facile populum suâ majestate ac præsentia compressurus. Quod Margaretæ consilium expendens secum Philippus , convocatis regni proceribus , de componendis Belgicæ turbis consultavit. Erant , qui popularem illum morbum , ( quem ex immodestâ potentum dominatione ortum non ignorabant ) lenioribus medicamentis curandum censerent , perferendisque tumoribus optimum semper remedium Quietem fuisse. Parum gloriæ ex civili bello sperandum , multum periculi. Hostem autem , si bellum rex velit , non longè quærendum importunis adhuc Othomannorum furoribus & Africæ orâ nuperis etiamnum bellis , & insidijs



dijs Maurorum infidâ. Belgas enim peculiari Principum reverentiâ, cIo. Io.  
velut religione quadam numinis, ad obsequia redituros, si recludi cle- L x v i i.  
mentia secretum spectent, & regiae iræ impetum lenitate fractum.  
Alij verò bellum & arma suadebant, respuentibusque velut medicinam  
malis, ferro atque cauterio utendum. Animum quippe Belgici belli  
Philippo, jam dudum, nunquam causam fuisse, quam nova populi fæ- *Discursus*  
dera, & defectiones, turbæ nunc & sacrilegia suppeditarent. Auferen- *de Philippo.*  
dam itaque libertatem, omnis licentiæ fomitem & Remp. regno per bel-  
lum mutandam, quod solo etiam fisci nervo trahi queat. Ita decretum  
de inferendo Belgicæ bello Madriti in Hispaniâ perscriptum, autore  
præcipuo Antonio Perennotto Episcopo nuper Atrebatense ac Cardinale  
Granvellano, quem ut Belgicæ libertati gravem, querimonijs Prin-  
cipum Aurei Velleris inductus, Philippus in Burgundiam post Hispa-  
niam sevocaverat. Ipse verò Philippus curam administrationemque  
gerendi belli in se recepit, ordinatâque per Sábaudos, Burgundos,  
& Lotharingiam protectione litteras in Frisiam præmisit, quibus ut  
sui adventus, (quod postremo Gandavensi conventu Ordinibus Provin-  
ciarum promiserat) certiores Frisios faciebat, ita ad pacis concordiaq;  
studia illius oræ populum hortabatur. Dies quoque supplicationum i- *Philip. in*  
fisti rei prosperandæ ordinatione Philippi ac Pij iv. Pontificis per Fri- *Belg. parat.*  
sios indicti, ne adversitate votorum auspiciorumque magnos armorum  
apparatus, & longinquum ex Hispaniâ itiner Philippus inchoaret.  
Quod propositum alij dissuadere, commodo, aut ambitione, allega-  
re domesticas imperij curas regnumque rectore vacuum relinqui non  
posse. Fore namq;, ut Philippo externis bellis occupato, interna per  
Hispaniam resurgant, breves intra annos repressa, sed quorum vulne-  
ra, aut saltem sensus in illustribus familijs extaret. Præter hoc arma, &  
eventus bellorum volubili fortunæ subiacere, cui committendum augu-  
sti capitis pignus non sit, in quo tot nationum, populorumque salus  
versetur. Esse mare vastum & turbidum, aut intermedios hostiles a-  
gros, tum adventurum Regem eo locorum, ubi omnia infida, & po-  
pularium tumultuum plena sint.

Quare satius esse cum imperio, ac exercitu in Provincias Belgicæ  
Legatum Præfectumq; mitti, facturum quæ rex jusserit, & minore  
infamiâ decretâ sævitie usum. Sic mutato Philippi consilio, supre-  
mum belli imperium in Ferdinandum Albanum devolutum fuit, æmulo  
nequicquam Carolo Principe Philippi primogenito, quem Anno cIo.  
Io. xlv. è Mariæ Portugallicæ priore matrimonio susceperat. Is *Albanus de*  
namque regiae indolis vigentiumq; annorum Princeps, gerendo bello, *legitur Dux*  
aut administrando per ætatem imperio capax, in hoc maxime adnite-  
batur, ut repressâ inimicorum aulicorumq; potentiâ, Belgicæ præste-  
retur, suæque apud populum illum gratiæ non vanus æstimator, nullo  
sanguine, cæterum vacuum sibi dissensione imperium assereret. Sed  
civile Carolo ingénium, & stabiliendæ, ut creditum fuit, Belgicæ  
Libertati prounum, Philippo patri displicebat, cuius animus per icti fæ-  
deris & infelicium turbarum recentem memoriam, tristes civilis licen-  
tiæ vindicias per Præfectos meditabatur. Quare Leovardij, ne studia  
quærendæ libertatis, & nupera urbis tempestas in exitium suum ver-  
tere-



clo. Io. teretur, Serapium Hania Iure-Consultum, Consulatum tum geren-  
 Lxvii. tem, & Allardum Iacobæum Senatorem oppidanum, una cum Gisber-  
 Legati Leo to Aernsma, ac Frederico Inthima in supremâ Curiâ causarum patro-  
 varâ, ad A. nis ad Arembergium misere, ne in causâ reformatæ Religionis, quid  
 remb. missi. novaretur, sed eadem permissa, omnibus singulisq; publicæ pacis be-  
 neficium esset. Cæterum Arembergius contactam animo offensam  
 ægre occulens, severius rescripsit, statuitque ut reformati ministri ad  
 III. Eid Ianuar. ante Solis occasum Leovardiâ excedant, neque  
 recipiantur in posterum, sub pœnâ regiæ indignationis, & publici ju-  
 dicij. Rescripsit quoque ut Ædilitiæ potestati, quos comites aggerum  
 vocabat, omnem templorum ornatum, cultumque numinis veterem  
 restituant, curentque ne quid discrepans contrariumvè moribus cere-  
 moniisque antiquis intra urbem habeatur. Hæc vi. Eid. Ian. in coe-  
 nobio Bergumano acta. Tum ipsi etiam Pontificij, sui metuentes  
 veniam Arembergium orarunt, testati propalam.

**N** Vpero illo urbis motu ipsdem animis erga regiam Majestatem se af-  
 fectos fuisse, quos quinquagesimo, & dein quinto post anno solemn-  
 illâ Philippi Principis inauguratione professi essent. Quale nec in par-  
 tes factionum pertractos sacramentum variasse, cæterum abstinuisse  
 facinoribus, quæ præceps furor paucorum, spectâ regnantis Majestate suasisset.  
 Qui propterea etsi jure statuere quid posset istis furoribus & insolentiâ dionum,  
 tamen non dubitare se, quin pro clementiâ suâ daturus veniam sit Philippus  
 Rex, & quidem ijs præsertim, in quorum animis ac conscientijs incorrupta  
 fides habitaret. Paratos se etiamnum esse, sacramentum dicere ad arbitrium  
 Præfetti, modo ne publico civitatis juri quid decedat.

Ita Hector Æbinga, Hero Burmania, Vitus Cammingha, Allardus,  
 Bernardus, & Dodo Sierxmani, Tetardus Isbrandus, D. Iacobus Can-  
 tor, Paulus Breckerus, Theodorus Haringius, Ioannes Iacobæus,  
 Nicolaus Stafius, Simon Regnerus IC<sup>us</sup>, Isbrandus Prutius, Vitus Ge-  
 lius, Carolus Meinardus, Douwo Suffridæus, Everardus Ioannis, Al-  
 bertus Russius, Benedictus Gerbrandius, pro se & Bernardo Gerbran-  
 dio, Fecco Broeckmannus, Auco Menenius, Gerardus Henricius, Tho-  
 mas Laurentius, Paulus Iohannis, Lucas Stafius, Franciscus Theo-  
 dori, Hermannus Nyenhovius Iureconf. Franciscus Tetardius, Adria-  
 nus Henricius, Martinus Breckerus, Dominicus Franckenius, Vi-  
 bius Gerartius, Wesselus Ioannis, Nicolaus Suffridæus, Ritfco Ta-  
 dæus, Gellius Menenius, Ioannes Nyenhovius, Cornelius Nicolai,  
 Egbertus Everardi, Petrus Everardi, Allardus Gualterius, Cornelius  
 Fredericus, Thomas Hermannus, Adrianus Thomæus, Georgius Folc-  
 kertius, Henricus Serapius, Wilhelmus Buitensis, Hoito Meinsma  
 Iureconf. Nicolaus Sixtinus, Isbrandus Andreae, Benedictus Fran-  
 cetus, Matthæus Slufius, Franciscus Slufius Advocatus, Iohannes E-  
 verardus, Henricus Gerartius, Oeno Hemkenius, Nicolaus Bredanus,  
 Iacobus Harbains Iureconf. Botto Leoninus, Everardus Bartoldius,  
 Buwo Foppius, Gualterus Wilicius, Otto Ioannis, Elco Ludolphus,  
 Hermannus Tzomæus, Goffo Hanfonijs, Bartholomæus Nicolaus Cul-  
 trarius, Petrus Harmanni, Auco Auckius, Gellius Ioannis, Adrianus

Harmanni, Suffridus Ulpus, Cornelius Edgerus, Iacobus Iorritius, cl<sup>o</sup>. Io-  
Georgius Hansonius, Ulpus Hinnæus, Ioannes Faber, Nicolaus At-  
sonius, Iacobus Algerus, Ioannes Nicolai Oeganus, Sixtus Lamber-  
ti, Egbertus Regneri, Ento Hanckenius, Gerardus Buvonius, Quirinus  
Vitus, Ioannes Sagittarius, Henricus Tarquinius, Folckerius Nicolai,  
Gosluinus Ioannis, Hilarius Suffridi, Rutgerus Lanio, Allardus Fec-  
kenius, Leonardus Danckartius, Sapo Feddonius, Elingus Vitius,  
Petrus Bervicius, Anthonius Iodocius, Sixtus Theodori, Henricus An-  
thonij, Antonius Henrici, Antonius Bosmannus, Gasparus Hyeronimus,  
Cornelius Landemannus, Gerardus Iasperis, cum Bernardo, Gerardo,  
& Tabbone filijs, Thomas Cornelius, Vincentius Gerardi, Warne-  
rus Egberti, Godefridus Ioannis, Feddo Goythæus, Siricius Gosui-  
ni, Petrus Magirus, Ebuis Wolfius, Ielco Gabinius, Gerbrandus Pe-  
træus, Andreas Hansonius, Gerardus Hermanni, Nicolaus Albartius,  
Thomas Beltesius, Bernardus Ioannis, Georgius Ioannis, Ritico Ta-  
dæus, Nicolaus Symonius Stellinguerff, Menenius Iuckenius, Hinno  
Pierius, Tiallengus Galilæus, Lambertus Lubberti, Adrianus Ioan-  
nis, Viardus Wermoltius, Lælius Pierius, Buwo Gulielmus, Henri-  
cius Hoecanus, Mauricius Theodori, Ludolphus Brouwerus, Buwo  
Douwonis, Ioannes Ioachimus, Vopco Aylius, Tiebbo Buwonius  
Iureconf. Bernardus Petræus, Ioannes Petræus, Petrus Nicolaus,  
Matthias Iodocius, Otto Reinsius, Meio Hepkenius, Titus Nitter-  
sius, Cornelius Gualterus, Ioannes Adamius, Federicus Henricus,  
Hector Hansonius, Anthonius Capfarius, Iacobus Faber, Auco Dou-  
wonius, Petrus Abbæus, Regnerus Francisci, Bernardus Sutorius,  
Ioannes Hubertus, Docō Thomæus, Hyeronimus Hania Advocatus,  
Ioannes Gulielmus Medicus, & Scabinus, Simon Suffridæus, Wige-  
rus Ioannis, Iobus Iodocius, Hanso Nitgerus, Martinus Ioannis,  
Hesperus Liauckonis, Iacobus Sibrandius Consul, Matthias Rommar-  
tius, Iureconf. & Pensionarius, Iacobus Herbajus Sagittariorum collegij  
actuarius, Iulius Mockama, D. Ivo Ioannis Pastor Oldehovius,  
Douwo Vicarius, Bartholomæus Rinxevallius, Cornelius Colobertus,  
Iureconf. D. Ielto Thomæus Decanus, D. Fecko Snecanus, D. Sym-  
mon Spanebergius, D. Fredericus Adriani Præbendarius Nyenhovius,  
signavere.

Tradit Iodocius, Magistratus oppidani Legatos eodem die cum Pon-  
tificijs Bergumi convenientes, inspecto Pontificiorum libello supplice  
eiusdem subscriptionem obtulisse, Pontificiosq; suâ innocentia sub-  
nixos, & seorsim patrocinio suæ causæ usos, id modeste recusasse.  
Itaque Arembergius loquendi copia Tarquinio Valesio, & Allæo Te-  
jesio Legatis Magistratus factâ, dimissis repente Pontificijs, postu-  
lata quædam exhibuit, quæ suppleri ocys, non falso perturbatæ men-  
tis indicio flagitabat. Ea hæc erant.

*Postulata  
Arembergi*

Senatus populusque Leovardiæ urbis mandato VIII. huius mensis  
die factô (de exterminandis scilicet Ministris) pareto.

Novam Religionem aut fœdera non habeto, facitovè; si quæ facta  
sint, rescindito.

Decreta Philippi Regis pro more publicato.

clo. Io. Tormenta, pulverem, omniaq; instrumenta Belgica; Arembergio LXVII. permittito.

Ruardum Roordam, Valerium Cammingham, Douwonem Doumam, Goffonem Æbingam, Serapium Hania, Tarquinius Vallesium, Allæum Tejesium, Wibrandum Elconium, Sibrandum Sibrandium sponsores obfideſve dato, ſi recuſent, alios ſubſtituito.

Ab Inquiſitione, Ediſctisque nuperis, ut & militum præſidio, immunis eſto:

Concordiam pacemq; publicam curato, eâ ſervatâ, ſponſores obfideſve poſt annum liberi ſunto, veniaque eſto.

Margareta Gubernatrix ( à cuius voluntate totum negotium, dum aliter de conſilio Ordinum Belgicæ, rex decernat, pendebit ) ſi approbaverit, omnia rata firmaque ſunto.

Quæ ab Arembergio III. Eid. Ian. in Bergumanis ſignata, ac Leonardiam à Legatis perlata.

Ibi coacto conſeſſim Senatu, cæteriſque de quorum ſecuritate ac periculo agebatur in conſilium adhibitis, mandata Arembergij Legati expoſuere, ad quorum ratihabitionem offenſi regis potentia, & indignatio Præſecti, tum maxumè civiles diſcordiæ ſtimulabant. Ab aliâ parte, quo minus Arembergij mandatis obſequerentur, ſacramentum fæderis, & clam initæ ſocietatis, tum, quæ magnum in animos hominum juſ atque imperium habet, libertatis cupido dubium Senatum remorabantur. Cæterum ſuſpenſa & ardua conſilia formido imminentium, & domeſtici cujuſque pignoris cura, & ſimul miſeratio abruptit. Itaque decreto Senatus ratihabitio perſcripta, ſponſoreſque in Senatum evovati fidejuſſoriam cautionem præſentaneis periculis interpoſuere. Tabulæ eâ de re XIX. Kalend. Febr. ſcriptæ, & Ruardi

Conventio  
inita.

Roordæ, Valerij Camminghæ, Douwonis Doumæ, Goffonis Æbinghæ, Serapij Haniæ, Tarquiniij Valleſij, Allæi Tejeſij, Wibrandi Elconij, & Alberti Iacobæi manu ſignatæ. Tum à Senatu primoribusque civium, quos jam ante communio juſis, fæderiſve obligaverat, ſponſorum indemnitati proſpectum, actaque ea de re conſecta Serapius Hania, Tarquinius Valleſius, Allæus Tejeſius, Albartus Iacobæus, B. Ioannis, Ioannes Symonius, P. Petræus, H. Aysma, G. Florentius, Ioannes Franciſcius, Wibrandus Elconius, Heſtor Sixtinus, Franciſcus Gerritius, W. Arnoldius, Nicolaus Ioannis, Franciſcus Regnerius, Cornelius Gellius, F. Amckius, Cornelius Florentius, Elco Valerius, Ioannes Lambartus Senior, Suffridus Gerbrandius Beima, Heſſelus Tarquinius. T. Petræus Teetlum, Leo Petræus, Ioannes Gommartius, Arnoldus Everardus, Michaël Melius, Eilardus Meinardus, Abbæus Udius, Iarichus Wopconius, Henricus Iarichius, Wibrandus Wibrandius, Petrus Arnoldius, Auco Emius, Petrus Tevius, Ielbo Iacobus, Iacobus Sibrandius, Ioannes Wilhelmi Velfius, & Dyonifiſus Wingia confirmavere. Dein Arembergius ne conventio vacillaret, & ne potens civitas ad capeſſendam per arma deſenſionem accenderetur, veniam anteaſtorum fecit, nihilq; in corpora, ac res fortunaſq; civium & Senatus è cauſâ innovatæ religionis, anteaſtorumq; barbarum ſe ſtatuturum fidem dedit, ſcriptoq;

com-



communijt. Hoc tantum cavit, ut pro præsidio iusto comitatu, & Præ-cio. Io. toriæ equitum alæ intra urbem locus esset, quam Leovardij non igno- L x v i i. rant custodiæ corporis deberi. Spondebat præterea, si forè Margatæ Gubernatricis assensus non subsequeretur, se daturum operam, ut urbe, ac Provinciâ excessuri periculi præmoneantur, iustumq; fugæ spatium deserturis patriam assignetur. Quæ ad Margaretam Gubernatricem transmissa, magnis negotijs tum implicitam, & sui metuentem, tamdiu efficacia fuere, donec adultis viribus & circumfusâ nihil finistri metuentibus infidi Regis potentiâ, clarorum civium exilijs fortuna, & vanitas fallacis aulæ probaretur. Quapropter Margareta, ut animum ostenderet ab extremis consilijs, & subjugando per vim populo non abhorreere, hoc etiam caverat: Ne, quod inter Leovardios, & Arembergium de præsidio actum erat, exemplo esset, cæterosq; Præfectos Arembergio successuros obligaret. Itaque fide publicâ, aut saltem eius imagine per Legatos acceptâ, omnia securitatis plena videbantur, nisi quod ministri stato die Prid. Eid. Ian. urbe ejecti magno & velut domestico luctu totam urbem complevere. Scribit Iodocus, eos à Tarquinio Vallesio cæterisque fœderatis inclinate die ductos, ac in exilium prægressos mutuis solatijs tædia temporis, & molestiam instantis fugæ levasse. Fæminas quoque consulares, & patritias ut mollitie sui sexus, ita miseratione abeuntium correptas profusis in sinum lachrymis, & illuvie corporum squalientes, importuno dolori succubuisse. Tum xii. Kal. Febr. sana refecta, omnique templorum ornatu ex pacto restituto, Pontificij ad intermissa divini cultus exercitia rediere. Supellex quoque sacra & æs signatum, (quod elapso autumno antistites cænobiorum extra Provinciam non tam direptionis metu quam explendæ avaritiæ ablegasse Senatus regius criminabatur) cænobijs tum restitutum, crimineq; injuriæ crimen, & religionis odium, ut oblivione præteriti temporis obductum, ita concordi amicitia pensatum est. Mox armamentario urbis referato pulvis tormentarius, globique ferrei in arcem comportati, æneæque machinæ sumptu civitatis, intestino, & factionum bello fusæ Arenbergij visibus cessare. Qui compositâ cum Leovardijs lite, ut omnem intra Flevum Lavicamque Provinciam ad exemplum compressæ urbis formaret, ad prætores Grietmannosvè litteras dedit, quibus statuebat: Ut reformati Ministri intra triduum provinciâ, sextiduum vero ditionibus Philippi, sub pænâ capitis excederent, redintegratisq; per Frisiam fanis sacrisq; locis ijdem Prætores Romanam Religionem restitui curarent. Dein convocato Senatu Regio de habendo Leovardiæ Comitio proposuit, sextumque Kal. Febr. diem conventui Ordinum in æde (quam circa annum cIo. iiii. lxxxvii. fundatam in archivis Leovardiæ urbis reperio) Jacobæorum designavit. Ibi per Carolum Nitzenium præsidem Senatus eadem fere cum ijs, quæ Leovardijs obtulerat, postulata exhibuit. Hoc verò maxumè urgebat, Ne quod fædus Ordines facerent, nupereque into, nisi excludi à conventionem vellent, renuntiarent ocysus. Ratihabendis quoq; postulatis idoneos ex Oostergois, Westergois, Sylvestribus, & Oppidanis sponsores dari sibi petijt, totamque actionem arbitratui Regis, aut Margaretæ Gubernatricis permisit.

*Margaretæ inter-pretatio.*

*Minist-rum excessus ex urbe.*

*Pontif. res restabliuntur.*

*Edictum.*

*Conventus Ordinum.*

cIo. Io. misit. Voluit quoque, ut Ordines Frisiæ, quod numero plures es-  
 LXVII. sent, triginta aut circiter Delegatos è suo cætu ederent, ijsq; pote-  
 statem amplam facerent secum, & Senatu regio de rebus controversis  
 agendi. Ordines verò, etsi in constituendo certo Delegatorum nu-  
 mero minima difficultas esset, pessime habebat, quod actioni incho-  
 andæ universum Senatum Arembergius destinaret, ac quibusque pere-  
 grinis (qui ex instituto Burgundicæ Curiae in istum Ordinem coop-  
 tabantur) arcana reipub. & jus partium tanquam suspectis arbitris com-  
 mitteretur. Quare Valerium Cammingam, & Doconem Martnam,  
 viros è primariâ Nobilitate, & scientiâ rerum claros ad Arembergi-  
 um misere, qui de eo referrent, ac ut soli inquilini Senatores actio-  
 ni comitioque pro more patrio interessent, postularent pertinacius.  
 Quod etsi Arembergius ferret ægrius, ita morem petentibus gessit,  
 binosque Senatorij ordinis, & nobilis prosapiæ viros, Tiallengum Ey-  
 singam & Petrum Frittemam, faciendis actorum relationibus delegit.  
 Tum Frisiæ Ordines ab Arembergij postulatis orsi grates ei egere,  
 quod ut ante Leovardios, ita tum Frisios quosque Edictorum asperita-  
 ti, & durioribus Inquisitorum imperijs exemisset, Friscæque genti  
 cum cæteris Philippi Provincijs jus indivisum fore in iisdem postulatis  
 declarasset. Hoc tantum volebant Ordines; Ne cui Frisio in causâ  
 Religionis vis fieret, & ne in corpus liberi hominis, aut etiam fortu-  
 nas asperiore iudicio sæviretur. Censebant quippe illâ Margaretæ Gu-  
 bernatricis cum fæderatâ Nobilitate pactione licentiam immodestæ co-  
 erctionis imminutam, & duriorum Iudicum officia per vim conven-  
 tionis refrænata. Ea propter asserebant, Arembergium veniam ante-  
 actis inconsultâ Margaretâ Gubernatrice pro jure Præfecti largiri pos-  
 se, socioque suæ imbecillitatis pœnitentiam professos illustri clemen-  
 tiæ exemplo donare. Quod verò ad publicationem Edictorum Phi-  
 lippi attineret, eam se facturos more usitato, modo ne Edicta con-  
 ventioni inter Margaretam fæderatosque initæ, aut juri patrio ad-  
 versarentur. Sponsonem verò pro exequendis postulatis præstare,  
 ut nec juris, ita nec potestatis suæ esse, lubricis in lapsum mortali-  
 um ingenijs, & unius crimine per alterius innocentiam non expi-  
 ando. Itaque patrijs legibus etiam ante Saxonum tempora validâ li-  
 bertate, post etiam Carolo Cæsare Anno cIo. Io. xxiv. & dein  
 AnnocIo. Io. xlv. sancitum fuisse, ne ex alterius delicto quis  
 conveniretur, & ne paucorum culpa in omnium pœnam excurrat.  
 Possè Arembergium subsidio juris adversus ruptores pactionum uti,  
 ac vi tacitæ obligationis, quâ delinquentium bona fisco subjacent,  
 injuriam spretæ, ac violatæ legis vindicare. De Fœdere agebant  
 Ordinis, id ad se non spectare, & ex veteri juris formulâ ab alijs  
 ictum, per alios dissolvi debere. Rogare itaque Arembergium, ut  
 militem quietis securitatisque publicæ perturbatorem finibus amoveat,  
 præstetque Provinciam ab omni violentiâ militum, grassatorumque im-  
 munem. Hæc Ruardus Roorda, Douwo Douma, Iulius Dekema,  
 Hero Ockingha, & Douwo Roorda postulatis Arembergij respon-  
 derunt. Fæderati verò seorsim.

Qui ne rerum suarum, ac famæ discrimen facerent, & ut defen-  
 sione



sione communium Provinciae Ordinum se munirent, Prid. Kal. Febr. c15. 15. Nicolaum Cleutingium, & Arnoldum Albartum Hardervicenum in confessum Ordinum cum hac obtestatione ablegavere: Non censere se, Arembergium aliâ adversum se actione uti posse, quod renuntiatio fœderis per conventionem Margaretæ, ac fœderatorum facta videretur, & quod eadem conventio omnem societatem, & cum eâ, si quæ fuerit, noxam sustulisset. Idè scilicet eandem conventionem de voluntate Margaretæ Gubernatricis per Frisios publicatam, ne priorum memoria extaret, & ut omnium offensio materies æternâ oblivione sepeliretur. Et quoniam Arembergius exemplar fœderis, sociorum nomina, & novam renuntiationem flagitaret importunius, eosdemq; fœderatos autores publicæ calamitatis, & evocati in Frisiam militis prædicaret, ita Fœderati coram Ordinibus eorumque Delegatis fidem faciebant, Arembergij accusationes falsis rerum testimonijs inniti. Nullo quippe tempore adversus Philippum consilia cepisse, non legisse nûlitem, aut in usum stipendiorum tributa cumulasse, cæterum ea fecisse, quæ fidelium subditorum officia, & sacramenti lex postulat. In eo proposito persistere paratos esse, modo ne publicæ pacis beneficium sibi adimatur, & in ipsâ patriâ ac natali sede, cujus sanctissimum affectum in omni actione præferrent, ætatem agere iniqui temporis fortuna, & inimicorum invidies non vetaret. Datuos interim operam, ut copiam Fœderis Ordines habeant, experianturque ab omni malitiâ, ac flagitio alienos, ipso Fœderis consilio nihil aliud, quam Divini nominis gloriam, Regis, & Patriæ commodum quæsisse. Ista Epæi Doumæ, Suffridi Bejemi, Renici Gerlacij, Hartmanni Galamæ, Wilconis Holdinghæ, Sibonis Sceltamæ, & Edonis Heringhæ cæterorumque Fœderatorum nomine à Nicolao Cleutinghio, & Arnoldo Albarto Harderviceno actuarijs perscripta, ac Ordinibus Provinciae exhibita. Hoc verò maxumè spem conciliandarum partium, & cæptæ conventionis præpediebat, quod Arembergius in perferendis rescryptis apparitore, homine importuno uteretur, & quod Iacobum Elpendamum (is Brederodio à secretis) virum nobilem, & fœderi socium, Suffridi Beyemi domo extractum in custodiam, mox publicum carcerem dedisset. Metuebant namque Ordines, ut idem non semel religionem Fœderis professis accideret, & ut ipsi curâ aut miseratione propinquorum, affiniumque periculosis intercessionibus involuti, eiusdem discriminis, & juxta invidiæ magnitudinem sentirent. Quapropter missis ad Arembergium Docone Martena, & Ruardo Roorda fidei publicæ cautionem poposcere, ne, dum lege & ex æquo agerent, Arembergius dolosis artibus, & insperatis insidijs securos circumveniret. Quâ acceptâ, hoc etiam fœderatorum nomine proposuere, ut quoniam exhiberi tabulas fœderis urgeret Arembergius, fœderatis ad socios eundi potestatem faceret, ut de rescindendo fœdere consultarent, quo solvi se non posse sine assensu sociorum, & læsione famæ Fœderati aiebant. Neque enim violati fœderis maculâ adspergi se velle, aut desciscere à socijs impendentis periculi metu: semel quippe fidem fœderi datam, miseratione infælicis patriæ, ne ferret dominos libertati graves, & ipsi Philippo minus æquos, cui parere è formula

L x vii.  
Fœderatorum actâ.

Elpendam  
mus carceri  
datur.

Ordinum  
querimonia



cIo. Io. mulà antiquarum conventionum animus adhuc, atque ingenium esset.   
 Lxvii. Volebant interea tam Ordines, quam Foederati, ut venia antea actis esset, ac ut Arembergius ad Gubernatricem eà de re scriberet, potestatemque impetraret condonandis offensis validam. Hæc Ruardus Roorda, Doco Martna, Edfardus Grovensteinius, Hesselus Mockama, Hesselus Feitzma, Siuckius Emingha, & Ioannes Aylva, cæteriç; Ordinum, Foederatorumq; retulere. Cæterum Arembergius liberiore responso exandescens Fæderatis objecit. Non potuisse eos in nova fœdera coire, obligatos adhuc Philippo regi, cuius obsequium, nec apud Margaretam Gubernatricem, aut se Præfectum exuissent. Itaque geminasse ius-jurandum, quod ij facere solent, qui venales animas Principum imperijs professi antiquam fidem novâ eluunt. Quin recordarentur à Rege ac Principe suo descivisse ligatos adhuc veteris obsequij lege, neque protestatione apud quenquam usos, consilium secutos fuisse licentiæ, & fæditatis plenum. Quare militem exautorare, ac præstare intactam præsidio Provinciam non posse, nisi ad sanas mentes Ordines, Foederatique redeant, deprecatique veniam enormium, offensi Regis gratiam exorent.


*Arembergius excandescit.*   
*Ordinum declaratio.* Quà longâ & acri contentione factum est, ut Frisiæ Ordines pro se & Foederatis propalam testarentur; Approbare se jam ante dicta factavè, neque spe impetrandi favoris, aut metu imminentium periculorum recessuros à jure suo, quin daturos potius illustre constantiæ documentum, quo jus patriæ retinendum, aut simul cum eo subeundum discrimen decernant. Pereunte patria periculo solatium fore, vana jam dudum ad avitas leges, & Principum fidem provocatione, cuius fructum adulta potestas, & novi dominatus insatiabilis cupido sustulisset. Ita namque Anno cIo. Io. xv. ipsâ Caroli per Frisiam inauguratione conventum fuisse:

**V**T omnis, si quæ obveniret, Carolum inter, populumque Frisicum, Dissensio, per quatuor Arbitros componeretur; judicandæque liti bini è Frisijs, totidemque pro Principe ederentur. Carolus quoque in fines Provinciæ militem non induceret, omneque contraversum ex pactione Annæ cIo. Io. xxxi. Præfecto, Senatuque suo decidendum daret.

Ita Ruardus Roorda, Doco Martna, Valerius Cammingha, Dominicus Hottingha, Barthius Idzarda rescribere. Creditum fuit, Arembergium spectatâ Ordinum pro tuendo patrio jure, fide, atque constantiâ, implacabilem tum animum induisse, spretâque nuperâ pactione cum Leovardijs initâ, pejora, & concordiæ infesta consilia cæpisse. Itaq; dimissis præfractè Delegatis, conventus quoque ipso-

ipforum Ordinum Leovardiæ solutus est , cursuque præcipiti , velut clo. 10. flexu syderum solet , cum fragore se aperiens futura tempestas processum ingenia dissociavit. Scribit Iodocius , isto conventu de rescindendo præsertim fædere Arembergium egisse , Delegatisque Ordinum , modo renuntiatum fæderi foret , læsi regis gratiam , & restitutionem in integrum addixisse. Cæterum mihi res patriæ evolventi penitiùs , secus notatum , Arembergiumq; nullo pacis consilio , militem hoc tempore clàm collegisse , eundemq; adultà demum ætate in speciem dimissum , ac edicto Senatus regij coërcitum , Provincialium rebus damna , atq; molestiam dedisse.

Finis Libri Primi.







P. WINSEMI

## Historiarum

## LIBER SECUNDUS.



T A Q U E dubiâ per Frisiam pace, & Ordinum Arembergijq; conventu dirempto, ac si longius à concordia mortalium mentes occulta fatorum vis, nexuſque cauſarum latentium abduceret, manifeſta mox graviorum diſſenſionum ſigna ſe oſtendere. Populus namque læſi juris, & oppreſſæ libertatis farcinam, & ſimul infamiam ferens ægrius, novis conciliabulis ſe immiſcuit, effuſuſque in publicum communicati doloris ſenſum, tacitâ indignatione, & ſecreto murmure expreſſit.

*Urbis Leovardieſtæ.*

Plebs verò ſuarum perturbationum & ſimul potentiorum civium maniceps, incondito ac diſſono clamore omnem Leovardiaſis urbis angulum complebat. Ea vociferari amiſſam libertatem, oppreſſos ſanctiſſimi ſœderis ſocios, Arembergium commiſſæ ſibi genti iniquum nova, & ſervilia obſequia per nudatam munimentis urbem ſperare. Eiectos in exilium miniſtros, abducta in arcem tormenta ac pulverem, nihilque aliud ſupereſſe, quam ut patientiam minuant, inſtarque ſervorum compediti ruptis ergaſtulis in libertatem ſe vindicent, cum ipſo ſanguine, ac vitâ à laudatis majoribus relictam. Paucis quippe conſiliorum fabricatoribus omnem calamitatem ſtare, eſſeque in Senatu urbico tuendæ plebi creatos, miniſteria ſua Præfecto Senatuque regio venditantes, Præcipuè verò in Matthiam Rommartium civitatis Syndicum mordacibus odijs invehebatur. Itaq; factum eſt ut eidem Rommartio VII. Kal Mart. oppidanâ Curiâ, pro more egreſſo, & domum eunti periculum ſtrueretur, populuſque conſertim confluens eundem Rommartium, velut piacularẽ læſæ libertati victimam, trucidandum clamitaret. Cæterum Rommartius ut vitæ conſuleret, ſecreto domus ſuæ

*Arembergius Rommartij proteſtor.*

derepente ſe abdidit, turbæque æſtuantis impetum honeſto perſugio declinavit. Quâ re perceptâ Arembergius, ſedandis exulceratis civium animis arce regia p' opere deſcendit, pultatiſq; Rommartij foribus intromiſſus, eundem in arcem regiam, quarendæ ſecuritati duxit, quam publico illo motu rerum, adſcitis in comitatum quinquaginta ſtipulatoribus, ipſi ſibi Arembergius parabat. Tradit Iodocius iſto motu populi vix repreſſo, inclinante in vesperam die novum capiſſe, civumq; multitudinem in foro conglobatam, Abbæo Udio & Theodoro

Guliel-

clo. Io. Gulielmio, ut idem addit, autoribus, Pierio Telgerhusio homini Pontificio vim intulisse, eundemq; Telgerhusium publico digressum, & in privati domum se abdentem vitæ discrimen, & præsentaneam mortem evasisse. Quare Arembergius ne illa civilium animorum effervescentia continuis periculis exponeretur, consiliorum Philippi haud ignarus, Martij mensis initio duas militares cohortes in urbem evocavit, quas Quirinus Laceius Buranus, & Ernestus Mulartius certis sub signis ducebant. Snecensibus quoque (quorum res elapso Septembri ut & Franequeranorum infidas fuisse Borraeus notat) duarum cohortium præsidium imposuit, quibus Iacobum Hufingium, & Ioannem Splinterium præfecerat. Quare ut ante edictis, ac severitate legum, ita tum popularis licentia armis frænabatur, duriorisque imperij impatientiam duriora remedia sequebantur. Philippus namq; Edicto in Frisiam transmissio, jam ante sanxerat; Ut ij, apud quos veteris jurisjurandi religio valeret, turbandis defectorum conventibus se darent, eosq; & cum ijs crescentem licentiam poenâ capitis, aut etiam graviore coercerent.

Qua lege omnes armorum crimine pollutos, aut populi seductores puniri, eorumq; bona fisco addici præceperat: Itaque tum Arembergius spreta, quam cum Leovardijs inierat, pactione, & præsidio urbi inducto, velut securum imperium adeptus, adhibito in consilium regio per Frisiam Senatu, de pellendis Frisiâ reformatis ministris decretum executus est, eq; territorio Leovardiensi Andræas Hufumanus, Aggæus Hempenius, Gellius Fintzumanus, Joannes Corniومانus, Michaël Leckumanus, Eco, & Henricus Stenani, è Ferverdico Petrus, & Rodmarus Ferverdij, Tiebbo Marrumanus, Focco Blyensis, Bernardus & Ioannes Wanfuertij, Valerius Halleenius, è Menaldumæo Gysbertus Deinumanus, Iacobus Marsenius, Fredericus Menaldumæus, Edo Schingenfis, Fecco Vierius, è Wonserano Iacobus Arumæus, Sibrandus Kimsuarius, Sixtus Burguarius, Ioannes Pinguumanus, Arnoldus Dedgumanus, è Winbritserano Feito Osthemius, Gellius Smallebruggius, Sibo Santfortius, Andræas Snecanus, Suffridus Hegius, è Lemsterano Ioannes Lemmarius, è Franequerano Egbertus, & Henricus Tjuman, Cyprianus Buranus, Wigerus Scalfemius, è Tietzerckio Gerardus Wijnfius, Sixtus Oedkerckius, Gellius Tietzerckius, Nicolaus Eefstrumanus, è Baerderano Tyallengus Huynfius, Abbæus Weidumanus, Ioannes Bosumanus, ex Hennardæo Vibius & Wiardus Cobardij, è Biltano Ioannes duo Mariæ, & Annæ Parochi, e Dantumano Wilco Ianumius, Regnerus Rinsmageestanus, è Dongerano Joannes Bornuerdius, Folcardus Morraeus, duo Butenpostij, Collumanus, & Olduoldius pastores Provinciâ eiekti.

Reperio in armario Biltano præter hos à Iodocio nominatos Ioannem Sichenenssem Coudumanum, Sceltonem Aitzema Lutkepostium, Iacobum Galmerium, Betsterfuagium, Iacobum Abbæum Vreterpium, & Joannem Joannis Norderdrachtanum fuisse, eosdemque purioris doctrinæ professione factâ fatalem illâ tempestate clarissimis optimisque viris exilij fortunam domestico otio, & non spernendis conditionibus prætulisse. Unde miseratio sociorum, metus verò sui, populum

*Arembergius militem in urbem inducit.*

*Ministri reformati pelluntur.*

pulum; atque Nobilitatem pervasit, haud inani conjectura praesidium clo. Io. militare ignavis Provinciae Ordinibus clam collectum; & tot innocen- L X V I I. tium capitum exilia stabiliendo irati Regis imperio, & exitio libertatis decerni. Itaque Ordinum Frisiae Delegati suspecta Margaretae Gubernatricis, & Praefecti actione, in Hispaniam ad ipsum Regem libellum supplicem hunc in modum misere.

**C** A R O L U S C A E S A R pater tuus, P H I L I P P E <sup>Libellus</sup> Rex, primâ Principatus sui per Frisiam etate id majoribus nostris in- <sup>supplex ad</sup> <sup>regem mis-</sup> <sup>sus.</sup> dulserat, ut à militum bellisq; onere immunes essent, & ne ex alieno e- <sup>dicto</sup> corrigerentur. Posterus indultum agente adhuc in terris C A R O L O patre tuo repetitis Anno clo. Io. xxxix. & xlv. passionibus tamdiu integrum servavimus, donec te Principe de vigore legis & integritate simul prioris beneficij dubitarem. Postquam enim exitere, qui jure Ecclesiasticarum collationum nec immodeste usi religionem delegere suis conscientijs congruam, ita ab eo tempore paucorum actio nos omnes suspectos fecit, ac si assensus universae gentis, & communis suffragatio eorum consilij intervenisset. Quorum memoriam etsi conventio M A R G A R E T A E Gubernatricis & federatae Nobilitatis haud dubie aboleverit, ita non vano metu percellimur, ultionem recentium turbarum autoribus facinorum, nobis verò omnibus periculum, atque discrimen parari. Ut istud averruncemus, offerimus obsequium, & si poposceris, Rex, corpora, atq; sanguinem, modo sinas nos publicâ pace frui, & in tutâ possessione, ac nostrarum rerum usu consensescere. Si namque, quod fore praevidemus, bellum & militem terris nostris induxeris, subvertes fortunas nostras, rescindesq; conventionem Anni clo. Io. xxiv. & cum eâ patris tui Caroli Caesaris memoriam. Vtrâque verò cultâ tibi firmum imperium, nobis securitatem praestabis. Hoc tantum subiunge pro clementiâ tuâ, ut, quoniam in pristinum statum, incompositis adhuc per Frisiam & lubricis rebus, doctrina Pontificum restitui nequit, libertatem conscientijs habeamus, sinasq; nos profano loco sociari, quem ipsi nostrâ religione imbuamus. Tempia, & sana à majoribus nostris rei divina dedicata, Pontificijs cedent, nobis satis erit privato tecto fortunam, & simul exercitium nostrae fidei clausisse. Hæc Delegati.

Cui supplicationi Bruxellis interceptæ Margareta respondit: Querimonias Ordinum Frisiae sæpe ex Arembergio Praefecto auditas, nunc <sup>Rescriptum Mar-</sup> <sup>garetae.</sup> scripto comprehensas, ac mittendas ad Philippum Regem in suas manus incidisse. Qua ex re occasionem nata esset propensum in Frisicam gentem animum ostendendi, ratihabitione pactorum, conventionumq; quas Carolus pater divae memoriae cum isto populo inisset. Interim muliebri etiam patientiâ ferre se non posse, paucos Philippi Regis, & sui oblitos inquieta ingenia novandis rebus admovisse, spretis Edictis, quibus Carolus Philippusq; Reges antiquarum traditionum, & Romanae Sedis fidelem observantiam præcepissent. Quod ne fiat in posterum, atrociores pœnas delinquentibus decrevisse, quibus optumos in fide, pessimos in metu contineret. Nam promiscuam religionem pro captu, ac temperie ingeniorum variam per Frisicam tolerare, nec fas sibi, nec honestum videri, Romanorum Pontificum, & Caroli <sup>M</sup> Philip-



clo. 15. Philippique Regum infamiâ, qui majorum ritus reverenter habuissent, LXVII. velut retinendo imperio, & ordini rerum utiles. Quibus attemperandis adfuturus propediem ex Hispaniâ Philippus sit, daturus operam, ut indicto Ordinum totius Belgicæ conventu, decernantur, statuanturque Regi & juxta subditis salutaria. Monere interim ac hortari Frisios, in fide erga Philippum Regem perfistant, dentque operam quam maxumè ut pravitatem temporum aut erroribus imbuti in viam redeant, justitiæque ac pacis officina culto servatoque sacramento regio habeatur. De collatione beneficiorum Ecclesiasticorum, & eorum jure, addebat Margareta, dependere illud à Philippo Rege, & institutione Archidiaconorum, si quid verò patrij juris hac in re fuisset, id defectione eorum amissum esse, quos incapaces beneficij in regem rebellio, & reatus teterimi criminis fecisset.

*Nobiles in  
exilium  
pulsi.*

Tum Flos Frisicæ, fæderatæque Nobilitatis in exilium per injuriâ temporum pulsus, exterminatusque patriâ ac possessionibus suis Rhenum Amasumque ultra secessit, invictisque animis libertatem suam, & simul fortunam exilij professus est. Quod ipsum Hartmannum Galamam, & Franciscum Eyfingham Wirdumanos, Hesselum Feitzmam Hufumanum, Siuckium Emingham Cornjumanum, Suffridum Beieum, & Ottonem Haniam Leovardios, Oenonem Heringham Hyeum, Epæum Doumam Seniorem, & Menenium Schelkemam Hallemios, Deitzium Wingiam Blyensem, Wilconem Holdingham Angjumanum, Pibonem Haerdam Tennartium, Douwonem Glirzium Dronrijpium, Oenonem Grovensteinium & Edonem Heringham Marsेमios, Foppium Camstram Deinumanum, Sibethum Scheltamam Boxemium, Scheltonem Roordam Berlicomium, Hommum Hettingham Prætorem Baerderanum, Hesselum Oosthemium Prætorem Idardium, Hesselum Feitzmam Peynsium, Ieltonem Elsfmam Sexbyrumanum, Edonem Gerbrandum Harlingium, Guelmum Bumam Drefsumanum, Franciscum Leonardum Hugenum Collumanum, Tarquinium Vallesium, & Allæum Teiesium Consules Leovardios, Focconem Aysmam, Henricum Allartium, Gerardum Florentium Scabios, Franciscum Hemmum, Iureconsultum, Gabinium Selsmam Juniores, Joannem Simonium, Everardum Arkenium, Siboldum Aysmam, Sibrandum Sibrandium, & Renicum Gerlacium Hotzemanum, nullâ tum adhuc judicis sententiâ sponte, & sagaci imminentium formidine compulsos delegisse, in actis illorum temporum reperio. Hesselum quoque Haitzma virum nobilem, & Simonem Longobardum à Foxio Hasseltano qui præsidium Slotæ agebat, prope Lemmiam captos, Leovardiamque abductos. Jam enim circa portus & catarractas fluminum, rivorumque miles, aut grassator regius oberrabat, locaque fugæ gentis commeda militaribus stationibus exponebantur. Ne scilicet discrimen, quod parabatur, nobilitas populusque declinaret, & ne gentium per Hollandiam vicinamque loca commercijs conciliabulisque Frisij libertatis percupidi, communicatis in regem odijs juverentur. Septuaginta Nobiles fuisse, autor tradit, eosque suspecto Arembergij ingenio, & aulæ moribus, triste exilium domestico discrimini prætulisse. Quare plurimi Groningam urbem validam & præpotentem se contulere, ut illâ civitate, tanquam tutâ fugæ suæ sedē reciperent.

perentur, utq; civitatem partium fecundam, auctâ exultantium multitudine, à regiâ magis dominatione alienarent. Quod in medijs aulae pavoribus, ne Trans-rhenana Frisiorum ora deficeret, observans Margareta perspicax fœmina, Arembergium Leovardiae agentem secretionibus litteris hortata est, ut præsidium, si fieri possit, urbi inducat, populiq; libertatis superbiâ ferocis infida obsequia militari manu coërceat. Quare Arembergius inter blandimenta, & minas regiæ indignationis ope Mepfchij, qui vicarium istâ in urbe rectoris imperium tenebat, tantum profecit, ut collegia opificum, civitatis robur, Philippo assereret, multisque reluctantibus, de recipiendo regis præsidio decerneretur. Quâ pactione firmatâ, Margareta Gubernatrix è legione Scombergica quatuor peditum cohortes, ductore Blasio Vegerfensio, homine Germano, urbi induci curavit, non sine magnâ criminatione illorum, qui potiundæ libertati destinata, præsidario milite interversa querebantur. Econtra Margareta lætabatur Groningam Philippo regi assertam, dubiumq; & nutantem populum armorum vi, & terrore præsidij coërcitum.

Ita depresso per Frisiam fœdere, Arembergius Maij mensis initio Harlingam properavit, stipatusque alâ equitum levis armaturæ, Ernestum quoq; Mulartium cum cohorte pedestri cito isthuc agmine ire iussit. Iam enim non inanis famæ rumoribus narrabatur, Fœderatos exules mari se commississe, fideq; publicâ nequicquam per Arembergium datâ, patrijs terris ejectos, Transmasanam Frisiam cogitare, quam Edzardus II. Ennonis II. & Annæ Oldenburgicæ filius, paterni Comitatus hæres tum moderabatur. Quorum exulum consilia, ut everteret Arembergius, instructissimam triremem (cui Mulartius cum imperio præerat) latissimis Flevi æstuarijs immisit, ut de exulum adventu cognosceret, quos Iacobus Donckerus Harlinganus onerariâ navi vectabat. Qui enavigato Austrino sinu, dein Flevi (tertium & Boreale Rheni ostium est) æstuario, quod minores majoresque Frisios interluit, navem eandem (cui Batenburgici fratres, profugaque nobilitas alijque se commiserant) ad vadum adegit, quod non longo intervallo à littore discretum in orâ præterfluentis Flevi exsurgebat. Quare Mulartius validâ remigum manu eandem navem assecutus suam fecit, proditosque Donckeri scelere ac perfidia Gysbertum & Teodoricum Batenburgicos Harlingam in arcem abduxit, in quâ ipse Arembergius apud Satrapam Espelbacchum, cuius infantem in lavacro susceperat, geniali tum festivitate agebat. Itaq; is velut de Belgicâ Frisicâque nobilitate triumphaturus, (in quâ Hartmannus Galania, Suffridus Beiemus, & (quem tertium in annalibus Franckenæ reperio) Gulielmus Buma erant, captivorum sorti illudit, minacemque vultum, ac torvitate horridum interpositis acribus verbis, in Suffridum præcipuè Beiemum detorsit. Cæterum is spretis comminationibus masculo responso in Ioannem Lignæum (ita enim contemptim indigebat) inductus, insolentiam Arembergij præclarâ voce, & illustri constantiæ elogio retudit. Ostendebat quippe Beiemus, non fœdi carceris, aut instantis leti metum generosam mentem labefactasse, sed supereffe etiam compedito libertatem, qua testimonium sanctissimo fœderi daret.

*Arembergius  
in Harlingam  
tendit.*

*Batenburgici  
Nobiles Frisij  
captiuntur.  
Aremberg.  
captivis  
insultat.*



CL. Iſ. Captivi nobiles in arcem Rupelmondanam ditionis Flandricæ poſt du-  
 L XVII. ſti, annuæ cuſtodiaæ tædium, glorioſo vitæ exitu, & memorabili mor-  
 Donckeri te finierunt. Tradit V. Cl. Abelus Franckena in Hiſtoricis ſuis com-  
 Soelus. mentarijs, Donckerum nautam ære corruptum, cuidam nobili, ( ſed  
 obſcuræ originis regiæque factionis, per ſcelus iſtud ad Præturam poſt  
 evecto ) hac in re ſerviſſe, ipſumq; Donckerum à perpetrato facinore  
 Deo, hominibulq; inviſum, commiſſum crimen perpetuo contemptu  
 Frifj impro- & egeſtate ſuorum quaſi fatalibus pænis expiaſſe. Tum nomen Præ-  
 bant factum toris memoriâ temporum, ſaſtiſque indignum annales doctorem vi-  
 rorum cenſuere. Quod Aremborgij facinus Friſios certè peſſime habuit,  
 qui poſthabitis majorum immunitatibus extrahi patriâ ſuâ indigetes non  
 iniritis querimonijs criminabantur. Nullos quippe avorum ſuorum à  
 Francorum per Friſiam dominatione indulto Pipini Regis Flevum  
 ultra & Viſurgum flumina, patrijs terris evocatos, domeſticamq; mi-  
 litiam & ſuum forum ſemper ſecutos, aliena judicia non pertuliſſe.  
 Itaque Carolo V. Cæſare cautum fuiſſe: Ne quiſ nobilis, aut in di-  
 gnitate, conſtitutus, ratione delicti Provinciâ evocaretur, ipſique et-  
 iam perduelles non niſi binis è Nobilitate, binis è populo Oppidano  
 delatâ criminis cognitione, dampnarentur. Nunc verò nobiliſſimi ſan-  
 guinis viros ( quos ex ipſo quoque Caroli Cæſaris reſcripto coràm Fri-  
 ſiæ Ordinibus, aut eorum arbitris ſiſti oportebat ) aliò terrarum cap-  
 tivos abduci, nulliuſq; manifeſti in Principem criminis convictos re-  
 motæ cuſtodiaæ & peregrinis carceribus mancipari. Hæc præmia ſui  
 in Burgundicam Auſtriamq; domum affectus, & in Principem fidei ef-  
 ſe, ut habitam religioſè, Carolo etiam Cæſare, populi libertatem a-  
 doleſcens dominatio & potentia in ſummum, & mox ruiturum ſaſti-  
 gium adducta ſubverteret? Itanè duorum ſæculorum & ultra factio-  
 nibus feſſos ac inutuo ſanguine madentes ad imperium principis tanquam  
 portum quietis perſugiſſe, ut vix deterſâ aviti ſanguinis adſpergere, ſuo  
 quoq; imbuerentur, & non in acie, aut armis, ut majores, cæterum  
 inter vincula, & pædorem carcerum per tormenta & carnificum manus  
 perirent? Idedne ſub Georgio Saxone Gerbrandum Mockamam, &  
 Gemmam Iouſnam viros Nobiles, templis ac aſylis extractos & gladio  
 percuffos, poſt Carolo Cæſare, Ianconem Doumam invicto ſupra fortun-  
 nam animo patriæ libertatis defenſorem acerrimum accuſatione inimico-  
 rum, & ſi retâ in Cæſarem adulatione oppreſſum, in peregrino carcere &  
 octenni cuſtodia extinctum, ut in exemplum ſævitia iret, & omnis patriæ  
 deſenſo odium, & mox damnationem irati Principis acciperet? Hac de  
 cauſâ Aremborgium nupero conventu certum datæ fidei publicæ tempus  
 aſſignaviſſe, ut eo evoluto ſecuritas coëuntium procerum, & patriæ tran-  
 quillitas terminum haberet, ſociosq; fæderis & propinquitate ſanguinis  
 ſibi junctos in longinqua terrarum ſalubris conſilij victrix neceſſitas, &  
 vis major diſpargeret? Scribit Jodocius præter veſtes ſacerdotales, lie-  
 rothecas, infulas, aureos cælatosq; calices, captivorum numerum cen-  
 tenarium fuiſſe, eorumq; plurimos in campi planitie haud procul ag-  
 gere, & marino littore; quod urbi in Auſtrum eſt, morte affectos  
 triſte aditi fæderis præmium tuliſſe. Septem quoque ex iſdem ca-  
 ptivis, & in ijs nobiliſſimæ familiæ adoleſcentem ſuſpendio necatum.



Clariss. Franckena notat, quod interrogatus an perpetrati per Frisiam <sup>clō. 13.</sup> sacrilegij, violatorumq; templorum reus esset, longo annorum spatio, <sup>l. x. vii.</sup> se sacris non interfuisse liberius, aut fortē incautius respondisset. Id certē si non causam, pondus saltem addidit, ut prater dignitatem natalium violento, & ignobili fato tolleretur. Addit idem scriptor, eorundem neces repentinā Inquisitoris morte velut divinitus signatas, <sup>Federatio-  
rum bona  
fisco appli-  
cata.</sup> Ioannemq; Carolum, advocatum, & Levinum Everardum Curiae Mechliniensis Senatorem, à Margaretā Gubernatrice in Frisiam tum missos, patrimonia exulum fisco regio applicasse. Jodocius subjungit, eisdem Margaretæ Delegatos, ut capitalium rerum quæsitores cognitionibus captivorum Harlingæ præsedisse, Focconemque Romartium Senatorem Regium unacum Iulio Gelio fisci regij per Frisiam Patrono prioribus additum examini reorum, & mox ferendis sententijs præfuisse. Batenburgici fratres jussu Margaretæ per Ernestum Mulartium Vilvordam ducti, per studia libertatis & quærendi suffugij suo post sanguine infælicem patriam inbuere. Alij narrant ex captivis viginti quatuor à delegatis Curiae, aut regij senatus ad triremes damnatos, paucisq; suspensio necatis, quosdam intercessione virginum, quæ Harlingæ Arembergio supplices factæ erant, à custodiā & simul periculo mortis liberatos, inter aliorum aspera clementiæ beneficium & gratiam vitæ accepisse. Partem quoq; prædæ inter Mularti milites distributam, partemq; illius occultatam sectoribus profuisse.

Mox regressis Leovardiam Rommartio & Gelio Senatoribus, Abbaeus Udius civis primarius, vinculis datus, Theodoruscq; Gulielmus exilio multatus est. Creditum fuit eisdem civibus nuperæ seditionis suspicione, & per intentatam Rommartio, ac Ielgerhusio vim id mali obvenisse, Focconemq; Rommartium Senatorem regium illatam Matthiæ fratri injuriam honestā ultione & prætextu juris vindicasse. Tum Jacobus Elpendamus Leovardiā Harlingam, Gulielmus Buma Harlingā Leovardiam perductus, Everardusque Ensus Coverdiæ Satrapa, in arce regiā acuto morbo extinctus, deducente funus ipso Arembergio, honoratis exequijs Oldehovæ humatus est. Reperio in libris Edictorum Margaretam Gubernatricem, etiam gerendi belli potestate Ferdinando Albano clam commissā, de regis adventu ad Senatum Leovardiæ urbis hoc tempore scripsisse, populumque illius loci ad concordiam & obsequium hortatam de resarciendis sacrarum ædium damnis atque dispendijs monuisse. Mandasse quoque, ut Senatus profugorum civium nomina in indicem referret, fugæq; proxumorum consilia denuntiata bonorum confiscatione, & post Edicto xvi. Kal. Octob. vulgato, pænā capitis præpediret. Ubi namq; certis rumoribus nuntiatum, Præfecturam Belgicæ Ferdinando Albano demandatam formidati nominis, (quod immanitatis suæ famā Pyrenæos Alpiumque juga jamdudum transcenderat) & simul prævisæ tempestatis horror Frisios, & in ijs Leovardios concussit, quod in eius adventu oppressas leges, temeratos penates, cruentata parentum ac liberorum ora, denique polluta divina, atq; humana jura intuerentur. Itaque factum est, ut plurimæ familiæ per tutiores domesticis malis fugas rebus suis consulerent, ligneisque muris clausa libertas, & portis con-

*Brederodj  
aſſuarius.*

*Albanus  
Dux bellis  
nuntiat*

cIo. Io. septisque urbium ac infidæ continentis effusa, ventis marique se com-  
 L XVII. mitteret. Tum Amalus, ac Visurgis fluvij classe frequentati, exules-  
 que aut ultro profugi metu instantium bellorum apud Bremenses Emb-  
 danosque confederunt, quod ijs in locis, etiam ante Ioannis Lasci ad-  
 Arember-  
 gius in Bra-  
 bantiam. ventum, reformata religio, connivente Germaniâ, & orâ istius recto-  
 ribus haberetur. Ita missis in exilium sæderatis, Arembergius compo-  
 sitam, ordinatamq; Provinciam ratus, circa Kal. Iul. in Transfulaniam  
 & post Brabantiam profectus est, quo loci Ferdinandus Albanus re-  
 gio cum exercitu expectabatur. Bellum namque infælici Belgicæ pa-  
 rari, novi quoque jam ante per Germaniam, & Burgundiam delectus,  
 tum Francisci Avilani regij apud Carolum Gallorum regem Legati in-  
 terceptæ litteræ adstruebant. Erant quoque qui ante biennium restau-  
 ratum Baionæ inter Galliæ, ac Hispaniæ reges sædus non ignorarent,  
 Carolumq; Galliæ regem impuberem, & adhuc regni incapacem per  
 limitanea Galliæ à Catharinâ Medicâ matre specie lustrandorum finium  
 circumductum, curante eadem matre cum sorore Elisabethâ Vallesiâ  
 Philippi conjuge, & (ut Reidanus tradit) auspice sæderis Albano, no-  
 vam societatem opprimendæ religionis & auxiliorum mutuorum inijsse.  
 Principum  
 Aurei Velle-  
 ris consule. Quare Ferdinandi Albani, & surgentis belli terrore, Principes quoq;  
 Aurei Velleris perculsi habitis conventibus, de summâ rerum, & peni-  
 culi consultavere. Non desuerunt, qui inter arma, & minacem cæ-  
 dis Philippum (id namque ad Margaretam Gubernatricem clam per-  
 scriptum erat) etiam de veniâ cogitarent, parciturumque subditis Re-  
 gem pro agnatâ clementiâ opinarentur. Ita Egmondanum ne Belgicâ  
 excederet, amplæ possessiones, conjugis, ac liberorum cura, tum vana,  
 & imaginaria conciliandæ securitatis spes occupaverat. Præterea favor  
 militum, partæque gloriæ decus obvium, velut intercessuræ pro eo  
 legiones essent, cuius imperia & simul victorias Gallico bello adora-  
 sent. Aurantius verò providens casuum circumstrepentibus periculis  
 tutiorem fugam censebat, & ut innocentæ asylum per Germaniæ im-  
 perium quæreretur. Esse in eo Principes propinquos, quibus post  
 exacta Germaniæ bella, diuturnum pacis tempus adfluentiam opum,  
 commodum amicis subsidium, dedisset. Neque in Galliæ regno intus  
 sedes, aut minora auxilia fore, quod in eo Condæus & Amiralius  
 rerum potiantur, & quod laboranti nuper iisdem de causis Germa-  
 niæ vires suas suppeditaverit. Tum Carolum Cæsarem Gallicis ar-  
 mis ad æquas conditiones compulsum, integrâ manente Germaniæ li-  
 bertate, quam à Philippo per Belgicam non temerari, maxumè etiam  
 Galliæ interfit. Idcirco satius esse obsequi necessitatibus temporum,  
 ac impetrandis Germaniæ Galliæve subsidijs locum quærere securitati,  
 quam habere in infælici Belgica per advolantia Hispanorum agmina non  
 possent. Cæteri autem Principum opponenda Philippo arma, & com-  
 mune auxilium judicabant, quod stabiliendæ patriæ libertati Henricus  
 Brederodius per ditiones suas aliq; è Nobilitate Belgicâ parabant. Sed  
 omne negotium per contraria Principum virorum consilia improspe-  
 ris auspicijs procedebat. Ex quo evenit, ut sparsis dissipatisq; sæde-  
 ratorum copijs Margareta Gubernatrix vergente Præfecturæ suæ tem-  
 pore, omnem fere Belgicam regi asseruerit, Romanâ religione, una  
 cum



cum ornatu templorum reductâ. Quæ causa fuit, ut Aurantius magno clo. id. comitatu Bredam, dein Dillenburgum concesserit, Henrico Bredero- l. xviij. dio Principe fæderis Embdam, & dein Gemam comitatus Scouwenburgici avecto. Quo in loco velut decretâ fugæ, & morti sede post annum nullo hærede extinctus est. Tradit præclarus scriptor Everardus Reidanus, Ioannem Bergæ Marchionem, & Florentium Montmorentium, Montinium, intellecto Ferdinandi Albani adventu, deprecandæ culpæ privatâ legatione in Hispaniam protectos, omnem turbatæ Belgicæ causam in Gulielmum Nassovium Principem Aurantium rejecisse. Tum Segerus Grosbecius, agente per Brabantiam Arembergio, omni intra Flevum Amasumq; Frisæ regendæ datus, quæsitoresque rerum capitalium Prid. Non. Iul. Leovardiam advenere, ubi tum de more solenne ambubium nundinalibus feriis habebatur. Scribit Iodocius eosdem cognitores una cum Foccone Rommario, & rerum criminalium per Brabantiam Prætoris isti processui interfuisse, severitatemq; capitalium judiciorum Harlingæ exercitam publicâ religione expiassæ. Ernestum quoq; Mulartum, & Quirinum Laceium Buranum, toto nundinarum tempore cum cohortibus per urbem præsidio steterisse, quæ rudiore illorum temporum disciplinâ, multis tum ac seditiosis discordijs exponebantur. Quare Grosbecius propè regiam arcem Leovardiz prætorium erexit, adscitisque in consilium Iacobo Husingio, Foxio Hasseltano, Ioanne Splinterio, Quirino Laceio, cæterisq; militaribus viris, per Henricum Stellinguerfium Prætorem partium litem diremit. Tum Foxius Hasseltans, qui Harlingæ præsidium egerat, cohortem suam Bolsuardiam, & post Oldenzelam antiquam Saliorum in Tubantibus sedem ducere iussus, ac Grosbecius cum Petro Dekama habendæ militum recensionis, Groningam profectus est, cui urbi Arembergius, ut antè dixi, sollicitâ ac urgente Margaretâ Gubernatrice, ope Ioannis Mepschij, quatuor Germanicarum cohortium præsidium imposuerat. Quo armilustrio peracto Grosbecius Leovardiam se recepit, convocatoq; de more Senatu bellico duos militum Gerardum Stufferium, & Beilenum quendam, capitis damnatos vitæ servavit. Mox protectione in Transfulaniam paratâ Snecam transiens urbem partibus infidam, ubi præsidium jam ante locaverat, tribunos cohortium in Xenodocheium convocavit, expositisq; clam quæ fieri vellet, navem ingressus & relicto ad lævam lato Vidri ostio sinum Austrinum emensus Campos pervenit, quod oppidum in orâ Isalæ fluminis situm, fatales isti temporum ætatis discordiæ agitabant. Credebant Snecenses Grosbecium civilibus ingenijs diffusum, majores copias per Transfulaniam paraturum, grave præsidium, & turbidæ civitati asperius remedium minari. Iam enim civis societate fæderis ardescebat, militem æris egentem insolentia sequebatur. Itaque vulneratis per eum centurionibus & (ut Cl. Franckena tradit) omni lege per inopiam stipendij spreta, factum est, ut Grosbecius compositis per Transfulaniam rebus festinantius Snecam rediret, nulloque tumultuario milite stipatus & suspicione civium animis exemptâ, è veteri disciplinæ militaris instituto unius facinorosi gregarijque militis sanguine periculofam seditio-nem componeret. Neq; modestioribus animis per omnem Provin-  
ciam

Grosbecius  
Pro - Præ-  
fectus Fri-  
sæ.

Grosbecius  
in Trans-  
fulaniam  
profectus.

Grosbecius  
Snecam re-  
dit.



clō. 15. ciam ista multitudo utebatur. Ea rapere, auferre, cædes, & juxta  
 LXVII. incendia dare, odio fæderis, ac popularium turbarum, quibus rependi  
 istud enormis præmij debere non dissimulatâ mente, Arembergius ju-  
 dicaverat. Quo Bruxellis agente, continuis agrariorum apud Senatum  
 regium querimonijs, effectum est, ut insolens miles, quem tumultua-  
 riè Arembergius reprimendis fæderatis collegerat, sacramento cede-  
 ret, turpiterque & ex flagitio dimissus, Senatus regij lege, & post E-  
 dicto Margaretæ coërceretur. Ita fluitantibus per Frisiam cæterasque  
 provincias rebus de maturando bello Philippus cogitavit, cuius appa-  
 ratu Hispania etiam, & Sicilia cæteræq; Philippi ditiones perstrepebant.  
 Quare veteranae legiones omni ferè Italiæ orâ insulisque mediterranei  
 maris evocatæ, quas in usum Turcici belli, aut retinendi per ea loca  
 dominatus Carolus Philippusq; reges conscripserant. Tum Insulorum  
 agros lustrandis copijs Ferdinandus Albanus (qui Barcelonâ Genuam  
 Ligustici maris emporium cum triremibus adpulerat) designavit, pa-  
 rumq; à quartanae paroxysmis, doloribusq; articulorum convalescens  
 in Sebaudos, ac Allobroges, dein Burgundiam, & Lotharingos pro-  
 gressus, omnem exercitum (in quo decem Hispanorum millia fuisse  
 Everardus Redapnus notat) in agrum Luxemburgicum ditionis Belgicæ  
 effudit, tabulasque mandatorum suorum flagitante Margaretâ exhibuit.

Strada notat in exercitu Albani octo peditum millia, & septingentos,  
 equites mille & ducentos fuisse, Margaretamq; Duci adhuc per Insu-  
 briam agenti de attenuando exercitu scripsisse, minuendo terrori, &  
 ne partes jam pacatis & resumptis obsequijs mites ad virtutum sicuti  
 mos est, aut propellendam immanissimi ducis asperitatem resuscitaret.  
 Hoc quoq; creditum fuit, metuisse Margaretam imperij sui & plus quam  
 muliebris prudentiæ fructum periturum, si ferox Dux, & mandato,  
 quod dedisse fratrem inconsulto impetu arguebat, subnixus atq; super-  
 biens tantis cum copijs Alpium summitate descendens, Belgarum fines  
 ac provincias ingrediatur, destructurus per vim & arma, quicquid il-  
 la consilio, & sagacitate profecisset. Neq; enim alia sperari posse,  
 quam quod prætercolluviem, quæ castra sequi solet, nobilium scorto-  
 rum lixarumq; peritissimos belli, & clarissimos omnium gentium Du-  
 ces, militesq; severitati admoturus sit, surrepturus sibi omnem gloriam,  
 quâ fratri, & ut tacitè in litteris arguebat, ingrato provincias afferuif-  
 set. Igitur Margaretæ, etsi omnia, sicut in aulâ fieri solet, simulatio-  
 ne tegerentur, quo Caroli V. filia, & sorori regis quid honoris da-  
 ret, in palatio regio salutatâ veteranos, quos Provinciis induxerat,  
 per præsidia disposuit, indignantibus civitatum rectoribus ac legatis,  
 tam aspera Præfecturæ initia, & invidiosam auctoritatem, etiam gratu-  
 lantibus assentantibusq; ex metu se ostendere. Ferunt duras superbasq;  
 voces ex ipsius ore auditas, omnium rerum, quæ eminentissimæ digni-  
 tatis forent, arbitrium protulisse, traditumq; sibi à Philippo per Bel-  
 gicam Frisiosque summum imperium haud obscuris indicijs declarasse  
 Bruxellis. Traditumq; sibi à Philippo summum rerum per Belgicam Fri-  
 siosq; imperium haud obscuris indicijs ostendit. Margaretam quippe  
 dominatus exsortem modicis tantum vulgaribusq; negotijs præfuturam  
 solam imperij umbram, atq; imaginem retinuisse. Sibi curam Magi-  
 stra-

stratum civiliumq; functionum commissam, quibus privare modicè suffo. Is. spectos queat, facili censurâ, sed quæ vitæ necisque potestatem includat. L X V I I. Ad hæc urbes infidas & rebellium exemplis inhærentes arcibus armisq; coercere, omniaq; posse facere, quæ retinendam ad pacem regisq; sui jus tutandum conducere.

Dein sub exitum mensis Septembris Ioannes Carolus Antverpius, & Levinus Everardus in suprema Mechliniensi Curiâ Senator, <sup>Legati in Frisiam</sup> Leonardam iterum à Margareta missi. Iis datum in mandatis erat, <sup>missi.</sup> Se-  
natum per Frisiam regium secretum sui officij commonefaciendi, quo in exules, profugosque & eorum bona è decreto regis statueretur. Alij credidere, progresso jam in Belgicam cum exercitu Albano, eos copiam mandatorum, quæ à Philippo rege Ferdinandus Albanus acceperat, clam attulisse, litterisque Margaretae munitos durius administrandi per Frisiam imperij præscriptum regio Senatui exhibuisse. Ioannes Carolus vir ob peritiam legum à morte Iulij Gelij (qui tum vitâ concesserat) procuratoris fisci, eidem tum Gelio surrogatus est. Qui annus ut Frisicæ libertati maxumè climactericus, ita annonæ exitialis fuit. Quippe Sole Tropicum Cancri ingresso, post Caniculæ exortu effervescens aër, tantâ, & tam continua siccitate affectus est, ut tostæ per ardorem fruges uredine syderis marcescerent, ruptaque velut naturæ lege nullo ferè imbre, aut pluvîa fluens æstas annonæ proventum accideret. <sup>Annonæ caritas.</sup> Quamobrem Margareta Gubernatrix spreta & seposita Agrariorum Oppidanorumque lite postremo (quod in Frisiam missi) Edicto, asservari per Provinciam frumenta iussit, ne patente in vicina loco commercio, ut ante inclementiam cæli, ita caritatem frugum inops & egena plebes sentiret. Jam enim Ferdinandus Albanus crudele, & præferox imperium gerendis rebus applicabat, instarq; feræ Belgicam velut saltum prædæ sæcundum ingressus, rudimenta durioris virilisq; imperij muliebribus lenibusque Margaretae consilijs obtendebat. Molles quippe à sexu fæminarum animos esse, pace aut secundis rebus nonnunquam imperio pares, ingruente verò procellâ rerum oneri & periculis succumbentes. Nunc verò exedentibus viscera ulceribus asperam manum admovendam, depurgandamq; impuri corporis sentinam validiore cataractico, ut integris adhuc partibus vigor suus, & vis spirantis moventisque animæ constet, cæteras malo contactas, & vitiatas per consensum ignis, aut ferrum absumat. Adultos Belgicæ morbos extrema remedia exposcere. Id Philippo Regi, id sanctissimæ Inquisitioni placuisse, quorum uni parere majestas veri legitimiq; Principis, alteri verò veneratio numinis compellat. Itaq; Ferdinandus Albanus à restaurandis (quæ Carolus Philippusq; Reges sanxerant) Edictis, imperium orsus, Senatum quoque capitalium rerum constituit, isti que iudicium confessui Præsidem se designavit. Post Lamoralium Egmondanum, & Philippum Montmorentium Hornanum velut ad consilium vocatos, in secretum conclave sevocari, discinctosque contra jus Ordinis, & inani obtestatione usos in custodiam dari iussit. Traditum litteris est Albanum invidiâ gloriæ (quam Lamoralis Egmondanus Gallico bello sibi pepererat,) correptum, id mandati à Philippo rege clam accepisse, eidemq; Egmondano, (ut & Aurantio ac Hornano)



cIo. Io. nano) ex Hispaniâ sententiam mortis, & destinati percussoris attulisse.  
 LXVII. Igitur Margareta Gubernatrix sagax fœmina, & ut ex Albani odio gra-  
 tiam captaret, mense Sept. de assignatâ Ferdinando Albano potestate  
 latius apud Frisios per litteras exposuit, ipsaq; æmulatione, ut De-  
 metrius tradit, ergâ Ferdinandum Albanum, aut tædio imperij ducta,  
 missionem flagitavit. Quâ post impetrata, ne insalutatis provinci-  
 bus Italiam reviseret, v. Eid. Decemb. ad Ordines, Senatumq; per  
 Frisiam regium litteras misit, quibus seriem, molestiamque gestarum  
 à se rerum exponebat: A pacis quippe, fœderisque Gallici pactione  
 Belgicæ Frisijque se præfuisse, veteri Principum fœminarum exemplo,  
 quas ætate, aut bello olim compeditus Carolus Cæsar moderamini re-  
 rum admovisset. Ita primis Caroli annis Margaretam amitam, dein  
 adulto jam Principe, & Germaniæ Imperium adepto Mariam sororem  
 Provincijs præfectas magnarum etiam rerum capacem muliebrem sexum  
 ostendisse. Cæterum omne imperij onus in spem Regij adventus à se  
 susceptum, quem in Belgicam suam celerare primo, quo ipsa voluisset,  
 tempore, Turcarum arma, ac infidæ Maurorum per Hispaniam res  
 vetuissent. Istâ occasione usurpatum sibi diuturnius imperium, quo,  
 etiam surgente per Belgicam tempestate, se non abdicasset, adjuta  
 quam maxumè eorum consilijs, qui in partium novarum focietates æ-  
 grius pertrahebantur. Quare nec spes suas redeundi in Italiam, nec  
 Octavij mariti desideria explevisse, quin curasse potius, ut ad Eccle-  
 siam Romanam, ac reverentiam regis licentiosa nonnullorum ingenia  
 redirent. Hoc modo bonum publicum domesticâ consuetudine ac ma-  
 trimonij dulcedine sanctius habitum opimos post imperio suo fructus  
 sedatam Belgicam attulisse. Quâ ipsâ quoque excedere medio in cur-  
 su rerum mens adhuc, neque consilium fuisset, nisi præter fragilita-  
 tem sexus continua invaletudo infirmum corpus labefactaret. Hanc  
 causam maturati discessus, & longarum apud Philippum precum fuisse,  
 quæ multo post tempore tantum valuissent, ut secuturus propediem  
 Rex Ferdinandum Albanum in provincias cum imperio præmiserit,  
 quod hac significatione, dum in confesso Ordinum non liceret, se  
 deponere testaretur. Ita valere Frisios iussit, ac III. Kal. Ian. Belgi-  
 cā excessit octennis imperij, & compositæ fermè tempestatis gloriam  
 suo Octavio reportans. Mox à discessu Margareta, velut amorâ con-  
 sorte rerum, Ferdinandus Albanus in promiscuam sævitiam effusus, pu-  
 blica loca civili fœderatoq; sanguine implevit, nefariumq; excindendæ  
 reformatæ multitudini sædus, ut ante Cambresij, ita postmodum Baio-  
 næ ietum optumus istiusmodi rerum minister executus est. Quare ne per  
 Galliam, intestino bello tum flagrantem exules Belgæ cessante dome-  
 stico questu foris sustentandæ vitæ stipendia facerent, omnes Condæi mi-  
 litiam secutos edicto revocavit, auxiliaq; insuper è Baionæ pacto pro-  
 missa Catharinæ Medicæ addixit, quæ Florentinæ gentis fœmina,  
 per ætatem impuberis filij in procuratione regni tum erat. Tum ut  
 melius res per Galliam procederent, ipse Albanus ducturum se auxilia  
 promisit, quæ nec tanta in Galliæ regnum simul effundi, nec tam va-  
 lido, & ambitioso exercitus Duce Catharina Medicæa versipellis fæ-  
 mina volebat. Hoc modo modestè repulsus Albanus, Ioanni Lignæo  
 Arem-

Margareta  
abijt.

Albani cru-  
delitas.



Arembergio Frisiæ Præfecto, ducenda in Galliam auxilia demandavit, Anno in quibus duo peditum millia, equitum mille & quingenti habebantur. Quæ expeditio ne improspere succederet, Prid. Non. Ian. tri-  
 duanæ supplicationes, & amburbiorum ritus Leovardiæ instituti, ut  
 solennium votorum nuncupationibus repurgando à reformatis Galliæ  
 regno, susceptum negotium promoveretur. Neque minoribus erga fæ-  
 deratos odijs per ipsam etiam Frisiam Ferdinandus Albanus grassaba-  
 tur. Is namque datis ad Senatum regium litteris, omnes singulosque  
 exulum (quorum nomine consulares viros, & profugam præcipuè No-  
 bilitatem censebat) Bruxellas ad III. Eid. Febr. evocavit, ac ad di-  
 cendam causam adesse Educto jussit, quod v. & I v. Bid. Ian. ad cam-  
 pani æris sonum pro rostris recitatum concivium animos non parum  
 commovit. Eo comprehensum erat, ut citati, nisi se sisterent, pro  
 convictis haberentur, contumaciumque ac profugorum bona publicæ  
 auctioni, & Fisco regio subessent. Idem dies XII. Kalend. Febr. per  
 Benedictum Francetum apparitorem regij Senatus, viro Nobili Edoni  
 Heringa, & Cornelio Fouckio Tribuno nuper ærarij dictus, locanda-  
 rumque ædium potestas, quibus exules Leovardij profugerant, The-  
 saurario per Frisiam regio data. Tum stipendia per Hispanum quen-  
 dam à Ferdinando Albano Leovardiam missum, militi assignata, mili-  
 tariumq; cohortium recensio Oldehovæ facta. Scribit Iodocius ea-  
 tundem cohortium tribunos à peculatu immunes non fuisse, multosq;  
 per egestatem, & penuriam æris nomina professos, isti recensio in-  
 terfuisse. Idem tradit, circa ea tempora militem quendam, qui Arem-  
 bergium Præfectum glande in Galliâ ictum nuntiabat, à Quirino La-  
 ceio captum, ac de sententiâ regij Senatus virgis cæsum, validumq;  
 incendium non procul Hoca ac Haionis Cammingani domo subortum,  
 ope civium militumque, qui in armis erant, repressum fuisse. Dein  
 postrid. Non. Mart. Leovardiæ Tarquinij Vallesij viri Consularis no-  
 men ex oppidanâ Curiâ per Edictum recitatum, quo noxij turbatæ  
 civitatis motus, & receptio novi fæderis, ac simul religionis, isti viro  
 tanquam moderatori omnium rerum imputabantur. Per eum conci-  
 liabula populi imperata, conventusque collegiorum institutos, ut con-  
 siliium sacrilegio commodaret, templaque ac cœnobîa nefandâ civilium  
 furorum intemperie vastarentur. Prohibitum urbe regium militem,  
 spectante & indignante ipso Arembergio, & portarum custodiam mi-  
 liti extortam, ac seditioso civi commissam. Ductos in subsellia no-  
 vos factorum Doctores, & arma ipsis quoq; templis inlata, quæ non  
 nisi jussu Principis & pro eius defensione haberi possent. Illi semel  
 sacramenta dicta, illi nuncupatas supplicationes, ne desciscere quis à  
 Philippo præterquam perduellis possit. Quapropter mandare ut Tar-  
 quinius Vallesius ad III. Kal. April. dein VII. & XIV. diem Bruxellis  
 coram Ferdinando Albano compareat, rationem suorum factorum red-  
 diturus. Reperio in Historicis fragmentis clarissimi scriptoris A. Franc-  
 kenæ, ijs ferè temporibus fæderatos nonnullos, & seorsim Anabapti-  
 stas (quod Anno 1565. etiam venerat) supplicijs affectos, aliosq;  
 squallore funesti carceris aut metu mortis absumptos, vitam finisse,  
 Inquisitores quoque ante ex pacto ablegatos, in Provinciam tum re-  
 ductos,

Albanus  
in gallia  
mittitur.

Fæderati  
nobiles ci-  
tantur.

Incendium  
Leovardiæ.

Accusatus  
Vallesij.

Statuerunt  
in Anabap-  
tistas.

clo. Io. ductos, asperisq; edictis annuos exulum redditus interceptos. Horrenda quoque proscriptionis perduellionisque vocabula per Frisiam audita, durante avitâ libertate, à Francorum quoque temporibus, nostris majoribus ignorata, & cum robusto Principis imperio introducta, repletis ingenijs, quæ curas patrum, & sanctissimas pro retinendâ libertate sollicitudines, calumniâ teterrimi criminis fœdarent. Unde in vicinis caterisque locis factum est, ut summâ velut animorum desperatione (cum innocens quisque à supplicio, aut saltem eius metu immunis vix haberetur) relicta domo, ac familiâ, urbibus pagisque excederent, agrestiumque ac barbarorum more, sylvis clausi ferinam belluinamque vitam latrocinijs simul ac flagitijs sustentarent. Quod ne per Frisiam fieret, quæ magnis arboretorum spatijs in Austrum se effundit, Edicto Albanus cavit, hominesque vitæ ac fortunarum incertos, à vindicandâ temporum iniquitate revocare conatus est. Quamobrem & Edicto Anni clo. Io. lxxvi. xii. Kal. Mai. renovato, ulla copias intra Flevum Amasumq; flumina colligi, autorarique sub pænâ capitis vetuit, exulumque ac profugorum bona per Ioannem Carolum Senatorem fisco adjudicavit. Iussit quoque ut exulum cognati, propinqui, tum actuarii publici apud Prætorem Judicemvè, omnium bonorum, actionum, obligationum, pignorum, redditumq; professionem, sub pænâ legis, facerent, deque exulum statu ac conditione, Martinum Bergium fisci quæstorem docerent. In sacerdotum quoque religionem, mores, atque vitam asperè inquiri fecit, interdictaque ijs matrimonij societate, & omni quoque concubinato damnato, cælibatus & continentia legem inculcavit. Id verò asperrimè vetabat, Ne cum perduellibus (ita enim Edictum habebat) ullum commercium esset, & ne mariti patrijs terris extrusi onera exilij solatijs conjugum levarent. Quapropter fœminas ad maritos commearè, sub pænâ fustigationis, prohibuit, deprehensosq; exulum custodiæ dari, & puniri ex Edictis præcepit. Sic ut domi oppressâ per vim patriâ intuta mansio, ita deligentibus exilia mutationes sedium, aditus atque itinera præcludebantur. Jumenta quoq;, navigia, & currus inspectoribus expositi, quo deferentium patriam consilia Senatus regius perverteret, & ne sæviendi materies multitudinem fugientium minueretur. Mare etiam navigantibus invium quod præsidariæ naves, aut plurimæ trirēmum per æstuaria vicini maris, aut ostia fluminum spargerentur. Quare & per omne Frisiæ confinium sparsi exules, præclusâ veniæ spe, rati, quod res erat, gloriosius fore bello miseriam finire, quam æternâ exilij sorte multari, divisi ante & palantes multis in locis confertim confluxere, communicatisque consilij retundendam Philippi, præfectorumq; sævitiam, iustis armis decrevere. Neque enim de jure armorum longum dissereretur, apud homines gnaros, in quâ nati essent, suæ libertatis, & juxta immanis injuriæ, quâ peregrinis in terris inter ignotas facies trahere vitam cogerentur, honestâ fere morte peiorem. Idcirco Legatos ad Auran-  
*Legati ad Auran-* tium Dillenburgum mittere, ut bellum paret, promittere subsidia, & residuas adhuc in exilio vires, modo fœderatis sociisque Ducem se præbeat, quibus placuisset, aut fortiter in armis occumbere, aut dulcissimam patriam semel videre à tyrannis liberatam. Sed Principem Auran-



Aurantium ultrò circumspèctum & onera bellorum serio expendentem, cIo. Is. multæ causæ, & inter has magnitudo hostium, & infirmitas oppressæ patriæ remorabantur. Adhæc imperium Germaniæ dubium, Cæsarem Maximilianum naturâ mitem, & nuper in Philippi aulâ missio in Hispaniam Carolo fratre male exceptum, Principes propinquos communis periculi metuentes, & impulsas magnopere exulum res criminabatur. Quin prolatandum potius bellum esse, dum defectio urbium quarundam Belgicæ habeatur, surgantque in ipsis patriæ visceribus validæ partes Philippi imperijs adversæ. Tum quippe opportuna exulum sociorumque auxilia fore, si domesticis populi armis externa se junxerint, omneque confestim robur se aperiat geminatis viribus pugnaturum. Quo Aurantij consilio belli quoque apparatus tam diu protractus est, donec inritâ omni, etiam Cæsaris Electorumque Imperij intercessione, post Philippum filium Secreto literarum extractum, & in Hispaniam abductum, ipse Bruxellas cum cæteris proceribus ab Albano evocatus, proscripseritque suarum rerum & principis famæ, iteratissime exulum precibus motus, bellum decerneret. Quare Principum propinquorumque societatibus subnixus, Ioanneque Nassovio fratre, & ærario exulum (qui Embdam, Bremam atque Vefaliam Clivorum plurimi de Frisâ profugerant) adjutus armis experiri statuit, Ludovicumque Nassovium fratrem, ac Gulielmum Bergensem habendis delectibus militum præfecit, quos Bergensis per Geldriam ac vicina loca, Ludovicus in superiore Germaniâ autorabat. Ita coactas tumultuariè copias expediri per Hassiæ, ac Westphaliæ fines iussit, Ludovicumque fratrem in Transamafanos Frisios amandavit, certus è majoribus Frisijs (qui Flevo Lavicâque terminantur) prompta auxilia adfore, & istius oræ nobilitatem ultrò mobilem in partem resurgentis iterum fæderis concessuram. Quare Ludovicus Embdam, urbem in ripâ Amasi fluminis sitam, ingressus, commeatum sibi paravit, copiasque Amasum fluvium transvexit, quem orto etiam Æquinoctij verni sydere, ac primo quoque Aprili (ut & per Frisiam lacus ac incilia) glacie obtectum fuisse, in notis suis Ioannes Tiara Iureconsultus annotavit. Fossam quoque Leovardiæ urbis ternis quaternisque viris transitum dedisse, absumptisque pecorum pabulis, magnâ fani penuriâ & simul caritate Frisiam laborasse. Sic traducto per Amasum milite, & in Reiderium agrum exposito, magna per urbem Leovardiæ civilium animorum trepidatio fuit. Nam Pontificius quisque de prædicare periculum, ac non obstantibus Paschalibus ferijs (quæ in vigesimum April. diem tum incidebant) sarcinas, ac vasa colligere, & mox fugam parare, quam solæ stationes militum ad portas excubantium præpediebant. Illi confirmare animos, promittere securitatem, non esse eam fæderati exercitus magnitudinem, ut ad urbem adventurus sit, tot passuum mill. & intervallis locorum à Ludovico discretam. Intermediam adhuc Groningam urbem validam, & præsidio regio firmam, superandos Ludovico amnes, & locorum difficultates esse, quæ regijs adhuc copijs teneantur. Manendum itaque intra conspectum urbis, & rejecto levi periculo, imitandum esse exemplum fortibus viris semper usitatum, qui corpora & dexteras suas tu-

*Aurantij  
res.*



cIo. Io. telæ liberorum, atque conjugum objecissent, & si res poposcisset,  
 LXVIII. gloriola funera turpi effugio antehabuisent. Istitis rationibus inducti  
 cives qui Pontificij erant, domum ivere. Cæteris fæderi clam ad-  
 scriptis, (qui huc usque latuerant) excedendi urbe potestas facta, ne,  
 si quando cum copijs ad portam Ludovicus, civitatis periculum du-  
 plicato hoste geminaretur. Tum in Frisiâ quæ Amaso Flevoque clau-  
 ditur, multa prodigia, ac horrendæ species præliantium in aëre arma-  
 torum apparuere. Notat quippe Andræas Gryphius prætor Utingera-  
 nus, vergente Augusto paulum à medio noctis cælum velut colore san-  
 guinis rubuisse, versusque ortum Solis æstivum, partes in justâ qua-  
 dam planitie concurrisse. Copias quoque militares à cæteris discretas,  
 seorsim tanquam auxiliares stetisse, aciemque exercitus, ab ortu ve-  
 nientis primam inclinasse. Tum agmen ab occasu descendens, terga  
 fugientium ferijisse, ac victoriâ potitum. Itaq; tum primum funestæ  
 partes per Frisiam cis ac trans Lavicam se aperuere, populique secessio,  
 & rerum omnium apparatus instans bellum spectavit. Quare annonæ  
 reique frumentariæ extemplo provisum, cautumque edicto, Ne quid  
 frumenti aliudvè bello necessarium, Provinciâ exportaretur. Tum na-  
 vigia, currus, equi undique per Grosbecium conquisiti, educti-  
 que præsidij milites per finitima Leovardiæ loca & circa Berguma-  
 nos oberravere. Grosbecius namque decem & quatuor schlopentario-  
 rum manipulos, & sexaginta ex principijs delectos milites, Bergu-  
 mum v i i i. Kal. Majas ablegaverat, ne fæderati per ista loca pro-  
 vinciales armarent, ijsque copijs adscriberent, quas Hylco Marti-  
 nius, vir magni animi, pro Ludovico Nassovio velut nomine Imperi-  
 rij autorabat. Ducenti quoq; milites, ductore Quirino Laceio Bura-  
 no, Snecâ Columum missi, ut littore præterfluentis æstuarij, ac ingres-  
 su istorum locorum fæderatas copias prohiberet, quæ circa Doccomium  
 & per Dongrios, ab Hommio Hettingha, viro è Frisicâ nobilitate, &  
 assertore fæderis contrahebantur. Cæterum arce Weddanâ, expeditâ  
 militum delectorum manu per Ludovicum Nassovium occupatâ, vul-  
 gatâque per Frisios istius rei famâ, altior adhuc metus Pontificiorum  
 animos, & ipsum quoq; Grosbecium invasit. Qui propterea, ut du-  
 biâ temporum fortunâ, procerum ingenia atq; voluntates introspiceret,  
 Kal. Maijs vicinam nobilitatem ac primarios Leovardiæ viros, quos  
 aut honor Magistratus, aut forensis eloquentia commendabat, in Cu-  
 riam regiam convocavit, universosq; velut pro concione, hunc in mo-  
 dum adlocutus est.

Oratio  
 Grosbecij.

**N**O N ignorare vos puto, Frisiam vestram post scissionum tempora,  
 Carolo Cæsare armis, aut bellis intactam, mutuâ populi concordia  
 floruisse. Quâ ipsâ ut etiamnum viveretis, diu in votis habui, o-  
 peramque, absente Arembergio, omnem impendi, ut fomes ulterioris  
 dissidij tolleretur, ac Provinciam intra hanc omnia moderata, & quam lon-  
 gissime ab omni violentiâ essent. Cæterum, quia supra modum periculum ex-  
 crevit, & commune concordia vinculum eorum defectione ruptum est, qui ar-  
 mis uti, quam parere regi suo malebant, restaurare hoc, quod datum mihi  
 est, imperij validius cogor, cuius robur, lenitate & patientiâ fermè amissum  
 erat.

erat. Quare volo ut sacramentum auctius, quam quod professi estis, Philippo regi præstetis, juretisque universi & singuli, non descituros vos unquam à Philippo rege vestro, quacumque etiam de causâ, daturosque operam ut Præsectorum ac Senatus imperijs abunde satisfiat. Et quia metui potest, ut Ludovicus Nassovius Reiderius jam ingressus ac tert. vix lap. à Groningâ castra tenens nobis, & urbi huic periculum creet, censeo concordia opus esse ( sine quâ propulsari nulla vis unquam potuit ) & Leovardiam urbem communibus viribus propugnandam. Hoc ut faciatis, præstari fidem mihi hoc ipso conventu volo, ut in bellum iturus omnia hic composita habeam, & securitatis plena. Si qui verò sint, quibus id factu grave videatur, eos secedere jubeo, ac sua simul consilia & pericula expendere.

Tum secedens nobilitas, in qua Doco Martna, Hector Dekama, Hector & Goffo Abingha, Renicus & Vitus Cammingha, tum Siricius Donia erant, communicato cum Gysberto & Christophoro Aernsma, Feccone Rhala, & Ioanne Tiara Iuriconsultis, consilio, per eundem Tiaram Grosbecio respondit. Majores suos à multis annis, & dein se ipsos Carolo ac Philippo regibus fidem obsequio fecisse. Itaque novo sacramento, dum vetus adhuc obstringat, obligare se non posse, facturos interim ad quæ teneantur è jure formulæque pactorum, quæ Carolus Cæsar & majores sui inijsissent. Tum Curijs populi in Minoritarum templum evocatis, per Grosbecium, ore Grapharij regij eadem, sed nulla successu, repetita. Quippe magnum murmur secedentis mox turbæ ortum, alienos à Grosbecij proposito animos ostendebat. Quare contegendæ iræ vix par, cætu effusus in arcem regiam se contulit, reducemq; post è Galliâ Arembergium, in ultionem contumacis populi instigavit. Refert Iodocius, nonnullis causarum in regio Senatu patronis, quod à dictione novi sacramenti abhorruissent, foro interdictum, & Hylconem, de quo dixi, Martinium, militum apud fæderatos conquistorem, in cænobio quodam captum, una cum sex captivis Leovardiam abductum. Interim ne res per Leovardiam in incerto essent, & ne civitas foris cum Ludovico Nassovio, domi cum inimico cive certaret, Senatores regij firmandis populi in regem obsequijs privatorum domos adiere. Eos monere ac hortari, manerent in fide Philippi, inveteratumq; Austriæ Principum jus integrum illæsumque curent, fore alias, ut, cum novarum partium professione, fructum quoque delibent, novæ & non speratæ calamitatis. Spargi quidem Ludovicum tumultuariâ manu circa Amasi ripam per Provinciæ fines, cæterum facile debellandum, si concordēs coeant cives, ac regis sui observantes, commune auxilium in exitium hostium verant. Cogitarent Leovardiam Provinciæ metropolim vallo, ac fossâ circumductam sedem Senatus, & publicorum munimentorum vastationibus, ac rapinis exponendam non esse. Quin expendere potius liberos, conjuges, omniaque divina ac humana concordiam & commune sacramentum implorare, quo salvo everti nequeat tot carorum pinorum incolumitas. Sed dubiâ & divisa civitate parum profectum. Itaque Grosbecius Non. Maij. Groningam celeravit, lustratoque, quod Arembergius in Galliam iturus ibi posuerat, presidio, quadringento-

Responsio  
fæderatorum.

Senatus Regij pro Philippo molitiones.

rum



*Regij ce-  
duntur in  
pago Hare-  
no.*

*Tiallingi  
Eyfinghæ  
pro Ludo-  
vice oratio.*

*Aremberg.  
in Frisiam  
redit.*

rum manum in cænobium Wittewerumanum duxit, ut Ludovicum ul-  
tiorē in Provinciam ingressu prohiberet. Cæterum territus Ludo-  
vici copijs pedem retraxit, relicto interea Groningæ Ioachimo Panse-  
ro, qui regio nomine delectum ageret, tutandisq; Translavicorum fi-  
nibus plures copias conscriberet. Quas ipsas per eundem Ioachimum  
Panferum Marnium, in Harenum pagum posteductas ipso noctis ob-  
scuro à præsidio, quod Ludovicus Dammonæ locaverat, cum præse-  
ctis, primipilaribusque cæsas deletasque in fragmentis suis Historicis  
Cl. Franckena annotavit. Ludovicus namque redacto in potestatem  
Weddæ castello partem exercitus Dammonæ miserat, ut propius Gron-  
ingam sgressus, prædiciarios ad velitandum eliceret, metuque sui  
majore omnem Provinciam impletet. Itaque convocatis Dammonæ  
Translavianorum Ordinibus, per Tiallingum Eyfingham virum è Fri-  
sicâ nobilitate, & juris scientissimum, commeatum atq; pecuni-  
am recensendis copijs imperavit. Instare quippe aliàs militarium  
seditionum discrimen ostendebat, ac metuendum esse, ut miles è rap-  
to stipendia faciat, magno Provincialium incommodo, quibus oppri-  
mendis non venisset. Solam enim populi libertatem sibi curâ esse,  
& non alio fine arma sumpta, quam ne Hispanus oppressum irret Pro-  
vincias sanguine suorum madentes. Cuius furori ut modus ponatur,  
militem è Germania in Frisios duxisse, sed qui retineri in officio sine  
stipendijs non possit. Itaque militi stipendium, stipendio tributum  
deberi, ut disciplinæ militari locus sit, & intacti maneant eorum a-  
gri & possessiones, quorum interesset; Ne quid detrimenti. Tum pe-  
tito deliberandi spacio Translavianorum Ordines Groningam ad Grosbe-  
cium profecti, mandata Ludovici exposuerunt, quibus tributa per Pro-  
vinciam eum flagitare fidem faciebant. Quare Grosbecius Translavi-  
canorum Legatos in castra Ludovici se recipere, ac redimere pecu-  
niâ periculum iussit, quod isti amovendo non aliud remedium super-  
esset. Parvas quippe sibi copias & Harenâ clade accisas, tum infi-  
dum omne per utramq; Provinciam imperium expendebat. Itaq; Le-  
gati ad Ludovicum reversi, coacto repente per agrarios tributo, pe-  
cuniam assignavere, omnique insolentiae paritum est. Mox Gronin-  
gani metu obsidionis ad Ferdinandum Albanum Legatos Bruxellas mi-  
sere, qui auxilia rogarent, debili intra urbem præsidio, & maxumâ  
Translavianorum agri parte hostium copijs expositâ. Igitur Ferdinandus  
Albanus proclamata Carolum inter I x. Galliae regem, & Condæum,  
Amiraliūq; pace, Ioannem Lignæum Arembergium Galliâ evocavit,  
ducendaque ei in Frisios auxilia commisit. Tum Carolus Brimæus Co-  
mes Meganus, qui mille, & quingentos peditum, equitum quadrin-  
gentos ducebat, subsequi iussus, ac præsidia pleraq; Cislavianarum  
civitatum Groningam amota, quo Grosbecius, Non. Maij mensis ab-  
sente adhuc Arembergio, præcesserat. Qui mox Gallico bello defun-  
ctus è Brabantia in Transfulaniam, post Frisios maturans I v. Eid. Maij  
Bergumanos, ac mox sex navigijs vergente in occasum die Leovardiam  
advenit, communicatoq; cum regio Senatu consilio, Grosbe-  
cium Groningâ per litteras acciri iussit. Is acceptis Prid. Eid. manda-  
tis Groningam se recepit, ipseque Arembergius etsi affectâ valetudine,



præpediretur, salutato quoq; Senatu in Bergumanos, & post Gronin-  
gam profectus est, decem Hispanorum, & post duabus cohortibus  
Quirini Lacei Burani, & Ernesti Mulartij in eandem urbem præmissis.  
Ubi composita, ut Cl. Franckena notat, militari seditione, nihil cun-  
ctandum ratus, exercitum omnem, sex tormentis campestribus instru-  
ctus, Dammonam ducere constituit, quam Ludovicus Nassovius, ut  
ante dixi, plerisque cum copijs tuebatur. Quorum certior factus Lu-  
dovicus castra Dammonâ Slochterum movit, non metu, ut quidam  
voluere, sed ut sparsas istam per oram copias conjungeret. Quare  
Ludovici recessum, fugam ratus Arembergius, ocyus exercitum per-  
gere jussit, compertoque è captivis (quos Ludovicus Harenâ pugnâ  
captos dimiserat) magnam in exercitu Ludovici commeatus penu-  
riam esse, decertare prælio constituit, ad quod Hispani sive insito calo-  
re, sive pugnandi occasionem speculati, præservidis studiis incendeban-  
tur. Sed instans & illunis nox castra diremit. Igitur, postero die,  
curatis militum corporibus Arembergius castra propius adduxit, exer-  
citumque magno cæli ardore, adultum enim ver erat, ac armorum  
juxta pondere defatigatum apud Winschotum stare parumper jussit,  
præmissis confestim exploratoribus, qui de Ludovico cognoscerent,  
ac de situ Castrorum nuntiarent. Ubi verò per eosdem speculatores  
cognitum, Ludovicum nullo fugæ, ut rati erant, consilio, decertare  
prælio constituisse, animus Arembergij velut eventuri mali præfagio  
non parum elanguit. Quapropter differendum diem pugnæ ratus, mo-  
ræ ac tarditatis suæ causam, tanquam apud milites concionatus in ab-  
sentem Carolum Brimæum Comitem Meganum rejecit. Illum quippe  
vix diei itinere castris abesse, & postero die cum auxilijs adfore, quo  
cum Ludovico configere auctæ vires & vegetior miles suaderent. Sed  
Hispanus præconceptæ victoriæ fiduciâ præceps, tum gloriæ ac præ-  
dæ juxta avidus, conferendas cum Ludovico manus incondito clamore  
vociferabatur. Quare Arembergius importuno militi obsecutus, con-  
fertam simul aciem in Ludovicum duxit, qui mediâ & arbutis cir-  
cumseptâ camporum planitie tripartitum jamdiu exercitum justis ordi-  
nibus instruxerat. Schlopetarij etiam quadringenti per insidias posi-  
ti, quibus mandaverat Ludovicus, ut sponte recedentes suos excipe-  
rent, insequentemq; festinantius hostem ex insidijs adorirentur. Quod  
consilium magnum pondus subsecutæ victoriæ attulit. Itaque Nas-  
sovij, & in ijs Ludovicus, & Adolphus fratres, impressione in equi-  
tum turmas, quæ paucæ circa Arembergium erant, factâ, mox volen-  
tes pedem retulere, donec constituto loco machinæ, & ingruens e-  
ques, tum locati per insidias schlopetarij Arembergici exercitus ordines  
conturbarent. Quibus luxatis versi in fugam Hispani promiscuâ cæde  
cecidērunt. Arembergius ipse, levi primum capitis vulnere accepto,  
mox equo, quo vehebatur, deturbatus, fortiter adhuc pugnans, ac  
nequicquam hostilis post dexteræ misericordiam implorans à grega-  
rio Ludovici milite, textore, ut tradunt, Bosumano, vel ut alij as-  
serunt, à ligulario Franequerano, Zeugma dicto, confossus est.  
Cæteros frequens ijs locis uligo, altissimæque paludes absorpserunt,  
mille, & octingenti, una cum ipso Arembergio, in cæsorum nume-  
rum

Ludovici  
Nassovij  
cum Arem-  
bergio pua-  
gna.

Victoria.

cl. 15. rum relati incruentam Ludovico (sexaginta enim tantum desideraban-  
 LXVIII. tur) victoriam reliquere. Solus Adolphus, Ludovici frater, fortiter  
 rem gerens inter Principes viros gloriosâ morte exspiravit, suiue de-  
 siderium luctuosâ Nassoviorum domui reliquit. Cadaver eius Weddâ,  
 ut & Arembergij fano cænobij Heiligerlâi, militaribus exequijs inlatum.  
 Ita primam fæderati belli, ac Ludovici foelicitatem fratris morte ac-  
 cerbior Fortuna pensavit. Tum ex Hispanis captivi laqueis enecti,  
 communem adversi sortem pertulere. Reperio in notis A. Franckenâ,  
 finito prælio Germanis parcitum fuisse, trecentosque captivos, qui post  
 id temporis stipendia se apud hostem non facturos, Ludovico depacti  
 erant, singulari clementiâ dimissos. Aberat non procul eo loco cum  
 quinque cohortibus, paucisque equitum turmis Carolus Brimæus Com-  
 es Meganus, qui perceptâ Arembergij ac suorum clade celerrimâ  
 fugâ Groningam abreptus civitatem, in quam ægre intromissus erat,  
 exarmari fecit, veritus haud dubio ne adversâ Arembergicâ pugnâ  
 fortunâ animi civium, novarum, ut solent, rerum ultrâ avidi Fæde-  
 ratas partibus se adjicerent. Iam enim illius cladis reliquiæ sine ullo  
 ordine palantes, ac inermes circum urbem Groningam & per univer-  
 sam Frisiam spargebantur. Unde castrorum fusique exercitus opes,  
 aurum atque argentum omne, tum arma, vestes, equi, trecentique  
 currus vehendis machinis, cæterisq; rebus facti, victoribus cessere.  
 Ludovicus victor, more bellicis Imperatoribus recepto, postquam lo-  
 cum pugnæ, sed sanguine hostium cruentatum spatio tridui infedisset,  
 Tiallengi Dammonam se recepit, portumque Delphzilanum munijt. Tum Tial-  
 lengum Eyfingham Iureconsultum, qui verba apud Translavicanos nu-  
 per fecerat, ac in comitatu Ludovici tum erat, domestico malo mul-  
 tatum fuisse reperio, omniaque eius bona immisiss in domum militum  
 manipulis, commentario perscripta. Notat Iodocius sex campestris  
 tormenta, quæ Arembergius Groningâ abduxerat, Ludovico quoque  
 obvenisse, ac quatuor cohortes peditum 111. Kal. Iun. sparsas, & iner-  
 mes Leovardiam profugas advolasse. Duas quoque cohortes, Sncâ  
 prohibitas, ipsumque Grosbecium festino itinere modo Groningâ Leo-  
 vardiam, dein Leovardiâ Groningam reductum, reparandis per Frisiam  
 rebus incubuisse. Idem Iodocius notat, clerum Leovardiæ hoc tem-  
 pore ex omni inter Flevum, Lavicamque Frisia convenisse, ac de mit-  
 tendis Ultrajectum Delegatis consultasse, quos Fredericus Scencus  
 Teutoburgius, Archiepiscopus Ultrajectinus de mandato Ferdinandi Al-  
 bani, promulgandis per omnem Diocæsın Concilij Tridentini Decretis  
 Ultrajectum evocaverat. Litteræ x x 11. Aprilis Ultrajecto datæ.  
 Quibus responsum ab Abbatibus hunc in modum reperio.

Tiallengi  
 Eyfingham  
 bona fisco  
 decreta.

**I**lluſtriſſ. ac Reverendiſſ. citari nos denuđ coram Metropolitana feciſti.  
 & quidem, ut proſiteris ex mandato Ferdinandi Albani, ut voluntatem  
 regis cognoscemus, ac quid de Concilio Tridentino per Frisiam & Diocæ-  
 ſin publicando decreverit. Quæ evocatio etiãſi legitima foret, neque  
 derogaret privilegijs noſtris, & integrum nobis commodumq; foret ire, tamen  
 non poſſumus hac in re imperio tuo ac mandato obſequi, cum ſine totius pro-  
 vincie, cui innexi ſumus, conſenſu nihil agi queat, quod ad plurium, imo ad  
 omnium commodum atque utilitatem ſpectat. Tempus præterea breve, & per  
 quam



quam augustum nobis præscriptum. Addimus vias ipsas, hostium copijs, quæ c. 10. Id. non longæ absunt intutas impeditasq; esse, nosque in perpetuo metu futuræ L. X. VIII. vastitatis, versari. Itaque extra fines regionis hoc tempore ire, & à monasterijs nostris abesse, valde grave & molestum nobis erit, quod is evenire solet, quibus de securitate præstari cautio, etiam per auctoritatem judicij, non potest. Et quia tertio tantum Ordinum Frisæ membro censetur, neque in fraudem sociorum nostrorum quid statuere possumus, petimus ut excusari nos sinas, quos alijs in causis reverentia tuæ Sedis obligavit.

Post exequiæ Arembergio x v. Kal. Iul. Leovardiæ factæ magnoq; funebri apparatu præmissis, Pontificiorum præsertim in defunctum suprema officia eluxerunt. Cæteri credebant quod iniquior fæderi, & tot exulum conscientijs fuisset, divinâ ultione sublatum digno factis luctu prosequendum esse. Recordabantur quippe Arembergium eodem die, quo expeditionem molitus erat, viginti & octo cives exilio multasse, horæq; tantum spatium urbe excessuris singulari sævitia indulgisse. E Minnemij's Andreæ Wibrandum, Abbeæum Udium, cum filio, Vibium Allartium, ex Oldehovij's Elconem Valerium, Philippum Ioannis, Franciscum Capsarium, Douwonem Symonium, Witzonem Pistorium, Ioannem Thomæum, Riemerum Fabrum, Joannem Saggittarium, Petrum Stroierum, Sibrandum Tetardum, Heronem Hottingha, Cornelium Scandularium, Gabbeum Vitriarium, Henricum Clyncbylium, Buwonem Ielmerium, ex Hoecanis Ioannem Ieppenium, Franciscum Ioannis, Paulum Ægidium, Ioannem Æmylium, Thomam Thomæum, Siouckonem Fabrum, Elconem Leoninum, Ludolphum Nautam fuisse in horrendæ proscriptionis tabulis xiv. Kal. Iun. signatis reperio. Quorum exilijs iusta propterea cæde satisfactum, illi interpretabantur, qui non ignorabant, sævos Principes vitæ suæ spatia ut plurimum infelici exitu clausisse. Post senescentie Iunio mense, inermibus, quæ Leovardiæ oberrabant, à clade Heiligerlæâ copijs arma Antverpiâ suppeditata, ac quatuor cohortes (etsi dubijs animis, ac vultu contumaciæ propiores essent) Groningam præmissæ, subsequente ocyus Grosbecio, ut ulteriorem Ludovici progressum, & secundos rerum cursus remoraretur, quæ prosperis tum fatis in continente non tantum, sed in ipso quoque mari, & æstuario Amasi fluminis agebantur. Didericus namque Sonnoius acceptâ famâ Franciscum Boshusium Classi regiæ præfectum eadem classe Amasum flumen ingressum (ne commeatus in castra Ludovici Embdâ, aut è vicinis Frisij's perferretur) sociorum ope multas naves adornaverat, marique Frisco immixtus onerariam quandam in anchoris stantem suam fecerat, fugatoque Boshusio ac direptâ hostium classe victor fæderatæ per Oceanum expeditionis primus gloriam reportaverat. Quibus rebus, etsi maxumè Arembergicæ cladis dolore, commotus Albanus captivæ Nobilitatis supplicia maturavit, animumque ultrò immanem, sed Ludovici Nassovij fortunâ efferum, Nobilitatis Belgicæ, Principumque virorum sanguine placare adnixus est. Quare ad Kal. Iun. pegmata Bruxellis extructa proclamatisq; in Curiâ feralibus sententijs, Batenburgici, reliquiq; Nobiles (inter quos è Frisij's Hartmannus Galama,

Exequia  
Arembergij

Nobiles ca-  
pite plecti.



cIo. Io. Suffridus Beiemus, & Gulielmus Buma erant) capite plexi optumos  
 LXVIII. in patriam affectus tristi eventu expressere. Capita, truncaq; corpora  
 pinnis passim suffixa, & nobili patritioq; sanguine stillantia sepulchri  
 quoque honore carere.

Ita Ferdinandus Albanus, qui vitæ beneficium nobilissimis viris ademerat, communem quoque mortalibus terram eorum corporibus invidit, sædusque naturæ hostis, superesse odium, etiam amoto furoris sui pabulo professus est. Tum in Amoralium Egmondanum, & Philippum Montmorentium Principes viros, & Equites Aurei Velleris conversus ultimam ijs necessitatem denuntiari fecit, sententiamque mortis, quam clam ex Hispaniâ attulisse credebatur, sua manu perscripsit. Egmondanus terror fulmenque Galliæ (prædicante id Mondulce-to Caroli 1x. Gallorum Regis Legato) primus cervicem gladio præbens, omne etiam moribundus fati solatium in gratiâ Philippi reponerat. Itaque orare eum, misereatur mæstissimæ viduæque conjugis, & undecim liberorum, numerosæque prolis fortunam, denique principis, sed miserrimæ domus sortem regia clementiâ levet. Se jam morti proximum, neque ferendis extremis imparatum, hoc solo voto preces, & desideria finire. Ea codicillis signata, ac in Hispaniam transmissa, ultimæ sollicitudinis fidem implere. Cornelius Gemma scribit, illum, qui dextrum sæpe Philippi latus clauserat, regij nominis imperio raptum laudabilique patientiâ in extremis usum, regæ voluntati tanquam fato ac providentiæ se subjecisse. Tum Philippum Montmorentium Comitem Hornanum idem exitus abstulit. Capita fortissimorum Heroiû truncis recisa, ferreisque pilis imposita triste spectaculum, odiaque populi, & circumstantium militum in Albanum auxere. Erant, qui meminissent post victorias Gallicis alijsque bellis partas eo in loco triumphales arcus inter applausus populi, sonantiumque cuneorum victoribus erectos fuisse. Nunc trophæa ipsa cæsorum debellatorumque hostium monumenta in usum sædissimi spectaculi conversa. Is exitus Egmondani Hornijque Comitum fuit, quos summis olim honoribus decoratos, Carolique ac Philippi militiam à triginta annis per Africam & mediterraneum mare secutos autores tradidere. Addunt ijsdem Gulielmum Nassovium Aurantium Principem, Willebrogano conventu eum eventum rerum Egmondano prædixisse; ac Gemmam Frisium Mathematicum eâ ætate celeberrimum, in Hornani Genetliaco fatalem illum casum è cæli constitutione, ac concurrentium syderum posituris observasse. Itaque eundem Montmorentium præmonuisse, præsentiam Albani, & forum declinaret, subductusque periculis pari cum socijs exilio privatæ securitati, & simul publicæ causæ consuleret. Cæterum mihi memoriam temporum revolventi observatum ut plurimum fuit, Tyrannorum sævitiam, & optumis quibusque imperatas mortes ab æternâ & immutabili providentiâ esse, fereque gentium libertatem, velut fato præfinitam, crebra supplicia, virorumque Principum neces tanquam tempestates venturæ serenitatis antecessisse. Quamobrem vindictâ ulteriore Arembergicæ cædis exardescens Albanus, sparsum per omnem oram militem colligi imperavit, Carolumque Brimæum Meganum ab excessu Ioannis Lignæi Arembergij

Egmondanus, & Montmorentium gladio percussus.

Præfagia cædis.

Albanus contrahit militem.

gij Præfecturâ Frisiæ omniumque intra Flevum Amasumq; ditionum cto. 13. donatum, Groningam mox cum copijs ablegavit. Erico quoque L x v i i i. Brunsvigio duo millia equitum levis armaturæ conscribendi potestatem fecit, navesque plurimas com meatu onustas propè Delphzilam stare jussit. Ludovicus verò castra ad Groningam metatus, copiarum partem in cænobio Selverdico locaverat, victoriæque velut uti nescius, otio, & infumendis stipendijs militem alebat. Unde factum est, ut gerendarum rerum magnæ occasione elaberentur, ipseque Ludovicus, etsi Hoogstratani auxilijs adjutus, levibus tantum velitationibus cum Carolo Megano certaret. Aded verum est adversa tolerari, prosperis vero corrumpi ingenia Principum, & fælicitate inolescere.

Albanus verò serio rerum apparatu occupabatur. Quippe præmissa *Albanus bellum meditatur in Frisia.* in Frisiam Chiappino Vitellio cum decem cohortibus peditum, mille & quingentos Germanos, & Casparum Roblesium cum sex signis subsequi jusserat, præter eas pedestres copias quas Ægydius Barlamontius Hyergius ducebat. Quibus de rebus certior factus Ludovicus metuensque ne cum majoribus auxilijs Albanus succederet, misso præcone Chiappinum Vitellium ad conflictum provocavit, qui diem pugnae necdum effluxisse mordacibus verbis respondebat. Inneubat quippe Vitellius Ferdinandum Albanum, mox cum valido exercitu adfore, & Arembergij manibus adhuc inultis opportunas inferias decerni. Quare Ludovicus qui circumdare urbem Groningam præ paucitate copiarum non poterat, Reiderio tantum & Dammonensi rivis obseptis, misso longæ obsidionis consilio, ut urbe potiretur, ad dolum conversus est. Itaque decem & sex milites, apud quos vitæ ac mortis nullum discrimen, & facile paratu omne etiam facinus videbatur, è toto exercitu delegit, qui armata corpora lineis camisijs contingentes, ac si è lectis dormitorijsque à milite Ludovici proturbati essent, ad portam urbis se contulere. Constituerant enim trucidatis vigilibus per vim portam occupare, & Ludovicum proxumè secuturum suis cum copijs intromittere. Sed sive fato, sive quod Ludovicus tardius cum auxilijs progrediretur, detecta res, Ludovicum successu consilij, fortissimum militem & animæ prodigum vita privavit. Pauci capti, Ludovicusque incertos rerum eventus animo volutans exercitum reduxit, quem Justus post Scouwenburgij, (qui mille schlopetarios, & quadringentos equites ductabat) diu sperata auxilia non parum roboravere.

Tum Ferdinandus Albanus collecto ex Italis, Hispanis, & Burgundionibus exercitu, x v i i. tormentis instructus, è Brabantia, post Geldriam Transisilaniamq; peragratas, Covardiam, dein Groningam advenit, multosque pontes trajiciendo amni factos secum duxit. Quorum rerum famâ excitus Ludovicus castra Slochterum movit, multo- *Ludovici res gesta.* que conflictu, cum Epirotis, qui eum ocys insequiebantur, equitibus, habito, etsi suffosso equo alterius beneficio servatus est. Itaque pugnae instantis discrimen expendens relicto Slochtero Iemmingam in Reiderios duxit, castraque in Amasi ripâ metatus, opperiri hostem constituit. Dein catarractas fluminis laxandis per agrum aquis aperi-ri jussit, ijsque intra alveum compressis (propterea quod flumen non nisi tempestate, aut æstu motum exundaret) à speculatorijs cohog-



clo. Io. tibus, quas Albanus præmiserat, sed maxumè ignaviâ militum cir-  
LXVIII. cumventus est.

Illi namque in ipso discrimine, aleam jacere, canere, potare, bel-  
lum lusu, periculum securitate miscere, lacerare signa, aut prohibitu  
deferere, eaque facere, quæ maturando exitio erant. Econtra cele-  
rare prælium Albanus, instigare Præfectos, hortari milites periculum  
in morâ esse, ne firmiore opere Ludovicus se circumdet, aut patente  
post tergum Amaſo majora auxilia accipiat. Ita velitatione præmiſ-  
ſâ graviore mox prælio partes concurrerunt, in quo ſchlopetarij ferè  
omnes (quos ad prohibendum ponte hoſtem à Ludovico miſſos Cl.  
Franckena tradit) fraude ac perfidiâ ruſtici cecidere. Is namque ſex-  
centos tantum Hiſpanorum, cum jam tota acies inſtaret, ponti immi-  
nere, ac expeditâ paucorum manu repelli poſſe falſò nuntiaverat. Qua-  
re ad mandatum Ludovici progreſſi ſchlopetarij fæde decepti, & ſuſti-  
nendis exercitus univerſi viribus impares, accedente nitroſi pulveris  
defectu fædâ interneccione deleti ſunt. Nihilominus Ludovicus ordi-  
nes inſtruere, monere militem ſacramenti, iret in hoſtem jam in acie  
ſtantem, efferum ſociorum ſanguine, mox, niſi pugnarent, ſuo ſe  
paſtutum.

*Ludovicum  
verba facie  
ad milites.*

Cogitaret illum; patriæ vaſtitiem, genti excidium, uxoribus liberif-  
que (quos impotentia ſexus ætatiſque domi reliquerat) pejorem mor-  
te ſervitutem minari. Pugnarent itaq; quo ſolo præſens periculum vi-  
tari poſſet; aut glorioſâ morte, adverſiſq; vulneribus conſoſſi inſtar  
fortium virorum cruentam hoſtibus victoriam relinquerent. Sed ſpre-  
tâ ſacramenti religione contumax miles, (quem ex Oldenburgicis con-  
ſcriptum fuiſſe, fidus autor notat) prælij puncto Ludovicum ſtipendia  
poſcens pugnam detrectavit, cæſuſq; aut Amaſo flumini immerſus in-  
terijt. Ludovicus poſt præſtitum optimi fortiffimiſq; Ducis exem-  
plum fæde à commilitonibus tandem dereliſtus, ſcaphaque Amaſum  
tranſveſtus in Tranſamaſanos ſeceſſit. C. Gemma tradit, Germanos  
ipſo inſtantis pugnæ tempore, ſtipendia importune poſtulantem, ferè  
ipſum Ludovicum prodidiſſe, eundemq; nudum vicinum flumen, iſtius  
artis peritiâ enataſſe. Tradunt annales tantam in caſtris Ludovici in-  
ſolentiam fuiſſe, ut miles majore ſlagitio dubium arma projecerit, an  
vexilla legionum diſcerperit. Nonnulli beneficio ſoſſarum incilium-  
que ſervati triduo poſt Embdam devenere. Juſtus quoque Scouwen-  
burgius cum ducentis equitibus pugnæ ſubductus Bondam evaſit.

Reperio in hiſtoricis narrationibus A. Franckenz, D. Galama Fri-  
ſicæ gentis virum nobilem, cum paucis fugientem plurimos hoſtium,  
qui acrius Ludovicum inſequebantur, à ſuis diſjunctos interemiſſe,  
reſertumq; ſpolijs vitæ ſervatum. Ludovicus collectis ſparſi exerci-  
tus reliquijs ad fratrem Gulielmum Naſſovium Aurantium Principem  
ſe contulit. Duo millia illo prælio cæſa, prædaq; ingens victoribus  
conceſſa. Tum in victore exercitu ſupra matronarum ac virginum  
omniſque inſolentiæ exempla viguere, abactis è Reiderio agro XVIII.  
pecorum millibus. Annotatum quoque invenio x. Kal. Aug. (qui  
dies Jemminganæ pugnæ poſtridianus fuit) Leovardios comparatis ad  
hoc curribus com meatum atque annonam Ferdinando Albano proci,  
raſſe-



rasse, eundemque Albanum victoriâ potitum VII. Kal. in Heileger-  
læum cænobium, post Delphzilam atque Dammonam rediisse, qua-  
rum priorem deumbratâ novæ urbis formâ commutare velle imposito  
Marspurgi nomine credebatur. Isti namque rei Chiappium Vitellium,  
& Paciottum Antverpianæ nuper arcis architectum, tum Iohannem  
Knijssum Groningensium Præsulem, consecrando templi loco de-  
legaverat. Sed Groningensium precibus, ac Caroli Brimæ Frisæ Præ-  
fecti intercessionem condendæ urbis negotium omissum est. Quo tem-  
pore Margareta Marchica ab AreMBERGIJ mariti morte BRUXELLIS agens,  
ut defuncti memoriam innovaret, litteras in Frisiam dedit, procuresq;  
eius populi hoc modo salutavit.

**L**UCTIVOSISSIMUM casum, qui mihi domuique  
meæ evenit, non ignorate vos puto, erepto terris AREMBERGIO marito meo  
& vitæ fortunarumq; consorte. Qui cum pro PHILIPPO  
rege, pro tuendis agris finibusq; vestris, ut egregij exercituum Duces solent,  
mortem oppetierit, ita recordari vos credo quâ laude Præfecti imperium Caro-  
lo Philippoq; rerum potiuntibus gentem apud vestram obiverit. Quâ ex cau-  
sâ sibi æternum decus peperit, fecitque, ut vos magno affectu vivum amare-  
tis, quem mortuum desideratis. Itaq; & ego, dum in provinciâ vestrâ sub-  
sistiti, communem cum marito fortunam, & sortem experta, propensos in me  
animos vestros sensi, quos ut servetis etiam erga me absentem, & orbitate mi-  
seram obnixè peto. Ego certe, quæ maximam ætatis meæ partem vestro in  
solo, vestris in terris cum desideratissimo marito exegi, vos jure meritoque a-  
mavi, & ita quidem ut à sororis conditione non abfuerim. Quin omne offi-  
cium à primogenito filio, à reliquis liberis pignoribusque meis, paternæ, ut  
auguror, virtutis vestigia pressuris, expectate, ac pro certo habete AREMBER-  
GICAM domum, etsi tristissimo hoc casu infelicem, vobis addictam fore. I-  
dem ut faciatis mihi liberisque meis, impense oro. Litteræ prid. Kal. Aug.  
BRUXELLIS datæ.

Similes litteræ à Johanne Roorda juris perito, qui in Comitatu æ  
aulâ Margaretae Marchicæ fuerat, & tum causarum patronum in supre-  
mo Senatu Mechliniensi agebat, ad Deputatos Ordinum missæ, quæ  
AREMBERGIJ laudes prolixè enarrabant, & quantum doloris ex ipsius in-  
speratâ morte Rex simul & provinciæ hausissent. Hoc etiam petebat,  
ut si forte ab Albano Philippi prorege, populus Frisicus ad comitium  
vocaretur, Frisij de defuncti justo temperatoq; regimine apud Albanum  
testarentur, eundemque AREMBERGIUM turbatissimis temporum, Phi-  
lippi hostibus armatâ manu, atq; fortissimo exemplo restituisse. Tum  
de successione filij mentio injecta, petitumq; ut proximo comitio,  
quod Frisij habituri forent, eius ratio haberetur. Hoc verò dolebat  
Margareta, omisam esse à Frisij doloris publici, quem ex morte præ-  
fecti sui facere debuissent, testificationem, Frisiosq; neglecto more,  
regis Gallorum, Bavari ac Lotharingi, tum Transilvaniae, Transilavica-  
norumq; officia in complorando funere neglexisse. Non misisse lega-  
tos, nec expeditivisse litteras solemnum testes, quod in illorum exe-  
quijs fieri soleret, qui præclaras bello paceque res gessissent, & qui lau-  
dabi-

clo. Io. dabilis imperij finem egregiâ morte, & imitando posteris exitu coh-  
 l x viii. nestassent. Ad quas Iohanni Roordæ responsum.

**L**itteræ tuæ nobis bene traditæ sunt, ex quibus desideria Margaretae Marchicæ Aremborgij viduæ cognovimus. Cuius memoriam ex gloriâ gestarum apud nos rerum sub Carolo Philippoq; quia amoveri non sinemus, ita testamur gravem nobis luctum acerbissimumque maiorem ex illius excessu obvenisse. Cui quoque condolere in animo habuimus, nisi incertis rumoribus evulgata mors fuisset, & nisi formidassemus Margaretae luctum lugubri officio geminare. Cæterum, ut testemur de affectu nostro, quo orbam Marito Margaretam prosequimur, dabimus operam, ut apud Albanum, si conventum populi Frisici indixerit, & Præsæcti nostri memoriam, actamq; cum laude ætatem, & juxta liberos superstites commendemus, ac ut filium paterne laudis & imperij heredem habeamus. De reliquis petimus, ut mæste desolatæque viduæ, liberisq; nostro nomine omne officium promittas, fidemq; facias, nos Aremborgij etiam à morte cultores filium liberoq; in spem futuræ successionis salutare. Neq; omitemus Ferdinando Albano nostrum desiderium exponere, quo favoris nostri amplissimum documentum extet. Litteræ Leovard. xv. Kal. Septemb. datæ.

Quibus confirmandis missi sub exitum Augusti ad eandem Margaretam Marchicam Ruardus Roorda, & Hero Ockingha, quo ægritudine Margaretae ex mariti morte conceptam, honesto alloquio levant, opeq; Viglij Præsidis idoneum, si res adhuc integra foret, successorem Aremborgio peterent. Quod in gratiam Margaretae ab Ordinibus Frisicæ factum facile crediderim, quò filius, quem primo partu enixa erat, per Viglium & Legatos, paternam in dignitatem succederet. Quibus & hoc in mandatis datum, ut apud eundem Præsidem, de immoderatis fisci regij actionibus quererentur, nobilitatemque & simul locupletiores fiscali actione non in iudicio regio, cæterum coram Albano conveniri.

*Albani iter  
 in Brabantiam.*

Tum Albanus Groningæ (quam v. Kal. August. pro more victoris à clero universoque Senatu magnâ pompâ exceptus intraverat) suspectâ civium fide validam arcem munimentum durioris imperij decrevit, locatoque ibidem valido præsidio, ordinatisque per Provinciam rebus Ultrajectum, & dein in Brabantiam properavit, cui imminere magno cum exercitu quem in Treviris lustraverat, Gulielmus Nassovius, Princeps Aurantius dicebatur. Qui Trajecto post Rheno, dein Mosâ flumine, ut fraternæ ad Iemmingham cladis infelicitatem vindicare, Ferdinandum Albanum apud Trajectum Mosæ loricâ castrorum clausum ad pugnam nequicquam evocavit, consumptus morâ, & annonæ penuriâ, post seditione militum, (qui præfecti cæde nefarias manus imbuerant) fractus, in Germaniam se recepit, suamque & Ludovici fratris fortunam principis animi constantiâ toleravit. Dein peracto Iemmingano prælio copiæ iterum in præsidia reductæ, ac decem cohortes peditum, quibus Ægydijus Barlamontius Hyergius cum imperio præerat, per Leovardiam urbem, & suburbana loca iter fecere. Tres quoque cohortes è Valonum gente Leovardicæ noctem egere, posteroque die in Transfulaniam ablegatæ propriam illis temporibus sollicitudinem du-  
 bix

*Exercitus  
 in præsidio.*

biz urbi excussere. Tum Prid. Non. Augusti, ob Iemmingham cō. 13. Albani victoriam supplicationum dies, per omnem Frisiam institutus, l x viii. eorumque nomina, qui Ludovici Nassovij partes illo bello secuti erant, ad Senatum regium perlata. Ita sursum ac deorsum prosperis juxta & adversis immixta res per Frisiam fluebant, robustioribusque sensim nervis mutabile, & incertum eventibus bellum trahebatur. Pro cuius mole animum quoque Philippi jam diu exasperatum. majora odia induisse, per ipsam quoque Hispaniam tristissima exempla & imperata Legatorum mortes docuere. Ioannem quippe Bergæ Marchionem, carcere, & ægritudine mentis ferme absumptum, post veneno extinctum, omnis fama asseruit, Florentiumque Montmorentium tentato nequicquam effugio apud Segoviam gladio percussum, infelicem Legati sortem explevisse. Quod factum pessimæ per omnem Europam aulasque regum famæ fuit. Hoc scilicet unum Philippo superfuisset, ut tot millium per Provincias sanguini fuso, & Principum cædibus, omni jure, mox etiam gentium violato, ipsorum quoque Legatorum neces adjiceret. Mox percrebescens per Frisiam rumor tot tristium rerum famæ superaditus Caroli Hispaniæ Principis mortem nuntiavit. Creditum fuit, eum secretis novercæ conloquijs, dein consuetudine Belgicorum Legatorum Marchionis Bergæ, & Montinij usum familiaris, suspicionem proni in Belgicam affectus dedisse, & ab illo durior Philippi patris imperio alienum, tutius mitiusq; remedium componendis civilibus turbis destinasse.

Legati in Hispaniâ perierunt.

Caroli Hispan. Principis mors.

Boræus addit eum ab inimicis & paternæ aulæ assentatoribus fugæ aut similis consilij insinulatum, ac si per secreta cum Aurantio Principe literarum officiorumque commercia arripiendi per Belgicam, Principatus cogitationem cæpisset. Certè verisimile est, Carolum Principem in vigore ævi constitutum, nuperæque quo minus in Belgicam cum imperio iret, repulsæ haud oblitum, dignas filio regio curas agitasse, quibus inlatæ contumeliæ labem, æmulationesque inimicorum principis irâ, & opportunis vindicijs ulcisceretur. Cæterum Caroli arcanum per excussa, jussu patris, scrinia detectum infelici eum exitu, & juxta regiam domum magno infortunio multavit. Quippe severo patris imperio in carcerem datus, duriusq;, quam Principem filiumq; decebat, habitus incerto sine vitam clausit. Multi credere eum fractâ per nervum gulâ, aut, quod verius duxerim, lento veneno, ac mærore animi (nam utrumque tradunt) extenuatum, inlatumque præservido balneo ruptis exolutisque venis exspirasse. Elisabetha Vallesia Philippi uxor, Caroli noverca, intellectâ (quo cum consuetudinem stupri habuisse Philippus suspicabatur) privigni cæde, dubium, suo an alieno jussu extincta. Ita regia Philippi domus duplicis paricidij non obscura suspitione sædata.

Reperio in libris Edictorum Frisiæ, Philippum Albanum, qui ad Trajectum Mosæ castra tum tenebat, vi. Kal. Jul. de morte Caroli perscripsisse, Carolumque pœnitundine suæ imbecillitatis ductum, post applicata ei morientium solemnia, glorioso & pio exitu decessisse. Philippi quoque jussu principi umbræ per omnem Frisiam ad v. Non. Octob. diem supplicationes decretas, Carolique exequias v. i. i. l.

Caroli bono varium funus.



clo. Id. Eid. ejusdem mensis Mariæ Anglicæ exequijs assimilatas, funestis fol-  
LXVIII. lemnibus, & lugubri pompâ celebratas.

Neq; Ferdinandus Albanus Iemminghanâ victoriâ ac prosperitate  
fortunæ elatior à statuendis quoq; immanibus exemplis cessabat. Quip-  
pe post præclaros per Brabantiam necatos viros, Culenborgiorum Co-  
mitum palatium quod Bruxellis visebatur, ob pactum in eo (de quo di-  
xi.) Fædus, ac conventus Principum habitos, dirui jussit, & ut ipse  
in conscientijs non tantum temporum, sed & monumentis quoque pe-  
rennaret, poni curavit hoc ipsum cum inscriptione:

Monimen-  
tum diruti  
Palatii.

REGNANTE PHILIPPO I I.  
CATHOLICO HISPANIARUM  
REGE, IN HEREDITARIIS  
BELGII PROVINCIIS GUBER-  
NATORE FERDINANDO ALVA-  
RES TOLETANO, DUCE AL-  
VE, MARCHIONE CORIAE, &c.  
DECRETUM FLORENTII PAL-  
LANTIS, COMITIS CULEN-  
BURGII PALATIUM, PROPTER  
DETESTANDAM IN EO CONIV-  
RATIONEM HABITAM, ADVER-  
SUS ROM. CATHOL. RELIG. RE-  
GEM HISPANIARUM, STATUM-  
QUE BELGII, SOLO EQUANDUM.

Dein ne vestigia fæderis ullibi cernerentur, ejusque memoriam de-  
leret necatis autoribus, omnes fæderi adscriptos qui in Frisîâ perman-  
serant, VIII. Kal. Sept. edicto Antverpiam evocavit, intraq; trige-  
simum diem ad dicendam causam adesse jussit. In eorum numero, qui  
citati erant, Deitzius Wingia, Watzo Aylva, Wigerus Eelsma, Ti-  
tus Hettingha, Tiepco Gollingha, Tetardus Jellersma, Taco Galama,  
Sixtus Emingha, Schelto Tiarda, Sixtus Donia, Scipio Meckama,  
Serapius Galama, Ritico Eysingha, Otto Herama, Oeno Gro-  
vensteinius, Lasius Heringa, Iorritius Hania, Upco Burmania, Edo  
Abbema, Idzardus Douma, Gellius Ridderfma, Ioannes Bonga,  
Hesselus Emingha, Oeno Heringha, Horatius Unia, Ielto Eelsma,  
Gemma Burmania, Ægydius Iacobæus, Fredericus Offenhusanus,  
Franciscus Gerritius, Foppius Douma, Focco Eysingha, Erasmus Dou-  
ma, Edo Gerbranda, Douwo Douma, Botto Emingha, Atteius Fer-  
nia, Alephus Iærsma, Aggæus Ofsingha, & Auco Unia fuere. Quos  
omnes asperitate fori, & magnitudine periculi deterritos, Feconem Rha-  
lam, & Georgium Godefridum in supremâ Curiâ causarum patronos  
Antverpiam misisse, qui suo nomine responderent, patriæ Historiæ  
jam

jam ante scriptor Bernardus Furmerius annotavit. Mox Frisicæ No- cIo. Io. bilitatis clarorumque virorum nomina pro rostris recitata, damnataq; à L x VIII. Senatu Regio, & quo in populum exirent, templorum valuis, locif- <sup>Federato- rum nomi- na proclama- ta.</sup> que publicis affixa, per omne Provinciæ Tribunal strepuere. Ita Epæo Doumæ, Francisco Eysinghæ, Wilconi Holdingæ, Giboni Haerdæ, Hommio Hettinghæ, Hesselo Oosthemio, Wigerø Eellmæ, Siuckio Eminghæ, Foppio Camstræ, Deitzio Wingiæ, Epæo Bootsmæ, Douwoni Glinzio, Renico Gerlacio, Francisco Hugenio, Menenio Sceltamæ, Hesselo Feitzmæ Hufumano, & Hesselo Feytzmæ Peinsio, Edoni Heringhæ, Tarquinio Vallesio, Allæo Teiesio, Henrico Albartio, Petro Petræo, Gerardo Florentio, Focconi Aysmæ, Gabinio Selsmæ, Gualtero Coquillano, Ioanni Symonio, Sibrando Sibrandio, Cornelio Cornelij, Siboldo Aysmæ, Iepponi & Suffrido Vrielsmæ, Theodoro Gulielmio, Leoni Symonio, & Tiberio Oenamæ Iureconsultis, Ebeo Tinckenio, Carolo Roordæ, Siricio Fungero Iureconf. & Cornelio Fonckio ærarij Tribuno sarcina fædi in Regem criminis imposita, hominesque innocentia perfrugium, & secretum tutoris vitæ extra patriam captantes, ne quid illorum miseriæ deesset, in ipsâ patriâ per Philippi Senatum damnati sunt. Alij codices Iulium Heringam, Ioannem Bongam, Oenonem Heringam, Ielfonem Eelsmæ, Ægidium Iacobi virum consularem, Alefum Aggemam, Gulielmum Bongam, Tiallungum Eysingam LL. Doctorem, Franciscum Hemmum, & Doconem Tetlæum Iureconsultos, Everardum Arckenium, Herconem Ruardum, Ludolphum Nautam, Theodorum Emskerckium, Ludolphum Sartorium, Petrum Textorium, Leonem Haniam IC<sup>um</sup>, Popconem Roordam, Popponem Aggæum, Aggæum Henricum, Thomam Chirurgum cæterosque addidere, eosdemque feralibus proscriptionum tabulis per Frisiam circumlatos sui in patriam studij iniquum præmium reportasse. Nobiles quoque, Consulares, & patritiæ sæminæ, ut maritorum fortunæ, ita exilij consortes eadem lege damnatæ, conjugalis lecti societate communem cum maritis injuriam sustinuerunt. Ita per arma, & simul iudiciorum metus oppresso fædere, plenam inter securitatem Ferdinandus Albanus agebat. Qui propterea, excusâ omnis adversæ fortunæ curâ, more mortalium, sælicum præliorum, & simul enormis sævitia gloriæ duraturis monumentis consecrare aggressus, de erigendo sibi Trophæo cogitavit, quod ex merito bellorum, & pacatæ Belgicæ se consequutum opinabatur. Quare per omnes Provincias, ut & Frisios, publicas supplicationes indixit, ut extruendo quisq; monumento foedæ Tyranni famæ votum nuncuparet. Theatrales quoq; ludi alibi locorum instituti, gymnasticæq; concertationes concurrentium velut in pugnâ, militum triumphis atque ovationibus immistæ. Quare fortunæ suæ ac prosperitatis vix capax, trophæum ex solido captivoque ære ( id enim addi placuit, arte sculptoris constatum, cum superbâ inscriptione poni sibi iussit:

clō. Is.

LXVIII.

Monumen-  
tum  
cum Albani

FERDINANDO ALVARES à To-  
LEDO, ALBÆ DUCI, PHILIPPI  
II. HISPANIARUM REGIS APUD  
BELGAS PRÆFECTO, QUOD EX-  
TINGTA SEDITIONE, REBEL-  
LIBUS PVLSIS, RELIG. PROCVR.  
IVSTIT. CVLTA. PACEM FIR-  
MARIT, REGIS OPTUMI MI-  
NISTRO FIDELISSIMO POS.

Quod monumentum ex æneis, ut multi putant, Ludovici Nassovij, quæ ad Iemmingham in Frisijis reliquerat, tormentis formatum, magnam ei invidiam paravit. Erant namq; qui arrogantis, & supra fortunam se habentis ingenii id factum interpretarentur, Ferdinandumq; Albanum, velut humanæ fortis oblitum, statuam æneam fallaci, & non stabili gloriæ, temerario & superbo consilio non prævisâ futuri adversitate consecrasse. Fluxas quippe & caducas rerum humanarum vices esse, nec eodem semper loco stare hominis fortunam, prosperis, ut plurimum, adversa miscentem. Idcirco XIII. Kal. Ian. grates, per omnem Frisiam Albani successibus in templis actæ, Trophæumq; Duci velut debellatis partibus erectum, minuendæ invidiæ publicâ supplicatione cohonestatum est. Etiam ne per Frisiam novæ partes surgerent, (quæ haud procul Monachozilâ in Translavanis à fugâ Ludovici Nassovij parabantur) litteræ Senatus Regii ad Prætores Grietmannovsè per omnem Oostergoam datæ, quibus suorum finium curam gerere submovendis trans Lavicam Fæderatorum copijs jubebantur. Itaque campanum æs per confines Lavicæ amni Præturæ pultatum, adactaq; ad sacramentum rusticâ plebe, dispositæ excubiæ ad claudendos viarum aditus steterê. Ferdinandus quoque Albanus Nobiles Fæderatosq; Frisios ad VIII. Kal. Sept. jam ante Antverpiam evocatos, denuò citari per Edictum fecit; judiciumq; subterfugientibus extrema pænarum denuntiavit. Creditores quoque, & hypothecarios actiones in res bonaque exulum habentes, intra decimum quartumque diem Joanni Carolo Fisci advocato exhibere obligationum suarum tabulas jussit, reperitisque per mensium intervalla confiscationum edictis solitudinem provinciæ paravit. Quare ejectis Frisia fæderis socijs ut animos cæterorum quoque domaret, primarias civitates trans ac cis Lavicam, Leovardiam atque Groningam, cæteraque per Frisiam oppida validis præsidijs obsepfit, quæ conterrendis iisdem provincialibus in omnem lasciviam, atque insolentiam nullo coërcente effundebantur. Ablegatis namque in Transfulaniam quatuor Germanorum cohortibus, quas Groningæ post Iemminganam pugnam reliquerat, Gasparum Roblesium hominem Lusitanum, legionis Valonicæ Præfectum, cum VI. signis præsidio urbi esse jussit, eandemque gravi mille & ducentorum aureorum in singulas septimanas tributo assignandis militi

Ferdinandus  
Albanus  
citatus  
Fæderatos  
Antverpiam.



militi stipendijs exhaustis. Post Magistratum omnem annuum ante c. 10. Id. edicto perpetuum fecit, corrigendisq; per universam Frisiam (quæ Fle- l. x. viii. vo Amaoq; clauditur) fæderatis, Carolum Quaræum virum equestris ordinis, & Brabantinæ Curia: Senatorem, in Frisios amandavit. Qui confecto Leovardia, ob quod venerat, negotio, factaque Ioanni Carolo cognitori regio inquirendi potestate, Groningam properavit, sumendisq; supplicijs se dedit. Quod duri iudicis officium perdomandæ gentis Frisicæ, ac Translavicani populi contumaciæ reperi- tum nulli dubitabant. Tum de Elisabethæ Vallesia: Philippi conjugis morte fama in Frisiam perlata, confirmataque litteris Concilij Status Belgici continua tristium exemplorum nuntia ex Hispania aulâ & Philippi domo divulgavit. Quamobrem ad VII. Eid. Ian. dies Elisabethæ exequijs per Frisiam præfinitus, imperatumque à Philippo, ut solennia funeris, & apparatus pompæ antea actis Caroli Principis exequijs convenirent. Ut scilicet privignum & novercam à suspitione perpetrati incestus non immunes, ut violentæ mortis, ita exequiarum communi- o esset, tragiciq; regis stirpis exitus ijsdem officijs, & haud dispa- ri sine signarentur. Tradit Everardus Reidanus scriptor eximius nimi- am illam novercæ cum privigno familiaritatem sædæ & secretæ consue- tudinis non leve indicium fuisse, Elisabethamque Vallesiam virilis sex- us fætum immaturo, & quinquemestri partu ope medicantium, vel- ut discutiendis uteri obstructionibus, clâm enixam, materiem sinistrae suspitioni præbuisse. Insolens namque & à lege artis alienum vide- batur, fæminam utero gerentem, provectâ & jam vitali embrionis mole, sectionibus venarum, & purgantium pharmacorum exponi, motisque aut vacuatis corporis infirmi contentis, & fluxili humorum materie per violentis revulsiones vim visceribus inferri. Mox Ioan- nes Knyffius vir patritij apud Ultrajectinos sanguinis, profundæ erudi- tionis ac eximie autoritatis vir, Groningam missus, habitaque longâ cum Wittewerumano, mox Adoardico Præsule contentione, quod o- pulenta cænobia & jam temporum vitijs soluta luxu, suæ doti adij- ceret in possessionem Groninganae Sedis immissus est. Tradunt autores Knyffium antistitem modeste imperio suo usum, ducendisq; populi a- nimis validum flagrante apud Translavicanos gratiâ viguisse, factaque cum Abbate Morimontio (quem Cistercienses Adoardici sumptibus quoq; Clarecampensium Præsulis Burgundiâ evocaverant) transactione annuam sex millium pensionem impetrasse. Apud Frisios verd, ut nu- per Margareta Gubernatrice, ita illud negotium hoc quoque tem- pore de voluntate eorum protractum, qui Anno c. 10. Id. LXIV. pa- ANNO trio juri ac libertati adversum, publico decreto pronuntiaverant. Quare c. 10. Id. LXIX. Ferdinandus Albanus erectæ apud Groningam Sedis exemplo, tum præ- fractis populi moribus impulsus litteras in Frisiam dedit, in quibus, ut locum facerent Episcopo, severè hortabatur. Prolatam diu quippe rem pietati gentis & juxta salutem dicatam aiebat, hominesque publicè inquietos, velut in licentiâ regno, immodestis moribus & solutiore vitâ usos reverentiam excussisse Romanæ Sedi, & juxta Carolo Cæsari à majoribus tributam. Quod malum quia divinum omne atque hu- manum temerasset, clero etiam ipso per uberrima otia in luxum atq;

Elisabethæ  
Philippi V.  
xoris mort.

Knyffius  
Episcopus.

CL. Io. superbiam prolapsus, disciplinâ opus esse, quâ animorum illi morbi coërceantur, & in viam redeant humanæ mentes in devia errorum ni-  
 LXIX. miâ licentia effusæ. Et quoniam antiquæ Ecclesiæ morbis non alio remedio quam ordinationibus Episcoporum, Censorumque subventum fuisset, ita rectè & prudenter Paulum, & Pios Pontifices Romanos cavisse, ut Provinciæ Belgicæ, quas frequentia populi ac commerciorum fortunâ ad magnitudinem rerum & simul vitiorum extulisset, crescente per prospera pravitatem plures quoque Episcopi ordinarentur, Frisicæque genti multâ cænobiorum opulentia, & cleri otio in lubidinem ac luxum effuso, Cunerus Præsul decerneretur. Quare ne Philippi regis autoritati, ac sanctionibus Romanorum Pontificum quid decedat, hortari se, ac munitum mandato regio jubere, ut eundem Antistitem Frisij recipiant, & quidem ocyus, pareantque ei è formulâ ac præscripto Episcopali tabularum, quas ipso Sedis natali in conventu Ordinum Frisicæ exhibiturus esset.

Quod Ferdinandi Albani mandatum, Margaretæ nuper Gubernatricis, validius tum fuit propterea, quod Albanus quæ decrevisset exequi etiam per vim, & arma certus confusionem omnium rerum, & tristes vindicias sprete imperij minaretur. Quare fundamentum ab eo tempore Sedi per Frisiam substructum, ipseque clerus, etsi quam maxumè animis adversaretur, Ferdinandi Albani decreto post obsecutus est. Qui ut exercitum Philippi, cui cum imperio præerat, per Provincias sparsum, arctius sibi per stipendia pignoreret, de novo per Belgicam tributo cogitavit, populumque opibus validum, ac commercij florentem, suis quoque viribus atterere conatus est. Igitur conventu omnium procerum Ordinumque Belgicæ (quo & Frisij adveniant) vergente Martio mense, indicto, multa de inopiâ regij ærarij & egentia subsidiorum præfatus, centesimam immobilium mobiliumque bonorum, & eorum quidem divenditorum vigesimam, mobilium verò commerciorumque decimam postulavit. Post de modis corrogandi per Provincias tributi latè disseruit, animosque præsentium Ordinum (quod in Hispaniâ suisque ditionibus, magno principatus sui stabilimento haberi assereret) ad rei novæ famam perculsos pavore ac metu complevit. Itaque eorum nomine Viglius Zuichemus ex Aytanâ apud Frisios familiâ, vir regij Senatus præses, verba facere iussus est. Is erudita oratione; Non esse eam Belgicarum Provinciarum, quæ Hispaniæ sit, conditionem ostendebat, variandasque leges pro varietate locorum, aut naturâ gentium esse. Hispaniam namque vasto Oceano, & altissimis montibus clausam, suis è terrâ proveni-  
 tibus, latifundijsque felicem esse, Belgicæ econtra provinciis per vicinam sibi invicem emporia circumseptis, quorum fortuna non aliunde quam à commercijs & facili annonâ esset. Ideo Philippum Burgundum, laudatæ memoriæ Principem, commercijs ac annonæ omnibus modis prospexisse, quod amoto vectigalium onere parvo sumptu florens populus victitaret, & ubere commercio subditorum suorum opes, atque divitiæ increscerent. Inde namque factum esse, ut in infrequentes primum habitatoribus Provincias, novæ velut omnium gentium coloniarum confluerent, omnesque nationes Gadibus & ipso Bosphoro, vel-

*Albanus  
centes.  
urget.*

*Viglius  
respondet  
Albano.*



ut terminis Europæ, conclusæ, in hoc terrarum centro, tanquam or-  
bis latissimi emporio cõrent. Ita sciret Albanus Philippi Burgundi &  
posterorum curâ, ac populi immunitate res Belgicæ evectas, non aliter  
robur suum atque potentiam amissuras, quam si advectæ ex omni  
orâ merces decimâ parte onerum augeantur. Indè fore ut plurimæ  
familiæ in Angliam aut Germaniam migraturæ sint, desertâ Belgicâ,  
& ditissimis mercatorum novâ lucri cupidine novas sedes quærenti-  
bus. Idcirco, remedium supplendi ærarij regij non eo modo, sed  
à precario populi tributo (antiqui rogas appellabant) haberi posse,  
quod Principes summa semper necessitate accepissent, & quidem eo-  
rum assensu quorum interesset, salvas Provincias esse. Neque enim  
hoc peregrinum, ut imperare pecuniam Rex non queat, nisi convoca-  
tis proceribus, & consensu populi interveniente, quod longa temporum  
serie in Angliæ regno etiam ab Eduardi IV. ætate obtinuisse Comi-  
næus fidus autor annotasset. Quod verò ad arcium (de quibus etiam  
Albanus monuerat) structuras attineret, eas modico sumptu pro ratio-  
ne ærarij, habendas, quin curandum potius ut refectis prioribus, quas  
tutandis finibus majores extruxissent, novarum cura evilescat, robur-  
que regij imperij à fide, & obsequio subditorum potius, quam dam-  
nosâ exactione, & operoso munitionum sumptu habeatur. Hæc fere  
Albano Viglium Præsidentem reposuisse autor Demetrius. Famâ ferunt  
responso Viglij ita Ducem excanduisse, ut istiusmodi Præsides Vilvor-  
dam custodiam perduellium ablegandos diceret, Vigliusque aspectu ac  
horrore Tyranni, velut ultimam necessitatem denuntiantis, syderatio-  
ne aut apoplexiâ feriretur. De Frisijs seorsim addi potuisset, Carolo  
Cæsari cessione Saxonica hæreditariâ Frisiæ Præfecturâ donato in sub-  
sidium, & dignitatem imperij asserendam, censum annuum, vectiga-  
les agros, portoria assignata, ut modus exactionibus, & avaritiæ Prin-  
cipum esset, & ne Provincialium facultates, ac ipsius quoq; ærarij  
opes, sola tuendæ servandæque adversus omnem vim libertatis remedia  
subverterentur. Interim fidem populi voluntario sæpe tributo detectam,  
Frisiosque, etsi juris sui retinentes, gratuitâ sæpe liberalitate affectas  
Principum res, atque impendia rerum præjuvisse. Hac tamen cau-  
tione interposita, Ne quid fraudis juri publico fieret, & ut omne va-  
lidâ Principis autoritate, five adulatione assentantium concessum, per  
attributam donationem, & beneficium populi rescinderetur.

*Albani in-  
dignatio.*

Itaque tum populus immodicæ exactionis fastidio, per omnem Pro-  
vinciam inquietus, majora consilia agitavit, sepulcrumque ante, velut  
torpidis animis, virtutem odio superbi Ducis exerere conatus est.  
Sic quos nec ante, ut Reidanus notat, sociorum fœdera, aut exilia, tum  
vel maxumè puræ veræque religionis oppressio ad implorandum armorum  
subsidiium excitaverant, sola fortunæ, & caducarum rerum cura ad de-  
fensionem patriæ instigavit, libertasque veteri mortalium ingeniorum  
morbo, infra opulentiam habita, conservandarum rerum familiarium  
cupiditate, & simul sævitia dominantium revaluit. Quamobrem Se-  
natus per Frisiam regius perceptâ populi per omnem Belgicam nova  
inquietudine præpediendis clandestinis conventibus se dedit, omneque  
cum profugis reformatisque commercium Edicto iterum sustulit. Ca-

*Criminatis  
Populi.*

vit



clo. Io. vit quoque, Ne peregrinis ullis aut advenis, nisi quibus testimonia  
L X I X. Magistratum Presbyterorumvè data essent, ulli per Frisiam agri aut  
prædia locarentur, adducereturque in discrimen Regis imperium de-  
letis partibus securum. Reperio in notis incerti auctoris, Iulium Bot-  
niam virum nobilem ex hoc ipso Edicto à filci regij patrono accusa-  
tum damnatumq; multæ loco totum prædium dependisse.

Mox Albanus PHILIPPI decreto Madriti in Hispaniâ VI. Eid.  
Maij perscripto, Edictum in causâ Religionis à CAROLO Cæsare  
Anno cIo. Io. L. publicatum, ac à Philppo primis Principatus sui an-  
nis confirmatum, renovari per Frisiam iussit, onneque rescritum  
spem, aut saltem speciem clementiæ præ se ferens, ob retardatum  
exactionis gravissimæ consilium rescidit. Ut scilicet titillante gloriâ  
ferox, & inflatus regni sui, aut futuri dominatus imaginem ostende-  
ret, fatalemque & præfractam feritatem desperationi, & post virtuti  
gentium, Principumq; præsterneret.

*Aurantij  
apparatus  
mari,*

Quamobrem Aurantius notato populi per omnem Provinciam mur-  
mure, ad alia consiliorum se convertit, damnaq; exaeratori ad Mosam  
exercitus reparaturus, relicta continentem mari experiri constituit. Cre-  
ditum fuit Casparum Colignium Gallici maris Præfectum istud consili-  
um suggessisse, ac si de liberandæ Belgicæ remedio opportunitate ma-  
ris portuumque benignior Natura prospexisset. Itaque Aurantius mis-  
so in omne confinium ad exules fæderatos, qui Embdæ, ac Vefaliæ  
Cliviorum latitabant, Ioanne Basio Iureconsulto homine Frisio subsi-  
dia gerendis rebus flagitavit, novique consilij prudens secretum apud  
exules sociosque exposuit. Quorum res etsi duorum annorum exilium,  
& erogata jam ante in Principem subsidia accidissent, tamen amor  
patriæ, & in eam reditus præconceptæ spes, ad officia pietatis exulum  
populum accendebant. Idcirco Aurantius pecuniâ turbæ exulantis,  
tum suo, ac propinquorum ære sublevatus navalem expeditionem ad-  
ornavit, validamque classem toto mari, quod Balthicum Caledonium-  
que tangit, adulto autumnno sparfit. Tum ne nautica pubes, aut clas-  
siarius quisq; sine disciplinâ ageret, peiraticævè se daret, leges classi  
suæ præfixit, sociorumq; rebus abstinere iussit. Eorum quippe nomine  
Romani Imperij, Galliæ, Angliæ, Sueciæ, Daniæ, & Vandalorum  
subditi censebantur, quod pro ijs aut religio fæderum, aut spes auxi-  
liorum intercederent. Cæterum libero mari increpescens libertas mox  
licentiam factura alieni cupiditatibus nauticam, & efferam pu-  
bem implicuit. Quare haud procul Flevis ostio, qua in mare delabi-  
tur, majores Frisios, & Flevolandiam interluens, Vandalicæ naves di-  
reptæ, fususque latè per terras & maria terror, omne confinium  
implevit.

Quare non uno comitio instruendis præfidiarijs navibus instituto,  
magnæ exactiones factæ, & imprimis à populo civico quem Senatus  
Philippi, tutando à prædonibus mari, istâ tributi specie prægravave-  
rat. Qui idcirco libellum supplicem, evulgatâ per civitates ac oppi-  
da decreti oneris famâ Carolo Brimæo Præfecto, & Senatuj regio of-  
ferri iussit, deq; rei iniquitate prolixè conquestus omne civilis con-  
cordiæ vinculum istâ onerum inæqualitate tolli criminatus est. Nimi-

os quippe in sumptus illud adornandæ classis confilium excrefcere, quibus sustinendis oppidani pares non forent. Multa namq; per Frisiam oppida annuis redditibus destitui, mercaturam ab urbibus in agros transferri magno illorum incommodo, quos præter pecuniæ nauticæ subsidium, militare quoque tributum, & grassantis pestilentiae lues exederet. Interesse tam agrariorum, quam civium, ut mare liberum sit, ac commercijs floreat, & ut piratæ circa ostia fluminum, & per æstuaria grassantes præsidiana classe, & per vim militum comprimantur. Ita per Hollandiam & Translavianos fieri, quo publica maris securitas publico & communi ære præstetur. Cæterum Senatus regius illud sustinendæ classis impendium oppidanis assignavit, solamq; subsidij ab agrarijs præstandi spem ac pollicitationem fecit. Invenio in actis eisdem agrarios, salvo tamen jure suo, quinque aureorum millia, præter ordinarium tributum regiae quoq; necessitati decrevisse, magnasq; contentiones in causâ tributi exercitas, modo regium Senatum, modo Deputatos Ordinum fatigasse. Sex quoq; Carolæorum millia mense Octobri petente Carolo Brimæo, regijs usibus decreta, ejusdemq; Brimæi interventu in collatione tributorum urbicos Magistratus cum agrarijs convenisse. Eundem quoque Brimæum trium millium honorario donatum, sive conciliando novi rectoris favori, sive ut prima imperij initia liberalitate populi probarentur

Albanum verò ut exigendæ centesimæ decimæq; pertinax studium, ita constituendæ per Frisiam Sedis acre tum desiderium incitabat. Quam obrem inversis metu periculi, an potentia jubentis dubium, populi Frisici ingenijs, Cunerum Petrum, natione Zelandum, & Lovanij tum doctentem Episcopum à Bullâ Pij IV. Pontificis (quam is Romæ VIII. Eid. Mart. Anno CIO. IO. xli. Francisco Sonnio Legato Regis communicaverat) ordinavit, eique diploma, & administrandæ Sedis rationem xviii. Kal. Decemb. Bruxellis præscripsit: Ea istiusmodi erat:

*Albanum Episcopum introduci vult.*

**E**piscono fiduciaria à Philippo Rege, & Ferdinando Albano, ad Archiepiscopum Ultrajectinum, & Monasteriensem litteræ dabuntur, quibus de Sanctione Pontificis, & jurisdictione novi Episcopi doceantur.

Episcopus mandatorum Tabulas exhibebit Præsædo, & Senatui Regio, qui eum coram religiosis D. Viti, & præsentem Magistratu Oppidano in possessionem Sedis mittent, & ad quos isto nomine litteræ dabuntur.

Episcopus introductioni sue diem præfinit, deductusque, clero a Præsædo, Senatu Regio, Magistratu, ac vicina Nobilitate in Cathedrale D. Viti favoni juramentum dicet, è formulâ isti actui præscriptâ.

Religiosi ad D. Vitum obedientiam vicissim Episcopo promittent; si gravati id fecerint, quod Ultrajectino obligator se censeant, litteris approbatorijs Ultrajectini, & bullâ Pontificis se muniet.

In possessionem Sedis missus conciones habebit, populum in Catholica Religione erudiet, visitabit Ecclesias, inque cleri oppidani mores, & doctrinam Presbyterorum inquireret, cum potestate morum religionisvè suspectos corrigendi, degradandique.

Ordinem quoq; mendicantium curabit, ut ritè doceat, scandalaq; ac errores Religionis emendabit.



CLIO. IO. *Loci vacantibus pios eruditosque pastores edituosque dabit, scholarumque*  
 LXX. *non tantum Leovardia, sed per omnem Frisiam curam geret, ac quid doceatur, expendet.*

*De consilio Pastorum, Magistratus oppidani Seminarium è prescripto Concilij Tridentini constituet.*

*Librarium officinas lustrabit, dabitque operam ne quid habeatur toleretur, præterquam quod Edicto Regis congruat.*

*Concilij Tridentini decreta promulgabit, si non omnia, saltem ea quæ Doctrinam spectabunt, & ad captum populi erunt.*

*Et quoniam, quo minus id jam ante ab Archi-episcopo Ultrajectino factum esset, per Senatum regium stetit, aliter hac de re edoctum, ita velle ut Concilium Tridentinum pro sanctione Pontificis, & ex Decreto PHILIPPI Regis vulgetur.*

*Dabit operam Episcopus, ut Clerus Edictis PHILIPPI regis de Religione pareat, contumaces in carcerem mittat.*

*Magistratum aliove iisdem Edictis non parentes, ad Senatum Regium, eo tardo aut connivente ad Præfectum Provinciarum deferet.*

*Episcopus Abbatis collegiaque monastica utriusq; sexus visitabit, tam ordinario jure Episcopo subiecta, quam è potestate sibi à Romano Pontifice data. Vetustate, aut incuriâ collapsas aedes sacras refici curabit.*

*Officium facienti Episcopo Præfectus Senatusque Regius omne subsidium præstabunt, & si res exigat, plures nomine Regis adjuvantur.*

*Laurentius Decanus ad D. Godelam comitem Episcopo se dabit, eique dum singula paret, à consilijs erit.*

*Episcopus in omnes Fidei ac hæreseos suspectos inquiret, jureque cum ijsaget.*

*Integros ab infectis discernet, regioque Senatus in Magistratum creatione operam commodabit, delectumque præscribet.*

*Et quia Sanctitas sex beneficia Sedi assignavit Cathedrale D. Viti fanum, Abbatiam Horti-Mariae, tum Canoniarum Regularium Cenobium apud Bergumano, & Præposituram Bolsuerdiensem, adnitetur Episcopus ut beneficia Sedi applicet, exigenteque necessitate, tueatur se procuratore fisci, & diplomatibus Pontificum, ac ipsius Regis mandato.*

*Episcopus omnia singulaque faciet, quæ ad conservationem Catholicæ Religionis, quietem & pacem publicam spectare judicaverit.*

*Hæc Ferdinandi Albani manu signata, & è Bullâ Pij IV. Pontificis excepta, eidem Cunero tradita. Itaque Cuneris mandatis Pontificum, Philippi regis, & Ferdinandi Albani instructus x. Kal. Febr.*

ANNO  
 CLIO. IO. *Lovanio Grudiorum civitate excessit, confectoquo decem dierum itinere Leovardiam pervenit, quâ in urbe primus post tot sæculorum*

LXX. *Episcopus ambitum Episcopatum inchoaturus erat, nullo populi favore, cæterum sola dominantium potentia subnixum. Mox à Segero Grosbecio viro Nobili, ( qui agente apud Tansfulanos Carolo Brimæo Comite Megano Frisæ Præfecto vicarium per Provinciam imperium gerebat ) in arcem regiam evocatus, noctem in eâ egit, dieque postero in urbem effusus, stipatusq; multâ procerum frequentia in Cathedrale D. Viti templum à Grosbecio deductus est. Dein celebrato postridie sacro, diem epulo clausit, ad quod ex omni Provinciæ orâ primores gentis evocaverat.*



caverat. Ut scilicet novi & diu Frisiâ arciti muneris invidiem genia- cto. Io. li festivitate elevaret, spectarentque Frisij hominem sacris operatum à lxx. vino, aut cenivalium dierum cultu non abhorрere.

Mox Bergumanum in Cænobium, quod doti Sedis applicatum, istius loci Præsul & vicina Nobilitas indignabatur, secessit, litterasq; Ferdinandi Albani manu vii. Kal. Decembr. signatas, Præfuli exhibuit. Litteræ habebant.

*Misimus litteras nostras ad regis Senatum, eiq; potestatem fecimus, quædam exponendi, quæ ad utilitatem publicam & simul Regis spectare videntur. Quapropter peto, & nomine regis mando, ut is, quæ denuntiabuntur, pareas, faciasq; fidelis subditi erga regem officium, qui id e re suâ esse censuit.*

Quas litteras & simul Senatus regij declarationem, etsi ut iniquam respueret, Præsul ita rescripsit.

**C**ænobium nostrum Episcopo tradere nostræ potestatis non est. Subjecti Capitulo Windesimano cuius membra sumus, multa à Pontificibus privilegia, multas immunitates obtinuimus à sacris Concilijs & ipso Carolo Cæsare, post ab ipso Concilio Tridentino approbatas. Quod ad sacramentum attinet, id Præsidi nostri ordinis diximus, quod separari nos ab eo socijsq; non sinit. Adhæc Ordinibus Frisiæ innexi antiquâ & veteri societate, & ita quidem, ut nostro arbitrio hoc negotium agi non queat, & quoniam Regi eiusq; Præfatis & administris semper ab officijs fuimus, ita periniquum est, Cænobium hoc everti, plurium familiarum nutritui, quæ in solo hoc sterili numerantur, iterq; Groningam versus facientibus inserviens. Tæteo reditus nostros largitionibus pauperum accisos, & ita quidem ut vix duo aureorum millia quotannis faciant. Itaq; frugalitatem professi, & inculpatum vitæ otium obeundis sacris dedimus egimusq; ut ad exemplum exorbitantis alibi cleri decens disciplina hoc in loco vigeret. Nullius criminis factiq; conscj sumus. Quare jus nostrum Episcopo cedere, neq; Ordinis nostri regula, nec Pontificum Conciliorumq; diplomata admittunt.

Libellus quoq; supplex pro Præsule regio Senatui ab Ulpio Heemstra, Frederico Arnoldio, Bruchtio Altao & Adriano Cronenburgio oblatu, invalidis in totum rationibus, quæ irati regis imperio & superbi dominantis asperissimo jussu subvertebantur. Ex quo etiam factum est, ut in ipso quoq; Philippi Senatu quasi dicundi officia cessarent, partiumq; odio, aut gratiâ corruptum iudicium culpabili mora, sicuti per Iustitium, extraheretur. Quod cum in Pelgromio Indikio prætore nuper regio, multorum criminum facinorumq; insimulato, fieret, litteræ ab Ordinibus ad Philippum & illius Proregem datæ, quæ Senatum regium puniendis improbis tardum non vanâ neglecti juris suspitione gravabant. Itaq; Albanus Philippi nomine Senatum increpavit, datiq; Antverpiâ xiii. Kal. Febr. litteris eundem aspere sui officij commonuit. Tum ne ipse frequentioribus iudicum suorum accusationibus fatigaretur, ipsi quoq; Pelgromio, quamvis severius Philippi imperium odio libertatis probaret, jus dici à Senatu mandavit, integritatemq; regio, iudicio, etsi, ut multa istorum temporum acta arguant, partium affectibus obnoxio, adstruere conatus est. Reperio

clo. Io. in actis Episcopalibus nobilem quendam, & in dignitate prætoriam constitutum, nobilissimæ virginis amore captum, eam contracti secum matrimonij insinulavisse, Quæsitoremq; rerum fiscalium utriq; reo in foro Episcopi actionem intentasse. Episcopum quoq; ipsum in Divæ Annæ Cænobio, quod urbi Leovardiæ in ortum Solis æstivum est, pro Tribunali sedisse, invocatoq; Christi nomine, utrumq; reum, demandato in futurum silentio, absolvisse. Quæ res, quia amplitudinem regij supremiq; judicij, quod Carolo Philippoq; regnantibus, matrimoniales controversias cognoverat, minuere, & simul licentiam juvenilium ac sæpè inanium amorum videbatur, primo quoq; dominatus Episcopalis tempore odium ei conciliavit.

Post v. Kal. Mart. promulgatis, ut jussus erat, Concilij Tridentini Sanctionibus Cathedralē Sedem ad D. Vitum posuit, locumque velut nupero motu populi profanatum lustro adpersit. Senatus quoq; regius Antonium Lavailium, Petrum Frittemam Senatores, & Joannem Carolum Fisci Advocatum è suo cætu delegavit, qui de dignitate & personâ Episcopi apud populum agerent. Scribit Suffridus Lavailium speciosâ & gravi oratione verba fecisse, ac ad obedientiam Sedis quosq; hortatum, præsidium Regij Senatus eidem Episcopo addixisse. Idem Ioannes Carolus vir eruditus nonne Philippi fecit, modo ne Principis jurisdictio, aut jura Majestatis regiæ arctarentur. Ita in possessionem Sedis immisus Cunerus, beneficia doti suæ adjecit, capitulumque, ut vocant, decem & sex Canonicorum, quos Laurentius Metrius Sylvæ-Ducensis introduxerat, suspectis populo solemnibus, erexit. Post III. Non. Martij Statuta quoque & ordinationes erecti Capituli vulgavit, faciendisque sacris, tum fundendis ad Deum precibus, hymnisque tempora constituit. Tum VII. Kal. Maij Synodus per Provinciam omni clero indicta, ac tridui spatio Leovardiæ celebrata, designatis è regio Senatu Senatoribus, Petro Frittema, & Foccone Rommartio, qui sanctiones Concilij Tridentini fartas testas curarent, Præsulique Cunero una cum Archi-Diacono Dominico Benedixio per universam Frisiam in visitandis Ecclesijs operam, atque auctoritatem præstarent. Ita Episcopus, mense Julio, adscitis in comitatum Senatoribus regijs, Oostergoos, Westergoos, Sylvestres, ac Opidanos adiit, intactamq; tam diu invidiâ Sedem habuit, donec in luxum, ludicraque, ut memorabo, prolapsus, suam juxta & novâ Sedis existimationem sædiore vitâ indignisq; Episcopo moribus attaminaret.

Ivo Ioannis, de quo ante dixi, quod Anno clo. Io. LXVI. in Romanâ religione perstitisset, Cathedralis Ecclesiæ Decanatu ornatus est, quam Postrid. Non. Jul. subsecutâ nocte audaci sacrilegio expilatam è Tiaræ notis Borræus meminit. Refert quippe argenteas capulas duas, cum quatuor vasculis olearijs argenteis sacrario extractas, perpetratumque crimen, tentatâ nequicquam inquisitione, velut eâ, quâ acciderat, nocte contextum mansisse. Quod facinus confirmando edito causam post dedit, Carolumque Brimæum Frisæ tum Præfectum, ut

& ante Grosbecium, in sacrilogos statuerè compulit. Circa quod temporis exules Frisios ( ut & è cæteris Belgicæ Provincijs ) Spiram Nemetum ad comitia Imperij, quæ Maximilianus II. eo in loco ordi-

nave-

*Synodus per  
Frisiam.*

*Editum in  
sacrilogos.*



naverat, profectos Borræus tradit, Cæsariq; Maximiliano & Germaniæ Electoribus hunc in modum supplicasse:

LXX.

**V**Enimus ad te Maximiliane Cæsar, & Electores Principes, ut, quoniam horrendâ Ferdinandi Albani tyrannide compulsi, exuti bonis ac patriâ extorres agimus, tuum subsidium & juxta clementissimorum Principum implorarem, defenderemusque causam nostram adversum eos, qui speciem religionis, & sanctimoniam præferentes, ambitiosis Romanorum Pontificum ingenijs submixi Regum Principumque consilijs se intorserunt. Ab ijs namq; profectum est, ut INQUISITIO corrigendis Iudeis paganisque reperta, in Christianos, & hodie in nos Frisios detorqueatur, eademque ipsa Carolo V. Cæsare, post Philippo filio regnante, introducta, omnem nobis miseriam atque calamitatem advexerit. Ita qui spem acceperamus avitæ libertatis, & ut ad exemplum Germanorum vestrorum, aut Gallici populi nullo discrimine sacra ac religiones nostras profiteremur, ita maxumè in servitutem incidimus, nostris conscientijs intentatam, proclamatiq; sumus heretici, rebelles, & sediziosi, ut nostre innocentie non unum crimen affingeretur. Tum in bona nostra, ac fortunas sævitum, & ne ijs terminis inexplebilis sævitie furor staret, postquam expilatas res nostras, fusum innocentium concivium sanguinem, denique temerata divina atque humana jura conspeximus, nostras cervices cruento adhuc tyranni gladio subtraximus, dulcissimæque patriæ, hoc, quod videtis, Cæsar, Principesque, exilium anteposuimus. Quod ipsum quoque, singulari patientiâ huc usque toleravimus, & quidem non aliâ fide, quam quod à Deo aternâ Providentiæ ordinatione obvenire nobis crederemus, Deumque daturum aliquando rebus nostris eventum, & in hoc ipso exilio solatia tolerata adversitatis. Ut ea impetraremus, Cæsar Principesq;, supplices hoc in loco apud vos devolvimur, oramusque exules, ut quoniam divini nominis, & solâ Evangelicæ veritatis professione munimur, omnem sinistram de nobis suspensionem amoveatis, deque consilio Principum, procerumque vestrorum eâ de re cognoscatis, succurratisque interim nobis, omnibus & singulis, qui innocentia nostræ persequium vestram Germaniam delegimus. Quod si faciatis, Cæsar, Principesque, pollicemur digna nostro nomine, & vestro simul imperio, precabimurque Deum Opt. Max. ut rebus consilijsque vestris intersit.

Cæterum tota exulum Legatio, etsi prono, ut creditum fuit, Maximiliano Cæsare, ac quibusdam Electorum, per Legatos Ferdinandi Albani inrita ac infructuosa fuit. Qui vergente mense Julio de mandato Philippi, quod Madridi in Hispaniâ Anno c I o I o. x x i x. x v i. Kal. Decemb. factum erat, edictum Veniæ regio apparatu ac magnificentia publicavit, exulesq; per Germaniæ Imperium, & confinia Frisiæ sparsos, specioso clementiæ prætextu revocare conatus est. Sed diffidentie vitio, & quod ministros reformatarum Ecclesiarum, fæderatam Nobilitatem, tum Magistratus quosdam & collegia civium excluderet, nullius ferè efficaciam fuit. Hoc tantum memoriæ traditum est, exules paucos & quidem è plebe, nullo vitæ, aut suarum rerum metu, relicta Embdâ, Leovardiam remigrasse, nullumque fidei datæ discrimen, atque periculum pertulisse.

Illo quoq; tempore Stellinguerfios occidentales, quorum agri juxta

Per Albas  
num elusa.



CL. IO. Lindam flumen ad Cuneræ fines procurrant, de magnis impendijs que-  
 LXX. stos libellum supplicem Senatui regio obtulisse; rejectosque ad Præ-  
 fectum sub hac formulâ ( fiat sermo Gubernatori ) inrita vota ac deside-  
 ria reparandis damnis iterasse. Volebant namq; Stellinguersij, ut ab Has-  
 keranis & Auguerdijs, quorum fines contigui sunt, parte onerum le-  
 varentur, aut detrimenta ex commeatibus militum copiarumque illata  
 ærarium provinciæ resarciret. Quod ipsum utrosque Dongrios cis ac  
 trans Pasenum rivum sitos, Dantumanos, Collumanos, Octopagicos,  
 Raverdios, Tietzerkios, Wonseranos, Baerderanos, Barranos, Utin-  
 geranos, Haskerios fecisse in actis illorum temporum invenio. Hoc  
 namque periniquum dicebant, præter annonam commeatumq; milita-  
 rem currus, equos, navigia, dein ipsa quoque cohortium stipendia ex  
 florenis aureis præstari, vastatisq; aut direptis permilitem agris, pau-  
 perum quoq; egestati & tenuiori fortunæ sumpto in usuras ære subve-  
 niri. Adde verum belli initia incrementis sæpe graviora esse, popu-  
 lumq; militaribus insolentij tributisque stipendiorum assuetum consue-  
 tudine, sicuti mos est, facilem patientiam induere. Itaque Albanus, ut  
 ærario Philippi, quod jam mole belli impellebatur, prospiceret, an ut  
 enervem populum immani exactione redderet dubium, omnium Frisiæ  
 Ordinum conventum ( quos centenarium numerum excessisse ex archivis  
 constat ) indici ad IV. Eid. Ian. per Præsidentem Senatunq; regium fecit,  
 eundemque hoc modo verba facere jussit.

**M**Issum in Belgicam Albanum, Frisij, à Philippo rege nostis sedandis  
 componendisq; turbis, quæ tempestiva remedia, amovendis gravio-  
 ribus flagitabant. Is vero negotium à judicio orsus in autores tu-  
 multuum animadvertit, ut regio quanto ocyus satisfaceret mandato,  
 & ut veniam pro ijs à Rege impetraret, qui à barbarum autoribus concitati,  
 & seducti propositum Ducis subverterunt. Tantum namque molestiæ ipsi Duci  
 ab illis creatum est, ut maximam anni partem in castris agere coactus sit, do-  
 nec hostes regis, partiumque Duces magnâ illorum infamiâ agris finibusq; Bel-  
 gicæ victricibus armis expulerit. Et quoniam motuum barbarumque incento-  
 res ab innovatâ religione consilia sua capere, quæ semel polluta omnem licen-  
 tiam inducere solet, prima Duci cura fuit, ut Catholica religio restitueretur,  
 & ut legibus Philippiq; editis robur accederet. Quæ res cum regis valde æra-  
 rium infirmaverit, metuendumq; sit, ne à seditiosis & perduelli multitudine nova  
 pericula, atq; arma patiamur, omnino necessum est, ut gerendarum rerum  
 subsidia à fidelibus Philippi subditis petamus. Quos ad conferendum regijs ar-  
 mis tributum Caroli Caesaris, Philippiq; in vos merita impellent, si memoriâ  
 repetatis, quantis impendijs externa bella, pro aris focisque vestris ges-  
 serint. Ex eo namque evenit, ut domania, sicuti vocant, regia creditorum  
 ære gravata, & simul pignori data sint, roge quoque & honoraria sub-  
 sidia Regi præstata cessaverint, nihilq; ad manum sit, quo turmarum eque-  
 strium, præsidiorumque stipendia habeantur. Mitto tormenta, & omnem bel-  
 li commeatum requiri, solvenda militi stipendia, & crediti per mercatores æris  
 magnitudinem, quam Philippus à postremo in Hispaniam discessu salutis ve-  
 stræ impendi fecit. Considerate præterea, quantis itinerum molestijs sump-  
 tibusque Albanus in Belgicam venerit, quantos exercitus aluerit, impediendis

rebellium conatibus, & ne amotâ religione, quæ in discrimen trahebatur, ex-  
torres patriâ viveretis. Ea propter cum ex domanijs regijs, ex transmari-  
nis regnis ac provincijs Philippi subsidia haberi non possint, excogitanda sunt  
nova, quibus vos ipsi juvemini. Idcirco placuit ut æs creditum tempestivâ pe-  
cuniæ corrogatione minuatur, perque speciem rogarum, aut honorariæ obla-  
tionis, quo minus populum ledamus, desiderata militi stipendia solvantur.  
In usum verò belli ordinarium tributum habendum erit, ne æterna debiti æris  
obligatio sit. Præterea hoc etiam necessarium est, ut sacrum ætarium habeat-  
is sepositum ultimæ necessitati, quæ, quemadmodum in omni re mortalium,  
ita maxime in bello se interponit. Quod ut obtineamus, nullum consilium  
aptius, nullum salubrius Duci visum est, quam, quod Philippo regi primo  
in Belgicam ingressu placuit, ut decime omnium bonorum præstarentur, &  
ut ex æqualitate opum tributum quoq; æqualitas nasceretur. Et Rex quidem  
isti consilio modum præscripserat, quem quia aut aliqui aversabantur, aut  
imperiti non capiebant, egentia publicæ salubre remedium omissum est. Nunc  
autem quoniam Albanus singulari curâ isti rei prospexit, ne quæ confusio oria-  
tur, concepto hunc in finem edicto, quod videtis, inveniri impulsis Philippi  
rebus præsentius remedium non potuit, quam si ex mobilium venditione decima,  
ex immobilium vigesima præstetur. Consensum huic rei reliquæ provinciæ adhibuere,  
idem rogo ut Regi præstatis; vosq; oppidani concivibus vestris persuadeatis, nul-  
lum retinendis in ordine rebus præstantius decentiusq; vinculum fore. Ad hæc  
si pareatis, veniam Philippi & gratiam impretrabitis, facietisque quod vestra  
in Regem fides, vestrum sacramentum exigit.

Quâ Oratione habitâ, Senatus per Frisiam regius, more consueto,  
Deputatis Ordinum se adjunxit, ipsiq; Ordines nomina sua, ne quid  
solemnibus deesset, professi sunt. Tum ne multitudo ex se discors  
regis edicto impedimentum afferret, pauciores delecti eq; oppida-  
nis Nicolaus Hanfsonius, Matthias Rommartius Jure-consulti, Gerar-  
dus Vibius, Haringus Andringha, & Ruardus Vibius L. Doctores, qui  
cum agrarijs conferrent, locoq; tantæ multitudini angusto, divisim secessi-  
bus secretisq; uterentur. Invenio in actis promovendis comitij rebus  
Senatores quoq; athibitos, ne in tam gravi deliberatione, aut Regis au-  
toritas, aut patriæ salus periclitaretur. Itaq; postero (qui fuit v. Jun.)  
cum Iacobo Rouffellio Oostergoo, Iulio Dekama Westergoo, Idzardo  
Sickinga & Sylvestri tractu delegato, communicatione habitâ, hunc in  
modum responsum.

**P**etitioni regie & Ferdinandi Albani, neq; agrarij, neque oppidani  
pares sumus. Provincia nostra ut ambitu parva, septem tantum mi-  
liarium longitudinem latitudinemq; complectens, ita ad egestatem red-  
acta est. Quamvis enim fertiles in eâ agros habeamus, & aut pascen-  
do pecori, aut habendæ messi commodor, ita bonis quoq; arenosi ac palustres  
immisti sunt. Et quidem ita, ut omni apud nos solo non idem ingenium,  
non eadem natura sit, cuius sæcundissima pars magnis marinorum aliorumq;  
aggerum impendijs retinenda est. Præter ipsum, quoq; mare littori nostro insectum,  
& piratis prædonibusq; damna sensimus à quibus immunes tutosq; nos præstare rex  
Philippus ex Carolinâ conventionem, tum etiam suâ, debuisse. Neque enim rogas  
(hono-



CL. IO. ( *honorarium Principis tributum* ) *alium in finem elargiti sumus, quam ut omnis externa vis atq; armatorum incursus averteretur, nostraq; ære, aut donativo pax terris nostris atq; securitas foret. Fidem tam subdito, quam Principi datam servandam esse.*

His addebant, magna Cæsarem beneficia à Frisjs accepisse, subactâ domitâq; Groningâ, ac Omlandiâ, dein Drentiâ Coverdiâq; in fidem receptis, quadraginta aureorum millia Cæsari concessa, assignatos agros Biltanos, cæteraq; Cæsaris ærario attributa, laudabili liberalitatē, quod conventiones antiquæ inviolabiles forent, quas Philippus Anno L. per AreMBERGIUM & post quinquennium coram ipsâ inaugurationis festivitate principali voce firmasset. Quæ cum ita se habeant, mirari Frisios novis & non ferendis exactionibus se gravari. Nam agros inundationibus sæpe oppressos, arva ac pascua falsedine aquarum corruptâ, annonæ penuriam, mortes animalium, & omnem miseriam induxisse. Ad hoc vagari per agros mendicantium greges, vim atq; injuriam colonis facere, habendas esse noctu marinum per aggerem excubias, quo prædonum piratarumq; incurfionibus occurratur, Quæ quanquam populum premant, eiusq; opes facultatesq; exhaustiant, tamen testari se amore & fide in Regem ductos, quo provinciam ab omni armorum vi immunem præstet, daturus septuaginta quinq; aureorum millia, certis æquisq; sex annorum pensionibus exsolvenda, sub hac tamen cautione, ut conventionibus pactisq; antiquis stetur. Ea propter rogabant, regem, ut veteris clementiæ retinens à centesimæ, vigesimæ, decimæq; exactione abstineat, populumq; jure suo & immunitate non privet. His, de inquilinis, quod in Brabantia ac Flandriâ fieri dicebant, extraneo præferendis, beneficijsque Ecclesiasticis addita. Quæ x v. Iun. actis concepta comitum populi extraxere. Itaque Kal. Iul. instigante & urgente CAROLO BRIMÆO conventus Ordinum repetitus, oblatisque per Frisios centum aureorum millibus tandem conventio facta, ut quaternis pensionibus ad Odulphi diem centum & viginti octo millia præstarentur, & centesimæ, vigesimæ, decimæque exactio cessaret. Quod ab oppidanis, ( nam agrarij id stipulati erant ) post approbatum, Westergoos ante discordes Sylvestribus conciliavit. Hoc verò contractui suberat, ut Albanus Philippi nomine approbaret, publicæque ac solemnî ratihabitione vim ac robur confecto instrumento adjiceret. Quod ipsum quoque tardius factum, ob insectam pestilentiam Bertij, qui Albano à secretis erat, domum, in litteris Caroli BRIMÆI Id. Iul. Zuollâ datis reperio.

Mox perlatis in Frisios FERDINANDI ALBANI litteris Antverpiâ xiii. Kal. Aug. datis, de Annæ Austriacæ Maximiliani I. Imperatoris filię, quæ in Philippi domum indulto Romani Pontificis, extinctâ Elisabethâ Vallesia denupserat, in Belgicam adventu, CAROLUS BRIMÆUS Præfectus delegari petijt, qui designatam ex novo matrimonio Principem, Neomagi ad Vahalem salutarent, oblatisq; ut in novâ regnatrice fieri solet, donarijs, infensioem Belgis Philippi animo emollirent. Quæ cum in signato ære præstari Albanus nolle, quasi infra reginæ dignitatem foret, tanti Regis, qui non unius orbis gazâ superbiret, spon-



sponsam vili & non facturo ad memoriam temporum donario adiri, cō. 13. pretiosos tapetes insignibus provinciarum notatos offerri voluit; Ca- LXX. rolisque, ut innuebat, maximi Cæsarium neptem, more gentibus recepto, salutari. Modum quoq; conferendi æris provincijs præscripsit, Frisiosq; sexcentos florenos, ut & Transfulanos, cōmendis donarijs, corrogare iussit. Reliquis Groningenfium, Drentinorum ac Lingenfium provincijs Caroli Brimæi præfecturæ subiectis, pro cuiusque statu ac opulentia contributionem imperavit, omniumq; gentium, quæ inferiorem Germaniam Belgicæ appellatione constituunt Neomagi ad Rhenum ad v. aut sextum Idum Augusti adesse voluit. Quare per eundem Brimæum conventu in Æde prædicatorum ad 1 v. Non. Iul. indicto obeundæ legationi delecti ex Oostergois Hero Burmania, è Westergois Iulius Dekama, è Sylvestribus Idzardus Sickingha, ex Oppidanis Petrus Boimerijs Iure-consultus, & Oldermannus Franekerensium, qui juxta Carolum Brimæum, legationis principem, Annæ Austriacæ congratularentur, deque Frisici in Regem Reginamque populi affectu nomine Ordinum hoc modo edocerent:

**M**ittimus ad te Regina Legatos nostros, qui in exoptato tuo in Belgicam ingressu, te adirent, teq; pro dignitate futuræ Belgarum Principis exciperent. Regi nostro quædam à te proponi petimus, ac ut clementem bonumque Principem nobis præstes, legatisque nostris plenam fidem adhibeas. Nos in fideli maiestatis tuæ ac Philippi reverentiâ perstabimus, liberisque ac nepotibus vestris ad quos tantarum rerum successo perveniet, omne officium, omne obsequium deferemus.

Hæc 1 v. Non. Iulij per Valerium Cammingha, Bennertum Roorda, Heronem Ockingha, Barthium Idzarda, Ruardum Roorda, Gellium Roofsma, Matthiam Rommertium signata. Invenio in litteris Caroli Brimæi Antverpiæ datis sexcentos, quos Albanus ordinaverat, florenos, sex aureorum millibus in gratiam reginæ, five ad provincialis opulentia ostentationem, auctos, Frisiorumque legatos curante Brimæo binos aureos crateres sex millium aureorum pretio à Conrado Scettio Antverpiano emptos, Annæ Austriacæ una cum litteris secretioribus obtulisse. Legatos quoque medio Septembri cum litteris reginæ reversos, plenam rerum Neomagi gestarum relationem enarrasse.

Classi quoque Aurantiæ, quæ Germanico Cæledonioque mari volitabat, mandatum reperio, ne molestiam ei crearet, si forte novi matrimonij dulcedine, aut intercessionem sponsæ Principis Philippi animus leniretur.

Itaq; validâ fæderatarum partium classe, quâ mare ipsum & æstuaria florebant, de re navali quoque in Frisia cogitatum, factâ Segero Grosbecio potestate, ut apud Carolum Brimæum cui vicarius erat, pro reparandis Præfidiarijs navigijs ageret, curamque maris & commerciorum eidem Brimæo commendaret. Cæterum tenue regis ærarium, & præfecti sollicitudo alijs rebus incumbens purgandi tutandiq; maris consilia tardavit. Quæ ipsa quoque etsi à tanto rege profecta, tamen contumacis populi, quæ per omnes provincias viscebatur, subsidij destituebantur, quæ armandis utrinque partibus destinata, publicas provinciarum

cIo. Io. rum opes & affecta ex se æraria enervabant.

Lxx.

Mox Kalend. Novemb. enormis calamitas, quam gravissime, Pri-  
fios afflixit. Præterquam enim quod odia partium, ut dixi, &  
grassantia arma spectarent, ita stupendi elementorum furores civilem  
quoq; discordiam castigavere. Surgens enim ab extremo Occasu, dein  
in Corum se deflectens tempestas adeò defæviit, ut intumescens O-  
ceanus ruptis perforatisque aggeribus, sui alvei quasi ac legis oblitus,  
universam provinciam, quâ ostia fluminum, aut depressa littorum spe-  
ctat, invalidis fluctuum objicibus inundaverit. Neque defuere, qui  
ingruentibus atrocissimis, & supra hominum memoriam procellis,  
seleque Oceano supra ordinarios ætus, & legem moti syderis efferen-  
te gentis excidium formidarent. Flans enim Corus tum tumidum ul-  
trò mare, non maritima tantum & littoralem tractum, sed meditul-  
lia quoque Provinciæ obtexerat. Dongrij quoque, & præturæ per  
Oostergoam, quæ in Boream excurrunt, profundissimis aquis innat-  
taveræ, undarum mole in undecim pedum altitudinem provectâ. Qua-  
re, si monumento, quod in templi limine apud Metselviranos vi-  
situr, fides, in Dongriæ Prætura, quæ orientem spectat, mille & o-  
ctingenti submerfi, ijs etiam exceptis, qui recedente undâ in Ocea-  
num devecti, propulsique sunt. Neque absimilis in Austrum fluctu-  
um furor fuit, qui per universam Westergoam, partemque post Syl-  
vestris oræ sparsi villas, domos, aggeres disjecere, abreptis etiam per  
vim aquæ integris familijs, quas concubia, & illunis nox, tum  
altus sopor, & prima quies in lectis dormitorijsque oppresserat. I-  
taque conjuges, liberi, tum in cunis positi infantes, cum supellectile  
domorum, rusticisque instrumentis acti, non sine damno annonæ, &  
perditione frugum, quas effractis horreis affiliens mare eluebat. Notat  
Andræas Gryphius Prætor Utingeranus, solos Utingeranos reliquos-  
que Sylvestres, umbilico velut Frisæ clausos, minoribus undis expo-  
sitos fuisse, omnemq; dulcis aquæ molem confertim aggestam, & false-  
dine sensum tinctam centenos fabarum fasciculos penetralibus editio-  
ribusque domorum locis apud Bornenses adjecisse. Signa quoque  
huius inundationis, à Feicone Siboldio Neffano, jam ante per aërem  
notata, domumque Focconis Leppij apud Haskerios altissimis aquis in-  
natata visam, Kal. Nov. solam in isto districtu iisdem obrutam fuisse.  
Mense quoque Septembri qui malum hoc præcessit, multos glires,  
muresque aqualites, metu, ut creditum fuit, futuræ tempestatis exa-  
minatos, in corde brassicæ defedissee, ac non vanum isti rei prodi-  
gium fecisse. Hoc saltem Bornensium seniores longâ temporum me-  
moriâ observatum annotaverant, mures in arundinetis calamorum sum-  
mitatem petentes, ibique nidulos suos struentes, graves ut plurimum ter-  
rarum inundationes significasse. Relatum in fidem annalium est, na-  
vem onerariam cum mercibus Hamburgo venientem, supra altissimos  
aggeres sublatam in mediterraneis consedissee, multasque octo aut cir-  
citer pedum altitudine, totum quod Cuneram Snecamq; interjacet, ter-  
rarum spatium, oceano opertum enavigasse. Victoriâ quoq; aliam, quæ  
Amstelodamo solverat, medio in Flevo cum centum hominibus demer-  
sam. Itaq; tum ejulatus, ac lamenta vagientium flentiumq; liberorum ac  
conju-

*Gravis in-  
undatio per  
Frisiam.*



conjugum per universam Provinciam audiebantur, dubijs adhuc sæpe cō. Id. suspensisque animis vera an incerta funerum flerent. Sed recedens sen- Lxx. fim mare vera rerum nuntia, & Provincialium calamitates detexit. Tum quisque orbitates suas ac desideria exponere, queri turbatas domos, ac patrimonia, neque propinquorum allocutiones morientibus fuisse, aut voluntatis ultimæ testationem supremâ voce obsignatam. Vastatam & obrutam velut uno fluctu Provinciam, novâq; solitudine non aliam rerum imaginem, quam pereuntis generis humani spectari. Nonnullorum cadavera circa ostia fluminum, aut in limo, quem æstus, reliquerat, reperta, agnitæque propinquis solemnî funerum decorata sunt. Cætera per Oceanum sparsa (quia sepulturae honos ijs non concessus) cælo contacta fluctuavere. Tradunt autores in utrâque Dongria tum Doccomio urbe quinque millia hominum, & ducentos, cæterum in universâ Frisiâ, (quæ Flevo Lavicaque continetur) ultra viginti millia perijsse.

Quæ quanquam apud illos ex magnitudine tantæ cladis aucta, tamen ex actis postmodum repertis constat, multa, & ex tantâ confusione incerta hominum millia inruentibus cum impetu aquis abrepta. Hoc tantum addam, Senatum regium in inquirendo submerforum numero, ex notitiâ mali sagacem, commentarios quorundam per Provinciam prætorum exegisse, infraque vulgarium autorum, qui plus famæ dederunt, fidem, inundationis istius, sive diluvij ferociam fterisse.

Reptorum quoque miram in facie deformitatem fuisse, cæterum pulcherrimos habitus more majorum nostrorum, aureis argenteisque lamellis interstinctos in mortuorum cumulis notatos. Invenio Geesterlandos, quod illorum agri clementibus jugis adsurgant, periculi immunes fuisse, ac infantem una cum fele cunis impositum, Snecam apulisse, prodigiosèque servatum. Frisiam quoque toto decemdio profundissimis aquis obiectam fterisse, ac restagnantem velut undam, & continuis exhalationibus frigeratum aërem, asperum gelu, prima etiam brumâ peperisse.

Quod incommodum prioris anni, qui Novembri mense apparuerat Cometæ, velut evoluto jam motus annui circulo à Cornelio Gemma insigni istorum temporum Mathematico imputatum reperio, tantumq; virum cæli peritum, non terrarum tantum mala, sed maris quoque injurias & feroces æstus efficacîæ crinitorum siderum, etiam inclinantium, ascripisse. Cui provincialium infelicitati & hoc accessit, quod quæstores ærarij; tribuni illorum, quos Philippus ab edicto Veniæ excluderat, redditus strangularent, objectoq; majestatis crimine, quod illis temporibus nullâ judicij sed Edicti formula intentabatur, vitæ subsidij non profugos tantum & exules, sed promiscuam multitudinem exuerent. Qua ex re, cum obligationum, quibus domania, ut vocant, regia premebantur, vis cessaret, creditoribusq; jus suum in foro persequendi adimeretur, cavit edicto Albanus, ut creditores intra trimestre, tabulas æris crediti exhiberent, illisq; modo Præfectus Senatusq; approbasset, annuorum reddituum pensiones præstarentur. Quod sive pungente Albanum conscientia, sive miseratione cladis factum, in dubium relinquo. Hoc saltem verisimile est tantam calamitatem, etiam obdura-



cIo. Io. tum ad quælibet Albani pectus movisse, communemque mortalium ingenijs affectum, etiam in ipsâ Ducis exulceratâ inexpressâque cædibus mente excitasse. Mox Anna Austriaca felici navigatione, in Hispaniam prosecta, exhibitisque Philippo Frisorum litteris de istius gentis eximiam humanitate apud sponsum Regem commemoravit. Donaria quoque mitigando Philippi ingenio exhiberi fecit, ipseque Philippus amore sponsæ orantis deflagrans Albano, Frisorum genti, ut grates ageret, binis litteris imperavit. Tum ne quid officij regij erga Frisios omitteretur, & ut honorario æri, quod Philippo præterito mense Julio concessum erat, regæ gratitudinis signum reponeret, litteras suâ manu Madriti x. Kal. Febr. scriptas, in Frisiam misit, populumque in fide regis adhuc perstantem, singulari benevolentia regæ argumento complexus est. Hoc verò imprimis Philippum indoluisset reperio, quod mare insolito æstu tumefactum fertilem provinciam inundasset, præterque pecora, domos, villas, hominum quoque millia abstulisset. Quapropter litteras ad Archiepiscopos, Episcoposque dari præcepit, expiandisque provincialium noxis, placandæque cælesti iræ per oppida ac in cænobijs amburbiorum, supplicationumque ritus institui jussit. Cæterum omnem regæ mentis affectum ingruens rumor discussit, quo Gasparus Roblesius, coactâ Groningæ militum manu, per Translavicanos, & ipsam quoque Frisiam, vim colonis agrorum intulisse dicebatur. Quæ etsi Igramus Achlemius Frisici Senatus Præses datis Groningâ x. Kal. Febr. litteris elevarêt, ita fidem faciebat Roblesium occupandæ, (ne fœderata classis mari oberrans, in insulam intrueret) Amelandiæ consilio capto, severis mandatis militem instruxisset. Eundem quoque Roblesium frændandæ militum licentiæ stipendia exsolvisse; quæ opportuno tempore pensitata omnem etiam laxiorem disciplinam castrensi moderatione composuissent. Cæterum regius miles, etsi ære accepto, ultro insolens omne delicatum immodesto ori exigebat, vinoque ac epulis indulgens, pecuniam quoque colentibus agros extorquebat. Quare Senatus Regius, petentibus agrariorum Delegatis ad Achlenium Vastartiumque Senatores, qui Groningæ agebant, litteras dedit, utque remedium insolentiæ militari orarent, commonuit. Cæterum rudis armorum, & disciplinæ ingnara multitudo primis militiæ rudimentis, velut laxatis prioris vitæ frænis agebatur, licentiamque belli legem interpretata raro centurionum imperio per vicos agrosque discurrebat. Ita factum est, ut habitis per provincias & confinia delectibus, Carolus quoque Brimæus tertium quemque è rusticâ plebe ad militiam evocaret, stipendiaque, tyro-nibus privato ex ære deficiente regis ærario posceret. Quæ res ut cum severitate & imperio agebatur, ita nobilitatem populumque agrarium magis magisque à Carolo Brimæo, dein ipso quoque Philippo alienavit. Quare omnia acerbius ad bellum spectabant, cujus prodigium, si Cornelio Gemmæ fides, in quodam Frisiæ tractu depluens sanguis confirmavit.

Quo inundationis malo Saxonum olim & Burgundionum temporibus mota lis ac controversia recrudit. Præterquam enim quod damna passis omnia gravia & per funera, ac orbitates tristitia essent, ita tum repARATIONEM aggerum non sustinebant, exhausti communi malo littorales, recenti

recenti inundatione fracti. Itaque illi Carolum Brimæum Comitem cIo. Io. Meganum orare, misereatur nuperæ calamitatis, & publico dispen- L X X.  
dio publicum subsidium decernat. Suæ potestatis non esse privatis opi-  
bus averruncare commune Provinciæ discrimen, omniumque inco-  
lunitatem emere suarum rerum jacturâ & paratissimâ egestate. Sub-  
veniendum potius communibus iris, ac inclementijs naturæ, ne par-  
te terræ Frisicæ incendio exustâ, aut aquarum vi absorptâ, toti  
Provinciæ quid decedat, quæ stare abreptis partibus non possit.  
Idcirco olim aggerum neglectu maxuma terrarum, ac continentis  
spatia, aut Oceano contexta, aut seorsim avulsa per circumfluum  
mare formam insularum induisse. Neque enim hoc in Frisiâ infre-  
quens, cum urgentibus agrorum possessoribus (qui tum palustria,  
ac depressa locorum inhabitabant) invalido aggere ducti in Oceanum  
Germanicum rivi viam sævissimo elemento aperuere, Flevo fluvio ma-  
rinis aquis in latissima æstuarium effuso. Caveret ergo Brimæus quam  
maximè, ne dum de aggerum lite Provinciales contenderent, alter-  
cantium controversiam importunum & præceps mare dirimat. Tum  
componendæ liti è regio Senatu Igramus Achlemius Præses, & Petrus  
Frittema Iureconsultus designati, qui discordibus agrariorum animis,  
etiam durante diario maris influxu, nihil proficere, quod parum mi-  
serationis in animis hominum tanta vastatio, & calamitas reliquisset.  
Quare littorales Westergoi ad Ferdinandum Albanum mittere Lega-  
tos decrevere, publicâq; cæterorum ignaviâ maturare negotium oppri-  
mendæ Provinciæ validum. Res Cunero Episcopo, & Petro Meden-  
blicano Præfuli Achlemio, Sceltoni Lyauckamæ, Dothiæ Bongæ,  
Ulpio Hiddamæ, & Cronenburgio ut maritimis Westergois commissa.  
Qui, ne quid in morâ majoris periculi, libellum mox supplicem ad Fer-  
dinandum Albanum per delegatos è nobilitate Heronem Ockinga, &  
Valerium Cammingham mitti fecerunt, in quo disiectos aggeres, & dama-  
na agris possessionibusque suis illata exponerent. Non esse suarum  
virium id reparare, quod vis marinorum fluctuum abstulisset, aut pende-  
re ulterius tributum, quod huc usque gerendo pro Rege bello impendisset.  
Agros quippe sibi, non magnis latifundijs turbido & procello-  
so mari adjectos, eisdemque sterilitate novæ falsedinis incultos feren-  
dis aggerum, bellique oneribus pares non esse. Rogare igitur Ferdi-  
nandum Albanum, ut tot damna passos tributo levet, statuâtq; modum,  
& subsidia, quibus servari Frisia queat, marinis etiamnum aquis oblecta.

Cæterum Albani animus alijs negotijs & mole belli æstuans, amorâ  
Frisicæ securitatis curâ Legatum dimisit, ac apud Carolum Bri-  
mæum Frisicæ Præfectum agere jussit. Ita res moræ impatiens ma-  
gno Provincialium damno protracta, disiectaque per vim aquæ pesca-  
torum tuguria, quæ marino aggeri rursus adstrui Senatus regius  
vetabat, vacua habitatoribus mansere. Incolæ ipsi aut undis sub-  
lati, aut, qui superstites fuere, laris incerti per universam Provin-  
ciam sædo spectaculo circumacti. Quorum miseratione, & suo quo-  
que periculo adducti Westergoi, qui maritima tenent, Carolum Bri-  
mæum Frisicæ Præfectum rogarunt, ut conventum omnium Frisicæ Or-  
dinum cogeret, deque lite aggerum cognosceret qua utò ocyus. Itaq;  
Ca-

*Disceptratio  
de aggere  
marino.*

A N N O  
C I O. I O.  
L X X I.  
*Damma ex  
inundatio-  
ne passi a-  
grarj sup-  
plicat Alb-  
ano incas-  
sum.*



cId. Id. Carolus Brimæus ad xiv. Kal. Iun. diem Ordines tum Westergoos  
 LXXI. Frisiæ, ac Sylvestres, quorum agri mari prætexuntur adesse Leovar-  
 diæ iussit, Igramumque Achlemium Senatus Præsidem collegarum  
 suffragijs novo more, à morte Caroli Nitzenij ad clarissimam digni-  
 tatem evectum perorandæ causæ designavit. Ibi Achlenius.

Achlenij  
 oratio.

**C**ONVOCAVIMVS vos, Ordines & Delegati, ut litem ve-  
 stram, quam majores & vos ipsi tot annis magno Provincie detrimento  
 exercetis, componamus celerius. Et quoniam metuendum est, ut re-  
 crudefcens mare, Lune, quod in maria dominatur, sydere, aut pro-  
 cellâ actum majus terris vestris periculum creet, ita æquum censuimus suspensio-  
 ad tempus partium jure aggeres marinos communibus impendijs rescindendos. Hoc  
 verò curavimus; Ne exemplo esset, nostrâq; interpositione cujusq; jus aut im-  
 munitas subverteretur. Securitate Provincie & vestris agris, villis, atq; fa-  
 milijs partâ differetis in foro nostro commodius. Nunc manus, impendia, operæ  
 exiguntur, & pro periculi magnitudine provida festinatio, ne vestrâ cuncta-  
 tione mare nos obruat, aut graviore saltem damno omnem Provinciam adfligat.

Westergoi  
 atq; Sylve-  
 stres discep-  
 tant.

Quâ præsidis oratione auditâ, Wonserani qui in mediterraneis sep-  
 tem pagos constituunt, asserendo juri suo allegabant magna aggerum  
 spatia & simul onera à Maccomio in Austrum suis pagis assignata, ea-  
 que vi aquæ rupta, aut profunditate gurgitum excavata modico sumptu  
 non reparari. Damnum quippe aggeri inlatum viginti quinque carolæ-  
 orum millibus, ducentis, & nonagenta æstumari, elisasque insuper  
 fluctibus tabulationes, & emissaria laxandis reprimendisq; aquarum  
 molibus inventa, loco mota dispendium geminasse. Quod ad Won-  
 seranos maritimos spectaret, discretos sibi ab ijs aggeres esse, quos  
 confundi non oporteret, & quorum oneribus ipsi maritimi pares essent,  
 non minore soli sæcunditate, & paribus agrorum locarijs sælices. Rogare  
 itaq; Carolum Brimæum iniquis maritimatorum Wonseranorum studijs  
 prospiciat, beneficiumq; juris implorantibus ex æquò subveniat. Ita Pe-  
 trus Aggema, Matthias Livius, & Theodorus Ioannis xii. Kal. Iun.  
 signavere. Eadem ferè Wonserani maritimi, nisi quod damni ex inun-  
 datione terrarum dati æstimationem viginti & trium millium carolæ-  
 orum facerent, suæque impotentiae causam obtexentes, commune repa-  
 randis aggeribus, & æquale subsidium ex arbitrio Præfecti & Senatus  
 regij flagitarent. Sylvestres verò respondebant: Sterilius sibi præ We-  
 stergois solum esse, multorumque annorum infæcunditate pressos, resar-  
 ciendis aggerum damnis invalidos esse. Ita Donieverstallæos, Geester-  
 landos, Lemsteranos, Schoteranos, & Engwirdios aggerum sumptus  
 à Feenhusâ ad Cliffam promontorium (quod intervallum quatuor mil-  
 liaria comprehendit) sustinere, ipsisque Stellinguerfij præter marinos  
 aggeres alios quoque impendia creare, divertendos, quæ è Drentiæ,  
 Frisiæq; bituminosis agris per Stellinguerfiam labuntur, aquis extructos.  
 Utingeranos verò quinque milliariibus à Staurico littore discretos,  
 aggeres Stauriæ vicinos curare, cuius mali ea ratio sit, quod Wester-  
 goi confusis usibus aggerum jure se muniant, ac vix tertiam sumptuum  
 partem, quam è tributo pagorum petunt, eorundem aggerum, &  
 fulciendis fluctuum obicibus impendant. Postremò Westergoi, qui in



mediterraneis quinque præturas aut jus suffragiorum tenent, quales c. 10. sunt Franequerani, Menaldumæi, Baerderani, Hennardij, & Minnerts-  
gæi id responsi attulere. Ut, quamvis ab omni marinorum aggerum onere ipso jure immunes essent, velut longius à mari distiti, & privatis agrorum munimentis conscripti, tamen, quia pronuntiatum à regio Senatu esset, Georgium Scencum Præfectum quondam, & Senatum Cæsaris ritè judicasse, ac ex æquo ad eos aggerum onera devoluta videri, obtemperasse judicio Senatus. Hoc verò ærius se ferre, Westergoos maritimos non acquiescentes rei judicatæ, velut gravatos, nova statuta Senatum Regium orasse, ac in fraudem juris sui obtinuisse. Idèd se ad Ferdinandum Albanum spe restitutionis in integrum perfugisse, rejectosque ab eo ad Senatum per Frisiam regium præsidium juris rogare. Interim ne videantur omnem humani affectum exuisse, miseratione infelicium temporum, subsidia maritimis Westergois offerre, sed hac cautelâ, ne officium exemplo sit, ac ne videatur jus suum ratione beneficij imminutum.

Quamobrem Carolus Brimæus tam mediterraneis quam maritimis Westergois mandavit, ut scripto jus suum ad x x i v. Mai diem, exhiberent, quo deferri ad Ferdinandum Albanum, Senatum secretiorum, aut Curiam Mechliniensem curet, ac lis definiatur, toti Provinciæ damnosa. Ubi cum res tardius procederent, suspectaq; maritimis Westergois, quos periculum premebat, comperendinatio litis esset, 111. Eid Jun. Carolo Brimæo hanc supplicationem exhibuere:

Caroli Brimæi decretum.

**Q**Vandoquidem Carole Præfecte, præcedens annus ipsis Kæl. Nov. enormi tempestate funestus rebus nostris commune exitium, universis periculum attulit, jamdudum animo consilia agitavimus, quibus (quantum humanâ ope fieri potest) Oceani injurijs, atque inundationibus nostrorum agrorum subveniremus. Ita tibi jam ante querimonias nostras aperuimus, post ad Ferdinandum Albanum supplices devoluti rogavimus subsidia nostræ calamitati, & ut ipse summum Philippi nomine his in Provincijs imperium gerens, spretis discordijs nostris publicâ autoritate remedium præscriberet coercendo mari opportunum. Quem ipsum, quia aliæ tum curæ exercebant, jussit, ut te arbitro nostrarum rerum uteremur, ac tu demandatâ potestate instructus, litem dirimeres à nostris quoque majoribus institutam. Quæ res, quia multis magnisque difficultatibus implexa, huc usque longi temporis determinatione egebit, rogamus demisse, ut nos ipsos privato sumptu & consilio, aggeres eos, qui nostris possessionibus prætexuntur, rescire sinas, præteritis eis, aut eorum consensu non adhibito, quorum officia sine magno impendio, ac longiore morâ haberi non possunt. Per eos namq; sæpe factum est, ut tributum muniendis aggeribus destinatum, in alios usus vertatur, ac nos expositi ejdem & quidem gravioribus periculis, agros & prædia maris æstui nudemus. A quo ut tuti magis post hac simus, dabimus operam privato, si ita decernas, impendio, ut aggerem validum habeamus, & nostræ calamitati, ac simul juri publico satisfiat. Quod nisi præstemus parati erimus subire judicium, & sentire multas istiusmodi ante rebus irrogatas. Tuum erit, Carole Brimæ, viduarum, & orphanorum subsidia implorantium querimonijs, & incolumitati prospicere, ac in universum consulere Provinciæ, tue fidei commissæ.

Supplicatio Westergoorum.

Ita

cIo. Io. Ita manifestâ temporum calamitate, Frisia inclementijs naturæ, &  
 LXXI. simul exactionibus Albani lacerabatur. Is namque elapso Octobri,  
 Exactiones quod decimæ centesimæque suæ adversari Frisios intelligeret, enormè  
 Albani. Tributum imperaverat, oblectantemque consilij suis populum non  
 disparia à priore poposcerat. Quare oppresso per arma iure, & le-  
 gum autoritate, per metum sublata factum est, ut Frisij talium rerum  
 non ignari, Honorarium Duci decernerent, centumque & viginti octo  
 aureorum millia, ut ante dixi, gerendis pro Philippo rebus assignarent.  
 Hoc verò caverant Frisij, ut Honorarium statò die in ærarium Provin-  
 ciæ inferretur, asservatumque ad ingruentia temporum ultimæ neces-  
 sitati & usui regis serviret. Quod et si Albanum præter violentiam  
 & minas nihil sedatum, aut lenè spirantem pessime haberet, ita decre-  
 to gentis obsecutus est, suâque manu confectas eâ de re tabulas xi.  
 Kalend. Novemb. obsignavit. Reperio in actis originalibus, hoc ipso  
 (de quo mensibus Junio & Julio disceptatum fuit) Frisicæ gentis tri-  
 buto ulterioribus Philippi Albaniq; exactionibus occursum, & cente-  
 simam, vigesimam, decimamque bonorum, quas Albanus exegerat  
 summâ istius æris redemptam. Sic grassante per omnem Provinciam  
 Albano pro imperij atrocitate, exulum quoque civiliumque animo-  
 rum virtus se asperavit, validæque classes, infidâ per Ducem conti-  
 nente, Friscis æstuarijs immixtæ toto mari volitare. Tum Ame-  
 landiæ insula, quæ in Boream Frisco littori objecta, ab ipsdemsæde-  
 ratis occupata, ipsaque arx, quam Petrus Cammingha vir Nobiliss-  
 mus cum imperio tum tenebat, à Bartoldo Entenio homine nobili  
 & Translavicano cæterisque sæderatis direpta. Mox ab ipsdẽ in inte-  
 rius Flevi æstuarium cum classe regressis Worcomium quoque urbs,  
 quod nullo præsidio teneretur, sæde vastata, abductique magno nu-  
 mero cives suam & juxta patriæ fortunam dolere. Quæ res Edzar-  
 dum Transamasanæ Frisicæ Comitem, quod circâ Amasum fluvium non  
 minore vi agerent, haud parum affecit. Itaque intutos reddi portus,  
 totumque quod ditioni suæ obtenditur littus ægrè ferens, Aurantij  
 naves detinuit, in quibus Ioannes Mepschius & Rembertus Iensma &  
 Translavicanis, & Antistes Hemelumanus propè Staurios captivi asser-  
 vabantur. Quod factum declinandæ apud Aurantium invidiæ manda-  
 tis Imperij Edzardus velabat, velut Cæsaris interesset Germaniæ limitem  
 peregrinis armis non infestari. Econtra Aurantium naves reposcere,  
 excusare suorum facta, ac testari propalam, dandum quid esse mori-  
 bus belli, quod pro libertate oppressi populi suscepisset. Constituisse  
 se interea liberandæ oræ Frisicæ classẽ suam in Norvegiã, aut Bri-  
 tanniam expedire modo per anni tempus, & continuas asperioris cæ-  
 li inclementias liceret. Ita Edzardi offensæ ad tempus occursum,  
 cujus animus suo sive incommodo, quod ex Aurantij armis sentiebat,  
 sive adversâ Principis fortunâ, pro more hominum iniquior, retar-  
 dandæ navalium expeditionum, rei Occone Frisio homine sæderi ini-  
 mico utebatur. Per eum namque factum est, ut navis, quæ in A-  
 maso stabat, omni genere armorum per Pompeium Ufskenium Trans-  
 lavicanum instructa diriperetur, tardiusq; procederent negotia sece-  
 ris consilij subnixæ. Id namque moliebatur Aurantius, ut limitaneas,  
 mariti-

Amelandiæ  
 insula di-  
 repta.

Mare in-  
 entum.

maritimasque urbes in societatem fœderis solertiâ Legatorum perdu- cto. Io. ceret, suisque rebus, & gerendo in Albanum bello, (Philippi enim LX XI. nomen dissimulabat) firmam sedem pararet. Sed flans Subsolanus, continuique post Aquilones, dein asperrimum gelu in via omnia at- que impervia navigantibus faciebant, Legatorumque negotia, & simul publicæ prosperitatis cursum, velut conspirantibus elementis, remora- bantur. Borraeus scribit stupendam tempestatem Kalend. Nov. ortam Aurantij quoque consilijs non parum obstitisse, Principemque magna- rum rerum fortunam per minores Frisios, & confinem Trans-Isulaniam animo versantem importuno maris æstu retardasse.

Sic fœderis rebus dubio aut infœlici fato actis, Præfectus Senatusq, per Frisiam regius de perficiendâ Iustitiæ Æde velut partæ pacis mo- numento cogitavit, cuius fundamentum à Carolo Nitzenio Præside de consilio Præfecti, & collegarum magno sumptu jactum, tot anno- rum impendia trahebat. Quamobrem sumptuoso & admirando opere, ad finem perducto, ne sacrum loci votorum solemnibus vacaret, Se- natus regius votivum Ædi præfixit, monumentumque signandæ tem- porum Æræ istiusmodi statuit.

## Redemptoris Incarnati

A N N O

C I O . I O . L X X I .

*Basilice ve-  
gie monu-  
mentum.*

VII. EID. NOVEMB.

DIV O PHILIPPO HISPANIARUM RE-  
GE CATHOLICO, ET FRISIA DOMINO  
REGNANTE, CAROLO DE BRIMEU CO-  
MITE DE MEGEN, EIUSDEM REGIS NO-  
MINE FRISIAM GUBERNANTE, SS. HANC  
IUSTITIÆ ÆDEM OPERA ET SOLlici-  
TUDINE CAROLI NITZENII QUONDAM  
PRÆSIDIS INCHOATAM, PIIS VO-  
TIS, ET CONCORDIIS ANIMIS I-  
GRAMUS AB ACHELEN PRÆSES, IACO-  
BUS ROUSSEL, VALERIUS AB OCKINGA,  
ADRIANUS VASTAERTS, ANTONIUS LO-  
PEDEL VAILE, BOUDEVINUS à LOO EX-  
QVÆSTOR, IDZARDUS à SICKINGA, PE-  
TRUS à FRITTEMA, FOCCO ROMMARTS,



CL. IO. IOANNES CAROLUS PROCURATOR REGI-  
 LXXI. US, IULIUS DEKAMA, HYERONIMUS AR-  
 HANIA, ET HECTOR AB AYTA, CONSILIA-  
 RII, SOLENNI PERACTO SACRO, PRIMUM  
 IURIS DICENDI CAUSA, COLLEGIATIM  
 CUM PETRO AB EMSKERCK GRAPHŌ IN-  
 GRESSI, HOC MONUMENTUM PERPETUÆ  
 MEMORIÆ ERGO POS.

Reperio in vitis Antistitum Lidlumanorum, Senatum regium, Præ-  
 posituræ Boltuerdienſis adminiſtratione Isbrando Herderviceno Præſu-  
 li Lidlumano ademptā, ejuſdem Præpoſituræ reditus toto quinquen-  
 ni o extruendæ Œdi applicaſſe. Hoc verò regij Senatus ſecuritati  
 adhuc deerat, quod exules proſcriptiq; per æſtuaria, & vicinum mare  
 ſparſi Provinciæ incumbere, ſubveſtiq; in portus, aut profunda lit-  
 torum mediterraneis imminerent. Quare Senatus regius XI V. Kal. Mai  
 ad Ferdinandum Albanum litteras dedit, eumq; periculi certiore fecit,  
 ac ſuppettias rogavit. Is verò, velut fortunæ, quam immodèſtè ha-  
 buerat, ludibrium debens, ratus jam ante debellatas partes vires ani-  
 moſq; non reſumpturas, ſuam tum demum intra ſe vecordiam, ſimul  
 imbecillitatem expendit, litteraſque impotentia ſuæ teſtes VIII. Kal.  
 ejuſdem Mai Leovardiam dedit. Eæ habebant:

*Senatus ve-  
 gius ſcribit  
 ad Alba-  
 num.*

ANNO Omne littus peiratis infeſtum, cæterum Harlingios mari obiectos,  
 CL. IO. ac regi fidus operam ſuam parandæ claſſi addixiſſe, modo agrarij, cæ-  
 LXXII. terique Provinciales juſta ſubſidia, inſtruendis triremibus præſtent.  
 Se verò renaſcentium bellorum moli expoſitum ſuppettias ferre non  
 poſſe, aut ex Hollandia Zelandiaque ſubminiſtrare triremes regias,  
 quod ijs in locis acrius bellum exardeſcat. Interim daturum ſe ope-  
 ram, ut Gaſparus Robleſius legionis Præfectus, ac præſidium Groningæ  
 agens, claſſem milite inſtruat, modo Ordines Friſiæ regis, & ſimul  
 ſuo commodo apparatus, ſimul & pecuniam iſti negotio decernant.  
 Quæ litteræ à Senatu regio Deputatis Ordinum nullo fructu communi-  
 cata, quod hi ex omni provinciâ convocandos Ordines cenſerent, ut  
 cogendo tributo eorum conſenſus interponeretur. Itaque in omnem  
 provinciæ oram miſſæ litteræ, quibus ſingulæ Præturæ Oppidaq; non  
 binos pro more, cæterum unum tantum delegatum edere minuen-  
 diſ Provinciæ impendijs, jubebantur. Dies quoq; Prid. Non. Mai  
 Comitio dictus. Quo conventu, eſſi verba ſpecioſè faceret Achlenius  
 Præſes, vir facundus, & ſolertis ingenij, tamen contumaciâ Ordinum  
 evenit, ut nihil ſubſidij adornandiſ triremibus decerneretur. Ordines  
 namque re Quatuor-viris demandatâ reſpondebant. Poſteſtatiſ ſuæ  
 non eſſe ulterius tributum pendere recenti inundatione obrutis agris,  
 & ærario per continuas exactiones exauſto. Ita centum & vi-  
 ginti octo aureorum millia ante annum regi depactos, non eâ mente  
 ut tributum tributo cūmularetur, ſed ut ſanctius ærarium ultimis ne-  
 ceſſitatibus, & publica imbecillitati ſubveniret. Eam verò interea

*Comitium.*

tem-

temporum fortunam fuisse, ut promissa præstari vix queant, omni frumento falsedine aquarum corrupto, & annonæ caritate per Provinciam obviâ. Adhæc nulla commercia, aggeres disiectos, ac solo æquatos, quos bono regis refici maxumè expediat, Biltanis agris & vectigali regis orâ magnis periculis expositâ. Interim duo millia Carolæorum se offerre, sed hac lege, ut in solum proxumæ pensioni cedant. Ea ad Ferdinandum Albanum perscripta Ordinum nomine, pro Oostergois Ulpus Aylva, pro Westergois Tarquinius Haytsma, pro Sylvestribus Tinco Andringha, pro Oppidanis Matthias Rommarius VIII. Eid. Mai signavere. Hoc modo Albani exactiones Ordinum Frisæ populiq, frequentes querimonias trahebant, exulumq; mentes fæditate regnantium in spem reviviscentis patriæ erigebantur. Quare & eorum plurimi prosperitate quoq; rerum impulsî, quas per Hollandiam Gulielmus Lumæus, per Geldriam & Transfulaniam Bergenfis non longè Frisiorum finibus gerebant, arma sumpserunt, quorum apparatus per Germaniam rursum agitare Princeps Aurantius ferebatur. His accedebat quod Carolus IX. Galliarum rex, Elisabethæ Vallesis sororis suspectâ morte, sive alijs de causis Hispano infensus, studia & affectum asserendæ Belgarum libertati præferret, Principique Aurantio auxilia clam depactus occultâ in Philippum æmulatione diceretur. Reidanus scribit, connivente tantum Carolo rege Gallicæ Nobilitatis auxilia Aurantio decreta, Carolumque regem, sive Philippi potentia iniquum, sive nefarii furoris (quo post Galliam reformatorem sanguine implevit) consilium agitantem, suspecti ac verè infidi favoris argumentum Principi Aurantio, & reformatæ per Galliam Nobilitati fecisse. Neq; per Frisiam ingenia servilibus temporum conditionibus acquiescebant, cum essent qui domesticam pacem haberi non posse præterquam restitutâ Libertate, & reparatis exulum rebus censerent. Quamobrem Doco Martna vir primariæ Nobilitatis, (cujus majores Anno CIO. III. C. IX. memorabili adversus Gulielmum III. victoriâ Hollandicum quoq; jugum excusserant) dissimulatâ Fæderis professione, qua plurimæ nobiles familiæ exilium tum sustinebant, & privatam vitam secretis in patriam officijs obtendens, cum Aurantio Principe, ut Borræus scribit, occupandæ Leovardiæ consilium communicavit, nactusque ejus rei diploma ope sociæ Nobilitatis, in quâ Sixtum Botniam, Titum Hettingham, Scrapium Galaniam, Petrum Cammingham, Augustinum Oedsmam, Prætorem Dantumnum, Scipionem Sceltamam, Edonem Abbemam, Haringij Haersmæ filios, Vibium Grovensteinium, Prætorem Menaldumæum, & Sicconem Tyessenium cæterosque fuisse Demetrius tradit, idipsum exequi conatus est. Quare ad Didericum Sonnoium (qui minoribus Elevum inter & Kennemarios Frisij Aurantii nomine tum præerat) litteras dedit, pedestriumque copiarum auxilia rogavit. Sonnoius verò, ne lubricis adhuc & infidis per minorem Frisiam rebus, latera recentis imperij nudaret, & quod Gulielmo Bergenfi auxiliares copias non ita pridem suppeditaverat, Horatium Bumam Tribunum Friscæ cohortis, virum militarem in Frisiam ire jussit, in quam Gulielmus quoq; Bergenfis, Didericum Bronchorstium, hominem Batenburgicæ gentis, cum

*Aurantius exercitum colligit.*

*Martna cum Aurantio consultat.*

clo. Io. imperio amandaverat. Is namque velut propinquorum, quos Albani  
 LXXII. furor Anno cIo. Io. LXVIII. hauserat, cædem ulturus, acceptâ po-  
 testate militares copias conscribendi, designatis cohortium tribunis mi-  
 litem mox collegit, expugnatâq; Cunera Comitum olim fede (qui in  
 Hermanno ultimo eius gentis, sterilitate conjugalis lecti defecerant)  
 ejecto munitione istâ Valonum præsidio, in Sylvestres Frisios se  
 effudit. Cuius rei famâ percussus regius Senatus, & quod Æ-  
 gydius Barlamontius, qui Carolo Brimæo VI. Eid. Ian. Swollis  
 (ut nobilissimus Hemmingha in genituris suis tradit) ex apoplexiâ, cum  
 liberalius festum magorum celebrasset, extincto III. Eid. Maii suc-  
 cessor datus erat, apud Geldros tum ageret, Gasparum Roble-  
 sium gente Lustanum, Legionis Valonicæ Præfectum, Groningâ  
 cum copijs evocavit. Qui mox de consilio regij Senatus, (is nam-  
 que absente Barlamontio rerum potiebatur) vicarium per Provinciam  
 imperium adeptus, sedem sibi in arce regiâ apud Leovardios destina-  
 vit, amotoque Germanorum præsidio, ne quid fæderati molirentur,  
 legionis suæ copias arci pro præsidio imposuit. Mox urbe novo opere  
 firmatâ, ac stipendio, quas Adolphus Holsatus circâ Frisiorum fines  
 ducebat, auxiliaribus copijs assignato, prohibendis, ulteriore in Pro-  
 vinciam ingressu, fæderatis incubuit. Iam enim intellexerat Bron-  
 horstium Cuneræ potitum copias parare, dubiâque quarundam civita-  
 tum fide, Snecensem populum fociorum exilijs, & aspero dominan-  
 tium imperio offensum adipiscendæ libertatis consilium agitare. Igitur  
 comparatis, quibus militem vehebat, undecim curribus, adscitoq;  
 in comitatum, & mox Snecam præmissis Petro Frittema Senatore  
 regio, ut primarium civitatis Consulem sui adventus clam certiore  
 faceret, transitum sibi per urbem dari petijt, minuendæque suspicioni  
 sinistræ, suburbanis intereâ arundinetis militem occultavit. Sed con-  
 tacta res non mansit. Avocato namque ad captandum secretum Con-  
 sule, (qui cum præfectis forte civitarum copiarum diem conloquio tra-  
 hebat) iisdem tribuni subesse, ut erat, dolum rati, totam per urbem  
 magnâ celeritate se sparserunt, compertoq; Gasparum Roblesium sub  
 ipsa mænia sgressum, dato signo ad arma conclamarunt. Unde cle-  
 rus periculi metuens, arma, quæ clam pro Roblesio paraverat, om-  
 nemque nitrosum pulverem in Curiam portavit, veniamque deprecatus  
 est. Roblesius ipse, schlopo, ut ferunt, petitus fremens nequic-  
 quam & indignabundus contactam animo iram vultu expressit. Petrus  
 Frittema Senator, velut vitæ exspes, magno animi angore diu pres-  
 sus, periculum tandem evasit, occupandæque, quod dedisse ferebatur,  
 urbis consilium, magno suarum rerum impendio mercatus est.

Mox Gasparus Roblesius Snecâ exclusus, canobium Floridi Campi  
 se contulit, datisque ad Bolswardios festum litteris locum præsidio  
 regio modestè rogavit. Quibus acceptis Magistratus oppidanus cohorti-  
 um urbicarum præfectos in ædiculam Mariæ Virginis convocavit, lit-  
 terasque Roblesij exhibuit. Cæterum tribuni copiarum, Paulus Symo-  
 nius, Romko Vibenius, Vibius Mollius, & Bernardus Vietor quod  
 ipso noctis meridie capiendum consilium non esse dicerent, postero  
 die se responsuros ad postulata Roblesij fidem fecere, obseptisq; in-  
 terim

Roblesij  
 acta.

Sneca ten-  
 eatur à Ro-  
 blesio.



terim per manipulos armatorum civium portis, pueros, fœminas, reliquamque imbellem turbam abstinere publico iusserunt. Quæ res quia ad Roblesij propositum non erat, qui patere urbem sibi ac juxta præsidio voluerat, Magistratus consumptâ per curas nocte, ipso lucis ortu ad Roblesium Legatos misit, qui referrent: Prævalere intra urbem fœderatos, neque suis erga Philippum studiis reprimi potuisse civium animorum motus. Duplicatos quippe vigilum ordines, ac portas manipulis obseptas, ne quis intrare cum milite queat, præterquam assensu populi, cuius in infœlici urbe per discordias imperium sit. Tradunt alij, Magistratum oblatum à Roblesio præsidium tacite respuisse, animisq; in fœdus propensum, concordiam civium parem suæ defensionis respondisse.

*Roblesio  
Magistratus  
respondit.*

Ita Roblesius simul Bolsuerdiâ prohibitus irâ tumens, tamen secreto odio injuriam tegens, per plana agrorum se & militem sparsit. Tum Leovardiam xvi. Kal. Sept. regressus, minax fœderi, & jam animo ultionem expendens in Senatu regio de mittendis Franequeram Legatis consultavit, quâ in urbe, nihil cæptandum esse, præterquam prætentatis civium animis, Senatus regius censebat. Quare Roblesius Leovardiam, velut sedem bello habiturus, commeatu atque annonâ intruxit, Prætoresque per utrosque Stellinguerfios, curare fines suos, ac de adventu Fœderatorum, qui circa Cuneram denuð congregabantur, certiozem facere Senatum regium jussit. Constitutis quoque exploratoribus, qui actiones consiliaque fœderatorum specularentur, ad cænobiorum antistites litteras dedit, quibus de subministrandâ annonâ hortabatur. Populum etiam Leovardium, ut M. Heymannus notat, novo sacramento obstrictum, armari recenserique fecit, conscriptisque quatuor Germanorum cohortibus tributum imperavit. Aded adventantium fœderatorum fama omnem Provinciam impleverat. Quare Valones qui Stauriæ ac Maccomij præsidia agebant, adesse fœderatos rati, Stauriam ac Maccomium deseruere, abductoque secum Henrico vetigalium Conductore, homine opulento, Leovardiam fugerunt, quo & Floridi Campi Antistes sacri ærarij gazam, aurum atque argentum omne, tum pretiosissimam supellectilem transmiserat. Metuebat namque ne Snecenses publicè infidi, & novarum partium professione ferventes, excursionem facerent, cænobiumq; cæteris ferè opulentius, ac magno rerum paratu famosum, cupidine prædæ expilarent.

*Roblesius  
Leovardiam  
redit.*

*Roblesius  
scribit ad  
Antistites.*

*Fuga Antistitis.*

Ubi verò cognitum Ioannem Bongam virum natalibus, & bello clarum, trajecto navigijs quibusdam Austrini maris sinu Snecam appulisse, intraque urbem magnâ civium concursatione & applausu admissum esse, altior adhuc metus omne confinium pervasit. Igitur per agros fuga & desertio palam cæpta, cænobiorumque antistites extremo pavore correpti, rebus suis asyllum quæsiere. Bonga verò ordinato Snecæ præsidio, ac oppido multo opere, effossis Frittemanis prædijs, munito, vastandis cænobijs militem admovit, stipatusque trecentorum cohorte Bolswerdiam progressus, deditionem urbis postulavit, in qua Hobbo Ottonius vir impensè Pontificijs addictus, inter cæteros consulatum, & cum eo imperium gerebat. Qui repulsum nuper Snecâ Roblesium vehementer criminatus, pensandæ velut injuriæ, Bongam quo-

*Bonga Senecam venit.*

cIo. Io. que militemque eius arcendum urbe censuit, dispositisque ad portas  
L X X II. vigilijs defensionem se paravit. Tum formula novi quoque jurisjurandi  
perscripta, quâ mobilem dubiamque civitatem arctiore sacramenti re-  
ligione Philippo obligaret. Quare Bonga prolato oppugnandæ Bol-  
suerdiæ consilio omni circum pecore abactis, ac Oegano, Ioannitarum  
& Groendiceno cænobijs exustis, Snecam regressus est, quod oppidum  
præservidis in libertatem studijs istius parandæ diu consilium inierat.

*Titus Het-  
tingha Dil-  
lambur-  
gum missus,*

Idcirco enim mense Aprili auxilia Principem poposcerat, misso Dil-  
lenburgum Tito Hettingha viro nobili, qui conscribendi militem, ac  
occupandæ urbis potestatem acceperat. Diploma quod apud gentiles  
asservatur, xvi. Kal. Maii signatum. Dein Bolsuerdij animis jam diu  
à Magistratu alieni, & dolore repulsi auxiliorum concitati, ut ex-  
emplum Snecensium imitarentur, formulam regij juramenti publico igne  
combussere, Horatiumque Buma, & Gofuinum Allartium Staurium,  
tribunos pedestrium copiarum, ut caduceatores evocare, ut de mo-  
do dedendi ageretur. Res in biduum protracta. Itaque caduceatoribus  
Slotam regressis, qui locus præsidio erat, Ioannes Bonga, eorum, quæ  
evererant, ignarus, eadem postulata fecit, Bolsuerdijque invito etiam,  
ut creditum fuit, Magistratu urbem Aurantio permisere.

*Bolsuerdia  
federis as-  
serta,*

Ira Bolsuerdia, cujus cives clam cum Snecensibus inijsse societatem  
dicebantur, in fœdus adscita, cadumque vini Diderico Bronchorstio,  
qui Balckij apud Geesterlandos agebat, missum est. Mox pultato  
campano ære, & omni cive in fanum, quod Martino sacrum est, evoca-  
to, populus Bolsuerdicus cum Magistratu portâ Snecanâ effusus, Bron-  
chorstium recepit, verba faciente Regnero Annio viro Consulari:

*Bolsuerdian-  
sium Ora-  
tio,*

**E**X quo, Diderice Bronchorsti, cum famâ Albane sevitia, bellum simul,  
& periculum accepimus, eius etiam imperij fastidium ad nos devolutum  
est, quod reverenter habere, quamdiu à tyrannide integrum fuit, nostri  
maiores consueverant. Vbi verò servire, & pati immoderata, in-  
gloriam & turpè nobis visum, consilia inijimus, quomodo in libertatem resti-  
tueremur, & nos ipsi uxoribus, liberisque securitatem pararemus. Cujus  
spem quia in te nobis fecimus, tradimus tibi urbem, non inconsulto impetu,  
sed sacrâ aede, & communibus suffragijs connexi. Itaque, quæ nostræ potesta-  
tis erunt, subsidia, munimenta urbis, muros, arma, & si pro libertate sit,  
corpora ac sanguinem habebis, modo ea integra pro virili cures, quæ Philippi  
Præfectorum vis, atque insolentia adulteravit. Virtute ac constantiâ tuâ  
multum proficies, cetera à Deo sperabis.

*Bronchor-  
stium res  
Bolsuerdiæ  
mutat,*

Ita Bronchorstius multo nobilium comitatu urbem ingressus, lætissimi  
introitus pompam exercuit. Bonga cum trecentorum militum manu  
pro præsidio admissus, & Horatius Buma Harichius actâ apud Scet-  
tanos nocte, postridie urbi quoque inductus est. Tum reformata re-  
ligio invecta, depurgatoque ab imaginum ornatu Minoritarum fano Io-  
annes Ianfonius rem divinam fecit. Magistratus quoque novus, vetere  
abrogato urbi datus, in quem à Bronchorstio Geroldus Herama Ol-  
dermannus, Dominicus Hottingha, Iacobus Symonius, Petrus Vibenius,  
Regnerus Annius, Iacobus Iacobæus, Dominicus Tiallengius,  
Theodorus Occonius, & Paulus Symonius cooptati. Post collegij  
jurati



jurati mutatio secuta, omnisque ordo in verba Bronchorstij juravit. c. 10. Id. Idem Snece factum. Tum Pontificij plerique desertis conjugibus, li. LXXII. berisque Leovardiam concessere. Quos ut revocarent fœderati, profugorum uxores liberosq; in custodiam dedere, velut animo præconcepissent redimendis carissimis pignorum, perfugas maritos honesta per conjugum desideria secessionem à Roblesio facturos. Ubi verò regium sacramentum matrimonij fide sanctius cariusq; deprehensum est, conversi ad exactiones fœderati, grande tributum captivas poposcere. Sed rigidum illud, & proclamatae libertati minus congruum interveniente propinquorum fidejussione sanatum est. Douwonis Heramæ, *Circa Bolsuerdiam facta.* quod is urbe excessisset, bona commentario perscripta. Sacrarum quoque ædium supellex longâ annorum serie intacta, in tabulas tum redacta, censusque sacer detectus, religiosi ordinis opes, & simul luxum aperuit. Floridi etiam Campi cænobium tum vastatum, in actis reperio, præterque abacti pecoris damna, omne utensile Bolsuerdiam comportatum. Thomam Groningensem loci antistitem in possessionem muneris mense Julio immisum, uno suorum fugæ comite adscito Leovardiam se contulisse, questumq; de vi illatâ, apud Senatum regium juris subsidium adversus autores damni dati nequicquam implorasse. Ita grassantibus Bolsuerdijs, multi familiarium rerum jacturâ impulsî, exitiosa clam consilia, & simul incendia miseræ urbi parabant. Quod propositum cum ægrius dissimularent homines, quibus animi secretum præceps ultionis cupiditas depromebat, Leovardiae vulgatum, ad Franequeranos jam pervenerat. Qui propterea datis ad Bolsuerdios litteris de instantibus monebant, & esse intra oppidum, qui proditio nem & incendia occultis artibus moliantur. Similes litteræ ad Bronchorstium datæ. Quare is relicta confestim Snece Bolsuerdiam advolavit, arctaque custodiâ per excubias vigiliisque militum amovendis malis urbem sepsit. Reperio Leovardios Snecensibus hoc tempore infectos, suburbanum pecus abegisse, ipsosq; Worcomios dissimulata partium fide, Bolsuerdiâ urbe tanquam asylo usos, sua erga fœderatos odia falsis affectibus velasse. Arces quoque ac domos nobilium familiarum Pingumi, Oosterendæ, Elosti alijsque in locis disjectas, fœderatumque militem colonis cænobitarum vim & incendia comminatum agrorum locaria, & sacri ararij proventus intercepisse. Eundem quoque Slotam progressum, nominis sui terrore Lemmariâ hostem submovisse, ac Coudumum non procul Stauriâ regressum presbyterum sacra, de more, facientem æde exturbasse. Adeo bellum lege adhuc, & disciplina vacuum, omnem secum insolentiam trahebat.

Quo animorum civilium æstu per Frisiam durante, &, ut solet, ex secundis concitatore Ferdinandus Albanus gestarum rerum seriem Philippum ad Regem perscripsit, regique fiducia suarum virium paulo ante elato, majorem sollicitudinem incussit. Quare Philippus Madrito XIII. Kal. Jul. ad Frisios scripsit, subsidiaque ardenti jam bello & simul auxilia poposcit.

*Intellexi ex Albano prorege meo, quosdam ex rebellibus & imperio meo contumacibus multitudinem coegisse, turbandæque paci oppida quadam per Frisiam*

*Leovardij abigunt Bolsuerd. pecora.*



cIo. Io. Frisiam occupasse. Ea ipsa quoque oppida & municipia igne passim ac  
 LXXII. ferro vastasse, nihilque omisisse, quod ad explendam sceleris atrocitatem  
 spectaret. Cui rei cum remedium in tantâ rerum perturbatione quaerendum  
 sit, faciam boni Principis officium, daboque operam, ut, quantum res mee  
 ferent, tantum utilitati vestra impendam. Hoc tantum peto, ut impulsas res  
 meas subsidij viribusq; vestris juvetis. Quod si faciatis, clementiæ exemplum,  
 more antecessorum apud vos edam.

Bronchor-  
 stium Franeq  
 capite.

Tum Bronchorstius more mortalium, prospero fortunæ cursu huc us-  
 que usus, de adiiciendâ victorijs suis Franequerâ cogitavit, quam etiam  
 urbem illorum temporum fato, vehementia partium odia adflegebant.  
 Vulgus ut ferè novis rebus facillimum, & quod vento velut ferente  
 cum impetu agebatur, à Philippo animis discretum, Magistratum ve-  
 rò & primos ferè civitatis veteris sacramenti memoria, & parti sub  
 Philippo honores occupaverant. Ita discordi civitate capefcendam con-  
 silij sui occasionem ratus Bronchorstius, trecentorum militum cohortem  
 isthuc ire, & mox Campanellam Spaniumque copiarum ductores sub-  
 sequi iussit, castraque medio Tzumam inter & oppidum loco meta-  
 tus, Delegatos in urbem misit, quibus Magistratum sui adventus, &  
 juxta consilij certiore faciebat. Qui metuens ne honoribus digni-  
 tatibusque primum, post bonis, ac facultatibus exueretur, recipiendi  
 Bronchorstij consilium mediata cunctatione trahebat. Itaque plebs  
 moræ impatiens, & suspectam Magistratus tarditatem ducens, totam  
 per urbem se sparsit, effractisque per vim portarum seris Didericum  
 Bronchorstium cum copijs intromisit. Bronchorstius Franequerâ lo-  
 cato modico præsidio, & frumentatione per vicinos agros imperatâ an-  
 nonam procuravit latisque quibusdam statutis, quæ ad continendum  
 in fide & modestiâ, populum facere videbantur, Bolsuerdiam rever-  
 tit, ac de mittendis, quam fæderari 1x. Kalend. Sept. occupaverant,  
 Stauriam, auxilij deliberavit. Enchusâ quippe fæderi adjectâ, sub-  
 motisque jam ante proximo Flevi æstuario per Titum Hettingham,  
 Vibiam Siurtenium ceterosque classium præfectos regijs triremibus,  
 hoc maxumè, neque imprudenter curabat Bronchorstius, ut ruti in u-  
 trosq; Frisos trajectus essent, maritimisque ac limitaneis locis in po-  
 testatem redactis, omni ex orâ commodè auxilia haberentur. Quare  
 Stauriam vetus oppidum, Ducum olim Regumque Frisæ sedes, no-  
 strâ memoriâ Anseatico fædere, & veteris fortunæ famâ clarum, fu-  
 gâ regij præsidij desertum, suam fecerat, ac in oppugnando castello,  
 quod in Boream portui imminabat, & Valonum præsidio teneba-  
 tur, omnem operam collocabat. Unde præter tres cohortes,  
 quas è Translavanis militares viri ducebant, plures copias expedi-  
 dit, tormenta muralia è fæderatis oppidis, Snecâ, Bolsuerdiâ,  
 & Franequerâ advehi iussit. Quæ cum nullo fere usui essent,  
 quod cicumducti operis murorumque magna crassities, & firmitudo  
 obstaret, obseptis vijs locisque, quibus commeatus ac annona submi-  
 nistrabatur, morâ ac juxta fame consumere præsidium constituit. Qua-  
 re Roblesius etsi lecto apud Leovardios affixus, regium in arce Sena-  
 tum habuit, multaq; de solvenda obsidione ac mittendis ocys auxi-  
 lijs

lijs proposuit. Interesse namque regis Philippi quam maxumè, ne eà clā. Io. fæderati munitione potiantur, quam Carolus Cæsar magno sumptu ex- LXXII. trui curasset, & quæ magnum Philippi imperio stabilimentum adferre posset. Reputaret Senatus minores Frisios gentem adverso littori ob- jectam Aurantio se permisisse, majusque in hac ipsâ Provincia post discrimen fore, si claustrum illud æstuario Flevi, & simul continenti impositum fæderati occupent, transitum in minorem Frisiam ad evocandâ Aurantij auxilia hac occasione habituri. Ut ea intercipientur, & ne præsidium fidei tenax, illustre exemplum virtutis professum, inediâ aut fame fractum in manus hostium veniat, mittenda auxilia esse, vel se ipso Duce, apud quem publici commodi potior cura, quam privatae valetudinis sit. Cæterum regius Senatus, qui imbecillitatis rationem, ac hoc ipso rerum incendio Præfectum morbo attritum extra discrimen haberi volebat, alium copijs ductorem ordinavit, comparatissq; quinquaginta onerarijs navigijs, quibus cespitum vectura fieri solet, militem imposuit. Quibus de rebus certior factus Bronchorstius, qui Bolsuerdiæ otium inter & segnitiam agebat, leve quoque Schlopetariorum auxilium Stauriam confestim ablegavit, ut hostem anteveniret, & ad oppugnandum castellum cæteris cum copijs se pararet, quod præsidij Valones nullo adhuc dedendi consilio tuebantur. Illi namque perceptâ auxiliorum adventantium famâ, sociosq; ac com- militones proximos lacus navibus emensos ac in terram jam expositos, castello se effudere, atque per subjectam urbem agmine, cum fæderatis congressi sunt. Quorum terga cum auxiliares hostium copię ferirent, quas Roblesius Leovardiâ miserat, & plures numero esse fæderati autumabant, errore decepti, & simul imbelles in fugam se dedere. Tum strages edita, totaque ferme urbs referens ruderâ, & imaginem adhuc ostendens antiqui splendoris miserabili incendio infla- gravit. Fugientium pars Lemnariam ac Vollenhoam, pars Coudum se recepit, quod à Valonibus una cum Stauriâ urbe opulentâ direptum prædam victoribus opimam attulit. Tormenta fæderatarum urbium in castellum devecta. Reperio in notis illorum temporum, omne illud incommodum Nicolao cuidam Bremensi, quod Ordines suorum fæditer deseruisset, imputatum, eundemque vinculis datum, nullâ ferè aut rudi illorum temporum disciplinâ, impune dimissum. Alij verò in Diderici Bronchorstij socordiam, & quod omne fæderatarum copiarum robur simul castello non admovisset, rejecere. Cives plurimi è ligneis pontibus penduli fædâ morte strangulati sunt. Notat M. Heymannus, quadringentos quoque fæderatos etiam desertâ Stauriâ prædæ hostium imminentes ad Galedamum cæsos, Valonesq; paucis desideratis, & inter eos signifero Wibij Gerritij, cuius pectus glande transverberatum erat, Leovardiam ovantes redijisse.

Stauria  
Commodi-  
tas.

Stauria  
castellum à  
Fæder. ob-  
sessum.

Regij obsi-  
dionem sol-  
vunt.

Bronchor-  
stium classem  
adornat.

Bronchorstius interea durante Stauricæ arcis obsidione, ut mari do- minaretur, classem adornari fecit, eâq; latissimis, quæ Frisiam lam- bunt æstuarijs immixtus, regias naves commeatu atq; annonâ instructas expugnavit, classiarioq; milite in proximum littus exposito obsidere Doc- comium constituit, quod Philippi nomine Renicus Dekama & Crunin- gius nobiles viri, duabus cum cohortibus præsidio tenebant. Quod etiam



cIo. Io. etiam oppidum ad Eam flumen in Oostergoâ situm<sup>1</sup>, variâ & mutabili  
 LXXII. fortunâ jactatum castelli formam sub Ubbone II. accepisse patrij annales  
 memorant, auctisq; per Lavicam, Eamq; flumina commercijs opibusq;  
 sub Adgillo I. in urbem conversum regalium jus ac præsertim cudendæ  
 monetæ usurpasse. Tum à quadringentis & ultra annis, factionum  
 tempore majore curâ munitum, ac post à Geldris, dein Burgundis re-  
 cuperatum, ab Anno cIo. Io. xxxi. justâ pace floruisse, donec orto  
 Philippum inter, & Provinciales formidabili bello, de eo oppugando,  
 etsi, inrito conatu, Didericus Bronchorstius agitare. Per Gasparum  
 namque Roblesium Groningâ, ut dixi, evocatum, qui signa per Don-  
 grios tractumque littoralem circumducebat, accessu littorum prohibi-  
 tus, ventis velisq; fortunam recommisit, ac mutare consilium coactus  
 est. Ex quo factum est, ut depulso Bronchorstio, Gasparus Roblesius  
 (absente ut dixi Barlamontio vicarium per Frisiam imperium ge-  
 rens) omnem illum agrum vastaverit, opprimendæque per oram illam  
 Nobilitatis clandestinum consilium cæperit. Cæterum detecto consi-  
 lio parum profectum, nisi quod arces per Dongriam directæ, omni-  
 que fere ornatus nobilium familiarum, tum aurum & argentum à prædo-  
 nibus devectum. Scipio Sceltama & Sicco Tyessenius, qui in istius o-  
 ræ Nobilitate tum censebantur, periculis subducti, primo eorum in  
 Amelandiæ insulam, altero Franequeram amoto, quæ urbs, ut ante  
 memoravi, spreto Albani imperio, quod pro Philippo gerebat, par-  
 tes libertatis sequebatur.

*Roblesius  
vastatDon-  
grie tra-  
ctum.*

Stabat tum in anchoris apud Amelandos præsidaria navis, cui Gis-  
 bertus vir Hollandicæ gentis cum imperio præerat, & qui sexaginta  
 armatos, nomine Gulielmi Aurantij ducebat. Is rejectum Dongrico  
 littore Bronchorstium ægrè ferens, Scipionem Sceltamam, qui, ut dixi,  
 apud Amelandos perfugerat, ad reparandum Doccomij obsidium spe-  
 ciosis rationibus hortatus est. Amotum namq; in mediterranea Ro-  
 blesium, littusque patère ascensui obvium, neque quidquam deesse,  
 præter animum gerendis festinanter rebus paratum. Reputaret Scel-  
 tama vastatam arcem suam, expilatum omne avitæ domus ornamen-  
 tum, cuius injuriæ ultionem à pulcherrimi facinoris capto habere pos-  
 set. Modicum namq; intra urbem præsidium, quod insensos etiam ci-  
 ves haberet, fæderi pronos, & novis rebus (ut fluxum vulgus est) se  
 facile duros, si ducem partium viderint, & qui suâ ac majorum cla-  
 ritudine imperium cum autoritate gerat. Intus civium, foris Provin-  
 cialium auxilia fore, quæ si paria negotio non sint, sibi militem, &  
 classiarium esse, quorum operâ uti queat. Non subministraturum se  
 inermium gregem, sed viros fortes, ac periculis fuetos, & qui ar-  
 dua quæque ac molesta pro patriâ, & fædere non recusent. Ita Scel-  
 tamæ animus evictus, de occupando Doccomio cogitavit. Quare le-  
 vatis confestim anchoris, secundante Coro, præsidaria navis Oostma-  
 hornam advecta. Ubi triginta classiaris militibus in terram expositis,  
 plebs rustica per Dongrios & è vicinis locis, ad eius rei famam excita  
 turmatim confluit, sacramentumque dicit. Dein coactore agminis  
 ordinato mistum Provincialibus militem non lento itinere Doccomium  
 duxit, habitoque ad portam cum præsidariis conflictu, quo superior  
 Scel-

*Doccomium  
Fæderati  
invadunt.*



Sceltama fuit, propius cum copijs suggestus urbem occupavit. Præsidia-  
rij è quibus novem desideratos Heymannus Graph. scribit, partim celer-  
rimà fugâ Leovardiam, ubi Roblesius tum erat, partim in turrim Bo-  
nifacij martyris cænobio proxumam spe novorum auxiliorum se con-  
tulere. Tum in signum victoriæ machinæ laxatæ, potiôrque civitatis  
pars, quod ante non licebat, amotis obstaculis secretum suum profes-  
sa in verba victoris juravit. Sacra quoque ac profana loca, quibus mul-  
ti se occultaverant, curiosè perlustrata, milesque hostilis suo latibu-  
lo extractus, arbitrio æqui victoris se permisit. Tradunt alij, qui tam  
iniquis turbatifque temporibus commentarios confecere, eam victo-  
rum insolentiam fuisse, ut nec donarijs temporum abstinerint. Cæ-  
terum mihi alia vivorum testimonia suppeditata, fæderatosque omni  
moderatione usos, magnam etiam hostium partem clementiâ in victos  
pellexisse. Itaque in turrim receptis, monachus (is solus ex illo ordi-  
ne in oppido permanserat) caduceator missus, qui veniam præferret.  
Postquam ea ipsa, ac juxta periculum contemptui, præter admotas  
turri machinas, materies omnis concremandæ altissimæ crassissimæque  
moli aggesta, ut metu instantium extremorum, ad faciendam loci de-  
ditionem, obsessi compellerentur. Cæterum infracta militum virtus,  
& cedere periculis nescia, in ferventissimis etiam caloribus persti-  
rit. Turris quoq; , etsi à Solis ortu in medium diei arderet, defen-  
sioni servata, è quâ obsessi missis desuper in fæderatos disterijs saxa  
quoque immania, schlopofque jaculabantur. Eo rerum statu metuens  
Sceltama, ne quod post evenit, tumultuaria agrariorum manus fugæ  
se daret, recitato per Præconem edicto cavit; Ne quis, nisi de vo-  
luntate Tribunorum Centurionumque urbe egrederetur. Litteras quo-  
que ad Didericum Bronchorstium Franequeram dedit ocysus, in qui-  
bus de auxilijs monebat: Subesse quippe periculum negotio, & præ-  
ter infidas multorum civium mentes, non magnum & fere inerme præ-  
sidium. Triginta quippe tantum classarios, & dein è Dongrijs tu-  
multuariam manum accitam, nesciam disciplinæ, & armorum rudem.

Econtra Roblesium in propinquo, sparfos per Provinciam & in i-  
psâ urbe superbos hostes editissimâ turre defendi, non periculis, non  
terroribus fractos. Persévérasse quippe in ipsis flammis, ac ardore igni-  
um, animas citius, quam arma posituros naturali pectorum robore, &  
quod abesse non procul auxilia præsumant. Quare necendas moras non  
esse, cogitaret Bronchorstius, omnemque prolationem paratis semper  
rebus inimicam, vel hoc ipso discrimine maxumè nocituram fore.  
Quæ litteræ dum ad Bronchorstium mittuntur, qui intra oppidum, mu-  
niri loca, vallum roborare, crates præstruere, tantâ laborantium ala-  
critate, ut imbeliis etiam sexus, necessario operi industriam commo-  
daret. Neque enim pueris famellisque largius otium, quin invalidâ  
etiam manu, fudes, ligna, comportarent, canorâque voce velut clas-  
sico, virorum mentes accenderent. Interim Roblesius eorum, quæ  
e venerant certior factus, expedire Doccomium copias, totâque le-  
gione quam ex Valonibus conscripserat, urbem circumvenire consti-  
tuit, de cuius quoque excidio cogitare nec inveris rumoribus fereba-  
tur. Qui ubi Doccomium perlatis, tanta consternatio oppidanos, ac

Mileires  
gius in turre  
obfessum.

Ed. Hunt.

clo. lo. juxta plebem rusticam occupavit, ut de deserendâ urbe cogitaturus fuisset, nisi solatia quâdam inanium litterarum eorum fugâ Bronchorstius interposuisset. Istæ habebant Ioannem Bongam, & Sicconem Tyefsenium cum suis cohortibus iter ingressos, citum agmen ducere, ad-turos propediem.

*Doccomium  
Roblesium  
invadit.*

Quare tum pavor in fiduciam, mæror in gaudium conversus, quo ignaræ futurorum mentes nullo discriminis metu se compleverant. Cæterum postriduanus dies securitatem fæderati populi, & simul fortunam urbis invertit. Postquam enim tardius, quæ Bronchorstius promiserat, auxilia adfuere, quingenti pedites ipso noctis obscuro Leovardiâ emissi, Doccomium perrexere, positisque ad emissarium vetus, per quod Ea flumen aquas laxat, castris, tormenta mox in urbem laxavere. Tum timor ingens oppidanis incussus, fletusque ac ejulatus muliebres compresso gaudio auditi. Quare ne planctus fæminarum puerorumque viris obesset, calorq; in pugnam ardescentium, miseratione prostrati in terram sexûs languesceret, fæminæ omnes domum abscedere iussæ, amotâque imbelli turbâ, civis milesq; defensionî urbis se paravit. Ita ad manus ventum, cominusque acri pugnâ certatum, tam egregio virtutis per oppidanos experimento dato, ut hostes pedem referrent, esseque in tuto fæderatorum res viderentur. Postquam verò urbis ac portarum custodia laxior, tum agrarij quique per temulentiam focordes, & ad pericula pavidi duarum partium, & tacitis odijs gravem urbem reliquere, prospera omnia fædissimus signorum desertor invertit. Occupatâ namque, quâ plebes rustica profugerat, per hostem portâ, civium quoque acies inclinavit. Quæ tepidiore sensim sanguine ubi in fugam abreptos focios intellexit, spem servandæ urbis excussit, ordinemq; deseruit.

*Ferocia  
hostium.*

Tradit Henricus Bra milites illos, qui in turrim, ut ante memoravi, se receperant, commilitonibus suis indicium fugæ rusticæ fecisse, visoque civium languore desertâ turre victoribus se sociasse. Tum straminea fascia pileo adfixa, tessera cædi data, quam sexaginta equites, qui cito agmine Groningâ advenerant, enormi fævitiâ auxere. Trucidatis namque plurimis, qui arma ferebant, ætati quoque nec sexui ferè parcitum, saucio truncatoq; corpore per vicos sparsio, & multo sanguine in præfluentem Eam effuso. Tum cæde ipsâ pejus incendium eluxit, multique, qui fugiendo ferri periculo, in domorum culmina se contulerant, nidoribus fumisque subtus ardescentium ignium depulsi in manus crudelissimorum hostium venerunt. Ferunt seminudos adhuc & valetudine languidos, tum puerperas cum infantibus in publicum productas, communis periculi sortem explevisse, ipsumque Roblesium, iræ immodicum de delendâ ferro, ac flammis urbe cogitasse. Sed cruentis eius consilijs, sola, qui Leovardiæ erant, exulum intercessio tum obstitit. Quare iussum imperatumque militi, ferro parceret. Postquam illud vario sanguine pollutum in vaginas reconditum, tum licentia rapinis data, postiora quoque scelera patefecit. Itaque fœdæ cædi, & flebili incendio miserrimæ etiam urbis sectio accessisset, nisi adventantium copiarum advolans rumor, quas fæderati ducebant, ab ulteriore nocendi decreto sanguinarium Valonum gregem revocasset.

*Doccomium  
capitur.*



set. Urbs in medijs flammis deserta, relicto tantum in præsidio, cl. 13. cum centum & quinquaginta armatis Montjoio.

LXXII.

Interea fæderati, ductoribus pedestrium copiarum Ioanne Bongâ, & Siccone Tyessenio, ad tertium ab urbe lapidem noctem agebant, criminatîq; tarditatem suam, & sociorum simul fortunam Valones opperiebantur. Qui propterea refocillaris somno ac alimoniâ militum corporibus, victores & incendiarios affecuti, in ripâ Eæ fluminis non parvâ strage fuderunt, prædâque spoliarunt. Cæteris non ausis resistere præceps fuga profuit, quâ palantes, & sparsi Leovardiam rediere, ubi Roblesius magnarum rerum consilia animo versans, ad xv. Kal. Sept. conventum Ordinum indixerat. Ea lanienâ istius vera facies fuit, quam jam ante prævisam in illius temporis commentarijs fidissimus testis Henricus Bra annotavit.

Quare nocturnos rumores, & unguarum pulsationes, hinnitûsq; equorum auditos, visaque jam ante incendia commemorat. Fama fuit, Gisbertum, de quo dixi, Hollandum istius expeditionis auspicem, recedente æstu in vado Lavicæ amnis post circumventum, naso auribusq; mutilatum, dein confossum fuisse, quod Gerardum Deccomiensem hominem impensè regiæ parti deditum à Douwone Glinzio viro nobili captum, maloque navis adligatum glande plumbeâ confecisset. Glinzium ipsum mari res infæliciter gerentem, ac hostibus traditum porrectâ percussori cervice gloriosam mortem Groningæ oppetiisse. Tum Roblesius coacto Ordinum conventu, ad quem ex Oostergoîs Gerardum Iacobi, Antistitem Clarecampensem, Sceltonem Sceltama, Gerbrandum Aytam, Heronem Burmaniam, è Westergoîs Ioannem Geelmuydanum, Presulem Lidlumanum, Edzardum Grovensteinium Sceltonem Lyauckamam, Martinum Nitzenium, Sceltonem Tiardam, è Sylvestribus Fredericum Oconium Pastorem Oelanum, Annam Tarquinium, & Tinconem Andringham, ad vii. Kal. Sept. evocaverat, multa præ-

Roblesius  
Conven-  
tum habet  
Leovardie

fatus, tributa per Provinciam poposcit. Jam diu quippe perspectam fuisse erga Philippum Regem fidem atq; industriam suam, cum in comprimendis rebellibus, tum in conferendis de suo in publicum pecunijs. Cæterum nunc belli mole per Frisiam ardescens exhaustum, sine majoris tributî subsidio opitulari rebus labantibus non posse. Ingressum quippe Provinciam Bronchorstium tria mox oppida, sedem bello, fæderi sociasse. Exin ne solâ Westergoâ se concluderet, Doccomium urbem portu commodam suam fecisse, jactôq; ibidem magnarum rerum fundamine, duo prælia non sine utriusq; partis clade sustinuisse. Fæderatos intra ipsâ urbis mœnia, suos ad Eam flumen deletos, neque dubitandum esse, quin atrocius post bellum cæforum manes pro inferijs exacturi sint. Quod ut veris robustisque in posterum nervis trahi queat, non supplementis tantum imbecillium copiarum, sed novo milite, & adhuc pecuniâ opus esse, sine quâ nulla temporum ætas magnum aliquod & memorabile gessisset. Eius penuriâ licentiam militum, contemptum disciplinæ suboriri, bellumq; ipsum languore quodam & segniter tractum velut marcere, aut tabe suâ deficere. Quod ne deferere magno Philippi damno, ac infamiâ regij imperij cogatur, impulsas ærarij res grandi tributo levandas, sine

Oratio Rē  
blesij.

T 3

quor



cIo. Io. quo nec bellum geri, nec quies populo Frisico esse possit. Hæc fere  
 LXXII. Roblesius. Caterum Ordinum nomine, qui comparuerant, auditis  
 Roblesij postulatis, tempus deliberandi petiere, eoque, ut præceps  
 Roblesius erat, negato, in hunc modum responderunt.

*Responsio  
 Ordinum.*

Nec Statum exhaustæ Provinciæ novæ onera, nec mobiles per Pro-  
 vinciam hominum animos nova tributi imperata ferre posse. Vasta-  
 tam enim armis jam diu partium miserimam patriam, tum fluctibus  
 maris immersam, gravem annonam, & vix alendis familijs parem ac-  
 cepisse. Itaque curandum quam maxumè, ne omnium rerum inopi-  
 piæ, recens malum exactio Tributi accedat, exacerbandis illorum  
 ingenijs, quibus omne immoderatum molestum esset, & qui per  
 exempla edocti, expendere Præfecti imperia, & juxta consilia con-  
 stituent. Esse enim in populo non tantum, sed & in Ordinum con-  
 fessu, qui exigendas potius veteres accepti expensique tabulas, quam  
 gravandam Provinciam novis exactionibus, censeant. Ærarium et-  
 iam ipsum tot annorum tributis auctum secreta dispendia pati, conver-  
 sis in alios usus populi pecunijs, & promptissimâ largitione. Ita centum  
 & viginti octo aureorum millia, non aliâ lege dependisse, quam ut  
 amotâ ulteriori exactione, ingruente bello, aut aliâ gravi necessitate,  
 infælici patriæ sanctius ærarium subveniret. Quapropter durum esse  
 obliteratâ recentis liberalitatis memoriâ, novis adhuc tributis Provin-  
 ciam gravare, regiumque militem adæsis per luxum stipendijs, per a-  
 gros vagari privatorum possessionibus & domesticæ quieti gravem. Quæ  
 incommoda cogitaret Roblesius Caroli Cæsaris actis, ac libertati adver-  
 sa, quâ si redonare Frisiam possit, intestinis armis commotam, non de-  
 futuros Ordines adhibendis novæ temporum felicitati fomentis. Pa-  
 ratos interim, in spem publicæ pacis tranquillitatilq; 24000. aureo-  
 rum, quinq; cohortium stipendijs, intra trimestre assignare, cæteraq;  
 facere quæ suæ potestatis, & debiti in Regem officij essent. Ita Or-  
 dinum nomine Scelto Scheltama, Valerius Cammingha, Scelto Liauc-  
 kama, Edzardus Grovensteinus, Hero Burmania, Hector Abinga,  
 Martinus Nitzenius, Gerbrandus Ayta, & Scelto Tiarda responderunt.

Tum Roblesius dolore repulsæ, ac responso Ordinum turbatus,  
 ad sueta bellorum conversus est, hostiliumque animorum faces, instar  
 erratici ignis, per omnem Provinciam luxere. Quare & per Don-  
 grios, direpto incensoq; Doccomio, non rusticæ tantum plebis civium-  
 que, caterum & religiosi ordinis notata, qui inter arma ne sacris qui-  
 dem secessibus locisq; se tuebatur. Invenio in actis Henricum Kesse-  
 lium, Doccomiensem Præsulem, cum cænobij, quod, D. Bonifacio  
 erectum erat, primoribus Leovardiam se contulisse, usumque multo-  
 rum præsulum, qui isthuc confugerant, conversatione in spem me-  
 lioris tutiorisque fortunæ, sub armis Roblesij latuisse. Eundem quoque  
 Kesselium ob intuta temporum, cuidam Taconi Haringio, qui Prioris  
 titulo cænobio intererat, conferendi se in Omlandiam veniam fecisse,  
 mutandæq; habitus potestatem concessisse. Adeo publicæ privatæque  
 res, in tanto discriminum metu, necessitatis imperio subjacebant.

Advenerat jam in Frisiam, cum septem Germanicarum cohortium  
 auxilij, iv. Eid. Sept. Iustus Scouwenburgius. Qui Snece magno  
 ci-

civium applausu exceptus, obvias populi gratulationes in omen prosperi, ac felicis imperij vertebat. Neq; absimile studium alijs in locis, sed praesertim apud Franequeranos sibi augurabatur, quo contendere, ut aulae suae ac juxta bello per Frisiam sedem figeret, omnium aulico comitatu & praesidio militari parabat. Sed itineri accinctum novae Praefecturae negotia Snecae attinuerunt. Itaq; datis confestim litteris fœderatarum civitatum Legatos Snecam evocavit, ut de potestate sibi ab Aurantio assignatâ è diplomate cognoscerent, quod regum Philippi nomen declinandis illorum temporum odijs adhuc praeferebat. In eo namque praedicabat Aurantius, non aliâ de causa susceptum à se bellum esse, quam ut à Ferdinandi Albani, & Hispanorum immani dominatu populum Belgicum liberaret, omniaq; gentis jura, & immunitates à majoribus integras, incorruptasque assereret. Ita tot annorum curas, & impendia principem animum sustinuisse, eosq; tandem propitiâ divini numinis ordinatione rem perductam, ut plurimæ per Brabantiam, Hannoniam, Hollandiam & Zelandiam urbes, exclusis, aut ejectis praesidijs, libertatem amplexae sanctissima, & carissima quæq; pignora suae fidei commiserint. Et quoniam comperisset gentem Frisicam peregrinae dominationis insolentiaq; pertaesam, cupidine quoque potiundæ libertatis ferri, ac auxilia rogare, idcirco Iustum Scouwenburgium affinem suum virum militiae egregium, & multo rerum usu exercitatum in Frisiam misisse. Qui quoque ut effectum dare idipsum commodius queat, potestatem ei fecisse contrahendi copias, ut ijs adjutus commodare auxilium possit libertatis desideria professis. Tum ne miles stipendia per Frisiam faciens, aut post autorandus licentiae proximus, & sine disciplinae sit metu, eidem Scouwenburgio jus atque auctoritatem dedisse, tam autorandi, quam recensendi, & corrigendi milites, cæteraque curandi, quæ è commodo ac usu publico videbuntur. Rogare se propterea Consules, Scabinos, Rectores urbium, cives, singulosque Provincialium, tribunis verò militique mandare ut morem ei gerant, praestentque subsidia desideratae diu libertati opportuna. Diploma in castris ad Aldkerckam Geldrorum Prid. Eid. Iul. perscriptum. Quo perlecto Snecen-  
Scouwenburgius Praefectus.  
 fes cæterique fœderatorum legati voce acclamarunt, Iustusque Scouwenburgius Propraefectus majoris inter Flevum Lavicamque Frisiae renunciatus est. Aurantius ipse, sive quod proximas majoribus Frisij ditiones Philippi nomine trans Flevum teneret, seu quod ex pacto cum Carolo I X. Gallorum rege Lutetiae inito Frisiam sortitus esset, potius sibi per Provinciam imperium reservavit. Tum Scouwenburgius, juramento, quod ipse dixerat, à fœderatis civitatum Legatis accepto, relicta Sneca Bolsuerdiam contendit, magnoq; rerum apparatu una cum Diderico Bronchorstio per Arenariam portam urbem ingressus, in Heramae arce confedit. Bronchorstius subdelegato post Scouwenburgium imperio usus Iongamae se clausit. Ubi dum bellum segnius trahunt, Gasparus Roblesius, cuius spem jam antè præconceperat, occupandæ Franequerae consilium admovit. Quare praesidiario milite Harlingâ clam evocato, medio ferè Septembri, naves quasdam cohortibus peditum complevit, ac Franequeram ablegavit, quam



cIo. Io. quam non numeroso præsidio, quod Bronchorstius ibi posuerat, fæderati ruebantur. Roblesius præfidiarios Harlinganos dato signo ad occidentem, cæteros, quos Leovardia miserat, ab ortu oppugnare urbem iusserat. Cæterum obseptis undiq; aut oppilatis rivis, per quos aditus ad urbem non patebat, inritum omne negotium fuit, copiarq; Valonum Aengiumano ac Lidlumano cænobijs, tum Berlicomio vico tumultuario opere circumducto, ijs in locis præsidia egere.

Igitur Roblesius spe suâ frustratus, ut Bolsuerdiorum naves, quæ stationem in portu Maccumano habebant, diriperet, ac annonæ, quâ maxumè premebatur, confuleret, adornatis Harlingæ liburnicis militem imposuit, Maccomiumque devexit, quo & Iustus Scouwenburgius, perceptâ istarum rerum famâ, sexcentos quoque pedites Bolsuerdiâ amandaverat. Quorum adventu territi Valonès in altum se receperunt, regressisque Bolsuerdiam Scouwenburgicis, mox littus prælegentes naves deprædatis sunt. Emissarium ipsum depressis per onera navigijs obitratum est.

*Legatio ad Aurantium* Dein Scouwenburgius Bolsuerdiam novâ munitionum formâ circumscribi fecit, habitoque Senatus oppidani conventu Dominicum Hottingham, & Iacobum Iacobæum ad Gulielmum Aurantium Hornam in minores Frisios misit, qui de statu urbis rerumq; per Frisiam referrent, auxiliaque orarent. Quæ cum ad manum Aurantius non haberet, Gallici furoris interventu, & universi exercitus missione debilitatus, solam spem præstandi subsidij fecit, Legatosque dimisit.

Fama traditum est Tiallengum Eysingham virum Nobilem, & juris scientiâ eximium Ludovici Nassovij expeditionis, & fortunæ confortem Vesaliæ Clivorum in exilio tum agentem, auditâ Galliæ lanienâ perturbatione mentis concussam, nefarijque sceleris indignatione apoplexiâ, quod de Philippo Burgundo Meierus scribit, correptum, repentinâ morte expirasse. Tum Iustus Scouwenburgius responso Legatorum accepto, & ordinatis Bolsuerdiæ rebus Franequeram properavit, ingressusque urbem, victoris magis, quam recentis præfecturæ fortunâ usus est. Miles quippe modestiæ, aut disciplinæ nullius retinens, ac in omnem insolentiam effusus, rapinis urbem & juxta imperium Præfecti fœdavit, suburbanis locis fædo incendio vastatis. Unde multorum odijs expositus, metuensque conspirationis, regiæ partis plerosque edicto urbe expulit, bonis eorum, nisi saniora consilia induerent, fisco adjudicatis. Cæteris Pontificijs, arma detracta sunt, ipseque Scouwenburgius perdomatâ urbe, & validiore præsidioposito Siardamea arce se tutatus est, in quâ Sedem imperio, & simul Præfecturæ destinabat. Mox misso in Geesterlandiam, ac Stellingwerfios milite crates gerrasque muniendis locis comparari jussit, Bolsuerdijsque præcingendorum firmo opere mænium curam imposuit.

*Senatus  
Scouwen-  
burgij.*

Senatum quoq; Provinciale tam dicundi juris causâ, quam ne rude imperium peregrinis arbitris staret, Franequeræ constituit, Haringumque Glinzium Ripensem virum Nobilem & eruditum, Præsidentem istius Ordinis autoravit. Præclaros quoque viros & peritiâ legum eximios Barthium Idzardam, Econem Isbrandum, Fecconem Rhalam collegas ei adjunxit, Fredericumque Inthimam Iureconsultum pro-



ratores fisci designavit. Mox Bolsuerdiæ, quæ tum octo pedestrium cl. 13, cohortium præsidio tenebatur, edictum recitari fecit, tribunosque LXXII. copiarum, ut & militem sarcinas colligere, ac extemplo ad signa convenire jussit. Cæterum miles, secreto, ut creditum fuit, centurionum instinctu stipendia, & residuum æs contumaciæ obtendens, seditiosis consilijs occupabatur, metumq; direptionis omnium animis inferebat. Quare Magistratus litteras Franequeram ad Scouwenburgium ocyus dedit, quibus remedium orabat sedandis militum animis conveniens.

Itaque Scouwenburgius quatuor cohortes Bolsuerdiâ Ripam, ubi stativa castrorum posuerat, evocavit, seditiosamque multitudinem ex <sup>Constitus partium.</sup> instituto veteri locorum spatijs discevit. Castra verò quæ Ripæ tantum sex cohortium habebat Scouwenburgius, ut luxu diffuebant, ita nullis ferè excubijs vigilijsq; asservabantur. Quippe miles potare, aleam ludere, & somnum ducere, Præfecti procul signis pavidi & incertè suffugia periculis facere. Itaq; Valones, cito agmine Berlicomio, ubi præsidium tenebant, egressi, in somno ac luxu graves Scouwenburgicos impetum fecere, pugnâque tumultuariè commissâ, castris exutos in fugam dedere. Cætorum par ferè numerus, gloria dispar fuit, Valonesque prædam, quam nacti erant, & simul cadavera sociorum Berlicomium devecta, sepulchrali honore terræ mandavere.

Heymannus notat Tiallengum Andringam virum nobilem isto conspectu cecidisse, sparsasque ignobili fugâ in diversâ cohortes sub ipsos Bolsuerdiæ muros suggestos, fædi pavoris ignominia, & per nuperæ seditionis memoriam urbe prohibitas cænobium Oeganum expilasse.

Mox sacrâ supellectile stipendijs applicatâ eisdem Scouwenburgicos non petita missione, exleges & sacramenti oblitos omni vi ac innocentia perpetrata Cuneram perfugisse. Ita defectione imbellium copiarum Scouwenburgici exercitus robur enervatum. Quâ re perceptâ Iustus Scouwenburgius inter luxum, & epulas tempus apud Franequeranos trahens, metuensque ne Valones victoriâ elati Snecam aut Bolsuerdiam occuparent, ad Didericum Bronchorstium & Titum Hettingham, qui Snecæ præsidium tenebat, ocyus litteras dedit, quibus fidelem locorum custodiam imperabat. Quamobrem Bolsuerdiæ militibus vigilijs excubiæ civium commistæ, copiarumque reliquæ, jam ante Ripâ fugatæ, tutandis suburbanis locatæ.

Bronchorstius quoque ne Valones circumjacentia loca munirent, commeatumque aut annonam urbi præcluderent, cænobium Floridi Campi, quod in ortum Solis æstivum situm est, diripi fecit, seditiosamque & infidam multitudinem factâ prædandi veniâ placavit. Tum Scouwenburgius, etsi torpido otio, & diurno luxu attineretur, more eorum, qui commessationibus consilia belli immiscent, tribunos militarium cohortium in Siardamæam arcem v. i. i. Kal. Nov. convocavit, eosque hoc modo allocutus est.

**R** Es nostras, Commilitones, non parum accisas Ripensis clades, & flagitiose, quæ Cuneram petijt, multitudinis desertio fecit. Reparare collapsâ, quam tueri parva majoris semper gloriæ apud fortes viros fuit, quibus animus ex periculo increvit. Nec detrimenta cladis istius

Scouwenburgium con-  
vocat tribunos.

cl. Id. *tius tantum recenseo. Spectate socios vestros eadem sacramenta vobiscum pro-*  
 LXXII. *fessos, campis dispersos jacere, & inhumata cadavera tabo squallentia, vul-*  
*nerumque notis deformia longiorem vobis ignaviam exprobrare. Virtute ac a-*  
*nimis, Commilitones, opus est, ut mearum rerum fortunam reparetis, socio-*  
*rum verò manes eade hostium ultum eatis, quos non magno numero Aengiu-*  
*mano Canobio conseptos vobis ostendo. Expedito itinere opprimetis imparatos,*  
*ac nuperà prosperitate securos.*

Itaq; tum præfidiarij iusto agmine in cænobium Aengiumanum non  
 segni itinere effusi sunt, congressiq; cum Valonum cohorte, ducentos  
 ad internecionem delevere.

Scribit fidus auctor vix superfuisset, qui editæ stragis nuntium ad so-  
 cios perferrent, cæterosque Valones præsidium Berlicomij habentes,  
 metu ferè exanimatos Leovardiam confugisse. Victores Scouwenbur-  
 gici Franequeram regressi, quod oppidum ut gravi tum præsidio, ita  
 annonæ quoq; penuriâ premebatur. Quapropter Scouwenburgius com-  
 paratis ad id navigijs, amotosq; Leovardiam Valones ratus, in Biltanum  
 agrum progredi copias iussit, frumentationemque militi imperavit.  
 Ubi verò obseptos per hostem viarum aditus idem miles intellexit, o-  
 misso frumentandi consilio, pavore correptus pedem retulit, ac in ur-  
 bem se recepit, nuperæque victoriæ decus in eodem loco, quo quæ-  
 situm erat, turpi fugâ sedavit.

Heymannus notat, partium manus eo quoque tempore commissas,  
 ac ducentos schlopetos à fugientibus Scouwenburgicis projectos Va-  
 lonibus obvenisse. Tum Franequerani omisiss in remotiora expeditio-  
 nibus domesticæ securitati consulere. Itaque miles per Provinciam  
 sparsus in hyberna passim reductus est; ac Franequera Præfecti & jux-  
 ta belli primaria sedes amplo præsidio firmata. Cui rei asperum vel  
 maxumè gelu v. Eid. Octob. flante Cæcia, dein Euro surgens causam  
 dedit. Tanto quippe & tam immani frigore adultum autumnii tem-  
 pus defæviit, ut tentoria militem non terrent, ullisq; operimentis ab  
 ambientis injuria corpora præservarentur. Quare continui frigoris in-  
 temperie fluens aër molestiam militi, civi verò periculum attulit, quod  
 post solidissimam glaciem cælo deciduæ altissimæ nives auxerunt. O-  
 pertis namque fossarum inciliumque cavitatibus Euri vehementiâ muris  
 urbium adjecta nix, adfurgentes clementer colles, & simul metum  
 adferebat, qui sparsis de adventu Roblesij rumoribus Franequeram  
 per urbem magno tum terrore grassabatur. Igitur Senatus Oppidani  
 Edicto, quod Scouwenburgius suavisse credebatur, omnis fossæ urbi-  
 cæ glacies transversim secta, collectæq; haustis aquæ, dein prærupto  
 valli adjectæ inibique concretæ, glabritiem simul & securitatem ab ho-  
 stibus dedere.

*Scouwen-*  
*burgius mit-*  
*tis ad Au-*  
*rantium,*  
 Tum Scouwenburgius longioris moræ incapacem rerum suarum an-  
 gustiam reputans, mittendos denud, etsi mediâ brumâ, ad Aurantium  
 Legatos censuit, qui auxilia rogarent. Quare è fæderatâ nobilitate popu-  
 loque Franequerano Serapius Galama, Iulius Bottnia, Siuckius Emin-  
 gha, & Sibrandus Richæus Iureconsultus designati. Qui acceptis Iu-  
 sti Scouwenburgij sociorumque fiducarijs litteris Bolsuærdiam profecti  
 tabulas



tabulas mandatorum signari per Bolsuerdios fecere, adscitisq; in comitatu eius urbis, ut & Snecensium, primarijs viris, conducto Maccomij navigio Enchusam adpulere, littora majoris Frisiæ contra sitam. Dein facto per glaciem (adulta namque hyems erat) pedestri itinere Harlemum perrexere, quo in loco Gulielmus Aurantium momenta rerum versabat. Quo pro more salutato fiduciaras litteras legati exhibuere, ac Sibrandus Richæus vir insignis & juxta facundus, hunc in modum disseruit.

**D**E conditione suorum temporum questi sæpe plurimi, Princeps, sed privatis querelis, ac muliebribus lamentis ægritudinem publicam non sanare. Namque quod alij direptas domos, exustas villas plorent, privatis damnis dedere, non versis animis in publici discriminis contemplationem. Prudentiores verò quique postpositâ rerum familiarum jacturâ patriæ juxta suæ, & avitæ, in quâ nati essent, libertatis curam habuere, ne quid ea mali per civiles discordias, aut vim externam pateretur. Hac ratione ab excessu etiam Philippi regis in Hispaniam sub Arembergio Præsfecto cæterisque extiterunt, qui Episcopi ac Inquisitorum ordinationibus obloquerentur, nobisque virtute arma armis opponerent. Ab eo tempore variâ fortunâ habitî Frisij sumus, quos in quantum Scouwenburgij ac Bronchorstij adventus erezerat, tantum Doccumane Stauriceque clades nos depresso. Quas reparare nostræ potestatis non est, Princeps, nedum retinere quod nostrum per arma fecimus sine auxilijs, quorum causa hæc Legatio instituta. Nam plures copias per Provinciam colligere, ut nec tutum, ita ærarium, & impulsæ res non ferunt, quas rapina hostium, & infestum fluctibus mare exhaust. Istis malis defectio cohortium accessit, quæ sacramentum, & simul Frisiæ terminum transgressæ animos perfidos alio terrarum, atque signa verterunt. Quæ nisi suppleantur ocyus, Princeps, de patriâ nostrâ actum erit. Eius rei testes nostras & simul Iusti Scouwenburgij affinis tui litteras exhibemus, ne videamur samâ auxisse periculum, & nostræ imbecillitatis iniqui æstimatorum esse. Cæteri mortales adversa sæpe silentio texere, nobis prospera tacentur, quoniam omnium rerum, maxumè autem auxiliorum egentes sumus. Quæ si procures Princeps, spe melioris fati nos donabis, mori paratos non servire.

Cæterum Aurantium ut ante Gallici fæderis tristissima concussio, ita tum hostium res prosperæ, fuga quoque & desertio Gulielmi Bergenfis incapacem mittendis auxilijs faciebant. Quare Scouwenburgius habere intra Provinciam delectus constituit, datisque ad Bolsuerdios litteris, de conscribendis ocyssime equitum peditumque copijs velut extremi periculi remedio hortatus est. Modum quoque cogendi auxilia non ineptè perscripsit, quo è gente aut familiâ suâ fæderata nobilitas, & potentissimi agrariorum cogere, ac armare rusticæ plebis delectos jubebantur. Tum de tributis addidit, quæ nobili viro Edoni Heringæ & Iacobo Iacobæo ærarij tribunis pendî ocyus jubebat, quod sine ijs magnarum rerum, quas animo agitare, inritos conatus duceret. Quibus omnibus Vibrandus Aylva vir clarorum natalium, & Snecensium Oldermannus, fidem in Senatu faciebat, ac duas equitum turmas apud Scotanos in Sylvestribus fæderatæ militiæ, adscriptas menstruo sti-

*Infructuosa Legatio.*



cIo. Io. pendio autorandas esse. Rationes quoque eius rei in ærarium perfe-  
LXXII. rendas, ne quis defectioni seditionique locus esse possit, & ne bellum  
sine disciplinâ habeatur, perennitatis & boni ordinis custode.

Quod postulatum Scouwenburgij approbasse Bolsuerdios reperi, pa-  
ctumque eâ de re inter agrarios fæderatosq; oppidanos initum, subscri-  
ptione publicâ roboratum fuisse. Sed ut nihil constans ac stabile in re-  
bus humanis, ita concordiam fæderis, & spem surgentis Reipub. Iusti  
Scouwenburgij perfidia concussit. Qui cumulato grandi per Frisiam tri-  
buto, sex cohortibus peditum stipatus, desertâ velut in incendio Fra-  
nequerâ Maccomium duxit, novoque ibi & tumultuario opere inchoa-  
to per Worcomios tendens signa Sylvestribus intulit, ac si equitum,  
de quibus dixi, turmis adjutus, de obsidendâ Leovardia Provinciâ me-  
tropoli, aut magnarum rerum captandis consilij cogitaret. Neque  
aliud plenæ fiduciâ hominum mentes suspicabantur, cum is relicto  
Bolsuerdiæ in præsidij Diderico Bronchorstio Nedermormterio, Fra-  
nequerâ Docone Martna, Sncæ Tito Hettingha, Præfecturæ suæ  
& muneris desertor, post gravissimas exactiones instar fugitivi, de-  
cessit. Direpta cohortium vexilla, & militum in diversa se spargen-  
tium furor parvo ære redemptus est. Ipse inglorius, & diffusus etiam  
suis, celerrimo equo per Tencteros vectus, nocte illi in interiorem  
Westphaliâ se abdidit, passurus alias discrimen, ac enormis perfidiæ  
illustres pœnas daturus. Cuius fædum è Provincia discessum magna  
rerum per Frisiam mutatio secuta. Gasparus namque Roblesius de fu-  
ga Iusti Scouwenburgij certior factus, relictis mediterraneis ac Leovar-  
dia urbe, copias Harlingam confestim duxit, positoque ibidem pro  
ratione loci præsidio cohortes aliquot Valonum Maccomium præmisit.  
Erat apud Gasparum Roblesium Harlingæ tum vir magnæ autoritatis  
Hector Dekama, qui minus fæderi æquus Philippi, & Præfectorum  
partes procacibus studiis sectabatur. Is datis Harlinga ad Dominicum  
Hottingham Oldermannum Bolsuerdiam litteris urbi excidium denun-  
tiavit. Esse plerisque cum copijs in armis Roblesium, cuius arbitrio  
nisi se permittant, eum pro lubricine more victoris acturum. Ita cogi-  
tarent Mechliniam, Zutphaniam, socias fæderi urbes, regijs nuper armis  
expugnatas, direptioni, cædi & infelicibus flammis patuisse. Neque  
aliud Bolsuerdiæ urbi instare, quàm ut eadem lege habeatur, tum  
dum miserationem victricis dexteræ imploratura, cum revocare ani-  
mos manusque à cæde præceps furor non permittat. Suadere itaque  
deditionem faciant, quæ maturimè, quod eâ solâ declinare pericu-  
lum queant, miseræ urbi decretum. Quibus litteris recitatis, ac in  
vulgus sparfis affectibus immodicum, magna consternatio totam urbem  
frequentavit. Fuere, qui per puerorum faminarumque lamenta & eju-  
latus lachrymas profunderent, consulentesque publicæ securitati Roble-  
sium honesta legatione exorandum, & tempestivis blandicijs censerent.  
Igitur decreto publico Botto Gellius, Hobbisus Douwonius, Legispe-  
ritus, Gulielmus Cornelius, & Abbæus Petrus etiam inclinante die  
ad Roblesium misi, qui expeditis per marinum litus copijs castra  
jam ad Maccomium posuerat. Horatius verò Buma, & Haringus  
Haersma tribuni cohortium præsidario milite tuebantur.

Quorum primus non vanus hostilis potentiae aestimator, metuens ne obsessos morâ aut inedia Roblesius consumeret, litteras clam Bolsuerdiam ac Franequeram misit, ut commeatum praestarent, sociosq; ac fœderatos ad mittenda mature auxilia hortarentur. Cæterum ista Maccomium nullo fructu transmissa. Quippe nuntiati excidij metus tantum Bolsuerdij pavorem incusserat, ut mistus civibus miles, tum Dux atq; Imperator partium Bronchorstius vacuam ferme urbem relinqueret. Qui ubi Snecam, quo se receperat, advenit, captus à Pontificijs per fisci regij procuratorem Leovardiam abductus est. Tum consternatum captivitate Bronchorstij praesidium Maccomio excessit. Bolsuerdia ipsa ad turpissimas condiciones adacta, veniam tandem impetravit, ducentique Valonum facto per Schettanum aggerem itinere, & emissario Marnio superato, erectis signis Bolsuerdiam intravere. Qua tempestate plurimas familias insolentiae Valonum pertasas Embdam se recepisse comperio, in qua urbe vicarium Edzardi imperium Occo adhuc Frisus Satrapa, vir crudelis animi & osor fœderis Belgici administrabat. Memoriae traditum est, Haringium Glinzium Scouwenburgici Senatus Praesidem, cum cæteris exulum Embdam petentem strato glacie Amafo flantis adversum Euri vehementiam correptum, ambustisque frigore artubus Embdam progressum triduo morbo decessisse. Sed adversitate fatorum ut ante c. 15. 16. lxxviii. acta rursum libertas tutius exilium patriae fortunâ reputabat. Itaque per opida Frisiae praelucentibus caereis amburbia rursum, & supplicationes decretæ, lustratisque fanis Romanæ Sedis cultus per omnem Provinciam stabilitus. Civium quoq; fœderatorum arma in publicum comportata usui partium serviere, fœderatique à Praesidiarijs Valonibus in omnem vim, & licentiam effusis contumelia affecti. Bolsuerdia quoq; consularium, civiumque aedes dirutæ, areæque lustris conspersæ reintegrandis fanis sacrisque locis applicatæ sunt. Omnis quoque ordinis sexusve homines ad Pontificiam religionem redire iussi, vetito omni cum fœderatis profugisq; commercio, quibus captivitates, carceres & supplicia asperrimis edictis decernebantur. Mox Franequera sociarum urbium fortunâ suam aestumans minore fœderis studio contempnit, civesque Pontificij, liberâ à fœderato praesidio civitate, ad sua ingenia conversi sunt. Magistratum namque regioni nupera exautoratio, cæteros, urbe eiectiones propinquos, & recens exilij memoria stimulabat. Quare clandestinos per coetus primum inermes, post armati convenere, non ignaro Senatu fœderato res novas molientibus secreta domorum compleri. Inde pavor per Curiam, mox ubi ex metu ejusdem defectio subsecuta, habiti intra urbem conflictus Pontificijs victoriam attulere. Fœderati per vim portis eiectiones in proxima loca suffugium fecere. Tum supplicatoriae litteræ ad Gasparum Roblesium Leovardiam missæ, & ne quid in morâ periculi, Delegati Magistratus civiumq; nomine Hero Ockingha, Æmylius Adama, Bernardus Rodmersius, Ioachimus Symonius Iureconsulti, cum Iacobo Abbato, qui veniam anteaactorum petèrent. Illi innuebant post occupatam à fœderatis civitatem fidem se semper in occulto professos sævis victorum imperijs paruisse. Detentos namque per vim partis adversæ,

*Rerum mutatio.*



clō. Io. neque loricam urbis, aut spatia portarum facturis transfugia patuisse.

LXXII. Quare alio modo captatam rem, versaque in virtutem patientiā armis fæderatos eiecisse, manifesto erga Philippum Regem constantis animi fideique indicio. De cuius integritate si quid delibatum foret per necessitatem, rogare se supplices indignationis regiæ temperamentum, & clementiam victoribus non negandam. Quorum precibus evenit, ut nihil abnuentibus veniam daret Roblesius, ipseque accessione tot urbium auctus magnarum rerum spes, & victorias agitaret. Quare Valonum Germanorumque copijs, quas per Frisiam autoraverat, stipendia poposcit, conferrique ab agrarijs in singulos reddituum aureos, qui è solo proveniunt, quatuor per Provinciam sestertios imperavit. Dies quoque pendendo confestim tributo dictus, ne perdomatā Provinciā gerendarum rerum, & occasio atterendi populi elaberetur. Tum Germanus miles maturandæ solutioni planos per agros sparsus, fæderatarumque nuper urbium tutela, (quarum muros dirui ac solo æquari Ferdinandus Albanus imperaverat) Valonum fidei commissa.

*Feiconis  
Nicolai  
acta,*

Reperio in Notis Feiconis Nicolai, viri apud Staurios eā ætate Consularis, totum illud biennium, quod à septuagesimi anni per Frisiam diluvio effluxit, ut prægnans novorum motuum, ita variā fortunā exactum fuisse. Directum à fæderatis Worcemium oppidum, Ioannemque Lindanum, Cænobij Hemelumani Præfulem, domo Presbyteri Worcumani extractum Nordam in Transamalanos abductum, lytro sex mille dalerorum sub comminatione suspendij ei imposito. Antistitem eundem ab Haione Manningha virō Nobili, nullo impendio liberatum, habitumque pro dignitate, honesto post comitatu suo cænobio restitutum. Eosdem quoque fæderatos Texelam insulam, & haud procul eā viginti onerarias naves deprædatos, regiasque post naves Amstelodami instructas, in Amafo fluvio cum fæderatis congressas post longum, & dubij exitus conflictum victoriā potitas. Plurimos fæderatorum, quod in fluvium præcipientes dati, nādo evaderent, vitæ servatos, caterosque & in ijs ultra quinquaginta suspendio necatos, aut Amstelodamum abductos. Regiam classem Flevum ingressam divisā apud Enchusā prædā Angliam petijse. Ibi circa Tamesis fluvij ostium, & post haud procul Doverā castello, quod littori imminet, XVII. fæderatas naves fugasse, ac in Zelandiam se recepisse. Fæderatam verò classem quatuor Hamburgensium naves diripuisse, prædāque divite onustam, & strangulato iussu Archithalassi primario Hamburgensium navarcho, Amasum ingressas. Regis naves ingruente brumā Enchusæ in portum subductas, eandemque hyemem nullo frigore, aut gelu asperam rarā cæli clementiā notabilem fuisse.

Anno sequente XIII. fæderatas naves relicto Flevo partim Wirin-  
giam, partim in sinum Austrinum provectas Hornensium navibus dam-  
na dedisse. Decimæ exactionem ab Albano tum institutam pacatas  
fermè partes ad bellum resuscitasse. Fæderatos quoque cum classe cir-  
ca Flevi ostium stantes Enchusam revocatos, & post captum Enchusæ  
Franciscum Boshusum Archithalassum regium, domosque plurimas in-  
cendio datas, cum regijs triremibus navali pugnā, & nullo successu de-  
certasse. Principem Aurantium Enchusam, dein Medenblichem ingres-

sum,



sum, fæderatosque premendis Amstelodamensibus de obturandâ Tya<sup>clō. clō</sup> fluvio consilium inijsse. Gasparum Roblesium cum quadringentis Valo.<sup>L x x i i.</sup> num Stauriam profectum castello præsidium imposuisse, gerendarum rerum imperio in Fredericum Hornium, Hornani Comititis nothum, Prætorem Hemelolpherdium, & Satrapam arcis, tum Martinum Baiartum cohortis Valonicæ tribunum devoluto. Pedestres quoque fæderatorum cohortes Afingha Ripperda, Ennone Poppenio, & Nicolao Bremenſe ductoribus occupatâ urbe castellum circumvenisse, tormentisque Snecâ & Bolsuertia adductis protractâ in x. Sept. obsidione locum naturâ & opere munitum nequicquam oppugnasse. Sex signa Germanorum Valonumque Leovardia Stauriam à Roblesio missa, medio noctis, cæsis qui obstitarent, urbem occupasse. Fæderatos urbe ejectos, decemque & quatuor civibus per pontes strangulatis reliquam multitudinem nulla conjugum, aut liberorum cura fugâ datam vitâ consuluisse. Multos quoque fugientium scaphis Enchusam devectos, alios occultis ædium locis obrectos periculis subductos. Prædam l. x. navibus impositam, ac Leovardiam transportatam una cum damno urbi dato centum M. dalerorum superasse. Fæderatos quoque recuperandæ prædæ avidos ad Galedamum vires collegisse, cæterum dissipatos sparsosque in avia Valonum prosperis non obstitisse. Ducentos quoque Valones in Flevi insulam enavigasse, expugnatisque quibus Gerardus Gormcomius & Ielmerus Flevolandius præerant, navibus, capita cæſorum truncis avulsa pinnis imposuisse. Cæteros captivorum Groningam abductos, & capitis damnatos. Gasparum quoque Roblesium tergo fugientis Scouwenburgij inhærentem vi i i i. Kal. Dec. Stauriam pervenisse. Ita pericula audaciam sæpe atque virtutem dabant, partiumque consilia varios eventus pro arbitrio fortunæ fortiebantur.

Mox Nova Stella per Frisiam conspecta. Quæ in Cassiopæa surge<sup>Nova stel-  
la ortus.</sup>ns & præter legem superni corporis immota, varie, ut solet rebus afflictis, mortalium ingenia affecit. Itaq; diversa ratione rerum cælestium periti de rariore naturæ ostento disserebant, existimantibus nonnullis, Stellam Novam, quod vagis sparsisque per aërem Ignibus non arderet, lucidissimo fulgore novæ fælicitatis ventura tempora indicare. Alij verò, quod eversâ Philosophorum sententiâ in ipso cælo, & æternorum corporum compage quid natum deprehenderetur, tristiores rerum statum ex inversâ Naturæ lege ominabantur. Ita sua quisque, non aliena pericula horrore ac aspectu inusitati syderis æstunabat. Post suspectam prodigij fidem intumescens mare auxit, ruptisque iterum aggeribus in proxumam continentem effusum, omnem ferme Frisiam infælicibus undis operuit. Plurimi credidère recrudescens elementum, & insoluto æstu tumefactum, æmulæ gentis discordiam castigasse, lacerique ac jam ante disiecti littoris derupta, obstantiaque locorum opprobrio discordis populi demolitum.

## Finis Libri Secundi.

P. W I N-



P. WINSEMI

## Historiarum

## LIBER TERTIUS.



XORTUM novæ Stellæ magna rerum per Fri-  
 siam mutatio præcesserat, major sequebatur. ANNO  
 CLO. LO.  
 LX XIII.  
 Novæ Stel-  
 læ exortum.  
 Quippe laceratam Principis, populiq; concor-  
 diam fortuna adhuc trahebat, velut dubia & flu-  
 ctuans, an ex voto Regi dominatum, an liber-  
 tatem populo destinaret. Itaque anxie & su-  
 spensæ ad incerta n.entes, cum nec vulgus tan-  
 tum futuri avidum, sed peritos quoque cœlesti-  
 um prodigij secretum, & sollicitudo imminen-  
 tium fatigaret. Neq; enim defuere, qui motio-

nes syderum edocti, ipso verno Æquinoctio, quo conversio & fle-  
 xus stellarum fieri solet, finem rebus humanis assignarent, ipsoque Bel-  
 gicæ libertatis deliquio novissimum terris diem adesse superstitiosius  
 magis, quam verius occinerent. Alij credebant novum gentibus re-  
 gnum hoc ipso sydere portendi, aut, quod in Cassiopeæ signo, turbidis,  
 ut plurimum, stellis circumfuso, luceret, popularium furorum incre-  
 menta consentientibus astrorum judicijs præfagiret. Magnum certe  
 quid obnuntiare Cornelius Gemma gravis autor censuit, idemque o-  
 stentum nullâ naturæ lege genitum supra ordinariam prodigiorum for-  
 tem, atque indicationem timendo spectaculo exsurrexisse.

Idem scriptor tradit, haud multum ab exortu novæ Stellæ, chaf-  
 ma lucidæ exhalationis circa vi. Kal. Febr. in cœlo observatum,  
 certioribus malorum obnuntiationibus initia anni insignivisse. Itaque  
 eundem gentium irruptionibus, per excidia urbium, & civilium cladi-  
 um funera feralem fore, sagacissimus cœlestium contemplator judica-  
 bat, omenque provincialium oculis, & ad horrorem ostentui in illo  
 superiore convexo expositum, non nisi funesta & adversa paci, ac re-  
 rum ordini decernere.

Mihi consilium, exponere secuti temporis memoriam, procul affe-  
 ctibus, nec abfimili fide, quâ majores nostri impollutos adulationibus,  
 aut odijs annales clarissimis posteris legavere.

**F**ugas, & proscriptiones civium, ac redactam fermè in formam regni  
 Provinciam. Anniversaria inundationum damna communibus impen-  
 dijs sarcita, & maris æstuaria tempestate aut diurno aestu littus resor-  
 bentia, molibus aggerum clausa. Morte proregis admotos regundis  
 Provin-



CI. IO. Provincijs patres, & Reip. statum lenioribus consilijs inversum. Sequestras  
 LXIII. pacis conditiones sistendis armis perscriptas, & paucorum inquietudine bellum  
 federe involutum. Stipendiorum inopiâ, & cohortium seditione regios Præ-  
 fectos custodie datos, ac novorum successione validas urbes durioris imperij  
 tedio regijs partibus subductas. Funestum sydus cælo ardescens mali prænum-  
 tium. Inde sollicitata regum, nationumque auxilia, quæsitumque libertati  
 exteris apud gentes patrociniû, & difficulter repertum. Accitos aliunde  
 provinciarum rectores, asperum propinqui regis imperium novâ lenitate attempe-  
 rantes. Mox libertatem conscientys in spem civilis concordie indultam, &  
 consilium sanandis malis repertum, secessionibus accommodatum. Divulsis pro-  
 vincijs itæ seorsim fœdera, & utrinque partibus robur bello quæsitum. Ca-  
 stigatam reciprocis cladibus concordiam, & provinciarum Præsides subdolis ar-  
 tibus sacramenta variantes. Repentinas violentasque mortes fato descendentibus  
 immisas, & perfidiam eorundem caelestibus iris expiatam.

Igitur attrita per Frisiam, fugâ Justi Scouwenburgij, fœderatarum  
 partium fide, Gasparus Roblesius, commorante apud Geldros Ægi-  
 dio Barlamontio Hyergio, vicariam provinciæ Præfecturam gerens,  
 ardua magis, ac infensa fœderi meditabatur. Quippe portentosa af-  
 perrimæque hyemis commoditate (quam conjunctionibus quorundam  
 Planetarum, inerrantiumque stellarum Mathematici adscripserant) qua-  
 quaversum signa per Provinciam sparfit, adjutusque Senatus regij con-  
 silijs, formandis, more victorum, ex arbitrio rebus incubuit.

Roblesius à  
 Fred. Alba-  
 no in Hol-  
 land. evoca-  
 tur.

Cæterum in Hollandiam à Frederico Albani filio, qui castra ad Har-  
 lemmum posuerat, evocatus, cum parte Legionis provinciâ excessit,  
 reliquasque cohortes per præsidia civitatum disposuit. Jam enim fœ-  
 deris focios, ut ante sub Albani adventum, alijs terris fortuna abscon-  
 derat, ultraque Amasum, ac Visurgim, tum cis ac trans Rhenum lon-  
 ginq, & infida suffugia fœderato & exuli populo delegerat. Itaque  
 mœsta per plerasque Frisæ urbes passim solitudo, & triste silentium,  
 nisi quod regiarum partium multitudinem alienæ infœlicitatis domesti-  
 cum spectaculum, aut externa fama oblectaret. Quippe oppressum  
 Fœdus, Gallias, & Germaniam dubias, Philippo assertum imperium  
 lætabatur, Fredericumque Albanum, etsi ingenio immanem, & pater-  
 næ ferociæ æmulum, clarissimarum per Hollandiam, Geldriamque ur-  
 bium excidia, & simul spolia secum trahentem Harlemmum Hollandiæ  
 oppidum regio exercitu circumvenisse. Roblesium quoque illius urbis  
 oppugnatione ampla decora commeritum, amisso Doppio, & vulnera-  
 to Gantonio cohortium tribunis, retinendæ in fide regis provinciæ be-  
 nignitate fati servatum.

Res ad Har-  
 lemmum ge-  
 sta.

Tradit V. Cl. Joannes Arcerius Theodoretus gentis nostræ scriptor,  
 qui inter obfessos tum fuit, in Ephemeride suâ Fredericum Albanum  
 destinatâ oppugnandæ urbi nocte circa Prid. Kal. Febr. diem stratâ  
 glacie fossâ & diruto fermè muro velut potiundi oppidi certum fuisse,  
 dignoscendisque partibus suos lineis indumentis coopertos & quidem  
 ex opinione virtutis delectos Joannitarum portam rariore asservantium  
 custodiâ sub ortum lucis occupasse. Cæterum oppidanos perspecto dis-  
 crimine eo loci conflixisse, hostemque tanto progressu rerum, & se-  
 cun-

cundis suis elatum multa cœde, & reportatis in urbem vexillis reppu- cIo. 10.  
lisse. Eadem vexilla animandis obsessis per ubem circumlata, gene- L x x iii.  
roso ultro sanguini incitamentum ad præclara addidisse. Hostes quoq;  
repetito insultu murorum editis imminentes subfidente humo, quam  
obsessi excavaverant, & subiecto pulvere succenso, igne ac voragine  
diductæ telluris absumptos, reliquosque subsequentes velut reparandis  
detrimentis suffectos sociæ cladis spectaculo de præcipiti fuga cogitasse.  
Eorum etiam plurimos ferentariorum virtute oppressos, præterq; fau-  
cios, quos crudo vulnere adhuc calens sanguis subducebat, post re-  
pulsam cum suis Roblesium, fortissimos quosq; & legionum tribu-  
nis cecidisse. Addit Cl. Arcerius ex interceptis Stephani Dynaræ (is  
Frederico Albano ab Epistolis) ad Albernoum Ferdinandi patris Actua-  
rium litteris, solos Hispanos istâ oppugnatione suis partibus defuisse,  
cæterarumq; nationum legiones plurimum gloriæ ex illo conflictu, Hi-  
spanorum gentem æternum dedecus reportasse. De se Dynara scribit,  
ob rem malè ab Hispanis suis gestam, præ mærore attabescere, indi-  
gnantemque, nec falsò, suæ gentis infamiam ægritudine animi, & læsæ  
mentis vertisse. Addunt nostrates scriptores, Sole Aquarii signum in-  
gresso, primoque Harlemensis obsidij tempore, in crustatâ velut con-  
tinuis Etesijs terrâ, & altissimis nivibus contactâ, tam immite acer-  
bumque gelu extitisse, ut multorum artus frigore ambufferit, militum-  
que plurimos, diurnis castrorum operis intentos, extincto vitali ca-  
lore exanimaverit. Plurimum quoque sanguinis illâ obsidione utrinq;  
fusus, obsessosq; ultimâ necessitate ad deditionem compulsos, hostia-  
rumque ritu mactatos, suo sanguine infaustam urbem, & proximos  
lacus imbuisse. Cætera ab ijs scriptoribus non enarrata pertexere no-  
stri instituti non est.

Hoc tantum subjungunt, foederatos exules, & Scouwenburgicæ Federato-  
societatis, subvertendis Amstelodamensium, & regij ad Harlemum ex- rum Exu-  
ercitus com meatibus, quibusdam triremibus, liburnicisque Dimenum lum nava-  
lacum occupasse, pugnaque navali, cum regia classe, (cui Focco Si- lis victoria.  
brandius Staurius vir fortis cum imperio præerat) commissâ, illustrem  
sibi prædam ac victoriam peperisse. Triremes quoq; & naves regias, aut  
undis haustas, aut in potestatem Foederatorum redactas. Ipsum Si-  
brandium classis regiæ Præfectum vestibus exutum, & non uno vul-  
nere confossum, è triremi sua præcipitem datum, cadaverque vadosis  
post annum aquis erutum, solenni funeris apparatu apud Amsteloda-  
mensis humatum. Legatum quoque mille aureorum ejus testamento  
Staurijs scriptum.

Neque per Frisiam, etiam amoto trans Visurgim in ditiones suas Exsiones  
Justo Scouwenburgio, & dissipato foedere, tuta adhuc per provinci- militares in  
am quies erat. Senatus namque regius, agente in castris Frederici Frisia.  
Roblesio, imperium gerens, præsidiorum adhuc insolentiæ alimentum  
dabat, suspectique adhuc partium non obscuris odijs memoriâ foræ  
toleratæque societatis atterebantur. Itaque conducendis huc illuc co-  
pijs æs imperatum, provisumque edicto com meatui, ne asperrimâ  
hyeme, ultro militi per inclementiam cœli infestâ, imbecillo inopiâ  
pabuli equite subjugandæ provinciæ præceps, & opportunum consi-  
lium

cIo. Io. lium retardaretur. Traditum memoriae est, Arnoldum Gemenium Prae-  
 LXXIII. rem Stellinguervium Transfulanae Curiae decreto quadringentos dale-  
 ros pendere iustum, mandatoque contumacem, quod exhaustam tri-  
 butis praeturae obtenderet, à Petro Acuna Hispano alae equitum le-  
 vis armaturae ductore Stenvicum pertractum. Ibi custodiae datum in-  
 ter minas, & territamenta mortis diu anxium non ante dimissum,  
 quam extortam per cruciatus & tormenta pecuniam insolentissimo  
 militi assignaret. Montjoium quoque virum nobilem, & cohortis  
 regiae praefectum, occasione belli (quod per Hollandiam, & in Ken-  
 hemarijs Fredericus Albanus gerebat) Stauriae praesidium agentem,  
 corruptum otio militem per domos civium disposuisse, eundemq; adæ-  
 sis per luxum stipendijs alieni avidum patrandis flagitijs habuisse. Ita-  
 que non domesticae tantum quieti gravis miles, cæterum ab insolente  
 & nescio disciplinae diurnus civium victus, in luxuriam, lasciviam-  
 que quotidianis commessationibus vertebatur. Parietinae quoq;, &  
 exustarum ædium, quæ ante annum hostili igne conflagraverant, ru-  
 dera Montjoii iussu muniendo castello regio applicata, privatarumque  
 rerum dispendia publicam secum servitutem traxere. Florentissimus  
 quoque Stauriae urbis splendor, qui jam ante magnificentia ædificio-  
 rum, structurarumque, superbo fecundis commercijs luxu, omne  
 confinium provocaverat, fato suo, &, ut cuncta mortalium solent,  
 vetustate temporum decrescens, magis magisque injuriâ civilis belli  
 deformatus est. Josephus vero Talimerius Hispanus triremi regiae ap-  
 ud Staurios praefectus vicina æstuaria, & Flevi alveum infestabat,  
 foederatosque, intuitu continente, per infidum mare errantes horrenda  
 immanitate divexabat. Scribit F. Nicolaus, vir apud Staurios con-  
 sularis, tam barbarum, & crudele viro ingenium fuisse, ut Harder-  
 vicenum quendam navarchum foederi addictum, spoliata & exusta navi  
 scaphæ injectum, vinctumque ac vimine & stramento circumfufum in  
 altum miserit, injectoq; igne, dubium quo mortis genere, sustulerit.  
 Quod immane facinus, velut omnem temporum memoriam superans,  
 etiam regiae factionis ministris improbatum fuit, damnantibus scilicet,  
 virum amissa navi spoliatum, non vulgari morte, sed pugnan-  
 tibus inter se naturæ odio elementis commissum, novæ crudelitatis  
 foedissimo commento exspirasse.

Neq; alia per Hispaniam consilia in secreto regni, & Philippi aula habe-  
 bantur. Quippe fovendæ Albanorum patris & filij per Belgicam sævi-  
 tia, & ne divisam pluribus bellis potentiam luxaret Philippus, biennales  
 cum Elisabethâ Anglorum reginâ inducias depactus est, vulgatoque  
 per omnem provinciam restitutorum commerciorum edicto, duorum  
 regnorum diu infidam societatem, & simul fortunam Belgici foederis  
 repressit. Scribit Thuanus, conterrendis Harlemonsibus tabulas istius  
 Hispanum inter & Anglam conventionis, per castra, & exercitum ius-  
 su Albani publicatas, eandemque velut pacem certius per provincias  
 bellum, & præclusa ex Angliæ regno foederatis auxilia arrectis ad e-  
 dictum legionibus promississe. Quare Ferdinandus Albanus, ut exteras,  
 & praesertim Germaniæ gentes, quæ ad bellum merendis sub Auran-  
 tio stipendijs confluerant, à foederatæ militiæ sacramento alienaret,  
 om-

*Hispani-  
 eum Angliâ  
 inducie.*



omnibus singulisque in sua redeundi potestatem edicto fecit, concessit. *Id. 19.*  
 que libero per provincias comiteatu, desertorum armis assignari pre- *LXXIII.*  
 tium iussit. Ne scilicet Germanus miles inops æris patrandis per agros  
 flagitijs se daret, aut sustentandæ animæ avidus ad sacramentum Au-  
 rantij Principis rediret. Frumenta quoque, ac annonam ex omni Fri-  
 siâ, quæ Flevo, Lavica, & Amalo alluitur, subministrari foederatis  
 copijs vetuit, præpeditisque sociarum urbium commercijs, castra re-  
 gia compleri comiteatibus iussit. Sic omne consilium atterendo fœ-  
 deri proum, fovendæque regij militis licentiæ, omne per forum ac tri-  
 bunalia Philippi edicta recitabantur. Itaque exulum reditus novis quo-  
 que decretis intercepti, patrimoniatque profugæ nobilitatis, ac pro-  
 scriptorum civium innovatis tabulis fisco regio, sanciente Senatu, ad-  
 judicata. Tum, ne facili vertendis rebus fortunâ, confecti per pro-  
 vinciam fœderis societas revivisceret, Gasparus Roblesius copias suas,  
 quæ in Albani castris semestri stipendium fecerant, sex navium clas-  
 se in Frisiam reduxit, dispositisque Harlingæ & Franequeræ, ad coër-  
 cendam multitudinem præsidij, Leovardiam properavit. Ibi Cunei  
 Episcopi, & primariæ Nobilitatis, tum Magistratus oppidani, ac sa-  
 lutationibus occurrentium civium exceptus, navatæ in castris regijs ad  
 Harlemum virtutis & fidei insignem gloriam tulit. Mox potissimâ le-  
 gionis parte Leovardiæ collocatâ, cæteras cohortes faciendis stipendijs  
 per plana agrorum, atque municipia sparsit, populumque conferendis  
 tributis contumacem, & sæpè invalidum, durior imperio, & solu-  
 tis dominantium moribus exercuit.

*Roblesius  
cum exerci-  
tu in Fri-  
siam rediit.*

Quippe crebræ terrarum inundationes opulentiam gentis non parum  
 acciderant, mareque, diurni æstus, & in continentem se effluentis  
 falsedine, ferendis frugibus utilem glebam corruerat. Cui malo diu-  
 turnæ provincialium lites accedebant, quæ reparandis aggerum moli-  
 bus, Carolo Cæsare sub Georgio Scenco, quadraginta ante annos cœ-  
 ptæ, illum usque in diem pertinaciâ litigantium trahebantur.

*Lites de  
aggeribus  
marinis.*

Quippe maritimi, gubernante Frisiam Carolo Cæsare, proximum  
 mare, continuas inundationes, & natam ex ijs egestatem querebantur.  
 Nudatos littore agros, elisas, aut consumptas vetustate tabulationes,  
 quas refici afflictæ res non ferrent, nisi à mediterraneis præjuventur,  
 in commune Westergoæ exitium, & mox provinciæ ituræ. Æquum  
 esse communi ope isti malo occurrere, quod promiscuam perniciem, aut  
 saltem metum incolentibus Westergoam daret. Non disceptandam  
 eam litem in foro esse, quæ proferri non quiret, exhaustâ agrorum fœ-  
 cunditate, & mari continuis diluvijs infesto. Nec Senatum Cæsaris  
 maritimis satis æquum, & esse in eo, qui privata rei respectu publi-  
 cam morentur. Inofficiosi suspectos submoveri per Cæsarem debere,  
 curandumque, ut, partium actis ad supremum Cæsaris per Belgicam  
 Senatum transmissis, diuturna lis sopiatur.

*Querela  
Maritimor-  
um.*

Reperio in actis istorum temporum, Carolum, velut miseratione ma-  
 ritimæ per Westergoam gentis motum, rescriptum ex voto ipsidem ma-  
 ritimis tum indulgisse, mandasseque, ut suspecti partium Senatores ju-  
 dicio abstinerent, actaque litigantium Mechliniam, aut ad se perferren-  
 tur. Eosdem quoque Westergoos tam maritimos, quam mediterraneos

CL. IO. neos, intercessione Georgij Scenci Præfecti, & Senatus Cæsarei con-  
LXXIII. venisse, ut aggerum resectio intra v. Kal. Mart. & octavum à festo Pa-  
schatos diem pro quantitate, & onere aureorum florenorum fieret,  
consultarentque interea Westergoi, an componi ex se litem, an deferri  
arbitrio Præfecti, & Senatus vellent.

*Mediterra-  
neorum re-  
sponsio,*

Cæterum mediterraneis Westergois inveteratum jus acerrimam in de-  
fensionem vertebatur. Quippe majores suos nullis marinorum aggerum  
impendijs agros suos coluisse, hoc tantum adnixos, ne quid damni ex  
inundationibus terrarum, aut vicinis maritimis sentirent. Ideo priva-  
tos aggeres possessionibus suis præduxisse, quibus aquæ in interiora We-  
stergoæ se effusuræ crebros per æstus certis obicibus sisterentur. Ijs ve-  
ro sustinendis tributum quotannis conferri, nullo subsidio à maritimis  
Westergois petito, quibus fertiles agros, æque ac mediterraneis, co-  
lentos natura dedisset. Non esse maritimos Westergoos pecuniæ, aut  
virovum inopes, quo minus reficiendo aggeri pares sint, marinis dilu-  
vijs, relicto agris limo, nova fecunditate injuriam pensantibus. Ne-  
que omnem Frisiæ populum mediterraneis locis agere posse, fuisseque  
semper littorum accolas, suâ forte & conditione nascendi, ijs locis as-  
scriptos. Ita de sedibus suis maritimæ gentis majores non conquestos,  
fælicibus temporum ætatibus, suis agris ac latifundijs tam diu usos, do-  
nec intumescens Flevus, arrosis sensim ripis, & crepidine lacuum, la-  
ta per ostia, influxum maris lacefferet. Inde pro ratione æstuum, &  
tempestatum modicum littus Oceano objecisse, si pejora incommoda  
sentiat, majore opere muniendum. Iniquum scilicet esse, ex alieno di-  
scrimine, mediterraneos Westergoos nova onera sentire, & cum ex  
conventionē, aut jure non obligentur, rescripto Cæsaris, aut per no-  
va judicia gravari. Sed nec Carolum Cæsarem, etsi maritimis æquio-  
rem, aliud eo rescripto voluisse, quam ut partium acta conficerentur,  
confecta que ac consignata ad supremum tribunal, aut ad se, finiendæ  
controversiæ mitterentur. Paratos se mediterraneos esse, eventum li-  
tis opperiri, sed hac cautione, ut pendente causâ, maritimorum ope-  
re ac sumptu, agger ex consuetudine reficiatur, dum certas agendi,  
præstandique vices reis aut actoribus judicium assignaverit. Cæterum  
pertinaciâ & contatione partium, (quæ ut plurimum publica salubria-  
que consilia privatis ex odijs retardavere) & post interveniente civili  
bello, omne negotium prolatum, donec stupendo anni 1570. diluvio,  
miseratione supplicum maritimorum, quos illa præcipuè clades attri-  
verat, communibus Westergoæ impendijs, salvo partium jure, refi-  
ciendum marinum aggerem Rex Philippus decerneret. Itaque discor-  
diam populi trium quasi annorum diluvijs castigante Oceano, factum  
est, ut divulsæ partes cõrent, dilationumq; forensium pertæsæ, præceps  
forum, & expedita judicia crescentibus instantibusque malis flagitarent.

*Causa li-  
tis certis ar-  
bitris com-  
missa,*

Unde conventio à mediterraneis, maritimisque Westergois x. Kal.  
Januar. scripta, omneque controversum, quod maritimos mediterraneosque Westergoos, etiam à Caroli Cæsaris ætate exercuerat, certis  
arbitris commissum. In eos Gasparus Roblesius Frisiæ Propæfectus,  
Balduinus Ronius Transfulaniæ Cancellarius, Gerardus Offendorpius  
Senator, Joannes Fonckius Præpositus Ultrajectinus, ac secretioris

Con-



Concilij Senator, & Igramus Achlenius Præses, delecti. Hoc vero cl. B. cavebatur, ne à latâ sententiâ ulla provocatio esset, & ut ea Philippi LXXIII, regis assensu, & ratihabitione firmaretur. Ita pro mediterraneis Westergois Edzardus Sickingha, Senator regius, Hero Ockingha, Julius Dekema, H. Ebingha, Siricius Donia, Hector Dekama, Hesselus Hania, S. Dekama, J. Watnia, A. Tieffema, D. Fogelsangus, Fecco Rhala, Ruardus Hilconius Attiema, Roimerus Tiallengius pro Minnertsgais, Iffrandus Slotius Præpositus Aengiumanus, Foppo Grovesteinus, Lollius Ockingha, Hotso Aysma, Mintsius Buma, Tiallengus Sydhus pro Berlicomijs, J. Tritsum, Valerius Ockingha, Ruardus Petri, Hero Aggæus pro Dronrypijs, Gellius Gellij pastor Oosterlittanus, D. Fogelsangus pro Oosterviremijs, Livius Sibæus pro Oosterlittanis, Otto Galama, Gerlacus Ulpus Rispen, Oph. Imvaldius, Julius Saclæus pro Oosterendijs, Leo Vibenius, Sixtus Tiallengius pastor, & Franciscus Tallum pro Tiumanis, Franciscus Wopconius Popta, Joannes Foppius pastor Weidumanus, Petrus Valta, Dion Hania, Serapius Bonga pro Huinsijs, & Lionsijs, Oedsius Petri pro Baardijs, Simon Nicolaus pro Winsemijs, S. Theodorus pastor Buranus, Petrus Widmarfius, Cornelius Joannis pastor in Slappeterp, Abbæus Tetardius, Diorraus Sipconius pro Schingenfibis, Fomcko Wibenius pro Deinumanijs, Poppo Burmania pro Edensibis, Rodmerus Regneri pro Wommelijs, Otto Galama, Franciscus Ulpus pro Wielforipijs, Tiebbo Tabonius pro Boxumanis, Arnoldus Hardervicenus pro Regnero Anskio legato Hitsumano, Julius Hoffius pro Itenijs, Jorritius Wiarda pro iisdem, Ruardus Roorda, Foppo Wopconius, Sixtus Leo pro Cubardijs, Epo Taconius pro Waxumanis, Edgerus Ruardus, Petrus Cammingha, R. Hemmema, Vitus Cammingha, & Titus Cammingha signavere.

Pro maritimis vero Westergois, Cunerus Petri Episcopus Leovardienfis, Scelto Liauckama, Leo Syricius, V. Hiddama, L. Watnia, Haio Sibæus. Et nos pro tribus pagis, salvo jure nostro, Jacobus Formadler, Jacobus Abbæus, L. Walckama, Edo Garbranda, A. Cronenburg, Wilhelmus Ioannis, Sintius Popma, Dothias Bonga, Sibrandus Pierius, Upco Hajonius, D. Albertus Hesselus Reen pastor in Midlum, Nicolaus Folckertius, Edo Nicolai, D. Imo Simonides vicarius Harlinganus, D. Heino Nicolaus vicarius ibidem, Elco Lollius, Hobbius Regneri, Wopco Taeclesius, Sicco Nicolai Bramfius, Gerardus Intenius, Vibius Andreae, D. Nicolaus Sixti vicarius, Marcus Marci, D. Sibrandus vicarius in Peterfbierum, Wibrandus Suffridus Not. Pub. D. Wilhelmus Noviomagus, D. Wibrandus Harlinganus pastor in Peterfbierum, D. Martinus Welm pastor in Pingum, Bauco Rommarda pro Pingumanis, Pierius Aggæus pastor Wonfius, Suffridus Franciscus pastor in Winaldum, Douwo Hefselius pro Abbingaverijs, H. de Pau pro Maccomijs, Thomas Hiddius pro Sirichijs, Sibrandus Wibranda pro Peterfbiremijs, Abbæus Rotterus, Ioannes Duyfhenius, Petrus Medenblicanus Prior Luinckerkius & Achlemius, Petrus Douwonius & Siricius Leo subscribere.

Mox quo cæteri mediterranei Westergoi assensum conventioni darent,



Is. cIo. rent, Iulio Dekama, & Heroni Ockingha arbitrorum delegatis reli-  
 LXXIII. quam nobilitatem, & proprietarios agrorum convocandi potestas facta,  
 recitatumque per templa, & post præconis voce edictum, quo ad iv.  
 Ian. sistere se contumaces, & à publico dissentientes jubebantur. I-  
 gitur Petrus Boimerus Iureconsultus & Oldermannus Franequerensium,  
 Hero Ockingha pro Eduarda Hoxveriâ, Geroldus Cammingha, Ca-  
 rolus Sternzæus, Poppo Doiemus, Allardus Ottonius, & Gerardus  
 Tetlæus in Curiâ oppidanâ comparuere, auditisq; Julij Dekama Sena-  
 toris Regij postulatis conventionem ratam fecere. Inde acta ei rei  
 scripta, ac à Petro Boimero, Ameliâ Grombachîâ, Herone Ockin-  
 gha, Eduardâ Hoxveriâ, Carolo Sternzeo, Geroldo Cammingha,  
 Fokelâ Marteniâ, Catharinâ Gratingiâ, Allardo Ottonio, & Gerar-  
 do Tetlæo signata.

Pactionem quoque à maritimis, mediterraneisque Westergois ini-  
 tam Ferdinandus Albanus nomine Philippi regis ratam habuit, eaque  
 de re, petentibus patribus, rescriptum indulxit. Hoc in acta relatum  
 Noviomagi v. Kal. April. ac Albani manu signatum. Tum pactione  
 rescripto firmatâ Kal. April. diem cæptando apud Leovardios arbi-  
 trorum conventui præfinit, animumque ferocem sola urbium excidia,  
 & sanguinem foederati populi spirantem, velut continuo furori inter-  
 vallum largitus pacis negotio exercuit. Cæterum arbitris in diversa  
 distractis, & fatali velut partium morâ salubria consilia, etiam asper-  
 rimi Ducis, præpediebantur. Quare maritimi Westergoi metuentes  
 malorum, ac ut mare prolatis aggerum curis tempestate, aut æstu in-  
 tumesceret, supplicationem hunc in modum ad Ferdinandum Alba-  
 num misere.

#### ILLUSTRISSIME PRAEFECTE.

Supplicatio  
 Westergo-  
 rum ad Al-  
 banum.

**M**Ultis ab hinc annis resciendo marino aggeri gravia onera sustinui-  
 mus. Ideo ad Carolum Casarem olim supplices devoluti remedia no-  
 stris malis, ac subsidia oravimus. Caesar vero rescriptum indulxit,  
 mandavitque Hyppolito Persinio Senatus tum Praesidi, cæterisque per  
 Frisiam Senatoribus, (ad quos aggerum res non spectaret) ne actorum judi-  
 cialium quæ comperendinationes essent, cæterum acta partium à Frisie Senatu  
 visitata Bruxellas ad Senatum Secretiorum transmitterentur. Et quoniam,  
 actis confectis, mare anno 1570. in Westergoam, aut saltem potissimam  
 Westergoæ partem se effudit, ita aggeres, tabulationes, cæteraque littorum  
 praesidia vi ac impetu fluctuum disiecit. Damnis vero datis, quia succurrere  
 nostrarum virium non erat, placuit tibi, Illustrissime Dux, regio Philippi  
 nomine decernere, ut communibus Westergoæ impendijs pristinam in molem à  
 Biddâ in Maccomanum emissarium agger erigeretur, conciliandisque interea  
 partibus à Senatu regio, aut à te jure Principis leges scriberentur. Cæte-  
 rum quoniam aliud rescriptum mediterraneis post concessisti, quo differri an-  
 terius decretum jubebas, ita Roblesium, Romum & Ostendorpium delegasti,  
 qui rescriptorum tuorum interpretes essent, eoque facto omne inter maritimos  
 mediterraneosque Westergoos controversum, evocatis ex Hollandiâ, Zelandiâ-  
 que Senatoribus, & aggerum Praefectis definirent. Postquam vero turbe per  
 Hollandiam, Zelandiamque increvere, interceptis commeantium itineribus,

mediterranei, maritimique Westergoi in conventionem condescenderunt, definienda litis potestate, Gasparo Roblesio, Balduino Ronio, Gerardo Ostendorpio, Ioanni Fonckio, & Igramo Achlenio factâ. Nos vero maritimi non aliam in spem conventioni nos submisimus, quam ut omnes Westergoi iisdem pactis se obligarent, omnesque lites, ad rem aggerum spectantes, concordî Westergoe populo finirentur. Caterum perviciaciâ eorum, qui exercere odia & lites, quam suis, & reipub. commodis consulere maluerunt, spes nostrâ elusâ, interverso amicâ compositionis fructu, qui haud dubie ad omnem Westergoam perventurus fuisset. Idem scias, Illustrissime Dux, Roblesium, idem Fonckium, ac ceteros arbitros sentire. Hoc interim restat, ut, illorum arbitriis lite commissâ, salaria habeant, ac ut ea specie tributi colligi per Westergoam sinas, dum, qui lite cadant, sumptus & impendia refundant. Maritimos certe nos ulterioribus expensis gravari, nec turbâ, quibus præcipuè infestamur, nec alluens mare permittunt. Neque enim pendendo levi tributo, quod ante annum reficiendo aggeri decrevimus, pares nos egestas facit, incrementum haud dubie factura, nisi omnium inter Westergoos litium finis sit, aggerumque damna communibus subsidiis sarciantur. Tuum erit, Illustrissime Praefecte, potestatem arbitris facere, lites etiam quascumque finiendi, statuendique, ut vim ac robur illorum iudicia sortiantur, ac si Senatus Secretiorum determinandis controversiis præsedisset. Et quia ordinariæ jurisdictionis incapaces arbitri sunt, rogamus, ut jus illis ac potestatem facias è florenis aureis modicum tributum cogendi, ne damnosa iisdem arbitris sua officia sint, & ne defectu aeris nostrâ lites moram ferant. Id si facias, Illustrissime Dux, salutî tuæ vota nuncupabimus.

Hæc à Cunero Episcopo, Ulpio Hiddama, Jacobo Herbajo, L. Watnia signata.

Rescriptum ALBANI tale erat.

**Q**Vandoquidem è supplicatione maritimorum Westergoorum certior factus sum, eam, ut bono publico, conciliandæque inter Philippi regis subditos concordie, ita conservandis præmuniendisque adversum maris violentiam agris spectare, Regisque etiam, ut id fiat, quam maxime interesse. Ita Philippi nomine potestatem facio Billio, Fonckio, Cancellario Transisulantiæ, Ostendorpio & Præsidi Frisæ, litem, processumque iudicarium, visitandi, definiendique. Itaq; eosdem arbitros Senatui Secretiorum, quem huic rei cognoscendâ delegeram, substituo, voloque ut eorum sententia idem ponderis habeat, ac si Senatus Secretiorum pronuntiasset. Salijs vero corrogandis, jus facio iisdem arbitris tributum per Westergoam colligendi, ne quid moræ interveniat, mandoque ut rei iudicate partes ex æquo pareant. Datum No- viomagi VI. Kal. Iul. Anno cl. Io. LXXIII.

F. DVC DE ALVA.

Ad Mandatum

BERTI.

Igitur, vergente Augusto mense, arbitrorum conventus Leovardiæ in arce regiâ indictus. Ibi Roblesius expositâ coram arbitris sui consilij ratione, hunc in modum disseruit.

γ

Nota

CL. IO.  
LXXIII.  
Roblesij O-  
ratio.

**N**on unius anni calamitate exagitur, ceterum intestino bello diu attriti, non minus periculum à circumfuso fermè mari habuimus. Majores hujus gentis non unâ temporum ætate ijs malis obnoxij fuere, cum Flevis, Rhenum flumen latissimo alveo, & immensis lacubus difficulter claudens, crepidine ripe à continente sensim avulsâ, non agris tantum hisce, ceterum pagis, vicisque diluvia attulit. Sed libertate olim ante Principum tempora usis diuturnæ factiones curam provincie excussere, probatumque fuit, studia pacis grassantibus armis vilescere. Vbi vero salutaris Principis dominatio civiles discordias sedavit, experti fuere quanta publici boni apud Principem desideria essent, & quantum interesset inter maris æstus ac eluviones terram incolentibus donari. Hoc modo Biltanis agris munimentum curâ Principis obductum, qui ne alieni littoris contiguitate damnum sentirent, ceteris quoque præductæ moles Oceanum reppulere. Sic agros coluere ab inundationibus tutos, intraque littora conspectum mare secundam annonæ provinciam, & simul affluentiam opum dedit. Post vero luxuriâ fortune corruptæ gentes, ut ostenderent, quam difficilis ac ardua felicitatis possessio esset, sumptis in Principem armis, & simul discordijs civilibus agitate pacis iterum consilia, & fructus neglexere. Itaque mare, velut civilis dissidiij ultrix, ante triennium, & post ruptis fluctuum repagulis omnem provinciam afflixit. Neque frumenta tantum, & pecora in profundum acta, ceterum multorum millium internecone surgens diluvium, cultissimis terris solitudinem, regio ærario inopiam, egestatem privato censui dedit. Protrahi longius repromendi maris consilia sine ultimi exitij metu non possunt. Nisi forte Biltanos quoque agros novo cultu, & alluvione felices insensanti rursus Oceano permittimus. Qui diurnis æstibus vada & obices resorbens, mox procellâ ætæus, plenilunijs novilunijsque tumidior, perpetuum velut naturæ bellum cum hac ipsâ continente adhuc exercet. Cujus ferociâ quoque factum est, ut populus ante litium & discordiarum ferax, suis sedibus metuens, &, si mare latius terminos extendat, necessario coloniam facturum, nostris arbitrijs ac judicijs se permiserit, extremisque malis præceptum remedium poposcerit. Nostrum erit, pacem ac securitatem volenti populo dare, munitosque Philippi regis rescripto provincialium desiderijs, & simul discrimini publico subvenire. Hoc agendo æqui in Principem, in commissum nobis populum erimus, tutiores terras post compositam litem habiturum. Ut eam finiamus non actis, rescriptisque Principum, sed solâ conscientiâ egebimus. Hac consultâ æquitatem spectabimus. Sin vero querimonijs supplicum, aut eorum importunitati auscultemus, trahemus conventum, & simul offensiones partium, quæ judicaturæ posthabendæ sunt. De me testor, nihil affectibus daturum, ceterum favoris, aut odij immunem publica commoda privatis utilitatibus antepositurum.

HÆC ROBLESIVS.

*Lis decisa.* Mox evolvendis partium actis consumpto triduo, bono exitu litem clausit, dimissoq; conventu Joannem Fonckium unum ex arbitris ad Ferdinandum Albanum amandavit, qui adornandæ classi, & maturandis in minores Frisios expeditionibus Amstelodami tum agebat. Ibi Fonckius gesti negotij, & definitæ inter Westergoos litis certiore Albanum fecit, populumque Westergoum ante discordem, & judicia novis dissensionibus morantem, laudabilem in concordiam coaluisse.

Nihil



Nihil verò aliud desiderari, quam ut Westergoi fructum iudicij sentiant, publicenturque acta, quorum desiderio avidæ partes teneantur. cIo. Io. LXXIII.  
Quare Albanus vir imperiosæ severitatis, litteras Amstelodamo VII. Eid. Sept. in Frisiam ad Roblesium dedit, quo, curante adhuc Philippi res per Geldriam Ægidio Barlamontio Hyergio, per arbitros decreta omnem in populum vulgarentur:

**P** *Repositus Ultrajectinus Ioannes Fonckius mihi apud Amstelodamenses hoc tempore agenti fidem fecit, definitam vos per arbitros aggerum litem esse. Ego vero Regi Philippo, & vobis gratulor, eiusque nomine acta vestra rata habeo, testesque regie & meæ fidei litteras subjungo. Tibi mando, Roblesi, ut extemplo Cancellarium, Ronium, Ostendorpium, (neque enim Fonckium hoc tempore dimittere queo) Leovardiam voces, obsignataque per vos arbitros publicari cures ocys.* Albani re-  
scriptum de  
promulgan-  
dâ decisione.

Hæc ALBANI manu signata.

Itaque ad V. Eid. Novemb. diem partes Leovardiam, audiendam ad sententiam, citatæ, litteræque isti rei scriptæ Gasparis Roblesij, ac Præsidis manu signatæ. Cæterum omisâ in ijs omnium litium, quæ universis Westergois communes essent, mentione, Westergoorum delegati, qui tum aderant, in arcem regiam vocati. Partes ad  
audiendam  
sententiam  
citatae.

Ibi ACHLENIUS.

**C** *Itari (inquit) vos fecimus, ut audiretis quæ à nobis arbitris decreta sint, & quæ dirimendis maritimis, mediterraneisque Westergois tantum spectabant. Nos vero, quoniam omne controversum, inter vos Westergois, definivimus, id vobis indicandum duximus, quo de nostris in vos officijs vobis constaret. Et quoniam Cancellarium Ronium, Fonckium, & Ostendorpium abesse non ignoratis, deliberabitis inter vos, an pronuntiari à nobis decretum velitis, an differri, dum reliqui arbitri præsto sint. Vestrum erit id nobis significare, ac per acta nos docere, quo diem præsiniamus promulgandis decretis opportunum.*

Mox pro maritimis Westergois rescriptum.

*Placere compendium temporis, ne quid mali prolatis decretis interveniat. Neque esse necessariam reliquorum arbitratorum præsentiam, quos aliorum turbidi temporis tedium, aut sollicitudo vocaverit. Roblesij Pro-præfecti, & Achlenij Præsidis fidem solemnibus interponi. Ea rata se habere.*

Sic pro maritimis Cuneris Petri Episcopus, Scelto Liauckama, Ulpius Hiddama, Dothias Bonga, L. Watnia, Leo Syricius, Tzommo Mantgumanus procurator cœnobij Achlomanii rescripsere. Idem à mediterraneorum delegatis Sixto Tiallengio Presbytero Tiurnano, Francisco Tallumio, Petro Boimero, & Æmylio Adama pro Franequeranis, Serapio Bonga, & Simone Nicolao pro Baerderanis, Jovio Lyclefio, & Gerlaco Rispenio pro Hinnardijs, Siccone Gerritio, & Jetfone Gerconio pro Menaldumanis, Livio Jacobi pro Minnertsgeais, Jacobo Formadler pro Tiurnarumanis & Firdgumanis, Jacobo Hobbio pro Osterbiremijis factum. Tum assensus nobilium quorundam subsecutus, actaq; à Julio Dekama, H. Ebinga, Herone Ockingha, He-

clo. 10. Etore Dekama, & Ruardo Roorda signata. Cæteri quoque Australes LXXIII. Westergoi una cum Sylvestrium Legatis, qui nec maritimis, nec mediterraneis quinque præturarum Westergois accensebantur, octiduo effluxo, velut tempore ad deliberandum capto, omne quod ab arbitris gestum, scriptum, judicandum, publicandumque esset, approbavere, potestate vulgandi Roblesio, & Achlenio Præfidi factâ. Ita per Petrum Frittema Senatorem Regium pro Wimbritserijs, Paulum Costerium priorem in Thabor, Joannem Wittenium priorem in Haska, Douwonem Roordam pro Snecanis, Bernardum Romckenium pro Bolsuerdij, Vibium Douwonium pro Hindelopij, Ulpium Nicolaum pro Worcumanis, Gerardum Olphartium pro Hemelum-olpherdij, Nordvoldij & Staurijs, Hoitonem Tenium, Gellium Tarquinium pro Geesterlandis, Geroldum Herama, Douwonem Herama, Folphardum Titum Baard pro Wonseranis, Titum Suffridæum pro Ilstani, Annam Tarquinium, Hoitonem Hinnesium pro Donieverstallij, Gerbrandum Mintium pro Lemsteranis quinque pagicis signatum. Hæc in Jacobæorum æde Leovardiæ gesta. v. Eid. Nov.

Quare cum litteris citatorijs in omnem non solum Westergoam, sed Sylvestrium tractum tabelliones missi, partesque ad xiv. Kal. Dec. adesse Leovardiæ iussæ. In ijs Menaldumæi, Antistes Aengiumanus, Baerderani, Monachobajumenfes Cœnobitæ, Hennardij, Franequerani, Minnertsgai, Barrani, Bolsuerdij, Cœnobitæ Wonserani, Antistes Floridi Campi, Oegani Cœnobj, Snecenses, Cœnobitæ Winbritserij, Cœnobitæ Thaboritani, Hospitalij, Nazareni, Groendiceni, Neoclosterij, Woldseindij, Ilstani, Carmelitæ, Worcomani, Cœnobitæ, Hindelopij, Staurij, Hemelumolphardij, Nordvoldij, Antistes Hemelumanus, Geesterlandi, Donieverstallij, Slotenses, Lemsterani, Haskerij quinque pagici, Prior Haskerius, Scooterlandi, Commendator Cœnobj Opsterlandi, Anguirdij, Cœnobitæ Steenkerkani, & Utingerani fuere. Itaque in Basilicâ confidente Roblesio Pro-præfecto, & Senatu regio sententia recitata.

*Sententia  
recitata.*

**E**A cautum fuit, ut actiones utrinque cessarent, nulloque actoris, aut rei respectu diuturna litis impendia reciproca compensatione sanarentur. Rescripta quoque Principis, Præfectorumque, quæ jam ante miseratione recurrentium inundationum, aut preces supplicum extorserant, post terminatam litem rescinderentur, valeretque pronuntiatum à Georgio Scenco Gubernatore Cæsaris Anno 1533. cæterisque arbitris definitum. Itaque aggerum spatia, quæ à Biltâ Harlingam versus mari obiacent, mediterraneis Westergois, reliqua ab Harlingâ in Austrum ad emissarium Maccumanum excurrentia, maritimis assignata. Decretum quoque, ut tabulationes post inundationem Anni 1570. factæ, aut faciendæ, pro situ agrorum partibus cederent, Lidlumanique Cœnobitæ cum Tjumarumanis, Firdgumanis, & Oosterbiremij ex edicto Scenci subsidia partibus præstarent.

Reperio in actis Hemelumolpherdios & Nordvoldios, maritimis Westergois sociatos, eandem Sylvestribus litem tum intentasse, eisdemque maritimos, velut lite temere institutâ fiduciâ causæ, & simul  
spe

spe boni eventus, ex decreto eorundem arbitrorum, excidisse. Quæ cō. Iō. à Philippo solemnī edicto confirmata in usu mansere. Hæc in arce re- LXXIII.  
giā Leovardiæ perscripta, ac Gaspari Roblesij, Igrami Achlenij, Bal-  
duini Ronij, Gerardi Ostendorpij, & Joannis Fonckij manu signata.  
Hoc modo lite aggerum, quam conjunximus, confectâ, diploma quoq;  
regium, quod erigendo, reficiendoque marino aggeri à Philippo scri-  
ptum erat, Gasparus Roblesius ratum efficaxque esse jussit, contuma-  
cemque adhuc populum, sua & simul publica exiria neglectu aggerum  
trahentem, severioribus imperijs agressus est.

Tum ut regiæ, & simul suæ dominationi consuleret, conventum *Exactiones*  
quoque denuo Leovardiæ habuit, instruendisq; quatuor pro rege trire- *Roblesij.*  
mibus subsidia poposcit. Quippe plerosque maris sinus hostium clas-  
sibus obseptos, & præpedita commercia querebatur, foederatosque per  
proscriptiones, aut arma submotos, terrestre bellum exitiali peiraticâ  
commutasse. Sic istis amphibijs aliud suffugium malitiæ quæsitum,  
non alio consilio, quam ne commeatum regijs copijs transmarinæ pro-  
vinciæ præstarent, & ut proxuma littorum foedis incursionibus infesta-  
rentur. Sic foederatos sagaces, & nocendi peritos omnem maritimam  
oram scaphis, lintribusq; legere, diurnique æstus observatione, quem  
ex Lunæ sydere metiantur, superatis brevibus levia navigia, classiario  
milite completa, extimum ad litus adigere.

Mox ascensu in continentem facto, silente Lunâ, aut opaco noctis  
per eos villas vastari, exuri fana, liberos & ingenuos homines,  
instar pecorum, contrucidari, aut abduci, esseque metuendum,  
si progressus fecerint, ut pejora furoris sui exempla edituri sint. I-  
taque quærendum ocyus malis remedium, & æstuariâ maris validâ classe,  
aut multo remige purganda. Ut ij habeantur, instruanturque trire-  
mes, pecuniâ opus esse, quam hoc ipso tempore ex publico haberi  
Regis simul, & provinciæ interfit. Hæc à Roblesio in confessu re-  
gij Senatus, coram Ruardo Roorda, Valerio Cammingha, & Hero-  
ne Ockingha Deputatis Ordinum, præservidis in Regem studijs dice-  
bantur. Quamobrem Deputati, corrogandi æris difficultate moti,  
convocandorum ocyus Ordinum spem fecere, quo assensu populi,  
aut eorum, ad quos jus & simul summa reip. pertineret, gerendis  
pro Philippo justum rebus tributum decerneretur. Interim obtesta-  
bantur se Regis & provinciæ commodis non defuturos, daturosque  
operam, ut necessarij, & prudentis consilij fructum ferat Roblesius,  
publicaque liberalitate, etiam extenuato ærario, & distractis provin-  
cialium fortunis, tam utile negotium juyetur. Posse pensiones vecti-  
galium agrorum, & semestres ærarij redditus anticipari, aut supplendæ  
æris inopiæ aliud subsidium decerni, cujus copiam propediem Præse-  
ctus Senatusque regius habituri essent.

Quare Senatus regius missis extemplo in omnem provinciæ oram lit-  
teris, diem comitio ad XVIII. Aug. dixit, delectosque Ordinum *Comitium*  
præstituto die adesse jussit. Ibi ex Oostergois Cuneris Episcopus, *Leovardia*  
Gerardus Jacobus Antistes Clarecampensis, Scelto Sceltama, Hero *habitum.*  
Burmania, & Hector Vibenius Wirdumanus. E Westergois Præsul Lid-  
lumanus, Petrus Frittema Jureconf. & Senator regius, Goslicus He-



CLD. IO<sup>a</sup> rama Jure-Conf. Petrus Widmarfius Buranus. E Sylvestribus Com-  
 LXXIII. mendator Neffanus, Idzardus Sickingha, & Julius Dekama Senato-  
 res, Tarquinius Annius, & Meinius Lyclefius Nyholtius compa-  
 rare. Quo conventu, etsi essent, qui discordem provinciam, &  
 inops ærarium obtenderent, tamen plerique publico discrimini subve-  
 niendum privatis impendijs censuere. Itaque festertius singulos in flo-  
 reno aureos, adornandis triremibus, ex eorum bonis decretus, man-  
 datumque prætoribus, ut per territoria ac districtus tributum cogant  
 ocyus, pendantque Heroni Burmanix erogandis pecunijs delegato.

*Acta in  
Comitio.*

*Inundatio  
per Frisiam*

Mox Roblesius, quo triremes regias, quas Groningæ clam fieri cu-  
 raverat, commeatu ac annonâ instrueret, Harlingam profectus est,  
 maritimæque expeditioni necessaria paravit. Igitur adornatæ triremes  
 Reiderium in sinum immissæ, qui in Lavicæ æstuarium influens Gro-  
 ningam urbem modico & navigabili alveo adlabitur. Cæterum enor-  
 mi tempestate mox disjectæ, aggeresque marini, ultro quoque infirmi,  
 & sustinendis fluctibus invalidi, intumescuntibus aquis patuere. Itaq;  
 omnis Frisia, qua Flevum, Lavicam, Amasum flumina latissimis ostijs  
 exonerat, aquis obruta, mareque, velut novis cladibus consilia mortalium  
 provocaret, aut eluderet, per lata continentis spatia se effudit.  
 Unde jumenta & homines undis hausti, frequentiam incolarum, & for-  
 tunam simul provinciæ minuerunt. Tum præter navem præfidiariam,  
 cui Joannes Andræas vir fortis, nomine foederatæ societatis præfectus  
 erat, cum decem & quatuor classarijs undis datam, triremis quoque  
 regia continuis Cori, qui Frisco litori infestissimus est, procellis, &  
 vehementiâ brevium subversa. Ibi Siricius Donia vir nobilis, & juxta  
 eum octoginta classarij desiderati. Reliquæ triremes non meliore for-  
 tunâ per intumescencia æstuarium circumductæ, diversis littorum vadis  
 illisæ. Unam tradit M. Heymannus, superatis æstuarijs sinu Amelan-  
 dico in mare magnum, & quod veteres novissimum credidere, a-  
 ctam, reciprocante æstu, post introrsum vi fluctuum pullam, in Trans-  
 Lavicanis haud procul Groningano littore defedissee. Reliquæ duæ  
 diu alto jactatæ Holverdicum in litus ejectæ, consilia Roblesij non pa-  
 rum retardavere.

Quorum conatus ne irritus esset, idem Roblesius triremem regiam,  
 cui Siricius Donia cum imperio præfuerat, à Biltanis in continentem  
 subductam refici ocyus curavit, novoque classario milite complevit.  
 Tum novem ex foederatis classarijs, qui nando in litus evaserant,  
 naufragi & fati inclementiâ infelices Leovardiam abducti, vinctisq;  
 dati sunt. Itaque tum serio provincialium, procerumque animos de-  
 speratio pervasit, credentium irascentem fortunam, non solâ civilium  
 bellorum calamitate satiatam, anniversarias inundationes, perdendæ  
 genti, intestinis armis adjicere. Efferari coelum & sydera, ac non  
 tantis æstibus concitata maria fortunatos majores afflixisse. Omne  
 adversum infelicibus posteris reservari, locum aliquando non habitu-  
 ris in quo spiritum trahant, nisi confusione quadam gentium præscis  
 ætatibus assimilata, infestent occupentque aliena.

Roblesius quoque, Harlingæ tum agens, sævientis Oceani specta-  
 culo, velut provinciæ imperium amissurus, non levi sollicitudine atti-  
 neba-

nebatur. Quamobrem missis Leovardiam litteris Igramum Achlenium cIo. Io. Præsidem, Balduinum Loæum, Idzardum Sickingam, & Petrum Frit-temam Senatores Harlingam vocavit. Ibi Senatui regio Præfectos aggerum Leovardiam ex omni provinciâ evocandi potestatem fecit, tertiumque Sept. diem habendo conventui præfinivit. Igitur Senatus regius Leovardiam, salutato Roblesio, regressus Dodonem Syrxmam & Paulum Breckerum aggerum Dongriæ cis ac trans Pasenum fluvium, Prætorem Ferverdium, Rolandum Achlenium Dantummanorum, Andræam Haringium Collumanorum, Fredericum Hornium Hemelolpherdæ & Nortvoldæ, Douwonem Heramam Wonseranorum, Sicconem Albadam Winbriteranorum, Idzardum Stientjemam à Feenhusâ ad Clisum promontorium, marinorum aggerum Præfectos ad 111. Septemb. adesse Leovardiæ iussit. Quæ urbs, etsi meditullio provinciæ, & non uno aggere clausa, novæ tum tempestatis acerbissimâ calamitate jactabatur. Itaq; æris campani per urbem ac municipia pulsatio imperata, colonique agrorum suburbanorum cum instrumentis rusticis Suettanum in aggerem evocati, quo novo & fossili opere impetum aquæ morarentur. Flante Africo illam tempestatem evenisse autores tradidere. Quamobrem Roblesius, ne quid temporis & consilij elaberetur, & ne diurnis tempestatibus per omnem provinciam aggeres eluerentur, curatis Harlingæ rebus, Prid. Kal. Sept. Leovardiam se recepit. Mox condicto die haberi Senatum iussit, Præfectosque aggerum in Curiam regiam citatos per Achlenium Præsidem hunc in modum allocutus est.

**N**on alio consilio convocavimus vos Præfecti, quam ut de remedio istius mali consultaremus, quod tot annorum inclementiâ ferociens continuis furoribus non publico tantum littori, sed agris, ac ipsis etiam incolentibus injurium est. Ita tot funerum strage nuper editâ, velut novissimum diem his terris decerneret, paucos ante dies periculose deservijt, ac si nostris, de quibus deliberavimus, remedijs auctam per intervalla malitiam opponeret. Quare ne ruptâ naturæ lege terram, quam incolimus, mare hauriat, & ne vivi transire in se invicem elementa spectemus, censeo rumpendas moras esse, ac naturæ iras nostrâ ope ac solertiâ reprimendas. Spe-ctate corruptam ammonam, dissectas villas, abacta pecora, & tantam carissimorum pignorum multitudinem iratis fluctibus absorptam. Adeo quidem ut nos vivere, aut mori, non naturæ, aut sati, sed beneficio fere ambientis Oceani videamur. Quare volo ut de statu aggerum, qui agris finibusque vestris prætexuntur, ad Senatum hunc referatis, perscribatisque ocys, quid erigendo resciendoque aggeri factu utile, ultimâ rerum desperatione censeatis. Nos vestris consilijs ac arbitrijs regis nomine autoritatem commodabimus, ne videamur conscientiæ fidem, & publicum bonum neglexisse, cui solenni sacramento nos obligavimus.

Sic Præfecti aggerum imperata facturi à Præfecto Senatuque regio dimissi. Mox ne, pervio per inundationes litore, provincialibus periculum ex annonâ esset, omne frumentum, quod ex injuria atrocissimæ tempestatis reliquum erat, exportari edicto, præterquam in castra regia vetuit, fœnumque pecori pabulum, quod agrarij, penuriâ graminis, ante

L X X I I I .  
Aggerum  
Præfecti  
Leovardi-  
am vocati.

Remedia  
inundatio-  
nibus qua-  
sita.

cIo. Io. ante æquinoctium autumnale stabulis clausurant, cogi asservarique per  
 LXXIII. provinciam iussit. Aquæ quoque erosis falsedine agris superfusæ solitis  
 vijs ductibulq; laxatæ, cataractæq; & emissaria pro ratione diurni æ-  
 stus, & spirantium ventorum clausa, ac reclusa inundationibus incre-  
 mentum ademere. Reperio in actis illorum temporum, subversis Don-  
 griæ circa Pasenum fluvium aggeribus, omnique pecore ac supellectile  
 undis haustâ, multos beneficium cessionis bonorum Senatû regium  
 orasse, exutosque fortunis ac possessionibus incerta sedium miserando  
 spectaculo quævisse. Rex Philippus quoq; ut, attenuato per provinciam  
 victu, negotiantium fraudibus mederetur, frumentarias leges, repri-  
 mendis coëmptionibus, tulit, contractusque & actiones, ex ijs natas,  
 nascendasve rescindi, abolerique fecit. Post nullo veteris discordiæ  
 respectu, quæ de exportandis provinciâ frumentis, Carolo Cæsare sub  
 Mariâ Gubernatrice, dein se Principe sub Margaretâ, exarserat, stru-  
 ctiores annonæ, coëmptionum reos, poenâ suspendij puniri iussit, pu-  
 blicamq; populi inopiam novâ legis severitate ulcisci conatus est. Qua-  
 re Prætoribus quoq; per provinciam, quovis modo, annonæ consulen-  
 di potestatem fecit, quo, ut olim sub Burgundicâ domo, procul an-  
 gustiâ rerum, & damnatis coëmptionibus ubere alimoniâ foelices sub-  
 diti victitarent.

*Federatæ  
 urbes solli-  
 citatæ.*

Dein dubiâ armorum fortunâ, per Ferdinandum Albanum, & civitates  
 ejus imperio parentes, sociæ foederi urbes ad defectionem sollicitatæ,  
 velumque clementiæ, & fidei regiæ, speciosis ultro pacis consilijs, ob-  
 ductum est. Itaque, mite regis ingenium, & paterni affectus docu-  
 menta exponebantur, velut non aliâ sollicitudine Philippi animus at-  
 tineretur, quam, ut populus persuasionibus pravorum, aut suâ imbe-  
 cillitate seductus, ac à majoribus degener, ad imperium clementissi-  
 mi Principis rediret. Inde veniæ spes, & omnium rerum obliviam  
 redeuntibus ad regem, perseverantibus in foedere effrænâ sævitiae  
 comminatio, & excidia gentium denuntiabatur. Adhæc magni armo-  
 rum apparatus ostentatio regiæ potentiae magnitudinem circumferebat,  
 fiduciamque fortunæ, velut tot regnorum regem non deserturæ certo  
 bellorum successui augurabatur.

*Albano in-  
 gens tribu-  
 tum poscen-  
 ti Federati  
 obstant.*

Econtra Albanus fastidio foederis non duraturæ societati, & infau-  
 stis coitionibus breves terminos, & funestum exitum, velut illicia ad  
 defectionem, ominabatur, dolosisque actionibus subnixam perfidiam  
 aulicis artibus, & peritiâ simulandi venditabat. Itaque inritâ federa-  
 tarum urbium defectione, postquam dolosæ artes non procederent,  
 bello domitandum populum ratus, ad exactiones conversus est, im-  
 pulsoque regis ærario Ordines provinciarum vicies centena æris millia  
 annum tributum poposcit. Ita enim, datis ex Hispaniâ litteris, jus-  
 serat Philippus, ut affectis regni rebus, & accisis Hispaniæ opibus  
 ordinaria subsidia gerendo bello peterentur, populusque suo exitio a-  
 limenta præstaret. Quare foederati ad socios Belgicæ Ordines, ne  
 per assentationem, aut metum quid statueretur, litteras dedere: Ijs  
 monebant.



**I**ntellexisse se Ferdinandum Albanum supplicias gerendis rebus postulare, & jam conveniunt indicisse. Etsi vero ad se id postulatum non spectet, quos à cæteris provinciis sua infelicitas secrevisset, tamen amore patriæ compulso, quam ortu legibusque coarctaverent, celare consilia sua non posse. Placitum scilicet majoribus fuisse, tuenda adversum externam vim mutuae societati, non arma tantum, sed consilia commodare, quo sociæ gentis consensu & concordia, publicæ provinciarum res pace ac bello, domi & foris constarent. Tantum abfuisse, libertatem unquam peregrini dominatus capacem fuisse, non semel assertam majorum sanguine, quibus infra servitutem mors fuisset. Nunc vero peregrinos, ex obscuris initijs ad eminens aule fastigium per malas artes, & fada consilia evectos, nihil aliud moliri, quam ut, procuratis gentium secessionibus, mutuum in exitium provinciæ conspirent, attritisque provinciarum opibus, tyranni & exteræ fecis imperium stabiliatur. Inde annuum tributum subvertendis socijs peti, quos in arma, ac bellum, more majorum, non aliud incitamentum quam tutela patrij juris impulsisset. Quorum nomine cum Belgicæ Principes majestatis jura usurpaverint, insolens esse se servos illius potentie facere, cujus vis ac dignitas à populo sit. Neque enim Philippi majores, Burgundiæ Duces, belli aut pacis, signandi æris, aut sancendarum legum jus, præterquam assensu Ordinum habuisse, quo ostenderent Ordines Principatum eos tenere à rep. non difforem. Itaque communis concordia reprimendæ exterorum dominationi, & mutua subsidia flagitabantur, arguentibus insuper federatis, divulsis provinciis firmari imperia hostium, domesticam libertatem subverti. Eam ipsam quoque restitui terris patrijs posse, si in sædus provinciæ coeant, regi principatum, populo jus, hostibus fugam & ludibria aserturæ. Prospektum quippe satis esse internæ potentie, neque aliud desiderari, quam ut magnarum virium documenta sint, & generosam posteritatem majorum decora irrent.

Mox supplicationes per omnem Frisiam imperatæ, quod Anna Austriaci regi avunculo primogenitum filium Carolo Cæsari cognominem foelici partu edidisset. Vota quoque omni clero seorsim injuncta, quo propitio numine in nepotem Cæsaris fortuna simul & virtus clarissimi Imperatoris transfunderetur. Tum Roblesius, ut pellendis mari foederatis classarium militem suppleret, sestertium, quem è singulis florenis aureis Delegati Ordinum colligendum decreverant, in confessu Senatus cogi per provinciam postulavit.

Roblesius pecunias cogi nequidquam postulavit.

**C**unctando quippe salubria consilia subverti criminabatur, & incrementum potentiam hostium, qui peiraticæ beneficio imperium ferme maris adepti essent. His addebat infidos contumacis populi affectus esse, & multos ore tenus sacramenta regia professos occulta fæderi somenta commodare. Adornatis quoque triremibus nullum usum fore, nisi commeatu & iusto milite instruantur, promissoque ere per provinciam corrogato, armis Philippi per Hollandiam Zelandiamque sparsis, trans Rhenum & in majoribus Frisij regi subsidium præstetur. Navali expeditione imprimis opus esse, ut bellum nusper in continente gestum, mari finiatur.

Ad quæ IDZARDUS SICKINGHA, Senator regius.

CLO. IO.

L. X. XIII.

Obitante

Idgardo

Sickinga.

Regio Se-

nator.

**E** Vin à majoribus morem se accepisse, ut tributum cogi sine assensu populi per provinciam nequeat. Delegatos quidem Ordinum pendendum instruendis triremibus sestertium in singulos florenos annuos decrevisse, ceterum nullâ relatione ad populum factâ. Se suaque tantum obligasse privato affectu in Regem, cujus ararium sublevari communi liberalitate, & contribuentium consensu debuisset. Non posse Senatum regium cogendis pecunijs mandatum interponere, nisi solenni comitio rescribatur decretum, nomine populi ab ipsis Ordinibus confirmatum.

Ejusdem

Senatoris

morbis, &amp;

hinc mors.

Itaque in suspenso negotium mansit, Roblesiusque, et si animo diffimularet, aliud subsidium instruendis triremibus querere coactus est. Ferunt eundem Senatorem libertate fandi, & simul publicâ, usum, à Præfecto & Senatu regio malè exceptum, damnatumque privatæ & domesticæ vitæ, ac publico semotum, ex ægritudine animi, velut optumè sibi conscij, & ad injuriam impatientis, morbum, & ex eo causam mortis contraxisse. Eâ quoque intentatæ à Joanne Carolo, fisci regij patrono, litis eventum prævenisse, corporeque, supra modum obæso sensim mæore, & mox tabe extenuato, regis indignationis, & simul legem pessimi temporis effugisse. Adeo verum est, egregijs viris ut gloriam, ita odia & simul pericula crescere, ne hoc quidem indulgente Principis imperio, ut inter oppressi juris ludibria patriæ defensor libertate vocis, exuto, & quidem citra immodestiam, silentio frueretur. Hoc namque ægrius à provincialibus ferebatur, Roblesium, expulsis etiam provinciâ partibus, militem suum planos per agros exigendis stipendijs sparsisse, Josephumque Talimerium, triremi regis apud Staurios præfectum immani sævitia famosum, nullo delectu hostium an provincialium fortunis ferocem animum explere. Quare Roblesius datis III. Sept. in arce regiâ ad Pastranam Hispanicæ cohortis tribunum, qui castellum Stauriæ cum præsidio tuebatur, litteris, Josephum Talimerium custodiæ dari, neque ante dimitti jussit, quam dilutis accusationibus, & evictâ scelerum fama, rationem turpium factorum, & exercitæ immanitatis reddidisset. Hoc verò cavebat Roblesius, ne quid ignominia molestiæque per irreverentiam Hispanici sanguinis sævissimo hominum fieret, proculque vinculis, & squallore carceris leni custodia haberetur. Mox quo agrariorum querimonias sanaret, militem per provinciam sparsum in præsidia revocavit, ac adesse ad signa jussit. Scilicet ne populus impendia maris, aggerum, & belli ferens, mox graviora laturus, exactionibus insuper discurrentium militum attereretur, dissolutusque belli ordo inopiam æris, & ultimam egestatem adstrictis terris induceret. Quare & à signis abeundi, præterquam veniâ à seipso aut Bustamantio Tribuno cohortis impetratâ, nulli potestatem fecit, vagentesque & colonis agrorum molestos capi abducique Leovardiam, puniri ex instituto militaris disciplinæ imperavit. Arctandæ quoque militum licentiæ, & cohibendis excursionibus stipendia petijt, ordinarioque tributo in quemque florenum aureum quatuor per provinciam sestertios exegit. Tum de pensione viginti octo millium expaeto regi præstanda commonuit, partemque copiarum suarum, sub

quinque

Josephus Ta-

limerij cap-

tivus.



quinque signis, Alcmariam in castra Frederici Albani ablegavit, partem in praesidijs retinuit. Triremes quoque regiae quas Roblesius milite & commeatu impleri fecerat, in aestuaria missae, quo Flevum fluvium, latissimo ostio in mare se effundentem, classe occuparent, minoribusque Frisij auxilia simul, & commercia praeccluderent. Caeterum Docconis Martnae nobilis Frisij, cui ab Aurantio Principe Frisici maris imperium commissum erat, & qui ostium fluminis anteceperat, rejectae, dubio flexu per infida aestuaria se sparsere. Hoc vero maxime Roblesius ac Trierarchae moliebantur, ut triremes classis regiae, cui Maximilianum Heninium Bossuvium Albanus praefecerat, se jungerent, foederatorumque naves a minoribus Frisij instructas, sociatis viribus Austrino in sinu dissiperent.

Caeterum Aurantius etsi de liberanda obsidione Alcmariam animo ageret, Sonnoium minori Frisiae Praefectum, speculatorijs navigijs curare Roblesij consilia jusserat. Sic factum est, ut Sonnoius fretum, quod majores minoresque Frisios interluit, obseptum classibus redderet, hostiumque expeditiones & auxilia triremium, compedito velut mari, moraretur. Itaque navali pugna haud procul Muda oppido, Austrino in sinu commissa, regiaeque classe per adversitatem fatorum foederatorum armis fugata, triremes quoque & regiae naves, insidis aestuarijs, Harlinganum in portum subductae, moerorque, & trepidatio, ut regium exercitum, qui Alcmariam castra moverat, ita omnem majoris Frisiae provinciam pervasit. Adeo verum est mortalium mentes fortunae imperijs regi, infaustosque magnarum rerum exitus, fiduciam animorum adversitate casuum confundere. Idcirco fuere, qui percussis navali clade, & captivitate Maximiliani Heninij Bossuvij, hostibus, de oppugnandis, exurendisque, in ipso Harlingano portu triremibus cogitarent, caecoque fortunae impetu utendum rati arduis ac difficilibus consilijs occuparentur. Caeteris placebat mediocritatem rebus quoque prosperis tutissimam esse, & instabile caducumque fortunae providentiam futuri discriminis metiendum. Non semper quippe eodem ordine res humanas ferri, caeterum reciproco aestu se vertentem fortunam modo fluxam benignitate, modo importunis odijs exorbitare. Ita grande consilium oppugnandarum triremium, cujus Doconem Martnam maris Praefectum autorem fuisse annalibus proditum est, magnitudine periculi omissum, & quod classiarum militis iusta supplementa desiderarentur.

Ferunt Philippum inaugurationis tempore lustrandis provincijs, & urbium magnificentiae intentum, Harlemumque provectum, de visenda quoque Alcmaria cogitasse, invitatumque, quo id honoris civitati & populo daret, certam sui adventus spem legatis Alcmariensium fecisse. Caeterum persuasum a purpurato, obscurae urbis famam infra maiestatem ac fortunam tanti Principis esse, consilium mutasse, elusumque populo, & omnium rerum apparatu in contumeliam, ludibriumque verso, neglecta urbe, & minoris Frisiae provinciam Amstelodamum perrexisse. Quam in re mirari prudentiam & aequitatem fati lubet, fore aliquando, ut tantae potentiae, & ex hac legis sui oblitus Princeps, idem, interrupta obsidione, inglorij contemptus exemplum ab illa urbe acciperet, totque regnorum coeuntium vis, in medio victoriarum cursu,

Id. Id.  
LXXIII.  
Expedi-  
tio  
navalis tri-  
remium re-  
giarum.

Federato-  
rum cum  
regijs navali-  
bus pugna,  
& victoria.

Capitulum  
Maximilia-  
ni Bossu-  
vium.

Hispania  
moveret exera-  
cium Alcm-  
ariam.



cIo. Io. cursu, ad ignobiles opinione Principis muros sisteretur. Bossuvius quoque regiae classi Praefectus, à minoris Frisiae despectâ gente vinceretur, docereturque Philippus, magnitudinem regiam tot terras, & maria possessione, & plus animo ac spe complexam, summa destruentis fortunae ludo includi.

*Ferdin. Albanum magnam rerum mutationem confertur.*

Igitur Ferdinandum Albanum, qui jam ante prospera fatorum in lasciviam superbiamque converterat, adversitate fortunae dejectum mæror, & consternatio occupavit. Quippe impurus Ducis animus, per tormenta pectorum, omnē adversum irascentem fortunam robur amiserat, poenitudineque anteastrarum rerum, velut interno vulnere, debilitabatur. Ita reputabat in Hispaniâ & Philippi aulâ pacem, quietemque optuma sedandæ Belgicae remedia suadentibus se opposuisse, submotâque principatu Margaretâ Gubernatrice, optimum solertis faminae imperium cum asperrimo & insolenti commutasse. Inde fomentum bello, causam tantis provincialium miserijs se dedisse, quo minus placare animum possit utriusque fortunae non capacem, & tantum prosperis assuetum. Refluentibus adversis, ut ante foelicibus rebus temperamentum, ita nunc remedia sedandæ menti deesse. Sic rudimenta dominatus prospere acta, velut non alia rerum lege, quam ut summam imperij maturitatem, & simul statuæ beneficio monumentum famae adeptus, instabili & res cunctas vertente fortunae invidia exerceretur. Incerto loco res mortalium positas tunc maxumē deficere cum ad fastigium pervenere. Librari namque dubijs eventibus per Zelandiam bellum, & Alcmariâ minoris Frisiae urbe per Fredericum filium, velut constituto prosperis termino, desertâ, classē regiam non uno loco improspers naumachijs disjectam. Adhuc omnem fere Hollandiam in partibus, & per omnem provinciam infidas res, aperta arma aut defectiones agitare. Ita non missum in principijs sanguinem, non depurgatas proscriptionibus urbes securum adhuc imperium polliceri, cæterum extare publicæ cladis aut iræ reliquias, nova consilia in Philippum, & maxime se Proregem fabricantes.

*Missionem à Rege oravit, & impetravit.*

Quare inclinante fortunâ, & esserato magis per provincias populo, tutissimam missionem esse, ne quaesita secundis gloria per adversa obscuretur. Possē adhuc, necdum collapsis Philippi rebus gratiam regiam, & inconstantis aulae promereri. Neque enim sævitiam suam regi culpabilem fore, & professuros silentium æmulos, si viderint Philippum, non verso in odia affectu, ministeria exerciti furoris, & simul patienter adversitatem fortunae ferre, suo more documenta casuum, & fluxae sortis edentem. Sic expeditis in Hispaniam, praemisso jam ante, ut Thuanus tradit, Bernardino Mendoza, ad Philippum regem litteris, excusatione diuturnae valetudinis, & imbecillum annorum usus, missionem oravit, animoque immani, etsi otia ac vacationes suoapte ingenio fastidienti, secessum paravit. Erant qui crederent, Philippum regem adversâ Ducis fortunâ alium, suis etiam mandatis in perniciem ministri usurum fore, Ferdinandumque Albanum à fortunâ destitutum, regis quoque, velut fastidientis infœlicem indignationem & odia sensurum. Militarium quippe Ducum prospera regum gloriae ut plurimum cedere, adversa privatis imputari. Esse haud

haud dubie, quæ Philippi ingenio, ultro crudeli, materiam offensæ cō. 15. afferre queant, & ut aliud incitamentum non sit, solius superbix esse. LXXIII. Ita Belgicæ solum, quod Principi reverentia majestatis reservaverat, ab eo in conspectu Ordinum, populique occupatum, & insigni arrogantia, moderatis antecessoribus damnata, Trophæum, fallaci famæ erectum. Regiæ aut imperatoriæ fortunæ ista decora esse, privatis, & Principum suorum æmulis semper incommodo celsisse.

Cambdenus Britannicarum rerum Historicus notat, aulæ regiæ magnates, & in ijs Cardinalem Granvellanum, ac Gomefium de Sylva, ut in Hispaniam ocyus revocaretur, Philippum apud regem intercessisse, ne crudele, & haud multum infra Principem imperium, desperationem civilium animorum, & simul defectionem universæ gentis irritaret. Augustus scriptor Thuanus addit, Philippum sinistris de Albano rumoribus jam ante instructum, id paci Belgicæ, & simul dignitati viri largitum, Joannemq; Cerdam Medinacelium natalibus clarum, cæterum suâ virtute & gestarum rerum fama obscurum, in regenda ei Belgica suffecisse. Eundem Cerdam quoque, Albani æmulatione diu flagrantem, metu defectionis, oblatam à Philippo dignitatem aspernatum, odiosi muneris molem, & cum tacita velut exprobratione, foedæ dominationis invidiem in eundem Albanum rejecisse. Itaque Fœderati, quo ituro in Hispaniam Albano invidiem crearent, & ne Albanus falsò refricata contumacis populi rebellione, regium animum majore irâ accenderet, supplicationem hac forma ad PHILIPPUM Regem misere.

**Q**uotiescunque in clementiam tuam PHILIPPE Rex, (postquam CAROLO patre imperio se abdicante principatum Belgicæ sumpsisti) cogitationes nostræ desiguntur, toties in spem ac fiduciam erigimur, te miseratione querimoniarum nostrarum & ultimæ calamitatis, in quam FERDINANDI ALBANI proregis tui immanis ac superba dominatione nos detrusit, remedia nostris malis daturum. Ut, quoniam majoribus tuis fidem nostram, obsequia & officia pignoravimus, quo Burgundicæ domus fortuna ad destinatum magnitudini suæ fastigium exsurgeret, ita te latitum non speravimus, ut religionis prætextu patriæ jura, ac immunitates ab immanissimo hominum opprimerentur. Et spes quidem nostræ tanto certiores fuere, quod iisdem legibus & privilegijs nostris sacramento te obligaveris, ne quid ijs te Principe decederet, & ut omne sacrum, quod in his terris possidemus, tuâ protectione & potentia incolume esset. Cæterum quoniam in comperto est, nostras querimonias, quas non semel Majestati tuæ obrusimus, & simul fructus nostrarum supplicationum, quibus intercessionem Principum querebamus, subverti, ita non dubitamus quin nostræ calamitatis & miseriæ documenta fraude & prævaricatione nostrorum inimicorum intercipientur. Ita fit, ut qui malis levamenta poposceramus, contumaciam experiamur, præcludique ad clementiam tuam omne suffugium, quod à naturâ sanctissimâ rerum parente patere nostræ innocentix debebat. Itaque inritis querimonijs nostris illustrem patientiam profiteri destinavimus, si forte fatalis, & definitus clementiæ tuæ dies nostris miserijs illucesceret. Sed magnitudo urgentis exitij, & ruinæ metus legem patientiæ abruptit, adeo ut moram ferre curatio nostro-

Fœderatorum ad Philippum Regem supplicatione adversus Albanum.



CIO. IO. rum vulnere nequeat. Nes nostra tantum bona, corpora, ac res in discri-  
 LXXIII. men adductæ, ceterum ditionibus quoque tuis, quas hæreditate in te volutas  
 accepisti, proxima & vicina perniciēs est. Ut ea amoveatur terris & prin-  
 cipatui tuo, iterum obtestamur, Clementissime Rex, nostra obsequia, rogamus-  
 que ut populi tui miseris, iusti Principis officium expleas, tuterisque leges  
 nostras, quas, divisim olim provinciis sancitas, majores tui tantarum rerum  
 ditionumque hæredes asserendas suscipere. Ita recordare CAROLUM  
 Casarem patrem tuum more majorum, tuâ etiam inauguratione, (quâ hære-  
 dem Caseris, post successorem te declaravimus) solenni sacramento provinciis  
 se obstrinxisse, quo inter Principem populumque nexus constaret, mutuâque  
 societate concordiam aleremus. Ea certe majoribus tuis, Clementissime Rex,  
 potentiam, subditis opes, & affluentiam rerum peperit. Inde subsidia bellorum  
 in CAROLUM patrem erogata, quorum, ne publice dissimularet, te prin-  
 cipatum inchoante, in consessu Ordinum imperatoriâ voce fidem fecit. Itaq;  
 voluit, ut, ratione fidi potentisque populi habitâ, moderato imperio provin-  
 ciis præesses, disceresque & tuæ potentie modum ponere, & illorum obsequia  
 revereri. Per ea fuit, ut auxilia primis principatus tui annis acciperes, me-  
 tumque hostibus, tibi potentie incrementum & gloriam, subditis tuis securita-  
 tem dares. Et floruerunt stante Principis populique concordia res nostræ, post-  
 quam intra aulam & secretum regni admissi homines nostræ simul & tuæ for-  
 tunc insidiosi, in deterius ivere. Quorum cupiditatibus cum patriæ leges ob-  
 starent, quibus integris nec illorum ambitio quid assequi, nec pati nostra li-  
 bertas poterat, alio commento te circumvenire, velut nostra obsequia tuo im-  
 perio, nostræ leges tuæ potentie obsessent. Nefariis consiliis velum religionis  
 obductum est, quo improbam ambitionem vis ac autoritas Pontificum muniret,  
 & serendis discordiis dissidia sacrorum obtexerentur. Itaque ut in penetrale  
 Reipub. pervaderent, suisque arbitriis regnandi licentiam afformarent, sinistris  
 accusationibus nos apud te Principem aggressi civiles discordias sevēre, qui-  
 bus in ultimam confusionem res irent, convulsique patriis legibus dominatio-  
 nem apiscerentur. Ita Inquisitio & novi Episcopatus, nostris legibus, ac  
 immunitatibus infesti, illorum importunitate introducti, ac si pagani,  
 barbarisque gentibus assimilandi essemus, publicamque impietatem divino  
 cultui obtenderemus. Inde tot millium sanguine, illorum consiliis litatum,  
 tantos progressus faciente sevitia, ut excisa per solitudinem gente defuturi  
 Principi cives viderentur. Quibus præpediendis ad te Principem lesi confu-  
 gimus, ut ostenderemus, quantum inter illorum consilia, & nostram salutem  
 interesset. Itaque severitatem edictorum, quæ stabiliendæ Romanæ religioni,  
 per Belgicam, Frisiosque scripseras, sub Margaretâ Gubernatrice mitigasti,  
 fidemque Præfectorum tuorum, ac Principum Aurei Velleris interposuisti, ni-  
 hil novum, insolensque te moliri, rescissoque Inquisitionis decreto, paci tran-  
 quillitatique publicæ, & desiderijs populi consulere. Ceterum tuâ cum lenitate,  
 clementissime Rex, illorum furor increvit, postquam infra Majestatis tuæ ma-  
 gnitudinem habuerunt, semel placitis aliud decretum interponere. Itaque per-  
 suasus ab ijs FERDINANDUM ALBANUM ferocis ingenij  
 virum, & veteri odio Belgicæ insensum cum imperio in provincias misisti, ut  
 populum suis erga te obsequijs certantem, bello & armis perderet. Quem i-  
 psum, utpote nec tuo, nec Belgico sanguini innexum, etsi prohibere finibus no-  
 stræ vires quivissent, tamen tuæ venerationi id dedimus, & ne videremur cu-  
 juspiam



*iustitiam mali testem conscientiam possidere. Ita portas reclusimus, praesidia* c15. 15  
*accepimus, non alio consilio, quam ut de fide nostrâ constaret, & ne cultum* LXXIII.  
*obsequij cum armorum necessitate mutaremus. Ab eo tempore pacis, & con-*  
*ventionibus omne robur demptum, tuoque, PHILIPPE Rex, sacramen-*  
*to, quod in cætu Ordinum Belgicæ præstiteras, à Ferdinando Albano non se-*  
*mel illusum est. Sic rupta violataque pactiones oppressionem secum legum tra-*  
*xere, clausoque per iustitium omni foro, non alio loco habiti fuimus, ac si*  
*armis, instar mancipiorum, subjugati, omne beneficium majorum probrosâ*  
*rebellionem perdidissemus. Vnde ALBANUS in omnem immodestiam, &*  
*professionem sædissimi sceleris effusus sacrum omne atque profanum attamina-*  
*vit. Rapiendo, vastando, proscribendo imperium exercuit. Villæ aut agri*  
*direpti, patrimonialia divitum expilata, & innocentium sanguis promiscuâ cæde,*  
*aut per supplicia fusus. Tum virginum ac matronarum pudicitia stupris cor-*  
*rupta, & infantes cum profugis parentibus in exilium acti. Fœtus quoque*  
*ipsi prænantium uteris extracti, nihilque tam sacrum sanctumque, quod Sol*  
*& sydera illustrent, quin immanitatem execrandi capitis pertulerit. Matri-*  
*monia ipsa, societatis humane vincula, aut rescissa, aut divortijs fœdata.*  
*Cadavera in sinum naturæ recepta, & quieti reddita sepulchris educta, ne*  
*mors omnis miseriæ levamentum scivitiam Ducis, & horrorem supplicij finiret.*  
*Dein immodicis exactionibus imminuta provinciarum commercia, & centesima,*  
*vigesimæque decima bonorum adjecta. Insolentiâ præsidiorum exhaustæ urbes,*  
*nullaque disciplinâ solutus miles extorquendo æri, & atterendis civium facul-*  
*tatibus diurna flagitia exercuit. Hæc FERDINANDI ALBANI,*  
*Clementissime Rex, consilia, hæc imperia fuisse. Qui ut animum supra quam*  
*ambitiosum ostenderet, fœditati suorum scelerum indulgens, æreum monumen-*  
*tum ignobili fame insuper erexit, quo fortunâ suâ & tuo imperio male usus,*  
*turpitudine exercitæ dominationis apud suas, exterasque gentes serâ posterita-*  
*ti redderetur. Solium quoque tuum pacis bellique arbiter insedit, velut, solo*  
*nomine dissimulato, à potentiâ parum Principis abesset. Hoc modo tibi con-*  
*temptum, sibi ipsi ludibrium, nobis imaginem servitutis locavit. Quarum rerum*  
*immanitas, quia clementiæ tuæ convenire non potest, moribus Tyranni*  
*imputatur. Qui etsi regio & sumptuoso paratu in Theatro se ostentans veniam,*  
*pacemque proclamet, quasi condonare innocentie nostræ quid possit, ita testa-*  
*mur denuo erga te Regem, nostræ fidei nihil decessisse, cæterum nos consilia &*  
*arma nostra solis Albani violentijs opponere. Cui non aliud quoque propositum*  
*est, quam ut regnum, aut dominationem regno proxumam spirans, cum bello*  
*nequeat, umbrâ fallacis clementiæ nos expugnet, agnitique criminis confessione*  
*reos faciat majestatis, cujus venerationem nunquam exuimus. Ut faciamus*  
*fidem dictis nostris, Clementissime Rex, testamur Deum conscientijs nostris*  
*præsidem, puros illius sceleris nos esse, quod expiari alias à nocentibus ulti-*  
*mo exitio, ac cruciatu debebat. Quare divinum numen, & te, PHILIPPE*  
*Rex, reveriti, capta pietatis incrementa nostro sanguine, opprobrio Ducis*  
*tutabimur. Qui quoniam, silentibus per iustitia legibus, omne forum, ad*  
*tribunal nostris querimonijs oclusit, arma capere coacti sumus, quibus patri-*  
*am continuis cladibus, & presentaneæ servituti subduceremus. Parati potius*  
*honestâ morte velut victimas immolare corpora nostra, quam spectare seram*  
*belluam sacra nostra continuis sacrilegijs fœdantem. Effundemus tutelæ con-*  
*jugum, liberorumque novissimum spiritum, quo libertatem à majoribus in nos*  
*trans-*

**CL. IO.** transfusam cum ignobili servitute non mutemus. Nam Ducis veniæ, aut fidei nos permittere ruptarum pactio-  
**LXXIII.** num exempla, excidia urbium, & secunda strages non sinunt. Itaque horror enormiter scipientis diffidentes, & bone ad concordiam spei vacuos nos fecit, nisi clementiæ tuæ secretum, **REX**, aperias, utrique correctione franes immodestiam regnantis. Interim rogamus, Clementissime **REX**, ut querimonijs nostris auscultes, præstesque integra illasque majorum jura, quorum hæredes sumus, & quæ **CAROLUS** Cæsar, & tu, **PHILIPPE** Rex, sacramento firmavistis. Id si facias, non arma tantum, quæ sumpsimus, ponemus, ceterum omnia, quæ potestatis nostræ, aut juris fortuna esse voluit, cum obtestatione sanctissimi numinis, tuæ potentia, & Principatui sacrabimus.

*Principum  
pro Fede-  
ratu apud  
Regem in-  
tercessionem*

Intercessionem quoque Regum Principumque imploratæ, ut, si forte populi sui precibus emolliri regius animus nequiret, affinium propinquorumque procerum desiderijs leniretur. Creditum fuit in Maximilianum Cæsarem, & Imperij Principes, foederatos tum respexisse, recente adhuc Gallici furoris memoriâ, & veteri Anglici regni cum Hispaniâ societate nuperis inducijs restitutâ. Igitur profuturam autoritatem, aut reverentiam Imperij, si non paci procurandæ, saltem ut exulum suffugijs Germania pateret, leviusque proscripti, aut extorres ijs in terris haberentur. Cæterum Philippi animus, sive cupidine majoris duriorisque per Belgicam imperij distortus, sive fatali odio gentis pervicax, omne etiam Albani immoderatum, velut retinendo principatui utile, interpretabatur. Quare missionem petenti Ludovicum Requesentium Insubriæ Proregem, successorem dedit, eidemque Albano, perseverante fluxæ, & fallacis aulæ gratiâ, usque in supremum vitæ diem continuos honores, velut præmia rite administratæ Belgicæ, indulxit. Adeo verum est æquam ut plurimum improbis aulæ fortunam esse, & asperrimum regnandi modum, ab Albano per provincias institutum, à secretis Philippi consilij non abhorruisse.

*Albano  
successor-  
em Reque-  
sentium.*

*Prodigio.*

Reperio in V. Clar. Cornelij Gemmæ Mathematicis commentarijs, mense Octobri deformem partum alibi editum, Lunæque enormem defectum ad v. Eid. Decemb. observatum, magnitudine suâ, obscuracionem sub initia Philippici principatus anno **CL. IO. LV.** factam, neque ab simili prodigio, adæquasse. Mihi verisimile est, naturam, in evolvendo cœlestium corporum motu, id laborantibus provincijs tum dedisse, tacito indicio, sumptum diris auspicijs imperium non melioribus procedere, redarguendisque dominantium noxis, eadem luminum deliquia mutatis temporum ætatibus assimilari. Thaddæus Hagecius aulæ Cæsareæ Maximiliani II. medicus in sua Apodixi tradit, Novam Stellam, quæ designatura mortem Regis circa hoc temporis observantibus cœlestia credebatur, manifesto luminis sui decremento sensim tum attabuisse, mensemque, quem excessui regnantis, ac mutandis rebus curiosâ speculatione Mathematici assignaverant, disparitionem lucidissimi corporis inservivisse. Etsi sciam, alios in annum sequentem, conspectum, & vim novi syderis protraxisse, ominatosque, ut post memorabo, sinistra, Cornelij Gemmæ prædictionibus pondus ac robur addidisse.

Tum



Tum omni æstuario classibus obsepto, omne Frisiæ littus prædonibus ac peiratis infidum, quos aut exilij vindicta, aut appetitus alieni per periculosa syrtium vada, & infidum mare circumferebat. Geestlandia vero, & quicquid terrarum minoribus Frisijs objacebat, regia & simul foederata classe infestabantur. Itaque non Elahusij tantum, aut Harichij, quorum agros latissimi lacus alluunt, cæterum Wikelij, & mediterranea incolentes prædonum incursionibus patuere.

Notat M. Heymannus, Regneri Wibrandij, qui apud Wikelios prædium tenebat, domum ab ipsedem prædonibus incensam, ipsumque Wibrandum glande trajectum lætali vulnere exspirasse. Mox conjugem ejus Dodam unâ cum filiâ Bauciâ ferro percussoris necatas, alteramque ex filiabus Fokelam cum uno filiorum Enchusam in captivitatem abductam. Tertiam quoque è fenestrâ præcipitem datam, filiumque Hansonem è lecto proflientem, & nullâ veste flammis subductum, ab ambientibus ferme frigore exanimatum, fugæ beneficio, & per admota corpori fomenta vitæ servatum. Sic tabescente justo per Frisiam bello latrocinia, ac cædes exercebantur, infortisq; provinciæ fortunam, aut egestas regij militis, aut vis peiratarum adfligebat; non ante represso sceleribus remedio, quam Ludovicus Requesentius, à discessu Albani imperium capefcens, promerendis provincialium animis, lenem medicinam inveteratis militiæ flagitijs præscriberet.

Tum Ferdinandus Albanus Philippi gratiæ, & successoris Ludovici Requesentij certus, protectionem adornavit, cumulatasque egestate provinciarum, aut infamiâ exactionum, opes, dubium suæ an regiæ gazæ administer, in Hispaniam præmisit. Mox Ludovico Requesentio, magnifico rerum apparatu, Bruxellas ingresso, comitatus Frederico filio, Italiam versus iter instituit, turbidamq; & cruentatam Belgicam, sibi ipsi acerrimum conscientiæ vulnus, & ex ignobili sævitæ famâ æternum in animis hominum dedecus reliquit. Relatum in fidem annalium est, supra octodecim hominum millia sexcentos insuper foederatos suo jussu manu carnificis sublato, ipsumque Ducem, exerciti furoris infamiâ superbum, recordatione suorum scelerum infortem animum pavisse. Tradit Reidanus florentissimus rerum Scriptor, per confinia Germaniæ iter capienti pernoctantique apud Ludovicum Cunisteinum Comitem, imprudentem & superbam vocem excidisse, eundemq; Albanum suo tum demum è Belgica discessu, non tam provincialium odia, quam infidias quoque & pericula effugisse. Scribit idem autor quadragesimali jejunijs, haud procul Bruxellis, in cœnobio quodam sacra sumpturo destinatos percussores fuisse, monitoque, ne publico se daret, vitæ beneficium concessum. Addit Reidanus Noviomagi agentem, & concamerato dormitorio, quod multo tormentario pulvere suffertum erat, usum magnum in discrimen incurrisse, desiderato è conjuratis, qui ministerium, tyranno decretum, admoto igne, aut stupâ exequeretur. Carolum quoque Brimæum Geldriæ, & post majoris Frisiæ Præfectum, indicendi apud Noviomagenses comitij consilium cœpisse, eidemque Albano, quem isthic evocare ordinandis provinciæ rebus constituerat, velut popularis gratiæ ex odio Ducis certum, injectionem manuum destinasse. Litteras

cio. Io.  
L. x. x. iii.  
Frisia præ-  
donibus in-  
fida.

Albani in  
Hispaniam  
discessu.



quoque, quibus facti rationem daret, Philippum ad regem, praeveniendis Hispanorum criminationibus, paravisse, ardua quoque res agitantem syderatione tactum, & mox morte praeventum, Profutura libertati consilia non explevisse. Innuente velut fato, Ducem saevitiae & effundendi sanguinis immodicum, expiandis provincialium noxis, longiori vitae, & simul poenae reservari.

*Varia de  
Requesen-  
sio Albani  
successore  
Iudicia.*

Unde in Requesentium certae spes, velut dura antecessoris imperia attemperaturum, nisi Hispanicae suspectaeque indolis metus fiduciam popularium animorum minuisset. Credebatur quippe naturae diversitas Belgicis Hispanicisque ingenijs subesse, immiteque ardoribus Hispaniae coelum, gentis suae consilia peculiari syderum influxu efferare. Itaque innuebant Philippi & provinciarum rebus melius prospectum fore, si Belgici sanguinis Principem moderamini rerum Philippus admovisset, datusq; Ferdinando Albano alius successor, flectendis, quae iniquitas exterorum movisset, ingenijs, domesticae pacis desideria applicasset. Hoc modo ortis diu turbis remedium adhibere, percuraque grave vulnus potuisse, velut quodam intermedio coitutum. Sic ruptam ossium in humano corpore compagem restitui, ut, quoniam extrema jungi per naturam nequirent, solertia artis coalescerent. Satis exempli apud Regem esse, invisum gentis suae nomen civili concordiae obstare, requirique Belgicae Praesidem aequa imperia libertati assimilantem. Sic in Margaretâ Gubernatrice dubios natales, & versatile peregrinae foeminae ingenium, in Albano externum sanguinem, & foeditatem imperij patribus displicuisse. Esse Requesentium Hispanicæ originis, & apud Insubres diu Italiae artibus excultum, iisdem moribus acturum. Quippe ab Albano praecepta administrandae Belgicae clam & in secreto accepisse, haud dubie edoctum, Philippum regem sua in Belgas odia externis dominationibus nutrire.

*Philippi ad  
Frisios li-  
stera.*

Igitur Philippus, quo Requesentium Belgicae Frisicaeque genti commendaret, litteras Madriti perscriptas ex Hispaniâ in Frisiam dedit, populumque ad novas spes, & imperia suspensum hoc modo edocuit.

**R**Egredi ad vos, Ordines, jam diu animus ac consilium mihi fuit. Ceterum quoniam regnorum meorum moles, ac difficile multa regendi onus mihi hoc tempore incumbunt, Hispaniâ meâ attinere me cogor. Vbi vero concurrentium negotiorum cura remiserit, daturus sum operam, ut, quod maxime expeto, ad vos redeam. Et quoniam missione FERDINANDO ALBANO certis de causis factâ Medinacelum ei successorem destinaveram, ita mutato consilio hoc ipso LUDOVICUM REQUESENTIUM eidem Albano substituo, virum fidei & officij de me optime meritum. Neque dubito quin eodem affectu res quoque, & incolumitatem vestram meo nomine curaturus sit. Rogo itaque & mando, ut eundem REQUESENTIUM Belgicae Proregem recipiatis, praestetisque ei obsequia nostra per provincias imperia gesturo. Hoc etiam addo, ut res consiliaque vestra ei commodetis, reputetisque omne, quod ei praestaturi eritis, officium nobis gratum fore. Hæc PHILIPPUS.

*Requesentij  
littera.*

Mox regijs à Requesentio additæ litteræ: Istæ habebant.

Placuisse PHILIPPO regi, revocato in Hispaniam FERDINANDUM.

NANDO ALBANO, moderamen Belgicarum provinciarum Frisiaq; clō. Is. ditionum in se devolvere. Et quoniam Regis sui imperio parere æquum esset, LXXIII. ita orare sanctum æternumque numen mentem sibi det turbidis temporibus libranda tantæ moli capacem. Non alium scilicet votorum suorum finem esse, quam ut, fato rerum Philippi arbiter ac moderator datus, reducendæ civili & inter Principem concordia destinetur. Ut ea habeatur consiliorum communione opus esse, & ut sua à patrum secretis indivisa sint.

Hæc litteris signata.

Cætera quæ ducendis validius animis erant in confessu Ordinum provinciarum speciosis verbis à perito fandi differebantur.

Se paci ab ingenio proclivem fastidio civilium, infelicitumque bellorum desideria quietis ac concordia diu intra animum aluisse. Neque aliud PHILIPPI REGIS votum esse, quam ut provincie nuper CAROLO Cesare felices, tot annorum discordiis fessæ, vetere fortuna reflorescant. Satis scilicet sanguinis fustum, & exercitos abundè furores, quos æquum sit remissione quadam, adinstar febrium, leniri. Non semper quoque cælum insausto sydere ardescere, aut circumagi maria procellosis æstibus, cæterum definitas esse rerum omnium exacerbationes, quas fisci oporteat ad naturæ ordinem statas per vices servandum.

Quæ omnia tacite & secretis indicijs, demulcendis Ordinum ingenijs, non cautâ simulatione innuebantur. Quare evenit, ut vagæ, & velut fortunâ temporum lubricæ provincialium mentes, novas in Requesentio spes collocarent, odioque superbi ac damnati antecessoris novi dominantis imperium, tanquam benignius, amplecterentur.

His accedebat, quod Joachimus Hopperus vir perantiquæ apud Frisios gentis (quem ob peritiam rerum per lentos, & continuos honores arcanis consilijs & sigillo regni Philippus præfecerat) datis ad Cornelium Wellemannum Ordinum Brabantia Graphiarium litteris, singulare Philippi regis in provincias studium, & Ludovicum Requesentium, velut gerendis rebus parem, non mediocribus laudationibus extulisset.

*Hopperi de Requesentio iudicium.*

Esse scilicet REQUESENTIUM conscientia probâ, circumspectaque mente res cunctas metientem, trahentemque annos & præclaras dignitates procul malis artibus per virtutem atq; Sic Insubriam pro Philippo, sic Longobardos Subalpinas gentes rexisse, ut dignum judicaverit Philippus, cui provincia Belgica Frisiorumque, regia hæreditatis, & opulentia non minima portio, & difficile grassantibus armis imperium, committeretur. Itaque sperari posse, ut per eum læsæ aut oppressæ leges reviviscant, restitutisque in integrum iudicijs, & Magistratuum autoritate, civile bellum concordie pace mutetur.

Ita Requesentius Præfecturam Belgicæ exorsus dubias provincias, exercitum seditionibus proximum accepit. Quippe deficientibus tot mensium stipendijs sacramenta militum nutabant, præterque inopiam æris, exercita sub Albano licentia, & corrupti mores fidem dissolverant. Ita verum est concessam scelerum impunitatem pro exemplo



clo. I. o. esse, & revocare ad veterem disciplinam ægrius posse conniventia Du-  
LXXIII. cum semel flagitia professos.

*Legati à Frisij ad Requesentium Bru- xellas missi.* Tum quod jam ante per Heronem Ockingha & Heronem Burmania legatos Bruxellis coram Albano actum erat sub Requesentio repetitum, missusque provinciæ nomine ex Ordinum Deputatis Valerius Cammin-gha, qui Requesentio Frisiorum præfecturam una cum Belgicâ, auspici-anti Caroli Philippique cum Frisij conventiones, & modum egressam dominationem aperiret.

**C**arolus, inquit, Caesar Saxonia Ducum exemplo recturum se nos Frisios, omneq; jus nostrum ratum firmumque fore fidem dedit. Clementiam Saxonica majorem & juris nostri auctum huic genti promisit, quæ ver-  
borum solennia à Principe prolata oraculo numinis adequavimus.

Conventione non una data fides, velut obsignatione sacræ vocis, firmata est. Nos vero Frisij, quæ Carolo concessimus rata servavimus, fecimusq; ut ordinarios ex Provinciâ nostrâ reditus continua rogarum subsidia acciperet. Ante triennium viginti & octo aureorum m illia Philippo depacti sumus, quo pacem ar-  
morum loco haberemus, & ut sacrum quoq; ararium fortuitis casibus inserviret. Quo tempore quoq; cavimus ut si damna agri nostri ac possessiones paterentur hono-  
rarium tributum levaretur, & ne parte provinciæ affectâ paucorum calamitatem publica tributa resarcirent. Caterum miles nostros per agros sparsus, tum terra-  
rum nostrarum inundationes & marinis aquis corruptæ fruges desperationem nobis incussere. Præter hoc cottidianæ exactiones & aris extorsio inivitis mo-  
lesta quæ adornandis instruendisq; regijs triremibus navibusq; bellicis postula-  
tur. Adhæc miles in diversa præsidia deducendus, pabula equis, & commeatus militi præstandus est. Mitto tertium quemq; è gente nostrâ armandum, & stipendio juvandum esse. Adeo, ut regi quoq; ipsi in capiendis ordinarijs sub-  
sidijs detrimentum hac calamitas allatura sit. Et quoniam Albanus prædecessor tuus aliquid favoris ac gratiæ, propter prompta in Philippum officia, se daturum huic genti affirmavit, in hac ultimâ calamitate & egestate nostrâ constituti, ut nos malis istis leves, donec melior fortuna terris nostris illuxerit.

Hoc etiam addimus Frisij, ut ex condito pacem nobis ac securitatem præ-  
stes, & ut jure nostro sancte servato, nobis iniquâ exactione gravandis absti-  
neas. Quæ ad Requesentium per Legatum perlata, statum illi provinciæ & civilium animorum aperuere.

*Requesentij  
responsum.*

Invenio in archivis, Requesentium Frisiorum calamitati ex inundatio-  
ne terrarum natæ serio condoluisse, litterisq; XII. Dec. Bruxellis da-  
tis, omnem benevolentiam, omnem opem, omne auxilium annuntiasse. Facturum se quoque, ut, quoniam militaribus cohortibus agri, oppida, arces ac castella tenerentur, milles disciplinæ vacuum non sit, & ut me-  
moratis ab afflictâ gente terrâ marique malis, quantum quidem regiæ vires ferrent, remedia reperiantur. Quæ etsi speciose dicerentur; etiam Albano regnante, tamen illa temporum ætas vidit, quid pri-  
mum in irâ & crudelitate dominantis, & postremum in impatientiâ servitij foret. Mox, nè quid moræ interveniret, ampliores ad Re-  
quesentium litteræ datæ, additisque Viglium ad Præsidem, tantâ gra-  
tiâ apud regem florentis viri intercessionem oravere, ac ut difficilli-



mis patriæ suæ temporibus, novum Gubernatorem Frisco populo concilio. Io. LXIIII.

Quare Requescentius ne, primo imperij sui per Belgicam Frisiosque initio, animos provincialium & simul curam militaris disciplinæ negligeret, edictum frænandæ militum licentiæ in Frisiam misit, quam Gasparus Roblesius, qui, pro Ægydio Barlamontio Hyergio in id temporis imperium gesserat, oppressis Scouwenburgicis partibus, fatali istorum temporum severitate moderabatur.

Itaq; Præfectura trium ditionum, quas Amasus Flevusque latissimis alveis claudunt, rescripto Philippi, & mox Senatusconsulto ei delata, ipseque probatæ in regem fidei illustre præmium, & simul splendorem ignobili familiæ adeptus est. Matre quippe Philippi regis nutrice editum communis fama asseruit, creditusq; fuit obscuros, & spreto maghatibus natales, non per aliena decora, sed propriam virtutem promovisse. Thuanus addit eum à puero in aulâ Gulielmi Nassovij Aurantij Principis educatum, eximiâq; morum venustate, & gratiâ præditum favore, ac commendatione Aurantij ductâ nobili & dotatâ virgine, rebusque præclare sub Joanne Lignæo Arembergio, & Carolo Brimæo gestis, ad legionis Belgicæ Tribunatum, & post Præfecturam provinciæ pervenisse. Eundem quoque Roblesium extractis per Frisiam munitionibus, & validâ arce jussu Albani Groningæ, ut memoravi, aliquod ante annos extractâ, velut fortunæ insolentem se gessisse, Comitisque titulum, intercessione amicorum, obscuræ domui orâsse. Cæterum à Philippo Rege superbiam ejus peroso, ne sui oblivisceretur, monitum, altam & destinatam magnis rebus indolem vix repressisse, provinciâque, qua mari objacēt, aggeribus circumductâ, invisam dominationem illo laudabili consilio attemperasse. Sic quod Iselsteinij, Egmondani, Lignæi, Brimæi speciosis majoribus orti pro Carolo Philippoq; regibus per Frisiam tenebant, in Roblesium devolutum est, cujus aspero imperio, & solutis militum moribus provincialium hoc tempore res & fortunæ atterebantur.

Quippe regio militi per agros & municipia agenti omnis licentia dabatur, & quidem tacito illorum assensu qui regundis legionibus & administrando Philippi judicio delecti, pacem non nisi stabilito regis & suo imperio, attritisque provincialium opibus augurabantur. Itaq; Roblesius excussa omni miseratione, & cum Senatu Philippi in omnem immodestiam effusus, præter ordinarium tributum quod cogendo honorario dictum erat, quatuor stuferos in florenum quemque aureum exigi jussit, eque singulis præturis, mutato veteri more, Legatum evocavit. Ibi fremens & indignandus, ut stipendia militi quanto ocys pararent legatos Ordinum allocutus est, moræq; omnis impatiens executionem tributis militaris per armatos denuntiavit. Jam enim sclopertariorum equitum turmam colligi fecerat, instructosq; velut ad prælium, præcinentibus tubis per pagos, atque municipia ostentabat. Igitur tardioribus ex rei, quam tractabant, magnitudine in decernendo legatis equites triginta Wirdumum ablegavit, minatusque Valerio Camminghæ domus subversionem rusticæ plebi enorme tributum extorsit. Dein pedestri milite Arumum in Westergoam misso, quo loci

c15. 15. Livius Bellemus provinciae à rationibus, praedium tenebat, omnem  
 LXXIV. insolentiam exercuit, fœdissimisq; factorum exemplis, nullâ militiæ  
 disciplinâ, agrarium populum oppressit. Quæ ad Philippum, aut  
 Proregem perscripta, ut tum ferebant tempora, nullius efficaciæ fuere.  
 Reperio in notis triginta istos equites sclopetarios Wirdumi in otio ac  
 luxu atterendæ rusticæ plebi agentes, exceptis equorum, quæ trecen-  
 tos faciebant aureos, mille octoginta novem aureos intra decendium  
 insumpsisse, præterq; stipendia, quæ nongentis triginta quatuor aureis  
 censebantur, omnium rerum paratissimam egestatem isti municipio in-  
 duxisse. Itaq; Ordines per Epistolam apud Regem de enormi Ro-  
 blesij imperio conquesti, & quod linguæ Friscæ Belgicæq; imperitus,  
 rejectis supplicationibus, omnem querelam, velut non intelligendo, dis-  
 simularet. Hoc scilicet contra privilegia, contra fidem conventionis  
 Caroli Cæsaris esse, quâ cautum fuit, ut provinciæ Præfectus Bel-  
 gici sanguinis, & magnarum opum foret, & ne peregrini sermonis in-  
 terventu præfectorum indigenarumque colloquia & actiones impediren-  
 tur. Hoc etiam criminatos Ordines reperio, quod classiarius miles  
 magna ex ærario stipendia præter commeatum traheret, prædæq; non-  
 nunquam dives spolia maris in luxuriam privatosq; usus converteret.  
 Tum de locarijs centurionum, servitia vocant, quæ per absentiam  
 maritorum in castris domi relictæ uxores exigebant additum, milites-  
 que legionis Valonicæ per oppida distributos, civium opes atque fa-  
 cultates exhaustisse. Quæ omnia singulaq; cum perdundis provinciæ  
 rebus forent, hoc etiam accedere, quod Episcopus Cunerus inordi-  
 natis exactionibus provinciales gravaret, neglectisq; Sacris, aut ex recep-  
 tis fœderatis, aut adulterijs vitæque incontinentiâ notatos, supellesti-  
 le domesticâ & gravi ære multaret. Hoc certe reperio, ex agrarijs,  
 quod Martinalium festo non interfuissent, per Fiscum, qui domatim  
 discurrebat, Episcopali multâ affectos, ipsumq; Episcopum, etsi sacra,  
 profanaq; distrahentem, odio Ordinum, regij Senatus gratiâ  
 floruisse. Hæc in Prædicatorum Cænobio 1x. Kalend. April. acta, ac  
 ad regem expedita. Quo die conventum inter Ordines & Roblesium  
 invenio, ut bini stuferi in florenos aureos retinendo, in Frisiâ præsi-  
 diario militi præstarentur, sed hac cautione, ut, si eos ex pensione pro-  
 ximâ regi danda deduci non pateretur Requesentius, ex ipso regis ære  
 militibus munerando per Frisios repeterentur. Quorum omnium  
 ignarus, etsi Hispaniâ attineretur, rex non foret, ita in Frisiam VIII.  
 Eid. Madrito litteras dedit.

*Querela  
 Ordinum  
 de enormi  
 Roblesij im-  
 perio.*

*Et Episcopi  
 Cunerus in-  
 ordinatis ex-  
 actionibus*

*Regi in  
 Frisiam  
 Littera.*

**O**Mnium rerum, quæ in provincijs meis gestæ sunt, cum notitia ad me  
 pervenerit adhibito purpuratorum & Senatus mei consilio, de modo  
 cogitavi quo Catholica Romana religioni, & juxta provinciarum me-  
 arum commodis prospicerem. Et quia subditorum meorum animos  
 turbatos deprehendo, quo illis tranquillitatem redonem, pacis ac Veniæ commu-  
 nis edictum concepi. Quare vos monito hortorque, ut isti negotio fideliter in-  
 cumbatis, ne consilia mea ac decreta, quæ ex Protege meo plenius intelligetis,  
 suo & quidem felici exitu destituantur.

Invenio in actis Salencinum cohortis, quæ Franequeræ agebat, ve-  
 xilli-



xilliferum publicæ tum licentiæ fædum exemplum edidisse, Amy-  
liumq; Adamam legum doctorem, & consulatum tum gerentem, in-  
juriosâ primum voce, post vi infestasse. Isti quoque delicto, reprimendæ militum protervix, testimonia in senatu dicta, delectis qui ad Roblesium perferrent, violatæque militari disciplinæ edicta, ac damnationem postulerent. Ipsum quoq; Roblesium Harlingæ agentem, quo marino æstui disiecta adhuc littorum eruenti provideret, v. Id. April. Ruardum Roorda Harlingam evocasse, eiq; iussisse, ut Delegatorum Ordinum conventum ad xviii. Kal. Mai diem indiceret, & ut interea Martini Nitzenij legatio, quæ Bruxellas decreta erat, dum stipendijs suorum militum prospectum foret, protraheretur. Hoc namque in votis habebat Roblesius, ut regiæ suæque securitati consuleret, ærisque militaris subsidio adjutus mixtam superbiâ avaritiaque, dominationem intenderet. Itaq; in conventu Ordinum, ubi jus magis, quam arma expendi decentius erat, edixit.

*Nisi Ordines parerent se equitem militemque plana agrorum ut vastaret, missurum plusque damni, si stipendia non velint, uno septiduo, quam alias pen-  
sitatis stipendijs toto mense daturum.*

Audax  
Roblesij in  
Conventu  
Ordinum  
Edictum,

Quæ arrogantix ac immodestix plena, etsi ad Proregem perscriberentur, ita testabantur Frisij (in litteris ad Viglium viii. Id. April. datis) Albani ac Requesentij rescripta nihil ponderis habuisse, eosq; more aulæ speciosa verba professos integritatem fidemq; optumæ gentis elusisse.

*Nihil dicebant nisi lustralem regalis Curix aquam, aut speciosa poma, ac ciborum condimenta porrexisse in exitium populi desitura, qui si ducenta aureorum milliâ prestare largientibus futilia posset, majora vani favoris gratia-  
que documenta habiturum fore.*

Igitur conventus Delegatorum Frisix ipsi Idib. April. Leovardix coeptus, decretumque ut sublevandæ provincialium egestati inductiones ante triennium institutæ, repeterentur, commercioque omni ac rebus, quas usus consumeret, onus tributumq; imponderetur. Cæterum hac cautelâ ut cogendo per provinciam æri inquilini præessent, rationibusq; reddendis quovis tempore obligarentur. Ita Hero Ockingha, Douwo Roorda, Hector Dekama, R. Dekama, Ruardus Roorda, Vitus Cammingha, Lollius Ockingha, Livius Beiemus, Iulius Dekama, Siricius Donia, Edo Gerbranda, Petrus Abbas in Foswert, Titus Cammingha, Hesselus Hania, Scelto Liaukania, Hero Burmania, Upco Burmania, Hubertus Schooff, Joannes Witte prior Haskeranus, censuere. Econtra pars nobilitatis, populique magnis acribusq; obtestationibus se tuebantur, indictionesq; quod Caroli Brimæi ætate factum erat, velut libertati gentis adversas asperioribus decretis amovendas. Ita quippe foelicis Frisios Carolo sub Cæsare vixisse, assertis privilegijs immunitatibusq; quarum umbram, aut speciem ne minnere quidem paucorum assensus queat. Itaq; corrigendos cenforum ope, quos ideo provincia Caroli Cæsaris Philippique ætate delegisset, ne quid incommodi patriæ leges terrent, & ne illorum malis consilij servitium in-

Conventus  
Delegato-  
rum Leo-  
vardix ha-  
buit.

rodu-



clo. Id. induceretur, quorum officij esset, intactam novis rogationibus libertatem populo præstare. Hoc tamen additum, velle se rebus facultatibusq; suis regem juvare, insigni æmulatione, ut, quod antiquis temporibus factum & Philippi imperium, & populi libertas per æris subsidia retineretur. Quare populi Frisij Ægydium Barlamontium Hyergium Geldriæ, Zutphaniz & Frisiz præfectum, magnis laudibus efferebant, quod alius à Roblesio, qui Præfecti nomen superbo & quidem falso, ut aiebant, titulo usurpabat, egregiâ animi exactionumq; moderatione provinciam administraret. Econtra Roblesium repetitis criminationibus sectabantur, quod animi ac imperij juxta immodicus Frisicum populum, à mari danina passum, armatorum insolentiâ & exactionum gravitate exhauriret. Unde missus pro legato Bruxellas Martinus Nitzenius, Caroli Prædis filius, qui Proregi Requesentio hunc libellum Frisiorum nomine offerret.

*Martinus Nitzenius cum libello supplicis ad Proregem Bruxellas missus.*

**I**n tellexi Prorex, à Roblesio litteras ad te missas, quo novâ tributorum operis suis, quas per Frisiam distributas in præsidij habet, stipendia procuraret. Nos vero econtra supplices petimus, ut ab honorario ære regi præstando & simul militaribus præsidij liberaremur. Is enim nostrarum rerum status est, ut ijs ferendis pares non simus. Præter maris inundationes & anniversarios velut fluctuum æstus supra littus aggeresq; elatos, alias quoque celi & naturæ injurias accipimus. Agros quippe nostros, arvaque seminibus confita salsedo aquæ, & eam secuta trimestris siccitas corrumpit. Unde annonæ apud nos metus, & ut Oceanus nullo aggere coercitus nostros in agros, & depressa terrarum se refundat. Atq; hoc malum à prædijs ac possessionibus nostris amovere non poterimus, nisi aggere repellendis æstibus erecto, qui senos pedes tantum habens sedecim pedum altitudine firmandus est. At hoc præstare nostra facultates non sinunt, nisi condonatâ honorarij portione militem amoveas. Adhæc bona provincialium passim cessionibus gravata, aut per venditiones alienata, aut pro derelictis haberi vides. Denique præter tributum reficiendo aggeri decretum, novis operum molibus adstruendis gravamur, quorum impendia centum & nonaginta sex millibus aureorum æstumantur. Nisi levemur subsidio, aut remissiore tributo habeamur, nec nos patriam, nec rex provinciam habiturus erit.

*Nitzenij in Frisiam litteræ.*

Quæ omnia, etsi in apertum producta, cunctatione tamen, aut spectro silentio trahebantur. Quare Nitzenius litteras i. v. Id. Mai in Frisiam Bruxellis dedit, quibus de regij Senatus Ordinumque Belgicæ infidâ æmulatione commonebat, Vigilioque præside, Fonckio, Affonvilio, & Schetzio à promovendis Frisiorum rebus non alienis, Barlamontium Bertiumque Requesentij actuarium actionibus Frificis infectos habuisse. Cæterum se per adventum Margaretæ Marchicæ Arembergij viduæ, meliora sperare quæ Frificæ genti, quam maritus rexisset, imprimis æqua; plus quam, quâ polleret, muliebrem prudentiam interpositura pro Frisij foret. Hoc etiam suggerebat Roblesium, de cujus imperio queri tutum non esset, eminentis apud aulicos gratiæ esse, eumq; actionem publicam jam inclinantem & fessam, deniq; officia legati missis Bruxellas litteris præjuvisse. Itaq; metiendum non esse ut, in tanto etiam regij ærarij defectu, quem suppleri rex, & senatus Belgicæ velit, Frisij majore in posterum exactione premantur quod

Quod captata temporum opportunitate calamitates suas terrâ marique cō. 10.  
enatas, non dissimulatâ malorum magnitudine exposuissent. LXXIV.

*Quare ego suadeo, inquit, ut, si Roblesius denuo res vestras ex se impulsas gravet, viâ facti occurratis, extremisque miseris extrema quoque remedia libertati usitata decernatis.*

Ex quo etiam factum est, ut in ipso, quod tum agebatur, comitio *Indictiones per Frisiam abolitæ, obstantibus ne*  
liberæ consultantium voces audirentur, indictionumque vis atque efficacia obloquijs agrarij populi solveretur. *quidquam regis.*

Invenio in actis Valerium Cammingha à Roblesio Harlingam rati habendis indictionibus evocatum protectionem declinasse, missoque isthuc loci Jacobo Bouricio Jureconsulto, infensam novandis rebus obtestationem succensenti Roblesio obtulisse. Quod à Leovardienfibus & Oostergois, Collumanis, Menaldumæis, Barderanis, alijsque Westergois tum Sylvestribus factum in actis illorum temporum deprehendo. Igitur petente Nitzenio, qui Bruxellis adhuc agebat, decreta nobilitatis populi Frisici ad legatum transmissa animos regij Senatus alienavere, indignantibus plerisque Frisios juris sui fiduciâ subnixos, cum invidiâ cæterarum provinciarum, odio Roblesij, & Senatus regij institutas indictiones, firmamenta regij imperij & militaris disciplinæ subvertisse. Quæ etsi dicerentur scriberenturque, fidem quoq; Legati minuebant, donec illa Roblesij litteris ex ipsa Frisiorum provinciâ stabiliretur. Igitur tum odio Frisicæ immunitatis, quasi communes Belgicæ res turbaret, multa in secretiore Senatu rescissa, retractataq; , prima quoque in tanta rerum perturbatione partium studia & æmulationes aperuere, volentibus reliquarum Belgicæ gentium legatis, ut Frisia æquali jure ac simul servitio in causis Philippi haberetur.

Invenio in secretis Antistitis Clarecampij ad Viglium litteris, illud sancendarum indictionum negotium extraneos quosdam Abbates urfisse, metuque regis perculos, aut falso persuasos indigenarum Præsulum & imprimis Clarecampij, qui in arcem Leovardiæ evocatus libertati patrocinabatur consilia suspectasse. Scribit Nitzenius rejectis per Frisiam indictionibus non leves procerum offensas Bruxellis subortas fuisse, Belgicæque & regis Senatum de mittendis in Frisios, quo vastarent, equitum copijs deliberavisse. Itaque Nitzenius autoritate Legati munitus Ottonem Scouwenburgium, qui iturus cum equitatu Sylvestrem in tractum dicebatur, compellavit, cognitisque quæ ad hæc pertinebant, in provinciam rescripsit comminationibus fociorum expositam.

Quare animorum audaciâ ex periculo auctâ, decretum de abolendis indictionibus scriptum, quas patrio juri adversas & destruendis Caroli Philippique conventionibus repertas masculâ virtute & majorum æmulâ D. Petrus Abbas Fosuerdicus, Thomas Groningenfis Antistes Floridi campi, Hector Abingha, Ruardus Roorda, Livius de Bejem, Hero Ockingha, Petrus Boimerus, Oedfma, Meinius Lyclefius Nyholtadius, Bernardus Romkenius, Jacobus Idsius, Titus Hajonius, Vitus Heinama signavere. Quæ cum militum animos accenderent, quod stipendiorum incerta à fundamentis convellerentur, omni licentiæ franos laxavere, direptisque privatorum bonis querimoniæ apud Requesentium instituendæ occasionem commodavere.

*Decretum de ijs abolendis quoque factum rescriptum.*



clo. Io. Itaque eodem frenandæ militum per Frisiam licentiæ edicto, delegari  
 LXXIV. Requescentius è Senatu regio iussit, quo militaris insolentiæ publica flagitia detegerentur, certioresq; in posterum disciplinâ regius per Frisiam miles contineretur. Tum stipendia quoque per provinciam ordinata, publicâque lege privatis damnis occursum, quæ in solum contribuentibus, aut detrimenta passis, speciosa novi regnantis æquitate vertebantur. Econtra à Senatu regio proscriptionum tabulæ restauratæ, abolitoque Veniæ Edicto, quod ante triennium Ferdinandus Albanus publicaverat, foederati agere extra provinciam iussi. Itaque vetitum, ne qui cauponum, avum, patrem, fratres, aut propinquos reciperent occultarentve, arbitrariâ poenâ in transgressores legis constitutâ. Unde omnis provinciæ ora foederato aut proscripto intuta, captivisque in custodias regias pertractis, secreta consiliorum per quaestiones & tormenta eliciebantur. Quare alij patres, fratres, aut propinquos recitavere, sæpeque à deprehensis in spem impunitatis innocentes detecti, alienâ impietate aut insimulatione, tanquam suo flagitio puniti. Roblesius quoque binos festertios singulos in flores aureos per provinciam decretos, pendì intra decimum quartum diem Heroni Burmanix iussit, vetitoque omni cum foederatis commercio, quod jam ante sub Arembergio & Megano factum erat, multas fisco regio nuper adjudicatas novâ lege solis accusatoribus assignavit. Mox deprelsiore littorum æstu, sternendo circa Æquinoctium venum marino aggeri se dedit, athletasque dulcedine otij diurnum victum per agros quaeritantes expedire alimenta per opera manuum iussit. Rei quoq; maturandæ diem dixit, & ne progressus necessarii operis retardaretur, denis quibusque rusticorum prædiorum floribus laborantium multitudinem adæquavit. Itaque non privati juris obtentum, non querimoniarum supplicum apud Roblesium valere, privata damna publicis commodis excusantem.

*Foederati  
 omnes pro-  
 scripsi dam-  
 natique.*

*Roblesius  
 sternendo  
 aggeri ma-  
 rino separas*

**C**ircumducendam scilicet, qua Oceano patet, valido aggere provinciam fuisse, ut, quoniam securitati gentis adversum æstus maris natura non prospexisset, repagula fluctuum arte ac manu fierent. Obiectas quidem terris Frisicis insulas, ceterum per interjectos sinus ac ostia fluminum divulsas. Ita fieri, ut conferti fluctus majore impetu ingruant, lunariisque radijs impulsu littus hauriant incolementium dissensione ac incuria planum. Non esse repetendam veterum controversiarum memoriam, quibus quadraginta ante annos Caroli Caesaris decretum & tribunalia incoalsissent. Renovatam etiam Philippo Principe, & quidem Margareta sub Gubernatrice, litem, injuncto Ioanni Lignao Arembergio tum temporis negotio, ut in provinciam cum mandato Gubernatricis iret, eandemque litem suo arbitratu componeret. Ceterum ne tunc quidem refectionem aggerum institutam, urgentibus Ruaro Roorda & Herone Ockingha mediterraneorum Westergoorum delegatis, ex usu publico id esse maximeque expedire, ne visitatio aggerum per eorundem Praefectos & Deputatos, velut ad corrigenda comites, excluso provincia Praefecto aut Senatu Regio, procedat. Mox acerbius sub Carolo Brimao Comite Megano disputatum, pertiaciâ disceptantium non ante composita actione, quam conspirantium elementorum importunus & saepe recur-



*rens furor contumacem populum deligendos ad arbitros compulisset, à Philip- c13. 13.  
po Rege, Ferdinando Albano, & Senatu regis potestate judicandi instructos. LXXIV.  
Itaque eludi majestatem regnantis & auctoritatem judicij non posse. Quin  
admovendas confestim manus isti operi, quod securitatem & fortunam terris  
Frisicis, aternitatem famæ sui autoribus daturum sit.*

Mandatum quoque Ioanni Carolo fisci regij Advocato, ut ad Westergoos scribat ocyus, regisque sui nomine agat, cujus interfit annuis eluvionibus Frisiorum agros non absumi. Quod si fiat, magnum regi detrimentum creari, qui unice velit suo patrimonio ac fisco nihil decedere. Quare nec crebras inundationes aut ultimam egestatem pertinacibus ad excusationem apud regem profuturas, publica ac sua, si posthac ingruant, damna contumaci discordiæ, non divinis iris imputaturum. Tributa quoque extra ordinem maturando operi Roblesius poposcit, diemque auspiciandæ moli præfinitum negligi vetuit. Mox conficiendis tabulis Gasparus Roblesius Præfectus, Igramus Achlenius Præses, Adrianus Vastartius, Petrus Frittema, & Ioannes Carolus Senatores delegati, modique dimensionum Harlingæ in arce regiâ scripti. Operariorum quoque vacationibus prospectum, quo duri operis molestiam interjuncto otio dispergerent, viriumque fomentis laborantium corpora refocillarentur. Disciplinæ quoque leges continendæ in officio multitudini scriptæ, cautumque severe, ne quis à diurnis operis cessaret, festinandique laboris assiduitatem insolentiâ aut ignaviâ interverteret. Itaque die conducto per omne littus tot millium inconditus clamor & dissonæ voces, velut in castris aut exercitu edebantur. Quippe diversis ministerijs occupata multitudo materiem operi aut consilia poscebat, streperoque murmure silentia littoris & insipientium imperia morabatur. Quare distinguendis temporum intervallis, quæ longior ab Equinoctio dies præstabat, signum ex edito datum vacationum, aut operarum statas vices designabat. Sic jacta magnæ & stupendæ molis fundamenta, populusque agrarius sævienti elemento compedem injecturus, importunum mare tumultuario primum opere coercuit. Inde aquæ, fœcundis agris jam ante superfusæ, sensim repressæ, fluctusque diurnis quondam æstibus per lata terrarum littorumque spatia se laxantes solertiâ hominum defedere. Tum sequens annus perducendo ad finem operi dictus, cautumque Senatusconsulto, ut eo anno in denos pedes agger marinus exurgeret, impendiaque tabulationum arbitrio Præfecti & Senatus Regij starent. Injunctum quoque mediterraneis Westergois Heroni Ockinghæ, & Hesselø Haniæ, ut veteri marino aggeri necessarias reparationes præstent dentque effectum, ne quid damni resp. per socordiam & neglectum publici operis patiatur. Hæc Jani Gulielmij aggerum Scribæ manu signata. Sic aggeres quique, qui aut extimo littori, aut introrsum distitis à mari agris prætexuntur, novis molibus firmari, protractaque per tot annorum disensiones & socordiam Præfectorum provinciæ incolumitas unius Roblesij severo & aspero per Frisiam imperio stabilita. Creditum fuit Gasparum Roblesium ex imo per egregia facinora ad amplissimam Præfecturam evectum, tam suo quam populi bono sumptuosi operis consilium cum vehementiâ urfisse, quo soli ubertate fœlicissimas ditiones

CLIO. IO. nactus, præducto terris aggere, suæ dominationi & simul bello certiora subsidia apisceretur. Cæterum sternendo aggere occupatum, & gloriæ suæ è pacis negotio indulgentem belli mox ardescantis rumor perculit. Quippe Ludovicus Nassovius, qui jam ante utriusque fortunæ documenta in Frisijs fecerat, adventare cum exercitu ferebatur, Gulielmoque Nassovio Aurantio Principi, res per Hollandiam, Zelandiamque gerenti, auxilia parare. Jam enim Ludovicus post occupatos & mox desertos Hannoniæ Montes, per Germaniam Galliasque fœdera ac societates agitaverat, credebaturque Carolum IX. Gallorum Regem, velut pœnitundine exercitæ per regnum cœdis ductum, tum ipsos quoque Romani Imperij Principes in focia arma secretis legationibus traxisse.

Ludovici  
Nassovij  
expeditio

Tradit Thuanus à Carolo Rege, quo fœdissimi facinoris infamiam elevaret, Gasparum Scombergium in Germaniam ad Principes imperij missum, eundemque Francofurti ad Moenum, Galeacio Fulgoso reginæ legato intercessore, cum Ludovico Nassovio nomine Aurantij fratribus arcanam pactionem iniisse. Eâdem cautum fuisse, ut si bellum Hispano, aut trecentorum millium carolæorum mutuum fœderatis in subsidium Rex Carolus præstaret, Hollandiam ac Zelandiam, fidejussore Romani Imperij Principe, accipiat, oppidaque, si quæ adjici fœderatis bello eveniat, Regi cedant, secus Hollandiam Zelandiamque ex pacto teneat. Quæ in acta relata pro ingenijs partium fiduciam, aut metum dedere. Itaque Ludovicum Requesentium Belgicæ Præsidem pavor invasit, progresso jam in interiora provinciarum Ludovico, & exercitu regio per inopiam æris defectionibus proximo. Unde Valonicæ Legionis copiæ Frisiâ mox evocatæ, præsidiaque urbium per provinciam extenuata. Econtra fœderatis amplæ spes & surgentium rerum lætiorum initia ex secundis per Zelandiam rebus, & adventu Ludovici nascebantur. Quamobrem Gallicas Germanicasque societates efferre, bello, si perseveret, firma auxilia, aut paci, si sperari possit, intercessionem daturas. Adeo fragilitatis humanæ documentum fiducia dubij exitus consilia pro certis ac profuturis acceperat. Gulielmo vero Nassovio omnia funesti ominis in Ludovici fratris exercitu videbantur. Quippe imperitum armorum militem Ludovicus ducebat, temporisque opportunitatem, quod negligenti celerrimum est, crebris itinerum stationibus morabatur. Unde Requesentio occasio nata copias cogendi, quæ per omnem oram sparsæ, verso in constantiam metu, magnâ festinatione colligebantur. Mox, quo justo exercitu pugnaret, regios vasallos in armis esse jussit, motisque Leidâ urbe, quam obsederat, castris, è minoribus Frisijs conduci copias præcepit.

Requesen-  
tij appa-  
ritus contra  
Ludovicum

Delectus quoque suppleendis cohortibus per Germaniam habuit, Zandichiumque Avilanum, virum militiæ egregium, regio exercitui præfecit. Dein Trajectum majoribus præsidijs firmavit, quam urbem Mosa amnis modico alveo stringit, & in cujus ulteriore ripâ Ludovicus Nassovius auxilia Principum cum exercitu opperiebatur. Jani enim invium flumen gelu fecerat, natantemque & crepidine avulsam glaciem rapacissimi vortices agebant. Quare Requesentius, ne annem ponte Ludovicus sterneret, soluta circa Æquinoctium glacie, naves eodem in flu-



flumine stantes subduci fecit, omnemque exercitum, quem subvertendo Ludovico destinabat, conduci Trajectum ad Mosam imperavit. Ludovicus vero pedestrium copiarum, quæ sex millia armatorum numerabant, ordines tuebatur, equitatumque trium millium, quem è Gal-  
lis ac Lotharingis collegerat, Christophoro Bavaro Palatino commiserat. In comitatu vero, præter Gallicæ Germanicæque nobilitatis flo-  
rem, Henricum quoque fratrem circumducebat, rudimenta virtutis pri-  
mis juventæ annis in illo exercitu facturum. Sic confidentem haud pro-  
cul Mosæ ripâ Avilanus immisso velite tentavit, levique equitum con-  
cursu facto, ubi rudem armorum Ludovici equitem deprehendit, non  
obscuram victoriæ spem præconcepit. Quare equitum turmas in infi-  
dijs collocavit, Ludovicique copias elicere loricâ castrorum adnixus,  
prælia pugnæ non sine ostentatione, & fiduciâ prosperi exercuit.  
Jam enim diversis auxilijs regius exercitus increverat. Ludovici verò  
castra, etsi Mocam vicum tumultuario opere præmuniri curaverat, ma-  
gnis intervallis discreta spectabantur. Unde factum est, ut Avilanus  
novem Germanorum peditum cohortes, & alam schlopetariorum per  
Mendozam equitum ductorem tentaverit, dieque vix orto ad septin-  
gentos ceciderit. Cujus cladis causam ut latis castrorum spatijs, ita  
neglectis equitum excubijs Scriptores annalium assignavere. Quare  
Ludovici castris ab illâ strage melius prospectum, dispositique per op-  
portuna locorum vigiles tenebræ noctis discrimini subvenere. Adeo  
magnis etiam ac præclaris belli Ducibus damnosa semper infidis rebus  
securitas fuit.

*Requesen-  
tium inter  
ac Ludovi-  
cum urini-  
que gesta.*

Mox Requesentius copias, quas Hollandiâ exciverat, subsequi  
ocysus, ac progredi Ruremundam iussit, Zanchiumque Avilanus ad  
movenda castra Ludovicum compellere præcepit. Igitur commea-  
tum inopiam, & ex loco discrimen præsentiens Ludovicus mutando-  
rum stativorum consilium inijt, exercitumque cis Mosam mox trans  
flumen ducere, ac Rheno Mosæque amnibus circumscribere constituit.  
Sed viæ opportunitas, copiæ, & navigia desiderabantur. Itaque lin-  
tres traducendis copijs, Gulielmum Nassovium poposcit, fraterna fa-  
ta non æquâ mente volutantem. Quippe finistri præfagium principem  
animum occupaverat, dirasque rerum tristium imagines misratio fra-  
terni discriminis præsentabat. Unde Aurantius, quo impulsis Lu-  
dovici rebus succurreret, copias suas in Bommeliâ insulam duxit,  
quam in longitudinem porrectam nobilissima flumina Mosæ ac Vahalis  
lato gurgite ambiunt. Mosæ vero dextram ripam Ludovicus, finistram  
Avilanus prælegebat, celeritateque velut conficiendi itineris uterque  
exercitus certabat. Quare ampla viarum spatia permenfus miles lassitu-  
dinem sentiebat, pugnæque desideria & calores fatigato corpore mi-  
nuebantur. Avilanus quoque Noviomagum oppidum, quod Vahali ad-  
jacet (florente olim Frisicæ gentis potentiâ regni nostri sub Radbodo  
terminum) novis copijs munivit, emissisque exploratoribus de Ludo-  
vico certior factus, haud procul Graviâ oppido Mosæ flumini pontem  
imposuit, copiasque traduxit, ne Nassoviorum fratrum exercitus haud  
magnis terrarum spatijs discreti, suo incommodo jungerentur. Mox su-  
perato amne Mosâ speculatorias equitum cohortes emisit, quò pugnan-



cō. Io. tem Ludovicum detinerent, & à continuâ succedentium copiarum ve-  
 LXXIV. litatione prælum inciperet. Cæterum istæ à Ludovici equite ad qua-  
 dringentos cæsæ, aut in avia dispersæ, sine ullo ordine in Avilani ca-  
 stra rediere. Scribunt autores eâ clade tantam Hispanorum in castris  
 consternationem fuisse, ut, si ulteriorem impressionem Ludovici equi-  
 tes fecissent, in fugam, aut confusionem dare totum Avilani exerci-  
 tum potuerint. Sed subesse dolum, aut collocatos in insidijs Hispa-  
 nos rati, signum receptui dedere. Itaque eorum umbris, qui jam an-  
 te in Ludovici partibus occubuerant, abundè parentatum, manesque  
 cæsorū reciproca per piamenta placati. Sic suffuso terris opaco à pu-  
 gnâ discessum, dieque postero infida castrorum quies interrupta, ma-  
 gno turbæ murmure, silentia noctis confudit. Tum Hispanorum acies  
 sub lucis ortum instructa. Avilanus vero dextrum exercitus latus, quo  
 tutius esset, juxta fluvium locavit, hastatorumque ordinibus schlope-  
 tarios pedites anteposuit. Lævum vero latus gravis levisque armatu-  
 ræ equites stipabant, instarque semilunæ duo in cornua protendeban-  
 tur. Peditatum vero Bernardinus Mendoza cum nonnullis equitum tur-  
 mis sequebatur, præmissō interim lanceario, schlopetarioque equite,  
 quem ut antecessorem, instituendæ velitationi Avilanus ordinaverat.  
 Auxilia quoque, quæ Barlamontius Hyergius, nuper majoris Frisiæ,  
 tum Geldriæ Præfectus, ducebat, in castra regia opportunè adducta,  
 majorumque copiarum spes facta differendæ pugnæ dubia consilia exer-  
 cuit. Brant qui censerent ex præscripto Medicorum crudis rebus ni-  
 hil tentandum, & opperienda potius auxilia, quam regias res in gra-  
 ve discrimen adducendas. Neque enim momenta rerum expendi, cæ-  
 terum illa in pugnâ, illo in fortunæ & virtutis experimento, regis,  
 aut partium imperia consistere. Trahi dubijs eventibus res mortalium,  
 neque nimis fidendum præsentī fortunæ, ut plurimum suâ opinione  
 foelicem deferenti. Fiduciâ sui multos in præcipitia actos, neque aliâ  
 occasione Arembergium in Frisijs se simul & exercitum perdidisse,  
 quam quod auxiliorum certus, spretis cum Ludovico auxilijs pugnave-  
 rit. Habendam esse in bello multitudinis rationem, neque tantas for-  
 tunæ dominationes esse, quin ab humanis quoque bellorum exitus de-  
 pendeant. Quare indulgendum moræ esse, dum ad manum auxilia sint,  
 Ludovico metum, commilitonibus animum factura. Cæteri differe-  
 bant idoneum pugnæ locum, velut fato datum, neque numero dispa-  
 res, virtute vero superiores regias copias esse. Trahere Ludovicum  
 inexpertam militiæ & tyronum manum, cæterum pro Philippo vete-  
 ranos & exercitatos bellis stare. Adhæc metuendum esse, si prælum  
 protrahatur, ut Ludovicus patentibus campis nunc agens, tumultuario  
 opere se muniat, altitudinemque aut vada fluminis ope lintrius explo-  
 rans auxilia accipiat, aut in confinia se transferat fraternis copijs infes-  
 sa. Itaque auspicandum potius pugnæ initium, documenta virtutis &  
 haud dubiè fortunæ daturum. Mox Ludovicus aciem ordinavit, pe-  
 ditumque viginti quinque cohortes, robur exercitus, dextrum per la-  
 tus disposuit. Equite vero tutandis peditum ordinibus subjunxit, tur-  
 masque nonnullas, incapace universi equitatus per angustiam loco,  
 lævum ad cornu haud procul convalle locavit, quæ clementi colle ver-  
 sus

*Hispani  
 consultant,  
 quid facto  
 sit opus.*

*Viring: a-  
 oies ordina-  
 mare, pu-  
 gnâq; capta*

sus Septentrionem, in ortum Mocâ claudabatur. Decem vero Gallo-  
 rum peditum signa Ludovicus munitioni præfecit. Tum signum pugnae  
 datum, primaque acierum velitatio coepta, in quam gloriae aut par-  
 tium studijs præservidae mentes incendebantur. Quippe alij pro Phi-  
 lippo rege pro retinendâ dominatione, alij pro patriæ libertate, pro  
 aris ac focis dimicabant. Itaque quærendo pugnae compendio, A-  
 vilanus tres cohortes Hispanorum, & mox Valonum oppugnare mu-  
 nitionem jussit, quæ modico conflictu virtute Valonum occupata, fa-  
 tale rerum inclinantium præfagium fuit. Unde Ludovico res angustæ,  
 pro copiâ aut accessu novorum ordinum, tamdiu impetum adversarum  
 partium sustinere, donec Avilanus peditum agmen, florem exercitus,  
 lassus vulneratîque surrogaret, Ludovicique copijs confertim immitte-  
 ret. Quare per ordines Ludovici sensim confusio, & ex ea consilium  
 fugæ invaluit, à quâ etiam Ducum Tribunorumque pugnantium ad-  
 hortamentis, aut equestribus nobilitatis illustri fortitudine, imbellis mul-  
 tudo non revocabatur. Tradunt autores Nassovianos pedites, etiam  
 instantis periculi præmonitos, compelli prece aut jussu ad officia non  
 potuisse, præfractosque & Ducum imperijs contumaces degenerem &  
 inglorium sanguinem propriæ perfidiæ & ultricibus iris litasse. Sic  
 ipso prælij momento stipendia poscenti turbæ, justa defectionis merces,  
 parata mors assignata. Quare Ludovicus sexcentis cum equitibus, quos  
 in fronte exercitus collocaverat, colle descendens, in confertissimam ho-  
 stium aciem se immisit, adjutusque Gallorum peditum copijs, quas fa-  
 cramentum adhuc obligabat, dubiam & velut hærentem fortunam suâ  
 diu virtute sustinuit. Post vero ubi equitatus ordines luxati, & pars  
 edita collum peteret, pars in prærupta ac declivia ferretur, robur a-  
 ciei dissolutum ingruentium lanceariorum equitum insultibus cessit.

Itaq; in fugam versi Ludovici equites Hispanis victoriam reliquere. Alij  
 tradunt, à lanceario Avilani equite Ludovici quoque pedites ita ob-  
 rutos fuisse, ut respirandi tempus defuerit, armorumque suorum inca-  
 paces loco cesserint. Itaque multi fugâ in avia & sylvestria sparsi, à sub-  
 sequentibus Hispanis cæsi, aut sævitiâ victorum flammis dati, com-  
 muni velut rogo, tanquam sepulchrali igne arserunt. Ludovicus ipse cla-  
 rissimus belli Dux, quem fortuna & militum fides, non virtus defe-  
 cuit, cum fratre Henrico, & Christophoro Bavaro Palatino ignoto  
 mortis genere occubuit. Creditum fuit, quod inter cadavera cæso-  
 rum reperti non sint, aut profundæ paludum ulgini immerfos, aut in-  
 cendio ædium, in quas se receperant, exustos perijisse. Alij addunt,  
 Ludovicum accepto brachij vulnere, tum fratrem ac Bavarum fortiter  
 pugnantes & mox equis proturbatos, multitudine vulnærum concidisse.  
 Cæterum dubios viri exitus & disceptatam scriptoribus mortem ne-  
 scia premi obscuro virtus illustrabit, Ludovicumque, ut patriæ &  
 exercitui illis in campis, instar victimæ, se devoventem, fama hu-  
 manæ vocis aut perennis annalium labor in omnem temporum memo-  
 riam feret. Nonnulli è perfidis & pugnam detrectantibus, ignobili  
 latebrâ se occultentes, non multata & intacta vulneribus corpora pu-  
 gnæ subdlexerunt. Gallicæ vero copiae, quæ Ludovici fidem secutæ,  
 præclare se gesserant, sociorum funera, cæsis post ad Mosam Rhe-  
 num-

*Hispano-  
rum Victo-  
ria.*

*Mors Lu-  
dovici, &  
de eo ju-  
dicia.*



cIo. Io. numque hostibus ultæ, nullâ insigni clade acceptâ in Galliam rediere. lxxiv. Prædæ parum victoribus obvenit, nisi quod triginta vexilla & tres machinæ claritudinem victorum auxere. Augustus Thuanus ex commentarijs Bernardini Mendoza, cataphractorum illâ pugnâ ductoris, scribit, Ludovicum cum suis non strennui tantum Ducis, sed militis officium explevisse, equoque dejectum, & palude absorptum perijisse. Creditum fuit, Ludovicum consilio suo, quo simulatâ peditum suorum fugâ insequentes, & solutos Hispanorum ordines excepturus cum integris videbatur, excidisse, alteriusque, qui palustri Mosam inter & Vahalim loco ac incilibus diviso, noctem exercitui agenda suaserat, male obsecutum, periculis & subsecutæ cladi se exposuisse. Alijs quod ad Mocam defederit, fessis ex longo itinere ac per adultum ver ferentissimo die copijs Ludovicus dedisse creditur, & quod prælij fortunam infidis exploratoribus commisisset. Reidanus optumus scriptor addit, eum ex suarum virium fiduciâ imbecillitatem hostium æstumasse, fatumque, quo Ludovici fortunam convelleret, magni Ducis & suâ opinione prævalidi consilia corrupisse. Pugnantem occubuisse idem Reidanus autor est, eumque, si fato licuisset, maxumorum belli suâ ætate Imperatorum longe gloriam superaturum fuisse. Quippe militare ingenium, etsi gerendis rebus præceps crederetur, nec vacuum prudentiæ erat, mandatisque & imperijs exequendis grave obsequium exercitus singulari autoritate moderabatur. Adhæc civilem orisque facundiâ trahendis animis peritum Ducem clarissimi scriptores adumbrare, vigiliæque & laboris patientissimum parum temporis somno, minimum odio dedisse. Ita dum multi vinum inter & epulas luxu fracti de bello consultant, laude quoque abstinentiæ & præcipue in Deum pietatis commendabatur, hoc solo cum infelicitate fati luctatus, quod continentiæ & disciplinæ severus affectator, validiore remedijs malo, in corruptissimos militum mores, unicum gloriæ & fortunæ suæ impedimentum, inciderit. Quare à clade Ludovici omnem per Frisiam supplicationum dies Regij Senatus decreto institutus, amburbiaque illustri victoriæ Pontificio ritu decreta. Cæterum prima Requesentij prospera rebellionem mox cohortium, tum navalium pugnarum Hispanorumque per minores Frisios cladibus versatilis fortuna pensavit. Quippe foris victorem regium exercitum & sui fidentem intestina vitia corruperant, malisque indies invalescentibus regniæ foelicitatis & potentiæ cursum remorabantur. Adeo ut, quantum publici luctus Ludovici & exercitus funera moestissimo foederi darent, tantum fere indignabundi moeroris è militarium cohortium seditione Requesentio nasceretur. Itaque à Ludovici clade per secreta patrum moestum silentium erat, Hispanorum in castris & per præsidia urbium murmura & tumultus legionum audiebantur. Atrantium vero, ut ante futuræ adversitatis triste præsagium, ita præteritæ cladis atrocissimum vulnus tum inquietabat.

*Sic scilicet infestam diu patriæ per civilia bella fortunam irasci potuisse, ut publicis cladibus fraternas & propinquorum nece subjungeret. Nec carissima pignora fato tantum ablata, cæterum oculis subducta, incertum quo exitu, vitam sinisset. Tacere aut voragine paludum hæstos fratres, aut concre-*



matris nullo solenni & hostili manu corporibus, sacrum ferali urnâ destitutum per c. 10. I. 9. deserta & squallentia spargi. Id fatum suæ domus esse, ut iratum regem, LX XI V. cum fide & officijs non possit, placare continuis furoribus debeat? Sic deserviri etiam in victos potuisse, ut non duorum fratrum cæde, non internecone aut fugâ exercitus, placatos victores crudelius consilium & interceptæ defunctorum reliquæ satiarent? Ita non alia sibi ab Hispano solatia relicta, quam quæ eripi nequiverint. Transcriptas haud dubiè cælo fraternas mentes novissimum spiritum infelici patriæ mancipasse, sed quæ aliquando vindicam illorum memoriam cultura sit. Quare grande ad novos luctus remedium superesse, ætium scilicet fratribus præclare ævum tam laudato exitu signari. Ita moriendo immortalitatem adeptos.

Tradunt nostrates concurrentium in aëre acierum spectacula tum incidisse, cœlumque, sanguineis radijs velut rubescens, circa hæc fere tempora insolito fulgure obscurum noctis illustrasse. Quæ sive cruentæ ad Mocam cladis, seu ardescantium bellorum signa fuere, incertum. Unum observo Cornelium Gemmam sagacissimum cœlestium & arcanorum naturæ indagatorem cum ex oppositione Saturni ac Jovis circa Pleiadum sydus, tum ex inerrantium stellarum concursu, mense Aprilis funesta atque exitiosa prædixisse, tempusque calamitatibus publicis, aut mutationibus rerum definitum Ludovici Nassovij clade, & mox Caroli IX. Gallorum Regis morte foedatum.

*Prodigia.*  
*Mors Caroli IX. Gallorum Regis.*

Scribit Cambdenus in Annalibus Anglicis Theodorum Bezan ingeniosissimo carmine Novam Stellam Carolo IX. tanquam Herodi infanticidæ applicasse, monitoq; ut ad insoliti syderis & haud dubiè imminentia extrema ei portendentis occasum expavesceret, haud longo ab eo tempore per lentos & quidem acerbissimos cruciatus profluviaque, quem ad horrorem & simul satietatem effuderat, sanguinis, fatalem regno & simul vitæ diem obvenisse. Gasparus interim Roblesius res per Frisiæ provinciam curabat, aggerique marino intentus pelliciendis in partes regias minoribus Frisij occupabatur. Quippe isthuc loci, superato, quod majores inter minoresque Frisios brevissimum est, freto, multitudo proscriptorum exulumque confluebat liberandæque patriæ consilia fabricabantur. Itaque portus & littora majoris Frisiæ à proscriptis exulibusque classe pulsata discrimen Roblesio dabant, securitatemque Præfecti, velut in pace regnantis, diurnis in continentem excursionibus obturbabant.

Quare Roblesius, ut sedem bello in minoribus Frisij recuperaret, ad Risvicium Medenblicanæ urbis, quæ Frisiæ majoris littori objacet, arcisque Satrapam litteras subornari fecit, quibus Risvicium, ut ad regem rediret, speciosis blandicijs hortabatur.

*Roblesius tentat insidiöse Risvicium Medenblicæ præfectum.*

Intellexisse se Risvicium nuper regi fidum, post in societatem fœderis pertractum, penitentiam defectioni tadio bellorum non semel obtendisse. Itaque sacramentum regium non dedignantè professurum, modo veniam antea actis impetrare queat. Et quoniam regiæ mentis non aliud consilium sit, quam ut urbes ac oppida citra dispendium humani sanguinis recuperet, ita velle, ut Risvicium pro se & conjuge venie certus Medenblicanam arcem regi tradat, extrema alias perseverantibus in rebellione decernenti. Isti quippe fini magnos & formidabiles terrâ marique rerum apparatus Philippum agitare, quo

CL. D. Hollandiam Zelandiamque & minores præsertim Frisios domet. Redeuntibus  
 LXXIV. vero ad obsequia Medemblicanis & ipsi Rîsvicio parciturum regem fore, ab  
 ingenio clementem, & sui populi misertum. Ne quid dubij sit, se ac sua obli-  
 gare, quin spondere filium suæ simul & regie fidei obsidem, cujus illustre docu-  
 mentum desiderio carissimi pignoris facturus sit. Adhæc sciret Rîsvicius non  
 diuturnam fœderis fortunam fore, si potentia tot regnorum in unum coalescat,  
 gerendoque bello Philippus rex præficiatur, de cuius adventu certus esse queat.  
 Adversa rebellantibus sata fore, & jam pridem haud procul Mosa ac Trajecto  
 urbe deletas partes venturum exitium portendisse. Itaque petendum defectioni  
 veniam aut expectandum bellum esse.

Hæc Leovardiae scripta ac ad Rîsvicium missa nullius efficaciae fuere.

Erici quo-  
 que Brunsvi-  
 giius ne-  
 quidquam  
 alius civi-  
 tates ten-  
 eat.

Similes quoque litteras Ericus Brunsvigijs ad Enchusam Hornam-  
 que civitates dedit. Is namque conscripto Philippi regis nomine per  
 Saxoniam exercitu, conterrendis, qui trans Flevum agebant, minori-  
 bus Frisij duo equitum millia, decem peditum signa, haud procul  
 Groningâ ac Lavica amne per Drentiae fines circumferebat, validissi-  
 misque cum copijs castra ad Beilam metatus minori Frisiae & istarum  
 urbium præsidij minabatur.

Interim misereri se divulsæ à Rege gentis fidem faciebat, neque aliâ soli-  
 tudine attineri, quam ut cessante bello cadum ac rapinarum tandem finis sit.  
 Adhuc scilicet penitentiae locum esse, miteque regis optumi ingenium clemen-  
 tiam polliceri. Esse quidem ad manum Philippo arma, in quorum apparatu  
 esset, ceterum servati civis gloriam, quam ex oppresso decus mavelle. Se ve-  
 ro ministrum Regis & Romani Imperij Principem daturum operam, quo Hor-  
 nenses ac Enchusani, si ad regem redeant, urbesque Philippo permittant, publi-  
 cæ pacis beneficium sentiant. Contumacibus vero & præfatis extrema para-  
 ri. Nec ijs tantum, ceterum uxoribus liberisque ultimum discrimen immine-  
 re, quorum misereri naturæ affectus ac instinctus æternæ legis præciperet. Ita-  
 que velle, ut de ijs, quæ ad deditionem suarum urbium spectent, statuant  
 cæcus degetumque Senatus perferendum præconi curent.

Quæ ab Erico in castris Beilæ signata perlataque in minores Fri-  
 sios contumaci silentio & non modica indignatione excepta. Ab a-  
 lijs vero in ludibrium contumeliamque Erici, velut in potestate fortu-  
 nam & res provinciae habentis, imperiosa autoritas conversa. Quare  
 Ericus, nullâ urbium deditione speratâ, æstiva per Drentiam in men-  
 sem Julium traxit, destinatâque in transmarinam provinciam expedi-  
 tione abstinuit. Itaq; damna passim agris data, Drentiaq; finibus se  
 non claudens exercitus ac in Stellingwerfios se effundens omnem in-  
 solentiam patravit. Unde metus majori Frisiae datus, quæ palam in  
 partibus tum Philippi, clam fœderi addictior in Ludovici Nassovij  
 clade Reip. vulnera dissimulabat. Quamobrem privato & domestico  
 luctu pleraque domus occupabantur mœstæque civitates, quæ jam  
 ante fœderi se adscripserant, publicis ovationibus secreta vulnera mis-  
 cebant. Immodicæ namque per provinciam exactiones tum fiebant,  
 præterque aggerum & belli impendia gravi annonâ miseri provincia-  
 les divexabantur.

Annona  
 caritas ex  
 inundatio-  
 ne.

Notat Nicolaus consul Staurius in commentarijs suis, lastam seca-  
 lis centum florenis justî ponderis tum vânisse, populumque velut con-  
 fluen-



fluentibus adversis obrutum extremâ rerum angustia tum egisse. Quippe mare veteres alveos emensum, haud vano naturæ miraculo, ipsâ æstate, Sole Tropicum Cancri ingresso, rariore æstu intumuit novique aggeris molem horrendâ eluvione disjecit. Unde segetes passim arvis vi fluctuum erutæ difficilem ultro annonam fecere. Notat scriptor Nobilissimus Sixtus Hemmingha in Genituræ suæ descriptione maxumam Frisiæ partem marinis aquis obtectam tum fuisse istamque calamitatem, quo incertitudinem Astrologicæ artis demonstraret, non influentijs aut conjunctionibus syderum, cæterum avaritiâ & fœcundiâ Præfectorum aggeris evenisse. Itaque discordi ultro nobilitate ac populo agrario validæ adversum eosdem Præfectos criminationes ortæ, velut destinata muniendo littori subsidia apud nonnullos cupidine opum & fœdissimo peculatu interciperentur. Quare censebant anniverfarijs inundationibus non aliud remedium, quam rescriptum regis decerni posse, quo autoritate regnantis tot capitum dissensionibus & publicæ necessitati subveniretur.

Quæ cum Philippum per equitum peditumque delectus passim gravaret non obtinebat quidem Bruxellis Nitzenius, ut pensio honorarij æris quæ ad Martini festum præstanda erat, Frisijs condonaretur, aut ut Frisij militis regij stipendio applicarent. Quamvis proferret Legatus geminatas unâ æstate Friscarum terrarum inundationes mareque lunio mense iratum ipso quoque Bartholomæi die novas aquarum eruptiones arvis pascuisque superfudisse. Neque ajebat Legatus, alia Frisiorum rogas ex solâ liberalitate præbentium mens fuit, quam ut pecunia ista regis populique usibus inserviret, & ut bellorum, quæ multis casibus subjacerent, impendia, constituto velut sacro ærario, in extremis provinciae periculis prospiceretur. Quæ quidem eo magis metuebantur, quod Roblesius Translavianorum aggeribus lustrandis intentus inter cætera evulgasset, Ottonem Scouwenburgium cum equitum turmis in Frisiam contendere, istamque expeditionem firmandis apud contumacem populum indictionibus decerni. Quapropter re adhuc integrâ hærente etiam tunc apud Belgicæ Senatum Nitzenio Bruxellas amandatus Hector Ayla iure-consultus & in Philippi Curia Senator, qui iisdem mandatis insisteret, & ut Otto Scouwenburgius Frisiorum agris intentus & minax cum equestribus turmis minuendis, quæ supra modum increverant, Frisiorum damnis in alia locorum revocaretur. Scribit Ayla suum quoque ante adventum quosdam magnates Frisijs æquiores, & imprimis Viglium patrum id a Requesentio impetrasse, iussuque Scouwenburgio, etsi indignabundo, alio copias transferre, Frisiam isto tempore intactam direptionibus mansisse, litteras quoque à Roblesio & Senatu per Frisiam regio obtinendis Scouwenburgicis scriptas curante Viglio diu occultatas fuisse, Requesentijque decretum de mittendo in Frisiam Scouwenburgio intercessione patrum, velut legationi nepotis aliquid dantis, bono Friscæ gentis rescissum. Quæ res Roblesium, valde offendit & quod consilia sua minus dextre, non speratis in Frisios aulae favoribus, prosperarentur. Quare & Ulpium Aylva virum nobilem quod nupero comitio, vi. Kal. Jul. habito, amore patriæ libertatis & ut post excusatum reperio, calore vini impulsus indictionibus

Nitzenij  
& Senato-  
ris Ayla pro  
Frissijs in-  
tercessionem  
adjuvante  
Vigliio  
Præside.

Ulpium Ayl-  
va in car-  
cerem à Re-  
blesio con-  
iectum.



cIo. Io. nibus contradixisset, in arce regiâ & quidem terrimo carcere, quem LXXIV. muliebrem vocabant vinculis dari iussit, rejectisque propinquorum supplicationibus, tanquam majestatis reo, extrema intentavit. Adversum quæ ut manifestam vim spirantia etsi Ulpus publicâ voce in comitio obtestatus esset, ita maxuma nobilitatis pars recte factum pronuntiavit, oblataque sponione teterrima primo & illuvie fœdâ mox mitiore custodiâ liberavit. In intercessorum numero, ut illorum memoriæ hoc detur D. Iacobus Leovardienſis Abbas Clarecampius, Goffo Abinga, Justus Herema, Renicus Cammingha, Sibrandus Cammingha, R. Andringha, Wattnia, Epus Douma, E. Herema, Scelto Tiarda, Siboldus Aylva, Petrus Cammingha, Wibrandus Roorda, Edsardus Douma, Baucio Rommarda, Wopius Tiarda Iure-consultus, Tiepco Gosslingha, & Dion Hania fuere.

*Sed inter-  
cessione no-  
bilitum in  
comitio libe-  
ratus.*

*Philippum* Mox Philippus Rex, quo, invalidis Præfectorum suorum artibus, provincialium mentes pacis imagine demulceret, de rescribendo Veniæ Edicto cogitavit, idemque Edictum Madriti scriptum consignatumque promulgari per omnem provinciam iussit. Quare & Requesentius quo mitiora Philippi consilia evulgaret, litteras in Frisiam expedit, populumque dubium & quantum regiæ clementiæ daturus foret incertum ac animi hærentem speciosâ securitatis fideique ostentatione pellicere conatus est.

*Edictum  
Veniæ pu-  
blicari cu-  
ravit Leo-  
vardia.*

Itaque recitando diplomati & procurandis solemnibus pegma in foro sumptuoso paratu Leovardiæ exstructum, quod diversis gradibus acclive modicâ altitudine exsurgebat. Circum aureum peripetasma Philippi insigne dependebat, Burgundicæque & Austriorum imagines in horrorem populi aut reverentiam Principis specioso & textili opere repræsentabantur. Pavimentum vero concolore panno conſtratū, sellæque sericis pulvinis contactæ regio ornatu visebantur. Solium quoque, quod Principi erectum erat, aureo velo obductum, reverentiamque ac majestatem absentis Philippi referebat. Ponè Præfectus provinciæ Roblesius spectabatur ramum olivæ, velut pacis insigne, dexterâ tenens, circa quem Præses Senatusque regius augusto confessu conspiciebantur. Tum Petrus Emskerckius Graphiarius Curiae silentio manu facto, circumstante populi, qui ex omni provinciæ orâ confluerat, coronâ diploma Philippi recitavit, regemq; hoc modo disferentem introduxit.

**M**ala quibuscum in provincijs Belgicæ meo luctor, adeo publica sunt, ut celare neminem queam. Sexagesimus sextus annus fœdissimis turbis initium dedit, somenta vero subditi dedere, quos Deus, religionis Romanae, & veteris sacramenti contemptus nefariae adversum me conjurationis consilium suscipere fecit. Sic pelliciendâ in partes multitudinifœdus ictum, mox arma in me sumpta divinis ac humanis non pepercere. Ego vero miseratione rerum in deterius ruentium malis remedia præscripsi, ne inflorentissimarum ditiorum mearum & ipsorum quoque autorum perniciem tam cruda consilia verterentur. Caterum ubi leni remedio nihil profeci exulceratis sensum animis, quo Deo, religioni, & dignitati meae satisfacerem, armâ capere sistendâ motibus, & rebellibus frmandis coactus sum. Consilijs meis ac armis suc-

cessus

cessus non defuere. Itaque compressis victisque partibus, etsi nocentibus largiri clementiam potuissem, ita ratio mei principatus & tuendi juris ardor ad auxilia legum me pertraxit. Moderatâ tamen severitate usus sum, voluique ut paucos ad flagitiosos pœna, ad multitudinem metus perveniret. Post vero ubi ordinandis provincijs me dedi, quas componi mea intererat, eorum arma sensi, quorum obsequia speraveram. Repressa ea uno impetu & velut turbine, extinctisque aut fugatis partium reliquijs, quo pacem meis terris redderem, Veniam dedi, quâ carere tantum eos volui, quos immenius crimen meâ clementia eximebat. Sic anno LXXII. sacramenta exuentes cuncta armis replere, occupatisque per vim aut secreta consilia urbibus breve imperium pessimis moribus factisque polluerunt. Et quoniam per vim erepta non nisi per armorum subsidia recuperabantur, sparsas per omnem oram legiones recollecti, delectus habui. Inde tot peditum agmina, tot equitum turmae ereptis locis circumfusa, ut spes me habeat, propediem ne partium quidem reliquias fore. Sed misereri potius, quam deservire animus est, postquam imbecillum Reipubl. corpus & tot sectionibus depletum asperis remedijs curare non persevero. Ut id faciam tristis rerum per provincias meas facies & spectacula me movent. Illic urbes habitatoribus vacuæ, agri cultoribus deserti, funerata commercia, attritæ provinciarum opes cernuntur. Frequentiam populi ulteriore severitate converti in solitudinem nolo. Quin revocare exules, restituere proscriptos, bonos & manendi fidos profugis sociare meum potius consilium est, quo beneficia à me subditi accipiant, ego obsequia mihi concilium meis majoribus præstita. Idem Sanatibus quod Fortibus apud me eveniet, cui regium & ab ingenio est iram simul cum injuriâ evincere. Magna humana imbecillitatis apud me ratio est. Illum scilicet alieni consilij vehemens persuasio aut sui inopia, alium metus periculi, aut socordia circumvenit. Innocentibus nec meliora edoctis fati infelicitas proderit, omnes vos benigni nominis error aut temeritas excusabit. Itaque de consilio Ludovici Requesentij Proregis & Senatus, populo meo omne antea actum & enorme condono, statusque oppida, societates, & collegia in gratiam recipio. Idcirco mando Proregi, & per provincias Senatui, ne in præteriti temporis res inquirent, quarum memoriam silentio aut oblivione obduxi. Neque volo ut ex antea acto crimine cujuscumque famæ quid decedat, præterquam eorum, quos indignos beneficio regio & meâ clementiâ justæ damnationi reservo. Hoc vero jubeo ut à communione Romanæ Ecclesiæ separati penitudinem agant sui erroris, absolvanturque pro ritu in Ecclesiâ recepto. Civitatibus vero, quæ spretâ fide in partibus fuere, præcipio, ut intra bimestre se dedant meisque præsidijs permittant. Si secus fecerint exleges habeo in quas conferri ubertas meâ clementiâ non debeat. Ceteris vero cujuscumque ordinis, sexus, aut ætatis sint, veniam antea actorum hoc ipso facio, omnibusque & singulis restitutionem eorum decerno, quæ meâ legis transgressione, durante civili bello, amisere. Daturus sum interim operam, ut quoniam ad tutelam populi fato vocatus sum, jus atque æquum administrem, terrisque & ditioribus meis pacem ac concordiam procurem. Populi salus summa apud me lex erit.

His additum, ut profugi & nuper foederis consortes in sua regressuri intra biduum apud Magistratus proximorum oppidorum aut Senatum provinciæ nomina sua, errores vero in religione apud Episcopum aut Delegatos Pontificis Romani profiteantur & formulâ in ip-



CLo. Is. fo Veniæ Edicto expressâ. Bonorum vero & præsertim immobilium  
L X XIV. possessioni recuperandæ agere apud Requesentium iussit, proximumq;  
trimestre reddituris in provinciis præfinivit. Quæ Madriti in tabulas  
*Edictum*  
*fidem non*  
*ad eam*  
*magnam in-*  
*venit.*  
tamen in animis hominum non invenerat.

Creditum fuit populum foederatum per exempla tot annorum eun-  
tem & regiæ fidei diffusum, spem stabilis clementiæ ob exclusos à Ve-  
niâ concives sociosque posuisse, suumque discrimen ex alieno pericu-  
lo æstimasse.

*Edicto Ve-*  
*niæ exemp-*  
*ti.*  
Jam enim Philippus è primariâ nobilitate, ac agrariorum civiumque  
ordine præclaris viris beneficium edicti ademerat, Doconisque Mart-  
næ, Oenonis & Vibij Grovensteiniorum, Suffridi Romkenij, Titi Het-  
tinghæ, Cypriani Anskenij Oosterzæi, Herconis Gulielmij Leovar-  
diensis, & Ioachimi Fermerij Ecclesiastæ Franequerani nomina, velut  
perduellium, recitabantur. Ita patria ipsumque mare gentibus com-  
mercijsque patens, errantibus foederatis infidum mansit. Annotatum  
in Notis Tarquinij Vallesij V. Consularis reperio, eum quoque Veniæ  
exemptum fuisse, Tzomerumque Vibenium Oldermannum Snecensum,  
qui Philippi inaugurationi Bruxellis interfuerat, istud præmium adaçti  
ad sacramentum Principis & collati in Philippum honoris tulisse. Tra-  
dunt autores Fredericum Perenottum publicando Veniæ Edicto Ultra-  
jectum à Requesentio missum cum Philippo Marnixio Aldegondio ten-  
randæ pacis secretum consilium tum iniisse, negotiumque ad Ordines  
& Aurantium Principem perlatum successu caruisse. Volebant namque  
Ordines, ut externi militis missionem rex institueret, jusque Ordini-  
bus faceret conventus ex arbitrio & pro necessitate rerum agendi.  
Quæ ut iniqua Regi aut ejus Delegato videbantur, ita cum indigna-  
tione rejecta ineundæ pacis actionem protraxere.

Creditum fuit Requesentium Mocanæ victoriæ interventu animum  
ac consilium mutasse, quasi indignum majestate regnantis esset adblan-  
diente belli fortunâ inter arma victricia & recentes triumphos in  
curas fanciendæ cum populo suo pacis descendere. Philippum quoque  
Regem tanto continuandi per provincias suas belli desiderio flagrasse  
ut, rejectis rerum suarum & potissimum per Africam & mediterræ-  
neum mare curis, Tunetanum tum regnum, invadente Selymo Tur-  
carum Imperatore, & cum eo paternæ laudis æquandæ opinionem a-  
miserit. Addit Reidanus Franciscum quoque Valdesum, qui obsidio-  
ne Leidam tenebat, ineundæ pacis consilia tum retardasse, quo ege-  
nas & per luxum turbidas Hispanorum legiones urbis opulentæ &  
quod præconceperat, mox per vim expugnandæ direptione ac spo-  
lijis sedaret. Huic rei validæ classis & per Hispaniam armorum ap-  
paratus fama robur addebant, anxijque ultro foederatorum mentibus,  
velut innovante vetera sollicitudine, metum sinistri injiciebant.

*Legati Or-*  
*dinum Bru-*  
*xellas, evo-*  
*cati à Re-*  
*quesentio.*  
Quem ut Requesentius provincialibus eximeret Ordinum Frisæ, ut  
& cæterarum provinciarum legatos, quæ in partibus Philippi tum e-  
rant, Bruxellas evocavit. Ibi multa de Edicto Veniæ præfatus regium  
& paternum Philippi animum suspectis apud quosdam clementiæ præ-  
conijs commendavit.



Ita abrogatas decima vigesimaque exactiones & à Senatu capitalium re-  
rum, quem Albanus instituerat, in ordinarios confessus translata judicia LXXIV.  
promerendis provincialium animis fuisse. Regia vero clementia non aliud be-  
neficio reponi posse, quam si vicies centena aris millia annuum tributum,  
necessarium bello subsidium, habeat, oblataque jam ante per Ordines liberalita-  
tis sponso adimpleatur. Semper quippe è publico subventum necessitati & æ-  
rario Principis fuisse, quem, pacis & Venia largum, contumacia populi con-  
tinuandum ad bellum & sumptuosos armorum apparatus cogeret. Itaque in  
conventum omnium Belgicæ Ordinum differri negotium non posse, deficienti-  
bus militum stipendijs & exercitu regio aris ac alimonia indigo in turbas  
& seditiones, usitata egentibus vitia, propendente. Seditiosos vero legiones  
eogi per stipendia in ordinem & restitui disciplinam posse, sine quâ bellum,  
ut sine animâ corpus, regi non queat.

Econtra Legati fidem erga Philippum regem obtestari, queri de pa-  
trix fortunâ & diuturnis civilium bellorum miserijs, quibus in præ-  
cipitum sanctissima carissimaque pignora traherentur.

Legatorum  
ad Regem  
sententia re-  
sponso.

Quippe avita religionis grande deliquium spectari, quam stabiliri sua san-  
guine legati moveant, quam animum sacris majorum & regis obsequijs  
vacantem novis opinionibus attaminare. Hoc vero asserendæ tranquilli-  
tati rerum maxime requiri, ut indigene regundis pro Philippo provincijs  
præsent, periti casum, & in bello non una expeditione fidem ac  
virtutem professi. Sic equestres turmas à Mariâ Cesaris sorore ex ipsis  
provincialibus conscriptas præcipuum regis exercitus robur & fortunæ instru-  
mentum fuisse. Pugnasse pro sacris, pro incolumitate patriæ & salute  
suorum pignorum, non abreptas in alias curas, quam ut sua adversum exter-  
na regum gentiumque arma tuerentur. Peregrinos vero non pro dominjs rerum,  
pro uxoribus, aut liberis certare, ceterum ac conductos venales manus pes-  
simis facinoribus explenda avaritia admove. Vastare, rapere pro sacramen-  
to esse. Inde fieri ut opum saturi non petitis sepe missionibus suas in ter-  
ras remigrent, dignitatesque facile partas facilius deserant. Sic ex merce-  
narijs fugitivos fieri, veterique licentiâ, quâ per nefas pecuniam corrasere,  
exuere sacramenta. Itaque Belgicæ Ordines, principesque Aurei Velleris sub  
discessum Philippi regis è Belgicâ, de injurijs peregrinorum non incassum con-  
questo missionem Hispanica legionis orasse, ac ut Gallici belli reliquie as-  
sertâ pace provinciarum finibus exterminarentur. Perniciosam eam semper,  
& gravem sarcinam fuisse, publica provinciarum tributa privatos in usus da-  
mnato peculatu vertentem. Quare redeundum esse antiquam ad frugalitatem,  
erogandique aris publici, ut olim Italico bello, potestatem indigenis faciendam.  
Adhuc enormem insolentiam militari lege à tribunis coercendam, quos adesse  
ad exercitum oportebat, ne quid dispendij privata res & publica libertas tra-  
hant, cujus rationem provinciarum Præfecti priscis semper temporibus habuissent.  
Sic patrum jus, Præfecturam tenente Mariâ Hungariæ Reginâ Caroli Ce-  
saris germanâ, rite assertum mansisse, esseque è repub. modernos dominantium  
mores optumâ, & principis famina imperio assimilari. Leni rectore, & quem  
clementia ac majestas, non arma & copiarum muniant, ducendum populum, qui  
maximè velit regem ipsum intra Pyrenæos suos ac mare Oceanum velut con-  
septo clausum, in curas Belgicæ sue ceterarumque ditionum descendere. Sic præ-

CL. ID. *presentiâ haud dubiè ac majestate regnantis, ut olim Carolo Casare, obsequia*  
 LXXIV. *offensis animis reditura, revicturamque concordiam florentissimis nuper terris*  
*proscriptam. Sin vero regni Hispaniæ negotia absentiam regis non ferant,*  
*Senatum Belgicæ gentis in Hispaniâ habendum esse, quo de statu ditionum*  
*suarum Rex cognoscat, animusque regius fide veri instruitur.*

Quorum omnium ut vanam spem Requesentius faciebat, ita de arduis scripturum se ocys ad Philippum regem pollicebatur. Quare legati non æquis animis in Frisiam cæterasque provincias regressi Ordinum Brabantiæ & alienis patrocinij tuendi patrij juris consilia commendavere. Sic infidæ sub Requesentio res fluebant, dolosisque cineribus contexta incendia supponebantur. Erant quippe qui recordarentur Requesentium Granatense per regnum Proregis personâ & dignitate ante quadriennium functum, fraudulentis artibus credulam Mauritaniam gentem circumvenisse, fideque & mandato foedissimè abusum, simplicem populum specie amicitiae, & quidem per supplicia & sanguinem, suorum, pessimo servitio implicasse.

*Albani statu loco nota diruta;*

Econtra firmantis in melius provincialium animis hoc repertum credebatur, quod Albani statuum populi oculis, velut rem invidiæ plenam, submovisset, credereturque, amoto infami monumento, prædecessoris imperium & hoc fallacis gloriæ spectaculum tacitâ superbiam insimulatione damnassee. Thuanus tradit, Regi quoque Philippo erectæ statui consilium displicuisse missoque in Provincias Requesentio speciale mandatum diruendæ invisæ moli dedisse. Itaque Trophæum, quod Albani clarissimi suâ ætate Imperatoris gloriæ erectum erat, dehonestamento, velut confundente superbiam adversâ fortunâ, tanto postmodum Duci celsisse. Ego existimo Philippum Regem non tam odio Albani, cui privato etiam post depositum imperium multa deferebat, quam sedandis læsi & jam eluctantis populi armis id donasse, quo diruto superbæ vanitatis & regiæ fortunæ æmulo opere, magis odia gentis in se & Albanum, quam dignitatem revocati Proregis minueret.

*Odia in Roblesium aucta.*

Notat F. Nicolaus V. Consularis Fredericum Hornium, Jacobi Comititis Hornani nothum, regio nomine Stavoranæ arcis triginta, & amplius annorum Satrapam & Prætozem Hemelolpherdium vitâ tum excessisse, Martinumque Bajartum cohortis Valonicæ Tribunum ei à Præfæcto Senatuque regio suspectum. Unde odia magis in Roblesium aucta, quod amotâ & velut spretâ gentis nobilitate, præclaram dignitatem etiam recenti apud Requesentium querimoniâ, in cohortis Tribunum hominem peregrinum contulisset. His asperata in foederatos per Frisiam edicta, damnatoque cum proscriptis exulibusque commercio fama novarum exactionum fomenta largiebatur. Jam enim Requesentius inopiam ærarij, & simul adversitatem fortunæ non dissimulabat, quæ terrâ marique lacertos moventem in diversa sollicitudinum trahebat. Itaque inefficaci Veniæ edicto litteras in Hispaniam dedit, quibus Philippum Regem instruendam ad classem hortabatur.

*Requesentius Regem ad Classem instruendam hortatur.*

*Frustra scilicet bellum geri adversus istum populum, qui maris ac portuum beneficio potens non nisi compedito eodem mari, aut sompresis fluminum ostijs vinc;*



vinci queat. Itaque elementum terris circumfusum validissimâ prius classe C. 10. 10.  
domandum. Esse quidem tot flumina Scaldim, Mosam, Rhenum, Flevum LXXIV.  
latissimis alveis in Oceanum se effundentia, sed quorum usus intuto fœderatis mari esse non possit. Vbi illud domitum aut depurgatum fuerit, tum demum sensuros angustiam fœderatos sola in continente sine mutuis auxilijs pugnatos. Nunc discretam amnibus portubusque gentem mutuâ ope invalescere & facili trajectu naves copiasque ad incursum externæ potentie conjungere. Ibi præsto esse ubi periculum sit, invictos hæud dubie, nisi confertum regiâ mole & multitudine classium obruantur. Hoc ut fiat, navalia in promptu, aut si portubus Belgicæ regie naves prohibeantur, tutas in confinio stationes esse. Patere Amasum, amplissimum Germaniæ flumen, lato sinu utrosque Frisios lambentem. Adhæc Emdam urbem commercijs validam, ut Philippo regi insidam ita fomenta & suffugia fœderi præbentem. Satis causæ esse gentium jure locum occupare Edzardi imperio parentem & Philippo inimicum. Neque enim violari Germaniæ jura propendentis in partes, & restitui post repetenti Edzardo sua posse, si apud Cæsarem agat Imperio fines asserturum.

Quare Rex Philippus naves adornari per omnem maritimam Hispaniam fecit, aliasque exoticarum gentium commercia, per idem regnum exercentes detineri complerique milite jussit. Cæterum stupendâ classe fatalibus iris consumptâ magnarum rerum præconcepti conatus irriti fuere. Igitur, navali expeditione infructuosâ, arma per continentem acrius mota Philippi regis animum aperuere. Mox tributa bello per Senatum regum specie militarium stipendiorum flagitata, quæ jam ante, intactâ principis armis libertate, ipso populi comitio, assensu Ordinum, imperata ex æquo poscentibus decernebantur. Sic, quod populi longo sæculorum ambitu post extinctos gentis nostræ reges durante libertate fuerat, in Principis regisve dominationem transmigrabat, fundamentaque si fato licuisset surrecturæ tyrannidi non obcuris indicijs substernebantur. Quâ in re mihi mortalium rerum ludibria contemplanti notare libet, summæ potentie raro modum fuisse, libidinemque ac superbiam dominantium vergentem ut plurimum & inclinantem potentiam antecessisse. Itaque nullâ comitiorum lege, quibus majores pace ac bello de rebus arduis consultabant, menstruæ exactiones per vim repetitæ, tributumque duorum stufferorum & dimidij singulos in Florenis aureos à Senatu regis ordinatum fovendis etiam malis suis infœlicem populum adigebat. Provinciales quoque idem tributum, vacante id temporis quæstorio munere, Gulielmo Brouckio apparitori Senatus decimum intra & quartum diem pendere jussi, regressique in provinciam à publicato Veniæ Edicto profiteri nomina sub poenâ carceris & animadversionis coacti. Ita conculcato Ordinum jure & collecto per edictum ære Roblesius minores in Frisios expeditionem paravit, navesque x i v. onerarias adornari Snetæ fecit, quarum alveos ultra communem modum excavatos armato milite compleverat. Summa vero navium levi cespice confrata, quem, deficire sensim cædiâ, bituminosis terris effossum agrarij magnâ copiâ in confinem oram modicis navigijs emittebant. Quarum rerum famâ in minores Frisios perlata (quos regij per Hispaniam apparatus fama ad

*Philippus classem nequaquam adornat.*

*Tributa bello flagitata*

*Roblesius parat expeditionem in minores Frisios.*



clo. Io. instruendam classem compulerat) instructæ ocys naves in altum missæ, affecutæque Roblesij onerarias quæ incerto cursu per æstuaria jactabantur, in præcipitem fugam datas, Stauricum ad littus elisas adegere. Clasiarius milesque regius clam se subducens vitæ servatus est. Traditum annalibus civem quendam Snecenlem, qui nuper in partibus Scouwenburgicis fuerat, noctu clam superato vallo urbe emissum, Enchusanos istius rei monuisse. Alij credebant minores Frisios, Aurantij principis litteris instructos, omnem majoris Frisiorum speculatorijs tum navigijs prælegisse, dispositisque per portus & marinum aggerem, qua majorem Frisiam respicit, excubijs in Roblesij secreta inquisivisse. Sic foris adverso fato res Roblesij intra provinciam magnâ provincialium invidiâ foedissimas ob exactiones agitantur. Quippe Roblesius exercendæ potestatis immodicus, quo etiam vigentibus populi odijs obsequentem sibi fortunam, & subsidia bello pararet, novis inauditisque vectigalibus provinciæ tum minabatur, regiumque & Requesentij mandatum continuis exactionibus obtendebat. Quare Leovardiæ Comitum Ordinum provinciæ indixit, ædemque Jacobæorum habendo conventui designavit. Ibi Achlenius Præses Senatus verba fecit Ordinesque hunc in modum allocutus est.

Roblesius  
indicto com-  
mitto novas  
exactiones  
sentas.

Achlenij  
Præsidis ad  
Ordines O-  
ratio.

**N**on modico gaudio, Ordines, Roblesij Præfecti animam vestra præsentia & hic cætus perfundit. Præterquam enim, quod occasione nactus sit diluendi calumnias, quibus maledicentium invidiâ impetitur, ita obtestari fidem suam meâ voce voluit, nihil se unquam ab inchoatio per provinciam Regis imperio egisse, quin publicè conduceret. Hoc vero præcipuè curasse, ne quid damni per externam vim provincia pateretur, ceterum, turbatissimâ etiam temporum ætate, quæ convellendis rebus videbatur, quies ei aut securitas esset. Recentî factorum memoriâ non opus est exemplis. Nec Vectigalium novorum, ob quæ vos convocari fecit, alia apud illum ratio, aliud secretum est, quam ut assignatis, collato a vobis ære, militi stipendijs, & resitutâ belli disciplinâ pacem publicam habeatis, armorumque tutela vos, liberi vestri, atque conjuges subsitis. Isti rei litteræ Præfecti ac Senatus omnem in provinciam missæ testimonium dabunt, novamque Vectigalium legem, non à Præfecti ingenio, ceterum Requesentij mandato, aut rescripto regis procedere. Qui etsi patrijs legibus & incolumitati vestræ, Ordines, nihil detractum velit, tamen quoniam affectas ararj opes diuturna arma & sumptuosius bellum fecerunt, stipendia cohortium aliunde petenda sunt. Nam florens aureis, quod genus tributî majores vestri ex usu reperere, plus oneris imponere, res soli & impendia aggerum non ferunt, quos Roblesius adversus tempestuosum mare & certis vicibus in terras vestras se effundens, majore curâ dubium an industriâ præmunivit. Pensioni quoque centum & viginti octo millium aureorum, (quam honorarium vos Regi, Rex creditoribus assignavit) ut decedere quid nequit, ita alendis sustentandisque copijs certum & diuturnum subsidium requiritur. Neque enim mensium, aut unius anni furor nos exercet, ceterum nostrâ infelicitate cum tempestate luctamur multos in annos exiturâ. Quamobrem diuturnis malis quærenda remedia procurandaque cohortibus stipendia sunt, disciplina vincula, & vestræ quoque incolumitati servitura. Sin vero invisa collationum Vectigaliumque vocabula vos de-

terrent, alia quærite vestris moribus congrua & cogendis pecunijs idonea. Quod cōs. Id. si feceritis, Ordines, satisfactum Præsede erit, quem alias ad promulgandam novarum Vestigialium legem vestra contumacia crimen & ultima rerum necessitas incitabunt. LXXIV.

Quā Achlenij oratione auditā Ordinum mentes novitate rei, quam jam ante solo rumore acceperant, percussæ serò in convulsam robusto Principis imperio libertatem tum respexere. Itaque Ordines ex Oostergois Scipionem Meckamam, è Westergois Martinum Nitzenium delegavere, qui copiam diplomatis regij ac mandatorum à Graphiario Senatus poscerent. Ordinumque voluntatem Roblesio exponerent. Is vero, remisso ad Ordines eodem Graphiario, recitari tantum diploma jussit, copiamque edicti & simul mandatorum delegatis recusavit. Hoc etiam volebat, ut postero sine ullâ dilatione quid statueretur, Ordinesque novam Vestigialium legem acciperent damnarentve, eaque de re Scutum perscriberent. Quare sequenti die ad Roblesium, qui in arce regiâ Senatum habebat, Bocatius vicarius Ripensis & Adrianus Cronenburgus missi copiam iterum diplomatis poposcere, sine quâ Ordines, præterquam spectata Regis mente, rescribere se non posse constantibus formatisque in confidentiam verbis reponebant. Igitur Roblesius, perrogatis Senatus suffragijs, Graphiarium in conventum Ordinum ablegavit, copiamque Edicti se in posterum exhibiturum fidem fecit. Hac tamen cautione interpositâ, ne quid moræ deliberationi Ordinum interveniret, novæque Vestigialium legis publicatio focordia aut contatione Ordinum cessaret. His addebat de erogandis pecunijs & creando quæstore se non multum laborare, quin facere Ordinibus distribuendâ aris potestatem, cujus quoque jam ante accepti rationes offerret. Igitur se suaque pignori obtulit, Ordinumque benevolentiam post emergari speciosis blandicijs conatus est. Cæterum Ordines ad Achlenij postulata hunc in modum responderunt.

Contentio  
Ordinum  
cum Robl.  
sio.

Ordines ad  
postulata  
Achlenij re  
spondens.

**C**onvocati sumus, Præsede, tuo consilio & Igramum Achlenium Præsidem verba facientem in comitio audivimus, quibus nova Vestigialia aut tributa pensitandis militum stipendijs postulabat. Nos vero etsi Saxonice conventiones, quas cum eo tanquam provincie Gubernatore inimus, prestare immunes ulteriorum onerum queant, Ita Florentium Iselsteinium Hispanie Princeps Carolus non aliâ lege regundæ provincie præfecit, quam ut Saxonum imperijs suum assimilaret. Sacramentum quoque solenne patris legibus adjuratum & majorum immunitatum spem clementia novi Principis tum fecit. Nec ore tenus hæc dicta factave, cæterum consignata monumentis ad nos posteros pervenere. Neque infra majestatem Caroli Caesaris fuit fidem antea actis conventionibus pacisci. Hoc vero assignato Casari patrimonio & annuo censu impetravimus, ne quod tributum extra conditum penderemus, sed ut omnium servitutium exactionumque immunes nos ac posteri seram in propaginem quiete ac publicâ pace frueremur. Religione iurijurandi Casar Carolus & Philippus Rex se obstrinxere, cum imperium deferri non nisi adacto ad sacramentum Principi volumus. Rescriptis proregum Albani & Requesentij idem obtinuimus accepimusque per Legatos regie fidei & nostræ liberati nihil desore. Itaque ordinario Principis censui centum & viginti octo millia aureorum adje-



cl. Is. jecimus, quo de affectu in Philippum Regem testaremur & ut *es arario provincia inlatum*, adversus ingruentia casuum, regis & nostris usibus inserviret. Reliqua quæ bello invitæ aut non rogati contulimus, magna etiam fuerunt, sed quorum rationes opportuno tempore exacturi sumus. Et quoniam ex honorarij sponcione pensiones adhuc 53000. & ducenti Carolæi post annum Regi præstandæ sunt, ita parati sumus perspectâ pecuniæ inopiâ paratum *es* in stipendia militum conferre, modo in solutum cedat ordinarijque regis proventus gerendo etiam bello decernantur. Adhæc volumus, ut quatuordecim millia & sexcenti carolæi Groningensibus jure mutui concessi ocys repetantur rescindanturque præterea contractus & actiones, quibus publicum *es* privatis Philippi creditoribus assignatum est. Nostra tributa nostræ inopiæ destinabuntur. Tantum abest ut alios in usus converti velimus, quod nostris rebus continuâ exactione detractum est & cujus hoc ipso civilis discordiæ tempore egentissimi sumus. Quâ excusatione si nostris officijs satisfactum non censeat Præfectus, parati sumus ad arbitrium omnium provincie Ordinum forum experiri, quod declinare alias speciali indulto provinciales possemus. Ita enim CAROLUM inter Principem & majores nostros conventum erat, UT BINOS PER ARBITROS A POPULO FRISICO, BINOS A CAROLO NOMINATOS OMNIS LIS DIRIMIRETUR. Neq; stabit per nos quicquid controversum est ut totidem arbitris definiatur, modo apud Philippum regem paterni exempli imitatio & nostri juris memoria valeat. Servatâ cultâque per Principem fide & illæsis legibus nostris novo Vectigalium onere ad sustentandas copias non egebimus. Eâ vero spretâ aut violatâ, si tributa contra patrios ritus imperentur, sacrorum communione indignum se Princeps faciet, per quem Vectigalium diploma nobis inscijs perscriptum est. Neque enim legati ad Philippum regem aut Requesentium provinciarum Præsidentem à nobis aut ad nos missi. Tantum abest ut sacri ordinis aut Nobilitatis assensus intervenierit quem de patrio jure haberi æquum erat. Quin tanto fœdus est nonnullos à comitio exclusos aut perorante Achlenio exire cœtu jussos publici consilij participes non fuisse, non laturos interim provincie libertatem novis dominantium edictis subverti, donec de ijs ad universos Ordines relationes instituantur. Secus obtestantur Ordines, Deo coram ac Rege, vim atque injuriam sibi inferri pronis in principem & non minus patriæ suæ amantibus.

Hæc à Scipione Meckama & Livio Jelgersma prætore Octopagico, pro Oostergois, Martino Nitzenio pro Minnertsgais, Tiemarumanis, Firdgumanis ac municipio Harlingano, Boccatio vicario Ripensi pro Menaldumanis, Sixto Tiallengio presbytero Tiumano pro Franequeranis, Dione Hania pro Baerderanis, Bonnone Lyclama & Haringo Wabbæo pro Winbriterijs, Rodmero Regnero pro Hennardijs, Tincone Andringa & Tiedgero Ruardo pro Silvestribus signata.

Ad quæ iterum ACHLENIUS.

**A**ccepimus responsum vestrum, Ordines, nostræ petitioni absolum & plenum obtestationis. Libertati vestræ vim inferri jam diu conquesti estis & quidem hodie apud nos, quos jam alie curæ, alia negotia exercent. Quippe violatæ libertatis querela apud Requesentium instituenta est & ut rite fiat nostrâ intercessione juvabimus. Nunc stipendia armatis petuntur, quos exautorari instans periculum & præsentis turbæ non sinunt.

Ad



Ad ea ORDINES.

CLIO. IO.

**H**odie delegati nostri nobis retulere, vestra consilia non minuende libertati sed poscendis ex necessitate tributis esse. Illam vero tueri ut honestum ac gloriam dignum apud præclaros semper viros fuit, ita tandem peculiaribus in Regem studiis & necessitate temporum commoti binos sesterios singulos in florenos aureos offerimus. Caterum hac lege ut quicquid aris ex pensionibus quas PHILIPPO regi præstare tenemur & proveniaturum est, in eosdem quoque usus & stipendia cohortium vertatur, abstineaturque in posterum ulterioribus exactionibus libertati nostræ adversis. Quare nec conducendis copiis currus, navigia, comæatium præstari volumus, caterum cessare istiusmodi onera, monerique prætores agrarios sub panâ coercitionis, ne quid tale quocunque etiam nomine aut casu præcipiant. Hac vero si approbare grave vobis videatur, obtestamur non alia subsidia in nostrâ potestate esse, nosque ad jus patrium, ad immunitates majorum, ad pactiones Principum fugere. Nunc dimitti postulamus.

LXXIV.  
Responsum  
Ordinam.

Sic pro Oostergois Edzardus Douma, Suffridus Jensma, pro Westergois Bocatius Vicarius Ripensis, Dion Hania, pro Sylvestribus Pierius Renckius & Feico Tatmannus signavere.

Quare ROBLESIIUS parsimoniâ ac contumaciâ ORDINUM excandescens hæc rescribi fecit.

**D**ecreti vestri hesterno die participem me fecistis. Et quoniam deprebendo meis postulatibus vestra responsa non convenire iniquasque conditiones secus quam speraveram, assignandis tributis præscribi, ita mea consilia & optumam in bonum publicum sollicitudinem confundi cerno. Militum & legionis meæ egentie subveniri à vobis in tempus volebam, caterum quoniam excusatione vestræ imbecillitatis & impotentie usi estis nec largiri nec concedere mihi exsolvendæ legioni quid posse, ita dimissos vos facio sinuque in vestra redire. Hac tamen cautione, ut mandatorum vestrorum copiam mihi servem cernamque quibus autoribus impedimentum publicis commodis injectum sit.

Roblesij ad  
Ordines re-  
scriptum.

Tum dimissis agrariis oppidorum Legati (exceptis Leovardienfibus ac Doccomienfibus) Roblesij postulatibus hoc modo responderunt.

Responsum  
Legatum  
oppidanorum.

**N**on ita pridem, Præfekte, ex ore Achlenij Præsidis percepinus novis Vestigalibus te incumbere, quo stipendia cohortibus tuis ex publico procures. Consiliis tuis jam ante sancientiæ eidem Vestigalium legi innixis non ita nuper oppidani acquievimus, censuimusque id optimum compescendæ militari insolentie remedium esse. Res in tabulas tum reducta mentem regis & nostrum simul consensum exponet. Nunc vero, quoniam mutatis actis aliud quæritur quod res nostras arctius premat, ita diploma posterius approbare nostra libertas & antiquæ immunitates non ferunt. Stipendiis vero succurrendum esse nec ipsi ignoramus, caterum censemus tolerabili tributo onerandos provinciales esse. Nos reverentiâ Regiæ Majestatis omne officium tibi deferimus speramusque responsum hoc nostrum apud Regem & te Præfectum valiturum fore, neque nos ipsos majora onera aut damna quam par est ex tuo imperio passuros.

Hæc pro Snecanis Douwo Roorda, pro Bolsverdijs Theodorus Joannis, pro Staurijs Simon Folpertius, pro Elostanis Serapius Andræ

610. Io. Inthiema, pro Worcumijs Titus Hajonius, pro Harlingijs Cornelius  
LXXIV. Coninxius, pro Slotanis Simon Porterus, pro Hindelopijs Joannes  
Timannus confirmavere.

*Hennardij  
in novis  
vectigalibus  
consentiant  
ultrò.*

Mox Hennardij per legatos Rodmerum Regnerium Præbendarium, & Epæum Stapertium Wommelios novis Vectigalibus assensum præbuere, ne deficientibus Stipendijs eorum agri insolentiae militum exponerentur. Roblesius quoque Douwonem Roordam Snecensium legatum ad se vocavit, eique novorum Vectigalium diploma exhibuit, quo cæteris oppidorum legatis communicaret, potestate corrigendi immutandique, quæ ex usu aut contra publicos mores viderentur eidem Legato permissa. Itaque tum diploma correctum mitigatumq; obtestatione coram Legato Roorda & Graphiario facta, Roblesius recepit totumque negotium in acta relatum, arbitrio Requesentij permisit. Quare de vulgando per Frisiam diplomate Scutum perscriptum delectique VII. viri, Antistes Fosverdicus, Sclto Liauckama, Hero Ockingha, Douwo Roorda, Livius de Bejem, Ruardus Vibius, Sufrius Æsgema, Meinius Lyclefius Jureconsulti, qui curandis Vectigalibus publicanos crearent, totumque negotium ex formulâ diplomatis regij expedirent. Cæterum Antistes Fosverdicus & Livius Bejemus rei velut invisæ administrationem detrectavere haud inani opinione, onerosi & damnati muneris primam mercedem odium populi fore. Quare Roblesius VII. viros ad se vocavit, eosque per Præfidem Achlenium hoc modo allocutus est.

*Roblesius  
de promul-  
gando Edi-  
cto agit.*

**D**E nova Vectigalium lege apud Ordines egi & jam res exitum sortita est. Convenimus equidem, ut nec libertas vestra quid servitij nec auctoritas & commodum regis quid ignominiae aut detrimenti ferant. Restat tantum ut decretum exequar, ad quod vestra ope & ministerio uti volui. Non ut odijs quibus hoc negotium vacat, provincialium ac concivium vos implicarem, ceterum ut à dignitate vestra novae legis rogationem ordiner. Cujus is præcipue fructus erit, ut agris ac possessionibus vestris bene sit & ne miles defectu aris sacramenti oblitus defectiones moliat. Id rebellium, id hostium nostrorum consilium est, nihil aliud quærentium, quam ut in provinciam irruant pervastatisque agris ac municipijs sacra & profana conturbent. Si vero sint, quibus grave instituendorum Vectigalium munus videatur, eos profiteri secretum suæ mentis volo daboque operam ut ad Requesentium PHILIPPI Proregem eorum nomina perferantur.

Ad quæ Antistes Fosverdicus.

**N**on comparui, Præfekte, in nupero concilio meæ spontis & rebar comitum te populi pro more gentis indixisse vocatoque esse ad deliberandam quorum interesset. Cæterum quoniam nostri ordinis & nobilitatis præcipuos excludere ab illo conventu voluisti, censeo præter receptum morem à te factum esse. Itaque me eximo molesto oneri & curâ promovende legis tuæ me abdicò maloque privatim rebus meis quam publicè cum invidiâ tuis exactionibus vatare.

Idem Beiemus vir alti animi & haud dubiè patratae in propinquum cædis conscientia tactus coram Præfecto & Achlenio præfide effatus est.

est. Quare Praefectus cæteros VI. viros blandis verborum illicijs ag-  
gressus est eosque collegas alios adsciscere expediendæ Vectigalium le-  
gi præcepit. Igitur in Antistitis Fosverdici locum Hector Dekema  
ex Oostergois, è Westergois Abbas Floridi Campi Beiemo surrogari  
infidisque erga Roblesium animis ira & miseratio proscriptæ libertatis  
provinciam frequentavere. Tum novorum Vectigalium lex promulga-  
ta, non dissimulato Philippi regis nomine, cujus Edictum tale erat.

**I**Am ante potestatem feci GASPARO ROBLESIO Praefect<sup>o</sup> <sup>Edictum</sup>  
per Frisiam meo Ordines ejusdem provinciae convocandi agendique cum ijs<sup>novorum</sup>  
quo stipendia meæ cohortes haberent quas in praesidijs locavi. Id vero quia<sup>um</sup> <sup>promul-</sup>  
Praefecto inconsultum videbatur propter animorum dissensiones & quod sum-  
ptuoso opere meæ provinciae littus clauserit, secreta cum IV. Deputatis Ordinum  
colloquia institui fecit. Et quamvis communem assensum meis votis impetrare  
non potuerit, tamen sollicitudine ac solertiâ suâ effectum dedit, ut trium De-  
putatorum suffragationibus fultus Ordinum ac primariæ Nobilitatis animos si-  
bi conciliaverit. Soli vero Leovardij in partibus adversis fuere, quos ut blan-  
dis honestisque rationibus moveret mandatum à me accepit. Tantum vero ab-  
fuit, ut eosdem Leovardios sana ad consilia perducere quiverit ut illorum con-  
tumaciâ plurimum in me odia auxerit. Et quoniam certus sum grandius tri-  
butum à florenis aureis peti non posse, ita censeo nova Vectigalium lege inopiam  
provinciae sublevandam. Quamobrem de consilio LUDOVICI REQUE-  
SENTII Præregis & Senatus mei potestatem Frisij facio Vectigalia portor-  
riaque instituendi è formula mei diplomatis voloque ut panni, frumenta, le-  
gumina, cibaria meæ legi subsint. Ordinibus vero provinciae aut eorum De-  
legatis erogandæ pecunie jus relinquo, hac tamen conditione, ut destinatis  
à me usibus collatum æs serviet. Si vero ex illo ære quid residui sit quam quod  
stipendijs & comæatui debetur, id in ærarium inferri volo, si forte aut gra-  
vius bellum aut iniquior fortuna mihi aut meo populo incumbat. Volo quoque  
ut Quaestores accepti expensique rationes reddant tabulaque assignandi æris à  
Praefecto aut Senatu meo scribantur. Sin autem vectigalium census stipendijs  
militum cæterisque rebus par non sit, VII. viris copiam facio augendi ea mi-  
nuendique. Interim Praesidi, Senatui & publicarum per Hollandiam rationum  
magistris mando, ut diploma hoc sartum tectum curent, beneficiumque Frisicæ  
genti ex mea clementia indultum, firmum atque inviolabile habeant.

Hæc Bruxellis signata ac Non. Octobr. per provinciam publicata.

Tum quæstoribus leges scriptæ, ac à Thoma Groningense Anti-  
stite Floridi Campi, Sceltone Liauckama, Hectore Dekama, Dou-  
wone Roorda, Herone Ockingha, Suffrido Aëlgama, Meinio Lycle-  
sio, & Ruardo Vibio Jureconsultis signatæ.

Reperio in commentarijs scriptoris Staurij roagationem novæ legis  
magnis acerbisque contentionibus exagitatam fuisse, ipsosque Leovar-  
dios & Sylvestres Roblesij & nobilitatis consilij adversos solemnibusq;  
obtestationibus nequicquam usos, inrita libertati patrocinia commodasse.

Dein Roblesius Translavicanos mille aureorum tributum singulas in  
septimanas poposcit abnuentesque onera & immunitatem obtendentes  
Hispano equite & insolentibus praesidijs preffit. Mox primatum ædi-  
bus miles immixtus, inani læsi juris querimoniâ, quod à Carolo Cæ-  
sare

Roblesius  
quoque ex  
Translavi-  
canis tribu-  
tum poscit.



cIo. Io. fare se accepisse solenni conventione Transilvicanus populus obtende-  
LXXIV. bat. Itaq; legati eâ ex gente Bruxellas missi, vanâ enormis imperij  
Edicta Re- incusatione, quod oppresso per arma foedere, vires, & maturitatem  
ligionis per accepserat. Quamobrem Philippus primas quoque civilium armorum  
Frisiam re- causas Religionis Edicta renovari, publicarique per Frisiam iussit, quæ  
novantur, à Carolo Cæsare Augusto sancita, paterni imperij & actorum hæres  
publican- turque. primis jam ante principatus sui annis inconsultâ ac juvenili pietate vul-  
gaverat. Unde omnis concordie pacisque spes provincialibus excussa,  
non ineptè reputantibus, civilibus armis ut ante materiem, ita nova  
fomenta, crescentibus furoribus, subministrari.

Provincia-  
lium inde  
quercula.

Idoneè scilicet proclamata per Philippum Venia Edicta & obtrusam pro-  
vincialibus speciosa ostentatione clementiam, ut Philippi regis animus ad  
antique severitatis legem rediret, provincialiumque conscientijs, dulcedine  
future pacis haud pridem delinitis, amplas, etsi lubricas concordie spes  
renovatio pristinae servitutis excuteret? Hanc Ferdinandi Albani, hanc Lu-  
dovici Requesenty, hanc Roblesij, & Senatus fidem esse, ut sollemni actio-  
rum, & publicæ vocis ratio non constet? Malè profecto credulas mentes prin-  
cipum verba oraculis numinum adæquasse, postquam jurisjurandi religionem sum-  
mæ potentie opinio sustulisset. Nunc certè dolosa Philippi consilia detegi, &  
non alio sine Edicta Venia regio paratu in theatris recitata, quam ut per-  
suasionebus populares animi occuparentur, velumque proclamatae pacis consilia belli  
& prioris scititiae inumbraret. Iterum Romanorum Pontificum, iterum Inqui-  
sitorum regna & furores exsurgere, quo, per spatia temporum intermissi, sta-  
tis intervallis majore æstu recrudescent.

Fœderato-  
rum res ge-  
stæ.

Hindelopam  
capta, spo-  
liata & re-  
lieta.

Sic exasperato per Edicta & exactiones regis imperio domi & in-  
tra provinciam secreta in Præfectum odia, foris incrementa fœderis  
observabantur. Quippe littoralem Frisiae oram fœderatæ rursus clas-  
ses infestabant, auxiliaque subinde è minoribus Frisij nactæ, non so-  
lis agrorum populationibus, sed direptionibus urbium vicorumque se  
exercebant. Itaque Gualterus Hegemannus fœderatæ cohortis Tri-  
bunus cum navibus Texaliâ solvens mox Hindelopam advectus ma-  
ritimum oppidum Frisiae contra minoris littora situm, suam & fra-  
tris cohortem in continentem exposuit, congressusque cum præsidia-  
rio milite, quem defensionem invalidum inexpectata irruptio faciebat,  
oppidum suam in potestatem redegit. Creditum fuit illunis noctis be-  
neficio & quod nullo sydere cœlum nitesceret multâ nube obductum,  
eum loci potitum, opportunamque opacitatem grande momentum au-  
daci consilio & prospero successui attulisse. Igitur civium opes &  
ornamenta domorum in prædam versa, oppidumque quorundam civium  
& militum cæde occupatum infoelicitibus flammis exustum est. Mox  
fœderati prædâ fœlices & loco diffisi consensu navigijs Enchusam  
petiére, quæ jam ante, accepto victoriæ nuntio, arma & commea-  
tum, in spem muniendæ retinendæque urbis, subministraverat. Alij  
addunt adventantium Valonicarum copiarum famâ conterritum com-  
pulsamque Hegemannum oppidum deseruisse, suamque fortunam latif-  
simis freti æstuarijs, quam urbi non munitæ hostili in solo concre-  
dere maluisse. Neque imprudens viri consilium fuit. Quippe Mo-  
tiosius,

ioius, qui Stauriæ castellum regio nomine tenebat, postero militem cō. 15.  
Hindelopam duxit, positoque ibidem validiore præsidio oppidum no- LX XIV.  
vo opere sistendis irruptionibus præmunivit. Roblesius quoque prohi-  
bendis provinciâ foederatis, qui actuarijs navigijs illam oram tum le-  
gebant, per marinum littus locaque accessui opportuna disponi ex-  
cubias vigilasque præcepit, reprimendæque per agros & municipia  
insolentiæ armatorum numerum cuique præturæ assignavit. Cæterum  
promiscuo provincialium metu quem continuæ foederatorum incurfio-  
nes dabant, villæ deserebantur colonique agrorum, non intermissis  
tributis exhausti & inopes, quo se suaque pignora periculis subduce-  
rent, in munita passim oppida suffugia faciebant. Unde desertis  
per agros habitationibus solitudo orta; cautumque Edicto ut tuendis  
villis profugorum ære armati alerentur privatarumque possessionum præ-  
diorumq; tutelâ quies ac securitas provinciæ redderetur. Mox Edicta  
proscriptionum repetita lataq; lex fuit: Ne quis profugis aut incerto lare  
per provinciam errantibus, officium subsidiumve quacunque etiam de  
causâ sub poenâ perduellionis præstaret, eorumque ædes ac villæ qui  
exulem proscriptumve receptassent aluissentve, publico igne tanquam  
flammis expliandæ cremarentur. Annotatum reperio Bolsuerdiâ & E-  
losto oppidis septuaginta sex familias tum in exilium pulsas fati sui &  
Senatus regij inclementiam singulari constantiâ pertulisse.

*Solitudo  
per provin-  
ciam.*

*Edicta  
lata, &  
repetita.*

Valerium quoque Cammingha Deputati officio fungentem Feconem  
Rhalam jurisperitum Bruxellas ablegasse, quo de redintegrandis pro-  
vinciæ privilegijs apud Requesentium ageret, & ut indictionum vigor  
rescripto ejusdem Proregis aboleretur. Pecunia quoque regia & do-  
miniorum, ut vocant, canon stipendijs militum cederent, quo illo-  
rum rapacitati ex egentia aris & simul spontaneâ pravitate nascenti gu-  
bernatoris Regij prudentiâ occurreretur. Quippe indictionum per Fri-  
siam vis fraudibus contrectantium solvebatur, subsidiumque bello quæ-  
situm, averfis ab illo onere animis evanescebat. Itaque Roblesius præ-  
sentiâ Petri Frittema legum doctoris & senatoris regij subjutus, ad a-  
lia consiliorum provolutus est, regijq;, quod jam colligebatur, honorarij  
pecuniam assignari sub usuris mercatoribus petijt quo præsentij merca-  
torum ære accepto militum seditionibus malisq; moribus subveniretur.

*Roblesius  
gravat de-  
nuo Pro-  
vinciam.*

Quod cum Deputatis Ordinum grave videretur de præstando ære mutuo  
nobilitatem & primores quoq; sollicitavit impulsisq; Philippi per pro-  
vinciam rebus quoquo modo subsidium poposcit. Hoc etiam addebat  
nobilitatem reliquosq; provinciales ex indictionum ære, quæ melius  
novo vere processuræ forent, solutionem habituros quo servata regem  
inter populumq; fide pacis ac concordie spes illucesceret. Cæterum  
Delegati in quibus Ruardus Roorda, Valerius Cammingha & Hero Oc-  
kingha tum erant. (Meinius enim Lyclesius Nyholtadij per invalu-  
dinem aberat) consilia Roblesij reiecere acrisq; responso quod provin-  
ciali pecuniæ usuras præstari indignarentur regis dominia & Biltanos im-  
primis agros gravandos proposuere. Quod si fieri non posset hoc vole-  
bant, ut pensitandis cohortium stipendijs partem Oostergoij partem We-  
stergoij cum oppidanis, partem Sylvestres erogarent, exiguique Sylve-  
strium redditus ararij regij ope, aut Biltanorum agrorum canone juva-

*Resistenti-  
bus nequiti-  
quam De-  
putati, me-  
liusq; con-  
silium sug-  
gerentibus.*



cIo. Io. rentur. Quæ omnia salvo provinciæ jure & cum obtestatione dicta nullum isto tempore robur habuere indignantibus Deputatis inter suorum fugas & exilia vitæ quoq; præsidia exactionibus subverti.

Unde pri-  
mam in-  
dignatio,  
tum major  
animorum  
à Rege ali-  
enatio sub-  
secuta.

Unde civiles animi magis magisque à Philippo alieni, miseratione propinquorum, affiniumque sua ingenia exasperavere. Sic regij judicis rigor subvertendo foederi decretus, ejus incremento cessit, odiumque superbe agentibus consiliorum immanitas paravit. Creditum fuit innocentis turbæ & jam in matrum amplexibus hærentis lamenta & e-

Quam  
Roblesius  
frustrâ ten-  
sat placare  
dolo scrip-  
to.

julatus, tum profugientium triste spectaculum duros ac immites animos movisse civiumque ac opificum collegia à dominantium nexu ac affectu in Regem dissociasse. Quare Roblesij litteræ, quibus ad desertionem foederis minores Frisios hortabatur, irritæ fuere, suspectâ apud eosdem Philippi regis clementiâ, quam Roblesius, emolliendis populi istius ingenijs, dolosis artibus substernebat.

Ideo scilicet Regem tam augusti nominis & formidabilis potentie, proregis Requesentij & Barlamontij litteris pacem Frisjis ac affectum Principis obtulisse, quo scirent Frisij Philippo supra fastigium regni incolumitatem suorum subditorum esse. Malle quippe Philippum ut populus per arma & turbas temporum contumax sue quieti commodisque consulat, quam ut inquietus & nullibi securus præterquam sub armis sedâ in rebellione & invertendâ ordinis proposito perseveret. De fide vero regiâ nihil periculi fore, quin certa & extra dolum futura sit, modo Frisij ad reverentiam veteris imperij redeant amoveantque sinistras suspiciones fovendis discordijs pronas.

Igneæ nu-  
bes visæ,  
cælumque  
ardescens.

ANNO  
cIo. Io.  
LXXV.

Inundatio  
agrorum  
per Dongrios.

Gelu in-  
sensum.

Fœdera-  
torum sup-  
plicatio ad  
Philippum  
regem.

Hæc Leovardiæ, vergente anno, manu Roblesij scripta, ac Enchusam per tabellionem perlata, infensis animis accepta. Itaque tabellio exploratorem acturus carceri datus, subjectusque quæstionibus hostile Roblesij consilium & doli plenum aperuit. Traditum annalibus igneas nubes mense Novembri à Septentrione versus Meridiem motas, tum apparuisse cælumque ab Horizonte verticale in punctum ardere visum, funestis flammis colluxisse. Sequentis anni initium magnâ tempestate foedum ut marino aggeri littorique damna ita gravem ultro annonam accidit. Quippe per Dongrios qua depressius solum & planities littorum, horrea pleraque & villæ marinis aquis convulsæ subsecutaque frugum eluvio egestatem agrarij populi prægravavit. Mox puriore cælo & Euri flatu remittens tempestas magnum aëri frigus affudit palustriaque locorum, ingenio soli humentia, aut marinâ uligine fæculenta, acerbissimo gelu constipavit. Unde utrinque incurfionum hostilium metus, etsi lentiore tum bello, quod fœderatorum supplicatione Philippum ad regem ac Requesentium missâ, futuri conventionum fama diu speratam pacem datura provincijs videretur. Eo namque libello, ut officium obsequiumque regi fœderati offerebant, ita innuebant servando tuendoque populo Philippum se obligasse eamque summi imperij conditionem esse, ut parentibus inserviat. Econtra Albani dominatu jura, immunitates violatas quæ ne pessum irent armorum defensione usos, postquam iritis querimonijs munimentum innocentie non valuisset. Et quoniam publici regijque commodi maxuma apud se ratio esset, ita orare Philippum æquâ mente cadentium rerum

mise-



misereatur restituatque pacem terris & cum eâ commercia, potentiam haud dubiè regiae dignitati allatura. Conciliandæ vero provincijs concordiae & florenti fortunæ unicum remedium missionem Hispanæ peregrinæque gentis superesse & ut imperia Philippi non alienigenarum consilij, sed procerum Ordinumque Belgicæ regantur. Id fundamentum futuræ paci subternendum. Alias continuum bellum, aternas tempestates, perpetuas lites atque discordias fore, non ante desituras, quam rerum omnium ruinam exacuens se indies civilis furor fecerit.

Id. 13.  
LXXV.

Ita turbidi temporis fastidium desideria pacis foederatis iniecerat eorumque votis externorum Principum mentes sistendæ provinciarum inquietudini incendebantur. Jam enim missæ Maximiliano à Cæsare ad Philippum quoq; legationes erant credebanturque reciprocae, Cæsaris ac Philippi affinitates, publicum in Bonum exituræ. Quippe Mathematici velut perspectis syderum influentijs, Belgicæ salutarem annum prænuntiaverant mitiusque cœlum etsi fallacibus conjecturis fiduciâ artis pollicebantur. His exangue regis ærarium accedebat legionumque seditio impunitate criminum & graviore egentiâ succrescens.

Federati  
desiderant  
pacem.

Traditum commentarijs est Frisios exules, qui Bremæ, Hamburgi, Vesaliæ, Duisburgi ac Embdæ agebant, perceptâ harum rerum famâ, datis ad Aurantium litteris, certam pacem & cum eâ libertatem conscientijs orasse. Sic tentatâ re, Elbertus Leoninus, vir pacis artibus excultus, ad Aurantium Principem cum fiduciarijs ablegatus curâq; Aurantij foederarorum Ordinum conventus Dordraci indictus. Ibi Aurantius solertis ingenij, & reconditæ prudentiæ Princeps, ponderato tantæ molis negotio, hæc proponi fecit.

Contentus  
Fœderatorum  
Dordraci.

**A**D tractandam pacem destinatos à PHILIPPO rege, aut R. E. QUESENTIO Legatos fidem mihi Elbertus Leoninus fecit ac jam locum Brede instituendis colloquijs ordinatum. Id porro, Federati ORDINES, agendum restat, ut similiter è vobis Legati edantur, expendendis evolvendisque rebus quæ in disceptationem tam arduam venturæ sunt. Pacem vero quod pro summo mortalium bono omnium ætatum gentes habuere si cum bello conferamus, expetendam promovendamque magnopere censeo, modo divini numinis cultui, libertati vestræ patrijsque legibus nihil imponat. Hoc vero imprimis necessum est, ut quoniam de pace consultaturi estis, subsidia bello decernatis, ne imparatos vos & inermes quamlibet ad pacem vestra imbecillitas aut socordia compellat. Præcipuè vero de concordia Federati Populi, de stipendijs exercituum, de apparatu classium, munitiombus urbium, & commeatuum curâ cogitate, tanto magis à privatis utilitatibus alieni, quanto cariora vobis reip. commoda erunt.

Aurantij  
principis  
Oratio.

HÆC AURANTIUS.

Mox Guntherus Suartzenburgius nomine MAXIMILIANI Cæsaris cum imperatorio comitatu Dordracum missus multaque de subortis PHILIPPUM inter populumque dissidijs & miserijs civilium bellorum præfatus sollicitudinem optumi Cæsaris, non fucatâ oratione nec alienis à vero sermonibus commendavit. Itaque asseribat, non Belgicæ tantum & vicinis ditionibus, si bellum prorogetur, instans exitium, cæterum Germaniæ periculum imminere.

Suartzenburgius à  
Cæsare Dordracum  
missus.

CLIO. IO. *Causam quippe diffensionum ut initio levem, ita tractu temporis fomenta*  
 LXXV. *& vires accepisse. Paratum esse Casarem robustis malis mederi. Ita lega-*  
*Oratio* *tionibus nec infructuosas ad PHILIPPUM regem in Hispaniam actas.*  
*Swartzen-* *Neque alium in finem se à Casare in provincias Belgicæ missum, quam ut lu-*  
 burgij. *xata concordia stabili pace coalesceret. Sic obsequium Casari, sic officium A U-*  
*RANTIO* *Principi, & Belgicæ nobilitati præstare constituisse; quibus-*  
*cum* *affinitate, aut jure amicitie jungeretur. Itaque non molestias itinerum,*  
*non* *hybernæ cæli inclementiam suis conatibus obstitisse, quorum fructum abun-*  
*de* *habiturus esset, si pronis auribus accipiantur. Quamobrem rogare Principi-*  
*pis* *fœderatæque Nobilitatis legatos, ut, de Casaris affectu certi, æquæ paci*  
*auscultent. Ad quam si perveniri tam subito non possit, petere, ut Legatos*  
*mandatis instructos ad Casarem mittant, liberum commeatum per ditiones Im-*  
*perij* *habitueros.*

*Federati* *Econtra Ordines Fœderati Casari & Legato grates agere, quod*  
*Ordines re* *Cæsar pronum in provincias animum imperatoriæ apud PHILIP-*  
*spontent.* *PUM Regem intercessione præferret, Legatus vero tædium longin-*  
*qui* *itineris, & tempestuosæ hyemis asserendæ paci pertulisset.*

*Interim* *reponere causam bello se non dedisse, cæterum ALBANI*  
*ac* *Hispanorum sædâ & crudeli dominatione compulsos arma sumpsisse, non sub-*  
*vertendo* *regi, cæterum, ut ejus imperio ac rebus suæ vero incolunitati con-*  
*sulerent. Igitur* *majora nunquam concupivisse quam ut bellum omnis insolent-*  
*ie* *ac miseriæ ferax pace mutaretur, ad quam perveniri non posse præterquam*  
*dimisso* *regis exercitu & peregrino Philippi milite censerent. Rex vero si ejus*  
*animi* *sit, tum demum sperare se felicem rebus exitum Casarique & omnibus*  
*bonis* *optabilem. Interim rogare Suartsenburgium Legatum, ut Bredæ ad*  
*condictum* *se sistat suæque præsentia ac consilio negotium juvet.*

*Requesen-*  
*tius primum*  
*in pacem*  
*visus.*

*Thuanus* *scribit, Requesentium quoque prædecessorem Albanum*  
*fœdæ* *sæpè dominationis familiari apud suos sermone redarguentem, in*  
*consilium* *pacis tum propendisse, quo leniorem imperij gerendi viam*  
*ingressus* *dissociatas à Philippo per arma & sævitiem provincias bene-*  
*ficio* *pacis pacaret,*

*Convocatus*  
*Regiorum*  
*& Fœdera-*  
*torum Bre-*  
*dæ.*

*Mox* *nominati per Requesentium fœderatosque Legati datique à par-*  
*te* *regis obsides securitatem fœcialium qui jam Bredæ convenerant &*  
*simul* *spem fœliciissimi successus auxere. Tum Philippi regis rescrit-*  
*ptum,* *quod libello fœderatorum destinaverat in confesso recitatum*  
*spem* *paterni affectus & miserationem bellis præ se ferens, quod fœderato-*  
*rum* *animos suâ imbecillitate, more mortalium, falsis sæpè bonis in-*  
*dulgentes,* *annuntiatum pacis desiderium compleret. Cæterum exter-*  
*nus* *miles grande pacis negotio impedimentum asserebat repetebantq;*  
*fœderati.*

*Federati*  
*missionem*  
*militi ex-*  
*terni pos-*  
*cunt.*

*Amovendum in Hispaniam exercitum esse, quo, dempto metu, sancendam*  
*ad* *pacem fœliciore progressu iretur.*

*Dissent-*  
*ini Regij.*

*Econtra regis Legati differebant.*

*Hispania Belgicæque gentes unius capitis imperio subjectas, nec extermin-*  
*andam* *provinciæ nationem esse, cuius virtute & fide CAROLI PHI-*



LIPPIQUE regum res per Belgicam floruisse. Sed nec Fœderatos CLO. IO.  
cum inquilino milite & solis indigenis pugnare, ceterum ex alienigenis conscri- LXXV.  
bi supplerique legiones & externis armis intestinum bellum inmiti. Interim  
missurum facile exercitum Regem, si eo uti non velit, procuratâ pace & non  
exigentibus periculis. Hac de causa (id enim Fœderati adjunxerant) nec  
conventum Ordinum haberi, præterquam cessante bello, posse, cui finem impo-  
nere aut pacem surrogare jus ac arbitrium solius regis quiret. Ei jus solen-  
nium convocationum & indicendorum conventuum esse coitionibus Ordinum tum  
semper uso cum visum fuisset. Esse Philippo Proregem & Præfectos, Præsi-  
des & Senatum, quorum consilijs, æque ac Ordinum, regere provincias queat  
intraque metam coercere exorbitantis imperij lubrica. Interim reducendæ  
in provincias paci, stabilimentum patrij iuris, veniam anteaactorum, abolitio-  
nes proscriptionum, restitutionem bonorum & dimissiones captivorum regem  
offerre, daturum porro operam ut æquis conditionibus agat. Hoc vero velle,  
ut Fœderatæ provincias, oppida, castella, classes, commeatum, arma, eaq;  
omnia regi reponant, que bello aut per vim acquisivere.

Tum de restituendis bonis Ecclesiasticis & Romanâ religione quæ-  
dam addita, quam solam haberi per provincias ut ante ætate mayo-  
rum, Philippus rex volebat.

*Regij solam  
Romanam  
religionem  
haberi vo-  
lunt.*

Eam namque cum ipso principatus, cum sacramenta populi accepisse æquum-  
que esse ut quibus auspicijs imperium acceperit ijsdem retineat. Interim per-  
mittere aliam à Pontificiâ religionem profiteri volentibus, ut divenditis bonis  
rebusque suis, certum intra diem provincijs excedant abstineantque interea exer-  
citijs fidei & malis exemplis.

Quæ dissertatio acerbitalis plena & non obscure præfractum offen-  
sumque Philippi regis animum ostendens, Fœderatorum Ordinum  
& Aurantij Principis Legatos perculit.

Itaque regerebant.

*Fœderati  
prolixè re-  
gerunt.*

Pacem se provincijs petiisse, sed hoc consilio, ut impedimenta primum con-  
cordia auferrentur exteræque confluges tot annorum flagitijs & partis per scele-  
ra opibus se pascens in Hispaniâ aut longinqua amoveretur. Naturale quip-  
pe patriæ desiderium cunctis gentibus inesse & haud dubiè beneficij loco habi-  
turos veteranos, si facultas locupletibus redeundi in sua detur. Provincias  
certè illorum insolentia diu pertasas nihilque magis optare quam ut in lustra  
sua feroces bellæ remigrent. Idem Ordines Principesque Aurci Velleris Anno  
CLO. IO. LIX, à Gallico bello urfisse & ut limitaneis lecis, arcibus ac castel-  
lis non peregrini, sed indigene præficerentur. Esse quidem Hispanos Philippi  
subditos, ceterum ab hac gente moribus legibusque discretos, cuius exitio  
tot per annos egissent. Sic tot urbium excidijs illorum furones placatos, quo-  
rum recentia exempla & simul vulnera essent. Itaq; Belgas Frisiosq; tot enor-  
mia perpeffos sero in felicia majorum tempora respicere, quibus sinistri metus  
oraculi vocem olim extorsisset, SOCIATARUM BELGICAE  
HISPANIAEQUE GENTIUM ALIQUANDO  
POENITENTIAM FORE, HISPANIAEQUE FOE-  
MINAE CUM PRINCIPE BELGICI SAN-  
GUINIS CONNUBIUM INCOMMODANE-



CL. IO. POTIBUS PARITURUM. Non esse dubitandum de præ-  
 LXXV. sagij fide & promiscua hodie in Hispanos odia, fatidica voci certitudinem ad-  
 struere. Quare utrobis civitatibus præsidijque per vim ejci aut ut excedant  
 are corrumpti, quos detinere perverse mentis & alienanda à Rege genti esset.  
 Affectu imperia Principum stare, si per vim aut arma teneantur, metum  
 dare aut pati. Adhuc majora Belgici Frisicque populi quam Hispanorum in  
 Regem merita esse vel solum Gallia bellum ostendisse. Id namque provinciarum  
 viribus & inmodico are tractum, quo Hispanorum per Insubriam & Neapo-  
 litanum per regnum dominationibus, defectura alias potentia prospiceretur. Sic  
 Belgica Frisicaque gentis nobilissimos fortissimosque Gallico bello PHILIP-  
 PI expeditionem secutos stretoque patrio jure suis sedibus excitos victricia ar-  
 ma longinquis terris intulisse. Sic in Italiam cum CAROLO Cesare  
 irruisse, sic trajecisse in Africam, commeritos id temporis ut clarissimis per His-  
 paniam dignitatibus admoverentur. Ceterum moderatè fortunà usos, amula-  
 tione mox Hispanorum submotos, ne vestigia Belgica externaque dominationis  
 trans Pyreneos aut mare in ultimo Occidente figerentur. Hic vero regna-  
 re, vastare, perdere, proprium Hispanæ genti esse, cujus tantus quoque su-  
 ror sit ut non nisi externis atque auxiliariis armis reprimatur. Sic Gallos,  
 Anglos, Germanos, quod exterarum nationum Belgæ ac Frisij egerent, in pro-  
 vincias evocatos, verum cessante bello aut belli metu missionem habituros. Re-  
 gis vero istud consilium non esse. Quippe Frisios belli immunes, præsidij co-  
 piosque peregrinorum levamenta sædissimisque oppressionibus jamadum re-  
 media orasse & ut belli exsortes jure & aequo regerentur. Ceterum eosdem in-  
 anes querimonias, ut ferè potentia per arma stanti obtulisse ipsosque fœdera-  
 tos optumam sæpe turbis medicinam conventum Ordinum sollicitasse. Econ-  
 tra dilationes salubribus consilijs quari restringique propalam jus atque auto-  
 ritatem Ordinum, quorum cura ad pacis bellicque res seorsim vero ad stabilien-  
 dam provinciarum incolunitatem se extenderet. Ita flagrante Gallia & His-  
 pania bello, primà Philippici principatus ætate, consilia gerendis rebus Or-  
 dines interposuisse, quo tributa & stipendia bene cederent Ordinumque subsidia  
 in bellum collata destinatis usibus applicarentur. Adhuc rescripta Principis  
 sæpe immutata, nonnunquam abrogata, asserenda auctoritati Ordinum quorum  
 ope CAROLO PHILIPPOQUE regibus & eorum majoribus res  
 prosperè cessissent. Nunc vero, etiam durante pacis actione, jus Ordinum vio-  
 lari, non alio aula arcano quam ut provincias quas nunquam stipendiarias  
 habuisset, tributarias faciat Philippus regioque more, verso in servitia popu-  
 lo dominetur. Primis Belgicae motibus id ex FRANCISCI AVI-  
 LANI per Galliam Legati litteris deprehensum. Non aliud scilicet effica-  
 cius remedium subjuganda Belgica ac Frisorum ditionibus dari, quam ut post  
 præcisas procerum cervices & conculcatam Ordinum auctoritatem, attriti exa-  
 ctionibus provinciales per inopiam gerendo bello invalidi, ferenda vero servi-  
 tuti pares essent. His imperij præceptis usum Albanum, eadem superba do-  
 minationis subsidia successoribus legasse. Neque enim ferre PHILIPPI  
 Proreges posse, ut potentia sue quoddam frenum sit & ut Ordinum interces-  
 sione illorum ambitio, regis imperium legem accipiat. Inde rebellionis & no-  
 varum religionum etiamnum tacitè insimulari gloriosis armis implicatos, qui-  
 bus Philippo provincias asserant, reliquias Albani exercitus & simul furoris  
 suis sedibus reddant. Conjuges quoque ac liberi & quicquid sacrum aut fa-  
 miliare

miliare esset, adversum injurias externarum gentium defenderetur. Itaque c. 10. 11. non Ecclesia bonis violentos possessores intulisse, non occupasse aliena. Quin LXVI. omnia inspectore ac arbitro numine egisse, professos fidem conscientijs suis & sacris traditionibus congruam, qua divini cultus puris mentibus constaret, PHILIPPUSQUE rex equis obsequijs apud reverentem Principis sui populum haberetur. Quare duris pacis conditionibus auscultare non posse, evolventes anteacti temporis perfidiam & sacramentum Principis lubricis non semel pactationibus adulteratum. Manere adhuc sensus & punctiones priorum vulnerrum ac EGMONDANI HORNIQUE funera, tum sanguinem truncatæ nobilitatis & fideissimi populi oculis obversari horrendasque imagines reminiscuntibus antiqua offerre. Iterum exilia, iterum proscriptiones instare, si, quod PHILIPPUS velit, serviendum iterum conscientijs sit offuscandumque illud lumen, quod non nisi à cælo acceptum edoctæ sanctius mentes acceperint. Certe vel solâ cogitatione ac conceptu humano non comprehendendi tam horrenda consilia posse, quibus tot millium animæ eternam in servitutem eant innocentemque multitudinem bonis exutam in longinqua iterum exilia nova Philippi sevities ablegat. Nec enim pretia venalium rerum profugientibus fore adimique honesta vitæ solatia & simul subsidia, si agendum procul patriâ inter ignotos vultus ævum sit & ut plurimum infelicibus iniquos. Quin satius esse Hispanorum legiones suis terris reddere quam solitudinem cultissimis terris decrementum commercij dare. Quæ si transferantur, multum patrimonio & ærario regis, ut ante decessurum, cum in alias oras ultra flumina & ipsum mare ingresso provincias ALBANO tot familie grassanti sævitia se subduxere. Idem fore, si pacem hac lege fœderati ineam, quæ novas discordias ac turbas detrimento PHILIPPI allatura sit. Interim rogare, ut Legati regis responsum hoc, è secreto mentium proveniens, ex æquo interpretentur censeantque opumo in Regem & patriam affectu perscripsum, adhuc precari sanctum æternumque nupem ut PHILIPPO regi ac Legatis meliora consilia inspiret.

HÆC FŒDERATI.

Ita acerbis acerbisque rescriptis in negotio fœdandæ pacis certabatur.

Swartzenburgius infructuosè discessit.

Unde Swartzenburgius ne infructuosâ omnino legatione fungeretur, prolixâ oratione semestres armis inducias postulavit inritusque voti ad Cæsarem recessit. Creditum fuit, affinitate Aurantio Principi, cujus sororem matrimonio tenebat, junctum & religionis libertatem acrius urgentem Requesentio suspicionem injecisse, velut in partem fœderis, alienior à Philippi severitate ac rigore legatorum regionum propenderet. Quippe Requesentius unam religionem exilia fœderati populi volebat iniquisque pacis conditionibus bellum involvens, magnas fortunæ & gloriæ spes tum concipiebat.

Suspensum regijs ob asinuatam finitatem cum Aurantio.

Itaque ruptâ pace provinciales mœsti & spe dejecti visebantur exulesque qui trans Visurgim, Albim, Rhenum atque Amasum flumina secesserant, præreptam concordiæ spem & solatia exilij lugebant.

Fœderatorum exulum querelæ.

Nunc scilicet pejora actis tempora instare, postquam immitium fœderum leges pacem morarentur. Sic patriæ perpetuum bellum, sibi exilium parari & ut ingravescentes annos ac ultimam senectutem solâ morte claudant. Neque enim jam



cIo. Io. jam fata reditum in patriam polliceri dirulsis procerum conventibus & quia  
 LXXV. pacem non dedere acerbius bellum daturis. Ita instructas preces calo fufas,  
 nuncupata paci vota, quo post exactos exilij terminos patriam & relicta pig-  
 nora reviferent. Sed iftud beneficij vitæ ac fortunæ fuæ fata invidiffe, quæ  
 mutare humanæ potestatis non efferet. Eventus rerum & remedia malorum à  
 calo fperanda, venturis fortaffe temporum atatibus, quibus reditum in patriam  
 & familiares locos non pax aut induciæ, fed arma & bellum daturum fit.

Multi credidere ifti pacis actioni magis in fpecie quam fopendis dif-  
 cordijs legatos regios præfediſſe animiſque infidis etſi publicæ quie-  
 tis defideria ſimulantibus, meliora finibus initia oſtentafſe. Caterum  
 mihi rem accuratius expendenti viſum fuit, partium conſilijs fatales  
 tum adhuc moras obſtitiffe foedamque miniſtrorum regionum favitium  
 tot annis & tantâ cæde alitam diuturnius bellum, placandis cæſorum  
 manibus, velut piammentum exerciti furoris poſtulaſſe. Itaque direm-  
 pto conventu obſides dimiſſi animique in curas bellorum iterum retra-  
 cti nutrimenta ulteriori diſcordiæ quæſivere. Unde delectus utrin-  
 que per provincias habitū decretaque cohortibus ſupplementa, quo ex-  
 tenuatus diuturno bello exercitus aut ſpe pacis ſolutus, novæ multitu-  
 dinis & ſimul acceſſione reviviſcentium furorum firmaretur.

Requeſen-  
 tium in Fri-  
 ſiam dat li-  
 teras de to-  
 to hoc paci  
 negotio.

Caterum REQUESENTIUS quo ſe à ſuſpicionibus violatæ  
 pacis apud Friſios purgaret, litteras ad Præſules & Nobilitatem dedit,  
 quibus omnem geſtarum rerum ſeriem hoc modo exponebat.

POſtremo Ordinum Belgicæ, quem Bruxellis mēſe Iunio habui, conventu  
 de ſanciendâ regem inter & Hollandiæ Zelandiæque proceres Auran-  
 tiumque pace actum. Quam ipſe quoque propoſitam habui, ut majores  
 miſerias, atque bellorum incommoda ab his provincijs averterem & ut  
 Catholica religio ac regis autoritas conſervaretur. Ego vero pacem petenti-  
 bus regem hoc ipſo ſingulare clementiæ exemplum edidiſſe reſpondi, quod ob-  
 latâ omnium criminum veniâ pacem obtuliſſet. Implorari quoque ſalubria  
 adverſariorum conſilia, quo fructum initi conventus Bredani utraque pars ſen-  
 tiret. Caterum acres libelli ad Regem & me miſſi, acerbiter & licentiam  
 partium expoſuere. Et quamvis rex PHILIPPUS in condonandis  
 criminibus perſeveraret, ac ut omnium memoria telleret, ſalvâ tamen religio-  
 ne Catholica & regis ſui, cui obſequium deberent autoritate, ita congregari ſe-  
 ci Episcopos & provinciarum Præſectos Senatus Belgici primores quo de modo  
 faciundæ pacis deliberaretur. Locus conventui Bredæ indiſtus eſt, & quidem  
 mēſe Ielr. hujus anni vocatis iſthuc rebellium procuratoribus atque legatis,  
 quo de voluntate regis in cauſâ veniæ cognofcerent. Quam etſi amplecti de-  
 buiſſent, ac ad principem ſuum redire, à quo deſecerant, ita deprehendi ni-  
 hil bonâ fide ab illis actum geſturne eſſe. Præterquam enim quod debitam regi  
 ſuo venerationem ſeponerent, ita rex & ego volumus compendio ad pacem iri  
 omiſſisque leſioribus ſinem præſentibus calamitatibus facere. Illi vero dum hæc  
 aguntur dimitti ad Auran- tium Dordracum petiere habitique cum illo colloquijs  
 velut ferocioreſ & à pace alieni licentiam atque exercitia damnatæ religioni  
 ſuæ poſtulavere. Quæ etſi concedi non poſſe ſcirent, quod unâ religione contineri  
 in officio Belgicæ populum Rex velit, ita ab adverſarijs noſtris in Hollan-  
 diam reſeſſum, quo cum ſuis conſerrent. Itaq; in tertium Maj. diem rex ex-  
 tra-



tracta, quo die cum Regis Legati & juxta illorum etsi numero pauciores con-  
venissent, antequam de obsidibus dandis aliquid decretum foret submoveri ex-  
teras nationes à parte Regis Belgicæ voluerunt ac ut Ordinum Belgicæ conven-  
tum Rex indiceret. Quod cum contra omne jus & aequitatem proponeretur,  
cum etiam in Germanie imperio Principum populique jus valeat, imitandum  
necessumque sit ut una Religio, unus Rex, cui fidele obsequium debent, ha-  
beatur, ita multa differebantur quæ impediendo magis pacis negotio, quam  
maturando erant. Hoc vero pro PHILIPPO cavebatur. Vt si ve-  
niam daturus foret, sola Catholica religio coleretur, novæque affectatores cum  
liberis rebusque suis Belgicæ finibus excederent. Econtra adversarij volebant,  
ut aequitate Philippi spectatâ libertas conscientijs daretur, quam deserere neq;  
in animo haberent, neque patriâ suâ exulare, pro quâ mortem obire paratissi-  
mifuerunt. Itaque restabatur temeratas à PHILIPPO leges, asseri  
privilegia petebant, quæ sacrosancta & immutabilia committi eorum arbitrijs non  
posset, qui istius juris incapaces essent. Quamvis rex negaturus non foret bonum  
in Belgicâ suâ Ordinem restitui, ac conventum indicare Ordinum Belgicæ, modo  
fundamenta solidæ paci substrata sint. Quæ cum hoc ipso convellerentur, quod  
religionis suæ exercitia vellent, ita mandata mea excedere nolui, dato regi ad  
deliberandum tempore, dum, quid fieri vellet, ediceret. De armistitio quo-  
que tum proposui, quo miser populus à calamitate bellorum sublevaretur, & ut  
terrâ marique armorum vis cessaret. Quam cum mari cessare adversarij nol-  
lent, vellentque ut AURANTIUS arbitrium maris retineret, sex dies  
toti negotio decidendo petiere, eâ intentione, ut cum parari pax non posset  
tractu temporis illo brevissimo abrumperetur. Hoc enim agebant regem illo con-  
ventu malâ fide egisse, quâ ne deciperentur, malle se suis viribus uti & fictæ  
paci bellum antepone. Quæ quamvis ex invero dicta sint, ita obtestor De-  
um & generis humani conscientias regis integritatem & meam, inritumque  
colloquium, non culpâ regis aut meâ sed illorum contumacia infructuosa fuisse,  
qui enormia flagitare ausi heretici ac rebelles ministrorum & suorum pravis consilijs  
acquievere.

Hæc Antverpiæ 1 v. Non. Sept. scripta, ac ad Senatum Philippi *Iudicia de  
tardata pax  
cui auctori-  
ritas.*  
in Frisiam missâ, inritam conventus Bredani deliberationem aperuere.

Per scriptum commentarijs F. Nicolai reperio protractum in mediam  
æstatem illud colloquium fuisse, populumque Friscum, durante con-  
ventu paci inhiantem, inritâ actione profundissimo mœrori servijsse.  
Principem quoque Aurantium, missionem externi Hispanique militis ur-  
gentem pertinacius, secessioni procerum grande momentum attulisse.  
Alij in Requesentium potentiâ Regis sui subnixum ac gloriæ quam è  
bello sperabat avidum, omnem tardatæ concordie culpam rejecere.

Reidanus notat de libertate Religionis & Inducijs quinquennialibus  
deliberatum tandem isto conventu fuisse, quo, ijsdem durantibus, om-  
ne in causâ Religionis controversum arbitrio generalium Ordinum de-  
terminaretur. Foederatos quoq; & Aurantium Principem ijsdem postu-  
latis approbandis pronos fuisse Elbertumque Leoninum, relatione ad  
Philippi Senatum institutâ, diversitatem animorum in ipso consensu de-  
prehendisse. Quippe Arschorano, Barlamontio & Affonvilio pacem  
suadentibus, Requesentium Proregem, Rodam, & Rasingemum se  
opposuisse bellumque interverso pacis & concordie negotio, pessimo

clo. Io. consilio redintegrasse. Igitur Requesentius, quo ruptâ induciarum actio-  
 LXXV. ne, Foederatorum res arctaret, distributis per continentem & omnem  
 provinciam copijs, de maritimo ut jam antè bello cogitavit, gen-  
 temque commercio & ex hoc opibus viribusque validam instructissimâ  
 classe atterere. Quod consilium pro optumo clarissimi Scriptores me-  
 minere, improbato Ferdinandi Albani etiam tantæ famæ Ducis belli  
 gerendi modo, quod neglectâ domandi maris & fluminum curâ, om-  
 nem vim ac gloriam opprimendis mediterraneis vertisset.

*Anglia  
 Reginam  
 subsidia po-  
 scit.*

Unde Requesentius, quo sociam classem suâ adjungeret, Joannem  
 Boischotum fisci regij advocatum in Angliam amandavit, navaliumque  
 rerum subsidia reginam Elisabetham pro Philippo poposcit. Cæterum  
 prudens fœmina, & velut sexus sui ingenio, paci studens, amicitiam  
 Philippi ex damno aut injuriâ Belgicarum provinciarum non vclebat

*Repulsam  
 ibi patiur.*

populū que vicinum & fato suo infœlicem, promissis Philippo auxi-  
 lijs gravari. Itaque cavit; Ne quis præfidiarias bellicæ naves per  
 regnum & Angliæ portus instrueret & ne classiarius Anglorum miles  
 sacramentis externis se innecteret. Vetuit quoque; Ne rebellibus &  
 exulibus Anglis, per Philippi ditiones agentibus, Prorex Requesentius  
 debellandis mari fœderatis gauderet juratisque regni sui hostibus. spe-  
 cie Hispanici fœderis, littora & portus sui regni aperiret. Itaque ei-  
 dem Legato contendenti ut exules Belgas Frisiosque rebellionis in Re-  
 gem reos regni suibus exterminaret, modestè reposuit regijque Lega-  
 ti importunitatem singulari lenitate & prudentiâ repressit.

*Reginæ pro  
 exulibus in  
 Angliā re-  
 sponsur.*

Neque enim protegere se perduellem populū, ajebat, cæterum ex statu ad-  
 flicte patriæ extorrem in regnum admittere, cui latendi locum omni humano  
 & gentium jure deberet. Non violanda esse hospitij jura justiusque &  
 sanctius esse, ferre fato infœlicem quam sensum exuere alieni vulneris & jam  
 in oculos incurrentis. Belgas certè ac socias gentes diu temperamentum immo-  
 destæ dominationi orasse & ut finem intestinis armis ac simul miserijs clementia  
 PHILIPPI aut consentientium Ordinum pax imponeret. Idem MAXI-  
 MILIANUM Casarem missis in Hispaniam Legatis nullo eventū petiisse,  
 planè velut PHILIPPI animus ad æquiora obduratus plus licentiæ &  
 severitati Proregum, quam supplicationibus sui populi daret. Quem si patrijs  
 terris infelicitas temporum exigat, non esse iniquum alia syderum, alia sedium  
 profugo quari aut externa auxilia allevandis extremis sollicitari. Ita factum  
 esse, ut omni intercessione Principum apud Regem præclusâ, de societate Gal-  
 licâ cogitet, regno Angliæ & simul Philippi rebus magnum discrimen alla-  
 turâ. Monuisse se ejus rei REQUESENTIUM, nihil aliud rege-  
 rentem quam puniendum esse populū malâ religione imbutum. Interim exuli  
 Belgæ & jam antè per regnum suum recepto, facessere molestiam non posse di-  
 dicesseque experiundo PHILIPPUM, incertarum sedium populū, gen-  
 tium jure ac simul desperatione occupanda ad sua, & sæpè aliena impelli. Ab  
 eo scilicet fuisse, ut sub GULIELMO LUMÆO Comite Marciano  
 proscripta Nobilitas, à quadriennio excedere portibus regni sui jussâ, Bri-  
 lam occuparet, omnique gentium subsidio ac simul solatio excidens, sedem vir-  
 tuti suæ & simul secunda auspicia reparandæ libertati pararet. Neque alios  
 fructus hoc ipso tempore similium mandatorum fore, facturam interim, ut Le-  
 gatum PHILIPPUM ad Regem mittat ocyus edoceatque, se nec præscis



unquam societatibus, nec commodo aut paci duorum regnorum defuisse.

Ceterum Boifchoto Burgundicum ad fœdus provocante (etsi id innovare Philippus recuset) evenit, ut Elisabetha edictum interpone-  
ret caveretque, Ne præsidiana fœderatorum naves Angliæ portibus excederent & ne Belgicæ fœderatæque classi portus atque littora pa-  
terent. Cambdenus scribit Elisabetham, quod Anglorum proscriptos Belgicis Philippi ditionibus, intercedente Wilsono Regina Legato, Requesentius exterminasset, id Philippi quoque postulatū tum dedisse, quo gratiam sibi à Philippo præstitam, cujus inimicitiam declina-  
bat, suis quoque in Hispanum officiis pensaret. Adeo verum est, plus ex alienâ potentiâ metum, quam ex justiore causâ affectum apud reginam tum valuisse. Itaque Edicto ad classis suæ & maritimorum locorum Præfectos dato, præter Aurantium Principem, Culenburgi-  
um, Bergenfem & Marcanum Comites, præcipuos quosque ex fœde-  
ratâ nobilitate prohiberi regni sui ingressu jussit plusque Philippo Re-  
gi ex defunctæ sororis Mariæ matrimonio & muratis per Angliam rebus inimico, quam favori Belgici, in quod tacite inclinabat, Fœde-  
ris per infidos aulae mores concessit. Quæ consideranti mihi, multa observare tum licet, Principum procerumque ingenia, ut apud mor-  
tales affolet, in stabiliendâ deprimendâque Belgicæ & nostræ gen-  
tis libertate à fortunæ secundis aut adversis tum pendisse. Igitur quantum animi Requesentius reginæque res spiritus ac virum tra-  
hebant, tanto impensius regijs partibus favebatur nostrumque in arma  
studium, velut à Bredano conventu spe pacis frigeratum ac reginæ ma-  
gnitudini, tanquam oneri, recollecto Requesentij impetu succumbens,  
tacita odia & velut averfationes vicinorum Principum traxisse. Cæte-  
rum evanescente lubrica pacis appetitu, ubi animi fœderatis è pericu-  
lis redire, omne quod ex magnitudine regiâ in metum, aut ex pa-  
ce in otium cesserat contemni aut acui coeptum deprehensumque fuit  
generosam gentem, etiam tepefacto ante sanguine, difficillimis tem-  
poribus & illo Principum à nostro fœdere divortio, ad intermissa ar-  
morum & gloriæ desideria, cum incremento virtutis processisse.

Itaque onerariæ Anglorum naves Hispaniam versus cursum facien-  
tes, à fœderatorum classe directæ, honestâ apud indignantem regi-  
nam excusatione, atterendis Hispani & sociorum rebus id fieri, quod  
gentium jus omni temporum ætate permisisset. Reidanus addit, Au-  
rantium Principem offensum Elisabethæ animum, serijs litteris pupu-  
gisse monuisseque ne avaritiæ negotiantium patrocinando suorum vi-  
tam ac fortunas discrimini exponeret nexumque gentium ex verâ reli-  
gione natum, proferendo vili commercio dissolveret. Mox per Fri-  
siam quoque terrâ marique bellum ferbuit, adeo intutis æstuarijs ut  
vicinaria gentium commercia partium classibus præpedirentur. Quip-  
pe Doco Martna, vir militiæ impiger & juxta pacis artibus illustris,  
maris imperium adeptus, præsidarijs navibus omne fretum tenebat,  
quod majores minoresque Frisios tum insulares nationes latissimis undis  
interluebat. Igitur expugnata Amafo in flumine vectoriâ navi, quam  
in formam præsidariæ redegerat, Lambertum Calvum virum fortem  
& promptæ audaciæ Austrino sinui præfecit, quo Amstelodamen-  
si-

cl. Io.

LXXV.

Regina in  
gratiam, an-  
temum Hi-  
spani fœde-  
ratos suis  
littoribus  
interdixit.

Onerariæ  
Anglorum  
naves à  
Fœderatis  
directæ.

Fœderato-  
rum per  
mare tes-  
gestæ.



clo. Id. um cum Translavanis Embdanisque commercia & simul commeatum  
L X X V. regijs castris subverteret. Is vero omne obvium deprædatus tantum  
sui nominis terrorem per omnem oram sparsit, ut peiratas triremesque  
regias Frisicis æstuarijs submoveret divexandisque maritimis Geester-  
landis, Lemmarijs ac Cuneranis incumberet. Unde mapalia & villæ  
littori contiguæ vacuæ cultoribus, quos bonis exutos in alia terrarum  
fortuna turbidi temporis agebat. Amasi vero fluminis ostium Petrus  
Adrianus Bolsuerdicensis nomine foederatorum tenebat. Qui licentiam  
suorum ægre ferens reique alienæ præterquam hostilis abstiniens, cum  
liberis insolentiusque prædandi genus derectaret, à classiario milite  
confossus ac Amaso flumini immerfus est. Fratrem quoque, quem  
disciplinæ & fraternus amor eadem ad consilia traxerant, idem exitus  
abstulit. Cæterum Embdæ in sicarios statutum tristeque, licentiosi tem-  
poris flagitium justo supplicio expiatum. Ita depurgandi maris tutan-  
dorumque portuum cura in peiraticam sæpe vertebatur classiariusque  
miles, nullâ sacramenti religione aut reverentiâ imperantis, tribuno-  
rum cæde nefarias manus & simul imperia Præfectorum fœdabat.

*Senatus re-  
gij per Fri-  
siam Edi-  
ctum, de  
vendendis  
proscripto-  
rum bonis.*

Itaque fortunâ foederis sensim mari crescente, Senatus regius vel  
ut vires adversarum partium compressurus, infelicibus ultro exulum  
fatis graviorum casum adjecit statuitque Edicto, Ut bona proscripto-  
rum vanirent. Itaque tum exhauriendis civium nobiliumque familia-  
rum patrimonijs novum & per Frisiam inauditum illâ ætate malum ven-  
dendis sub hastâ exulum proscriptorumque bonis repertum est, dele-  
gato Baldevino Loo Thesaurario Regio, qui è præscripto feralium ta-  
bularum auctiones bonorum exerceret. Cui actui cum Basilicâ in re-  
giâ dies ad x v. Kal. Jun. dictus esset, exules Frisij hanc protestatio-  
nis formulam Leovardiam misere.

*Exulum  
contra ven-  
ditionem  
protestatio.*

**B**ona nostra FERDINANDUS ALBANUS jam  
ante fisco addixit, postquam nos patrijs sedibus ejectos nostra infelici-  
tas & simul sevities dominantium alio terrarum sparsit. Quæ con-  
fiscatio ut legibus nostris repugnat, ita PHILIPPI regis sacra-  
mento contraria est. Quippe è sanguinario & tristi judicium collegio, quod idem  
ALBANUS instituerat, jam ante decreta, ut per speciem judicij nostra  
innocentia dammaretur. Evocati contra jus patrium, contra ritus majorum  
ad suspectum tribunal, nec defensione usi fuimus, nec ut eam institueremus  
lex fore ferebat, intuto commeatu quem arma ac vis obseperant. Quare ad  
patrios ritus, ad judicem lege nobis datum provocavimus, ut si rei cujusdam  
crimini essemus, nostra leges nos dammarent, si inanis accusatio esset, nostra  
innocentia nos absolveret. Hoc vero fore AREMBERGIUS, qui  
provinciam Philippi regis nomine tum regebat, fidem fecit addiditque, nec  
reminsci PHILIPPUM anteaclarum rerum velle, nec in corpora aut  
fortunas provincialium desavire. Ita quippe Romani Imperij & CARO-  
LI Caesaris rescriptis decretum erat, quorum communione aut beneficio  
nos Germania gentem & Imperij sociam privare nostrum jus & immunitates  
non ferunt. Tamen ALBANI jussu in nostrum sanguinem, in nostra  
effusa sevitum, quæ damnationibus superbi ac cruenti Ducis nostra libertas  
exemerat. Nobis vero in exilium actis & peregrinum calum tolerantibus bona

ac res adimuntur, ne quid solatij aut subsidij nostræ inopiæ & miseriæ ex hæ-  
reditate majorum peregrinis in terris obveniret. Itapatimur coacti, quod nec  
divinæ nec humanæ leges probant & à quibus manifesta omnis aequi dis-  
sensio est. Quare jus hæstæ & institutæ auctiones, ut violentæ sunt, ita  
damnosæ nobis aut posteris nostris de jure esse nequeunt, nisi irruere in res ac  
fortunas licentia temporis sinat ac gentium moribus omnia cedant occupantibus.  
Nec enim Regis hæc imperio aut voluntate fiunt, qui Hispaniâ suâ clausus,  
nostræ miseriæ aut juris rationem, imo famam ignorat. **REQUESEN-**  
**TII** vero solius hoc mandatum est, dolosâ circumventionem & quidem in scio  
rege quæsitum, cujus absentia soli exulum durioribus imperijs reservamur. Re-  
liquarum provinciarum profugij nec ea patiuntur, nec ut ferant instituta  
pacis apud Bredanos actio id finit. Eâ quippe Rex indulget, ut si extent  
ad dominos suos bona redeant. Tantum abest ut malæ fidei emptor aut posses-  
sor quid juris acquirat, præsertim cum pretia venalium rerum exinde nasci-  
tura pravis usibus & subvertendæ patriæ cessura sint. Igitur nostro & here-  
dum nomine cavemus, ne quid damni istiusmodi auctiones nostris bonis ac for-  
tunis creent, quas quocunque etiam tempore repetere iustâ vindicatione in  
animum induximus. Nobis denatis posteri idem agent, si præcipiti mortalita-  
tis lege his terris substractos acerba fata in patriam non reducant. Quare nec  
retractum jura apud nos posterosve valebunt, lege ac exceptione acturos ma-  
lam fidem istis contractibus subfuisse. Monemus interim propinquos & conci-  
ves, ne assensum aut operam isti rei locent, cuius iniquitas manifestam san-  
dissimi numinis ultionem sensura sit. Prætorum consiliorum mali exitus erunt.

**HÆC EXULES.**

Tum novorum vectigalium lege, quam jam ante Roblesius Senatuf-  
que regius rogaverant, exsolvendis militum stipendijs invalidâ, Gas-  
parus Roblesius ad Kal. Jul. conventum Ordinum provinciæ indixit  
sustentandisque copijs firma & majora subsidia flagitavit. Incertos quip-  
pe Vectigalium redditus querebatur & haud dubiè fraudem novæ legi  
fieri, ad quam faciendam, non malus iniquusque animus, sed inopia  
ærarij regij & ultima illum necessitas compulissent. Ne scilicet miles  
æris egens per commissam sibi provinciam stipendia è rapto faceret se-  
ditiosumque & disciplinæ oblium quodlibet in facinus angustia rerum  
præcipitaret. Nunc vero Bredanæ pacis inrita spe & recrudescente  
bello majoribus certioribusque tributis opus esse neque aliud remedium  
quam ut stipendijs cohortium cæterisque necessarijs populi tributum ad-  
æquetur. Itaque Ordines, quos direptionis metus & militaris inso-  
lentiæ occupabat, in diversa consilia ivere, consentibus tandem plerif-  
que, abrogata Vectigalium lege haud dubiè in servitutem erupturâ,  
solis locupletum opibus bellum trahendum esse.

Unde census familiarum per provinciam iuris cautumque decreto ut  
in Kal. Majas proximas quovis lunari mense octo millia æris ducen-  
tique & quadraginta Carolæi alendis copijs penderentur. Mox se-  
ptem sestertiorum tributum singulis familijs impositum, cæterum hac  
condicione, ut ratio privatae egestatis aut opulentia haberetur, Sena-  
tusque Regius agendo censui ex æquitate præfesset. Quare ditium cœ-  
nobiorum antistites singulis mensibus florenos aureos duos, nobiles

Roblesius in-  
dixit Ordis-  
num con-  
ventu nova  
subsidia po-  
nit.

Bellum di-  
tiorum fa-  
miliarum  
opibus tra-  
hendum de-  
cernitur.



CLIO. IO. vero caterique, quibus aut ampla patrimonio aut modica opes erant, LXXV. unum pendere iussi supplenda illorum inopia quos conferendi in publicum aris incapaces fortuna fecisset. Quasturæ quoque manus Heroni Burmanæ viro nobili demandatum erogandæque singulis septiduis pecuniæ potestas facta. Scriptor Staurius notat in bimestre tantum id subsidij cohortibus regijs peritum fuisse aut dum missionem exercitus primo tempore Philippus Rex decrevisset. Diploma quoque regium, quo Gasparo Roblesio Præfecturæ dignitatem Philippus confirmabat, idem in Basilicâ regiâ recitarum tradit eundemque Roblesium tandem vicario regis per Frisiam imperio præfuisse, donec anno CLIO. IO. LXXVII. à Legionarijs suis custodiæ apud Groninganos datus Bruxellas abduceretur. His obiter Buranas, & Veteraquinatum clades nostri Scriptores adiecere.

*Crudele iudicium in innocentes factum.*

Annotatum invenio circa hæc tempora quosdam è majoribus Frisij haud lato in utrumque littus trajectu in minorem Frisiam delatos suspectosque maleficij vinculis datos, mox prodicionis & incendij damnatos, innocentem animam & sceleris puram execrandæ immanorum iudicum severitati libasse. Quare in ipsâ morte voces infontium auditas eosdemque laceris ac semiustis corporibus exeuntes spiritus, haud dubiâ æterni spe, Deo liberatori propitiasse. In ijs Petrus Joannis

*Federati prædam agunt ex Geesterlandiâ. A regijs militibus circumveniuntur.*

*Sed ferro viam sibi faciunt cœsis regijs.*

*Roblesius Texaliâ pulsus Flevolandiam occupat.*

Coudumanus, Rombertus Simonius, Nicolaus Roelesius Doccomiensis, & Isbrandus Joannis Echtenius fuere. Mox Geesterlandiâ, de consilio Sonnoi minoris Frisîæ Præfecti à centum & quinquaginta fœderatis pervagata, quos Enchusæ præsidium agentes & in actuaria navigia impositos ascendere Geesterlandicum littus præceperat. Qui in interiora, mox Balckium Geesterlandiæ vicum pergentes, dum prædæ quam opulentia loci dabat intenti agunt, à præsidio regio quod Lemariâ exierat, circumventi sunt. Quare ut prædæ & simul vitæ confulerent, ferro aperiendam viam rati cum regijs congressi sunt, quos numero superiores & in terrâ sua pugnantes præcipitem in fugam egere. Duodecim Valones illo conflictu cæsi. Plurimi fœdis vulneribus quæ tergo fugientes exceperant faucij occultis locorum se clauserunt. Regnerus Idzius, cum præturæ Geesterlandicæ actuario in minores Frisios abductus.

*Victorum ibi sœvitia.*

Quamobrem Roblesius celocium classem repente instructam æstuarijs innuissit provectusque Texaliâ, quam Gualtherus Hegemannus cum copijs & imperio tenebat, in altum regredi coactus est. Iam enim munitiones validas insulæ præduxerat extimamque oram dispositis excubijs tutabatur. Ideo Roblesius Flevolandiam versus cursum rexit expositoque in terram milite qua larissimum Flevis ostium spectat insulæ potitus est. Quippe in arenosa ac edita pavidi incolæ se receperant, quæ magno mari objacentia ut securitatem genti adversum maris æstus & tempestates ita suffugium tum periculis dabant. Nonnullos tardius fugientes, quos aut domesticarum rerum cura aut ætas morabatur ferum hausit. Tum faces villis ac tugurijs subditæ, horribilique incendio 450. domus conflagraverunt. Præda classi imposita, non inhibentibus fœderatorum præsidiarijs navibus, quæ stationem vicino in alveo præterlabentis Flevis tuendis insularibus tenebant. Post Roblesius, retro-

actâ



actâ ad Wiringiam classe, cui insulæ idem discrimen parabatur, nullo ibidem rerum successu in Frisios se recepit sensimque intumescens æstuariis & sæviante hyberno sydere classem in portus subduxit. Ita velut reciproco fortunæ æstu res fluebant subvertendisque per Frisiam foederatis nova consilia fabricabantur.

Quare per exules, qui Embdæ in Transamasanis subsistebant, Aurantium ad Principem legatio decreta delectusque obeundæ legationi, Carolus Roorda, vir eximius, qui de arcanis dolosive Roblesij artibus & simul patriæ statu Principem doceret. Is vero Rotterodami ad Mosæ flumen tum agebat variisque fortunæ casibus principem animum substernens pacis bellicque consilia moderabatur. Quo loci postquam legatus Roorda vergente Septembri advenit, salutato pro more AURANTIO, fiduciarias litteras exhibuit. Iis perscriptum erat;

Exulum  
Fœderato-  
rum ad Au-  
rantium  
Legatio.

Novam stabilendi per Frisiam imperij rationem ROBLESIIUM iniisse. Sic Vætigalium lege primum rogatâ, octo in quemque mensem caroleorum millia militaribus stipendiis assignata, non alio consilio quam ut tabescens per Frisiam bellum velut enerve, certo ordine & firmâ arary lege traheretur. Adhæc exulum bona fisco applicari & habendis bonorum auctionibus dies dictos, ut perscriptam diu tabulis sævitiam aucti furoris documenta ostenderent. Nec in exules tantum maritos, ceterum in conjuges profugorum deserviri, quas aut ingravescens ætas aut imbecillitas sexus, aut patientia durioris imperij huc usque exilio exemisset. Scilicet earum quoque bonis inhiare Præfectum, nihil aliud agentem, quam ut exactionem exactione cumulet attenuatisque populi opibus pro arbitrio imperet. Sic aut ordinarijs tributis nova adjici aut peti aliunde. Quippe samâ ferri Requesentium, suo an provinciarum Belgicarum ære consilia Roblesij fulcire tantamque rerum molem alienis nervis duci. Ita Roblesium modo classem adornare, modo reficere minoribusque Frisiis continuos per exploratores incumbere, ut eorum ope eandem in provinciam irruat, regie dominationi fato suo & laudatis armis subductam. Quamobrem necessum esse agitantem se per consilia Roblesium suâ in provinciâ bello petere, quo transmarine expeditiones per intestina & domestica arma cessent. Nec arduum id consilium aut grave molientibus fore, si loca que aut mare aut flumina præcingunt, fœderati occupent, auxilijs Sonnoï è minori Frisiâ adjuti. Possint enim Sonnoio, dum navatæ operæ sumptus recipiat, maioris Frisicæ Præfecturam deferri ac tamdiu unus imperio utrumque populum regi, quamdiu in tuto res provincialium fortuna locaverit. Compositâ ordinatâque provinciâ majoribus Frisijs ararium & necessaria bello non desore. Loca vero situ munita & facilia occupata esse, sed quorum rationem in secreto Aurantij legatus redditurus esset. Sic Roblesij exactionibus, sic malis consilijs occurrere & minoribus Frisijs pacem ac commercia reddi posse. Quippe confluxuram haud dubiè multitudinem consilia bello aut arma ferentem, quorum terrâ marique ex loci commoditate magnus usus esse queat. Cetera Legati prudentiæ & fidei committere, daturi operam ut secretorum suorum conscium AURANTIUM aut participem SONNOIUM faciat.

Hæc IV. Non. Aug. signata.

Traditum actis est prolixis sermonibus usum legatum non parva istius consilii desideria Aurantio Principi instillasse.

Auran-

CL. CI. AURANTIUS vero, etsi sublevandis Frisiorum rebus solertem  
LXXV. animum præferret, ita sparsa distributaque per omnem provinciam  
Aurantij  
ad Exules  
Fœderatos  
rescriptum. arma querebatur.

Itaque & sex peditum cohortes in auxilia è minoribus Frisijs accitas, quos  
præstandis ulterioribus auxiliis imbecilles metus hostium & ingruentis brumæ  
periculum faceret. Quod ad subsidia aris attineret, magna impendia in-  
struendis classibus & præfidiarijs navibus eosdem Frisios conferre, quarum tres  
solvenda Zirizæcrum obsidioni & subvertendo obsessis commeatui suo ære adornarent.  
Quamobrem hoc ipso tempore nec militem nec pecuniam concedere socijs posset.  
Se interim mandare SONNOIO ut cum legato caterisve ad quos hæc per-  
tineant, consilia communicet agatque quod è rep. sit.

Hoc in acta relatum ac Rotterodami manu Aurantij rescriptum.

Tum ut cnræ sibi esse res Trans-Rhenanas ac Frisiorum testaretur Au-  
rantius, Bartholdum Entenium Menthedanum virum nobilem & manu  
strenuum, gerendis in Frisiâ fœderatorum rebus cogendisque ocyus  
copijs præfecit. Hoc modo Legatus à Principe dimissus, ac in mi-  
nores Frisios regressus Sonnoio Præfecto legationis suæ secretum &  
mentem Principis exposuit. Cæterum Sonnoius, alio ab Aurantij res-  
ponso, debiles copias & expositam incurfionibus provinciam suam  
præservidis Legati studijs regerebat. Sic Hyergium nuper, sic Ro-  
blesium præfecturæ suæ fines ingressos. Itaque perpetua arma aut con-  
tinuos metus sibi incumbere, tanto graviore futuros, si fossæ, lacus,  
æstuaria glacie sternantur, quam ingruens bruma & in proximo occa-  
surum Vergiliarum sydus promittant. Interim opportuno tempore auxi-  
lia missurum daturumque operam ut rescripto Aurantij & secretis con-  
silijs innixæ societati satisfiat.

Mox decretum in comitio quod prid. Kal. Iul. indictum erat, ut è  
familiarum censu PHILIPPI per Frisiâ præsidia alerentur sin-  
gulisq; octo & viginti diebus octena aureorum millia & ducenti con-  
tinuatione tributi corrogarentur. Hac tamen conditione ut modus  
colligendi aris, prout cuique commodum foret, præscriberetur, &  
ut indictiones à Kal. Sept. proximis cessarent. Ita Edzardus Douma,  
Haringus Oenema, Annas Tarquinius & Auco Edonius pro Ooster-  
gois ac Sylvestribus signavere. Eadem fere à Westergois decreta, sub  
hac tamen cautione, ut licentiam militarem vis atque autoritas Præfecti  
centurionumq; coerceret dampnumq; ulterius numeratis militi stipendijs  
averteretur. Quæ etsi oppidanis probarentur, tamen volebant, ut ipsi  
ex indictionum tributo, stipendia & servitia, ut vocant, præfidijs ci-  
vitatum præstita reciperent eoq; facto tollendis indictionibus delegaren-  
tur. Quæ partium consensu interveniente regis nomine Emskerckius,  
pro Ordinibus Hector Dekama, Hero Ockingha, Suffridus Æsgema,  
Scelto Liauckama, Douw Roorda, Ruardus Vibius signavere. Non  
aliâ solemnitate quam si æternæ conventionis speciem ista pactio præ-  
beret videreturque rex Philippus pacem atque securitatem genti, gens  
Frisica regio militi stipendia amovendis à provinciâ hostibus spon-  
disse. Itaq; tria aureorum millia Roblesio dono data, quod cum ani-  
mi quadam moderatione & regij imperij temperamento provinciam re-  
xisset.



xisset. Quare petebant Frisij ut bene gesti muneris & laudati regimi-  
nis vestigijs insisteret, mediamque regundi viam ingressus regi & simul  
populo egregia in posterum officia continuaret. Hæc ab Edzardo Dou-  
ma, Haringio Oenema, Erasmo Douma, Ruardo Roorda, Meinio Ly-  
clefio Nyholt padio & Hesselio Hania. iv. Non. Iul. signata. Tum Ed-  
zardo Douma provinciæ nomine Bruxellas misso in mandatis datum.

*Edzardi  
Douma  
Bruxellas  
misso postu-  
lata.*

I. Ut Præsidi Senatuiq; regio fiscales actiones ab anno L X V I. natas  
judicandi potestatem impetraret.

I I. Ut plenior veniæ interpretationem peteret, ac ut ante publi-  
cationem edicti parentibus exilium passis aut morte sublati, eorum  
liberi ac hæredes eodem beneficio fruerentur.

I I I. Ut Senatoris regij Edzardi Sickingha qui custodiâ attinebatur,  
liberationem sollicitaret ac ut vir de rege ac provinciâ optime meritis  
invisi carceris incommodo solveretur. Quare Requesentius litteris iv.  
Non. Sept. Antverpiâ datis Joanni Carolo fisci regij advocato man-  
davit, ut libellum ab Edzardo Douma secretiori Senatui oblatum exa-  
minaret fiscaliumque actionum indicem Bruxellas remitteret. Hoc vero  
obtinuisse Legatum reperio, ut civiles in fiscalia bona actiones judicio  
Curia subessent, eaq; de relationem in comitio Ordinum Frisiae  
institutam nobilitati, Episcopo, Præsidi Clarecampio, tum Præsidi  
Senatuique regio placuisse. Requesentium quoque captandis Frisiorum  
favoribus tum intentum magnam aris ex hac provinciâ summam colle-  
gisse, quo inritâ pace armorum vi Philippi fortunam exploraret.

*Requesen-  
tij ad ipsius  
petitiones  
acta.*

Sic acriore bello, quod totis viribus à Bredano conventu Reque-  
sentius gerebat, angustæ Aurantio res erant sociæque & trans Rhenum  
sitæ gentes etsi cupidine foederis ardescerent, necessarijs auxilijs  
frustrabantur.

*Aurantius  
& Ordines  
militaria  
subsidijs per  
Europam  
pescunt.*

Quamobrem Aurantius, spectatâ belli incumbentis mole, ad alia  
consiliorum conversus, de sollicitandis per Europam principum socie-  
tatibus consultavit animumque tot curis infractum & in ardua aspera-  
que sævientis fortunæ adsurgentem, sollicitudine quærendæ foris potentia  
exercuit. Quod consilium, etsi ultima rerum necessitas commendaret,  
quæ hac tempestate, velut deliquio syderum, imperium Regi ac libera-  
tem populi librabat, ita perrogatis procerum suffragijs decretum. Ut  
externæ societates, salvo Regis & provinciarum jure, habendis tantum  
in bello subsidijs peterentur. Itaque nec regij nominis memoriam abo-  
leri, nec inverti sacramenta provincialium volebant, aut ut exteri Prin-  
cipes prætextu protegendæ libertatis exercitum, aut copias in fines in-  
ducerent. Sic constitutis rebus in Germaniam, Gallias, aut Augliam  
omnium spes convertebantur. Erant qui antiquæ originis, & nuperæ  
societatis memoriâ, quâ Carolus Cæsar utramque nationem colligasset,  
Germaniæ fiderent adeundumque legatione Cæsarem & Imperij Prin-  
cipes non invalidis rationibus contenderent.

*Delibera-  
tum variè  
quinam po-  
tissimum in  
armorum  
societatem  
pertraben-  
di.*

Quippe recordabantur arma in Imperio pro Religione & libertate  
haud pridem acriter mota, ne Hispaniæ dominationem & servitutem  
conscientijs acciperet. Manere adhuc sensum istius vulneris & fore  
haud dubiè generosa Imperij pectora, quæ novos furores ex antiquâ  
ambitione nasci & quidem apud eas gentes indignantur, quas veterum

*De Germaniâ.*



CL. IO. coloniarum & foederum jura tum affinitates & clientelæ Germaniæ com-  
 LX XV. mendent. Suspectam semper etiam Caroli Cæsaris inauguratione,  
 Romano Imperio Hispaniæ potentiam fuisse, & metuere Germaniam  
 posse ne post Belgicam serviat. Cæteri differebant varietatem religio-  
 num, æmulationes Principum, tum præcipuè Cæsaris & Hispani af-  
 finitatem novis societatibus obfuturam. Adhæc non agi cum Germa-  
 niâ præterquam Comitij Imperij posse, quibus habendis finiendisque  
 ne certum quidem tempus decerni queat.

*De Galliâ* Gallicam vero societatem inquietudo regni & funestæ dissensiones  
 dissuadebant. Erant quoque qui crederent Henricum III. Caroli IX.  
 fratris (quem in medio flore ætatis mors abstulerat) successorem, no-  
 væ & vacillanti potentiæ diffusum, alienum bellum suum non facturum  
 infirmasque regni vires, etiam suâ discordiâ fatiscentis, Hispanico &  
 simul civili bello non implicaturum. Alij addebant, vetera Gallorum  
 in Burgundiones odia pactionibus foederum nocitura, nec committen-  
 das Gallicæ fidei provincias, quas cum Insubiâ aut Neapolitano regno  
 permutare fluxa aulæ fides queat. Neque enim ponendam esse in lu-  
 brico provinciarum incolumitatem, nec quærenda auxilia imbecillibus  
 suspecta & exitu dubia. Cæterum secretis foederatorum in Galliam le-  
 gationibus diffidentia mintuebatur & quod Charlotta Borbonia regij Fran-  
 cicique sanguinis foemina in Aurantij Principis domum pactione matri-  
 monij transisset.

*De Angliâ* Itaque dubijs procerum animis sola Anglia se ingerebat, quam à  
 Mariæ sororis morte, ut ante memoravi, Elisabetta Henrici VI. filia  
 moderabatur. Quæ Princeps foemina multis molestijs & diuturnâ  
 captivitate ad regnum evecta, magnam spem foederatæ societati pro-  
 fessione reformati cultus faciebat. Neque deerant qui Belgico san-  
 guine ac in Philippâ Bavarâ Eduardi III. conjuge Hollandicæ domus  
 propagine ortam, daturam aliquid pervetustæ propinquitati crederent  
 rerumque peritiâ legem sui sexus egressam, nec alienæ facundiæ aut pruden-  
 tiæ egentem libertati affictarum vicinarumque gentium patrocinatorum.  
 Esse ei magna societati Belgicæ commoda, amplos portus & stationes er-  
 rantibus, tum validas promovendis provinciarum commercijs classes,  
 quarum ope circumfluo mari imperitet. Itaque foederatos, procuratâ  
 Anglicâ societate, commeatus, commercia, militem habituros, foc-  
 cundo populi regno & per lene imperitantis foeminæ ingenium longâ  
 pace opulento. Sed Legatio in exitum anni protracta arctiusque  
 foedus foederatos inter & Aurantium Principem tum ictum, ut con-  
 cordiæ robur, ita ordinem bello, leges reip. dedit.

Gulielmus Cambdenus in Annalibus Elisabethe scribit, Aurantio Prin-  
 cipi Gallicam tum maxumè societatem placuisse eumque pacti secretio-  
 ris, cum Carolo IX. & Gasparo Colinio Galliæ Admiralio nuper initi  
 observantem, Elisabethe societatem velut in arduo positam, tacite &  
 quasi ex indignatione per negata auxilia respuisse. Itaque Legatum  
 ab Elisabetâ ad Aurantium, quo Gallicum foedus dissuaderet, missum  
 illoque rejecto, alium in Hispaniam ad Philippum amandasse. Eum  
 dissuasisse.

Interesse utriusque Hispaniæ & simul Angliæ regni, ne foederati Bel-  
 gæ

gæ Gallicam ad societatem aspirent & ne illius interventu à nexu regis sui mota gens separetur. Ineundam potius Philippo pacem esse, quam videre subditos suos alienis dominis fidem & simul firmamenta potentiae pacificentes. Itaque Philippum regem serium sancienda Pacis consilium legato approbasse Robertumque Corbettum ad Requesentium Proregem misisse, qui salubre pacis cum foederatis & Aurantio negotium expediret. Cæterum à Joanne Villerio Ecclesiaste homine Gallo ac Anglicæ societati infenso, persuasum Principem etiam rationem reginæ consilij neglexisse animumque à cupidine Gallici foederis difficulter revocasse. Quo arcanis de causis & ut mihi videtur, fovendis Galliæ Angliæque æmulationibus prolato, delegati in Angliam, qui Elisabethæ reginæ tanquam Principi Hollandici sanguinis, jus aut protectionem foederatarum provinciarum deferrent statique lubrico & per bellum exhausto patrociniū ac subsidia orarent. Cæterum multa prudenti & supra sexum reginæ expendebantur quamque arduum & difficile futurum esset regnum, ultro casui & mutationibus obnoxium, externis turbis implicare. Esse Philippum utut aulæ artibus simul et induciæ obvelent, oculè & clam inimicum Angliæque regno ex suo in Romanam Sedem servitio infensum. Adhæc Gallum æmulum & haud dubiè ex prolatis & veluti spretis Alençonij amoribus iniquum & quod matrimonium unà cum regno Gallici regijque sanguinis Principi muliebri facilitate non approbaverit. Esse etiam qui credant Protestantium in Galliâ bellum Anglicis nervis ac consilij foveri nuperque Mongomerium sublevandis Rupellanis classe instructum, suo an Protestantium sacramento egisse. Suspiciosa esse mortalium & præsertim regum ingenia, quibus nulla res minus ad custodiam regni necessaria videatur, quam externa societas diversis moribus imbuta. Quod ad Baviaræ Principum ac majorum jus attineret, id obscurum & longè repetendum esse nec confundendas Principum successiones & clientelas, ne quid talium in incerto sit & ne indistinctis dominationibus confusio gentium fiat. Dubitari posse, an transferri rerum dominia sine consensu superiorum queant & interesse haud dubiè Cæsaris jus feudi non convelli. Præterea hæsitare se electione an successione principatus per provincias stet & num Philippi majoribus populum Belgicum mutahæreditas an suffragatio & consensus Ordinum obliget. Denique bellum ærario grave, suspectum socijs futurum. Itaque gratijs ex splendida honestissimæque legatione actis respondit Elisabetha: Facturam se bonæ Principis officium, cui curæ esse debeat ne fides extra gloriam sit & ne conscientiam rectè factorum unicam in illo & quidem lubrico rerum fastigio suarum actionum moderatricem, inclinante in partes ingenio inquinet. Quare provinciarum regimen & cum eo onus imperio connexum, suscipere è re suâ non esse, daturam interim operam, ut opportunâ apud Philippum intercessione pacem procuraret provincijs & juxta vicinis regnis salutarem.

Thuanus existimat Elisabetham per legatum Fredericum Perenotum Cardinalis Granvellani fratrem, à Requesentio in Angliam missum ac in aulâ subsistentem, territam aliquid illius præsentiae tum dedisse, quod legationi foederatæ iniquior amplissimas & ex usu regni post expetitæ

Id. Ið.  
L x v.  
Philippus  
consilium.

Legati in  
Angliam  
missi.

Elisabetha  
responsura.



clo. Is. petitas conditiones coactâ simulatione renuisset. Addit Thuanus mo-  
 LXXV. nitum tamen ab Elisabetha Perenottum, ut ad reddendam provincijs  
 maturè pacem Regem & Requesentium hortaretur, ne aut desperatio-  
 ne sui instar morientium ferarum lacescita gens efferetur & ne ipsa  
 securitati suæ prona regni sui viribus ruentem Belgicam fulciat. Se  
 quidem scripto olim Angliam inter ac Burgundiam foederi violando  
 occasionem non daturam, modo Philippus caveat ut Burgundiæ prin-  
 cipatum majorum imperio adaptet & ne externarum gentium majore  
 in provincias confluxu pax & quies vicini populi tollatur. Sunt qui  
 credant auxiliorum spem ab Elisabethâ foederatorum Legatis clam fa-  
 ctam fuisse fundamentumque Anglicæ & post initæ societati illâ lega-  
 tione substratum. Unde Henrico Galliæ Regi & Reginæ præcipue  
 matri æmulatio nata, commendato postmodum per legatum Principi  
 Aurantio filio Alençonio, quo ambitiosum illius animum & velut re-  
 gno ac fratri gravem à civilium bellorum quæ tum per Galliam fla-  
 grabant consilio ad externa & minus domesticis nocitura amoverent.  
 Thuanus notat reginam matrem à Claudio Mondulceto, Henrici Ren-  
 gis tallum ut crederetur conscij per Belgicam Legato, jam antè ten-  
 tatam inclinantemque & ineundæ cum foederatis conventioni pronam,  
 speciosa auxilia obtulisse.

Edictorum  
 publicatio.

Reperio in libris Edictorum sauxisse Philippum regem, ut annus à  
 Kal. Jan. initium sumeret signandisque tabulis publicis, non mobili-  
 um festorum, cæterum mensium dierumque ratio per Frisiam haberetur.  
 Mandasse quoque ut idem Edictum, velut certitudinem temporum po-  
 sterum daturum, regijs typis ederetur rerumque judicatarum codicil-  
 lorum obligationumque actis utilissimæ legis sanctio atque memoria in-  
 fereretur.

Conventus  
 Ordinum  
 Leovardiæ.

Mox Roblesius quo civitatum oppidorumque quæ præfidijs Philip-  
 pi stipendia assignaverant, solutionibus prospiceret, Delegatos Ordinum  
 convocari facit expositaq; à se pecunias præstari imperavit. Quæ res  
 cum in potestate illorum non foret tributum aut subsidium agrarijs si-  
 ne solenni comitiorum decreto præscribere, Roblesius Ordinum con-  
 ventum ad VIII. Novemb. Leovardiæ haberi jussit vocatisque in Ba-  
 silicam Ordinibus Achlenium Præsidem perorare hunc in modum voluit.

**S**tipendia militi regio, quem Roblesius per civitates atq; oppida distri-  
 buit, à Magistratibus urbicis pensitata nostris, sed hac cautione ut eos in-  
 demnes præstaremus ipsique pecunias bonâ fide cohortibus collocatas ex a-  
 rario reciperent. Et quia Præfecto, quod debetur, persolutum non est,  
 paratus est hac aris inopia triremem Harlingæ in anchoris stantem in solu-  
 tum accipere, postquam res vestræ impulsæ difficillime juvantur. Ut hoc facia-  
 tis secedere in secretum vestrum & deliberare sinam.

Quo facto Ordinum mandatarij in ædem Jacobæorum regressi expen-  
 sisque quæ oportebat Roblesio triremem permisere. Cujus facti cum  
 hominem suo ingenio an ex conditione temporum fidei dubium poeni-  
 teret, mandante Eemskerckio Graphiario pecuniam sibi dari petijt Or-  
 dineque dum decrevissent, manere in loco comitij jussit. Oppidano-  
 rum quoque Legatos quo agrarijs pecuniam extorqueret, in conventu  
 agrario-



agrariorum verba ut facerent mandavit , præstandæque solutioni cum *Cl. Id.* dies diceretur præsentem determinavit. Cui fini tribunorum ærarij *LXXV.* excutiendum æs mandavit ac ut illi redditis accepti expensiq; rationibus, residuum æris in provinciæ usus & redimendis obligationibus erogarent. Quare & Valerio Cammingha, Heroni Burmania, Livio Beiemo, Ruaro Roorda, Edzardo & Erasmo Douma, Gysberto Aernsma, tanquam rationum publicarum magistris dignitas continuata, quo rationes obscuræ, sicuti in administratione pecuniæ publicæ sæpe fieri assolet, illorum autoritate in apertum producerentur. Cæterum agrarij multa Regi & provinciæ subsidia collocata regerebant debereque oppidanos in communi provincialium sorte sua quoque onera redimendis impendijs sustinere. Quippe eos decem tantum aureorum millia liberandis apud Regem nominibus ex centum & viginti octo millibus contulisse obligatis econtra ad graviora agrarijs qui provinciam semper præ cæteris juvissent. Itaque agrarij dilationem petebant, revocatoque solutionis decreto dubij & rerum ancipites contumaciam induerunt ipsique Roblesio etfi succensenti solutionis loco triremem assignavere. Ita sursum ac deorsum res per Frisiam fluebant, donec, ut omnia malorum, secreta odia & æmulationes sequentia temporum aperirent.

Anna Oldenburgica, quæ Ennoni diu superstes vixerat, Edzardi *Anna Oldenburgica mors.* mater, fato tum functa. Constat exules Frisios ut eâ in humanis agente multum solatij, ita terris ereptâ plurimum mœroris hausisse sumptisque lugubribus comitatos funus desideria defunctæ interno luctu, *ANNO* *Cl. Id.* & supremis officijs velasse. Mox, x. Kal. Febr. Austro flante gravis tempestas cœlo missa edita quæque & cœli ventorumque inclementijs exposita convulsit. Itaque arborum terris erutæ radices molæque terendo per Frisiam frumento structæ, passim Leovardiæ & apud Dongrios violentiâ Austri disjectæ. Scribit in Notis suis M. Heymannus D. Viti fanum, quod longior ætas ut omnia mortalium jam attriverat, magna sui parte tum corruisse. Solum mare terminis suis etiam atrocissimâ procellâ coercitum mansit, sive quod silente Lunâ minore æstu intumesceret, sive quod fluminum ostia in Corum quo maxime infestantur aut Cæciam se protendentia, Austri flatu plana littorum repulso in interiora Oceano denudent. Annotatum invenio cujusdam Senatoris mortē secretis studijs de successore certatum hoc tempore fuisse Carolumque Nicolaiū Everardi Cæsarei per Frisiam nuper Præfidis filium, commendatione Antonij Lopesij Lavalij & per eum Roblesij Præfecti usum apud Ludovicum Requesentium & Hyeronimum Rodam de obtinendo munere egisse. Eundem quoque Carolum censentibus dignitatem illam Nobili Frisio deberi, vehementer obstitisse avoque & patre Præfide gloriatum, suæ nobilitatis & ex claritudine litterarum evectæ ad summum honoris fastigium familiæ, non obscuram opinionem prætulisse. Igitur Carolus Nicolans procurante vel maxime Hyeronimo Roda viro immodicæ autoritatis (quem, ignobili apud Hispanos familiâ ortum, gravem Belgicæ administrandis rebus Philippus rex Bruxellas amandaverat) in Senatum cooptatus, validiore exteriorum potentiâ, æmulæ Nobilitatis invidiem evicit obitæque diu etiam sub Carolo Cæsare majoribus dignitates illustri in se-

*Anna Oldenburgica mors.*

*ANNO Cl. Id. LXXVI. Tempestas arrox.*

*Senatoria dignitas ambitur.*

ED. IO. ipso familiae asseruit. Quo tempore Senatus per Frisiam Regius san-  
 c. x. x. vi. xit, ut erogati per privatos in militem æris rationes supputarentur tabu-  
*Rationes*  
*inita.* læque ad Georgium Westendorpium Senatorem Regium maturandis so-  
 lutionibus perferrentur. Creditum fuit, leniendis continuarum exa-  
 ctionum molestijs, vano ostentui & in speciem id factum, quo lento  
 & facili tributo privatas opes, publica dominantium avarities aut ege-  
 stas emungeret.

*Requesentij*  
*edictum in*  
*Fœderatos.* Mox Requesentius omni freto ac sinu maris defectione nautici popu-  
 li fœderatis classibus pervio edixit: Ne Frisij extra provinciam sine re-  
 scripto Præfecti aut Senatus, stipendia mari apud fœderatos facerent.  
 Cavit quoque ut foris (etiam in ditionibus regijs) æs merentes, quo-  
 cunque modo capti aut vinculis dati, primum fustigatione & confiscatio-  
 ne bonorum, post custodiæ redditu in triennium ad triremes damna-  
 rentur. Ceteros vero non captos aut vinculis elapsos, velut exleges  
 perpetuum exilium maneret. Ceterum eludente severa Edicta tempo-  
 rum fato, quæ firmandis militum sacramentis & corrigendæ militari  
 insolentia reperta credebantur, incremento sæpe malorum cessere de-  
 prehensumque fuit plus ex inopia æris licentiam quam ex reverentiâ re-  
*Requesentij*  
*agritudo* gis præscriptos mores valuisse. Quâ ex re agritudinem animi & mox  
 infirmitatem virium traxisse Requesentius creditus fuit, aucto insuper  
 ex indignatione malo, quod convocato Ordinum restituendis collapsis  
 rebus Bruxellis Concilio, pro gratiâ contumax odium & reparandæ  
 libertatis acerrimas sollicitudines ex petitis tributis repperisset. Quip-  
 pe Ordines, ut Anno c. l. d. l. x. x. i. v. inter cætera regij imperia le-  
 vamenta, etiam hoc volebant, ut tributa certis legitimisque usibus de-  
 stinarentur restitutoque patrio jure & belli disciplinâ, seditiosæ legio-  
 nes ex præscripto veteris disciplinæ corrigerentur. Quorum omnium  
 ut nihil in potestate Requesentij erat robustiore malo quam ut medi-  
 cinam admitteret, ita aspirantem ad magna animum erosit, quod le-  
 niorem regnandi ab Albano modum professus, ne ostendendo quidem  
 optima ducendis Ordinum ingenijs par haberetur. Itaque ulciscendæ  
 contumaciæ Ordinum & ut rebatur, injuriæ avidus præcipuo liberta-  
 tis defensori id reposuit, ut veneno fustulisse crederetur ceterisq; quos  
 convocaverat Ordinum, ex metu silentium & simul exemplum crudi  
 servitij imponeret. Quare impulso arario missis in Hispaniam litteris,

*Requesen-*  
*tium litteras*  
*in Hispani-*  
*am misit.* naves, arma, commeatum poposcit, quo fœderatos externa patrocipi-  
 a & suffugia ubivis terrarum angustis rebus quærentes, ac quod me-  
 tuebat adeptos, conferta belli mole obrueret. Judicabat quippe spir-  
 amenta temporum partibus profutura & opprimendam potentiam len-  
 to gradu & per intervalla crescentem. Adhæc bellum in continen-  
 te prosperè non geri præterquam subacto mari posse. Sic præpediendos  
 transcursum hostium, sic intercipienda auxilia esse. Neque alio fine  
 Zirizæam urbem circumvenisse, quam ut eâ hybernis, velut in invi-  
 diam naturæ clausâ, vicino & mox Germanico mari dominaretur.

Hæc ad PHILIPPUM.

*Requesen-*  
*tium de occu-*  
*pandâ Emb-*  
*dâ cogitat.* Itaque magnorum vötorum plenam mentem ferens occupandæ Emb-  
 dæ consilium cepit, factâ Gasparo Roblesio Frisiz majoris Præfecto  
 potestate, qui dolo aut vi commissum negotium exequeretur. Repu-  
 tabat



tabat quippe multum interesse, urbem in finibus Imperij sitam, com-  
modo portu & latissimis ostijs Amasum flumen in mare laxantem Phi-  
lippo alleri, à quâ victoriâ maris imperium inchoaturus sit. Ibi suf-  
fugium clasibus, ibi stationem fore. Quare Roblesius magnus doli  
artifex præfidiarios arcis ære aut donis clam aggressus est corruptosq;  
ut creditum fuit, aut suis in Philippum Regem studijs plectos in par-  
tem consilij traxit. Cæterum à Joanne fratre Edzardi, tum à popu-  
lo Embdano foederis Belgici amante detectum, malis Roblesij artibus  
ludicros rerum exitus rependit. Ita lacertos per omnia inferioris Ger-  
maniae spatia moventem Requesentium fatale magnis consilij impedi-  
mentum cita mors occupavit. Quippe Bruxellis acuto & pestilenti mor-  
bo correptus, inritâ medicantium curâ non designato successore ex-  
spiravit.

*Requesen-  
tium mori-  
tur.*

Scribunt autores eunti in Belgicam Requesentio id potestatis à Phi-  
lippo datum, cæterum præcipitis mali importunitate, compedito vo-  
cis officio & alienatâ mente Philippi mandatum & ultimæ voluntatis  
arcanum non explevisse. Unde regias provincias domesticus mœror  
publicusque simul luctus frequentavit, cum essent qui crederent Re-  
quesentium longioribus vitæ spatijs servatum compresso fœdere & de-  
bellatis partibus præconceptam Philippo imperij imaginem daturum fu-  
isse. Quod omnino absimile à vero illis temporibus non fuit, cum in  
annales relatum sit, post dimissos ex Angliâ Legatos nrdam auxilio-  
rum pollicitationem ferentes, fœderatis gereundo ferè bello invalidis,  
Principem Aurantium & prudentiores de committendâ clasibus gente  
transferendisque more majorum alium in orbem colonijs cogitasse.  
Dein uxoris liberisque in classem impositis submergendæ patriæ  
consilium cæpisse, quo perforatis aggeribus diductisque ac laxatis a-  
quarum catarractis lustrum furoris ulteriorique sævitiae materies imma-  
nissimis hostibus adimeretur. Quorum potentiam fatalibus decretis &  
coelestium rerum lege compressam fuisse mihi haud dubium est, Re-  
quesentiumque, quo fessæ res interregno respirarent, non destinato  
moderatore & arbitro repentinâ morte sublatum. Itaq; rex Philippus,  
auditâ ex litteris Concilij status, Requesentij morte percussus, publi-  
câ fatorum inclementiam privato vulnere non dissimulabat. Unde  
per Philippi aulam, obturbato rege, mœstum silentium notabatur,  
quod in omnem Hispaniam cum famâ Requesentij mortis proserpens  
acerbitatem funeris indicavit. Quippe innuebant Ducem Philippo regi  
fidum, nec gerendis rebus imperitum in ipso potentiae fastigio  
ac cursu rerum extingui, præconceptamque opprimendarum partium  
spem tanti capitis jacturâ & interitu confundi. Quare Philippus, ne  
in confusionem Belgicæ res ultro turbidæ irent, omne quod Re-  
quesentius usurpaverat imperium in Concilium status Belgici rejecit,  
litterasque hujusmodi in provincias expedivit.

*Major ob  
mortem  
Requesen-  
tij.*

*Consilium  
Aurantiæ.*

*Philippus  
regimen  
Belgij Con-  
cilio status  
deceperit.*

**E** Reptum fato REQUESENTIUM provinciarum Belgicæ ac Bur-  
gundiæ Præsidentem accepi. Neque parum indolui eâ temporum ætate ex-  
tinctum, quâ civilibus armis finem & terris meis pacem fore omnia &  
mea consilia promittebant. Et quoniam fides procerum Concilij status  
mei integra & incorrupta semper fuit, ita non dubito, quin quæ divino nomi-  
ni



cIo. Io. ni, *Romanæ religioni*, meo & provinciarum bono posthac inservient, ultro  
 LXXVI. *facturi sint.* Quare Principatus mei per provincias vim, quam resolvi non  
 volo, illis demando, dum regiae stirpis Principem ad vos misero, qui meo  
 nomine regundis provincijs præsfit. Itaque jubeo ut omne obsequium Concilio  
 status, velut mihi, præstetis, satiatisque quæ stabilienda Romana religioni,  
 quieti & paci publica expedire censebitis. Quod si feceritis bene mecum actum  
 erit, apud quem magna fidei vestrae & obsequij ratio est.

Sic turbidum impurumque Belgicæ corpus, quod tot Proregum mo-  
 deramini à Philippi regis è Belgicâ excessu paruerat, pluribus recto-  
 ribus commissum. Unde lentius mox languidiusque bellum, cum es-  
 sent qui exitium furorum pertæsi, validâ ac stante peregrini mili-  
 tis ac dominantis licentiâ, ultimum exitum infoelici patriæ præformi-  
 darent. Neque alio Elisabethæ Anglorum reginæ consilia spectabant,  
 quam, ut salutarî providentiæ lege mortē Requesentij unius dominatu  
 finito, plurium lenitate molliora tempora pacem aut armistitium largi-  
 rentur. Igitur gratulari clam insperatæ felicitati, quæ occasione  
 & fortè materiem sopiendo bello dedisset. Eadem ratione Requesen-  
 tij exitum foederati interpretabantur, illius casu benignum sydus Bel-  
 gicis terris illuxisse. Quippe amoto capite & principe rerum regius  
 miles in seditionem provolutus parca stipendia spontaneis flagitijs & ul-  
 tro nascituræ insolentiæ obtendebat. Unde odia Ordinum in Hispa-  
 num militem nata, cujus primo, velut funesti ominis, in provincias  
 ingressu ruptam civilem concordiam & specie præsidij destinatum bel-  
 lum recordabantur. Sic magnam rerum conversionem, ut solstitia sy-  
 derum, Requesentij exitus trahebat.

*Bartoldus* Mox Bartoldus Entenius Menthedanus, potestate jam ante ab Auran-  
*Entenius co* tio Principe acceptâ, habendis Albim intra & Visurgim delectibus in-  
*pias contra-* cubuit militemque foederatorum & sacramento autoratum classi impo-  
*hit in Scel-* suit. Locum vero habendæ recensitioni Scellingiam insulam designavit,  
*lingiâ.* quæ ab casu Flevis fluminis ostio, ab ortu sinu Amelandico clausa,  
 meridiem ac septentrionem versus Germanico mari aut latissimis æstua-  
 rijs alluebatur. Quarum rerum famâ in Frisios qui Scellingiæ insulæ

*Roblesius* obiecti sunt perlata, Gasparus Roblesius inter otia & securitatem agens,  
*classe ar-* actuarias naves una cum triremibus instrui fecit, completasque classia-  
*mat.* rio & juxta suæ legionis milite mari immittas versus Scellingiam duxit.  
 Cæterum comperto validam Entenio manum, tum in proximo auxi-  
 lia cœpto destitit classemque triremium Harlinganum in portum subdu-  
*In portum* xit. Jam enim Sonnoius minori Frisiæ Præfectus & Gualterus Hege-  
*subducie.* mannus, (qui trium insularum Texaliæ, Wiringiæ & Flevolandia potie-  
 batur) Entenio auxilia destinaverant omnemque illam oram, Ger-  
 manico mari objacentem mutua ope tuebantur.

*Entenius* Itaque factum est, ut Entenius nullo obturbante copias per insulam  
*mari do-* lustraret collectamque Bremæ & minores per Frisios viginti octo na-  
*minat.* vium classem Frisicis æstuarijs immitteret. Sic florente foederatis ve-  
 lis mari magna majorem per Frisiam trepidatio fuit, auctis sensim po-  
 puli Præfectique pavoribus, quod adpulisse classis haud procul Oost-  
 mahornâ Dongrico in littore non fictis rumoribus diceretur. Ibi En-  
 tenius loci non ignarus, quem ad confluentes Eæ, tum Collumanos

Lavica-

Lavicanosque sinus gerendis rebus opportunum delegerat, militem ex-  
posuit modicumque editæ continentis spatium tumultuario opere cir-  
cumduxit. Unde Roblesius sparsas per præsidia cohortes raptim colle-  
git plebemque agrariam habendis cohortium supplementis veterano mi-  
liti immiscuit. Mox festino itinere Doccomium dein Oostmahornam  
duxit longæque velitatione ab ortu Solis in medium diei factâ, locum  
naturâ & ex arte ab Entenio munitum inrito conatu & suorum clade  
oppugnavit. Quinquaginta aut sexaginta è Roblesianis illo conflictu  
cecidisse annotatum invenio multosque faucios percurandis vulneribus  
Doccomium abductos.

Quare Roblesius suorum cæde & repulsâ exardescens equitum pedi-  
tumque dein rusticæ plebis auxilia, quæ ad mille & C. C. collegerat,  
in castra evocavit retentatæque machinis munitione, post insultu repe-  
tito, majore cladis & fugæ infamiâ rejectus est. Igitur alio consilio  
rem orsus Entenium objecto novo opere clausit firmatisq; castris com-  
meatum intercept. Entenius vero, etsi discrimen expenderet, ita so-  
lutionem obsidij aliunde sperabat, Didericumque Sonnoium aut auxi-  
lia missurum aut ex conducto copijs adjutum in provinciæ fines qua  
minores Frisios spectant retrahendo ab obsidione Roblesio irrupturum.  
Jam enim Roblesius per omnem littoralem tractum præsidia militum  
extenuaverat Slotanæque ac Lemmeranæ munitiones solis civium excu-  
bijs asservabantur. Cæterum Sonnoium alijs rebus Aurantium tum de-  
stinabat. Itaque Entenius datis ad socios litteris de comœatu ac sti-  
pendijs monuit, quo sacramenti pretium miles acciperet corporumq;  
robur, præ inediâ aut parciori victu languescens, necessariâ & utili  
alimoniâ obeundis munijs refocillaretur. De se vero fidem faciebat  
Entenius non facturum hostibus loci copiam, quamdiu spiritus & vita  
supereffet, quin malle fortem animam honestâ & imitandâ posteris  
morte ponere, quam excedere munitione si æs militum & annona sup-  
petant. Cæterum inania Entenij ad socios adhortamenta & consilia  
fuere. Itaque desertâ cum suis (quos mille & ducentos fuisse Stauri-  
us scriptor Heymannus septingentos notat) munitione, suæ & com-  
militonum incolumitati prospicere coactus est, quos in diversa per de-  
fectum æris & annonæ sparsos annales tradidere. Adeo præconcepta  
magnarum rerum consilia sperati sæpe exitus destituunt.

Mox Roblesius dissipatis partibus & fugato Entenio, ad pacis otia  
& studia conversus marino aggere, quo Westergoos adversum injurias  
Oceanî clauserat, finem imposuit suæque industriæ æternum famæ mo-  
numentum decerni passus est. Quippe suo consilio legem isti elemen-  
to impostam intra se gloriabatur quod naturâ sui & lapsante in depres-  
sa humido sive lunari aut diurno æstu concitatum, per tot sæculorum  
ætates damna & clades Friscis terris invexerat. Sic populum plurimum  
discordem & sua ad commoda tardum asperis jussibus flexisse, ut viri-  
tim ad erigendam validissimi aggeris molem tanquam restinguendum  
ad incendium concurreret. Defossa tantis terrarum spatijs prædia &  
colonorum ac vectigalium dispendia ac querimonias placasse, monstra-  
tâ rei necessitate & ultimæ continentis ac naturæ velut finem tam ne-  
cessario opere muniendum. Hoc solo perpetuæ gentis securitati &

LXXVI.  
Roblesius  
cium Ente-  
nio decer-  
tat.

Entenij  
obsideretur à  
Roblesio.

Aggeri  
marino mo-  
numentum  
statutum.

clo. Io. suæ famæ consultum, quâ Caroli Philippique Præfectorum gloriam veteris & sempiternis laudibus superasset. Victurâ haud dubiè, quamdiu natura rerum aut mari limes sit. Quamobrem aggerè marino ad finem perducto, è Senatu regio Adrianus Vastartius & Ioannes Carolus Harlingam profecti, monumentum in ipso littore erexere, quod effigie TERMINI maritimis mediterraneisque Westergois limitem daret, omnemque in posterum reficiendi curandique aggeris, litem amoveret.

Scribit M. Heymannus duodena ex coctili latere millia fundamenti subtrata columnamque supra aggeris marini superficiem in viginti pedum altitudinem exfurgere:

## Effigies MONUMENTI.





## INSCRIPTIO TERMINI

LXXVI.

## HÆCERAT.

## Versus Occasum.

CASPARI A ROBLES EQUITI, DOMINO  
DE BILLI, &c. FRISIAE, GRONINGAE E-  
JUSQUE TERRITORI AC ADJACENTIVM  
GUBERNATORI, QUOD HANC PROVIN-  
CIAM, PRAETER ARMA, CONSILIIS ET  
MUNIMENTIS JUVERIT, AC INTER CAE-  
TERA, AGGERE IPSIS KAL. NOV. M.D.LXX.  
FUNDITUS EVERSO, AMPLISS. D. VIGLII  
ZVICHEMI, PATRIS PATRIAE, AUXILIA-  
RIBUS OPERIS ET ADHIBITIS IGRAMO  
AB ACHELEN PR. ADRIANO VASTAERT,  
PETRO FRITTEMA ET IOANNE CAROLO  
SENATORIBUS, CONCILIORUM SOCIIS,  
NOVUM MARIS PROPUGNACULUM, SUM-  
MO LABORE, VIGILIA, ET CELEBRITATE,  
DECRETIS QUOQUE, ET DE SUO PERSO-  
LUTIS DILIGENTIAE PRAEMIIS, TRIBUS  
PLUS MINUS MENSIBUS A FUNDAMENTIS  
EREXERIT ET AD SUMMAM MANUM PER-  
DUXERIT ATQUE HUNC LAPIDEM SUBLA-  
TIS CONTROVERSIARUM LITIBUS TERMI-  
NUM ESSE VOLUIT, GRATIS PROVINCIA-  
LIUM ORDO OB REM PRUDENTER BENE  
ET FIDELITER GESTAM, DE SE AC DE  
REP. OPTUME MERITO.

## Versus Meridiem.

ANNO M. D. LXXV. DIVISUS EST  
AGGER IN DUAS PARTES, QUARUM  
AUSTRALIOR MARITIMIS CES-  
SIT, DEPUT. THOMA HIDDIO, SIX-  
TO NICOLAO, PRAE. HECTORE DE-  
KAMA, HERONE OCKINGHA, UL-  
PIO HIDDAMA, VITO CAMMIN-  
GHA, DOTHIA BONGA, GERRAR-  
DO ABBAE ET LOLLIO OCKINGHA.

## Versus Ortum.

ANNO M. D. LXXVI. XIX. IUL. M. A-  
DRIANUS VASTARTIUS, ET D. IO-  
ANNES CAROLUS FISCII PROCUR.  
PRIM. COL. LAP. POSUERE, PRAES.  
IOANNE GULIELMIO ACTUARIO.

## Versus Septentrionem.

ANNO M. D. LXXIV. AGGER FIERI  
COEPIT PRAEF. AGG. RUARDO ROOR-  
DA ET MEDITERR. DEPUT. FRED.  
OFFENHUS ET SIRIACO SIRIACI,  
DELECT. VERO AD BOREAL. ACGE-  
RIS PART. ERIG. TITO A CAMMIN-  
GHA VICEPRAEF. HESSELO AB HA-  
NIA, EDONE GERBRANDA ET HAN-  
SONE ROORDA.

Reperio in actis publicis aggerum à Bildâ Maccumanas ad catarractas  
longitudinem 6325. pert. & 6. ped. curiosè supputantibus annotatam  
maritimisque Westergois 4744. pert. & 1½. ped. & in ijs Lidlumanis  
coenobitis, mediterraneis 1581. pert. & 4½. ped. obvenisse. His quo-  
que sustinendo aggeri 24895. maritimis 8163. florenos aureos col-  
ligi ideoque fieri ut maritimis florenus aureus 6. ped. 10. dig. medi-  
terraneis 9. dig. præstet.

Supplicatio  
Westergo-  
orum.

Quo sumptuoso aggerum opere, ut Westergoorum præcipuè res la-  
cerabantur, ita omnem provinciam continuæ exactiones exhauferant.  
Quare amovendis importunis in posterum tributorum flagitationibus  
Philippum ad Regem supplicatio decreta, quâ Ordines Frisiae servitu-  
tis suæ & insolentiae peregrinorum pertæsi lenius ex sacramento Phi-  
lippi imperium & Concilium status orabant. Neque inania legationi au-  
guria & vanæ spes captabantur, amoto pridem terris Requesentio &  
plurium regimine etiam Philippi rescripto, per provincias instituto.  
Unde ocyus è Frisicâ Nobilitate Valerius Cammingha, qui ab eâ le-  
gatione non diu superstes fuit & Hero Ockingha cum fiduciarijs litteris  
mandatisque Bruxellas missi, quibus querimoniae oppressi juris & vio-  
latarum conventionum continebantur.

Valerius  
Cammin-  
gha &  
Hero Oc-  
kingha Le-  
gati.

Non eâ quippe conditione cum Hispaniæ Principe de pactis, ut tabulae pa-  
tium subverterentur modumque ac limitem transgressa potestas patientiâ po-  
puli ad licentiam dominantium abuteretur. Assignatum Cæsari CAROLO  
patrimonium, adjecta ordinarijs largitionibus honoraria, ne præceps & ultro  
per-

perdendis rebus se ingerens confusio, negatis rerum subsidijs consilia Principis cels. 15. perverteret. Vbi vero modum res excessere etiam obtestationibus usos, suo tamen in Principem affectu novâ liberalitate accisum & tenue ærarium subiuvissè. Sic ante annum semestri spatio triginta tria caroleorum millia corrogasse, non eâ mente, ut nova tributorum genera è facilitate gentis nascerentur, sed ut expleta semel dominantium cupiditas satiaretur. Post singulis lunaribus mensibus octo millia æris importunè poscentibus concessa menstruasque pensiones, non integro anno, in centum & quindecim caroleorum millia excurrisse. Adhæc commeatum, currus, navigia, plebi populoque passim per agros extorta, quo in ultimam egestatem aut onera provinciales detruderentur paucorumque potentia & opes cum multorum paupertate aut servitio increscerent. Ferendis gravioribus tandem incapaces factos. Quippe angusto limite clausam provinciam & non semel inundationes suarum terrarum perpeffam, incolarum fugam aut promptissimam egestatem minari. His miseris partium arma & civiles discordias accedere. Quippe regi rebelles in provinciam irruere depredari obvia. Nec queri his omnibus remedia, sed fomenta. Adeo certè ut conferendis in regium militem stipendijs privatæ opes non respondeant. Itaque rogare, ut regis patrimonium, isti rei CAROLO Cesari decretum, applicari stipendijs militum curent gravatæque nexibus ære alieno liberent. Posse scilicet creditoribus regijs alia pignorum dari. His addebant ROBLESIIUM ipsum actione crediti de septem millibus & sexcentis carolæis conveniendum, exhausto ærario & attritis privatorum fortunis, quas miles aut prædo sustulisset. Quare decreto Concilij status dimittendum militem aut cohibendas tribunorum imperijs grassationes esse, ne quid damni posthac per provinciam faciant abstineantque alienis.

HÆC LEGATI.

Quæ à Consilio status pronis animis accepta, hoc rescriptum nomine PHILIPPI impetravere.

Responsum  
Concilij statim.

Nihil carius sanctiusque sibi fore, quam pacem Frisicis terris sopito bello reddere. Ceterum quoniam motus adhuc & arma vigerent, dimitti exercitum non posse. Sopiendis vero turbis regem PHILIPPUM IOANNEM AUSTRIACUM fratrem suum destinare, facturum haud dubiè quæ è re provinciarum viderentur. Daturum quoque operam ut patrimonium regis à populo Frisio olim Cesari concessum, à nexu creditorum liberetur censuque Principis & vestigialium agrorum redditus veris usibus serviant. Qui etsi solis Frisij & eorum commodis applicati non sint, tamen haud dubiè majora ordinarijs rerum preventibus impendia PHILIPPUM Regem sustinuisse. Quem inter & populum Frisicum, si quid litis controversive subortum esset, quod aut jus patrum, aut privatorum damna spectaret, id pro occasione compositurum daturumque, litteras ad Præfectum & Tribunos cohortium, coercendæ insolentiæ & ne publica gentis quies obturbetur.

HÆC CONCILIUM STATUS.

Igitur à Concilio Status litteræ ocys in Frisiam ad Senatum regium datæ, quibus Senatus regius, Philippi Regis nomine, patrum populi jus & immunitates, fartas tectas curare asperimo rescripto iubebatur. Unde & à Senatu regio Edicta in omnem provinciæ oram



CL. I. O. missa, popularium legum & juris antiqui fidelem observantiam agrariis  
LXXVI. Prætoribus inculcabant, ac ut Frisij scripto majorum aut Saxonico  
jure, quod Carolus Philippusque confirmassent, ita petentibus Lega-  
tis regerentur. Caterum Requesentio Gubernatore vitâ functo, vel-  
ut soluto disciplinæ censore, regius miles per provincias lasciviens om-  
ne in flagitium effundebatur spretisque Præfectorum Tribunaliumque  
imperij ac simul precibus residua stipendiorum, mercedem exercitæ  
virtutis poscebat. Sed ærarium tenue, divisa procerum consilia, tum  
expilatæ attritæque populi opes subitaneis sedandarum legionum reme-  
dijs destituebantur. Itaque sectiones passim opulentissimarum floren-  
tissimarumque urbium institutæ foedæque populi strages tum matrona-  
rum ac virginum stupra habebantur.

Haud dissimulante Concilio status, non servitijs ministerijsque regijs,  
cæterum vastandis perdendisque rebus Hispanicas legiones & earum  
licentiam ali. Igitur Edicto Concilij status, quod jure atque autori-  
tate Principis tum valebat, regis & provinciarum hostes judicatæ man-  
datumque Præfectis cæterarum legionum, ut mobiles animos & in pe-  
jora more mortalium pronos militari disciplinâ coercerent abstineantque  
societate Hispanicarum seditiosarumque legionum avertendis provin-  
ciarum incommodis de communi consilio corrigendâ. Quare augendis  
populi procerumque in Hispanos odijs adhibita fomenta, obnitentibus  
econtra Hispanicarum legionum Præfectis fidem suæ gentis apud Phi-  
lippum regem contrarijs persuasionibus tueri. Unde æmulatio proce-  
rum, etiam in ipso Concilio ac Senatu discordiam, vim discordia traxit.  
Quippe Concilio status militari manu obsepto & custodiæ dato pro a-  
nimorum captu, ut solet rebus turbidis, varie & acerbè adversum ex-  
ternæ dominationis intolerabilem licentiam differebatur & quod Hye-  
ronimum Rodam obscuræ originis & gentis Hispanæ in Concilium sta-  
tus adscitum, ad usurpandam regiam auctoritatem & vim principatus  
præceps & cruda ambitio compulisset. Sic emuniendis hinc inde par-  
tibus quæsitâ concilia miseras provincias diversis factionibus lacerare.

Itaque missus in Hispaniam Legatus, qui Edicti rationem excusaret  
ostenderetque Hispanicas legiones seditionibus involutas paci & quie-  
ti publicæ obstore. Datæ quoque Maximilianum ad Cæsarem à Con-  
cilio status litteræ, quibus de miserijs decennialium bellorum & nefa-  
riâ Hispanorum per Belgicam dominatione querebantur.

*Litteræ à  
Concilio sta-  
tus ad Cæ-  
sarem datæ.*

Polluta sacra ac profana ab ALBANI in provincias ingressu, & cum  
patientia populi (etiam ad aspera & immodesta per reverentiam PHILIP-  
PI regis conniventis,) furorem istius gentis increvisse. Vastatos agros, flo-  
rentissimas urbium occupatas ac direptas, necatam aut oppressam nobilitatem,  
provinciales non unâ strage deletos, tum violatas stupris matronas virginesque  
obtestabantur. Nihil intactum Hispanicis furoribus fuisse. Itaque naturæ san-  
ctissimâ lege & gentium usu fultos adversum eam conflugem arma induisse, ul-  
timum exitium & peiora adhuc scelera provincijs minitantem. Nec privata  
adhuc potestate usos, caterum, durante post mortem REQUESEN-  
TII interregno, regundis provincijs à PHILIPPO rege suspectos,  
hostium loco habendos publico decreto censuisse. Neque aliâ de causâ quosdam  
dignitate & Concilio Status morasse, quam quod fomenta Hispanice insolentie

con-

contulissent vimque decreti de reprimendis Hispanis præseveridis studiis impu-  
gnassent. Sic remoras pacis & omnium fœderum fuisse. Inde suspecta H Y-  
LXXVI.  
ERONIMI RODAE & aliorum consilia usurpatamque superbè po-  
tentiam aversatos. Spectasse sigillum regium privatâ RODAE autoritate  
ari incisum & mandatis suffixum. Adhuc sollicitas ab eo in exitum provin-  
ciarum Germaniæ legiones & in societatem consiliorum pertractas, quo eum am-  
bitiosa dominandi cupido armis innixa ad fastigium summæ potentie aut ima-  
ginem regni eveberet. Adultis viribus ac magnitudine rerum sedius adhuc re-  
gnaturum fuisse. Itaque stitisse adolescentis imperij cursum & ex officio & ju-  
risjurandi religione cavisse; Ne quid detrimenti. Sic delectus à Concilio Sta-  
tus per provincias decretos, sic implorata provinciarum auxilia, ut inculpatæ  
tutelæ locus esset & ut exacto diuturni Hispanicique furoris circuitu, certior  
ad sanciendam pacem etiam inter media arma regressus esset. Igitur magnum  
æternumque numen, tum Cæsarem Principesque obtestari, non à Romanâ Ca-  
tholicâ religione, non à PHILIPPO rege desciscere, ceterum arma  
sumpsisse frenandis Hispanorum furoribus valida. De regis vero ingenio in cle-  
mentiam propenso se non dubitare, ceterum assentatorum aula præfectorumque  
per Belgicam falsis persuasionibus seduci, regie mentis integritatem non vanis  
indicijs ostenderet. Neque enim aliorum tot litteras affectum pacis præfere-  
ntes ad Concilium Status missas, quam in IOANNE AVSTRIACO  
optumæ spei Principe fratre suo se daturum polliceretur. Illius quoque adven-  
tum in provincias illorum consilijs trahi, qui secretis aula præfecti, & PHIL-  
IPPO familiares suo commodo an malitiâ ingenij pacem traherent, tantis  
studijs etiam optumo Cæsarem & Romano Imperio desideratam. PHILIP-  
PI vero Regis presentia jam diu ad eam perveniri potuisse, neque tam immo-  
deste agente in provincijs arbitro rerum grassaturos Hispanos, quorum commi-  
nationibus peiora obnuntiarentur. Igitur desperatione rerum manum clavo ad-  
movisse, ne præcipiti ruinâ Belgicæ & simul Germaniæ res traherentur. Illam  
quippe ex hoc etiam bello incommodum sentire, imminutis portorijs telonijsque  
ac omni commercio inter utrasque nationes impedito. Majora damna, nisi  
Hispanicæ gentis furores sistantur utrisque imminere. Neque enim ante quie-  
turos Hispanos, quam post subactam oppressamque Belgicam Germaniæ etiam  
Imperium suis regnis adjecerint. Itaque Cæsarem patrociniū rogare ac ut  
sub penâ banni Romani Imperij, Germanicarum legionum Præfectis mandet,  
ne seditiosis Hispanorum legionibus se socient, ceterum ea agant, quæ sacra-  
menti militaris religio & in provincias regemque fides exacturæ sint. Caveret  
quoque, ne adversum provinciarum Ordines arma ferant, fœderum jure, Ger-  
maniæ sociatos & singulari affectu in Cæsarem propensos.

#### HÆC CONCILIUM STATUS.

Cæterum morbo & post morte Maximiliani Cæsaris, quæ mox sub-  
secuta, omne imperatorie ad pacem intercessionis subsidium interrup-  
tum est. Creditum fuit Maximilianum Cæsarem sive Mariæ conjugis,  
è quâ multam prolem sustulerat, sive reverentiâ Philippi, cujus affi-  
nitatem ex forore traxerat, illectum, secreta animi dissimulasse asse-  
rendæque conscientiarum libertati pronum, domesticam & conjuga-  
lem concordiam nexumque regie propinquitatis salubribus consilijs præ-  
tulisse.

Notat



cIo. Io. Notat in Apologetico Aurantius Princeps, cum ab Antonio Perennotto Cardinale Granvellano veneno tentatum, ac haud dubiè religionis suspectum penetralibus pectoris sensa animi post occultasse. Addunt alij à Concilio Status litteras quoque ad Gregorium XIII Pontificem datas, nefarias Hispanorùm per Belgicam actiones detexisse, suisque in Catholicam Religionem studijs eidem Gregorio Pontifici commendatis, intercessionem apud Philippum Romanæ Sedi orasse.

*Rudolphi  
filij in Im-  
perio suc-  
cessio.*

*Ejus in Bel-  
gicam da-  
ta litteræ.*

Mox Rudolpho XI. Cæsaris Maximiliani primogenito suffragijs Principum Electorum Ratisbonæ in Comitijs ad Imperium evecto, quicquid Belgicæ paci morte optumi Cæsaris decesserat, successione filij repositum censébat, præsagientibus prudentioribus traducem illum & pacis amantissimum Maximiliani spiritum, haud dubiè natalitiâ propagine in Imperatoriam sobolem transfusum. Ubi vero Rudolphi Cæsaris litteræ jam Imperium capeffentis in Belgicam perlatae, majorem certiolemque fiduciam procerum mentes mox concepere. Iis namque rescribebat Rudolphus tarditatem responsi Sacratissimi patris morte stetitisse seq; funesto illius ex his terris excessu, sepositis velut rerum & Imperij curis, solam ultimæ pietati sollicitudinem aluisse. Signandum fuisse acerbo luctu patrium funus, desiderato capite & carissimo pignore Imperatoriæ domui subducto. Restituta vero mente aut saltem allevatâ, nihil sanctius cariusque habuisse, quam ut, imitatus patrem cœlo transcriptum, eadem restaurandæ per infœlicem Belgicam pacis consilia susciperet. Itaque legatos propediem ad Imperij Principes, dein in provincias missurum, quo æquis conditionibus diuturnum & funestum bellum stabili pace finiatur. Hoc tantum optare, ne quid novi interea Belgæ moliantur documentumque ostendant patientiæ, dum imperatoriæ legationis & simul consilij fructum ferant. Cæterum incrementis Legionis insolentiâ & Concilio Status majoris mali metuente, incundi Fœderis negotium maturatum, ne omni tandem exercitu seditione velut tæbe infecto, Belgicæ imperium patribus Ordinibusve provinciarum subtractum, externis legionibus traderetur. Quippe Edictum, quod frænandis per provinciam grassatoribus & reprimendis seditionis Requescentius perscripserat, militari insolentiæ fomenta commodabat contumaciâ humani ingenij, velut iussa respicientis & ne Requescentius populi gratiam cum odio & per sanguinem militum mercaretur. Eo namque Edicto, ut plebi agrariæ se armandæ adversum omnem vim & insolentiam potestatem fecerat, ita impunitatem quoque factis Edicto adjunxerat, si fortè legitima defensio ex injuriæ magnitudine & desiderio conservandarum rerum nata militari cæde vindices insolentiæ dexteris imbuisset.

*Seditiones  
militares  
per provin-  
cias gravis-  
sime.*

*Obstanti-  
bus nequid  
quam ipsi  
Ducibus.*

Tradunt autores, festendis tumultuantium consilij, ad ultimum & quæsitum olim sedandis castrorum præsidiorumq; seditionibus remedium, ipsos Duces processisse, quo ad concionem & tribunal imperatoris vocatos majestas in perantis aut horror monstratæ foeditatis & exprobrati furoris coërceret. Adhæc pericula seditionum & in quæ malorum eruptura forent inter miserationem, indignationemque Ducum repetebantur, tam invalidâ eorum authoritate, ut, quod reducendis ad obsequia animis dictum credebatur, incremento furoris apud oblitæ sacra-

men-



menti legiones cederet. Itaque nec Hispanici nominis aut sanguinis cl. Io. obtestatio, non in regem fides, non commemoratio pristinae virtutis LXXVI. quid valebat & quod soli terrarum gentiumque domitores præclara facinora foedis criminibus polluisse in tanto rerum discrimine redarguerentur. Interesse regis sui quam maxumè ut ad sanas mentes, ad memoriam sacramenti redeant, quod violari non nisi perduellibus posset & quod in tanto gloriae & secundarum rerum cursu speratos belli exitus & laudatissimum finem moraretur. Non desore Philippum regem officijs suis, cæterum daturum operam ut ex sacramento stipendia ex virtute gloriam habeant. Quæ singula eili ex vero dicerentur, à contumacibus & imperia detrectantibus rejecta imminencia mala & præteritis graviora urbibus ac provincijs minabantur. Igitur avertendis incommodis ad Principem Aurantium litteræ à Concilio Status datæ, quæ æquissimas foederi conditiones, nec dolosis artibus involutam pacem offerebant. Aurantius vero, ne quid foederatos Ordines celaret, eos istius rei certiores fecit deque mittendis ocys ad se & dein Gandavum Legatis commonuit. Suspectam quippe eo in negotio cunctationem esse, ad quod optimi mortalium duce naturâ traherentur. Posse foederatos, proclivi in concordiam Concilio Status & exercitu regio seditionibus involuto, honesta & utilia Foederi pacisci. Neque enim dubitare se, quin ista procerum congregatio divino nomini gloriam, securitatem provincijs datura sit. Hoc vero monere, ut pacis negotio intenti de bello cogitent. Instabili scilicet potentiaè semper foecordiam nocuisse. Sic Bredano conventu securos & fiducia sui subnixos magnis periculis subfuisse. Corrigenda supina consilia esse nec fidendum hosti, qui pacis umbrâ bellum velet. Hortari insuper Foederatos, ut Frisios cæterosque vicinos durioribus adhuc Præfectorum imperijs parentes ad subvertenda externæ dominationis subsidia instigent novisque societatibus avidum libertatis populum sibi devinciant.

Itaque Foederatorum Legati ad x r v. Kal. Novemb. diem Gandavum perrexere, exceptique magnâ comitate à cæterarum provinciarum Legatis è primoribus hunc in modum differentem audivere.

**M**iserijs nostris, L E G A T I, ut scpe modum, ita finem poposcimus. Cæterum remedia quæ nostris malis debebantur, aule moribus protracta aut per improborum artes intercepta mansere. Longiores moras ferre nostra imbecillitas non potest, postquam ut in impuro morboque corpore mala ex malis increvere. Partium armis tot annis attritos ipsa etiam præsidia seditiosa legiones consumunt. Sic sacramenta, quæ tutela & incolumitati nostræ Hispanus miles dixerat, nostro exitio usurpat. Vastatis Trajecto & Antverpiâ civitatibus Scaldim atque Mosam flumina nostro sanguine infecit. Itaque adversum confugem istam arma decrevimus, deletibus provincias munivimus. Vnum tantum restat ut in Fædus coeamus. Inde Bredano conventu de exturbandis peregrinis copijs & convocandis provinciarum Ordinibus eorumque Legatis consultavimus, quo Philippo regi ditiones suas, nobis religionem & patriam, utrique quietem daremus. Cæterum conventus iste inquietudine & contumacia illorum tum diremptus, qui nullâ cadentis patriæ miseratione pati & ferre extrema, quam insurgere adversum vim & injuriam

*Litteræ  
Concilij  
Status  
ad  
Auran-  
tium  
de  
foedere  
san-  
ciendo.*

*Auran-  
tius  
de  
eo  
re-  
scriptum  
ad  
Ordines  
foederatos.*

*Foederato-  
rum  
Legati  
Gandavi  
cum  
reli-  
quis  
conve-  
niunt.*

*Oratio  
Concilij  
Status.*

CI. ID. *juriam dominantium malebant. Nunc vero quoniam seditiosis Hispanorum legionibus bellum indiximus & convocandos provinciarum Ordines censemus, hoc agamus Legati, ut reperito Bredani conventus negotio mutuâ concordia jungamur. Solum illud adversum omne insolens munimentum. Nos mandata nostra, quæ PHILIPPI Regis nomine gerimus, nos officia nostra pollicemur, daturi omnem operam ut ex civili bello domesticam pacem seramus. Rogamus interim magnum illud & cæleste numen, ut nostro conventui & institutæ actioni præsit.*

### Ad ea Fœderatorum LEGATI.

*Fœderatorum responsum,*

**I**nfœlicis belli diu pertasi pacem jam ante ex Bredano colloquio præconceperamus. Caterum nec illud beneficium divinitus aut fato accipere, nec nostris consultationibus impetrare potuimus, etsi æquisima quæque nostris in pacem desiderijs obtenderemus. Nunc vero jussi sumus ex formulâ mandatorum nostrorum ydem postulatis & conditionibus insistere nostraque consilia sancienda omnino paci adequare. Itaque nec elabi occasionem nostris votis sinemus, ne videamur ore tenus pacis studia professi animos habere à communis concordie curâ alienos.

Tum fiduciaris litteris tabulisque mandatorum recitatis, armistitium decretum.

*Legatorum urinq; Nomina,*

Inter Legatos vero Ordinum Generalium Joannes Lindanus Antistes D. Gertrudis apud Lovanienses, Gistenius Antistes D. Petri Gandavi, Matthæus Abbas D. Gissenij, Episcopus Attrebas, Joannes Mollius, Franciscus Halevinus, Carolus Gaverus Equestris Ordinis, Elbertus Leoninus Jureconsultus & LL. Professor, Petrus Beverius Consiliarius Flandriæ, Quintinus Prætor Scabinus Bergensis, & Joannes Pennantius à Secretis fuere.

Principis vero, & Fœderatorum nomine, Philippus Marnixius Sanct-Aldegondius, Arnoldus Dorpius, Gulielmus Zulenius Armigeri, Adrianus Mylius, & Cornelius Coninxius Principis Consiliarii, Paulus Bussius Advocatus Hollandiæ, Petrus Rijckius Prætor Vlissinganus, Antonius Sikelius Consiliarius Zelandiæ, & Andræas Junius Consul Middelburgensis erant.

*Fœdus inter partes actum, quam Pacificationem Gandavensem dicunt Iobannis Austriaci in Belgicam adventus,*

Qui paucorum dierum conventu actò, ne quid mora damni aut ulterioris incommodi daret rebus per provincias lubricis & solutâ legionum disciplinâ, v r. Eid. Nov. fœdus icere, præcipitatis haud dubiè magnarum rerum deliberationibus, quod direptam & exustam ab Hispano præsidio Antverpiam non inveni rumores nuntiarent. Mihi verisimile est progressò jam Luxemburgum Joanne Austriaco & Philippo fratre notho, Legatos negotium maturasse, ne forte novus Princeps pro Philippo imperium adeptus suæque gloriæ & fortunæ nimium indulgens acta Ordinum & simul consilia ineundi Fœderis subverteret.

Notant Scriptores, eo ipso Hispanici furoris per Antverpiam die (quem in priduanum Nonarum Novemb. diem incidisse Staurius Scriptor refert) Joannem Austriacum Luxemburgum advenisse funestisque auspicijs damnatâ luce provinciarum fines ingressum, infœlicis imperij triste præfagium edidisse. Ego existumo, quod regio comitatu, dissimu-



simulato nomine celerrimo itinere processerit, cum clandestinis quæ ferebat consilijs & brevissimæ dominationi non incertum omem attulisse. Quare prodigioso coeuntium procerum assensu leges Fœderi scriptæ. Iis cautum fuit.

Ut omnium offensionum injuriarumque, quæ ex turbis Belgicis ortæ forent, Leges Fœderi oblivio esset. Fœdus utrinque sartum tectum maneret exterminandisque omni provinciâ Hispanis caterisque nationibus mutua auxilia & tributa præstarentur. Ordinum generalium post ejectos provincijs peregrinos conventus haberetur, quo de publicis privatisque rebus, negotio Religionis, restitutione locorum, arcium ac commeatumum disponant. Commercia per provincias tuta atque libera forent & ne vis aut injuria cuiquam è professione Catholica Romana Religionis sub penâ violatæ pacis publicæ fieret. Edicta Religionis ab ALBANO publicata tamdiu cessarent donec Ordines Generales de ijs statuerent. AURANTIUS Princeps maris, tum Hollandiæ Zelandiæque ac sociarum ditionum Præfecturam teneret nihilque innovaret, præterquam assensu Magistratum & priusquam de Consilio Ordinum aliter decernerentur. Cetera per Hollandiam Zelandiamque urbes Aurantij adhuc imperio exemptæ tam diu sui juris essent dum ex pacto Fœderi se sociassent. Captivi utrinque & in ijs Comes BOSSUVIUS nullo lytro, ceterum persolutis impensis dimitterentur. Edicta mandataque per AURANTIUM Principem, eius Senatam aut Magistratum ederentur approbarenturque, salvâ tamen magni Senatus auctoritate, quem Rex daturus esset. AURANTIUS quoque, Nobilitas, privati in possessionem suorum bonorum mitterentur rescinderenturque acta confiscationum ex causa religionis aut armorum nata. Idem beneficij Electoris Palatini ad Rhenum conjugi Brederodij viduæ quoad urbem Vianam aliæque bona esset. Burano Comitæ urbs, Castellum, agri deducto præsidio redderentur. Trophæa, statua, inscriptiones ab ALBANO erectæ, raderentur aut solo equarentur. Vestigalia, portoria, decimæ, census, redditus non soluti, intercepti aut à D. Ioannis festo proximo in fiscum inlati, dominis aut cessionarijs cederent omnesque & singuli æstimatione damni dati singulas per provincias factâ, bonis suis liberè fruerentur. Donationes mortis causâ aut inter vivos præteritis aut exclusis suis heredibus ex causa Religionis & turbarum factæ, nullæ & irritæ forent. Signati ævis idem per provincias valor, stabiliendo fœderi & mutuis commercijs esset. De duarum expeditionum impendijs & ære alieno per AURANTIUM conflato Ordines Generales decernerent. Provincie quæ in partibus adversis ab hoc fœdere tamdiu excluderentur, dum ei se junxissent. Fœderis tabulæ utrinque, intra mensem proximum subscriptione ac juramento firmarentur.

Quæ ceteras per provincias olim Burgundicæ domui parentes, decreta aut approbata, solos Frisios & Trans-Rhenum (Germaniæ ac Belgicæ limitem) fitas rationes non obligavere. Offerente velut facto, ut jure ac situ discretas gentes conditio adhuc temporum eximeret populusque per factiones & intestina arma, Principis imperio etsi deferrentium vitio obstrictus, neglectis ulterioribus, quas jam ante Carolo Cæsare reprobaverat, cum Belgicâ gente factionibus antiquæ libertati excusso per arma servitio redderetur. Etsi credam quoque fuisse, quos reverentia aut metus Philippi ab ineundâ societate deterruerit, frequentibus in confessu Ordinum Pontificijs, qui innovari statum provinciæ,



clō. Iō. damno ac infamiā regiæ domus indignabantur. Quippe plurimus per LXXVI. oppida ac agros regius miles, valida Senatus autoritas, foris multitudo Exulum novandis rebus obstabant. Econtra minæ ac terrores, tum Senatus Edictis Philippi nomen præfixum instabile Roblesij imperium & lubricam populi fidem tuebantur. Quæ quoniam nec ipse Roblesius ignorabat, ita senescentem & mox occasuram dominationem violentis consilijs emuniebatur.

Reperio in epistolâ incerti autoris III. Eid. Novemb. ad Martinum Nitzenium datâ, magna tum per Frisiam partium studia viguisse Deputatosque provinciæ, partim pro Roblesio & Senatu stantes, partim sacramento foederis clam tractos discordibus consilijs egisse. Unde divisa & fluctuans Nobilitas, populus dubius atque discors erat, donec vertente ut omnia solet regiam dominationem fortunâ Gaspari Roblesij asperitas fatalibus rerum mutationibus obtenderetur. Quippe populum gravissimis Edictis aggressus, militem nova sacramenta poposcit, quo animos à Concilio Status alienaret præsidijque civitatum ad stabi- liendam potentiam uteretur.

*Roblesius fe-  
Foederis op-  
ponit.*

Jam enim Gandavenfi foedere icō, & peregrinâ gente excedere finibus jussâ, suæ Legioni & simul imperio metuebat, ac ut florentis- simarum ditionum intra Amasum & Flevum flumina Præfecturam adeptus tantâ foelicitate fortunæ & possessione rerum exturbaretur. Itaq; relictâ Leovardiâ ordinatisque per Frisiam rebus in Translavianos ac mox Groningam profectus est quo civitatem validam & multo opere ac castello regio munitam suis partibus adjiceret. Jam enim imminere isti urbi Concilium Status dicebatur, misso in Translavianos Franciscō Martinio Stella viro erudito & sagaci, qui querimonijs Translavi- cani populi mederetur animosque mobiles ac Roblesiani dominatus pertæsos, sacramentis Ordinum & societati Foederis innecteret. Roblesius vero, etsi durioribus per Frisiam ac Translavianos rebus de- creto Concilij Status abstinere jussus esset, ita progressum foederis omni conatu remorabatur. Quare Franciscum Martinium Stellam Le- gatum vinculis dedit asservatumque à Legionarijs suis, quo secretum Legationis extorqueret quæstioni subjecit. Cæterum Martinus, etsi violari jus atque autoritatem Concilij Status quereretur, ita tormenta in- territus pertulit orisque facundiâ & tam tristis spectaculi miseratione militum animos inflexit.

*Stella Le-  
gatus foede-  
ris à Conci-  
lio Status  
in Frisiam  
mittitur.*

*Capitur à  
Roblesio &  
torquetur.*

*Eius in  
tormenta a-  
nimosa con-  
stantia, &  
Oratio de  
sua Lega-  
tione.*

Non enim jure privati ingressum se provinciam ajebat, cæterum mandata Concilij Status perferentem regia mentis & voluntatis executorem esse. Sic Con- cilio Status summam rerum à Philippo commissam, donec interregni tempus es- set, fluere provinciarumque moderamen regij sanguinis Principi ovenisset. Esse potestatis Ordinum aut Concilij lubricis temporibus & illo legionum furore urbes dubias & cum rep. nutantes regiæ fidei asserere. Fore alias, ut exercitum a- libi terrarum ab Hispanis insolentiam Translavianis quoque sentiant, imperium Philippi durante bello & tot annis amplexi. Præcavendum esse ut provincia se- curitas, urbi Groningæ quies, populo concordia, militi stipendium sit, sine quo nec leges bellum, nec commeatum aut annonam exercitus habeat. Ita spectarent Hispanicæ & Germanicæ legiones provincijs & regi graves, nullo duce, nullis tribunorum imperijs regi, cæterum perfidas & viles animas solis scelerum nutri-

mentis pascere. Impurum legionum corpus separandum ab integro fuisse, quod c. 10. 10. mandatis Ordinum, aut Concilij status se permittens, stipendia subsidia vitæ & militie præmia, ex seipso decus atque gloriam habiturum esset.

Quæ omnia Stellam Legatum advocato obligandis vulneribus, quæ à Roblesij manu acceperat distortique corporis lacerationibus Medico, Græcâ voce aperuisse autores tradunt ipsumque medicum ægri misertum, specie artis, uni centurionum Losio militique ad custodiam legati destinato, tanquam obsignandum fide arcanum commisisse. Creditum fuit spe stipendiorum & residui æris per Legatum Martinium factâ, plurimos mox militum in partem Ordinum inclinasse alienosque à Roblesio, quod nec opes, nec ærarium assignandis stipendijs haberet, efficacissimo devinciendis mentibus remedio victos, liberandi Martinij consilium cœpisse. Septuaginta in partibus fuisse autores tradunt. Quare Roblesius defectionem clam metuens, jurare in verba sua militem præcepit decimumque Kal. Decemb. diem isti negotio destinavit. Itaque omni præsidio in fanum Martino sacrum, si forte loci religione commoveret, convocato, pro concione sic locutus est.

Roblesius  
vult mili-  
tem in ver-  
ba sua jurâ-  
re.

**N**ON adsum, Commilitones, multa verba apud vos facturus. Cæterum non levibus periculis compulsus ad concionem vos voco, postquam exerior Ordines provinciarum omne imperium ad se trahere, ac res novas moliri, comitante Concilio Status, quod REQUESENTIO Proregi à Philippo rege susceptum, rerum ordinem distortet. Vos vero scitote, Commilitones, eosdem Ordines speciosis promissis me hortatos, ut sacramentum mutarem descisceremque cum Legione. A quo consilio cum absim longius, non celo vos arcanum, censeoque è re Philippi regis & simul vestrâ esse, ut infidis temporibus novum mihi sacramentum dicatis, dum ex Hispaniâ percepero, quid PHILIPPUS Rex fieri velit. Neque enim momenta rerum, sine vobis geri possunt necessumque omnino est, ut vos regi fidos frequentesque sub signis habeam, ac ab Ordinum societate ac imperio alienos. Quod si meo æquus sanctiusque nonnullis vestrum videbitur, Commilitones, ijs suadeo hortorque ut secessionem faciant, signisque se subducant.

Miles timet  
& alter no-  
tum hoc sa-  
cramentum  
abnuat.

Itaque tum stante concione prorupit, qui fandi veniâ à Roblesio impetratâ, exclamaret PRO SALUTE ET INCOLUMITATE ORDINUM VIVERE SE AUT MORI CONSTITUISSE.

Thuanus refert Galterum quendam nomine subscribere formulæ jurisjurandi jussum, calamum in ignem adstante Roblesio conjecisse suosque commilitones dubios & inclinantes præclaro constantiæ & libertatis exemplo ad detrectandam servilis juramenti pactionem incitasse. Qui etsi missione acceptâ urbe ejiceretur, nihilominus subsecutæ mutationi pondus attulit militemque ultro turbidum & ancipitem suo exemplo instigavit.

Ex eo namque factum est, ut Losius cohortis tribunus novam sacramenti dictionem abnueret ipsoque Roblesio coram, novennale ad sacramentum Philippo regi præstitum egregio virtutis documento provocaret. Igitur Tribuno cohortis & mox manipularibus novam militiæ religionem aspernantibus Losianorum defectio secuta. Unde Roble-

Losiana co-  
hortis à Ro-  
blesio defe-  
ctio.



CLIO. IO. fuis multâ jam ante comminatione adversum detrectantes usus, tres cohortes Lopefij, Monceavij, & Campij, qui jam in verba ejus juraverant, per insidias disposuit delendæque Lofianæ cohorti mandatum dedit. Quare multitudine minutarum glandium compleri machinas fecit, ac ut dato signo disploderentur, imperavit. Caterum Lofius perceptis insidijs aliâ viâ cohortem ad forum duxit, ubi stare præsidio destinata nocturnis vigilijs cohors consueverat. Quæ contractis mox

*Quam ab alijs cohortibus deleri præcepit Roblesius.*

in principia Ordinibus cum salutare Roblesium è fenestrâ Alberdanæ domus prospectantem juberetur, haud leni murmure formatisque in contumaciam vultibus latentem iracundiam exprimebat. Quare laxare bombardas jussa defectum pulveris & menstrui æris obtendit percussioque per Antonium Sardam vigiliam Præfectum gregario, justo & decreto furori indulfit.

*Lofius perceptis insidijs, cum suis se defendit.*

Tum Roblesius glandibus petitus, mox ab irruentibus in Alberdanam domum cum Ruysbroeckio genero captus custodiæque datus est. Unde Villerij cohors excubias agens, stationes deseruit nulloque ordine & catervatim in forum progressa Lofianis se sociavit. Lopefius vero faciendæ cædi & opprimendæ Lofianæ cohorti à Roblesio destinatus secreto domus se abdidit cohortemque dimisit, quæ concerpto vexillo, quod tumultuanti militari turbæ proprium, in manifestam quoque furoris publici professionem eruperat. Tum reliquæ copiæ adversâ Præfecti sui fortunâ partibus Ordinum se adjungere, nihil proficientibus Roblesij promissis, quibus stipendia & omne residuum æqua spernentibus addicebat. Sunt qui tradant à gregario milite ferreas compedes Roblesio injectas eumque solidæ & gravi catenæ alligatum inter contumelias & ludibria suorum primos carceris dies flagrantibus adhuc in illum odijs egisse. Ita eorum quos supplicio destinaverat lubricum fortune exercet, durius æquo imperium fœdo servitio & suorum spectaculo mutavit. Ferunt auditam in publico vocem, VIVAT PRINCEPS, VIVANT ORDINES, qua mutatio haud dubiè militarium animorum & surgentium rerum speciosa auspicia designabantur. Tribuni cohortium vinculis dati.

*Legatus Stella carceri eximitur, inque Ordinum verba juratur.*

Dein F. Martinium Stellam custodiâ liberatum armati coronâ cinxere expositisque quæ vellent, in verba Ordinum juravere. Novis quoque centurionibus extemplo creatis cum Francisco Martinio Stella varijs de rebus consultatum cautumque Edicto, Ne quis de nocte in publico esset. Ita composito motu urbis imperatum silentium & quiescere milites jussi, quos in concordiam fœderis cum populo & Senatu turbidi temporis discrimen adigebat. Tum Stella cum delectis militum Bruxellas contendit, quo de singulis ad Concilium Status referret novumque Præfectum Groningæ urbi & Translavicano populo alienatis à Roblesio animis rogaret. Pacatâ urbe in conscios flagitij quæsitum. Itaque Christophorus Vasquius qui Zutphanæ cum imperio præerat, alijque cucullâ monachum mentiri & ab ipsdem ordinis hominibus detecti, cum Ferdinando Lopefio & Antonio Sarda vigilum Præfecto cæterisque, quos intempestiva severitas seditiosis cohortibus objecerat,

*Pacantur omnia, puniunturque rei.*

mili-



militaribus ludibrijs expositi. Eadem Georgij Westendorpij Senatoris cIo. Io. per Frisiam Regij centurionumque quorundam fortuna fuit. Quippe Lxxvi. Dammonenses præfidiarij comprehenso Starckio Delphzilani abducto Groningam Barnicurtio cohortium Tribunis, eadem lege usi, planè velut animorum militarium æstus per exempla ebulliens, omnes Valonica legionies per Frisiam & vicina copias statò tempore pervaderet. Itaque & arcium præfecti, ( quas Leovardiæ, Harlingæ & Stauriæ Principes olim firmandæ dominationi extruxerant ) in partes Ordinum inclinavere, credentibus universis Philippi regis imperio ex sacramentis Ordinum non decedere.

Sic urbs Groninga, quæ à quadraginta annis Carolum Cæsarem protectorem suæ libertati acceperat, post ab Albano & externarum gentium præsidij pressa & diu immodestè habita, Philippi regis nomine imperijs Ordinum Belgicæ asserta. Unde in patrum consessu læta omnia atque auspicata habebantur, gratulantibus sibi invicem provinciarum delegatis, fortunam surgentis reip. adversum inclementia fata & violentas dominationes emergentem lacertos quoque trans Rhenum & per confinia Imperij movisse. Quare grates cohortibus actæ & stipendia decreta, quo egenæ legiones & per omnem provinciam turbidæ patrum officijs sanarentur. Subventum quoque annonæ per Frisiam salutari lege, quâ damnatis lege coëmptionibus pretijs simul & penuriæ frugum occurrebatur.

Mox mense Novembri comitium Leovardiæ habitum, quo de patris foederis apud Gandavum isti acribus controversijs disceptabatur. Erant qui censerent plausibili Concilij Status aut Ordinum imperio, quod & Philippus Rex approbaret, insurgendum esse adversum externam gentem seditionibus involutam communique concordia allevandam patriam tot enormia perpeffam. Coïre vero aut jungi civiles animos non nisi recepto foedere posse, quod regium Philippi nomen & simul imaginem æternæ pacis præferret. Satis cruoris humani & sanguinis fufum neque aliâ discordium intentione bellum gestum esse, quam ut pace clauderetur. Alij judicabant valido foedere regiæ potentia multum detrahi, nec eodem loco stare posse populi concordiam & vim dominantis. Parendum esse sine exceptione unius imperio & ferendum ingenium Principis etiam distortum. Ejus jussu missam in Frisios Roblesij Legionem sacramentum adhuc regis profiteri, non ante exterminandam finibus, quam decreto Philippi militaris jurisjurandi religione soluta arma simul & vetus sacramentum posuisset. Id solum regio imperio præsidium restare, quo amoto obscurum jus Principis ex licentiâ populi futurum sit. Itaque publicatio tabularum Gandavensis foederis tum prolata, donec mutato sensim rerum statu, ingruentibus regiæ parti adversis, animi quoque provincialium cum fortunâ Philippi verterentur.

Mox Roblesij quoq; conjunx Leovardiæ in arce regiâ militum manipulis circumdata attineriq; publicâ custodiâ jussa, tori societate fortunæ quoque maritalis consors fuit. Creditum fuit eam secretorum mariti, quibus extrema per provinciam stabiliendæ adversum Ordines dominationi parare dicebatur, consciam muliebri fragilitate aut fastu incau-

Groninga  
Ordinibus  
Belgicæ as-  
serta.

Comitium  
Leovardiæ  
habitum.

Roblesij  
quoq; con-  
junctæ Leo-  
vardiæ cu-  
Rodie data

cl. I. o. cautius, an insolentius præconcepta mariti consilia vulgasse. Tum Roblesio custodia à suis dato per Frisiam quoque & præsidia urbium cohortium murmura & criminationes auditæ quod interceptis diu stipendijs novum & grave sacramentum Roblesius & Tribuni cohortium proposuissent.

*Militares  
motus Fra-  
nequæ.*

Unde Feuterius, qui cum cohorte legionis Valonicæ præsidium Fra-  
nequæ agebat, odijs quoque suorum expositus crescente sensim mili-  
litum murmure ac inquietudine, donec de illo quoque coercendo à Ro-  
blesij captivitate cogitarent. Quare propripid. Kalend. Decemb. septi-  
mâ vespertinâ exequi consilium decrevere, delecto è suis Petro Angio  
homine temulento & ex hoc audaci, qui dispolo sub noctem schlopeto  
tesseram facinori daret. Ad cuius rei sonum cum Feuterius centu-  
rio Botnianâ arce quam occupaverat & velut invito domino possessu-  
rus in delitijs habebat, descenderet, ab occurstantibus militibus com-  
prehensus est. Ita evenit, ut cum disciplinam insolentissimo militi in-  
tentaret pateretur custodiam. Quare Regem & sacramentum obtesta-  
tus multa aucupandæ militum suorum gratiæ tentavit, ærique menstruo  
exsolvendo fidem depactus est.

*Feuterius  
centurio ab  
ipsis capi-  
tur noctu,  
& custodie  
mandatur.*

Caterum miles, etsi regij sacramenti retinens esset, interversa diu  
stipendia criminabatur, animamque ac sanguinem suum fraude & peculatu  
extenuatum nutritui centurionis cessisse. Ita fieri namque ut ipsi egestate  
atterantur videantque per sudores & vulnera paratam mercedem luxu præse-  
diorum subverti. Itaque illos tanquam in pace otium & ignaviam sectantes mi-  
litia curas negligere modoque hortorum cultui, modo per commestationes & no-  
cturnis amoribus fractos, sibi affluentiam opum, militi labores, vigilias, fri-  
gora & inedium relinquere. Inde Roblesio Tribuno Legionis suæ manus inje-  
ctas esseque ex usu idem illis accidere; qui ad exemplum Tribuni culpatores mo-  
res & effrenem licentiam ex strangulatis militum stipendijs formosset. Non  
posse se solos diuturniorem patientiam ferendæ inopiæ profiteri, Hispanorum &  
externarum gentium legionibus per omnem provinciam concitatis & per tot ur-  
bium spolia opulentis.

*Ipsi centu-  
rionem aut  
Electum ex  
suis faci-  
unt.*

Ita Feuterius in arcem Siardæam validissimam, stipante militum præsi-  
dio ductus atrioque spatiocissimo habendis excubijs destinato, instar faci-  
norosi habitus, alieno magis quam suo arbitrio, quadrimestrem custodiam  
traxit. Dein gregario milite in centurionem adoptato, quem Electum  
vocitabant & quem forma ac venustas, tum quam maxumè militare inge-  
nium commendabat, ulterioribus turbis parcitum intactoque direptionibus  
oppido, citra immodestiam sub imperio Electi & ex suo corpore creati  
centurionis egere. Caterum Feuterio Martio mense, ut post memorabo,  
reliquis cum centurionibus in Geldriam abducto, novi iterum motus orti,

*Ordines  
Generales  
alium cen-  
turionem  
constituunt.*

quod Ordinum generalium decreto alium ab Electo centurionem con-  
stitutum præceps fama afferret. Unde murmurare primum, mox ubi  
potu incaluerē temulenti & Ordinum imperijs graves, de deferendis  
signis agitaverē. Igitur à novo centurione, quem Ordines cohorti  
præfecerant, lastâ cerevisiæ in aream Siardæ arcis deportatâ, (quo  
is à cohorte turbidâ, sed per hilaritatem evictâ fidem acciperet, si-  
mulque præstaret) in diversa milites dilapsi sacramentum renuerunt ef-  
fractaque Doniæâ portâ, per agros sparsi, circa marinum aggerem &



extrema littorum oberravere. Post transfretatis æstuarijs, quæ lato c15. 10. sinu Frisiam & objectas insulas interluunt, inermes & profugi excep- L. X. XVI. tis paucis, quos sacramentum Electo præstitum adhuc obstringebat, incerta sedium quæservire regijsque copijs & simul sacramentis ascripti sub Joanne Austriaco ad Rimenantum cæsi deletique sunt. Is exitus tumultuantis & imperio abutentis apud Franequeranos præsidij fuit. Reliquis in locis, ut Leovardiæ & Doccomij eadem vitia, iidem mores dubijs & inclinantibus præsidijs valuissent, nisi Ordinum Frisiæ sollicitudo desiderata stipendia è publicis tributis collato ære egeno & turbido militi procurasset.

Famâ ferunt omnem militarium per Frisios & Translavianos seditionum causam, à suspectis Roblesij moribus originem traxisse, quod non habitâ militum æquâ ratione, plus severo imperio quam studijs suorum tribuerit. Alij Scriptores addunt stipendijs militaribus gravem & fraudis suspectum in odia incurrisse, indignantibus cohortium turbulentissimis, in unâ Roblesij domo superbiam Præfecti & avaritiam uxoris, laceffendis seditionibus concurrere. Id vero unum Roblesij laudibus quidam dedere, quod illâ rerum tempestate medium se partibus gesserit regisque gratiæ & simul provincialium commodis studens, alienum animum & ab imminuendo regis jure & simul direptionibus civitatum habuerit. Sed multa talium imperitis nostrarum rerum Scriptoribus memorata, dissimulatis aut ignoratis rationibus, an Roblesium dominationis palam avidum & insolentem, reverens populi animus ab extremis consilijs, an impotentia virium deteruerit.

Siquidem speciosum populo Concilij Status imperium, gratam novi fœderis sanctionem reputabat animosque provincialium tanto magis ab imperij sui ratione aversos, quanto acriora desideria reparandæ libertati obtenderentur. Sic invito populo etsi provincia bono sumptuosum aggerem erectum, introducta Vestigalia & collationes, dein tributa pro magnitudine opum imperasse, haud dubiè alienandis mentibus, quas apud bonos libertatis amor, apud inquietos licentiæ cupido occuparet. Inherere adhuc recentum ingenijs severi imperij memoriam neque laturos provinciales, ut asperis decretis quod gravius accedat acreque imperium inclinante dominatione inter exile præsidium intendatur. Adhæc militem stipendio placandum, quod non ex ærario, ut alias apud gentes, sed quasi per stipes domatim & quidem cum difficultate apud populum peteretur, tot sæculorum libertati suetum & pro jure majorum stantem. Itaque multa exequendis extremis subsidia deesse, quæ ne tum quidem parari queant, si solitudo populi, si locorum vastitas fiat. Florentibus provincijs haberi tributa præsidia imperij posse. Sin vero agros ac oppida furor militum populetur, perdendis rebus præceps, non renasci bello & regie magnitudini servitura. Disciplina omnia stare, nisi rectore coercerentur ultro fluitura facile dilabi. Denique diu provincia adversa obvemisset ac præter civilium armorum tempestatem mare insolitos per æsus quotannis recrudescens privatas opes exhaustisset. Posse gentem bello & injurijs cæli ac maris laceffitam, adhuc ultro mobilem ad graviora compelli si irritetur, ituram per vestigia majorum, qui acriora principum imperia rejecla servitute depulissent. Extare non obscura antiquæ virtutis monumenta populumque tot acta Cæsarum & imagines veteris gloriæ ostentantem deprimi non nisi per spatia temporum posse, & si oblivione juris, ac

Omnes illæ seditiones militares Roblesio imputantur.

Verum & sincerum de Roblesio judicium.



c15. 15. principis dominatum ferendo & odia praesentium & veterum memoriam excusse-  
 LXXVI rit. Itaque libertatis umbrâ velandum servitium, quod frustra intentes, ni-  
 si aut major vis in proximo aut depressius obsequium sit. Posterius sperari  
 moto populo non posse & eam rationem ararij non esse, ut evocandis in pro-  
 vinciam pluribus legionibus respondeat. Vbivis omnia angusta esse & cum sti-  
 pendia non procedant nasci insolentiam. Ita fieri, directis provincialium re-  
 bus autoritas Ducum minuat, licentia militum increseat. Cui etsi aliquid  
 dari merito posset, ob immanitatem criminis & fœdissimæ in regem rebellionis  
 tamen expendenda temporum momenta esse, ne quid crudis rebus fiat & ne con-  
 silia eventu dubia pro certis habeantur. Fortune humana volutantis anceps  
 regnum esse, quæ res etiam prudenter & bono regis excogitatas intervertere  
 queat. Præesse vicinis provincijs Aurantium, catum Principem, subministra-  
 turum arma & consilia, si viderit Frisiorum nationem adhuc regis nomen &  
 sacramenta præferentem, ac à Gandavensi fœdere secretum durius haberi præ-  
 fectoque regundis provincijs Belgici Status Concilio, Albane feritatis exempla  
 recrudescente. Expectandas potius rerum occasiones esse, quas Austriaci jam  
 imperio destinati successio promitteret, haud dubiè facturi, ut præfractum &  
 imperia respuentem populum mole armorum & quidem cum indulgentiâ militaris  
 licentiæ domet.

A quo tamen consilio Roblesium parum abfuisse, etiam ij credidere  
 qui Romanis sacris impensius dediti & regio dominatui æquiores in suis  
 etsi rudibus commentarijs optima libertatis studia odio Præfecti non  
 dissimulavere. Unde ilud acerbius omnem per Frisiam in Roblesium  
 natum exulesque trans Amasum, Visurgim ac Rhenum agentes sui in  
 patriam reditus non obscuras spes versavere. Sic per provincias con-  
 sternatio, mæror, ira, gaudium, pro animorum statu visebantur.

## Finis Libri Tertij.



P. WIN-

P. WINSEMI

## Historiarum

## LIBER QUARTUS.



C T O apud Gandavum foedere ut omnia prosperè cessura avido libertatis populo videbantur, ita repentino Austriaci in provincias adventu multorum spes refriguere. Quippe le-  
ne Concilij Status imperium dominationi Principis cessurum arbitrabantur rerumque regimen magnis mutationibus subjacere. Ita Ordinum procerumque mentes suspicio sinistri occupaverat, quæ ultro imminentium prælagæ Hye-  
ronimi Rodæ ad Philippum Regem interceptis litteris firmabantur. Iis namque, ut nup-

*Varie de  
Austriaci  
in Belgi-  
cam adver-  
tu suspicio-  
nes.*

ris legionum seditionibus fomentum subministrabatur, ita credebatur rex Philippus etsi revocandas in Hispaniam copias & suam in provincias protectionem simularet, militum suorum furoribus cladibusque populi crudelem animuni pavisse. Vulgatis adhuc in commune rumoribus Joannem Austriacum Hispanicarum legionum Præfectos ad continuanda in regem officia sollicitasse actisque patratis ob cædes & enormem insolentiam gratijs, Philippi nomine omnem benevolentiam & navati furoris mercedem obtulisse. Quo ipso etsi sanctio & vis nuperi foederis convelleretur, quod vel maxume liberandis ab externo milite provincijs institutum erat, ita tamdiu Ordines ad eventus rerum, velut suspensi & fluctuantes egere, donec Austriaci litteris dissimulatæ suspiciones proderentur. Alij credebant cum ipso Caroli Cæsaris filio & Philippi fratre, tanquam Principe regij sanguinis, revicturam pacem fore concordiamque ex immoderatis priorum Præfectorum & nullas propinquitates regiae domus trahentium dominationibus luxatam æternâ pace coalituram. Itaque vicinorum Principum legationibus aditus non renuente Elisabethâ, quin prima imperij in Austriaco etsi suspecto initia aulicâ simulatione approbaret. Cambdenus scribit Joanni Austriaco clam auxilia obtulisse, æmulatione Henrici III. Regis & quo Ordinum animos à sollicitandâ Gallorum societate averteret. Neque aliâ ratione, mutuum æs xx. M. librarum Anglicæ monetæ Ordinibus assignasse, quam ut patriâ religione culta & stante populi in Philippum sacramento, Gallicæ res retardarentur Austriacoque pacem offerente, numeratis seditionis militi ex subsidario Anglico ære stipendijs, cum Philippo in gratiam à diuturna dissensione redirent. Adeo Gallica odia Hispanicis apud

cIo. Io. pud Elisabetham prævalebant, hoc maxime præcaventem, ne vicini LXXVI. & æmuli regis vires connivendo ad externa subjuvaret Gallorumque potentia ex fœdere Belgico, regni vero sui imbecillitas increaseret. Igitur Austriacus Luxemburgi agens, ubi modum cœptandi per Provincias imperij animo volutabat, Bruxellas ad Ordines generales litteras in hunc modum dedit.

*Austriaci  
ad Ordines  
Generales  
littera.*

**A** Fratre meo PHILLIPPO rege, ORDINES, ex Hispania in Belgicam missus sum, ut illius nomine vobis cum Imperio præessem. Et quoniam fato tot annis discordes & involuti bello egistis, de mandato Regis componere dissensiones terrisque vestris pacem redonare paratus sum. Quare de reducendæ stabiliendæque concordie remedijs cogitabo ocyus daboque operam ut, quicquid seditiosæ legiones haud pridem deliquere, meâ severitate & militari disciplinâ corrigatur. In vobis interea erit meminisse sacramenti vestri regique ac Romanæ religioni debitum cultum & obsequium præstare. De cæteris quæ in mandatis habeo, exponam coram latius. Itaque obsides à vobis dari peto, quo publicæ pacis fideique certus sim periculi securus in provincias pergam meo moderamini commissas.

*Que ipsum  
apud Ordines  
suspectiorem  
reddunt.*

Quibus litteris in confessa recitatis altior metus Ordinum animos pervasit, indignantibus adhuc plerisque, Ioannem Austriacum mandato & autoritate Principis subnixum largasque certæ pacis spes venditantem, exordia imperij desiderato obside capeffere. Ita scilicet fœcundam insidiarum mentem, ita mali testem conscientiam detegi juvenileque Austriaci pectus internis angoribus & secreto tortore velut indice occulti facinoris non vacare. Itaque curiosè Austriaci in consilia & actiones quæsitum, magis suspectâ indies fide quod Belgicam ingressus, longè à pacis curâ, bis mille Germanos ab HENRICO III. Galliarum rege, cessante civili bello exautoratos, suis stipendijs ac sacramentis ascripisset. His accedebat, quod omne dominationis suæ præsidium ab exercitu peteret, insigni errore recturi Principis, cuius imperium temperatæ potius securæque maiestatis & suorum gratiæ eguisset. Erant qui existumarent Austriacum quod primos vitæ annos & facilem hauriendis moribus adolescentiam per Hispaniam egisset, aliquid quoque contagij ex illo cœlo traxisset, quod ingenijs Belgicæ & Frisorum, Germaniæ gentis, adversum, procerum & civile dissidium opprimendæ libertati foturum crederetur. Sic subdolâ & indecorâ Principi arte, Mauros subegisse fœdoque documento violatâ fide, quod per arma non poterat, dolo executum. Dissimulaturum quoque, erudito ad fraudes ingenio, naturæ vitia fore, dum, quod potiundis ex arbitrio rebus conduceret blandimonijs & fictâ humanitate plectum populum circumvenisset. Tum vero de opprimendo fœdere, de punienda in regem rebellionem cogitaturum, facturumque ut, quod mali Principes assolent, vacuum lege imperium per servitiâ & sanguinem populi tueatur. His præceptis à Roda in Hispaniam ituro, his mandatis instructum, qui hoc maxumè suafisset, ut quodlibet profuturum consilium cautâ simulatione tegeter omnemque regnandi prudentiam gentis suæ aut Italiæ moribus assimilaret.

Reidanus tradit Austriacum, gerendo Philippi per provincias imperio,



rio contrarijs mandatis inligatum publicoque restituere jus populi & clo. Io. amoris externis legionibus, quietem provincijs jussum, clandestinum LXXVI. rampendo foederi & reparandæ regiæ auctoritati accepisse. Quare Aurantius lubrico foederi & ingenio Austriaci diffusus de communien- dis Hollandiæ Zelandiæque provincijs cogitavit Ordinesque Genera- les de J O A N N E A U S T R I A C O his litteris commonuit.

**F** Idem facio apud vos, O R D I N E S, ad alia me nunquam consilia, Aurantij litteræ monitorie ad Ordines Hollandiæ Zelandiæq; generales de Austria- co. aut alias spes turbidis temporibus erexisse, quam ut provincie, more antiquo, Ordinum imperijs, salvo jure Principis, regerentur. Cate- rum quoniam privata ambitio, jam ante modum sæpè egressa, domina- tionem Principis accidit, ita factum est, ut potentiam suam princeps post auxe- rit, vestram depresso. Ego vero etsi speraveram vos more majorum subortis malis usitata remedia, vobis jus, pacem, cujus speciem Gandavensi conventio- ne edidistis, provincijs asserturos, ita metuo A U S T R I A C U M & Hi- panos, sua in vos odia falsis blanditijs tegentes, vestrâ integritate abusuros fore. Quippe ut consilijs vestris ac progressui rerum obessent, utile censuerunt, ut clam & celerrimè in provincias Austriacus mitteretur vosque fucatis Aus- triaci persuasionebus & reverentiâ novi regnantis seductos in omnem socordiam neglectæ gerendarum rerum occasiones præcipitarent. Is vero ut in speciem vestro confesso, ita eorum præcipuè consilijs res geret, quos in conscientiam sui se- creti adhibuit. Sic reputate M A R G A R E T A M Austriacam Ducis- sam Parmensem ab Armenteri judicijs tanquam oraculis pependisse. Neq; alia A U S T R I A C U M hoc ipso tempore versare, quam ut imperium ve- strâ servitute eniat. Vos vero cogitate, O R D I N E S, non ut privatos arduis negotijs ac regundæ tantæ moli præesse, ceterum in publico rerum fasti- gio locatos populi vestri res gerere, qui in sinum vestrum fortunæ, libertatem, sanguinem atque spiritum deposuerit. Quare potissima tuendæ libertatis apud vos ratio esse debet, quo rationem rerum aliquando reddituri, nihil servitutis (à quâ nisi præveniamus parum absumus) inglorij & socordes vestris posteris re- linquatis. Ut eam vobis imponant, O R D I N E S, mille artibus, mille dolis vos aggredientur, tanto majus decus ac gloriam habituros, si vestra pe- ctora, vestra mentes illorum insidijs ac blandimonijs non patuerint. Itaq; cen- seo cum I O A N N E A U S T R I A C O non ante paciscendum, quam terris vestris, ac finibus peregrinus miles excesserit. Quare nec poni arma, nec exercitum, qui vestris sacramentis militat dimitti volo, ceterum jus ve- strum & libertatem, quam cum ipso spiritu à majoribus accepistis, vestrâ vir- tute retineri. Hoc etiam addo, nec longis ambagibus, nec prolixis aut cre- bris conventibus involvendum negotium, ceterum resignanda esse vestrarum men- tium secreta detegendamque eorum iniquitatem, quâ tot annis ab oppressoribus vestrarum legum exagitamini. Enormi imperio & insolentissimis moribus re- medium, patrocinium vestro juri brevi voce postulabitis. Id vero si A U S T R I A - C U S recuset, obtestatione utendum censeo suadeoque ut fidem faciatis non re- bellione in regem, ceterum innocentia fretos, jura atque immunitates vestro sanguine tutaturos. Apertius quam tectius agentibus breve responsum dabitur, quod maxime O R D I N E S, vestro bono cedit, ne morâ illius vires invale- scant, vestra atterantur. Sic reputate P H I L I P P U M regem A N N O C I O . I O . L I X . Gandavi à vobis liberius exceptum spem mittendi exercitus & Hispa- nica

CL. IO. nicæ legionis ocyus fecisse, tracturum haud dubiè decretum, nisi vestrà magnanimitate & constantiâ compulsus, suæ voluntatis secretum exponere etiam in provincituitineris coactus fuisset. Simile cogitate hoc ipso tempore faciendum esse & quidem adversus eum, quem vestri dissidentia, instabile concordia vinculum occupavit. Itaque muniendæ potentia & securitati suæ militem & exercitum petet, qui ne sacramento vestro agat, sup adstringet. Tum militaris præsidij potitus vobis securis & in commune consulentibus legem præscribet, si non æquo, saltem armis subnixam. oblectantes severitate & rigore imperij, ceteros metu comescet. Inde secretorum machinator, quia fidei vestræ nec suæ integritati credere vult aut potest, obfides postulat, quos æquius esset vos petere, quorum fida semper in Regem obsequia oppressiõibus Hispanorum patuere. Sic Trajectum ad Mosam, sic florentissimam urbium Antverpiam ne vestigia quidem veteris fortunæ retinentem spectate arciumque & vestræ incolumitatis præsidia vestro exitio usurpata. Quarum fundamenta ut per socordiam vestram increvere, ita satius fuisset aut nunquam extitisse aut solo æquatas vestram securitatem stabilitisse. Nunc occupatis per vos castellis ejectisque præsijs Rex intumescet sibiue injuriam, vim suæ genti factam interpretabitur, ulturus haud dubiè ubi occasio feret. Quippe nostrâ imbecillitate mortales injuriæ quam beneficio facilius reponimus, præsertim vero Principes, qui dissimulandis magis, quam ponendis injurijs erudiuntur. Neque credite, ORDINES, condonaturum ea Regem, cujus imperium tam sublime, tam præfactum est, ut nec supplices ferat. Inde reputate causas publici furoris, inde exordia motuum capisse. Hac de causâ in EGMONDANI HORNIJQUE cervices, in sanguinem populi & nobilitatis sævitum. Idem nobis periculum, idem regie potentia fulmen impendet, cujus ea ægritudo est, ut cum imperare ex arbitrio velit, non possit. Hæc sola regie mentis summa imperia versantis summa imbecillitas est, quam si supplere per vim & arma nequeat, dolo supplebit. Fallacibus blandimentis adoriatur incautos. Sic de revocandis in Hispaniam legionibus decernet, neque absimili fide, quam quâ olim, cum illorum missioni abscedente in Hispaniam PHILIPPO trimestre præfiniretur. Cogitate cum offenso rege, cum valido hoste rem vobis esse spectandamque aut rerum omnium ruinam, aut sumenda arma. Sin vero auscultandum conditionibus sit, censeo è re vestra esse, ut Hispani Belgicâ excedant restitutoque provincijs omni jure, vos potestatem deligendi Senatum agendique quotannis conventus habeatis, componendis ordinandisque provinciarum rebus à majoribus institutos. Hoc etiam paciscendum suadeo, ut castella ac arces solo æquentur jusque habendorum delectuum disponendorumque, per provincias præsidiorum, non AUSTRIACI sed vestræ potestatis ac arbitrij sit. Ijs impetratis prospectum incolumitati vestræ erit. Sin vero secus fiat vosque assentatio aut reverentia AUSTRIACI seduxerit, novas discordias & pejus bellum seretis, quod eorum oculis animisque observatur, apud quos nec regis, nec Austriaci fides integra esse potest. De me testor, consilium hoc meo pectori vestra & simul publicæ salutis desiderium extorsisse, cui non verebor omnia mea & hunc ipsum sanguinem ita poscentibus rebus consecrare.

Hæc AURANTIUS.

Unde consilium de admittendo Austriaco longius prolatum amplexandique, quod Gandavi iactum erat, foederis, & simul exterminandum



darum provincijs legionum, sollicita desideria increvere. Austriacus vero, etsi missionem regij exercitus palam non detrectaret, ita urgebat, ut classis per provincias adornaretur, regiaeque legiones trans mare in Hispaniam aut destinata locorum amandarentur. Quod ad Gandavenfis foederis negotium attineret, non aliud regerebat, quam paratum se esse, regio nomine assensum foederi dare, modo certus sit id ipsum Foedus, nec Romanae Catholicae Religioni, nec regio juri aut auctoritati quid derogare. Itaque testimonia eidem Foederi à divinarum humanarumque rerum peritis, ac Concilio Status scripta, quibus judicabant posse Austriacum, salvo Philippi regis jure & intemeratâ Romanâ Catholicâ Religione in communionem Foederis ac Belgicae societatis condescendere. Id scilicet unicum sanandis malis & conciliandae paci remedium superfuisse, quam tot annis, velut diro sydere circumactam, revolutio foelicitissimi temporis Belgicis terris hoc ipso Foedere promitteret. Cæterum Austriacus doli prudens & sui consilij haud ignarus, dilationem missionibus legionum quærebat regisque exercitum classi committendum rebatur. Non posse quippe tot provincias, tot regiones intempestivo anni tempore tuto transiri, angustis dierum spatijs & hybeino coelo tempestatibus tristi. Trajicienda esse flumina, superandos montes, quorum juga aut angustiae præaltâ nive tegerentur. Esse Sebaudiam sterilem & attritos Allobroges, nec equis aut jumentis pabula, nec alimoniam copijs subministraturos. Adhæc Italiae auditus commeantibus præclusos infectumque pestilentia aërem, nec tutas itinerum stationes, nec sanas fruges aut salubrem victum polliceri. Hæc Legionum, hæc tribunorum murmura esse. Creditum fuit, Joannem Austriacum commissio classibus exercitu, ambitiosæ menti, ut ante Tunetanum, ita tum Angliæ regnum destinasse Gregoriumque Pontificem, Elisabethâ Regina, velut rerum incapace & hæreseos à Pio v. ante sexennium damnata, Joanni Austriaco titulum ac jus regni secretis tabulis assignasse.

Cæterum Ordines sumptuosam classem, nec tam cito instruendam, defectum navium & classiarum militem ab illâ expeditione alienum, speciosis rationibus criminabantur. Adhæc stipendijs nauticæ pubis impar ærarium esse, poscentibus residuum æris legionibus, nec sine eo exautorandis. Ita acerbis altercationibus subdolæ res trahebantur, donec sequens annus novo Ordinum Foederi & instituendis cum Austriaco conloquijs destinaretur.

Tum Joachimum Hopperum Madriti in Hispaniâ mors abstulit, quem Philippus claritudine famæ ac virtutis secretis regni ac Belgicarum rerum admoverat. Viri vitam suâ & majorum laude clari ut alij scripsere, ita ulterioribus superfedeo. Hoc tantum subjungam, ituro in Belgicam Austriaco scribendis mandatis præfuisse suadentemque salubria, & nutriendis per provincias discordijs aliena, longiore morbo ac tabidâ febre extenuatum præclaro exitu naturæ legem implevisse. Cujus morte quantum moeroris luctusque regius animus hausert magna in defuncti familiam & superstites liberos Philippi beneficia patefecere. Quippe sumptuoso ex Hispaniâ in Belgicam itinere duodena millia decrevit annuâque mille carolæorum pensione hæredes donavit. Funus regiâ

Cl. Io. I. x x vi. Austriacus subdole classem perie dimittendis ex Belgicâ exercitus militibus.

Ordines speciosè recusant.

Hopperi in Hispaniâ mors.



clo. Io regiâ quoque impensâ ei factum illustrique exequiâ solennibus laudationibus decoratâ, viri famam per ingenij opera conscientijs postero-rum destinatam justis elogijs adumbravere.

*Concilium* Igitur Concilium Status Gasparo Roblesio Groningæ, & illius con-  
*Status La-* jure apud Leovardios custodiâ datâ, ne militare & simul provinciâ im-  
*lainium* perium rectore vacaret, Georgium Lalainium magnâ spei Principem  
*Frisijs dat* regundis intra Flevum Amasun.que Frisij destinavere, aucto in eum  
*præfectum.* Concilij Status Belgici favore, quod octo cohortium signis ejecto ur-  
be & simul castello Germanorum Hispanorumque præsidio, Valence-  
nas, munitissimam Hannoniâ urbem, in fidem Ordinum, eximiâ im-  
perij autoritate citra sanguinem rede-gisset. Quare & à Concilio Sta-  
tus litteræ in Frisiam mense Decembri datæ, quibus Lalainio commis-  
sam per Frisios gubernationem addito Philippi nomine indicabatur. Pla-  
cuisset scilicet fato conversionem rerum per provinciam institui & legum  
quietis publicæ perturbatores vinculis datos possessione ejici usurpa-  
ti dominatus. Violenta raro diuturna esse luendamque fuisse exercitum  
dominantium asperitatem inter squallores carcerum, quo æquitas fati  
cuncta attemperantis spectaretur. Nunc vero ne durante interregno  
res secius fluitarent, Georgium Lalainium Gasparo Roblesio, sed ad  
tempus, suffectum, dum Lalainius, amoto prædecessore, experimen-  
ta rerum & florentis juventæ in moderandâ gente edidisset. Velle igitur  
Frisij in spem meliorum temporum ei morem gerant credantque  
ordinandæ provinciæ potestatem ei à consensu patrum aut Concilij Sta-  
tus ex decreto Philippi permissam.

*Lalainius* Unde Lalainius salutatis Ordinibus Bruxellis, dein Brabantia ex-  
*in Frisiam* cessit Middelburgicæ Zelandorum apud Aurantium Principem, cujus  
*proficisci-* gratiâ pollebat, subsistens, peragrata Hollandiâ consensuque apud mi-  
nores Frisios navigio, Groningam provectus est. Cæterum vergente  
in occasum die, qui hyberno tempore brevissimus est, contumaciâ mi-  
litum, quorum animi nuperâ ex inquietudine necdum defecerant, ur-  
be prohibitus, in Cænobium Selverdicum secessit. Ibi cum Pompeio  
Ufkenio, Jacobo Hildebrandio, Ruaro Alberda, Henrico Oienbrug-  
gio, Francisco Pipenpoio, & Lanceloto Parasitio, qui in ejus comi-  
tatu erant, audiendis Groningensium ac Omlandiæ Legatis præfedit  
exhibitisque mandatorum suorum tabulis provincialium & simul milita-  
ris præsidij animos sibi conciliavit. Unde mœsta pridem civitas &  
turbidæ cohortes, excussâ insignium illuvie & contumaciâ vultuum pu-  
blicam in lætitiâ effusæ, magno indicio utrumque corpus, justo mo-  
deratore destitutum, velut inops consilij nullo ordine & incerto mo-  
tu fluitare.

*Lalainius* Sic deducendo præsidio inter erecta cohortium signa & acclamationes  
*cum applau-* civium Lalainius Groningam ingressus, adeo coecâ adhuc futuri men-  
*su Gronin-* te, ut præsentis juveniliū annorum fortunæ & simul specioso rerum  
*gam ingre-* paratui intentus, nesciret eandem urbem defectioni suæ & simul ex-  
*diur.* tremis parari. Mox pronis populi procerumque augurijs dignitatem  
orsus, quod cum præter animi dotes, claritudo natalium, tum flos vi-  
vidæ ætatis crescentiumque annorum non obscuræ spes commendarent.  
His accedebat toleratum sub Albano exilium grande fidei pignus & li-  
terarum

rerarum ornamentis illustre pectus imbutum. Adhæc decoram faciem, cIo. 13. vegetum corpus, flavescentem cæsaſiem, externam pulchritudinem, LXXVI. vulgus intuebatur, credulum ut solet, externis naturæ donis bonam Principis mentem inniti.

Cæterum, ut in rebus mortalium prosperi sæpe comes adversitas est, ita primam Præfecturæ in Lalainio infantiam exigentium stipendia cohortium non tam dubia fides, quam criminationes & querimoniæ ob-<sup>Cohortes promissa si- bi stipen- dia petunt,</sup> turbavere. Ita scilicet cum Martinio Stella Ordinum Legato conven- tum ajebant, ut quicquid æris competeret, transcriptis in partes Or- dinum exsolveretur. Hac spe Præfectum suum & post urbem imperio Ordinum asservuisse, id certè commeritos, ut si non præmia præclaro & laudato patribus facinori, saltè stipendia militiæ mercedem ex- condicto obtineant. Quare Lalainius sanandis cohortium querimonijs & ne istæ in licentiam aut defectionem erumperent, Gulielmum Doete- comium, & Joannem Mathenesium legatos in majores Frisios aman- davit, litterisque fiduciarijs suâ manu prid. Eid. Jan. signatis conven- tum Delegatorum Frisæ ad diem XVII. Januar. Leovardix indixit.

Senatus vero Regius, ut Roblesio clam addictior, ita manifestâ er-<sup>Lalainius conventum Delegatorum Frisæ Leo- vardix in- dicit, ha- betq; Sena- tum regium minus sa- ventem. Idem Præ- fecti titulu- à Senatu si- bi decerni- petit.</sup> gâ Lalainium æmulatione ducebatur, quod interiore Aurantij amicitia florens, societate ac sacramento foederum imbutus crederetur. Qua- re actis Senatus nomen Lalainij adhuc exclusum publicisque ac regijs edictis autoritas Senatus præfigebatur. Unde Lalainius sive calore æ- tatis & juventæ annis, sive ne recentis imperij vis & autoritas solve- retur, Præfecti titulum à Senatu regio decerni jussit eundemque in acta Concilij Status jurare per Legatos adegit. Quippe Gulielmo Doetecomio & Joanni Mathenessio Delegatis, ut dixi, Leovardiam missis, inter alia mandaverat Lalainius, ut dignitatem sibi à Concilio Status factam apud reluctantem Senatum assererent patrumq; acta lu- bricis tenporibus per modum libelli exequerentur.

Isto perscriptum erat.

**C**ONCILIIUM STATUS BELGICI GEORGIO LALAI-<sup>Libellus ad Senatum.</sup>  
NIO Præfecturam Frisæ, Groningæ, Omlandix, & Drentix collocasse.  
Et quoniam intellexissent Senatum regium postulatis Ordinum Frisæ rescriptum indulsisse, ab hesternâ actione & suis mandatis alienum, ita petere ut Senatus de plano respondeat, an LALAINIUM pro Præfecto haberi & an parere decreto CONCILII STATUS velit atque eâ de re ocus perscribat. Fore alias, ut Lalainius ex contumaciâ regij Senatus causam querelæ nactus, apud CONCILIIUM STA- TUS de lassa ORDINUM & simul regiâ autoritate exposulet.

Ad quæ SENATUS.

**Q**UONIAM à CONCILIO STATUS ex litteris XV. Decemb. ad nos datis intelleximus GEORGIUM LA- LAINIUM in Frisiam missum, quo in res statumque provin- ciæ inquireret eumque ita ordinaret, ut commodo PHILIPPI regis & paci publicæ conducere, addito insuper summi imperij mandato, do- nec aliter statuatur. Ita declaramus vobis Legatis, quod heri ore tenus fa-  
L l Etum



cl. I. D. *Etum est, nos eundem Lalainium pro Praefecto Frisia agnoscere, daturi operam*  
 LXXVII. *ut mandatorum tabulis, quas exhibiturus post erit, pareamus adque regie*  
*majestatis aut CONCILII STATUS, durante ejus imperio vim*  
*atque effectum sortiantur.*

Hæc XVI. Ianuar. perscripta ac Emskerckij Graphiarj Regij manu  
 Leovardiæ signata.

Mox postero Conventus habitus verbaque in hunc modum à Præ-  
 fide Senatus, nomine Legatorum ad Deputatos Ordinum facta.

Oratio Pra-  
 fidis Sena-  
 tils in con-  
 ventu De-  
 putatorum

**A**SSERTA ORDINUM partibus Groningâ, post G. A. S-  
 PARUM ROBLESIIUM à Legionarijs suis custodie datum,  
 Concilium STATUS Belgici, regundis pro PHILIPPO  
 rege provincijs admotum, de mittendo in provinciam hanc GEOR-  
 GIO LALAINIO decrevit. Quippe turbidæ res successorem RO-  
 BLESIO flagitabant, ne quid gravius regi aut vobis accideret. Is vero  
 celerrimo itinere confecto quod molestissimum mediâ ei hyeme fuit, postquam Gro-  
 ningam appulit, id maxumè adnixus est, ut inquietas cohortes sedaret eas-  
 demque in verba sua adigeret. Caterum ORDINUM etiam partes pro-  
 fesse sacramentum Praefecto detrectavere. Itaque nec iurjurandum dicere,  
 nec interesse recessioni, præterquam pensitatis stipendijs votuerunt. Et quoniam  
 LALAINIUS nec quieti publicæ, nec commodis vestris consulere, præ-  
 terquam pacatis cohortium animis potest, (quos componi Concilium STA-  
 TUS & ORDINES provinciarum ex usu publico censent) ita visum ei  
 fuit, hunc conventum indicere, quo de illius potestate & mandatis vobis con-  
 stet & ut subsidia ordinandis rebus querantur. Vestrum erit, DEPUTA-  
 TI optumo in provinciam Lalainij affectu non abuti, cui non aliud propo-  
 situm est, quam ut divino cultui & Romanæ Catholicæ religioni, tum vestræ pa-  
 triæ bene sit, ac ut legibus immunitatibusque majorem vestrorum prospiciatur.  
 Hoc tantum necessum est, ut initis necdum supputatisque cohortium rationi-  
 bus, modicum eris, post mole tributi vestri præstetis, quo miles pretium sacra-  
 mento & navatæ fidei præmium accipiat. Ejus namque ope ut libertatem ac-  
 cepistis, ita suffugistis servitutem quæ vobis ultima, liberis atque vestris po-  
 steris parabatur. Itaque, DEPUTATI, si stipendia ocyus cohortibus  
 decernatis, dabit operam LALAINIUS, ut res vestræ cum illius affe-  
 ctu increfant vestraqne spei abundè satisfactum testaturi sitis. Hoc etiam mo-  
 nendum nomine Concilij STATUS, ORDINUM Generalium,  
 & Praefecti duximus, ut Legatos Bruxellas mittatis, qui Fœderi inter O-  
 RDINES Provinciarum & AURANTIUM icto se jungant, con-  
 sulantque in commune, exterminandis Belgicâ Hispanis, continua in patriam  
 vestram odia & simul exitia professis.

Creditum fuit Senatam per Frisiam regium, quod nec promovendo  
 fanciendoque fœderi legatos Gandavum misisset, nec tabulas vulgasset,  
 ab eo ipso consilio abhorruisse obsecutumque tempori, velut magnæ  
 rerum mutationis providum, Ordinum & Lalainij imperijs paruisse.  
 Itaque Ordinum per Frisiam Delegati, quo legatorum Lalainij postu-  
 latis satisfieret, cum Senatu quoque regio negotium communicavere,  
 prætentandis haud dubiè animis & ut ipsorum consilia, resumendæ clam  
 libertati prona, exquisitis Senatus arbitrijs firmarentur.

Delegati  
 cum Sena-  
 tus negotiis  
 communi-  
 catis.

Non



Non posse quippe novo Rectori Lalainio se provinciae imperium approbare cō. Id. immuebant, nisi de speciali superiorum mandato constitisset & nisi Senatus regi- LXXVII us censeret tantis rerum exordijs vim mandati subesse. Adhuc adscribi, quod legati petierant, Ordinum generalium Fœderi se non posse inconsulto Senatu, tanquam legitimo magistratu & ad cujus exemplum affirmari sua responsa & simul rescripta deberent.

Quæ haud dubiè gravando Senatui, velut recusaturo reperta, ita specie honoris erudita humanitate deferebantur.

Quare Senatus regius rescripsit.

Opinari se actiones GEORGII LALAINII publice auctorita- Rescriptum Senatus re tis & Concilij Status decreto inniti, de cujus fide si dubitare Delegatos Or- gy ad Dele dinum Frisæ contingat, posse, quò talium certi sint, mandati rationem apud gatos. eos indagare, apud quos expedire judicarent. Se interim stare mandato Regis aut Concilij Status, dum Rex partes regendi Concilio assignaverit, daturus operam, ut cum illius imperio sua parendi ratio congruat.

Hæc eodem xvi. Jan. die perscripta, & ab Emskerckio actis inserta. Qua oratione ab Achlenio Præside habitâ Deputati Ordinum cum obtestatione patrij juris, ut id factum testumque esset, hoc modo responderunt.

Q Vamvis fidem fecerit rex PHILIPPUS se assignato ei an- Acta in Conventu Delegatorum nuo censu novis nos oneribus non gravaturum, ita liberalitate nostrâ erga impulsas PHILIPPI res usi illius necessitatibus non semel subvenimus. Anno septuagesimo etiam stupendâ maris inundatione damna passi (postquam homines, jumenta, fruges, villæ, horrea in altum acta) tamen de subsidijs cogitavimus, per quæ ararium regis fervente bello sublevaretur. Sic bona universitatis, sic agros, sic prædia pignori dedimus, postquam instituta Vestigalia & tributum familijs impositum nostræ liberalitati & egentiae regis non sufficerent. Dein collato menstruo ære angustiam rerum præjuvimus, ita tandem attenuatis facultatibus nostris, ut nos ulterioribus exactionibus ferendis invalidos nostrâ in regem studia fecerint. Tamen reverentiâ regis & affectu in LALAINIUM ducti, ut pax provinciae, quies atque prosperitas sit, centum millia caroleorum in subsidium præstabimus, ceterum hac cautione, ut patrimonium censusque regius pignori nobis sit & ut collecti in militem æris erogatio ex Delegatorum nostrorum consilio fiat oppidaque ac arces à præsidij cohortium levantur. Hoc etiam cavemus, ne quæ exactiones in posterum fiant, & ut agri ac possessiones nostræ ab incursionibus ac præsidij militum immunes sint. Quod ad Fœdus Gandavi ictum attinet, id testamur nos approbare, daturus operam ut hoc ipso ceteris provincijs sociati Legatos Bruxellas ocus mittamus, qui tractandis ulterioribus pacis negotijs & curandis rebus præsent. Hac tamen conditione, ut LALAINIUS Præfectus suum per Frisios imperium nostris legibus ac immunitatibus adæquet adhibeatque in consilium Delegatos Ordinum è nostrâ gente quovis tempore deligendos.

Hæc xiii. Kal. Febr. in acta relata, ac pro Oostergois à Paulo Costerio Antistite Fosverdico, Docone Martna, Edzardo Douma, Jorritio Bocatio Wiarda; pro Westergois à Thomâ Groningenfi Præ-

CL. IO. fule Floridi Campi, Julio Botnia, Herone Ockingha, Livio Beiamo, LXXVII. pro Sylvestribus Erasmo Douma, Frederico Roorda, Foppio Douma & Annæo Tarquinio signata. His additum fuit, ut, quoniam undecim oppidorum Delegati, nec conditionibus æquis auscultare, nec succurrere publicæ necessitati vellent, se quintam prædicti æris partem exsolvendam oppidanis relinquere, daturos operam ut L x x x. millia publicis usibus præstentur. Ita Paulus Costerius, Hero Ockingha, & Erasmus Douma signavere.

Legati à  
Deputatis  
Bruxellas  
missi.

Sic dimissi Legati & ad Lalainium profecti. Mox Delegati Ordinum è Frisia Bruxellas cum magnâ festinatione missi, quo stante adhuc Concilij Status imperio, expedita remedia malis moribus aut lapsis rebus peterentur. Quippe Austriacus, etsi in speciem pacis venisset, à restituendo provinciarum jure alienus credebatur, nondumq; Principis potestatem libertati iniquam prolatis jurisjurandi solemnibus induisse. Postulata Legatorum hæc fuere.

Legato-  
rum postu-  
lata.

Ut LALAINIO provinciam recturo è dignioribus gentis adjungerentur, quorum consilijs uteretur. Episcopus dignitate cederet cœnobique & sacri redditus ad eos redirent à quibus processissent. Idem Episcopus census Ecclesiastici rationes, mobilium vero honorum & repertæ per Cœnobia suppeditis inventarium exhiberet. De multis, quas in præjudicium regijuris privatis ac Menonitis extorsisset, similiter responderet. Officiarij contra consuetudinem juris patrij per Hispanos & eorum Præfectos constituti muneribus privarentur novique de arbitrio Præfecti & SENATUS ORDINUM surrogarentur. Tribuni ærariorum Roblesianis temporibus creati, reddendis rationibus citarentur. Idem Thesaurarius regius de bonis fisco acquisitis coram Ordinibus Frisæ præstaret, quo cognoscant, quantum regio ærario allevandis provincialium tributis acceperit. Magistratibus per oppida constitutis imperium abrogaretur populusque civicus, delectu è suo corpore facto, suo bono novos crearet. His deductis per provinciam fossis alijsque aggerum & florenorum aureorum impendijs, addita mitioris imperij legem & simullevamenta onerum poscebant.

Ordines ob  
suspectam  
Austriaci si  
dem novum  
Fœdus san-  
cimus.

Cæterum an Legatorum postulatis rescriptum Bruxellis sit, in indigestis illorum temporum actis non reperio. Dolendum certe est, eâ gentis nostræ & eruditorum, qui tum claruere, fœcundiâ nostræ libertatis initia certioribus actis non inserta, nisi præclara forte ingenia dubijs incertisque temporum inquietis & sine justo otio vita, tum magni Regis ac rexituræ per arma servitutis timor à scribendi officio retraxit. Igitur ingravescentibus in Austriacum suspicionibus & ne corpus Gaudavensi fœdere colligatum paucorum facilitate aut discordia divelleretur, validâ apud quosdam Austraci gratiâ & quod Imperatorium regiumque sanguinem suis natalibus præferret, novum inter se Fœdus Ordines sancivere, celerato negotio, quod delectus habere ac exercitum parare omen instantis belli, Joannes Austriacus, nec vanis rumoribus, diceretur. Eo cautum erat.

Ut idipsum Fœdus perpetuum stabile atque firmum esset Romanæque Catholica Religio, Gaudavensis conventio, statuta, jura, immunitates ac consuetudines provinciarum integræ inviolatæque manerent, Hispanisque & earum op-

pres-



pressionibus communia arma, vires atque subsidia opponerentur. Desciscentes cōs. 13. quoque ab eo ipso Fœdere amissio juris, status, famæ atque dignitatum sequeretur beneficiūque restitutionis in integrum tanquam hosti publico, exlegi & famoso nullum esset. LXXVIL

Cujus tabulæ à Concilio Status, Ordinibus generalibus, manu Cornelij Wellemanni perscriptæ ac Senatui per Frisiam regio transmissæ, in acta relatæ vim atque efficaciam acceperunt. Itaque ab Antistitum ordine, tum ipso quoque Præfecto ac Senatu regio signata, subscriptionibus Magistratum, Officialium & Collegiorum, mox invalere, non dissimulantibus Pontificijs, novorum fœderum sanctionibus externæ dominationis potentiam subverti.

Igitur Lalainius, necdum sedatâ cohortium inquietudine, Mathenesium, Oyenbruggiumque Legatos cum fiduciarijs litteris in Frisiam remisit; quibus ducenta & triginta carolæorum millia, pacandis præsidijs, <sup>Lalainius denuo promissa militum stipendia poscit.</sup> poscebantur.

Quippe rationes æris jam initas proponebat metuumdumque esse, ut Groningense præsidium mobile & turbidum in majorem Frisiam se effundat cæterisque copijs, quas dubia fides contineret, sociatum, non absteineat alieno. Adhuc vero discretas locis cohortes & ciendis seditionibus minus validas, placari stipendijs posse, modo intra præfinitum solutioni tempus præstentur, ne ex morâ major militum egestas & ex ea insolentia nascatur. Decernendum esse patribus (Ordines designo) ocyus & seponendas veteres controversias ac de jure partium disceptationes pendendumque tributum collato potius ere parandum. Ab-rumpendam semel consiliorum tarditatem & exuenda vitia gentis, nisi festinantius consulat in sua damna ituræ.

Potestas quoque Mathenesio, Oyenbruggioque Legatis facta Edictis Ordinum contumaces coercendi corrigendique, ne ad exemplum præfracti & turbidi militis formatæ provincialium mentes reverentiam imperij & parendi disciplinam exuerent.

Cæterum Delegati Ordinum etiam LXXX. millium grave tributum criminabantur relationibusque de ea ad populum, ex more, factis ulterioribus subsidijs se destitui. Adhæc actis per Frisiam præsidijs stipendia non convenire, pendenda ab ijs quorum tutela inservissent. Sparsas per Omlandiam & finitima copias agrosque incursionibus prædonum expositos justis sæpè præsidijs destitutos fuisse. Oppidanos quoque & Biltanum populum iisdem tributis aut præstandi subsidij legibus subesse æquumque haberi ut miles sacramentum regum professus regio censu alatur. Qui etsi peregrinis creditoribus pignori datus, ita cedere publico potius quam privato usui debebat. Sic è vestigalibus Biltanorum agrorum x L. millia restare & pendendam insuper Biltanis pensionem, stipendijs potius ac bono regis applicandam, quam instituendum novum per provinciam tributis genus, cui ferendo impar populus sit. His de creditis Roblesio pecunijs addebant dandumque operam, ut rationes stipendiorum certa sint & ut cohortes, nullis imperijs obnoxie militari more recenscantur. Id discipline vinculum fore, quod si non satis validum retinendis in fide cohortibus sit, facturos ut majora subsidia iisdem pacandis decernantur. Respirandum interim semel inopi populo esse & tot malis exhausto, <sup>Responsum Delegatorum Ordinum.</sup> cuius bono id quoque pa-  
L 1 3  
ciscen-



cl. I. O. ciscendum sit, ut Valonum Germanorumque præfidiarj nomina profiteantur atque  
LXXVII. ceptisque stipendijs oppidis arcibusque excedant. Neque velle, ut sine Ordinum Frisia assensu ulli in posterum delectus fiant aut ut præsidia in provinciam ducantur & ut ejus firma cautio sit. Obtestari interim ac rogare Lalainium, ut quicquid Frisios inter Groningenses & Omlandos, ex inæqualitate tributi controversum sit, componat ocus detque effectum, ut ulterioribus minis miles abstineat, justis stipendijs & certo ære placandus.

Hæc Gerardus Jacobi Præsul Clarecampensis, Doco Martna, Hero Ockinga, Bocatius Ilstij, Renicus Cammingha, D. Fogelsangus, Barthius Idzaerda, F. Tatmannus rescripserunt.

Lalainius  
acrius instat  
pro magni-  
tudine peri-  
culi.

Deputati  
tandem pe-  
riculo moti  
consenti-  
unt.

Cæterum Lalainius, inter angustias fortunæ, decreti retinens postulatibus institit totumque negotium se Mathenesio Oyenbruggioque Legatis permisisse v. Kal. Mart. rescripsit, facturum interim ut æqualibus tributorum portionibus provinciæ habeantur. Quod ad reprimendas cohortium criminationes attineret, eas compescere non posse, præterquam adacto ad sacramentum milite, & qui autorari non nisi exsolutum ære queat. Hoc solo præveniri malis impendentibus & sanari seditiones posse, in quas si tacita inquietudo & secretum murmur erumpat, id non sibi cæterum intestinis discordijs & contumaciæ Delegatorum Frisiz imputandum. Quamobrem Deputati spectatâ periculi mole & hæ, ultro lubricæ res, novis dissidijs convellerentur, omne paratum æs, quod aut ærarijs provinciæ asservaretur, aut à vectigalibus Biltæ agris petendum restaret, assignandum Legatis censuerunt, cum hac obtestatione Deo coram, Concilio Status & Ordinibus generalibus ultimam necessitatem hoc decretum patriæ amantibus extorsisse. Ita x. Kal. Mart. à Delegatis Ordinum Frisiz rescriptum, ac Pauli Costerij Antistitis Fosverdici, Scipionis Meckamæ, Oedzij Arnoldij, pro Ostergois, Everardi Ludolphi, Livij Beiemij, & Dirici Fogelsangij, pro Westergois, Auconis Edonij, Feiconis Tatmanni & Joannis Agricola pro Sylvestribus subscriptionibus signatum actisque publicis insertum. Quo rescripto, ut Legatis Lalainij non satis fiebat, ita Delegati Ordinum pertinaciâ legatorum & angustia rerum irritati de mittendis denuo ad Ordines provinciarum Legatis consultavere. Mox regij præsidij, quod arci apud Leovardios impositum erat, recensio habita, urgentibus Mathenesio Oyenbruggioque Legatis, lustratis copijs & nomina professis ab Herone Burmania ærarij tribuno stipendium præstandum. Is vero acti conventus & diurnæ disceptationis eventus fuit, ut agrorum oppidorumque delegati publicæ pacis ac securitatis studio inter se convenirent exsolvendisque militum externorum stipendijs ducenta & quinquaginta aureorum millia Legatis addicerent. Notat vir consularis F. Nicolaus Stauriam urbem isti tributo mille, & quingentos carolæos dependisse civesque oppidanos insolentiâ præsidiorum & foedis exactionibus aut attritos, cum ultimo malo tanquam validiore expostulasse.

Lalainij in  
sedens tu  
multibus a-  
gæ.

Sic fluentibus per Frisiam rebus Translavanæ quoque provinciæ statum Lalainius ordinavit Delphzylanæque munitioni, quam Starckius tribunus cum imperio & cohorte tenuerat, aliud præsidium imposuit. Ære quoque Groningæ urbi, Omlandiz & Drenthiz provincialibus extor-

extorto stipendia copijs assignavit eandemque Groningâ urbe excedere cl. 15. jussas in majores Frisios; dein Brabantiam expedire conatus est. Cl. lxxvii. Franckena Idibus Martijs factum tradit. Post decreto Ordinum generalium arcem Groninganam, cujus molem Gasparus Roblesius munitione dominationi struxerat, æquari solo fecit. Itaque vacuâ præsidio civitate & castello diruto læti cives & in immodesta effusi primâ gaudia in lasciviam proterviamque vertere. Scribunt autores temulentos & fœcundes collucentibus passim per civitatem ignibus, Martinianæ turri incendium dedisse ipsosque exules, sive tantæ & recenter partæ fœlicitatis incapaces, sive tædiorum exilij oblitos, non votis, non gratijs numini actis, cæterum immodestis moribus & profano ritu lætiora temporum egisse. Adeo mortales adversa toleramus, prosperis corrumpimur.

Mox Lalainius, compositis Groningæ & per Omlandiam rebus, Kal. Mart. magno procerum comitatu Leovardiam contendit provinciamque majoris Frisiæ suo imperio destinatam magno multitudinis applausu ingressus est. Quippe occultata jam ante servilibus temporibus desideria libertatis tum erumpebant quantoque magis ex iniquitate priorum temporum repressa, tanto patentius laxiusque nullâ dissimulatione aut metu aperiebantur. Ferunt pulcherrimas virgines civium filias, multo cultu obvias Lalainio processisse cohortesque civicas erectis signis & urbem ingredienti, velut præsidio stantes, præservidis in Præfectum officijs certasse. Tormenta quoque continuis fragoribus laxata M. Heymannus annotavit sexumque imbellem totâ urbe discurrentem publicam festivitatem suis ludicris auxisse. Quæ ultro speciosa perosam antea servitia multitudinem eo vehementius commovebant, quod captivorum agmen secum Lalainius traheret Roblesiumque modo provinciae rectorem & ut insimulabant, dominationis immodicum, cum Joanne filio & Ruysbroeckio filiae marito, velut ludibria & spectacula fortunæ ostentaret. Itaque eorum adversis à populo illudum, qui secundis rebus malè usi & potentiae suæ modum & fallacem fortunæ memoriam exuerant. Cohortium quoque tribuni, in quibus Lopesius, Lussius, Villerius, Starckius, Campius & Montioius erant, unâ cum Roblesio Leovardiam ducti, custodiæque in arce regiâ (ubi Roblesij conjunx asservabatur) dati, exercitæ insolentiae poenas dedere. Tradit Heymannus Roblesium declinandæ contumeliae, & inrisui civium secretiore viâ ac tormentariam per turrin arcem ingressum, magno fortunæ ludicro, ut ante imperij sui munimentum, ita tum carceris & custodiæ lustrasse.

Itaque novo Ordinum generalium Fœdere scripto & per omnem provinciam promulgato Joannes Austriacus eorum, quæ evenerant, haud ignarus, acerbioribus in fœderatos odijs exarsit, dissimulato vix ingenio, quod suspectis artibus negotium pacis trahebat. Quippe Fœde-  
 ris formulâ ad eum missâ, nova irritamenta vigenti discordiæ ex de-  
 tectis procerum voluntatibus nata, commeante adhuc per internun-  
 tios sermonum acerbitate, quâ gliscentibus ultro odijs turbamenta pa-  
 ci substernebantur. Non ferentibus cordatioribus inter sana & mode-  
 rata patrum consilia ab Austriaco munimenta urbium & præsidia legic-  
 um ad custodiam corporis peti, nexumque in fœlicis concordiae & tan-

*Lalainius  
Groningâ  
Leovardiam  
contendit, eam  
que summo  
cum applausu  
ingreditur.*

*Roblesium,  
aliosque ca-  
pivos se-  
cum ducit;  
custoditque;  
mancipat.*

*Defensio  
Austriaci  
cum inter  
Ordines  
magis in-  
gravescit.*



clo. Is. tantarum rerum ac speratæ pacis exordia fidei armorum committi.

L XXVII.

Partium  
conventus  
admitente  
Cæsari Le-  
gatione.

Unde infidis partium animis diu disceptatum, donec Rudolphi Cæsaris legatione, cujus à morte Maximiliani patris spem fecerat, commementibus modo ad Ordines, modo ad Austriacum Legatis Marchæ in Faminis fanciendæ paci conventus ac dies diceretur. In Legatis Imperij Gerardus Grof becius Leodiensium Episcopus, Philippus Baro Winenbergius aulæ Cæsareæ præfectus, Andraas Gail Consiliarius, Wernerus Gemnichius Satrapa Juliacenſis & Joannes Lovermannus fuere. Ordinum vero partes, Matthias Gissenius Episcopus Attrebas, Bucho Ayta Frisius Archidiaconus Iprensis, Fredericus Perennottus, Baro Ronfæus, Joannes Ommerius Morbequij Dominus, Franciscus Halevinius Equeſtris ordinis & Adolphus Meerkerckius tuebantur.

Austriacis  
militibus  
victimo iti-  
neris vult  
dimitti.

Hoc vero maxime illo conventu & cum vehementiâ repetebat Austriacus, ut peregrinæ Legiones non terrestri, cæterum maritimo itinere Belgicâ excederent classemque & simul latum mare ingressæ expeditâ profectio in Hispaniæ continentem aut Celtiberiæ portum exponerentur. Ordinum vero Cæsarisq; legatis, ut omnes Austriaci actiones, ita hæc maxumè secretis rerum momentis decerni videbatur.

Recusant  
hoc Ordines  
ob varias  
suspiciones.

Quippe reputabant populum olim colonias transferentem sic aliena occupasse latoque & diffuso mari commissum, commoda littora & commodas sedes quaesivisse. Ambitiosis & nova regna somniantibus etiam hanc ætatem temporum non vacare & esse quos aliarum gentium quies aut securitas sollicitet. Sic Angliæ regnum Belgico littori oppositum ab Elisabethâ reginâ nullo metu & in pace teneri, tanto magis periculis obnoxium quanto Belgicâ vicinior & ex se quietius foret. Posse instruatam veterano milite & tot legionibus classem in Britannicum littus adigi aut in latos portus subduci bellumque & discrimen Elisabethæ faceſſere, nulla arma, nullas gentium irruptiones metuenti.

Cujus rei suspensionem non falsus & ex Peresio Philippo Regi à Secretis auditus rumor quam maxumè prægravabat, quod Austriacus Tunetani regni spe amissâ, de deturbandâ Angliæ possessione Elisabethâ cogitaret primisque juventæ amoribus Mariam Scotorum reginam & cum ejus velut dote Britannicarum insularum imperium immodesta ambitione deperiret. Neque enim frustra Romani Pontificis decretum, Guisiorum per Galliam & Lotharingos auxilia orasse, ac ut Philippus frater, morte Mariæ uxoris Angliæ regno exutus, ad redintegrandum cum Elisabetha odium & ex eo bellum in spem recuperandi regni incitaretur. Inde missum è Belgica in Hispaniam Escovedum, hominem vaſtrum & secretorum participem, qui portum in Cantabria instruendæ classi Philippum peteret Angliæq; invadendæ consilium Philippo Regi commendaret. Autores tradunt, Austriacum præoccupandæ Manniæ Hybernici maris insulæ omnem apparatus destinasse profugorumque Anglorum, tum per Nortvalliam, Cumbriam Cestriamque Pontificiorum auxilijs adjutum, occupandi Anglorum regni firmam spem aluisse. Quare amotis pacis aut foederum impedimentis Legati definire:

Legati Cæsaris certas  
pacis condi-  
tiones de-  
finiunt.

Vt omnes injuriæ & offensiones cessarent fœderique jam ante Gandavi iſto robor eſſet. Peregrinus miles (quo Hispani, Itali, Germani, Burgundio-

nes



nes censabantur) acceptis stipendijs, nullo com meatu, Belgicæ provincijs intra CIO. IO. vigesimum diem excederet fontesque & seditionum rei militari lege punirentur. LXXVII. Captivis utrinque venia esset Comesque BURANUS, quam primum ORDINIBUS generalibus ab AURANTIO satisfactum esset, in Belgicam remitteretur. Læsis aut dignitate exutis per ORDINES Generales aut cujusque Provinciæ SENATUM jus diceretur. Privilegia, jura, immunitates integræ essent. Religio Catholica Romana per provincias haberetur. ORDINES omni externo fœderi renuntiarent exautorandoque militi pecuniam ceterasque res, Germaniæ vero legionibus seorsim stipendia ex æquo præstarent. Rex PHILIPPUS peregrinas copias nullo tempore in provincias induceret. JOANNEM AUSTIACUM Gubernatorem acciperent. Præfecti provinciarum sacramentum provincijs dicerent. Pensiones ab ORDINIBUS generalibus privatis assignatæ efficaces forent tabuleque signarentur.

Quibus à Joanne Austriaco, Concilio Status ac Ordinibus generalibus, tum Legatis Cæsaris ac Imperij approbatis, certæ pacis auguria dubijs ante mentibus se intorsere. Quippe earum fiduciæ hoc etiam accedebat, quod perpetui Edicti vocabulum isti conventioni à Philippo Rege impositum esset publicarique per omnem provinciam justum, nec in dies aut annos scriptum memoriæ ultimi temporis & longissimæ rerum ætati adæquaretur. Scribit Cl. Franckena Joannem Austriacum, cum Luxemburgum venisset, Prid. Eid. Febr. ficto pacto se Ordinibus obligasse idemque pactum, etsi dubiæ fidei, XI. I. Kal. Mart. per Frisios vulgatum populi animos magno gaudio implevisse. Alij tradunt Joannem Austriacum validis Ordinum rebus & per Germaniam, Galliam atque Angliam societatibus, quo acre odium fallacibus blanditijs velaret, externa pacis & firmandi Perpetui Edicti desideria etiam apud externos Principes prætulisse, ita formatis ex arte simulationibus, velut bellum ex prædecessorum intempestivo dominatu natum, clausus pace, tanquam egregio fine, etiam primâ imperij sui ætate, videretur. Itaque ab Elisabethâ & per Ordines generales pro approbando Edicto apud Aurantium intercessum, ne armis libertatem obtendens, probatam vicinis innocentiam, interruptâ provinciarum pace, suspitione alitæ dissensionis fœdaret.

Quæ ideo tanto acrioribus studijs urgebantur, quod Austriacus, præoccupatis Principum animis, affectum pacis præferret suæque imbecillitatis, ex conditione temporum, æstimator, affirmaturus imperium arbitrijs patrum crederetur. Sed suspectum ingenium & ex superbâ vecors, quod melioribus artibus instrui posse sagacissimi quique desperabant, minuendæ plurimum fiduciæ erat, credentibus adhuc prudentioribus tantæ moli regundæ incapacem juventam sanioribus consilijs non cessuram. Ita scilicet affectis Principum ingenijs, ut omnia facile ad se trahant reputentque societatem generis humani multitudine extendi, imperia per consortes arctari. Itaque tanto indecentius moderamini rerum ipsum præfuturum, si pluribus ministris uteretur Principisque nomen retinendo, vim ac respectum amitteret. Quæ ut callidè ex ingenio Austriaci patribus differebantur, ita hoc maxumè secretorum concios urebat, quod Mariæ captivæ Scotorum Reginæ, nu-

Fœdus hoc  
nomine per-  
petui Edi-  
cti vulga-  
tum est.

Suspectum  
tamen mul-  
tis ob inda-  
lem Au-  
striaci.

CL. IO ptias tum importunius ambiret clandestinosq; in foeminam amores, et-  
LXXVII. iam mariti sui cædis jam ante suspectam, novandis per Angliam &  
vicina rebus obtenderet.

*Aurantius  
litteris ad  
Ordines da-  
tis, fraudes  
istius con-  
ventus pa-  
ctorumque  
ostendit.*

Quorum, etsi non fallax indicium Aurantius haberet, ita tota foe-  
deris Marchici ratio, velut obfutura autoribus, displicebat. Quare au-  
ditis Ordinum generalium Legatis, qui innecti iisdem pactis se & si-  
mul socios volebant, litteras ad eosdem Ordines dedit, quibus ut men-  
tis suæ arcanum, ita vitiositatem conventionis & fallacium pactorum  
exponebat.

Gratulari se quidem procuratæ per studia ORDINUM paci & simul  
provincijs, quod jam ante superbis Hispanorum dominationibus obnoxie tot in-  
commoda & furores concordia Fæderis vertissent. Letari asertas patriæ le-  
ges, Gandavensi Fæderi robur adscriptum, eximia fati ac temporum benefi-  
cia, nisi speciosis rerum vocabulis damnosæ & nutriendis simultatibus repertæ  
conditiones involverentur. Sic comitiorum jus, quod majorum fuisset, non  
parum arctatum, & Provinciarum ORDINES novis & inauditis sa-  
cramentis inligatos. PHILIPPUM BURANUM filium contra jus  
gentium & provincia illâ atate, quæ privatum adhuc præstaret, in Hispani-  
am abductum, Belgicorum motuum penas longiore custodia luere. Totam sci-  
licet conventionem ut dolosis involucris, ita inhonestis servilibusque conditioni-  
bus inniti, quarum turpitudinem delere nec vertigo temporum nec gloriosi  
posterii quirent. Indignaturi haud dubie, cum perfidâ Hispanorum gente, ma-  
jorum sanguine & spolijs satiatâ, cum publico provinciarum hoste, in gratiam  
rediisse, commeatum & stipendia depactos. Spretas ELISABETHAE  
reginæ & FRANCISCI ALENCONII Andium Ducis interces-  
siones, quorum fuisset, ut bello auxilia, ita paci autoramentum commodare.  
Neque Hollandiæ aut Zelandiæ provincijs satis prospectum, neque eorum com-  
modis, qui restitui in integrum debebant eaque recuperare quæ bello perdi-  
dissent. Paciscendum fuisse, ut castella diruerentur, servitutis publicæ & si-  
mul externæ dominationis vestigia, ac ut omnium offensionum perpetua oblitio  
esset. Agendum certè cautius & longiore cunctatione in eo negotio fuisse, quod  
exitum provincijs aut incolumitatem promitteret. Optare interim, ut quo-  
niam Fædus haud dubiè bono zelo & proturbandis Belgicâ peregrinis legionibus  
maturatum foret, ejus uberes fructus essent, neve Ordines pacem sperantes  
bellum ex improvviso ferant. Hoc vero imprimis rogare, ut asserendo Ganda-  
vensium fæderi incumbant, certi & fidentes sua officia isti ratihabendo decerni.  
Quin paratum esse in societatem novissimi Fæderis condescendere, si externas  
legiones, ultra præstitutum commorantes, communibus armis proturbandas pro-  
vincijs censeant, neque ante recipiendum Austriacum, quam juri publico, &  
Gandavensi Fæderi sit satisfactum.

Hæc AURANTIUS.

*Litteræ  
mandato-  
rum lega-  
rū Frisijs  
Bruxellas  
ituris pro-  
curatæ.*

Addit Æmylius Adama in libro Edictorum Fœdus illud Marchicum  
actis per Frisiam publicis inlatum publicatumque per tribunalia conci-  
liatarum partium spem proclivi in concordiam populo peperisse.

Mox Sceltoni Tiardæ, Martino Nitzenio & Feiconi Tarmanno le-  
gatis Bruxellas ituris fiduciariæ & mandatorum litteræ procuratæ, qui-  
bus



bus mutationem rerum per Frisiam velare publicis commodis & utilitatibus provinciae iubeantur. CLO. I. 9, LXXVII.

**N**ihil scilicet PHILIPPO regi, nihil patria legibus se detraxisse, hoc tantum admixtos, ut ad bellorum pertasos misertosque carissimorum pignorum pax & quies & cum ijs levamentum tributi perveniret. De exactionibus & damnis per easdem inlatas jam ante conquestos, cum regij Praefecti & Senatus dominatione, specie retinendarum in fide cohortium, araria provinciae & privatorum facultates existerate. Nunc ijsdem malis se remedia petere, eo inopia redactos, ut non nisi impetrata onerum immunitate aut remissione saltem tributo, stare res provinciae queant. Interim Gandavense Fœdus per hos ipsos Legatos amplecti, ceterum hac lege, ut modico tributo habeantur & ne novae societatis ratione proventus ararij & privatae opes subvertantur. Hoc etiam rogare Ordines generales, ut petendi Comitij sui Deputatis Ordinum Frisiae faciant, ne Senatus regij tergiversatione & perversa salubribus patriae consilijs morae & dilationes neantur. Quippe Senatum regum communionem Gandavensis Fœderis poscentibus nuper restitisse pessimo exemplo, quo provinciales dissolutis cohortium moribus & violento Roblesij imperio subessent. Inde arces, castella & judicia peregrinis obsepta, convulsis conventionibus, quas cum Carolo Cæsare majores pepigissent. Nunc vero mutato non nihil temporum statu admovendos gerendis rebus indigetes, minuenda vectigalia, censum regum publicae necessitati applicandum curandumque imprimis, ut per Episcopum fœdus fere quam ceteri mortales, fluxis opibus inbiantem, doti suae adjecta ad Antistites cœnobiorum redeant ipseque per vim & silentibus legibus provinciae obtrusus, fœdo & inaudito majoribus dominatu exuatur. Statuendum esse semel in eos asperius qui provinciae patrimonium, munera aut dignitates pravis aut imperitiis pro arbitrio locassent. Hoc modo Senatum regum preturas, satrapias, nullo delectu ijs largitum, quos dominationi suae consortes conscientia pessimorum facinorum fecisset. Subveniendum semel iustis populi Frisici querimonijs, quem aut grave dominantis imperium, aut insolens praesidium fatigasset. His de tributo quadam addita petitumque ut 5000. carolæorum à Biltanis collata in solum proxima pensione cedant litteraeque Ordinum generalium ad Antistites, Nobilitatem & Proprietarios agrorum, tanquam Ordines provinciae, exclusis oppidanis, darentur.

Hæc à Gerardo Jacobi Antistite Clarecampensi, Sixto Dekema, Livio Bejemo, Docone Martna, Erasmo Douma, Aucone Edonio Prid. Non. Mart. Leovardiae perscripta, ac Legatis communicata. Tum in florenos aureos quatuordecim stuferi stipendijs militum decreti cautumque edicto, ut quicquid æris per vim aut minas in militem erogatum esset, ejus tabulae minuendis eorum stipendijs ad Arnoldum Molckemannum Thesaurarium Ordinum Bruxellas mitterentur.

Dein Lalainius Leovardiae adhuc agens, quo dissensionibus populi Frisici, Omlandiae & Drentinorum mederetur, ad Ordines generales, Concilium Status, tum ad Aurantium Principem, Franciscum Pipenpoium Bruxellensem ablegavit fiduciariasque litteras, ipso Aequinoctio Leovardiae exaratas, suâ manu perscripsit.

*Lalainius Legatum cum litteris fiduciarijs petitijsq; Bruxellas ad Ordines mittit.*

Ijs petebat, ut quoniam Frisij à Translavicanis & Drentinis ob inaequa-



cl. 15. *litate*on tributi diffiderent, Ordines generales ortas lites componerent portiones-  
 LXXVII. que tributorum ex aequo definirent. Neque enim sua potestatis esse imperare  
 tributa & ea partium odia esse, ut sue intercessioni non pareant. Velle sci-  
 licet Translavicanos ac Drentinos, ut Frisij exsolvenda legioni, cui Roblesius  
 præfuerat, duas trientes pendant, regeantibus interea Frisij, Translavica-  
 nos, validiore diuturnioreque præsidio usos, maiore tributo teneri. Plus scilicet  
 à se erogatum esse, quam modus præscripti æris ferret esseque iniquum de-  
 cretas Translavicanorum usibus cohortes suo ære ac stipendijs haberi. Censere  
 quoque Frisios Gasparum Roblesium non ante cum cæteris captivis custodia libe-  
 randum, quam rationem accepti æris fecerit deque mensuris 15000. stipen-  
 dijs docuerit. Magnis quippe nexibus eum se & Provinciam inligasse. Sic  
 pacatis dimissisque tribus cohortibus, (quæ undecim adhuc numero sint) quin-  
 quies centena & quinquaginta millia deberi. Adhæc Germanorum stipendia,  
 in infinitam molem excrescentia, non bonum rebus exitum promittere, nisi  
 Concilij Status, Ordinum Generalium aut Aurantijs prudentiâ publicum disci-  
 men levetur. Diuturna cunctatione peccatum esse exautorandisque cohortibus  
 assignandum ductorem & simul stipendia fuisse. Nunc enim totum legionum  
 corpus inquietum, turbidum arma & consilia sociare. Clamitare deceptos Tri-  
 bunos, divisa signa, non alio consilio, quam ut locorum spatij discretus miles  
 peius habeatur roburque cohortium dissocietur. Itaque licentiæ & malis mo-  
 ribus indulgentem militem per agros se sparsisse, agrario populo gravem & si-  
 nistri suspitionibus imbutum. Is vero sopiendis se totum interesse, facturum  
 propediem, ut ferverent animorum æstus subsidat copięque sacramentis  
 & simul Ordinum imperijs obediant.

Idem factum  
 Gandaven-  
 sis Leovar-  
 diæ publi-  
 cari queat.

Qui, dimisso Bruxellas Pipenpoio, ut Senatum quoque regium Gan-  
 davenſi Fœderi obſtāntem ſeverioribus remedijs conſtringeret, ejuſ-  
 dem Fœderis tabulas etiam ante per municipia promulgatas, publica-  
 ri in Baſilicā ab eodem Senatu Leovardiæ juſſit iſtisque actui 15. Eid.  
 Mart. præfixit. Ubi tubæ ſigno ter dato, quod majoribus noſtris vul-  
 gandis actorum ſolemnibus inſtitutum erat, vocato velut ad concio-  
 nem populo, recitari per Emſkerckium Graphiarium juſſit iſpeque haud  
 vanā imperij ſui fiduciā, plauſibili edicto arbiter præſedit. Unde cum  
 Lalainij autoritate ac apud populum gratiā Senatus odium increvit,  
 criminante, ut ſolet immodèſtius, turbā eundem Senatum impedimen-  
 ta paci molitum regundis adhuc provinciæ rebus tolerari.

Mox exulum multitudo, tolerato quinquennali exilio, in provinci-  
 am refluxit totidemque annorum tædiā & inclementiam fortunæ novæ  
 fœlicitatis dulcedine lenivit. Quare publicæ lætitiæ per agros & op-  
 pada dies dicti, redditique penatibus ſuis exules domesticum gaudium  
 publicis ovationibus miſcuerunt.

Robleſius  
 cum ſuis ca-  
 pſivis Gel-  
 riam miſ-  
 ſit.

Dein Gaſparus Robleſius captivam conjugem, liberos ac tribunos  
 cohortium ſecum trahens, cuſtodiā emiſſus deductuſque ad Hyergium,  
 quem regundis Geldris rex Philippus præfecerat, magnum inſtabilis  
 fortunæ documentum præbuit. Scribit F. Nicolaus, homo etiam Pon-  
 tificijs addictior, populum Friſicum iſtius ſpectaculi non miſertum,  
 cæterum Nobilitatem, cives & agrarios, velut juſtas & fatales poenas  
 luente Robleſio, viri adverſitate & illo fatorum ludo oculos animoſque  
 paſſiſſe. Addit idem Scriptor, promiſcua multitudo decernendas  
 palam

palam grates divino numini censuisse, quod malorum consiliorum architectum Roblesium & Tribunos militares, velut præconcepti furoris ministros, ut odium generis humani, ita opprobrium ludicrae captivitatæ comitaretur. Id xiv. Kalend. April. factum Nicolaus tradit Martinumq; Bayartum Gantonium Stavoranæ arcis Satrapam, cum Bustamantio, qui Harlingano castello præerat & Tribuno cohortis, ut memoravi, Feuterio vinculis datum, ac Stauriâ Zwollam devectum, ut consiliorum Roblesij ita popularis odij communionem tulisse. Quod ex crudeli & aspero Roblesij ingenio natum auctores non dissimulavere, cum in acta relatum sit, eum præter Ducis aut Tribuni legionis dignitatem, crebrò supplicium militare, quod jubere etiam cum temperamento debuisset, iracundiæ calore suâ manu executum. Ita confosso, strangulato aut glande trajecto milite avidam cædis dexteram sæpe sanguine imbuisse, haud dubiè, ut illius effundendi consuetudine exercitus, animum ultro immanem graviore sævitia efferaret.

*Crudele Roblesij ingenium notatur.*

Thuanus scribit Roblesium, custodiæ tempore, cum Georgio Lalainio successore collocutum, tanquam commodum in Frisiâ regnandi instrumentum, fovendas provincialium dissensiones commendasse quo, procerum viribus intestina per odia luxatis, formidinem popularis potentia & simul modum imperio, confirmandæ dominationi exueret. Ferunt Sixtum Dekama, nobilissimæ stirpis & doctrinæ virum, ex ore Roblesij præsentem Lalainio, in cujus comitatu tum erat, istam vocem exaudivisse eundemque sæpè apud familiares acta priorum temporum repetentem, veri in hoc fidem clarissimi scriptoris Aug. Thuani eruditus commentarijs adstruxisse.

Adeo verum est, Philippi Præfectos regiæ dominandi cupidinis æmulos, parum modestis per Frisiâ consilij interfuisset ijsdemque stabilendi regni moribus usos, non absimilia in Trans-Rhenanis provincijs ijs, quæ in Belgica Philippus documenta rerum edidisse.

Mox Austriacus post Fœdus Marchas apud Faminas confirmatum, Lovanium in Grudios progressus, pro redimendis captivis intercessit. Gasparoque Roblesio, conjugi & liberis, tum cohortium tribunis ac Josepho Talimerio quondam regiæ triremi apud Staurios præfecto, veniam rogavit. Is Campis oppido ad flumen Isalam, haud procul Austrino sinu sita, durior custodiâ asservabatur patratique sceleribus enormi sævitia, quâ famam per Frisios adeptus erat, squallore teterrimi carceris litabat. Erant qui censerent, longi furoris piaculum populari iræ immolandum placandumque illius cæde illorum sanguinem, quos vir ultra hominem ferox & malarum mortium repertor, per tormenta & cruciatus sustulisset. Cæterum à Magistratu urbio veniam nactus reliquis cum captivis in Brabantiam abductus est.

*Quod difficulter impletur.*

Tum Austriacus de dimittendis legionibus cogitavit castellumq; Antverpiense, quod ab Albano extructum Hispani præsidio tenebant, Philippo Croio Arschotano tutandum demandavit. Mansfeldium quoque deducendis Hispanorum, Italorum Burgundionumque copijs præfecit easdemque desertis castellis arcibusque, excedere provinciarum finibus jussit. Traditum Annalibus est, Legiones istas (sub Ferdinando Albano ad decem millia Belgicam ingressas eximius Scriptor Everardus

*Austriacus exterâ copias excedere jubet.*



clo. Io. dus Reidanus notat) eodem fere numero provincijs excessisse ipsumq;  
LXXVII exercitum, ut lixarum calorumque, ita puerorum scortorumque impu-  
ra agmina trahentem, ingluvie & lascivia diffluxisse. Unde redditam  
terris pacem plurimi autumabant, amoto quietis publicæ perturbatore,  
& arcium præsidij inquilinæ genti commissis.

Reperio in notis Cl. Franckenæ Hispanos x i. Kal. Maji. Trajecto  
ad Mosam prædâ onustos exiisse erectisque signis, velut gestarum re-  
rum gloriam testaturos patrum populique servilem patientiam intrisisse.  
Bernardinus Mendoza equitum ductor & post Philippi in Galliam An-  
gliamque Legatus, suis commentarijs inseruit, ab iisdem Hispanis in-  
tra decimestre spatium triginta hominum millia cæsa confectaue per  
Belgicam fuisse, eosdemque direptis sexaginta foederatorum vexillis,  
proprio velut numine usos, uberem prædam partæ gloriæ adiecisse.  
Etsi sint qui existunt id plus infamiæ ex sævitia quam gloriæ ex vir-  
tute traxisse populumque Belgicum inermem & velut in pace securum,  
non ut antè per conflictus & pugnas, sed latrocinia & cædes intra ip-  
sos urbium muros, intra ædium consepta Hispanicarum gentium furo-  
ribus mactatum. Credulâ scilicet multitudine nihil fraudis & doli suæ  
innocentiæ superesse pacisque sanctionem tot confessibus procerum &  
solemnibus subnixam primos concordia fructus quietem & tranquilli-  
tatem perpessæ enormia genti daturam.

Quamobrem Lalainius, quo securitati provincialium consuleret & ad  
formam superiorum provinciarum, Frisorum quoque intra Flevum &  
Lavicam remp. ordinaret, Leovardianæ arcis Joannem Mathenessium  
præfecit eandemque regio Ordinumque nomine asservandam ei dedit.  
Harlingano vero castello Petrum Sickingham, Stavorano Franciscum  
Pipenpoium imposuit ejectisque Valonum signis, Germanicas cohortes  
pro præsidio locavit.

*Ingrreditur  
Stauriam.*

Notat Staurius Scriptor Georgium Lalainium amplo comitatu stipa-  
tum, i i. Non. Maji componendis rebus Stauriam urbem ingres-  
sum, à flore juventutis urbanæ civiumque ac municipalium frequen-  
tiâ exceptum, flagrantis apud populum gratiæ specimen tulisse, Stau-  
riosque, jam ante Roblesium averfatos, ejusque in urbem introitu,  
velut factâ solitudine se abdentes, publica tum loca occupasse, con-  
gariarumque accepisse.

*Austriacus  
Bruxellas  
tendit, ma-  
gno cum eo  
comitatu.*

Itaque omni arce castelloque regio suspectis rectoribus præsidijque  
liberato, externisque legionibus in Cispadanam Italiam amotis, Joannes  
Austriacus capeffendâ dominationi iter Bruxellas intendit, cujus  
ardore impotentius juvenilis animus flagrabat. Comitatum ejus, ut  
Legati Cæsaris Ordinumque Belgicæ, ita tria fermè spiculatorum sti-  
patorumque millia sequebantur, quos infidis rebus, nec ultro per con-  
scientiam metus expers, custodiæ corporis loco obsidum delegerat.

*Ingrreditur  
Bruxellas,  
magnifico  
que excipi-  
tur.*

Sic medius legatum inter Pontificis & Leodiensium Episcopum equo  
vectus, ipsis Kal. Majis urbem intravit, quæ jam ante Brabantia &  
post Burgundia Principum sedes, ut conventibus procerum, ita tum  
magnificentia & apparatus rerum serviebat. Unde pretiosæ porticus  
per urbem erectæ arcusque passim per vicos extructi trophæa fa-  
mæ & gestarum ab Austriaco rerum decora ostentabant. Itaque palam  
devi-



devictarum urbium imagines præterque Africanæ expeditionis claritudinem, Ægæi maris prospera pictis in tabulis visebantur. Antecedebat LXXVII. currus aureo panno constratus, cuius utrumque latus artificum picturis adornatum, contracta aut mutilata arma, aut publicam rerum libertatem & fecundam luxuriam exprimebat. Domorum vero editis matronæ passim pulcherrimæque virgines sistebantur jaciendisq; desuper fertis corollisque intererant. Itaque humus vario flore conspersa agendis ludicris discurrentem populum exercebat. Adhæc ubivis lætæ acclamantium voces totamque per urbem suavissimi vocum concentus audiebantur. Austriacus ipse decorâ juventâ & illiciendis animis validâ spectantium ora morabatur rudimentaue imperij speciosis initijs cohonestabat.

Econtra immodica gratantium studia, velut assentationibus conspersa alij dedignabantur populumq; inconsulto impetu ad dubia & ut periti censebant, falsa gaudia adfurgentem, incerto pacis auctori & conciliandis partibus impari servile ministerium & poenitendum officium devovisse. Erat enim, qui illum Austriaci ingressum cum Philippi inauguratione & solemnibus conferrent sumptuosumque & ingentem paratum dignitati ac fortunæ Principis assimilarent. Etsi essent, qui non ignorarent, Austriacum vigore juventæ & morum gratiâ spectabilem, tanti apparatus non eguisse, quod obscuris dubijsque natalibus ortum, procul imperatoriâ stirpe, despectæ ab eo & parum pudicæ matris Germanæ foeminæ temeritas & imprudentia vulgasset. Neque enim alio fine eam in Hispaniam amotam, & sub curâ nutricis suæ in coenobium detrusam, quam ne eius ignobilitate aut inhonestiore vitâ offenderetur suæque conditionis ac originis ex matris præsentia monitus, regios spiritus gerens, ultro contemptos natales majore ludibrio & despectu foedaret.

Antonius Delrio suis in commentarijs notat, Viglium Zuichemum Senatus Præsidem morbo languidum spectandique Austriaci desiderio lecto allevatum, quid suspecti protulisse eodemque lecto, velut fatali sede repositum novendialis morbi ferociâ extinctum. Creditum fuit, Viglium Præsidem, sagacitate quâ pollebat ex indole, aut moribus suspecti Principis latentis vitij rationem deprehendisse, ac si sedandæ tantæ tempestati, quæ regem & provincias extremis odijs dissociasset, juvenile ingenium non responderet. Itaque eum, perspectis Austriaci consilij, de remedijs recrudescentium dissensionum desperasse ægritudineque mentis correptum, eadem sensim auctâ & senecta ultro gravi vitam finisse.

Thuanus scribit Viglium, claritudine literarum, & civilis prudentiæ summas ad dignitates, Carolo Philippoque rerum potiuntibus evectum & libertati jam ante prioniorem, Ordinum gratiam, post Hispanorum in partes inclinare visum, odium sibi conlasse liberalioreque ante annum custodiâ detentum, coram se turbidis temporibus & ex his nascituræ rerum conversioni indoluisset. Itaque multa redarguendis finistris rumoribus effatum integerrimâ professione, se conservandæ regiae auctoritati omnem curam ac sollicitudinem impendisse alienumque ab Hispanicæ gentis moribus, populi & rerum omnium salutem in fi-

*Judicium de hac pom. p. 4.*

*Viglius Zuichemus lecto fatali se allevat, us Austriaci spectaret, qui non placer.*

*Viglium post novem dies moritur.*

CL. Io. de Regis, tanquam unico societatis vinculo collocasse. Quæ à Thua-  
LXXVII. no Cl. Scriptore actis tradita, virum & patriæ & simul Regi suâ opinio-  
ne nihil detrahentem, à suspitione totæ Hispanicæ immanitatis & inju-  
riâ scriptorum exemere. Cadaver sepulchro, quod vir suæ mortalita-  
tis & humanæ legis etiam in tantâ fortunâ memor fieri apud Gan-  
davos sibi curaverat, honoratis exequiis inlatum. Itaque patriæ patris,  
consente per Frisiam Senatu, nomen ei decretum affixumque publicis  
monumentis æternæ temporum famæ servatur.

Annotatum invenio circa Kal. Majas, aërem continuo frigore im-  
bribusque fœdum fuisse vernique cœli clementiam, velut brumali in-  
juriâ, confudisse.

*Conventus  
Delegatorum  
Leovardiæ  
habitus.* Conventum quoque Delegatorum Frisicæ Leovardiæ ad 11. Non.  
Maji habitum, Abelumque Franckenam virum eximium, in Hollandi-  
am pro legato missum, versipelli Austriaci ingenio & suspectis actio-  
nibus diffidisse. Tradit F. Nicolaus ingentem trium millium libra-  
rum auri signati thesaurum à puerulis victum domatim quærentibus in

*Ingens the-  
saurus in pa-  
go Iorwert  
reperitus, do-  
minorq; præ-  
dij adjudici-  
catis.* Jorvertæ pago tum repertum Hæctorique Dekamæ viro nobili & præ-  
dij domino adjudicatum. Idem addit Stauriæ delubrum, à Cunero  
Episcopo Iustrali aquâ tum respersum, non alio ut creditum fuit consi-  
lio, quam ut infesta superstitionibus tempora, auctâ templi religione,

*Gravis per  
Frisiam in-  
undatio.* sacrilegij metu deterreret, Mox Oceanus, quod in 11. Kal. Jul.  
diem incidit, supra solitos æstus se extulit superatoque littore & excel-  
si aggeris mole in omnem provinciam se sparsit. Unde armentorum pec-  
corumque greges vi fluctuum abacti humana quoque cadavera, in ipsis  
domorum conspectis obruta, secum traxere. Fœnum quoque jam ante  
refectum apiscendæque maturitati & nutriendo sub hyemem pecori ard-  
oribus Solis expositum, ipsis aquis innatavit radicibusve cohærens sal-  
sedine marinâ erosum, spem agricolæ elusit. Cujus inundationis, ut  
ingens damnum, ita recens adhuc memoria est, quod æstivo tempore,  
ut antè triennium recurrens diluvium, velut hybernâ tempestate, cul-  
tis agris se infudisset.

Notat Heymannus marinos fluctus tam insolito æstu intumuisse, ut  
summitatem Biltani aggeris excederent inundatæque omni Dongriâ &  
maritimis agris, solo Slachtano aggere coercerentur. Cl. Franckena  
addit, solâ tempestate tum evenisse crebroque alias commotum mare  
& lunæ sydere impulsam, Frisicis terris ordinarias ut plurimum inun-  
dationes intulisse. Grandinem quoque miræ magnitudinis cælo decidisse  
totamque æstatem, velut legis oblitam, frigidissimam & pluviosissimam  
fuisse.

*Austriacus  
in conven-  
tu Ordini-  
um sacra-  
mentum di-  
cit.* Mox Austriacus Bruxellis agens, recente adhuc publicæ festivitatis  
memoriâ Ordinum coetu acto sacramentum dixit animumque subdolum  
& fallacem, quem clam sceleri & defectioni obstrinxerat, manifesto  
perjurio provincijs obligavit. Ordines vero provinciarum, ut compo-  
nendis ex Foedere rebus, ita pacandis præcipue Germanorum cohorti-  
bus occupabantur redimendisque civitatum arciumq; præsidij, æs & fi-  
dem detrectantibus missionem offerebant. Creditum fuit easdem le-  
giones clam ab Austriaco corruptas servandis, velut pignori, castellis  
urbibusque se dedisse æquisque conditionibus præfractas, aut contu-  
maces



maces foeda, & nuperis furoribus non difformia consilia agitaſſe. c. 10. 11.  
 Mox approbando Foederi à Joanne Auftriaco legati ad Aurantium LXXVII.  
 miſſi ſpecioſa anuntiavere.

Admotum gerundis rebus, ORDINUM conſenſu, AUSTRIA- Idem ap-  
probando  
foederi ad  
Aurantium  
Legatos  
mitti.  
 CUM, primordiaque imperij non inſauſtis ominibus ingreſſum. Foederum ſci-  
 licet ratihabitione, non Bruſſellenſium ſolum, quos in ſumptuoſos apparatus re-  
 rum deſiderium novi Principis egreſſet, cæterum ſuperioris Belgicæ populum tra-  
 xiſſe. Neque aliud reſtare, quam ut omnes provincie ſanctiſſimi adjuſſatque  
 ab Auftriaco Foederis fructum ſentiant, communeque bellum commun pace ſo-  
 piatur. Eo perveniri ſignato per AURANTIUM federe poſſe. A-  
 motas quippe ex pacto legiones Aurantiumque in patrimonia principis domus  
 reſtitutum. Non relictum eſſe quærele, aut tergiverſationi locum. A U- Aurantium  
Auftriacum  
diſſidiis.  
 RANTIUS verò filium Hiſpaniæ attineri, ſuaſque per Luxemburgicum  
 agrum & Burgundiam poſſeſſiones & cum ijs proventus interverti criminabatur.  
 Regis potentiam alieno ſtare, nihil aliud quærentis, quam, ut impuſſis pro-  
 cerum Belgicæ rebus pro libitu regnet. Nec per vim tantum, ſed doſoſe hoc  
 adniti. Deceptos Marchicæ conventionē ORDINES & materiem novis  
 diſſidijs ac ſæde ſervituti ſcriptam, quam excutere quocunque etiam modo in  
 Principem animum induxiſet. Iſti fini ſe ad Friſios trans Rhenum agentes  
 litteras dediſſe, mox auxilia miſſurum. Neque enim rei tam ſanctæ ſe pude-  
 re, opprobrio illorum, qui extinctam per recentia imperia antiquam liberrimæ  
 Friſiorum gentis memoriam velint.

Itaque non theatralium ludorum ſpectaculis, quibus Auftriacus cap- Etiam alij  
prudentio-  
res.  
 tandis populi favoribus ſe ſiſtebat non comitate etiam infra Principem  
 prudentiores movebat, aulæ morum peritos & jam antè in Requeſen-  
 tio edoctos externa ſæpe officia ſubleſtis conſilijs obtendi. Quippe Quia Reſi-  
gionis Edi-  
ctum denuo  
vult publi-  
cari, Reſor-  
matorumq; af-  
ſeſſe haberi.  
 aſperum Religionis Ediſtum per provincias publicatum memoriam prio-  
 rum vulnere refricabat & quod ſecretis ad Senatum per Friſiam regi-  
 um mandatis corrigendos hæreticos ( ſic enim Reformatos indigitabat )  
 & falſa religione imbutos priſcæ poenarum aſperitate præcepiſſet. Quæ  
 etſi à Senatu in populum non vulgabantur contegendis arcanis, ita  
 redarguebat Ediſtum novis diſſidijs nova nutrimenta quæri. Quare  
 exules, quos jam ante patriâ extorres religio fecerat, inclementia rur-  
 ſum temporum metuebant, ac ut eadem ſeveritate patria & bonis pro-  
 voluti toleratis ſemel exilijs deſtinarentur. His accedebat, quod Au-  
 rantius ſociæque provinciæ foedus cum Auftriaco iſtum, ut damnofum  
 & fallax averſarentur futuræque defectionis, & infantis belli triſte præ-  
 ſagium, interceptis in Gualconum finibus Auftriaci litteris, firmaretur.

Ijs ad Regem perſcripſerat.

Impurum Belgicæ corpus validiore remedio curandum lenius jam diu re- Auftriaci  
ad Regem  
de Belgicis  
Provincijs  
litteræ.  
 ſuiſſe. Quinurendum ſecundumque potius, ne, quod medicorum filij maxumè  
 præcaverent, partis infecta contagione cætera conſenſu vitentur. Damnum  
 fidei crimine populum acriore bello reprimendum eſſe, quod non magno exercitu  
 ut nuper Albani & Requeſentij atate, cæterum veterano milite & modicis co-  
 pijs gerendum ſit. Nervo autem belli imprimis opus eſſe, ac ut miſſa conti-  
 nente inſulæ aut circumſuſa amnibus loca regi aſſerantur. Adhæc ſerendas



cl. Io. procerum & populi discordias, quo provincialium potentiam concordia florentem  
 LXXVII. & robustam dissensio extenuet. Sic secundis rebus præsterni viam posse.

Quarum rerum & interceptæ scriptionis ut ignarus Austriacus non erat, ita præconcepto sceleri exitum machinabatur, gnarus omnem moram malis consilijs obesse. Igitur Spadanas ad thermas, velut conducendæ Navarræorū reginæ iturus, quæ diuturnæ invaletudini salubres istorum fontium aquas morbo remedia quærebat, præter Chimæum Principem & reliquam nobilitatem Georgium quoque Lalainium flore juventæ commendatum Frisiâ Mechliniam in comitatum evocavit.

*Austriacis  
 Lalainium  
 Frisiâ Me-  
 chliniam e-  
 vocat.*

*Is primò  
 per Frisiam  
 omnia ritè  
 ordinat.*

*Post Mech-  
 liniam pro-  
 fectus sero-  
 que adven-  
 ians Bru-  
 xellas profi-  
 ciscitur.*

Cæterum Lalainius, sive suspecta Austriaci consilia habens, sive asserendo fœderi prior, provinciam fidei suæ commissam ex præscripto Gandavenfis conventionis ordinavit Valonumque præsidia assignato are dimisit. Germanorum quoque ac Frisiorum cohortes, quarum delectum de mandato Ordinum egerat, custodiæ arcium imposuit curatisque Leovardiæ, Harlingæ atque Stauriæ rebus Mechliniam profectus est. Ubi serius adventans, & mox febre correptus, ingressus jam iter Austriaco, Bruxellas se recepit deque provinciæ suæ statu Delegatos Ordinum edocuit.

*Austriacus  
 specie venâ-  
 di Namur-  
 cum ingre-  
 ditur, ar-  
 cemq; su-  
 am armis  
 facit.*

*Austriaci  
 secreta cum  
 Margareta  
 Gallicâ &  
 Guisij pa-  
 tria.*

Creditum fuit Austriacum, Lalainij per Frisiam instituto & mutatione rerum offensum, clam exitum ei destinasse, aut ut veneratione ac gratiâ Philippi pellectum mobilemque, eâ Lalainij ætate, animum iisdem defectionis consilijs imbueret. Sed Lalainius suo sive fato aut arbitrio præpeditus integram & tum adhuc vitij intactam mentem Austriaci insidijs & decreto sceleri subduxit. Quare Austriacus discerpente conscientiam metu & ne detectis dolis discrimen sentiret, Namurcum ingressus est specieque venandi, post salutatam Navarræorum reginam, Arduennæ in saltu datâ arcem circumiens suam armis fecit.

Scribit Thuanus, Margaretam Henrici III. Regis sororem abstinere cum marito aulâ iussam affectæ valetudini causam simulasse, quo visendis Tungrorum aquis occasione captatâ, Austriacum, jam ante Guisiorum societati desperatis rebus innexum, mutuorum auxiliorum interioribus pactis obligaret. Quod arcanum, ex Joannis Vargæ regij per Galliam Oratoris litteris detectum, Philippo horrorem incussisse memoriæ traditum est, non sine causâ indignanti, Proregem suum & illius ministros, fœdius an laxius dubium, suis mandatis usos duorum regnorum Galliæ & Hispaniæ vires secretis societatibus inligasse.

Ego existumo Margaretam, Catharinæ Medicæ matris moribus haud abfimilem, iisdem præceptis tum instituisse, ut à matre olim, Carolo filio impubere, actum Baionæ cum Albano fœdus, inscio fratre, cum Joanne Austriaco in Arduennæ solitudine, tanquam consiliorum secessu, deprimendis per Galliam Protestantibus & per Belgicam fœderatis innovaret. Itaque materiem perfidiæ sedem, quod meditabatur, bello nactus, vim sacramenti & simul gloriam boni Principis excussit.

Tradunt scriptores arcis potitum circumstante coronâ illud Imperij sui initium dixisse, eundemque diem, velut suæ dominationi natalem istiusmodi cœptis atque auspicijs inchoari.

Mox in provinciarum Ordines acerbius investus, dissimulata diu & cum

cum arte odia, ac simul arrogantem animum fidentemque fortunæ ac-  
peruit. Igitur Germanicarum Legionum Tribunos, quos ad sacramen-  
tum suum promisso ære ac patratæ seditionis impunitate adegerat, oc-  
cupandas ad civitates & castella speciè præsidij sollicitavit novod-  
imperio, amissâ populi gratiâ, insolens munimentum etsi infausto exi-  
tu quæsit. Castello quoque Namurcensi militem & commeatum  
procuravit istoque consilij successu, velut levi fortunæ vento inflatus  
militare imperium præsidium dominationi poposcit. Dein quo causam  
occupatæ per dolum arci obtenderet, ix. Kal. Aug. litteras ad Ordi-  
nes dedit, quibus Gandaveni foederi asserendo operam se navasse mis-  
isq; externarum gentium legionibus concordiam aluisse speciosis ex-  
emplis ostendebat.

*Austriaci  
litteras dat  
ad Ordines  
de occupatâ  
arce.*

*Sic anteaclarum rerum quas bellum aut dissensio suasset, oblitum, inlatas  
regi injurias posuisse, haud aliâ spe, quam ut se inter & ORDINES  
æqua societas constaret publicarumque rerum, præcipue vero consiliorum commu-  
nio esset. Caterum turbida ingenia foris & intra provincias alendis discordijs  
haberi, paci infesta & divellendis procerum nexibus sinistra famæ serentia.  
Adhæc sibi & comitatu suo structas insidias parricidiumque Principi aut ejus  
Legato intentatum certæ securitatis egisse. Ideo in arcem Namurcorum se  
subtraxisse, ne publica quies ulteriore malo obturbaretur & ut rerum arbitris PHI-  
LIPPO & sibi, quos fortuna imperio destinasset, cæteris relicta obsequia  
deferrentur. Eorum vero provinciarum ORDINES se certiore fecisse,  
amovendis sinistris populi suspicionibus, qui certus esse queat adjuratam pactis  
fidem intemeratam fore. Neque aliud restare, quam ut regi contumaces in  
ordinem redigantur pareantque ex præscripto.*

Quæ litteræ etsi diluendo defectionis crimini ad Ordines mitte-  
rentur, animorum tamen civilium inquietudinem & secretum murmur  
non sedavere. Itaque compositæ vix provincialium mentes & in no-  
vas pacis spes jam ante erectæ tristitia rursus atque funesta ominaban-  
tur, velut fato aut iris cælestium perpetua arma aut saltem dissidia  
miserrimis provincijs decernerentur. Ordines vero exautoratas copias,  
nudatam præsidio Rempubicam, discordes provincias revicturo haud  
dubiè bello obtendebant ambigique consiliorum, ut solet rebus inspe-  
speratis suâ imbecillitate percellabantur. Quare Legati ad Austriacum  
missi, qui affectus & desideria procerum, pacem publicam & si quæ  
subesset ( id namque perscripserat ) ultionem conjurationis pollice-  
rentur. Corrigendis quippe flagitijs judicia ac leges non deesse.

*Legati ad  
Austriacum  
mittuntur.*

Repeteret Austriacus Bruxellas sedem Senatus, reperturus haud du-  
biè majora pacis quam belli præsidia & procerum pectora subortis æ-  
mulationibus perculsa.

Cæterum detectâ, quas Austriacus corruerat, Germanicarum Le-  
gionum fide, ut restaurandæ concordie spes incisa, ita Ordinum con-  
silia se exacuere. Quare asserta foederi & mox diruta castella turbi-  
dæque legiones oppidis arcibusque ejectæ, aut præfectorum imperijs  
adversæ improprosperos Austriaci conatus retardavere.

*Austriacus  
Germani-  
cas legiones  
corrumpit.  
Ordines se  
defensionis  
parant.*

Annotavit F. Nicolaus x. Kal. Sept. castellum Antverpianum Fer-  
dinandi Albani curâ extractum, à civibus solo æquatum fuisse præsidia-



cIo. Io. que Germaniæ nationum Bergis ad Zomam cæterisque locis expulsa  
LXXVII. sollicitudinem procerum minuisse. Itaque Austriaci animus immoder-

*Austriaci  
denuo Or-  
dines de pa-  
ce sollicitat*

*Ordines re-  
spondent.*

sti appetens & summæ fortunæ magnarumque rerum immodicus af-  
fectator, ad mœurs ac fœta simulationum reversus, etiam Cæsare in-  
tercessore de ineundâ pace proposuit ejusque petendæ aut capiendæ,  
si ita videretur belli arbitrium provinciarum Ordinibus fecit. Econtra  
Ordines continuas pacis sollicitudines, tum singulare religionem erga  
& regem studium profitebantur. Inde scilicet missos ad Austriacum le-  
gatos, ut offensæ partium cessarent, ac reviviscente concordia Fœdus  
Gandavi ictum & post titulo æterni Edicti à Philippo Rege insignitum,  
sacrosanctum & inviolabile haberetur. Interim dolosis machinamen-  
tis circumventos dimisso exercitu aut saltem attenuato bellum pro  
pace accepisse.

*Austriacus  
litteras dat  
ad Magi-  
stratum &  
Senatum  
Leovardiae-  
num.*

Habitos scilicet per Austriacum delectus, admotosque gerendis per  
Belgicam rebus, libertati provinciarum & simul quieti insidiantes. Pos-  
se Austriacum testem ejus rei conscientiam consulere, quantum reli-  
gioni Fœderum tribuat & num causam armorum amantibus pacis sup-  
peditaverit. Non egere alijs præscriptis, cæterum fœderum religione  
sua imperia ac consilia metientem aberraturum non fore. De se te-  
stari non laturos unquam, ut stabilitis tantâ solemnitate fœderum fa-  
ctis quid decedat, neque ad arma provocaturos præterquam irritatos,  
& imminenti exitij certos. Itaque Austriacus, invalescente per Fri-  
sios defectionis suæ famâ, ad Consules, Scabinos Senatum Leovardiae  
urbis è castello Namurcensi hunc in modum litteras dedit.

**I**A M diu ab invidis & paci publicæ infestis famâ setor redintegrare bel-  
lum ac reducere legiones velle. Quorum rumorum autoribus, ut ante &  
post meum in provincias adventum plurima malè acta, ita decreta mi-  
hi insidia fuere. Et quoniam ferendis turbis, quo provincias bello invol-  
vant, etiamnum intersunt illorum pravitatem confundor, qui hoc tantum in  
votis habeo ut cultâ Religione & Rege meo pactis Fœderum stem. Quæ ut  
ignorare vos conicio, interceptis haud dubiè litteris, quas jam ante ad vos  
expedij, ita subjungendas has duxi, quo de voluntate regis & meâ vos doce-  
rem. Ego vero, ut Religionis & Regis mei curam gerere mandor, ita jam  
ante magno gaudio integritatem Ordinum amplexus sum, quâ Religioni & Re-  
giæ Majestati se non ita nuperè obligavere. Cæterum postquam deprehendi pau-  
corum instinctu, quos malus animus regit, tum autoritate AURANTII  
& falsis suorum delationibus ac calumnijs me exponi, securitati meæ consulere jus-  
sus sum, in hoc à Deo, à Rege constitutus ut provinciarum incolumitati præsim.  
Itaq; in arcem Namurcanam, meæ innocentie perfugium, me tamdiu subduxi,  
donec instantibus periculis succurrerem. Quod factum, ut sinestrè interpretari O-  
RDINES nequiebant, ita laudem mereri debebat, quod saluti imperantis hoc  
ipso prospectum esset & quod illum locum habendis concilijs & instituendæ pacis  
actioni delegissem. Igitur missis ad Ordines provinciarum Legatis meis de no-  
vo fidem feci adjuratum meo sacramento Fœdus integrum me velle & Regem  
ejus animi esse, ut si evitare queat, nec bellum nec exitium sui populi velit.  
Tantum abest ut de revocandis Legionibus cogitet. Interim publicæ securitati  
sinistra consilia suggeruntur & quidem ab ijs, qui aut Catholica Romana Re-  
ligioni;



ligioni & nostris sacris minus equi, aut spes suis civilibus in discordijs ponentes, implicare novis bellorum furoribus infelices provincias in animum inducant. Itaque autoritate sua, quæ prævalere factiosos & turbidos demiror, omnis ordinis homines suæ societati innectunt & quod sædus est, in Religionem, in Principem, in patriam, in sua viscera se armand, sanguinis avidi & alienâ miserâ se pascentes. Apud me verò inculpata tutelæ potissima ratio erit, neque reponam arma præterquam coactis & si sensero Romanæ Religionis, Regi aut meo capiti insidias aut periculum parari. Vos vero hoc faciendo impia arma tractabitis patrijsque religionibus adversi animos sacrilegio imbuetis. Sin vero Principi vestro bellum decernitis, reputate quid divinæ, quid humanæ leges ventent & num causa vestris armis obtendi queat. Reputate nihil asperi, nihil iniqui Regem in vos molitur, præsertim ab eo tempore quo cum eo pacta & Fœdera inijstis, quorum sacra reveritis est. Vos quoque ut rebellionis, ita majestatis crimine vestras mentes polluetis clementiæque regis abusi derivabitis in vestra exitia potentiam tot regnis subnixam. Mei autem odio si quid turbidi insidis animis agitatis expendite, quo jure emulationes vestræ fulciantur & an pactis unquam conventis defuerim. Ego Hispanicas & Italorum Legiones successere jussi, ego castella & arces vobis tradidi. Singulari post patientiâ adversum obrectatores usus dissimulavi injuriam, postquam vigente justitio corrigere immodestiam severis legibus nequibam. Itaque rationem reddere gesti imperij non abnuo, paratus ad hoc, si memoriam meorum beneficiorum, si meâ apud Regem intercessionis posuistis & quod Fœderum jus sactum tectum curaverim imperium, quod accepi, deponere, modo successorem anteponendum mihi censeatis, meoque ingenio, tanquam infelici sydere nato, fatale bellum esse. Istius consilij secretum Ordinibus provinciarum jam ante exposui testorque etiamnum, si alium Regis sanguinis Principem desideretis missionem me petiturum. Itaque Italiam aut Hispaniam honestè dimissis repetam, cæterum hac lege, ne gravis vobis successor sit & ut arma sistantur. Provincialium rebus atque fortunis abstinere volo, & belli onus ac simul grave populo tributum meo discessu allevari. Igitur dimitti atque exautorari quemcunque suspectæ fidei peto & cujus usus in pace nullus sit. Cui conditionum æquitati si assensum detis nullus bello locus erit, quod aureæ paci omnis mortalium ætas postposuit. De me testor discordijs ac armis inimicum nec de reparando bello nec revocandis legionibus cogitare. Cujus animi si non fuisset, ad dimovendum exercitum nulla vis me compulisset, aut ut castella ac arces meæ dominationis munimenta excussis veteranorum præsidijs novis rectoribus dederentur. Itaque certi estote, pacem me cupere & ut provincia vestræ patrio ritu regantur meumque imperium veterum Præfectorum, qui Caroli patris ætate egere, imperijs conforme sit. Catholicam vero Romanam Religionem imprimis haberi & colli Regem volo rogoque ne admissis rumoribus, quos senescere sinetis, me aut regem ad iniqua & illicita & per hæc ad arma incitetis. Cogitate civile bellum externo sædus hac occasione revidendum vosque sacrilegij & spolijs templorum ruinis urbium & vastationibus agrorum superesse. Latrocinijs, virginum ac matronarum stupris, vestra servitute bellum redimetis quod commercia & vestras opes exhauriet, artium & pacis decora subvertet. Adhæc gravem annonam, aut pestilentiam caelestes iræ dabunt vestræque miseriæ non una calamitas incumbet. Taceo de insolentiâ & oppressione militum, quibus per vim & ex rapto stipendiâ parabuntur, postquam araria censu exhausto exsolvendis copijs non erunt.

clō. 10. Viriū vero & as edicto conferri populus respuet, vili magistratuum auctoritate LXXVII. te & imperijs corruptæ plebis obnoxia. Præterea cogitate cum Rege ac Principe vestro bellum vobis fore, quem, ut nec curanda paci præsidia, ita nec bello nervi destituent. Quod si expenderitis, dammabitis belli concitores, qui ut religiones ac sacra vestra, ita obsequia distorquent, quo sibi securitatem vestris dissidijs parent. Quare æternum numen & conscientias generis humani testor, si ad arma redeundum sit, nec Regi nec mihi bellum imputandum, quos justam ad defensionem publica necessitas & vis ultima compellet. Sic arma bellum volentibus, etsi inviti reponemus, ne provinciarum salus nobis fato commissa vacillet, & ne regie auctoritatis apex debitis obsequijs privetur.

## HÆC AUSTRIACUS.

*Austriacum  
Legatos ex  
singulis pro-  
vincijs Namur-  
cum vocat.*

Post singulis ex provincijs Legatos Namurcum vocavit cautionemque publicæ pacis & fidei præstitit. Creditum fuit Austriacum, interversis per Lalainium Leovardiæ urbis & simul provinciæ rebus, odio Aurantij hæc perscripsisse spirantemque arma & bellum demulcendis enervandisque provincialibus quietem & concordiam suavisse. Itaque litteræ Austriaci Leovardiæ in vulgum sparæ præsumptis suspicionibus non caruere. Unde Georgio Westendorpio Senatori regio à Joanne Mathenessio arcis Satrapa & globo militum manus injectæ, ductoq; in arcem regiam crimen objectum, quod Martino Bajarto, capitalium nuper rerum præfecto & Groningæ custodiæ dato subiectoque quæstionibus mala & exitiosa reipublicæ consilia instilasse, nec falsâ accusatione, diceretur. Scribit autor eundem Westendorpium à Drentiæ finibus retractum septumque custodiâ militum bis deliquio animi correptum metuque aut mali consilij conscium regiam in arcem abductum.

*Westendor-  
pius Sena-  
tor Regius  
prehendi-  
tur inq; ro-  
giamarcem  
deducitur.*

*Tumulus  
Leovardiæ  
ortus.*

Igitur ne toti Senatui vis fieret, decuriæ vigilum à Magistratu urbi-  
co conscriptæ fœcundam partium civitatem magis magisque turba-  
vere. Mathenessius quoque diurnis nocturnisque civium excubijs ter-  
ritus muniendæ arcis regie incubuit cohortemque militum iusto præ-  
sidio adjecit. Unde totam per urbem & ut turbidis rebus affolet,  
multa famæ largientem rumores sparsi, quibus Senatui regio & Ro-  
blesianæ factioni strui insidiæ ferebantur. His movendis populi inge-  
niji gravius additum, velut auctum à Mathenessio præsidium sectioni  
civitatis destinaretur. Quare populus nullâ partium ratione metuens  
direptionis armatus forum obsepsit erectaque per urbem signa circum-  
ferens vigilias duplicavit.

*Sed mox se-  
datis.*

Mox multitudine factionibus imbecillâ & ex se discordi facile sedatâ,  
Mathenessius militem Docomium ac mox Oostmahornam expedit, quam à Bartoldo Entenio jam antè iusto opere circumductam Renicus Dekama Prætor Collumanus vir nobilis diuturno etfi debili præsidio tenebat. Quippe semiplenâ cohorte propugnaculum maris æstuario & Eæ flumini imminens velut in pace aut per inducias habebatur, hæsitante adhuc præsidio cuius sacramento per incerta & toties repetita procerum fœdera ac dubiam dominantium fidem militaret.

*Oostmahor-  
na obsepsa.*

*Deditio eius  
postulata.*

Quare postulata ocysus deditio, quod Roblesius xv. pedestribus copiis ac tribus Equitum turmis adjutus, irrupturus in provinciam con-  
fessio-



essione Majarti diceretur. Adeo difficile mortalibus desideria secundis rebus nata adversis exuere. Cui Majarti confessioni etiam hoc accedebat, quod Martinus Nitzenius, ut ante memoravi, cum Sceltone Tiarde & Feicone Tatmanno Bruxellas missus Doconem Martnam imminentium insidiarum pramonuisset esseque cavendum, ne subdola Ordines inter & Austriacum concordia omni que foedere & provincia insidijs exposita, quid detrimenti Respub. perpetua patriae amantium infamia ac exitio sentiret. Libertas quoque vigilando, consulendo, incrementum adepta in insensius servitium verteretur. Non ideo scilicet constantiam mentium Roblesio & pravorum consiliorum structoribus opposuisse, ut deterius in malum per socordiam provinciales recidant pulsque; provinciâ dominantibus desides & securi peiora primis imperia patiantur. Insistendum esse capto operi & premenda majorum vestigia, qui cæteras res viriliter, libertatem sanctissimè habuissent.

Mox Oostmahornæ munitio à præfidiarijs deserta. Itaque Vibius Goutumanus, Renici Dekamæ subpræfectus, vir militiæ impiger, sub Maximiliano Heninio Bossvio stipendia faciens suppletam mox cohortem suburbio Leovardiæ induxit, speculatusque occasionem superata clam fossâ in arcem pervasit. Quod etsi ægrè ferret Mathenefsus tutandæ arcis à Lalainio præfectus & fidei per litteras pramonitus, ita e contra Goutumanus interpretabatur fortius præsidium & utrumque sacramenta Ordinum professum comprimendis civium turbis conducere. Unde Mathenefsus ut temeritatis ita ignaviæ insimulatus, quod demandatam sibi arcis custodiam armato ac dubiæ fidei credidisset, & quem dimittere pro arbitrio nequiret. Possè istiusmodi consilij dolum & simul periculum urbi subesse, quæ non velit peregrinis validioribusque præfidijs suum castellum attineri. Sic increpitus Mathenefsus Vibium Goutumanum excedere castello jussit. Is vero virtuti suorum fidens ad arma conclamavit, præsidiumque à Mathenefsio arci impositum ponere arma præcepit. Mathenefsium ipsum, adinstar captivi, per ludibria & contumelias habitum custodiæ dedit arcique; præsidium statuit. Quare cives armati diem atque noctem sub dio egere pulsatisque tandem Achlenij Præfidis foribus dimitti præsidium postulavere.

Neque enim ante (inquebant) aut arma deposituri, aut sumpturi cibum nostris corporibus alimenta sumus, toleraturi inedia dum arcem nostræ potestatis feceris. Id si recuses tuo capite & sanguine nobis securitatem parabimus.

Quare Achlenius turbæ fremitu qui furori proximus visebatur, haud parum obturbatur, haberi ocys Senatū fecit promissoque civium nomine trimestri ære, seditiosam Vibij cohortem & simul inquietudinem civilium animorum sedavit. Illud additum in gratiam militum fuit, ut veteranæ cohortes in stipendijs essent. Mathenefsio imperium in adventum Lalainij abrogatum castellumque præsidio civium permissum Armatorum ductores sacramentum regio Senatui dixere. Quare sexaginta delecti, ductoribus Renico Cammingha viro Nobili & Æsgone Harmanno Consule, arcem occupavere, cujus diruendæ desiderium illo æstu rerum, ardore libertatis concors populus capiebat. Cæterum per absentiam Lalainij, qui expectabatur, tum prolatum subsecutæ rerum mutationi superfuit.

Vibius Goutumanus arcem Leovardiæ clam invadit.

Mathenefsus præsidium ex-pellet; ipsumque custodiæ dedit. Inde multus à civibus armatis.

Qui à Senatu regio sedati.



cIo. Io. Quippe Lalainius Bruxellas profectus, quo de statu provinciae referret, omnem gerendarum rerum curam sui imperij æmulo regio Senatui commiserat muneriſque bene obiti præmium gratiam patrum & legitimam Præfecti potestatem ſollicitabat. Cujus cum imaginem magis quam vim tenuiſſet, legato cum mandatis in provinciam miſſo quam Præfecto ſimilior, ita tum demum Præfecturæ ſuæ diploma à patribus accepit frænandiſque partium moribus & ordinandæ provinciae tabulas huiusmodi impetravit.

*Etiā impetrat,*

**E**Gregia factorum ratio, quæ **GEORGIUS LALAINIUS RENNEBERGIUS** patriæ ſuæ & præſertim Friſiæ ac adiacentibus ditionibus non ſemel collocavit, commovit nos, ut quoniam retinere in fide Regis ac boni ordinis ratione eaſdem provincias expedit, eundem **LALAINIUM** de conſilio noſtra Friſiæ ac vicinis provincijs moderandi præficiamus. Quâ in re, ut meritorum gloriam & populi illius in Lalainium inclinationem & affectum ſpectavimus. Itaq; **GEORGIUM LALAINIUM RENNEBERGIUM** Præfectum Friſiæ, Groningæ, Omlandiæ & Drentiæ declaramus facimusque ei poteſtatem jure Præſecti curandi, ut juſ **PHILIPPI** Regis & quicquid iſti connexum eſt integrum ſervet ceteraq; faciat aut ordinet, quæ boni Præſecti mandata exigent. Imprimis vero volumus ſingulis in Præfecturis Fœdus Gandavenſe & quod inter Ordines Belgicæ initum ac ſacramento confirmatum eſt, inviolatum curet, ne quid Romani Catholici Religioni & obedientiæ Regis decedat. Id ſi faciat, penſionem, juſ ac dignitatem Præſecti ante ei collatam assignamus ſtatuiſſusque ut à **XXIII. Novembris**, quo **ROBLESIIUM** Præfecturâ ſubmovimus, fructum imperij ſui ſentiat, ac penſione, jure ac dignitate Præſecti ab eo tempore gaudeat. Quod ut ratum præſtemus ſigillo Brabantii Ordinum, & manu **CORNELII WELLEMANNI** Grapharii munimus. Datum Bruxellis Prid. Kal. Sept. Anno cIo. Io. LXXVII.

*Lalainius conventum Ordinum indicit.*

Igitur firmato tabulis Ordinum generalium Lalainij per Friſiam cæteraſque trans Lavicam provincias Imperio, Lalainius ad Kal. Octob. conventum Ordinum Leovardiæ indixit. Ibi ore Præſidis Achlenij de approbando diplomate, de ratihabendo Gandavenſi & provinciarum fœdere, de exſolvendis Germanicarum cohortium ſtipendijs egit reſcriptumque Ordinum Friſiæ & aſſenſum poſtulavit.

*Diſſenſus inter agrarios & oppidanos. Agrarij oppidanos volunt juſ civitatum, ac comitiorum renunciare. Oppidani ſe provinciae Præfecto agnoſcere, daturos operam ut illi & ſimul Senatui regio autoritas conſtet ſuumque obſequium ſacramento regi præſtito conveniat. Itaque Fœdus Gandavenſe & juxta Ordinum generalium amplecti, ſalvo tamen patrio jure, à quo ſi diſcrepet, obteſtari ſe univerſos ſinguloſque.*

Cæterum diſſidentibus provincialium animis, cum excluſis oppidanis, ut ante dixi, ſoli agrarij juſ ac titulum Ordinum præferrent, concordibus ſuffragijs nihil actum, volentibus agrarijs, ut oppidani renunciato civitatum & ſimul comitiorum jure in juſ ac nomen agrariorum concederent. Id poſtulatum in acta **II. Octob.** relatum. Oppidani vero, quo novi Præſecti animum ſibi devincirent juſque ſuum defendendo laborantibus provinciae rebus opitularentur, reſponderunt.

Patere ſe **ORDINUM** Belgicæ decreto & **LALAINIUM** provinciae Præfecto agnoſcere, daturos operam ut illi & ſimul Senatui regio autoritas conſtet ſuumque obſequium ſacramento regi præſtito conveniat. Itaque Fœdus Gandavenſe & juxta Ordinum generalium amplecti, ſalvo tamen patrio jure, à quo ſi diſcrepet, obteſtari ſe univerſos ſinguloſque. Et quamvis

vis non dubitent, quin agrarij sociaturi consilia sint, ita petere ut seorsim CL. Id. aut conjunctim decernant, quod ex usu provinciae videbitur. Quod ad postu- LXXVII. latum agrariorum & renuntiandi juris attineret, reponebant convocatos se esse à Praefecto, ut recepto ritu comitio interesset, quibus more majorum jus com- parendi consulendique in publicum esset. Et quoniam litteris PHILIPPI Regis, ac ORDINUM BELGICAE constet, FRISIAE ORDINUM nomine Antistites, Nobilitatem, Proprietarios & Oppidanos habitos fuisse, ita aequum esse ex Praefecti & Senatus Regij litteris, seorsim cum suis membra provinciae consultare. Neque enim pro loci aut si- tus ratione separandos esse, quos jus aut ejus communio connectat. Confe- rendis vero in publicum tributis etsi majores florenos aureos à solo prove- nientes, tanquam paratissimum subsidium, gerendis rebus applicaverint, ne- que alius mos nisi cum obtestatione & salvo jure observatus fuerit observa- rique conquirendis militum stipendijs etiamnum debeat, tamen pacis ac con- cordiae causa subventuros necessitati publica daturusque operam, ut quicquid exsolvendum Germanorum cohortibus erit, in promptu sit, quo ocyus provinciae quies & tranquillitas dimissis militaribus copijs habeatur. Salvo tamen in futurum partium jure.

Hæc Leovardiae in Æde Jacobæorum 111. Octob. acta, & Æ- mylij Adamæ Jureconsulti manu pro Oppidanis signata.

Cujus decreti cum agrarijs copiam pridie oppidani fecissent, Dou- wonem Meium actuarium cum duobus testibus ad eosdem agrarios a- mandarunt, cum mandato urgendi responsum declarandique præterea, Oppidani agrarijs de- creti sui co- piam faci- unt. oppidorum & civitatum legatos etiamnum, ut à primo conventus die, paratos esse ex formulâ convocationis cum agrarijs ad postulata Præ- fecti rescribere. Quos si alia exercent ijsque agrarij inconsultis oppi- danis inhæreant aut immorentur, obtestari oppidanos, id omne quic- quid scriptum, factum decretumve fuerit, fraudi sibi non fore, ac cavere de damnis & expensis. Id v. Octob. actis traditum ac Mat- thiae Rommartij & Æmylij Adamæ subscriptionibus roboratum.

Ab Agrarijs quoque ad Lalainij postulata responsum.

**P**opulum scilicet Frisicum ex patrio & conventionum jure immunem omnium, Agrarij po- stulatis Lal- lainij re- spondent. sive res sive personas spectent, onerum esse, neq; teneri ad Vectigalia & tributa, præterquam ea que regi, administrando juri & aequo tuendoque adversum injurias populo assignata essent. Itaque regem mandasse Præ- fectis ut pacta conventa rata curarent. Ceterum quoniam nec præteriti aut præsentis temporis conditio id ferat, ut provinciae securitatem stabilire Rex queat necessumque sit, ut propria ope, salvo tamen partium jure, populus Frisicus immunitati ac juri suo hoc tempore consulat, sub eâ cautione ne ex- emplo sit, ita ORDINES censent à Rep. esse, ut LALAINIUS in communionem regunda provinciae (excepto civili & criminali jure) Depu- tatos Ordinum adhibeat. Quo indulto decernunt ijdem Ordines statuuntque Lalainium pro Praefecto habendum, sub istâ tamen obtestatione mense Ianuario factâ, & dein conventionem xv. Martij imitâ. Rogare interim LALAI- NIUM, ut fidem faciat se provinciam ex patrio jure, statutis & mori- bus de consilio Deputatorum & ad formulam Gandavensis fœderis recturum. A quo consilio si alienum Lalainium spectent, non stare se pactis Ianuario men-



cIo. Io. se aut Martio confectis, neque habituros cum pro Praefecto, cuius regimen ut **an-**  
**LXXVII.** te in populi damna ac oppressiones recasurum sit. Quod ad stipendia nume-  
 randa Germanorum cohortibus attineret, decernere Ordines, ut Lalainius  
 omne jus amissum prius restituat ac redintegret eaque integra curet, de quibus  
 Ordines, Lalainium & Deputatos suos plenius docturi sint. Hoc interea a-  
 gat Lalainius, ut Episcopo & Sedi adjecta ad dominos suos redeant caveatur-  
 que, ne ante pensionibus ex arario qui gaudeant, quam Episcopus caterique  
 occupatis cenobijs & simul Haslerano cesserint. Hoc quoque effectum det, ut  
 vitio & contra jus patrum creati Praetores caterique Officiarij tam saculares,  
 quam Ecclesiastici partis male dignitatibus se abdicent eorumque mandatis pa-  
 lam rescissi novi ex constitutione Anni cIo. Io. **XXII.** deligantur. Isti  
 quippe rei **xv. Mart.** Lalainium fidem fecisse & expedire publice ut ea servetur.  
 Itaque ne quid provincialium juri decedat, velle Ordines ternos & quā-  
 dem idoneos in unaquaque Praetura nominari, quo Lalainius unā cum Or-  
 dinum Delegatis tam ex veteribus, si nominentur, quam novis creet,  
 qui praetoris personam agat. Idem Praetores in designandis Secretarijs  
 facient, sed ita ut consensu & suffragatione delegatorum singulorum, quos  
 ex pagis edituri sunt, constituantur. Et quoniam magnum tuende libertatis  
 & pacis publicae praesidium ab armis peti debet, velle **ORDINES**, ut  
 armari populum curet ex formulā, eum inter & Delegatos Ordinum scribenda.  
 Quae si Lalainius approbati faciat testeturque rescripto se decretis Ordinum  
 obsecuturum, res bono apud Ordines loco fore, quorum ea mens esset, non vel-  
 le tributum, praeterquam subsecutā postulatorum ratihabitione, poscentibus re-  
 bus pensitare. Velle se interea pacem & concordiam & ut in bono ordine,  
 tanquam optumo perennitatis custode, res provinciae persistant.

Actum **II. Octob.** ac jussu Ordinum à F. Thoma Groningense  
 Abbate Floridi Campi, Epæo Douma Hallemio, Livio Beiemio, Lau-  
 rentio Buwonio pastore Ferverdico, Foppio Douma, Menenio Taco-  
 nio Sceltingha, Cellio Roorsma, Aucone Edonio signatum.

Rescrip-  
 tumLalai-  
 nij.

Ad quae **LALAINIUS** rescripsit.

Se de consuetudine veteri unā cum **DEPUTATIS** provinciam guber-  
 naturum neque suae potestatis esse quicquam immutare, aut statuere quod  
 privilegijs populi adversum sit. Quae si violata aut antiquata opinentur Or-  
 dines, posse per acta id docere agereque apud Concilium regij status aut Or-  
 dines generales, & quidem suā intercessione, quam reparandis rebus offerret.  
 Neque enim se Praefecturam per provinciam alijs auspicijs sumpsisse, quam ut  
 stabiliti gentis jure & omni immunitate, sui in populum favoris & simul liber-  
 tatis incrementa essent & ut ex antecessorum suorum imperio praegravati pro-  
 vinciales antiquis moribus & quidem ex praescripto Gandavensis foederis red-  
 dantur. Interim reputandum esse Ordinibus quantum incommodi denegata co-  
 pijs stipendia allatura sint & quam periculosum sit differre remedium sopien-  
 dis legionum seditionibus salutare. Nulla quippe gentium arma unquam sine  
 stipendijs, nulla stipendia sine tributis fuisse, quae tanto graviora fore neces-  
 sum esset, quanto cunctantius in tam praecipiti malo amovendo socordia Ordi-  
 num ageretur. Aequissimum esse copias sacramento Ordinum militantes illorum  
 are merere, qui per arma & armorum subsidia ad libertatem properarent. Quod  
 ad restituenda cenobiorum bona attineret, id conventui **ORDINUM**  
 Gene-



Generalium ex conventionione Gandavenſi reſervatum, inquem, proferri nego-  
tium non poſſe cenſerent ORDINES, decretum CONCILII LXXVII.  
STATUS interponi debere, aut eorum quos determinandis controverſiſ  
regie voluntatis mandatum præſciſſet. Quæ de Prætoribus immutandis dicta  
eſſent, ea facturum ſe ex pacto xv. Martij inito, neque laturum ut recipro-  
cis conventionibus fraus aut vis fiat. Armando vero populo, etſi omnium Bel-  
gicæ provinciarum Præſecti mandatum antè annum acceperint, tamen aſſenſum  
præbere ſe non poſſe, amotis in Italiam Hiſpanorum legionibus & pace pu-  
blicâ extra omne diſcrimen conſtitutâ. Non gravandam eſſe Friſiæ gentem illo  
onere aut ſervitio, niſi probet veteris inſtituti inſtans periculum egere & legio-  
num inſolentia graſſatorum licentiam ſuccedere.

Hæc Leovardiæ v. Octob. Lalainij manu ſignata.

Quo reſponſo cum ſatiſfactum ſibi Ordines non cenſerent, L A-  
LAINIUS reſcripſit.

Alium  
Lalainij re-  
ſcriptum.

DEPUTATOS veſtros in conſilium à me adhiberi jam antè pe-  
tiſtis, neque ab eo poſtulado alienus fui, quo conſortes meo imperio na-  
ctus oneris publici magnitudinem lubricis temporibus allevarem. Ita-  
que fidem vobis paciſcor, me non niſi de illorum conſilio provinciam  
recturum daturumque operam ut regium juſ & ſimul populi valeat ſædusque Gan-  
davenſe veſtris legibus ac immunitatibus aſſormetur. Caterum hoc peto,  
ut ſcripto documenta laſi violatique juſis faciatis, quo remedia morbis pu-  
blicis & licentiæ dominantium parem videamque quantum à libertate veſtrâ &  
ſuo officio mei antecellentes receſſerint. Hoc vero expendite, quam ſalubre con-  
ſilium exſolvendis copiis ingeſſerim & quam veſtra interſit inſolenti & rapaci tur-  
bæ, ſeditiones ex inopiâ ſtipendiorum agitant, veſtris tributis ſubveniri,  
quæ inferri in ærarium illaſo patrimonio poſſunt. Quæ ſi præſtetis, prout  
præſtanda aliquando erunt, dabo effectum, ut Sedi & Episcopo adjecta ad  
cenobitas redeant, ſi fortè cæteras per provincias idem ordinari publica au-  
toritas decreverit. Interim cenſeo conveniendos ea de re provinciarum Belgicæ  
Ordines ſua deoque, ut meâ approbatione id fiat. Quod ad immutandos Præ-  
tores agrarios & officiales attinet, id meâ poteſtatis non eſſe exiſtumo, para-  
tus tamen, de conſilio Deputatorum Friſiæ, ex formulâ Anni MD. LXXIX.  
Prætores ordinare iſque pro tempore abrogare imperium, quos edoctus ero cri-  
minum convictos præclaras dignitates maniſeſtis enormibus ſædaſſe. De cæte-  
ris Ordines Belgicæ haud dubiè ſtatuent, quorum arbitrij erit, malè admini-  
ſtratæ provincie reos legitimis remediis corrigere. Interim aſſertorum xv. Mart.  
magna apud me ratio erit cenſeoque, ORDINES, non acrioribus diſce-  
ptationibus aut querelis me fatigandum eſſe, in hoc maxumè intentum, ut  
Prætores & Secretarios ad normam antiqui moris formem. Neque & hoc ab-  
nuò, ut defendendæ adverſum vim atque inſolentiam patriæ arma ſumat, aut  
plebem agrariam promiſcudè armetis, cæterum hac lege, ne cui ſinè noſtro  
mandato intententur & ut eorum ope hoſtes tantum & pacis publicæ perturbatores  
coërceantur. Itaque caveri mihi peto, neminem armis ſuis malè uſurum, nec  
ore aut linguâ tenus, cæterum jure-jurando firmandum. Interim ex uſuſore  
cenſeo, ut à gente veſtrâ binos legatos ad Concilium Status aut Ordines gene-  
rales mittatis, qui de ſingulis agant & quidem meâ commendatione ac operâ,  
quam veſtræ incolumitati addico.

CLIO. IO. Hæc à LALAINIO in arce Leovard. VII. Octob. scripta  
LXXVII ac ab eo signata.

Ordines  
Lalainio  
respondent.

Ad quæ iterum ORDINES.

**Q**UOD imperij tuæ rationem asformare Deputatorum nostrorum arbitrijs velis, id gratum nobis fuit PRÆFECTE & quod pensitanda copijs stipendia suaseris. De interverso cænobiorum censu, quem præpòsteri temporum mores Leovardiensium Sedi applicavere, non semel quæsti fuimus rogavimusque, ut per vim acquisita Episcopus restitueret factisque accepti expensique rationibus jurisdictione Ecclesiastica cederet. Prætores quoque, ab Anno CIO. IO. XXXIX. contra jus patrum constitutos, dignitatibus exuere, postquam deprehensum fuit, eos non bonis artibus quæsitam dominationem malis moribus exercuisse. Neque enim volumus, ut institutâ Senatû apud regium actione aut per formam judicij corrigas, sed ut curiosâ omnium criminum inquisitione per pagos & districtus factâ, tuâ & Deputatorum nostrorum autoritate submoveantur. Novos quoque ex statuto maiorum & Anni CIO. IO. XXII. nominatos gerendis per præturam rebus substituas, planè ita formatis consilijs tuis, ut censeas omne vitiosum in Rep. sanandum esse. Armandis vero agrarijs potestatem tibi facimus, sed ita, ne quid in hoc juri patrio & consuetudini decedat & ut ipse expendas quam lubrico adhuc loco & casibus exposito patriæ nostræ res fortuna temporum posuerit. Quæ ne magis ex inquietudine cohortium in nos descerviat, tuo & Deputatorum arbitrio desiniendorum stipendiorum modum relinquimus, ceterum hac cautione adhibita, ut ratio quotæ habeatur & ut finas nos corrogandi aris de jure antiquo & simul tributa imperandi potestatem retinere. Hoc etiam volumus, ut quotquot in copijs nostris aut sub signis sunt exleges & scelesti, stipendia non accipiant & ut prima stipendiorum pensione soluta Concilium Status aut Ordines generales provincie jus restituant, quod aut ex dominatione Principis, aut ex turbis temporum violatum erit. Nos interim dabimus operam, ut de in jus nostrum commissis Concilium Status, aut Ordines generales doceamus testemurque nos, si non patrij juris vim atque efficaciam, saltem memoriam retinuisse.

Ita Epæus Douma, Livius Beiemus, Otto Herama, W. Grovenreinius, Idzardus Reinius, Joannes Agricola rescripsere. Quæ x. Octob. à Delegatis præturarum Laurentio Bernardo Presbytero Ferverdico, Erneſto Aylva, Sibrando Burmania, Siuckio Humalda, Louïo Allema, Edone Allema, Oedzio Arnoldio, Hercone Arnoldio, Sixto Idzio, Sceltone Tiaerda, Sirjaco Haerfma, Syboldo Aylva, Jorſa Lolckma Pastore Schingenſi, Hanſone Albada, Jeltone Gellio, Joanne Cornelio Presbytero Witmarſumano, Regnero Allartio, Tito Walteſio, Hanſone Roorda pro Hennardijs, Joanne Ægydio, Jelgero Feitsma pro Franequeranis, Jeronimo Winterio, Jacobo Wichero pro Scoterlandis & Halkerijs, Joanne ter Wiſga, Vibio Watzonio, Pibone Witſio Abbema pro Utingeranis signata actorum fidem meruere.

Reliqua in  
comitijs  
acta.

Mox quatuor stuferi assignandæ primæ stipendiorum militarium pensioni in florenos aureos decreti, eâ tamen cautione ut Deputati Ordinum cum Oppidanis ac Biltanis agant, pro ratione aureorum florenorum subsidia præstandi dandique operam ut tributum commune sit. Potestas quoque ijsdem Deputatis recensendi militares copias transigendiq;

cum



cum cohortibus facta, ne quod jam antè Lalainius monuerat solutio-  
nem differendo, magnitudo menstrui æris & per eam seditionum mi-  
litarium metus incresceret. Quæ etsi allevando oneri publico & simul  
maturandæ cohortium missioni reperta essent, ita dissensiones Ordi-  
num peperere, decernentibus Westergois ne quod tributum ultra à flo-  
renis aureis peteretur & ut lite ex causâ tributorum natâ, aliud ærario  
subsidium & quidem intrâ spatium tridui publica necessitas reperiret.  
Secus obtestabantur, se comitio excessuros, facturosque secessionem.  
Hæc x i i i. Octobris Joannes Cornelius pastor apud Witmarfios,  
S. Galama, W. Grovensteinius, Jelgerus Feitsma, Siriacus Haersma,  
Everardus Ludolphi, Regnerus Allartius signavere. Quod decretum  
ne damno sibi foret, Oostergoi & Sylvestres intercessere & ne prom-  
ptissima ac à majoribus petita contribuendi ratio novitate recentis tri-  
buti dissolveretur. Sic Scelto Tiaerda, Sibrandus Burmania, Siriacus  
Haersma, F. Grovensteinius, Joannes Ægydius, & Hector Walte-  
sius rescripserunt.

Tum curationes publicarum rationum iterum ordinatæ, quo confu-  
sis provinciæ rebus ordo aliquis ærario esset, collapsisque populi tribu-  
tis subveniretur. Itaque ex decreto comitij, quod x v. Jan. Lalainius  
jam antè & mox mense Septembri indixerat, Sceltoni Tiaerda, Li-  
vio Beimo, (cui Siriacum Haersma suffectum reperio) Theodoro Fo-  
gellangio Jurec. Hectori Wibenio, Auconi Edonio & Feiconi Tat-  
manno dignitas continuata, dato eisdem mandato, ut quæstorum per  
provinciam & præcipuè Balduini Loi Thesaurarij regij rationibus præ-  
fiderent ipsque faciendis quæstores aliosque debendi reos jure atque a-  
ctione publicâ convenirent. Hoc etiam mandati additum, ut pensio-  
nibus per Ordines promissis, exsolvendis interessent tribunosque æra-  
rio & simul modum tributo, cujus corrogandi potestatem acceperant,  
in proximum comitium constituerent. Hæc à Paulo Costerio Anti-  
stite Fosverdico, Siuckio Humalda, Sixto Dekama IC. Cornelio Hit-  
sumano IC. Gellio Broërio, Ioanne Ægydio & post Everardo Ludol-  
pho, Upcone Burmania, Jelgero Feitsma, Edone Allema, Ioanne Æ-  
gydio & Vibio Gualterio x i v. Octob. confirmata.

Post Lalainius submotis Præfecturæ suæ & imperij æmulis (inter  
quos Bossuvium & Arschotanium autores nominavere) salutatis apud Bru-  
xellas Ordinibus in provinciam revertit factaque cum tribunis Germa-  
nicarum cohortium transactione munitiones & castella marino littori  
versus occasum imposita præsidij liberavit. Ea pactiōe cautum fuit,  
ut trium mensium stipendia cohortibus darentur eademque cohortes,  
residuum æris deducto alieno certis pensionibus acciperent. Scribit F.  
Nicolaus biennium ipsdem pensionibus scriptum fuisse Germanicæ præ-  
sidia nullâ insolentiâ aut murmure dimissa. Itaque tum Slotâ, Lem-  
mariâ, Hindelopâ, Maccomio & Oostmahornâ munitionibus præsi-  
dia excessere.

Mox ab Ordinibus generalibus ad Hollandiæ Zelandiæque proceres,  
dein Aurantium Legatio decreta, quæ instanti haud dubiè bello Hol-  
landiam Zelandiamque subsidia, Aurantium vero regundis rebus &  
Austriaci subdola fide lubricis salubria consilia poscebant.

Publica-  
rum ratio-  
num cura  
ordinata.

Lalainius  
capias mun-  
itionibus  
educit.

Ordines ge-  
nerales Le-  
gatos ad or-  
dines Hol-  
landiæ, Ze-  
landiæ, &  
ad Auran-  
tium mit-  
tunt.



clo. 10. Jam enim Austriacus per Germaniam, Galliam, Allobroges, Italiam  
LXXVII. & Hispaniam capias clam autorabat Belgisque provincijs, detectâ de-  
Austriacus fectiōe, etsi suis artibus desideria pacis offentaret, bellum minabatur.

Quare Ordines Philippum regem, violatæ per Austriacum fidei &  
imminentium discriminum præmonitum, novum Belgicis Frisicisq; terris  
Præsidentem ac Austriaco successorem oravere, quem à recto Principis aut  
Præregis officio inconsulti juvenilium consiliorum impetus & præcipue  
Ioannis Escovedi turbulentum ingenium abduxissent. Illo autore, etsi  
in Hispaniam ab Austriaco missus esset, stetisse turbatæ Belgicæ causam  
ideoque exigi, ut fraudes paci professus suis artibus pereat suoque san-  
guine, cui effundendo consilium locasset, crimen expiet Regem inter &  
provincias dissoluti nexus. Qui reparari tamen vel hoc solo possit, si fi-  
dem gentis, si libertatem Philippus expendat & quos ex Hispaniâ in  
Belgicam Frisiamque missos, nutriendis simultatibus aluerit. Traditum  
annalibus est, magnam tempestatem in Hispaniâ tum exortam collis-  
que ventorum turbine nubibus, mox horrendo fragore subsecuto, re-  
giam Philippi fulmine & coelesti igne tactam fuisse. Arguente, ut e-  
go existumo, velut naturæ inclementiâ, resurgentem per provincias  
Philippi bellorum flammam, diuturnâ & tot annorum face arsuram  
non Belgicæ tantum ditionibus, cæterum Philippi regno funestum  
incendium minari.

Ordines ad Ad Palatinum quoque Electorem ab Ordinibus Provinciarum litteræ  
Electorem, datæ militem rogare, sed qui provinciarum stipendijs haberetur. E-  
Palatinum lectior vero, innoxam affinitatibus Belgicis domum trahens, de auxilijs  
scribunt, ad Ordines rescripsit sui que in Belgicum populum affectus certos esse  
militemque rogant. jussit. Se Frederici patris (is Ameliam Brederodij viduam matrimo-  
Palatinum nio tenuerat) divæ memoriæ pronis in Belgas favoribus insistentem,  
addiecit, non minora paternis desideria liberandis provincijs profiteri. Interes-  
se scilicet Germaniæ, impulsas provinciarum res auxilijs Principum sub-  
levari, quorum fortuna & prosperitas subversâ Belgicâ in incerto sint.  
Iisdem fati ac simili ruinæ utramque gentem subjacere. Itaque mise-  
reri se infœlicis Belgicæ, ut ante firmatâ fœderibus pace, voluptatem  
ita moerorem è ruptâ violataque sensurum. Dolere se iniqua imperia  
affectantes pessima consilia resumere externumque militem jure Fœde-  
ris dimissum, in provincias reducendum fore. Igitur Ordines bellum  
minantibus optumo consilio arma decernere, omni gentium jure subnixa,  
quas ad propulsandam vim patriæ & carissimorum pignorum cura tot  
ætatibus temporum compulisset. Se vero etsi exercitum non alat, da-  
turum interim operam, ut per ditiones suas ac vicinas, non inopes vi-  
rorum nec à suo sacramento alienas, intra bimestre militem colligat mit-  
tique in provincias faciat. Hoc vero imprimis desiderari, ut non tam  
de milite quam justo Duce cogitent, ac ut militare corpus ex se tur-  
bidum & licentiæ studens, tum omnis gerendi belli ratio perito recto-  
re coërceatur. Se Aurantium tot annorum studia & fidem erga pro-  
vincias complexum Ordinibus commendare, non ut eorum prudentiæ  
se interponat, cæterum quod eorum incolumitati consultum perspectum-  
que hoc ipso existimet. Igitur Aurantius, Ioanne Nassovio fratre ac

Aurantius ab Ordini- Charlottâ Borboniâ conjuge comitantibus, Antverpiam & mox Bruxel-  
las

las inter Ordinum vota & applausum exsultantis populi magno rerum apparatu evocatus, non dissimulante Austriaco ejus in Brabantiam ingressu sui imperij ac autoritatis vim haud parum resolvi. Cæterum Ordines ex pactis foederum tutum liberumque socijs per provincias com-  
Cl. 1. 1. LXXVII. bus Hollan- diâ evoca- tus Antwer- piam & mox Bru- xellas pro- ficiuntur. Acta Bru- xellis in consessu Or- dinum.

meatum & communionem consiliorum obtendebant, modo hoc agere-  
 tur, ut Belgicæ quies esset. Non posse Aurantium, Gandavensi pace  
 Ordinum societati innexum, ullius provinciæ finibus prohiberi, acci-  
 tum decreto eorum qui censuissent illius prudentiæ nutantem Rem-  
 publicam eguisse.

Quare Aurantio in Concilium adscito, ne quid incrementi inter Or-  
 dines Austriacumque invalescens morâ dissidium acciperet, solenni re-  
 scripto decretum. Ut nupera pacta, & conventiones integræ essent  
 & ut ante actorum omnis memoria oblitteraretur. Austriacus Castello Na-  
 murcensi & simul urbe cederet Germanicarumque copiarum præsidij  
 oppida ac arces liberaret. Adhæc omnem militem veteranum sive  
 ascititium missum faceret dederetque loca contra jus Foederum occu-  
 pata. Mandaret insuper Burgundiæ & Luxemburgi Præfectis, ne quem  
 militem intra fines admittant. Ipse Austriacus, dum successorem ei  
 Philippus Rex destinaret, Luxemburgum se subduceret proque dimit-  
 tendo ex Hispaniâ Comite Burano intercederet. Hoc si faceret, ra-  
 ta firmaque pax esset, Ordinumque exercitus, reservatis tantum per  
 Germaniæ Galliæque confinia præsidij, dimitteretur. Elisabetha An-  
 glorum reginâ, antiqua regni Anglici & Burgundicæ domus societate,  
 foederi subesset. Captivis utrinque liberatis ablata restituerentur.  
 Populus per provincias oppidanus præsidij suetus fidem faceret, se  
 nulla, nisi Ordinum & Austriaci decreto, præsidia admissurum da-  
 turumque operam, ut Catholicâ religione cultâ civitates regio Philippi  
 nomine teneantur. Eo præfixo Fœdus scriberetur, religione juris  
 jurandi & Philippi manu signandum.

Quod decretum Joanni Austriaco per delegatos traditum juvenile  
 ejus ingenium belli & per hoc gloriæ cupidissimum infensoribus o-  
 dijs irritavit. Itaque præfracte respondit:

*Non ignorare se tam iniquis postulatis Romanam Catholicam Religionem &  
 simul auctoritatem Regis convelli, cui excussis principis jure sola imperij umbra  
 & nudum nomen relinqueretur. Regem vero istiusmodi enormia pessimè habi-  
 turum. Sic Aurantium Ordinum consensui adscriptum, sic dirutas arces mu-  
 nitionesque laturum molestius, & quidem tantæ potentie regem, qui sibi à po-  
 pulo suo legem scribi non velit solam obsequij gloriam profecturo.*

Mox Austriacus Castello Namurcensi validius præsidium imposuit,  
 metuensque obfisionis aut ut Ordinum castris circumveniretur, Mar-  
 chas Faminas, dein Luxemburgum concessit.

Jam enim Aurantius conducendas copias claudendumque Namurco  
 Austriacum in consessu Ordinum disseruerat, ancipiti ex mutatione tem-  
 porum Austriaco & Namurcanâ arce necessarijs commeatibus destitu-  
 tâ. Ibi scilicet finem bello fore, unde alias certa initia eruptura forent  
 & facile esse convellere potentiam novi rectoris intra principia adhuc  
 positam. Adultis vero Austriaci viribus minus profecturos patres & si



clo. Io. is revocatis ex Italiâ veteranorum legionibus, è Germaniâ novis copijs  
 LXXVII. accitis occasionum haud segnis, opprimendis rebus invaluerit. Pro-  
*Frustran-* latando magnas rerum occasiones negligi, quas frustra cum effluxere  
*-um propter* aut ubi consilium mutaveris captes.  
*-dissensum*  
*-procerum:*

Quæ etsi ex vero dicta in vanum recidebant, cum essent quos  
 ordinis sui mansuetudo aut mitius minusque obfirmatum ad pericula in-  
 genium exerceret & qui propositâ inritâ pace manifestius bellum elude-  
 rent. Erant quoque, qui occultata diu consilia profiteri vererentur cen-  
 ferentque dissimulanda in tempus secreta esse, dum fortuna potiores  
 Regis aut patriæ partes ostendisset. Cæteros regjæ iræ & juxta poten-  
 tiæ horror percellerat, abnuentes Philippi Proregem conloquia ad-  
 huc patrum affectantem, in ipsâ Namurcorum arce, hostili exercitu &  
 validissimis castris à coetu procerum & simul accessu provinciarum in-  
 tercludi. Adeo verum est infirmitatem animorum ex introspectis &  
 sæpè fictis periculis natam magnis conatibus adversam esse, deprehen-  
 sis in patrum confessu qui servilem reverentiam honestæ libertati post-  
 haberent. Itaque divulgis procerum mentibus omnique spe pacis ac ul-  
 teriorum fœderum amotâ, præfagia belli se ostenderunt, cui utrinque  
 (etsi fatorum dispositione haud dubiè duceretur) velamenta pacis spe-  
 ciosis rationibus obtendebantur. Quamobrem Ordines, ne quid cri-  
 minis aut invidiæ exteros apud Principes suæ integritati affingeretur,  
 hunc in modum obtestatione usi.

Ordinum  
 obtestatio  
 apud exte-  
 ros Prin-  
 ces.

**C**ALAMITATIS nostræ ac omnium malorum initia in-  
 gressis ALBANO Duce provincias Hispanis accepimus. Quare  
 eosdem fœdius insolentiusque agentes hostium loco habuimus dedimusque  
 effectum, ut jure fœderum quæ cum AUSTRIACO iniimus,  
 alias in terras amoti levamenta nostris miserijs adferrent. Passionum sacra  
 per Regem approbata dimissis Legionibus firmas pacis spes nostris animis in-  
 jecerant. Itaque Austriacum intra provincias mox oppida ac urbes admissum  
 tantâ festivitate accepimus, ac si salutis nostræ certissimum pignus calo mis-  
 sum sanandis funestis dissensionibus adventaret. Ceterum, ut humana omnia,  
 ita nostræ spes in lubrico fuere, postquam Austriacus deductis in Italiam Hi-  
 spanorum cæterarumque gentium legionibus suspectis imperij arbitris usus, Ger-  
 manicarum copiarum fidem secretis artibus corrupit. Quare ut Fœdus Gan-  
 davi ictum nostramque cum Aurantio societatem & simul nervum nostræ poten-  
 tiæ incideret, inferenda socio Principi arma suasit, quorum mandatum à Phi-  
 lippo rege clam in Hispaniâ acceperat. Vbi vero nos ab ipso consilio alienos  
 sensit, suspectos fidei habuit. Ideo in nostra exitia Germanicas legiones mo-  
 vit, occupandarum urbium ac castellorum consilia captavit. Bergis Hamoniæ  
 iisdem artibus etsi delusus incubuit, Namurcum post cepit. Ibi natalem  
 imperij suâ confessione & pessimo facinore exorsus, falsæ conjurationis crimen  
 pessimæ defectioni obtendit. Nos vero bellum agitantem & fœderis nostri hoc  
 ipso desertorem Bruxellas Namurco revocavimus fidem publicam & cum eâ va-  
 lidius præsidium obtulimus. Offerentibus honesta & paci conducentia omnia  
 infructuosa fuere, postquam animus Austriaci altioris doli capax suo secreto  
 nostram in perniciem exercebatur. Interceptis quas in Hispaniam destinabat  
 litteris fidei ambiguum deprehendimus. Igitur rebus nostris consulere compulsi  
 op-



oppida ac castella nostræ securitati vendicavimus. Tamen in speciem pacis nos CLIO. IO.  
ET AURANTIUM Principem, tum ELISABETHAM Anglo-LXXVII.  
 rum reginam sollicitavit & cum pessima animo agitarer, societates ac amicitias  
 obtrusse. Nunc detectis insidijs pollutam religionem, violatam auctoritatem  
 Regis criminatur. Atqui nos legibus fœderum ac conventionibus subnixi, re-  
 ligionem ex pacto professi sumus. Legato Pontificis & Caesaris, tum Leodien-  
 si Episcopo, noster zelus placuit, neque scivimus ullibi, ut patria religio exter-  
 nis sacris inquinaretur. Regis vero quantoperè reverentes fuerimus, decreti  
 Austriaco honores testabuntur, postquam ipse imperij exordio simulare edoctus  
 pacis desideria arcanis odijs velavit. Igitur intra provincias, intra urbes re-  
 ceptum necdum missis quod autè fieri debuerat, legionibus provinciarum Præ-  
 fectum etiam inconsulto Aurantio declaravimus. Adbac externo suspectoque  
 comitatu stipatum non aspernati omne ei obsequium officiumque detulimus. Ita-  
 ta, agente adhuc in præsidjs urbium Germano milite, exercitum dimisimus,  
 munimenta imperij & vacillantis patriæ nudavimus. Quare dum nostræ inte-  
 gritati nihil imponi potest, odio Aurantijs nos consecratur, velut ejus societate  
 rumpendi Fœderis consilia agitemus. Atqui alienæ culpæ, si quæ subsit, reos  
 reddere nostra innocentia nos non potest, quorum studia & desideria stabiliendo  
 fœderi sacrantur. Tantum abest, ut conjuratione adversus eum imitæ puras &  
 impollutas manus fœdere parricidio Principis aut præfecti voluerimus. Quæren-  
 ti causam armis ficta conspiratio obtentui fuit, ut quoniam fœderis pertæsus  
 esset, occasione falsi criminis bellum redintegraret. Ejus indices datæ in Hispani-  
 am & interceptæ litteræ fuere, non alio consilio à nobis resignatæ, quam ut  
 fato insidiæ detegerentur lubricamque aule regie & agentium per provincias  
 Hispaniæ procerum fidem tam fœdæ apud Regem delationes aperirent. Itaque  
 PHILIPPI post litteræ priscam severitatem spirantes, dissimulanda in-  
 tempus supplicia indicavere diemque affore, quo in provinciarum Præfectos, in  
 procerum cervices statueretur. Adbac Austriacus subjugandis provincijs Angliæ  
 regno expeditionem comminatus, præservidas impotentis animi cogitationes delo  
 non paci destinavit. Igitur excussio torpore ac rupta patientiæ nostræ lege  
 defensionis tandem nostræ incubuimus, ne videremur assignatum nobis à Deo mu-  
 nus fœdâ in patriam proditione defugisse. Nos patrijs legibus, nos populi im-  
 munitatibus fidem nostram pigneravimus & ne quæ vis nostris sacris fieret, jura-  
 mentum Regem ac Præfectos poposcimus. Frenanda dominantium lubrici, ex  
 sacro Ordine, Nobilitate & Oppidano populo coalescentes, adstricta legibus im-  
 peria Principi præscripsimus. Qui, ut externo bello implicare præterquam  
 nostro assensu se nequit, ita majoris potentie spem præconcipiens, civili di-  
 gnum se fecit. Quare justiore causa in Præfectum, in ministrum Principis  
 insurgimus, suum per provincias imperium non à religione fœderum ac conven-  
 tionum, ceterum vi & armis exorsum. Ita castella & arces præsidia domina-  
 zioni affectavit, ut jus nostrum ac libertas in obscuro esset nosque degeneres ma-  
 jorum posteri ( qui suos Principes ad certam imperandi legem, semper adegere )  
 fœdam servitutem nostris liberis ac nepotibus legaremus. Itaque Deum & fidem  
 generis humani obtestamur nos insontes & innoxios causam bello non dedisse,  
 ceterum arma cogitantem Austriacum continuis precibus ac desiderijs pacem at-  
 que concordiam orasse. Quæ quoniam insensante numine, sive fato terris no-  
 stris cessura est, ita provincialium atque concivium fidem imploramus petimusque,  
 ut spectatâ causæ nostræ æquitate, liberorum ac conjugum, tum maxumè

clō. 10. *pereuntis patriæ miserti sanctissimæ defensionis se parent. Quin rogamus Cæsarem, Philippum Regem, vicinos Reges & Imperij Principes, ut nostræ calamitatis, & innocentia misereantur, rebusque satisficientibus & bello expositis supplicias ferant, postquam in Fœdus nos & Aurantium cōire inevitabilis necessitatis lex & furores hostium compellant.*

### HÆC ORDINES.

Econtra Auftriacus vulgatis per omne confinium ad Imperatorem, Reges ac Principes litteris eadem fere, quæ ad Senatum Leovardiæ urbis differebat dolosisque actionibus eruditâ pacis simulatione patrocinebatur.

*Auftriaci ad Ordines Litteræ.* Mox juvenili animo longioris moræ incapace litteras Luxemburgo, quo concesserat, ad Ordines scripsit, suæque & regiæ mentis interpres hoc modo exorsus est.

**N**O N semel, Ordines, fidem apud vos feci nullum aliud meo per provincias imperio stabilimentum desiderari præterquam observantiam fœderum, in quam ego & post Rex PHILIPPUS juravimus. Quare omne officium, quod sato & ex commissâ mihi provinciarum Præfecturâ vestræ incolumitati debebam, reddenda paci adaptavi, quo subortas emulationes, discordias aut bellum secum tracturas meis in vos studiis sanarem. Malui scilicet regio juri ac auctoritati quid decedere, quam spectare populum vestrum mutuis discordiis pereuntem. Caterum votorum meorum merces contumaciæ vestræ incrementum fuit, quâ ad turpia & dominantium fastigijs indigna regem & me adigere in animum induxistis. Itaque actioni pacis & successui rerum diffusus, v. Non. Octob. die Luxemburgum me recepi, quo certior omnium Philippum regem facerem & ut illo in loco velut tutâ sede mandata ejus expenderem. Is vero VII. Kal. Octob. litteras Madrito ex Hispania ad me dedit voluitque ut sartum tectumque, in quod convenimus, Fœdus esset vosque Romanâ Religione ad morem majorum cultâ, ei tanquam Regi aut Principi vestro obsequium ex lege præstaretis. Cui etsi vestris moribus haud parum detractum sit, ita vult ut violatam venerationis legem majoribus officiis pensetis. Quare jus edicendi, quod divino humanoque jure Principis semper fuit, reddi sibi ex pacto fœderum postulat & ut arma quæ non interveniente ejus assensu ac auctoritate sumpsistis ponatis ocys. Adhæc sacramentis suis haberi exercitum petit, ac ut Auranti & aliorum qui imperium Regis, qui fœdera & publicam pacem attemeravere societati, renuntietis. Et quoniam oppidis, arcibus ac castellis inducta præsidia autoratus miles, ita disponendorum per loca præsidiorum arbitrium Rex sibi deposcit & ut populum turbidum ac inquietum arma tractantem vestrâ auctoritate coercetis detisque effectum ut domesticas ad operas & simul quietem redeat. Quin hoc etiam Regis nomine præcipio, ut captivos Germanicarum Legionum Tribunos quam primum dimittatis & ut omne apud vos odium, omnis insolentia cesset. Idcirco Aurantium à premendis Amstelodamensibus retrahetis, stipendia Germanorum Legionibus procurabitis, quo in tutâ vestrarum rerum possessione locati malis miserijsque vestris remedia per conventum, quem Rex ocys decernet, Ordinum generalium habeatis. Interim consilia paci commodabitis jusque & æquum regio Philippi nomine dicetis neque finetis in posterum, ut ullo modo regis auto-



*ritas vestrum obsequium minuat. Quae singula, ut praestari à vobis jubeo at- Cl. 15.  
que edico, ita supersedere vos invisis ac superbis postulatis volo, & quae ma- LXXVII:  
jestatis apici ac fastigio Regis adversabuntur. Quod si feceritis clementiam ac  
gratiam Philippi vobis conciliabitis, qui hoc modo exercitus sui reliquias ve-  
stris adhuc urbibus, vestrae securitati graves, confestim missurus erit. Sin ve-  
ro perseveretis in proposito Religioni ac Regi contumaces & injuriy indigna-  
tionem ac magnitudinem regiam & cum eà arma & bellum denuntio, quorum  
jus ac arbitrium regia mihi mandata fecere. Itaque moneo, ut rebus vestris  
ac saluti consulatis sciatisque vestram incolumitatem meis adhortamentis, exci-  
tium vestris consilijs inniti.*

HÆC AUSTRIACUS.

Igitur lubrico rerum statu & infidâ dominantium concordia, Geor-  
gius Lalainius ( qui prid. Eid. Sept. Leovardiam advenerat ) vergen-  
te eodem mense Comitium ordinavit. Quo coacto ut erant qui mu-  
tandis rebus id indictum scirent, ita aut veteris imperij satietate aut  
quod fato destinatum dominationi suæ terminum crederent, conditio-  
nibus temporum acquievere. Quare dignitates Austriaci partes profes-  
sis nulla comitis tempestate abrogatæ, urgente Lalainio nutantem Remp.  
certioris præsidij egere. Esse dubiam superiorum provinciarum fidem,  
incerta fœdera & Austriaci defectione bellum provincijs proximum.  
Igitur consulendum cœptæ securitati esse, ne penes libertatis & fœ-  
derum inimicos regimen Reip. sit & ne Austriacus pacis ruptor ac mox  
Legiones reducturus, ex hac ipsâ provinciâ fomenta sui furoris & si-  
mul auxilia accipiat. Placere Ordinibus provinciarum, placere Auran-  
tio, ita res componi ut æterna imperij per provinciam possessio non  
sit & ut in societatem Reip. tandem adiscantur, qui exilia, contem-  
ptum, qui orbitates propinquorum pertulissent. Itaque prævalescere per  
Frisiam fœderatorum potentia, regioq; Senatu ex actionibus Austriaci su-  
specto, de fundando Deputatorum collegio ab agrarijs cogitatum, laxio-  
re ad huc Ordinum populique Frisici comitio, quod multitudine con-  
sultantium & ut rebus dubijs solet, diversitate sæpè animum obturba-  
batur. Quippe Pontificios, etsi senescente dominatione, ut antè lin-  
guis immodestos & obsequij insolentes, ita asperos & acres reddituros ad  
ingenia metuebant, amissæque cohortium fide, omne veteris imperij  
robur turbulentis consilijs tutaturos. Quare attenperandis odijs, sa-  
cro ex Ordine in hoc Collegium pacandæ mobili turbæ cooptati,  
quæ credebat Pontificijs sacris & simul partibus illo instituto prospe-  
ctum & si cœnobiorum Præsules consortes imperio facti, retundendis  
novorum fœderum molitionibus intercederent. Ita namque immodesta  
libertatis studia frænum habitura interpretabantur foreque diuturniora  
regiæ dominationi præsidia, quam extingui cum avitâ religione, ne  
Belgiæ quidem Ordines etsi odio Austriaci fœderibus inligati tot a-  
ctorum documentis concupiscerent. Igitur represso religionis & simul  
partium odio ab agrariorum Ordinibus tabulæ scriptæ, quo de as-  
signatâ novis provinciæ rectoribus potestate arbiter rerum populus, se-  
morâ emulatione cognosceret: Istæ sic habebant.

*Lalainius  
Leovardiam  
comitium  
ordinavit.*



cl. 10.

LXXVII.

Decretum

agrariorum

per Frisi-

am de Col-

legio De-

putatorum.

**N**OS ORDINES, & agrariorum per Frisiam Delegati, ipso comitio Leovardie ultimo Septembris die inchoato congregati, Notum facimus nos concorditer delegasse Reverendos, Nobiles, Honoratos & scientiâ rerum præclaros viros Gerardum Iacobi Præsulem Clarense, Doconem Martna, Serapium Galama, Goslicum Hiddama, Erasmsium Douma & Barthium Idzaerda IC. quo cum **GEORGIO LALAINIO RENNEBERGIO** Frisæ Præsfecto ocyus conveniant, deque jure patrio, privilegijs & immunitatibus lesis cognoscant, jusque populi quocunque etiam loco & apud quosvis provincie asserant. Fædus quoque Gandavense & post ORDINES inter generales & AURANTIUM Principem itum approbent exequanturque, omneque pro re natâ definiant statuanteque, quod avertendis provincie detrimentis & asserende libertati conducere existimabunt. Id quoque effectum dent, ut præter cetera publica, aggeres, vias, aqueductus, catarractas, emissaria & similia curent habeantque rationem singulorum officialium provincie earumque rerum, quæ ad Remp. spectabunt. Quæ omnia singulaque, nullo salario præstari volumus, nisi quod ex arario provincie decernet & exclusis partium expensis, quas ipsæ partes ferent. Sin vero Præsfectus rei definiende difficultate motus id recipere in se recusaverit, facimus DEPUTATIS nostris potestatem ad Concilium Status, Ordines generales aut alio se transferendi, legatosque mittendi simulque sollicitandi, ut omne controversum decidatur decisumque à ratione patrij juris non recedat. Adhæc in causis gravioribus ex unaquaque præturâ delegatum evocandi convocandique, si necessitas exigat, provincie ORDINES, jus ijs facimus, ratione tamen sumptuum habitâ & ne damno provincialium modum excedant. Itaque absentibus & morbo aut alia de causâ impeditis alios substituendi potestatem permittimus simulque determinandi quod ex usu erit. Idque tam diu valebit, dum proximo comitio aliter statuatur. Volumus quoque ut DEPUTATI circa exitum Comitiorum anniversariorum diplomata sua, ac tabulas mandatorum Ordinibus redhibeant, quo aut novos creent constitutive dignitas prorogetur. Conveniunt quoque illius Collegij quotannis bis & in triduum haberi, octavo scilicet à Pentecostes die & xv. Octobris mensis. expediendis provincialium rebus ac postulatis sancientiisque quæ à Republ. videbuntur & quæ rata fore cum clausula indemnitis cavebimus.

Hæc à Joanne Poppio Presbytero Wirdumano, Sceltone Tiarda, Feicone Tiallengio, Jeltone Gellio Presbytero Oosterlittano, Vibio Grovesteinio, Menenio Taconio, Idzio Reinio, Tito Waltesio & Edone Idzio xiii. Octobris signata.

Reperio in actis publicis Carolo Cæsare rerum potiunte sub Georgio Scenco provincie Rectore, non absimilia his mandatis per Ordines Frisæ Delegatis suis exhibita, cæterum tanto minore cum successu, quanto magis supra libertatem vis ac dominatio Principis increverat. Qui etsi curas Ordinum in tuendo patrio jure improbare non videretur, ita de industriâ simulasse creditus tum fuit, quo populi animos principalis imperij rudes & ex factionibus pridem licentiæ proximos, conivendo ad minus placita secretis servitijs innecteret. Sunt qui tradant Collegium istud hoc ipso tempore suâsu Aurantij Principis institutum, quo Frisorum Respubl. regiarum partium huc usque dominationibus oppressa,

pressa, auctis ex hoc ipso Hollandiæ Zelandiæque rebus promovendæ cōs. lib. libertati assimilaretur. Cæterum imbecillis rudibusque, ut omnia mor- LXVII. talium opera solent, initijs usa per incrementa tandem libertatis revaluit, erecto ijs auspicijs patrum Collegio, ut hærentem in ipsis patriæ vitalibus regiæ servitutis farcinam dubium magis consilio an armorum cura ex intervallis temporum ejecerit. Stauricus Scriptor notat, Doconem Martna & Serapium Galama è Nobilitate in Delegatos Ordinum & provinciæ tum constitutos, indignante Senatu regio, totam Reip. vim & autoritatem suo ordini ereptam novos in dominos transferri.

Lalainius quoque ne provinciæ finibus reviviscente Austriacum inter & Ordines bello quid periculo incumberet, agrarios quosque per omnes præturas edicto Senatus armari fecit rusticæque plebi tribunos cohortium delegit. Tum munitiones quasque littori aut æstuarijs impositas, solo æquari curavit duriorisque imperij munimenta & simul vestigia demolitus est. Igitur Slota, Lemmaria, Hindelopa, Oostmahorna multo ante opere circumductæ, funditus dirutæ antiquam provinciæ faciem reddidere. Quare clarum per Frisios Lalainij nomen superstitiosius habitum, quod illius ætas lubricis alias consilijs per se obnoxia primâ juventâ in tam sublimem prudentiam & moderationem rerum exurgeret. Notat Stauricus codex ipso Michaëlis Archangeli die ad Ruremundam ditionis Geldricæ acre Germanos inter & Valonum cohortes quæ per Frisiam præsidium egerant, prælium fuisse plurimosque è Valonum gente cæsos exercitæ per provinciam insolentiæ justas & fatales pœnas luisse.

*Lalainij  
per Frisiam  
acta.*

Tum Aurantius, frigescente Austriaci gratiâ, regundæ Brabantiae Præfectus. Quod consilium, ut promovendæ sociarum provinciarum prosperitati repertum credebatur, ita e contra noxijs æmulationibus, ut procerum ingenia, concordiam publici Fœderis & post provincias divulsit.

*Aurantius  
Brabantiae  
Præfectus.*

Erant quippe qui alienæ potentiae magnitudine suam imminui opinarentur Aurantijque fortunam, more mortalibus insito, ægris oculis introspecterent. Ideo illi in plures spargere, Pontificum sacris grande discrimen imminere, si Aurantius novâ religione imbutus majoris per provincias imperij potiat, quod imperantium animus suâ sive lubricine, sive imbecillitate ut plurimum in deterius vertisset. Metui posse, ne successu rerum ac consiliorum suorum elatus, omne provinciarum regimen affectet modumque, ut cupiditates mortalium ferè solent, ambitioni non ponens suæ potentiae autores obscurer. Deligendum potius esse aliud rerum caput, in quod omnium provinciarum arduum onus tuto reclinet, divulso à patribus Austriaco & Repub. multorum procerum secessionibus discordi.

*Quidam  
procerum  
male in Au-  
rantium  
affecti.*

Igitur de vocando in Belgicam Matthiâ Austrio Maximiliani Cæsaris filio Rodolphi fratre clam consultatum, quo fortunæ impetus Aurantium magnis negotijs & famæ innectens, medio in cursu rerum lecretâ æmulatione sisteretur. Quippe Matthiam Philippi Regis ex sorore nepotem, ut Pontificiæ religionis acre studium, ita imperatorij sanguinis continua claritudo commendabat, confidentibus ad hoc plurimis eum gerendis rebus fato delectum, sanandis regem inter populumque discordijs intercessorem destinari. Certè apud Philippum a-

*De Mat-  
thiâ Au-  
strio Præ-  
fecto Belga-  
rum vocan-  
do clam  
consulta-  
tum.*



CL. IO. vinculum sororis connubio innexum multum valiturum omnium judicia  
LXXVII. augurabantur gratumque haud dubiè Philippo regi fore, propinquum  
Principem à suæ Pontificiæque factionis ministris, jam antè median-  
tibus internuntijs sollicitatum, regundis provincijs se offerre.

*Matthias  
in Belgium  
vocatur.*

*Is primo  
hæret &  
fluctuat.*

*Tandem  
assentiens,  
clam in Bel-  
gicum ve-  
nit.*

*Proceres  
vocati præ-  
properè  
Matthiæ  
parit.*

*Anglicum  
quoque Fœ-  
dus hæc ra-  
tione tum  
dissipatum.*

Itaque præterito Alençonio Andium Duce, in quem nonnulli inclina-  
bant, Malfredius pro legato in Germaniam missus, qui Matthiæ Austrio  
provinciarum regimen deferret capeßendumque ad imperium secretis illi-  
cijs sollicitaret. Cæterum Matthiæ animus magnis in principio cogita-  
tionibus fluctuabat. Quippe reputabat molestum fore, primam juven-  
tam rerum adhuc rudem tantæ tempeßtati admoveri, cui sedandæ pro-  
pinqui Regis Præfides & Legatos adhuc impares magnæ molis nego-  
tium fecisset. Econtra omne discrimen, omne onus, specioso hono-  
re leniebat & quod lubricæ adhuc ætatis annos ingressus regiæ fortu-  
næ infereretur. Igitur dominandi cupidine & simul gloriæ pectus,  
quam è pacatâ Belgicâ juvenili cogitatione sperabat, sui spem Legato  
fecit adscitoque comitatu noctis obscuro Viennâ egressus celerrimo  
itinere in provincias advenit. Quæ res etfi à fratre Cæsare ac Joanne Au-  
striaco ægrius accepta, altam tamen indolem famæ ac magnarum rerum,  
ut Principum mentes solent, avidam à proposito non revocavit. Igi-  
tur datis ad Rudolphum fratrem litteris sui consilij & facti rationem  
exposuit. Ideo scilicet moderandis provincijs se summis, ut earum  
discordijs mederetur & ne turbidis temporibus Austriam domum pos-  
sessione imperij externâ dominatio exueret.

Cujus rei famâ in populum proceresque diffusâ alios consternatio,  
nonnullos fastidium, plerosque & in ijs consilij autores pœnitentia oc-  
cupavit deprehensumque fuit, inconsultos animorum impetus initijs va-  
lidos tractu temporis languescere. Itaque fuere, qui prohibendum  
munitis locis remittendumque in Germaniam censerent, validiore sen-  
sim dissentiâ, quod Philippi affinitatem non unâ propinquitate præ-  
ferret & quod ad Rheni Mœniq; confluentes, connivente Rudolpho  
Cæsare, nova auxilia Joanni Austriaco scriberentur. Quare dissen-  
sientibus, ut in tantâ consultantium multitudine solet, sententijs eve-  
nit, ut nihil certi in confesso Ordinum definiretur Anglicumque Fœ-  
dus, quod Legati provinciarum tum orabant & cum eo subsidia pa-  
trum discordijs vanescerent. Quippe Elisabetham procerum Belgicæ  
æmulatio & præter hanc lubrica temporum offendebant, velut metuen-  
tem, ne per propensa in provincias studia Philippi odio & communi  
cum Belgicâ ruinæ se exponeret. Dubiæ scilicet fidei copias omnem  
per oram colligi. Ita Guisium per Lotharingiam, Alençonium Gal-  
liæ regis fratrem in Veromandus militem autorare. Adhæc Italian  
& Hispaniam delectibus compleri reversurasque haud dubiè in Belgi-  
cam Legiones jam antè dimissas. Hoc modo copias & auxilia Austria-  
co fore, qui peritiam belli, qui militarem gloriam, qui animum ma-  
gnis rebus devotum regio exercitui adjecturus esset. Econtra Ordi-  
num res scissas, tarda consilia, læsum Aurantium peritissimum belli &  
gerendarum rerum Ducem, haud dubiè Hollandiâ & suis insulis se clau-  
surum. Matthiæ vero Austrio, ut annos tantæ moli impares, ita ru-  
de militiæ ingenium esse. Præter hæc, opes sublevandis rebus invalidas,  
patri-



patrimonio Maximiliani Cæsaris augustâ fecunditate multam in sobolem devoluto. Metui quoque posse ut Philippus Rex ultionis ac vindictæ avidus, Matthiam nepotem secretis artibus corrumpat, virili Mariæ Imperatricis Philippi sororis in filios imperio & Austriâ domo Hispaniæ viribus subnixâ. Atqui Ordinum societatem & infirmas res optatum exercitus ductorem, senilem prudentiam, amplum ærarium flagitare. Itaque Elisabethæ consilium eò spectabat, ut si auxilia & æs bello conferendum esset, ratio fœderis haberetur Ordinesque Auran- tium, propioribus societatibus innexum, Matthiæ Austrio subjungerent.

Ab alijs vero pro eodem Matthia speciosa differebantur. Provincias scilicet suis discordijs ac longo bello fessas rectoris eguisse. Possê spe- rari uberem juventæ in Matthiâ Austrio fructum & crescens ingenium per annorum spatia experiendo solertiam adepturum. Sed Principum mentes justis ætatibus non alligari, maturitatem tum nactas, ubi ad imperium quod ijs fato deberetur poscentibus mortalium rebus pervene- rint. Ne quid periculi lubricæ ætati subfit, habiturum Matthiam ar- bitros consortes rerum & provincijs fidos. Neq; enim eam Reip. conditionem esse, ut ab unius nutu pendeat, cæterum fore, qui præ- cipitem juventam, qui ejus consilia moderaturi sint. Id quoque soci- citatis animo concipi posse, ut per eum pacem provinciæ habeant ac ut ejus intercessione propinqui regis ira sanetur. Possê Regem Matthiæ Austrio majorem filiam & cum eâ provincias in dotem locare, quo fun- nestum bellum ut fere solet, matrimonio Principum sopiatur. Hæc & similia à curiosis & fati providis speciosis rationibus differebantur.

*Speciosæ  
rationes pro  
Matthiâ.*

Igitur Matthias Austrius x i. Kal. Dec. Antverpiam magnâ solem- nitate & paratu rerum ingressus ab Aurantio Legatisque Ordinum exceptus est, dissimulante Aurantio Matthiam inumbrandæ gloriæ suæ clam ab æmulatoribus accitum suis officijs cohonestari. Quo in viro singulare civilis prudentiæ exemplum notare mihi libet, eum secreti contemptus oblitum plus concordiæ publicæ quam privatis odijs dedis- se cæterisque etiam qui acciverant deliberantibus, præficiendum rebus Matthiam retinendis dignationibus suasisse. Sunt qui tradant Matthiam etsi Arschotani & suorum partibus irretitum, societatem post Aurantij prætulisse, quod civitatum fide pollens, firmius boni imperij instru- mentum, gratiam populi suis consilijs præstruxisset. Ita principum vi- rorum æmulationibus & sæpe odijs certabatur, quos inter spem me- tumque dubijs temporibus defixos, sollicitudo ac cura publicæ salutis trahebat. Quippe formidinem sinistri ardescens cœlo crinitum sydus ingerebat, quod circa Eid. Novemb. exortum magno horrore omnium animos implevit. Scribit M. Heymannus Oceanum Cymbricum enavi- gantibus sereniore cœlo circa Non. Novemb. conspectum, caudam- que ab occasu versus ortum Solis æstivum protendentem intuentium mentes secreto metu conterruisse. Quod prodigium tanto nocentius generi humano ac terrarum orbi credula mortalitas rebatur, quod su- pra Lunæ orbem, ut Tycho Brahe eximius illius artis restaurator tra- dit, procul Meteoris & trajectionum loco generatum, vim naturæ & simul perpetuitati cœlestium corporum intulisse crederetur. Fuere qui assererent, quod caudatum accensumque ab astris sydus versus Andro- me-

*Matthias  
Antverpi-  
am ingre-  
ditur.*

*Cometa no-  
væ apparet*

clō. Iō. medam moveretur, infidiosum Belgicæ libertati Austriacum expresse-  
 LXXVII. rit suoque occasu mortem ei portenderit violentā, ut post memorabo,  
 fati specie extincto. Quo in sensu Adrianum Antonij Alcmarianum  
 fuisse in Mathematicis illorum temporum notis reperio. Quicquid sit  
 ferale & proculdubio prænuntium mali prodigium, triste & ominosum  
 intuentibus creditum rerumque mutationibus prævium, turbidis terris  
 tanquam funestum illuxisse. Mihi verisimile est ardentissimi corporis  
 comam defectionem Austriaci & imminencia resurgentis belli suo ortu  
 signasse, quod in tot annorum discordias & furores exiturum, etiam  
 hoc ipso quo hæc scribo tempore malis suis remedia firmam pacem de-  
 sideravit. Sanciente velut fato aut naturā, ut rupti foederis ac omni-  
 um rerum defectio horribili ostento & cœlesti irā notaretur. Thuanus  
 ex illorum temporum Mathematicis notat, Cometem magnitudine suā  
 x x x. amplius gradus lustrantem porrectaque caudā occidentem versus  
 Sagittarium & Capricornum complexum fuisse cœloque & ut alij re-  
 bantur, orbi Veneris inlocatum, propria illis phænomenis exitia indi-  
 casset. Quæ malorum quoque ut domesticam & civilem concordiam  
 morabantur, ita foris regum ingenia sublevandis provinciarum rebus  
 atque discordijs accendebant.

*Regnorum  
 inter se di-  
 scordia &  
 emulatio-  
 nes.*

Quippe Anglæ gravis Gallia, Gallo Germania & Anglorum res ha-  
 bebantur, non ferente Medicāā ambitiosā foeminā regis matre, Eli-  
 sabetham etsi nurui destinasset, suo commodo Philippi & simul Ordī-  
 num amicitiam specie affectatæ pacis captare. Igitur à morte Caroli  
 filij, Henrico è Poloniā accito & regni hærede, de promovendo A-  
 lençonio cogitare, præferre favorem & auxilia, quo regiam prolem,  
 angusto domi fratribus regno externis quoque dignitatibus insinueret.  
 Et erant adhuc in Belgicæ proceribus, qui Gallicæ societatis affecta-  
 tione incalescerent, nondumq; ut ante Gandavenfis pacis sanctionem,  
 veteris sub Carolo i x. beneficij memoriam & priora in Gallos stu-  
 dia exuissent. Quod Elisabetha ne dissimulando quidem ægrius inter-  
 pretabatur, Belgicæ scilicet Ordines brevissimo freti interjectu à suo  
 regno secretos & si cœlum metientibus fides, sub eodem posito sitos,  
 Gallici foederis dubios & jam ante in deterius exploratos fructus

*Angliæ Re-  
 gina Ordī-  
 nibus subsi-  
 dia addicit  
 novasque  
 cum ijs fe-  
 deris tabu-  
 las scribit.*

neglectā Angliæ societate repetere. Igitur legatione Ordinum sub Mar-  
 chione Haurco & Adolpho Metkerckio in Angliam missā, semotā of-  
 fensione, cum Ordinibus provinciarum subsidia ex jure innovati foede-  
 ris, c. millia librarum sterlingarum in annum depacta est, interpositā  
 cautione, ut civitates Belgicæ, quas nominatura foret, redimendis syn-  
 graphis obligarentur. Foederis vero tabulæ huiusmodi erant.

**R** E G I N A equitum mille, peditum quinque millia Ordinibus in  
 auxilia mittet, quibus tertio postquam ex Angliā solverint, mense  
 stipendia & expensas Ordines persolvent belloque confecto suis sumptibus  
 in Angliam remittent. Harum copiarum dux Anglicæ gentis in Ordī-  
 num confessum admittetur. Nihil Ordines quod bellum aut pacem spectet,  
 Reginā aut illo inconsultis statuent. Nullum sedus præterquam illā consen-  
 tiente cum quocunque inibunt & eodem si velit comprehendetur. Si quis Prin-  
 ceps contra Reginam aut regnum Angliæ quocunque prætextu aliquid hostile



moliatur, Ordines quantum poterunt resistent, eodemque numero & iisdem legibus auxilia Regina mittent. Si qua Ordines inter discordia oboriatur, Regina arbitrio permittetur. Si classis contra hostes per Reginem adornanda sit, Ordines & l. naves iustæ magnitudinis cum nautis & singulis necessarijs instruent, quæ Angliæ Amiralio parebunt, Regina sumptibus merebunt. Ordines rebelles Anglos intra Belgicam non admittent. Si pacem cum Hispano fecerint, curabunt ut hi articuli simul aut seorsim pro Regina arbitrio confirmentur.

Igitur isto foedere, quo suspicionem totæ per Belgicam rebellionis apud Philippum amoveret, propter Legatum in Hispaniam misit eundemque huic in modum differere iussit.

Elisabetta  
in Hispani-  
am ad Phi-  
lippum Le-  
gatio.

**N**E calumnijs aut traductionibus apud te locus esset, PHILIPPE Rex, Legatum ad te mitto & ne serendis inter nos inimicitijs pravitatis assentantium interveniat. Equidem nec ejus animi unquam fui ut voluptatem ex vicino bello caperem, cum non semel etiam cum obstestatione mea integritatis suassem, ut impendentibus malis provideres. Quæ etsi in ipso ortu extingui debuissent, ita neglecto eorum remedio saltem cavi, ne defectio populi à te fieret & ut mansuræ cum subditis concordia tuum imperium staret. Isti fini ad ORDINES & simul AURANTIUM litteras dedi ac ne obsequio se exuerent serio commonui. Itaq; & provincias mihi oblatas renui, ne in hoc quidem cupidini obsecutus ut meæ tutelæ permitterentur. Pecuniâ saltem aut ære in mutuum dato nonnunquam præiuvî, ne peregrino Principi tuns populus se manciparet & ne sancita inter te & illum fœdera turbarentur. Quæ ipsa quoque detrectanti Aurantio ut approbaret, non suavis tantum, sed velut imperavi, quo formidabilis & vicinos quoque in cladem tractura tempestas, mea intercessione postulato componeretur. Hæc vero si me Reginâ pacis & juxta de te benè merendi cupientissimâ indigna censes, singula quæ à me facta sunt Principum Regumque judicij & simul tuo expendendum relinquo petoque etiamnum, ut bello finem des populoque jus ac simul obsequium tibi principatum recuperes. Quem ut quietum & felicem habeas, hoc imprimis necessum est, ut amoto Belgicæ finibus Austriaco cujus odio tenentur, alium regundis ditionibus tuis præcias. Is namque ut populo tuo, ita meo quoque regno infestus est, fabricatis cum Scotorum Reginâ clandestinis consilijs, quo me securam & in rerum mearum tutâ possessione collocatam præter expectationem insidijs aut armis subverteret. Quæ cum ab eo parari per omnem oram non ignorem & copias Gallorum ad manum esse opem genti tuæ tuli, quo & meo & simul tuo periculo occurrerem. Id namque pactione cavi, ut in fide tuâ perseveraret religionique & tibi se obstringeret. Quod si improbare te sensero teque populum tuum mancupio habere, dabo porro operam ne & vicinæ gentis miseriæ & meæ securitati desim. Ea vero si fidem mutet pactorum ac conventionum oblita, arma mea pro auxilijs sentiet meque meis erga te officijs & simul conciliandæ disensionî non desuisse.

Creditum fuit, illam reginæ excusationem Philippum regem æquo animo tulisse Austriacæque pravitatis & juxta ambitionis conscium, non inrito metui inanem fiduciam & affectum amicissimi Principis reposuisse. Reidanus scribit syngraphas, ab Ordinibus provinciarum Elisabethæ dicitur.

Quæ non  
malè tum  
à Philippo  
acceptacré-  
ditur.



cL. Io. datas, hac formulâ scriptas, *Quod pro servitio Regis Catholici & pro conservatione provinciarum in ejus obedientiâ Regina mutuo dederit*, haud dubie, ne Philippum ultro æmulum & veteris discordiæ memoriam alentem, locato illius subditis ære, exercendis majoribus odijs, inritaret. Austriacus quoque, quo sinistris Elisabethæ cogitationibus subveniret, legatum in Angliam amandavit increpitisque Ordinum actionibus, velut paci adversis, redintegrandi belli consilium exposuit.

*Lalainius* Mox Lalainius per civitates & oppida immutandis Magistratibus se *Leoardia* dedit primariæque Frisiorum intra Flevum & Lavicam Leoardiæ urbi, *Magistratum mutat* Adium Lambertium, Jarichum Wopconium, Gellium Sibæum & Meinardum Wigerium, istius anni Consules nominavit. Dein Carolum *Idem Franequera* Roordam, virum pacis artibus excultum, Franequeram cum mandatis & amplâ potestate misit exuendoque imperio Magistratui Julium Borniam virum antiquæ Nobilitatis collegam ei adjunxit. Quare præconis voce populus in templum convenire jussus, quo mandata Præfecti ac Legatorum consilia in publico acciperet. Cæterum Magistratus futuri perspicax coëptis obstitit congregatusque in Curia accersi legatos imperavit tabulasque mandatorum poposcit. Itaque fiduciariæ litteræ à Legatis in Senatu exhibitæ, quibus Magistratus dignitate ac imperio urbis se abdicare Decreto Lalainij jubebatur.

*Magistratus se Legatis opponit.* Cæterum Magistratus rei novæ & insperatæ indignatione majorum contumaciam alens, Legatis se opposuit causæque suæ vota civium & pactiones foederum, tum rescripta Lalainij obrendit. Ea quippe nupero comitio, quod Septembri mense Leoardiæ fuisset, agrarijs, post oppidorum delegatis à Præfecto indulta semelque placita pro æternis habenda. Tum cautum fuisse, ne quid per provinciam in civitate aut præturâ novaretur possessurosque *UTI POSSIDERENT*, modo paci publicæ vis non fieret foedusque Gandavense sacrum & inviolabile Magistratibus oppidorum Prætoribusque præstaretur. Atqui civitates, atqui agrarium populum ex præscripto foederum rexisset. Tantum abesse ut imputare suæ integritati quid possit, cui testimonium adstruere conscientia & vox populi quiret. Itaque Carolus Roorda spe-

*Roorda Leoardiam regressus, milites secum Franequeram ducit.* Etatâ Senatus oppidani pertinaciâ Leoardiam regressus, Joannem Mathenesium Leoardianæ arcis Satrapam cum quibusdam schlopetarijs in comitatum adscivit provectusque Franequeram templi fores obsideri armato fecit. Mox civium quosque, repetito per præconem edicto, in fanum evocavit militemque & stipatorem suæ & aliorum securitati destinatum stare præsidio jussit. Igitur Magistratus confluentem sensim populo, tanquam aliud acturus cum Mathenefsio in secretum fani secessit hominique ignavo & gerendis momentis rerum imperito magnâ acerbitate se objecit. Quippe leges civitatis, jura populi, receptas consuetudines, Lalainij rescripta violari criminabatur legatosque violentis & inofficiosis consilijs subnixos novas res daminatis moribus ordiri. Ided ex suis ad Lalainium misisse, intra triduum reversuros perlaturusque ad Senatum quæ præstari vellet. Ea propter rogare ut legati negotium in tempus differant, dum de voluntate Præfecti cognoscant, qui haud dubie Principis fidem suis decretis interpositurus sit. Secus obrestari dignitatem Senatus, leges populi atque vota, vim suis sacris

inferri. Mox Legati gnari discordijs civilibus facto non consulto opus esse, globo armorum stipati in sacellum irruere diductisque per vim foribus nuncupandi novi Senatus potestatem civibus fecere. Annotatum invenio eosdem Lalainij legatos arma & carceres præfacto Senatus comminatos eundemque gravi voce & stipatorum turbâ contreritum stantibus periculis se subduxisse.

Igitur Magistratu, velut civitatis interregno, Carolus Roorda vir facundus pro concione verba fecit:

**V**T in urbem vestram pergeremus, **C I V E S**, mandatum Præfecti nos compulit. Qui lubrico rerum statu muniendam Remp. ratus, suo imperio, nostris officijs uti voluit. Igitur postquam fiduciam Senatus ministri suspicione excussit, è Rep. censuit veterem Magistratum regimine civitatis exuendum & ut vos ipsi novos urbi rectores patriæ fidos vestris arbitrijs ac suffragijs designaretis. Isti fini convocari vos hunc in locum facimus, **C I V E S**, quem colendo numini à majoribus dedicatum, curandæ rerum saluti & stabiliendæ Reip. hoc ipso tempore delegimus. In vobis erit, ex præscripto Præfecti triginta duos regundæ civitati nuncupare, quo ejusdem Præfecti & nostro arbitratu è numero designatorum Magistratus constituatur civitatemque partium secundam publica posthac autoritas contineat. Igitur potestatem vobis facimus, nullo religionis Pontificiæ respectu, optimum quemque, è totâ multitudine deligendi & cui ex virtute dignitas deferri queat. Nos operam dabimus, ut hoc incendio rerum, quod doloso cineri diu contextum exardescit, Reip. securitati & simul vestris desiderijs satisfaciamus.

Caroli Roorda ad cives convocatos Oratio.

Quâ Oratione finitâ pro cuiusque captu, ut in turbâ fieri solet, dissentientium animorum haud obscura signa miseræque civitatis secretum & triste dissidium visebatur. Itaque fuere, qui secessione à reliquo coetu factâ tacito murmure se proderent tædioque mutati temporis secreta vulnera contumaci vultu & domestico luctu placarent. Scriptum in commentarijs illorum temporum invenio, secedentem in fine actus turbam ab armatis stipatoribus in templum retractum etiam invitam & renitentem istis solemnibus & nuncupando Magistratui interfuisse. Presbyteros econtrâ majore rei institutæ invidiâ correptos abscedere iussos, ne importunitate indignantium capitum progressus rerum & imperatorum silentium obturbaretur. Quamobrem circumstante populo, etsi opinionibus discordi, novi Consules dicti eorumque nomina actorum fidei inserta ac multitudini prælecta, privatae fraudis & famosas suspiciones adversarum partium oppressere. Tum Mathenessius, nuncupatione Senatus factâ, Leovardiam recessit.

Cives priusmo discordes.

Tandem tamen novi Consules electi.

Igitur ab Oldermanno & Magistratu priore quorundam nobilium civiumque nomine ad Lalainium Præfectum & simul Senatum Regium litteræ missæ, quibus majestati regnantis & Gandavensi Fœderi vim illatam acerbis narrationibus repetebant. Non eguisse scilicet negotium tantæ molestiæ & armati apparatus, ac ut Legatis Præfecti miles & spiculator ad custodiam corporis decerneretur. Sibi rationem gesti imperij constare, quod posituri ultro fuissent, modo ex lege & recepto ritu licuisset. Itaque Deum testem actorum & suæ innocentiae advocare rogareque Senatum regium, ut apud Lalainium intercedat consulat.

Magistratus prior litteras datus ad Præfectum & Senatatum regium.



c. 10. I. 10. sulatque populo civico, ex hac ipsa rerum mutatione manifesta exitia  
LXXVII. formidanti.

*Renicus Camminga & Barthius Idzaerda ad Ordines generales missi de rebus per Frisiam provincialibus missi.* Mox composito quarundam civitatum statu, Renicus Cammingha & Barthius Idzaerda ad Ordines generales missi, qui instituendis ulterioribus rerum conversionibus autoramentum rescriptumque impetrarent. Quippe, mutatis per oppida magistratibus, prætore adhuc agrarios Hispanicæ dominationis mancupia præesse dicundo juri & administrandis rebus indignabantur arciumque ac castellorum validas moles arcendæ libertati structas magno sumptui & premendis provincialibus superesse. Adhæc attenuatum Roblesij exactionibus ærarium & privatas opes querebantur leniusque tributum censumve regium è vectigalibus Biltæ agris proveniente in subsidium orabant. Hoc etiam volebant, ut quod ex pacto foederum communi provinciarum ærario inferendum esset, suo arbitratu conquereretur sibi que corrogandi, quovis modo per provinciam æris libera potestas foret.

In Cunerum vero Episcopum eorum mandata atrocissimè invehebantur, quod æquatis solo cœnobiorum structuris eorum redditus, fœdâ avaritiâ suæ doti adjecisset dirutisque sacris ædibus sepulchra majorum agro pascuo & nutriendo pecori applicasset. Neque enim ferendum esse, ajebant, ut ossa ac cineres solo eruti per plana agrorum spargantur Solique exposita, quæ regi natura voluisset, feris aliisque animantibus in pabulum cedant. Sacrilegio saltem violandisque defunctorum monumentis parcendum fuisse & quidem isti homini, cui professio pietatis & divini cultus incumbat. Cæterum eundem Episcopum ambitione & simul avaritiâ correptum suæ cupiditatis modum jam diu transmigrasse. Ita prolatatâ jurisdictione & ære presbyteris extorto avidum imperij & simul pecuniæ animum ostendisse, haud vano indicio, eum simulatâ in speciem religione, proferendæ dominationi & venalibus sacris interesse. Igitur petebant, ut Ordines provinciarum legem eidem Episcopo præscriberent insolentemque ac in enormia effusum severitate novorum mandatorum coërcerent. Et quoniam Haskerani cœnobij proventus, (cujus quæsturam Heymanno Senatus regius contulisset) contrâ jus ac fas idem Senatus vindicaret, addici provinciæ eisdem redditus urgebant & ut Heymannus quæstorio munere de mandato Ordinum se abdicaret.

Adhæc vigente per Frisiam Hispanorum dominatu plurimos dignitatibus bonisque exutos à Senatu regio criminabantur eisdemque exilia & vim fisci perpeffos, veteri actione & novâ lite apud Senatum Regium conveniri. Quamobrem volebant, ne ejus quod malâ fide gestum acquisitumve esset, usucapio aut jus foret & ut provincialium litæ per exilia & turbas temporum ortæ non à Senatu regis, cæterum à Præfecto aut ejus Delegato dirimerentur. Post armandæ per provinciam plebi more majorum potestatem oravere, ne Gasparus Roblesius veteris per provinciam imperij manifestus affectator, de Austriaci consilio vim aut insidias per socordiam populi moliretur. Quod etsi mense Octobri spontaneo Ordinum provinciæ & Lalainij motu factum esset, ita volebant, ut Scutum eâ de re scriberetur, Ordinesque desertore foederis Austriaco, summis imperijs, & fastigio rerum admoti, publi-



publicam auctoritatem necessarijs consilijs interponerent.

Igitur Ordines generales rescripsere : Datturos se litteras ocys ad Lalainium Frisiæ Præfectum , quo in ingenia , consilia , & actiones prætorum inquirat , suspectosque violati fœderis , quod Gandavi ictum esset , possessione dignitatum ac munerum amoveat. Quod ad demoliendas arces attineret , id arbitrio Lalainij ac Leovardiæ Magistratum permittere. De Biltanis agris & eorum proventibus provinciæ applicandis ac colligendi æris potestate decretum facturos. Petere interea , ut Frisij Vestigialium legi , per omnes provincias promulgandæ , salvâ populi sui immunitate se submittant , quo provinciarum res parabili pecuniâ , tanquam firmiore nervo trahantur. Ea vero , quæ adversus Episcopum ac Senatum regium proferebantur , dilui ab eodem Episcopo & Senatu volebant , ac ut læsorum per Frisiam in integrum restitutio ( quod Gandavense Fœdus nihil certi determinaret ) proximo Ordinum generalium conventui reservaretur. Interim actiones in res bonaque exulum institutas componi debere ex lege Gandavenis fœderis censebant reliquasque lites ex distractis divenditisque exulum bonis natas & earum vendicationem jure & æquo definiri. Armandis vero provincialibus auctoritatem Lalainio pro more gentis & necessitate rerum facere , ac ut ipse aut Deputati Ordinum comitium populi indicant statuantq; quod è Republica sit.

Ita Renicus Cammingha , & Barthius Idzaerda Legati in Frisiam & ad Lalainium regressi , cuius animum istorum temporum fato , gravissimis curis implexum , Pontificiorum per provinciam contumacia & exitiales Translavicanorum discordiæ exercebant. Creditum fuit Pontificios quosque Austriaci armis ac potentiâ irati Regis subnixos , magna consilia tum concepsisse mandatisque novorum imperantium adversos conversionem rerum & cum eâ fortunam antea acti temporis sperasse.

Unde Austriacus optumus ferendæ in Ordines invidiæ artifex , hostis Ordinum rescripto judicatus , quod Fœderum pacisque publicæ ruptor Namurcanam arcem & cum eâ securitatem Reip. dolofo consilio circumvenisset. Igitur imperium , scriptis in confessu Ordinum generalium eâ de re tabulis , ei abrogatum damnatique perduellionis , qui cœtui Ordinum jam ante ascripti per fœdissimas secessiones , nova sacramenta perniciosæ societati nuncupassent. Perduelles quoque ipsi decimum intra & quintum diem redire in sua ac renuntiare nefario fœderi iussi , si fortè desertâ partium fide Remp. complexis scriptæ legis rigor , clementiâ iudicum attemperaretur. Bona quoque eorum in commentarium redacta vetitumque edicto , ne quis militem , arma , comitatum perduellibus præstaret. Cujus decreti tabulæ v i i. Eid. Dec. Bruxellis scriptæ ac in Frisiam quo vulgarentur missæ , civilium animorum statum non parum conturbavere. Igitur à fautoribus Austriaci ( referente eâ de re Hesselo Aysma provinciæ Legato ) conspirationes adversus Remp. initæ , indignantibus conjuratis Joannem Austriacum regij Imperatorijque sanguinis Principem moderandis per Frisiam rebus Philippo suffectum , majestatis postulari. Quamobrem Decreti Edictum pertinaciâ partium in bimestre suppressum , donec in ipsum etiam Lalainium , velut supinum & conniventem , tum Sen-

Cl. Io.

LXXVII.

Rescriptum

Ordinum

generalium

Legati in

Frisiam ve-

grediuntur

Austriacum

ab Ordini-

bis hostis

judicatum.

ANNO regium auctâ suspitione & inquietudine populi, Martio mense in Ba-  
CIO. IO. silicâ PHILIPPI & per omne provinciâ Tribunal recitaretur.

LXXVIII. Tum Matthias Austrius, quo præscriptum imperij acciperet, Ant-  
verpiâ per Legatos Ordinum Bruxellas evocatus sacramentum dixit,  
sociumque ac consortem rerum Auranitium, velut juvenatē moderato-  
rem & suorum consiliorum accepit. Quæ omnia regio adhuc Philippi  
nomine istâ temporum ætate velabantur, quo reverentiam Principis jura-  
mentum Præfecti & procerum conventio non minuerat. Ea cautum fuit.

*Matthias,  
dicto sacra-  
mento, præ-  
fecturam  
provincia-  
rum cum  
Auranitio  
capeſcit.*

Vt MATTHIAS AUSTRIUS PHILIPPI ORDINUMQUE

*Acta istius  
Ordinum  
conventio-  
nis.*

nomine incolunitati omnium singularumque provinciarum jus-  
jurandum faceret omnisque insuper exercitus sacramento Regis & simul Ordinum  
haberetur. Adhuc, ut Matthias Concilio Status adjutus, quod Ordines ge-  
nerales ex inquilinis & peritis rerum constituti essent) tutandis provinciarum  
legibus immunitatibusque suum imperium affirmaret omneque decretum plurium  
suffragationibus scriberetur. Dispensationem munerum quæ regis essent Philip-  
po relinqueret, reliquas vero dignitates ex pacto Gandavenſis Fœderis Ordini-  
um generalium arbitrio permetteret. Bellum, pacem, societatem aut fœdus  
cum externo Rege aut gente sine assensu Ordinum non iniret. Secreta epistola-  
rum Concilio Status communicaret. Indicendorum prolongandorumque conven-  
tuum jus Ordinibus aut eorum Delegatis permetteret, Fœdusque Gandaven-  
se integrum intemeratumque præstaret. Stipatores, spiculatoresque è Belgicâ  
gente conscriberet militiæque dignitatibus, legendis copijs aut disponendis præ-  
sidijs interveniente assensu Ordinum præſſet. Provinciæ præfectum sinè man-  
dato Ordinum aut assensu provincialium non daret, ceterum res bellicas de Con-  
cilio Status & Senatus belli decerneret. Pecunia publicæ, regio censu excep-  
to, administrationem Ordinibus aut eorum Delegatis relinqueret. Ordinum fœ-  
dera auxiliæque ex ijs profecta integra inviolatæque curaret. Cum ijs qui in  
partibus Austriaci adversus patriam arma tulissent, lege agi faceret. Castella  
ex decreto Ordinum diruenda solo æquari mandaret. Omnium rerum veniam  
faceret actæque & rescripta Ordinum à defectione Austriaci publicata, firma at-  
que rata haberet. Pro Ordinibus & recuperandis locis ab AUSTRIA-  
CO occupatis apud Cæsarem & Imperij Principes intercederet, quo Burgun-  
diæ circulo comprehensa tutelâ Imperij vendiceretur. Omnia ac singula facta fa-  
ceret, secus agendo Ordinum armis corrigeretur.

Quæ conditiones à Matthia Austrio & Auranitio Matthiæ vicario  
jurejurando firmatæ in Germaniam ad Cæsarem, in Hispaniam ad Phi-  
lippum regem, quo approbaret transmissæ, in aulâ suis moribus ob-  
noxia & malè instructâ parum gratiæ reperere. Quippe Austriacus,  
factâ contra eas obtestatione, Philippi animum anteceperat, inculatis  
Ordinum & Matthiæ conventionibus, quod sacramentis fœderum, pa-  
ci & consensui regis adversarentur. Igitur, Matthia sacramentis Bel-  
gicæ & provinciarum innexo, ultrâ dissimulare nescius undique exerci-  
tum recollegit relictoq; Luxemburgo Marchas ad Faminas, quo con-  
duci copias præceperat, audiendæ Anglorum legationi substituit.

*Austriacum  
in Ordines  
bellum pa-  
rat.*

*Elisabetha  
ad Austria-  
cum legato*

Eâ petebat Elisabetha, ut rebus bellum spectantibus induciæ scri-  
berentur, dum ex Legato quem in Hispaniam amandaverat, de Phi-  
lippi mente & voluntate cognovisset.

Non



*Non esse scilicet festinandum in tam gravi negotio, quod PHILIPPO CIO. IO. Regi discrimen, aut exitium populo allaturum sit & ex quo periculi metus ad LXXVIII. conterminas transmarinasve gentes perveniret. Sistenda potius aequis conditionibus arma, ut per spiramenta temporum divulsa mentes, in concordiam redeant bellumque recrudescens suâ & aliorum Principum intercessione honestâ pace claudatur.*

Cæterum Austriacus, sive æmulatione in Matthiam, sive Edicto *Continuaz Austriaci responsum.* Ordinum præreptum sibi Belgicæ imperium indignatus, omnem induciarum aut pacis rationem rejecit Angliæque Legato præfractum & contumax responsum reposuit. Creditum fuit; memoriâ veteris in Elisabetham odij commotum, ac nuper regno insidiatum acerbis voces iniquo & necdum sedato pectore deprompsisse.

QUARE (inquebat) NULLIS CONVENTIONIBUS AUT PACTIS FOEDERUM ASTRINGI ME SINAM, PARATUS, COACTO JAM EXERCITU, DE MANDATO REGIS BELLUM DARE. IGITUR NEC ANGLICA, NEC GALLORUM, NEC GERMANIÆ AUXILIA, SI QUAE PROVINCIIJS LOCENTUR, ME À PROPOSITO DETERREBUNT. QUIN DATURUS SUM OPERAM, UT SOCIETATE TURCICA CAESARI AC IMPERIO BELLUM CREEM, GERMANIÆQUE PAX ET QUIES MEIS ET TURCARUM ARMIS LUXETUR. TANTUM ABEST, UT, QUID SUPPETIARUM MATTHIAS AUSTRIUS SPERARE À RUDOLPHO FRATRE QUERAT, DUM EGO BELLO OCCUPOR, QUI PROPE DIEM BRUXELLENSIUM AD PORTAS EXERCITUM ADDUCTURUS SUM. ITAQUE VOLO, UT, ME ETIAM ARMATO, ORDINES ARMA PONENT MEISQUE IMPERATIS PAREANT.

Mox Marchis adhuc in Faminis agens & Pontificio diplomate à Gregorio ejus nominis XIII. tanquam debellandis paganis præmunitus, bellum edixit, velut certâ fatorum ordinatione, ut eodem in loco adjuratam Fœderi fidem fœdissimus conventionum infractor violaret. Quare ad castra metatum externa auxilia, tum Hispanorum Italarumque legiones refluxere, quas Gandavensi pactione dimissas Alexander Farnesius rudimenta belli primâ juventâ facturus in provincias reducebat. Indignantibus provinciarum Ordinibus Margaretam Alexandri matrem, nuper Belgicæ Frisijque Præfectam reverenterque habitam, Alexandrum filium opprimendis provincijs rescindendisq; antiquis conventionibus enutrijse. Dein repetitâ Philippi regis & suâ integritate, velut animum paci etiam contractis auxilijs ac perarmato exercitu præferret, provincias, oppida, societates ad defectionem fœderis sollicitavit Ordinumque sacramenta deferentibus veniam anteaكتورum fecit. Cæteros Ordinum auspicijs signisque militantes hostes judicavit publicæque pacis & securitatis sponcione factâ, instanti bello subsidia & com-

*Austriacus Ordinibus bellum indicit.*



cio. Io. & commeatum poposcit. Tum supinis Ordinum rebus, velut fatali tor-  
LXXVII. consulentium ignaviâ, exercitum Marchis ac Luxemburgensium fini-  
bus movit subsecutusque cum omni procerum comitatu apud Namur-  
cum desedit, quo urbem violande Foederi & suæ defectioni fatalem,  
gerendo sedem bello deligeret.

*Austriaci  
expeditio-  
nem parat  
in Ordini-  
num castra*

Ordinum vero castra, haud longis ab eo intervallis discreta, non  
justo duce, nec consilio regebantur. Itaq; maxumè à Matthia Austrio  
Aurantioque cavebatur, ne exercitus imperij vacuus pugnae & dis-  
criminis committeretur unumque sub fortunæ ictum provinciarum vires  
& rerum incolumitas recideret. Cæterum Austriacus prælium poscens  
castris Ordinum velitem immisit coactumque retrocedere redire in ca-  
stra præcepit. Mox repetito pugnae consilio, quod ex captivis de mo-  
vendis Gemblacum Ordinum castris agi comperisset, tergum foederati  
exercitus premere constituit delectorumque equitum turmas unâ cum  
pedestribus copijs, iterandæ velitationi præmisit. Reliquum exerci-  
tum ritè instructum pergere ocyus Ordinumque aciem velitando iter  
facientem, haud procul ripâ fluminis adsaltari jussit, quod hyberno  
tempore tumidius difficile transitum foederato exercitui dabat. Igi-  
tur Alexander Farnesius, quo militiæ rudimenta præclaro facinore cæ-  
ptaret, Octavio Gonzaga, Gasparo Roblesio nuper Frisiæ Præfecto  
& Baptista Taxio stipatus, adacto fortius equo, magnam in castra  
Ordinum impressionem fecit illustrique fortitudinis exemplo, ut com-  
millonibus ad virtutem, ita sibi ad promerendam gloriam fuit.

*Austriaci  
de Ordini-  
num acie  
victoria  
prædaque,*

Quippe mox omnis Austriaci exercitus, quem dubia adhuc prælij  
fides ignavum aut timidum faciebat, confertim in aciem Ordinum se  
ingessit imparemque sustinendæ adsaltantium moli in fugam dedit. Sex  
millia è foederatis illo prælio desiderata.

Scribit in commentarijs suis M. Heymannus perlata in Frisiam cruen-  
tæ cladis fama, magnam consternationem populo obvenisse, quod vi-  
ginti septem millia foederatorum cæsa deletasque ad internecionem Or-  
dinum copias, fallax & ut ipse ait, falsitate suâ se prodens rumor nun-  
tiaret. Ingens è fugientium caëorumque spolijs præda signisque mili-  
taribus adjectæ machinæ per omnem oram victoriæ decus auxere.

*Austriaci  
sevitia.*

Tum sexcentorum captivorum sanguine victoris furor placatus, hoc  
ipso indicantis in potestate se fortunam, non vero animum habuisse.  
Itaque uno velut impetu obvia prosterbens oppida plurima ac castella  
cœpit foedaque sævitie ubi sibi victor usus magnum sui terrorem dissi-  
tis provincijs injecit. Quippe truncata & deformitate vulnorum foeda  
corpora, ejus jussu minutis ictibus confossa, præter fati sui infortunia-  
tem inclementiam quoque cruenti victoris pertulere. Scribunt Au-  
striacum justis viribus & tot legionum accessione instructum, optumam  
accelerandæ pugnae occasionem captasse foederatique exercitus Ducum  
aut incuria aut absentia prudenter usum secundo prælio conflixisse.

Ita dum Ordines sui fiducia & in bello securitas occupabat, Duces  
primarij inter ludicra & nuptiale festum, (quod Bersellius cum Mar-  
chionissa Bergenfi Bruxellis celebrabat) vino & epulis delibuti procul  
castris agebant, foederis res in discrimen adductæ, etsi dissimulanti-  
bus aut elevantibus cladem, qui tot sociarum civitatum fide, post di-  
ruta

ritas arces & ejecta partium præsidia stare Remp. gloriabantur. A-  
deo verum est nullos facilius opprimi quam nihil timentes & eos for-  
tunæ mores esse, ut securos aversetur. Quâ clade, etsi provinciarum  
res haud parum adligerentur, ita singulari constantiâ adversitatem de-  
sævientis fortunæ tolerabant.

Quare Legatio Cæsaris in pacem Belgicam proni, perorante Suar-  
senburgio modestè accepta subsidiaque & intercessiones quas Legatus  
offerrebat, non omnino servilibus studiis petita.

*Legato Cæ-  
saris Suar-  
senburgio  
datum ab  
Ordinibus  
responsum.*

*Innuentibus Belgicæ proceribus, se nec iniquis casibus subito prosterni, nec  
erigi secundis, ceterum expositis fatorum decretis bona consilia supremis neces-  
sitatibus & funestis rerum eventibus locare. Summa potestatis esse remedia ac  
finem suis miseris dare, aut Cæsarem Principesque flectere ad honestam mise-  
rationem sublevandæ Reip. quæ sub ALBANIS & REQUESSEN-  
TIIS asperrima temporum, sub AUSTRIACO insidias & mox bel-  
lum pateretur. Strui scilicet novis artibus antiqua consilia & Ioannis Nor-  
carmy (nam is in speciem pacis ex Hispaniâ cum mandatis PHILIPPI  
advenerat) legatione non scriptorum nuper fœderum, ceterum Carolinæ domi-  
nationis, & veteris imperij imaginem proponi. Ita servituras rursus conscien-  
tias & Edicta interminatæ potestatis novis parentum exitijs ac mox bello ces-  
sura, cui occasio à Philippo Rege non obscuris indicijs quærat. Neque en-  
nim de revocando in Hispaniam Austriaco, quod maxumè datis ad regem li-  
teris petierant, quid statuere aut adniti Philippum, ut religio Fœderum ser-  
vetur, ceterum arma & legiones desiderijs pacis reponere. Quæ quoniam in-  
rita ac infructuosa passuris bellum forent, ita justam ad defensionem cogi, per  
quam sacra, legis, liberi, conjuges in tuto habeantur.*

Mox arma trans Lavicam mota, indignantibus agrarijs, delegatos  
ad Comitium, quod Lalainius mense Novembri superiore anno Gro-  
ningæ habuerat, manuum injectionem passos, inter squallores carce-  
rum & indecentem custodiam Groningensium ludibrijs fervari.

*Arma  
trans Lavi-  
cam in Gro-  
ningam ab  
agrarijs mo-  
ta, duce En-  
tentionio.*

*Neque enim ferendum esse, libero populo & Reip. causâ ad conventum vo-  
cato contumeliam ac vim inferri, quam publico & velut iudicio sistentibus sisti  
oporteret. Ceterum in civitate turbidâ & juris sui ac simul boni moris oblita,  
nullum honesti respectum valuisse, ita immoderatis Groningensium actionibus,  
ut furoris sui infamiam, ne per præsentiam quidem Præfecti reverentiam su-  
terioris imperij compresserint. Spectasse scilicet LALAINIUM Magi-  
stratum urbis suis mandatis contumacem locumque comitio à majoribus destina-  
tum, damnatis armis & sociali manu circumventum. Intercessisse mox AL-  
DEGONDIVM & SYLLAM Ordinum Belgicæ Legatos, neque  
alio eventu quam ut aucto publicæ autoritatis despectu, insolentia & vis incre-  
ceret. Sic Delphzila munitionem, etsi sub MARIA, CAROLI  
Cæsaris sorore, provinciarum Gubernatrice, post ab ALBANO arctandæ  
libertati extructam, solo æquatam, ipsamque Omlandiam quâ Amaso flumini  
objacet, ne antiqua quidem munimenta suorum finium retinuisse. Ita Win-  
kenium centurionem cum cohorte & imperio Delphzila præfectum, alio revo-  
catum, minisque Groningensium & post ære expugnantum, commissam sibi  
munitionem deseruisse.*



ciō. 10. Igitur agrarij indicto apud Winsumum conventu Bartoldo Entenio LXXVIII. ex agrariâ nobilitate viro manu strennuo & promptæ audaciæ, conscribendi x i r. cohortes potestatem fecere, quo vim ac ludibria suorum ulturi, præsidio cohortium domesticam & simul comitio securitatem pararent.

*Agrarij ab Hegemannino profligati Entenii inque cap-  
turi.*

Cæterum rudi & tumultuariâ quam collegerat manu, per Gualterum Hegemannum virum militiæ impigrum profligatâ, Entenius Co-  
vardiam profugit cladeque suorum & mox perfidiâ vinculis datus, Groningam abductus est. Ubi periculo capitis expositus, quod spretis Ordinum generalium sacramentis suo militem autorasset, intercessione tandem ipsorum Ordinum liberatus, reputantium virum patriæ amantem & ab ipsis belli initijs fidem foederi professum nimium affectibus indulgendo publicam autoritatem & pacis publicæ curam neglexisse. Itaque deponendis utrinque armis Ordinum & Matthiæ Austrij decreto intercessum jussique Groningenses simul Omlandi litis suæ compositionem arbitrio Aurantij permittere. Quæ in annum protrahita ut post memorabo, partium comminationes & dissidia gliscientibus ex injuriâ odijs non sustulit.

*Senatus Regij per Frisiam Deputatus sese opponit.*

Igitur post Gemblacensem cladem Senatus per Frisiam regius ut mortales assolent, cum fortunâ Austriaci animos erigens, mandatis novorum Deputatorum se objecit recitandoque edicto, quo Reip. hostis Austriacus censebatur, pertinacibus studijs se opposuit. Itaque novis turbis per Frisiam initia ex hoc ipso serebantur, discordi ad exemplum imperantium populo, qui partium quoque fortunam ex prosperis aut adversis rerum adorabat. Quare curâ Ordinum Delegatorumq; Frisæ Lalainius Groningâ, quo componendis dissensionibus concesserat accersitus, qui præfracto Senatu decretum Ordinum generalium exqueretur immodestisq; ingenijs reverentiam novi imperij injiceret.

*Austriaci à Lalainio Reipublicæ hostis proclamatus.*

Is Leovardiam progressus, ubi omnia turbida & partium plena per victoriam Austriaci erant, eundem Austriacum ad xvi. Martij diem proclamari pro rostris hostem Reip. fecit arduumque ordinandæ, eâ tempestate Reip. negotium singulari constantia executus est. Quorum omnium, etsi Ordines Frisæ certiozem Matthiam Gubernatorem fecissent, ita volebat Matthias ut actis & testimonijs publicis eâ de re doceretur.

*Legatorum Frisæ coram Matthiâ de Senatus regio dissertatio.*

Igitur Ordinum decreto Joannes Matthenessius Satrapa arcis, Julius Botnia Oldermanus Franequerensium, Meinardus Wigerius Consul Leovardienfis Bruxellas cum actis probatorijs missi, coram Matthia disseruere.

**S**ENATVM regium, GUBERNATOR, custodia dare in animum induximus & causæ nos movent. Præterquam enim, quod illius imperium à nostrâ libertate alienum est, ita deprehendimus eundem Senatum plus Austriaci consilij quam nostris mandatis tribuisse. Ex interceptis ad eundem AUSTRIACUM quas exhibemus litteris, nostræ integritatis documentum innotescet & alere nos in sinu, qui nostris rebus & saluti publicæ adversentur. Ita Senatus Regius, capto ROBLESIO, & ne is nefarium consilium, quod præconceperat, exqueretur, à cohortibus suis in



in vincula dato, de eo liberando cogitavit, & ut id obtineret, apud Austria-  
cum intercessit. Adhuc magistratum Leovardie urbis in Basilicam ac suum con-  
sulum evocavit monuitque, ut defendenda adversum Ordines, urbi se pararet  
rebusque trans Lavicam à Roblesij captivitate malè fluentibus, regie parti in-  
tra suæ civitatis muros prospiceret. Austriaci responsio eidem Senatui eâ ex  
re grates actæ & quod Senatus in PHILIPPI fide, ac curâ tuende  
regie dominationis perseverasset. Planè, ac si reparanda libertati sanctissimæ  
nostræ sollicitudines à regis imperio discreparent essetque in hac provinciâ, quod  
ex nostrâ fortunâ ac felicitate Philippi commodum moraretur. Post in Magi-  
stratum per provinciam mutatione, quos libertati nostræ graves & molestos du-  
turna dominationis possessio fecerat, nostris decretis se objecit, ne diu usurpa-  
to & quasi eterno imperio, suffectis patribus, cederet. Igitur specie antiquæ  
electionis & quæsti juris res per oppida disposuit, quo civitatum fidem, muni-  
mentum solidioris per provincias imperij retinendo, easdem hostium usui haben-  
dis præsidij tueretur. Neque aliâ intentione binas à Germanis cohortes auto-  
ravat ac per munitiones provinciæ disposuit, quam ne per agros aut præturas  
ex decreto Ordinum & simul tuo quid novaretur & ne firmamenta imperij, ne-  
glectis iisdem munitionibus amitteret. Id Renicum Dekama cohortis tribunum  
& tot annorum stipendia adversis partibus professum, acceptâ fide publicâ,  
coram LALAINIO in confessu patrum non dissimulasse, ne prava Senatus  
consilia, exitio patriæ reperta, morâ aut secreto invalscerent. Postremo, ne  
Edicta quidem Ordinum & tua, Gubernator, per Basilicam & tribunalia pu-  
blicavit, ac ne in populum vulgarentur, damno ac infamiâ publicæ autorita-  
tis suppressit. Quam ut integram incorruptamque præstes, Gubernator, tua  
& simul Reip. interest, ne hac fato post tot aspera & inclementias temporum  
emergens, primum fortunæ suæ obstaculum contemptum imperij sentiat. Igi-  
tur mandatum interpones nostris consilijs, quo legum & libertatis nostræ op-  
pressores possessione & usu durioris imperij submoveamus faciamusque, quæ cor-  
rigendo rerum per provinciam ordini & Senatus Regij dominationibus expedient.

Mox Lalainius è Senatu regio Focconem Rommartium, Antonium  
Lavailium & Dimerum Senatores, cum Arnolfo Gemenio & Siccone  
Suffridæo duci captivos in arcem regiam iussit, aliosque Senatorij or-  
dinis & in ijs Igramum Achlenium Præsidem, Adrianum Vastartium,  
Petrum Frittema & Carolum Nicolaium privatis domesticisque custo-  
dijs attineri curavit. Post Rommartium & Dimerum Senatores, pu-  
blico carcere dimissos, clementiore custodiâ haberi præcepit, Julium-  
que Dekema & Vibrandum Ayta citari in Senatum iussit. Sed forum  
discriminis plenum & istiusmodi rerum conversionibus modum sæpè  
egressa æquitas, subterfugia judiciorum suadebant. Quippe mota ple-  
bes, novi urbis Magistratus regijs dominantibus infensi, quod Philip-  
pus Austriaci fratris malis artibus & nefariæ defectioni, præter spem  
Ordinum publico Edicto patrocinaretur.

Lalainius  
Senatū re-  
gium custo-  
diâ partim  
publica  
partim pri-  
vate dat.

Edictum PHILIPPI Regis tale erat.

Q V A N Q V A M missio in provincias Belgicæ JOANNE  
AUSTRIACO fratre meo in id maxumè incubui, ut civiles  
discordias certa pace componerem ac Romanæ Religionis cultum, mihi  
(quos antiquis moribus & paterno ritu regere animus erat) subdito-

Philippi Re-  
gis novum  
Edictum.

CLD. ID. *rum obsequium assererem, ita deprehendo multos ex subditis meis, suae legis*  
 LXXVIII. *ac officij oblitos, fovendis turbis se dare, quo gravius bellum meis in ditioni-*  
*bus exardescat. Et quoniam subditorum meorum salus, mea autoritas mihi*  
*curae est, ut jure Principis imperem, ita fratri meo JOANNI AUSTRI-*  
*A CO iustum obsequium conferri volo. Secus facientes perduellium loco ha-*  
*biturus sum. Quamobrem Ordinum cœtus Bruxellis, non meo assensu, sed*  
*privatis consilijs institutos, ut illicitos habeo voloque ut conventus iste solva-*  
*tur ocys, ac ut suas in provincias quique remigrent, dum ego regiâ pote-*  
*state legitimum confesum ordinavero. Itaque illorum acta hoc ipso rescindo*  
*statuque, ut, quæ singulis in provincijs non meo rescripto decreta sient ea-*  
*dem lege antiquentur. Quare Tributa ab ipsis imperata præstari nolo popu-*  
*lumque sacramentis Ordinum exsolvo. Quin ei jus ac potestatem facio suâ*  
*defensione, adversum oppressores utendi provocandique ad subsidia quæ amo-*  
*vendis oneribus ac servitijs facient. Adhæc imperia, dignitates universis sin-*  
*gulisque abrogo, ijs præsertim, quos à fratre meo secessio incapaces munerum*  
*ac meorum beneficiorum fecit. Quapropter volo, ne quid pensionum ex meo*  
*aut publico ærario habeant & ut publicarum rationum fides me aut fratre co-*  
*gnoscente probetur. Hoc quoque Edictum meas per ditiones ac tribunalia reci-*  
*tetur typisque vulgatum in omnem provinciam & memoriam temporum exeat.*

*Majus inde  
in Regem  
& Austria-  
cum odium*

Quo Edicto, ut publicum provinciarum jus haud dubie convelleba-  
 tur, ita maxumè regis & civiles discordiæ fomentum accipiebant.  
 Quare diu infidæ res & falsis affectibus contactæ in deterius apertius-  
 que odium ac bellum tum erupere, quod in id etiam temporis arde-  
 scente crinito sydere, (etsi deficiente sensum flammæ pabulo) instan-  
 tium motuum certissimo præfagio signabatur.

Igitur in Joannem Austrium publicum libertatis hostem multa atro-  
 cia jaciebantur, quod humanæ societati injurius speciosis pacis illece-  
 bris præconceptum bellum velasset. His addebatur immoderatio vi-  
 ctoriæ apud Gemblacum usus & quod infelices ac ex pugna faucios per  
 acerbas mortes velut lentis supplicijs necasset. Sic scilicet per Gra-  
 natam, sic alibi militiam egisse neque aliud sperari posse, quam ut Ca-  
 roli Principis & nepotis parricidio coopertus (id enim Historiæ tra-  
 dunt) animum peioribus furoribus satiet, modo annos impleat cumu-  
 landis sceleribus validos.

*Lalainius  
Cunerum  
Episcopum  
captivum  
dat,*

Unde Lalainius ferventius Austriaco addictos, arctioribus custodijs  
 sepfit Cunerumque Episcopum, imperijs Frisiæ Ordinum contumacem  
 & superstitionibus populum trahentem Harlinganæ arci captivum in-  
 duxit. Creditum fuit immodestos Episcopi mores & per sacrorum cul-  
 tus luxu ac commensationibus fœdatos, parum gratiæ, multum odij fe-  
 rium apud populum ei conciliasse & quod conquirendo ari fordidas &  
 simul asper sacrij ærarij opes prodigentiâ & molliore vitâ dissiparet.  
 Ego existimo cœnobiorum Præsules in partem Reip. tum adfictos,  
 fundatione Sedis & Episcopali autoritate offensos, exitium ei paravis-  
 se, quo Pontificum & Albani sanctionibus quas Gandavenfis conven-  
 tio aboleverat, cœnobarum censui detracta ac Sedi decreta, iisdem  
 cœnobijs intercessione Præsulum redderentur. Indignantibus adhoc  
 quibusque, ultimas mortuorum voluntates & scripta pijs usibus aut nun-  
 cupa-



cupata testamenta non adimpleri detractaque hæredibus patrimonia, CIO. IO. LXXVIII.  
luxu & paratu Episcopalis magnificentiae insumi. Romanorum quoque Pontificum & ipsius Philippi in constituenda Sede institutum, destinato fine excidere coercendisque populi ingenijs & simul opinionibus repertum pessimo magistri exemplo per ludibria & contumeliam foedari.

Tradunt cum Gasparo Roblesio sapius commessantem, mox vino, cujus appetens erat, madidum, in saltationes & impudicos corporis gestus effusus cantuque & tripudij ad probra & satietatem usum ordinis sui reverentiam & simul respectum decentis vitae posuisse. Unde contemptus & ex fastidio sensim odium, adeo alienis populi ad suspiendam Sedis & simul Episcopi auctoritatem animis, ut ex conscientia factorum & multitudinis voce, tanquam integerrimo judicio damnaretur. Mox Harlinganæ arcis custodia emissus, cœnobium in Bergumannum, quod Leovardiae urbi in ortum milliari distat, decreto Ordinum amandatus, quo illo in loco tanquam secessu, supputandis reddendisque rationibus commodo & anteaكتورum memoriam & neglectam muneri sui rationem expenderet.

Tum, ne Gasparus Roblesius quod in ore vulgi tum erat, hostili cum exercitu in provinciam irrueret, Translavianos tuendorum finium habere curam jussit Iarichumque Hottingha virum Nobilem & cohortis Tribunum explorandis curandisque, trans Lavicam rebus expedivit. Decreto quoque Frisiae Ordinum novas cohortes conscripsit, omnemque provinciam gliscentibus periculis, majore quam ante curâ ordinavit.

Mox v. Kal. April (qui dies Episcopo funestus fuit) flante Coro horrenda tempestas Frisiae terris incubuit mareque procella concitum in littus se adigens Frisiam omnem, qua Flevo flumine, Pafenio & Reiderio amnibus alluitur, effusus in plana contexit. Itaque Dongria, vili per turbas aggerum curâ, undis obruta cultique circa arcturum agri eruta per eluviem semina infœlicibus colonis reddidere. Inde frugum mox egestas & ingravescent annona invalidam tributis provinciam fecit. Stauricus scriptor addit, homines alibi cum jumentis vi fluctuum abreptos, nec Dongrios solos aut littorum accolas, cæterum depresso fertilesque provinciae agros marinis undis subfuisse.

Tum Anna Austriaca Philippo Regi avunculo cognominem filium enixa, susceptore regij infantis Wenceslao Reginae fratre, qui haud multo post tempore extinctus imperatoriam Maximiliani domum augusta sobolis fecundam, immaturâ morte funestavit.

Cæterum isti Annæ Austriacæ partui, ut autè ANNO CIO. IO. dubiè à regio sanguine animis, quem sicut cætera malorum, à naturâ edi transferendis in posteros superbis dominationibus tacitâ fati incusatione interpretabantur. Ita scilicet Carolum Cæsarem titulo Gubernatoris, cessione Saxonica per Frisiam receptum, primis annis lenius, post adultâ potestate acrius imperium exercuisse, velut ita fato compositum esset, ut Philippum filium, etsi naturæ vitia primâ imperij & simul vitæ ætate obtegentem, exercendo deterrimo principatui relinqueret. Raro certè dominationes suas in melius Principes mutasse, ne sic quidem formati syderum temporumque revolutionibus, ut be-

*Lalañilli  
adversus  
irruptiones  
defensionem parat.*

*Inundatio  
per Frisiam  
nova.*

*Regi Philippo  
filius  
nascitur.*

*Alieniores  
à Rege  
sunt Frisij.*



CLIO. IO. nignius polliceantur. Desperandum potius esse de bono Philippi successore, quem haud dubiè ambitio regijs ingenijs connata & repressi sub patre imperij tædium vindicandis injurijs impulsurum sit. Quod in Philippo 11. de cujus nativitate nunc loquor, adimpletum fuisse, paternis consilijs & actionibus non dispar ingenium turbatissimorumq; temporum tristissimæ imagines ostendè. Adeo veterem regiae domus affectum incivili Philippi 11. dominatio perverterat.

Ordinum  
decretum  
Religio-  
num.

Igitur Ordines, redintegratis foederum actis, multa in populum stabiliendæ ex intervallis temporum libertati vulgabant, tanto laxioribus religionum edictis, quanto acrius immodestiusque Carolus Philippusque reges à triginta annis damno regiae & simul popularis fortunæ extruserant. *lis cautum fuit.*

*Vt Gandavense reliquaque posteriora fœdera sacrosancta essent damnatoque omni cum hostibus commercio, seditiosæ conciones, verba atque disteria turbanda paci publicæ cessarent. MATTHIAE quoque AUSTRIO & AURANTIO Principi autoritas ac veneratio constaret populusque tuendis fœderum actis iurjurandum diceret.*

Ordines in  
Austriam  
eum bellum  
parant.

Igitur regresso in Hispaniam Joanne Norcarmio Philippi ad Belgas Legato omni que pacis ac induciarum spe irritâ, de gerendo bello cogitatum, quod Gemblacensi clade affectum, fortioribus nervis trahendum, sanando cladis vulneri & pellendo finibus Austriaco Princeps Aurantius suadebat. Itaque decreto Ordinum certæ stipendiorum rationes intæ castrorumque impendia menstruo ære sublevata. Petita quoque ex pactione fœderis Anglorum auxilia & postquam regnum delectibus exhauriri Elisabetha detrectabat, subsidijs Anglicis copiae per Germaniam conscriptæ, quas Casimirus Elector in provincias ducturus pactione fœderis ferebatur.

Reidanus tradit Elisabetham vix scripto cum Ordinibus fœdere, de mittendis in Belgicam Anglorum copijs consilium mutasse missoque ad Ordines Daniele Rogerio Legato, Galliae regis offensas mutato consilio obtendisse. Quippe Henricum regem in magno belli apparatu versari assererat, laturum haud dubiè ægrius, Anglicæ gentis exercitum classi commissum in Belgicæ provincias trajicere. Ita fortè de præjuvandis Philippi, aut faciendis sibi in Belgicâ partibus deliberaturum, à quibus etsi vacuum & intactum cupidine Belgicæ dominationis animum ipsa haberet, tamen difficulter facturam ut suspicione Gallum liberet, aliena consilia suo ut solet ingenio æstumantem. Igitur satius esse Joannem Casimirum Palatinum cum quinque equitum, sex Helvetiorum peditum millibus suo ære in Belgicam evocari, quam Anglicis auxilijs irritare Henricum regem nutriendis in se æmulationibus prorum. Quod Reginae consilium etsi Ordines & præcipue Pontificiæ factionis percelleret, indignantes Protestantium & reformatæ religionis Principem tantis copijs instructum impulsis Belgicæ rebus offerri, ita ex necessitate temporum conventum fuit, ut quinta peditum millia, quaternæ equitum Casimirus reginae nomine in auxilia duceret, hac tamen lege, ut erogandi in copias etiam Anglici æris potestatem Ordinibus regina concederet. Cujus juris prærogativâ ac possessione, ne exui

qui-

quidem etiam angustis rebus volebant, qui meminerant id Philippi per c. 13. 10. Italiam bello assertum, causam ac initia primis dissensionibus dedisse. LXXVIII. Unde novæ quoque Vectigalium leges in secreto Patrum scriptæ, quo tributa magnitudinem potentis regni æquatura populi opibus, et si privato onere, collato in publicum ære traherentur.

Quare curandis Frisicæ rebus, ( Ne quid detrimenti patrijs legibus illa sanctione inferretur ) Hesselus Aysma vir eruditus, & magnæ autoritatis ad consensum Ordinum generalium missus, relicto domi socio legationis Renico Cammingha, quem suffragijs comitij ei subjunctum provinciæ res attinebant. Iis in mandatis datum erat, Gandavense Fœdus sartum tectum præstandi cavendique, ut omne Frisici, populi jus impollutum inviolatumque autoritate ejusdem fœderis staret. Ipsi quoque Legatis jus considerandi inter patres foret petendique novas Frisij immunitates, quo præsidij legionum, ac continuis inundationibus exhausta gens, per levamenta onerum, veterem ad opulentiam & fortunam rediret. Hoc etiam additum. Ut de actis scriptisque Ordinum ad provinciam referrent. Annotatum invenio Legatum Aysma Antverpiam iturum reciproca pactione & speciali scripturâ provinciæ se obligasse, per reverentiam haud dubiè & securitatem Reip. ne magnarum rerum negotia per incuriam Legati negligerentur, & ut certis terminis coercita potestas lubricis temporibus, grassante ubivis per malas artes Austriaco, invidiam emulantium elevarer. Cæterum novis per Germaniam delectibus & per stipendia tot legionum tenuæ Ordinum ærarium lenius Frisicæ gentis tributum non ferebant.

Quare & Ordinum generalium litteris, xviii. April. Bruxellis datis, Frisij copias per Sylvestria & Drentiam sparsas retinere in stipendijs jussi, ne in Brabantiam & superiores provincias traductis accessione novarum cohortium languescens ærarium extenuaretur.

Lalainius contra evocari in Brabantiam copias petebat, valido ad præsidia populo & gentis censu onerosis stipendijs impari. Non esse eam belli per Frisiam molem ut tot copijs egeat, quas exsolvi sacramentis, & Reip. & simul militantium interfit. Quippe novem annorum stipendia meritis missionem orare, quo patriam & antiquas sedes revisant, avidos quietis aut ut respiratione ad tempus datâ, ad priora sacramenta magis vegeti redeant. Nunc parentum amicorumque desiderijs trahi totque incommoda & simul pericula perpessus toleratis molestijs solatia querere. Igitur rogare Ordines ut easdem copias in Brabantiam evocent, aut inquietudinis bellicæ pertasis honestam missionem largiantur.

Hæc à Lalainio xx i. April. Leovardiæ scripta, ac per Franciscum Pipenpoium Lalainij Legatum Bruxellas perlata. Notat F. Nicolaus Magistratum Stauriæ urbis, Fredericum Campensem Presbyterum in arce regiâ custodiæ tum dedisse, exutumque sacerdotio, Hemelum manum in Cœnobium, urbi vicinum relegasse.

Litteræ quoque ad Gubernatorem Matthiam à Deputatis Ordinum datæ, quibus singularem Matthiæ, in mutandis Magistratibus, erga Frisios affectum & reprimendis Austriaci partibus commendabant.

Tutiore scilicet impofterum loco res provinciam fore, seque daturus operam, ne



CL. ID. ex Frisorum trans Rhenum terris Belgicae res quid periculi sentiant, ceterum LXXVIII. sociorum securitas ex securitate Frisica gentis habeatur. Quippe Lalainium Transisulanis & quae Vidro aut Isala ammbus perluuntur, ditioribus cum imperio praefectum, facturum haud dubie, ut omnis Drentia, redactis in potestatem castellis atque munitionibus foederatis gentibus societur. Hoc tantum necessarium esse ut quoniam LALAINIUS curandis rebus iter in Transisulaniae confinia intendisset, copias atque auxilia & cum ijs ex arario provinciarum stipendia habeat, magna in bello momenta & sine quibus nec retineri in bono ordine fortuna foederis, nec prolatari queat. Domesticis quippe adhuc insidijs tenerrima Reip. initia exponi & esse conjuratos, qui scelera, qui seditiones, qui incendia & latrocinia moliantur. Id ex litteris apud Antonium Lavaailum, regum nuper Senatorem repertis, abunde detectum exutisque imperio non voluntatem nocendi, sed vires deesse. Postremo spectari etiamnum intra urbium conseptra, arces & castella, externi & indecentis imperij munimenta, popularibus servitijs extructa & ut adversum dominantium metus valerent. Querenda esse alia civitatum & populi praesidia, externo opere ex arte circumducto & Vectigalium ratione habendis praesidijs & simul stipendijs instituta. Hanc quoque ipsam approbaturus se fore, si viderint, id socijs provincijs, id patribus & populo placuisse.

Comitium  
de novo  
per Frisiam  
Senatu Leovardiae  
habitu.

Haec Leovardiae vergente Aprili scripta, ac à Docone Martena, Goslico Hiddama, & Barthio Idzaerda signata.

Mox Deputatorum Frisiae curam (quod jam ante à Senatu regio factum erat) conventus Ordinum Leovardiae Kal. Maijs indictus. Ibi de constituendo novo per Frisiam Senatu consultatum, cavente per litteras Matthiâ Gubernatore, ne dicundi juris officia per provinciam vacarent.

Quippe licentiam justitio crescere, immodestis adhuc eorum actionibus, quae veteris fortunae recordatione, nova consilia recuperandis honoribus fabricarent. Posse hoc modo dissociata Regis & populi fide, facilem olim nutriendis factionibus gentem divelli ac in sueta majoribus prolabi, nisi maiestate legum ac reverentia iudicii coerceretur. Sic Saxonem, fundato Caesarum jure & instituto Senatu, inveteratas factiones, CAROLUM AUSTRIUM bella & inimicitias partium sopisse. Nec aliam ferè hodie temporum legem esse. Divulsos proceres, discordem populum & acerbis odijs innutritum iturnum in violentias, nisi legere refrænetur. Adhuc lites fori indefinitas esse belloq; aut per vim bonis exutos, jure foederum restitutiones in integrum & officia iudicum implorare. Publicae pacis tranquillitatisque praesidia hoc ipso consilio habenda, cavendumque, ut summum tribunal per Principem primitus erectum, integro adhuc ejus imperio non evilescat.

Ceterum Oostergoi instituendam hac de re ad suos relationem censerunt, sponcione facta octiduum intra decretum se facturos. Westergoi vero & Sylvestres, ut parati erant suffragia interponere, ita provinciae Deputatis nuncupandi Senatus potestatem fecere, sed hac cautione, ut suo corpore bini iisdem Deputatis jungerentur votisque concordibus, indigenis & legum peritis Senatoria dignitas committeretur. Haec ab Hesselo Eningha, Oedzio Arnolde pro Oostergois, Oed-



Julio Botnia & Jelgero Feitsma pro Westergois, Gellio Hepkenio & Si- clō. 13.  
brando Idzio pro Sylvestribus signata. LXXVIII

Italiaque Burgundicæ domus statutum, quod peregrinos æquali numero à Carolinis temporibus admiserat, illo decreto antiquatum, reputantibus peritioribus legem à CAROLO Cæsare stabiendiæ fori innocentia latam depravandis judicijs & post violentis dominationibus cessisse. Ab eo scilicet fuisse, ut assentatione & in Principem servitio, sedis probrosisque rescriptis conscientiam confessus polluerit querimonijque clientum ac ipsorum etiam ORDINUM præfractum tribunal clauderetur. Non necessum esse exempla temporum repetere & jam fato ostendi, ut antè nimiam Senatus potentiam, ita maxumè infidam fuisse. Neque egere externis arbitris judicium quod citra hoc incorruptum esse queat & æquitati subnixum. Conscientiâ iudicum stare fori casus & litium eventus, nec eam solam Burgundici statuti vim esse, ut iniqui fidei suspectet. Quæsiße scilicet CAROLUM, ut adulteratis provinciarum confessoribus, consuetudines quoque & jura miscerentur Frisiosque communitio juris, Burgundiæ moribus externaque & jam ante, sub MARIA Gubernatrice, damnata societati innecteret.

Igitur per Delegatos Comitij Julium Botniam, Orichium Doiemum, Feiconem Tatmannum & Hyeronimum Winterium Deputatis provinciae justum Senatorij Ordinis numerum supplendi potestas facta, si forte litium ferax provincia plurimum judicantium egeret, aut honesta excusatio arduæ onerosæque dignitati obtenderetur. Hæc in acta v. & v. i. Non Mai à Wibrando Roorda, Sixto Sceltema, Jetfione Galama, Regnero Albertio & Govartio Petræo relata. Mox Senatotes & in ijs Franciscus Eyfingha, Gysbertus Aernisma, Joannes Versteveranus & Fecco Rhala nominati, quos aut celebratæ majorum imagines, aut eruditæ virtutis fama, præter scientiam legum & civilis prudentiæ commendabat.

Post Georgius Lalainius magnam ex ordinatâ Flevum inter & Lavicam provinciâ gloriam adeptus majorique imperio florescentes juvenatæ annos præferens, Transisulanæ quoque Præfecturam accepit, quæ potiunte rerum Carolo Cæsare uni cum Frisiorum gente Præfecto paruerat. Quare ut auctæ dignitatis gloriam belli pacisque artibus ornaret, de obsidendis Transisulanæ urbibus cogitavit, quas in ripâ Isalæ fluminis fitas regia & Germanicæ legionis præsidia modicis cohortibus & effræni insolentia tenebant. Cæterum arduis rerum coeptis copiæ & comineatus, tum pensitandis stipendijs æs desiderabatur. Igitur novarum collationum tabulæ ab Ordinibus provinciarum vulgatæ cautumque decreto ut eorum omnium, quæ usu consumerentur, certum vectigal esset mercesque provincijs exportatæ aut aliundè advectæ determinatis onerum legibus subessent. Quæ in Frisiam una cum Matthiæ Austrij Gubernatoris litteris v. Mai Antverpiâ datis perlata, civiles animos & cum ijs tranquillitatem provinciæ obturbare. Quippe plebes a crem annonam imminutoque commerciorum jure, decrementsa veteris fortunæ & in his versam servitio libertatem criminabatur.

Idoneo scilicet decimas vigesimaque ab ALBANO, præpediendis commercijs & redigendæ ad egestatem genti repertas, obnitente populo Frisco abrogatas,

cIo. Io. gatas, ut in fœdus adscitis lenius imperium & libertati proximum Vectigalium LXXVIII Lege per aspera initia & servilibus oneribus deformaretur. Hoc uno dominantium ingenia & simul vitia detegi, quibus grave esset rectè fortuna uti & regendi lubricum commodis populi assimilare. Subvertendo Regis imperio libertatem prætulisse, vixdum stabilitam enormi tributo laceßere. Redeundum potius ad Regem etsi populo suo iniquum, ut cum armis onera cessent provinciaque, regnante Burgundicâ domo, facili commercio ac victu habitâ, aurea ætati & suis moribus reddantur.

Quibusdam Pontificijs quoque in seditionem prouis Itaque fuere è Pontificijs, qui Leovardicæ ciendis seditionibus se accingerent speciosoque pellendæ servitutis obtentu turbidis consilijs desideria & curas amissæ libertatis præferent. Alij addunt eo furoris prolapsos, ut conjuratione adversum Magistratum urbis initâ, decreto sceleri novum sacramentum circumferrent patrandæque cædi opportunum tempus præfinit. Quare Lalainius Vollenhovâ, ubi Transfulaniæ Legatos ad conventum vocaverat, litteras ad Deputatos Ordinum dedit novasque Vectigalium Collationumque leges, frændis seditionisform ingenijs publicari ocysus per provinciam iussit. Cæterum Deputatis murmura & criminationes populi res ultro invisæ & libertati graves obversabantur. Itaque in Senatum regium promulgationem Edicti rejecere, quod durante Burgundicæ Austriæve domus imperio publicandis decretis se interposuisset æquumque esset, per reverentiam juris antiqui novas leges suetâ apud populum autoritate edici.

Publicatione Edicti de Vectigalibus facta. Sed Lalainius moræ impatiens, quod res magnas animo agitare, publicandæ legis officium Deputatis injunxit populumque novis decretis refractarium & contumacem severâ parendi lege constrinxit. Æs quoque arario è Vectigalibus inferendum colligi per quæstores ocysus jussit Heronique Burmania Thesaurario Ordinum pendi imperavit.

Sic pretia, frumento, legumini, pannis, sericis, auro atque argento imposita, olimque alias apud gentes reprimendo luxui reperta gerendo bello cessere.

Quippe Collationum Edicto amor patriæ, conservatio fœderis, vires hostium obtendebantur bellumque majore flammâ ardescens stipendijs militum & tributis populi alendum. His societatum jura & fœdera, his militiæ sacramenta inniti divellenda præproperè, nisi mutuâ ope commune ararium sublevetur publicumque imperij robur singule provincie fulciant. Diversas opes immanissimis hostium cesuras, nec suffecturas illorum avaritiæ aut luxui, quorum famem nec rapinæ urbium nec sacrilegia satiascent. Subveniendum potius publicæ aris inopia leni tributo, quod nec commercijs populi, nec privatæ fortunæ obfit.

Hesseli Aysme Legati littere in Frisiam Antverpiâ datæ. Igitur præscriptum quoque Vectigalium Antverpiensibus indultum, in Frisiam à Legato Aysma missum, emolliendis illorum ingenijs, qui è gravitate tributis solitudinem provincijs per fugas populi ominabantur. Hoc etiam suadendæ legi additum, quod à mercaturæ peritis rogata diceretur singularumque provinciarum ante Kalend. Jun. (qui dies publicationis decretis erat) & inter cæteras, Frisicæ gentis censurâ & emendationibus subesset. Litteræ quoque ab Hesselo Aysma Legato Antverpiâ datæ, quibus censebat, publicæ autoritatis & simul commodi inter



teresse, reverentiam latæ legi stare populūque civilibus ante turbis & c. Io. 13.  
dissenſionibus effraenem, iſto inter provincias fœdere honeſta ad obſequia LXXVIII  
perduci. Subjungebat Legatus clam cum Gallis & Francisco Alençonio  
Bruxellis per Aurantium agi eoſdemque Gallia Legatos occultâ in  
Matthiam Auſtrium Aurantiumque æmulatione ſecretis artibus Belgi-  
cæ imperium ambire. Gallorum quoque auxilia, eſſi rumoribus vali-  
da, omnino infirma, cæterum equites Germanos à Caſimiro con-  
ſcriptos iter ingreſſos in provinciarum finibus haberi. Quare aucto  
equeſtribus copijs exercitu majora quoque ſtipendia per provincias fla-  
gitata Friſiosque ſubſidia tuendo fœderi & gerendis rebus petita. Quip-  
pe ſepties centena æris millia luſtrando exercitui menſtruis equitum ſti-  
pendijs poſcebantur, grande bello adjuvmentum, ſi dominantium decre-  
tis liberalitas populi aut fortuna conveniſſet.

Reidanus tradit à Gemblacenſi clade Matthiæ Auſtrio & Aurantio *Major Præ-  
ſectorum  
Belgica  
poſt cladem  
ultimam  
potestas.*  
Principi ampliffimam poteſtatem novas è quibuſque nationibus copias,  
eo quo viſum foret numero conſcribendi autorandique conceſſam, cau-  
tione tamen additâ, ne ſexcentorum millium ſummam, menſtrum æs  
ſuſtentando fœderato exercitui definitum, gravandis provinciarum tri-  
butis excederet. Creditum fuit ſecretam belli rationem ſoli Ducum  
prudentiæ & fidei commiſſam fuiſſe, ne arcana reipub. in plures rerum  
conſcios evulgata curioſis talium hoſtibus proderentur. Multitudine  
ſcilicet bellum geri, ſelectis conſilia ſtare eumque eſſe optimum rei  
gerendæ modum, ut pauci decernant, plures exequantur.

Igitur obtinendis ſubſidijs Matthias Gubernator atque Aurantius apud *Friſij novæ  
veſtigali-  
bus ſe oppo-  
nunt.*  
Friſios interceſſere, indignantes quam maxime acciſam jam ante im-  
perio Principis libertatem novis Veſtigalium oneribus & ſervilibus lu-  
dibrijs convelli. Neque enim aliâ conditione, ut antè dominatum  
Principis, ita poſt Fœdus amplexos, quam ut decora priſcæ libertatis  
fervarentur Friſicaque gens ignara ſervitiij antiquis moribus & præſcrip-  
to ſuarum legum victitaret.

Itaque factum eſt, ut Ordines generales miſſo, aut in tempus prola- *Ordines dē  
lato Veſti-  
galium Sta-  
tuto ad a-  
lia conſilia  
verſi.*  
to Collationem Statuto ad alia conſiliorum tranſirent publicamque e-  
gentiam collato ære aut ſubſidio mutui elevandam decernerent. Pro-  
poſitum quoque de auro ac argento, quod adulta gentis quies ac lu-  
xuries in nimium verterat pignori dandis, quo opulentiâ provinciæ et-  
ſi non ſignato auri argenteve pondere, ærarium fœderis juvaretur. Su-  
pellex quoque ſacra, quam cœnobijs ſolutior luxu ætas indulſerat, iſſe-  
dem legibus permiſſa, haud vanâ ſancientium intentione, res ſuperſti-  
tionibus ſervientes & luxu reprobataſ pignori locandas eſſe, quo an-  
tiquâ frugalitate etiam Reip. benefaciendo, divinum numen coleretur.  
Cæterum Ordinum conſilia (quemadmodum anguſtis rebus ſolet) ut  
fluxa & varia, ita ferè inſtructive fuere, tenace rerum familiarium po-  
pulo & ut antè decimis vigefimiſque, ita alienandis pignerandiſq; bonis,  
haud abſimili contumaciâ obluſtante. Quare conquirendis corrogandiſ-  
que per Friſiam pecunijs Sixtus ſceltema, Julius Botnia, Goſſicus Hid-  
dama & Henricus Jarichius à Matthia Auſtrio delecti, regerentibus  
iſſdem Delegatis privatas opes bello attritas aut fertilium terrarum  
inundationibus hauſtas egeſtatem & anguſtiam rerum florentiſſinæ quon-



cIo. Io. dam genti attulisse. Itaq; ultimâ æris egestate factum est ut Ordines generales Bossuvianæ legionis cohortibus olim per Frisiam Principi tributa exsolvendis stipendijs assignarent regijque census annum egeno militi & iniquis creditoribus pigneraretur.

*Ægre ferentibus rursus Frisij.*

Quod Ordines Frisiz ægrius ferre, obtestari jus provinciæ, cui ex foedere cum provincijs icto nihil detrahi deberet. Neque enim aliâ intentione se societati Belgicæ, se foederibus inligasse, quam ut majorum jura, conventiones & acta valerent censuque Principi olim decretus, ex pacto Anni cIo. Io. xxiv. provinciæ usibus applicaretur. Eo scilicet cavisse Principem, ut onerum & belli immunes præstaret omneque, si quod ingrueret, in gratiam assignati census, suo ære ac stipendijs haberet. Igitur Legato Aysma inter cætera mandatum, ut pro provinciâ intercedat curetque, ne quid in fraudem publici juris statuatur & ne patrimonia Frisici populi externo ære graventur. Talium vero si quid statutum sit, id rescindi faciat, onerosis belli per Frisiam impendijs & residuorum stipendiorum pensionibus Valonicæ adhuc legioni exsolvendis.

*Ordines generales per legatum Aldegondium à Cæsare, Principibusque Germaniæ auxilia petunt.*

Unde extenuatis provinciarum subsidij Brabantiæque & Hannoniæ armis partium oppressâ, auxilia per Germaniam quæsitâ, misso Wormaciam Philippo Marnixio Aldegondio, quo loci Rudolphus I. Comitia imperij indixerat.

Ibi coram Legatis, quos Cæsar Principesque ad conventum miserant, vir celebratæ eloquentiæ, ab Albani Requesentijq; Philippi Præfectorum, superbâ & crudeli dominatione orsus mox de adventu Austriaci & subdola fide questus, redintegratum ab eo bellum exposuit.

Ita occupato Namurco reductisque in provincias contra jus foederum legionibus, suis partibus urbes ac castella adjecisse fidemque Germanicarum legionum fœdæ defectioni implorasse. Itaque eo majestatis postulato, Ordines publicâ tabe foederum, quæ nullo jurisjurandi discrimine violarentur, Matthiam Austrium Cæsaris fratrem in provinciis accivisse, quo per ejus cum Philippo rege interrimam affinitatem fructuosa intercessio & afflictis provincijs certa pax speraretur. Igitur non legem obsequij, non modum parendi transgressos, cæterum jure suo ac rescripto Ioannis Brabantiæ Ducis, post Mariæ Principis subnixor, in invidiam oppressoris & pessimi regnantis, more majorum & Germaniæ etiam gentium, patrociniū imminutæ libertati quæsisse. Sic honestis remedijs usos & quidem adversum eos, qui restitui interminatum Principis imperium velent, asserrimamque severitatem & nascendi conditionem degeneri populo relinquere. Carolinas quippe dominationes repeti importunius & potestatem imperantis, non conventionem aut pacto, sed exemplo mensurari, quo severis rursus Edictis laceßita gentes capeßenda ad armâ compellantur. Neque alio consilio ad ea ipsa Philippum regem redisse, quam ut provincias, sicut olim colonijs, ita post societatibus Germaniæ inligatas Imperio subtrahat Belgasque ac Frisios, auxilijs ejusdem Germaniæ destitutos, lege regiâ circumscribat victisque alibi terrarum gentibus & mancipijs adæquet. Subactis vero Belgicæ ac Trans-rhenanis Frisorum provincijs Germaniam aggressurum, quo paternæ potentiæ terminos æquet cæcâque fortune lasciviâ intumescens, palam faciat & Germaniæ se Imperatorem & provincijs regem dare posse. Quippe regundis gentibus intentum Ger-

Germania suam libertatem diu invidisse, importuna dominandi cupiditate, cui cōs. 15. explendæ terrarum orbis angustus sit. Conscientiam generis humani consuli posse LXXVIII. se satisque ostensum, nihil Hispano tam insolens esse, quam abstinere alieno. Sic Ferdinandi Albani ætate, non Colonia tantum aut Monasterio civitatibus, carerum Westphaliæ & Rheni tractui, post sub Requesentio instinctore Roblesio Frisie Præfecto Embde urbi insidiatum, quo Germanico Balticoque mari dominaretur strangulatisque Vandalicarum urbium commercijs gerendo bello, aut ferendis in socios auxilijs debilem Germaniam pararet. Quæ serius missa tum demum Germani sensuri forent, cum eidem ruina utramque gentem Hispania implicuisset regressumque ad socia arma & communem concordiam vires hostium & res casura vetarent. Sic Cyprum, sic Rhodum insulas occupatas, sic expugnatum Byzantium, sic Græciam Othomannicæ domui subiectam neque aliâ occasione, quam quod tardis sociorum auxilijs Christianorum res inclinarent publicæque ac socordi ignaviâ barbaræ gentis vigor & simul fortuna increvisset. Idem in Hispano fore, quem Turcicis Imperatoribus peritiam belli facile exæquet. Eum caloris, inedia, frigoris patientem, sui imperij, alienæ servitutis incrementa querere, non laturum, nisi fato præpediatur, ut libertas ullibi terrarum sedem figat laxioribusque gentium obsequijs dominantis arbitrium arctetur. Igitur frændis Hispanicæ gentis cupiditatibus innovanda fœdera esse, quibus Carolus Cæsar triginta antè annos utramque gentem miligasset. Tum sociam Imperij Belgicam Carolum declarasse sacramentoque caviße, Ne peregrinus miles per Germaniam ageret quiesque ac securitas Germaniæ nationum externis armis obturbaretur. Caterum ut jurisjurandi istius, ita memoriâ quoque illorum fœderum obliteratam, postquam vicinæ miseriæ spectatrix Germaniâ, alieno periculo aut clade, suâ quiete ac ignaviâ contorpuisset. Eo scilicet matrem illam ferocissimarum gentium olim Romanum Imperium, post Othomannorum furores sustinere ausam recidisse, ut nec suæ nec sociorum libertati consulat fœdasque per assentationes Hispanicæ genti metus aut ignaviæ ludibrium præstet. Non jam imbutorum cadaverum struem, non campos sociorum ossibus constratos & albentes ad miserationem aut virtutem accendere, sublevandis per auxilia socijs, quorum veteres colonias, quorum fœdera & societates prisceis temporum ætatibus adoravisset. Non ferendum scilicet esse, ut regnum in limine Germaniæ ac Romani Imperij fimbis, superba Hispaniæ gens figat transque suos Pyrenæos in conseptas fluvij montibusque terras effusa, jus ac gloriam vetustissimi populi obruat. Id quippe jam diu consiliij capisse, postquam Mosellam, Rhenum, Mosam præcingentia Germaniam sumina arcibus ac castellis pressit, affectatrix haud dubiè illius Imperij, cujus libertatem etiam Carolo Cæsare mutare cum inhonestâ & infami servitute decreverat. Quin satius esse Cæsari ac Principibus, Ioannem Austriacum & illius assecras libertati Germanicarum Gentium infestos, banno Imperij mulctare Ericumque Brunsvigium ceterosque Legionum Præfectos in sua revocare, ne publica utriusque Germaniæ libertas per ipsas Germaniæ gentes debelletur. Hoc Archiducem Matthiam Belgicæ Gubernatorem, hoc Ordines provinciarum orare, agnituros Germaniæ beneficium, si ab externâ colluvie, perdundis subvertendisque terrarum imperijs natâ, si ab onere belli & imminetibus periculis auxilijs Imperij liberentur.

Legati quoque ab Austriaco ad eundem conventum WORMATIAM missi, tardandis rerum processibus & ne Germaniæ patrocinio Belgicæ gentes datum, Marnixio  
responsum  
Wormatiæ



cIo. Io. gentes levarentur. Cæterum Legato grates à confessu procerum actæ  
LXXXVIII. responsumque Imperij nomine, daturos operam Cæsarem Principesque,  
ut provinciæ aut bello auxilia aut intercessione certam pacem accipiant  
ratioq; priscorum fœderum & antiquæ societatis quam maxumè habeatur.

*Lalainij  
per Frisiam  
Transsulan-  
namque  
acta.* Mox Lalainius, Vollenhoæ adhuc agens, tributa gerendis per Trans-  
sulaniam rebus poposcit assensuque eorum impetrato, qui in fœdus con-  
descenderant, Campos oppidum circumvenire copijs constituit. Compri-  
mendis quoque per Leovardiam urbem & simul provinciam seditioni-  
bus, quas Pontificij fœderi publico & Collationibus infesti nullâ fu-  
roris sui dissimulatione minabantur, Edictum Vollenhoæ de mandato Or-  
dinum generalium in Frisiam misit, Gandavensemque conventionem Pon-  
tificijs suspectam ratam esse iussit. Militarem quoque disciplinam,  
quam inopia stipendiorum non parum dissolverat, restitui eodem Edi-  
cto fecit asperisque pœnarum decretis insolentiam militum coërcuit.  
Quippe templorum sacrarumque ædium plurimæ direptiones tum fiebant  
pravaque multitudo, velut subsidia vitæ flagitaret, planos per agros  
nullo tribunorum Centurionumve metu sparsa sacrilegijs pascebatur.  
Quare compresso milite attenuatisque urbium præsidijs, cohortes qua-  
dam pedestri itinere Lemmariam expedit navibulque impositas expo-  
ni in ripam Isalæ amnis iussit. Aurantium quoque, quem Gallicæ so-  
cietatis secretum Bruxellis tum attinebat auxilia petijt novisque quas an-  
te conscripserat cohortibus supplementa procuravit.

*Lalainius  
Campos do-  
lo nequid-  
quam ten-  
tat.* Oppido vero Camporum Polvilerius Germanicæ legionis præfectus,  
binis cum cohortibus præerat, dubiâ diu sacramenti fide, Ordinum an  
Austriaci teneret, cuius societatem capto Namurco, velut egregio de-  
fectionis successu induerat. Igitur Lalainius, necdum acceptis auxilijs  
dolo rem aggressus delectis per cohortes, qui flumine qua vadofum  
esset, superato & contrucidatis vigilibus in urbem irruerent foroque ur-  
bis occupato, secutura per auxilia præsidium disturbarent. Cæterum  
*Ergo ob-  
dione ag-  
greditur.* detecto consilio, postquam auspicandæ obsidioni delectorum sanguine  
litatum, castra multo mox opere præmunita, quæ Gualterus Hege-  
mannus vir manu strenuus, per minores majoresque Frisios etiam  
Scouwenburgicis temporibus stipendia meritis, haud procul colle mo-  
dico opportuna loco tutabatur. Lalainius quoque in castra adven-  
tans, Joannem Mulartium cohortis ductorem tuendo, qui anni impo-  
nitur, ponti destinavit trajectoque post flumine & munitione Hegeman-  
ni lustratâ, adduci in castra omnem commeatum præcepit. Hege-  
mannus vero locum militari vallo clausum, Jaricho Hottinghæ viro  
nobili demandavit ipseque cum copijs Bruneppense in cœnobium pro-  
gressus, Hagium suburbium longâ velitatione sum fecit. Mox ope  
rusticæ plebis, quàm è vicino Mastenbroeckano agro collegerat, idem  
suburbium terreo opere circumduxit, non angustâ adhuc obsessæ ur-  
bis fortunâ, quæ excurrentis præsidij virtute magnitudinem periculi  
elevabat. Cæterum accitis ex Hollandiâ quinque cohortium auxilijs,  
(in quibus Sonnoi, Wingardij, Duvenvordij, Teilingij & Renoi fuere)  
obfessis periculum, animus Lalainio increvit munijsque castrorum cau-  
tius prospectum, quæ imbecillis antè copijs laxius obita majore cu-  
râ exercebantur. Triremis quoque è minoribus Frisij missa premen-  
do



do Isalæ fluminis ostio, ne obsessi in sinum Austrinum se effunderent cōs. 15.  
prædatorijsque navigijs auxilia & comœatum compararent.

Sic ordinatis rebus relictoque in castris cum imperio Diderico Sonoio minoris Frisiæ Præfecto Lalainius in Frisiam revertit mutandis minorum urbium magistratibus, quo fœderati populi & simul Reip. securitas omnem per provinciam novis rectoribus firmaretur. Unde Austriaci partes professis abrogatum imperium, quod à Justi Scouwenburgij fugâ per exilia & proscriptiones clarorum virorum suarum partium defensoribus Senatus regius indulserat.

Annotavit F. Nicolaus, Staurienſium Magistratum 1 x. Kalend. Jun. imperio cefsisse, potestatemque nuncupandi Senatus & solennium votorum civibus factam, non leve auspiciũ revicturæ libertati attulisse. Igitur factum est, ut quos ante regij Senatus favor regundis oppidis, agrisque præfecerat, eos suffragatio populi moderamini rerum tum destinaret omnisque provincia, quâ Flevo & Lavicâ annibus clauditur, majorum more ut antè Principum tempora, consensu parentium regeretur. Mox Lalainius formato provinciæ statu in castra regressus, quæ circa id temporis obsessorum eruptionibus & continuo velite, nullâ externæ necessitatis formidine, infestabantur. Unde pecus suburbano adhuc rure ab obsessis pastum, donec Hollandicis copijs propius ad urbem sgressis omne suffugium excurrenti præsidio adimeretur. Quare rebus sensim angustioribus solæ in auxilijs obsessorum spes locabantur, quorum fidem clandestinos per nuntios Ioannes Austriacus faciebat. Cujus litteræ ab exploratoribus post interceptæ, ut ad solatium obsessis, ita ad virtutem ultrò fortibus non profuere missæque ad Lalainium Zutphaniam, (ubi Joannes Nassovius Geldriæ Præfectus comitum populi partiendis castrorum impendijs habebat) maturandum obsidium suafere. Igitur decreta Geldris quarta sumtuum pars, triens Frisijs ac Transfulanis cederet, Lalainius lustratis castris Zuollas profectus, quo civitatem fœderi pronam ad arbitrium formaret, missas Ultrajecto machinas admoveri jussit murique parte ad xxxiii. pass. latitudinem subrutâ, terrorem obsessis iniecit.

Quare à Magistratu, & militari præsidio, ad Lalainium Zuollis adhuc agentem ac Transfulaniæ optumates, qui cum eo agebant litteræ datæ, quibus obsessi tutum caduceatoribus comœatum paciscendæ conditioni & cum eâ æquas condiciones pro arbitrio moderati victoris orabant. Igitur conventum Ut complicatis signis armatum præsidium urbe excederet, deductumque Benthemicos in agros, intra sêmestre adversum Ordines non militaret. Stipendia quoque aut residuum æs, si quod peti posset, nullo tempore exigeret dimissisque utrinque captivis urbs partibus Ordinum & fœderi adscriberetur. Magistratus urbis Georgio Lalainio Frisiæ Præfecto sacramentum præstaret præsidiumque illius arbitrio acciperet. Sic Germanorum præsidium, quod sex per annos eâ in civitate insolenter ac superbè egerat, urbe excessit Lalainiusque Jarichum Hottingham, Uternum & Mulartium cohortium tribunos urbi præsidio esse jussit.

Reperio in archivis provinciæ, à Dongrijs qui in ortum Paseni rivi agunt, continuas ob inundationes struendo reficiendoque marino aggeri ætium.

LXXXVIII.

Lalainius  
magistra-  
tum per mi-  
nores Fri-  
siæ urbes  
mutat.

Campenses  
cum Lalai-  
nio pacif-  
cantur cer-  
tis condi-  
tionibus.

De reficien-  
do in Don-  
gry's mari-  
no aggers  
geri ætium.

clo. Is. geri tabulas tum scriptas curanteque Wigerio Gabinio, aggerum istius LXXVIII. anni praefecto, à Georgio Lalainio Leovardiae vixit. Jun. approbatas, vim ac sanctionem legis eam apud gentem retinuisse. Ab eodem quoque Gabinio libellum supplicem Lalainio exhibitum, quo desumptuosis aggerum imperdijs querebatur populoq; Dongrico ad inopiam & egestatem redacto aut per diluvia maris extorri publici operis utilitatem & simul progressum retardari. Igitur petebat, ut eorum agri, quos derelictos colentium fuga fecisset, more recepto per tribunalia publicati per apparitorem decreto Senatus venderentur onusque sustinendi aggeris marini privato aere aut si aliter visum proventibus ararij levaretur. Neque enim suae potestatis esse tantam moli erigendae privatas facultates impendere cogereque ad officia populum suarum possessionum desertorem. Quamobrem consummando operi legis vigorem, auctoritatem Praefecti, commune subsidium requiri, ac ut Dongricae gentis lites tandiu in suspenso sint, donec perducto ad finem opere, ad officium fori redire parta Dongricis terris securitas permittat. Unde Lalainius eidem Gabinio plenam potestatem agendarum rerum fecit rescriptumque eam de re Leovard. xiiii. Jun. indulsit. Controversias quoque aggerum, Igramo Achlenio nuper Praefidi Senatus, Arnolfo Doccomienfi, Cellario Wertenfi, Francisco Cantero & Ioanni Sippio, ut arbitris commissas, aliud in tempus proferri iussit, dum publicae securitati, laborantium industria ac cura Praefectorum aggeris prospexisset. Mox Lalainius Camporum urbe foederi asserta, Auran- tium ejus rei certiore per litteras fecit fortunaeque benignitate & prospero rerum cursu utendum ratus, obsidendae Daventriae consilium eidem Aurantio aperuit.

*Reformati  
templa ex  
exercitijs re-  
ligionis ha-  
bendis ape-  
riri sibi po-  
tunt.*

Notant nestrates, adjectis Reip. Ordinum Campis magnam Frisiae per oppida Foederati populi festivitatem fuisse reformatosque privatis adhuc sacris publicum fati beneficium professos, servidis votis continuæ foelicitatis progressum divinum numen orasse. Quare incremente reformati populi per provincias zelo & simul multitudine jus publicorum exercitiorum Ordines & Matthiam Archiducem modeste peti- tum, ac ut rem divinam in posterum facturis, angustis privatarum aedium con- septis, templa ac fana assignarentur. Libellus supplex istiusmodi erat.

*Libellus eo-  
rum sup-  
plex, ad  
Matthiam  
& Ordi-  
nes.*

**Q**UINQUAGINTA ante annos, SERENISSI-  
ME ARCHIDUX, P. C. majores nostri sanctionibus Ponti-  
ficum, & istorum temporum caligini se exemere. Quibus corrigendis,  
etsi ALBANO & REQUESENTIO regnantibus ad  
asperrima & detestanda remedia provocatum, ita fato quodam cum illorum  
crudelitate nostra pietas increvit. Octodecim & ultra hominum millibus AL-  
BANI furoribus & nostris sacris litatum. Ceteros miseratio numinis & sua  
felicitas saevitia subduxit fecitque, ut peregrinis in terris genuinum colendi nu-  
minis ritum profiteremur. Ita desertâ patriâ externis gentibus nostra sacra,  
ac religiones deteximus & quidem tanto majore zelo, quanto gravius in nos for-  
tuna & asperitas temporum desavebat. Sic dum relicta domi pignora bel-  
lum, vastationes, supplicia affligebant, nos exilia toleravimus. Inde artium  
decora & simul commercia alio terrarum translata, adnitentibus Hispanis,  
ut so-



ut solitudine florentissimis provincijs inductâ, majore licentiâ grassarentur. Ne-  
que aliud Austriaci institutum fuit, quam ut violatâ polluteque religionis præ-  
textu, eundem sapiendi modum exequeretur nosque Deum & patriam semper  
reveritos, falsis accusationibus attaminaret. Cujus consilia etsi tardante fato  
non processerint, hoc tamen effecere, ut nobis iniquos procerum affectus fece-  
rint teterrimâque defectione subsecutâ, Remp. dirulerint. Quare metuendum  
est, ne invalescente diffidentia malo pejora nascantur & ne nostra societas,  
nostrum Fœdus Gandavi & alibi ictum, in discordiam ac secessionem vertatur.  
Eâ vero per A U S T R I A C U M procuratâ hostium res secunde, nobis ve-  
ro adverse erunt. Itaque necesse est, ut positus in medium odys, promi-  
scuas religiones toleremus, quas terrenis potestatibus & serviendi conditionibus  
natura rerum exemit. Quippe civile in Fœdus coire, pacem colere etiam dis-  
sociati religionibus possumus, modo nostræ fidei is fructus sit ut patriæ ser-  
viat. Cujus amore tracti nostris afflictionibus diu remedia oravimus, illorum  
consilij præpedita, qui aut labi nos in omnem insolentiam desperatione rerum  
volebant rescindendisque Fœderum sacris unâ religione societatem Belgici Frisi-  
cique populi stare. Hoc vero moliendo, ut consensum generis humani, ita ex-  
empla veterum sæculorum confundunt, quæ priscis sub Imperatoribus conscientijs  
libertatem illæta pace publica indulgissent. Non dicendum de priscis temporum  
ætatibus, postquam tanta recentium ubertas, ut nostram quoque ad memò-  
riam pervenerint. Sic Gallijs, sic Germania post diuturna & intestina bella  
pax illuxit, tamdiu extorris & proscripta quamdiu dominantibus consilium  
desiit ea ferendi quæ divinitus darentur. Ita reputa, Serenissime A R-  
C H I D U X, C A R O L O V. Casare, obturbatum imperium non aliâ  
tranquillitate quam toleratæ religionis desedisse. Volente velut fato, ut tan-  
ti Cesaris majestas suâ opinione fastigium fortune & subactarum gentium ase-  
cutâ, hoc solo caducæ sortis moneretur, neque imperandum esse mentibus, quæ  
divino imperio regerentur. Sic F E R D I N A N D U M avum, sic  
M A X I M I L I A N U M patrem divæ memoriæ jam talo redditum,  
latam & discordem sensu Germaniam rexisse, ut religiones populi per Impe-  
rium ferret, unâ ruiturum. Quin spectâ R U D O L P H U M fratrem, sic Hunga-  
riam, sic Bohemiam ordinasse, ut quia uno voto non poterat, pluribus viveretur.  
Neque aliter Galliis intestinis bellis fessas & velut cum anima luctantes respi-  
rasse, quam promiscuâ per omne regnum religione inductâ populoque opinionibus  
discordi ad civilia obsequia retracto. Cogita sic Othomannicam domum,  
sic Africæ Regulos, sic Pontificem ipsum Latio imperare. Quin tanto æquius  
erit nos indigenas nostram fidem nostra sacra in publico profiteri. Itaq; hoc ca-  
vebitis, Serenissime A R C H I D U X, P. C. ut omnium rerum, quæ è  
dissidijs sacrorum religionumque obvenere certa oblivio sit, quo consilij hostium  
conjuncti obstemus patriamque per discordias perituram concordia tueamur. Id  
si faciatis, dabimus operam ut majoribus quam antè officijs nos Reip. obli-  
gemus, cui infervere nostræ mentis & voti summa est. Hoc vero si non ase-  
quamur, perstabimus tamen in proposito pietatis patriamque etiam cadentem am-  
plexi, labentem spiritum divino cultui & saluti publicæ mancipabimus.

Hæc Provinciarum R E F O R M A T I.

Mox Bolsverdijs è Frisij nomine Nobilitatis ac municipalium ad eun-  
dem M A T T H I A M hunc in modum scripsere.

Bolsverdijs  
rum libel-  
lus supplex.



cIo. Io.  
LXXVIII.

**T** *VRBIS* ac miseris nostris, quas tot per annos perpeffi sumus, non alia causa subsuerunt, quam quod asperrimis regis *PHILIPPI* Edictis adversati profiteri religionem vetiti sumus nostris mentibus delectam. Nec eā tantum servitute nostra calamitas stetit ceterum adaacti ad ceremonias ritusque nostris conscientijs adversos, nec privatis sacris tuto interesse, nec patriā frui potuimus. Inquisitum quippe in nos asperius & nullius in Deum, in patriam criminis reos sola accusatio morti aut exilijs destinavit. Nunc vero, quoniam divino numini terminum præfigere istis temporum furoribus placuit, ac Gandavensi federe conscientijs tranquillitatem, securitatem nostris fortunis ac possessionibus largiri, hoc unum nostris votis ac desiderijs relictum est, ut religionem, quā ut antè in patriā ita post exilio animos induimus, publicè & nullo metu profiteamur. Reprimere quippe fervidos spiritus, nec nostræ potestatis est nec conscientie patiantur, hoc solo etiam felices, quod divortio ab erroribus temporum factò lumen acceperint cælo infusum. Et quoniam habendis cætibz privata domus pares non sunt, templa ac sana à majoribus nostris divino cultui dedicata, assignari nostris exercitijs petimus, ac ut ministri nostri sacris operati censu publico alantur. Nobis quoque posteris liberalitas majorum & privata opes pjs usibus collatæ tandem subserviant nosque firmiore sacrorum nexu colligati, hoc quicquid ævi per turbas & inquietudines diu actum, honestā quiete & tranquillitate mentis expleamus.

Neque absimilia Harlingani.

Quippe populus, velut laxatis spatijs & alienatā mente, ut fastidio priscorum rituum, ita desiderio novæ religionis accendebatur ægriusque ferebat:

*Mutato in melius Reip. statu serviles animas domesticis sacris aut antiquis superstitionibus alligari. Sic scilicet Caesaris ac PHILIPPI Edicta, sic ALBANI arma & sanguinolentiam, sic proscriptiones atque exilia pertulisse, quo molliora fato tempora darentur omneque adversæ fortunæ solatium à stabiliendâ religione & cultu numinis inciperet. Non negligendum esse id boni per servilem patientiam aut turpem socordiam, quod occasionem horrendæ tempestatis dedisset & quo solo equitas causæ & falicium armorum etiamnum stet. Ejus obtentu, intercessiones Caesarum ac Regum orasse foreque fœdissimum, ut in spem libertatis per auxilia Principum erectæ gentes fastiditis diutius superstitionibus serviant veraque religio à summo rerum mentibus infusa & lacertos fato latius motura privatis parietibus ac conscriptis adium circumser ibatur.*

Leovardiorum  
petitio

Leovardij quoque & in ijs reformatæ religionis primarij antistites annuas ministris suis pensiones ex bonis Ecclesiasticis Lalainium oravere aut ut Præsule Bergumano morte extincto sexcenti carolæi qui ei decernebantur, reformatis ministris assignarentur. Quæ à Joanne Aysma, Tiallengo Wikelio, Popkone Roorda, Petro Arentio, Joanne Arentio, Francisco Joannis signata approbataque post à Lalainio, Burgalæ in castris agentè, tum ipsis Ordinum Deputatis incrementa reformatæ religioni attulere.

De novo Senatu  
per  
Frisiam  
dicto intro  
ducendo  
actum,

Mox novo Senatui introducendo dies dictus missique Ordinum Frisiz nomine ad Igramum Achlenium nuper Præsidem Senatus, qui claves

ves Basilicæ polcerent sigillaque publica obfignandis actis impetrarent. clo. 10.  
Sed Achlenius, sive ægritudine adversæ Fortunæ, sive recuperandæ LXXVIII  
dignitatis spem alens mandatis Ordinum se opposuit Antistiteque Cla-  
recampensi Gerardo Jacobi provinciæ tum Deputato nequicquam  
urgente munimenta Senatus & veteris imperij non nisi de voluntate  
Matthiæ Gubernatoris se traditurum asseruit. Quare Hesselo Aysma  
Legato Antverpiæ agenti impositum, apud Matthiam Archiducem eâ  
de re agendi curandique, ne cœptæ res & bono Fœderis institutæ  
tergiversatione ac contumaciâ exautorati Senatus præpediantur. Un-  
de rescripto Gubernatoris decretum, Ut claves, sigilla, judiciales libri  
& quicquid in secreto Curiae asservaretur, Ordinibus aut eorum De-  
legatis cederet augurandique Senatus solemnitas priduoano Eid. Jul.  
die inciperet. Ita Franciscus Eyfingha, Joannes Versterveranus, Gyf-  
bertus Aernsma, Fecco Rhala legum periti in possessionem Senatorij  
muneris missi.

M. Heymannus scribit à Deputatis provinciæ, Gerardo Jacobi Præ- Dies intro-  
fule Clarecampensi, Docone Martna, Serapio Galama, Goslico Hid- ductioni  
dama, Barthio Idzaerda & Erasmo Douma, de mandato Lalainij, in dictus.  
Basilicam regiam ductos, comitante urbis magistratu, quem Lalainius  
in castris ad Campos agens celebrandis honorandisque illius Ordinis  
auspicij delegerat. Idem addit sub conditione & ne juris dicundi ac  
fori munia vacarent, in possessionem dignitatis missos, dum de prio-  
ris Senatus crimine aut innocentia Matthias Gubernator & provincia-  
rum Ordines cognovissent.

Quare postero die in loco judicij idem Senatus & pro tribunali de-  
sedit Joannemque Versterverannum virum oris facundi verba facere jussit.

Quippe non privatâ ambitione, non affectuum lubricine, non odio prædeces- Versterstra-  
sorum arduum molestumque judicandi munus in se recepisse, ceterum procerum ni novi Se-  
suffragijs compulsos lubricum tribunal & præcipitia fori ingressos dicundo ju- natoris O-  
ri sacramentum fecisse. Placuisse scilicet patribus & post Archiduci justitium ratio.  
exui & intermissa amoto Senatu judicia repeti. Igitur conscientia rationem  
habitueros daturosque operam, ut cultâ jurejurandi religione, officia judicum  
present.

Tum judicium de more prolatum bimestribusque fermè feriis arden-  
te Seirio lites steterê.

Post Gubernatoris Matthiæ rescripto plures eligendi potestate De- Plures novi  
legatis Ordinum factâ, Hesselus Aysma, Douwo Burmania, Barthius Senatores  
Idzaerda Jurisperiti in Senatorium ordinem cooptati eorumque nomina electi.  
Matthiam ad Gubernatorem transmissa, actis publicis inserta. Mox Leger tole-  
tolerandis per provincias religionibus à Matthia Austrio & concilio rands per  
Status leges scriptæ, ne modestia supplicantis populi veterem ad con- provincias  
tumaciam & dissoluta morum istâ Reipub. infantia rediret. religionibus  
à Matthiâ  
& concilio

Ijs rescriptum fuit.

Ut omnium injuriarum quæ à diversitate religionis post Pacificationem Gan- Seatus scri-  
davensem natæ essent, oblitio foret. Religio libera inturbataque esset. Re- pæ.  
mana Catholica, ut per Hollandiam & Zelandiam, ita reliquas provincias ad-  
mitte-



CL. IO. mitteretur. In Reformatâ idem valeret istique profitendæ si 1000. familia se  
LXXVIII dedissent, locus assignaretur. In privata domesticaque religionis exercitia ne-  
mo inquireret, singulis libertas & pax esset. Alienos catus turbandis conven-  
tibus nemo frequentaret. Religiosi bonis suis, exceptis per Hollandiam & Ze-  
landiam, quos Pacificatio Gandavensis excluserat, liberè fruenterentur, dum  
aliter per Ordines generales statueretur. Famulos libellos nemo conficeret aut  
vulgaret. Conciones moderatæ essent. Miles tesseram religioni non usurparet.  
In causis matrimonialibus jus Pontificium valeret. Locis publicis ac sacris æ-  
gri ac scholares utriusque religionis promiscuè recipereantur. Dies festos è præ-  
scripto Catholice Romanæ religionis colerent, Esu carnum abstinerent. V-  
triusque religionis publicorum numerum ac dignitatum capaces essent. Iu-  
dici legitimo quisque se sisteret. Accusationes licitæ forent, nemo temerè li-  
tigaret. Leges ac statuta ab utrisque modò patriæ amantibus perscriberentur.  
Ii jus dicerent, politiam & oppida curarent. Nemo jus dicentibus curanti-  
busque publica molestiam crearet. Edictis, mandatis & rescriptis MAT-  
THIÆ Gubernatoris & CONCILII STATUS, universi  
singulique parerent. Iuri patrio hæc statuta non derogarent. Quæ ferè, à  
MATTHIA AUSTRIO & CONCILIO STA-  
TUS Antverpiæ XII. Iul. in acta relata & per Frisiam mense sequen-  
ti publicata.

Notat M. Heymannus publicato Leovardiæ Religionis Edicto à re-  
formatæ religionis ministro XIII. August. in Jacobæorum fano habi-  
tam concionem fuisse populumque ab Anno CL. IO. LXVI. ad inter-  
missa sacra haud pridem ab exilio redeuntem audiendis sermonibus  
sua desideria innovasse. Idem addit, ex pacto Magistratum inter &  
Jacobæos inito, ita conventum fuisse recenteqe Edicti reverentiâ  
& simul memoriâ, stabilem in religione concordiam etsi, ut memo-  
rabo, non diuturnam moderatis partibus ostentasse,

Vnde par-  
tes inter dis-  
sidia & ci-  
viles discor-  
diae.  
Sunt qui tradant, recrudescente post defectionem Austriaci bello,  
religionis dissidium civili tum maximæ concordie obfuisse indignanti-  
bus Pontificijs, ex Statuto Ordinum & Matthiæ Gubernatoris Reforma-  
tam profitentibus sana ac sacella assignari populumque jure & si fato  
licuisset, sub unius Principis imperio connexum communione publi-  
corum locorum modestis sacrorum exercitijs interesse. Ita factum esse,  
ut Magistratum ex Pontificiâ factione contumaciâ inritata plebes tem-  
pla ac sana occuparet ejectoque sacerdotum cœtu & sublati Pontifi-  
cum sacris, negato ex pervicaciâ beneficio per vim fruereetur. Inde  
asperatis religionibus inimicitias concivium natas animosque ante fœdus  
Gandavense concordēs & Hispanorum dominationibus infestos ex-  
trema confilia ac sæpe arma induisse. Tum fora ac circos excubijs ob-  
septos adversasque partes civitatibus ac oppidis expulsi, meliore illo-  
rum causâ quorum validior fuisset. Sic ex civili discordiâ incerta &  
lubrica Magistratum imperia profluxisse, aded invalidâ autoritate ut  
moderata suadentium non proficeret. Deinde validis populi rebus &  
amoris partium Ducibus, ne tum quidem hoc fati beneficium civilem  
concordiam isti temporum ætati obvenisse, criminantibus adhuc Pon-  
tificijs, Philippi prospera publicam servitutem, res fœderis secundas  
opprel-



oppressionem Romanæ religioni comminari. Itaque frangendis se ditio-  
nibus urbes passim præsidij emunitas, magis ex civium furorum quam  
hostilis potentia metu, cujus incrementa non tam ex magnitudine Phi-  
lippi quam intestinâ dissensione profluxisse clarissimi Scriptores anno-  
taverunt. Ad eodè difficile erat, etiam asperrimis temporibus & affectu  
tam graviter libertate, publica odia publicis utilitatibus postponere po-  
pulumque opinionibus divisum & fovendis pertinacem salubritate legum  
coercere. Eadem quoque decreto Ordinum reliquas in provincias missas,  
pro temperie civilium animorum murmura aut assensum inquieti populi  
invenire, etiam tum criminantis provinciarum Ordines levissimæ so-  
cietatum externarum famæ auscultantes subdolis Principum artibus for-  
tunam publici foederis exponere. Quippe alij Germaniæ & Anglorum  
auxilia, alij Galliarum societatem in Alençonio regis fratre, immode-  
stius affectabant patrociniæque religionibus & privatis simul affectibus  
eravidissima per studia quærebantur.

Indignante Elisabethâ Anglicâ fluctuantes provincias & suo regno in-  
nexas propioribus Galliarum foederibus implicari.

Quare non dissimulatâ æmulatione ad Henricum III. Galliæ regem  
litteras dedit, quibus obtestabatur, suâ in populum Belgicum inclinatio-  
ne non imaginem imperij, non suspectas passionis involvi, ceterum eo spectare,  
ut divulsa à PHILIPPO provinciæ ad Principem suum redeant ipsaq;  
regnum suum procuratâ vicinæ gentis quiete firmet. Igitur ferre non posse du-  
bys temporibus Angliæ incommodo provincias Galliarum societatibus arctius  
obstringi, quarum secretum stabiliendæ per Belgicam dominationi inservire pos-  
set, fato suo & adultis hostium viribus, manifestâ cum imbecillitate luctan-  
tem. Ceterum HENRICUS Rex fraterna non sua consilia capte  
actioni obtendebat, quæ non prensandis imperij occasionibus, sed conciliandæ  
Regem inter & subditos paci institueretur. Rediturum quippe ad saniora  
PHILIPPUM, si senserit, populum externis auxilijs sublevari esse-  
que qui non ferant, gentem extingui olim Burgundicæ domui & vicinis suis fidam.

Legati quoque Elisabethæ ad Ordines missi, offensum reginæ ani-  
mum obnuntiavere, velut ferentis indignius reciproca Belgicæ & An-  
glorum foedera medio in cursu rerum Gallicis artibus interverti. Igi-  
tur de remittendo in Germaniam Casimiro, de renuntiando foedere  
multa acerbè afferebantur, excusantibus Ordinum Delegatis ultimâ ne-  
cessitate ad implorandam Gallorum societatem compulsos, lubrica provinciarum  
fatalibus legibus permisisse. Quippè Alençonium mobilis juvenitæ & ut princi-  
pes ferè solent, gloriæ avidum, quæ è bello speretur. Potuisse eum repudiatâ  
aut retardatâ societate in partes Austriaci transire, hoc tantum quærentem,  
ut ostendat regiam indolem otij ac torporis impatientem tractandis armis de-  
stinari. Igitur non Angliæ, non Galliæ, non Germaniæ, non ullarum gen-  
tium rationem habitam, modo hoc ageretur ut in angustum redactis auxiliis  
adesset. Ruina proximos alieni fulcimenti eguisse.

Creditum fuit rerum peritis Ordines, ut ante Elisabethæ societatem  
amplexos, ita Alençonij respuere noluisse, parandis majoribus auxilijs  
& ne Belgicæ imperium, per æmulationes concertantium Principum,  
in unius arbitrium & simul dominatum concederet.

Ita pacatis agrè Elisabethæ Legatis cum Alençonio conventum.

Elisabetha  
ad Galliæ  
regem lit-  
tera.

Legatorum  
Elisabethæ  
ad Ordines  
querela.

Ordinum  
Delegatis  
respondent.

Cum Alen-  
çonio Ordi-  
nes conven-  
t.

eIo. Io. *Vt decem peditum Gallicæ gentis, equitum duo millia suo ere & stipendijs LXXVIII. haberet eaque Ordinibus provinciarum in trimestre pro auxilijs forent. Pace quoque cum AUSTRIACO aut ipso rege intrà mensem Augustum proximum factâ, tria peditum millia, quingentos equites securitati provinciarum aleret præstitorumque auxiliorum ratione Defensor Belgicæ libertatis diceretur. Fædus cum ELISABETHA, NAVARRAEO, CASIMIRO alijsque procuraret belloque socijs Ordinum inferendo abstineret. Conventio hæc rata, & perpetua foret ORDINESQUE nisi bellum in causâ Religionis sit, reciprocis auxiliorum pactis ALENÇONIO se obligarent. Belli potior administratio ALENÇONIO, si ad exercitum esset, permitteretur, eo alibi agente, Ordinum Duci cederet. Civile Reipub. regimen penes ORDINES aut eorum Præfectos pro more esset. ORDINES & ALENÇONIUS nulla fœdera præterquam utriusque assensu inirent. Novum Principem aut Protectorem electuri ORDINES ALENÇONIUM ceteris anteferrent eaque de re finito bello intra trimestre conventum agerent. Tria quoque oppida Quesnacum, Landrechios & Bavesium pignori & reficiendis saucijs ALENÇONIO assignarent. Reliqua oppida trans Mosam sita, & per ALENÇONIUM expugnata, si exempta Fœderi fuissent, ALENÇONIO & hæredibus, Fœdere comprehensa Ordinibus cederent, dedititia utrisque obvenirent. Pignori vero data liberatâ apud ALENÇONIUM fide & restituto ere ad Ordines redirent. ALENÇONIUS JOANNEM AUSTRIACUM hostem declararet daretque operam, ne Gallicis auxilijs quoquo modo AUSTRIACUS juvaretur. Pacem cum Hispano & cum ijs, qui istarum partium forent, præterquam communicatis consilijs, ORDINES & ALENÇONIUS non sancirent eaque honesta & utilis foret. Oppida ALENÇONIO assignata suis legibus & militari ab ALENÇONIO disciplinâ haberentur, ne Gallici præsidij insolentiâ per querimonias provincialium novum fœdus ac speciosa conventio infirmaretur.*

*Indignantem  
nequid-  
quam popu-  
lo Frisiaco,*

Hæc XIII. Aug. signata ac in Frisios post missa Societati Germaniæ æquiores, non læto rumore mobilem populum affecere.

Indignantem nec falso se alienis arbitrijs (quippe per superioris Belgicæ Ordines ea res acta dicebatur) in novos dominos & suis moribus sapè contrarios transferri exutumque præstis societatibus nova per fœdera, nova servitia & clientelas Principum accipere. Sollicitata Germaniæ & Anglorum auxilia minimâque Trans-rhenanarum gentium ratione habitâ, superaddi quæsitis socijs Principem, Germanicæ Anglicæque societatis emulatorem & Pontificiâ religione superstitiosius imbutum. Neque placuisse Legato provincia novarum rerum molitiones antiquis semper Burgundiæ societatibus velari Gallicæque Legatos prensando fœderi, mutuas Gallie Belgicæque gentium cognationes, communia instituta tacitis in Trans-rhenanos odys allegasse. Sic scilicet, ut antè prævaricatione MAXIMILIANI atque CAROLI Cesarum, (qui incrementa Burgundicæ domus damno Romani imperij quassent) à Germaniæ antiquissimâ societate separatos, ita nunc ab eadem longius divelli Frisiosque specie fœderum & conventionum externis imperijs subesse,

Scribit F. Nicolaus, Staurios solenni sacramento societatem Austriaci tum ejurasse signatisque eâ de re actis, communem concordiam machinationibus partium opposuisse.

Igitur



Igitur quantum ægritudinis ex Austriaci defectione & Gallico Alen-  
sonij foedere habebatur, tantum econtra gaudij percrebescens pacis fa-  
ma credulis mentibus adferebat, quam Legati Cæsaris, Galliarum &  
Angliæ allaturi provincijs credebantur. Ferebatur quippe Austriacus  
ejus ineundæ mandatum ex Hispaniâ accepisse Gemblacensisque victo-  
riæ gloriâ, velut egregio fine, belli initia & mox incerta clausurus.  
Cæterum Ordines certam pacem, nec dolis involutam Legatos posce-  
bant, ac ut solidâ conventionem æterno silentio memoria priorum rerum obsigna-  
retur. Acta quoque & decreta Ordinum, MATTHIÆ Gubernatoris,  
& CONCILII STATUS rata essent, AUSTRIACUS-  
QUE Belgicæ finibus excessurus, ocyus oppida, castella, commeatum fe-  
deratis provincijs restitueret. MATTHIÆ quoque AUSTRIO  
imperium prorogaretur Ordinumque jus & simul Gaudavense Fœdus integrum  
foret. Religionis negotium proximo Ordinum conventu definiretur bonaque per  
Burgundiam ex Gandavensi conventionem dominis suis redderetur. Captivis utrinq;  
dimissis, BURANUS ex Hispaniâ in Belgicam remitteretur, MAT-  
THIAQUE AUSTRIO imperio cedente, provinciarum Præfectus  
à PHILIPPO rege assensu ORDINUM crearetur. Fœdere  
quoque, si quod cum AUSTRIACO iniretur, ANGLIÆ RE-  
GINA, DUX ANDIUM, NAVARRÆUS, ac CASI-  
MIRVS comprehenderentur.

Econtra Austriacus suspectis dilationibus conventionem trahebat spe-  
ciosumque pacis desiderium apud Legatos obtendens bellum medita-  
batur. Quare inritis fœcialium studijs & infructuosâ Rudolphi Cæsaris,  
tum Galliæ Angliæque regum intercessione, arma partium strepue-  
re, quæ circa Italiam flumen perdomandis Austriaci per Trans-Isula-  
niam præsidij Georgius Lalainius circumferebat. Ordinum vero ca-  
stra in finibus Brabantix ad Rimenantum posita concindiis colligen-  
disque auxilijs, quæ Casimirus Elector ad duodena millia in interiora  
provinciarum conducebat.

F. Nicolaus scribit, eum haud procul Frisorum finibus v. Jul. octo  
equitum millia & quadraginta peditum signa Drentinos per agros du-  
xisse eundemque exercitum, etsi perarmatum & stipendijs gravem,  
procerum spei & conditioni temporum non satisfecisse.

Austriacus quoque cum exercitu in propinquo gloriæque majoris spem  
alens se ad prælium parabat. Igitur Ordinum castra etsi multo ope-  
re vallata, oppugnare cum omnibus copijs constituit, quæ Italicis auxi-  
lijs auctæ triginta armatorum millibus adæquabantur. Rebus quoque  
gerendis Alexandrum Farnesium, Octavium Gonzagam equitatu præ-  
fecit reliquisque proceribus, quos peritissimos belli & Philippi mili-  
tiam diu secutos in comitatu habebat, alia castrorum munia & Legio-  
num regimen assignavit. Quare ordinata acie Prid. Kalend. Aug. pug-  
næ consilium inijt præmissisque, qui prætentarent, reliquum exerci-  
tum recto itinere confertim progredi jussit.

Bossvius vero, qui partes Ordinum cum imperio tuebatur, re per  
exploratores cognitâ quo insultum sustineret, castrorum latera validio-  
ribus prætenturis munivit dispositisque excubitoribus, qui de adventu  
hostium subindè nuntiarent, sexcentos schlopetarios per insidias collo-  
cavit.

Id. Id.  
LXXVIII  
Austria-  
cum inter  
& Ordines  
de pace  
actum, sed  
frustra.

Arma patri-  
um de-  
nno stre-  
pente.

Austriacus  
Ordinum  
castra ten-  
tat oppug-  
nare.

Stratage-  
ma Bossvij  
adversus  
Austriacos.



cto. Io. In primâ quoque acie constitutis demandavit ut ingruente Austriaco pedem referrent signoque fugæ aut simulati pavoris dato, eum circâ locum gradum figerent, quem schopetarijs asservandum præceperat. Igitur impetu per Austriacum in castra Ordinum facto qui in fronte exercitus erant tamdiu ex conducto recessere donec Austriacus in foederatorum equitum ordines & quidem levis armaturæ proventus eorum virtute sisteretur, quos Bossuvius egregio Ducis exemplo saucijs fatigatisque suffectos ad dimicandum hortabatur.

*Fortiter quippe pugnando manes sociorum qui ad Gemblacum occubuerant, ulturos consulturosque suæ & simul publicæ incolumitati, quam in illorum dexteris illius diei fortuna posuisset. Respicerent patriam, conjuges, liberos & potiorum privato pignore libertatem, quam AUSTRIACVS provinciarum hostis primum dolo post armis impetisset. Itaque honestius fore generosa virtute benignitatem fati laceßere, quam aut fuga aut ignavia victos immodesti victoris lubricum ac servitiæ servire. Sic quippe cum socijs contra datam fidem actum mactatosque victimarum ritu fortes viros præclara corpora poscenti patriæ & furoribus hostium immolare. Voluisse scilicet, exemplo ad mortem & simul gloriam præire tacito voto, quo superstites imitarentur.*

*Austriaci  
magna clade  
repulsi,*

Quare Austriacus ab exercitu foederato, cujus ordines luxare annitebatur, tandem repulsus, magnâque suorum clade acceptâ simulque fauciorum agmen trahens in fines Namurci se recepit, ubi Gabriel Cerbellion regio sumptu validam jam antè munitionem extruxerat. Octo horarum prælium fuisse autores tradunt ipsosque pugnantes, velut ipso Solis æstu inflammatos, acriore pugnâ conflixisse. Sic vulnus Gemblacensi prælio Foederi illatum clade hostium tum pensatum ipseque Austriacus jam antè fortunâ intemperanter usus & fiduciæ velut certus, cum fatorum legibus acerbâ mentis ægitudine exposulavit.

*Exactiones  
tributorum  
per Frisiam  
repetitæ,*

Mox inritâ apud Frisios novarum Collationum ac Vectigalium lege, exactiones tributorum repetitæ decretumque à Matthia Gubernatore, Ut menstruo stipendio foederatis copijs pendendo æs in mutuum à locupletibus sub usurâ peteretur creditisque in publicum pecunijs omne juris beneficium adversum fiscum & quoscunque creditores valeret. Hoc etiam additum, ut publicarum Collationum census pignori esset actioque in eum retardatâ solutione competeret. Cæterum ut omnia apud populum angusta è diuturno bello erant, ita invalida pignorum censebantur, non cessante Matthia Gubernatore ultimæ necessitatis legem exigendis pecunijs allegare.

*Ultimâ  
necessitate  
flagitante,*

*Lustrandum scilicet exercitum esse qui nisi stipendia accipiat, nec sub signis nec sacramentis retineri queat. Ita disciplinam militiæ exuturum laxaturumque fræna licentiæ, quo ostendat se animam, se sanguinem, se virtutem & pericula non partium studijs sed stipendijs obligasse. His sacramenta, his fidem stare, si deficient, ex iusto milite transfugam aut desertorem facturum. Neque posse solis Belgicarum provinciarum nervis omne belli momentum trahi necessumque esse, ut trans Rhenum populi olim jure Principis, nunc sacramento fœderis socij & fertilium terrarum cultores subsidia afflictis locent. Nisi aut mavelint Frisii sub illorum dominatum recidere, quos exleges & hostes habuissent, aut auxiliarem Imperij ac Gallie exercitum spectare, sacrilegijs*

*Et provincialium spolijs se pascentem. Ita patriam, ita dulcissima pignorum cl. 15. intuerentur, ac si aspicere non nisi cum miseratione & cura queant, quâ cavendum sit, ne quid oppressa & sensim se erigens libertas, ne sociale jus quid patiat.* LXXVIII.

Igitur conquirendis exercituum stipendijs Frisij in mensem xxxii. m. Groningenfes & Omlandi xx. Transfulani xii. Drentini & Tenteri vi. Carolæorum m. pendere rogati, adeo efficaci Matthiæ præscripto ut decreto æri omne subsidium offerrent. Hoc vero volebant Frisij, ut Matthias Gubernator de commodissimo corrogandæ pecuniæ modo disponderet & aut è pensionibus Biltanorum ac Vectigalium agrorum, quæ xl. m. æquarent, anticipandis dividendisve maritimis Biltæ agris aut cœnobiorum prædijs redditibusque publico applicatis, petendum decerneret. Cogi scilicet Biltanos posse, ut pensiones ad Martini & Petri ad Cathedram solvendas extemplo colligant, urgente publicâ necessitate quæ legem non ferret. Neque absolum esse, distrahi maritima & Biltano littori novâ alluvione adjecta aut pacisci cum cœnobiorum rectoribus, ut sustentandæ vitæ annum nacti, jure & possessione monasticorum bonorum cedant luxuique & malis moribus applicata publicos in usus & subsidia provinciæ converti sinant.

Itaque illustri ad Rimenantum clade fractis Austriaci viribus, qui auxilia suis etiam trans Rhenum ac circa Italiam, destinaverat, Lalainius Camporum urbe captâ, castra Davenportiam movit, quæ tribus Germanicæ legionis cohortibus tenebatur. Fœminarum quoque & scortorum non minor numerus, tanto parciore sensim annonâ, quanto pluribus nutriendis destinaretur. Quare præsidium instantis obsidij metuens & quo provisus populi commeatibus pro arbitrio uteretur, civitatem exarmavit & ne pronis in partes Ordinum civium animis Lalainius per interna auxilia juvaretur. Is quippe novâ munitione per Gualterum Hegemannum, haud procul ingressu Velaviæ extructâ, auxiliares Hollandorum copias ad urbem præmiserat reliquosque pedestrium copiarum ductores Vlietium, Vedam, Oenonem Grovensteinium, Hermannum Olthovium & Cornelium Gallum proprio itinere subsequi jusserat. Unde prædiarij necdum firmatis castris impressionem in obsidentes fecere, quos patentibus adhuc campis expositos, non lorica castrorum sed arma & virtus tutabantur.

Igitur prædiarij in urbem retroacti, auxilia mox petiere, misso ad Austriacum Joanne Frederico Schonavio viro nobili & cohortis Tribuno, qui de statu urbis referret. Sonnoius vero, qui pro Lalainio rem gerebat, munitis justo opere castris, Noricam versus turrim, quæ urbi propugnaculum erat, suffodi cuniculos jussit Geldricaque ac Transfulaniæ auxilia conduci in castra præcepit. Quare & obsessi civium ope ac imbellis turbæ, intuta manium objecto vallo & adversis cuniculis firmavere. Sonnoius econtra, muri parte quæ Noricæ turri proxima erat, machinis disjectâ, ope fossorum terream molem castris præduxit propiusque ad urbem fuggressus sibi periculum creavit. Quippe eruptione per prædiarios factâ, ut fossorum plurimi trucidati ita impedimentum ducendo operi injectum, insimulato ab invidis Sonnoio quod officio providi ducis defuisset. Sed evictâ invidie vir egregius

*Lalainius  
castra Davenportiam  
movet.*

*Eamque  
obsidet.*

*Obsessi  
auxilia  
Austriacum  
cum rogant*



CL. ID. & sui conscius coeptis institit, Noricæque turris summitatem tormen-  
LXXVIII torum ictibus disiecit.

*Obsessio- rum in ob- sidentes e- ruptio.* Quamobrem obsessi ex periculo animos capeffentes, alto silentio vix orto die prima in castra perrexere trucidatisque vigilibus, & plu- rium cæde editâ pugnantes fortiter & post multitudine succrescentium copiarum obruti intra urbem regressi. Meilander vir fortis & egregie dimicans isto conflictu ex obsessis confossus est. Tradunt autores tantam famuli erga Meilandrum fidem fuisse, ut conspecto cadaveri eximiâ in dominum pietate se superinjecerit percussoremque admiserit. Mox novis foederatorum auxilijs, quæ Joannes Cornputius, Joannes Bonga è Frisij cæterique auxilium cohortium Tribuni ducebant, ob- sessæ civitatis res arctatæ, angusto sensim commeatu & quod inani au- xiliorum & solvendæ obsidionis spe discors civitas traheretur. Quip- pe miles sacri nec profani abstinens sua in commoda ac luxum priva- tas res vertebat intestinâque dissensione & simul externa vi attritæ vires lacerabantur.

*Obsessi de- nio auxi- lia petunt.* Quare Julius Dekama nuper Frisæ Senator, Daventriæ tum agens ad Hectorem Dekama & Petrum Boymerum Colloniam Agrippinam litteras dedit, quibus de auxilijs ocyus mittendis moperi Austriacum petebat. Adhæc robusto præsidio sterilem annonam causabatur, ur- bemq; arcto castrorum ambitu obleptam civium ac militaris præsidij discordiâ debilitari.

*Obsessi, audito de Austriaci morte yu- mora, languent.* Cæterum Austriaci morte, etsi incertis adhuc rumoribus vulgaretur, præconcepta auxiliorum spes elanguit, firmatâ veri fide quod per ca- stra & foederatum exercitum ovationum militarium solennia ac velut funebres ludi illius è terris excessui decernerentur. Quippe collu- centes passim castrorum ignes visabantur horrendisque machinarum fra- goribus motus aer repercusso intra urbem murmure audiebatur. His accedebat, quod proserpens lues cælo missa grassari per ejus exer- citum ferocius diceretur, credentibus obsessis iras syderum & con- tagem supernis influentijs motam promiscuâ importunitate desævire. Itaque Lalainius rudi tyronum manu, quam Schonavius jam antè ad Austriacum missus collegerat, dissipatâ confluentibusque in castra no- vis auxilijs oppugnare urbem constituit machinisque muralibus oppor- tuno loco dispositis laxatisque vallum urbis & simul edita concussit.

*Obsessi de- ditionem faciunt æ- quis legi- bus.* Unde obsessi deficiente adhuc alimoniâ & difficili commeatu dedi- tionem fecere, delectis è Magistratu qui ab æquo victore leges acci- perent. Iis conventum fuit, Vt supinis signis, nullo damno urbi aut agris dato, præsidarii oppido ac finitimis excederent deductiq; Boeck- holtum in fines Imperij, adversum Ordines intra trimestre stipendia non facerent. Obsides quoque servandis pactis utrinque dati Lalai- niusq; amoto præsidio urbem victor ingressus perdomatæ Trans-Isu- lanorum provinciæ insignem gloriam tulit.

*Austriacus peste corre- ptus, mo- ritur.* Igitur Austriacum cum adversis fortunæ luctantem & velut vitæ pertæsum pestilentia invasit. Cujus mali cum brevissimos circuitus medici monerent, de extremis suis cogitare occœpit omnique sa- crorum ritu qui moribundis ex præscripto Romanæ Sedis decerni- tur, celebrato, Kalend. Octob. decessit, surrogato ei à prætorianis



& mox universo exercitu Alexandro Farnesio. Scribunt Albanum, cIo. Io. LXXVIII  
cujus militarem gloriam suo ingenio ac peritiâ armorum obscurare annitebatur, magnæ in aulâ regiâ gratiæ, æmulatorem ei fuisse, quo retardatis belli subsidij & simul Philippi mandatis, cum ipsâ mole rerum juvenile & procax ingenium tabesceret.

Notat Cambdenus Rateliffum & Greium Anglos stipendio Austriaci militantes à profugis Anglis decretæ in Austriacum cædis infimulatos fuisse inditosque vinculis odio Anglici sanguinis & ut arguebat Austriacus, gravitate sceleris, quod Valsingamus reginæ actuarius suafisse dicebatur, ultimo supplicio affectos. Etsi traditum memoriæ sit proscriptos Anglos & regno extorres crimen aliquod Elisabethæ aut illius aulicis affinxisse, quo meritæ proscriptionis probrum & exilij tædium innocentium & gentili sanguine placarent.

Mox Austriaci cadaver differtum odoribus regiâ funeris impensâ, Namurcum & post in Hispaniam deportatum, juxta Caroli Imperatoris Mausolæum terræ inlatum est. Itaque pro affectu animorum mœror, luctus per castra & exercitum visebantur, indignantibus Legionibus eundem Austriacum Cæsaris filium, fratrem regium, magnarum rerum spes & exordia versantem, ipso ævi flore immaturo funere occidisse. Ita scilicet illustrium votorum conatus interversos velut invidente fato, ut regium decus assequeretur formatumque primis juventæ annis animum & simul desiderium regij fastigij expleret. Creditum fuit eum Tunetani regni non obscuras spes jam antè agitasse illustrique ad Echinadas victoriâ elatum paria fraternæ fortunæ aut certè majora concupivisse. Quare de antiquæ Carthaginis celebritate regioque per Africam dominatu multa effatum, haud dissimulante Philippo socium & consortem se potentiæ non ferre. Igitur in Belgicam regundis pro Philippo provincijs missum, Guisiorum per Galliam auxilijs sollicitatisque Mariæ Scoticæ nuptijs, Angliæ regnum affectasse, non antè repressâ juvenilis animi inexplibili cupiditate, quam inclementiam fati præsentiens repentinâ morte raperetur. Notat Nobilissimus scriptor Sixtus Hemmingha, positiones cœli illius fortunæ convenisse, certoque artis præfagio, ut vitæ ei cursum, ita simul terminum fatali horâ indicasse.

*Austriaci  
cadaver in  
Hispaniam  
deportatum*

## Finis Libri Quarti.



P. WINSEMI  
 Historiarum  
 LIBER QUINTUS.



ALEXANDER FARNESIUS ab excessu IO. IO. su IOANNIS AUSTRIACI belli imperator obviâ legionum fide salutatus, meliorem suispem per provincias vulgabat, credulis pleriq; eundem Farnesium primis vitæ annis, gubernante Margaretâ matre, familiaritate virorum Principum Belgicæque nobilitatis usum sui imperij rationem populi moribus afformaturum. Quippe antecessores per Italiam aut Hispaniam alio sub cœlo aut sydere educatos, magis suarum gentium ingenijs quam Belgicæ innutritos, domesticam indolem externâ consuetudine non emolliisse, quam Farnesius facili ætate, tanquam naturæ bona, longâ ex conversatione induisset.

Cæterum de Austriaci morte, etsi divinum quiddam subesset, quod in pestilentia à maligno stellarum influxu ortâ deprehendi clarissimis medicorum proditum est, diversum diserebatur, cum essent, qui ægritudine animi extinctum opinarentur, eumque spiritu vitali indignatione adversæ fortunæ exhausto, cum excelsâ & regiâ indole gerendarum rerum & spem vitæ posuisse. Præterquam enim quod rupti fœderis imaginem conscientia repræsentaret, ultro inquires & fœditate fusi sanguinis se exercens, ita & hoc accedebat, quod generosæ mentis præconcepta secius procederent, ipsaq; in Philippi fratris aulâ gloriæ & simul magnitudini suæ serviturâ, virorum principum & fraternâ æmulatione evanescerent. Sunt qui tradant eum occupandæ Belgicæ spe quoq; animum clam pavisse, feruntq; ab Aurantio interventu legati persuasum in momenta temporum & maiora virium rejecisse. Quæ Philippo fratri non ignorata, frænandæ immodestæ cupidini longiore morâ vilescabant.

Igitur Austriaco, datis ad Principes viros litteris, ne ista quidem dissimulabantur, expostulanti acius se inter patientiam & ludibria jactatum tam odio & ignavia suorum quam vi hostium perire. Neque aliud restare, quam ut horum armis obsessus ferro viam & ad extrema aperiat, omniaque regis & sua fortunæ committendo amputatâ manu, aut jugulum præbeat aut beneficio fugæ servetur. Quæ præter alia, cum indignatione effusa oppressum angoribus & desperatione rerum principem animum indicavere. Adhæc repetita inter provin-

IO. IO.  
 LXXVIII.  
 Austriaci  
 ad Præfectu  
 ram totius  
 Belgicæ pro  
 vectio.

Diversæ  
 conjecturæ  
 de causâ  
 mortis Au-  
 striaci.

Indignatio  
 Austriaci.



cIo. Io. vincias foedera, quæ simulando ne quidem profecisset, hostem ex sol-  
LXXVIII. cio per omne tribunal etiam titulo regis proclamatum, neq; reditu-  
rum in gratiam ijs artibus quibus occupari aut stare imperium posse cæ-  
câ cogitatione & juventæ lubrico præconceperat.

Denique provinciarum opes magis invalescere, ærarium vecti-  
galibus & collato ære sublevatum, arma & consilia hostium exter-  
nis societatibus atq; auxilijs firma, & quidem eorum, qui suis regnis  
solam pacem ex Philippi bello sperent, & qui everlo regis imperio  
accidi quoq; potentiam velint, incrementa non nisi cum pernicie su-  
bituram. Postremo arcium & castellorum dubia præsidia, infida mu-  
nimenta esse, quæ si existant, vel tunc maxumè defutura, nisi obsequio  
firmentur, quod principatui alienum arma & ferociam pro virtute in-  
duisset. Quæ ægritudini conciliandæ ex adversis apud Austriacum sub-  
orta, Alexandri Farnesij successoris gloriæ atq; felicitàti cessere.

Abbat D.  
Gertrudis  
gloriatio  
de ejus mor-  
te,

Reidanus tradit D. Gertrudis Abbatem causariâ Austriaci morte glo-  
riatum non dubiam propinati veneni suspicionem suis familiaribus inje-  
cisse, quasi patriæ & Philippi interfuisset percussore aut pharmaco tol-  
li, qui libertatem impugnando jus insuper ac mandatum sui regis pri-  
vatæ ambitioni post habuisset. Itaq; Austriaci funus nec regi luctuo-  
sum nec libertati habitum, innuentibus prudentioribus, eum vitæ ser-  
vatum subsecutis provinciarum secessionibus peritè usurum fuisse, suæq;  
potentiæ fundamenta ex discordiâ populi structum. Mihi animus res  
pro libertate aut dominatione gestas justo opere enarrare procul gratiâ &  
odio, quæ in partem admissa clarissimorum sæpe Scriptorum judicia &  
simul gloriam foedavere. Externas cum provincijs societates infirmatâ  
fide ruptas, & auxilia libertati scripta venalibus sacramentis corrupta.  
Secessione partium bello provisum & post foederum societatem infidâ pace  
aut eius simulatione tardatam. Domi populum civili concordia ex novo  
foedere colligatum, & rationes gerendo bello socijs scriptas. Inde  
tributa nec sine disceptationibus reperta & salubre ferè consilium, et-  
iam sub primâ libertate, solâ æmulatione turbatum. Mox provincia-  
lium dissensiones ex periculis & metu sanatas, dirutisq; per provincias  
castellis stabilitam remp. defectione rectoris concussam. Diversos præ-  
liorum rerumq; exitus, & partium fortunam trahendis rebus variantem.  
Post Philippo imperium mutatis sacramentis abrogatum, libertatemq;  
foederatis provincijs validissimâ armorum tempestate assertam.

Diffidia re-  
ligionis er-  
gò.

Igitur ab excessu Austriaci superiorum provinciarum pace discordijs  
viroorum principum affectâ dissidia quoq; religionibus quæsitâ quarum  
libertati illi maxime adversabantur, qui suâ nec sine superstitionibus im-  
buti unam retineri, & quidem à majoribus receptam è re Principis ar-  
bitrabantur. Alijs placebat priorum temporum caliginem fato detectam  
hominum oculis submovendam cultusque divinos manifestis erroribus  
depravatos, cum ipsâ indecentis regni immodestiâ tollendos. Reliquis  
quibus moderatius & pronum paci ingenium erat, mitiora suadebantur,  
haud malè indicantibus civili lege stare populi etiam diversa sentien-  
tis concordiam posse & communi libertatis cupidine ferendas religio-  
nes, legum auxilio coituras. Cæterum turbulentis concionibus impul-  
sa plebes, ultro partium sæcunda, dissidijs rectorum trahebatur, armis-  
que

que & seditionibus infesta, reverentiam foederum, cum regiae domi-  
nationis superbia exuerat. Quae omnia Alexandro Farnesio regium per  
provincias imperium capeffenti commodo & usui evenere, & quod ex-  
ternorum Ducum æmulatione exercituum quoque stipendia morâ &  
per ignaviam consumerentur. Unde Casimiri, etsi Elisabethæ sacra-  
mento ac stipendijs evocaretur, gloria atque autoritas imminutæ etsi  
palam conquerentis Maximilianum Heninium cum imperio gerendis Or-  
dinum rebus præfectum suæ aut Reginæ dignitati non cessasse.

*Casimiri in  
dignatio &  
Stomachus.*

Itaq; Aurantij & Ordinum quoque ipsorum odio ardens reputansq;  
Alençonium Gallicis auxilijs subjutum suæ famæ obfuturum, inertia  
se & militem tabescere passus est.

Econtra Alençonium infirmata conventio & prærepta gloriæ spes ure-  
bat, indignantem ex pacto pignori data Ordinum, non suis præsidijs  
attineri, seque regij sanguinis ac potentiae Principem, subjuvandæ Bel-  
gicæ validum aliorum Ducum nominibus inferi. Neque Elisabethæ  
Anglicæ animus idem censebatur offenso Casimiro & quod Alençonij  
à cujus societate jam antè provincias averterat, jus ac dignationem mu-  
liebri vehementia ac simul fragilitate tueretur. Quamvis essent qui  
scirent aliquid amoris in foemina dandum esse, qui reginæ animum ul-  
tro ex sexu imbecillum, occultis illecebris exercebant.

Cambdenus scribit Elisabetham hoc tempore commendato ab Ast-  
leia, quæ reginæ à cubiculis, Roberto Lycestrio graviter commotam  
fuisse, quasi infra dignitatem regiae majestatis esset, hominem suis hono-  
ribus auctum socium tori atque regni asciscere regiumq; sanguinem, &  
ex potentissimis Principem, quo Andinum designabat, novæ & suæ  
ex aulâ nobilitati postponere. Ita provincias dubia principum foedera  
ac auxilia, civiles & procerum discordiæ extenuabant, quæ nullâ ratio-  
ne aut lege coercitæ sua vi effrænes publicas in secessionibus ex pri-  
vatis dissidijs eruperant: Unde omnia in consensu Ordinum turbida at-  
que angusta spectabantur, non dissimulantium quantæ molis esset ex-  
ternis potentum societatibus satisfacere, & spectare socios mutuas vi-  
res & sacramenta foederum lacerantes. Adhæc validissimum exercitum  
& fraudatis stipendijs & Ducum per discordias tabidum, civitates at-  
que oppida contrarijs præsidijs obnoxia, socios reges atque Principes  
ex jure societatum læsos, denique regias vires nullâ disciplinæ remissione  
solutas spirante adhuc & halante animam Austriaco sub militare Farnesij  
imperium & fidem regis concessisse.

*Provincia-  
rum pericu-  
lum ex dis-  
sensione suc-  
cedentium.*

Itaque premente Ordines suprema æris inopia, quo solo civitatum  
præsidia, commeatus ac stipendia parari oportebat, Matthias Austrius  
postrid. Kal. Octob. Antverpiâ ad Sixtum Hellemum, Julium Bot-  
nia, Goslicum Hiddama & Henricum Jarichium litteras in Frisiam  
dedit, conquirendis per provinciam transmittendisq; Antverpiam pec-  
unijs, quarum summam suppleri prætorarum ac urbium syngraphis in  
viri. Oct. mensis diem postulabat. Alias scilicet metui posse ut for-  
midabilis hostium exercitus qui in ipsis provinciarum visceribus hæreret,  
progressum facturum sit, foederato exsanguis & in defectiones ac turbas  
ituro, nisi nutantis disciplinæ robur commeatu & stipendijs firmetur. Mi-  
rari se tam supina procerum ingenia tam obtusa, ut præsens discrimen

*Matth. Aus-  
trius sti-  
pendia mi-  
litis Fri-  
sios petit.*



cIo. Io. men non spectent, aut spectando dissimulent culpabili socordiae aut LXXVIII securitatis vitio, quae omnem metum imminentis ruinae sustulisset. Miserari certe se humanae caliginis quam non patriae morientis cura non hostilium furorum exempla detergerent, convulsura haud dubie clarissimi foederis societatem cum isto collato aere tot gentium armis stipendia parentur. Itaque timendum post ut provinciae, quos stipendarios putent, hostes habeant, obviam egestatem & insolentiam militaribus omnibus aucturos.

*Dissensio in  
Frifia su-  
per resti-  
tuendo ve-  
teri domi-  
natio,*

Quare per Frisiam, etiam regio Senatu amoto & Transfulaniâ Lalinij armis in fidem receptâ, ne partium quidem odia & reliquiae cessabant, urgentibus nonnullis restituendum Philippi Senatui, aut retinendum laudatissimum Burgundiae Principum morem esse qui senatorum ordinem stabiliendae integritati peregrinis iudicibus & rectoribus provinciae miscuisset: Quorum dominationem econtra illi respuebant, qui externae opis aut consilij egere provinciam non arbitrabantur, reprefaque peregrini Senatus autoritate, quod benignitas temporum indulgisset, reip. & iudiciorum regimen suorum ingenijs committendum. Neque enim bonae mentis aut prudentiae vacuos provinciales esse quos non pro socijs, sed veluti servis herili imperio externae potestatis superbia habuisset. Itaque & aë alienum superiores per provincias constatum exsoluendum Frisij decrevisse, ac si patrimonium istius populi externis creditoribus diripiendum exponeretur, ipsaque provincia Valonum & Germanicis stipendijs obstricta liberandis suis & simul externis nominibus sufficeret. Ita Bossuvianae legioni census vectigalem pignori assignatum, quod ne ijs quidem ultima rerum necessitas permisset, qui jure dominij possidebant. Neque enim Ultrajectinos quorum stipendijs Bossuvius militasset, laturos fuisse, ut Philippi creditoribus suo ex censu intacto regio satisficeret, quem olim per Frisiam suo Gubernatori tutandis provincialibus majorum liberalitas concessisset. Tantum abesse ut Bossuvius Ultrajectinorum in finibus res gerens obligare Frisios potuerit, aut aliquo jure Dventinos per agros in aliena & Lalinij praefectura legionem exigendis stipendijs spargere, quae Lalinius exsolvendis cohortibus ex aërio provincialium obtinuisset.

Ceterum istos fructus peregrinae dominationis atque autoritatis fuisse, sed quae non aliunde quam vitio Frisicae gentis increvissent, cum exterorum vilissimi quoque Senatoriam ad dignitatem protrusi magno cultu & assentationibus habiti animos atque spiritus ex servitij populi sustulere. Quod etsi Saxonica conventionem majores prohibuissent, ita cum imperio Principis introductum esse, qui iudiciorum vim cum ipsa libertate occupasset. Nunc vero Gandaveni Foedere in integrum restitutos eniti debere, ne qui peregrini in remp. ac tribunalia adfiscantur, quos Groningensium, Trans-Isulanorum, atque Drentinorum cura atque consuetudo ab omnibus honoribus excluderet. Itaque factum esse, ut Drentini coram Lalinio in castris ad Daventriam & provinciae legato Carolo Roorda effati sint, se cum Groningensibus ac Trans-Isulanis in ferendis tributis ac indictionibus paria facturos, alienos à Frisiorum societate, quod peregrinis dominationibus regerentur. Quae, quam-



quamquam ex vero dicta, pudore legatum suffudissent, ita emendanda temporum & simul vitia gentis esse, ne peregrinos revocando in igno- rata vicinis nationibus mala, supplicia ac servitutes recidat. Neq; enim gentium trans-Lavicum atque Isalam flumina sanguini neque per Drentiam, quicquam, præterquam in Frisijs detractum esse, quasi ita decretum esset, ut Principis & exterorum sævities ex libertate populi se efflasset graviusq; servirent, quos omnium gentium, præterquam proprijs imperijs, clarissimi majores exemissent. Tantâ cum acerbitate peregrinæ dominationis reducendæ consilia subvertebantur.

Itaq; dicundi juris potestas indigenis facta, prioribusq; Hesselus Aysma Præses, Barthius Idzaerda, Douwo Burmania Icti omnes, super-additi qui supremo per Frisiam judicio atq; tribunali præessent. Mox constitutis judicijs ad Ordines generales è primariâ nobilitate Doco Mart-na & Renicus Camingha Antverpiam missi. Eorum mandata erant:

*Remoti  
externi Sen-  
natores in-  
digena cre-  
ati.*

Ut de castellis regijs provincialium fidei committendis de restituenda libertate, de confirmando judiciali Senatu agerent eoque beneficio im- petrato octodecim aureorum milliâ & quingentorum subsidia bello & socijs provincijs offerrent. Hoc quoq; eorum mandatis additum erat, ut promovendæ actioni è confesso Ordinum delegatum poscerent, qui de singulis referret & ut apocham numerato æri acciperent. Frisijs quoq; sicut socijs provincijs jus esset in Concilio Status & collegio rationum aliquem ex suis delegare, quo æqualitate juris gauderent, qui societate foederis colligabantur.

*Legati è  
Frisiâ ad  
Ordines Ge-  
nerales.*

Denique postulare legati, ut quicquid æris Lalainius tam tuendis provinciæ finibus, quam promovendis Camporum & Daventriæ obli- gationibus ex ærario sumpisset, id apud Ordines generales Frisijs in so- lutum cederet, idemque Lalainius nullo Ordinum generalium aut statuum Frisæ decreto munitus administratione & usu publicarum pecu- niarum prohiberetur. Quibus mandatis litteræ quoque ad Ordines ge- nerales & Matthiam additæ, per quas de suâ in socios fide atque libe- ralitate testabatur. Ita scilicet omnem pecuniam, quæ conqueri po- tuerit, delegatis suis perferendam credidisse, quo prosperitas foederis, ex quo restitui in integrum populus Friscus deberet, subsidiario æro etiam in tantâ rerum omnium angustia præjuvaretur.

Quæ vitio injuriæ liberalitatis & ex studio recuperandæ libertatis nata, hoc impetrare jure societatis debuisset, ut suum reciperet. Quippe trecenta millia Valonum legioni, cui Roblesius præfuisse, proxumis pen- sionibus decreta & nonaginta millia Germanicis cohortibus assignata pu- blicæ egestatis causas, quam ipsum mare terrarum inundationibus auxisset. Ad hæc tribuno legionis Christophoro Schenckio quinque millibus sub- ventum, multa occupandis Camporum & Daventriæ civitatibus collata, sacrum æs & ex patrimonio Cunei Episcopi ac cœnobiorum corrasum à Lalainio qui cum Hauræo ærario regis propositus est. Thuanus interce- ptam annonam & commeatum Casimiro à civitatibus Frisæ submini- stratum, intacto regis ærario, quod in provinciæ usus ex carolinâ con- ventione converti deberet. Igitur metui posse, ne ex suâ in socios pro- pensionem damnum sentiat, publicusque creditor concessa actione pro- vincialium res impigneret.

cIo. Io. Quibus malis & hoc accedebat, quod agrarij oppidaniq; vetere tum  
 LXXVIII discordia exercebantur, publicisque provinciarum sociarum indi-  
 Dissensio in cti-  
 Frisîa, bus Frisia gravaretur. Quæ quanquam in speciem receptæ permul-  
 cendis illorum ingenijs qui acrius servitium nostrâ ex libertate aucupa-  
 bantur, ita dissensionibus quoq; provincialium remedium adhibitum,  
 quæ à Caroli Philippiq; ævo fortæ paucos antè annos vix cum ipsâ liber-  
 tatis infantia eruperant.

*Quia soli  
 agrarij suf-  
 fragia usur-  
 pabant in-  
 dignantibus  
 oppidanis.*

Quippe soli adhuc agrarij confessus, & suffragia usurpabant, indi-  
 gnantibus è contra oppidanis, jus utrique populo commune ex cupidi-  
 ne dominationis subverti & separari ex privatâ æmulatione quos pu-  
 blica societas tot sæculorum ætatibus junxisset. Itaque conventum ut  
 quartam reip. ac confessus partem oppidani in proximum comitium  
 constituerent deque tributis & oneribus provinciam spectantibus pari  
 suffragiorum jure cum agrarijs deliberarent. Hoc etiam additum ut quic-  
 quid ex comite Casimiri copijs concessio oppidanis competere, id  
 ex collationum publicarum ære præstaretur, deductis octo aureorum  
 millibus quæ thesaurarius regius necessitati publicæ elocasset. Hæc à  
 Gerardo Jacobi, S. Galama, Goslico Hiddama, Barthio Idzaerda pro  
 agrarijs, ab Adio Lamberti, Douwone Sixma, Gellio Sibæo, Abbæo Dou-  
 wonio, Simone Pottero & Cornelio Jacobæo pro oppidanis signata.  
 Reperio in litteris Barthij Idzaerdæ ad Carolum Roordam qui in comi-  
 tatu Lalainij tum erat, datis, corrogandi subsidiarij, de quo dixi, æ-  
 ris necessitatem isti bono occasionem tum dedisse agrariosq; à Baldui-  
 no Loæo thesaurario regio super præstandâ cautione compellatos, non  
 nisi admissis in remp. oppidanis, beneficium ærarij & crediti æris ob-  
 tinuisse. Adeo quæ ex collatione tributis discordiam auctura videban-  
 tur, propter spem dissidentium concordia cessere.

*Causa sopi-  
 ta dissensio  
 nis inter a-  
 grarios &  
 oppidanos.*

Cæterum mihi actorum fidem introspectanti, dubium non est isti actio-  
 ni Mandatum Matthiæ Gubernatoris intervenisse, Ordinesq; tam agra-  
 rios quam oppidanos ex conventionione anni 1524 pro recuperandis do-  
 minijs ut vocabant regij, Matthiam Gubernatorem ultimâ rerum neces-  
 sitate sollicitasse. Hoc etiam postulatum invenio ut creditoribus regijs  
 usuræ in annum cessarent, Ordinibusque ex violatæ conventionis actio-  
 ne in dominium censumq; Principis & simul Ecclesiasticorum prædiorum  
 jus assignaretur. Dein ut Germanorum cohortes turbidæ & per muni-  
 tiones dispositæ à Senatu regio olim conscriptæ & publicis provincia-  
 rum sacramentis auctoratæ ab Ordinibus provinciarum Belgicæ exsolver-  
 rentur Gerardoque Gramaio exautorandi potestas sicut in missione cæ-  
 terarum esset conveniendiq; de stipendijs, quæ ex ærario provinciarum  
 Belgicæ non suo peti æquisimum esset. Postremum erat, ut Matthias Gu-  
 bernator tam ad Ordines Frisîæ, quam magistratus oppidorum de possi-  
 dendis castellis scriberet, volentibus Ordinibus castella stabiliendo Prin-  
 cipis dominatui erecta, Ordinum majestati repressâ principatus info-  
 lentia cederent.

*Ordines ju-  
 bent novas  
 copias con-  
 scribi.*

Tum lubricis superiorum provinciarum rebus, & haud procul Rhe-  
 no ac Agrippinensium finibus regio milite conducto de novis quoque  
 copijs conscribendis Ordines & Matthias Archidux cogitare, potestate  
 Gunthero Suartzenburgio factâ, qua tria equitum Germanorum millia  
 suo



mutui aere, provinciarum sacramento autoraret. Cæterum apud le-  
giones vagas ac oberrantes, tribunos equitum insolentes & exemplis  
offensos, multa difficilia proponebantur, cum & essent, qui cautionem  
stipendijs postularent & ut Matthiæ, Ordinum ac provinciarum fides  
solemnibus tabulis, etiam sub jure pignorum, interponeretur.

Quod quamquam Ordines & Matthiam ureret, qui suspiciosi le-  
gionibus implicari provincias indignabantur, ita tamen omne publicum  
privatumque pignori datum cautumque ut sacramentis stipendia quo-  
vis tempore, etiam sub repressaliorum, ut loquuntur, pactione, pro-  
vincijs præstarentur.

Quarum nomine, ut clarorum virorum memoriæ hoc detur, in con-  
fessu Ordinum generalium I. Baro Merodius, Ph. Hornius, Richardus  
Merodius, Rolandus Rickius, Ioannes Ægydius, W. Hagius, H. Blo-  
maius, Fredericus Boimerus, Iacobus Imannus, Carolus Rhinius, Pro-  
vinus, I. Goulartius, L. Sommanius, T. Offegnius, A. Musfartius, I. Vlie-  
tius Bieffartius, I. Warckius, Carolus Bom-kerckius, Dionysius de Capel-  
la, B. Liebartius, Florentius Hermelius, Hesselus Aysma, Hajo Man-  
ningha, & Joannes Rengerius tum fuere.

Qui ut affectis provinciarum ararijs mederentur promovendas ad  
indictiones Magistratuum primos hortabantur, quo tributa imperij & re-  
rum firmamenta in usum ac consuetudinem perducta tractu temporum  
invalescerent. Sed nutriendis simultatibus acris multitudo & licentia  
solutorum omne molestum arque difficile aspernabatur, interque dubia  
actorum interpretamenta libertati indulgens, fraudum ingenio im-  
peria Ordinum & vim indictionum eludebat. Quare colligendis pe-  
cunijs destinati metu popularium turbarum, ne rigorem quidam scrip-  
tarum legum retinebant, quæ per oppida & præturas ex indiscretâ ju-  
risdictione & verborum ambiguitate litibus ac disceptationibus invol-  
vebantur. Itaque factum est, ut alibi usæ receptæ, alibi exolescerent,  
paucorumque ex contumaciâ aut fœcundiâ vis edictorum dedignatione  
parendi subverteretur.

Reperio in actis istorum temporum, Bolsuardios etsi introducendis in  
civitatem indictionum legibus industrios, de suorum criminationibus &  
immodestia onerum apud præfides rationum provinciæ questos, præter  
civium damna terra ac mari inlata, immunitatem, aut contumaciam  
vicinorum municipiorum suæ impotentiae obtendisse. Adeo difficile est  
legem ex necessitate latam conditioni temporum aptare paucisque in  
exemplum immunitatis opinione aut ingenij vitio peccantibus, om-  
nium modestiam imperare. Hoc vero maxumè eosdem Bolsuardios  
premebat, quod præter res quas usus consumeret, corpora quoque &  
personas civium publico censui egestas aut avaritiâ Ordinum subjecif-  
set, quas in libertate natas servilibus oneribus conditio nascendi exime-  
ret. Quibus criminationibus per eos fomenta subministrabantur, qui  
ex discordijs civium, ex Ordinum secessionibus nova commoda, an-  
tiquas dignitates sperabant, populumque in ipso libertatis ortu servitij  
peræsum regias ad partes exuto fœderis obsequio rediturum.

Quamobrem Lalainius non ignarus quantis artibus partium odia per  
provinciam tegerentur, datis vi. Non. Oct. ad præsidem Senatumq; lit-  
teris, nes,

*Indictiones  
ac tributa  
arguerentur.*

*Inde Bols-  
uardiorum  
querela.*

*Lalainius  
comitia Fri-  
sue indicit  
ob indicio*



CLIO. ID. teris, convocari ad VII I. Eid. Octobr. Ordines, præscriptumque LXXVIII ad diem regio adhuc Philippi nomine usurpato, adesse frequentes iussit quo de postulatis Ordinum generalium suis ex Legatis cognoscerent. Itaque dicto die præter Frisiæ Ordines Cortenilius & Gruterus cum mandatis adfuere. Ista habebant; Ut communibus Belgicæ indi-  
 tionibus locum in provincia facerent, singulasq; in cerevisiæ, que 12. stuf-  
 feros excederet tonnas binos penderent. Ut mille & quingenti ca-  
 rolæi signati æris, commeatus & pulveris tormentarij sex lastæ præ-  
 starentur.

Heymannus addit de fœdere quoq; cum Geldris, Hollandis & eo-  
 rum Socijs ineundo propositum in eodem comitio fuisse, innuente Gru-  
 tero (nam is verba faciebat) sociali fide per Flandriam & Artesiam lu-  
 bricâ inferiores provincias proprio concordia connectendas. Quæ  
 quamvis in incertum adhuc dicerentur, spe conciliandarum provincia-  
 rum necdum excussa, ita tamdiu protracta, donec anno sequenti, ut  
 memorabo, fœdus apud Ultrajectinos ictum, non sine animorum  
 motu invalesceret.

Decreto  
 Ordinum  
 Generali-  
 um permit-  
 tuntur Fri-  
 sijs suâ ca-  
 stella.

Igitur legatorum studijs, qui Antverpiam advenerant, effectum est,  
 ut Senatus ordinum Belgicæ cogeretur, Matthiasq; Gubernator augu-  
 sti confessus princeps & Aurantij Consilio subjutus, perrogatis sententijs  
 permittenda civibus castella decerneret. Quare litteræ ad Leovardiæ,  
 Harlingæ & Stauriæ oppidorum Magistratus hunc in modum datæ.

**P**ETIERE Ordinum Frisie Legati, ut castella potestatis vestræ  
 faceremus. Quod cum vestro bono & amovendis sinistris suspicionibus spe-  
 let, ita de Consilio AURANTIJ Principis & suffragationibus  
 ORDINUM generalium constituimus atque sanximus, ut in ma-  
 nus vestras castella traderentur. Vos quoque arcium custodiæ vestro ex corpo-  
 re deligeretis dum de diruendis abolendisq; decretum perscribatur. Itaque ro-  
 gamus & pro autoritate nostrâ decernimus, ut castellis regundis asservandisque  
 viros fidos & patriæ amantes præficiatis & qui parati erunt nobiscum & cum  
 Ordinibus generalibus pro majorum libertate & causâ publicâ fortunas, corpo-  
 ra atque animas impendere. Quod si feceritis & certi esse ac securi amo-  
 to suspicionum metu poteritis, dum admunitis vestris oppidis destrui castel-  
 li & solo æquari publica autoritas & occasio præceperint. Atque id vestro  
 bono sanctum credite.

Litteræ 8. Eid. Oct. signatæ à MATTHIA Gubernatore &  
 in Frisiam ocys missæ. Similes quoque ad Præfectos arcium datæ, qui-  
 bus easdem tradere civibus eodem decreto jubebantur.

Igitur Renico Cammingha legato Antverpiam progresso, qui ex fi-  
 duciarijs suis subsidia & affectum gentis angustis provinciarum rebus  
 offerebat, omniâ in lenius mutata decretumque imprimis. Ut Castel-  
 la Leovardiæ, Harlingæ atque Stauriæ oppidorum peregrinis commis-  
 sa provincialibus traderentur arciumque Satrapæ à Magistratibus è cor-  
 pore civium creati illarum custodiæ vacarent, dum ipsa oppida munitio-  
 nibus circumducta securitatem populo fecissent.

Litteræ vero Archiducis ad Magistratus oppidorum ejusmodi erant.

O R D I-

**O**RDINE S Frisia petiere ut vestra potestatis castella faceremus. *cl. b.*  
 Nos vero, quo illorum postulato & vestris commodis amovendam ad *lxxviii.*  
 inofficiosi de nobis suspicionem satisfaceret, de consilio AURANTII  
 Principis ac Ordinum Generalium id lubentes indulsumus sanximusq; ut  
 vestri juris ac arbitrij essent. Quapropter rogamus & pariter mandamus guber-  
 natorio nomine, ut istiusmodi Satrapas arcibus ac castellis præficiatis, quorum  
 fides apud vos probata erit & qui nobiscum ac Ordinibus generalibus parati  
 erunt bona, corpora atq; vitam libertati & saluti publicæ impendere. At-  
 que hæc valebunt quo securi malorum esse possitis, dum permunitis oppidis  
 vestris castella diruantur.

Litteræ quoque seorsim ad Satrapas & præfidiarios Harlinganæ arcis  
 datæ, quibus castello cedere de voluntate suâ & Ordinum jubebantur.  
 Eæ Antverpiæ viii. Eid. Octobr. signatæ.

F. Nicolaus scribit Matthiæ Gubernatoris litteris Stauriam perlatis Ma-  
 gistratum urbanum Gulielmum Petræum concivem suum Satrapam ar-  
 ci præfecisse, publicâ omnium lætitiâ custodiam castelli & simul urbis  
 diu vim & insolentiam externi præsidij passæ rectori civico committi.  
 Cætera quoque per oppida plebes gaudio immodesta ex novæ liberta-  
 tis indulto licentiam acuebat. Itaq; Leovardix factum est, ut vii. *Dekame-*  
 Eid. Octob. Iulij Dekamæ Senatoris regij, qui à fugâ Senatus Daven- *horitu Leo-*  
 triam concesserat, hortum suburbanum, amænitate & cultu celebrem, *vardix sub-*  
 cæderet locumque tanquam in speciem insidijs peropportunum, odio *urbanus per-*  
 magis domini quam ex metu periculi vastaret. Scriptores tradunt ma- *insolenti-*  
 gnitudine suâ septem agri jugera complexum frugiferarumque arborum *am diris-*  
 comptâ serie constitum antiqui decoris pulchritudinem repentinâ fœdita- *tur.*  
 te mutasse. Mox furore populi necdum sedato, per urbem ipsam partium  
 fœcundam templa ruinis atq; spolijs fœdata, statuæq; & imagines sacra-  
 rum ædium ornamenta tanquam obnoxia superstitionibus visentium oculis  
 submota. Heymannus addit, ex Hocano districtu, qui urbi in ortum solis  
 æstivum est, tempestatem emanasse populumq; illius oræ præ cæteris  
 aut turbidum aut zelo religionis correptum templorum cultum & quie-  
 tem urbis conturbasse. Itaque Nyhovæ & Prædicatorum sana enor-  
 mius direpta librique rituales per vicos sparsi ac discerpti pro ani-  
 morum captu miserationi aut ludibrio fuere. Adeo verum est Reli-  
 gionis odium, cum desinere ex lege & mandato supremæ potestatis  
 debuisset, à proclamatâ pace civilem magis immodestiam efferasse.  
 Interim Lalainius, quo novi fœderis negotium promoveret, litteras  
 ad Ordines dedit, quibus petebat, Ut ad Eid. Octobr. legatos Ul-  
 trajectum mittant, quo inter ambigua temporum illa in civitate  
 habendo conventui destinata, de præconcepto ocys fœdere consulta-  
 rent. Sed angustia temporis & per omnia domi præsertim inter agrari-  
 os turbida salubre Lalainij consilium præpediebatur. Igitur Georgio  
 Grutero lcto legato suo in Frisiam ocys remisso, ut ad xiv. Kal. Nov.  
 adessent, præcepit, excusantibus modeste agrarijs in tam arduo ne-  
 gotio cautius deliberandum esse, neque præcipitandas consultationes,  
 quas sicut omnia rerum opportunum temporum sanaret. Unde protra-  
 cti apud Ultrajectinos conventus fama mox in Frisiam perlata tan-  
 to gratius accepta, quanto magis publicæ utilitates privatis ex æmu-



cIo. Io. lationibus tardabantur. Itaq; Oppidani, acribus in novum fœdus studijs, suo ex corpore legatos, creavere designatis Julio Bottniâ Oldermanno Franquequensium & Douwone Sixma Consule, qui legatione fungerentur.

*Oppidani novi fœderis studio legatos designant Ultrajectum,* Illis in mandatis datum erat. Ut Ultrajectum ituri Hollandis, Zelandis, Ultrajectinis, Geldris, Zutphanienſibus, Trans-Isulanis & provincijs Præfecturæ Lalainij ſubjectis ſeſe jungerent fœdusque facerent, cæterum ſub hac conditione, ſi ſuperiorum provinciarum ſeſſeſſio propiorum concordiam & ſocietatem harum gentium poſtularer. Hoc etiam additum, ut de formulâ fœderis ad Matthiam Belgicæ Gubernatorem, Principem Aurantium & Generales Ordines referretur firmatumque illorum aſſenſu & ratihabitione vim atque efficaciam juſti fœderis fortiretur. Hæc Leovardiæ 1x. Kal. Non. ſigillo Leovardiensium & manu Jarichi Wopconij pro iſdem, pro Eloſtanis à Ieltzone Galama pro Doccomienſibus à Cornelio Jacobi, pro Snecanis & Slotenſibus à Gyſberto Oenæo, pro Worcumianis ac Hindelopijs à Douwone Petræo, pro Harlingenſibus Nicolao Folkerſio ſignata. Quæ cautè & prudenter reperta, ut ſanandis provinciarum ſeſſeſſionibus erant, ita ſanctionem Belgici fœderis non abolebant, modeſte cenſentibus oppidanis vetera fœderum ex novis non tollenda & quæ non violari præterquam ſociali defectione Friſiæ gentis intereſſet.

Invenio in actis iſtorum temporum, morte cujuſdam Stintiemæ Prætoris & aggerum à Feenhuſâ ad Clivum promontorium præfecti, quandam Sibrandum Benckenium pro ſucceſſione obtinendâ apud Lalainium vehementer neq; damnatis artibus laborare, interventuque Caroli Roorda provinciæ ad Lalainium legati arcitum dedecus repulſæ & ex vitiatâ patriâ lege ignobilem contemptum reportare. Id namq; voluerat Benckenius, ut nullâ præviâ trium nominatione & jure populi faciendis nuncupationibus antiquato, Lalainius præfecti poteſtate de prætoriâ dignitate aut Saltem ejus proviſione diſponeret, ſolusque aulicorum gratiâ & ſiduciâ ſui imperij nixus, ſolenni ritu & autoritate Collegij ſpretâ, beneficia petenti aſſignaret. Regerente Roorda Legato retinendos curioſè provinciæ morès eſſe, neque clam & contra jus publicum elargiendas dignitates quas conferre Præfectus non jure, violatâ jurisjurandi religione, nec quiſquam accipere niſi perduellis & exlex poſſet. Obtinuiſſe ſcilicet conſuetudine ac ſtatutis majorum ut vacantes Præturæ à loco proximis adminiſtrarentur, dum defuncto ſucceſſorem electio populi & collegij autoritas ſufficiſſet. Itaque factum eſt, ut Lalainius ſe nihil contra datam fidem aut juris publici ſanctionem acturum coram Legato teſtaretur ſeque provincialium legibus reverenter habitis privatæ potentæ aut aucupandæ dominationis ſtudia commodis populi poſtpoſiturum. Quæ à Legato ad viii. Viros perſcripta animum viri patriæ amantiſſimi naſcenti reip. commendavere.

Tantum abeſt, inquiebat, (nam id litteræ habent) ut pignere officium homini improbo & legirupæ voluerim, qui mavelint reliquum vitæ in exilio agere, quam ferre privilegia populi neglecta aut imminuta tranſgreſſoribus legum cedere, quos patriâ ſuâ & honoribus indignos majeſtatis crimen & ſædiſſimi ambitus feciſſet. Cui rei Deum advoco, qui conſcientiæ meæ & navatæ pro rep. operæ teſtimonium dabit. Itaque & veſtrum erit, jus publicum



Et privilegia cum gloriâ majorum parta constanter tueri, ne hoc libertatis nostre ortu antè eorum usu privemur, quam in possessione adempti juris benignitas temporum locaverit. Quod certè fiet P. C. si aditum ad remp. istiusmodi legum ruptoribus faciamus, quas commovendo ad turpia & per incuriam ante perdemus quam recuperatæ sint. Et cogitate quanta id cum infamiâ, si eveniat, vicini & posterì vestri agniture aut dolituri sint, si videant vos providentie munere malè usos obviam libertatem fœdis moribus & servili indulgentiâ attaminasse. Quæ à me scripta scitote ab illo viro, ab illo animo profecta, qui post Dei cultum primis in bonis libertatem habeat, quam sanguine & vitâ sanctire patriæ amantium est.

His de morte Austriaci ad v. i. Nov. Oct. subjunctum, & illustrium virorum funera longâ serie connexa, Reuxium, Fonckenbergium, Mondragonium, Scharenbergium, Detrionem, Affonvilium & Bertium humanis exemisse. Roblesium quoque olim Frisiæ Gubernatorem ex litteris Baronis Hohenfajij Arnhemio datis mortalitatem implevisse Binsiumque Alençonio deditum Gallorum auxilia secundis initijs honestasse. Tum jura ac beneficia, quæ anno LXXII ex sanctionibus Pontificum rex Philippus indulerat, novis Episcopis & Archiepiscopis decreto Matthiæ Gubernatoris & de voluntate Ordinum abrogata, quo primæ civilium turbarum causæ & inter principem populumq; ferendis discordijs & mox armis repertæ ex jure foederum paci atq; concordiæ servirent.

*Illustrium virorum funera.*

*Beneficia Episcopis & Archiepiscopis abrogata.*

Formulâ Edicti MATTHIÆ Gubernatoris hæc erat:

**C**UM Hispanorum consilijs atq; factionibus per has inferiores provincias novi Episcopatus atque Archiepiscopatus erecti, illisq; dignitates canonicatus, præbendæ, divini pensiones & alia beneficia, officia bonaq; tam secularia quam Ecclesiastica assignata sint, per vim magis quam consensum Ordinum & populi cujus interesset, contra privilegia provinciarum & jus scriptum nihil statui. Cumq; pacificatio Gandavensis ejus ratiabilitio, jura, privilegia, consuetudines atq; statuta tam provinciarum quam civitatum restitui sanxerit, Ordinesq; generales illas bonorum & dignitatum acquisitiones & ordinationes infirmari jam ante diversis actorum indicijs fecerint, ita hoc ipso decernunt, ut omnes dignitates, beneficia, decimæ, pensiones, per Episcopos aut Archiepiscopos acquisitæ aut usurpatæ de facto cessent habeanturq; in posterum nullæ & inefficaces, salvo tamen jure supplicandi, quod unicuiq; læso liberum erit. Hæc Antwerp. Prid. Kal. Nov. MATTHIÆ manu signatâ.

Itaq; evenit ut quod ante annum Frisiæ Ordines per Sceltonem Tiardam, Nitzenium & Tatmannum legatos postulaverant, provinciâ rum obtineret, patrimoniumq; sed contra jus ac fas quæsitum cœnobiorum rectoribus & ut post memorabo reip. gerendis rebus assignaretur. Mox Rennebergius xvi. Nov. die comitium Leovardiæ ordinavit, sub eâ cautione ut nulli ad consulendum admitterentur præterquam qui in patriæ & optumatum partibus erant & qui eas vivâ voce in comitio professi externæ dominationis odia amore libertatis induissent. Itaque in Austriacum & Hispanos detestationes innovatæ, quibus neque illi eximebantur, qui conditionibus temporum serviendo odia ac amicitias partium suspectis simulationibus velabant. Igitur de Ultrajectino fœdere

*Comitia Leovardiæ indicuntur quibus simulatores diffimulatores prohibentur.*

cl. Id. dere, de recipiendis indictionibus ac agendo censu repetitum, urgen-  
 LXXVIII tibus Rennebergij legatis ut postulatis decretum perscriberetur, tem-  
 porumq; dilationibus prolata maturatae consultationes desinerent, Cæ-  
 terum omnia partium plena lentis deliberationibus trahebantur. Quip-  
 pe Gandavensium motus jam antè ex dissidio religionis orti ( post  
 Hostes Pa- direptas ditium cœnobiorum opes & Pontificios ritus turbidæ civitati  
 triæ letan- damnatos ) plurimos sponte mobiles etiam per Frisiam ostendebant ,  
 tur ob Gan- Erantque qui ex ruptâ per Flandros & Hannonios religionis pace, oc-  
 davenfium casionem impellebant defectionibus, bello materiam captarent.  
 motu.

Quare legiones ex cessantibus stipendijs ultro ægras Ordinumq; ge-  
 neralium imperijs contumaces, Montinio Lalainioq; ducibus sollicitatas  
 & involutas seditionibus lætabantur, ipsosq; Gandavenses Casimiri auxi-  
 lij subyugatos Ordinum Exercitum distractis copijs extenuasse. Casimi-  
 ro quoque æmulationem & mox invidiam conflata, quod à Matthiâ  
 Gubernatore ac Ordinibus Belgicæ à Germaniâ specie auxiliorum e-  
 vocatus, suo magis ingenio quam ex mandatis Ordinum discordias & ar-  
 ma partium subministratis copijs fovisset. Deniq; Aurantium sopiendis  
 dissensionibus & sistendæ vi Gandavum profectum ex immodestis ci-  
 vitatis moribus à turbido statu parum ad concordiam profecisse, om-  
 niaque in urbe sanciendo provinciarum fœderi jam ante destinata ar-  
 ma & bellum comminari. Infesta scilicet Gandavensium in Hanno-  
 nios cæterosque vicinos ex religione odia esse, neque Ordinum impe-  
 rij aut partibus satis æqua, qui haud dubiè vastandis Flandriæ terris  
 seditiosas Montinij legiones incitavissent. Neque displicebat quod A-  
 lençonius nulla Ordinum legatione, aut æquitate conditionum emolli-  
 retur, fideiq; per Ordines læsæ vulnus alius exercitus missione Monti-  
 nianas partes præjuvisset.

Pontificij Itaque Pontificij erectis animis Leovardiae ad exercitia suorum rituum  
 Leovardie rediunt ad publicæ suæ religionis exercitia, redire, sacrisque ad Nyehovam pro more celebratis prædicatore quo-  
 que restaurandos ad cultus impulere. Quare vergente Novembri per  
 illos campanum æs pulsatum, resq; divina pontificio ritu peracta ne  
 triumphalibus quidem ob expugnatam Daventriam ovationibus inter-  
 rupta est. Heymannus scribit Iulium Dekamam Senatorem cum Ger-  
 manorum præsidio, quod captâ urbe excefferat, in Germaniam ab-  
 iisse magnâq; rerum mutationis per Frisiam & vicina ægritudine tactum,  
 externa locorum patriæ desiderio & suorum consuetudini prætulisse.

Numerosus  
 Exercitus  
 Ordinum,

Tradunt Scriptores viginti equitum, peditum quadraginta milliâ in  
 exercitu Ordinum tum numerata stipendiorum inopiâ & per discor-  
 dias ducum attabuisse. Everardus Reidanus decem & quatuor millibus  
 equitum, triginta quinque millibus peditum censum notat, eundemque  
 reprimendis Turcarum armis validum solo procerum velut diversa pro  
 concipientium dissensu & ex impulso Ordinum ærario spem virtutis &  
 gloriæ fœdâ ignominiâ mutasse. Idem addit novies centena milliâ num-  
 mûm in menstruum æs assignata, provinciarum vastatione aut egesta-  
 te semestri spatio mediam menstrui æris partem non æquasse. Itaq;  
 factum est, ut florentissimus provinciarum Exercitus castra moveret,  
 externisque legionibus ad continendam fidem discretis provincialium co-  
 piæ in hyberna ac præsidia conducerentur. Cæterum Exercitu per



præsidia aut opportuna locorum distributo, alia malorum subnascebantur. c15. 153

Quippe Casimiri suspectis actionibus, quas Angliæ legatus Davi-  
sonus tanquam Reginæ mandatis & datæ fidei adversas, Ordinum &  
provinciarum rebus damnosas exagitaverat, etiam hoc accedebat, quod  
Andinus de deferendis provinciis clam agitaret ipsâq; Gandavensium  
civitate adhuc impacatâ Montinij & hostium partes accessione virium  
regiæq; Philippi gratiæ invalescerent.

Igitur Casimiro in Angliam profecto pro retinendo in provinciis An-  
dino laboratum, velut plurimum interesset, regij sanguinis principem  
à provinciarum societate non alienari, qui funestissimos Galliarum mo-  
tus optumo remedio & laudabili exitu pacasset. Neq; enim nuda au-  
xilia spectanda esse cæterum curandum ut tanto intercessore seditiosi  
& defectores in fidem Ordinum redeant, pacemq; provinciæ sicut fra-  
tris regnum, illius moderatione & interventu accipiant. Cæterum  
Andinus etsi conciliandis partibus omne studium polliceretur, præci-  
pua sui discessus causam per Legatum hoc modo exposuit.

**A** B I R E à vobis ORDINES, quorum socius atq; amicus  
veneram, animus non fuit. Cæterum quoniam à fratre Rege jam  
pridem revocor, exigentibus regni turbis, fratris Regis imperio &  
simul desiderio matris obsequi cogor. Quibus & hoc accedit, quod in-  
telligam esse qui meæ præsentia non egere provincias censeant, tanquam paci  
obstem quæ cum PHILIPPO Hispano in gratiam redire vos faciat.  
Igitur actione pacis irritâ habebor & isti impedimentum & bello consilium attulisse.  
A quo quam alienus sim principem animum testem habeo, neque aliud voto  
cupio, quam ut in tali pace statu res vestra collocentur & meis non egeant. Quas  
ipsas amore vestri ac miseratione vestris quoque posthabui paratus pignori à vo-  
bis data, aut armis meis parta ultro redhibere. Neque ijs tantum in summâ  
necessitate vos juvi, qui nullo dominationis aut potentia studio medium me insu-  
per discordijs inter vos & defectores ingessi, præter morem ambitiosorum princi-  
pum, quibus provinciarum res angusta ac discordes commodo ac usui cessissent.

Addebat Legatus ut interim principis sui beneficia serio expende-  
rent & quò animo provinciis excederet, qui suâ autoritate eas maxu-  
mè præjuvisset. Id vel ipsis dissimulantibus cæteros Principes &  
vicinos agnituros Ordinumq; gratitudinem cum beneficijs Andini col-  
laturos. Postremum petijt ut Ordines ratione suarum rerum habitâ  
illius amicitiam ac societatem religiose colerent, in cuius potestate esset  
damna pro beneficijs reponere.

Reidanus tradit, Elisabetham Angliæ Reginam datis litteris vehementi  
quoq; indignatione apud Ordines exposulasse, quod Andini beneficia  
non agnoscendo, nec respectum tanti principis, nec suorum pactorum  
habuissent. Itaq; avertendis à Belgicâ tam Andini quam aliorum prin-  
cipum animis & pro exemplo fore. De se testari illâ ex actione (et-  
si aliud finistiore famâ ferret) voluptatem non hausisse neq; ejus a-  
nimi & morum esse, ut ex injuriâ Regis Galliarum filio ac fratri  
inlatâ gaudium sensura sit.

Quod velum etsi Elisabethâ suæ indignationi præferret, tamen erant  
qui crederent illam ab Andini connubio non alienam multum perfo-

LXXXVIII  
Voria dis-  
ficultates  
in Belgicâ  
abortive.

De Andino  
in annum  
1579. verò  
gente Ian.  
Pro reti-  
nendo An-  
dino labo-  
ratur.

Elisabetha  
indignatur  
ob injuri-  
am Andini  
illatam.



CLo. Io. nã & regio sanguini ex affectu amoris dedisse. Isti fini Simierum  
LXXVIII hominem Gallum & Andini familiã diu usum urgendo reginã matri-  
monio in Angliã reliquisse, quo scenicos & aulã mores, supra quam  
multorum conditio ferret, edoctus facili ad omnia ingenio muliebre  
quoque pectus amatorijs artibus expugnaret. Igitur Ordines allevan-  
dis Reginã & Andini offensionibus honestissimã legatione institutã Elo-  
stium Flandriã oppidum cum præsidio obtulere, de cãteris facile conven-  
turi ubi more recepto quisque ad provincias de arcanis rerum retulisset.

*De Andino  
no ponenda  
in annum  
1579.*

Ista erant, ut si Andinus, sicuti ante conciliandis Gandavensibus &  
Valonibus operam navaret, si copias Gallicas ab iisdem Valonibus revo-  
caret, religionem utramq; ex pacis publicatã formulã, quantum oc-  
casio & quies publica permetteret, per provincias stabiliret aut stabi-  
litam confirmaret, paxque cum rege Hispaniarum intra Kal. Mart. pro-  
xumas fieret, Andinus pro autore pacis, tranquillitatis & salutis publicæ  
haberetur. Ordines quoque Provinciarum testandã gratitudinis & quo  
Andini beneficia solenni & anniversariã agnitione recognoscerent, sta-  
tutam ex ære celeberrimis in locis Antverpiã & Bruxellis æternæ An-  
dini & masculorum hæredum memoriã erigerent. Legatos quoq; pro  
statu Ordinum ex Ecclesiasticis, nobilitate & civitatum Magistratibus  
die constituto ad Andinum mitterent, coronamque ex olea ramulis  
contextam cãteris cum donarijs offerrent quæ centena millia æris præ-  
tio æquarent. Pacem vero si ante Kal. Martias æquas condiciones re-  
gi Hispaniã offerendo non obtinerent, regem tanquam à pace & in-  
columitate suarum provinciarum alienum & juris-jurandi immemorem,  
jure suo excidisse declararent, provinciales sacramentis exsolverent, de-  
liberarentq; quibus modis deferri Andino principatus Belgicæ possit.

*Andinus  
haud facile  
mitigatur.*

Cãterum Andinus etsi secus simularet, injuriã memoriã atq; sen-  
sum ex oblatione principalis gloriã ac imperij non exuerat, tanto  
magis validã veteri indignatione, quanto secretius principe animo  
& cum modestiã tegeretur. Igitur oppidis, quæ præsidio copijs suis  
aut pighori acceperat, Ordinibus provinciarum traditis curatoq; ne Gal-  
lica auxilia Valonum in partibus manerent provinciarum finibus excis-  
sit.

Invenio in archivis abiturienti Andino, qui tum Montibus Hanno-  
niã erat, dubium adhuc animum apparuisse illumq;, etsi pronis auri-  
bus de affectu Ordinum ex Carolo Gauræo cognovisset, consilium  
tamen decreti in Galliam itineris non mutasse.

Julius Bottnia provinciã nostrã Antverpiam legatus in litteris v. r.  
Kal. Ian. datis, scribit se ex Secretario Andini, quo cum divertebat,  
de ejus primũ abitu intellexisse Andinumq; rectã ad Quintini fanum,  
quod ad sabim flumen est, itinere factõ suo discessũ turbatum Galliã  
regnum obtendisse.

*Turbã  
Gandaven-  
sum paca-  
ta.*

Itaque quantum ægritudini ex consilio Andini provinciã acceperant,  
tantum gaudij pacatã Gandavensium res adferebant, quod populus ultro  
inquires & ex dissidio immodestior ex recepta pace & utraque reli-  
gione in civilem concordiam redijisset. Hoc vero paci suspectum  
erat, quod captivos jam ante custodiã datos conventio non liberasset,  
discordiq; temporum ætate vinculis inditi squaloribus carcerum, etiam  
factã conventionẽ, consumerentur.

Quare

Quare pro ijs dimittendis etiam, ab Elisabethâ Anglicâ litterâ peten-  
te reginâ, ut captivi iudicio sisterentur, legibusq; provinciâ dampnati  
aut absoluti culpam criminum aut innocentiam missione vel poenâ ex-  
solverent. Litterâ Elisabethâ in archivis repertâ 111. Kal. Ian. datâ;  
His subjungebat regina ut satiandis Valonum & Gandavensium factio-  
nibus Ordines porro incumberent pacemque provincijs à discordiâ  
partium curarent.

Mox convulsâ per Frisiam Sedis censu & dignitate imminutâ Ren-  
nebergius de amovendis Episcopi Cânonicis agitavit, pensionesque  
ex proventu Sedis assignatas interverti reddique cœnobijs iussit. Sed  
Matthiâ Gubernatoris rescripto monitus, ne ambigua temporum ultro o-  
dijs exposita acerbioribus factis atq; decretis irritaret, ducentos florenos  
aureos Canonicorum alimentis dari fecit, dum illorum otio de subsidij  
vitæ autoritas patrum disposuisset. Controversiam quoq; de Leppæo  
aggere, qua Oostergoæ partem à Sylvestribus disterminat, regio jam  
antè Senatui commissam, disfiniri per Deputatos Ordinum voluit;  
forique mûnia, velut ex interregno & per discordias novi veterisque  
Senatus compedita, ad iudicia Ordinum transferri. Itaque per eorum  
apparitorem audiendam ad Sententiâ Vitum Pibonis Abbema tan-  
quam causæ actorem & cum eo Leovardios, Idardios, Tietzerckios,  
Utingeranos una cum Nicolao Iselmûdeno viro Nobili citari iussit ju-  
dicioque ferundo v. Decembris diem præfinivit. Cæterum quid pro-  
nunciatum fuerit, in indigestis illorum temporum actis non invenio.  
Hoc tantum observo, æmulationes jam antè inter optumates & Sena-  
tores regis exercitas isti rei occasionem dedisse, censentibus patribus  
accidendas provincialium lites & simul Senatorium numerum esse, ag-  
gerumque controversias allevandis fori molestijs arbitrijs Ordinum aut  
Delegatorum permittendas.

Tum Rennebergius vi. Eid. Decembris à Matthiâ Gubernatore e-  
vocatus provinciâ Antverpiam celerrimo itinere contendit, ingraves-  
centibus sensim inter illum & optumates suspicionibus, quod bona pa-  
trum consilia trahendo secreta & in pectus demersa suis non popu-  
li commodis reservaret. Igitur ne Ordinum generalium & Matthiæ  
Gubernatoris animum malis artibus instrueret Iulius Bottnia, ut ante dixi;  
Antverpiam cum mandatis confestim missus, tum observandis Renne-  
bergij actionibus, tum ut legatos regij Senatus secretiore ad huc custodiâ  
clausos mole criminum & suspectorum consiliorum oneraret. Itaque  
consulto Ufkenio, qui Antverpiæ negotia provinciæ quoq; pro Trans-  
Lavicanis curabat, hoc effectum dedit, ne 21. mensis, qui dies isti  
actioni tractandæ dictus erat, custodiâ liberandi pronunciarentur, ipsiusq;  
Rennebergij ad diversa respicientis consilia non procederent. Un-  
de Rennebergius, quod suspicionibus gravaretur, acribus verbis in le-  
gatum invehctus est, proque castellis regijs retinendis, quorum diruen-  
dorum causâ legatum Harlingæ diu egisse objiciebat, acerbè locutus  
beneficiorum suorum memoriam excidisse patribus criminabatur.

Itaque (inquebat) quos ego juvi, ab illis mihi malè rependitur,  
regerente & petente Legato, ut si in illis esset, sacramento exsolvere-  
tur, ne pro patriâ loquendo vocis libertatem cum publicâ amitteret. Qua-

*Alia Fris-  
sia.*

*Renneber-  
gij Patri-  
um Frisia  
suspectum  
ad Mach-  
Austriam  
contendit.*

*Un-  
Rixâ Ren-  
nebergium  
inter & le-  
gatum Fris-  
sia.*



clō. Id. re recepto in gratiam legato omne invidiæ onus in Hesselum Ayfma  
 LXXVIII Iureconsultum à Rennebergio rejectum, factumque est, ut conscientiæ  
 testimonio & constantiâ Legati evictus Rennebergius reip. se addice-  
 ret. Quod vero ad fœdus Ultrajectinum attineret, in eo nihil agi posse  
 coram legato obtestabatur, nisi copiâ fœderis à Joanne Nassovio Gel-  
 driæ Præfecto ad Matthiam Gubernatorem transmissâ.

Reliqua quoque Legati mandata communicanda Gubernatori sua-  
 fit, ne derivatas ultro in se suspiciones tergiversando aut mandatis  
 satisfaciendo manifestioribus odijs implicaret. Legatus vero pro di-  
 ruendis castellis Ordinum generalium mandatum implorabat, ac ut Mat-  
 thias Gubernator cautione de non præjudicando admissâ datam fidem  
 principalibus promissis interponeret. Itaque libello supplici de sinistris  
 Rennebergij in remp. suspicionibus conceptis quædam inserta dele-  
 gatique Aldegondius & Leoninus ex confessu Ordinum, qui regij per  
 Frisiam Senatus causam & mandata legati examinarent. Cæterum per  
 absentiam Aurantij Principis omnia tardius expediebantur; Unde fa-  
 ctum est, ut rebus etiam necessarijs moræ necerentur, dubiaque qua-  
 rundam provinciarum fide singularum jus aut illius curandi studium eva-  
 nesceret. Bostuvius, qui cum imperio Exercitus Ordinum duxerat,  
 fato tum functus sequiorem belli & reip. fortunam sua morte afflixit.

Mox percrebescente fama binas militum cohortes in provinciam  
 intruisse, Deputati Ordinum de removendis decrevere, potestate Do-  
 conî Martnæ viro nobili & collegæ factâ, qui de causâ irruptionis co-  
 gnosceret, dubijsque temporum & suspecta sacramenta populationibus  
 ac licentiæ venditantes excedere finibus cogeret. Quod etsi etiam à  
 Caroli Cæsaris per Frisiam Gubernatione præfectorum provinciæ offi-  
 cium fuisset (quos prohibendis Præfecturâ suâ externis copijs ma-  
 jores nostri speciali mandato & sub jurisjurandi religione adegerant)  
 ita per absentiam Rennebergij Antverpiæ agentis finium tuendorum  
 curam Delegati Ordinum susceperunt, ne terrarum limites olim gentibus  
 sacri, tum agri atque villæ vastationibus hostium ac suspectarum le-  
 gionum exponerentur. Quæ ideo sinisterius quoque Deputati Ordinum  
 interpretabantur, quod Rennebergius jam pridem inofficiosi insimula-  
 retur gloriamque prioris imperij & fiduciam patrum suspectis suspicio-  
 nibus minuisset. Mandati tabulæ Epæi & Erasmi Doumæ, Barthij Id-  
 faerdæ, Dirici Fogelsangij, Douwonis Syxmæ & Gellij Sibæi manu  
 signatæ. Quas ipsas hoc etiam maxumè prægravabat, quod Senatui  
 regio, qui Leovardiæ domesticâ adhuc custodiâ attinebatur, judicia ac  
 defensiones derulisset, Matthiæque Gubernatoris mandatum, agente apud  
 Gaudavos directore rerum Aurantio, admittendis Senatorum patro-  
 cinijs impetrasset. Itaque rescripto in Frisiam misso eundi Antver-  
 piam Senatoribus veniam fecit, Petroque Frittema viro nobili ac Se-  
 natorio, Joanni Damero Senatori ac à fisci advocato legatis comnea-  
 tum procuravit. Hoc etiam cavet, ne quis manum legatis injiceret,  
 nevé molestiam crearet, pacisque publicæ sponsonem interceptâ se-  
 curitate subverteret. Rescriptum Rennebergij XIII. Kalend. Ianuar.  
 Antverpiæ indultum.

Itaque per Frisiam procerum animi sicuti superiores per provincias,  
 ut autē



nt antè contectis æmulationibus, ita tum discordijs dissociabantur. CL. IO.

Mox repescendis ab Episcopo tabulis permutatione agrorum inter LXXVIII Episcopum & Achlenios Lunckerkiosq; coenobitas scriptis Doco Martna delegatus, petente Pompeio Roorda Ecclesiasticorum bonorum quæstore ut tabulæ præstarentur. Quibus exhibitis parante abitum Episcopus Legati intercessionem petit pro annua pensione, delegato Episcopus pro annuâ pensione sustentandæ vitæ obtinendâ legatum ut intercederet oravit, qui pridem in dignitate & affluentia rerum constitutus reliquium ævi, quod brevè esset, procul contemptu egestatis transigeret. Quæ quanquam Delegato Martnæ viro prudenti & humanitatis artibus imbuto ultro commendata, quo vir Pontificio & regio cum diplomate in provinciam missus ab extremis fortunæ abesset, ita Delegatus criminabatur Episcopum mandatis Ordinum non paruisse, jussumque lustrandis templis cæterisque Episcopalibus ceremonijs abstinerere antiquam potestatem odio Ordinum & concitandis turbis exerceuisse. Igitur suadere Episcopo ut in posterum ab hujusmodi potestate usurpandâ cesset, ne secus faciendo læsæ autoritatis publicæ severitatem experiatur.

Cæterum Episcopum, quo inanis solatij fallacem eventum præveniret, veterisque fortunæ memoriam alens constantiæ gloriam etiam in adversis retineret, pauca delegato regessit testatusq; Episcopi auidacia. SE (verba sunt) IN MANIBUS HOMINUM ESSE, retinendæ nihilominus potestatis non difficilem fiduciam sumpsit. Itaque juri meo (inquiebat) resautiare, & superfedere obeundis sacris ministerijs in animum non induxi, nisi jubear illorum mandato quorum autoritatem & beneficium meis factis obtendo. Quæ ab Episcopo præsentibus præfule Achlenio, Iacobo Cronenburgio, Gosiuno Foppio & Ludovico Foxio actuario publico, delegato Martna reposita causam magis Episcopi & post Ordines exacerbavere. Hæc Nonis Ian. facta. ANNO CL. IO. LXXIX.

Tum pacatâ Gandavensium urbe & simul inquietudine, conciliandis Valonum dissensionibus omne studium adhibitum, quo provinciarum Belgicæ corpus jam antè innovatis tot foederum rogationibus connexum, compositis partium discordijs coalesceret. Cujus boni spem De conciliandis Valonum dissensionibus agitur frustra, etsi alerent qui concordiæ & paci consilium suggerebant, ita erant qui simultatibus innutriebantur regique & Romanis sacris fervidè ac serviliter dediti, Ordinum imperijs & licentiâ religionum offenderentur. Ita quod extirpandis civilium animorum odijs inventum credebatur ferendis usurpatum est, eo provectâ infelici discordiâ ut apertis secessionibus pararetur. Cui malo à præcipuis autoribus Episcopo Atrebatense & Ioanne Norcarmio (qui spiculatorum Philippi per Hispaniam ductor incertas conditiones pacis haud pridem attulerat) cæterisque fomenta subministrabantur, quanquam mihi actorum fide deprehensum sit, ipsum quoque Farnesium Limburgi agentem, dignitate regij imperatoris vix acceptâ, mobiles Valonum animos rumpendis provinciarum foederibus & conventionibus sollicitasse. Igitur secretis illorum conventibus quos faciendis secessionibus agitaverant, regis sui commodum includebat, quasi in eo positum esset, ut repudiata provinciarum societate, imminutam Philippi & Romanæ sedis autoritatem obtinendo, de novâ cogitarent. De se vero fidem faciebat, nihil

elo. Io. magis gratum sibi acceptumque esse posse, quam si in cultu Romanæ religionis, in obsequio Regni perseverent, aliosque instigando opimos consiliorum fructus regis commodum, ex se gloriam atque decus expectent. Itaque evenit ut fidem legatis Ordinum datam violando à societate provinciarum desciscerent, foedusque clandestinum VIII. Eid. Ian. Attrebatum ictum recepto omnium Belgicæ nationum foederi obtruderent. Quod quamvis superficie tenus intuendo à religionis odio & diversis in Philippum regem studiis profectum diceretur, tamen fato magis accidisse mihi verisimile est tantamque rerum perturbationem, cum humanâ ope & consilio per sanari nequirit, immutabili providentiæ necessitate in foelicibus provinciis obvenisse.

Præsertim cum ea mutationum omnium his in terris lex atq; conditio sit, ut à supernis tanquam causis profisciscantur stellarumque motibus aut influentijs ascriptæ fati magis, supra astra adsurgentis ineluctabile imperium, quam humanæ voluntatis arbitrium agnoscant.

*Fadus Valones inter & Parmensem ictum.*

Igitur Hannoniæ, Artesiæ sociorumque foedere continebatur, ut iustum legitimumque esset, Romanæque Religionis & Philippi regis cultum atque obedientiam, denique pacis apud Gaudavos ictæ fidelem observantiam includeret. Hoc etiam additum, ut istud foedus promiscuæ religionis tolerandæ decreto (quod IV. Eid. Iul. Antverpiæ per scriptum erat) adversum esset, unaque religio majorum traditionibus & autoritate Romanæ Sedis fulta per provincias & in Philippi ditionibus doceretur.

*Cui prohibendo Ordines frustra incumbunt.*

Quibus attemperandis etsi egregiâ animorum moderatione & illustrium virorum legationibus Ordines generales intercederent, ita econtra illorum studiâ pronis odijs accipiebantur, reagentibus Hannonijs & eorum socijs Ordines eosdem primos foederum ruptores ex religionis pace discordiam sevisse remediaque civilibus malis quærendo incremento suffecisse. De se vero testabantur, Gandavense foedus veneratos pacem tam diu coluisse, dum novitate rerum & religionum offensos à sacramenti & pactorum oblitis non malus animus, sed avitæ religionis & regiæ maiestatis reverentia divulsisset. Quamobrem esse, quod Ordines generales Dei iudicium, regis Philippi iram, præsentis ævi damnationem, apud posteritatem infamiam expectent, quod foedera, quæ sanguine potius & morte sanciri debuissent, violando, fovendis partibus & earum studijs, nova & à Gandavensi conventionione aliena etiam distrahendis provincijs repperissent.

Ad quæ Ordines generales: Nihil magis unquam sibi curæ fuisse, quam ut foedus Gandavense factum inviolatumque caverent, cuius ea prima & potissima lex esset, ut indivisas provincias præstaret mutuaeque ad auxilia præter patrij juris quod violatum erat, restitutionem exterminandæ peregrinæ genti obligaret. Cujus foederis religione ne exsolvi quidem adhuc vellent, parati datam conventioni fidem non ore tenus sed facto adstruere. Sed religionis discordiâ, cuius Austriacus autor fuisset, impulsos Artesios primos societatem exuisse, quod scire eos crederent quos conscientiæ testimonium redargueret. Se vero non inani gratiæ ex Hispaniâ petiti, non Escovedi malis artibus aliquid daturus, laturosque ut provincias sanctissimo Gandavensi fo-



fi foedere colligatas paucorum levitas ac defectio dissolvat. Ideo cum Id. Id.  
Hollandis Zelandisque eadem conventionem depactos ne religio civilis LXXIX.  
vitæ vinculum & conciliandis dissensionibus efficax, seminandæ discor-  
diæ reperta diceretur. Quare monere Artesios ceterosque, ne Ca-  
tholicæ religionis studium supersticiosius retinendo amittant & cum  
eâ dulcissimæ pacis possessionem, quam solam præstare religio possit,  
cum civili concordia peritura. Hanc Artesios sociosque amplecti debe-  
re ac sua potius, quam externa consilia sequi & quidem eorum, quo-  
rum vires ex domestica provinciarum secessione habituræ incrementa  
essent. Hæc cum cæteris v. Non. Mart. scripta.

Hoc vero per Frisiam Deputatos Ordinum urebat, quod Renne- Deputati  
Ordinum  
Frisiæ in-  
dignantur  
Renneber-  
gii cum  
Senatu re-  
gio consu-  
surrare.  
bergij intercessionem Senatus regius velut libertati restitutus animos ef-  
ferret, sacraque & conciones frequentando ad intermissa rei divinæ of-  
ficia cum sui invidia redisset. Quare ijdem & rationibus provinciæ  
præfecti per suos ad Achlenium Præsidentem missos copiam decreti popo-  
suerunt, libellumque Senatus foedis & haud dubie falsis criminationibus  
aspersum unâ cum rescripto Gubernatoris ostenderet. Cæterum Ach-  
lenius præses, læsæ dignitatis indignatione & quod angusti confessus pri-  
matum privatâ ac diu suspectâ custodiâ vertisset, libellum petentibus ne-  
gavit, eorumque non interesse ut de eo cognoscerent, acribus verbis re-  
spondit. Dein interrogantibus, num collegialiter, ut vocant, ac univer-  
si confessus nomine obtulissent, idem ex vero constanter affirmavit, co-  
actoque Senatu Emskerckium & Heymannum Curia regis actuarios  
exhibere libellum unâ cum rescripto urgentibus Deputatis fecit. Igitur  
innuebat Senatus non secreta ædium, non domesticum limen egressos, in  
templo ac coetu comparuisse, quam ut veniâ a Gubernatore provincia-  
rum impetratâ, audiendis sacris sermonibus se darent, animosque ægri-  
tudine ex injurijs temporum correptos foelicis verbi solatio allevarent.

Heymannus scribit Deputatos censoria tantum & veteri, etiam sub  
Carolo ac Philippo usurpatâ potestate instructos, habendis legum ra-  
tionibus præfuisse, in ijsque eo anno Doconem Martna, Epeum Douma  
Hallenum, Lasium Iongema, Diricum Fogelsangium Jurisperitum,  
Erasmum Douma, Barthium Idzaerda jureconsultum, Gellium Sibæum  
Consulem Leovardienfium, & Douwonem Sixma Consulem Frane-  
querensium fuisse. Siriacum quoque Haersma, Oedsum, Arnoldium,  
Gellium Broerium & Ioannem Aysma provinciæ rationes & ararij or-  
dinem administrasse.

Mox à Rodolpho II. ejus nominis Casare in provincias Belgicæ Otto Suarezina  
burgius à  
Rodolpho  
II. in Bel-  
gicam ab-  
legatus ad  
concilian-  
dam pa-  
cem Regem  
inter &  
subditos.  
Henricus Suartenburgius cum mandatis missus, prætentandis Ordinum  
& Aurantij animis, quos ab ineundâ cum rege Philippo pace amplæ  
foederum spes & externæ societates, tum præcipue dissidentia debilis  
in regem fidei alienabant. Itaque Legati in diversa locorum comme-  
antis industriâ & sollicitudine nihil omittebatur, quod validum atque  
utile faciundæ paci esset, cuius auspiciis Philippi quoque litteræ in  
provincias & ad civitates missæ detectâ sollicitatione morabantur. Sed  
maximè Artesijs sociisque ob institutas à cæteris provinciis defectio-  
nes grates clam actæ, quamvis famâ & communiione secretorum non  
inhiberet, quin in plures etiam Philippi amulos emanarent.



clō. 10.

Litteræ hujusmodi erant.

LXXIX.

Litteræ  
Philippi  
Regis ad  
Artesios eo-  
rumque so-  
cios.

**I**NTELLEXI cum gaudio quo pro conservando Artesiæ comitatu fecistis cum pulsâ hereticorum & pravâ religione imbutâ neque à seditio- nis crimine immuni multitudine, Romanâ Religionî stabiliendâ animos atq; consilia impendistis. Cæterum quoniam metus adhuc ab oppressione hostium, & Aurantij præsertim principis imminet, dabo operam meis auxilijs ut ab illo vos liberem, onusque belli, quod grave vobis ferundo erit mea subsidia levent. Igitur omne, quod à Deo concessum meâ potestatis erit, polliceor regiâ fide, sub- movendis sinistris suspicionibus caveo, me ab Hispanorum consilio vos liberaturum. Quos quoq; alio terrarum faceßere aut revocari faciam, modo videro repressum Au- rantium in sua rediisse. Neque aliud interim peto, quam ut in Romanâ religione & eâ obedientia perseveretis, quam sacratissimo Cæsari vos & Majores præstitistis. Igitur vos ipsi & nostrum in vos affectum & vestra commoda circumspicite, hac præsertim tempestate, qua de imperio & simul regio fastigio nos dejicere Gal- lorum consilia moluntur. Quæ aut si sint inter vos, qui soveant, aut qui suarum rerum incuriosi negligant, in sua damna proni atque proclives, testor ex- tra culpam ejus esse, qui bellum coactus sustineo. Inter arma tamen quæ gero, voto pacem complector, cujus certissima spes affulsura est si in meo ob- sequio duretis. Interim ad occasiones quasq; gerendarum rerum attentî estote, neque finite negligi elapsuram è manu fortunam, cujus rationem jam antè minus vos habuisse, & ego rex non dissimulo & quotquot boni inter vos sunt, non ignorant. Qui de affectu meo regio quo certi esse queant, experimentum abunde sensuri sunt, modo hoc agant, ut Lamotij consilio locum faciant, de quâ in posterum salute solliciti sint.

Litteræ III. Jan. Mantuæ Carpentanorum Philippi manu signatæ ac in Frisiâ post perlatæ pro animorum statu odia aut gratiam invenere.

Aurantius  
summâ ope  
nititur pla-  
care Andri-  
num & si-  
mul Artesi-  
os Hannio-  
niosque.

Econtra Aurantius Gandavi adhuc huc agens & de mitigando An- dino & pacunda Artesiæ Hannnoniæque defectione laborabat, non sine vanâ mentis & fiduciæ interpretatione optimæ paci propediem locum fo- re, & quæ omnia diffensione aut bello depravata aut amissa reparare aut restituere queat. Sed quippe confectum per Artesios ac Hannionios foedus, Andinus ob mortem fratris revocabatur, offensionem ex arte te- gens, pacis negotio non serviebat ei quod de deferendis quoque provin- cijs cogitans vim alicujus imperij ex antiquâ conventionem præferret. Itaq; affectus & velut juris antiqui argumenta speciosis litteris præfereban- tur, quamvis indignissime haberet Ordines Belgicæ Suartfenburgio Cæsaris legato urgente, plus Cæsari & Germaniæ quam Galliæ regno & suo principatui deferre.

Itaque datis ad Ordines xv. Kal. Febr. per Prunicauxium legatum litteris increpando commonuit ne quam pacem, quam Suatzenburgius proponebat, cum Hispano, nisi se consulto ex formulâ antiquæ conven- tionis facerent Cæsariq; ejus faciendæ potestatem factam se petente revocarent. Neque Ordinum Generalium decretis Artesij eorumque socij suffragabantur qui pertinacem sui foederis, de quo dixi, senten- tiam profitendo Philippi regis plus gratiæ quam antiquo sociorum fœ- deri dabant asperumq; & breve remedium hærenti ut ajebant, in vi- sceribus suis malo flagitabant. Quo negato statuturos de sua Salute

regerebant, postquam alienâ destituti propriâ & ex se petita medicis. Id. nâ usum implorare poscenti miserâ cogerentur. Ita omnia præter LXXIX. Aurantij opinionem infida publicum bellum spectabant.

Quamvis actorum fide probatum sit Matthiam gubernatorem & Aurantium principem de consilio Status & Ordinum generalium æquissima quæque Montinio & ducibus partium aliena à religionis pace postulantibus, vergente Januariomense obtulerint. Cæterum consilia procerum confundens fortunâ & velut crudæ bellorum tempestatis avida multis in civitatibus civilia & præsidiorum arma commiscebat, dissidioque sacrorum templa ac fora partium conflictibus destinabat. Itaque motus Antverpiæ & Neomagi exitio domesticæ pacis ortos optimi quique ominabantur, Hispanosque expugnatâ Carperiâ arce superbas & per Cliviam ac Iuliacensum fines sparsos, Geldriæ oppidis ac munitionibus certissimas obsidiones comminari. Sed communem provincialibus metum Rudolphi Cæsaris sollicitudo & desiderium Belgicæ pacis allevabat & quod Otto Henricus Suartsenbergius Imperij legatus modo ad Ordines, modo ad Alexandrum Farnesium regiæ militiæ imperatorem commendo animos, etiam fato aut sponte dissidentes ad studia pacis sollicitaret.

Hoc vero Ordines nonnihil urebat, quod Farnesius totum negotium de mandato & exemplo Philippi regis deferri arbitrio Cæsaris vellet, aliâque sub conditione etiam honestâ & ad pacem suasoriâ omnem conventum aspernaretur.

Itaque decreto Antverpiæ x v. Kal. Februarij perscripto declararunt à Farnesio se molliora & servitura paci sperasse, cæterum relatione Suartsenbergij auditâ, difficultates quasdam pacis actioni injectas offendisse. Tamen ejus amore & in regem fide, paratos esse Cæsari cognitionem rerum & judicium deferre, modo æqua essent, quæ Farnesius postularet & Cæsar tantæ molis tædium non defugeret. Quare legatum ad Cæsarem ocysus missuræ, qui de suo in pacem affectu eum edoceat & quam optent funestam belli tempestatem optimæ & æternæ pacis novâ serenitate sedari. Neq; aliud Rudolphi optimi Cæsarem consilia spectabant imperatoriâ voce coram Belgicæ legato, mox misso ad Ordines decreto, fidem facientis nihil magis illi post susceptam Romani imperij & tanti regiminis molem curæ fuisse, quam ut Belgicæ cæterarumque ditionum miserâ & calamitati subveniretur. Itaq; de illius remedio cum principibus Imperij multum consultasse, quibus ut & ipsi Cæsari visum esset, belli mala non nisi maturatâ pace perianari posse. Sed moræ rerum alia quædam, velut malo, ut loquebatur, fato intervenisse, quæ salutari procurandæ pacis consilio facile emendarentur. Igitur se Cæsarem neq; labori, neq; sumptui, neq; molestiæ parciturum, facturumque ocysus ut turbis per provincias quies, bello pax succedat. Eum in finem supremo Curia suæ Mareschallo Ottoni Henrico Suartsenbergij Comiti per unum ex purpuratis suis Danielem Printsum in mandatis dedisse, ut de Ordinum voluntate cognoscat deq; eâ ad Cæsarem referat. Et quamvis ipse de Ordinum ad pacem inclinatione interea certior factus sit, ita tamen se metuere, ne Alençonij & Casimiri cum Ordinibus res remoram paci aut armistitio facturæ sint.



CL. I. 9. Igitur Matthiam Archiducem Belgicæ Gubernatorem & ipsos quoq;  
 LXXIX. Ordines de amovendis Alençonij & Galliarum copiarum incommodis monu-  
*Cæsar Co-* nuissæ, minuendis Philippi regis suspicionibus, quas ex Alençonij socie-  
*loniam A-* tate hausisset. Se vero totum in eo esse, ut non habita Farnesij aut  
*grippinam* Ordinum cunctatione & arma utrinque sistat & locum conventui Co-  
*conventui* loniam Agrippinam designet, legatosq; suos istiusmodi mandatis instru-  
*Et urgendo* at, quæ ditionum Belgicarum tranquillitati ac usui cedant. Sperare  
*pacis nego-* se Deum pacis autorem isti concilio interfore, nisi divinæ benignitatis  
*tio designat* cursum præposteræ conditiones morentur. Nam id paci non conduce-  
 re, quod Ordines, nisi intra trimestre actio cœptæ pacis definiatur, de  
 revocando Andino cogitent. Neque enim latus Cæsarem & Roma-  
 ni imperij Electores, externum principem in finibus Imperij aut ijs pro-  
 vincijs constitui, quas non separari à Rom. imperio Cæsaris & Phi-  
 lippi domusque Austriacæ interesset. Sed hoc necessum esse ut Or-  
 dines suæ salutis & incolumitatis rationem habeant, & ne pernicio-  
 sa consilia exitio patriæ suæ destinata in præcipitando pacis negotio tue-  
 antur. Oportere rationem temporis & ponderosæ actionis haberi &  
 aut non præfiniri diem, aut præfinitum proferri ne Matthiæ Gubernato-  
 ris & Austriacæ domus existimatio injuriam ex tam odiosis conditio-  
 nibus sentiat. Quin eorum potius qui evocandi in Belgicam Archi-  
 ducis autores fuere, officij esse reliquos apud socios hoc effectum da-  
 re, ut & cætera sua mandata valeant, de quibus Suartsenbergius sere-  
 nissimum Archiducem docturus sit. Itaque huic fraternam integerri-  
 mamque mentem, illi Cæsaris gratiam & propensum animum deferre.

Mox RUDOLPHI litteræ ad Ordines subjunctæ hunc in modum.

Reverendi Illustr. Gener. & cæt. Fideles & Dilecti;

**C**OGNOVIMUS ex consiliarij nostri ac supremi Curie Ma-  
 reschalli Comitæ SUARTSENBURGII relatione vos concor-  
 diæ deditis non pacem solum, sed armistitium insuper arti temporis flagi-  
 tare. Quod consilium majestati nostræ quam maxumè placuit. Cæte-  
 rum quoniam FARNESIUS ab illo alienior est, remque ad CARO-  
 LUM Arragonium Castrenantium deferri curavit, dabimus operam, ut eidem  
 Arragonio regis PHILIPPI Legato ejusdem vobiscum consilij autores si-  
 mus. Interim Alexandrum Farnesium Parmæ principem per litteras commo-  
 nemus, ne morosum isti negotio se præbeat, quod faciliè promoturus erit si AN-  
 DINUM Gallicis cum copijs excedere Belgicā, reliquaque mandata vim ac  
 robur habere faciatis, quæ Legato ac Oratori nostro Suartsenburgio commisi-  
 mus. Et quoniam nobis cura est, ut pacis actio quam primum celeretur, lo-  
 cum Colonie ad Rhenum legatis nostris, PHILIPPI atque vestris præ-  
 scripsimus, de die quoque deliberaturi ut eum quoq; ocius bono publico præfiamus.  
 Litteræ Praga XVI. mensis datæ & Rodolphi Cæsaris manu signatæ.

Trajectum  
 ad Mosam  
 ab Ordini-  
 bus negli-  
 genter.

Reperio in actis provinciæ Melchiorem Suartsenbergium præsidium  
 Trajecti ad Mosam cum imperio agentem, velut obsidionis sollicitum,  
 auxilia & com meatum Ordines generales tum petisse, deque eorun-  
 dem Ordinum tarditate & incuria questum, funestum provincijs & si-  
 bi ipsi fatalem civitatis casum prævidisse.

Mox



Mox Ordinum ad Rodolphum II. litteræ missæ.

CLX. 10.

**N** I H I L study, laboris atq; molestiæ IMPERATOR A U-  
GUSTE, à nobis prætermisum est, quod & conciliandæ cum P H I-  
LIPPO Catholico rege nostro & quidem æquis conditionibus, paci  
conduceret & semel provincias à bello liberaret. Igitur Oratorem tu-  
um Ottonem Henricum Suartsenburgium rogavimus, ut ex præscripto  
mandatorum tuorum ad Farnesium iret, cumque illo de conditionibus pacis  
conferret. Quod cum ab eo factum esset, post mensem isti legationi insump-  
tum, rettulit, Farnesium non aliâ conditione pacisci velle, quam si totum  
negotium, quod à Catholico Rege factum erat, tuo arbitrio peroritteretur.  
Quod subterfugium pacis tanto magis admirationi nobis fuit, quod ex Orato-  
re jam antè accepissemus, Regem nostrum Catholicum non alia ratione negotium  
hoc, quam ad intercedendum, tuæ majestati detulisse & quæ ipsâ non vellet, ve-  
teriore onere, aut mandato se gravari. Interim ut majestati tuæ, atque adeo  
terrarum orbi de nostrâ in pacem propensione & præstandâ Regi Catholico obe-  
dientiâ testaremur, modo iusto & moderato imperio nos regat, fidem facimus,  
nos totam pacis actionem tuæ sententiæ permittere, si quod Orator tuus ca-  
vit, medium te ex litterarum tuarum formulâ 22. Dec. dat. conciliandis par-  
tibus geras. Hoc vero maxumè cupere nos scias, ut antè Kal. Mart. proxima-  
mas totum negotium terminetur, ne morâ elusi incerta auxilia quærere cogamur  
& actionem deferere cum Andino captam, cui Kal. Martiæ præfinitæ sunt.  
Quod ipsum ex Legato Archiducis Matthiæ Antonio Lalaimo Morvillero te  
accepisse non dubitamus. Quamobrem, Imperator Auguste, quod futurum  
te confidimus, etiamnum rogamus, ut reip. nostræ securitas, Status, dignitas  
atque splendor tibi curæ sint & ut ea restituantur, quæ dolo aut per vim amissa  
sunt. Quod beneficium nos tuæ majestati quoque acceptum feremus, id voto  
complexi, ut Deus Imperio tuo desideratam nobis pacem & felicitatem largia-  
tur. Antwerp. VII. Kal. Febr.

LXXIX.  
Litteræ  
Ordinum  
Gen. ad Ro-  
dolphum II.

T. Cæs. Majest. devinctissimi.

Ord. & Status Provinc. Belg.

Invenio ex litteris Caroli Roordæ xv. Kal. Febr. ad Deputatos  
Frisiæ Daventiâ datis Andinum discessus sui causam in morbum regis  
fratris, qui morti proximum ferebatur, rejecisse, etsi essent qui  
crederent ex detecto secretiore consilio pudefactum & velut fortunæ  
succensentem allevando animi morbo Galliam repetiisse. Cæterum  
Condæi subsistens & à legatus salutatus, ne tum quidem consilij certus  
spectabatur, ita variâ & mutabili mente ut locum custodiæ corporis &  
præsidio idoneum poscens, de reditu cogitaret. Sed regis litteris per  
Guadagnium Præfulem & ab ipsâ matre sollicitatus nobilissimâ juventute,  
quam in comitatu hebabat, præcipuos in Galliam præmisit datisque  
Condæo supremis ad Ordines litteris eosdem valere, deque affectu  
principis animi certos esse iussit. Hoc etiam subjunxit, ut quoniam  
Ordinibus Belgicæ novam legationem sui in gratiam institui placuisset,  
eam gratam sibi acceptamque fore, non sine certâ spe in finibus Pro-  
vinciarum & Galliæ agenti offerri adhuc posse. Adeo generosæ & natæ

Inferenda  
de Andino.

VI. Kal.  
Febr.

clō. Id. tā ad magnā indolis consilium secretā erroris confessione vincebatur.

LXXIX. Igitur Andino in Galliæ fines provecto ac suspitione defectionis Vatonicæ magis validā Aurantius præveniendis ulterioribus malis, de maturando inter provincias inferiores novo fœdere cogitavit, non ignarus correptam odio aut gratiâ provincialium multitudinem facili in partes trahi animosque diversis opinionibus & studijs imbutos velut tempestate quadam aut æstu gravandis secessionibus impelli. Quippe Hannoniæ & Artesiam exemplo præisse reliquosque aut societati eorum inligatos, aut imprimis faciles, peculiari animorum morbo, vetere disciplinâ supersticiosius imbutos, in majorum sacris suam & publicam provinciarum salutem atque incolumitatem collocare. Neque Hollandiæ & Zelandiæ etsi societatem ex communi periculo induissent, tanto armorum oneri & regiæ potentiae parem, quæ tanto major futura sit, si Austriaci morte & successione Farnesij peritissimi belli & legionum Ducis resecta, intestinis quoque dissidentium provinciarum defectionibus subjuvetur. Itaq; expedire Geldriæ hostium armis maxime expositam & recentium malorum sensu ad huic ingemiscentem Hollandico Zelandicoq; fœdere allevari, ex quo istæ nationes ea commoda quoq; accipere queant, quæ potestatis hostium facta, magna ad res prosperè gerendas momenta allatura sint. Quippe Rhenum, Mosam, Vahalim & Isalam flumina provinciarum olim sub Romano imperio munimenta, firmitati istarum terrarum cefsisse, quarum adhuc ripas lato & patiente navium alveo perstringentia torrentium aquarum vis emuniret. Frisios quoque, etsi longius dissitos, ubertate soli & nato ad libertatem ingenio fœlices societati Hollandicæ innectendos, subvectandis in vicina comitatibus, quos fertilissimis terris editos aut apertum mare aut latissima æstuaria præstarent. Denique nihil magis securitati rerum, quam sanctionem utilissimi fœderis conducere, quod discretis provinciarum opibus viribusque vinculum ac robur daturum sit.

Itaque negotio fratri Joanni Nassovio, qui Geldriæ præfecturam susceperat, commissio selectisque per Frisiam, qui profutura fœderi curarent, conventum Goroumi ad Vahalim flumen Ordinum Hollandiæ Zelandiæq; indixerat. Ibi Nassovius verba faciens inter cætera de promovendo imprimis fœdere proposuerat, ac ut Frisij ad adeundam necessarii fœderis societatem honestis rationibus sollicitarentur. Sed per istam provinciam cruda omnia & salubribus consilijs necdum excocta reperiebantur, ambiguis provincialium & simul præfecti studijs, quæ regij adhuc nominis & Romanæ religionis professione velata, plerosque ut imperitam multitudinem solent, supersticiosius & in ijs potentissimos quoque ad alia trahebant. Itaque omne debile ac infirmum non nisi lento remedio curabatur, quod ingruentis periculi moles non ferebat, indivisasque Belgicæ gentes, etiam populo Frisco suæ libertatis & simul fœderis incurioso, hostium furoribus exponi. Quamquam actis perscriptum sit, Hollandiæ Zelandiæque legatos Aurantij & Joannis Nassovij consilium, quod sollicitandos Frisos suaserat, approbasse decretoque cavisse; Ut Frisij in communem præconcepti fœderis adiscerentur.

Cui sanciendo conventus ad xv. Eid. Ian. Ultrajecti indictus, ubi Ioan-

Et hoc negotium Fratris Ioan. Nassovio commisit.



Ioannes Nassovius fraterni consilij & foederis auspex cæteris cum legatis. Id. tis se sistingebat. Quorum prudentiâ & festinatione conscriptum & in LXXIX. acta relatum, causam initæ societatis & simul formam hunc in modum expressit :

**Q**UANDO QUIDEM deprehensum est à tempore pacificationis Gandavenſis, (quæ mutua fidei Belgicæ provincias ad pellendos finibus Hispanos cæterosque peregrinos obligaverat) eosdem Hispanos cum Ioanne Austriaco cæterisque fautoribus, nihil aliud molitos esse, & etiamnum moliri, quam ut easdem provincias tyrannicis suis dominationibus ac perpetuæ servituti subijciant, sædus Gandavense infirmum aut subvertant, earundem provinciarum certissimo exitio, missis eum in finem clam ad diversas civitates litteris, & in Geldriam armatâ manu irruptione factâ. Eâ de causâ Geldriæ, Com. Zutphanie, Hollandiæ Zelandiæque Comitatum, Ultrajecti & Frisiorum Omlandie inter Amasum & Lavicam Ordines necessarium duxerunt, in arctius & specialius sædus consendendi, non ut antea acti fœderis vim & efficaciam solverent aut resolvi curarent, cæterum ut illud robur acciperet, adversumque omnia incommoda & conatus hostium provincia sue defensionis certæ forent. Igitur ad amovendam graviores inter provincias secessionem, salvâ Gandavensi conventionem & Rom. imperij jure, ydem Ordines per delegatos mandatis suorum instructos definierunt sanciveruntq;.

1. Provincie in sædus cœiunt. Illud firmum, indivisum perpetuumq; maneto. Testamenta, codicilli, donationes, cessiones, permutationes, emptiones, pacis aut matrimonij pactiones non infirmant. Provincij, oppidis, provincialibusque singulis immunitates, statuta, consuetudines omniæque ac singula jura integra sunt. Ea adversum oppressores, etiam quoscunque jure aut armis experiuntur. Controversias inter provinciales ex eorum causâ natas, ordinaria judicia aut arbitratorum compositiones dirimunt. Socijs inter cedendi jus est.

II. Provincie adversum quosq; etiam regij nominis pretextu utentes, auxilia & subsidia mutuum conferunt. Ista ex iſto apud Gandavum fœdere, aut recepto Matthiæ Gubernatore, aut reducendâ Romanâ Catholicâ religione, aut ob motus ab anno CLO. ID. LVIII. ortos, aut huius fœderis sanctionem non cessant. Vnius discrimini commune auxilium subveniunt.

III. Idem adversum externos, inquilinosque Principes, provincias, civitates vim aut injuriam inferentes paratum esto, cæterum de eo Ordines generales pro re natâ cognoscunt.

IV. Defendendis quibusque provincijs oppida cæteraque loca limitanea muniunt. Sumptuum partem mediam provinciales, alteram socij ferunt. Novæ munitiones impendio omnium provinciarum extruunt.

V. Impensarum subsidia tributa sunt. Ea è vino, cerevisiâ, terendo frumento, sale, aureo, argenteo sericoque panno, animalibus cornutis atque quadripedibus, agris seminato, mactato pecore, equorum boumq; venditione aut permutatione, dein ex rebus libris subjectis habent. Formulam communi suffragio concipiunt. Census regius deducto ære alieno subsidiarius esto.

VI. Collationes, pro rerum exigentiâ tuendo fœderi eiusque oneribus de communi consilio intendunt remittuntq;.

Alys usibus quam publicis non serviunt.

VII. Limitanea cæteraque urbes, ubi necessitas exigit, provinciarum arbitrio, de consilio Præfecti provincie præsidium recipiunt. Provincia stipendia danto. Centuriones militesque, præter sacramentum fœderi dictum, urbi quoque aut provin-



vinciæ pignerant. Id in formulâ militaris Articuli scribitur. Prædictum disciplina pareto. Civibus agrarijsque damnum aut vim non facito. Eorum onera in collationibus ferto. Provinciæ præsidiale æs pendunt. **VIII.** Habendissimè promptu auxilij intra mensem provinciales ab anno **XVIII.** in **LX.** describuntur. Censu capitum acto, quod provinciarum securitati serviat, primo conventu fœderati Ordines statuunt. **IX.** Ordines generales pacem aut inducias non faciunt, bellum non suscipiunt. Tributa non nisi de consilio provinciarum ordinant. Earum suffragijs, si præponderent, dum aliter statuatur, pro more stant. De bello, pace aut tributo, dicidentibus Præsæditi provinciarum subveniunt, qui si discrepent, alios arbitros adiscunt, litem terminant. **X.** Provincia, oppidum fœdus aut societatem sine sociorum consensu cum vicino Principe aut gente non facito. **XI.** Externus Princeps populusve in fœdus aut societatem de suffragio provinciarum recipitor. **XII.** Moneta usus ac valor, ex formulâ de eo concipiendâ, par ac unus per provincias esto. **XIII.** In causâ Religionis Ordines Hollandiæ Zelandiæque suo arbitratu agunt. Reliquis fœderatis provincijs ab edito religionis (à Matthiâ Gubernatore de suorum consilio & Ordinum generalium decreto) promulgato non recedere liberum esto. Pace publicâ de singulorum privatorum jure ac fortunis cavento. Conscientiæ nullam vim ex Gandavensi fœdere faciunt. **XIV.** Canobitæ ceterique Ecclesiastici bona sua, uti possiderunt, ita possident. Reliquis, qui durante bello, desertis canobijs in Hollandiam Zelandiamque aut ex his alias in provincias se contulere, alimenta præstantur. **XV.** Eadem ecclesiasticis ex aquâ causâ ordinem statumque vitæ mutare cupientibus, dantur. Reliquis vero à tempore scripti fœderis monasticam vitam professi & deserentibus nullum beneficium obvenit. Religionem & habitum seligere cuicque liberum esto. Canobiorum rectoribus pareto. **XVI.** Dissensiones inter provincias seorsim natas, reliquæ aut ij qui isti actui destinabuntur, sanant. Omnium vero provinciarum controversias intra mensem & citius ex æquo Præsæditi componunt. Ab ijs vero, quæ aut Provinciæ, aut delegati earum, aut præsediti definierunt, nulla provocatio esto. **XVII.** Provincia exteris Principibus aut populis, occasionem belli non danto, exteris inquilinisque jus dicunt. Id prolatum cetera ex proprio provinciarum jure & consuetudine corrigunt. **XVIII.** Provincia in præjudicium alterius sine communis decreto tributum aut navale vectigal, non imponit. Æqua omnibus onera sunt. **XIX.** Fœderati eorum auctoritate quibus ista competet **VI.** trajectum citati ad diem dictum, qui in citatorij litteris nisi res silentium exigat, exprimetur, instituendis consultationibus se sistunt. In omnibus suffragiorum pluralitatem sequuntur. Absentium ratio non habetur. Qui comparuerunt, bono publico rem definiunt ac observant. Isti absentes (nisi secus rei gravitas exigat, etsi illa moram non ferat) parent. Aliiter repetitâ citatione certum ad diem evocantur, nisi compareant suffragandi jus, nisi scripto id transmissum fuerit, amittunt. Reliqui, quod ex usu erit, sanciunt. **XX.** Fœderati de singulis, quæ aut provinciarum commodo, bono aut detrimento cedent, ad proximos perscribunt. Isti reliquos provincijs evocant. **XXI.** Fœderati dubiâ hoc fœdere comprehensa concordibus suffragijs decidunt. Ista si divisa sient, præsediti provinciarum componunt. **XXII.** In conditionibus fœderis si quid mutandum aut addendum fuerit, id in potestate fœderatorum esto. **XXIII.** Leges fœderis fartas rectas provinciales præstant, nisi fa-

si faciant, eorum qui infringent, personæ & bona ubi vis locorum, apud quemcunque etiam iudicem detinentor. Nullâ juris exceptione aut beneficio fruuntor. *Io. Io. Lxxix.*  
 Generali renuntiationi, nisi specialis præcesserit, locus non esto. xxiv. Præfecti provinciarum tam præsentis quam futuri, Magistratus & supremi officiales provinciarum, oppidorum & partium in leges fœderis & earum fidelem observantiam jurant. xxv. Idem collegia & sodalitates in oppidis vicisque faciunt. xxvi. Acta fœderis ritè concepta Præfecti & Magistratus supradicti sigillis muniunt, suâ & actuariorum manu signant.

Quæ fœderis capita à Joanne Nassovio Geldriæ Præfecto, Alexandro Tellichio, Ægydio Piekio, Ioachimo Lirano, Alexandro Bentingio pro Geldris. Pro Hollandis G. Poelgeest, Paulo Busio, Regnero Cantio, pro Zelandis Gulielmo Roelsio, Nicolao Blanciæ, Petro de Rijcke & Casparo Vosbergio. Pro Ultrajectinis ab Antonio Galama à Schora, de mandato Capituli, Jacobo Verhario, Vicedecano S. Petri, de mandato Capituli, Adriano Zuylio, Lamberto à Binchio, F. Utenengio, Reinardo Aftuinio, Bartholomæo Valio, Nicolao Zuilio, A. de Leyden, Lubberto Clivio. Pro Omlandis Egberto Clantio & Eyfone Iarges x. Kal. Febr. signata Ultrajecti.

Quod etsi 23. Novemb. proximo apud Ultrajectinos Barthius Id- *Publicata, iv Kal. Petr. de Curia oppidanâ.*  
 faerda & Douwo Sixma Legati Frisiorum nomine se facturos cavissent, ita gliscientes per eam provinciam civilium factionum inœolices discordiæ etiam tum morabantur. Quippe alij pro Rege & ejus dominatione, alij pro libertate, ut alibi armis, ita domi odijs & æmulationibus certabant, quas tolli non posse, nisi alterutrâ parte subversâ indicia gravissimæ acerbioris ostendebant.

Quippe Deputati Ordinum libello supplice novo Senatui exhibito, in *Acerba ac cufusiones adversus fœdum Regium.*  
 veterem Philippi senatum invehebantur, quod is acta & instrumenta partium, ad hoc consignatum æs supprimendo sanguine & succo obviæ & redactæ ad mendicimoniani paupertatis pasceretur. Itaque otio & luxu gravem & præter hoc aliena limina circumeuntium innocentiam & res strangulantem mandato Senatus coërcendum esse, quo libelli & disceptantium in foro acta, nullo fructu, cum nocte & putredine luctantia partium usibus & expediendis judicijs serviant. Non esse credendam ijs controversi juris materiem, qui dilationibus & minus necessarijs tempora trahendo suspecti & dignitatibus quasi exuti & fori cursum & litigantium commoda morarentur. Quare Senatus, quem præsidere judicijs Ordines fecerant, exhiberi sibi acta, libros, munimenta rescripto jussit, Ordinumque petitioni velut æquissimæ & tot innocentium querelis subnixæ morem gessit. Igitur Deputati Ordinum Wigero Mocamæ apparitori Curia potestatem fecere à veteri Senatu acta & processus litigantium efflagitandi, addito, ut nisi pareat, de eo referat. Cæterum cum alij decorâ animi moderatione etiam in tam asperâ ac cufatione, officia offerendo, alij excusationibus honestis uterentur erant tamen, qui innatam, instar morientium ferarum, ingenijs ferociam acuerent injuriâq; & vim sibi fieri obtendendo nihil de prioris fortunæ conditione & moribus remitterent.

Annotatum est Antonium Lavailium, nuper communicati cum Ioan-



ciō. Io. ne Austriaco secretioris consilij suspectum, contumaci silentio per indignationem abrupto paucas voces, sed compresso sanguinis fervore prolocutum, Georgioque Westendorpio affectuum immodico multa cum vehementiā & ex impatientiā animi sibi non constantis, excidisse. Itaq; de injuriā suo & collegarum nomine obtestatum, quorum interim accusationibus apud Matthiam Archiducem aliquid antiquæ Senatus dignitati & Regijs mandatis adhuc dantem, non obsoleta patrociniā quærebantur.

Unde factum est, ut Cunero Episcopo etiam absenti & de residuis insimulato honestam ostingentorum carolæorum pensionem & mobilia bonorum sustentandæ vitæ assignaret, Frisiæq; Ordinibus lege adversus eundem Cunerum agentibus negotium & velut ex importunitate procedendi invidiam facerent. Quare Frisiæ Ordines Matthiam Gubernatorem serid rogant, ne publicis reorum criminibus impunitatem præferret, hominemque sui Ordinis & quod foedius morum ac modestiæ oblitum odioso beneficio sublevaret. Neque enim eam provincialis ærarij rationem esse, ut istiusmodi largitionibus respondeat, neque id præmij in illum erogandum fuisse, quem præstandis rationibus administratæ & prostitutæ foediter sedis imparem neglectæ disciplinæ & frugalitatis incuria fecisset. Itaque mandasse Pompeio Roordæ Episcopatum reddituum aut mobilium quæstori, ne quid æris ex illo rescripto in Episcopum conferat, nisi libellum supplicem exhibuerit haud dubiè falsâ materiæ instructum. Sperare se Archiducem ex Gandavensi conventionem missionem Episcopo facturum, ne provinciæ in posterum oneri sit, quæ restitutionis in integrum indigeat. Quod ad priorem Senatum attineret, illi velut abiturum paranti mandatum injecisse, ne nisi traditis actis judicialibus cæterisque partium rebus provinciâ excedat. In eo proposito se etiamnum perseverare ac rogare interim Archiducem, ut negotium cum Julio Bottnia legato occoeptum ratum præstat.

Ita omnia partium plena & signando Ultrajectino foederi adversa, procul domesticæ pacis curâ, per provinciam fluebant. Quæ fatali discordiæ malo, velut tristi sydere, impulsa, nec sola extra fortunæ discrimen esse poterat, nec in civilem concordiam pertrahi, seligendis Philippi aut patriæ partibus, intra quas stabant aut stare videbantur noxiarum factionum consilia.

In Martio  
scribendum  
ex  
Chronico  
fol. 641.

Itaque plurimos fama solemnisi sacramenti Carolo Cæsari & Philippo filio præstiti & simul recordatio afficiebat, quarum utraque retineri integra non posset, si novo & secessionem à Rege facturo foederi Ultrajectino subscribant. Quod etsi superficie tenus inspectando non præferret, tamen id arcanum arctioris societatis interpretamentum esse, ut regis populiq; diffidijs fomentum subministret. Cæteris vero patriæ nomen imperio principis reverentius videbatur, quod vi & armis subnixum excusâ principalis sacramenti memoriâ cessaret. Neq; iniquum & à gentium moribus alienum esse repellere quæ nocerent aut sanguinis pretio empta triste servitium minarentur. Id liberos, id conjuges, id sacra & domestici liminis religionem implorare, ut quam longissime arceatur, nec animorum secretum subear efferati regis veneratio. Coeundum potius, sicuti armenta solent, ad feræ incursum esse, quo si animi suo fato non possint, dexteræ saltem & vires repellen-



lendis hostibus jungantur. Manere posse suum cuique de divinis sensum, cl. Id; ne conscientia provincialium serviant, quas liberrimas, ut illarum LXXIX; opifex legesque humanæ, ita maxumè Ultrajectini foederis sanctio voluisset. Cæterum reparandæ libertatis curæ mutuis odijs & novarum partium affectatione turbabantur, cum essent, qui in Hannoniæ Artesiæque foedere omnem publicæ salutis spem collocarent, quod & à Gandavenfi conventionē non abiret & Philippi jus atque majestatem tueretur.

Itaque factum est, ut Montinius alijque defectores proclivem partibus suis Frisiam jactitarent omnemque illum tractum à Flevo, Rhenni ostio, in Lavicam flumen protensum, cum Artesiâ, Hannoniâ, Insulis, Duaco & Orchijis coitutum. Quasi interjectis tantis terrarum spatij, quæ Geldri, Hollandi, Zelandi & Ultrajectini tenerent, auxilia Frisij ab illis gentibus proficisci possent, quæ sedibus, linguâ, moribus discretæ polliceri sibi nequirent non duraturi foederis fidem. Adhæc agros trans Lavicam sitos & ad Amisi fluminis ripam procurrentes Ultrajectinæ societati innexos, neque ipsum mare, etsi ad eundis gentibus patens, apertum credi posse, quod Hollandiæ sociorumque classibus infestatum, ne commercia quidem cum Artesijs aut Hannonijs Frisiorum populo permitturum esset.

Sed omnes istas difficultates factionum amor & cæca cupido amovebat. Quibus Leovardiæ attemperandis 23. Februarij mensis, usurpato Lalainij etiam absentis nomine, postulantibus Renico Cammingha & Adio Lamberto Deputatis Ordinum supremus Curia Senatu datis in omnem provinciam litteris à quo Lalainius alienior erat, comitium ad 14. Non. Martij indixit. Cui rei occasionem quoque commodabat, quod ad foederis Ultrajectini societatem Frisij ferventius tum sollicitarentur & quod rex Philippus, prout ante factum erat, per scriptis Mantuæ Carpentanorum VII. Eid. Febr. ad Ordines Artesiæ litteris, Gandavensē foedus & inter Ordines Belgicæ post ictum, dein perpetui Edicti nomine habitum regiâ ratihabitione se firmaturum polliceretur.

Quæ vana & speciosa regiæ gratiæ ostentatio in animum quoq; Rennebergij quam maxumè se infuderat. Igitur quo moram foederi Ultrajectino per Frisiam injiceret, more priorum temporum, vocari ad Comitium Regi ac Romanæ religioni addictissimos voluerat, ac ut in Ordinum coetum, plenâ cum agendi decernendique potestate admitterentur, quos suis consilijs ac ingenio faventes secretâ familiaritate exploraverat.

Ipse postero die. 111. Non. Mart. magno comitatu urbem ingressus, quo comitij rebus præsideret, alitas diu inter potentissimos quosque similitates aulicis artibus nutriebat. Ibi procerum conventui Ansonius quoque Galama & Florentius Thinnius Ultrajectinorum legati interfuerunt. Verbisque ad populum pro more factis, ad amplectendam ocys Ultrajectini foederis sanctionem præservidis studijs hortabantur.

Omnem scilicet prolationem conditioni temporum inimicam repelebant, festinandumque esse, ubi poenitentia ex morâ metus esset. Diffindi scilicet & dissolvi provinciarum foedera & validissimos quoq; prout animus aut ingenium esset, novis rebus studere denique in anti-

Montinius  
& alij defe-  
ctores glo-  
riantur Fri-  
siam quoq;  
à suis parti-  
bus stare.

Lalainius  
etiam incli-  
nat ad dis-  
solutionem.

Legati  
Ultrajecti-  
norum ur-  
gent fœdus  
sum in  
Frisiâ.

cIo. Io. piti remp. ex procerum dissidijs & per arma hostium esse, quorum in-  
LXXIX. commodis subvenire posset concordia foederis vires bello, occasio-  
nem paci factura.

Igitur maturanda ocyus consilia bono cessura, ne per consulentium incuriam aut ex intempestivis partium studijs animos sumat prævalentis & superbi hostis immanitas. Infestari Geldriam, vastari Cliviam & ad Rhenum agros, neque aliud metuendum esse, quam ut, velut secundo amne ferox & nulli rei abstinens Philippi exercitus descendat, majore impetu, sicut exeuntia in mare flumina solent, Frisiorum agros & extrema littorum petiturus. Atqui auxilia nulla aut non nisi imbecilla si id eveniat, ad manum esse, neque subministrari à superioribus provincijs posse, quas aut arma, aut bello perniciosior potentum discordia fatigaret. Depugnari scilicet in ipsis Brabantiae visceribus & jam eo infelicitatis perventum, ut vicinos suos, quos socios habuisset, hostes timeat. Novo foedere, ubi vetera cessarent, parandas vires esse. Hæc Ultrajectinorum Legati.

Igitur provincialium quicquid, qui in partibus libertatis censebantur, post aliquot dies acerbis altercationibus insumtos, huc in modum rescribere:

Et prævalent in comitijs.

**Q**Vandoquidem nos Delegati cum plenâ potestate statuendi definiendique representantes agrorum oppidorumque Frisiae Ordines, de mandato R E N N E B E R G I J Praefecti convocati sumus & ejusdem nomine propositum sit, ut Delegatos ad diem 1. x. Kal. Decembr. proximum Ultrajectum mitteremus, consultandi cum Legatis Geldriae, Zutphaniae, Hollandiae, Zelandiae, Ultrajecti, Frisiae, Transisulaniae, Groningae, Omlandiae, Drentiae, Tubantum & Lingae super articulis arctioris foederis, ea de re conscriptis & in acta redactis. Et ne propterea delegavimus D. Barthium Idsaerda & Douwonen Sixma cum plenâ mandatis agrariorum oppidanorumque, per quos fœdus illud signatum est, eâ tamen conditione additâ, ut ab Ordinibus Frisiae firmaretur approbareturque. Ita nos infra scripti, pro qualitate nostrâ, considerantes quam necessarium fœdus sit, & quam exspectat illud ipsum ex actis præcedentibus ad finem perducere, delegavimus & delegamus Barthium Idsaerda, & Gellium Sibeum Consulem Leovardiensium Ultrajectum eundi, condescendendique cum socijs in Fœdus x. Kal. Feb. perscriptum & post publicatum. Hac tamen cautione interpositâ, ut Legati curam gerent, ne provincia in causâ tributi supra ceteras & plus quam æquum est, gravetur, tam ratione quantitatis quam aliter. Hoc etiam cavebunt, ne provincia tributum in fœdere expressum ante pendere cogatur, quam vicini nostri in idem fœdus adsciti sint. A fœdere vero signato cum socijs consultabunt & definient, ut Legati Antverpiam ad conventum Ordinum generalium cum istiusmodi mandatis mittantur, prout de communi consilio conducere censebunt.

Actum Leovardiae 14. Eid. Mart. Iulius Bottnia pro Franequerensibus, Meinardus Wigerius & Ioannes Aysma pro Leovardiensibus, B. Loo, Doco à Martnâ, Renicus à Cammingha, S. Galama R. M. prætor Baerderanus, Lasius Iongema, Dioræus Annij pro Snekanis, Douwo Sixma, T. Aylva, Sixtus Bottnia R. M. Prætor pro Wimbriterijs, Carolus Roorda, Popko Roorda, Vitus Cammingha, Justus Ockinga, B. Idsaerda, Scipio Meckmans, Sixtus Sceltama pro Dongrijs occi-



occidentalibus, Justus Herama, Tiallinghus Wikelius, Jorritius Hania, Auco Edonius pro me & fratre Oenſo Edonio, Otto Herama R. M. prætor Rauerderhemus, Doco Aysma, Otto Sualue, Sibrandus Cammingha R. M. prætor pro territorio Leovardienſi, Epo Douma Halletmuis, Oeno Grovenſteinius, Pibo Vitus Abbema, Joannes de Verwou, Orichius Doyem cum prætore Galama pro Baerderanis, Joannes Petri Sannes, R. M. prætor pro Stellinguerſijs occidentalibus, Hyeronimus Winterius pro ſe & ijsdem. E. Herama, Regnerus Idſius cohortis ductor pro Geelterlandis, Johannes Hottingha, Wibrandus Roorda & Arnoldus Annij Paſtor in Jeſſum pro Ferverderanis.

Cæterum poſtero die, qui 111. Eid. Mart. erat, præpollentibus inſirmando priori decreto partis adverſæ ſuffragijs reſcriptum hoc modo.

**O** *Rdines Friſiæ de voluntate R E N N E B E R G I J Præſidis provinciæ Leovardie ſolemniſiter congregati, auditâ propoſitione per Reverendos Nobiles & eruditos viros Antonium Galama Vicedecanum Ultrajectinum ac Præpoſitum Northuſanum & Florentium Thinnium Iureconſultum, Ordinum Ultrajectinæ Diocæſeos Advocatum, ex ſiduciarijs litteris factâ, quò ydem Friſiæ Ordines Ultrajectinum ſædus approbarent recipereſque. Decernunt ex ſingulari in legatos propenſione & affectu, quod grates imprimis legatis agant, pro ſuſceptâ moleſtiâ, Declarantes interea, ſe Gandavenſi fæderi & ſecutâ uniõni obligatos, quibus abundè hoſtis repelli & conſervari ex præſcripto fæderis poſſit novi Fæderis auxilio non egere parati, quod huc uſque experimento oſtendiſſent, Gandavenſem conventionem omnibus viribus etiam cum vitâ atque animâ tutari. Rogare ut Ordines iſtarum provinciarum quæ actiore ſedere ſe obligaveſſent, id reſponſum humaniter interpretentur conſidantque pacificationem & ſecutam Uniõnem ratam ſacturos culturoſq; amicitiam atq; ſocietatem cum vicinis provincijs, cui rei fidem publicâ relatione facere Legati poſſent.*

*Friſij ſædum Ultrajectinum recipiant.*

Hæc 111. Eid. Mart. in acta relata, ac nomine Ordinum manu Henrici Heſſelij Præſulis Doccomienſium, Livij Wijſſma, Ottonis Vincentij, Hectoris Henrici Elinxma, Sixti Emingha, Upkonis Tallumij ſignata.

Qui mox libello ſupplice ad Lalainium miſſo, & decreti ſui copiam & voluntatem expoſuere, haud dubiè apud benignum iſtius conſilij interpretem, qui omne ſcribendi novi fœderis ſtudium, quod jam antè profeſſus erat, manifeſtâ ejus invidiæ & indecorâ levitate mutaverat. Libellum, ut eorum nomina, qui in partibus fuere, recenſeam I. Bouricius, Nicolaus Laudeniſis in Hemelum Abbas Stauriæ, Gerardus Iacobi Abbas Clare-campeniſium, Paulus Coſterius Foſverdienſium, Thomas Groningenſis Floridi campi, Riquinius Groningenſis Gerriconis cœnobij, Henricus Keſſel Doccomienſium, Rudolphus Pauli Faber Paſtor Tzumarumanus, Gellius Iſſtanus Commendator in Hoſpitali, Hubertus Scoeffius Commendator in Nes, Ioannes Biſtemius Prior in Thabor, Ioannes Antonius Prior Novi Cœnobij, Melchior Germanici Ordinis apud Slotenſes Commendator, Wibrandus Schenichanius prior Cruciferorum apud Sneceſes, Iarichus Bottnia, Hector Albada, Oeno Wijſſma, Iacobus Hornius, Oedſius Arnoldius, Elco Heringha, Ioannes Roorda, Isbrandus Slotius Prior in Aengium, Herco Ianconius, Syriacus



cJo. Jo. Donia, Menno Emingha, Hero Ockingha, Tiepko Gerbranda, S. Hottingha, Wopko Tallumius, L. Ockingha, Ado Heringha, Sybrandus Iacobi, Cornelius Rudolphi, Mecco Taeckema, Sixtus Emingha, Sibbo Peima, Douwo Sirxenius, Marcus Jensma, Siuckius Peima, Edo Alma, Ritsko Folckertius, Herco Lauwema, Ioannes Hansonius, Sirciacus Bootsma, Titius Keinsius, Livius Wijtsma, Mercus Lauwius, Broërius Hoytema, Hotzo Henrici Aelsma pastor Wolfemius, Mello Ioachimi, Nicolaus Lauwius, L. Ielgerfma, Hesselus Emingha, Tettardus Dockum, Renicus Tetardus Talma, Nicolaus Iacobæus, Hinno Iarichius, Olpherdus Ioannis, Hector Wibenius Wirdumanus signavere.

*Alij Frisiorum ad fœdus Ultrajectinum inclinant.*

Adeo ut mihi istorum temporum conditionem expendenti falsè existumasse non videantur, Frisiorum plerosque à fœdere Ultrajectino alienos, magis in Artesiæ sociorumque consilia tanquam vetera & usu recepta, quam in novas vicinarum gentium societates inclinasse. Quamobrem à fœderis Ultrajectini amantibus libellus quoque supplex formatus ac Rennebergio exhibitus, quo & memoriam signati per Legatos fœderis innovabant serioque obtestabantur, se nihil in istâ actione, præterquam de præfecti consilio, egisse. Interim rem arbitrio Ordinum relictam, per absentiam Præfecti in suspenso mansisse, recusantibus Ordinibus tantæ molis negotium sine consultore & arbitro subire. Igitur datis ad fœderatos Ordines Ultrajectum litteris in adventum Præfecti distulisse, non sine spe aut fiduciâ hoc ipsum comitium isti negotio servitutum. Præsertim cum scripto & ore tenus conficiendi fœderis desiderium præfectus non dissimulaverit; Atqui experimento se deprehendere, non socordiâ tantum in promovendo Ultrajectino fœdere, sed morâ & perviciâ peccari, nonnullosque ex agrarijs, procul comitij lege privatis damnatisque coitionibus animum præfecti & consilia invertisse. Igitur non potuisse se deesse suis officijs, quin Præfectum de imminentibus periculis hoc belli incendio monerent; Neque enim hostem ignavum, neque inopem virorum aut Ducis esse, qui si in Frisiam aut vicina irruat, provinciam auxilia non ex Brabantia aut superioribus provincijs, sed vicinis habituram. Didicisse Lalainium expugnandis Camporum aut Daventriæ civitatibus occupatum, quam paucis auxilijs se & socios præjuverint & quam Geldriam furoribus hostium permiserint, sua damna & incommoda è tarditate auxiliorum expertam. Adeo verum esse, patriæ iniquos deprehendi, qui isti fœderi adversi sint, quod reprobare illos tantummodo sciret, quibus volupè futurum sit, libertatis & omnium rerum ruinâ se pascere. Non ignorare præfectum, quibus autoribus stet publicæ salutis mora & quam importunitatem professi sint, qui Harlinganum quoque conventum nuper habitum factiosis consilijs disturbaverint. Igitur se rogare Lalainium, ut prioris consilij & decreti tenax, plus conscientiæ suæ quam aliorum importunitati ad gratiæ tribuendo, fœdus Ultrajectinum prober, ne apud socios levitatis vitio Frisij traducantur & ne revocare ea videantur, quæ ipsi etiam præfecto in ad-eundo fœdere Harlingano comitio placuissent. Hæc in acta relata ac ab Epæo Douma Hallemio, Docone Martna, Epone Herama, Mei-

Meinardo Wigerio, Douwone Sixma, Ioanne Aysma, Joanne Martha cl. Is. pro Corniumanis, Wilcone Holdingha, Broërio Hesselio, Haione Cammingha, Wibrando Roorda, Sixto Scheltama, Ioanne Bonga, Iaricho Hottingha, Oenæo Grovensteinio, Iusto Ockingha, Martino Schonbergio, Edzardo Glinfio, Frederico Fervovio, Orichio Doiemo, Ottone Sualue, A. Hercama, Tiallengo Wikelio, Pierio Auconio, Hieronymo Winterio, Lasio Iongama, Barthio Idsaerda, Iulio Botnia, Gellio Sibæo, Dioræo Annio, Bennerto Roorda, Renico Cammingha, Sibrando Cammingha, Vito Cammingha, Docone Aysma, Arnoldo Annij pastore Ieslumano, S. Galama, Sixto Botnia, Vlpio Aylua, Foppio Grovensteinio, Tiallengo Sixma, Ioanne Fervovio, Iusto Herema, Ottone Herama, D. Roorda, Iulio Aysma, I. Sannes, Aucone Edonio, Iacobotiebbæo & Tetardo Tetardio signata.

V. Cl. Carolus Roorda scribit, utrique libello studio aut incuriâ Lalainij rescriptum denegatum, monasticamque vitam professos & Roblesij ætate in dignitatibus constitutos & lege exautoratos, isti conventui, tanquam communi & libero interfuisse. Eosdem quoque rebus suis diffisos, libellum supplicem clam conscriptum & per tabernas conquistorum scripturâ signatum, in comitio non protulisse repudiâtque comitiorum consuetudine & procurationum solemnibus, ex vitioso quoque & corrigendo legibus instrumento, novos Deputatos abrogatis prioribus creasse. In ijs Gerardum Jacobi Antistitem Clarecampensium & Hesselum Emingha Oostergoos, Joannem Roorda & Diricum Fogelfangium Westergoos, Erasum Douma & Regnerum Idsium Sylvestres fuisse, eorumque postremum, velut dignitatis ex ætate incapacem, favore magis aut gratiâ, quam suo merito & prudentiâ gloriâ evectum. Legationibus quoque extra provinciam obeundis Commendatorem Snecanum, Erasum Douma & Diricum Fogelfangium delegasse, comitiumque reparandis istâ ætate rebus & communi concordiâ institutum, publicâ fessione foedatum. Cæterum illorum autoritate, qui pro foedere Ultrajectino suffragati erant magis validâ, prioribus Ordinum Deputatis dignitates continuatæ factumque est, ut quod evehendæ parti adversæ repertum credebatur, invidiæ & exitio egregio providentiâ miraculo cederet.

Itaque Lalainius haud dubie animi æger & offensionem alens, quod bene destinatis præter spem excidisset Vollenhovam Idib. Mart. profectus est, ubi comitium Trans-Isulanæ gentis ordinaverat.

Igitur Vollenhoæ agens, ubi annonæ defectu hostilem exercitum divexari intellexerat, legem de comœatu tulit, vetuitque ne quid frumenti, navi, aut curru hosti subministraretur, & ut omnium mercium professione præmissa, constitutis insuper in quaque civitate, qui lustrandis navibus præessent, Senatorijs viris dolosæ frumenti Rhenum versus aut Isalam subvectiones, amissione mercium, navium, atque curuum punirentur.

Heymannus scribit Lalainium illo comitio de menstruo 20000. millium tributo legioni præstando proposuisse & ut in quodque cærevisiæ vas bini stufferi ex Cortevillij legati, qui id ante rogaverat, consilio penderentur. Dein amovendis generalium collationum oneribus, & redimendo quorundam Daniæ mercatorum ære decem millia carolæorum

*Et provocans.*

*Lalainius Trans-Isulanæ comitia indicit.*



cIo. Io. in menstruum tributum decreta, eique pensitando 3. Stufferi cum LXXIX. quadrante à florenis aureis petiti. Igitur provinciales Paulo Gellio ærarij tribuno ocysus id deferre jussi, ne equitum peditumq; copias in Frisiæ finibus agentes & stipendiorum avidas æris aut insolentiæ cupido in interiora provinciæ propellat. Id actis commissum ac XVI. Kal. April. manu Baudemontij Graphiarij Curia signatum. Cæterum discordi comitio & procerum animis aut à regis dominatione aut suâ libertate alienis, ne tempestiva quidem subsidia debili ærario præstabantur. Cui malo, etiam hoc incommodum accedebat, quod illo publico provincialium dissidio, oppidani quoque cum agrarijs dissentirent, infælicisque comitij concordiam, non tam regia ac religionis odia, quam antiquæ & tum renovatæ æmulationes morarentur.

Itaque Lalainio ordinandis provinciæ rebus Leovardia adhuc commoranti oppidani libellum istiusmodi exhibuere.

Oppidani libellum supplicem offerunt Rennebergio & querunt se à comitijs præhiberi.

**N**ON ignorare te censemus, Præfekte, quantâ agrariorum importunitate exerceamur, quibus & animus & consilium fuit nos & à reip. constituendæ communione arcere & jure suffragiorum privare. Cum hoc velint, ut civitates & oppida partium ac districtuum jus ac conditionem sequantur. Et quanquam, si quid tale à majoribus traditum sit, infirmare nobis propositum non est, ita lubenter assentimur, modo antiquæ consuetudini, tam in exercendæ potestatis, quam sustinendo onerum jure acquiescant. Sed affectibus suis nec modum ponunt & ex lite lites serunt, etsi ita conventum sit ut Deputati quodque ex oppidanis crearentur, quartamque reip. partem jure conventionis constituerent. Et sic quidem præstructum concordia fundamentum credebamus, nosque possessione juris nostri nunquam dimoveri ex formulâ pactionis potuisse. Præsertim cum tributa nostra, quorum immunitate ac exemptione majores nostri fruebantur, subsidio provinciæ & ipsorum quam maxumè agrariorum cesserint. Sed istius beneficij memoria languescente, onera, quibus initium apud nos dedere, augent & à commodis reip. nos excludunt, præmissâ demuntiatione non laturos se in collegij publici cætu nostrum delegatos considerare, aut publicarum litterarum secreta, ex usu antiquæ inscriptionis, ad nos perferri. Itaque factum est, ut nec ad comitium citati simus, nec Matthie Gubernatoris, nec Ordinum generalium, aut Ultrajectinorum litteræ ad nos pervenerint & quidem sinistris eorum artibus inversæ, qui veteres controversias ex novâ & perniciofa æmulatione refricantes paci, qua maxumè egemus, impedimentum obtrudunt. Igitur quoniam & comitio interesse & consulere de publicis in commune prohibemur, ne impendia Præfekte & contemptum feramus missionem petimus, ac ut finas nos in nostra, quando publicis arcemur, sine invidia usurpati juris redire. Obtestamur nihilominus propalam nos jus nostrum vel frementibus agrarijs tutaturos, ne, quæ separari non possunt, emolumenta amittendo, onera & incommoda feramus. Itaque tributorum exceptione nos tuebimur, daturi operam ut oppida nostra tuo auxilio subiti adversus hostium incursiones, omniumque injuriâ tuta atque munita præsemus. Interim ne ferendis discordijs fovendisque proni & à pacis sollicitudine alieni videamur, parati etiam num sumus judicium experiri, modo hoc quod speramus, equitati nostra detur, ut quartum reip. membrum habeamus, nihilque omisisse, quod paci & salutis publicæ expedire tua prudentia censebit.



Ita pro Franequerensibus Iulius Bottnia, pro Leovardiensibus Meihardus Wigerius, Joannes Aysina, pro Ilstani & Snecensibus Upco Franciscus & Diorraus Annus, pro Bolsuerdijs Rinckius Cornelius, pro Staurijs Gerardus Wipkonius, pro Doccomiensibus Cornelius Ludolphus, pro Hindelopijs & Slotanis Wopco Douwonius, pro Worcumanis Gajus Jouconius, pro Harlinganis Cyprianus Ruardus & Cornelius Coninxius signavere.

Hæc XI. Mart. Lalainio exhibita, ac ut in manus agrariorum mox perferrentur cum rescribendi mandato, à Lalainio signata.

Igitur AGRARIJ rescripsere:

**I**V S maioribus nostris quasitum, Præfekte, pertinaciter tueri in animum induximus, neque ferre, ut præter religiosos, nobiles & agrorum proprietarios jure, societate atque titulo Ordinum gaudeant. Præter hoc volumus, ut oppidani præturis in quibus siti sunt, se subjiciant tributæque nostrum ad exemplum præstent. Quæ si recusent, obtestamur & nos, alicuius oneris debendi reos nos non esse.

Cæterum Lalainius edixit: Ut oppidanis in istud tempus confidendi suffragandique in comitio potestas esset, eorumque suffragia, velut à membro quartam provinciæ partem constituyente profecta, rata firmaque essent. Ita lis non dirempta, sed suspensa mansit, donec adulta ætate, velut movente bilem Sirio, cum ipso cœli æstu re-crudesceret.

Mox Barthius Idzaerda & Gellius Sibæus Ultrajectum, profecti, salutisque pro more fœderatarum provinciarum legatis inter Lavicæ & Flevi amnium ostia Frisios sitos Ultrajectino fœderi sociavere.

Igitur in consessu ex provincijs delegatorum acta hoc modo ea de re perscripta:

ANNO. CL. IO. LXXIX. X. Kal. April. Comparuerunt Ultrajecti in consessu Deputatorum fœderatarum provinciarum, Delegati oppidorum Leovardiae, Sneca & Franequæ, cum mandatis quoque prætorum & quorundam ex nobilitate Friscæ, declararuntque se visitatis examinatisque actis fœderis ex formulâ procurationis XII. Mart. scriptæ, fœdus illud approbare ratumque habere, addita promissione, se sicut reliquos fœderis socios operam duros, ut in omnibus singulisque rite observetur. Quæ Leovardiensium, Snecensium, Franequerensium, prætorum & nobilitatis nomine cauta, ac à Barthio Idzaerda & Gellio Sibæo signata.

Cl. Franckena in diario suo notat III. Eid. Mart. Frisios in fœdus receptos, solisq; defectionem versus occidentem VIII. Kal. April. conspectam, magno metu civiles animos contreruisse.

Reperio in actis publicis Petrum Emskerckium regij sed loco moti Senatus actuarium Francisco Baudimontio successori litem tum movisse, eumque pro obtinendo restitutionis beneficio vehementer & acerbè agentem innocentie suæ testimonium rescriptum comitij obtinuisse. Id Henrici Kesselij Doccomiensium Præfulis, Martini Nitsenij & Upconis Talumij manu Idib. Mart. signatum. Ita invidia aut ex merito dignitatibus ejectos aliorum importunus favor & suffragatio

Oppidani à Lalainio admittuntur ad comitia.

Frisia junctur fœderis Ultrajectino.

Lalainius tributa India cum fœderis satigantur accusantur.

cIo. Io. gatio commendabat, patrociniæque pro animorum statu, aliquando  
LXXIX virtuti, nonnunquam improbitati ex studijs partium quærebantur. Itaque criminationum materies fictis inverisque accusationibus facta, tribunalia iudicum & Lalainij præcipuè aulam fatigabat, eorum inquietà malignitate, qui incertis rumoribus multum dando inimicorum injuriam ex magnitudine præcipientis famæ æstumabant.

Hoc vero Pontificij sinisterius interpretabantur, quod provinciæ nomine ad Ordines generales scriptæ litteræ inconsultis Frisiæ Ordinibus dicerentur, atrocemque provincialibus, velut tributa non nisi demolitis castellis & amoto regis Senatu detrectantibus, injuriam manifesto mendacio inussisse.

Quare litteris ad Lalainium datis testandi in patriam & socios affectus, excusationem ignorantiae obtenderunt aliosque nomine ac mandato Ordinum malè usos enormes calumnias gravandis partibus repperisse.

*Quod ad castella regia attineret eius opinionis ac consilij se esse, ut salvâ regie majestatis autoritate subverti aut solo æquari non queant, tum demum confusionem & discordias factura si munimentis exuantur. Igitur rogare Lalainium, ut castella regij imperij præsidia integra aut inviolata præstet, aut de ijs ita disponat prout paci & saluti provincialium conducere videbitur.*

Hæ Riquinij Groningenfis Præsulis Gerriconis cœnobij, Nicolai Laudenfis Stauriæ Abbatis, Pauli Costerij Fosverdici, Henrici Kesselij Doccomienfis, Sixti Tiallengij pro Florido Campo, pro Oostergois Herconis Iouconij, Herconis Louwemæ, Gellij Iltani commendatoris in Hospitali, pro Westergois Hotfonis Henrici Æxmerij, Sixti Eminghæ, Renici Bardij manu signatæ.

*Cometa in Belgicâ visus paulatim defecit.*

Buntingius in Chronologiâ suâ notat Cometam obscurum pallidumque mense Octobri à Solis occasu visum, circa hujus anni initium orientalem factum, sparsaque in ortum comâ, ex cælesti motu circumactum caudam versus septentrionem porrexisse oculisque sensim submotum, velut manifestâ tabe sui luminis defecisse. Cujus disparitioni magnam adhuc in res humanas potestatem tribuebant, qui illius, velut diri syderis exortu, superstitione aut metu percussi sua mala ad conspectum comatæ facis, tanquam fatalem causam referebant. Itaque subsecutam æstatem imbrium copiâ messi noxiam, mox autumnum nimio coeli humore, putredine & exinde pestilentia gravem curiosi talium etiam defecto syderi imputabant, & quod rupta velut omnium rerum fide, etiam in tanto foederum concursu, incoelicibus provincijs desiderata pax exularet. Quæ etiam armis silentibus, non levi discordium acerbitate per Frisiam fatiscebatur, ita impulsis velut ardentissimo sydere, odijs ut civilis vitæ consuetudinem vix paterentur.

Itaque regio Senatu suarum partium fiduciâ quasi in comitio prædominaretur, animos erigente, ne foederati quidem ea negligebant, quæ prægravandis adversæ partis fautoribus reperiebantur.

Qui Ultrajectino foedere suspecto, causæ defectionem apud Matthiam Gubernatorem Ordinesque generales tum moliebantur, missis Antverpiam Petro Frittema viro nobili & legum doctore & Ioanne Dimero Senatoribus regijs, qui gravissimas accusationes, apud æquissimos, ut

reban-



rebanur, Pontificijs iudices ex occultâ gratiâ elearent. Quare ex Ordinum generalium confessu, in quo Hesselus Aysma vireximius Frisiorum nomine tum confidebat, Elbertus Leoninus & Liefeltius legum scientiâ clari cum Sillio Ordinum actuario examinandis reis delegati, quorum crimina actis publicis inserta nullâ dissimulatione aut conniventia proponebantur.

In istis præcipua erant.

I. Quod Senatus à Philippo rege per Frisiam constitutus Gandavenfis pa-  
cis, unionis & perpetui edicti decretum suppressisset, ejusque copiam Frisij im-  
missis in Basilicam sagittarijs prædicto Senatui extorsisset. II. Quod i-  
dem edictum non legitime aut pro more vulgasset. III. Quod pro capti-  
vo Roblesio apud Austriacum intercessisset. IV. Quod in Lalainio Præfecto  
recipiendo mandatis Ordinum se opposuisset. V. Quod novas copias Renici De-  
kamæ & Arnoldi Gemenij tuendis partibus sine Decreto Ordinum autora-  
ret. VI. Quod munitionem Oostmahornæ, ne præsidium Ordinum admitteret, sub  
retinuisset. VII. Quod Ioannem Austriacum bustem declaratumpr Gubernator  
habuisset. VIII. Quod Matthiæ Archiducis gubernationem non appro-  
basset. IX. Quod Hispanorum partes fovendo tranquillitatem provincie obtur-  
basset. X. Quod Wibio Goutumano aditum cum cohorte ad Leovardiense ca-  
stellum fecisset. XI. Quod ad Austriacum, Vighum, Lamotium, Bolsuer-  
dienfes odiosas & suspicionis plenas litteras dedisset.

Cr iminè  
Senatui te-  
gio objecta.

Ad quæ Senatus Delegati sub juramenti cautione Philippo regi præsti-  
tâ responderunt.

Gandavense fœdus, quam primum perlatum in Senatum fuisset, Se-  
natui placuisse, tertioque Eid. Januarij acceptum, hybernaque tempe-  
state & ex scribendarum formularum copiam prolatum, III. Kal. Febr.  
vulgasse. Quod ad sagittarios in Senatum missos attineret, id se igno-  
norare, neque aliam locum recitando istius fœderi edicto delegisse, quam,  
quem promulgandis actis publicis consuetudo destinasset. Roblesij ve-  
ro captivitati & custodiæ non ultro, sed precibus moestissimæ uxoris  
exoratos, patrocinium apud Austriacum commodasse, postquam regi  
Philippo placitum fuisset eum cum imperio in provincias ablegare. De  
ipso Roblesio nihil vero aliud cognovisse, quam quod in militum odia  
ex retardatis stipendijs incidisset, neque præterea esset, quod gravio-  
ribuseum suspicionibus inligaret. Lalainio vero, rectorum provincie adep-  
to, ut se opposuerint tantum abfuisse ut stipendia illius copijs ocyus  
procuraverint & quidem istâ liberalitate, ut proximas seditioni cohore-  
tes exsoluto ære pacaverint. Quod ad conscriptum militem spectaret,  
id autoritate & de consilio Roblesij factum esse, postquam in potesta-  
te Senatus non fuisset, sine regis mandato dilectum copiarum aut missio-  
nem instituere. Neque Senatui de Renici Dekamæ cohorte in fide re-  
tinendâ constituisse, neque in causâ munitionis Oostmahornæ aliud fecis-  
se, quam quod absente Roblesio, cujus vicarium imperium Senatus ge-  
rebat, copias collegerit præsidiumque loco imposuerit. Non diffi-  
teri interim Senatam, quod denuntiationem Ordinum Frisæ Deputatis,  
ut ab obsidione istius munitionis desisterent, fieri curaverit, postquam i-  
gnorasset Senatus mandatum Ordinum generalium aut Præfecti isti negotio

Responsio  
Senatui re-  
spon-



cIo. Io. intervenisse. Præsertim cum Lalainius præsentem Indeveldio, Achlenio  
 LXXIX. Senatus præside & quibusdam Deputatis palam Renico Dekamæ in manda-  
 tis dedisset, ne munitionem illam præterquam sibi aut mandatorio dede-  
 ret. Austriacum verò à tempore proclamati edicti pro Gubernatore  
 Philippi non habuisse, neque Matthiæ Archiduci obedientiam negasse,  
 quominus ex illius præscripto ac imperio provincia formaretur. Itaq;  
 non paci, non tranquillitati regionis unquam defuisse, neque occulta cum  
 Joanne Austriaco consilia communicasse, quæ perniciosa provinciæ aut  
 ejus statui fuissent. Denique cum Wibio Goutumano regiam arcem  
 clam occupante nihil rei aut consilij habuisse, qui in castellum inscio  
 Senatu irruisset. Igitur delegasse Senatum Popconem Romboutium &  
 Ioannem Dimerum Senatores, qui de irruptione cognoscerent. Cau-  
 sam istius facti Marefchallo Matthenessio aut Doconi Martnæ non igno-  
 ratam, ipsiusque Wibij confessione detectam, secretis consilijs subfuisse.  
 Postremum Viglij Zuichemi consilio non nisi pro re natâ & quod Frisiæ  
 clarissimos natales deberet, usum Senatum fuisse, neque scripsisse ad La-  
 motium, nisi ut Valonum præsidium, quod Bustamantio Harlinganæ  
 arcis Sarrapæ manum injecerat, istius Lamotij, à quo pendeat, in-  
 tercessione pacaretur. Neque Bolsuerdios aliosque rebellionis in Re-  
 gem, nisi ante Gandavense fœdus insinulasse, usitato vocabulo, quo  
 descivisse à Philippo stylo temporum arguebantur. Cætera viliora aut  
 sæpè repetita mole magis quam argumento offendeant. Igitur Ar-  
 chiducis Matthiæ & Leonini Liefeltijque delegatorum decreto accusatio-  
 nis acta Frittemæ & Dimero ad rescribendum communicata, ne præ-  
 ceptis judicium aut innocentiam illorum gravaret, aut immodestiam crimi-  
 num parceret. Qui etsi eadem fere eluendis accusationibus proferrent,  
 ita intercessionem pro Roblesio datis ad Austriacum litteris susceptam,  
 elevabant quod in tantâ & tam subitâ mutatione rerum, neque quid  
 agerent, neque quid deliberarent, satis expendissent percussis & velut  
 stupore contextis animis, quod Roblesium provinciæ Præfectum sui  
 confessus principem militaris licentia spreto imperio vinculis indidisset.  
 Quod ad Austriacum attineret, eum regio mandato provincijs Gu-  
 bernatorem datum, reprimendæque Hispanicarum legionum insolentiæ  
 in eadem provincias missum & populi adhuc gratiâ tum florentem præ-  
 teriri per illa liberandi Præfecti desideria non potuisse, quum Senatus  
 litteris resalutaretur quas ejusdem dignitati adscripserat. Quippe suis  
 VI. Novemb. Anno. cIo. Io. LXXVI. datis regias subjunxisse, Phi-  
 lippi mentis interpretes & quibus affectum boni Gubernatoris prætu-  
 lisset, qui recognosci à Senatu testatione publici officij debuerit. De-  
 nique Philippi regis & Austriaci litteras de mandato Concilij Status  
 Bruxellis Leovardiam perlatis non vano judicio novi principis & pro-  
 cerum consensu rationem provincialis imperij tum stetisse. Igitur Ro-  
 blesium quoque Præfecti loco Concilio Status tum habitum, etsi muta-  
 to repente temporum statu, quem prævidere solertia Senatus non po-  
 tuerit. Quæ de præsidio Leovardiæ fovendis partibus inducto obje-  
 cta erant, ita diluebantur, quasi ex usu facta essent, ne Valonum co-  
 hortibus ad imperia & jussa præfectorum contumaces & seditionibus pro-  
 xumæ æris inopiâ aut prætextu, Leovardiam urbem Senatus & proce-  
 rum

rum sedem direptione & insolentiâ vexarent. Eo metu actum Senat-  
tum modestius præsidium suæ & civium securitati ordinasse, cum eadem  
fortuna Bruxellensium ac reliquarum urbium istâ legionum tempe-  
state fuisset. Itaque testabantur se durante civilium bellorum aut dis-  
fensionum incendio nihil fecisse, quod Gandaveni foederi, Unioni &  
Reip. adversum exitiosumque fuisset. Igitur neque hoc commeritos esse,  
ut suspenso judicandi officio, dignitatibus exuantur, quod illi immo-  
destè urgerent, quorum malities approbatam etiam nupero comi-  
tio Frisæ Ordinibus integritatem falsis & ex invidiâ repertis crimini-  
bus oneraret. Rogare interim Archiducem & Concilium Status Regij,  
ut æquitati patrocinando Senatum & Graphiarium à diu intermissis fori  
officijs in integrum restituant, neque sinant Senatum absolutâ regij  
imperij potestate præditum, integritatis suæ amplissima professione  
fraudari. Libellus quoque Matthiæ Archiduci in Legatum Aysma,  
velut publicæ causæ privata odia miscentem acerbior oblatum, officium  
æqui judicis implorabat, & ut innocentiae Senatus expedito judicio  
subveniretur.

Cæterum actore legato & vetera repetebantur, & nova gravandis  
accusationibus non deficiebant prodentibus se magis magisque delegato-  
rum ingenijs, quod acerrima defensione exolescere sensum injuriæ non  
finerent Ordinesque Frisæ suæ liti, tanquam publicæ implicarent. I-  
gitur delegatis Frittema & Dimerio Antverpiæ hærentibus, multa ad  
huc onerandæ criminum famæ adferebantur, Matthiæque Gubernato-  
ris animum fœcundis argumentis instruebant. Qui novorum Legato-  
rum è Frisâ adventu cognito, in quibus Gellius Ilstanus commendat-  
or Nessanus, & annalium scriptor, Erasmus Douma & Diricius Fo-  
gelsangius erant, rescripto ad libellum supplicem Prid. Non. April.  
à delegatis Senatus exhibitum dato, explorandas legatorum voluntates  
decernebat quo provinciæ in veterem Senatum propensionem aut o-  
dum cognosceret. Cæterum Ilstanus cæterique legati, id à manda-  
tis suis alienum regerebant, publicæque causæ destinatos, privatæ cum  
Senatu actionis invidiam respuere. Ita res in suspenso, non cessanti-  
bus interea altercationibus, mansit, donec invalescente Ultrajectino  
foedere, in majora odia erumperet.

Mox Cunerus Leovardiensium Episcopus privatæ apud Bergumanos  
custodiæ mancipatus, per apparitores jussu novi Senatus Wigerum Moc-  
kamam, & Bocatium Douwonem spiculatoribus publicis stipatos mo-  
re captivi Leovardiam pertractus est, quod secretam cum Gasparo Ro-  
blesio conjurationem inijsse suspiciosi indicij diceretur. Cæterum eo-  
dem die à Senatu dimissus, & in Bergumanos veterem secessum expen-  
dendis suarum rerum rationibus, tanquam honestam custodiam amotus  
est. Arnoldus Gemenius & Vibius Crusius diuturniore quoque custo-  
diâ liberati.

Heymannus notat viii. Eid. April. phasma quoddam specie hemi-  
cycli apparuisse, aliudque à pluvio arcu, velut soli opposito & depres-  
sior, verticale cœli punctum tenuisse. Quæ phænomena, ut solent,  
ex naturæ causis, aut fulgore roridarum nubium sæpe orta, prodigio-  
rum ostentui imbecillibus ingenijs æquabantur.

*Gravatur  
Senatus ve-  
gius novis  
criminibus*

*Cunerus  
Leov. Episc.  
copus capti-  
vus Leovat-  
diam ab-  
ducitur.*



LXXIX. Mox Lalainius Vollenhovâ in Frisiam regressus mense Aprili assumptis in comitatum Versteverano & Rhala Senatoribus aggeres marinos, qui à Feenhusâ ad Lavicæ ostium Frisco littori prætexuntur, ocyus lustrari fecit, quo hybernis tempestatibus aut continuo æstu continentem lambente arrosi aut disjecti novæ molis aggectione sustinendis fluctibus firmarentur. Legatis vero, quos cum mandatis è Frisiâ Antverpiam missos memoravi, à Matthia Gubernatore haud levia & à temporum conditione aliena proponebantur. Ista erant.

Legatis  
Frisiâ haud  
levia & à  
temporum  
condicione  
aliena pro-  
ponuntur à  
Matth. Arc  
bid.

*I. Vt provinciæ aut earum Legati pro observando aut deferendo Gandavensi fœdere sententias exponant. II. Vt provinciæ defectioni proxumæ ad antiqui fœderis societatem reducantur, eoque innovato firmatoque, de rebus pace bellove necessarijs in commune consultetur. III. Vt provinciæ ex jure istius fœderis pendendis intendendisque pro re natâ publicis collationibus, salva nihilominus uniuscuiusq; provinciæ immunitate, se obligent. IV. Vt tollendis de religione controversijs certa & syntera pax & conventio scribatur. V. Vt provinciæ ocyus Delegatos autoritate & prudentiâ spectabiles patriæ fidos ad conventum Ordinum generalium mittant. VI. Vt provinciæ pacem faciendo, eam ad præscriptum Ordinum generalium firment. VII. Vt militari disciplinæ, juris & æqui observantiæ, in promptu stipendia tributaque habeantur, Matthiaque Archiduci, Ordinibus & Præfectis provinciarum sua autoritas constet. VIII. Vt durante pacis actione, de belli ordine, de formando exrecitu, liberandâque ab Hispanorum obsidione Trajectensium ad Mosam civitate cogitent.*

Tributa  
oneribus pa-  
ria poscun-  
tur.

Quibus, Matthiæ Gubernatoris & Ordinum nomine ab Elberto Leonino legum peritiâ & eloquentiæ artibus claro nonnulla addebantur. Convenisse scilicet se, non instituendis novorum Principum inaugurationibus, quæ lætiora majorum ætati fortuna obtulisset, cæterum quærendis malorum remedijs, in quæ Hispanorum, hostiumque vis aut insolentia inœciles provincias perduxisset. Deliberari pro conjugum atque liberorum vitâ atque sanguine, pro declinandâ durissimâ servitute, & omnium rerum ruinâ quam discrepantium in conventibus suffragiorum diversitas propè intuentibus minaretur. Sed isti subveniri posse, si quisque quàm in patriam affectus esse debet, tam de onere belli ferundo, & simul subjuvandis socijs cogitet, quos in ultimo discrimine constitutos inœelix miseratio spectaret. Hac solâ viâ ad pacem perveniri posse, quam utilem & bonam habere, non nisi superatis hostibus aut nisi eorum vires æquaveris posses. Fine belli pacem æstumari, quam honestam obtinere Ordines nequirent, præterquam sociâ Trajecti ad Mosam urbe, hostium castris cinctâ, libertati restitutâ. Atque ut id fiat & rerum & gloriæ gentis interesse, quæ non siverit Albani ac Requesentij ætate tabescere ærarium gerendis armis efficax.

Postquam verò illius incuriâ & inopiâ laboratum, res inœclicius cessasse, quas seorsim Belgicæ & trans Rhenum Frisiorum gentes olim magnâ cum laude suis cum hostibus gessissent. Igitur opprobrio & infamiæ fore, conjunctis tanto numero & nexu provincijs non vires, sed consilia defuisse, sociosque pro salute publicâ, pro conjugum ac liberorum incolumitate pugnantes, denique ipsam remp. fatiscentem & occasui



occasui proxumam opportunis & ad manum auxilijs non sublevasse. c15. 15. Cæterum salubriter & pro ægerrimi provinciarum corporis statu præscripta imbecillior natura respuebat, cum essent, qui afformanda numerosissimi exercitus stipendijs tributa, velut aspera & modum excedentia, à suis quique provincijs averterent. Ita cum singulas desiderati tributis fastidium aut averfatio occuparet, universæ subsidij destituebantur.

Erant quoque qui novum tributis genus declinando, vetera & sub Albano decimæ centesimæque nomine reperta commendarent, debiliq; & velut emorienti ærario extrema ope subveniendum. Alij vero, etsi potentiâ & opibus validi, ex erogandi æris causa indemnes præstari cautione à focijs volebant, ijs quoque minus ad sociorum pericula affectis, quos Mosâ aut Rheno hostilibus castris presso, extra discrimen positos vana securitatis humanæ opinio faciebat. Sed occulta fati vis, quæ ad secessiones & arma trahebat, quasi causam aut prætextum quærens, ut consilij, ita provincialium concordiam morabatur, postquam ita constitutum videretur, ut Hannoniâ & superioris Belgicæ tractu à cæteris avulso, inferiores quæque provincias, quæ ad Oceanum vergunt, Ultrajectinum fœdus combinaret. Ita evenit ut magnum illud & regi etiam Philippo formidabile Belgicæ corpus dissolveretur, belloque in tot annos exituro infausta initia perdundis rebus solers fortuna præstrueret. Igitur Bolsuerdiâ, Doccomio, Harlingâ alijque oppidis à fœdere adhuc Ultrajectino exclusis fœderati Ordines Ultrajecto litteras ad easdem civitates misere, quibus ad novi fœderis communionem speciosis rationibus sollicitabant. Imprimis verò commonebant, ne provinciali concordia ex se validæ adversarentur & ne Frisij occasionum segnes & sua commoda negligendo soli palantes & mutuis societatibus destituti, intestinis dissensionibus diffuerent. Cæterum omnem illum fœderis eventum partium adhuc æmulatio tardabat, non cessante Senatu regio tum præsulum & earum partium intercessione, gravem illum & regis dominationi mancipem spiritum invalescenti fœderis potentia obijcere. Quibus & hoc accedebat, quod Lalainius litteris suis vi. April. datis, fœderis Ultrajectini receptionem segnitè frigidèque habuisset, neminemque se isti retinendo impulsurum fidem fecisset. Igitur inter regis Senatus & provincie legatos Antverpiæ commorantes, novæ partium acerbitates recrudescebant, urgente Hesselio Aysma legato, ut acta exercitæ Senatoriæ examinationis ad Deputatos Frisiae perferrentur, ipsique Lalainio provincie præfecto communicata cognitione solemnibus iudicij determinarentur. Hoc vero rescripto Matthiæ Gubernatoris cautum est, ut intra bimestre, post exhibita Deputatis Frisiae & ejusdem provincie Præfecto acerbæ litis instrumenta, negotium definiretur, omnique dilatione ac morâ cessante finem haberet.

Cæterum fortuna, ut solet, ferendis discordijs insolens potentum consilia corruerat. Igitur fœdus à defectoribus viii. Eid. April. iustum. Eo cautum ut religio Catholicâ Romana haberetur, regi ejusque præfidi obsequium esset; Hispani peregrinique Belgio ex formula Gandavenfis fœderis excedant, id nisi rex ratum præstaret, à fœdere recedendi liberum foret. Quod ad D. Eligij montem haud procul à Re-

*Sed per  
dissidia præ  
vinciarum  
omittuntur*

*Defectores  
fœdum per  
cutiunt.*

CLIO. IO. giaco in Attrebatibus scriptum Ordinibusque provinciarum, etsi aliud LXXIX. simulantibus, communicatum, velut tristissimi casus obnuntiatione pro-  
*Responsum* na paci ingenia affecit. Itaque responderunt se illorum studiâ in reti-  
*Ordinum* nendâ majorum religione, ac præstando regi obsequio probare, cæte-  
*ad defecto-* rum hoc velle, ne speciosis Hispanorum deceptionibus nimium fidant,  
*res.* circumspectique & prudentes priorum temporum exempla pro recentibus expendant. Notam scilicet Ferdinandi Albani immaniissimi Ducum perfidiam fuisse, atque Hyeronimum Rodam illius artis magistrum dissimulasse, quæ perjurij nomine olim traducta, speciem prudentiæ & virtutis illam apud gentem induisset. Adhæc Norcarmij acta non aliunde quam ab illius disciplinæ professione petita, quæ licentiam fraudi faceret crederetque posse Principes augendâ dominationi obligatos utilia honestis anteferre. Denique Escovedi ingenium doli prudens nihil aliud principi suo suavisse, quam ut provinciarum vires secessionibus debilitaret, potentiamque Ordinum concordia validam mutuâ dissensione attereret. Igitur se Deum rogare ut sanam & introspectendis Hispanorum artibus sagacem mentem ijs donet, quo pervideant quantum inter illorum consilia & curas libertatis intersit & quam expediat in commune consuli, quod divisum, fragile & infirmum factura discessio esset. Se quidem Legatos Coloniam petente Cæsare missuros, hortarique ut idem faciant, si forte diu desideratæ pacis foelicitatem divina benignitas promittat.

Thuanus scribit, Ordines generales nummum æneum Egmondani Hornijque recisa truncis oræ vultusque exprimentem refricanda veterum memoriæ tum cudisse, tutiusque bellum simulata pace honestâ & ad continuanda arma efficaci inscriptione suavisse. Quod isti fini factum prudentiores quique interpretabantur, quo antiquæ crudelitatis & perfidiæ exempla in memoriam revocando præsentis ævi ingenia à superstitioso regiæ fidei cultu atque veneratione deterrent. Indignatura haud dubiè, si expenderint, Belgici sanguinis Principes & regi ex societatis Burgundicæ jure fidissimos in exorabili regis sævitiâ formidata hostibus & tot vulnere notis interstincta corpora detestandis carnicum ministerijs prostravisse. Econtra Farnesius alimenta provinciarum dissensionibus subministrabat, regisque Philippi animum pacis cupidissimum ostentans, quo eas foederibus exsolvendo regis obsequio inligaret, civilibus morbis, velut optima discordantis Belgicæ remedia, tristem & non profuturam medicinam præscripsit. Ista erat ut solius Catholicæ Romanæ religionis exercitia essent, indictoque reformatæ repudio aut silentio, Philippi imperia paternis assimularentur. Quippe ea provincialium juramento & ejus religione firmata, tum divinis humanisque legibus subnixa subverti non posse, certissima solidæ pacis fundamenta, quæ substerni lubricis rebus & ruinam minantibus nulla cunctatione deberent. Ordinum esse de statu & voluntate provinciarum ocyus referre, quo rex agat, quod è re sua videatur. Atqui Ordines sua in regem & pacem studia laudabili responso repetebant: Sic Augusto mense elapso, advocatis Cæsaris, Galliæ & Angliæ regnorum legatis cum Joanne Austriaco colloquia inijsse, in medio cursu rerum Philippum interventu subversa. Tum Philippum cœptam cum Austriaco actionem

*Farnesius  
 alimenta  
 dissensionibus  
 Belgicarum  
 subministrat.*



nem Cæsari detulisse, quanquam augustum imperatoris iudicium ipsi c. 10. 10. Ordines non defugerent Suartsenburgio Cæsaris Legato ad Farnesium non l. x. x. x. semel misso, quo de regis sui mente testaretur. Sed dilationibus, aut finistris artibus usum Farnesium pacis actionem traxisse, cui inanem affectum, ut & rex Philippus, præferret. Quippe Philippum repudiata & ruptâ Gandayensi conventionione, cuius servandæ desiderio provinciæ tum tenebantur, alienatis interea animis offerre, & quidem ita, ut conditionum iniquitas vim atque efficaciam istius foederis tollat. Neque enim Caroli Cæsaris imperium neque memoriam gratam esse apud eos præsertim, qui edicta foedissimi rigoris sub illius dominatione promulgata non ignorarent. Sed dolosis consilij serenæ pacis actionem involvi, cui submittere modo sincera sit, se Ordines parati etiamnum essent, sed ita ut Cæsaris Legato potestas fiat ocysus aliquid agendi statuendique quod ex usu futurum sit.

Mox de conventu mittendisque Coloniam legatis consultatum, quo actione pacis maturata induciæ saltem sistendis armis scriberentur ipse- Legati Co-  
loniam ad  
paciscen-  
dum abla-  
gati. que Farnesius, qui ad Trajectum Molæ castra posuerat, agris vicisq; depopulatis, sociæ civitatis obsidio decederet. Unde Ordinum nomine Philippus Crojus Dux Arschotanus, Joannes Lindanus D. Geertrudis, Fredericus Hyperius Marolius abbas, Concilij Status Senator, Buccho Ayta D. Bavonis Præpositus, Caspar Schetus, Adolphus Metkerckius Equites & Consiliarij Ordinum. Adrianus Mylius LL. Doctor & in Curia Hollandiæ Senator, Bernardus Baro Merodius, Adolphus Goeranus, & Aggæus Albada Delegati, profectiōneque vergente Aprili institutâ ad iv. Non. Mai. Coloniam advenere: Ubi Rudolphus Cæsar, pacis auspex, festinando negotio legatos suos præmiserat. In ijs Jacobus Trevirensium, Gebhardus Coloniensium Præsules, Romani imperij Electores, Julius Wirceburgensium Episcopus, Warnerus Gymnichus pro Juliaciensium & Cliviæ Duce, ac Otto Henricus Suartsenburgius fuere, Joanne Baptista Castaneta Rossanensium Præsule à Gregorio XIII. ejus nominis Pontifice Romano Coloniam præmisso. Philippo vero Regi Carolus Arragonius Castrenantius pro Legato erat, qui post Maximilianum Longevallium, Joannem Fonckium, Christophorum Afsonvilium & Urbanum Scouwenburgium ab epistolis in consilium adscitos, regiæ Philippi majestatis secreta mandata attulerat. Igitur conventu instituto, salutatisque Imperij & Cæsaris legatis, & de actorum suorum formulâ utrinque edoctis, Matthiæ & Ordinum caterique mandatarij Aggæum Albadam juris-consultissimum, Senatorio patre apud Frisios editum, in Germaniâ tum agentem interpretandis actis sententiisque delegere, & qui eruditæ vocis, qua pollebat, facundia titulo Oratoris in relationibus procerum præfesset.

Albada scribit se Frisiorum nomine & benevolentia, Legatis etiam ad tractandam pacem dictis adjectum fuisse, honestâque tenuitatis suæ excusatione Dei gloriam, reip. utilitatem suis in actionibus Deputatis Ordinum commendasse. Et quanquam eas ipsas in gravissimis negotijs foelices & secundas Deus voluisset, ita id prosperi in hac actione in his Belgicæ miserijs polliceri sibi non posse, quod eas expiandæ criminum moli providentiæ æquitas Belgicis terris intulisset. se autem sperare divinæ cle-



clo. Io. clementiæ remedium quæ sola reddendæ paci par atque auxiliaris esse  
LXXIX. possit. Se interim etsi otio ac quieti dare brevissimum ævi maluisset,  
non defuturum interim officio, daturumque operam, ut de singulis,  
quæ Frisiam spectarent suis ex litteris cognoscant. Litteræ iv. Mai datæ.

Quæ omnia quamquam conciliandis animis, actisque instituta viderentur, Philippo Croio Arschotano legationis principe pro sancienda pace verba faciente, ita suspectam paci fidem faciebat, quod Castrenantius Philippi legatus armistitium aut inducias detrectaret, ipseque Farnesius regij ad Trajectum exercitus imperator à bene coeptâ obsidione, & foelicibus militiæ rudimentis abstinere gravaretur. Cui diffidentia malo & hoc accedebat, quod fama aut suspicio icti xvi. Kal. Iun. inter Farnesium & Artesios foederis coloniam emanaret, Gulielmusque Aurantius datis ad Arschotanium litteris, consilia Farnesij ciendis civitatum provinciarumque defectionibus valida non dissimulato indicio detexisset. Itaque quam maxumè legatos Ordinum offendeat, quod Farnesius etsi jure mandati destitutus pacis quoque negotio se interponeret, Regisque legato Castrenantio Philippi mandatis alligato veniam aut licentiam trahendæ actionis & negandi armistitij fecisset. Econtra Castrenantio Philippi mandatorio displicebat, quod in Matthiæ Ordinumque mandatis Joannis Austriaci, etsi fato functi, tum ipsius quoque Regis ingenium paci adversum traderetur, eademque mandata omni comperendinatione amotâ sex septimanarum breve & finiendæ actioni incommodum tempus præfinirent. Præter hoc indignabatur Castrenantius Farnesium amplissimâ gerendarum per Philippi ditiones rerum potestate instructum malè usurpatæ autoritatis insimulari criminantibus Ordinum legatis, reliquasque Belgicæ provincias cum Farnesio foedus non depactas, tacitæ in Philippum rebellionis & occulti criminis redargui. Quæ singula ut animos confidentium procerum, ita negotium pacis distrahebant. Ad quam quoque perveniri non posse illi ominabantur, qui exemplis temporum eruditi præstrui inducias redimendo bello & permulcendæ animorum immodestiae volebant. Reperio in actis provinciæ Legatis Coloniam ituris, præter mandata quæ scriptores evulgare, Matthiam Gubernatorem & Ordines cavisse, ut nisi conventui intra conditum tempus finem rex imponeret, jure principis excideret, populoque Belgico libero & ab externi imperij cultu soluto ad quorumvis Principum foedera atque societates aditus pateret. Quæ duriora & haud dubiè ab animo regiæ iniquitatis conscio profecta pacis tamen actioni non serviebant.

Hæc etiam volebant.

I. *Ut omnium anteaكتورum venia esset, Rexque PHILIPPUS ad MATTHIÆ & Ordinum ratibabendo, æquo cum Brabantia jure reliquas provincias haberet.* II. *Ut Hispani, Itali, Burgundiones, Germani, Galli, Angli, Scoti in Belgio militantes intra sex Septimanas proximas provincijs excederent, FARNESIUSQUE oppida à tempore occupata Namurcorum civitatis, cum omni commeatu bellico restitueret, eaque presidio ex inquilinis & Ordinum partes secutis de consensu Ordinum firmet.* III. *Ut idem inquilini, præter juramentum regi dicendum, patriæ quo-*

quoque & provincijs fidem præstarent, conventioneq; Coloniensi comprehen-  
 sis morem gerant. **IV.** *Vt captivi nullo ere aut lytro, nisi qui id depacti* **LXXIX.**  
 sunt, dimitterentur, Comesque **BURANUS** contra privilegia & universitatis  
 & Brabantiae **ALBANO** regnante **Lovano** abductus, in Belgium revocaretur.  
**V.** *Vt singulis in sua per provincias etiam per Burgundiam, Luxemburgum,*  
*Hollandiam, atque Zelandiam bona restituerentur, provincialibusque utring;*  
*in Belgium redire, regi & patriæ fide datâ jus esset.* **VI.** *Vt Gandavenfis*  
*conventio rata firmaque haberetur, statusq; religionis tam reformatæ quam Au-*  
*gustanæ confessionis, prout esset, ita per provincias foret.* **VII.** *Vt MAT-*  
*THIÆ Archiduci Præfectura Belgij continuaretur, ejusq; morte aut excessu,*  
*rex PHILIPPUS non nisi sui sanguinis Principem & in Belgio constitueret,*  
*& qui in acta Matthiæ Gubernatoris juraret.* **VIII.** *Vt Præfecti provin-*  
*ciarum, oppidorum, arcium, cohortum, ij quoque qui in concilium Status aut*  
*rationum cooptantur, inquilini forent, yque in acta fæderis, jura & immu-*  
*nitates Belgicarum provinciarum jurando, contra facientes sub pænâ perjuri*  
*deferrent.* **IX.** *Vt REX Ordinibus pecuniam in bellum per eos ero-*  
*gatam decies centena aureorum coronatorum millia restitueret, Ordinumque*  
*syngraphas ex causâ defectionis AUSTRIACAE & violato sacramento liberet.*  
**X.** *Vt Angliæ regina & Andium Dux hoc ipso fædere comprehenderentur, i-*  
*stique confirmando, ratihabitio Pontificis Romani, Caesaris, Christianissimi Gal-*  
*liarum regis, Elisabethæ Anglicæ, Principum & Electorum Imperij, Ducisq;*  
*Juliacenſium peteretur.* **XI.** *Vt Fædus ipsum publicâ juris-jurandi reli-*  
*gione firmatum intra Bimestre aut citius PHILIPPUS rex signaret.*

Quæ **XVI. Kal. Jun.** perscripta, & à Trevirenſi Cancellario legato-  
 rum Cæsaris Oratore exagitata præfactæ atque asperæ iniquitatis in-  
 simulabantur.

Itaque scripto Legatis Imperij **X XI. Maii.** exhibito hunc in modum  
 differebant.

**V**T multis postulatis & jus causæ nostræ & vos arbitros gravaremus, animis  
 nunquam fuit. Ita enim censemus non longe quarendam esse diuturni  
 & infelicis belli causam, quam aut è religione aut ex autoritate Regis  
 enata dissensio dedit. Ac divino cultui tam regem quam populum ad-  
 stringi scimus, neque humanæ potestatis aut legis aut commodi esse, eam vi aut  
 armis imperare. Itaque Gandavenſi & post Bruxellenſi conventionem religionis  
 Edicta suspensa aut rescissa mansere, tacitâ interpretatione, ut quisque ex  
 præscripto conscientia Deum coleret. Nam id deprehendimus, Legati, animos  
 cogi non posse vitio mortalis ingenij tristi imperio contumaces. Ita fit, ut  
 ipsa quoque religio, interceptis fidei incrementis, damnum sentiat rerumque  
 exitus probent nihil profici per eos qui regis nomine ac celsissimo imperio abusi  
 suis magis affectibus quam voluntati regie indulgent. Quos frænare, quan-  
 quam consilium nobis fuerit, rege ipso Hispaniâ suâ clauso & qui salutari sine  
 manifesto discrimine adeuntium non possit, aut velit, ita sæpenumero remedia  
 nostris morbis invenimus, caterum à regis medicinâ & ingenio aliena. Tan-  
 tum autem abest, ut aut impius miles aut districtus ensis donum fidei adferat,  
 quod à celesti Spiritu profectum, premi violentiâ aut servitute non potest. I-  
 taque petimus, ut Religionis libertate atque pace à nobis præscriptâ & mul-  
 tis gentibus terrarum usurpata frui sinatis, quæ & Deo consiliare populum

Trevirenſis  
 infirmat  
 legatos Or-  
 dinum præ-  
 factæ ini-  
 quitatis, sed  
 illi scripto  
 suam cau-  
 sam asse-  
 runt.



CL. IO. & simul regi possit. Quod vero ad auctoritatem Regis attinet, eam ex conventionum jure, ex pactorum formulâ deferimus à nullo consilio minus, quam à reverentiâ regis alieni. Atque ijs terminis Regis auctoritatem, nostrum obsequium atque sacramentum circumscribi postulamus parati ad ista quoque animos & consilia formare, quæ vobis imperatoris majestatis Legatis & juxta nobis æqua aut honesta videbuntur.

Itaque ista nec Cæsari, aut Regi, nec Castrenantio approbare se posse obtestabatur, quod ea mandatorum suorum & futuræ pacis ratio esset, ut superstrui antiquis foederum conventionibus deberet. In quibus quoque si quid ruptum infirmatumque licentia temporum aut error fecisset, id emendare sui officij esse, quo inter Regem subditosque diffociatæ res ex priorum actorum fide atque efficaciâ coalescant. Quod ad reliqua postulata attineret, ea tanquam duriora & paci adversa emollienda se censere, cui fanciundæ hoc imprimis expediret, ut acta Gandavenfis & Bruxellenfis foederum rata per Ordines haberentur, quo Philippi legatum asperitate conditionum offensum paciscendas ad inducias commoveant.

Conditio-  
nes pacis ab  
Ordinum  
parte non-  
nihil leni-  
tis.

Itaque condiciones in spem obtinendi armistitij & liberandæ Trajectensium ad Mosam civitatis nonnihil lenitæ, addito ut à parte. Ordinum Gandavense foedus & Bruxellenfis unio valeret, Comesq; Buranus ex Hispaniâ dimissus intra trimestre spatium Antverpiæ sisteretur.

Mox colloquium examinandis conditionibus institutum, quo Ordines actorum nomine, quæ rata caverant, convocationes Ordinum, foedera & societates demoliendarum arcium aut tributorum decreta, tum edicta regio titulo vulgata, denique collationes beneficiorum dignitatumque tanquam justas atque legitimas comprehendere interpretabantur. Neque privilegia alia intelligi, quam quæ singulis provincijs indulta fuissent, neque aliam religionem, quam Gandavense foedus haberet, aut quas admitti ex decreto Ordinum, pacis publicæ & Philippi regis interesset. Post Matthiæ Archiducis diploma Cæsaris Legatis exhibitum, maturandis rebus quæ legatorum tarditate expugnando Trajecto, & Alexandri Farnesij belli imperium capeffentis gloriæ ac famæ trahebantur. Igitur sociâ Trajectensium civitate in ultimo discrimine constitutâ, quam Melchior Suartsenbergius vir nobilis & militiæ impiger cum imperio & simul præsidio tenebat, Farnesio insuper divellendis clam provincijs occupato, de signando Ultrajectino foedere cogitatum, quod arrecta ad Colonienfæ foedus multorum spes studio certæ pacis distulerat.

Princeps  
Aurantius  
Ultrajecti-  
no foederi  
subscribit.

Postquam verò & isti diffusum est, Farnesioque ipso belli magis quam pacis incentore, Gulielmus Aurantius Antverpiam reversus, Ultrajectino foederi subscripsit illudque ipsum, velut Belgicarum provinciarum incolumitati repertum, neque Matthiæ Gubernatoris auctoritati adversum, secretis quoque ab eodem provincijs commendavit. Erant namque, qui Matthiam Archiducem ex formulâ Gandavenfis pacis receptum lædi novo ex foedere clamitarent, ferendisque malis in populum rumoribus sagaces, suo ex ingenio cæteris quoque malitiam affingerent. Inde serius signatum foedus ab Aurantio interpretabantur, et si essent in prudentioribus, qui non ignorarent omne novi foederis consilium ab eo præfectum esse, eumque secessione sociali impulsus & simul inritatus, ad Ultrajectini foederis sanctionem, tanquam publi-  
cæ



cæ infirmitatis remedium, confugisse. Itaque de Belgicis Frisiorum-  
que trans Rhenum provincijs, quas Sequanæ fontes & Amisij annis  
ostia terminabant, firma pace conciliandis desperatio tum incescit, cre-  
ditumque fuit, parte nationum Philippi artibus & secretis inlicijs avul-  
sâ, solam spem incolunitatis Ultrajectino in fœdere relictam. Quip-  
pe discretis provincijs & ærarium contabuerat & exercituum fides solve-  
batur, qui in omnem insolentiam vitio quietis & ignaviæ proni, ma-  
gis imperia Farnesij novi & egregij Ducis, quam dissidentium Ordinum  
sequebantur.

Reperio in actis Hesselum Aysma provinciæ Legatum Antverpiæ hæ-  
rentem de 12000. millibus Carolæorum Frisiorum nominæ communi  
ærario inferendis acerbè conventum, arrestoque mox pressum, pro li-  
berandâ legati fide, ut indemnem præstarent, acribus litteris suos pro-  
vinciales sollicitasse.

Quare firmando per Frisiam Ultrajectino fœderi, reparandisque pro-  
vinciæ, quas odia partium attriverant, rebus Senatus juris dicundi su-  
premâ potestate tum valens petente Lalainio comitum Leovardiæ ad  
XIII. Kal. Jun. indixit, crudisque & in diversa scissis provincialium  
animis in VII. Kal. proferri fecit. Tanta cum difficultate approbandi  
Ultrajectini fœderis mandata impetrabantur, quæ traditione majorum  
interveniente populi suffragio firmata, vim comitij exequabantur. Ne-  
que enim fœdera inire aut rescindere, tributum ordinare, bellum aut pa-  
cem facere, præterquam populi tum erat, qui mandatarum creando  
jus nihilominus suffragij & supremæ majestatis retinebat. Inde relations  
ad populum dubijs in rebus introductæ, quas certamina dominationis &  
profusâ boni moris libertate succrescens licentia præclaris cum moribus  
secutis temporibus abolere. Quare componendis per Frisiam dissen-  
sionibus, urgente Lalainio, qui ab exitu Martij mensis animum fœ-  
deri magis addictum ostenderat, die condito comitum Leovardiæ  
institutum, in quo Lalainij litteræ Winsumo è Translavanis III. Kal.  
Junij datæ, plenius de ejus voluntate & in fœdus propensione discor-  
dem populum docebant.

*Ius suffra-  
gij & supre-  
mae maje-  
statis in Bel-  
gicâ penes  
populum.*

*Comitia  
componen-  
dis Frisio-  
rum dissen-  
sionibus &  
subscriben-  
do Ultraje-  
ctino fœde-  
ri Leovard-  
iæ insti-  
tuta.*

**A**D VENE R E apud vos Ultrajecto provinciarum federata-  
rum Legati, quo mandata sua exponant. Quæ cum paci, concordie  
atque salutis vestræ destinata sint, moneo ac hortor, ut ad mandata  
eorum arrecti ac prudentes decreta formetis. Ne trahendo publica,  
aut per incuriam negligendo, quod securitatis aut fiducie vitium est, eorum  
auxilij destituamini, qui contermini nobis & effectum rebus angustiis erga nos pro-  
fessi, adhuc de sua in vos salutemque vestram propensione abunde testantur.  
Itaque vestrum erit & veteris in vos studij memoriam evolvere & præsens be-  
neficium amplecti, de cujus fructu plenius vos docturi erunt. Quo factò mihi  
dubium non est, quin animis atque consilijs vestris insinuatura se sit sollicita  
vetustatis cura, quæ concordia res parvas crescere, magnas ac proventas dis-  
sensione dilabi monuisset. Quare concordiam unicum rerum vinculum & ro-  
bur vobis commendo & ut ante oculos patriam, conjuges, liberos habeatis. Qui-  
bus quam maxumè prospicietis, si quod absens & gerendis pro patriâ vestrà rebus  
intentus peto, ne quæ mora aut lis decretis vestris interveniat.

cIo. Io. Creditum fuit Georgium Lalainum Gulielmi Aurantij, cui multum LXXIX. tribuebat, consilij & post exemplo evictum minuendis in quas inciderat, suspicionibus aut studium promovendo foederi prætulisse.

*Ve etiam  
in Provin-  
ciâ Gronin-  
ganâ, sed  
frustra,*

Itaque à bimestri spatio evoluto sociandæ foederi Groningæ in Translavanico profectus, ubi odia & partes regiæ tum maxumè gliscebant, Visfleti ad Lavicam comitum gentis indixerat, Groninganisque per litteras adesse jussis de foedere Ultrajectino proposuerat. Qui illegitimo cœtu ac loco se convocari regerentes contumaciam veterem ex nuperâ dissensione profitebantur, Aurantijque compositionem, etsi in speciem approbatam, acrioribus in Omlandos odijs obtegebant. Adeo peculiare hominibus est injuriæ minus quam beneficij oblivisci, partiumq; inimicitias publicis officijs obnuere. Itaque petierat, ut Lalainius urbem habendis comitijs longâ temporum ætate destinatam, justo cum comitatu intraret sponsioneque publicæ pacis securitatisque acceptâ commisso interesset. Sed Lalainius, urbi partium validæ & quod nullo aut minimo præsidio teneretur, diffusus, binas peditum collortes Frisiâ evocavit, quas Bartholdus Entenius vir bello acer, veteri in urbem odio & nuperi carceris reminiscentiâ Loppersemum, Dammonam, Farmsumque duxit. Quæ res Groninganos valde exasperavit agrariæque nobilitati, velut arma repetenti odium dedit.

Quare Pompeius Ufkenius virelantis judicij & qui in partibus libertatis diu fuerat, ad Groninganos ablegatus, honestaque nequicquam excusatione usus, quod de voluntate Regis Ordinumque id fieri affirmaret, civiles & Magistratum animos, quibus sedandis mittebantur, illo responso irritavit. Quippe addiderat rerum omnium & infœlicijs patriæ discrimen id postulare, postquam exploratum esset, omnem per oram foederi infidias strui, clandestinaque hostium consilia præsidio armorum amovenda.

*Ad quod  
tamen vi  
adiguntur.*

Mox Dammonam versus, quam Fivela annis modico alveo interluit, tres cohortes per Lalainium ductæ, impediendis Groningensium comitatibus, qui Delphylæo portu, quem Amasus flumen facit, recepti Fivelæ navigabili amne Groningam subvehebantur. Ibi agens, parandis militi stipendijs & ne populationibus agros infestaret, colligendo collationum tributo per Omlandicæ pagos quæstores constituit, Ordinumque generalium indictiones egestate æris & ut publicam imperij autoritatem sanciret, ratas esse jussit. Tum Hovetmannis fidei suspectis juris dicendi potestatem abrogavit, eorumque edicta, præterquam suâ manu signata, vicinum per agrum recipi vetuit. Decem quoque peditum signa, ductore Entenio in Selverdicum coenobium immitti fecit, populatisque agris & omni suburbano pecore abactis Winsumum communivit. Ipse Eusumanâ in arce validissimâ ordinandis porro rebus desedit, Dammonamque prohibendis Groninganorum eruptionibus vallo fossaque circumduci imperavit. Cæterum cingendæ aut oppugnandæ urbi impar latissimo mœnium ambitu operumque firmitate validæ, nihil grande ac magnum gessit, nisi quod Groninganos castra rudia & nulla lege circumscripta infestantes retro ageret, rusticamque præfecturæ veteris ad Amasi ripam ac Dullarti sinum procurrentis plebem in sua redire irrogatâ grandi multâ compelleret. A cujus fugâ, unâ

cohor-



cohorte præsidio relicta, Groningani erectis vexillis portis effusi haud cō. 13.  
procul Selverdico cœnobio aciem instruxere, collatisque cum Lalainio Lxxix.  
signis suo magis metu, quam vi hostium in urbem compulsi sunt. De-  
siderati ex ijs præter saucios, haud pauci & duæ quoque virgines, quæ  
ad numerum quingentarum custodiendis tormentis destinatæ muliebri  
planctu ac ejulatu res Groninganorum ordinesque turbabant. Igitur  
de dedendâ civitate ab illâ levi clade consultatum, missis in castra La-  
lainij Jacobo Hildebrando, Gulielmo Ubbena, & centurione civico Vinc-  
keburgio, qui æquis conditionibus urbem se tradituros nuntiabant. Qui-  
bus impetrandis Regnerus Assevinus, Loefius Harius, & Regnerus Can-  
tius foederatorum Ordinum Legati opportune intervenire, Groninga-  
nique fide datâ & accepta partibus Ordinum generalium & Matthiæ  
Gubernatoris se permisere. Conditiones hæ erant.

*Deditur  
Groninga,*

*Vt Groningani Matthiæ Archiducis, Concilij Status & Ordinum generalium*  
*decretis parerent, præstandisq; pactis, dum inter eos Ordinesq; conventum foret,*  
*obsides darent. Militem suo sacramento ac ære autoratum missum facerent, eo-*  
*que facto Lalainius copias abduceret, munitiones solo æquaret. Captivis utrinq;*  
*Lalainius & oppidani veniam facerent, pecusque abactum oppidanis restitueretur.*  
*Oppidani de cæteris cum Lalainio amice transigerent, id si fieri non posset, le-*  
*ge ageretur. Matthiæ Archiducis edicta rata essent, vis utrinque cessaret.*  
*Lalainius Groninganos in fidem ac tutelam reciperet, ij pactis conventis, sub*  
*pænâ detentionis bonorum, starent. Id si non facerent, à vicinis etiam*  
*per arma ad præstandum compellerentur.*

*Conditio-  
nes deditio-  
nis.*

Ea Winsumi in Traslavanis VIII. Eid. Ian. acta.

Quare Bolsuerdij perspecto Lalainium, qui istius rei diu consilium  
traxerat, in partes novi foederis propendere, adultâ nocte Senatum ha-  
beri consultarique super adeundo foedere fecerunt, quo Ordinum  
foederatorum desiderijs ac Lalainij litteris satisfacerent. Cæterum dis-  
sidentibus ex religione animis & civitate ultro discordi, parum profe-  
ctum, urgentibus nonnullis Concilium juratum, velut tuendæ adversus  
Senatum plebi à majoribus institutum in partem publicæ deliberationis  
adhiberi. Quod cum ægre pontificij quique à reliquo Senatu obtine-  
rent, Rinckius Cornelius Senatus Præses, clavibus scriniorum & sigillo ur-  
bis projecto discessionem se facturum in Senatu pronuntiavit, foedusq;  
Ultrajectinum suæ conscientiæ, sacramento Senatus, paci Gandaven-  
si, tum salutis publicæ adversum detestatus est. Sed validiore illorum  
suffragio, qui pro Ultrajectino foedere, tanquam præsidio libertatis cer-  
tabant, Ordinum foederatorum Lalainijque litteris benigniter respon-  
sum, potestate Jacobo Simonio Consuli facta, qui mandato senatus fæ-  
deri subscriberet. Igitur Bolsuerdiâ in fidem receptâ Rinckius Cor-  
nelius claves portarum, sigilla, cæteraque Senatus & imperij munimen-  
ta Hesselo Livio collègæ tradidit, depositaque cum Douwone Epæo  
consulatus dignitate Curiâ excessit. Unde civium murmura, mox in-  
conditæ voces erumpebant, interque omnem licentiam & immodestos  
discursantis populi mores constituta civitas spectabatur. Qui, minus gra-  
to Magistratus imperio, ne in seditionem erumperent, mandato supre-  
mi per Frisiam Senatus novi civicis cohortibus à Magistratu centurio-

*Dissidia  
Bolsuerdiæ  
super Ultra-  
jectino fœ-  
dere.*

*Prævalens  
veræ Reli-  
gionis as-  
secta.*



clo. lo. nes creati, qui postulante necessitate populari immodestia subvenirent. lxxix. In ijs Joachimus Jacobæus, Suffridus Petrus, Petrus Vibenius, Valerius Petrus omnes amantes fœderis fuere. Quo factò cives Pontificij prostitutâ oris libertate, cædes exsiliaque comminati, majore licentiâ egere, moreque furentum per urbem acti majoris periculi metum Magistratui iniecerunt. Quare supremo Senatu, cui Lalainius Winsumi in Omlandia agens, omnem curandarum rerum potestatem concesserat, in consilium adhibito, Sibrandus Richæus vir acer & eloquens fisci provincialis procurator Bolsuerdiam missus. Ubi collato cum Magistratus actuario secreto sermone in oppidanam Curiam mox concessit, populumque signo per præconem dato pro Curia frequentem adesse jussit.

Tum Magistratuus nomina, quos Senatus supremus pacandæ urbi, & mutandis in melius rebus nuncupaverat, in publico recitata, adactique ad sacramentum Hesselus Aysma, Franciscus Jacobæus, Petrus Vibenius, Joannes Romckenius, Theodorus Oconius, Joannes Harmanus Cōsules, Nicolaus Joannis, Jarichus Hero Senatores.

Igitur xv. Kal. Jul. Magistratus dicundo juri tribunali præfedit, concilioque jurato ritè & ex usu temporum constituto, centuriones cohortium sacramento obligavit, urbisque præsidium disponi jussit. Dein minuentæ Pontificiorum licentiæ, qui solennes amburbiorum ritus adhuc exercebant, ad supremum Senatum scripsit, convocatisque in ædem Prædicatorum fidei confortibus Ruardum Acronium hominem Frisicæ gentis Alcmariæ in minoribus Frisij tum agentem, docendis sacris delegit.

*Leoverdia  
porta Diva  
Matri sa-  
cra exstrui-  
tur.*

Annotatum invenio i v. Non. Jun. portæ amplissimæ validissimæque, quam Leovardiæ urbi in occidentem D. Matri illorum temporum religio dedicaverat, fundamenta jacta fuisse, Adiumque Lambertum, Meinardum Wigerium & Gellium Sibæum, consulari imperio autoratos, curationem novi operis collegarum decreto accepisse.

*Comitia  
Leoverdia  
prorogata.*

Igitur durante Comitiò, quod Leovardiæ indictum, Cl. Franckena in ephemeride istius anni prorogatum in Kal. Junias notat, urgentibus Regnero Assuinio, Loefio Hario, & Regnero Cantio Ordinum Fœderatorum legatis colloquium pro Ultrajectino fœdere repetitum. Quod etsi ijs maxumè reprobaretur, qui regiæ dominationis etiam senescentem potentiam venerabantur, ita erant & in patriæ partibus, qui finistrâ fœderis suspitione gravarentur, curiosique, ut hominum ingenia solent, & ad futura solliciti omne ex Ultrajectinâ societate nasciturum discrimen expenderent.

Quippe præter tributi & generalium indictionum onus, à quo serundo alieni erant, & quod grave ac molestum provinciæ fore occulto animorum prælagio ominabantur, ita maxumè metuebant, ne juris antiqui possessione isto ex fœdere exuerentur, clarissimæque Frisiorum genti & tantorum temporum libertati novâ aliquid conventionem decederet. Quæ quanquam eorum justa sollicitudo renovaret, qui antiquas Principum gentiumque cum Frisij pactiones in animos & memoriam revocabant, ita præcipue nuperâ superioris Belgicæ, quam Gandavense fœdus socieverat, secessione, tanquam crudo adhuc vulnere offendeabantur.

*Nil scilicet tam sanctum atque firmum esse, quin temerare sociales dissensu*

senſo audeat, cum fides aut ex queſtu, aut ex potentia augenda ſtudio, aut humani ingenij imbecillitate rupta religionem ſcederum auferret. Coiſiſſe Gandavi cum Belgica ac Burgundia provincijs, quas à ſuis terris, atque finibus morum diverſitas, legum atque libertatis gloria ſecreſciſſet, quo Philippi & ſuorum injurijs, qui imperium ſuum armis magis quam pace tueri maluerat, communis nationum concordia occurreret. Atqui clariffimi & ſolemmiter iſti ſcederis infamia diſſolutam ſocietatem, ut ante ex religione odia, ita bella atque ſanguinem ſpirare, levitate illorum qui veterum & præſentium ſaſtidio, ac libertatis ſenſu excuſſo probroſa ſervitia ejurate Hiſpanorum dominationis adieſſent. Sed eam rerum humanarum fragilitatem & inſtantiam eſſe, ut eodem loco eas ſubſiſtere fortuna, aut mortale conſilium nolit, nova diſſidia haud dubie novo ex ſcedere ſeminaturum, niſi expulſa gentibus ſola ſcederum tutrix fides redeat, & in patriarum legum amplexu firmetur nutantis reip. imbecillitas. Matthiæ quoque provinciarum Gubernatori jus atque autoritas conſtet, factura ſui periculum ſi provincias & oppida illius imperio ſubducat nova & niſi ex æquitate ſanciantur, non duratura ſocietas.

Itaque Legati ſcederatarum provinciarum, ſanandis Friſiorum criminibus, fide datâ conceptiſque verbis caverant:

*Frifſi ab indiſtioni-  
bus genera-  
libus eximuntur.*

Ne in Ultrajectinum ſcedus recepti ex eodem ſcedere ad ferendas indiſtitionum generalium leges tenerentur, & ut tributa communi provinciarum decreto ordinanda, æqualia ſocijs forent. Ius quoque Friſicæ genti peculiare integrum in- violatumque maneret, Matthiæque Gubernatori, etiam ex hoc ipſo ſcedere, confirmata autoritas eſſet.

Quæ per Regnerum Aſſuinium, Loefium Harium & Regnerum Cantium Kal. Jun. ſignata, animos Friſiorum recipiendo ſcederi perſulere.

Itaque poſtero die, qui xv. Non. erat, ab oppidanis in æde prædicatorum ſolemmiter & pro more congregatis ſcedus confirmatum, ac à Julio Bottnia Oldermanno, Georgio Henrico Conſule pro Franequerenſibus, Henrico Jarichio & Joanne Joannis nomine Adij Lambertij qui abſens erat & iſti rei mandatum acceperat pro Leovardienſibus, Nicolao Horatio, Petro Livio pro Snecanis, Jacobo Suffridæo & Franciſco Jacobæo pro Boſſuerdijs, Bonnone Petræo & Jeltzone Galama pro Iſtanis, Regnero Olpherdio pro Staurijs, Gulielmo Sippio pro Slotanis, Joanne Boëtio & Douwone Abbæo pro Worcumanis ſignatum.

*Oppidani in Friſiâ amplectuntur ſcedus Ultrajectinum.*

Igitur ſignato per oppidanos Ultrajectino ſcedere, Weſtergoi palam diſcordes pro recipiendo aut repudiando eodem ſcedere conſultavere. Erant namque qui Matthiæ Gubernatoris ſententiæ totum negotium deferrent, ſcedusque Ultrajectinum, modo à Gandavenſi & Bru-xellenſi Unione tum religionis concordia non diſſentiret, amplectendum pronuntiarent.

*Et Weſtergoi non ſine altercatione.*

Itaque obteſtabantur niſi de eo caveretur, ſcedus ſe non probaturos, habiturosque rationem mandatorum ſuorum, quæ violari non poſſent. Ita Sixtus Bottnia & Joannes Suffridæus pro Wimbrifterijs, pro Woneranis Janco Ongha, Jarichus Gulielmius preſbyter, Renicus Suffridæus Baerdus, pro Hemelumolpherdijs Hinnio Jarichius & Renicus Hiſſius reſcripſere.

Hoc etiam additum à poſterioribus, ut, ſi ſcedus adeundum foret, præ-



cIo. Io. præturæ suæ & districtui, in causa tributi, ex inundatione terrarum suarum & secutâ egestate parceretur, & ut è pecorum pastu aut seminatis agris natâ indictione omisâ, tributum quoque floreni aurei non intenderetur.

Contra purâ fœderis aditione pro Menaldumæis Poppo Grovensteinius & Scelto Siricius, pro Baerderanis Serapius Galama & Orichius Doiemus, Poppo Burmania & Oeno Regnerius pro Hennardijs, Hobbo Baerdus pro H. Waltingha aut Frederico Offenhusano Franequerensij tuebantur, opponentibus se Hesselo Hania, Tito Regnero Baerderanis, & inter Hennardios Sixto Popma Iure-consulto & Gerlaco Rispenio, è Barranis Cornelio Gabinio, qui conditiones fœderis, tanquam à Gandavenfi pace & cæteris pactorum formulis differentes repudiando, decreto nuperi comitij, quod fœdus abrogasse dictitabant, immodestiâ sermonum patrocinebantur.

Itaque Serapius Galama Baerderanus prætor contumaci adversariorum importunitate exandescens, id vero alienum & manifestæ falsitatis ajebat, fœdusque Ultrajectinum à patriæ amantibus approbatum, non nisi paucorum, qui secretos contra leges conventus habuissent, prædictum asseribat.

Hæc in acta relata & Non. Jun. legatis Ultrajectinis exhibita. Tantam in animis acerbiteratem aut sollicitudinem Ultrajectini fœderis discipatio injecerat. Cui malo quorundam suspicio aut cura fomentum aliquod subministrabat, cum essent qui fidem facerent, provincias Ultrajectino fœdere & simul ære ex alieno creditoribus nexas Frisiæ provinciam ex jure societatis gravaturas.

Quamobrem à Legatis cautum. Ne æs alienum oneri eorum aut damno, qui in præsens fœdus adiissent, cederet, & ut omni debito liberando quod jam ante natum esset, fides antiquæ obligationis interveniret. Igitur Ordines Frisiæ spectatâ Legatorum integritate, & ne comitium quod in octiduum prolatum criminabantur, majore provinciae impendio traheretur, ijs qui in parte adhuc adversâ erant, colloquium atque arbitros componendæ dissensionis obtulere, sub hac obtestatione, ut oblatam æquitatem respuenti culpa retardatæ aut ruptæ pacis imputaretur, suæque innocentiae testimonium tam fœderatarum provinciarum quam Trans-lavicanæ, qui comparuerant, gentis legati acciperent. Id prid. Non. Jun. factum ac à Docone Martna, Douwone Sixma, Jancone Ofingha, Barthio Idzaerda pro fœderatis provincialibus signatum.

*Provincia  
Ultrajecti-  
num fœdus  
implexæ,  
singulis cer-  
eam æri  
summam  
gerendo bel-  
lo statuerunt*

Igitur fœdere icto & à Frisijs, ut ante dixi, per Barthium Idzaerdam & Gellium Sibæum Ultrajecti signato, mense Junio modus tributum per provincias constitutus, conventumque ut Geldri quovis mense 40000. Hollandi 83000. Zelandi 17000. Frisij 24000. Ultrajectini 12000. Transfulani & Lingenfes 23000. Groningenses 6000. Omlandi 12000. Drentini 6000. Carolæorum penderent, ærisque corrogati subsidium gerendo bello serviret.

Reperio in actis istius conventus Sibrandum Hiddium Geesterlandiæ nomine in comitio tum agentem, collatam legitimo more à Sylvestribus Deputati dignitatem Barthio Idzaerdæ asseruisse, ejusque rei fidem ab actuario Ordinum Isbrandio perscriptam vim mandati habuisse.

Lit.



Litteras quoque ab Ordinibus generalibus in Frisios Antverpiā mis-  
sas, quibus de subsidario are ocys mittendo solvendæ Trajectensium  
obsidioni cæterisque necessarijs hortabantur.

Quippe præter publicatum collationum pecuniam, centesima quoque æs su-  
stinendis belli oneribus pascere coactos solutam ignaviā & ex stipendiorum morā  
exercitus disciplinam comperisse. Neque aliud superesse, quam ut Trajecto  
ad Mosam per vim expugnato reliquas quoque civitates hostium armis exponat  
magnis rebus adversa salubris consilij cunctatio. Se verò Deum, conscientiam  
generis humani & provincialium fidem pro suā innocentia obtestari, quæ ex in-  
dignatione instantis periculi dissimulare non posset secundarum rerum impedi-  
ta alijs autoribus stare. Atque hoc inde esse, quod sui confessus autoritas pro-  
vincialis imperij prætenso majestatis jure ardeatur, quod non velit, istis à suo  
consensu prospici, in quibus festinato opus sit, & quibus mederi relationum tar-  
ditas non possit. Itaque fisti se ad triste mentis patriæ spectaculum, postquam  
illius ostentatio movere illorum sanguinem atque animos non posset, qui res  
suas atque corpora amovendis externis servitijs consecrare salutis publicæ iusta  
devotione debuissent. Interim sperare se meliora & ex magnitudine præsentis  
mali emendata consilia, quo subvenire emorienti reip. possit necessarij subsidia-  
ryque æris maturitas.

Mox decreto Ordinum prid. Non. Ianuar. perscripto & per Arnol-  
dum Hardervicenum, Douwonem Nyenhufium & Ludovicum Foxium  
actuarios publicos ad Præfules cæterosque adversæ partis perlato re-  
spondent  
Ordines  
Frisiæ W<sup>g</sup>  
Stergoi.  
sponsum est.

Id moris apud majores suos in comitijs obtinuisse, ut suffragiorum  
ratio haberetur, quæ quo plura eo validiora fuissent.

Et quoniam in causâ Ultrajectini foederis, (ad quod constringi ne-  
mo jure posset) & ut nulli constringerentur Lalainius voluisset, ita con-  
scientiæ suæ ductum secutos statuisset, quæ plures decrevissent. Qua-  
re obtestationem Ordinum tanquam inefficacem & cum patrijs legi-  
bus pugnantem se habere, quæ comitiorum & suffragij jure oppidanos  
prohibuissent, neque prætores admitterent, quibus ex actis fas non  
esset, sicuti neq; privatis, solempni comitio interesse. Itaque id re-  
sponsum de quo actuarij referebant, Ordinibus minus gratum & accep-  
tum firmandis partibus animos accendit.

Unde postero à Westergois decretum.

Vt rationum magistri dignitate atque munere suo cederent, Ordinumque  
Deputati provincie rationibus præessent. Pecunias quoque publicas rationario-  
rum incuriâ segnius in ararium perlatas, inferri in idem ararium ocys curarent,  
eaque potestate Ianco Osingha & Orichius Doyemus fungerentur. Vt eorum  
mandatis signandis Foppo Grovensteinus & Goslicus Hiddama vacarent, ijs-  
demque Deputatis fas esset in gravioribus causis binos ternosve à Westergois in  
consilium adhibere, decernereque quod ex usu sit. Et quoniam fœderatorum  
Ordinum legati fidem fecissent, se de mensruo 24. millium tributo, quod Fri-  
sijs impositum erat, pacisci ac transigere non posse, Deputatis ijsdem jus at-  
que potestas facta esset, delegandi Ultrajectum, qui cum Carolo Roorda Lega-  
to Ultrajecti agente consilia communicent, deque iusto & æquali cum Socijs  
tributo

CL. I. tributo paciscantur, eiusque remissione socijs indulgâ, idem beneficij Frisijs ob-  
LXXIX. veniret. Lucæ Iargæ provinciæ actuario Antistitum Ordini addito Ego Is-  
brandius in dignitate succederet. Id actis insertum, & Foppij Grovensteiny,  
Sixti Bottniæ, Oenonis Rinsij & H. Bardij manu signatum.

Quibus  
assensum-  
tur Ooster-  
goi & ma-  
ior Sylve-  
strium pars

Quo Westergoënsium decreto à foederatis Oostergoïs & majore Sylvestrium parte, quæ cum oppidanis foederi Ultrajectino se obliga-  
verat, approbato, iidem Oostergoï Scipionem Meckmannum & Re-  
nicum Canmingham cognomento Majorem Deputatos creavere, eo-  
rumque mandatis scribendis Doconem Martnam & Tetardum Aylvam  
delegavere. Hæc à Joanne Martna Corniumano & Broerio Hesselio  
perscripta. Neque Sylvestibus pax quoque & quies tum erat.

Quippe Deputatis cum rationum magistro per eos, qui Præsulum  
Ordini favebant, extra comitij locum constitutis Barthius Idsaerda,  
Joannes Sannius, Sibrandus, Hiddius, Auco Edonius & Feico Tatman-  
nus de mandato sociorum se opposuere, rescissâque electione & dam-  
natis actis obtestatione usi, publicarum rationum curam Deputatis per-  
miserunt. Ea Non. Jun. facta.

Comitia  
Frisiæ tur-  
bida,

Quæ dum Leovardiæ in comitio turbido & exitiali provincialium  
discordiâ scisso fiunt, per Hesselum Aysmam legatum apud Antverpios  
adhuc agentem libellus supplex Deputatorum Frisiæ nomine M A T-  
T H I Æ Gubernatori hunc in modum oblati.

Libellus  
Supplex  
Matthiæ  
Archiduci  
à Legatis  
Frisiæ ex-  
hibitus ad  
cohiben-  
dum Episco-  
pum & Se-  
natum re-  
gium.

**A** N N V S & ultra est, Serenissime G U B E R N A T O R, quo  
hosti per Frisiam addictos vinculis dari, ac dignitate moveri & loco im-  
perasti. Hac tamen cautione additâ, ut finito hoc ipso quo exagi-  
tamur bello, jure cum ijs ageretur. Quo mandato fretus L A L A I-  
N I U S Frisiæ præfectus Episcopum & Senatum cessare ab Ordinarijs officijs  
jussit, eâque de re ad te rettulit. Et quanquam istius facti atque de-  
creti ratio firma & immutata esse debeat, tamen loco moti restitutionis in in-  
tegrum beneficium imploravere, ac ut eos, etiam machinationum hostilium con-  
victos, tribunalibus atque dignitatibus redderes. Quod cum à tuo decreto a-  
lienum esset, sanxisti, ut causæ actorumque cognitio L A L A I N I O ac De-  
putatis Frisiæ permitteretur. In quam proficisci perferendis actis nostræ  
occupationes, quibus hic detinemur, & impedita itinera non sinunt. Igitur  
petimus, ut mandato tuo, quod scripsisti, robur addas, Episcopumque ac Se-  
natum durante hoc bello, judicio prohibeas. Fiscus quoque apud Frisios procu-  
ratori potestatem facias ex actis ceterisque in quæ inquiri faciet, adversum  
eosdem agendi, aut proferri sinas diem cognitionis, quo L A L A I N I U S  
belli & pacis rebus expeditis, vacare judicio & commissis mandatis possit.

Quare rescripto Matthiæ cognitionis dies in bimestre prolatus ejus-  
que rescripti denuntiatio Wilhelmo Mennenio apparitore, Joanni Smeie-  
ro procuratori exautorati Senatus facta.

Tum lite fæderis necdum sopitâ Feico Tatmannus Utingeranorum Præ-  
tor pro Barthio Idsaerda, in Deputatum à Sylvestribus communi suffragio  
electo, testimonium dixit, manumque Econis Isbrandij scriptum, fræn-  
andæ adversariorum importunitati referri in acta fecit. In quæ illo-  
rum quoque nomina, qui convellendo Ultrajectino fæderi suffragia ac  
confi-



consilia commodaverant, relata, instruendâq; posteritati quo illorum cōs. I. d. temporum motus & factiosas cōitiones cognoscat, archivi provinciae LXXIX inferta hoc Ordine recitabantur.

In quibus è territorio Leovardiensi Hesselus Emingha, Hesselus Feitsma & Renicus Tetardius, è Ferverderano Nicolaus Loyius, Laurentius Buwo presbyter, è Dongrij occidentilibus Nicolaus Cleffenius, ex orientalibus Elco Mockama, Wigerus Gabinus, pro pagis quibusdam Collumani territorij Edo Alma, pro Octopagicis Livius Ielgersma, pro Dantumani Oeno Wijtsma prætor & Tiepco Goslingha, pro Tietzerkij Oedsius Arnoldus, pro Smallengij Erco Arnoldus, pro Ravardijs Ado Heringha & Otto Bottesius, pro Idardijs Biuco Edsardius fuere. Inter Westergoos Titus Regnerius, Hesselus Hania, Hanso Roorda, Tiepco Gerbranda, D. Sixtus Popma LL. Doctor, Gerlacus Rispenius & Cornelius Gabinus nominati. In Sylvestrium numero Kempo Hajonius Opsterlandus, Heyno Abelius ex Stellinguerfij orientalibus, Ulpianus Godofredus Scoterlandus, Gellius Broërius Haskeranus, Euco Tetardius Lemsterius, Foppius Douma & Ansko Meinus Donieverstallenses perscripti. Cæterum Opsterlandis, Stellinguerfij occiduis, Scoterlandis, Utingeranis, Geesterlandis cæterisque multitudine suffragiorum primis & fæderi unitis illorum, quos recensui, partibus boni in comitio exitus non fuere.

Quippe præter procuraciones quas plenâ agendi potestate firmatas, oppidani exceptis Hindelopij ad signandum foedus attulerant, etiam ex Oostergois Octopagici, Tietzerkij, Collumani, Smallengij, Dongrij plerique è Westergois Winbritserij, Hemelumolphardij, Baerderani, Menaldumæi & Franekerensis territorij, è Sylvestribus Opsterlandi, Stellinguerfij, Utingerani, Lemsterij & Geesterlandi mandata præferabant, reliquosque & in ijs presbyteros eosque dubios & vacillantes, aut immodestiâ partium suspectos, concordibus suffragijs superabant. Quibus & hoc accedebat, quod semiplenis mandatis instructi velut accisâ agendi potestate priorum causam præjuvarent, metuque majoris periculi in illâ conversione rerum coorto, silentium profiterentur. In eorum numero ex Idardijs, Roordahufani, Frensi, Idardij, Warregai, Leovardiensis territorij, Dantumani, Oostergoi, Barrani, Hennardij, Wonserani, Westergoi, Donieverstallenses & Haskerij Sylvestres censebantur.

Igitur foedere per Frisiam cum Geldris, Hollandis cæterisq; provincijs per plerosque percussio, cæteri qui specie tuendæ apud Gandavum istæ pacis firmandis Philippi partibus utebantur, retro citroque cum Farnesio secreta communicabant, multique etiam ex ipso Ordinum generallium confessu, aut qui militaribus dignitatibus pollebant odio, ut creditum fuit, Ultrajectini foederis à libertatis patrocinio alienabantur.

Insertum actis invenio, Carolum Gauræum Equestri Ordinis virum, præclaris legationibus ad Andinum nuper functum, clandestinam à partibus Ordinum defectionem tum parasse, datisq; ad primatem litteris & in vetere quod Philippo regi præstitisset sacramento & foederati exercitus seditione sibi placuisse.

Unde Antverpiæ & simul Colonia, ubi pacis negotium tardius procedebat, asserendæ regiæ parti arcana consilia fabricata, quæ quo majore

*Factiones  
& res du-  
bie per uni-  
versam Bel-  
gicam,*

*Carolus  
Gauræus  
ad Hispanos  
defecit,*



clo. lo. majore vehementiâ incalescebant, majore quoque impetu acta pro-  
LXXIX. miscue vulgabantur.

Reperio in litteris Gelliæ Aylvæ nobilis fœminæ, erat ea Gemmæ Burmanniæ uxor, ad Renicum Cammingha Coloniâ datis, eum de instantibus periculis monuisse, & ut dignitate regijs per Frisiam officarijs abrogatâ novi & nuper creati in possessione suorum munerum ocyus locarentur. Quippe esse Coloniæ, qui de restituendo vetere Senatu cogitent, & qui expugnato ad Mosam Trajecto irruptionem Frisîæ comminentur. Gellium quoque Tetardium opificio vitriarium Coloniæ tum in exilio agentem, eadem patri suo per litteras approbasse fratrique ut evitando, quod Frisîæ immineret, periculo Coloniâ festinaret, consilium dedisse.

*Publicatio  
fœderis Vl-  
trajectini  
Antverpiæ  
multos of-  
fendit.*

Aysma scribit fœdus Ultrajectinum prid. Eid. Iun. Antverpiæ cum religionis Edicto publicatum tacitâ offensione nonnullorum animos perculisse, eosque novi fœderis odio & recitatione correptos Senatu abstinuisse. Quæ faciendis secessionibus reperta Ordinum societatem ultro ex impulso ærario debilem, tanquam natis in perniciem exemplis, infirmabant. Itaque eveniebat ut fessis Trajectensium rebus auxilia non suppeditarentur, equestresque copiæ ex inopiâ stipendiorum ignaviâ contabescerent. Ipse etiam Castrenantius, notante Albadâ, tardius postulatis Ordinum responderet, actaque etiam Kalend. Iuni. perscripta in spem expugnandi Trajecti serius traderentur. Ijs cavebat.

*Castrenan-  
tius negoti-  
um pacis  
spe expug-  
nandi Tra-  
jecti tardis-  
simè urget.*

Ut omnium anteaكتورum veniâ restitutoque patrio jure peregrinæ legiones exautorarentur. Inquilini civitatum atque castellorum præsidij præessent omnique exercitu dimisso, cessante armorum usu, intermissa aut bello impedita commercia reflorescerent. Vectigalia & indictiones gravandis provincialibus institutæ tollerentur, & ut quique uti possederissent utrobivis locorum, ita res ac bona sua possiderent. Functionibus ac dignitatibus, exceptis perduellibus, cæteri restituerentur ijque ex inquilinis essent. Captivis venia fieret, Buranus Belgio redderetur, Hollandiam, Zelandiam & Ultrajectum, vicario imperio teneret. Acta Matthiæ & Ordinum, quamvis legitimæ potestatis & juris defectu laborarent, rata essent proque legitimis haberentur, exceptis quæ juris regij fuissent. Magistratus lege & recepto more crearentur. Catholica Romana religio sola haberetur, cæteris ab eâ alienis jus intra quadriennium proximum fieret provincijs excedendi, bonorum administrationem quibus velint demandandi. Obedientia regiæ majestati, tanquam naturali & legitimo principi ex formulâ Carolinæ conventionis & Philippi regis præstaretur. Regij sanguinis princeps & regendæ Belgicæ par in provincias mitteretur. Ei civitates, oppida, fortalitia unâ & cum regis patrimonio & cum omni com meatu Ordinum traderentur. Gandavense fœdus integrum foret, cætera pacta, conventa, fœdera, sponsiones irritæ essent. Regina Angliæ & Andinus Coloniensis fœdere comprehenderentur. Pontifex cæteriç principes ad hanc conventionem delegati sartam rectam præstarent. Idem sub religione jurisjurandi rex faceret, ejus acta archivis publicis infererentur. Ab Ordinum parte idem fieret.

Ad quæ eorum Legati responderunt, Certam pacis spem jam pridem

dem se concepiſſe, ſed eam novorum poſtulatorum, quæ Caſtrenan-  
tius feciſſet, iniquitate convelli. Neque enim eam Gandavenſi aut Bru-  
xellenſi pactis convenire, neque alia eſſe, quam quæ Ordinum, ſi de  
ijs referant, animos, velut talium impatientes, exacerbare queant. <sup>Legati</sup> <sup>Ordinum</sup>  
quiora ſcilicet Bredano conventu, Aurantio ac ſocijs oblatos, quæ illi <sup>ſpem om-</sup>  
reſpiciſſent, qui ſoli bellum tum ſuſtinebant. Igitur petere ut Cæſaris <sup>nem pacis</sup>  
legati regium Philippi melius inſtruant, faciantque quam ocys, ut mol- <sup>iniquis Ca-</sup>  
liora & ad pacem factura proponi curet. De Aurantio additum; Nam <sup>ſtrenantij</sup>  
id mandatarij Cæſaris quæſiverant, ejus ſpeciale mandatum cum id <sup>poſtulat</sup>  
commune includeret, Coloniens ſi actioni non requiſiſſe, facturos ut <sup>interump-</sup>  
id habeant ſi viderint certiora ad pacem judicia ſe oſtendere. Mox  
de inducijs ſanciendis nullo item exitu collocutum volentibus Cæſaris  
mandatarijs, ut Caſtrenantij poſtulata, velut æquitati innixa legati  
Ordinum approbarent, eoque armiſtitium aut inducias, velut emolli-  
to rege paciſcerentur.

Albada Friſiorum legatus & orator ſcribit, Ordinum Legatos obti-  
nendis inducijs, etiam inclinante Junio, æquiſſima quæque regijs impe-  
ratoriſque mandatarijs obtuliſſe, iniquitateque adverſariorum ad de-  
ſperationem pacis actos plus regiæ tamen venerationi, obtinendo armi-  
ſtitio quam ſuis mandatis dediſſe. Hoc namque ſcribente Albada, me-  
tuebant, ne jus ſuum pertinacius aut immodèſtius tutando impedi-  
mentum pacis actioni injicerent, ipſumque Romanum imperium, tan-  
quam Auriæ domui & Philippo magis æquum acerrimâ libertatis de-  
ſenſione in odium foederati populi convitaretur.

Econtra hoc legatos clam urebat, quod Caſtrenantius paternum Phi-  
lippi affectum ſpecioſâ prædicatione offerret, ſervatoque poſtulatorum  
rigore & ne ab ijs recederetur cavendo, alienum à pace animum  
oſtenderet.

Itaque ſtabiliendæ æquitati conditionum, quas jam ante obtulerant,  
hunc in modum ſcribebant.

**L** E G E S ad quas provocavimus, Mandatarij Cæſaris, tum pacta <sup>Exhibito</sup>  
& conventiones noſtræ ſunt & ſemper fuere. Quas antiquare aut im- <sup>ſcripto Le-</sup>  
minuere, nec regi aut Principi olim fas fuit, neque etiamnum licet. <sup>gati Ordini</sup>  
<sup>num docent</sup>  
*Ut de Tributis non dicamus, in quibus edicendis, ut modum retine-*  
*re coactus Rex eſt, ita in ejus poteſtate nunquam fuit ſine Ordinum conſenſu* <sup>Mandata-</sup>  
*ea intendere. Atqui nec dignitates, nec beneficia non niſi ſub conditionibus* <sup>rios Cæſarâ</sup>  
*conferebat, quas multum aberat, ut Prorex aut Præfeſtus, Senatus aut Le-* <sup>iniquita-</sup>  
*gionum Tribuni violarent. Quare ubi illorum ſeditate & imperio, omne quod* <sup>tem poſtu-</sup>  
*pro jure noſtro ſtabat, oppreſſum aut infirmatum eſt, divino atque humano ju-* <sup>latorum Ca-</sup>  
*re impulſi arma cepimus, ſub quibus corporum noſtrorum, rerum atque juris* <sup>ſtrenantij.</sup>  
*tutela haberetur. Nam alias obſequium Regi tanquam legitimo principi*  
*nunquam detreſtavimus, neque ut faciamus animum inducimus, cæterum volu-*  
*mus, ut imperio ſuo, quod legibus noſtris atque conventionibus inligatum eſt, po-*  
*pulum ſuum regat. Vnum verò eſt, quod deberi Regi gratiæ poteſt ut reli-*  
*gionis libertatem ex uſu temporum indulgeat, cum aliam à pontificiâ profiten-*  
*tibus nihil concedi velit, quam ut mitiore penâ corrigantur, aut patriâ ſua*  
*ac poſſeſſionibus ejeſti, deſertis propinquis & omni amicorum ac rerum ſolatio*

clō. Io. destituti, exilia tollerent. Quæ cum dura & planè inhumana sint, ita brevibus de jure nostro impræsentiarum testamur, cui tuendo Deo coram & terrarum orbis gentibus abundè pares sumus. Quo ipso etsi regem revereri & colere obligamur, ita non ignoramus, quid principem inter & vasallos intercedat. Nos de singulis quæ rex Philippus proposuit ad provincias & de religionis postulato imprimis referemus, quo si pertinaciter stare rex velit, infructuosa omnis Romani imperij ad pacem intercessio erit. Quod ad inducias attinet, parati sumus eas sancire & quidem hac lege, ut in spem futuræ pacis liber utrinque comiteatus sit & ut sepositâ omni lite atque vi mutua provincialium societas habeatur. Hæc xiii. Kalend. Iul. scripta.

Cui petitioni etsi ultro Castrenantius adversaretur, ita tum offendi se durioribus Ordinum mandatis assererebat, specioso obtentui, quo urbem, vigilijs & cæde fessam Farnesius vir gloriæ imprimis appetens, rudimentis militaris imperij adjiceret. Quippe addebat suæ potestatis non esse de obsessa urbe pacisci, Alexandro Farnesio cum exercitu & imperio res Philippi gerente. Itaque inter cavillationes relationesque faciælium tractâ actione, Alexander Farnesius collectis quas poterat copijs urbem oppugnare constituit, quo toleratas trimestribus castris difficultates egregio victoriæ exitu & cum incremento principis famæ leniret.

*Trajectum  
Mosæ decimo  
hostium  
insultum  
capitur.*

Cæterum novies cum jacturâ suorum repulsus, dum obsessi somnolenti & exangues reficiendis somno viribus student, decimo insultu suæ eam potestatis fecit. Ad quam expugnandam extenuatum præsidium, à Farnesij parte, nox & recentes copię juvârunt. Igitur urbe capta in promiscuam cædem itum, donec tandem inanis clementiæ exemplum editurus Farnesius abstinere cædibus jussit. Suartsenburgius præsidij ductor, qui res præclare & in exemplum gesserat, cum plerisque suorum occubuit.

*Hispanorum  
sevisia in  
expugnata  
urbe.*

Tradunt historiæ occupatâ ab Hispanis urbe, mulierum puerorumq; ejulatus per spacium mill. pass. auditos, fugientemque inermium turbam aut Mosæ amni immerfam, aut gladijs hostium expositam, velut civitatis funeri, communibus exequijs interfuisse. Ita Trajectum ad Mosam in finibus Eburonum Brabantiaq; situm à trium mensium obsidione expugnatum, promissorum auxiliorum ac Colonienfis (de qua dixi) pacis infœlices cruentosque fructus accepit.

Aggæus Albada in litteris ad Deputatos Frisiæ xiii. Kalend. Iul. Colonia datis, scribit præcipuum dissensionis argumentum in Romanæ religionis exercitio tum stetit, illudque velut grave & cum armis natum ab infœlicibus provincijs beneficium præcipuè pacis amovisse. Quæ per ipsam quoque Frisiâ lubrica adhuc & exilis, ex Ultrajectini foederis amore aut odio animos ac consilia sejungebat.

Itaque ab Albada Legato viro patriæ amantissimo multa sanaudis dissensionibus suadebantur, quas domesticâ pace ac civili concordia componi removendis quam maxumè instantibus interesset.

L I T T E R A E erant.



**C**VM dolore discordias vestras intellexi, propterea quod occasionem & causam dare poterunt totius patriæ nostræ ruinæ. Nec tamen arbitror ex vobis quenquam esse, qui Hispanos in patriam nostram reducere cupiat, vel qui arma unus in alterum propter religionem suscipere cogitet. In eâ enim re vos omnes prudentiores esse iudico. Considerare ergo vos velim discordias vestras non alio servire posse, quam ut occultis vestris hostibus, qui ab Hispanorum partibus stant, viam præparetis, qua facilius vos invadant & opprimant. Hoc ut scribam necessitas me cogit, quâ sciam exercitum jam contra vos destinatum esse, & nisi Deus consilium eorum ac propositum impedierit ac perturbaverit, non diu erit quin intra limites vestros hostium vestrorum exercitum habituri sitis. Quamobrem amanter vos rogo, ut mutuam concordiam & amorem inter vos foveatis & colatis. Hac unâ re hostibus vestris superiores esse poteritis, ab Unione reliquarum & maxumè vicinarum provinciarum ne vos separetis. Plura per litteras scribere non audeo, sed ut istud scribam & petam magna me causa movent. Bene valete viri optimi & patriæ amantissimi. Colonix 19. Iun. 1579.

Id. 15.  
LXXIX.  
Litteræ  
Albade vi-  
ri Patriæ  
amantissi-  
mi ad Fri-  
sios.

Similes litteræ ad virum nobilem Renicum Cammingha, qui in Deputatis tum erat, ab eodem legato datæ.

Itaque soluto quem mense Iunio habitum memoravi, apud Frisios conventu, Regnerus Assevinus, Loesius Harius & Regnerus Cantius Ultrajectum regressi, præsidente Joanne Nassovio Geldriæ Gubernatore, de singulis per Frisiam actis relationem instituerunt. Ista erat: Rennebergium reliquamque Frisiam, & in eâ Bolsuærdios, Staurios, Worcumios, Ilstano Westergoos, & ex Oostergois plurimos Ultrajectinum foedus approbasse proque menstruo 24000. tributo solvendo fidem interposuisse. Hac tamen cautione additâ, ut, si quota tributum plures per provincias remitteretur, idem Frisij beneficium esset quæ in acta decretorum foederis Ultrajecti XIV. Kalend. Jul. relata.

Legati Ultrajectini referunt ad Ordines generales quid esset cerint in Frisâ.

Reperio in actis, Matthiam Gubernatorem de præstandis quoque Ordinum generalium ærario tributis Frisios pendendis militum stipendijs tum monuisse, ac ut, quod ante ad VI. Iun. factum esset, quam ocyus legatos Antverpiam mitterent, plenis mandatis & agendi potestate instructos. Foederatos quoq; Ordinum Ultrajecti commorantes subsidia poposcisse, ac ut Frisij tributum ex foedere promissum defendendis provincijs & seorsim foederatis præstarent. Adeo superioris Belgicæ defectio & Colonienfis pacis infida spes novarum rerum desideria cum fastidio veterum accenderat.

Mox Georgius Lalainius (nam ita indigitatum tum reperio) acceptis ex pacto Groningensium obsidibus castra Groningâ movit, obfidesque Campos in orâ Ifalis annis situm oppidum ablegatos haberi in custodiâ fecit. Tum incerto an urbem armis victam sed fidei dubiam intraret, diversa consilia se obtulere, cum essent, qui censerent ejus præsentis turbidam & partium foecundam civitatem egere, omniaque præsentis præfecti imperio dispecta foelicius processura. Alijs placebat non committendum esse infidæ civitati provincie rectorem, & quem eo loco providentia rerum posuisset, ut in ejus securitate omnium salus, in periculo discrimen constitueretur. Sed fiducia ex ijs quæ

Lalainius acceptis obsidibus Groningani intrat.

Ido. Id. quæ prævalerent certus urbem intravit, verso in prosperum omen ingenio, quod memoratum annalibus diem suo ingressui fortuna reservasset. Erant namque qui vetustorum curiosi recordabantur, Mariam Caroli Cæsaris sororem eodem, qui Joanni Baptistæ sacer est, die Groningam advenisse, Florentiumque & Maximilianum Buranos tum Joannem Lignæum Arenbergium Caroli ac Philippi præfectos civium festivitatem exceptos illum diem, tanquam principum inaugurationibus, solemnem insignivisse. Igitur arrectæ ad magnâ indoli haud difficulter persuasum, id secundis rebus & ad lætiora indicium esse, quæ extrema adversitate pensare fortuna laborabat.

*Lalainius  
Groningæ  
omnibus ri-  
tè ordinatū  
in Drenti-  
am rebel-  
lem exerci-  
tum ducit  
& Cover-  
diam mu-  
nit.*

Quare Groningæ Magistratu constituto & ad fidem adactō, tum religionis pace per edictum promulgatâ, reformatæ exercitijs D. Walburgis ædem & Prædicatorum fanum assignavit, Ordinatisque pro temporum statu apud Groningam rebus signa per Drentiam movit. Jam enim quatuor legionis suæ cohortes Drentinorum finibus ejectas acceperat, illumque populum, velut paludibus & ingenio soli fîsum, omnem insolentiam reprimendis Ordinum partibus exercuisse. Igitur legione haud procul Slochtero, vicus in Frædoualdijs est, per fossam ducentis palustribus aquis facilem transmissâ, novâ quoque Oenonis Grovensteinij nobilis Frisij cohorte tum tribus tormentis campestribus quæ Leovardiâ adduci curaverat, validior, medios Drentiæ per agros exercitum duxit, versusque Coverdiam, olim Vacciforum in Historiâ Wilhelmi Hedæ nominatam, quam Entius Satrapa cum imperio tenebat, iter intendit. Quo in fugam abrepto & omni vicino municipio in fidem accepto, muniendi, quod ibi erat, castelli mandatum Cornputio dedit, Oldenzelamque & Linganos imperata facere jussit. Sed contumaciâ satraparum & Linganæ plebis Pontificijs sacris ferventius imbutæ nihil actum, dissimulante Lalainio minus ad famam, magis molestiæ fore, si per inculta & fœda paludum uligine loci fractum itinere & molestijs militem neglectâ magnarum rerum occasione duxisset. Quæ res subsecutæ defectionis suspicionem in Lalainio auxit. Igitur Cornputtius talium solers castellum, quod vetustate aut ruinâ collapsum cernebatur, multiplici muro latissimisque fossis præcinxit, Coverdiamque erecto ex arte opere communiri fecit. Quo necdum confecto triste mox incendium illuxit, tertiamque ædificiorum partem fortuito igne absumpsit. Itaque firmata Coverdia Lalainio magnam apud fœderatos Ordines gratiam conciliavit. Quorum propterea decreto factum est, ut militare ejus imperium augetur, quatuorque cohortes sexcentorum equitum conscribendi potestatem acciperet. Igitur litteris ad Frisiæ Ordines 1x. Kal. Jul. datis de eo monuere, & ut fertilem virorum provinciam ac vicinos agros equestribus delectibus permitterent. Lalainius quoque una cum Frisiæ & Omlandiæ Delegatis isti negotio tanquam imprimis necessario ocyus vacaret, fidosque & fœderi socios militaribus dignitatibus præficeret. Hic etiam addebant, ut præter lanceariorum alam, sclopetariorum quoque cohors inter cæteras legeretur, & ut æs, autorandis copijs destinatum, in promptu esset. Unde Ailco Onsta, Reinsuoldius, Asingha, Entenius & Dodo Larius ex Translavicanâ ac Drentinâ nobilitate ducendis cohorti-



hortibus delecti, quæ ex agrario populo ex perturbatione temporum in quieto & ad bellum facili nullâ difficultate conducebantur. C. 10. 10. LXXIX.

Mox Lalainius litteris Deputatorum quas Renicus Cammingha, Ianco Olingha, Douwo Sixma, Scipio Meckma & Gellius Sybaeus collegarum nomine signaverant per Orichium Doihemum collegij legatum in Frisiam & Leovardiam Translavianis evocatus, ducendis illorum ingenijs qui novam foederis Ultrajectini sanctionem seditiosis per Frisiam consilij obtendebant. Igitur Leovardiæ hærens, ubi Hesselus Aysma legatus Antverpiâ cum literis & mandatis Ordinum generalium advenerat, de habendo populi inter Flevum & Lavicam comitio deliberavit, copiasque equestres ex inquilinis collectas armari ocysus fecit. Hessel vero Aysma mandata hæc erant. Ut 12. millia Carolæorum liberandis Trajectensibus decreta ocysimè exigeret, decemque & octo aureorum millia menstruum tributum communis Belgicæ provinciæ impetraret.

Sed Frisij exsolutum æs ac ad Ultrajectinos transmissum solvendæ Trajectensium obsidioni fidem faciebant, cum honestâ obtestatione miserimæ urbis casum suæ moræ non imputandum. De reliquo tributo, quod in mensem poscebatur, respondebant, se necdum statuisse, magnitudine onerum fructos & enerves, qui decimestri spatio octoginta millia aureorum socio ærario intulissent. Esse sibi provinciam angustis finibus clausam, quam præter rapinas & inruptiones hostium, militum centurionumq; stipendia & avarities exhausisset. Nihilominus testandæ in socios fidei conventum propediem habituros facturosq; quod suarum virium sit. Id IV. Kal. Iul. perscriptum.

Cui rei grave quoque impedimentum injiciebat, quod foederati Ordines datis Ultrajecto VI. Non. Iul. litteris menstrui 24000 carolæorum tributum Frisios commonerent, Pontificiorumque per provinciam importunitas indicendo populi comitio & colligendis subsidij obesset. Quæ Senatus Senatus regij, qui Leovardiæ adhuc secretiore vita & simul custodia Regis Leo procul foro & judicij agebat, clandestinis consilij interversa foedere vardiæ ex- Ultrajectino nexos acerbioribus odijs accendebant. Itaque plebe tur- cedere jussu bidâ, & Magistratu urbis actionibus Senatus irritato, Philippi Senatus ante solis occasum excedere urbe & simul provinciâ jussus, missis a-  
ctuarijs publicis, qui decreta perferrent.

Sunt qui tradunt obnuntiationem titulo proscriptionis factam, Senatuique regio tam urbe à Magistratu, quam provinciâ de mandato Collegij interdictum. Mox in cives immodestiâ partium & expulsi Senatus commiseratione exacerbatos idem statutum, Vibiusque Crusius, Wibrandus Goutumanus, Pompeius Gabinus, & Suffridus Petrus urbe ac municipio ejecti. Addunt Scriptores Valonem quoque hominem importunum & stipendia sub Gasparo Roblesio meritum, eadem poenâ multatum, reliquosque Pontificios metu sui ac terrore exempli evictos ex adversis temporum inquieti ingenia & immodestiam morum repres-  
fisse. Quare altius per urbem passim silentium, Pontificijque dolore & simul irâ ex proscripto Senatu jam ante accensi promendis in publicum seditiosis vocibus abstinere. Quippe Magistratus in secreta coitionum & domesticos coetus accuratè inquirebat, dispositisque per



clo. Io. ordinaria loca vigilibus spicatore, tanquam exploratore utebatur.

LXXIX. Ferunt per noctes quas sublustris Cancrinus dies & æstivi solis fulgor faciebat, conventus adversarum partium quoque observatos, ne tenebrarum aut noctium arcanâ opacitate prona turbandæ civitati consilia tegerentur.

*Senatus ab  
Ordinibus  
constituti  
autoritas  
crescit.*

Creditum fuit Senatorias domos extrusis habitatoribus desertas mæore & exinde indignatione plurimos affecisse & quod præter istarum ædium solitudinem eidem ruinæ regij Senatus actuarios & ex apparitoribus quosdam mutatio temporum involuisset. Itaq; amoto Philippi Senatu, regiæ per provinciam factionis & simul imperij post præfectum principem, fervor quoque turbulentorum civium per urbem elanguit, novusque Senatus, quem Ordinum autoritas, antiquato Burgundico ritu, dicendo juri præfecerat, in tutissimâ judiciorum possessione collocatus est. Igitur civili concordia Leovardiæ & alibi per provinciam auctâ Georgius Lalainius post Groningam Coverdiamque in fidem receptas, magnarum porro rerum spes atque desideria agitabat, quo secundo fortunæ vento provectus incrementa gloriæ ex ulteriore consiliorum successu acciperet. Sed tardâ tributi collatione tenue ærarium, quod in bello primum est, bene destinata subvertebat, ejusque inopiâ gerendæ res omisæ cursum majoris famæ & anteaactæ prosperitatis foelicem impetum morabantur.

*Ærarium  
in ordinem  
redigitur.*

Itaque Ultrajectum profectus, ubi & Joannes Nassovius Geldriæ rector tractandis fœderis negotijs advenerat, de redigendo in Ordinem ærario consultatum, multoque sermone in confesso repetito conventio tributi inita. Eâ cautum fuit:

*Vt provincia fœdere comprehensæ, die constituto tributi quotam ad ærarium perferrent, negligentesque aut contumaces creditum æs cum usuris præstarent. Isti rei personarum, rerum & actionum obligatio interveniret, ex eâque contumacium personas ac bona disimendi alienandique citra juris actionem jus socijs foret. Damnum, quod ex detensione aut venditione bonorum nasciturum esset, contumaci provincie aut quæ in morâ foret cederet, neque ante audiretur, quam consignatum æs cum usuris præstitisset. Quæstiones ex divenditis intra fœderatas provincias bonis natæ, præfectorum arbitrys definirentur, contumacibus, aut negligentibus nullum juris aut fori beneficium esset. Menstruum tributum ad centena nonaginta bina aureorum millia supportaretur, eique Geldri quadraginta, Hollandi octoginta, Zelandi viginti, Frisij viginti quatuor, Ultrajectini duodecim, Omlandi sedecim millia ex pacto præscripti fœderis penderent. Præfecti provinciarum conventionem ratam facerent, contumaces pendendum ad tributum cogerent. Federati de singulis ad suas quique provincias referrent, intraque tres septimanas, aut mensem proximum de mandato caverent.*

Hæc in acta relatâ, & Ioannis Nassovij Georgij Lalainij, A. Boienbroeckij, Gerardi Lonij pro Geldris, pro Hollandis Botzelarij, P. Busij, Wilhelmi Stopij, A. Madij, Regneri Cantij, Theodori Ioannis Lonckij, Francisci Maelfonij, pro Zelandis Iacobi Valckij, Pro Frisij Caroli Roordæ, Ioannis Aysmæ, pro Ultrajectinis Gerardi Knopij, Regneri Assevinij, Ioannis Dreunij, Florentij Thinnij, pro Omlandis E. Iargæi manu III. Eid. Iul. signata.

Re-

Reperio in actis provinciæ Carolum Roordam & Ioannem Aysinam, cto. 13. Delegatos difficultate apud Lalainium signandæ conventioni movisse, Lxxix. Lalainiumque ut proximo Frisiorum comitio ratam præstaret, scripto obligasse. Quippe metuebant, ne ex illâ tributî conventionem majestatis postularentur, eamque sine speciali mandato populi, aut cautione Præfecti approbatam ex invidiâ facti comitum populi rescinderet. Igitur vulgato per Alexandrum Farnesium Artesiam Hannoniâque Philippi partibus assertas pro vocando Francisco Alençonio Andium Duce consultatum, arrectis in spem conventionis multorum animis, quod Andinus speciosis cum mandatis Henricum Guferium Bonivetum legatum in provincias misisset.

Quorum non ignarum, qui Coloniæ tractandæ paci adhuc subsisterent, Ordinum mandatarij intercessionem ad pacem legatos Cæsaris oravere, ne ut omni morâ commodissimi temporis abruptâ actioni exitum maturarent. Offerri scilicet ab Andino honesta & profutura auxilia referebant, quæ tanto magis valitura essent, si communicatos cum Elisabethâ Anglorum reginâ amores felici matrimonio expleverit. Esse namque eo loco secreti affectus indicium, ut spem conjugalis tori promittat, arcanisque jam antè internuntijs commissum hominum famæ se commiserit. Itaque fieri posse, ut Andini fortunam & simul vires posthabere regio Philippi juri incipiat, cujus exercitus in omnem insolentiam effusus exacerbet magis animos ultro ex Philippi & Præfectorum imperio à veteri dominatione alienos. Quibus post addebant, infirmari priorum foederum sanctiones & damnatis Ordinum actis de ijs ipsis ab omni dignitate removendis cogitari, ac ut regius satelles, & aulae minister res ac honores gerat, quæ stante principum imperio ipsi Ordines aut eorum beneficiarij jure legitimæ potestatis usurpassent. Itaq; pro eo tuendo non ante laborasse, quam Præfectorum licentia omnem regendi modum transmigraasset, & cum ipso legum excidio liberrimam gentem tributariæ onere multasset. Cum novis judicijs constitutis vilissimi & imperitissimi quique ad publica officia ære aut gratiâ protrusi venalem remp. fecere, Ordinesque provinciarum, cum ad legum auxilia non possent, ad justa arma provocavere.

Sed Philippi regis jus alibi examinandum esse, qui hoc scire debuisset, imperia, etsi summo majestatis jure subnixa, serviendo exerceri omnemque principatum regundo populo datum, principes quosque honestis imperandi rationibus obligasse. Igitur moderatione aliquâ pacem cogitanti opus esse, ac ut opinionem quæsitî juris leniat, qui injuriæ exceperit. Cæterum acerrimo religionis Romanæ argumento regem ac legatos stare, quod mitigari exemplo Germaniæ deberet, quæ privata exercitia secus sentientibus indulgisset. Non esse conscientijs denuo imperandum, neq; resuscitanda Philippi edicta tanto sanguine foedata.

Albada in litteris prid. Eid. Jul. in Frisiam datis, scribit regium mandatarium de unâ religione articulum pertinacius confirmasse, quo Philippus Romanæ religionis curâ & ejus tuendæ sollicitudine gratior provinciales Pontificios à reformatis cæterisque ex instituto Farnesij & Hannoniæ Artesiæque gentium divelleret. Idem addit Cæsaris quoq; mandatarios de Philippici Legati pertinaciâ testatos, eumque in mitigando

*Ordines  
respicunt  
ad Andin-  
um.*

*Mandatarium regis  
religionis  
Romanæ ex  
exercitum  
maximè ut  
geret.*



cIo. Io. religionis articulo inexorabilem & praefractum omnem Colonienfis & LXXIX. simul domesticæ pacis spem præcidisse. Neque enim Pontificios in armis adversus regem perseveraturos, neque laturos Hollandis, sociosque ut suæ religionis exercitio exuantur. Ita fieri non posse, ut in concordiam coalescat antiqua & à Philippo refricata animorum civilium dissensio. Quare ab Ordinum mandatarijs legatis Cæsaris objectum, quod plus regij mandatarij aut Philippi gratiæ, quam suis arbitrijs & intercessorum æquitati dedissent.

Albada notat se Comiti Suartsenbergio Legato Cæsareo soluto istius die conventu, id in os exprobrasse, eundemque Suartsenbergium fiducia loquentis pudefactum leniora mandata obtulisse.

Itaque per Ordinum Legatos postulatam, ut sibi de singulis ad provincias referendi mandatarij Cæsaris potestatem facerent & ut interea temporis arma ad bimestre differantur. Cujus boni certum Albadam tum præconcepisse in ejus litteris ad Ordines Frisæ x i r. Kal. Augusti scripti reperio. Hoc vero cavebat, ne Frisij delinimento militaris otij segnitiam induerent, armisque cessantibus civilem & domestici foederis concordiam luxarent. Quam Upsterani curante Hepcone Fockenio prætor Ultrajectino foederi sociati, reliquique ex Sylvestribus etsi ex Colonienfi foedere ancipites, in molliora consilia perducti. Cui rei prosperandæ etiam hoc faciebat, quod Carolus Roorda & Joannes Aysma foederatorum Delegati in Frisiam Ultrajecto advenissent, foederisque sanctionem & simul commoda incertis temporum nata dubijs ingenijs commendarent. Eorum mandata erant, ut pro Julio atque Augusto mensibus residuum Tributi, quod 25000. aureorum æquabat, Frisios poscerent, pecuniamque autorandis equestribus turmis decretam pro quotâ tributi mille & ducentos carolæos impetrarent.

Quare Lalainius etsi Ultrajecti hæreret, litteris ix. Kal. Aug. per scriptis comitium ad viii. Eid. Aug. haberi fecit, Ordinesque plenis cum mandatis, quod res moram non ferret, adesse frequentes jussit.

*Præsules  
Cœnobio-  
rum turbas  
movent.*

Cæterum omnem comitij progressum cœnobiorum Præsules morabantur, suæque immodestiae, ut ante observantiam Gandavenfis foederis, ita tum reprobata religionis pacem obtendebant, itaque Clarecampius Antistes in coetu commotior primas istius ordinis & cœnobij opibus etiam ex plebeio genere magnos spiritus gerens religionis pacem impugnabat, sociosque sui consilij Hiddingium Gerricomij Præfulis legatum atq; ipsum Docomiensium præferebat. Unde Leovardiensis territorij mandatarij remissionibus ab Ultrajectino foedere, & simul tributo animis è Ferverdijs, Dongrijs orientalibus, Dantumânis, Octopagicis quosdam concitavere, tributique molestiam pecori gravari florem aurei exactione agrarium populum indignabantur. In ijs Menno Scheltema, Nicolaus Laurentius è Ferverdijs, è Dongrijs Wigerus Gabinius, è Collumanis Edo Alma & I. Ridderfma, è Dantumânis Martinus Bootfma & Upco Buma, ex Octopagicis Haio Gerbranda fuere. Econtrâ è Ferverdijs Epo Douma, Igo Goslingha, Wibrandus Ailva, Poppo Feitsma, Tieffo Boëtius pro Feddino Albada & Arnoldio Annio presbytero Jessumano, è Dongrijs occidentalibus Vihius Scettema, Siuckius Humalda, è Collumanis, Scipio Meckama,

Mar-



Martinus Schonenburgius pendendum tributum è jure Ultrajectini foederis recipiebant, reliquisque Oostergoi, in quibus Tietzerckij, Idardij & Raverdij erant, scriptis obtestationibus adversabantur. Erant namque qui ostenderent accidi tributum ex egentiâ rerum non posse, ultimæque legi, quæ exceptionem non pateretur petentibus socijs se obligasse. Trahendum scilicet collato ære bellum esse, cui pendendo se ultro offerebant, qui alijs etiam mandatis distracti privatas facultates & earum impendia salutis publicæ offerebant. Neq; minoribus contractionibus Westergoi exercebantur, donec autoritate Lalainij & interventu Senatus languescerent. Creditum fuit, Lalainium quod isti rei Ultrajecti se interposuisset, vehementius intercessisse, tributumque tanquam salubre sui imperij subsidium durioribus ingenijs imperasse.

F. Nicolaus tradit post longas altercationes, quadraginta octo aureorum millia stipendijs militum & promovendo foederi decreta libellumque supplicem ad Aurantium principem recuperandis cænobij Mariengardenfis reeditibus, quos à Matthia Gubernatore clam Canonici obtinuerant, per Hesselum Aysma remissum.

Scribit Heymannus inclinante Julio horrendam tempestatem emeruisse, præterque virum Dresumi in Dantumanis fulmine percussum, pe- *Horrenda  
tempestatas  
in Frisia,* cora quoque circa Oostmahornam litus pascencia cœlesti igne icta.

Tum præside Adio Lambertio consule in Leovardiæ civitatis jus, quod cudendæ monetæ habuerat, publicè inquisitum, istique rei testimonium à senioribus civium in Senatu dictum. At Doccomij inter Magistratum ac primores oppidi de Ultrajectino foedere disceptatum, à quo post reliquos urbium Magistratus in foedus adscitos, Deccomiensium Senatum Pontificiorum immodestia abstraxerat. Cui malo fomentum addebat, quod Cornelius Lutenius Consul, ad comitium provinciæ missus, mandato Senatus signandum foedus dissuaderet, populi que consilio vanis & fallacibus sermonibus effugia captaret. Igitur primores civitatis, præterito Magistratu non dissimulando quæ agerentur, Ultrajectinum in foedus recepti, additâ obtestatione. Ut quod contra dictum aut factum à Senatu esset, id paci publicæ & commodo civitatis adversum haberetur. Id prid. Non. Augusti in actum relatum ac à Tacone Ailva, Suffrido Vrielsma, Henrico Bra Medico, Joanne Marsenio, Herone Sixti, Tiepcone Vibio, Sibrando Ripkenio, Tiebbone Jelgerio, Henrico Joannis, Georgio Francisci, Andræa Edonio, Sixto Joannis, Francisco Francisci, Bernardo Luneburgio, Romberto Ofkenio, & Wibrando Hermannio signatum. Quod in comitium provinciæ, quod tum habebatur, perlatum, oppidanorum, qui cum agrarijs dissidebant partes, ex concordia recepti foederis firmavit.

Igitur post longas in conventu Ordinum disceptationes, quæ ex menstruo tributo fiebant, decretum, ut negotium arbitris ex supremo Senatu Joanni Versteverano & Pecconi Rhalæ permetteretur, ijque cum Lalainio præfecto controversiam tributi definirent. Cautione tamen addita, ne quid juri oppidanis in causâ suffragij quæsito illo judicio cederet. Ita pro Leovardiensibus M. Wigerius, Joannes Aysma, pro Bolsuerdij Petrus Vibius & Jacobus Jacobæus, pro Franequerensibus Julius Bottnia Oldermannus & Regnerus Francisci, pro Snecanis Ni-

cIo. Io. colaus Aitfonius, Olpherdus Francisci, pro Harlingijs Gerbrandus Gof-  
 LXXIX. sius, cum Vibio Joannis, pro Doccomiensibus, Jacobus Gabinius,  
 pro Worcumijs Hiddo Jarichius & Epco Meius, pro Staurijs Jacobus Ed-  
 sius & Albertus Florentius, pro Ilftanis Bonno Petraeus, pro Slotanis,  
 Simon Potterus iv. Eid. Aug. subscriptores.

Quo die à Feicone Tatmanno Utingeranorum Prætoræ fœdus Ultra-  
 jectinum approbatum reperio, Pontificiosque ferendis per provinciam  
 Pontificij agros per Frisiam in-  
 festis grassa-  
 toribus im-  
 plent,  
 discordijs & seditionibus occupatos, agros passim infestis grassatoribus  
 implevisse. Quare frænandæ prædonum insolentiæ remedia petita, vo-  
 lentibus, agrarijs ut agris ac villis prædo amoveretur, Lalainiusque pro-  
 curandæ paci publicæ recepto ritu præsidia cohortium per cænobia dis-  
 poneret. Neque enim loca illa, ut aiebant, tot flagitijs & tantâ im-  
 pietate profanata eximenda molestijs esse, & habendos melius provin-  
 ciales, qui fœdere nexi, liberos, conjuges, bona atq; corpora saluti pu-  
 blicæ obligavissent. Passim scilicet cædibus & rapinis provinciam ster-  
 ni, non alijs autoribus, quam qui signa & sacramenta mentientes, aut  
 Pontificum sacris innexi certissimum confusionis instrumentum popula-  
 res discordias seminarent. Ab ijs intra urbem comitiorum turbas insol-  
 entiam & rapinas per agros excerceri fierique ut speratæ libertatis in-  
 crementa tardius adolebant. Mitti clam per provincias, qui regis &  
 Hispanorum res gerant, Farnesiumque inter arma libertati minacia, ex-  
 ploratorum quoque ope invalescere. Neque enim alio fine Joannem  
 Roordam ex imperio Coloniâ in Frisiam & Translavianos missum,  
 quam ut à fœdere Ordinum plurimos deterrendo regis gratiam & affe-  
 ctum ducendis popularibus animis offerret. Eosque distrahendo con-  
 cordiam & simul vires fœderatæ gentis dissolveret. Igitur libellus sup-  
 plex Lalainio & Delegatis fœderatorum Ordinum, qui ad conventum  
 viii. Eid. Aug. indictum advenerant, hunc in modum oblatu.

**I**NTELLEXIMVS, PRÆFECTE & Delegati OR-  
 DINUM, nonnullos ex Oostergois, ac Westergois Ordinum nomen menti-  
 tos, scriptum quoddam evulgasse, actis fœderum & religionis paci tum man-  
 datis MATTHIÆ Gubernatoris, AURANTIJ Principis & Con-  
 cilij STATUS Ordinumq; generalium adversum. Quod approbare cum  
 patriæ leges & nostra fœdera vetent, ita palam tanquam vitio natam, re-  
 scindimus. Præterquam cujus quod invalidis procurationibus aut suffragio pu-  
 blico infirmatis eorum immodestia stet, ita in illorum potestate non fuit priorum  
 temporum fœdera & conventiones, acta & mandata Ordinum subvertere. I-  
 gitur cum solâ Romanâ religione stare divinum cultum & exercitia fidei velint,  
 societatis antiquæ vim ac reverentiam tollunt, fœderumque solemnium rupto-  
 res clandestinis conspirationibus se tuentur. In quorum numero & illi sunt, qui  
 Ioannis Roorda arcano colloquio instructi pacis nomine bellum velant, hostilium  
 consiliorum interpretes. Qui serendo falsa & verò alienâ fœdus Ultrajecti-  
 num ex gravitate tributis respuunt. Quasi certè sub antiquo PHILIPPI  
 & insolentium Præfectorum imperio, inter honoraria & donativa non suda-  
 verit populi ærarium, cujus exhausti angustia ultimam in egestatem florentissi-  
 mam olim provinciam protrussisset. Nunc Præter ista mala, dissensiones ac tur-  
 bas seri & hoc agi ut Hispania per Frisiam dominationis vestigia extent Fri-  
 sijque



*siq̃ue vicinis nationibus jure fœderum connexi, repudiata Ordinum societate, c10. 15. regijs rectoribus se permittant. Cui malo quo occurri possit, petimus Præfeste, LXXIX. ut turbida & fovendis seditionibus exercita ingenia comitio prohibens suspectosque maleficij & violatæ pacis adscitis in consilium arbitris corrigas. Hoc etiam addimus, ut equali cum socijs tributo haberi nos facias omnisque inter agrarios oppidanosque dissenso tuo & arbitrorum interventu cesset.*  
Id 111. Eid. Aug. perscriptum.

Notant Scriptores, in Geesterlandiæ finibus quatuor mangonés ex eodem agro & Donieverstallensi coëmendis equis, profectos ab Ordinum equitatu spoliatos, unumque glande transverberatum natale solum suo sanguine imbuisse. Igitur Ioanne Rorda Iureconsulto, qui Farnesij negotia in Frisijs clam gesserat, Groningam profecto, in ejus consilia à Senatu quoque Groningano inquisitum deprehensoque Farnesij arcana illo tanquam internuncio turbandis provincijs gesta, de ejus custodiâ deliberatum. In quam per publicos urbis spiculatores pertractus gravissimas de se suspiciones auxit, quasi omnem pacis publicæ rationem per ipsam quoque Frisiam secretis colloquijs conturbavisset. Unde à Frisiæ Ordinibus literæ Groningam datæ, quibus petebant, ut ad habendum rei examen legatus provinciæ admitteretur, audiendisq̃ue arcanis Roordæ hostiumque consilijs interesset. Quo impetrato legatus Groningam missus, ipseque Roorda civici tumultus & seditionis crimine gravatus arctiore custodiâ obseptus est. Qui Groningâ Leovardiam dein in arcem Stauriæ amotus, Woerdano & post Rammekensi in Zelandiâ carcere infaustæ legationis præmio multatus est. Sed Leovardiæ populi comitium, quod in x. Kal. Sept. protractum.

Cl. Franckena notat turbulentis dissensionibus fervescebat, volente Præsulum Ordine, ne à pacis Gandavenfis conventionione recederetur, & ne onera tributi Ultrajectino ex fœdere præstarentur. Quæ res, cum secessionem procerum spectaret, ab agrarijs, oppidanis Biltanisq̃; inter quos disceptatum erat, tota lis arbitrio Lalainij & Supremi Senatus permisum. In eo namq̃; suprema difficultas versabatur, ut tributum quod in bimestre ad 48000 aureorum depacta provincia erat, æquis inter agrarios oppidanosq̃; portionibus divideretur, ijque ipsi certâ quantitate tributi pro ratione oppidorum tenerentur. Itaque à Præfecto Senatuq̃; decretum; Ut oppidani nonam, Biltani 25. tributi provincialis partem penderent, ijque durante bello, salvo partium jure, consensum & suffragia in comitijs haberent. Agrorum quoque tributum ex floreno aureo peteretur, colligereturque ocys, ejusque onus proprietarij coloni sustinerent. Pecuniam quoque, sed sub deductione coloni in promptu præstarent, oppidanique modum colligendi per oppida tributi rite perscriptum in comitio exhiberent, quo à præfecto Senatuque statuatur, quod ex usu sit. Id in acta relatum, ac XVII. Kalend. Sept. signatum.

*Oppidani nonam tributi Frisiæ partem exsolvere jussi.*

Mox inter oppidanos portio tributi definita ac à Delegatis Senatus Ioanne Versteverano, Feccone Rhala, Gisberto Aernsma & Sibrando Richæo pronuntiatum, ut solvendo millium quadringentorum sexaginta sex & 13. stufferorum tributo, Leovardij mille quingentos; octoginta sex



cIs. Io. Carolæos, Bolsuerdij octingentos, quinquaginta Sne cani, & Franekerens-  
LXXIX, les sexcentos, Harlingani & Doccomiensēs quingentos, Worcumij tre-  
centos & viginti, Staurij ducentos viginti quinque, Ilstani centum & tri-  
ginta, Slotensēs, nonaginta, Hindelopij sexaginta carolæos 13. stuf-  
feros bimestri tributo præstarent. Hæc actis inserta ac Francisci Ban-  
dimontij Graphiarij manu signata.

*Singulis in  
Frishā oppi-  
dā sua por-  
tio pendē-  
dis tributis  
assignata.*

Cæterum ne hæc quidem præstandis bello subsidij scripta transactio du-  
ravit. Erant quippe ex oppidanis & præsertim minoribus, qui rata com-  
mercia, exhaustos præsidiorum insolentiā cives, quererentur mareq; alibi  
turbidum & littori infestum inopem populum fecisse. Econtra Leo-  
verdiam pingui ac fertili solo sitam, commercio & opibus, sicut reli-  
qua majora oppida, florentem, præstandis tributis parem esse, quæ  
conferre ij in ararium non possent, quos non animus juvandi socios  
sed facultas destitueret. Itaque mitigatā sententiā per supremi Senatus  
arbitros latā inter ipsos oppidanos rejecta in novos arbitros Meinardum  
Wigerium, Jacobum Jacobæum, Jacobum Idzium, Econem Isbrandium  
controveršiā conventum; ut à Leovardijs mille septingenti septuaginta  
quinque, à Bolsuerdijs octingenti triginta, à Franekerensibus sep-  
tingenti octoginta quatuor, à Sne canis quingenti viginti quatuor, ab  
Harlingijs quadringenti quinquaginta, à Doccomiensibus quadringenti,  
à Worcumijs ducenti viginti quatuor, à Staurijs centum & viginti quin-  
que, ab Ilstans centum, à Slotensibus sexaginta, 13. stuf. ab Hin-  
delopijs quinquaginta in bimestre tributum penderentur. Ita x i v.  
Kal. Sept. in comitio pronuntiatum.

Igitur æquato inter oppidanos tributo cujus egentiam in tantā mole ac  
foelicitate rerum suarum Lalainius non dissimulabat in agrarios qui Præsu-  
lum factiones tuebantur acerrimè invecus laudatāq; civitatum in patriam  
& libertatem fide prodicionis & Hispanicarum partium turbulentissimos  
agrariorum insinulavit. Qui cum mandatis suis se stare modestā excusa-  
tione testarentur, deque tributis cæterisque, quæ majestatis jure popu-  
lum obligarent, relationes ad suos instituendas obijcerent, acrius Lalai-  
nij animum pupugere, ut solet illā ætate moderandis affectibus infirmum.  
Itaque (inquit) hoc inaudio, si illi, qui vestrarum partium sunt, cum  
Hispanis faciant, ex ijsdem & vos esse, quorum tamen consilia propedi-  
em detecturus sum. Unde proponi quædam redigique in acta fecit,  
quo de singulis interea suos docerent, ac ad x x v. Aug. comitio se si-  
flerent: Acta hæc erant;

*Quandoquidem provincia quadam contra datam fidem & jus fœderum, de-  
sertā Ordinum generalium societate, cum Hispanis patriæ hostibus se conjunxe-  
runt, necessarium & utile duxi hoc ipso conventu quadam perscribere, sub il-  
lā cautione, ut quique in suo districtu, signo campanie dato & denuntiatione  
ad populum factā, advocatis insuper prætoribus & eorum actuarijs postulata  
mea exhibeant, populumque suffragij jure pollentem ad decernendum compellant.  
Hoc etiam mando, ut ad diem Lunæ proximum denuo ad comitium redeant, &  
quidem illi, qui patriæ amantissimi reprimendis hostibus fortunas, vitam at-  
que sanguinem impendere libertati constituunt. Quod ut faciant, plenā agen-  
di consulendique potestate instructos esse volo, quo declarent an in generali*  
Ordi-

Ordinum societate perseverare, an defectorum exemplo in Hispanorum hostium-  
que partes transire in animum induxerint. Præter hæc pendendis tributis, com-  
parandis comitatibus cæterisque rebus tres stufferos in singulas cerevisie tonnas  
præstari cupio, & ut de modo è conquirendi tributis pacificè consultant. Reliquos  
privata fœdera cum Hispanis agitantes & mandata isti rei adferentes notari,  
eorumque nomina actis perscribi volo, quo à me statuatur, quod ex republica  
sit. Id x i x. Aug. in acta relatum.

Tum Deputatque in annum ex Oostergois Scipio Meckama, Re-  
nicus Cammingha, è Westergois Ianco Ofingha, Orichius Doihemus,  
è Sylvestribus Barthius Idsaerda & Auco Edonius, ex oppidanis Gellius  
Sibæus & Douwo Sixma creati. Eorum mandata erant :

Vt cum Lalainio Rennebergio Regis Hispaniæ hereditarij domini & archi-  
gubernatoris nomine Romani imperij per Frisiam omne adversus jura, privile-  
gia, statuta, consuetudines tam agrorum quam oppidorum ullo modo introdu-  
ctum, rescindi facerent, eademque jura ac privilegia adversum quosvis provin-  
cie affererent. Gandavense fœdus inter Ordines generales & Aurantium Prin-  
cipem cum Hollandis ac Zelandis idum, deniq; Unionem generalem & religionis  
pacem, cum Ultrajectino fœdere integrum curarent, & quidem ex veteri formu-  
lâ ne quid detrimenti. Regium censum, tuendæ olim provinciæ regi indultum  
defendendæ Frisie applicarent, cænobiorumque vacantium redditus, deducto ære  
alieno, iisdem usibus impenderent. Omne publicum aggeres, vias, aquarum  
ductus catarractas cæteraque illæsa præstarent. Inquirendi in officiales, agen-  
diq; quod ex usu foret jus esset. Pensio annua, quibus extra urbem domici-  
lium esset quadringentorum, reliquis trecentorum assignaretur. Salarium non  
nisi volentibus partibus daretur. Deputatis extra provinciam ire fas non es-  
set, quosunque vellent ad Archiducem Matthiam, Aurantium, generales Or-  
dines & fœderatos Ultrajectinos stabiliendo juri publico ablegare illorum potesta-  
tis foret. Legati impendio i i i. Carol. & i o. stuff. in diem haberentur.  
Deputatis comitum indicendi jus esset. Idem, potestate rationum magistris  
nupero comitio abrogata rationibus præessent. Exautoratos ob rem damnosè  
gestam ad rationes cogerent, easque in ordinem & ærarium referrent. Morbo  
aut gravi causâ, quo minus conventui interesse possint, impeditis substituendi  
ad illum actum quempiam jus esset. Deputati mandata quotannis in comitio  
deponerent, deque ære expenso sub actuarij manu commentarium facerent,  
eumque comitio exhiberent. Tabella quinquaginta caroleorum summam exce-  
dens, omnium Deputatorum manu ac scripturâ signaretur. Nemo à conventu,  
nisi morbo aut aliâ ex causâ præpeditus, & sub penâ duorum aureorum Phi-  
lippicorum abesset. Mandata Deputatorum Ordines rata, sub indemnitate &  
ratihibitionis clausulâ præstarent.

Hoc à Docone Martna, Julio Bottnia, Epone Douma Hallemio, Li-  
vio Beiemio, Foppio Grovensteinio, F. Tatmanno, T. Wikelio, &  
Meinardo Wigerio i i i. Kal. Sept. signata.

Quo tempore Ultrajectino quoque & fœderato, confessui novæ le-  
ges scripta. Istæ erant.

Vt certus numerus Delegatorum esset ac è Geldris, Hollandæ Frisij, Ul-  
trajectinis terminis, è Zelandis, Antverpiensibus, Gandavensibus & Ipsensibus

Vt etiam  
fœderato a-  
pud Ultra-  
jectinos  
concilio.



cIo. Io. bini legerentur, *Si* provincias, civitates earundem are atque sumptibus mullxxix. nirent, plenâq; potestate definiendi causas fœderis acceptâ, consilandi ad 50000. tributî etiam sine mandato suo arbitrato jus haberent. Præfêctos provinciarum unum aut plures, qui absentium nomine in confessu confideant, constituendi jus foret. Provincijs unum quoque mense & qui cum reliquis consulant, ex delegatis suis revocare liberum esset. Qui in confessu delegabuntur procuratorum formulis, aut fiduciarijs litteris ritè instructi publicæ provinciarum saluti sacramentum dicent, omniaque sine dissimulatione aut conniventia, odio aut gratia se facturos, neque evulgaturos consilia promittent. Iuramenti formula actis publicis infereretur, additoque mense & quovis die à dicentibus signaretur. Conventus singulis diebus haberetur, isque à Kal. April. ad priduanum Octobris diem à septimâ matutinâ in undecimum à Kal. Octobris in Kal. April. ab octavâ matutinâ in duodecimam esset. Pomeridiana consultationes à tertiâ in quintam desinerent. Si graves causæ poscerent, convocandi Delegatos Præsidi jus esset. Dies Dominicus divino cultui dictus conventum non admitteret, Mercurijque aut Veneris diebus pomeridianus nunquam, nisi exigente necessitate, haberent. Præsês collegij, muneri par & molestiæ in xlv. dies crearetur. Ejus officij foret singula proponere, sententias perrogare, eoque facto ex formulâ scripti fœderis statuere, demique in Senatu verba facientibus prompte respondere, facereq; quod Præsidi sit. Qui aliquid in confessu proposuissent, dum quid statutum esset, eo excederent. In extraordinarijs conventibus si vocati non compareant, nulla eorum ratio, præfidi cum ceteris definiendi, quod ex re, potestas sit. Nulli in conventu, quicquam proponere, præterquam præfidi aut assessoribus fas foret. Reliqui quod proponi velint, scripto Præsidi exhiberent, qui pro re natâ copiam dicendi faciet. Præsês suffragia ex ordine colligeret, ea non nisi rogati ferrent, interrumpendi facultas, nulli præterquam sub pœnâ silentij esset. In suffragijs ferendis unum tantum provinciæ nomine suffragium foret. Decreta collegij in acta referri Præsês curaret, eaque majoris momenti visitanda collegijs exhiberet. Præsidi præterquam æquivalentibus sententijs, nullum & nisi requisitum suffragium esset. Illi ordinatè ac benè res gerenti præmium statueretur. Nemo à conventu non nisi de consensu collegij abesset, legationes, judicia, examinationes partium, non detrectaret, idfaciens in posterum confessu abstineret. Vacationes & officia Collegij distribuerentur. Speciale mandatum rem pecuniariam distributuri acciperent. Ijeraria, stipendia militum, reliquasque pecuniæ erogationes curarent, rationes seorsim contra quæstores, reliquosque publici eris acceptores conficerent. Isti negotio unus à Geldris, Hollandis & Ultrajectinis præesset. Commeatus & annonæ cura uni itidem à Geldris, Hollandis ac Frisij demandaretur. Militares res, ut recensiones copiarum præfidia tribunorum officia, strategemata, explorationes munitionesque locorum à Geldris, Hollandis, Zelandis, Antverpiensibus & Gandensibus tractarent. Reliquis juris dicundi & politeiæ, tam secularis, quam ecclesiastica administratio, pacis publicæ, concordia, libellorum supplicum, re-scriptorum cura committeretur, idque uni à Zelandis, Frisij, Ultrajectinis, Antverpiensibus & Iprensibus incumberet. Præsês ista observari operam navaret, rataque singula faceret, dum provinciæ secus statuisent. Hæc actis inserta, ac xlv. Kal. Sept. manu actuarij signata.

Reperio in actis provinciæ Sigismundo Curtspachio Baroni Tra-chenbergio & Multio, à civico præfidio manus Ultrajecti injectas, habitum.



bitumque proterviter & sex dierum custodiâ, velut hostilis consilij sus-  
spectum arctissimâ custodiâ derentum intercessione Hohenloï & Harde-  
cis Comitum ægrè liberatum. Eundem quoque Curtspacchium enor-  
mis injuriæ indignatione offensum missionem Ordines ac stipendia pos-  
tulasse, editoque publico defensionis suæ scripto & sub signaturâ annuli  
in Frisiam misso, suæ innocentiae testimonium isti genti commendavisse.

Creditum fuit eum cum Martino Schenckio, commune quoddam  
secretum habuisse, clarissimoque procerum, qui Ultrajecti tum habeba-  
tur conventu, dubiæ fidei indicium secreta prodentibus fecisse. Ad-  
dit Curtspacchius se à Joanne Nassovio quod in castris hostium visus  
esset, commonitum aut insimulatum immodestam accusatorum falsita-  
tem egregio & constanti veriloquio diluisse.

Mox à Frisiæ Ordinibus super modis corrogandi mensuri tributi in  
comitio actum decretumque hujusmodi perscriptum.

I. Ex quâque præturâ atque oppido publicâ autoritate delegabuntur, qui Ratio cor-  
locaria immobilium bonorum commentario perscribant. II. Coloni agrorum rogandi &  
& ædium tam seculares, quam ecclesiastici nullo locario, proprium fundum co-  
lentes, aut domos inhabitantes, locaria ad exemplum vicini fundi, aut domus erogandi  
secundum æstimationem delegatorum persolvent. III. Iis intendendi remit-  
tendique tributum ex æquitate potestas esset. IV. Coloni proximo Septembri  
ex quovis aureo quinquagesimum sextum nummum pendunt, eumque in locarij  
rationibus proprietario agri, aut fundi in solutum dabunt. V. Omnes veci-  
gales, coloni aut inquilini pro locario agrorum aut ædium, familiâque & mo-  
bilibus, mediam quinquagesimi sexti nummi partem præstabunt. VI. Proprie-  
tarij agrorum atque ædium tam quinquagesimo cuiusque aurei nummo, salvâ  
tamen onerum soli ratione, quam medio præstando tenebuntur. VII. Cæno-  
bia pro bonitate soli & magnitudine ædium æstimationi Delegatorum subjace-  
bunt. VIII. In Biltanis idem valeret. IX. Mercaturam tam in pagis  
quam oppidis frumenti, casei, butyri, pannorum & similium mercimoniorum exer-  
centes pro æstimatione bonorum gravabuntur. X. Isti tributo pro qualita-  
te suâ honorabiles personæ parebunt. XI. Legi huic nulla conventio aut pa-  
ctum derogabit. XII. Locaria agrorum ædiumque dolosè professi penâ qua-  
drupli bono fisci corrigentur. XIII. Colonis ædium aut agrorum, si proprie-  
tarij in prædictis locarijs deduci à colonis tributi summam nolint, jus deductio-  
nis saltem erit, ij[us]q[ue] beneficium si velint, retinendæ conductionis, etiam invito-  
domino, in quinquennium prorogabitur. XIV. Præveniendis quæstorum erarij  
fraudibus, aut sinistris suspicionibus, quæstores cujuscunque aris, etiam non peten-  
tibus provincialibus, apocham suâ manu scribent, expensâque in quaque urbe  
aut præturâ in indicem rationum referent. XV. Quæstor Generalis nullas  
pecunias publicas, sine mandato & tabellis tum agrariorum quam oppidanorum De-  
putatorum ex erario assignabit, earumque proximo quovis comitio, si moneatur,  
rationes reddet. XVI. Qui modus corrogandi aris, in proximum mensem vale-  
bit, dum Ordinem decreto addendum aliquid aut detrahendum ratio tributi exiget.  
XVII. Atque hæc singula sub obtestatione salvi juris erga regium censum,  
Biltanos & vacantium cænobiolorum redditus usurpandos, rata erunt. Quare  
LALAINIUS Leovardie curandis rebus adhuc agens, illam ordinandi  
tributi sanctionem tanquam optimam & utilissimam approbavit, suaque ma-  
nu III. Kal. Sept. signari fecit.

cIo. Io. Igitur articulis pacis per legatos Cæsaris in provincias & Frisiam missis, Colonienfis actio prolata, provinciarumque decreta, tanquam mali exitus præfagio ob duriores & ad pacem minus profecturas lentis deliberationibus involvebantur.

*LXXIX. Pacis negotium Colonia tardius procedit. Legatorum Cæsarianorum litere ad Ordines.*

Quibus cum Cæsaris Legati Philippo æquiores & festinandis rebus præcipientes offenderentur, litteras Antverpiam ad Delegatos Ordinum generalium dedere. Ijs de Cæsaris Rudolphi affectu, & singulari in Belgas propensione multa præfati se Coloniam neglectis privatis & simul Imperij rebus contulisse asseriebant, non alio fine ac consilio, quam ut in visceribus provinciarum deslagrans bellum bono Christiani orbis cessaret. Cæterum Belgicæ legatos & brevissimi temporis actionem voluisse & invalida consociundæ paci mandata attulisse, quæ pleniora à provincijs in spem apparentis boni expectabantur. Ab eo tempore nec mandatum plenius allatum, neque litteras ab Ordinibus generalibus Coloniam & ad se datas manifesto indicio, etiam inter arma suspirantem populum desiderio pacis non teneri.

Quæ res, etsi præcidere omne pacis urgendæ promovendæque consilium potuisset, ita mandato Cæsaris & Christianâ pietate in Belgicæ populum impulsus in bono proposito perseverasse. Et eo quidem rem deductam, ut in æquissimas conditiones Philippi Legatus condescenderit, cui nemo ignoraret præstandam obedientiam, tanquam legitimo Principi esse. Ad religionis verò negotium quod attineret, id mitius quoque hoc ipso conventu, quam Gandavenfi Bruxellenisque fœderibus à Philippi Legato concessum, cuius majestati, præter priorum fœderum pactiones aliquid ultra extorquere, nec æquum esset, nec Belgicæ calamitas pateretur. De eâ cogitandum Ordinibus generalibus esse, qui scire deberent fœcidiâ aut per injuriam trahi tam utile negotium non debere, neque exacerbari illorum patientiam, qui Belgicæ curam domesticis rebus quadrimestri spatio antehabuisent. Quæ quoniam ultiores dilaciones non ferrent, ita hortari diligenter nomine Cæsaris ut voluntates suas & responsa ita forment, ut Cæsari & Romano imperio grata habeantur, videantque Belgicæ populum paci magis quam bello deditum suis commodis non defuisse. Quibus litteræ seorsim ad Frisios hunc in modum additæ.

*Et seorsim ad Frisios.*

**Q**UID à nobis in negotio pacis cum Regis Catholici principis vestri mandatario actum sit, haud dubie è legatis vestris Antverpiæ commorantibus intellexisse vos arbitramur. Quibuscum solis etsi communicare consilia ac res nostras potuissemus, ita Cæsaris mandato obsecuti nihil negligendum duximus quod paci inserviret. Sed Legatorum vestrorum tarditate aut mandatorum defectu impedimentum illi injectum est, quod facile amovebitur, si vestra autoritate ad promovendum negotium impellantur. Igitur nos hortamur, ut actionis cæptæ pondus diligenter & providè expendatis, sciatisque bello hoc, si duret, ad tam opportunam honestamque pacem præcludi aditum posse. Imprimis vero opus est, ut responsum maturetis, & ut vestri legati plenioribus mandatis instruantur. Id si feceritis in tempore, haud dubie pacem miserijs vestris remedium habituri eritis, & quidem tanto certius, si Rege vestro in pacem proclivi, optimi Cæsaris intercessione salubre negotium juvetur.

Hæ



Hæ Gebhardi Trevirensis Archi-Episcopi, Iulij Wirceburgensium c13. 13. Præfulis, Ottonis Henrici Comitis Schuartsenbergij, Ioannis Schonen-Lxxix. burgij Præpositi Trevirensis & Wernerî Gemnichij manu atque signaturâ Non. Aug. signatæ.

Albada scribit Ordines generales datis Coloniam litteris de procurandis inducijs tum monuisse, quo mansuetæ otio armorum animi, fastidio belli dulcedine pacis caperentur. De Philippo rege ait, eum haud dubiè inducijs assensurum, si obsequia fidelis populi expenderit, quantisque Carolo Cæsare in filium principatum devolvende officiorum solemnibus egregiâ agnitione ac reverentiâ regiæ imperatoriæque maiestatis interfuisset. Continuatam scilicet multis post annis Belgicæ gentis fidem, donec ex imperio immodesti principis & Hispanicarum legionum atroci insolentiâ solveretur. Idem addit duriores æquo Philippum in causâ induciarum semper fuisse, ægreque sperari posse, ut in melius regiæ menti atque iræ imperet, populusque induciarum voto excidens spem pacis accipiat. Conditiones istæ erant, ut durantibus inducijs partes in locis, civitatibus, munitionibus quas possiderent, se continerent & ut utrinq; liber commeatus, interdictâ tamen consiliorum communicatione haberetur. Itaq; Albada, Frisicæ gentis cujus legatum agebat, sententiam exquisivit copiamque mandati, quo Colonia subsistere legati Ordinum jubebantur, in Frisiam 111. Eid. Aug. transmissit.

Cæterum Cæsaris legatos Hispani favor tum præoccupaverat, erantq; qui desperatione pacis perculsi, exemplo provinciarum quæ defecerant, plus regiæ gratiæ, quam Ordinum foederis tribuerent. Quæ quoniam Cæsaris, regisque mandatarios non falebant, ne induciarum quidem beneficium fessis laborantibusque provinciis indulgebant, qui pacis profitebantur. Igitur volebant, ut Ordines à conducendis novis copiis abstinere, & ne provinciales propioribus foederum sacramentis ac pacificationibus se inligarent. De rege fidem faciebant, eum idem acturum, etsi aperte proderentur, quæ ab inducijs, aut sancienda pace discrepantia externa Philippi arma intestinis provinciarum discordijs præjuvanda suaderent. Adeo belli cupido & secretus ardor specie non quæsitæ pacis tegebatur.

Mihi ex actis secretioribus istorum temporum verisimile est, Antonium Perenottum Cardinalem Granvellanum in Hispaniâ tum agentem, Philippo regi alia à pace consilia tum instillasse, magnæque & invendæ (ut litteræ clam Madrito scriptæ habent) apud Regem gratiæ omnem actionem turbido & ferendis discordijs efficaci ingenio corrupisse. Planè quasi fato prævisum esset, ut primus civilium turbarum per Belgicam incantor, molliore senectâ & longo è Belgicâ exilio non mitigaretur, tantique sanguinis foeditate & invidiâ coopertus, Philippum quoque regem, etsi ultro immanem, majore sævitia instrueret.

Quare Frisij acceptis vergente Augusto à Senatu Groningano litteris, quæ de pace Colonienfi adeundâ & approbandis Philippi articulis habebant, nullâ dissimulatione dolosæ actionis & pacis responderunt: Se Ultrajectino foederis arctius obligatos sine sociorum decreto & voluntate nihil statuere posse, facturos alias, quod vicinarum gentium societas atque amicitia postulare. Quin (inquiiebant) hoc ipso populi, cui



clo. lo. interfunus comitio decrevimus; Ne quæ pax cum Hispano fiat & ut LXXIX. omni ope bellum geramus adjuti fociorum auxilijs, qui in fide foederum perfisterunt. Alias nihil carius sanctiusque nobis erit, quam infidis temporum ætatibus nostracum vicinis consilia communicare, quo occulti hostium conatus & dolosæ artes vicinarum gentium fide & concordia destruantur. Istæ litteræ vi. Kal. Sept. manu Econis Isbrandi Ordinum actuarij signatæ.

*Pacis Colonienfis actiones ab Ordinibus abruptuntur.*

Igitur comitio adhuc in Frisiam durante legati Ordinum Coloniae agentes, abrupta induciarum spe, mandatarijs Cæsaris & Imperij declarare, Castrenantij regij Hispania Legati postulata inritandis magis, quam demulcendis ad pacem provincijs esse, quæ facile spectent, negatis inducijs bellum à Philippo aut ejus Legato decerni. Oriri scilicet venturæ tempestatis signa, regiumque exercitum populandis agris intentum ruinas urbium gentiumque comminari. Quæ ipsæ tamen, quam amore pacis ardeant, Cæsaris Legatos, neque Philippi ignorare, qui haud dubie opinetur plus boni ex civilibus discordijs, quam aperta pace suo imperio promitti. Ab eo esse, quod dimitti civitatum præsidia postulet, quo inermes & intestinis dissensionibus aut externis furoribus expositos in ipsâ induciarum disceptatione vi aut dolo obtereret. Quod ad mandata attineret, ea vitio non laborare. Quin talia fere esse ut ab Ordinum autoritate ac decreto profecta pacem à legatis iniri aut tractari sine justis relationibus nolint.

Reperio in litteris foederatorum Ordinum Ultrajecto in Frisiam III. Kal. Sept. scriptis Articulos à Cæsaris Legatis typis datos & in publicum evulgatos, à foederatis Ordinibus publico edicto damnatos, quod à mandatis Legatorum Belgicæ alieni in credulum & vero pacis rudem populum ferendis seditionibus spargerentur. Itaque petebant, ut Frisij idem edictum per tribunalia & in publico recitari facerent, Caroloque Roordæ ad Aurantium principem cum collegis ablegato, tres Deputatos Frisiae jure foederatæ conventionis sufficerent. His de hostium in Brabantiam irruptionibus litteræ additæ, quæ auxilia & comneatum rogarent, socijque juris obtestatione sublevanda ad pericula hortarentur.

*Ordines de liberant de revocando Andino.*

Quare Colonienfi pace suspectâ Ordines generales de revocando, ut dixi, Andino deliberare. Præterquam enim quod Ordines & Andinum inter antiqua conventio adhuc Andino provincias obligaret, ita eâ cautum erat, ne Ordines cum Philippo pacem à præfinito die facerent, deque externo Principe in auxilium vocando, præterquam Andino tanquam potiore cogitarent. Hoc modo Andinum ne Colonienfe foedus præcipitaretur, jam ante intercessisse, hoc acerrimè & pertinacissimè urgentem, ut pactis conventis staretur. Quibus etsi æmulatio, aut fortunæ humana mutantis arbitrium intervenisset, tamen reputandum esse, cum Galliarum regis fratre cum potentissimo principe & regni hærede tractari, & qui irritatus adversa arma pro auxilijs ex offensa principalis eminentiæ daturus sit. Reliquos quoque principes exemplum in Andino habituros, si viderint conventiones solemnî religione sanctitas levitatis Belgicæ vitio dissolvi. Certè magnos in conducendo exercitu, in comneatibus præstandis ab Andino sumptus factos, quibus nihil gratius ac æquius, quam beneficij memoria & repetitio veteris pacti repen-

di queat. Eo loco, Belgicæ res fortunam scilicet posuisse, ut nec pa- CLO. IO.  
cem è Philippo rege sperare, nec à Cæsare possit & protectoris egeat, LXXIX.  
qui regiæ Philippi potentia si non par, saltem proximus sit. Inesse Gal- Causa ob  
lis vetera & cognata erga Hispanum odia, quæ exercere apertius ju- quas Andri-  
re Andinæ societatis possint, Hannoniosque & Artesios foederum rup- nus debeat  
tores petitis è regno armis infestare. Causæ satis esse cur exui jure ac recipi à  
possessione principatus rex Philippus queat. Belgâ.

Præter Albani feritatem & rejectas populi supplicationes, Austriaci defectionem obtendi posse, & ne longè eundem sit, ipso quoque apud Coloniam conventu pacis studia simulari. Quæ si non procedat, deligendum Principem esse, qui inclinantis Belgicæ onus sustineat, fessamque discordijs & ex secessionibus provinciarum perituram libertatem sub imperium Principis redigat. Atqui ab Andino omne labentium rerum fulcimentum peti posse. Hinc obversa hostibus Galliarum latera commeatum hostilibus castris subtractura, illius Belgicæ provincias Philippi armis objectas, quæ positurus facilius erit, si juratos hostes Galliarum populos suum in exitium concitari perpexerit. Conditiones certè magis æquas Cæsarem ac Regem infelicibus provincijs daturus, quæ incolumitati suæ abundè prospectum credent, si Andino veteri libertatis defensore utantur. Possè reprimi pactorum æquitate principalis ingenij spiritum, ut intra præscriptum maneat, modum agnitura augendæ potentia cupido si bello aut pace abstineat, si distribuendi præsidij militaris licentiam remittat, si Ultrajectino foederi robur atque vim addat, cæteraque faciat, quæ defensoris Belgici imperium patiat, Ordinum ac reip. majestas prohibeat. Igitur petitum, ut è reliquis foederatis provincijs Legati Antverpiam cum mandatis mittantur, quibus & exui dominatione Philippus & recipi Andinus ex pactorum formulâ possit. Sed in vanum omnia per interiores provincias dulcedine Ultrajectini foederis recidebant.

Quippe Hollandi socijque ab Albani ætate rectori provinciae Aurantio obligati, fidem principis tanquam sui agnoscebant, ejusq; nomen ex paterno imperio venerabantur. Et erant, qui crederent exturbari legitimo principatu à populo suo Philippum, neque transiri ad externæ dominationis arbitrium posse, ita composita per provincias parandi imperandique ratione, ut dissolvi non queat. Ego à Frisij rem disceptatam illo tempore non comperio, sive ob repudiatum ab Hollandis Andinum, sive quod crederentur, ut antè à Gallicâ societate, ita tum quoque ab Andino alieni, suæ plus libertati, quam ex Ultrajectino foedere aucupabantur, quam externis dominationibus daturi.

Igitur Farnesij copijs in Brabantiam ductis, quem atrox & ut creditum fuit per inopiam aeris ex ægritudine animi morbus invaserat, Transilulani à Germanicis Ordinum Copijs vastati, quas Sigismundus, de quo dixi, Curtspacchius vir militiæ impiger, & qui opibus ac genere illustri fororum Ligniscentium in Silesiâ ducis matrimonio tenebat, exigendis, quæ deficiebant stipendijs, circa Isalam & vicina ductabat. Quibus vexatis copias in Lingenses per Benthemicos fines promovit, ubi fortuito igne tormentario pulveri injecto, absumptus est. Bartholdus quoque Entenius imperato per Drentiam tributo stipendia cohortibus flagitabat, nulloq; disciplinæ metu effusum in flagitia militem coërcebat.

Un-  
que

Batavi a-  
lieni ab Andino.

Farnesius  
ager ex  
inopia æri.



cIo. Io. de factum est, ut plebs rustica arma & audaciam indueret, equitum-  
Lxxix. que cohortes, quas Dodo Larius & Rinuoudius ducebant, Leoverdiam  
versus accepto in prædam commeatu, propelleret. Mox ad Zuytliariam  
viribus aucta, quo Entenio, qui auxilia reparaverat, resisteret, in fu-  
gam acta recentis gloriæ & fortitudinis laudem turpi dedecore mutavit.

Tum Entenius agris vicisque Coverdiam usque direptis tributum  
x 8000. aureorum Drentinis imposuit. Unde continuis rusticæ ple-  
bis querelis exagitatus Lalainius Drentinis, ut militi, etiam suæ legio-  
nis, præterquam à se mandatis instructo, resisterent, potestatem fecit  
gratiamque Drentinorum emercando, nonnullis cohortibus, quas confi-  
lijs suis adversas noverat, odium peperit.

*Lalainius  
ad partes  
regis incli-  
nat.*

Iam enim regis gratiâ & magnarum rerum splendore pellectus excæ-  
catusque à Farnesio credebatur, idque tanto firmius, quod mutati in  
patriam affectus, argumenta à recepta in fidem Groningâ neque vanis  
suspicionibus edidisset. Mox nova tempestate Transfulani, Tubantes  
Salij creatis ex se partium ducibus arma odio Ordinum miscuerunt, a-  
ctique per obvia, velut rerum desperatione, cuncta vi atque insolentiâ  
fœdare. Quare ab Aurantio principe Philippus Hohenlous reprimen-  
dis rebellium armis missus, tantæque multitudini impar, non sine vi-  
tæ discrimine in fugam actus est. Cæterum extenuatis vicinarum ur-  
bium præsidijs validior ad Sionis monasterium, post ad Roltam pagum  
ad internecionem eam cæcidit, redactisque ad obsequium Drentinis &  
accepto à captivis lytro arma, ut traderent, imperavit.

*Fictio Func-  
kij nomine  
Frisij solli-  
citantur ad  
defectio-  
nem.*

Reperio in litteris sub ficto Funckij Frisij nomine ad Onuphrium Gry-  
phium Prætozem nuper Utingeranum & cohortis apud Oostmahornam  
præfectum in exilio tum agentem, exules Frisios hostium partes se-  
cutos patriæ suæ vehementer tum comminatos fuisse, Pontificioque  
per Frisiam mutuis litterarum commercijs instructos omnia admitten-  
dis intra provinciam hostibus proditorio consilio præparavisse. Eundem  
quoque Funckium plures perfugas spe largioris stipendij è provinciâ sol-  
licitasse, ærisque penuriam regia per castra grassantem, velut in omnium  
rerum affluente copiâ pelliciendis perfugis excusavisse. Is addit unde-  
cim cohortium centuriones ducendis in Frisiam signis destinatos, in ijs-  
que Julium & Renicum Dekama, Titum Cammingha, Lollium Ockin-  
gha, Petrum Boimerum, Petrum à Coverdiâ, Risellium Stellinguer-  
sium, Snaterum, Prengerum & Sampsonium, tanquam belli peritissi-  
mos censuisse.

Mox à fœderatis Ultrajecto litteræ in Frisiam datæ. Istæ continebant.

*Petuntur  
à Frisij  
pecunia  
pacandis  
Bruxellen-  
sium & Vi-  
vordenium  
præsidijs.*

Regium Philippi exercitum Bruxellensibus sociorum fidissimis gravem extre-  
ma comminari. Quibus liberandis cum omne provinciarum subsidium peti de-  
beat, monere se Frisios, ut in mensem pacandis Bruxellensium & Vilvordenium  
præsidijs sextam partem octoginta millium aureorum præstent ocus residuumque  
tributi quod fœderatis deberetur, in ararium inferant. Alias forè, ut damno  
& infamiâ provinciarum hosti dedatur prima fœderum & libertatis altrix Bruxel-  
lensium civitas. Istæ litteræ Non. Sept. scriptæ.

His accedebat, quod Andreæ Hesselij Ord. Brabantiae actuarij lit-  
teræ de vastatione agri Brabantici apud Cæsaris Legatos quererentur.



ultimisque miserijs repentinum remedium inducias aut pacem orarent. *Id.* Tardè scilicet procedi in eâ actione, quæ festinationis egeret & esse *LXXIX.* Philippi Legatum in præscribendis conditionibus duriorẽ quam pacis studia exigèrent. Veterem certè principum Philippi antecessorum dominationem clementiâ sterisse, cujus spem in ipso actionis exordio Castrenantius præcidisset.

Igitur legatis Cæsaris curandum esse, ut Castrenantij regij mandatarij animum suavorijs ad pacem rationibus emolliant, dentque effectum, ut mitigatâ Hispanicæ dominationis severitate moribus aliquid legibusque Belgicarum gentium donetur. Aliter certe pacem haberi non nisi salvo, aut saltem admissio jure populi posse. Quæ cum litteris ad Renicum Cammingha Deputatum determinandis super Coloniensi pace sententijs tarditatem provincialium increpavere.

Carolus Roorda scribit, Frisicæ gentis morâ fœderatos Ordines con- *Tributa à quibusdam provincijs non satis alacriter penduntur.* ferendis tum tributis contumaciam induisse, illorumque defectu de Venloa, Wachtendoncko & Gelrâ oppidis perdendis periculum fuisse. Pecunias quoque ad 30000 aureorum Lalainio assignatas excusationem ulterioris tributi non admittere, nihilque magis utile & necessarium firmando fœderi quam parati æris subsidium esse. Alias Ordines fœderatos postulantibus importunius stipendijs, de mittendis in provincias copijs constituisse. Ita Geldriæ agros, præstandis tributis tardos, militari manu pressos, neque aliud restare, quam ut Frisici reliquæque provinciae agendo censui fœcordes Geldrorum exemplo habeantur. Hoc etiam repetebat, ut Legatos è provinciâ Ultrajectum, aut ad Aurantium mitterent, supinaque consilia correctione mali moris emendarent.

Igitur mandatarijs Cæsaris longâ Ordinum per provincias disceptatione offensis ab Ordinibus generalibus Antverpiâ Coloniam litteræ datæ, honestâ moræ excusatione, quod in tam arduo negotio suffragationem provinciarum desiderassent. Neque enim plenâ statuendi potestate Legatos Coloniam missos instrui voluisse, eamque esse provincialis imperij rationem, ut à multitudinis arbitrio pendeat. In quâ cum opinionibus sæpè certetur, fieri ut tardius aliquid decernat, publicumque commodum moretur privatorum incuria. Interim grates se Cæsaris *Mandatarijs Cæsaris & Imperij pro impensâ operâ gratias agæ.* paterno affectui, & mandatarijs imperij debere licet fato quodam in provinciarum visceribus hærens malum opportuna remedia non sanaverint. Atqui id præpeditum esse nimiâ Philippi regis severitate, qui haberi clementer populum suum nolit: Isti fini scilicet velle, ut dignitatibus ex Gandavenfi pactiõne eiekti pristinis honoribus restituantur, ad quos per provinciales vincula, cædes, atque exilia perventuri sint. Ab eo esse quod civitates & fortalitia dedi, quod nudari præsidij vellet, ipsosque inquilinos in remp. adscitos suis dignitatibus atque fortunis privari. Omnia scilicet doli, aut insidiarum plena esse. Distractos à socijs Farnesij artibus Hannonios & Artesios, simulatam externis in Italiam legionibus missionem, sacramenta principum infida & Pontificum dispensationibus impunita, eoque devenitum esse, ut rumpendis fœderibus & solvendæ hominum fidei atque societati Romana religio interserviat. Hanc esse scilicet, quam Norcarminus ex Hispaniâ redux retineri solam colique voluisset, & ut Philippus Caroli pa-

cIo. Is. tris in scribendis edictis severitatem stabiliendo principatui innovaret. LXXIV. Sed id ne fieret Ordines provinciarum ad mutua foedera & auxilia confluxisse, quæ omnium ab orbe condito gentium consensus necessitati temporum & præveniendæ rerum ruinæ approbasset. Atqui ea rite servata convelli non posse, nisi singularum provinciarum decreta, eo quo invalere modo, ex formulâ scripti juris infirmantur. Id se Cæsareæ majestati per litteras indicasse, esseque in eo Philippum, ut ex provinciarum discordia robur ac vim immodesto principatui capteret, quod stare infantiae suæ moribus & rigore antiquæ inquisitionis velit. Majore certè moderatione attemperanda Philippi postulata esse, tam ut Buranus Aurantij filius in Belgium redeat, quam ut Angliæ reginæ & Andino tum ipsi Matthiæ Gubernatoris auctoritati satisfiat. Alias effrandis populi animis obviam tempestatem imminere, nisi lenius ac sepositâ dissimulatione apertius Philippus rex agat, & nisi Cæsar ac Imperij Legati ad id præstandum regem, aut ejus mandatarium compellant. His addebant decreta singularum provinciarum, super pacis negotio, ut perscribantur ocyus se effecturos, Deumque pacis autorem rogaturos ut sana promovendæ paci consilia procerum mentibus inspi- ret. Hæc Antverpiæ iv. Eid. Sept. perscripta, ac ad Legatos Imperij transmissa.

Similes litteræ ad Castrenantium Philippi Legatum datæ. Quare maturando ad conditiones pacis quas Philippi Legatus proposuerat, responso Albada Frisiorum & Transisulanæ orator litteras in Frisiam expedit, proque provinciæ decreto obtinendo intercessit. His pro di- cuendis per Frisiam castellis subjunctum, quibus stantibus libertatem recuperari non posse, neque vanis rationibus ostendebat.

*Itaq; (inquirebat) scire cupio quâ fiducia libertatem vos tuituros putetis cum omnes artes apud nos integras relinquantis. An hoc vobis unitæ provinciæ suadent?*

Cæsaris  
Rodolphi  
litteræ ad  
Ordines.

Cæsar quoque, etiam in Philippum prior jure affinitatis deprehende- retur, litteras xi. Kalend. Octob. Pragâ Bohemorum ad Ordines dedit, quibus monebat, ut protracti in faciendâ pace temporis dam- num celeritate consilij pensarent, omnesque curas amovendo belli in- commodo impenderent. Æquissima scilicet esse à Philippo rege avun- culo & sororio suis subditis oblata quæ nisi acciperent, fidem faciebat, Legatos Imperij septemviros & præfulem Wirceburgium discessum fa- cturos, tædio moræ & damnosæ perverfitatis, quæ benè coepta & cum ijs spem pacis noxio consilio disturbaret. Se quidem Cæsareæ bene- volentiæ illustre exemplum fecisse, facturum porro, si viderit, Bel- gas ipsos, declinandæ rerum omnium ruinæ, suis commodis non deesse.

Mox litteræ in Frisios mittendis Antverpiam cum mandato pacis le- gatis perlata, quo examinatis singularum provinciarum suffragijs commu- ne quoddam decretum ab Archiduce, Aurantio & Concilio Status perscriberetur. Cui celebrando litteræ quoque ab imperij mandataris ad Ordines generales, seorsim verò ad Frisios missæ, quæ amoveri cun- ctationem ac moram provincialis decreti volebant. Eæ à Gebhardo Colonienſe, à Jacobo Trevirenſe Archi-Episcopo, Iulio Wirceburgen- sium Episcopo, Odone Henrico comite Suartsenbergio, Wernero Gem- nichio vi. Kal. Octob. signatæ.







clo. Io. res gestiorus destinatum auxilijs militem commodissimâ opportunitate  
LXXIX. ex illis præsidijs evocaret.

Mox Hesselus Aysma Jureconsultus Antverpianus è Frisiâ cum mandatis missus.

*Mandata Frisiorum de negotio pacis.* Istæ erant: *Vt provinciarum Belgicæ, & imprimis Frisicæ comodo operam consiliaque navaret. Vt in Colontensis pacis negotio, quod Cæsaris Legatis delatum esset, suum suffragium AURANTIJ Principis, Federatorum & simul Hollandiæ Ordinum suffragijs, atque decretis afformaret, nevé ab ijs quid diversum atque discrepans faceret aut fieri promitteret.* Mandata XIII. Kal. Nov. Leovardiæ signata.

Barthius quoque Idsaerda ad Georgium Lalainium in Drentiam amandatus, qui tractandis Groningenensium & Omlandicæ rebus, cænobio Esfeno, quod in agro Drentino est, audiendis legationibus attinebatur. Igitur Legato stipendia ferenti, cujus penuriâ exercitus & Lalainij aula ex principali paratu laborabat, sui confestim copiam fecit, mandataque Legati in Frisiam properantis celerrime expedivit. In cæteris hoc erat. Ut patrimonium sedis aut Episcopi & cum eo annuos reditus provinciæ ærario & usibus assignaret, censumque Cunei otio & luxui usurpatum militaribus stipendijs applicandum decerneret.

*Matthias Archidux Aufonium Galamam præposituræ Bolsuerdiensis dote ac proventu donat.* Reperio in actis Pompeium Vfskenium virum foederi impense adiectum & magnæ apud Lalainium gratiæ, isti rei omne consilium navasse, Lalainiumque dubium tum & inclinantem, quo assensum faceret, petitis à necessitate rationibus permovisse. Quod negotium eo quoque magis maturabatur, quod Archidux Matthias, facilitate juventæ aut imprudentioris consilij Aufonium Galamam Præposituræ Bolsuerdiensis dote & proventu donasset, profusissimâque talium rerum largitione plus privati gratiæ, quam publicæ æris inopiæ, subvenisset. Igitur ea res aliqua cum difficultate primum habita, non ignaro Lalainio, se litteris IX. Octob. Vollenhoâ datis, Frisios ad id præstandum monuisse, & ut Aufonium Galamam beneficio donatum in possessionem ocys Præposituræ citra molestiam locarent.

Aysma scribit se XII. Kal. Novemb. post salutatos Ultrajecti foederis socios Antverpianum, cum Zutphanienstem, Arnhemienstem & Velaviæ Legatis advenisse, reliquarumque provinciarum Legatos & in ijs Hollandos & Zelandos tardius se sistentes moram conventui & habendis consultationibus injecisse.

*Amone caritas in Frisiâ.* Reperio in actis annonæ & frumenti caritate provinciam tum laborasse, quod æstas & juxta autumnus imbrium copiâ foedus suffecturam alendis provincialibus messem corrupisset. Itaque Leovardiâ in urbe populi & multitudinis fecundâ penuriæ & egestati pauperum obviam itum, saluberrimo mali pestilentis remedio, quo ægra plebs & vitio aëre debilior, subsidiario ære uberem refocillandis corporibus victum haberet. Igitur Supremus Senatus in Basilicâ coactus Magistratum centurionesque cohortum ad se evocavit, divisaque in partes ac districtus civitate conferri stipem à locupletibus in sex menses pauperum ærario jussit. Hoc vero vetabat, ne ostiatim alimenta infectis, aut languidis peterentur, ne integræ domus proserpentis contagij vim ex affectu noxij ægrorum habitus sentirent.

Heymannus notat Capitulum isti pauperum subsidio duodecim carolus. Id. laos in mensem spondisse, edictumque vergente Decembri ritè & LXXIX. ex usu formatum in vulgus & per tribunalia tum emanasse.

Quo fere tempore litteræ Ordinum Frisæ, quæ decretum pacis habebant, Coloniam ad Albadam oratorem missæ prope arcem Blyen-beham à præfidiarijs loci militibus interceptæ, ope ac consilio eorum, qui Hispanicarum partium sacramentis aut societatibus inligati, Emrica & Resa, tum in plerisq; ad Rhenum locis, patriæ etiam suæ commercia & commeatus tabellionum explorandis Ordinum arcanis infestabant.

*Frisicorum  
Ordinum  
litteræ inter  
cipiuntur.*

Albada scribit eorum plurima è nobilitate Friscâ fuisse, quam odio Ultrajectini foederis in exitium patriæ se tum armasse ægerrimus animi querebatur. Itaque erant, qui Farnesium invadendæ Frisæ tria milia Hispanorum militum peterent, eique provinciæ, sub Regis Philippi imperium reducendæ certissimam spem offerrent. Quos idè omnem humanitatis affectum exuisse illi interpretabantur, qui non ignorabant, sine propinquorum cæde ac fugâ, sine legum & libertatis interitu resumere dominationem eos non posse parricidalibus armis subnixos. Igitur fidissimæ monitiones patriæ amantium acuendæ sollicitudinis in Frisiam missæ, quæ justum exercitum ad xvi. Novembris diem in Frisæ ac Translavanorum fines destinari neque vanis augurijs ominabantur. Cui malo averruncando concordiam suadebant Græcorum exemplo & ex Philippi Comineij clarissimi rerum sub Ludovico gestarum Historici præcepto, qui odio potentum firmandas gentium societates comprobassent. Quas etsi levis aliqua temporum lis aut dissensio fatiget, quæ inferiora hæc & mortalia exercens verâ & stabili pace cœlestia donasset, tamen commune in rep. consilium cum ijs conferendum esse, quos à patriæ aut rerum ruinâ alienos libertatis affectatio fecisset.

*Malevolorum  
indigenorum  
machinationes  
adversus  
Frisianam  
pariam  
suam.*

Hoc vero imprimis volebant, ut mos patriæ & privilegium populi tenacissimè in administratione rerum retineretur liberaque tum vocabant, Statuum electio quasque in rep. dignitates clarissimis provincialium conferret. Quos à peculatu aut rapiendis per ambitum honoribus probitatis amor averteret, haud dubiè præmium suæ virtuti obsequium populi habiturus. Alias novas in factiones, nova odia erupturas mentes improbitate dominantium irritatas. Id quoq; vel maxumè necessarium esse, ut justitia vigeat, inque ipsarum legum rigore & observantiâ & innocentia judicium & reverentia populi quaeratur. Quæ quanquam egregiè dicta & scripta fatalem isti temporum ætati discordiam non sustulere.

Igitur Hesseli Aysma provinciæ Legati Antverpiam adventu in confessu Ordinum generalium super Colonienfi pace, gerendi belli modo, instruendis provinciarum præfectis, ordinandâ rep. provincijs ad pendenda tributa militari manu cogendis, applicandâ commeatui bellico in singulas cerevisiæ tonnas trium stufferorum indictione, novo sacramento concipiendo, tum de innovandâ religionis pace viii. Nov. de liberatum, urgentibus Aurantij & foederatorum Ultrajectinorum legaris infidâ pacis apud Coloniam actione de bello cogitandum esse, & ut communis provinciarum Belgicæ resp. dissensione aut ignaviâ col-labens majore prudentiâ ac sollicitudine crescentibus periculis formare-tur. Aysma tradit mandatorum legatorumque qui ex quibusdam pro-

*In confessu  
Ordinum  
Antverpiæ  
de reformando  
Reip. mo-  
deramine  
actum.*



CL. IO. vincijs non comparuerant, defectu, nihil plenariè definitum fuisse, hoc LXXIX. stiumque pro invadendâ Frisiâ consilium relationibus tum Colonienfium confirmatum. Itaque petebat ut Frisij ad pericula solertes & circumspecti essent, plenioraque mandata maturandis provinciarum rebus, perferri Antverpiam curarent.

Alexander Bentingius Geldrorum Legatus scribit ex quaque provinciâ delegatos tum fuisse, qui cum Archiduce Matthiâ, Aurantio Principe & Concilio Status singula communicarent, eoque facto, de actis ad confessum referrent. Singularem quoque animorum consensum illo conventu, quem secundis rebus more mortalium ut antè inclinantem & dubium, ita tum ex adversis firmum & constantem, ingenia procerum idem Aysma datis Antverpiâ xv. Non. in Frisiam litteris confirmavit, omniumque suffragia tractatâ Religionis pace, in admittendo per provincias reformatæ exercitio convenisse. Mox de peractâ Barthij Idæardæ ad Lalainium legatione Leovardiam nuntiatum, qui è Drenthiâ & monasterio Essenæ in Frisiam reversus Lalainij decretum pro usurpandis Episcopi patrimonio attulerat.

Diploma istiusmodi erat.

*In actis  
rebus maxi-  
mum Ordini-  
um consen-  
sus depre-  
benditur.*

**Q** V A N D O Q V I D E M certus sum Frisiam tam ex crebrâ terrarum inundatione, quam ex continuatione belli & militarium stipendiorum pensitatione magnis debitis atque oneribus gravari, haud dubiè cum ipso bello incrementa habitura, ita petentibus Ordinum Frisæ Deputatis, Ordinibus Frisæ pro jure meo omnia Episcopalia bona unâ cum Haskerano cænobio cedo & defero facioque ijs potestatem, ut provinciæ usibus ea impendant, sub istâ cautione, ne ullius juri aut credito quid decedat & ut ex formulâ illius pactionis trasferantur, quâ Cænobiij Wittewerumani res & redditus Omlandæ agrarijs assignavi. Igitur fidem facio me in possessione istorum bonorum prædictos Frisæ Ordines locaturum daturumque operam, ut cessio hæc rata firmaque mea auctoritate habeatur. Actum Essenæ sub sigillo & manu meâ, v. Eid. Novemb.

*Lalainij  
artes &  
machina-  
tiones.*

Quæ, quamvis bonâ fide & in speciem veri affectus agi viderentur, ita ostentui magis & augendæ in eum procerum fiduciæ fieri illi non dubitabant, qui explorata clam Lalainij consilia suæ magis quam Ordinum dominationi servire, ex infidis aulicorum actionibus acceperant. Itaque Lalainij juventâ illorum assentationibus se præbente & ingenio, sicut mortale plerumque solet, cupidinè imperij correpto de distribuendis per Frisæ oppida præsidij cogitavit, quo provinciæ munimentis suo arbitratu stabiliendæ potentia & nova ad consilia uteretur.

Quare Ioannem Bongam nobilem Frisum à primâ ætate foederatis armis ascriptum, cum cohorte Bolsuediam amandavit, istiç, urbi & simul Snecenfium præsidio esse jussit. Cæterum Magistratus, qui recipi intra urbem armatos detrectabat, turbidum insuper populum, & à præsidio alienum spectans, militem urbe prohibuit, quem Bonga centurio navigijs vectum ad portam & suburbana promoverat. Hoc interim petebat Magistratus, ut dum per legatos de Præfecti voluntate cognovissent, cohortem in circumjacentes agros & Wonseranorum fines amoveret, urbemque domesticæ paci & civili custodiæ relinqueret.



ret, Quod consilium cum Goslico Heramæ viro nobili & Jurisperito c. l. o. l. o. Wonsferanorum prætori displiceret, insolentiam & rapinas militum me- L x x i x. tuenti, de mittendis ad Lalainium legatis à Magistratu consultatum, reclamante propalam plebe, oppidanà urbi incorruptam adhuc fidem professæ imponendum præsidium non esse.

Quare Franciscus Iacobæus Consul, Iacobus Menenius & Petrus Six-  
fius ad Lalainium qui Vollenhoæ esse ferebatur, pacando populo missi,  
milesq; Bongæ centurionis excedere oppido ab iratâ plebe iustus, cœno-  
bio Floridi Campi & Oegano inductus est. Igitur commeatu intra urbem  
coëmpto & præsidio cœnobij gravi litteræ à supremo senatu venire, qui  
reverentiâ Præfecti, sivè seditionis civiçæ metu, Magistratus in recipien-  
do præsidio contumaciam, tanquam contemptum imperij interpretabatur.  
Sed Magistratus modeste factum excusare, pacem ac concordiam, mis-  
sos ad Lalainium Legatos obtendere, cui per eos significatum esset, urbem  
stratis partium odijs quietam præsidij non egere. Qui cum Snecen-  
sium Legatis, quorum & causa agebatur, in Drentiam & cœnobium Es-  
senum progressi colloquium Præfecti petiere, quem moderandis Trans-  
Isulanæ & Drentinorum rebus occupatum aulicorum responsa ferebant.  
Igitur triduo per otium consumpto, legati tandem in secretum admissi,  
ubi Lalainius, etsi occupator, de mandatis Legatorum cognovit, eos-  
que voce Gruteri, qui ei à consilijs erat, bono animo esse iussit.

*Supremus  
Frisiæ Se-  
natus repre-  
hendit con-  
tumaciam  
Bolsuer-  
diensium,*

*Quare ( inquebat ) hoc tempore præsidij immunes esse volo , modo jus & æ-  
quum civibus vestris dicatis, omnique religionis disensione sopita civitatis vestræ  
curam geratis. Ad Bongam quod attinet , illi aliud à priore mandatum à  
me dabitur.*

Quæ supremo Senatui xix. Octob. per Legatos Bolsuerdiensium Sne-  
censiumque exhibita, Senatus tamen & recipiendi præsidij decretum  
tum non immutavere. Igitur ex eodem Snequettus Senator & Sibran-  
dus Richæus fisci procurator ad Lalainium alegati, evocatis interea Leo-  
vardiam Bolsuerdiensium Pontificijs, qui ante pacati illâ supremi Senatus  
& Magistratum disensione tanquam occasione turbaram utebantur. Un-  
de concursu facto reliqui earum partium per urbem Bolsuerdiam acti ar-  
ma induerunt, tesserâmq; vigillum fidei commissam dari sibi à Magistratu  
cum immodestiâ poposcere. Sed à Theodoro Oconio Consule, qui  
cum imperio civitati tum præerat, repulsum passî & in sua redire ius-  
si, secretos tabernarum conventus repetivere, furoreque ex vino aut per  
temulentiam aucto, velut in licentiâ regno, implicatis ad fœdera dex-  
tris, obsequia exuerunt. Quare nec Ordinum, nec Magistratus in pe-  
rio se teneri inconditis clamoribus jactitabant, urbemque à Lalainio suæ  
libertati permissam Hispanorum aut Ordinum præsidij non obligari.

*Apud Bols-  
uerdenses  
turba.*

Quæ res cum maximâ incommodâ datura civitati videretur, frænandis  
seditionum civium moribus à Senatu supremo decretum, ut Bolsuer-  
dij sicut & reliqui oppidani è corpore civium cohortem conscriberent,  
illique rectorem à Magistratu darent. Unde Petrus Vibenius Consul  
duccendâ cohorti centurio creatus, adscito Sixto Hettenio, qui ferendo  
signo præfset. Mox ære accepto miles conscriptus, eoque ad cu-  
stodiam urbis admoto, dissoluti mores interquievire.

*Sopita  
Bolsuerdia  
dissidia,*

Quo tempore Aggæi Albada Oratoris Epistola de Coloniensi conven-  
tu

cIo. Io. tu abrupto in Frisiam perlata. Ea habebat: Imperij legatos v r r. vi.  
LXXIX. ros tarditate Ordinum & petita resolutionis offensos abitum Coloniâ  
Albada parare, esseque nihil expectandum quam ut pace fracta crudele Regem  
Frisijs ho- inter & provincias bellum exardescat. Itaq; Frisios commonebat, ut ad  
stitem in- externam vim, quæ pararetur, repellendam solliciti, internis quoque  
ruptionem hostibus avertendis intenti essent, unicoque concordia remedio adver-  
imminere sum fortuita & simulatas fallacesque amicitias se munirent. Ea 18. Kal.  
præmonet. Decemb. Coloniâ scripta.

*Vt etiam  
 alij.*

Cui monitioni robur atque efficaciam addebat, quod Ioannes Rip-  
 perda & Joannes Splinterius è Gorâ oppido de decretâ hostium in Fri-  
 siam irruptione fidissimos per exploratores perscripserunt, Philippumq;  
 Regem tres Germanorum legiones sub Casparo Roblesio & Bergij filio  
 autorandas Snatero, Prengero & Everardo Coverdiensium nuper Satrapæ  
 ducendas in Frisiam demandasse. Itaque in Bremensium, Osnaburgensium  
 Monasteriensiumque finibus dilectus institutos tanto multitudinis  
 confluxu, ut ad festum Andreae proximum in Omlandiam ac Frisios pa-  
 ratam expeditionem habituri essent. Iam enim lanceas, sclopetos, enses,  
 thoraces ferreos, omneque genus armorum circa Statloam in agro Mo-  
 nasteriensium, destinatum recensionem locum comportatum, & quod armandis  
 octo aut novem virorum millibus sufficiat. In proximo scilicet peri-  
 culum cerni, esseque necessarium ut Frisij ad sua intenti sint, fidumq;  
 aliquem è suis Essenum ad coenobium mittant, qui de singulis cognoscat.

Hesselus Aysma Antverpiâ scribit Aurantio Principi litteras quoq;  
 de expeditione hostium in Frisiam communicatas, Juliumq; Dekamam  
 nuper Senatorem regium, ardore vindictæ tribus schlopetariorum mil-  
 libus adjutum subjugandis Frisiorum terris destinatum. Igitur præpe-  
 diendis in Frisiam hostium irruptionibus Vederborgum ac Keyserfuerta  
 ad Rheni Vahaliskq; confluentes à Geldris præoccupata quo transitu Rhe-  
 ni amnis hostilem exercitum arcerent & ne Frisij socij atq; vicini exu-  
 lum suorum secretâ conspiratione in antiquas calamitates atque pulsa fe-  
 nis servitia reciderent. Unde Zutphania, Duisburgo, Deutecomio, reli-  
 quisque oppidis Rheno, Isalæ aut Berckelio flumini adjectis commea-  
 tus copia ope navium advecta datæque ad Frisios litteræ, quibus im-  
 minentium discriminum & Adolphi Gorræi Caldenbroeckij epistolâ ne-  
 que inveris indicijs monebantur.

*Legatis in  
 Coloniensi  
 actione ho-  
 nestæ pecu-  
 niæ summa  
 pro impen-  
 sis assigna-  
 tur.*

Tum Coloniensi conventu finem spectante Archidux Matthias mille  
 quingentos aureos præstandis Legatorum impensis Frisios proposcit, quo  
 reip. vacationibus honestum præmium statueretur, & ne actionis cum  
 famâ gestæ officia damnofo impendio pensarentur. Idem subjunctæ Or-  
 dinum generalium litteræ habebant. Quippe Arschtanum cæterosq;  
 legatos post sepositas domesticas & familiares curas procul domo ac ca-  
 rissimis pignorum Coloniæ egisse, semestrequæ & ultra spatium tam lau-  
 dabili conciliandæ pacis negotio, non sine grandi impensâ & simul glo-  
 riâ collocasse. Sperare se clarissimæ actioni brevem exitum, eoq; per-  
 ventum esse, ut in Ordinum confessu commune ineundæ pacis, aut  
 parandi belli decretum non sine curâ publicæ salutis ventiletur.

Reperio in actis Ordinum singulos in menses octo aureorum millia  
 legatis assignatâ, totique actioni à 17. Mai, in x x i v. Nov. diem qua-  
 dra-



draginta & ultra aureorum millia impensa. Mox Cl. v. Abelus Franc. Cl. I. B. kena ( qui in confessum foederatorum Ordinum VII. Eid. Septemb. à LXXIX. Deputatis Frisiæ delegatus XII. Kal. Octob. ut ipse notat, sacramentum foederi dixerat ) Ultrajecto in Frisiam communicandis arcanis & post Essenum ad Lalainium missus qui in Drentiâ præter expectationem tempus trahens, suspicione sinistri sollicitudinem Ordinum innovabat. Cl. Franckena in Diario suo scribit, Collegium Ordinum Ultrajecto Arnhemum tum concessisse, haud dubiè, quo regis exercitus secundo Rheni amne, ut nuntiabatur, descensurus prudentiâ publici & præsentis ad pericula concilij in tanto armorum apparatu sisteretur. Idem tradit Carolum Roordam cum Brakelio & alijs Hagam Comitibus ad Ordines Hollandiæ moderandis belli negotijs missum, quod ex legatorum imperij discessu & desperatione pacis regij per omnem oram dilectus pollicebatur.

Collegium  
Ordinum  
Generalium  
Ultra-  
jecto Arnhemum ad  
tempus  
concedit.

Quare Legati Caesaris, quo repentini discessus causam honestâ æquitatis specie velarent, scriptum quoddam hunc in modum Legatis Ordinum exhibuerunt.

**S** Peraveramus, LEGATI, tractationem pacis tanto labore, molestiâ & sumptu institutam divino auxilio, autoritate & intercessione CAESARIS, nostrâ ex industriâ meliores fructus habituram fuisse, quo funestissimo bello sopito, regem inter & vos Belgas vera pax bono orbis Christiani sanciretur. Caterum quoniam res ex voto nostro non processere ferre patienter, quæ emandari non possunt, satius est. Igitur de actioni sine imponendâ cogitamus, & ne Caesaris aut nostræ integritati ex diversitate humanæ opinionis, aut malitiâ assingi possit, in animum induximus tacito famæ nostræ ac officij patrocinio apud PHILIPPI Legatum & simul vos subvenire. Nos vero CAESAREAE majestatis Legationem honestissimâ excusatione lubentes declinasset, quod tantæ tempestatis quæ Belgicam involuisset, atrocitatem nostrâ ope sedare impares videremur. At verò apud CAESAREM infelicitis Belgicæ commiseratum nostrâ excusatio parum efficax fuit, jussique sumus locum facere optime atque piissimæ Caesaris voluntati, quæ nostrâ curâ sanari corpus volebat, tot letalium vulnorum deformitate laceratum. Itaque tanto alacrius commissum nobis negotium suscepimus, quanto letius futurum videbatur, vicinæ genti per mutuas discordias sese opem ferre. Et spes quidem pacis firmiter concepta, quod PHILIPPI Hispaniæ regis Catholici postulata intra modum æquitatis starent isque præter Catholicæ Romanæ religionis professionem, debitam majestati suæ reverentiam & autoritatem suum populum flagitaret. Quarum utramque cum Ordines datis ad Casarem litteris, quæ Wormaciæ ipsis Imperij comitibus obtulissent, conventum Colonia in spem certissima pacis Caesar induxit. De cujus felicissimo eventu y dubitare non poterant qui postulata PHILIPPI cum offerentium Ordinum æquitate conveniri conciliandis dissensionibus augurabantur. Igitur credebant tanto magis Caesaris & Romani imperij Principum autoritatem valituram, quanto graviore miserationum suarum enarratione Casarem & Principes ad intercedendum Legati Belgicæ permovissent. Quin ominabantur Belgas ipsos belli & tot cladum pertecos pacem facile æquissimis sub conditionibus amplexuros, quod arbitrio Caesaris & se Rex

Scriptum à  
Legatis  
Caesaris  
Ordinibus  
exhibuit.



CL. IO. PHILIPPUS & provinciarum Ordines summississent. Qui etsi Legatos Coloniam  
 LXXIX. mittere conducto die debuissent, ita eosdem serius & post adventum suum ac jux-  
 ta regij Legati advenisse, & quidem semiplenis mandatis instructos, quæ totam  
 actionem brevissimo tempore insuper definiri volebant. Quæ res ut prima pacis  
 auspicia, ita progressum quoque haud parum corruptit, nostraque consilia eludi  
 fecit. Adeo ut magis è re suâ & publicâ fecisse Hannonijs ac Artesijs nobis  
 videantur, qui Catholicam religionem, quam rex intemeratam volebat, am-  
 plexi, cum ALEXANDRO FARNESIO regis Prasecto bo-  
 nam pacem iniere. Atqui Ordines vestri pro novâ religione stabilendâ locuti,  
 novis quoque fœderum sacramentis se interea temporis obstrinxere, revocatis tacitè  
 mandatis, quæ eorum legati dubia atque ambigua Coloniam attulerant. Per  
 ea fuit, quod nec cum Hannonijs aut Artesijs pacisci, nec in faciendis in-  
 ducijs convenire inter se & cum PHILIPPI Legato potuerint, cui ter-  
 minum finiendæ actionis intra sex septimanas ij præscripserant, qui toto semestri  
 ne mandata quidem iusta vobis Legatis transmissierant. Et quamvis isto tem-  
 pore, repudiatâ velut ulteriore pacis actione conventu abstinere ac redire in no-  
 stra potuissimus ita maluimus mandato aliquid temporis & virum dare, si fortè infa-  
 lix Belgica sui mali sensu salubrius remedium poposcisset. Quæ cum arma se sum-  
 pssisse ex sævitiâ regis præfectorum pellendis peregrinis copijs, retinendis legibus at-  
 que immunitatibus, restituendis commercijs, denique amovendis tributis atque ex-  
 actionibus professa sit, ne hoc quidem argumento belli usa unquam fuit, ut no-  
 vitate religionis se defenderet. Atqui priora mala sanando facilis pax fuisset,  
 cujus ineundæ causæ adeo quoque PHILIPPI Legatus articulum religio-  
 nis mitigavit, ut in corpora ac res vestras deserviendi facultas cessaret, libertas-  
 que conscientijs, relicta censeretur. Igitur pace ruptâ corporum atque animorum ve-  
 strorum tutela ac quies sub armis & in solo bello erit, quod in legitimum Principem  
 decernitur & quod corporibus animisque vestris calamitates ac incommoda datur-  
 um erit. Ab ejus scilicet desiderio est, quod nobis petentibus intrâ quadri-  
 mestre nihil responsi ab Ordinibus vestris perlatum sit, exceptis scorsim Sylva-  
 ducensibus, quibus sicuti & Transfulanis nostras pacis condiciones placuisse fide  
 veri accepimus. Econtra Valentiniani tædio belli & Hannioniorum exemplo re-  
 gis gratiam affectant, à quâ illi, sicut & ipsâ pace, alieni deprehenduntur,  
 qui decreta trahunt famosissq; libellis per Belgicam & vicina sparsis, nostra inno-  
 centiæ & integritati graves facti sunt. Ab eo est, quod Arnhemieneses decla-  
 raverint se mori quam parere conditionibus nostris malle, & quod PHILIP-  
 PI Legatus leniora consilia induendo religionis decretum mitigari detrectaverit,  
 Igitur cum nostra in pacem studia infructuosa & quidem præter spem inanis oc-  
 cupatio fecerit, abitum paramus Legati, quod nec Cæsaris autoritas nec nostræ  
 res diuturniorem miram patiantur. Facturi interea sumus, quæ voti nostri sum-  
 ma est, ut Deo ac Cæsari causam commendemus, ad eundem bonâ fide de sin-  
 gulis relaturi. Interim hortamur vos, Legati, ut quasunque subditorum ve-  
 strorum de nobis suspensiones animis eximatis, quibus inquinari Cæsaris, nostræ  
 & Catholici regis sinceritas non patitur. Hoc etiam persuadebitis populo vestro,  
 ut, in tantâ rerum tempestate constitutus ex fastidio belli desiderio pacis ardes-  
 cat & ne negligat. Condiciones pacis à nobis præscriptas suo commodo, bono  
 terrarum orbis, Cæsari aut Catholico Regi exhibere, quo in veteri fortune pro-  
 speritate sub legitimi principis imperio secure conquiescat. Id precamur, id vo-  
 vemus, Legati, qui non cessabimus omnem porro benevolentiam atque amicitiam  
 vestris

vestris ORDINIBUS deferre, non alium laboris nostri & molestiae fructum sperantes, quam ut sub nostris, aut Haemoniorum Artesiorumque conditionibus pacem ineatis. LXXIX.

Ad quæ breviter Ordinum Legati.

**Q**UAE hesterno die ARSCHOTANO Duci ore tenus dicta & post exhibita sunt, ad illis articulatum satisfacere brevis temporis non finit, facturi alias, ut dignitati vestrae & officiis nostra respondeant. Hoc verò unum favoris & benevolentiae argumentum dari nobis cupimus, ut fructum diuturnae actionis sentiamus, quæ cessare non debet tanto labore ad finem atq; exitum perducta. Neq; enim dubitamus, quin intra biduum decretum ORDINUM habituri simus, quod acceptum & vestri officij molestiam gratè agnoscat & de jure nostrae actionis testabitur. At eâ abruptâ nec securitati nostrarum provinciarum, nec religionis postulatae prospectum erit, prodetque illum affectum Caesaris & vestro nomine nobis oblatum vestris consilijs non subsuisset. Quin metuimus, quod Deus avertat, ne scriptum hoc majora odia & perturbationes excitet & præcipue in animis illorum, qui libertatem conscientijs suis dari in tanta rerum tempestate durante bello postulare. Quam si concedere nobis clementia Regis non voluisset, & labori tanto & impensæ parcere defectum regij legati mandatum potuisset. ORDINES verò nostri quod tardius decretum transmiserint id justæ moræ condonandum indicavimus, quod impeditis itinerum comitatibus intermedia loca gassatoribus & prædonibus infestarentur. Ad procuraciones autem nostras quod attinet, eas justas atq; æquas esse palam apud vos fecimus, nosque hic subsistere jussos fuisse, dum amplioribus mandatis tam ponderosa in re nos instruere ORDINIBUS placuisset. Interim paciscendis inducitur mandatum accepimus, quod regis Legatus non suo, sed FARNESIJ arbitrio reliquit. Et certè si tam de vestra voluntate, quam de mandato regij Legati constitisset, non sex septimanarum sed totidem dierum consultatione tota actio eguisset. Postremum petimus, ut perspectis actis mense Julio perscriptis & postremis Ordinum litteris in quadriiduum discessus, vestri consilium proferatis. Quod beneficium si obtinere non possumus, grates agimus vobis Legati, quod huc usque vestra dignitas atque occupatio actioni pacis vacaverit. Et id cognoscere quidem ac amore & officijs demereri in animum quocumq; etiam tempore induximus. De Reliquo testamur nos Deo aequitatis judici totum negotium committere.

Ita conventus Legatorum Caesaris, Regis & Belgicæ Coloniae solutus, soloque Suartsenburgio excepto, quem Caesar hære Coloniam in spem procurandæ adhuc pacis jusserat, Septem-viri cum Wirceburgio Præsule & Iuliacensibus in sua reversi. Carolus quoq; Arragonius Philippi Legatus Bonnam concessit, negatoque reditu Ordinibus Regis gratiam, sua decreta commendavit. Mox articuli Ordinum prid. Kal. Decemb. Coloniam Antverpiâ perlati. Istorum summa erat:

*Conventus  
Legatorum  
Colonie dis-  
solvitur.*

I. Ut Conventio Gandavensis, Bruxellensis Vinò & Fædus Editi perpetui nomine insignitum & à rege approbatum ratum efficaxque esset. II. Omnium tam quæ ante conventiones supradictas ex causa turbarum patrata, quam post facta in demolendis castellis, cæterisque actionibus, venia ac obliquo foret. Castella quoque diruta restaurare aut nova extruere rex & posterì prohiberentur. III. Illi jura omnium singulorumque per præfectos tam præsentis



c15. Id. quam futuros confirmari facerent. xv. Peregrinum militem tam ex causâ  
 LXXIX. turbarum in provincias transductum, quam ante præsidio habitum intra quin-  
 decim dies proximos ex oppidis & præsijs rex conduci faceret, à finibus pro-  
 vinciarum intra dies viginti. Eum revocare non nisi bello externo aut de consen-  
 su Ordinum, regi fas foret. Tormenta omnemque commeatum oppidis atque  
 munitioibus restitueret, præfectosq; Burgundia & Luxemburgi pro non admitten-  
 do peregrino milite jurare cogeret. Ordines commercia pacemque publicam re-  
 stituerent. v. Artesij sociique circa excessum peregrini militis, omnia oppida,  
 fortalitia in alijs provincijs occupata cum omni commeatu bellico restituerent.  
 Idem Ordines facerent. Militem in sua quique revocarent, dum persolutis  
 stipendijs provincijs excedat. vi. Artesij sociique societati atque paci fir-  
 mandæ cautionem præstarent, se peregrino militi per ditiones suas transitum  
 non permissuros. Idem Ordines Luxemburgensibus, Burgundis & Artesijs face-  
 rent, modo ne illarum partium fuerint, secus exautorari dimittiq; curarent.  
 Oppida, castella, peregrini præsidarij Ordinibus tradent, eaque Ordines nec ni-  
 si in limitaneis & ex recepto usu, præsidio non gravarent. vii. Tributa &  
 indictiones ex hoc bello natas, redimendo æri alieno & restituendis commercijs  
 Ordinum arbitratui relinqueret. viii. Omni dissensionis amovendæ Ecclesia-  
 stica persona & AURANTIUS Princeps in bona tam immobilia quam  
 mobilia eorumque usum restituerentur. Hypotheca aut alienatio, si quæ à pa-  
 ce Gandavensi facta scriptave sit, nulla foret. ix. Provincialibus utrinque  
 dignitates & beneficia Ecclesiastica, abolitâ tamen in perpetuum novorum Epi-  
 scoporum ordinatione, redderentur. Similiter præfecturæ provinciarum, officia  
 politica & dignitates restituerentur, exceptis ijs, qui æquâ compositione conten-  
 ti erunt. Iis quoque qui læsi forent, compensatio per arbitros ex æquitate,  
 qui post quatuor menses à promulgatâ pace isti rei delegabuntur, amovendis  
 novis turbis præstaretur. Dignitatibus restituti sacramentum ex formulâ sequen-  
 tis articuli dicerent, quod si secus factum esset, irritum nullumque haberent.  
 x. Nulli in Concilium Status, Secretiorum, Rationumve, reliquaque Colle-  
 gia, quæ provincijs communia forent, admitterentur, præterquam Ordinibus  
 Generalibus accepti. Idem in præfectis provinciarum, oppidorum, arcium, cohori-  
 tum ductoribus, militaribusque officiarijs valeret. Qui ad generales & emi-  
 nentes dignitates admovebuntur, inquilini, obeundisque dignitatibus ex jure pri-  
 vilegiarum idonei forent. Regi, Ordinibus, huic conventioni juramentum præ-  
 starent. Concilia quoque aut facta contra Statum publicum concepta aut pa-  
 trata, singulis provinciarum Ordinibus communicarent. xi. Captivi utrinq;  
 nullo lytro dimitterentur. xii. BURANUS comes intra trimestre patriæ  
 ac libertati redderetur. xiii. Acta MATTHIAE Gubernatoris Ordini-  
 numque, tam ante tempus posteriorum motuum & provinciarum defectiones, quam  
 post perscripta, valida rataque forent. Idem in decretis, quæ regij juris fuis-  
 sent, hac vice valeret. xiv. Magistratuum per oppida & alibi creatio, in  
 futurum recepto ritu & secundum jus ac privilegium cujusque, loci fieret.  
 xv. Regi autoritas quam primum ex divinis atque humanis legibus, tum  
 jure privilegiorum, statutorum, consuetudinum, ex formulâ pacificationis Gan-  
 davensis Unionis & Edicti perpetui restitueretur. xvi. Gubernator provin-  
 cijs à Rege, qui regij sanguinis, legitime natus, Ordinibus acceptus foret,  
 constitueretur. Is cum æquitate & justitiâ regeret, juxta privilegia, jura, ido-  
 neos mores, statuta & hanc ipsam pacificationem, cui juramento se obligaret.



Et quoniam MATTHIAS Archidux ritè provincias administrasset, Rex cōs. 15<sup>o</sup> effectum daret, ut in dignitate continuaretur, aut novum gubernationis mandatum acciperet. XVII. Vrbes, castella, munitiones, tormenta, commeatus bellicus, arma, naves, quæ Hollandorum Zelandorumque forent, dispositioni pacificationis Gandavensis relinquerentur. In ceteris vero provinciis, quæ Ordinum generalium essent, conservarentur, administrarenturque à Præfectis, tribunis ceterisque quibus id à Matthiâ & Ordinibus commissum esset, cautione additâ, ut Regi, Ordinibusque sacramentum dicerent. REX quoque missione peregrino militi factâ, oppidorum, arcium munitionumque, præfectos ex inquilinis idoneos Ordinibusque probatos constitueret, quique defendendis oppidiis, castellisve fidem pignerarent, dum aliter de concilio Ordinum statueretur. Patrimonium interim Regis Præfectis committeretur. XVIII. Redituum regiorum ex hac conventionione in subsidium belli ab Ordinibus impensorum, nulla rationes essent, regi in posterum cederent. XIX. ORDINES omnibus fœderibus excepto Anglico & ANDINO renunciarent. XX. Hac conventionione Angliæ REGINA & ANDINUS comprehenderentur. XXI. Ad religionem quod attinet. Quandoquidem provinciæ ex commercijs & diuturnâ regis absentia, mutationem in religione acceperant, tollendis dissidijs intestinis, rex tam Reformatam & Augustanæ confessionis, quam Romanam Religionem haberi in ijs locis permetteret, in quibus publicè exercerentur. Econtra ORDINES effectum darent, ut à pace vulgatâ Romana Catholica religio sub aquâ & perpetuâ formulâ restitueretur, exercituque utrinque dimisso, pax haberetur. ORDINES quoque conventum primâ occasione instituerent eoque durante, præsentibus regijs mandatarijs, operam navarent, ut reformatæ quibusdam in locis aut saltem provinciis locus esset, salvo Ordinum Hollandiæ sociorumque ex pacificatione Gandavensi jure, apud quos pro Romanâ in ditionibus suis tolerandâ ageretur. XXII. De confirmatione, ac observantia hujus conventionis à definitis articulis decernerent.

Hæc VIII. Kal. Dec. Antverpiæ in confessu Ordinum generalium perscripta, ijsque omne mandatum Legatorum affirmatum est, ad promovendam tamen pacem non suffecit.

Sunt qui tradant, durante Coloniensi conventu, Legatum Cæsaris Ottonem Henricum Suartsenburgium nomine Philippi Regis cum Aurantio Principe seorsim de ineundâ pace egisse, eidemque per amplas conditiones præter damni ex bello dati reparationem restitutionemque bonorum, filium quoque Buræ Comitem è custodiâ relaxandum, & cum religionis libertate quietissimum securitate secretum explendæ vitæ obtulisse. Aurantium quoque regiæ gratiæ sive diffusum, sive contemptorem oblatâ Philippi beneficia fastidio privati commodi respuisse, deque suo erga populum affectu testatum, omne officium tuendæ libertati & integritati conscientiæ consecrâsse. Quæ ab animo supra metum & fortunam posito profecta interritam tantâ rerum desperatione mentem ulterioribus curis & simul periculis reservare. Mihi actorum fidem expendenti visum semper fuit, actionem istam tanto apparatu rerum & post principes viros honestandæ fabulæ in scenam introductos, fictâ personarum repræsentatione institutam, Philippumque Regem simulatis apud propinquum Cæsarem in pacem studijs, quo tardatis Or-

*Aurantius  
opimas con-  
ditiones si-  
bi seorsim  
oblatis re-  
pudiavit.*

Id. Id. dinum rebus incrementa potentiae faceret, aliena ab Ordinum voluntate mandata praecipuisse. Ipsos quoque Ordines in societatem Anglicam, aut Andini defixos minus fervida paci desideria professos, ordinante providentia, ut scaenicam partium simulatione, veros ad actus & in tragœdiam exitus occulto miraculo uteretur.

*Complures ex Legatis Ordinum ad Philippum deficiunt,* Quare à Cæsaris & Philippi Legatorum discessu, Mandatarii quoque Ordinum Antverpiam revocati, delegatis Bernardo Merodio Rumenio & Aggæo Albada Frisorum Oratore, qui cum Suartsenburgio Cæsaris Legato pacis actionem ex voluntate Cæsaris continuarent. Cujus desperatione id tum factum est, ut ex Ordinum Legatis à societate Belgici foederis deficerent, regiaeque potentiae & imminenti belli metu patriae libertati & veteri sacramento lubricum & fragilem Philippi gratiam anteponerent. In quibus Philippus Crojus Dux Arschtanus princeps legationis, Joannes Lindanus D. Gertrudis, Fredericus Hyperius Marolius Abbas, Buccho Ayta Praepositus D. Bavonis & Caspar Schætus Grobendonckius fuere. Quae defectio Antverpiam perlata, ut Ordinum conventum non parum conturbavit, ita e contra hostium partibus & armatae in patriam Frisicae nobilitati animos addidit. Itaque Farnesij jussu delectus ad Rhenum & per confinia instituti, novaeque copiae, quae exulum confluxu celerius cogeantur, sub Legionis Frisicae nomine in cohortes distributae. Quare & centuriones ex eadem gente & profuga nobilitate cohortibus dati, in eosque Julius Dekama, Renicus Dekama, Titus Cammingha, & Lollius Ockingha delecti.

*Gentiles arma adversus Frisiam Patriam suam inducunt.* Albada scribit Georgium Liauckema ferendo vexillo Dekamae cohorti ascriptum, Everardumque Ensium hominem obscurum & famam ignotum nobilitati Frisicae & militaribus dignitatibus insertum. Idem addit tria vexilla colore albo, fimbrijs ex rubro & flavo contextis Coloniae conspecta, unumque quatuor ensibus & liliatis capulis interstinctum Dekamae gentis haud dubie insignia protulisse. Reliqua duo Burgundica cruce insignita conspectui nullam simulatione data pelliciendae ad proferenda nomina reliquorum exulum multitudini quae Philippi dominationem ex reverentia Burgundici tanquam laudati imperij venerabatur.

Annotatum invenio solemni exulum epulo Coloniae habito, vini scyphos firmandis partium sacramentis per mensam circumlatos, unumque ex centurionibus mero gravem & temulentum trucidandis quinquaginta Frisorum nobilibus parem se furiosam insaniam jactitasse. Itaque retundendis perfugarum consilij multa adversum eos in confessu Ordinum differebantur, cum essent, qui revocandos edicto in patriam censerent, & ut adversum contumaces edictumque respuentes lege ageretur. Alij existimabant, eorum propinquos & affines honesta custodia & incutiendo terrori coercendos, quo conceptae perfugarum immanitati & efferis ingenij propinquorum captivitas mederetur. Igitur & in domesticos publicae libertatis hostes virili exemplo aliquid statuendum suadebant, muniendaque imprimis adversus irruptiones oppida, quo externa vis tam perfugae quam interni hostis auxilio innixa poenarum metu languesceret. Itaque & dum de domanijs ut vocant regijs reip. & bellorum usui applicandis inter alia quoque deliberatum suadente pruden-



dentum juris consilio ut defendendæ provinciæ olim Saxoni & Carolo c10. 10. Austrio assignata premente necessitate iisdem usibus impenderentur. LXXIX.

Cæterum iste armorum apparatus & decreta in Frisiam expeditionis festinatio fortunâ aut fato abrupta, illo tempore disparuit. Sunt qui tradant, ex Valonum Hispanorumque qui ex Hannoniâ ac Artesiâ facturi justum exercitum credebantur, tardioribus auxilijs injectum impedimentum fuisse, & quod Ericus Brunsvigius equestribus, quos per Saxoniam collegerat, copijs, trans Rhenum ducendis maturum consilium non adhibuisset. Quamvis essent, qui scirent nobilissimum Germaniæ amnem hybernis aquis intumescens, ut difficilem sternendo ponti, ita trajiciendo militi esse, inviumque aut imbrium fluxu auctum, sicut magna flumina solent, tam ripæ, quam alicujus molis impatientem, torrentium aquarum vi solertiam humanæ artis respuere. Alij censebant, occupatis à Gallo per Hannoniam Artesiamque oppidis regias Philippi vires sistendis Gallorum irruptionibus admovendas tum fuisse, factumque esse, ut Farnesius, etsi Frisorum exulum conatibus faveret, consilium mutare tutandis Hannoniensium ditionibus coactus sit. Alij addunt famâ Egmondanæ defectionis expeditionem quoque non parum impeditam etsi in tantâ opinionum varietate fato evenisse videatur, ut tam crudelibus coeptis atque consilijs arcanum obstaculum injiceretur.

Hesselus Aysma litteris prid. Non. Decemb. Antverpiâ scriptis tradit, Ordines generales de reparando pacis & belli ordine ac disciplinâ seriotum egisse, interque assiduas consulentium preces cœlo suas virilem constantiam circumstrepentibus periculis induisse. Itaque movebat Frisios, ut pudori ac infamiæ illorum, qui parvâ militum manu Frisiam regi se asserturos jactitaverant, secundis rebus ritè usi animos ex adversis acuerent, Principisque Aurantij, quo cum clam egerant, monitu Tornacenensis ac Flandricarum civitatum exemplo, interriti patriæ quietem ac fortunam suis in dexteris quærerent. Quare census per Frisiam gerendis rebus confestim actus, æreque eximia provincialium liberalitate collato, socio Ordinum ærario & simul domestico provisum.

Reperio in actis octo stufferos è florenis aureis decreto Ordinum tum collectos Abelumq; Franckenam nomine foederati Ultrajectinorum collegij cum Scipione Meckama viro nobili ad Lalainium Essenum in Dren-tiam missum, præter parati æris copiam, commeatum quoque bellicum instruendis copijs attulisse. Quippe metuebatur ne Sigismundus, de quo dixi, Curtspacchius equitum ductor, captivitatis Ultrajectinæ vulnus atque memoriam adhuc alens, à partibus Ordinum deficeret, equitemque sacramenti dubium & æris inopem vastandis Frisorum terris conduceret. Ipsi quoque arcium castellorumque per Frisiam Satrapæ, quod Colonia profuga nobilitas sparsis in publicum rumoribus circumferebat, à Lalainio ære & commeatu destituto & fidei tum ambiguo ad defectionem sollicitarentur, rebusq; per provinciam lubricis externæ armorum tempestatu domesticam perfidiam adjicerent. Igitur Bolsuerdiæ omnia turbida atque inquietata erant, auctâ sinistra suspitione, quod adventare copiæ neque invero rumore è Noviolandis dicerentur, urbiq; præsidium, à quo aliena esset, cum invidiâ civium daturæ. Unde Pontificij duplicari excubias, portas occludi, convenire armatos petiere,

*Frisia ac reliquæ provincie adversus istos perduelles animos recipiunt.*

*Bolsuerdiæ omnia turbida.*

pro-



cIo. Io. prohibendo præsidio, quod Lalainius qui Groningam ut Cl. Franckena LXXIX. notat, 1. V. Kal. Jan. intraverat recipi arcano, ut credebatur, consilio iusserrat. Sed Vlietio Snecanam ad portam stativa habenti obviam legati Hesselus Leo Aysma & Sixtus Hettenius missi, qui de voluntate Lalainij & mandato centurionis cognoscerent. Illud habebat ut Bolsuerdij centuriam militum, mediam Snecenses pro præsidio acciperent, Vlietiusque infidæ ex factionibus partium concordiae armatorum ope subveniret. Quod etsi Magistratus metu plebis nollet, ita res in nobilitatis oppidanæ & concilij iurati arbitrium rejecta, urgente Vlietio, ut Noviolandis gravi responsum maturaret. Quare Gollicus, Douwo, & Geroldus Heramæ una cum Concilio iurato in curiam evocati decretumque ut exquirendo Præfecti consilio Geroldus Herama & Suffridus Petraus Groningam irent, populoque civico tuendæ urbi prompto militare præsidium deprecarentur. Unde Lalainius auditis Legatis animi dubius & ex futuri erroris instinctu fluctuans, mandatum Vlietio datum revocavit, Bolsuerdiosque dato obside, præsidij immunes esse iussit. Hoc verò volebat, ut exigente necessitate, pro admittendo præsidio caverent & ne clandestinas cum hostibus societates Pontificia multitudo moliretur. Quod malè à Bolsuerdijs & præsertim Pontificijs interpretatum causam altercationis & civilis dissidij dedit. Itaque coactò in Curiam Magistratu, decretum ut ex potentioribus & quibus amplæ facultates essent, sedecim in Senatum citarentur, ijsque Lalainij sententia nullà gratiæ aut odij simulatione prælegeretur. Quo factò plebs quoque signo campanæ dato, audiendo Legationis secreto, in templum evocata, delectique ex totâ multitudine Quatuor-viri, qui cum Senatu sedandæ civilium animorum inquietudini remedium invenirent. Sed religionis acre dissidium, sicut plerisque in locis rerum quieti adversum erat, omniaque concordiae destinata opinionum impetu subvertebantur. Quippe Senatus motâ plebè & ex Pontificiorum immodestiâ tacitè præsidium compefcendis turbis implorabat, dandoque obsidi aut præstandæ cautioni quam ante facilior sua obsequia præfecti imperio affirmabat. Pontificij contra, affectuum vehementes postulari obsides, præscribi cautionem à præfecto indignabantur, in cuius potestate non esset, civili præsidio ultro ex licentiâ temporum insolenti, militares & egenas stipendiorum cohortes adjicere. Spectare scilicet se quibus moribus militiæ sacramenta habeantur & quam Noviolandos premat rusticæ plebi gravis & petita ab armato securitas. Igitur decretum, ut rejecta cautione Legati ad Lalainium remitterentur, æquisq; cum eo conditionibus transigerent.

*Istæ erant, Ut claves portarum non centurio aut præsidium, sed Magistratus asservaret. Urbis custodia non penes solum præsidiarium militem, sed & civem foret. Præsidium commeatum & æs ex seipso haberet, civi etiam ex causâ religionis sub penâ ruptæ pacis molestiam non crearet. Pacem concordiamque cum eo coleret.*

Quibus perscriptis Joannes Romckenius cum Petro Sixtino ad Lalainium amandati communicatoque cum Deputatis, quorum conventus Leonardia tum habebatur, legationis suæ arcano immutare libellos, ac redire Bolsuerdiam iussi.

Ijs namque obtulerant. Ut Lalainio centurionem civium præsidio c. 10. 13. præficiendi potestas esset, quâ instrui Lalainium dubijs temporibus LXXIX, illi nolebant, qui futurorum sagaces prima provinciæ rectoris facta atque consilia ex posterioribus interpretabantur. Posse scilicet Præfectum, qui dominantium mos suâ licentiâ & oblato civium beneficio male usum peregrinum civicæ cohorti præficere, & qui Hispanicarum partium clandestinâ professione urbi atque provinciæ vim, aut saltem periculum creet. Neque enim nimis fidendum mobili ex ætate ingenio, quam etsi inter præclaræ indolis exempla cum incremento famæ Lalainius transegisset, ita metui posse, ne optimos juventæ mores virilibus annis corrumpat permissusque fortunæ, cuius magnam in dominantes & expugnandæ virtuti imperium sit, naturam exuat veteris gloriæ & suæ legis oblitam. Prospectum satis esse fœderatorum Ordinum curâ Frisicarum civitatum tranquillitati, qui amovendæ militum insolentiæ civilia quadringentorum armatorum præsidia Frisiorum oppidis indulgissent. Sic Leovardiæ, sic Franequeræ securitatem suam stare, nec aliud superesse, quam ut Bolsuerdiorum armati & sacramentum provinciæ dicant & ex more recenseantur. Itaque Douwo Sixma è Collegio Deputatorum Bolsuerdiam profectus civicam cohortem recensuit, dicendoque sacramento ex præscriptâ formulâ obligavit.

Eâ continebatur; *Ut delecti custodiæ urbis Regi & simul populo oppidanis pro more sacramentum dicerent, Regemque ut hereditarium principem & Dominum, tum Ordines generales & fœderatos ut superiores agnoscerent. Matthiam Archiducem pro regio per Belgicam Gubernatore, Aurantium Principem Archiducis vicario, Lalainium pro Frisij præfecto, Magistratum urbis pro legitimo haberent, decretisque eorum è formulâ Gandavensis Ultrajectiniquæ fœderis parerent. Disciplinæ militariibus per Belgicam legibus subessent. Inconsulto Magistratu oppidano nihil agerent.*

Tum viritim æs promissum cenforque militaris Franequeram & dein Leovardiam recessit. Itaque Vlietij cohors Pingumi & per vicinos agros collocata modoque in Ilstanos, modo Worcumios se spargens Bolsuerdiâ urbe prohibita est.

Reperio in archivis edictum Religionis paci observandæ per Frisios tum vulgatum, cautumque esse ne cui ex causâ divini cultus vis atque injuriâ fieret. Eorum quoque qui foris in provinciam advenirent, ratio haberetur, exulumque & patriæ desertorum bona annuique redditus pignori essent. Mox Ordinum generalium litteræ pro obtinendâ Matthiæ Gubernatoris annuâ pensione in Frisios missæ, quos, sicut & fœderatos, eidem in tempore præstandæ provinciarum conventio obligaverat. Quibus Matthiæ quoque Gubernatoris seorsim additæ & onerata alieno ære domum, & tarda, etiam in publicis, consilia querebantur. Pericula scilicet ob oculos versari, à quibus si patriam, si familiam, si uxores atque liberos redimi Frisij velint, maturè subveniendum ærario, ex quo ipsæ fortunæ suæ levamentum & simul resp. sensura sit.

Invenio in archivorum actis Brabantiam, nam ita series habet, solvendis 17675. cum quadrante aureis, Geldriam 6548. Flandriam 23568. Artesiam 3926. octodecim stufferis, Hannoniam totidem, Valencenas

*Edictum Religionis paci observandæ per Frisiam vulgatur.*

*Pensio Archiducis Matthiæ provincijs attribuitur.*

cl. Is. 654. decem sestertijs, Lillam, Duacum & Orchias 2945. quatuor  
LXXIX. sestertijs, Tornacum 261. duodecim sestertijs, Tornesios 490. octo-  
decim sestertijs, Machlinienses 535. Hollandiam, 8087. Zelandiam  
6124. Ultrajectum 10005. Frisiam 3015. Trans-Isulaniam 14006.  
Omlandiam 804. Dentiam 703. Groningam 16008. aureis adimplen-  
dæ Archiducis pensioni se obligasse. Tum de mittendis Coloniam ad  
Arschotanium cæterosque pacis faciendæ Legatos, mille & quingentis  
aureis repetitum, & ut Francisco Martino Stellæ Roblesianis temporibus  
Frisiæ liberatori carcerem & tormenta passo ducentos Carolæos  
ex ærario Pauli Gellij leniendis infirmi corporis lacerationibus & in  
præmium clarissimi facinoris assignarent.

*Exules ex-  
peditionem  
in Frisiam  
meditan-  
tur.*

Itaque sole Capricorni signum ingresso, quod bruma glaciem transdu-  
cendis in Frisiam copijs promitteret, exulans nobilitas de suscipiendâ  
in patriam hostili expeditione cogitavit, novumque delectum circa Rhe-  
num & per Colonienfium agros habitum maturandis rebus in Geldriæ  
finibus conduxit. Sed æris mutatione primum anni frigus subortis im-  
bribus solum consilio obstitit, mollitæque paludum uligine, quæ ge-  
lu induruerat, impedita itinera fecit. Unde mittendi in Frisiam auxi-  
lij Ordinibus generalibus & simul fœderatis Ultrajectinis opportunitas  
data, hostiumque damno ac moræ enata tempestas, Frisiorum securi-  
tati cessit.

Aylma scribit XII. Kal. Ian. decretum Antverpiæ pro mittendis in  
Frisiam auxiliarijs copijs scriptum, fœderatorumque Legatis qui Ul-  
trajecto adveniant approbatum, metum imminentis periculi amovisse.  
Itaque Doco Martna ex Hollandiâ celerrimo itinere in Frisiam & mox  
Drentiam profectus, Lalainium de singulis docuit, auxilijque remo-  
vendis hostium copijs certum esse iussit.

Reliquæ, quæ per Trans-Isulanæ, Drentiæ ac Tubantum fines nul-  
lo stipendio aut disciplinâ oberrabant, mitioribus consilij pacatæ, de-  
legatis Scipione Meckama viro nobili & Abelo Franckena doctrinæ  
egregio, qui cum Curtspacchio socijsque de stipendiorum residuis pa-  
ciscerentur. Cæterum equorum pabulo per omne confinium attrito,  
cum nec alimenta immodesto & perdendis frugibus jam ante intento,  
militi suppeterent, Curtspacchius in superiora militem duxit, isq; nul-  
lo ære è Frisiâ accepto Curtspacchij, quæ mox secuta est, morte in  
Germaniam recessit. Cl. Franckena notat id exeunte Decembri factum  
seq; cum collega legationis inritum Leovardiam redijssæ. Ita, totum  
annum aut domestica dissensio, aut ex dubiâ pace, aut provinciarum  
defectione, aut insolentia militum ictum Ultrajecti fœdus extraxit.

## Finis Libri Quinti.

P. WIN-



P. W I N S E M I

## Historiarum

## LIBER SEXTUS.



OLONIENSI pace aut ruptâ aut saltem ANNO exitu suspecta, quod ALEXANDER CLO. IO. FARNESIUS per provincias regias & ca-  
 rum confinia, magno armorum apparatu oc-  
 cuparetur, GULIELMUM AURANTIIUM suâ quoque curâ exagitavere, quæ  
 eo magis augebantur, quod PHILIPPI gratiæ & per Hannoniam Artesiamque conce-  
 ptæ pacis blandimentum florem Belgicæ  
 nobilitatis à provinciarum foederibus & con-  
 tinuandâ indies fide alienaret. Cui & hoc

*Post de-  
 speratam  
 pacem Au-  
 rantium  
 multa exa-  
 gitant cæ-  
 ræ.*

accede-  
 bat, quod bellum, velut soluto imperij metu laxiore disciplinâ à partibus Ordinum fluitaret, exque inopiâ militaris stipendij languidum acriore exercitus licentiâ intenderetur. Itaque agris passim vastatis urbium quoque direptiones formidabantur, & ne militum præsidia egestate æris sacramenti oblita, oppida & castella dedendo, dissolutos mores inopiâ velarent.

Erant quoque qui dubiam Præfectorum nobilitatisque fidem tracturam, in declivia populum metuerent & ut mobilis multitudo ex suorum Ducum ingenio, ostentatione pacis & aulicis potentum artibus, facili ad talia servitio, circumveniretur. Quare pro recensendo foederato exercitu pro formandis castris & comœatu procurando, pro munien-  
 dis oppidis, pro adornandâ præfidiariâ classe & instruendo ærarij omniumque rerum ordine postulata ab Aurantio in Frisiam missa, haud ignaro, quam per istam provinciam exulum suorum armis & conspi-  
 rationibus obnoxiam, suum quoque virus speciei pacis invertendis rebus Farnesij vafrities sparsisset. Neque cæteras, etsi aliud simuletur, periculi immunes esse. Quippe hostem verè proximo exercitum foras educturum, quem nec brumæ tempus, etsi tempestatibus aut frigore asperum, intra præsidia & modestiam contineat. Depasci agros & omnem comœatum, quo absumpto frumento civitates annonâ destitutæ sustinendis obsidionibus impares fiant, victuque extenuato præfidorum robur elanguescat. Adhæc auxilia ex intestinis Galliæ motibus dubia esse, quæ per Germaniam & ad Rhenum ab hostibus prærentur, irruptura haud dubiè in provincias, nisi equestribus copijs Ordinum infirmitas præjuvetur,

cIo. Io. Agendum esse cum Suartsenburgio & Hohenloo Rom. Imperij Comitibus ut turmas equitum colligant, ijq; ad quatuor mille pedestribus duodecim copiarum millibus juncti exercitum constituent, removendis hostibus parem. Et celerrimi quidem temporis rationem in instituendis delectibus habendam provectâ & adultâ hyeme, quæ conducendis copiis opportuna esse queat. Se monere Ordines, ut maturè deliberent, qui paratus sit animus atque auxilia offerre, cum innocentia suæ obtestatione, si fortunæ ex socordia adversitas provincias affligat. De Andino jam antè monuerat, ei Belgicæ principatum deferendum, Regis filio & fratri & qui Elisabetham Angliæ reginam principali matrimonio destinaret. Cui rei Hesselus Aysma Frisiorum legatus, datis Antverpiâ ix. Kal. Ian. litteris fidem fecerat, Condæumque in Galliæ finibus copias conducentem tacitâ inſœlicis matrimonij suspitione, Casimiri quoque auxilia inuandis per Galliam Protestantibus implorasse. Cæterum Aurantij consilium æmulatione, ut tum ferè aut incuria neglexerat.

*Concilium  
Status pu-  
blici insti-  
tuendum  
esse docet  
Aurantium,*

Itaq; repetitâ Id. Ian. consultatione, de instituendo status publici Concilio proposuit & ut illius confessus imperium gerendis cum autoritate rebus intenderetur. Ejus scilicet defectu res tam pacis quam belli transversim actas postquam earum opportunitatem singularum provinciarum incuriâ aut ignaviâ subvertisset. Ita privata curando publica in discrimen adducta, mandatorumque defectu aut per longas relationes civitatum obsidia & expugnationes protractas. Intra defensionis suæ terminos quamque provinciarum, velut nullâ foederis imagine, stetitisse, quod integrum & florens facere res secundæ potuissent, si unius Senatus aut summi Concilij autoritas privatorum socordia aut ignaviæ subvenisset. Eâ solâ extenuari provinciarum urbiumque præfidiâ, exercitum educi in hostem potuisse, quem impunè per agros & obvia grassantem privatæ securitatis cupiditas aut dulcedo spectasset. At contra & ponenda in hostico asligendis agris castra fuisse, & edendum generosæ virtutis exemplum, quod externas principum gentiumque societates conciliare Ordinibus & incutere hosti metum potuisset, contusione foederatarum rerum superbo. Et illi quoque sua impedimenta ad victoriam obitare. Quippe præter æris & commeatum inopiam seditiosas legiones imperia Ducum aspernari, spretâque disciplinæ lege raptò & cum invidiâ gentium sustineri. Quæ mala ne clarissimi & bene capti foederis fortunam turbent, supremum Concilium deligendum, quod & rem Nummariam & tributa à provinciis decreta exequi & cum imperio exercitui rebusque provinciarum præsit. Satis scilicet condonatum regis dominationi, qui cum pacem non nisi inhonestam largiri Belgicæ velit, omnè in bello præsidium esse. Cui gerendo cum provinciæ pares non habeantur, sollicitandos externos & inter eos Andinum, qui jure principis provincias regat & qui Galliarum auxilijs subjugatus infestare agros possit Hannoniæ & Artesiæ ascriptos. Sed & ipsum quoque Andinum sacramento innectendum, ut æquo imperio populum habeat, & ut assertis provinciarum legibus atque immunitatibus pacem religioni procuret.

Quæ conditiones si Philippo regi offerantur, fore, præter provincias ejus gratiam amplexas, quæ in eum studiis certent & quidem in spem  
re-

regiæ largitionis & magnarum dignitatum, quarum cupidò & in patriam fidei obftet & permulcere plures posset alieno exemplo corruptos. Adhæc Philippum Regem potentiâ gravem aut nimium fore, neque sperari aliud posse, quam ut Portugallici regni accessione & civitatum Belgicæ præsidij Andino validior, vestigia veteris imperij legat. Sive vitio ingenij (quod ex se ferox & immane præclari annalium scriptores traduxere) sive vindictæ cupidine, quæ placari iram sanguine arderet, certè metuendam esse illius dominationem, qui & ignoti orbis exemplis per Italiam & infœlicem Belgicam immanissimum furorem adjecisset. Eum fore, qui nec pactis gentium, nec legibus fœderum stare velit aut debeat, ita formato regnandi artificio ut ex Pontificum disciplinâ ad perfidiam instruatur principis severi ingenium in rebelles subditos animadversurum. Quibus fidem servare ne naturæ lege is quidem debeat, quem omnibus licentia regni exsolverit. Id Cunnæri Episcopi, id aliorum scriptis evulgatum & esse tam Romanæ Sedi, quam Inquisitioni per Hispaniam præfectos, qui exuere regem ferociam animi nolint, & clementiâ mollire ingenium consuetudine sæviendi exercitum. Simulatione ac dolo potentum imperia stare, neque alijs artibus Joannem Austriacum egisse, certa dominationi auspicia & fundamenta orsum, si tectius simulavisset.

Econtra Andinum minus ex viribus aut externâ societate suspectum, foelicius provincias administraturum, facturumque haud dubiè ut fraternali regni in tolerandâ utraque religione moribus suum principatum affermet. Ita scilicet ditiones ejus, ita aulam, ita comitatum instrui, ut ex ea odia non sint, & ne sanguine polluantur cogendis hominum coetibus & colendo numini reperta. Ad ingenium quod attineret, illud lene & rectoris patiens in ipsis Galliæ suæ furoribus neque cæde aut intestino bello se pavisse, quod ex religione, ut fere solet, in fratris Henrici regno natum firmâ & solidâ pace egregius arbiter clausisset. Sed dubiam, si talis forte sit, indolem pactis ac legibus coërcendam, ne exorbitare juvenile ingenium possit, mobiles spiritus ex solo Hispani odio & suorum caritate repressurum. Ita fore ut Hispani nec arma, nec commeatum è Galliâ habituri sint, & ut fratre Andino in principem Belgicæ evecto rex Henricus Philippum hostem proclamet, quasi Gallicæ Belgarum societati insensum. Hannoniam quoque & Artesiam ad fœdus Ordinum ex Gallico metu redituras, neque timeri posse, ut Valonum partes Andinus eligat, qui Ordinum profiteretur. Sic Andinum Gandavense fœdus, Hispanorum invidiæ ictum, quod nec Elisabetha Anglica renuat, facile approbaturum, & quæ ipsa quoque, malit Andinum à cujus amoribus aliena non sit, insulæ suæ vicinum, quam Philippum regem esse, occupatâ Portugalliâ tantis terrarum spatijs & omni Oceano imperitantem.

Quæ speciosè ab Aurantio proposita Ordinum animos diu sollicitos & suspensos in tantâ consultantium varietate habuerunt.

Aysina scribit pacis actionem Coloniae hoc tempore finitam, etsi potente Cæsare, ut per mandatarios Ordinum & Suartsenburgium Imperij Oratorem, etiam absente Philippi Legato, prolongaretur. Ordinum quoque mandatarios, velut ad hoc non instructos, id Cæsari re-

Clô, Id.  
L. x. x. x.  
Philippus  
accessione  
Portugalli-  
ei regni gra-  
vis & nia-  
mus Bel-  
gii.

Andinus  
Belgarum  
Ordinibus  
commenda-  
tur ab Au-  
rantio.

Actio pacis  
Coloniae  
finita.



clo. Io. cusasse, evulgatâ publicæ vocis fide, Regem firmandis viribus actio-  
LXXX. nem trahere, quo coactâ omni manu validior tripartito aut quadri-  
partito exercitu impulsis provinciarum rebus certum exitum adferret.

*Pestilentia  
per exerci-  
tum Philip-  
pi.*

Quippe vocatis à Philippo ad arma socijs aut externis gentibus cœlum  
quoque & sydera obstitere, quæ malignis aspectibus & influentijs ef-  
ferata venenato ac pestilenti habitu singulos per exercitus cœlestes vi-  
rus effundebant. Itaque aëre impuro etiam intacta pesti corpora suis  
quoque malis afficiebantur, unico ferocissimæ luis & latentis vitij reme-  
dio, ut, quod olim retinendis in fide militaribus copijs arte Ducum  
reperitum erat, longis terrarum spatijs discreti exercitus ad sistendam vi-  
tandamque intemperie mconverterent. Unde languidæ & semiagræ  
gentes, velut alibi salubre cœlum tracturæ, per diversa locorum spar-  
sæ diffuentes fugâ exercitus odio Philippi extenuavere. Tum Bil-  
lianæ aut Roblesij copię in Frisiam destinatæ, quæ mille ducentos  
milites numerabant, armorum & pecuniæ inopes, suo quoq; fato con-  
sumptæ, indignante Farnesio belli apparatus tantâ famâ & de perfu-  
garum exulumque consilio susceptum, nullo aut lento successu evanescere.

Sunt qui tradant, unum è primarijs faciendæ in Frisiam expeditionis  
autoribus ægritudine animi Coloniae extinctum, quod Farnesij spem &  
simul suam elusis magnarum rerum desiderijs non implevisset.

Albada in litteris prid. Kal. Jan. Coloniae datis scribit copias facien-  
dæ in Frisiam expeditioni ab exulibus conscriptas dissipatas aut evocatas  
ad Farnesium tum fuisse, eundemque Hispanos pedites aut Italorum  
equitatum nè exulum copijs se jungerent vetuisse. Julium quoq; De-  
kamam ex catharri fluxione repentinâ morte magna suorum sociorum  
consternatione sublatum, diemque ab eo lustrandis copijs dictum effe-  
rendo funeri obvenisse.

*Disensio  
super edito  
de re num-  
maria in-  
ter fœdera-  
tos.*

Mox edito de re Nummariâ Antverpiæ scripto, & per Hollandiam  
Zelandiamq; inconsultis socijs evulgato lenis inter Ordines fœderatos  
& Hollandiæ dissensio orta, petentibus fœderatis ut Antverpiæ per  
Geldros, Hollandos, Zelandos sine speciali mandato decreta numma-  
ria lex rescinderetur, suoq; consessui & provinciarum arbitrijs relinque-  
retur scribendæ legis usurpatio. Quod quamquam Hollandi datis ad fœ-  
deratos 8. Jan. litteris nullo fœderis præjudicio aut despectu factum  
excusarent, ita Frisiorum arbitrijs tam emendatio legis quam per pro-  
vinciam publicatio quoque permissa, tacitâ tamen violati fœderis incre-  
patione, quod æris ac monetæ rationem suæ dispositioni reservaverat.  
Ita primam quoque Ultrajectini fœderis infantiam ex æmulatione usur-  
patæ autoritatis dissensio invasit, quæ Colonienfi pace, velut omnium  
rerum communi vinculo, abruptâ per universas provincias & ipsam præ-  
sertim Frisiam occultis fomentis nutriebatur.

*Lalainium  
Groningæ  
munimen-  
tū subit.*

Quippe Lalainium, ut ante memoravi, Groningæ agentem, muni-  
tione loci ac valentis præsidij superbum Bolsuerdij offenderant, quod  
autoratâ civicâ Vlietij & Bongæ cohortes, etsi Ordinum ac suo sacra-  
mento innexas urbis custodiâ prohibuissent. Itaq; Legatos eorum Non.  
Jan. Groningam, sollicitandis præsidiorum immunitatibus progressos,  
diu accessu & colloquio arcuit, ægrèque & cum difficultate in secretum  
admis-

admissos & præsidium militare deprecatorios vix audiri fecit. Mox cō. lō. violatam præfecti auctoritatem prolixè criminatus civicam cohortem ex templo dimitti, Vlietijque milites recipi jure potestatis & imperij jussit, obsidesque sex testandæ in se fidei ocyus imperavit.

Quo decreto Bolsuerdiam per Legatos perlato coactus in Curiâ Senatus de mittendo ad Deputatos Ordinum Legato deliberavit, signoq; majoris campanæ dato, concilium juratum cum populi delectis in Curiam evocari fecit. Ibi habitâ consultatione, Theodorum Oconium Consulem Leovardiam cum mandato misit, introspectendis Ordinum voluntatibus, quæ à Lalainij consilij clam averfæ civicam cohortem præsidio & in fide retineri tutandæ urbi demandabant. Econtra Pontificij ut nuper ejus consilij adversi, ita tum per diversa temporum consentientes, Lalainio parendum sine exceptione vociferabantur, malitiâ animi & haud dubiè fovendis intra urbem discordijs, quæ sicut in talibus fieri assolet, cumulatâ suspicionum mole, Ordines inter & Lalainium neq; obscuris apud populum indicij augebantur. Itaque Theodoro Oconio Consuli responderunt: se apud Lalainium pro retinendâ in armis centuriâ civicâ intercessuros, omnemque interim molestiam ex eo nascituram in se recipere. Hoc tantum suadere, ut Bolsuerdij concordēs agant & ut Leovardiensium Franekerensiumque exemplo infidis temporibus urbem cive suo tueantur. Eam scilicet foederatorum Ordinum mentem esse, cui à Lalainio quid derogari non permetteret publica & inviolabilis conscriptorum patrum auctoritas.

Quod responsi, ut grave Pontificij erat, ita majoribus odijs mobiles animos accendebat.

*Ititur ( inquebant ) nobis satis perspectum est, malle vos Deputatis, quam præfecto obtemperare, cujus ne nomini quidem apud vos locus est. Nos verò Deo coram, Rege, Magistratu, jurato plebis Concilio de innocentia nostrâ testamur, neque nobis damnosum fore, quod adversus Præfectum in retinendâ civicâ cohorte apud vos statutum est.*

Creditum fuit Pontificios tam Bolsuerdiæ, quam reliquas per Frisiam civitates secreto Lalainij instinctu corruptos pro admittendo ejus præsidio tantâ cum vehementia certasse, quo militari custodia prævalente, & cessantibus civium excubijs nihil invium pessima meditati inermis multitudo opponeret. Unde Magistratus latentis consilij non ignarus Pontificij in sua redire & excedere Curiâ jussit, auditoque abeuntium murmure & contumaci gestu notato litteras & cum ijs Tetardum Siccamam actuarium ad Deputatos Frisæ ablegavit.

Idem Siccamam notarum autor tradit, se in secretum & simul colloquium Deputatorum Frisæ admissum multa elevandis Bolsuerdianum actionibus suspecta de Lalainio inaudivisse, quasi jam animi & foederum dubius Ordinum partes hostium aut defectorum societate subdolo consilio vertisset. Quas suspensiones hoc imprimis confirmabat, quod in aulâ, in familiâ, in Comitatu, Pontificiorum acerrimos aleret, clerique reverentiâ & domesticâ consuetudine permotus, Romanis sacris aut superstitionibus juvenilem animum crescentibus annis erudisset. Hoc modo scilicet secreta actionum & arcana pectoris Romano ritu

Pontificij  
Bolsuerdian  
Lalainio  
adversissim.

Lalainium  
Ordinibus  
suspectum.



oIo. Io. ritu expiandis juventæ erroribus professum, non dissimulato quoque futuræ defectionis consilio, quod ex perniciosâ aulicorum familiaritate & confessarij instinctu jam tum induisse, illâ ætatis fragilitate credebatur. Itaque factum est, ut oppida corruptis aut inclinantibus præsidij firmanda censeret, Bolsuerdijsque sua signa & præsidia respuentibus ex impedito concepti facinoris arcano extrema irarum comminaretur.

Quorum causam ut purgaret, Hesselus Aysma vir & peritiâ juris & eloquentiæ famâ celebratus, qui Antverpiâ tum in Frisiam concesserat, Groningam ad Lalainium missus, quem spreti præsidij injuria & læsæ autoritatis ultio odio foederis efferaverat. Igitur in Bolsuerdios fidei & sacramenti ruptores coram Legato inVectus, tectioris, inquam naturâ falcile exardescibat, iracundiæ indicium fecit violatæque autoritatis crimen à Bolsuerdijs commissum severitate quadam veteris imperij corrigendum evulgavit. Cæterum à Legato, qui ad Archiducem Matthiam, ad Aurantium, denique ad judicia exteriorum Principum provocabat, admonitus, juvenilem sensim immodestiam repressit, civiumque præsidium à Magistratu ritè & ex statuto Ordinum conscriptum clam agnoscere coactus est. Unde animus & cum eo iracundiæ fervor subsedit, nolente conscientia ut vocis fiduciam & constantiam animi foedissimæ defectionis affectator retineret.

Quare Ordinum Delegati, cæterique spectatæ autoritatis procures præviso ejus consilio & ne castella peregrinis commissa suo arbitrio premendis civitatibus abuteretur, libellum ei supplicem obtulere, proq; fodiâ arcium inquilinis demandanda hunc in modum disseruere.

Ordinum  
Delegati  
exhibito  
supplici li-  
bello pere-  
grinos sa-  
trapas arci-  
bus ac ca-  
stellis ino-  
veri pe-  
tunt.

**N**E in ista mala recideremus, P R A E F E C T E, quæ ante perscriptum Gandavi sedes perpeffissimus, necessarium imprimis & utile reip. duximus, ut Præfectum & Officiarios eligeremus nobis acceptos & de quorum fide constaret. Igitur tuæ integritatis fiduciâ odio partium, quæ tui invidiâ tam intra provinciam quam foris in te exarserant, te de Præfectum legimus, sed ea cautione, ut excepta juris dicundi potestate, tuo imperio, nobis arbitris uteris, sciresque te rectorem isti populo datum, qui & rerum conscius esse velit & regendi arcanum ad plures pervenire. Et quanquam fidei tuæ fiduciâ nostra se spes huc usque aluerit, ita deprehendimus inscijs Ordinibus & inconsultis tria per provinciam castella per externæ gentis Satrapas teneri, infringique conventionem, quam post dimissas Hispanorum Italarumque legiones cum IOANNE AUSTRIACO pepigimus. Itaque de consilio MATTHIAE Gubernatoris defuncto Petro Siclingha Harlinganæ arcis rectore, nuncupatis in successorem Docone Martna, Henrico Oyenbruggio, Martino Nitzenio & Gerardo Sickemensi, Doconem Martnam de communis Ordinum consensu regundæ arcis præfecimus, iussimusque ut Oyenbruggio arcem cum presidio tenenti missionem nostrâ voluntate faceres. At is, etsi contra provinciæ leges, contra pactorum fidem castello non decessit & tuâ indulgentiâ satrapæ dignitatem retinuit exteriorum solertiâ & intercessione, qui clam federi hostes & integritate tuâ male usi, Archiducis rescripta malis artibus & facilitate aulicâ pro assertandis castellis impetravere. Præter hæc recrudescente bello & sub ejus apparatus recensendis copijs Remicum Cammingham cum Censoria potestate præfecimus, volumusque ut, te etiam con-



sentiente, lustrandæ legioni præset. Quod decretum quoniam infirmari cum invidiâ tanti viri & ipsorum quoq; Ordinum nec potest nec debet, ita intelleximus Pompeio Vskenio homini Translavicano, à MATTHIA Gubernatore, sinistris & contra bonam fidem repertis rationibus circumvento dignitate Censoris collatam. Qui procedendi mos, ut ab Hispanicâ & veteri dominatione, ita ab injuriâ & contemptu Ordinum alienus non est. Quem ut corrigas, omniaque quæ collapsa sunt restitui in integrum cures, unicè petimus, ac ut ex MATTHIAE Gubernatoris Ordinumq; generalium decreto tria castella Ordinibus Frisia tradas, quo solo æquentur. Quod si intempestivum videatur, Doconem Martnam, sponsione fidei & cautione 20000. præstitâ, Harlingane arcis pro rectore imponas, monereque censorio, Pompeio Vskenio abrogato Kenicum Cammingham lustrandis copijs admoveas. Hoc etiam postulamus, ne quid in publicâ provincie administratione inconsultis Ordinibus aut eorum Deputatis facias, peregrinorumque sua commoda querentium, assentationi aut consilio aurem præbeas. Sin vero contra feceris exterosque honoribus, à quibus æquissimè arcentur, admoveris, dabimus operam, ut eâ, quâ valemus, autoritate, libertati, quâ supra ceteras gentes efferimur & legibus nostris prospiciamus, convocatisque provincie Ordinibus statui faciamus, quod bono regis & reip. cesurum sit. Hoc vero ipsum, si contra jus fœderis apud Ultrajectum initi tuâ aut aliorum opè tardius fiat aut subvertatur, testamur, nos nec tributis nec indictionibus locum facturos, neque laturos, ut provinciales nostri patria fidi pravorum interventu collatis dignitatibus arceantur. In quarum possessione ut eos Archidux MATTHIAS locet & ut emendet, quæ contra jus & æquum invaluer, rogamus PRÆFECTE morbis nostris jure Præsecti remedia præscribas & affectui & rationi temporum convenientia.

CL. IS.  
Lxx.

Ita Gerardus Jacobi Antistes Clarecampensis, Iarichus Bottnia Satrapa Coverdiæ & per Drentiam, Iarichus Bottnia F. Thomas Groningen-  
sis Abbas Floridi Campi, Ioannes Bistenius Prior in Thabor, Eras-  
mus Douma, Serapius Galama, Barthius Idsaerda, Iulius Bottnia,  
Lafius Iongama, Renicus Cammingha, Sixtus Bottnia, Geroldus Herama,  
Taco Cammingha, G. Herama, Vitus Cammingha, Justus Heringha,  
Wibo Holdingha, Epius Douma Junior, Sibrandus Cammingha, Justus  
Ockingha, Kempo Donia, Foppius Grovensteinius, Siricius Donia, Six-  
tus Scheltema, Franciscus Ubeli Præbendarius Goutumanus signavere.

Cui libello an à Lalainio rescriptum sit, in illorum temporum actis non invenio. Mihi verisimile est eum, auctis in se procerum suspicio-  
nibus, nihil rescriptisse, ne clandestini, quod agitabat, consilij turpi-  
tudinem, adhibito malis auxilio, recentis perfidiæ famâ aggravaret.

Lalainius  
puratur ad  
hunc libellum  
nihil  
rescriptisse.

Reperio in archivis fœderatarum provinciarum Ordines, XIX fœ-  
deris articulo in litteris expresso, è Frisiâ Legatos gravi de causâ, &  
silentio obsignandâ Ultrajectum cum justis mandatis evocasse, quo in  
re ponderosâ &, ut aiebant, fœderi damnum aut commodum allaturâ  
decerni posset, quod è Rep. foret. Litteræ III. Eid. Jan. scriptæ.

Cl. Franckena tradit, se accepto 2500 militari stipendio Gronin-  
gam circa hoc tempus profectum, Hesselij, Aysinæ Frisiorum Legati  
accerrimam cum Lalainio contentionem inclinante Januario accidisse. I-  
taque fœderato militi per Drentiam sparso & extorquendis quæ de-

cl. Io. siderabantur tributis importuno, odium rusticæ plebis conflavit, ac  
 LXXx. si parcissimus æris exactor militarem immodestiam & solutos mores a  
 Lalainium  
 aperta de-  
 sectioni se  
 accingit.  
 more disciplinæ reprobareret. Econtra Drentinos afflictis agris & re fa-  
 miliari attritos ad ultionem militaris injuriæ instigavit, potestate ijs clam  
 factâ ut vim vi arcerent, captisque armis & resumptâ veteri ferociâ fi-  
 nes suos & simul fortunas virilibus factis tuerentur. Unde populus ul-  
 tro inquit & ex damnis ferox ad arma provocavit, equitumque copias,  
 quas Dodo Larius & Rinsuoudius ductabant, agris suis atque finibus  
 abscedere coëgit. Ita & militum insolentiam & rebellionem Drentini  
 populi egregius talium artifex dissimulando & odia partium nutrie-  
 bat, & fortunam Ultrajectini fœderis morabatur, à quo ij magis alieni  
 fiebant, qui recenti & aspero militaris injuriæ sensu ex immodestis mi-  
 litum moribus Ordinum imperia tanquam minus civilia interpretaban-  
 tur. Cl. Franckena in Diario notat, illum Drentinorum cum fœderato  
 equite conflictum v. Kal. Febr. factum, Lalainiumque Esseno secessu,  
 de deferendis Ordinum partibus agitantem secretis colloquijs Dren-  
 tinam nobilitatem corrupisse. Itaque illo, ut creditum fuit, consilij  
 instinctore, de ineundo cum Transfulanis seorsim fœdere agitavit, haud  
 dubiè ut Ultrajectino soluta Hannoniæ & Artesiæ exemplo ad regis  
 Philippi gratiam & simul sacramentum rediret. Jam enim eo inclinare  
 palam Lalainius credebatur, cum aulicorum, ut dixi, suasu, tum secre-  
 to litterarum commercio, quod ei ex Hannonia etiam in Frisijs aut per  
 confinia agenti cum propinquis aut familiaribus intercedebat. Quæ  
 singula firmioribus suspicionum indicijs prodebantur, quod Oyenbrug-  
 gio & Grutero ex intimæ admissionis & regiarum partium aulicis ute-  
 retur, repudiatoque indigenarum consilio sui imperij arcana exterorum  
 vilissimis vulgaret. His accedebat quod quadrimestri apud Esseno mo-  
 nasterium secreto, receptâ in fidem Groningâ in eandem urbem cum  
 honesto comitatu & modico ac suspecto Pontificijs præsidio admissus,  
 Pontificios & in ijs partium vehementissimos favore & benevolentia  
 prosequeretur, communicatisque rerum arcanis spe honorum, neque  
 vanis auspicijs lætaret. Quare obsides Groninganos, quo per eos suf-  
 fragijs polleret, & ut in Senatum deprimentis fœderatis cooparet, Cam-  
 pis revocavit, liberosque & pactione fidei solutos creandis magistratibus  
 delegit. Quæ res sublecutâ in Groningâ urbe calamitati causam ac ini-  
 tium dedit. Ubi namque obsides Pontificij à Campensi custodia tan-  
 quam exilio reduces, jus suffragij & petendorum honorum adepti, im-  
 mutato civitatis statu, fœderatæ res retro ex potentiâ adversarum par-  
 tium cessere. Quæ eo quoque magis firmabantur, quod Lalainius Pon-  
 tificiæ factionis principem se efferret, ac à suæ fortunæ autoribus alie-  
 nior, regem Philippum adorare cum invidia erectæ libertatis videretur.  
 Itaque munitissimæ urbis tum constituti ex suo arbitrio Magistrat-  
 us fiducia, diu dubium & simulandis partibus facilem animum exer-  
 cuit, non sine manifesto indicio in illo conscientia certamine futuri  
 facinoris fœditatem cum anteaكتورum fide atque gloria conferri.

Lalainium  
 harentem  
 & dubium  
 soror sup-  
 blandi-  
 tentat,

Sic in binio velut constituto & cum fato suo luctanti Cornelia La-  
 lainia soror supervenit, quæ imperiosi ac ferocis animi foemina, Ba-  
 roni Montjoio denupta, lubricum & præcipitio tum proximum mulie-  
 bri-



bribus artibus & fororij blanditijs tentavit. Cui rei conducebant & cō. fō. Philippi gratia per Farnesium oblata, & magna æris summa expugnando Lxxxi inopis Præfecti ingenio valida & dignitatum incrementa redeunti ad Regem promissa. Quippe Marchionatus titulum, si animum in melius mutet, Lalainiæ domui à Philippo rege destinatum, cuius potentia & maiestati reputaret plus tribuendum, quam illorum foederi, qui temerata majorum religione novis sacrorum opinionibus se attaminassent. Excelsus & suæ familiæ, suæ virtuti, suæ famæ convenientius esse, potentissimi regis ministrum se ferre, quam imperio vilissimæ plebis obsequi, quæ dominationis immodica & cum res gerit, sui ac affectuum impotens principum virorum laudes atque gloriam invidiâ aut despectu obscuraret. In cuius servitio si perseveret, avitum familiæ decus, denique honestas laudabilis patrimonij opes amissurum. Adhæc propinquorum gratiam & ne dissimulet, carissimæ matris perditurum, quæ unicè velit filium suum & regis sacramento quo imbutus esset, & religione in quâ ab infantiâ & primo spiritu egisset, persistere, ægritudinem animi & infirmitatem senectæ auctura, si suæ stirpis & officij oblitum aliena sacra & foedera videat majorum ritibus vertentem. Neque avunculum, cuius beneficio Rennebergicæ domus patrimonium accepisset, ex æquo id laturum, cuius votorum summa sit, ut nepotem habeat prementem vestigia majorum, qui clarissimas imagines & titulos illustribus factis atque exemplis ornassent. Satis libertati, satis patriæ retributum, cui majus in præsens officium collocare non queat, quam si factionum civilium tædio ad Deum & Principem suum redeat, illorum exemplo, qui partium fessi violatæ fidei crimen superiore resipiscentiâ expiavissent. Spectaret Hannonios suos & eorum socios, affines & propinquos sana consilia, præviso regis magnitudinis fulmine, professos æternæ bellorum tempestate pacem antehabuisse, cuius solam foelicitatem dare non civilium partium fessæ vires, sed in regis gratiæ amplexum provoluta meditatio posset. Cui præfecturæ suæ ditio- nes afferere neque arduum neque difficile foret, Groningâ munitissimâ urbium in potestatem redactâ, & castellis per Frisiam regio adhuc præsidio obseptis.

Addunt alij, de ipso populo in factiones scisso quædam addidisse, quasi delectâ Philippi gratiâ regias partes, etsi infirmas & nutantes erigere cum oppressione languidi foederis & fatiscientis Ordinum concordia quiret. Tandem fraternaliter animum etsi altius permanendi in fide consilium se aliquando aperiret, fluctuantem & mutationis adhuc incertum promissis fallacibus Mariæ Brineæ Comitissimæ Meganæ nuptijs expugnavit, commendatâ dote & eximiâ foeminæ formâ, in quam Lalainius à primo etiam juventæ flore diuturnis amoribus exarserat. Quippe Barlæmontio, in cuius matrimonio vixerat, defuncto vidua, tractura ætatem & singularis formæ indulgentiam inter solitudinem vitæ & orbitatem conjugalis lecti non videbatur, cæterum illius affectum amplexura, cuius vernantes annos amoris igne præoccupaverat. Placituras foeminæ præclaras in fratre suo naturæ dotes, qui præter vultus & oris venustatem & virentem juventam excultum artibus ingenium & tot provinciarum nobilem fructuram ostentaret. Itaque victus

Fluctuans  
adhuc ani-  
mus promissis  
Comitissimæ  
Meganæ  
nuptijs ex-  
pugnatur.



cIo. Io. Cornelix illecebris, inanibus nuptiarum promissis gloriam, decus, fidem  
Lxx. denique patriam posthabuit.

Reidanus scribit, illi cum Farnesio etiam ad Trajectum Mosæ castra tenenti, secretum aliquod intercessisse, velut provincias suo imperio commissas redditurus regi occultâ conventionem crederetur. Sed impotentia virium & infœlicis consilij præpeditum solam Groningam regijs partibus asseruisse, nutritâque inter oppidanos & Omlandia agrarios veteri similitudine, fatali illorum temporum & Translavanici populi discordia suam dominationem emunijsse. Idem addit, defectionis suspicionem in Lalainio natam, minus tamen apud peritos rerum fidei invenisse, quod sepositâ simulatione Philippum regem apertius læsisse ex ordine factorum notaretur. Ita scilicet Daventriae & Camporum oppidis regia præsidia eiecisse, indultaque per Frisiam & vicina religionis pace, & Ultrajectino sædere cum invidia procerum asserto, regis Senatum, fussecto Ordinum, amovisse. Quare creditum fuit, cum crudis & intempestivis quorundam actionibus offensum odium foederis induisse, oblucente interea animo, qui veteris sub Albano exilij & cum eo sacramenti memoriam non absconderat.

*Iudicium  
auctoris de  
causis defe-  
ctionis La-  
lainij.*

Ego existumo Romanâ Religione, quam cum animâ & materno lacte hauserat, solidius imbutum, ut multum regio nomini, ita reverentia dedisse, primisque recturæ annis optumè usum posteriora temporum defectionis consilio fœdasse. Igitur oppidis castellisque pendentia à suo nutu atque imperio præsidia destinasse, eaque spe per delectas Leovardia, Franequeræ & apud Bolsuerdios armatorum civium centurias delusum, consilij suis adversa duris & trahi nescijs procerum ingenijs ac suspicionibus imputavisse. Ita odium cessante utrinque fiducia natum, postquam nec ille Ordinum sollicitudinem & curam, ut reip. utilem, nec hi immodesta Lalainij concepta pro legitimis aut profuturis interpretarentur. Adeo verum est bonam quoque indolem, sive vitio temporis, quod vertendis rebus pronum est, sive fortunæ aut magnarum rerum illicio depravari, amique mores semel in declivium actos, majore quam coeperunt, præcipitio impelli.

*Lalainius  
de oppri-  
mendo per  
Frisiam sa-  
dere agi-  
tat.*

Unde Lalainius defectorum exemplo in prava mox consilia pro- volutus, de opprimendo per Frisiam fœdere agitavit ac ut conscientiam tormenta pectori ferentem festinato scelere exoneraret. Quare octo peditum cohortes è Translavanis in Frisiam, velut in sui adventum præmissas, ocys expedivit, tutandis pro Philippo castellis, quorum Satrapas etiam durante Colonienſi conventu corruptos Pontificij exules jactitaverant. Ita Lalainij consilium, quod altius animo defederat, tunc detectum, quasi nolente fato ut tardè & cum violatione fidei decretum per festinationem fœdissimi facinoris invalesceret.

*Oppidano-  
rum Depu-  
tati de re-  
digendo in  
potestatem  
Leovard.  
Castello de-  
siderant.*

Quare oppidanorum Deputati, quorum sollicitudo ex periculis increverat, de redigendo in potestatem Leovardienſi castello deliberave- re, petito agrarios auxilio, qui veteri æmulatione obligari oppidanos ad reciproca officia exigebant. Ita erant, oppidani ut beneficium diruen- dæ arcis ab agrarijs præstitum agnituros se caverent, agrariosque ingruen- te bello laribus profugos intrâ urbem reciperent, commeatu atque annonâ sublevarent. Quod à Gellio Sibæo & Douwone Sixma oppida-  
norum

horum Deputatis signatum, Leovardienſium quoque Magiſtratum, ve-  
lut fructum dirutæ arcis & auxilij ſenſurum obligavit. Quare ab Adio  
Lambertio Conſule & centurione civico, poſt à Ioanne Aſyna Conſule,  
Henrico Iarichio è Concilio iurato & Laurentio Venone actuario firma-  
tum, deſtruendo regio operi intentos cives accinxit. Igitur illi in cœtus  
coïre, capita & conſilia miſcere, hortari ſe invicem & admonere liber-  
tatis, cuius recuperandæ occaſionem defectio Præſecti & æterni ſervitij  
metus feciſſet. A quo ſi vindicare ſe in animum inducant, fortem au-  
daciam reſumerent, oſtenderentq; traduces majorum ſpiritus in glorioſis  
adhuc poſteris ſupereſſe. Neque enim cum Philippi exercitu, cum mul-  
tarum gentium conſluſe ſibi rem eſſe, aut ut in acie & conſlictu evoca-  
ti extra fines cadant, cæterum in ipſâ civitate, intra inſœciles muros  
hoſtem eſſe, qui depelli familiari limine debeat, rituque ignobilium  
ferarum ſuis latebris excedere. Nam iſtarum molium atq; operum funda-  
menta in ſpem ſubjectionis & popularis ſervitij jacta, quæ illi imponi ſibi  
paſſi eſſent, qui inteſtinis factionibus feſſi & mutuo ſanguine fracti &  
enerves moderati primum principis leniore imperio ſcabinabantur. At  
per illum diu paternè & ſanctè habitum, poſt de augenda dominatione  
& opprimendis legibus cogitantem & arces extructas, & præſidia civi-  
tatibus impoſita, ne qui eſſent, qui modum principali imperio pone-  
rent. Ita Saxonum, ita Auſtriacorum monumenta ſpectari, quæ in ſpe-  
ciem tuendæ provinciæ erecta, opprimendæ libertati per adoleſcen-  
tiam principalis potentix invaluiſſent. Per ea fuiſſe, ut legum, in  
quas Principes peieraverant, vigore ſublato, vix memoria quidem an-  
tiqui juris retineretur, quod etiam reminiſcentibus ſilentio victum, in-  
vidiæ potentis metum removebat.

Per ea Cæſaris & Philippi inquiſitiones & ediſta, per ea novos Epiſ-  
copatus invito populo introductos, Senatunque Principis majeſtate re-  
gni ſuſſultum, ne aures quidem & judicia quærimonijs populi præbuiſ-  
ſe. Ex iſtâ ſcilicet officinâ omne violentum emanare, in qua per cru-  
ciatus & ſupplicia in liberam gentem exercita inſontium cruor adhuc  
piacula repoſceret. Itaque repurgandum illud clariffimi & proliber-  
tate fuſi ſanguinis luſtrum, non ut igne ac thure adoleat ſuperſtitio,  
aut aſpergine depuret, ſed ut manus poſteriorum ſentiat, qui vindicias  
majorum manibus & ſervili temporum patientiæ deberent. Ita inferias  
fortium, aut innocentiam umbris fore, ſi munimenta eſſrænæ impe-  
rij aboleantur tanto planius aditum ad libertatem factura, quanto  
minus veſtigia quidem invitæ molis retineant. Itaque viritim ad au-  
xilia coeundum, ut quam quiſque erga conjuges, liberos, deniq; pa-  
triam affectus ſit, tam facilem ſe præbeat glorioſiſſimo facinori, quod  
præſens ævum in libertate moriturum, denique in eâ naſcitur poſ-  
teritas cum gratitudine & veneratione agnitura ſit. Ut vero id ocyus  
fiat, inſtans diſcrimen præmonere, ne Lalainius aliquando præſens  
& militaribus copijs ad arbitrium uſus, deſtruendæ arcis ut ante con-  
ſilium diſturbet. Neque enim id privato motu, aut impetu ſe aggre-  
di, ſed Belgicæ procerum decreto, quod Gubernator Matthias & Au-  
rantius confirmaviſſent. Eâ ex cauſâ Friſios liberalitate quadam in com-  
mune provinciarum ærarium octodecim aureorum millia & quingentos



clo. Io. erogasse, ut ex beneficio collati æris diruendis castellis assensum publicæ autoritatis impetrarent. Cæterum eam à Lalainio occultâ suorum conspiratione elusam, sed quæ non ferat diutius consilium trahi, vindicando Ordinum contemptui & reparandæ libertati salubre. Itaque Lalainij, quas castello destinaverat, copijs proprius ad oppidum & in suburbana fuggressis, qua ea annis è Sylvestribus ortus modico & patiente navium alveo Fletam perlabitur, præmissi in arcem, qui primores præsidij tentarent, dubijsque temporum, ad exemplum provinciæ rectoris, lubricam quoque militum fidem ære aut gratiâ mercarentur. Cæterum nonnullorum animos, ut Lalainij odium, ita libertatis amor anteceperat. Ita egregiâ simulandi & ne quid enuntia-  
retur, silentij arte quidam ex præfidiarijs evicti, ne suspectis quidem internuntijs qui miscendis sermonibus, aut pro veteri consuetudine è civitate in castellum commeabant.

*Varia at-  
tes tentan-  
tur ad in-  
vadendum  
castellum  
Leov.*

Quare præparatis rebus Ioannes Bonga, Oeno Grovensteinus & Ioannes Feruovius arcem à tergo circumvenire cum copijs iussi, dispositis Andringanam per domum arcis vicinam civium quoque excubitoribus, qui auxilia castello præcluderent.

Heymannus tradit fuisse ex præfidiarijs, qui arce deserta inermes centuriæ civicæ sacramentum dicerent, primique ut commilitonibus ad defectionem, ita armatis civibus ad virtutem essent. Igitur illi, sub lucis ortum ad portam progressi, relicta in castello arma tradi sibi petiere, ac ut eorum inopes recepto more in arcem admitterent. Cæterum ejus accessu prohibiti vim intentavere, janitorque glande petitus & fugâ in castellum actus præfidiarij ut arma induerent imperavit. Itaq; signo dato armati convenere, inconditoque clamore, velut obsidium soluturi, regiam arcem, atq; proximam urbis partem implevere.

Cl. Franckena notat Foxium Selfmam cohortis præfectum, colloquio in ponte castelli cum præfidiarijs instituto admitti in arcem postulasse, veterique familiaritate salutatis commilitonibus vinum atque officia obtulisse. Henricum quoque Cleinsorgium promptæ audaciæ militem clam à civibus mercede conductum sclopetum janitori intentasse, eundemque icu evitato, intra arcem receptum, præfidiarios somno graves capienda ad arma instigasse. Idem addit telleram quoque occupandæ arcis datam, ac ut Lambertus cognomento Crassipes ex præfidiarijs, alba fascia, velut facie deterisâ, opportunitatem tempori indicaret. Cæterum plenilunium isti maxumè consilio adversum, quo fiebat, ut ea quæ obscuro noctis tegi potuissent, interventu syderis & clarissimi luminis innotescerent. Præfidiarij quoque quæ per urbis partem arcis proximam fierent, tanquam ex edito colle, beneficio collucentis astri specularentur, quod pernox uti plenilunij solet, nobilissimum facinus & in posteritatis memoriâ valiturum ab insidijs incipi, velut inglorio & vili consilio dedignabatur. Itaque clariore lunâ & sub lucis ortum discussâ opacitate, quasi palam ad virtutem surgens dies hortaretur, clasticum per urbem datum, pulsataque civium fores magno sonitu strepuere. Unde milites qui vigilijs noctem extraxerant, secretis domorum, ut & cives exciti sparso in vulgus rumore, præfidiarios novis copijs auctos populandam ad urbem regiâ arce descendere. Quare cives sum-



sumptis armis, quæ non nisi captâ arce se posituros affirmabant, recta cō. 15. ad arcem ordinatum agmen duxere, in quo sacerdotum turba, tum præ- LXXIX. fidiariorum arcis liberi atque conjuges captivarum ritu trahebantur. Quæ per principia & primos manipulorum ordines pro munimentis castelli dispositæ tristi spectaculo maritos affecere, quos miseratione insperati casus & captivarum conjugum perculosos ad exerendam vim impelli impotentia amoris prohibebat.

Igitur majore conjugalis fidei quam sacramenti apud militem imperio machinis & sclopetis parcatum, ne in innocentes liberos & imbellem conjugum sexum, suum in sanguinem pro tuendâ arce fortis ferocia desæviret. Quare vi omisâ in crepidine fossæ, quæ arcem latitudine c.c. pedum præcingebat, civium agmen collocatum, quod ab eâ urbis parte, ubi regis viridarium frugiferâ arborum & egregiâ amœnitate constitum cultumque visebatur, evitando periculo, leni opere communitum. Arbores quoque admotis securibus dolabrisque passim per urbem cæsæ, truncique eminentissimam in struem congesti, altitudinem fossæ opplevire. Tum humo quoque truncis ingestâ, caduceator in arcem missus, quæ à tergo militaribus, à fronte civium copijs & muliebri agmine cinctâ, auctam ex interceptis auxilijs formidinem præsidio incusserat. Quare Joannes Scagenus vir ex Hollandicâ nobilitate, præfecturam regiæ arcis à morte Matenessij adeptus, de eâ tradendâ agitavit eamque, salvum & incolume præsidium, sibi pensionem ducentorum aureorum quotannis depactus, dedi civibus fecit.

*Castellum  
Leopoldi  
se deditur.*

Creditum fuit Scagenum à Lamberto Crassipede, qui pro dedendo castello apud milites concionatus ferebatur, imprimis persuasum Ordinum partibus eam permisisse, & quod auxiliorum Lalainij exspes aut incertus animum ultro imbellem subortis pavoribus despondisset.

Mox valli propugnaculum, qua urbem spectat, à populo civico disjectum, fossâque stramento pulvere ac cæno oppletâ, apparitores civesque armati præsidio arcis delecti.

Viginti sex sclopetarios fuisse Cl. Franckena notat, idque memorabile civicæ virtutis & libertatis facinus in Kalendas Februarias incidisse. Idem subjungit explicatâ ad fossæ marginem captivâ sacerdotum faminarumque turbâ, unam masculi animi & ex primis viraginem maritum in vallo arcis stantem sacramenti regij & officij altâ voce monuisse, pectusque marito convulnerandum muliebri temeritate, aut singulari in regem fide obtulisse. Eandem quoque à cive quodam ictum comminante ægrè ad modestiam perductam, perseverantemque & occasionem turbis aut cædi intemperantiâ linguæ daturam extra contubernium captivi agminis abductam. Ita arx octoginta antè annos civium sumptu Willibrordi Scouwenbergij Alberti Saxoniz Ducis Præfecti tempore extructa, ab ipsdem excusso veteris servitij onere, diruta atque solo æquata. Mox civibus destruendo castello occupatis Bongæ, Grovensteinij & Feruovij cohortes in urbem evocatæ, Franciscanique cum Canonicis & omni Clero inter tympanorum tibiarumque sonos & simul contumelias ac ludibria militaris lasciviæ urbe educiti. Sunt qui tradant præter centuriam è cive conscriptam, quatuor quoque civium cohortes obsesso castello erectas, earumque ductores

Ar-

cIo. Io. Arnoldum Hardenbergium, Vibium Obbium, Douwonem Egbertium, lxx. Ebbæum Douwonium cum Gellio Paulino, Adriano Leonartio, Cornelio Cornelij & Pibone Douwonio vexilliferis egregia civica fortitudinis exempla ciendis militum studiis edidisse. Eisdem quoque cædendis arboribus & opplendæ fossæ sacerdotum captivarumque mulierum ministerio usos, tormentaque grandiora Saxonæ Ducum, tum Caroli Philippique insignibus notata per imbellem puerorum turbam in urbem abducta. Ita machinas moveri loco difficiles impotens virium ætas tractabat, non sine fati, sicuti creditum fuit & commentarijs perscriptum, miraculo, ut easdem adulteratâ libertate peregrini militis ope majorum ævo in castellum invecas inter ludum jocumque inops armorum civilis posteritas amoveret.

*Mistuntur etiam cohortes ad invadendam urbem Harlinganam.*

Arce captâ & omni opere urbem versus diruto Harlingam quoque cohortes, quas Feruovius & Bonga ducebant, oppugnando castello præmissæ, quod ad occasum solis æstivum olim Groningensium & Saxonum ætate extructum, oppido nullo aut rudi mænium ambitu præincto æstuario maris dominabatur. Iter navigijs quidem nocturno tempore institutum, quod sublustre navigantibus & Luna faciebat & officijs nautarum opportunum, quæ beneficio claræ noctis & ut lucem antevenirent, militum quoque ministerijs celerabantur.

*Cohortes intra urbem admittuntur.*

Igitur naves Harlingam provectæ, alto silentio intra urbem admittæ, credulo janitore mercibus aut frumento onustas vicinis ex agris appulisse. Sunt qui tradant eum secreti conscium à Delegatis Ordinum Douwone Sixma & Econe Isbrandio, qui in comitatu Grovensteinij & Vedæ, quæ sequebantur, cohortium erant, clam in partes pertractum omnem sinistri suspicionem dissimulavisse, etsi fulgore noctis & militarium armorum facile proderentur, quæ corrupti janitoris credulitas velaverat.

*Mittitur caduceator ad petendam deditionem.*

Tum miles per vicinas arci civium domos clam distributus, missusque sub lucis ortum in castellum caduceator, qui deditionem peteret, aut ut in colloquium paciscendis conditionibus veniretur.

Formula hæc erat. *Quoniam Præfidiarij arcem Harlinganam contra expressa decreta MATTHIAE Archiducis Austriæ Belgicæ Gubernatoris, AURANTII Principis & DEPUTATORUM foederatarum provinciarum præsidio tenerent: Ita DEPUTATOS ORDINUM Frisicæ tam agrarios, quam oppidanos arcem eandem dedi ORDINIBUS suis postulare, ac ut cum eadem de voluntate MATTHIAE Archiducis, AURANTII & ORDINUM generalium agatur, horario interim spatio ad deliberandum dato. Intra quod si non decernant, pro contumacibus habituros. Sin vero præfidiarij introspectiendis ORDINUM Frisicæ actis & rationibus delegare è suis parati sint commeatum se ijs hoc ipso facere, idque sub sigilli publici fide. IV. Non. Febr.*

Quo ipso, etsi præfidiarij, velut insperato casu, percellentur, ita evoluto horæ spatio responderunt:

*Responsum præfidiariorum.*

*Optumo jure & ex formulâ sacramenti (quam MATTHIAS Gubernator, AURANTIUS princeps & Generales ORDINES approbassent) LALAINIO Comiti Rennebergio & HENRICO OYENBRUGGIO Satrapæ præstita, arcem se præsidio tenere. Neque enim*



*enim eo sacramento per MATTHIAM Archiducem AURANTIUM cōs. Iō. aut Generales ORDINES se exsolutos esse, in quo perstare etiam- LXXX. num in animum inducerent. Nisi forte ex actis de voluntate MATTHIAE,*

Ita præsidium veteris sacramenti retinens, virtutis quoque op- Præsidium  
arcis Har-  
linganæ  
vini vi re-  
pellit.  
nionem de se induerat, auctâ ex loco fiducia, quem latiore vallo  
& fossâ emunitum, tum commeatu bellico instructum aperti quo-  
que maris vicinum æstuarium commendabat. Quare ne mari, quod

Cl. Franckena notat eas quoque in urbem displosas incendium de-  
disse, quod etiam civili militumque ope per initia emergentis flammæ  
repressum tamen dubijs & de eventu desperantibus terrorem incusserat.  
Alius quidam scriptor, etsi rerum ignarus, tradit tres è civibus ma-

chinarum globis verberatos inriti laboris atque consilij conjecturam ag-  
gravasse & quod præsidij vigor primo obsidij impetu fractus, velut  
resumptâ virtute, sedato sanguine revalesceret. Itaque apud Ordinum  
Legatos & inter cives triste silentium erat, dispositis tantum circa pro-  
ximum urbis partem, qua arcem spectat, excubitoribus, qui securitati  
urbis & obsidentium haberentur. Unde prædiciarijs, ut humanum  
ingenium apprehendendis suspicionibus facile & proum est, opinio  
hostilis consilij nata ac si de oplendis terra civium ædibus arci vi-  
cinis & tumultuario opere specie excubiarum erigendo obsidentes  
præfecti agitent. Cui rei imprimis non vanum indicium facie-  
bat, quod captiva Graphæi uxor qui pro Oyenbruggio, Groningæ  
apud Lalainium tum agente, arcem cum imperio tenebat, ab obsi-  
dentibus asservaretur, filiumque infantem innocentem & quæ extra o-  
dium sit ætate materna captivitatis communio gravaret. Itaque litte-  
ris ex arce per tympanotribam ad legatos Ordinum exaratis de vi  
atque injuria conquesti petiere, ut milites habendis excubijs delectos  
à fronte arcis amoverent, uxoriq; captivæ & Satrapæ filio venia da-  
retur. Alias statuturos se egregium fidei & fortitudinis exemplum u-  
furosque viribus suis quas ad tutelam commissæ sibi arcis Deus daturus  
foret. Obtestari interim Deum, Matthiam Gubernatorem, Aurantium  
Principem, Ordines generales & imprimis optimum civium fidem,  
infantes & extra culpam se fore si quid incommodi miseræ civitati ex  
illo

*Litteræ &  
obnuntiatio  
præsidij ad  
Ordinum  
legatos.*

L I I



cIo. Io. illo consilio obveniat.  
LXXX. T I S responsum:

Quibus litteris ab ORDINUM LEGA-

*Responsio*  
*legatorum.* Munimentis actorum se stare & esse in ijs, quod præfidiarios inofficiosi aut temeratae in Matthiam Gubernatorem reliquosque fidei redarguat. Quorum copiam si vellent, mitterent ex suis aut obsides darent, qui introspicerent. Non dubitare quin eo facto Ordinum arbitrijs se permissuri sint exemplo Scageni & Adriani Potteri Leovardianæ arcis rectorum, qui militares animos atque gloriam honesta paci atque transactioni interposuissent. Atque eam ipsam Matthiam Gubernatorem, Aurantium Principem & Ordines generales ratihabitu-ros se cavere, non aliâ consilij sui intentione, quam ut singula ritè & decen-ter fiant. Sin vero nec legatos expedire perseverent, missuros se in arcem copiam decreti fide publicorum testium roboratam, ut intelligant summæ procerum auctoritati suum consilium imitti. Quod ad amovendas militum excubias, ad captivam cum filiolo matrem Graphæi conjugem attineret, eam non hostili animo in custodiam pertractam, cæterum ut miseratione captivorum pignorum mariti pie-tas accenderetur, faciliusque loci deditio ex legitimi amoris imperio procederet.

Cæterum præfidiarij cum fide dicta aut scripta pro dolosis interpre-tabantur.

Quorsum enim (inquirebant) inter amicos, ac unius rectoris & sacramenti consortes excubias ordinari, innocentissimos suorum in vincula duci, quam ut ab hostili actione negotium inciperent, cujus animum præferrent? Communicanda fuisse, si quæ essent, Gubernatoris aut Ordinum acta neque mox ad vin & auxilia cohortium provocandum absente Oyenbruggio Satrapa, quem publica au-toritas regundæ arcis præfeciisset. Se in Lalainij verba adstante, Pompeio Vfskenio jurasse, homine quod scirent Aurantij partibus addictissimo. Sed in faciem pacis venire bellum cogitantes.

Unde omnium animis paucorum calore ac impulsu sustinendam ad vim excitatis, grandiores machinæ in urbem laxatæ, donec vespera-scente die priora repetendo sententiam, veluti mansuram, scripto hunc in modum enuntiarent.

*Præfidiarij*  
*munimen-*  
*ta actorum*  
*sibi exhibe-*  
*ri petunt.*

**P**ETITIMVS, LEGATI ORDINUM & militares præfecti, ut MATTHIAE Gubernatoris, AURANTIJ Principis, ORDINUM generalium, LALAINIJ aut SATRAPAE decretum, si quod esset, exhiberetis. Quorum sacra-men-to quia nostra nos fides obligavit & etiamnum obligat, ita sine eorum manda-to dedere castellum in animum non induximus. Quare ex commilitonibus aut socijs nostris legare ad colloquium aut visenda acta non necessarium censuimus, cum totum negotium à mandato supremæ auctoritatis pendeat. Id à LALAINIO aut Satrapa OYENBRUGGIO si habeamus morem geremus vestro & ORDINUM desiderio, arcemque nobis commissam vestræ pote-statis faciemus. Sed diem sermonibus aut scribendis actis terere, nobis otium aut integrum non est. Quin ejus sententiæ sumus ut de repellendâ & simul in-ferendâ vi cogitemus & ut ferro ac incendio nostra virtus se defendat. Igi-tur non feremus noctem quietam in urbe eos agere, qui ejus beneficio abusi, cum solâ mandati exhibitione ad pacem potuissent rem, ad arma deduxere.

Quæ ubi Groningam perlata, animum Lalainij multum famæ ex con-scien-

scientiâ largientem subiere, Ballæus à secretis & epistolis è Translavica-  
 nis in Frisios missus qui consilia Ordinum exploraret, tantæque rerum  
 mutationi clam se interponeret. Itaq; Leovardiam progressus, ubi om-  
 nia ex recenti arcis destructione adhuc fervebant murorum rudera &  
 disjecta veteris imperij munimenta cum indignatione speculatus præ-  
 secti fidem Senatui ordinum in fereto commendavit, dirutaque  
 arcis pulcherrimum facinus & Lalainio placitum insigni elogio  
 extulit. Quod quanquam falsâ laude aspersum & ab animo secus sen-  
 tiente profectum prudentiores scirent, ita suspectioris & falsæ vocis  
 fiduciâ non movebantur, gnari hominem aulæ moribus & ultro pe-  
 regrinâ ac versatili levitate mobilem venalis linguæ officia corrupto  
 pectori obtrudere. Igitur recidentibus in vanum assentationibus &  
 quod secreta literarum perferre à Lalainio crederetur, custodiæ datus  
 amandatusque in arcem est, quam miserandâ facie deformem & vesti-  
 gia civici furoris adhuc repræsentantem, velut reciproco fati solatio,  
 captivus & gemens intuebatur. Ibi inquisitionibus judicum, post e-  
 vulgandis, quæ abstruserat arcanis tormentorum & mortis metu ad  
 confessionem mandati adactus, chartas aperit, quas solo Lalainij si-  
 gillo & nomine signatas cæterum occasionibus rerum & temporum  
 fervituras optumus, ut censebatur, doli artifex circumferebat. Quæ  
 commoda potiundæ arcis occasio fuit. Quippe præscribere, quæ Or-  
 dines vellent, jussu pro faciendâ celerandâque deditione Lalainij lit-  
 teras figuravit ementitusque mandatum Præfecti, quod retinendis in  
 officio arcium rectoribus clam acceperat, fidem constanter datam ter-  
 rore mortis aut cruciatuum evinci passus est.

LXXX.  
 Ballæi se-  
 cretarius  
 specularis  
 gratia in  
 Frisiam  
 missus.

Charta  
 Ballæi pul-  
 cherrimam  
 potiundæ  
 arcis occa-  
 sionem præ-  
 bene.

L I T T E R A E ad præfidiarios datæ hæ erant.

**Q**UANDO QUIDEM non sine animi dolore intelligo ma-  
 tus per FRISIAM ex causa diruendarum arcium ortos (quas  
 in manus suas tradi aut solo æquari ex decreto MATTHIÆ  
 Gubernatoris SENATUS ORDINUM petierat) ita ne-  
 gotium à sedecim mensium spatio prolatum exequi paratus sum. Itaque arces  
 aut castella Ordinum potestatis facio, mandoque ut meæ voluntatis per has cer-  
 tiores facti, arcem, quam defenditis, dedatis ocyus. Vos quoque deserta ar-  
 ce (cujus commeatum in commentarium Ordines referent) conduci ex illorum  
 arbitrio vos sinatis dum præsens de stipendijs exsolvendis cum Senatu egero. In  
 fidem harum manum meam & sigillum subjunxi. Groningæ IV. Non. Febr.

His à Balleio ad Graphæum additæ, quæ habebant Barthio Idzaer-  
 dæ cum præfidiarijs transigendi potestatem à Præfecto factam, cujus  
 id severum & pertinax mandatum esset & arcem dederent. Igitur à præ-  
 fidiarijs Barthius Idsaerda, fide datâ & oblato obside in arcem ad col-  
 loquium evocatus eoque sive periculi metu, sive ex conscientiâ doli re-  
 pudiato ad æquissima conditionum & in ijs exsolvendis stipendijs præfi-  
 dio se obligavit. Itaque tum mitigatis animis ad colloquium deven-  
 tum, missique in arcem Regnerus Nicolaus Consul civitatis & Eco  
 Isbrandius Ordinum actuarius, qui cum præfidiarijs paciscerentur. Quæ  
 dum fiunt litteræ quoq; à Lalainio & Oyenbruggio Groningâ venire,

CLX. IO. quibus præfidiarij fortes strennuosq; se gerere in tolerando obsidio monebantur. Ita scilicet fidem sibi Præfecto & Satrapæ datam, ita militare sacramentum servaturos, habiturosque ex se decus atque gloriam ubi in provinciam advenerint, stipendiâ & donativa egregiæ virtutis præmia. Adhæc auxilia brevi ad fore, quæ si terrâ intercludantur, mare apertum polliceri, per quod arx adiri navigijs & cum necessario comœatu posset.

Quamobrem Legati Ordinum resignatis quas interceperant litteris, festinandum rati, præfidiarios dedendæ arcis monuere, ac ut excusâ vani & non apparentis auxilij spe honestas certasque pacis conditiones, obversantibus periculis anteponerent. Cæterum præfidiarij, nocte ad deliberandum petita, in posterum consilium extraxere, quod ut in talibus solet, dubium & sui incertum inter præsentium tædia & discrimina ac futuri spem fluctuabat. Quam ipsam quoque visâ ex arce quasi ex speculâ naves obfirmavere, quæ ex alto venientes subvectare auxilia fervidius sperantibus credebantur. Sed deprehenso onerarias esse, mutatoque velorum flexu à littore recedere, languor aliquis & mox desperatio præfidiarios invasit. Itaque stipendia & omne æris residuum depacti, arcem deditere ex quâ cum armis & impedimentis effusi omnem infamiæ metum ardore futuræ hilaritatis excusserant.

*Arx Harlingana dicitur,*

Quippe cunctantibus, mediam Anglicæ cerevisiæ lastam liberalitas Consulî addixerat, qui multitudinem tenui victu diu habitam, illo liquore permulcendam celeritâ deditioni persuaserat. Unde versâ in securitatem militarium animorum formidine, per tabernas arci proximas distributi præfidiarij genialem diem egere. Id Non. Febr. annales tradunt validissimisque castellis in potestatem redigendis vix quintiduum infumptum.

Mox ex Groningensium mercatoribus, qui cum præfidiario milite sermones miscuerant, una cum buccinatore vinculis dati, quos Lalainius deditionis auxilium firmando ad constantiam præsidio summis, neque fallacibus conjecturis credebatur. Henrico Crabbio civi Harlingano glande plumbeâ per temeritatem icto, funus mox factum. Alij ex actis addunt præfidiarios præter stipendiorum solutionem operariorum quoque mercedem depactos & ut captiva Graphæi uxor cum filio patri ac marito traderentur. Ista pro legatis Ordinum à Dominico Richæo qui Franequerano Magistratui ab epistolis tum erat & ab Everardo Keilero, Egberto Huisinghio vexillifero, Thoma Livio, Conrado Meicro & Graphæo signata. Sic validissimo castello nullo sanguine redempto, civium ope, qui præsidio militum successerant, propugnacula valli disjecta ipsaque arx eodem cum urbe mœnium ambitu septa, validissimis operibus nudata.

Nicolaus vir apud Staurios consularis suis in notis tradit, Graphæo arcis rectori & vicario Oyenbruggij Satrapæ mille quingentos aureos ex causâ deditionis assignatos, stipendiaque præfidiario militi præsentî ære exsoluta. Tum Oenonis Groventsteinij & Cornelij Modæ cohortes navibus impositæ eæque cum præfidiariâ, quæ legatos vehebat superato mari aut interiore æstuario Stauriam appulere. Quæ vetus oppidum olim regni sede, post commercio & opibus florens arce tum premebatur,

*Legati  
Ordinum  
Stauriam  
tendunt,*



# Historiarum Lib. V I. 453

tur, quæ ad ortum solis hybernium in maris littore primum sub Alberto Banero, post à Georgio Schenckio Tautenburgio, Carolo v. Cæsare, libertatem & simul luxuriam divitis populi arctaverat. Ibi legatis in terram egressis obvii cives armato agmine processerunt, salutatoresq; humaniter & velut servitium cervicibus depulsores in urbem duxere.

Sonoius quoque Baudimontij Graphiarij Ordinum litteris in auxilium advocatus isthuc loci copias quoque trium cohortium adduxerat. Unde qui deditionem poscerent, in castellum missi, quod Franciscus Pipenpoius Bruxellensis illius oræ prætor Satrapæ titulo modico cum præsidio tenebat. Is non ignarus quibus artibus Harlinganum præsidium solertia legatorum circumvenisset, postulata Ordinum non sine contemptu rejecit, loci & suarum virium imprimis fiduciâ, quæ hominem gloriæ avidum, et si partes libertatis ante professum, retinendæ apud Lalainium gratiæ corruperat. Cæterum auxiliorum spe excusâ & quod Oyenbruggius cum Lubberto Gallo Lalainij fidissimo defecisse diceretur, animum mutavit, totumque negotium Aurantij decreto permisit. Quo faciebat, quid præter signorum ductores in fugam abreptos, militum quoque fides & sacramentum nutaret, rectoremque exercitus suâ virtute, quamdiu integer fuisset ad res magnas evectum nunc documenta instabilis animi edentem acerbiori odio confectaretur. Igitur retentatus à Legatis Pipenpojus, qui præsidario militi stipendia ipsi Satrapæ retinendæ præturæ dignitatem & cum eâ annuam 400. aureorum pensionem & ærario provinciæ offerebant, inducias fieri passus est, otijque dulcedine & honorati muneris possessione delimitus vim suorum inhibuit. Sunt qui tradant tria carolæorum millia eidem Pipenpoio oblata, eumque modeste recusantem & à cupidine suspecti æris alienum ultro sua officia ad arbitrium Aurantij retulisse. Quare durante armistitio Doco Martna & Eco Isbrandius ad Aurantium amandati, qui comitio Hagienfi soluto, Ultrajectino fœderatorum Ordinum conventui intererat. Ibi de Lalainij perfidiâ, de rerum per Frisiam statu fermone facto, Stauriæ castellum fœderato milite obsideri retulerunt, præsidariosque si de voluntate principis constet, dedendæ arci pronos se ut pridem inducijs, ita fœderi permissuros. Itaque castellis foelici rerum successu Leovardiæ & Harlingæ dirutis nihil aliud restare, quam ut Stauriæ arx urbi & marino littori imminens eadem destructione habeatur, Lalainiusque fide ruptâ superbæ molis præsidio, & simul fati solatio orbetur. Unde Aurantius pro dedendâ arce ad Satrapam & præsidarios scripsit, Ordinesque emuniendæ urbi intentos esse voluit.

*Deditio ar-  
cis Stauriæ  
flagratur.*

L I T T E R A E hujusmodi erant.

**C**ONVENTIONIS inter vos & Consules Secretariumque urbis Stauriæ capita deditionem castelli spectantia mihi exhibita sunt. Quæ quoniam MATTHIÆ ARCHIDUCIS litteris ac ORDINUM Belgicæ, in quæ MATTHIAS juravit, decretis congrua sunt, ita censeo ijs locum dandum esse. Salus enim publica, tum Frisicæ gentis tranquillitas ut id fiat exigunt vosque castellum ORDINUM DEPUTATIS aut populo civico dedatis ocys. Quo illud eo-

*Aurantij  
Litteræ pro  
dedendâ  
arce.*

clō. Io. rum arbitrio permissum de voluntate Matthiæ & Ordinum generalium solo c-  
LXXX. quetur bono patriæ, cujus usui cedit. Litteræ Prid. Idem Mart. Ultra-  
jecto datæ.

*Arx Stan-  
ria dedi-  
tur.*

Cæterum Pipenpojus, etsi aliud simulavisset, ne tum quidem traden-  
dæ arcis consilium maturavit, suspectâ sensim apud militem cunctatio-  
ne, qui vinculorum terrore impulsus, dedendam ad arcem adigebat.  
Itaque militum magis imperio, quam suo ingenio obsecutus, arce cum  
præsidio excessit, Gulielmumq; Petrarum civem Stavoranum ante de-  
cem & sex menses regundo castello delectum successorem accepit. Tum  
armati cives arcis præsidio dati, quintoque ab occupato castello die,  
tormenta atq; comineum in urbem abduxere, Arx ipsa à fundamen-  
tis qua urbi imminet diruta solo veteris imperij vestigio in ruderibus  
murorum relicto. Id XVIII. Febr. die factum in ephemeride suâ Cl.  
Franckena annotavit.

*Et dirui-  
tur, mu-  
nitorq; ip-  
sa Scauria,*

Germanus quidam scriptor tradit per Renicum Cammingham, Scipio-  
nem Meckamam, Barthium Idsaerdam, Janconem Ofingham aliosq; è no-  
bilitate eam arcem destrui jussam, ne Lalainius defectionis infamiâ jam  
gravatus ullius arcis munimentis, tanquam furoris sui præsidio se tue-  
retur. Mox de circumducendo urbi vallo agitatam, ac ut intuta moe-  
nium otio & per ignaviam collapsa prohibendis hostium irruptionibus  
firmarentur. Cæterum levissima securitatis imago arcium potitos fasci-  
nabat, omnemque periculi metum dirutæ moles amoverant. Quippe in  
orientem provinciæ Doccomium quoque oppidum, quod eâ flumen di-  
vidit, suspectâ præsidia deseruerant, quæ Collumi etiam, sicut in op-  
pidis, à Lalainio posita, sui magis pavore quam terrore foederati mili-  
tis aufugerant. Sic discriminis formido ex debellatis arcibus ac socio-  
rum præsidij orta disciplinam aut fidem non retinebat, priorque fidu-  
ciâ in sollicitudinem conversa suo neque rectoris imperio coerceretur.  
Quos adversæ fortunæ impetus tanto ægrius ac impatientius tulisse La-  
lainius creditus fuit, quanto jactantius & insolentius secundam habuisset,  
facto in se experimento, nunquam satis fidam potentiam esse, ubi ni-  
mia sit. Neque enim aut castella, aut corrupta ad nutum præsidia,  
munimenta veteris per Frisiam imperij superesse, cæterum omne mili-  
tum robur aut imbelles & palans oberrare, aut sacramenta Ordinum  
induisse, quorum favore, tanquam firmissimo dominationis suæ & glo-  
riæ fulcimento, primos & laudabiles præfecturæ annos egisset. Nunc  
dilabi omnia atque effluere stabiliendis rebus reperta; neque aliud so-  
latium isti fatorum inclementiæ reponi posse, quam si Frisiâ ejectus

*Lalainius  
Groningâ,  
Translavi-  
canis ac  
Trans-Isu-  
lanis se mu-  
nire niti-  
tur.*

Groningâ ac Translavianis se muniat, Drentiæque populum ultro  
mobilem & vindicias cladibus spirantem, tum vicinos Trans-Isulanos  
à societate Ordinum Frisiæ pollicendo meliora deterreat. Pro se scili-  
cet speciosum Philippi regis nomen valiturum, qui tanti imperij ac tot  
regnorum arbiter gratiam ad se redeuntibus, arma perseverantibus in re-  
bellione daturus foret, quibus ne Ordinum quidem exanguis & brevi  
casura libertas par esse queat. Sui quoque reverentiam necdum Trans-  
Isulanos aut Vidri fluminis accolæ exuisse, qui contra experiundo didi-  
cissent, speciosos & revera inanes libertatis titulos turpi servitio vela-



ri. Intendi namque onera & vectigalia quibus excutiendis qui arma cō. Io. sumplissent eos victimarum more in suis quoq; campis ac paludibus ma- L x x x. etatos ultionem poscere. Esse liberos, esse attines propinquæ cadis & effranis injuriæ pertæfos, qui sua potius quam Ordinum signa secuturi sint.

Itaque missis in omnem Drentiam exploratoribus, Stenvicanos quoque & per Trans-Isulaniam Magistratus tentavit, tantumque sive minarum terrore, sive incilio profecit, ut sperata ex ijs locis supplendis aut conscribendis copijs auxilia Frisiorum genti interceperit. Quare Joanni Petræo Sannio centurioni creato & palam delectum Stenvicæ paranti, ut talibus parceret jussum est, obtendente Senatu, Præfecti indignationem ex æquatis solo arcibus efferatam omne auxilium cogendis armatis inhibuisse. Adeo veneratio aut metus Præfecti, etiam à viâ recti desciscientis credulum & ad subita consilij inopem populum obsederat.

Igitur Sannius centurio, etsi connivente Magistratu, clam & in se- <sup>Blessa ob-</sup> creto, militem autoravit, eundemque ut scribit, omni & necessario <sup>jecto vallo</sup> armorum genere instructum Blessam Stellinguerfiæ pagum dixit, quem <sup>munitur.</sup> Ordinum Frisiæ cura tutandis istius oræ finibus objecto vallo munierat. Eo commeatus quoque & annonâ largior navi subvecta, quam haud procul Tungro flumine, ubi in Tincanum lacum se effundit, cum tempestate conflictatam rudibus in notis istorum temporum reperio. Quippe Austro turbidus fuso desuper imbre validior & proræ objectus onerariam immixtis fluctibus & aquâ pluviâ deprimebat utroque ex pondere gravem assultu hyberni fluminis & simul procellosi aeris infestabat. Nam minore imbrium copiâ, aer frigori ac naturæ suæ redditus quicquid humore fluxum erat, in nivem coegerat, quæ densâ & visui obfascans oculis regentium navem caliginem offuderat. Sunt qui tradant sex pedum altitudinem multis in locis superavisse, eaque molliore cœlo sensim solutâ, flumina & stagna manifestis aquarum incrementis intumuisse. Igitur suspicionibus adversus Lalainium seipsum prodentem indies auctis, captâ Stauriâ urbe & commeatu Blessæ ac vicinis locis subministrato, Didericus Sonoïus vir fortis & militiæ impiger Suartelusam cum copijs de Ordinum Frisiæ consilio missus, quem locum accipiendis è Trans-Isulaniâ, Drentiâque auxilijs opportunum tum arcendis Frisiâ hostibus commodum solertia Ordinum delegerat. Vidrus namque lato alvei flexu isthuc loci delatus in omnem oram facilem tractum promittebat, foreque ut aquæ beneficio, quam è Drentiæ paludibus ac bituminosis agris haurit, per ripas statò anni tempore effusus, firmamentum aliquod erectis in ripâ munitionibus præstaret.

Quare Sonoïus imposito in naves milite Suartelusam transmisit, o- <sup>Vi etiam</sup> pereque tumultuario industriâ militum erecto commeatum quoque Vi- <sup>Suartelus-</sup> dro amne subvehi fecit. Cujus facti, ut per Frisiæ Ordines ratio red- <sup>sa.</sup> deretur, vetante lege, gentium fines transmigrari, missus pro Legato in Trans-Isulaniam Pompeius Roorda, Caroli de quo sæpe diximus, germanus tribunatum sacri ærarij tum gerens, qui apud istius gentis primores facti consilium excusaret. Itaque Suollam progressus, ubi conventus nobilitatis & Trans-Isulaniæ oppidanorum celeberrimus tum habebatur, multa proposuit, ac ut copias Ordinum suorum decreto Suartel-



cIo. Io. testulam missas benignè interpretarentur. Neque enim juris violandi, Lxx. aut contumeliæ inferendæ studio id fecisse, cæterum necessitate, quæ legi non pareret, adactos locum præsidio & novo opere munijse, qui Frisiorum terras intranti hosti aperiret. Cogitasse de securitate suæ gentis & ut liberis atque uxoribus anxia periculi pietas subveniret, eâ præsertim temporum ætate, quæ suspectum rectoris animum & simul imperium fecisset. Eum namque occultæ Alexandri Farnesij societati haud dubiè inligatum omne hostile, omne immodestum, atque violentum agitare, metuque posse, ut auxilij, quorum spe foveri dicatur, subjugus in Frisiam ducat, cujus invidiâ ex præoccupatis arcibus flagraret. Itaque petebat, ut aliquid juri focio, aliquid contiguis finibus, aliquid æquitati darent, quæ non prohibeat, gentes eodem foedere connexas cautam & simul honestam sollicitudinem communibus & jam instantibus periculis interponere: Ad ea Trans-Isulani se provinciâ suspectis præsidij oppressa de muniendis limitaneis locis cogitare non potuisse. Nunc vero amotis militaribus copijs consilium tuendorum finium cœpisse, delectis è plebe rusticâ quinque millibus armatorum, qui versus Tubantum agros Trans-Isulaniam defendant. De reliquis ex suis delegasse, qui provinciæ limites munitionibus ac fortalitijs firment, operisque necessarij rationem ac situm inspiciant. Arcem quoque Gelmudanam velut præsidij ac roboris incapacem solo æquent. Quamobrem petere, ut Sonoï miles Suartesusâ excedat, ne dissensione inter agrarium populum militemque ortâ ad pugnas atque sanguinem veniatur. De cæteris paratam fore plebem rusticam mutuâ foederis fide atque concordia, cum Sonoï præsidarijs agere, ne hostis aut socius hostium moribus agens in provinciam irruat suæ necdum calamitatis oblitam. Cæterum Roorda Suartesusæ præsidarios nullis loci incolis graves, suo ære ac victu haberi, neque alio mandato instructos regerebat, quam ut communem hostem finibus arceant, Frisiamque Vidro flumini, & ejus ostijs, qua in mare vergit, objectam tutam ab incursionibus præstent. Quod quanquam cavere Trans-Isulani debuissent, ex quorum focordia atque ignaviâ periculum foret, ita ex hoc ipso præsidium Suartesusæ retinendum esse. Se interim Legatum Frisiorum daturum operam, ut de singulis ad suos scribat, deque eorum voluntate Trans-Isulanos edoceat. Sed intercessione foederatorum Ordinum dissensio composita, cautumque ut Suartesusæ, nullo Trans-Isulanæ gentis aut provinciæ præjudicio, præsidium ex periculi metu retineret, excessurum regionis finibus, ubi Frisiorum agris atque securitati provisum foret. Sic eruptura in discordiam ut videbatur, æmulatio interquievit.

Tum Joannes Michaëlius minores in Frisios ablegatus. Illi mandatum erat: Ut quoniam Sonoius in Frisios advenisset, Suartesusæ muniendæ subsidia commodarent, locumque Frisæ utrique commodum necessario opere circumducerent. Et quoniam Frisco in solo sita non sit, nec fossiores ære conduci nec transmitti è Frisiâ possint, omni opere gelu impedito, missum Coverdiam Sonoium vallandæ arci excusaret fide datâ se Suartesusæ ut muniatur, opportuno tempore acturos. Binas quoque cohortes ut contactis navibus Frisij minores ad

Interces-  
sione fœde-  
ratorum  
Ordinum  
æmulatio  
inter Fri-  
sios &  
Trans-Isu-  
lanos com-  
ponitur.

ad Suarteflufam expedirent peteret, ac ut foffores minorem per Frifiam clo. Id. conductos commeatu ac mercede inftituerent. De fe testaretur fidem ex LXXX. jure fœderis redimendo æri interposituros, fcripturosque fœderatos ad Ordines, ut ex communi ærario, quoniam publicæ fecuritati conducat, habeatur. Tum de interceptis litteris lubricam Lalainij fidem pro-dentibus quædam addita.

Igitur Stauriâ urbe ac arce in deditionem receptâ, Suarteflufâ & Sylvestri tractu per præfidiâ firmatis evenit, ut res fecundæ & ex arbi-<sup>Idolatri-  
ce imagi-  
nes & pi-  
ctura tem-  
plis mote,  
canobia de-  
structa.</sup> trito fluentes insolentiam darent, amotoque arcium metu sui impo- tens libertas modestiam per adverfa exercitam odio Pontificiæ factio- nis licentiâ morum mutaret. Quippe imagines & picturæ sacrarum ædium ornamenta loco mota, eaque aut solo illifa, aut per vim ex fu- rore auctam, confracta inter eluviam & sordes jacuere. Quæ tempestas, tanquam ab aliquo sydere statis vicibus excitata omnem per Frifiam ci- vilia militumque ingenia stupendo æstu commovit. Itaque nullo con- filij aut facti nedum ex rumore aut famâ conscio finguli destinata fa- to exequabantur, quod amovendis, ut creditum tum fuit, superstitio- nibus inquietam multitudinem accenderat. Tradunt autores præter mo- nasticarum sodalitatum fana, Franciscanorum Dominicanorumque no- mine celebrata, velatarum quoque virginum ædes direptas, amiffoque cultu veterem nec sine luxu magnificentiam perdidiffe. Itaque sacra fupellex, vafa aurea & argentea, tum infulæ ac sacerdotales vestes in fpolium abductæ omneque rei divinæ Pontificio ritu adminiftrandæ inferviens avaritiæ aut nocendi impetu amotum. Ipsi facerdotes & monasticam vitam profeffi. Leovardiâ urbe ante Solis occafum non sine contemptu & ludibrio exacti fati fui in fœlicitatem explevere, quo laudati majoribus fœrorum ritus luxu & libidine profanati fugâ fœri or- dinis & defftructione sacrarum ædium expiarentur. Unde Leovardien- fium exemplo apud Franequerenfes, Snecanos, Doccomienfes & Har- linganos templa ac fana depurgata, fubmotoque imaginum ac ftatuarum ornatu reformatis, ut vocabant, concionibus præparata.

Tetardus Siccama tradit, poft facram ædem Burchuerti direptam; D. Mariæ in Bolsuerdiâ urbe facellum à militibus quoque expilatam, ip- famque D. Virginis ftatuam tantæ famæ & tot miraculis, ut fcripto- res tradidere, celebratam, igne exuftam. Aureos quoq; argenteosque calices per opificum collegia fœris fubductos, omneq; ex ruinis tem- plorum reliquum majori Choro per pontificios inlatum. Cæterum no- ctis obfcuro perruptâ feneftrâ per milites in facellum admiſſos omne re- fiduum prædæ applicatum, librisque ritualibus difcerptis aut peruftis militaris insolentia reliquias, curante Magiftratu, fervatas. Quæ in commentarium, ficuti debebant perlæræ, pauperis ævi laudatam innocentiam fufpicionem avaritiæ aut pejorum criminum fœdare. Sed mihi iftorum temporum motus, ficut cætera, ex fide narranti plurima fi- lentio involuta fuiſſe dubium non eſt, multosque illius furoris mini- ſterio functos poſteris ætatibus opinionem virtutis ex oblivione an- teactorum retinuiſſe.

F. Nicolaus ſcribit 22. Febr. majori apud Staurios templo omnem cultum militari violentiâ detractum, altariaque cum ftatuis mutilata;

CIO. IO. aut dissecta miserrimam loci faciem ostendisse. Igitur direptis cœnobijis  
 LXXX. ac fanis multi Præfultum Leovardiam captivi inter militarem quoque  
 custodiam abducti, reddendis, ut creditum fuit, administrationis suæ  
 rationibus, quas discriptis tabulis, cum egregijs haud dubiè disciplina-  
 rum atque scriptorum monumentis tempestatis atrocissimæ injuria con-  
 fuderat. Sic quod explendæ paucorum avaritiæ aut lubidini reper-  
 tum erat, damno posteritatis & sequentium sæculorum cessit, quæ  
 ex anteriorum temporum factorumque ignorance rerum caligine in-  
 voluta, ne virtutes quidem & vitia prioris ævi suis annalibus per-  
 scripsere. Siccamam addit, redigendis in commentarium Floridi Campi  
 mobilibus, post Thomam Groningensem loci antistitem Leovardiæ vin-  
 culis datum, Petrum Vibenium Consulem & civicæ cohortis præfectum  
 cum Justo Ockingha viro nobili delegatum, addito Siccamam notarum  
 autore & Magistratus actuario, qui in acta suâ manu referret. Mox cœ-  
 nobiorum sacrarumq; ædium bona veno posita, pecuniaque ex dividendis  
 fisci jure ærario provinciæ inlata. Itaque captivitate Præfultum terrore  
 per omnia monasteria & conventus quoq; virginum aucto, cœnobitæ &  
 moniales de deferendis possessoribus suis agitavere, ac ut annuas pensio-  
 nes à sacris & secessu ad aliud vitæ genus transituræ æquitate Ordinum im-  
 petrarent. Ex quorum ideo confessu Foppius Grovesteinus & Hob-  
 bius Baerdus Legisperitus delegati, qui stipendia pro statu & dignita-  
 te personarum conferrent, honestaque & utili transactione cessionum ac-  
 ta à cœnobiorum rectoribus mercarentur. Unde Baiomense monaste-  
 rium, quod velatarum virginum ordo tenuerat, Henrico Termoelio  
 Præfule & Gulielmo Gulielmi vicario autoribus, tum Gerardæ Cor-  
 nelix, Titix Obbiæ, Tiempkiæ Vassoniæ reliquarumque monialium  
 assensu, cum agris, possessionibus, redditibus & mobilibus specie cessionis  
 & sub jurisjurandi religione provinciæ transcriptum impetrato tan-  
 tum in singulos stipendio, quod ad alimenta & honestis vitæ subsidij  
 obtinebatur. Idem à Neoclosterijs caterisque inclinare Februarium fac-  
 tum reperio, Annamque Herenniam loci reatricem, institutâ suppli-  
 catione, modico victui annui æris subsidium ex decreto virginum oras-  
 se. Igitur testimonia passim fidei & moribus per alienæ probitatis con-  
 scios scripta piam Ordinum liberalitatem auxere, ultro censentium be-  
 neficium ex beneficio miserabili turbæ deferendum. Quod in illo per-  
 turbatissimo temporum statu unicum otij & simul delitij assueto sexui  
 solatium fuit, & ne mollioris vitæ quietem manuum opere, parando vi-  
 ctui mutaret. Quippe creditum fuit magnificentissimis & ex luxuriâ ad  
 invidiam provectis ædificijs ac structuris extrusos importuno mœrori  
 succubuisse, interque nemora & culti ruris amœnitatem sacra & otia  
 professos veteris contubernij solitudinem sine ægritudine consternatæ  
 mentis non hausisse. Præter hoc, auream argenteamque supellectilem,  
 quam divino cultui protervior ætas adornaverat, sacris ministerijs de-  
 tractam, pieque & cum aliquâ veluti consecratione templis dedicata au-  
 ferri, aut cessantibus exercitijs exolescere.

Annue  
 pensiones  
 cœnobijis  
 & monia-  
 libus ex æ-  
 rario publi-  
 co assigna-  
 te.

Lalainium  
 hoc male  
 habent.

Quæ res Lalainium ultro foederi ex receptâ Philippi gratiâ inimicum  
 majore odio efferavit. Quare, quod antè per Drentiam Trans-Isula-  
 niamque ab eo factum erat. Frisiæ quoque & præsertim Sylvestribus  
 explo-



exploratores immisit, quo ad arma sumenda adversum foederatos instiga- c10. 15: ret & ut pacem à Farnesio nomine regis oblatam, misâ inani liberta- L x x x. te acciperent. Unde foederato militi, quem Joannes Sannius Stellin- guerfiæ prætor & cohortis centurio, vir bonis artibus imbutus ex Sco- terlandiæ finibus in Donieversfallenses ducebat, primi Sylvestres se ob- jecere, factò ab Oelanis initio, qui Sannij cohortem per glaciem, et- si infidam laboriosum & pedestre iter facientem sumptis quæ furor sup- peditaverat, armis loco & præsidio prohibuerunt. Tum ut malum pestilentiæ instar, latius serperet, signo campanæ dato, suspensisque è turre Oelanâ ignibus vicini quoque ad auxilia vocati, quot eodem con- filio imbutos exploratorum astus corruperat. Itaque tantus repen- te agrarij populi confluxus factus est, ut de suorum vitâ atque incolumi- tate centurio desperaret, experimento priorum temporum edoctus rusticam Frisorum plebem militaris insolentia & præsidij impatientem pro amovendis armatis tanquam retinendâ libertate certasse. Cæterum noctis beneficio quæ hybernâ opacitate minus sublustris visum interce- perat, militem Legemarios reduxit, fanoque occupato curare corpora & somnum capere jussit. Ubi vero lux orta, quæ tardius isto anni tem- pore, cælum occupabat, Donieversfallenses, nequicquam, ut se com- ponerent, moniti arma resumpsere, postremosque in ordines militum invec- ti commeatum & impedimenta in prædam verterunt.

Scribit Sannius sclopetos quoque cum nitrati pulveris & glandium copia militi ereptos, conjugisque ægræ & in mariti comitatu tum a- gentis visceribus vim inlatam. Quæ omniâ miles nocere vetitus singulari patientiâ sufferebat, haud ignarus ex disciplinæ lege magis imperio ducis aut rectoris, quam ingenio parendum. Mandato scili- cet ut pugnet, non consilio opus esse utendumque armis, non ut pri- vato & ad tutelam corporis, sed ex hostium cæde atque damno salus ac victoria sperantur.

Creditum fuit Titi Waltæ opera atque instinctu rusticam mantum co- actam, perceptaque militum quorundam, qui pecuniam immodestius familijs extorserant, insolentiâ propriam isti genti virtutem atque fe- rociam induisse. Cujus rei fama Leovardiam perlata Ordinum animos non parum conturbavit. Itaque primum de cohorte cum ignominiâ exautorandâ in confesso dissertatum, cum essent qui militari licentiæ frânos injici severiore exemplo vellent, provocandumque ad veteris di- sciplinæ rigorem, quæ in decimum quemque conterrendæ multitudini atrocibus pænis animaduertisset. Alij censebant incertis rumoribus & ut senescerent, dandum tempus esse tractandosque clementiâ potius illorum animos, qui ambigujs temporum inritati sacramenta mutare, factò ad hostem transfugio, incommodo reip. possent. Quippe Lalainium manifesti, etsi adhuc simularet defectoris personam jam induisse, reten- taturum haud dubiè signa, si viderit cohortium fidem inclinare, eas- que Ordinum odio effrânes & solutas, nullo rectore aut domino vastan- dis agris venales manus admove- Perspecta scilicet militum obsequia & modestiam fuisse, parcitumque rusticorum sanguini, qui scire debuif- sent, flagrante bello provinciâ, aliquid privati incommodi ex publicâ calamitate ferendum esse. Sannius subjungit, se sedandis militum ani-

*Ordines  
iste cumu-  
tus male  
habet.*

cl. Is. mis, quos ardor pugnae repellendam ad vim inflammabat, primo autoritatem ac imperium, post preces interposuisse, ne fortes dexteras provincialium ac fociorum sanguine macularent. Charlesium quoque cohorti praefectum praesidium Lemmariae agentem, auxilia compescendae rusticae plebi obtulisse, seque ijs posthabitis in Scoterlandos, post Stellinguerfios celerrimo itinere, declinandis malis, proum conflictui militem ductasse. Qui in illo Sylvestrium tractu populares motus, ut ante Joanni Roordae Alexandri Farnesij, de quo dixi, in Frisiam legato, ita tum Lalainio imputabantur, ac si trahendis ingenijs egregius artifex specie pacis regiae, discordias & secessiones serendo firmamentum suae defectioni debilitate foederis captaret.

*Abeli  
Franckena  
legatio.*

Quamobrem, ne rudi Sylvestrium plebe corrupta, procerum quoque in Groningâ urbe & per Omlandiam animos venenaret, Abelus Franckena vir eximius & singulare patriae suae ornamentum Groningam ex Frisij pro legato missus, qui propiore foedere Frisiorum gentem cum Groninganis, Omlandis atque Drentinis connecteret. Bartoldo quoque Entenio viro nobili & militiae impigro legionem, jam ante Lalainio commissam, nomine Frisiorum regendam daret, totumque militare per Omlandiam & vicina imperium homini bellis à primâ aetate innutrito, pro tempore deferret. Caterum Entenius Coverdiae agens, quo concitatos in arma per Lalainium Drentinos compesceret, de legati adventu non cognovit, cujus mandata ad portam urbis tabellioni in ingressu ab excubitoribus extorta, in manus Lalainij pervenerant. Quare detecto legationis secreto, Lalainius Legatum, quem arcano odio conspectabatur, maledictis apud suos & imprimis Ioannem Wifferingium hominem turbulentum & suae factionis principem traduxit, ejusque consilio in aulam evocatum violato gentium jure custodiae dedit. Caterum Legatus tertio post die per fenestram praepes datus carcere excessit, inscio & non cogitante Lalainio, quae redimendum Balleium, quem in arce Leovardianâ Ordines Frisiae asservabant, legati captivitate somniaverat. Ubi verò de ejus fugâ cognitum ædium locorumque secreta perquiri per urbem jussit, inque spiculatores custodiae Legati destinatos à Senatu oppidano animadverti. Is verò perspecto Lalainij consilio ad criminationes dissimulavit, legatumque in urbe primariâ domo occultatum bono animo esse jussit. Franckena in Ephemeride notat carceris sui diem in xvi. Kal. Martias incidisse seq; xiv. Kal. liberatum & periculo exemptum legationis suae secretum bono exitu, etsi infelici auspicio, obivisse.

*Lalainij ob  
effugium  
Legati indignatio.*

Perunt Lalainium, percepto Legati effugio, affectum impotentem, & per animum furori proximum, velut à ratione alienum, severius quidam si potiretur legato comminatum, interque fascinatae mentis illusiones & futuri sceleris ludibria, de licitando Legati capite & immitendo percussore cogitasse. Quod quanquam immaniissimi sceleris infamiam non effugeret, ita legatus fato & ministrorum curâ vitæ & simul patriae servatus est. Quare Lalainius ut è crudeli voto omnia fluere meliusque procederent, optimum potentiae fomentum civiles per urbem discordias prosevit sparsis in vulgus Pontificium rumoribus, foederatarum provinciarum Ordines urbi & quaesito majorum juri atque

im-

immunitati iniquos, propensioribus in Omlandia<sup>clo. 10.</sup> populū studiis inclinare. Quæ ideo tanto facilius Pontificij persuaderi sibi patriebantur, quod Omlandi per Clantium & Iargæum Legatos Ultrajectinum fœdus inijsset, crederenturque ex initæ societatis clientelâ gratiam Ordinum ex odio civitatis obtinuisse. Neque enim Omandos vinculorum & nuperi carceris oblitos sensum atque memoriam recentis injuriæ potuisse, cæterum esse qui illius violentiæ ac contumeliæ placamenta ab immundo urbis jure sperent. Quod si perdant, se grande rerum detrimentum æmulos Omandos solatium & vindictam injuriæ habituros, cujus ulciscendæ calorem in ipso vultu, in omni actione, in externis animi spirarent. Ab ijs esse, quod de erigendis per agros munitionibus cogitent, urbemque quæ sola inter Lavicam Amasiamque flumina fossâ & vallo claudi debeat jure veteris per Omlandiam imperij privare. Quæ speciose dicta à Lalainio cives apud pontificios pronis auribus accipiebantur. Itaq; cætus & conventus nocturni passim per urbem faciendis conspirationibus instituti, ad quas ære alieno nexi & mollitiæ vitæ aut turpitudine infames, velut regem reduçturi, magno numero confluebant. Quippe quindecim cohortium auxilia Novesium advenisse Benthemius nuntiaverat, Farnesiumq; magno armorum apparatui intentum de recuperando per Frisiam imperio & subvertendo Fœdere cogitare. Quod cum ex fide veri diceretur, ita conjuratos ad celerandâ consilia impellebat, quæ mutandis per urbem rebus parari non vanis & incertis prodigijs observabantur.

Tradunt incerti autoris rudēs notæ, inconditos clamores de nocte auditos, equorumque hinnitibus etiam altissimo rerum silentio verberatum ærē metum futuræ tempestatis fœderato per Groningam populo incussisse. Cui ut obviam iretur, Pompejus Ufkenius cum Joanne Cornputio viro nobili Lalainium adiit, eumque purgandis suspitionibus ut Ultrajectum eat familiari & secreto sermone hortatus est. Premi scilicet vestigia veteris gloriæ posse, si mentem errore aliquo seductam suspicione infœlicis consilij exoneret, provolutusque ad Aurantij principis secretum egregia monituro obtemperet. Patēre adhuc innocentiae locum, si præcipitia labantis ingenij obfirmet retractusque à malis cogitationibus in amplexum & simul consilium optimi principis se effundat. Ab eo remedium si quis sit erroris & amissi imperij ac simul gloriæ beneficium peti posse, neque recusaturos Præfecturam Frisios si viderint lubricâ ætate fororis consilio aut assentatione aulicorum seductum sanitatis auxilio non respuere. Quod ad disjectas arcēs attineret, id æquiter & benignè, tanquam ab Ordinum Belgicæ decreto profectum, interpretaretur, habiturus firmitus provincialis rectoris præsidium, si spretis arcium ac castellorum munimentis, insidâ imperij tutelâ, benevolentiae procerum se insinuet, redeatque in gratiam cum ijs quibus dignitatem, titulos & splendorem fortunæ ac clarissimi nominis deberet. Moderandam esse juvenilis animi cupiditatem, quæ nisi in præsentium possessione conquiescat, inexplebilem & futuri incertam esse. Mitteret regiæ gratiæ inanem umbram interque majoris fortunæ lubricam spem constitutus satietate adepti honoris se nutriat, quam ex virtute haberet. Majora certè à Philippo sperari non

*Prodigia,*



cIo. Io. posse. Quippe commissas imperio suo provincias fœcunditate soli & fertilibus agris foelices esse, quos præter clarissimarum urbium ornamenta divitis populi fortunæ commendaret. Adhæc amplissimorum portuum commoditate, quam maris æstuaria aut lati sinus præstarent, regiones munitas infestis gentibus accessum negare, vel maxumè ad securitatem sui per Frisiam imperij, ex quo, si in fide perseveret, opes ac gloriam, suæ domui decora atque ornamenta habiturus esset. Quin reputaret eam ipsam regiâ dominatione, atque insolentiâ externæ gentis attritam in tutâ quietis ac rerum possessione tandem collocandam esse, quod præstare suâ virtute possit & si in actos in exilio suos & propinquorum annos, fugiendæ Albani sævitix, memoriâ non excusserit. Proponeret illius temporis tristissimam imaginem, cum viduæ & moestissimæ matri fugæ comes, primæ pubertatis lanuginem Albani gladio atque furoribus subduceret, tædiâq; & molestiam sui & materni exilij in spem redituræ libertatis honestissimarum artium meditatione & simul solatio levaret. Uteretur primæ ætatis egregiâ institutione dimissisque Oyenbruggio, Grutero, Conteravio & Balleio aulae suæ dehonestamentis, generosam & natam ad alta indolem optumæ matris & eorum præceptis instrueret, qui ne suspicionem quidem defectionis, etsi in aperta productam sui odio invalescere ex fiduciâ antiquæ virtutis paterentur. Id si fecerit animum recti conscium, & sine domestico tortore habiturum, qui alias internos cruciatus haud dubiè sensurus sit, si manifestus clarissimi fœderis defector omnem vanæ salutis spem in auxilio jurati & perfidi hostis posuerit. Cæterum Lalainius optuma suadentibus omnia inconstantis animi signa edebat, modoque rubore suffuso vultu, modo repentinis palloribus occupato, angorem pectoris evulgabat.

*Lalainij  
ad monito-  
res respon-  
sum.*

Tradunt autores, præter ruborem ingenuæ adhuc mentis & necdum excussi pudoris testem, lachrymas quoque Lalainio ex Ufkenij sermonibus fluxisse, perculsumque desperatione rerum, quod & fide apud Ordines & simul Farnesium in præstandis promissis excidisset, perturbato animo ex colloquio Ufkenij egisse. Quod etsi silentio premeret, ne quid de istâ cum Farnesio societate incautè expromeret, ita velum aliquod præsumptis suspicionibus obductum. Infractam scilicet religionis pacem & præter contumeliam sibi rectori provinciæ inlatam rebelles Frisios arma induisse, æquatique solo castellis specie libertatis moderata & justa imperia per enormem licentiam detrectasse. Sic ad mores suos & ingentem quoque majoribus ferociam rediisse, qui dominantium suorum cauta & aspera ingenia, primis quoque temporum ætatibus non pertulissent. Ita vitia gentis nomine virtutis ad posteros transmissa, qui eversio principis imperio, ne rectores quidam libertatis ferrent, aut ut intra terminos staret coërcita legibus atque præfidijs inquieti & simul ingrati populi insolentia. Hæc scilicet præmia sui in patriam, in fœderatum populum affectus esse, ut injuriam atque contemptum pro beneficio accipiat, cui vicem exolvere grave mortaliū ingenij foret.

Pacatos Mechlinienses, Valentinos fœderi adjectos, receptos in fidem Groninganos totâque Transfulaniâ, qua Isala & Vidro amnis perluitur, victricibus armis perdomata se laudabile per Frisiam imperium

exercuisse. Cæterum trophæorum loco, quæ in memoriam gestarum cō. Id. foelicissimè rerum erigi debuissent, fanum invidiæ extractum, ac si se- L x x x. minatis per provincias discordijs, religione sacramenti ruptâ foedissimi proditoris personam induisset. A quâ cum absit longius se Pompeio Ufkenio potestatem facere, Ultrajectum ad Ordines eundi, deque suâ in provincias fide atque integritate testandi. Cæterum Ufkenius Ultrajectum progressus, excusationem Lalainij in criminationem convertit inculatâ foederati confessus socordiâ atque securitate quod perniciofa Lalainij consilia adolescere amoris suspicionibus ac simul remedijs sifissent. Eo namque rem deductam, ut defectio metuenda sit & ut foederatæ provinciæ Frisorum & Translavicani agri tractu ac societate exuantur. Vigilandum consulendumq; patribus esse, ne tempore malis Lalainij consilijs dato, majus discrimen oriatur cui prospici ante maturitatem conceptæ defectionis possit. Commeare scilicet ex hostili agro & Farnesij aulâ secretorum sermonum internuntios, qui dignitates, qui gloriam, qui regis gratiam & auxilia polliceantur, haud dubiè adfutura ocyus si moram & tarditatem Ordinum anteceperint. Momenta temporum prudentibus curanda & ne effluat amovendis periculis nata & se offerens occasio. Itaq; expediendas celerius in Frisiam copias, erigendas aut reparandas munitiones, ne Lalainius detectâ defectione ex amico & socio hostis nudatas justis præsidijs & inermes provincias auxiliorum ope debellet. Quæ ab Ufkenio proposita Frisorum & Omlandia Legatis, qui in isto consensu erant, magno assensu commendabantur, non ignaris Surquetum Lalainij scribam missum ad eum fasciculum litterarum & cum eo regis gratiam per imprudentiam & temeritatem linguæ evulgasse. Quæ etsi Aurantio Principi ex fide verissimi rumoris indicarentur, ita omnem de Lalainio suspicionem anteaكتورum memoria & renovatio clarissimæ laudis amoverat. Itaq; Aurantius etiam in tam apto communis sinisteriorisq; famæ testimonio diu incertus quid ageret mutato, quæ ad Amsterodamenses decreverat, itineris consilio Campos per Velaviam profectus est, præmissis Groningam Pompeio Ufkenio, qui Lalainium sui ad colloquium in urbe Camporum sollicitaret.

*Ufkenius  
Ultrajectum  
missus  
veterum  
Ordinibus  
excursit.*

Thuanus ex commentarijs istorum temporum refert, Aurantium fa- Aurantius nandæ in Lalainio imbecillitati omnem solertiam tum navasse & ut ho- in rectam minem manu strenuum, vigore juventæ laudatum in veteris officij viam reducere con- continuatione revocando à deterioribus obfirmaret. Quare ducendo a- tur Lalai- mobili ingenio, quod omne imperium sicuti mortalia solent, vitio con- nim, tumaciæ detrectaturum metuebat, levioe remedio usus est, congressusq; & amicitiam dissimulando obfutura benigno per Ufkenium alloquio obtulit. Creditum fuit Aurantium Principem de componendâ Frisios inter & Lalainium æmulatione ac dissidio tum cogitasse & ut impulsos motæ mentis in Lalainio spiritus beneficio oblata pacis sedaret. De cujus eventu cum Frisij desperarent, malo, ulterius, quam ut medicinam admitteret, provecto, ita tacitè indignabantur, manifesti defectoris aperta & indies se prodentia consilia dissimulari, principemq; Aurantium more procerum aulicas ad artes & infidum percurandis secessionibus assentationis remedium illa temporum perturbatione con- fugere,



clo. Is. fugere. Erant namque qui infidæ & mox expiraturæ societati apertum bellum anteferrent & ut Lalainius inter non obscura defectionis indicia deprehensus, spem aut gratiam fœderatæ societatis ex hostili ingenio amitteret. Quod ipsum quoque etsi jam ante regiæ gratiæ incipio circumventum esset, ita Lalainius simulare doctus colloquij cum Aurantio desiderium præferebat, seque interno pectoris gaudio attactum & humanitatem Aurantij Principis, & optumam consulendi de rep. occasionem agnoscere. Itaq; vultu in hilaritatem formato, etsi aliud sentiret, omne erga Aurantium studium eruditâ tamdiu simulatione professus est, donec Ellet hæ Dongiæ suspectæ fœminæ captivitate prævisa in illo defectio se aperiret. Ea namq; in matrimonio Hermannii Pellenij (is Roblesij Armifabrum egerat) agens ac Delphzilam transiens ubi Bartoldus Entenius tum forte erat, ab eodem in custodiam data, secreta litterarum à Roblesio signata & omne arcanum muliebri fragilitate evulgaverat & quod Entenius vir acer & immitis ingenij terrore quæstionis mollietiem incauti sexus evicisset. Itaq; præter Roblesianas chartas syngrapham quoq; pro acceptis à Farnesio litteris manu Cornelij Kempij hominis Frisij & procuratoris exaratam exhibuit, additâ Farnesij epistolâ, quam instigandis ad arma & rebellionem Drentinis perscribi, deferrique per fœminam, velut suspicioni minus obnoxiam, Groningam ad urbem imperaverat.

*Lalainij consilia pro disordia profertur in lucem,* Unde, quæ nox aliqua & quorundam conjuratorum conscientia occuluerat, fato detecta, quod adolescere concepti sceleris immanitatem exitio innocentis turbæ non sinebat. Igitur Lalainius detectis, quæ profundo mentis & per artem diu abstruserat, vecors & consilij rursum inops, suâ conscientia & Aurantij metu augebatur, quem cum præsidaria cohorte, destinatoque ad custodiam corporis spiculatore. Campis per Drentiam in Translavicanos iter admoliri famæ plurimum largiens sollicitudo acceperat. Quare ruptâ omni morâ decretum facinus intra se exequi constituit, dimisso sine solatio ac fructu Uskenio, qui soluto colloquio aulâ & mox urbe excessit.

Annotatum invenio Upconem quendam Douwonium hominem Frisium, & pertinacius regiâ factione imbutum, in Lalainij aulâ, sumpto districtoque clam gladio de trucidando Uskenio cogitasse, eumque consilij patranda fœdissimæ cædis inculatum indulgentiâ conniventis iudicij absolutum. Eundem quoque in viâ Uskenio vim post intentantem & conjurationis in patriam manifeste reum, ad honores ac Lalainij spe provectum, trecentos Frisios exules occupandæ urbi & pandendæ cædi obtulisse.

Cl. Franckena in Diario notat, se prævisa quoque futuri tempestate vigesimo nono Februarij anni intercalaris die Groningâ Dammonam concessisse, ne semel vinculis datus & terrore mortis perculsus in deterius majusque vitæ discrimen ex infidi temporis conditione recideret. Cæteros econtra fœderis, etiam in Senatu, socios, sua fœcordia ac suis stupor adeo dementaverat, ut & urbis suæ & salutis curam ex vetere in Lalainium fiduciâ exuerent. Quod cum à sagacibus rerum palam deprehenderetur, famâ suspiciones aggravante, Iacobus Hildebrandus Consul, fœderatarum partium in civitate Princeps, Hovetmanni dignitate functus, ad Lalainium se contulit, cujus interrimâ familiari-

tate



tate ac consuetudine floruerat. Qui in secretum admissus, multa; de clō. Iō. sinistris populi primatumque rumoribus præfatus, ecquid periculi sub- L x x x. esset interrogavit, Lalainiumque rubore, velut consilij conscio, suffu- sum confidenti porro sermone aggressus est.

Neque enim abs re esse, quod Pontificij clandestinos in coetus co- Hildebrandi  
di Consul  
libera vox  
& commo-  
nirio ad  
Lalainium  
eant, arma per domos & in secessu moliantur, suspecto talium appara-  
tu, qui haud dubie in exitium urbis & miserorum recasurus sit. Inde  
scilicet esse, quod in aula & per viciniam attineri armati, duplicatus  
spiculatorum numerus perhibeatur, nihil ministerij aut officij reper-  
turus si extra conceptum criminis, aut foedissimæ cædis præfecti inno-  
centia sit. Caveret manus adhuc puras & flagitij infontes sanguine eo-  
rum imbueret, quorum auxilio ad provinciarum regimen, post ad glo-  
riam profecisset, ituram in egregiæ laudatæque domus dehonestamen-  
ta si foederatam multitudinem inter timores ac anxietates fiducia adhuc  
plena ferro aut fugâ subverterit.

Cæterum Lalainius prolixâ innocentia obtestatione usus facessere su-  
spiciones, Hildebrandiumq; Consulem, (quem blandissimo patris no-  
mine indigetabat) reliquosque foederatos bono animo esse iussit, & ut  
fragiles levesque conjecturas in fidi metus & ægri pectoris argumenta  
certissimis fidei suæ documentis postponeret. Se isti semel datæ obli-  
gatum bonis artibus & factis ætatem & simul imperium egisse, factu-  
rum ut perseveret, deprehendantq; foederati plus invidia & obrecta-  
tionibus, quibuscum luctaretur, quam veritati & eventui tributum. Sua  
omnia fraudis ac doli expertia esse, neque metuendas ab eo insidias,  
cujus fide ac fortunâ securitas foederis tot annorum decursu stetisset.  
Quapropter excuteret Hildebrandius infoelicis curæ sarcinam & amotis  
veteris fiducia impedimentis, præteriti temporis merita, non futuri  
metum introspiceret. Nimis certè credulos mortales naturam rerum  
finxisse. Quæ verba manantibus per vultum lachrymis Lalainius ex-  
primebat, sive miseratione perituri, sive ut magnitudinem futuri sceleris  
bonæ mentis & attracti pectoris indicio velaret. Addita etiam dexte-  
ræ fides, quam multoties foederi datam foedissimo perjurio tum obli-  
gabat. Itaque Hildebrandius, velut reciproca pietatis luctâ, in pares  
lachrymarum fletus effusus coenam cum eo sumpsit, eamque inter blan-  
dicias infidi oris actam nullâ sinistri suspitione clausit. Sunt qui ad-  
dant, muscos quoque vocum concentus ferali in coenâ auditos, inter-  
que vinolentiam & tripudia partem noctis actam, ne locum quidem a-  
pud aperti cordis hominem antea actis suspicionibus reliquisse. Quare  
salutato tandem Lalainio ad suos conversus Hildebrandius periculi secu-  
ros esse iussit, ordinarijsque vigiliis stationibus quos duplicari opor-  
tuerat, custodiam urbis & suorum reliquit. Mox Cornelio Kempio,  
manus injectæ, vinculisque dato tormenta eliciendis arcanis decreta.  
Cæterum Lalainius, qui ad foedus Gandavense signandum, tanquam  
novum sacramentum suos clam adegerat, cum vehementiâ intercessit,  
quæstionibusque habendis superfedere Senatum iussit. Is verò ad Ultra-  
jectinam & Aurantij societatem provocabat, seque à Lalainio ad am-  
plectendas foederis partes vi adactum, stare sacramento ac animadver-  
tere in flagitiosos statuisse. Eâ scilicet severitate disciplinam reip. sta-

cIo. Io. re, lapsuram ocyus, si inter domesticam proditorum turbam constituta auroritas rigore poenarum non fulciatur. Improbi quoq; & ex moribus licentiosi temporis malis ingenijs insolentius usi majestate legum, & suppliciorum metu non coërceantur, quem omnis ætas conterrendis, aut emendandis pravorum animis ac delictis, nullâ criminum indulgentiâ, injecisset. Quæ à Lalainio ægrè audita, quod patrocinia reorum invidiâ Senatus suscepisset, infortunium animum maturando sceleri egere.

*Lalainius  
maturando  
sceleri sese  
accingit.*

Itaque Hagenio Campos in magnâ festinatione ablegato, circa primam vigiliam convenire conjuratos jussit, ijsque ut arma induerent monitis, aulicorum quoque domesticorumque turbam inter missis spiculatoribus armavit. Ipse vigilijs & continuâ inquietudine noctem extinxit, quam illum & exequendo sceleri commodam cogendis conjuratis sacraverat.

Scribunt militem quoque clam intra urbem admissum, perque pontificiorum domos & secreta in insidijs collocatum, oppressos somno foederatos, & occasionem incipiendæ cædis indicasse. Ita quintâ tandem matutinâ conjurati convenere, emissique quadraginta à Lalainio equites, qui albâ fasciâ sinistro brachio dignoscendis conjuratis affixâ, per urbem vicosque discurrent. Pontificij quoque ab exilio nuper in urbem intercedente Lalainio revocati solito ferociore animos acuerunt, coactique in coetus, dein in plateas more bacchantium effusi, incondito & nocturno clamore totam civitatem complevere. Forum quoque ipsum Everardus Simonius civicæ cohortis ductor, Petrus vero Oldendorpius reliqua urbis loca destinatis eâ nocte vigilijs obseperat. Quo urbis motu Consul Hildebrandius ad nocturni clamoris auditum, & furentium insaniam domo se effudit, auxilijsque suorum, quos in comitatu habuerat, nequicquam imploratis, velut manum conferturus, à Lalainij famulo glande plumbeâ ictus occubuit. Ita fidissimus

*Hildebrandus  
Consul  
plumbo tra-  
jicitur.*

patriæ civis à familiari suo proditus, miseram urbem suo primus sanguine repperit. Cujus cæde factum est, ut reliquis in fugam abreptis, conjurati per urbem ex arbitrio rem gererent, in quam è suburbij fax quoque nautica, vallo fossaque superatis, ad diripiendas foederatorum ædes dulcedine prædæ confluebat. Itaque tum eorum fores magnis ictibus pultatæ, quos aut altus sopor, aut pavoris magnitudo secretis domorum abstruserat. Lalainius ipse equo in forum provectus, strictumque gladium nefariâ manu tenens, ordinem & imperata sceleribus dabat, ministrosque conjurationis conturbandas ad domos hortabatur.

Quippe triginta schlopetarijs stipatus, quos aulae secreto detinuerat, animum sumperat, auxiliaq; altâ voce gerendis rebus implorans velut ipso natali præfecturæ die, dominum rectoremq; populi se professus est. Tum tribus campestribus tormentis ritè instructis, quaternâ tubâ signum dari jussit, tympanorumque consonantium clangore turbidam & ad pericula pavidam civitatem excitari.

*Plurima  
ex primarijs  
familia-  
vinculis da-  
ta.*

Quare plurimæ tunc familiæ non sine ludibrio in captivitate abductæ, faminæque imbelles, muliebri cultu à furentibus detractæ, maritorum & juxta suæ calamitati ingemuere. Theodorus Schafferus, Hildebrandio in consulatu collegâ graviter vulneratus, cum Regnero Alberda, Gulielmo Ubbena, Alberto Horenkenio, Everardo Huningio cæteris-

que



que militariis excubijs traditus, consularis & summæ in urbe potestatis dignitatem proterviâ militum & facinorosorum civium deludi contempsit. Ferunt vulgus ipsum & ex plebe infimos ad quingentorum sexcentorumque capitum numerum confluisse, ipsumque Lalainium auspicium nefario facinori facturum, velut præsentaneâ morte palluisse. Volente scilicet providentiâ ut reprobæ mentis index facies mortiferi coloris fœditate inquinaretur, ruboremque sanguinis & genarum suffecto luri-lo & deformi pallore venturæ tabis indicio amitteret. Aded instantis & ultimi periculi momentum omnem fiduciam anxiâ sollicitudine mutaverat. Tradunt factionum studia & earum acerbiteriam tantam in urbe Groningâ fuisse, & præter propinquorum animos partium discordijs corruptos, fratrum quoq; affectus, & naturæ amicitias fœdissimis odijs divulserit.

Tum Lalainius patrato scelere, à quo ordiri se imperium vecors & amens exclamaverat, in forum tabernâ vinariâ descendens, Thomam Ballenium, Pompeium Everardum, Joannem Wiferingium, Joannem Thomæum, Theodorum Robertium, Everardum Simonium urbis Syndicum, Joannem Goudanum, Hermannum Winbruggium, Jacobum Vinkeburgium & Nigellium Stellinguerfium cohortium ductores & conjuratorum primos factâ coronâ convocavit, verbisque pro concione factis sacramentum exegit. Itaque manus à circumstantibus passim in altum erectæ, dictoque obediens turba, ulteriori furoris ministerio se obligavit. Unde biduum abducendis in carceres familijs denuo exactum, non sine ejulatu ac lamentis eorum, quos aut sexus aut ætatis infirmitas ad perferendum crudele spectaculum non obduraverat. Mox convocatis fodalitatum opificumque collegijs, novum juratum concilium prior abrogato creari fecit Theodorumque Robertium & Christophorum Dieftanum Consules designavit. Igitur ex fugâ civium quos timor in fossam annemque Hunefum præcipites agebat, fœda passim per urbem & tristis solitudo, quæ ministrorum reformatorum primorumque civitatis sub ignoto quoque habitu subsequens discessu augebatur. Erant namque qui mutatis tantâ urbis tempestate rebus omnem spem salutis in exilio ponerent, quod modo huic, modo isti parti ex infido temporum statu obveniens fati, velut in orbem euntis, solatio præsentem miseriam allevabat. Dein redacta in potestatem urbe, paceque velut per solitudinem ex fugâ fœderatorum clarissimorumque civium partâ, regiæ gratiæ initiq; cum Farnesio fœderis edictum pro rostris publicavit, populumque recentis mali terrore consternatum illius in acta jurare iussit. Litteris quoque confestim exaratis agrariam nobilitatem opprimendis fœderatis sollicitavit, & ut illustriores familiæ regis gratiam amplexæ simili per agros sævitæ experimento suis partibus ac simul in repp. conjurationibus se innecèrent.

Cæterum nobilium animis immanitas sceleris & aversatio se infunderat. Cui expiando, ne quod placamentum teterrimo facinori deserviret, propiore fœderis sacramento se obligavere, armaque & pecuniam in mutua auxilia depacti cum recentissimi furoris infamiâ veteris in urbem odij memoriam refricavere. Quibus & hoc accedebat, quod Bartoldum Entenium clarissimorum per Omlandiam familiarem propinquum

cl. 12.  
LXXX.

*Lalainius  
Groninga  
veteri Ma-  
gistratus no-  
vum sub-  
stitu.*

*Lalainius  
nobilita-  
tem Om-  
landia in-  
sua partes  
trahere vo-  
lens.*



clō. Is. quitates & studia trahentem Lalainius hostem decreto Senatus oppida-  
 lxxx. ni proclamasset, omnisque suburbanus ager vastationi expositus nec-  
 dum remissi furoris insaniam redargueret. Quare metuebant, ne La-  
 lainius à Farnesio auxilijs instructus, in omnem Amasum inter Lavicam-  
 que flumina agrum se effunderet, insolensque civitas & ex peracto sce-  
 lere immanior domos atque arces & cum ijs omne sacrum ac familia-  
 re diriperet. Itaque legati Franckenæ litteris auxilia è Frisijs Dam-  
 monam evocata, quos prævisa Lalainij defectione, perferente eam fa-  
 mâ, minus ut solet perculerat. Econtra plurimis nationibus, quas  
 Lalainij nomen atque gloria pervaserat, defectionis pessimæ nuntium  
 stuporem incusserat, quod Aurantio quoque à Diderico Sonnoio com-  
 municatum, in principe animo fidem veri non inveniebat. Igitur ve-  
 lut illusionem mentis aut insomnio affectus, spem & fiduciam falsi ru-  
 moris retinuit, donec Joannis Cornputti & Lubberti Ulgeri centu-  
 rionis, qui discrimen clam evaserat, sermone tanquam certissimo te-  
 stimonio vinceretur. Quare tunc primum vacillare inanis fiducia cœ-  
 pit, verso eontra in diffidentiam principis ingenio, quod omne secre-  
 toris consilij cum Pontificijs commercium ex illâ Lalainij defectione  
 ac levitate respuebat.

*Albada  
 præfagium  
 de Lalai-  
 nio.*

Albada scribit, se in litteris i v. Kal. Mart. ad Frisios perscriptis, ab  
 eâ ut caverent monuisse, ac ut prædictionem istam ex arcano men-  
 tis præfagio profectam, tanquam futuræ defectionis fatidicum oraculum  
 interpretarentur. Quod ipsum etsi Regno Alberdæ Groningensium  
 Consuli ab eodem quoque communicatum fuisset, ita simulationibus La-  
 lainij nimium tribuisse, quas supra ætatem & juventæ calores exercere  
 doctus credulis & ad sua securis obrufisset. Itaq; famâ Lalainiæ defe-  
 ctionis Coloniam perlata, ubi Albada Frisiorum Legatus ex pacis adhuc  
 negotio hærebat, ovationes & gaudiâ hostium visebantur, quos morum  
 & juxta fortunæ lascivies luxu & comessationibus solutos ex unius de-  
 fectione faciebat. Scribunt à temulentis turpissimas proditioes fœde-  
 ratas quoque affectas, Lalainiumque avertendis, quæ struebantur, infi-  
 dijs sui securitatem inimicorum captivitate parasse. Igitur poscendis  
 pro Lalainio auxilijs, Farnesium eorum importunitate sollicitatum, quem  
 sola æris, ut tradunt, inopia maturandis delectibus morabatur. Alba-  
 da notat copias quasdam circa Karpenam arcem & per Cliviam tum ob-  
 errasse, nulloque rectore, aut stipendio effrænes, regis Philippi sacra-  
 mentum & signorum fidem defectu pecuniæ abnuisse. Quorum quoq;  
 inruptionibus ne Frisia reliquæque trans Rhenum provinciæ infestaren-  
 tur Aurantius Campis adhuc agens, de erigendis per Frisiæ confinia  
 munitionibus cogitavit, & ut Coverdiam Vidro fluvio & paludum uli-  
 gine inaccessam, rudi & imperfecto opere nuper circumductam, ma-  
 jore curâ emuniret. Burtangam quoque haud procul Reiderio ad A-  
 masum agro & Lingenfium finibus palustri loco sitam in formam justæ  
 munitionis efformaret, impositoq; fœderatorum Ordinum præsidio tue-  
 retur. Cujus negotij Diderico Sonnoio viro nobili & strennuo ad emis-  
 sarium Vidri fluminis, ut ante dixi, præsidium tenenti potestatem se-  
 cit, eaque de re Campis diploma præscripsit. Hohenloum quoque vi-  
 rum militiæ impigrum retinendo in fide mobili populo in Trans-Isulaniam  
 misit

misit, & ut omnem Drentiæ, qui Frisjs obtenditur, tractum una cum CRO. IO.  
Trans-Isulanæ oppidis Lalainio addictis Ordinum foederi asfereret. L X X X.

Econtra Lalainius clementiæ & simul Philippi virium documenta ostentabat, interque minas & blandimenta suspensum illius oræ populum militaribus potissimum præsidij coërcerat. Quare Sonoius ne ultra Lalainius lacertos moveret, & ut Itala amne Rheni fluminis com-  
Lalainius frustra ad defectio- nem sollici- tant Trans-Isulanæ,  
meatu ac commercio prohiberet, Camporum oppido Michaëlis Samplonij cohortem induxit, potissimamque Trans-Isulanæ partem, adinuante Hohenloo, in officio retinuit. Itaque Daventriæ & apud Suolanos Frisorum exemplo templa statuis ac ornamentis nudata, ope potissimum & consilio illorum, qui Lalainij ac conjuratorum detestandum facinus & maculatam perjurio fidem execrabantur. Itaque per illam & vicinas regiones Lalainij & Groningensium litteræ odio foedi facinoris per foederatorum exploratores interceptæ, quos observandis tabellionibus per omnia viarum spatia periculosissimi temporis sollicitudo præmiserat. Cornputtus quoque Drentino ex agro ubi stativa cum cohorte agebat, datis Groningam ad Lalainium litteris pro captivo Senatu & foederatis civibus intercessit, pariaque nisi illæsi redderentur comminatus pronum ad sævitiem defectoris ingenium conterruit. Cujus odio post sacerdotum fugam, cœnobitæ quoque reliquis Omnia sacra-rium ædium bona in usum publicum versa,  
per Frisiam monasterijs etsi specie liberæ cessionis excedere jussi, omniaque sacrarum ædium bona in tabulas redacta. Quare inter Oostergoos Wolfendij Carmelitæ, Clarecampij & Docomienfes, è Westergois pensionibus annuis ad alimenta in vitam impetratis cœnobia deferuere, quæ magna religiosorum multitudine per censum & opulentiam referta mæstâ solitudine squallebant.

F. Nicolaus notat Stauriensi fano à militibus direpto, vastatisque altaribus, Cornelium Wedam centurionem cum præsidio urbe excessisse, Martioq; mense pleraq; per Frisiam fana & monasticorum collegia, velut publico tempestatibus consensu, spoliata. Magnum quoq; religiosorum numerum in custodiam conditum, redimendis, ut creditum fuit, captivis quos Lalainius satiato necdum furore Groningæ in vinculis asservabat.

Reperio in actis Carmelitarum apud Ilstanos cœnobio eandem vim inlatam, ejusque dotem ab Hobbone Bardio ex professione consulum commentario perscriptam. Ita sacer census gerendo in regiones bello & stipendijs militum destinatus, quæstoresq; ærarij illâ rerum angustiam reddendis rationibus & ad præstandum æs decreto Ordinum adacti. In quibus cum esset qui pecuniam ærarij exsolvendis Germanorum quæ Philippo & Senatui militaverant cohortibus & provinciæ debitis assignandam criminaretur homo Pontificius & ex regiâ factione, Delegati è collegio Deputatorum Barthius Idsaerda & Gellius Sibæus, qui pecuniæ administratione eum prohiberent, invitoque & fortè reluctanti paratum æs extorquerent. Quare vigilum urbis præfecto, duobus schlopetarijs & ferrario fabro stipati in ejus ædem irruere malleoque feræ admoto, effringi cistam jussere, in quâ publicas pecunias asservari famâ perceperant. Cæterum de vi obtestatus ad Deum, Justitiam, Regem suum & terrarum orbis fidem provocavit, cavitque ne ista actio oneri sibi aut damno esset, & ut obtestatio ad innocentia probationem valeret.



CL. IO. Mox recluso ærarij secreto, pecuniâ omnis Paulo Gellio successori tradita, ipseque tanquam decreto Ordinum contumax omni æris possessione ac tribunatu ærarij submotus est. Id III. Non. Mart. factum. Quibus & hoc accedebat, quod collatis pridie accepti expensique rationibus tredecim carolæorum millia, quadringenti & nonaginta Septem in ærario considerarentur, tabulæque ea de re scriptæ malè administrati æris hominem importunum convincerent. Tum omnium rerum venalium, quæ provinciâ exportabantur, indictiones ab agrarijs in comitio scriptæ, quod alieni æris magnitudo & apparatus belli exhausterant. Itaque equorum pecorumque pretia æstumata, vigesimaque quinta æris portio in ærarium inferri iussa divitem armenti provinciam ditavit. Tum butyri, casei adipis, tergorum, bovis sevi, laridi, mellis, salitarum carniū pisciumque, lanæ, cespitum, lignorum, calcis, leguminum, frumenti, fœni, similiumque rerum pondera ac mensuræ tributo subjectæ, omneque vicinarum gentium victui atque commercio inserviens onere ac portorio gravatum. Tabulæ ab Epæo Douma Hallemio & Suffrido Fockenio pro Oostergoïs, Foppio Grovensteinio, Joanne Hottingha, Justo Ockingha, Horatio Hettenio Douma, Dyonisio Adama pro Westergoïs, Regnero Idsio, Feicone Tatmanno & Gellio Hepkenio pro Sylvestribus signatæ.

Refert F. Nicolaus, Martio mense comitium Frisicæ gentis indictum, eoque decretum ut in bimestre quadraginta octo aureorum millia in tributum præstarentur. Frisij quoque in provinciali aut Status concilio socio jure ternos haberent, Omlandiaque cum Groningâ urbe Ultrajectino fœderi aut generalium Ordinum societati restituta unius provinciæ nomine censeretur. In dignitatibus etiam primi Ordinis obtinendis terni à provincialibus nuncuparentur, unusque à Deputatis Ordinum jure representationis Electus, diploma à Gubernatore Generali & provinciali Concilio acciperet.

Invenio in actis, Ordines generales Antverpiæ congregatos, centesimam bonorum aut quintam annuorum redituum partem, in subsidia Frisios tum reliquasque Belgicæ provincias inter cætera tum poposcisse, Frisiosque à repetendis perferendisque istiusmodi oneribus alienos mollioribus ut haberentur tributis decrevisse. Itaque Legatis Antverpiam ituris mandatum est duriora tributa & ingenio gentis adversa removeri Frisiâ curarent, populique fortunæ & tenuioribus rebus terrarum suarum inundationes & dissipatas præsidij opes obtenderent. Secus, invalidâ excusatione, vicinarum provinciarum moribus ac decretis se afformarent. Quod ad applicanda reip. ærario Ecclesiastica bona, aut emendandos eorum usus (nam id Ordines generales petierant) attineret, fidem facerent, quoniam jure Ultrajectini fœderis cuique provinciæ in causâ religionis disponere liberum foret, se statuisse stabiliendæ paci ac concordiæ Romana Pontificia per Frisiam religio aboleretur. Quippe sacerdotum plurimos conjurationis in patriam & hostilis consilij confcios provinciâ fugisse, religionisque pacem & Ultrajectinum fœdus aversatos beneficijs suis ultro renunciassse, aut in prava consilia ferendis per Frisiam discordijs deflexisse. Itaque decrevisse se, ut Missæ exercitio sacerdotes prohibeantur, & ut omnis antiqua beneficij collatio cesset,

*Omniū rerum venalium indictiones scriptæ per Frisiam.*

*Frisij graviora onera abnuunt.*



set, exemptoque patronatus & privato possessorum jure, à provinciali eis. Id. Senatu & Deputatis Ordinum rescindatur. Postremum de bonis fisco LXXXI  
adjudicatis (nam & hoc subjunxerant) aut post acquirendis Senatusconfi-  
perscripsisse, ut ea publico Frisæ arario inferenda censuerint, Deputa-  
torumque consilio ac autoritate muniendis agris ac civitatibus admo-  
nenda, dum commune provincialis fisci ararium applicandis in certis  
usus fiscalibus bonis ac actionibus erectum sit.

Mox Ordinum foederatorum decreto ne dubijs temporum ex licen-  
tiâ militum, disciplina & autoritas imperij labasceret, leges innovando  
formandoque militari sacramento scriptæ, Frisiorumq; præsidij à Re-  
nico Cammingha Censore copiarum solemniter ritu prælectæ. Istæ erant:

*Vi federatus miles Geldrie, Zutphanie, Hollandie, Zelandie, Ultrajecti, Leges in-*  
*Frisie & Omlandie Ordinibus fidem præstaret, eorumque tribunis, centurioni-*  
*bus aut vicarijs pareret. Damna quoque & incommoda à federatis provincijs & formando-*  
*earum socijs averteret, hostique removendo, terrâ, mari, in acie ac locorum op- ri sacramen-*  
*pugnatione, denique in stationibus expeditionibusque faciendis, officia atque to scripæ,*  
*vitam impenderet. Matthiæ Archiduci, Aurantio principi ejus Vicario,*  
*Ordinibus generalibus federatis & Frisie sacramentum diceret, consiliaque aut*  
*facta salutis publicæ adversa aut noxia, si quæ innotescerent, apud ductores*  
*cohortum profiteretur. Arma in promptu noctu & interdiu quibuscunque in*  
*locis haberet ijque tam in Hispanos eorumque socios, quam grassatores pa-*  
*cis publicæ & Ordinum hostes uteretur. Ijs adductos, aut subducere se imperio*  
*Archiducis, Auranti, Ordinum federatorum & Frisie in spem regie pacis agi-*  
*zantes ad centuriones vicariosque deferret. Conventus & conspirationes incon-*  
*sultis Tribunis ac centurionibus non iniret, cæterum binos aut ternos perferendis*  
*ad Ordines, Præfectum, Deputatos aut eorum legatos querelis deligeret, Pro-*  
*vinciâ inopiâ aris laborante, modico stipendio aut victu haberetur, residuumq;*  
*æs quaternis mensibus acciperet. Signum pugnæ, non nisi de mandato Centu-*  
*riionis ederet, id si daretur, in armis foret, à signis non nisi ex causâ son-*  
*itica abesset. Expeditionibus, excubiarum, aut pugnæ tempore pecuniam non fla-*  
*gitaret, id faciens, laqueo necaretur. Mandata Superiorum deirectans res-*  
*puensq; vitam amitteret. Iustitiæ impedimentum nemo faceret, cæterum isti*  
*administrandæ juramento se obligaret. Recensioni quovis tempore se permitte-*  
*ret istâ durante, Sclopetum glande non instrueret, laxaretur. Id si faceret,*  
*pennâ mortis aut arbitrariâ corrigeretur. Censori copiarum omnem honorem atq;*  
*officium deferret, verba facienti dicto audiens esset, pecuniam sub pennâ mor-*  
*tis non posceret. Ad signa temulentus non veniret, pugnâ, convicio, maledi-*  
*ctis aut blasphemijs sub arbitraria correctionis pennâ abstineret. Glande plum-*  
*bæâ non nisi in hostem, aut tempore excubiarum & de mandato Præfecti cohor-*  
*tis sub pennâ extremi supplicij uteretur. Excubias ad mandatum Superioris fa-*  
*ceret, eæ nullo tempore intermissæ unius aut duarum horarum essent. Pro-*  
*cul somno miles vigilijs vacaret. Præsidij loco excessurus nulli damnum aut*  
*injuriâ crearet, id si faceret, libram Flandricam penderet.*

Quæ singula 1 v. Eid Mart. Franekeræ, dein alijs in locis juramento  
firmata, labantem fato aut ex moribus temporum disciplinam emendavere.

Sic tributo pensandis bimestribus stipendijs per provinciam decre-  
to & militari populo parendi legibus adstricto, signa è Frisijs in Trans-

CL. IO. Lavicanos missa, quæ in spem ultionis & obsidij Ioannes Cornputtus  
 LXXX. vir militiæ & consilij impiger ex Weddano castello omnique vicinâ  
 munitione Groningam ad urbem conduxerat. Quod consilium eo  
 magis festinabatur, quod Lalainius, in scissâ & factionibus debili civi-  
 tate ageret, invidiæq; civium ex cæde & tantâ mutatione rerum expo-  
 situs raris munitionibus circumductâ urbe, tanquam imbelli, se tuere-  
 tur. Cui factô etfi velum aliquod adhuc obtenderet, facili talium ar-  
 tium juventâ, ita erant nihilominus, qui pristinum amorem ejus odio  
 mutarent, scelerisq; infamiam diritate atrocissimi criminis exsecrarentur.

*Lalainium  
 licet occupa-  
 tâ urbe ta-  
 men inivi-  
 diâ civium  
 laborat.*

Legi epistolam Georgij Gruteri consiliarij aulici ad Theodorum Lonckium foederati apud Ultrajectinos collegij in Frisiam tum Legatum, manu scriptam, quâ foeditatem patrati facinoris elevabat, ac si Lalainij, aulicorum & Groningani populi securitas in ultimo discrimine constituta extremi & præcipitis remedij eguisset, Quippe dolosis inimicorum consilij circumventum assererat & potissimum illorum, qui seditionis turbidisq; ingenijs diu usi, vitæ, famæ atq; fortunis Lalainij paratum exitium destinavissent. Igitur festinato ad præveniendos insidiantium astus, opus fuisse, ne dissimulato periculo paucissimarum horarum spatio tracta præclari facinoris tarditas perniciem daret, quod propediem publica patrocinia & terrarum orbis conscientiam pro teste laudis habiturum esset. Quare petebat Gruterus, ut Lonckius Burchiusq; apud Frisios Legati id factum, tanquam ex necessitate petitum, benignè interpretarentur, crederentque non malum & iniquum foederi animum, cæterum subitanæ rerum mutationi tuendæ salutis justam sollicitudinem velut causam subfuisse. Notarum ad epistolam autor scribit, illam fascinando potissimum Aurantio & quibusque probissimis exaratam, quo persuasione necessariæ defectonis & suæ credulitatis vitio decepti, veteri in Lalainium fiduciâ foecordiam & ignaviam induerent. Cæterum fraudi & fucandis mentibus destinata foederatorum procerum cura atque sollicitudo pervererat.

*Sonnoius  
 Coverdiam  
 ac Burtan-  
 gam muni-  
 re jubetur.*

Sonnoius namque muniendæ Coverdiæ ac Burtangæ mandatum exequi jussus, binas peditum cohortes, quas Cornputtus & Wingardius ducebant, Coverdiam festino itinere expedierat, quo præsidij cohortium munitionis erigendiq; novi operis consilium foelicius procederent. Ubi seditione militum duorum supplicio sedatâ, qui immodestius stipendia flagitantes cædes & direptiones signorum comminabantur, Adriani Antonij Alcmariani arte septemplex valli fundamenta erexit, operisque utilissimi propositum admolari annixus est. Sed vallo jacto perducendi ad finem operis consilium abruptit, tergiversantibus Frisij castellum premendis Drentinis olim extractum, novo sumptui atque servitio emuniri. Non ideo scilicet arces per Frisiam regiæ externæque dominationis munimenta civilibus se armis destruxisse ut quiete Frisiorum terris redditâ superioris imperij novum exemplum in vicinâ gente spectaret, castellaque domi diruta foris extrueret. Ea certe infida regni documenta diu fuisse, regnaturumque adhuc foelicius Philippum, si amotâ arcium fiduciâ, stabilis imperij præsidium favore populi firmet, superbasque moles & dissociandis dominantium parentumque ingenijs extractas, cum vestigijs veteris invidiæ aboleat. Simile patribus cogitan-



gitandum esse, ne reprobato regis imperio spes libertatis vicinis gentibus præcludant, suæque servitutis pertæsi, alienæ autores habeantur. L x x x. Cæterum utilissimo operi, ut ex provinciarum dissensiones ita ærarij angustia impedimentum potissimum nascebatur, indignante Sonoio tantæ molis exordium in illo castrensi & tuendorum finium apparatu morâ aut æmulatione exolescere. Recludendas potius provinciarum opes, removendamque inutilem parsimoniam esse, muniendæ ocys Coverdiæ, quæ securitatem omni trans Rhenum provinciæ, metum ac desperationem obsessæ urbi allatura sit. Nam & ita auxilia sperantibus intercludi, & penuriam commeatus atque annonæ Groninganis orituram si Coverdiam ex arte munitam justis fœderati præsidij impleverint. Cæterum viri tuendæ patriæ studio flagrantis hortamentis monitionibusque parum retributum, æmulatione potissimum illarum nationum, quarum incolumitati perficiendi operis desiderium destinabatur. Adeo ad propria commoda focors quoque & supina securitas illis temporibus erat. Quare Burtangæ quoque multo opere vallandæ ardor intepuit, frigescente rusticæ plebis & fossorum officio, quod Entenius Weddano ex agro pecus abegisset, populationibusque ipsi Drentiæ, infestus societatem illius populi hostilibus moribus infirmaret. Itaque Sonoium etsi pro restituendo pecore apud Hohenloium intercedentem, laborantium multitudo destituit, operisque neglecti & mox deserti incuriâ omnè Frisorum ad firmandam Burtangam salubre consilium disparuit. Quippe non subsidij, aut æris pollicitatio, non instantis periculi timor continuando labori eos incendebat, quorum animos à publici boni curâ socij fœderatiq; militis insolentia & rapinarum dulcedo averterat. Igitur hosti colligendis circa Rhenum auxilijs occupato planum in Drentiam & Translavicanos iter patefactum est, quod alias ex fœculentâ paludum altissimarum uligine imperium, parantibus irruptionem monstrabatur.

Clarissimus fidissimusque illius temporis scriptor tradit intermissi operis damnum & simul dedecus avaritiæ præcipuè Sonoij imputatum, quod strangulatâ laborantium mercede, pecuniam erigendis munitionibus decretam privatos in usus fœdissimo peculatu convertisset. Quare omiſſa istarum munitionum curâ, parum quoque ad Groningæ obſidionem profectum, quam rudi caſtrorum forma & auxiliorum defectu infructuosam fore sagaces futurorum ominabantur. Quippe in caſtris triginta tantum pedestres, equitum binæ cohortes numerabantur, quas vagas, & planos per agros, rarâ virtutis ad urbem ostentatione se spargentes, licentia militaris imprudentisq; ac temulenti Ducis debile imperium faciebat. Econtra ab oppidanis delectus quoq; per urbem instituti, quæ eâ parte, qua Hunefum amnem excipit, & genuino molari colle exurgit, permunita, pascendi per suburbana pecoris curam non intermittebat.

Entenius verò, Reiderio amni, qui ad Ahæ Hunefique confluentes omne aquæ declivium ad æstuarium longo tractu desert, terrâ atq; obice oppilato, reliquos minores pontibus constravit, quo urbem frequentia populi amplam, intercepto commeatu, annonæ penuriâ gravaret. Quod tantillis cum copijs facere arduum ac difficile expendentibus periculum videbatur, auctâ insuper potiundæ urbis desperatione, quod præter tormentorum machinarumque defectum, pecuniæ quoque & stipendio

*Burtangæ  
vallandæ  
ardor intepuit  
& disparuit.*

*Quod avaritiâ Sonoij imputatum.*

*Entenius  
Reiderium  
amnem  
terra atque  
obice oppilatus.*



clo. Io. diorum inopiâ insolens exercitus laboraret. Itaq; Winsumano comitio, LXXX. campanarum per Omlandiam æs fundendis tormentis decretum, & ut omne cœnobiorum, templorumque aurum atque argentum monetæ formâ signaretur. Unde sacræ opes, & per eas in luxum profusior divini cultus, templis ac monasterijs detractus, indulgentiâ quoque & decreto ipsorum Præfulum, quos vetus in urbem odium profanandis, ut credebatur, sacris quoque suis accenderat. Quare & de eorum antistitum, qui civitates partes delegerant bonis fisco addicendis eodem comitio deliberatum, & ut Entenio premendæ arctius civitati majora auxilia decernerentur.

Entenius  
gloriæ suæ  
indulgens  
omne auxi-  
lium re-  
spuit.

Cæterum Entenius gloriæ suæ, ultra quam par erat, indulgens, alienæ æmulator, magnosque & supra fortunam spiritus gerens, omne auxilium respuebat, ratus civitatem, etsi inexpiabili erga se odio affectam, suo arbitrio se permissurum. Quod ne fieret, & ne Philippus omni inter Amasum, Vidrum & Lavicam orâ submoveretur, Farnesius liberandis Gröningensibus auxilia conducit ad Rhenum fecit, quæ jam antè per Cliviam tumultuariè & sparsim collecta, populationibus ac omni insolentiâ illum agri tractum divexaverant. Cæterum copię in procinctu expeditionis stantes, & Rhenum trajecturæ à Philippo Hohenfatio, Iselfsteinio alijsque fœderati exercitus ductoribus cæsæ ac dissipatæ, omneque auxilium solvendæ Groningensium obsidioni & opprimendis Frisij destinatum, Rheni ripâ supra Novesium & in Colonien- sium fines submotum.

Lalainium  
penitentia  
defectionis  
invadit,  
sed à Cor-  
nelia sorore  
obfirmatur.

Unde Lalainium pœnitentia festinata defectionis invasit, quod æquo tardioribus, velut cunctantis & hærentis Farnesij, auxilijs infestam manum cælestis ira, aut fortunæ adversitas injecisset. Cæterum, à Corneliâ sorore obfirmatus, animum recepit, primamque pectoris aggritudinem ex adversis rebus natam spe secundarum, & mollioris fati excussit. Adeo, more mortalium, juvenili mente ad instantis ævi foelicitatem arrectâ, futura præsentibus Lalainio potiora videbantur. Quippe virilis ingenij fœmina, commendandis Philippi partibus indefessa, præter dignitates & honores à Farnesio supplementa novæ cladis pollicebatur, foreque propediem ut regiæ gratiæ & deserti fœderis amplos fructus accipiat. Necdum scilicet fortunam res obsessas civitatis, & juxta fratris sui in extremo posuisse, esseque inter confusa hostium castra quod auxilium periculo promittere queat, tanto certius & validius adfuturum, quanto majoris curæ & apparatus egeret. In Farnesij certè verba & fidem se jurare, quæ non latura sit fratrem suum, & optumam civitatem in hostium manus ac lubricum recidere. Quæ muliebri arte ac confidentiâ ex prompta Buchonis quoque Ayta Præpositi Gandensis secretioribus litteris confirmabantur. Itaque mittendi auxiliij commeatus, pecuniæ fide datâ, fama quoque nuperæ ad Rhenum cladis extenuata, quo Lalainius pœnitentia defectionis excors novi auxiliij fiduciâ allevaretur.

Legatio  
Hagam ad  
Ordines fa-  
der. os in-  
stitutæ.

Itaque Lalainio intra muros Groningæ obfesso, Legatio Hagam ad fœderatos Ordines instituta, delegatq; Doco Martna, Hesselus Aysma Ictus, Carolus Roorda & Jacobus Jacobæus Bolsuerdiensium Consul, qui eadem fungerentur.

Eorum M A N D A T A erant.

clb. 10.

*Vt in eligendo ANDINO reliquarum provinciarum suffragijs se afformarent, ca-  
verentq; universi, ne quid mali, Gallia exemplo, ex ANDINI, aut suorum con-  
silijs obveniret. Concilium provinciale sub cautione antè expressâ constitui face-  
rent, in tributo & censu ararij agendo tum vectigalibus nauticis ac portorijs  
commune consilium sequerentur. Centesimam bonorum aut quintam reddituum ob  
rationes jam antè dictas excusarent, binos sestertios in cujusq; cerevisiæ tonnas  
parando commeatui bellico imponi sinerent. Decretum de domanijs, ut vocant,  
regijs, & cœnobiorum bonis bello applicandis factâ relatione perferrent. Di-  
vino nomini, patriæ saluti, præservandis ab hostium incurso agris sua officia,  
suam legationem impenderent. Curarent quoque, ut quod publicæ causæ ex Ec-  
clesiasticis bonis impensum esset, ratum haberetur. AURANTIUS de-  
sertam à LALAINIO Præfecturam susciperet, vicariæ administrande  
GULIELMUM LUDOVICUM NASSOVIVM, aut  
alium sui sanguinis sufficeret. Hæc XIV. Kal. April. signata.*

LXXX.  
Huius man-  
data.

Mox foedus inter agrarios oppidanosque percussum, diffidentesque  
& velut divisi antè provinciales certo reip. corpore conclusi.

Inter agrá-  
rios & oppi-  
danos per-  
cussum fœ-  
dus, cuius  
Formula.

F O R M U L A F O E D E R I S erat.

*Mutua inter provinciales societas & communio reip. esto. Oppidani agrarios  
cum uxoribus atque liberis, quovis tempore, salvo tamen civitatis jure reci-  
piunt. Tormenta, pulverem, ceteraque belli subsidia ex armamentario de con-  
silio Deputatorum oppidani agrarijs subministrant. Tuendis provinciæ privi-  
legijs mutuas operas præstanto, eorum violatoribus communi consilio occurrun-  
to. Fœdus hoc nemo, nec nisi perduellis, aut pacis publicæ ruptor infringito;  
id facientem lege coercendo.*

Quod foedus pro agrarijs à Serapio Galama, Geroldo Intenio, I.  
Sannio, S. Fockenio, F. Tatmanno, Horatio Hetteni, Scipione Mec-  
kama, Iancone Osingha & Aucone Edonio signatum, soli Harlingani  
in spem muniendæ publico sumptu urbium confirmare. A reliquis  
vero oppidanis post annum & alterum, ut memorabo, approbatum, spem  
etfi lubricam, communi concordia injecti.

Soli Har-  
lingani  
confir-  
mant.

Itaque icto foedere, disiectisque cœnobijs (quæ ante sæcula rudi  
temporum ætate zelo pietatis extructa incrementa opum, foedissimi lu-  
xus fecerant) immensi proventus & in invidiam nobilium familiarum ul-  
tra modum aucti, scholarum templorumque ministerijs admoti, con-  
sensu ipsorum Antistitum, quibus modica sustentandæ vitæ subsidia va-  
litura ad frugalitatem decernebantur.

Cœnobia-  
rum pro-  
ventus scd-  
larum tem-  
plorumque  
ministerijs  
admove-  
tur.

Cæteris hostium partes secutis omne pensionis annuæ beneficium in-  
terceptum, eorumque ætas, quieti & otio destinata, facili transfugio  
inter arma aut eorum metum consennuit. Quare templis ac fanis, au-  
rea atque argentea vasa, tum insularum, vestiumque sacerdotalium præ-  
tiosissimi habitus subducti, omneque antiquæ pietatis donarium sacris  
ministerijs decretum, alijs usibus applicatum. Quippe post præsulum  
fugam monasterijs Floridi Campi, Thaboritano, & Lidlumenfi men-  
se Februarii cœnobia decesserant, amotisque locorum rectoribus, sa-  
crorum quoque exercitia solitudo aut metus intermiserat. Quo tempo-

Præsulum,  
monacho-  
rum & sa-  
crorum vir-  
ginum sit-  
re 84.



CL. IO. romana cum Clarecampensium Docomiensiumque monasticis fodalitatibus, Sionæ quoque virgines alimenta ad vitam depactæ coenobio profugerant, quod ab illo sexu diu frequentatum, triste tum silentium pro conditione temporis admiserat. Tunc ditium quoque pagorum fana omni auro atque argento privata, ornatusque sacrarum passim ædium tanquam superstitioni obnoxius, provincialium oculis subductus est.

Reperio in actis celebri apud Dronripios fano, quod suis opibus, & municipalium liberalitate inclaruerat, præter sex argenteos reliquamque argenteam supellectilem, undecim libras æquantem, tres quoque è rubro holoserico sacerdotes togas sacris surreptas redactasque in inventarium, incerto aut obscuro autore, disparuisse. Postremum Anna Herennia cum suarum monialium turbâ novo quoque propè Ssecam coenobio cessit, singulæque cum cæteris eodem fato in diversa terrarum sparsæ, aut connubijs, aut civili vitæ transcriptæ, annuarum pensionum usu, ac tori dulcedine fugæ tædia & primam ægritudinem lenivère.

Quippe omne signatum paratumque æs fugientium Præfulum avarities absconderat, qui nocturnis itineribus, expilatis ac desertis coenobijs Groningam profecti, conducendis in patriam militibus raptum ex ærario censum suggerebant.

*Gaza regia publicanis in tres annos locatur.*

Itaque ditium coenobiorum gazâ direptâ, regia excisa, ut vocant, in Basilicâ 26. April. in tres annos & medium publicanis locata, cæterum eâ cautione, ut sublevando ærario, biennale locarium specie anticipationis intra quatridduum penderent, reliquumque locarij ad Kal. Majas anni octuagesimi primi præstarent. Cui oneri, ut veteri immunitate & ex beneficio Cæsaris nobilitas eximeretur, libellum supplicem Deputatis Ordinum hunc in modum exhibuit.

*Cui oneri se eximi postulat nobilitas per libellum supplicem.*

*Nobilitatis Frisicæ bona, DEPUTATI, Anno 1515. translatâ à SAXONIE in Austriam provinciâ CAROLUS post Cæsar divæ memoriæ onerum immunita esse iussit. Quod beneficium ijs potissimum Carolinâ liberalitate indultum, qui Saxonie Duci fidem professi, fidelitate obsequij, aut pretio, omnia rerum servitia redemerunt. Igitur decretum, ut illi eorumque coloni in perpetuum ab omni onere liberi forent, vimque & fructum beneficij ex merito, aut pro munere servatæ fidei sentirent. Cæterum nobilitas in ejus possessionem, aut umbram vix admissa, oblitteratum quorundam morte, aut decursu temporis beneficium non retinuit, cum per vim regie, aut suorum dominationis oppresso jure & abolitâ immunitate, excisæ & omnium onerum sarcinam ferre coacta est. Nunc vero ex Gandavensi fœdere in integrum restituta, quod postliminij jure beneficia reddebat, vestram opem implorat, ac ut veteris beneficij legem ex eodem fœdere renovetis. Quin scitote humanæ societatis lubricum non alio, aut saltem firmiore fulcro sustineri, quam si boni præmia & mercedem fidelis obsequij ferant, mali & defectores pœnis aut supplicijs corrigantur. Qui ipsi ut contumaciam parendi plerumque ex amissi juris aut beneficij sensu induunt, ita econtra affectus animorum conciliat, & æquitatis ratio introspecta & antiqui juris confirmatio. Cujus usu ut nos redonetis, DEPUTATI, ad vetustatis reverentiam, & vestram gratiam provocamus, quæ non malum experimentum suæ sinceritatis ac judicij factura scit, si nostram & majorum eminentiam, illeis cæteris provincialibus agnoverit. Id si fecerit, familiam & posteros nostros im-*



munitate onerum & imprimis Excise donaverit, arctiore vinculo nostra gratitudo & agnitio beneficij provinciae nos obligabit, quibus animus erit cum professione obsequij, vitam atque fortunas nostras nascenti reip. impendere.

Hæc Wilconis Holdingha, Heronis Burmania, Sibrandi Burmania, Renici Cammingha, Iulij Botnia, Upconis Burmania, Renici Cammingha, Kemponis Donia, Hesselii Emingha & Sibrandi Cammingha manu signata.

Quæ res quod à meri imperij aut majestatis dispositione petenda esset, à Deputatis ad Archiducem Matthiam aut in proximum si vellet comitium rejecta.

Quo ferè tempore omnem per Belgicam occulto tremore tellus concussa, stupentibus plerisque subterraneos illos motus, rarà temporum ætate his in provinciis observatos, novo rerum prodigio invalescere. Quippe montanis locis, quæ natura beneficio internæ cavitatis extulisset, eos obvenire edocti, tanto magis in admirationem illius tremoris rapiebantur, quod sereno tranquilloque coelo fieret, proculque tempestatibus & vi ventorum solidam terræ molem & vicinis aquis interfusam impellente spiritu concuteret.

Tradunt scriptores lapides passim ex ædificijs dilapsos, omneque æs campanum, vibratis quasi turribus, agitatum sonitus edidisse. Mare quoque ipsum etsi placidissimum & strato æquore blandiens, manifestâ succussione actum, fluoreque suo, vacui experts, profundiore causâ impulsus, superficiem movisse. Quod si vaporum exitum parantium, & velut enitentium vi evenit, quæ compactas quoque nubes in ipso aëre diffindit ac movet, siue maris aut aquarum æstu maritima, aut fluminibus proxima agitante, mihi persuasum est, motum illum ab imo in superiora provectum, suo quoque fine ac prædictione non caruisse. Decernente velut naturâ rerum, ut pace Belgica Regem inter & Ordines apud Coloniam tum abruptâ, illo insoliti tremoris præludio funestos bellorum motus aperiret. Id 8. Eid. April. horâ post meridiem sextâ factum autores tradunt.

Invenio in actis istorum temporum Ordines foederatos Ultrajecti tum confidentes, jam ante mense Februario de Colonienfis pacis foelici eventu desperasse, omnemque salutis suæ & juxta publicæ spem in sanctissimi optumique foederis tutelâ, tanquam certissimo fortunæ præsidio, posuisse. Itaque decrevisse ut ambiguis animorum inclinationibus præter Præfectos, Magistratus, collegia, fodalitates provinciarum & civitatum populus quoque universus ad jusjurandum foederis adigeretur, nullam pacis cum Philippo rege conventionem, præterquam servato Ultrajectino foedere, adiret. Magistratus quoque suspitione aliquâ regiæ partis ataminati, etiam ante diem loco ac dignitate moverentur, velut poscente reip. discrimine, ne vanâ pace regiâ, suspectis aut incertæ in patriam fidei rectoribus administratio rerum demandaretur. Cui pacis tractationi continuandæ, etsi Cæsar in speciem se interponeret, ita erant, qui non ignorarent, Cæsarem avunculi & simul sororij regis, plus propinquitati & amicitiae, quam Belgarum causæ, durante apud Coloniam conventu, dedisse. Igitur sumptis clam de removendo Philippo deliberationibus in Andinum eorum consilia reflectabantur, qui Cæsaris,

Prodigia  
per omnem  
Belgicam,

De his ju-  
diciis an-  
tern,

Ordinum  
foederato-  
rum Ultra-  
jecti consi-  
derantium  
consilia &  
decreta.

CL. IO. Philippique propinquitatibus & Electorum principum in Romanam re-  
LXXX. ligationem propensioribus studiis diffusi, Gallicæ & Andinæ societatis  
commendatione concilia patrum inquietabant. A qua amplectendâ, etsi  
suspecta regnantium indoles, & funestissimi eâ ætate Galliarum motus  
deterrent, ita necessitati obtemperandum censebant, qui æquissimi  
Belgicæ imbecillitatis æstimatorum omne ad auxilia externi principis suf-  
fugium præclusum provincijs opinabantur. Quæ etsi in secreto patrum  
disceptarentur, ita Philippo & Cæsari non ignorabantur, adeo parum  
confectis eo tempore magnarum rerum arcanis, ut aut aliorum impru-  
dentiâ aut aliorum levitate aut malitiâ evulgarentur.

Philippo &  
Cæsari non  
ignorantur.

Quare Cæsar litteras XII. Mai Pragâ Bohemorum ad Ordines gene-  
rales hunc in modum dedit:

Cæsari ad  
Ordines ge-  
nerales lit-  
teræ, qui-  
bus eos ut  
ab Andini  
societate  
abstineant,  
hortatur.

**C**VM ANDINO societatem vos agitare intelligo, ORDINES,  
& repetere ea velle, quæ dissuasera. Ac quanquam spes me adhuc cæ-  
perat, fore, ut cum PHILIPPO rege, cum principe vestro in  
gratiam rediretis meâ & Romani Imperij intercessione, ita deprehen-  
do externa fœdera domesticâ pace apud vos potiora esse. Quod cum ita sit,  
ab obsequio regis à majorum religione alienos vos esse indicium facitis, præter fi-  
dem mihi Cæsari & Romano Imperio factam, quâ in religione Romanâ & re-  
gio obsequio perseverare vos constituisse, non semel professi estis. Qui animus  
si vobis etiamnum esset, pro bello pacem haberetis, neque esset, quod vos à  
principe vestro, principem à vobis divelleret. Quod malum ut sanari aut tolli possit,  
hortor ut ab ANDINI societate abstineatis, & ut fide in PHILIPPUM  
regem & simul receptam religionem proni legatos ad me CAESAREM mit-  
tatis ocyus. Nam id facturos vos soluto ad Coloniâ conventu vestris ex litteris  
arbitrabar, quod cum cæteris neglectum, ut redintegretis moneo. Quo facto da-  
turus sum operam, ut me CAESAREM juvandis rebus vestris, & concili-  
liandæ regem inter & vos paci primum, atque facilem habitum sitis.

Ad quas ORDINES:

Ordinum  
Fœderat.  
Responsio.

**L**ITTERARVM nostrarum argumentum quibus abrupto Colo-  
niensi conventu legatos à tractandâ pace revocavimus, Invidissime IM-  
PERATOR, memoriâ adhuc tenemus. Interea de mittendis ad te  
Legatis cogitavimus, quæ tuorum & PHILIPPI mandatariorum  
immodestis criminationibus nostra innocentia se purgaret. Ceterum minuen-  
dis obrectationibus atque odijs legato intermissa. Nunc verò cum nova cum  
ANDINO Galliarum regis fratre pepigisse fœdera arguamur, professione  
integritatis nostræ nos excusamus, testamurque procul novorum fœderum consilio,  
anteactæ tantum cum ANDINO societatis contractum atque memoriam in-  
novasse: Non ut tuæ majestati, aut Romano Imperio ista conventionis con-  
firmatio aliquid derogaret, cæterum ut sub auxilijs potentissimi principis nostra  
vita atque fortuna protegeretur. Quod ideo consilium maturare coacti sumus,  
postquam non sollicitati ad intercessionem Reges & Principes, non gemitus  
aut lachrymæ populi nostri, non imminenti ruinâ misératio immitem PHILIP-  
PI animum flexit, ut sibi honestam, & nobis vero expectatam pacem novo cle-  
mentie exemplo largiretur. Quare omni spe pacis & regis gratiæ amotâ, ritè  
& more majorum fecisse videbimur, si in conservandarum provincialium curas

hæc



hac implacabili regis irâ descendamus, subtractoque immittissimo Regi obsequio cIo. Io.  
 immodestæ dominationis triste servitium declinemus. Quod quamquam æquissimis LXXX.  
 conditionibus oblati (& quas sedandis discordijs nostra sollicitudo offerrebat ces-  
 santibus armis melius pacis atque otij res tractatura) tue majestati & Roma-  
 ni Imperij Electoribus, tum cogitare & velle profecti sumus, ita molliendo ef-  
 ferati regis ingenio tantum non profecimus, ut in suspensio arma essent, quæ regij  
 ministri majore crudelitate, an insolentiâ miseris provincialibus intentâverunt.  
 Quorum quoq; utramq; cum Carolus Arrogonius PHILIPPI Legatus  
 suis quoque in litteris spiret, gentium exemplo, protegendis jure divino & hu-  
 mano corporibus, uxoribus atque liberis nostris pro libertate majorum & nostrâ  
 arma capere parati sumus, provocareque ad auxilia externorum Principum;  
 ne civitates nostras, atq; earum merces hostilis vis convellat, nosque in imbellis  
 turbæ amplexibus pati exilia, patriamque inermem prædæ & furoribus expo-  
 nere cogamur. Et quoniam omne tuum ac juxta Rom. Imperij auxilium nobis  
 præcolum est, quod econtra hostium nostrorum exercitus, commeatu atque an-  
 nonâ subjuvit, ita testamur, nuperum Colonia super pace Conventionum damno  
 nobis fuisse, omnesque felicium armorum progressus internis secessionibus at-  
 que discordijs subversos. Unde fit ut tuo in pacem affectui & voluntati,  
 CAESAR, morem gerere nostra impotentia non possit, eosque nos perduce-  
 re, ut semel infida pace læsi, ejus repetendæ consilium induamus. Interim gra-  
 tes agimus paternæ tuæ in nos ac pacem propensione, daturi operam Inviçissime  
 IMPERATOR, ut religiosa apud nos tuæ benevolentia recordatio sit,  
 testemurque nihil carius sanctiusque nobis fore, quam tuæ & Rom. Imperij pro-  
 speritati nostra officia repositisse.

Igitur velut fide procerum animis atque ingenijs proscriptâ, ipsoq; Farnesius  
 pacis nomine apud edoctos fallaciam ingrato, ad armorum curas pro- liberandis  
 peratum, quæ Farnesius etsi levi ad Rhenum clade affectus, liberandis Groningen  
 obseffos certiores faceret, tabelliones passim annuntiandis auxilijs magno sibus arma  
 ære conducti, quos per omnes viarum aufractus dispositi speculatores conqueris.  
 intercipiendis arcanis observabant. Unde factum est, ut secretiori-  
 bus à Farnesio litteris instructi rarius ad urbem commearent, quam  
 Entenius Philippi Hohenloï & Isellsteinij legionibus validior, majo-  
 ribus castris obseperat.

Quippe Aurantius talium prudens urbi amplæ & natura loci, ac ju-  
 stis præsidij validæ admonendas plures copias decreverat, ratus, quod  
 res erat, Entenium etsi animi ingentem, peculiari sibi temeritate viri-  
 bus suis filum rerum temporisque impendio castrense imperium exerce-  
 re. Itaq; præmissâ Hohenloï, Isellsteinique legione, Gulielmum quo-  
 que Ludovicum Nassovium ex fratre nepotem prima stipendia tum fa-  
 cientem, in castra cum legione expedit, Entenioque etsi invito & re-  
 luctanti, socium atque consortem consilij ac juxta imperij adhibuit. Cæ-  
 terum omnem castrensem profectum Entenij potissimum immodestia re-  
 tardabat, fiebatque ut alienæ gloriæ contemptor, suam amitteret. Un-  
 de discors sæpè agendi consilium nascebatur, quod in castris & per sta-  
 tiones observata, Ducum reverentiam & militaris disciplinæ autoritatem  
 minuebat. Itaque miles manij castrorum neglectis, aut spretis suo in-  
 genio Gulielmus  
Ludovicus  
Nassovius  
cum legio-  
ne in castra  
ad Gronin-  
gam ab Au-  
rantio ex-  
peditur,  
& Entenio  
invito con-  
silio & im-  
perij socius  
consors ad-  
genio  
biberet.



clo. Io. genio magis, quam imperio rectoris obsequeretur, excursionibusque  
LXXX. ac prædæ intentus ne sociorum quidem rebus abstinebat. Quare fœ-

*Militia  
excursionibus  
et prædæ  
intenti  
ne sociorum  
quidem re-  
bus absti-  
nent.*

deratæ naves provisis quoque commeatibus onustæ in Reiderio amne, & per æstuaria Lavicæ ab Entenianis interceptæ, vicinisque è Frisiorum agris, quos idem flumen exili alveo lambit, pecus abactum. Quod prædandi & licentiæ exemplum etsi ab Entenio complures alienaret, ita illi hoc quam maxime odia conciliabat, quod cives ex mutatione rerum in castra, deserta urbe profugos asperrime tractaret, hominesque

*Entenij fe-  
rox ingeni-  
um crebris  
& acerbis  
commoni-  
tionibus  
non emolli-  
tur.*

fœderi pronos injurijs afficiendo, castrorum commercio prohiberet. Unde à Docone Martna viro nobili, post ab Abelo Franckena homi-  
ne moris antiqui & celebratæ doctrinæ Frisiorum per Omlandiam & in castris legato vehementer increpitus, ne ferocis quidem ingenij violentiam repressit, animumque spectatâ exulum fortuna emolliiri passus est.

Cl. Franckena in litteris VII. Kal. Mai. ad Deputatos Frisiæ missis, scribit se Entenium, ut Ultrajectini fœderis ministrum se esse recordaretur, acerbè & instanter commonuisse, ac ut lenitate exulum animos ducendo, præfractos & superbos spiritus, evincendis Groningenfibus, mollioribus & ad victoriam profuturis officijs mutaret. Cujus etsi spem faceret Entenius, ita econtra fidem exulibus datam fœdissimâ injuriâ violavit, eorumque mercimonia, etsi stipendijs duarum cohortium sustinendis se obligavissent, diripi præcepit. Diploma quoque iisdem mercatoribus concessum revocari fecit, pecoraque habendis castrorum commeatibus cœmpta, & in pascuum perfolutis indictionibus missa abigi iussit. Unde Groningenfes majores fortunâ animos induerunt, ne in crudelissimi victoris & jurati hostis arbitrium permissa clementiæ civitas recideret.

*Franckena  
obnixè a-  
pud Frisios  
intercedit  
ut Entenio  
castris  
imperium  
abrogaretur,  
& Gu-  
lielmus  
Lud. Nass.  
substitu-  
retur.*

Franckena quoque jure Legati, ut eidem Entenio castrense imperium abrogaretur obnixè apud Frisios intercessit, datisque Dammonâ litteris Gulielmum Ludovicum cum imperio & duodecim cohortium auxilij gerendis rebus poposcit. Itaque palam nullâ veri simulatione, professus est, inter collegij fœderati errores nullum vel perniciosiorem, vel crassiorum (verba litterarum sunt) fuisse, quam quod Entenium peculiari Omlandorum ingenio civitati infensissimum Translavicanæ militiæ & obsidio æmulæ urbis præfecissent. Quare tormenta & machinas Leovardiâ in auxilium petenti, ne morem gererent, Frisios suos commonuit, & ut, lubricâ sociati fide, extirpatis domesticis factionibus, Deum pacis autorem profutura ad concordiam consilia orarent. Quippe Uskenium & Sterckenburgium Omlandiæ legatos non communicatis, sicuti oportebat, mandatis Ultrajectum è castris profectos criminabatur, haud vano indicio validiores secretioresque gentium amicitias sustinendis fœderibus requiri. Igitur amovendis sociorum querelis, stipendia quoque Frisios castrensibus copijs poposcit, & ne debilem ultro legionum disciplinam tardatâ menstrui aeris solutione dissolverent.

Unde Frisij, quo Entenianorum licentiæ & populationibus mederentur, qui terrâ, prædones, mari quoque peiraticam in socios exercebant, præfidiariam navem milite ac commeatu instruxere, eamque propè Oostmahornam in æstuario, ubi eam amnem accipit, stare iussant redimendo aperti maris commercio habuere. Mox Joannes Jodo-

cus

cius vir fortis, & qui navale sub Philippo stipendium meruerat, navi bel-  
lica cum imperio praefectus, Jeldertusque Wigerius magnae famae prae-  
do, qui sacramentum Entenij suis rapinis ac flagitijs obtendebat, Eæ flu-  
minis ac Frisici maris æstuario submotus est. Adeo Entenij consilia &  
facta hostibus ad virtutem, socijs ad metum & invidiam erant. Itaq;  
urgebat Aurantius, ut munitiones in castris ad Groningam erectæ ju-  
stis praesidijs firmarentur, & ut auxilia è Flandriâ ac Brabantiâ illarum  
gentium menstruo stipendio oppugnandæ Groningæ haberentur. Dein  
ut Ordinum exercitus trans Rhenum, & per consinia agens supremo  
militiæ rectori pareret, Philippum Hohenloë manu promptum & a-  
nimi ingentem gerendis cum imperio rebus destinavit, Bernardoque  
Merodio Rumænio vicariam belli administrandi potestatem decrevit.  
Tum provincijs Rheno amni contigujs legatos ut ederent ordinavit, qui  
Ducum militarium consilia, & lubrici moderaminis impetus prudentiæ so-  
lertiâ castigarent. Denique ne obsessæ Groningensium civitati auxilia  
subvenirent, expediri in Trans-Isulaniam, Drentiamque peritissimos lo-  
corum voluit, qui eorum situm specularentur, quantisque paludibus à  
Weddâ in Geelmudam aut Vidri emissarium Drentinus ager subjaceret.  
Itaque munitionibus extruendis commoditas delecta, repetitumque fir-  
mandæ Coverdiæ & Burtangæ consilium, quod Sonoï, ut memoravi;  
culpâ, aut, ut ille vaticinabatur, fato quodam, ex solâ conferendi æris  
parsimoniâ, aut provinciarum æmulatione neglectum Trans-Rhenanas  
gentes gravioribus casibus reservabat. Quare non Drentiæ, etsi in Ul-  
trajectinum foedus transcriptæ, non sociæ nationis finibus, aut securi-  
tati prospectum, quam Frisiæ & Translavanicis quoque agris patentes  
Drentiæ campi, & immunitæ paludes adimebant.

Cl. Franckena in Ephemeride notat acta Drentini foederis Leovar-  
diam ad collegium tum transmissa, quæ cum plurimis, procerum ma-  
litiâ, aut incuriâ interversa, ne posterorum quidem usibus infortunitas  
temporum reliquit. Igitur Groningensium rebus in arcto constitutis  
Georgius Lalainius sui metuens, transituræ auxilia Farnesium poposcit,  
ultimamque perituræ mox civitatis angustiam nullâ periculi dissimulatio-  
ne, professus est. Præter annonæ namque sensim deficientis, penuriam,  
nitratî pulveris defectu laborare se obsessum asserbat, deditionem neces-  
sario facturum nisi per auxilia levetur. Quæ si destituant, tristem cer-  
te suscepti consilij fructum se habiturum, si inter magnarum rerum au-  
spicia inimicorum & jam hostium gratiæ se permiserit. Ad hæc regem  
omni Amasum inter Rhenumque flumini (Flevo illi in Frisij nomen)  
regione cessurum, nisi agrarijs passim in foedus Ordinum receptis, ur-  
bem tueatur solam suarum partium fidissimos intrâ intuta mœnium clau-  
dentem. Neque enim aliud regiæ dominationis munimentum superesse,  
omni Frisiâ, cum Omlandiæ, Drentiæque populo novis societatibus in-  
ligatâ, & quæ latura non sit, in illo fertilissimo terrarum tractu urbem  
relinqui sedem bello, & hostilibus armis fracturam. Quin sciret Farnes-  
ius auxilia illarum gentium jam castris inducta, famæque ferri præter  
commeatus è foecundissimâ frumenti regione subvectos, tormentis quo-  
que è Frisia petendis consilia capi. Denique mare ipsum classibus im-  
peditum, adeo intuto omni ad urbem aditu, ut ferro aperiendus sit.

Consilium  
Coverdiæ  
& Burtan-  
gæ firmam-  
de repeti-  
tum.

Lalainius  
auxilia  
Farnesium  
poscit.



clo. Io. Quæ quoniam Entenium in cuius manus pervenerant, non fallebant, LXXX. ita continuis velitationibus tandiu obsessos attrivit, donec temerariæ fortitudini triste præmium fortissimo viro pervicax fortuna decerneret, & solvendi obsidij diem importunitas fati præfiniret. Qui Roldæ in Drentinis, vergente Maio, ab Hohenloo & Nassovio liberaliore convivio exceptus jactantiusque, velut hostem super mensâ debellaturus, se gerens, oppugnandæ acrius urbis, & ostentandæ virtutis consilium cæpit, æmulatorumque Ducum gloriam suâ obscurare adnixus est. Cui proposito dies inter comestationem & vinolentiam actus incitamentum addebat. Quare temulentus, & mero gravis equum conscendit, proVectusque in castra tribunos, & signorum ductores hunc in modum allocutus est.

Entenij temulenti oratio ad Commilitones.

*Diu est, Commilitones, ex quo invalidam urbem, & sociorum nostrorum cæde ac perfidiâ imbutam, castris de mandato Ordinum clausi. Eam oppugnare, quia longioris moræ pertæsus sum, in animum induxi, facinusque admoliri, quod præsentis ævi laudem mereatur, in futuri memoriâ perennet. Sed vestræ ignaviæ & imperitiæ debetur, quicquid ad gloriam omissum est, quarum utramque si vultis, meo exemplo emendate. Quippe fidem vestram, vestras manus nunc imploro, ac ut me Duce fortes strennuique sitis, habituri mecum tam commune periculum, quam gloriæ fructum.*

Ad Schutendiepan & suburbana oppugnanda properat.

Sic pro concione locutus labri butyracei operculum, clypei loco, manu sumpsit, signoque dato, ut se sequerentur, ad Schutendiepan & suburbana properavit, quæ præfluente flumine, tum vallo, fossisque emunita, egregiâ obsessorum virtute defendebantur. Ubi cæsis vulneratisque centurionibus ac plurimis quoque militum faucijs, etsi infortunatè rem gerens, suos animavit, inferiorisq; pugnaculi & reductuum oppugnationem repeti jussit. Quo capto, cum Scutendiepan quoq; immineret, quam solâ scalarum ope superari posse sagacissimi centurionum ominabantur, speculandæ per jaculatoriam fenestram dimicationi defixior, glande verberatur, capitisq; faucij lætali vulnere sternitur. Unde mœror orba ductore suo castra, & triste juxta silentium occupavit, magnumque obsidionis perficiendæ commodum morte Entenij interruptum est. Seditione namque militarium copiarum stipendia flagitantium omnis disciplina ordoque belli laxatus, conturbatis adhuc animis, quos prostrati Ducis spectaculum, & miseratio à continuando pugnæ officio revocabat. Adeo verum est in bello, multitudinem ab unius ductu atque imperio pendere, amissoque rectore desolatos exercitus, & eorum virtutem, tanquam intercepto vitali spiritu, flaccescere. Quippe Entenius etsi in iram fervoremque animi, tum comestationes atque luxum pronior, & ex hoc profusus æris foret, ita militarem gratiam popularitatis laude emercabatur, & quod, cætera incivilis, vitæ suæ ac imperij rationem moribus militum adaptaret. Hoc verò imprimis eum commendabat, quod in expeditione, in pugna, denique in omni belli negotio fidissimum Ducem se præberet, animique impavidus, nullo sui discrimine, tam militis, quam Ducis laudabili officio fungeretur. Itaque frigora, sitim, ardores, inedia, tum soli & itinerum incommoda juxta militem perferebat, corpusque à primâ ætate tolerandis asperis obdu-

Glande verberatur & sternitur.

Indoles ejus.



obduratum quibuslibet molestijs objectabat. Quare animo, qui excel- clō. Io.  
sus & veræ nobilitatis affectator erat, supra fortunam positus, vinci se L x x x.  
non posse deprehensus fuit, spiritumque externi regijque servitij acer-  
rimum hostem periclitanti patriæ impendisse. Cætera viri vituperio,  
aut laudi scripta, studio à me omiſſa, sub benignâ naturæ rerum excu-  
satione, quæ in illo, sicut in omni mortalium turbâ, fœda vitia egre-  
gijs virtutibus miscuisset. Cujus mors nobilitatem Omlandicam haud pa-  
rum conturbavit, ne lætâ quidem Eufumiorum gente, etsi patrata in  
patrem cædis suspicione, infensissimum domui suæ hostem abstulisset.  
Cadaver Middelftumum in Hunesgonijs, ubi natus erat, deportatum;  
tumuloque majorum conditum. Econtra intra urbem, auditâ jurati ho-  
stis morte, omnia lætiora agitabantur, simulante prudentius Lalainio,  
temerarij castrorum Ducis interitu Ordinum rebus nihil decessisse. I-  
gitur metuebat, ne illius excessu, peritioribus militiæ rectoribus obſi-  
dionis negotium demandaretur, civesque ante ab Entenij sævitia ac im-  
manitate alieni, mitiorum Ducum veniæ suo incommodo se permitte-  
rent. Jam enim duobus caſtellis amiſſis, quæ urbi præduxerant, fi-  
ducia civilium animorum & auxilij minuebatur, & quod extenuato vi-  
ctu, omnique commeatu imminuto pristina sensim pugnantium virtus  
elanguesceret.

*Sepulchra.*

Cæterum certiore auxilij famâ res allevata, quod Farnesius, etsi æ-  
ris angustia premeretur, obſeſſæ civitati haud procul Rheno & Nove-  
ſio urbe reparabat. Quippe omni provinciarum exule ad sacramentum  
adacto, quem nullâ stipendij dulcedine aut curâ, sola fati sui inſolici-  
tas, & ulciſcendæ injuriæ cupido in patriam armaverat, Epirotarum quo-  
que equitum (quos Thomas Epirota vir ſecundis prælijs clarus inter cæ-  
teros ducebat) auxiliares cohortes adjunxit, omneſque copias Trajecto  
ad Noveſium Rheno pergere in adverſam ripam juſſit. Ubi Rora flu-  
mine superato, impetratoque à Juliacenſium Duce Joanne Gulielmo per  
ſuas ditiones commeatu, Lippam quoque fluvium haud procul Dorſtâ  
oppido traductæ, feſtinante Martino Schenckio Niddachio homine Gel-  
dro, ut Juliæ Cliviæque campos emenſus, Geldriæ & Tranſ-Ifulanæ  
hoſtiles agros properandis auxilijs peragraret. Eam verò provinciam  
Gaſparo Robleſio Farnesius demandaverat, quo veteris imperij & per  
tumultum militarem amiſſi veſtigia adhuc cerneret, Friſiorumque gen-  
tem rebellionis in ſe & regem ream, ardore vindictæ, & prioris injuriæ  
ſolatio, armatâ manu debellaret: Cæterum abſens, & in Farnesij comi-  
tatu per ſuperiorem Belgicam tum agens, ne expeditionis quidem in Fri-  
ſios ſuſceptæ conſilium executus eſt, etsi ſollicitatis exulum auxilijs, quos  
recuperandæ dominationi & veteri fortunæ, faciendam ad conſpiratio-  
nem, & ſumenda in patriam arma inſtigaverat, ſigna verò Renicus Dek-  
ama, Jarichius Liauckema, Titus Cammingha, & Lollius Ockingha Fri-  
ſiorum exulantium nobiliſſimi ducebant, præter cæteros cohortium cen-  
turiiones, quos è Friſiâ mutatis rebus præſcriptos, aut dignitatibus exu-  
tos, ſacramento arctius regio fortuna temporum obligaverat. In quo-  
rum numero Vibius Goutumanus, Arnoldus Gemenius, & Everardus En-  
ſius Coverdiæ & Drentinorum Satrapæ, fuere, quos nulla retinendæ di-  
gnitatis ſpes externis clientelis obtruſerat. Reliqui Germaniæ, aut a-

*Farnesius  
obſeſſæ ur-  
bi auxilia  
reparat &  
mittit.*

cl. Io. Ioh. liarum gentium natalibus adscripti novam exornandis majorum imagini-  
LXXX. bus materiem, inassueti otio & gloriam & juxta opes ex bello quærebant.

Cl. Franckena optimum autor notat exercitum istum ad Mollum pâ-  
gum Rheno affitum, constrato navali ponte fluvio, trajecisse, victoriæ-  
que velut occulto animorum præfagio, certa in præsentia pro futuris ha-  
buisset. Quo nuntio in castra ad Groningam perlato, Gulielmus Ludov-  
icus Nassovius, defuncto Entenio cum imperio rem gerens, 13. Maii lit-  
teras ad Deputatos Frisiæ dedit, æneaque ad quinarium numerum tor-  
menta sternendo vallo & oppidanorum munitionibus Harlinganos po-  
poscit. Cæterum proprii discriminis pavor in externa difficillimè re-  
spiciebat, suarum rerum, velut incertis, qui inter domesticos hostes,  
& teterrimarum conjurationum arcana fluctuare infantiam minus robu-  
sti foederis non ignorabant.

*Harlinga  
rudi mœni-  
um ambitu  
cingitur,  
& muni-  
tur.*

Unde Harlinga post subministratas Gulielmo Ludovico grandiores  
machinas rudi mœnium ambitu cincta, majore ac validiore opere cir-  
cumducta, effosso, diductoque introrsum portu, qui tutum navale ve-  
nienti ex Oceano classi præstaret. Igitur ad aquarum quoque impetus  
sistendos, quas aut mare vento motum, aut æstu portui ingerit, aut  
rivulorum urbem influentium declivia deducunt, claustra magni operis  
fabricata, quæ laxandis, aut recipiendis aquis reperta onerarijs navigijs  
permeabiles alveos faciebant. Tum lata quoque profunda; fossa vallo,  
& propugnaculis præducta, tantæque molis opera, ære publico, tri-  
mestri spatio absoluta. Quod consilium ab Aurantio potissimum prin-  
cipe profectum Traslavicanæ gentis non inglorius scriptor prodit, quo  
novæ urbis fortunam, florente commercio juvaret, portumque submi-  
nistrandis Hollandiæ sociarumque gentium auxilijs habilem reparandis  
in Hispanum exercitibus aperiret. Qui ut regundæ post Lalainium pro-  
vinciæ ex decreto solennis comitij præficeretur, missus Ordinum Fri-  
siæ nomine ad eum Doco Martna vir primariæ nobilitatis & elegantis in-  
genij, qui supremum Præfecti imperium ei deferret, offerendæque di-  
gnitatis ac simul molestiæ vicem repeteret. Itaq; præter mandata Do-  
coni Martnæ commissa, litteræ quoq; à foederatarum provinciarum Le-  
gatis & Senatu per Frisiam Ordinum exaratæ, permovendo optimi prin-  
cipis ingenio, quod in illâ tempestate rerum constitutum graviolem cu-  
rarum sarcinam respuebat. Econtra omnem Principis excusationem  
continua provincialium vota ac desideria diluebant, ac si in illo capi-  
te ac rectore omnium rerum salus atque incolumitas versaretur.

*Aurantius  
ut regundæ  
post Lalai-  
nium pro-  
vinciæ ex  
decreto so-  
lennis comi-  
tij præfice-  
retur mit-  
tatur Doco  
Martna.*

*Adrespu-  
entem &  
excusan-  
tem Depu-  
tatorum li-  
tera sup-  
plices,*

LITTERÆ DEPUTATORUM hujusmodi erant.

**P**O STRE MV M & solenne gentis nostræ comitium, PRIN-  
CEPS, concordibus suffragijs Præfecturam tibi provinciæ destinavit. Eam  
ut cum imperio & absolutâ Præfecti potestate acciperes, spes nos aluit, eosq;  
imprimis, qui patriæ fideles, optumæque in eam studia diu professi hoc  
calamitosissimorum temporum statu de te solo clarissimam opinionem concepere.  
Prudentia tua & multarum rerum usus, istius de te judicij fidem firmavit, post-  
quam mentem boni consilij plenam ac à DE O tibi infusam isti moli regundæ  
parem ostendisses. Denique continuæ paternæque in populum & remp. sollicitudi-  
ni tue plurimum dedimus; PRINCEPS, deprehensio sublimem animum cu-  
tis



ris infractum, & in agendo indefesum, omne officium provincialium saluti impendit. Idcirco. Quare nostra in te fides, tua virtus & clarissimæ animi dotes, hoc ad consilium nos traxere; Itaque missis Hagam, dein Campos ad te Legatis administrandæ gubernandæque provinciæ dignitatem, ac simul molestiam tibi obtrusimus, eâ spe aliti, ut ratione nostri status habitâ politicâ & bello præesses, nosque capite & moderatore rerum orbos potentiâ & autoritate tuâ regundos susciperes. Sed fluxas spes nullo huc usque aut parvo solatio redemimus, in tam tristem molestiam ac sollicitudinem projecti, ut perire proximi sine tuo imperio videamur. Rerum nostrarum statum, etsi nos ignores, Legatus tibi aperiet, his mandatis à nobis instructus, ut recturam provinciæ tibi offerat. Quare rogamus, Frisij, ut imponi in humeros tuos id oneris, ac molestiæ patiaris, ac ut ipse regundæ Frisicæ spe facta, fessis rebus succuras, Legatumq; aut Vicarium tui per provinciam imperij, quam ocysime constituas. Id si feceris, PRINCEPS, fortunas, vitam atque sanguinem in adjumentum offerimus, daturi omnem operam, ut illius regimen nostro, quantum fieri possit, consilio juvetur. Hoc etiam petimus, ut Senatui juri dicundo præfectum justo numero ac autoritate instruas, quo malis per provinciam indies exorientibus tua prudentia medeat. Reliqua, quæ votis complexi sumus, Legatus MARTINA exponet, quorum ea summa est, ut te diu sælicem florentemque nostris rebus habeamus.

Hæ Litteræ x v. Kalend. Jun. signatæ.

Quo die Senatus quoq; juri dicundo delectus Franciscum Baudimontium Graphiarium suum hominem Flandrum mandatis intruxit, legationisque ad eundem principem obeundæ potestatem fecit. Mandata erant, ut salutato principe, litteras foederatorum Ordinum, Senatus & Deputatorum Frisicæ suæ fidei commissas exhiberet, nuperisq; mandatis, quæ ad foederatos Ordines Daventriam pertulerat, repetitis de miserrimo provinciæ statu, & subortis turbis principem doceret. Rectoris quoque potentiâ, famâ, prudentiâ atque exemplorum usu conspicui necessitatem monstraret, explorataque voluntate principis Doconis Martinæ & Hesselii Aysmæ, qui Antverpiæ agebat, in communicandis consilij ope uteretur. Hesselio Aysmæ Præsidi, Douwoni Burmanicæ, Barthio Idsardæ nuncupatis jam ante Senatoribus diplomata impetraret; Ea ex antiquâ formulâ cum absolutâ potestate Sibrando Richæo Senatori & fisci Advocato, Wilconi Holdingha, Foppio Grovensteinio & Tiallengo Wikelio procuraret; Eysingæque Versteverano, ac Rhala Senatorum procuraciones immutari, redigiq; in priorem formam faceret. Sibi quoque de absoluto diplomate obtinendo prospiceret, omneque officium saluti & commodò publico impenderet. Hoc x v. Kalend. Jun. à Tetardo Herennio in acta relata.

Eo halante animam rep. inter tantos proditorum & civilis licentiæ metus potentium collegiorum æmulatio, & cæca gloriæ ambitio cruda ingenia propellebat. Itaq; vulgus ipsum, potentum exemplo, qui publicas provinciarum indictiones irrogaverant, mobile & seditionibus proximum erat, Magistratuumque imperia velut in licentiæ regno, aspernabatur. Ferunt seditionis vocibus in publico auditis, manus quoque Magistratibus intentatas, conjuratosque è regiâ factione, occasione eminentis inter procures discordiæ usos, turbulenta consilia atque facta

*Vulgus mobile, & seditionibus proximum.*



clo. Io. agitavisse. Quippe Senatui, qui regio fuffectus erat, nec decens numerus, nec prisca autoritas erat, quâ imminutâ antiquæ quoque severitatis majestas, & tristissimus rigor remiserat. Itaque terni cum fisci actore jus dicebant, quod Octo-viris sub Saxone, sub Carolo Cæsare & Philippo filio pluribus Senatoribus commissum, æmulatione politici ordinis, & paucitate præfidentium judicijs eviluerat. Unde plebi quoque minor metus quam ingratum publicarum indictionum vocabulum, tum fato & incuriâ dubijs angustisq; rebus repetitum, & in eâ seditionissimos quosq; efferaverat. Quem affectum asperiore medicinâ percurare illi quam maxumè averfabantur, qui popularium morborum periti non ignorabant, gravissimum quemque tumorem ex præcepto medicorum principis beneficio quietis sanandum. Etsi essent, qui ferrum mox remedio poscerent, & ut asperâ paucorum correctione, multitudine metum sentiret. Cæterum pluribus indulgentiæ, magis quam severitatis vitium placebat, & ut plebis ob gravitatem tributis motæ sanguini honestâ clementiâ parceretur. Quippe communi mortalium vitio, jussui & imperio contumacem ad bonam frugem & ingenia redituram, quæ diuturnitas & mora temporis ingerendo poenitentiam ab omni ævo sedavisset. Ita variantibus procerum sententijs omne parcendæ, excusandæ aut corrigendæ plebis decretum intermissum, donec Baudimontius inter cætera Antverpiam profectus de eo ad Aurantium referret.

*Bethleamarum virginum libello supplicis Matthiæ Gubernatori v. Non. Mai exhibito, liberam bonorum cœnobij administrationem, deducto, quod præstandum provinciæ foret, locario ad vitam orasse, & ut monasterium, cautione de non recipiendis sine consensu Ordinum Frisiæ novis monialibus præstitâ, habitandam ætate provectis aut ævi maturis permetteretur. Matthiam quoque Gubernatorem postulatam velut æquissimum Ordinibus Frisiæ commendasse, litterisq; iv. Non. Mai in Frisiam expeditis, relicto tamen iisdem secus disponendi arbitrio, humanissimo officio intercessisse.*

*Baudimontius Antverpiam profectus legationis suæ sociem Aurantio exponit, & litteras exhibet.*

Invenio in actis Bethleamas virgines libello supplicis Matthiæ Gubernatori v. Non. Mai exhibito, liberam bonorum cœnobij administrationem, deducto, quod præstandum provinciæ foret, locario ad vitam orasse, & ut monasterium, cautione de non recipiendis sine consensu Ordinum Frisiæ novis monialibus præstitâ, habitandam ætate provectis aut ævi maturis permetteretur. Matthiam quoque Gubernatorem postulatam velut æquissimum Ordinibus Frisiæ commendasse, litterisq; iv. Non. Mai in Frisiam expeditis, relicto tamen iisdem secus disponendi arbitrio, humanissimo officio intercessisse.

Igitur Baudimontius acceptis mandatis festino itinere Antverpiam progressus, litteras Aurantio Principi exhibuit, legationisque suæ seriem scripto complexus, hunc in modum disseruit.

**S**ENATVS provincialis, PRINCEPS, ut te salutarem in mandatis mihi dedit, ac ut exponerem quanto in discrimine periculosis temporibus ressp. constitueretur. Præterquam enim humanis ac barbaris hostium imperijs amovendis, tum excutiendæ æternæ servituti, præ nobis destinabatur, tributorum onera pati & ferre cogatur, ita multa quoque pro mutationibus temporum immutanda sunt, quæ emendationi labentium in deterius rerum inservant. Imprimis vero emunienda ressp. adversum eos est, qui viperarum more patriæ suæ infesti & ejus exitio nati Hispanicæ dominationis reducendæ consilia capiunt, omnesq; populi & libertatis commodo servitutum occultis artibus subvertunt. A quibus certè est quod civilis discordiæ semina per provinciam spargantur, & quod omne tributum quieti nostræ & securitati decretum contumaciâ rebellis populi, & quod fœdus, in ipsâ etiam rep. è potentioribus respuant. Unde similitates natæ, & diu perniciosis fomentis alitæ, in hoc, quod vides, discrimen, provinciam duxere. Cui avertendo deligendum ocyus rectorem Senatus

natus

natus censuit, cuius solertiâ malorum impetus retundantur, boni pacem atque securitatem habeant. In te vero, PRINCEPS, cum omnium vota, atque spes conspirent intercessionem fœderatorum procerum & Senatus mei mandatum expleo, rogoque ut Frisiâ imperium capeffere in animum inducas, tuiq; absentiam, ita poscentibus satis & provinciarum rebus, vicario, aut Legato suseffecto leves quam ocyssimè. Ut scilicet is cum Senatu meo, quem iam antè cum Præsfecto provinciae moderamini rerum dispositio temporum admoverat, simulque cum Deputatis Ordinum consilia communicet, statuaturque cum ijs quod ex usu & rep. futurum sit. Et quoniam moram ferre non potest periculi quo cum luctamur, magnitudo, ita peto Princeps, ut sepositâ cunctatione, quod visum fuerit, decernas, meque in provinciam ad Senatum faciendis relationibus remittas. Hoc vero ante omne necessum est, ut iudicantium in Senatu numerum augeas, amplissimiq; Senatus consessum in integrum, & absolute potestati restituas. Quare nomine ejusdem Senatus peto, ut Hesselius Aysma, Præsidis, Sibrandi Richel Fisci actoris, Douwonis Burmanii, Barthij Idsaerda, Wilconis Holdingha, Foppij Grovensteini, & Tiallingi Wikelij procurationes ex formula antiquâ conscribi cures, eorumque porro innovari atque ampliari, qui cum laude ac famâ supremo tribunali & dignitatibus suis iudice populo præsuerunt. Quas quoniam sustinere ex salarij tenuitate honestè alendis familijs non possunt, auctâ rerum omnium caritate & monetâ valore corrupto, ita peto, ut ijsdem pensionibus quo reliquum per Hollandiam & Geldriam Senatum haberi sinas. Tum ut mandes Deputatis Ordinum, ut intra terminos mandati sui se continendo pacem cum Senatu colant, dicundique juris (quod coram Deo & terrarum orbe conscientia teste, ritè administratum profitetur) officio se non immisceant. Denique de exulum bonis fisco applicandis decretum facias, expeditasque in Frisiam Legatos, qui in seditiosos quosque & Magistratum imperio contumaces inquirent, eosdemque ex lege ac tuâ auctoritate puniri faciant.

HÆC BAUDIMONTIUS.

Quâ in re misereri humanæ fragilitatis lubet, eos vix in Senatum, tepente adhuc comitio, lectos, & jam ante severis crudelibusque antecessorum imperijs adversos, illâ infirmitate rerum de premendis damnatæ abolitæque dominationis vestigijs cogitavisse. Eosdem quoque Auran- tium Principem, etsi necdum provinciæ inligatum, ad explenda immo- desta desideria, & simul mandata sollicitasse, quæ præfectis provincia- rum subtracta, Ordinum juri atque supremæ majestati gentium libertas reliquerat. Adeo fluxæ & fallacis potentia affectatæ patriæ quoque amantium ingenia, fortunæ subjecerat. Igitur illa lubrici atque cupi- ditatibus permixta, nec asperi temporis, nec toleratj plerisque exilij memoriâ retinuerant, & quod in illo tristioris concilij secreto Carolo ac Philippo regnantibus oppressæ, leges & mœtissimæ libertatis silentia ja- cuissent. Ipsa etiam resp. inter regni adhuc minas & metum, conti- nuis tempestatibus obnoxia, illam refricandæ antiquæ litis importunita- tem non pateretur, quam à quadraginta annis nostræ gentis infamiâ, & externæ potestatis commodo foram, seponere hoc temporum lubrico, sollicitudo publici discriminis debuisset.

Iam enim fœderatarum provinciarum Legatos, Ultrajecto Daven- triam pericula evocaverant, adeò late diffuso hostilium incurfionum & adven-

derata-  
rum provin-  
ciarum Lg



adventantis auxilij metu, ut omnem provinciam, & circumjacentia loco-  
rum impleret. Quippe fama, ut solet, suspectis et sic certis, rumoribus  
pondus atque incrementum addiderat, ferebaturque Farnesius totam  
belli molem conquestis etiam per agrum Luxemburgicum Germanorum  
copijs trans-rhenanæ genti, & solvendo Groningensium obsidio destinare.

Quare Concilij Status decreto in inferiores provincias missus Elbertus  
Leoninus vir doctrinâ atque prudentiâ pollens, qui res Groninganas &  
Frisiorum curaret, Philippoque Hohenloo cæterisque provinciarum Le-  
gatis à consilio esset. Igitur in Frisios ituro ducenti Carolæi ex ærario  
Frisiæ assignati, qui homo pacis artibus atatem agens castrensiū &  
molestiarum vacationum impensas, & simul tædia illâ Ordinum remunera-  
tione ac beneficio allevaret. Adeo Groningam in urbem omnium spes  
atque metus fortuna defixerat, quæ auxilij Rhenum traducti certo ar-  
ctatos antè spiritus, velut recepto aëre, laxaverat.

Reperio in incerti auctoris Ephemeride ad Ordines Frisiæ scripta, ex-  
ercitum illum à præfidiariâ fœderatorum Ordinum navi, quæ in flu-  
mine stabat, facili & initio Rheni trajectu prohiberi potuisse, nisi eam  
tempestatis cœlo editæ ferocia & aquarum ex imbrium copiâ torren-  
tium vis statione & loco depulisset. Cui & hoc accedebat, quod lapi-  
dosum ripæ marginem velocior Rhenus perfringeret, anchoraque saxis  
minus inhærens, rapidissimi fluminis declivio ac impetu vinceretur.

Itaque hostem depresso præfidiario, vectorio alijsque navigijs Bon-  
nam solventem, Bergensium animis, quam ut ripâ arcerent, languidiori-  
bus, haud procul Coloniâ Nelam pagum appulisse, ope imprimis Sol-  
mensium Comitum, qui in ripam expositos commeatu atq; omni necessario  
præjuverat. Ibi aulæ Clivicæ & nobilitatis jussu (quarum utramque ære  
ac largitionibus corruptam, ne ipsi quidem venales & corrupti etiam in  
foro Dusseldorpiensi dissimulabant) bellica quoque Ordinum navis cum  
reliquis Rheno discedere jussâ, quæ in adversum flumen enitentes suo-  
rum arte ac mandato non alieno imperio regebantur. Itaq; hostes abdu-  
ctis in prædam Bergensium equis in præturâ Holeradeni stativa habuere,  
donec refocillati ex itinerum molestijs, & ante fame ac somno maridi,  
spoliatis atque direptis pagis, foeminisq; in captivitatem abductis post cu-  
rata ritè corpora Mullum pervenirent. Quatuordecim signa peditum, sex  
equitum fuisse idem auctor notat, ac in ijs Equestrem Italorum alam, tum  
ducentos ex Epiro ac Illyrico equites lancearios robur equitatus confecisse.  
Reliquos equos operi rustico subductos, ac regi rudes fuisse, ipsosque fesso-  
res fessos, atque exsangues levi equitum, ac ducentorum sclopetariorum  
manu concidi, fugarique potuisse. Quod Aggæi Albadæ oratoris Fri-  
sij prudens consilium suppressendum non duxi, suadentis hostem tumultu-  
ariæ & sine ordine coactum in Iuliacensium aut medijs saltem Cliviæ  
agris tentandum debellandumque fuisse. Cæterum rusticâ plebe io-  
riorum clade perculsâ, vires, arma, auxilia deërant, amoris procul fœ-  
deratorum Ordinum copijs, quas in interiora provinciarum formido, an  
dicam cura periculi protulerat. Ita Cliviæ Ducis aut aulicorum, clan-  
destino cum hoste pacto ac auxilio omnia clam habita, ne conscio qui-  
dem populo aut castellorum satrapis, ad quos sola & dubia militarium co-  
piarum fama, pervaserat. Idem auctor scribit Martinum Schenckium  
copia-



piarum ductorem Coloniae in monasterio quodam epulo exceptum, ac clo. Io. à Bergensibus, ut agris suis parceret, sollicitatum praefractè ac superbè L x xx. respondisse, nuperaque cladis & dissipatarum haud procul Novesio cohortium incommoda; Bergensium insolentiae tanquam causae regij decrementi imputavisse. Vele eam scilicet solam vastationem ac eadem commeritos & ut amissa focij regis gratia ac venia militum suorum furoribus in vindictam atrocis injuriae exponantur. Ceterum se, etsi alio mandato instructum, clementius acturum parciturumque, illorum fortunis atque sanguini, quorum incauta & temeraria vis tuendo agro obtenta, regem Philippum solido infortunio multasset. Alias sui arbitrij esse an Bergensium agros stativis castrorum, an transducendis copiis reservare velit, & an violatam principum gentiumque mutuum societatem rariore exemplo expiare. Aulici quoque Bergensium legatis abactos equos inlata damna querentibus immodeste responderunt, militemque eorum feritate ac licentia irritatum & sola praedae dulcedine contentum, extremis abstinuisse. Nihil scilicet esse, de quo queri possint, qui scirent omnem injuriam talione aut vindicta pensandam. Itaque Dux Guelimus animi fato inops, calore iracundiae multa ab aulicis effundi inaudiens, de distringendo in suorum Bergensium legatos gladio agitavit, impeditusque à circumstantibus rerum cognitionem sicut infausti principatus regimen corruptae aulae judicio permisit.

Tradit idem scriptor Colonienfium Praefulem promovendo Schenkiani exercitus Trajectui Walravio Soestio, Schenkianae cohortis operationi operam atque auxilia in oppido Meursae depactum, eundemque Walravium ab ipso praefule liberalissime exceptum bonam spem conficiendae expeditionis concepisse. Igitur praesidiarium navigium, removendis Rheno, quae transferant, copiis invalidum, interceptas Farnesij Litteras & captivum ex agro Dusseldorpiensi vehens secundo flumine descendit, Schenkijque exercitus binoctio Mullum acta, decimo mensis Junij die Buranum vicum emensus, Horstianam inter atque Raesfeldiam arces desedit. Ubi curatis in diem corporibus Elam, Halteram atque Dulmam processit intensissimis coeli ardoribus, quod sole Cancrum ingresso in mediterraneis & per myriceta omnem humorem squallentium rivulorum aut putentis stagni depaverat. Unde sitis fame, quam identidem vexabatur, acrior, arentibus militum faucibus nata, quas jam ante in Rheni tractu vino prolutas, ne limosae quidem paludis illuvies irrigabat. Ceterum à Dulmensibus cibo & potu, in spem pretij ac parati aeris, quo destituebantur, refecti, animos excusso languore sumperunt, obvia insuper novi auxilij fama, quod supra Coloniam & ad Rhenum cogi Nigellius Gorcumanus perfugam etsi vanissimo rumore nuntiaverat. Cui urbi in partes hostium propensa à bellica ordinum navi, quae objectum flumen occupaverat, terror injectus, aucto magis Colonienfium pavore, quod Cloierus Amstelodamensium praefectus binas naves praesidarias cum instructissimam triremi Rheno flumini induxisset. Is vero Dusseldorpium Cliviae ad Rhenum oppidum cum classe progressus Satrapa Horstio, ac ipso navium inspectore conscio, Joannem Guelmum Ducem offendit, hominique ultro mente capto iracundiam & mox furorem excitavit.

*Naves praesidarias in Rheno.*

cIo. Io. Quare Dux vocato ad se navium inspectori strictum gladium intē-  
L x x x. tavit, ægrique Horstij Marschalli interventu admisso acerrimum vulnus  
Ducis Lu- inflixit. Tum fervore & rabie auctâ repellendis Ordinum navigijs Rhe-  
liacensis in dignatio, ni per ripam, qua Dusseldorpio obtenditur, disponi tormenta fecit, om-  
neque alienatâ mentis & pro Hispano stantis indicium prodidit. Cæ-  
terum naves ferendis tormentorum ictibus validas ferramenta & den-  
sissimæ trabium compages fecerant, inridente Cloiero imbellem vefani  
Principis & aulicorum iram, potiundo Rheni fluminis imperio evanesce-  
re. Itaque adverso defluentis Rheni alveo naves milite & commeatu in-  
structas Bonnam provexit, omniq; ad Rhenum orâ & speratis Schenck-  
kij auxilijs metum ac impedimentum iniecit.

Erant qui suaderent in illo hostium apparatu Rheni alveum intra ri-  
pas ardore solis & imbrium caritate contractum triremium ope, tardio-  
ribus prædiarijs navigijs, occupandum, quo remigum ministerijs, fi-  
lente vento & depresso fluminis alveo, quamlibet in ripam adige-  
rentur. Eisdem quoque triremes quingentorum sexcentorumve mili-  
tum numero armandas impediendis copiarum transvectionibus, quas Far-  
nesius extenuato superiore exercitu Trans-Rhenanis provincijs decerne-  
bat. Itaque Fronsbergium, Polvilerium, reliquosque Germanicarum  
legionum tribunos, ob stipendia immodestè flagitata in Lutsenburgen-  
sium fines amotos in auxilia sollicitavit, residuumque stipendiorum æs  
Lutetiæ Parisiorum brevi exsolvendum promisit. Tum Hispanicæ quo-  
que factioni per provinciam addictos secretioribus litteris instruxit, plu-  
rimosque habendo per Cliviam commeatui Sanctis & Embricæ promissâ  
proditionis mercede corruptit. Quare & Frisios ex eadem factione  
in Sylvestribus & ad Cuneram congregari fecit, omnemque in liberan-  
dâ ocys Groningâ fortunæ ac victoriæ spem collocavit. Unde exer-  
citurum stativa apud Dulmenses habentem, insigantibus proditoribus &  
in ijs Splinterio quodam pergere ocys Schenckius jussit, audito popu-  
lum ciendis per Frisiam seditionibus promptum sola auxilia, exequen-  
dis rebus, opperiri.

*Dekame  
cujusdam  
proditoria  
in patriam  
consilia.*

Scribit autor, Dekainam quandam in aulâ Alexandri Farnesij Roble-  
sio familiarem, assignato honorario ære, certam intestinarum turbarum  
spem per Frisiam fecisse, eaq; animum Schenckium, movendis Gro-  
ningâ foederatorum castris, sacramentum dixisse. Frisiorum quoque  
fertiles agros spem messi tum facientes, adhæc divitis populi fortunas  
prædæ à Farnesio datas, militemque ejus dulcedine pellectum, rapien-  
dis provincialium opibus expeditionis consilium maturasse.

*Hohenlois  
hosti arcen-  
do se accin-  
git.*

Itaq; Philippus Hohenlois, qui in castris ad Groningam tum erat, lit-  
teras i v. Jun. in Frisiam dedit, atq; firmandis præsidio Leovardiâ, Snecâ  
& Harlingâ oppidis commonuit. Se scilicet cum copijs recta in hostem  
iturum, ut fluminum transitu illum prohibeat, Frisiamque & omnem  
trans Rhenum provinciam ab ejusdem irruptione liberet. Sed eventus  
rerum dubios esse, se victoriam quidem à Deo sperare, sed in cujus  
potestate sit adversa benè speranti obtrudere. Quod si eveniat Frisiam  
conspirationibus suorum obnoxiam fore, quibus amovendis commoda  
civitatum præsidia esse queant opportune distributa.

Quæ prolixius reliquis silentibus mihi narrata, & quod illâ memora-  
bili



bili expeditione arma in Frisiam ope exulum ductâ, multis annis duraverint. Quod ipsum quoq; incommodum, quamvis fato eventurum crederetur, castigandæ procerum in extruendis Burtangæ & Coverdiæ munitionibus discordiæ potissimum obvenit, volente, sicuti solet, providentiâ inermem populum & nullius inofficiosi conscium ex dominantium incuriâ affligi. Creditum fuit, Martinum Schenckium occupandæ cum suis Brevortæ, aut Lingæ tacitum à Farnesio mandatum accepisse, aut ut, istius consilij successu frustratus, opperiendis reliquis; quæ parabantur, auxilijs commissa apertis campis castra præducto tumultuario opere muniret. Cæterum mutato animo, raptò Dulmam exercitu, iter Benthemicos per agros pronuntiari jussit, instigatus tum vel maxumè Suollensium precibus, quos excusâ foederis Ultrajectini religione, admittendis intra muros hostibus domesticæ factiones armaverant.

Quare Hohenloüs, quo hostem anteveniret, mandato à Frisijs & foederato simul consensu, qui Daventriæ habebatur, accepto copias atq; auxilia contraxit, quæ sex cohortium numero è castris ad Groningam petita, cum alijs ex Iselsteinij legione Joannes Cuningamus vir militaris ducebat. Gulielmus verò Ludovicus, cum Diderico Sonoio, qui Cuningamo suffectus erat, rem ad Groningam gerere jussus, festinante è contra Schenckio ut obsessorum angustia & afflictis per Trans-Isulaniam suorum rebus subveniret. Quippe Suollâ in potestatem à foederato præsidio redactâ, tum rusticorum, qui Schenckio favebant, villis atque agris populatis Gelmuda quoque arx à Trans-Isulaniis diruta, atque solo æquata erat, quam premendo Vidri fluminis ubi in mare labitur, ostio Carolus olim Cæsar extruxerat. Igitur ordinatis ritè per Trans-Isulaniam rebus, motis Ulsenâ castris Hohenloüs exercitum Coverdiam duxit, refectisque ex fatigue militum corporibus opperi hostem, ac decertare prælio constituit. Cæterum novo mandato conferre signa prohibitus ( ne infirmo peditatu & rarioribus hastatorum ordinibus in discrimen veniret ) spreto, quod præliaturis auspiciis loco esse solet, imperio Coverdiâ in hostem duxit, quem intercepto commeatu, morâ consumendum peritissimi rerum ac locorum suaserant. Aded præclaris sæpè Ducibus ad momenta temporum introspectienda consilij maturitas defuit. Itaque ferventissimo die, quem Sol Cancrî Tropicum percurrrens, ut plurimum facit, citò agmine copias irè jussit, quarum robur ex intemperato æstu, præter viæ longitudinem, armorum pondera & profusissimi corporum sudores dissolverant. Hostem verò itinerum spatia jam ante permensum, quies permulserat, quæ objectu umbræ gratior, fractas cœlesti ardore vires utili alimoniâ reparaverat. Quare Schenckius ritè curatis suorum corporibus medio Hardenbergio myriceto signa explicuit, intoque pugnæ consilio aciem ordinavit.

*Hohenloüs  
contra man-  
datum Or-  
dinum in  
prælium  
descendit.*

Hohenloüs quoque est itineris lassitudine fractus & aquarum penuriâ, quæ multos extinxerat, ne quiete quidem in tam intensis caloribus militi datâ, exercitum ad pugnam disposuit, in quo dextrum aciei cornu Joannes Cuningamus cum Nassovianis & Wingardio & mediâ Cornuputti cohorte, lævum Iselsteinus & Zenisca tenebant. Ipsam verò ante aciem, Onstæ, Rinsuoudij & Asinghæ Entenij, equestres turmas ri-



clo. Io. te instructas collocavit, quarum adversum latus ipse septem majoribus tormentis reliquoque equitatu munierat. Sed aperta loci planities exercitus latera nudaverat, quæ melius ipsa Hardenberga aut proximi campi firmandis ordinibus & ad refugium munijissent. Quippe pagum præter hortorum villarumque sepimenta amnis quoque Vechta præfluebat, qui ex Benthemiorum finibus modico fonte procedens majore alveo, sterilium camporum spatia latioribus ripis dirimebat. Sed fato destinata ne Ducis quidem errore aut prudentiâ vitabantur, etsi essent, qui crederent, vel maxumè ex fiducia peccatum quæ Hohenloo victoriæ velut certo, omnem periculi metum atque sollicitudinem ademerat. Adeo verum est, nullos facilius opprimi, quam nihil timentes, adversamque isti virtuti, ut plurimum, fortunam esse, quæ vi suâ nixa & occasionum segnis aut negligens securitate fati aut inconsulto impetu regeretur.

*Prælij descriptio & infelix ejus exitus.*

Quare ne coeli quidem & castrorum positu observato solem, pulverem Hohenloous sibi adversum, hosti secundum fecerat, qui declivi sensim aëstro umbras corporum ardoris refrigerio trahens æstum ac obtutum clarissimi syderis Hohenloo reliquerat: Tandem medio diei effluxu signa cecinerunt, postquam preces utrinque propitiando numini fusæ alacritatem aut metum pugnaturs addiderant. Igitur displosis tormentis Frisiorum equitum turmæ in Epirotas lancearios invectæ, qui ad sustinendos primos & sæpè ferociores impetus invalidi, dissipati aut cæsi fælicia pugnæ initia Hohenloo ostentabant. Quippe Schenckianos in fugam abreptos Germani ocysus atque alacrius insequerantur, ne pedite quidem ita composito, ut pugnæ locum, quem ceperat, ex sociorum clade retineret. Unde victoriæ spes Hohenloo illucescebat, nisi primâ fronte blandiens fortuna secundis adversa reservasset. Ubi namque equestres Frisiorum turmæ repetendis viribus ac insultibus parum recessere, hostibus fugam ratis animus increvit, quos velut semi-victos & sociæ cladis spectaculo truces in medios Hohenlooi pedites vindictæ cupido atque gloriæ impellebat. In quibus præcipui Epirotæ, redintegratâ acie, cum ferentarijs fuere, qui impetu Frisici equitatus repulso, dissipatos antè lancearios reparandis viribus incitabant. Tum Hohenlooi eques pedem ad tormenta retraxit, quæ confertim rumpendis Schenckianorum ordinibus, laxata nullo pulvere aut globo tenebantur. Unde pedestres Hohenlooi copiæ, retroactis sensim equestribus, & quod hastati excipiendis Epirotarum equitum insultibus deessent, in planitiem digressæ, quæ aperta & nullo opere vallata, qua qua versum fugæ proximos impressionibus hostium exponebat. Quare, edito aliquandiu virtutis exemplo, fugæ consilium cepere, quæ ut solet, inclinante acie ne fortissimos quosque in statione aut officio retinebat. Sic pedestri exercitu disperso equestrium quoque turmarum ordines dissoluti, quos peditum exemplo contritos, nec pugnantium tribunorum virtus, nec imperium Ducis coercerebat. Itaque multi in amnem præcipientes acti, eo vadoso in avia ac deserta se recepere, quæ humanis ante vestigijs intacta, palantium multitudini ac fugæ serviebant. Quippe sæculentam paludum uliginem continuæ siccitates & ardentius coelum induraverant, ut ferendo pediti habilis, ne equinæ quidem ungulæ iter atque vestigium respuerent. Unde

de multi omniâ ad lævam relicta Coverdiam celerrimo cursu profugerent, re, quam Hohenloûs, adversæ fortunæ metu, recipiendis profugis asylum ordinaverat. Ita bituminosæ uliginis durities multis salutis, plurimis quoque exitio fuit, quos hostium equites per plana myrticeta & palustres campos assecuti, sedato nondum pugnæ calore, vulneribus ac cæde sternebant.

Wingardius cohortis ductor, qui in dextro cornu fuerat, fortiter pugnans & à suis desertus occubuit, multique ex vulnere, aut in ipsâ fugâ effervesfacto sanguine ex siti debiles in potestatem hostium venerunt. Pompeius quoque Uskenius pensili, quod ad spectandum prælium ferebatur, curru excussus ac ab hostibus interemptus est. Vir meliore vitæ exitu dignissimus, quæ promovendo fœderi inter curas & inquietudines acta patriæ amantem superfuso militari tribunitioque sanguine superbi cruentique victoris arbitrio objecit. Itaque tantus pavor ex fugâ multitudinem invasit, ut ne Coverdiæ quidem subsisteret, ligneoq; ac trabali viæ obice objecto, aut Cornputti præsidio stantis prece aut imperio retineretur. Quare palustres, qui Coverdiam Burtangamque interjacent, campos pervagata monasteriense in agrum se effudit, incerto & hæsitante Cornputto, an Coverdiam præsidij debilem & non munitam, incursionibus victorum servaret. Cæterum sollicitatis nequicquam profugorum auxilijs, quos specioso ad virtutem & gloriam hortamento perfectæ conabatur, metu tandem evictus, cum paucissimis suorum dubio & per avia itinere in Frisios properavit, tristissimæq; cladis obnuntiatione patrum animos perculit. Qui Hohenloû litteris Oldenzelâ, in quem locum cum reliquijs fusi exercitus se partim receperat, postero à clade die Leovardiam expeditis parum firmati egregiam futuri temporis & mollioris fortunæ spem concepere.

Litteræ H O H E N L O I hujusmodi erant.

**C**ELARE vos non possum, ORDINES, quod cum hoste conflixerim. Ac quanquam secunda pugnae initia favore numinis, meâ virtute fecerim, hostium equitatu cæso, aut dissipato, ita sola peditum meorum fuga spem victoriæ mihi excussit. Ego verò Coverdiam cum fugientibus me recipere in animum induxeram, quo fortunam prælii relictis copijs repararem. Cæterum Cornputtus, ibi præsidio à me relictus, loco turpiter decessit, ad quod faciendum nulla necessitas sacramenti oblitum adigebat. Quod fœdus ne tormentis quidem abducendis tempus impendit, soli fugæ ex imbelli pavorè quaesitum. Sed mea virtus quæ amissa sunt propediem restituet, daturusque sum operam ut majoribus cum auxilijs ad vos veniam. Quippe Scoticæ ac Anglorum legiones jam in itinere sunt, suisque in manu meâ hostem Groningæ arcenti, nisi desertâ Coverdiâ militum fuga sibi dedecus, mihi incommodum peperisset. Et quanquam hostes decem & trium cohortium ope subnixi, de movendis ad Groningam castris vestris cogitare videantur, ita meo officio defuturus non sum, modo hoc agatis, ut ejus quam ocysimè commonear. Arma, res atque vita mea vestræ salutis offeruntur.

Litteræ Hohenloii ad Ordines Frisias.

Cl. Franckenâ egregius Hohenloæ illo prælio virtutis commendator scribit, Philippum Hohenloûm visâ peditum suorum fugâ, equestres

Hohenloii in hoc prælio virtutis.



CL. Id. turmas, exercitus sui robur, per mediam hostium aciem duxisse, ruptis-  
 LXXX. que eorum ordinibus aut saltem laxatis, salvum & incolumem Olden-  
 zelam in Tubantibus pervenisse. Equites quoque Hohenloï plurimos in  
 illo conflictu desideratos, pedestremque exercitum fugâ servatum ma-  
 nifestæ cladi non subfuisse. Tum machinæ & omnis commeatus hosti-  
 bus in prædam versus, qui rebus secundis, more mortalium, elati vi-  
 tricia per Drentiam signa solvendo obsidio circumducebat. Quare Har-  
 denbergicæ cladis nuntio in castra ad Groningam perlato Enteniana po-  
 tissimum legio tribuni sui morte & ex retardatis stipendijs turbida ca-  
 strende officium detrectavit, animisq; inquieta, ferox & reliquarum quoq;  
 cohortium ingenia seditiosis consilijs tanquam pestilentia infecit. Un-  
 de exlex miles & disciplinæ immemor nec blandimentis nec auctoritati  
 parebat, quæ gregarios inter & calores convicijs exagitata tribuno-  
 rum quoque centurionumque fidem corruperat.

*Militariis  
 seditio ex  
 infelici  
 prælio,*

Quare ne in gravius malum militarium animorum fervor erumperet, fo-  
 risque victor hostis, intra loricam tumultus & seditio castra inse-  
 stare, Gulielmus Ludovicus Nassovius advocato in consilium Sonoio  
 moveri eadem castra etsi invitus fecit, quæ incensis tentorijs celerrime  
 rapta, vix sarcinis impedimentisque colligendis tempus reliquerant. Cu-  
 rà tamen Nassovij, qui opperendum hostem & conferendam cum vi-  
 ctore Schenckio manum suaserat, exercitus Winsumum in Hunesgonios  
 cum omni commeatu & per Omlandiam vicinam ductus, quâ parte Hu-  
 nefus amnis flexo aut curvato alveo fertilissima terrarum perlabitur.  
 Tum per Longowaldios itinere facto, superato apud Visfletam Lavica  
 flumine pleræque copiæ Collumum & Doccomium expeditæ, ubi per  
 castrense otium Entenianæ legionis sævior seditio ex egestate æris re-  
 cruduit. Quippe ab eodem milite pro arbitrio copiarum ductoribus  
 imperatum, qui referre, quæ Opflachum destinabantur, signa Docco-  
 mium jussi, oppidum velut pignori aut direptioni immodestè insolentibus  
 permittebant. Quamobrem Gulielmus Ludovicus classario mi-  
 lite revehendis Harlingam tormentis conducto, litteras Doccomio XI.  
 Kalend. Iulij Leovardiam dedit sedandisque emotis mentibus unius men-  
 sis stipendium in parato ære poposcit.

*Ea nume-  
 rato stipen-  
 dio sedatur*

Unde à Deputatis Scipio Meckama vir nobilis & Hesselus Aysma pro  
 legatis ocyus Doccomium missi, numeratoque seditioso militi in mensem  
 stipendio præsidij insolentiam placavere. Mox amovendis quoque in  
 posterum seditionibus militem inter & Legatos Ordinum conventio scri-  
 pta, quo seditiosissimus quisque otio corruptior repetitis belli officijs  
 ad honesta obsequia & agnitionem decentis imperij rediret.

Eâ cautum fuit.

*Ut unius mensis stipendium post ostiduum miles acciperet, eoque evoluto  
 sequente ostiduo aliud menstruum stipendium priori superadderetur. Conventio-  
 ne quoque signatâ militi binâ insuper stipendiâ penderentur, singulisque mox se-  
 ptimanis paratum æs tribuno cohortis & juxta militi præstaretur. Centurio ac  
 miles fidem sacramento faceret, Ordinumque imperijs ac mandatis ex articulo,  
 ut vocant, militari pareret. Hæc à Ioanne Escheda, Harmanno Oltho-  
 vio, Iacobo Nettio, Florentio Scageno, Rudolpho Langio & Bloemio Snecano  
 XII. Kalend. Iul. Doccomij signata.*

Igitur



Igitur totâ belli mole in Frisios & Omlandiam vergente, Frisij lastas clo. 10. quâdam fecalis quo commeatibus legionum providerent, Amstelodamen- L x x x.  
ses poposcere, & ut illius civitatis Magistratus sociam fidem emendo Frisij au-  
xilia Am-  
stelodamen-  
ses petunt.  
pro Frisij frumento interponeret. Quod frigide à Magistratu habi-  
tum, qui Legatos coëmendis necessarijs mitti è Frisiâ volebat, ejus-  
dem regionis proceres haud parum turbavit, qui inter domesticarum  
seditionum aut hostilium irruptionum metus constituti annonæ carita-  
tem aut penuriam submovendam provinciâ aut infidis castris interpre-  
tabantur. Auxilia quoque eisdem Amstelodamenses, ut & minores  
Frisios petita, ac ut à clade Hardenbergicâ expositam bello provinciam  
suâ civitatis aut regionis præsidio sublevarent. Sed Magistratus mis-  
sas à se Suollam & post Oldenzelam auxiliares copias respondebat, ex-  
tenuatisque præsidij cohortibus binas tantum tuendæ civitati retinuisse.  
Nihilominus testandæ in socios fidei ad legatos suos Hagam scripsisse,  
quo afflictis Frisiorum rebus sociale auxilium mitteretur. Idem à mi-  
noribus Frisij Enchusâ responsum. Quare pensitato cohortibus ære  
militares ex quibuscq; signis manipuli Doccomio Opslachum & ad Salinas  
præmissi, quæ marino littori in Reiderij amnis & Neozilæ ripâ ad-  
jectæ præservandis Omlandicæ agris terreo opere tum muniebantur.  
Quâ munitione perfectâ, ac Doccomiensi seditione compositâ Herman-  
nus Olthovius, Vlietius, Iargæus, Scagenus & Cornelius Veda cohorti-  
um præfecti Opslachum pro præsidio expediti, animatâ jam melius Fri-  
siorum gente, quod per Hollandiam cæterasque socias provincias auxilia  
pararentur. Hoc vero volebant Hollandi, ut auxiliaribus copijs Frisij non  
campestres ad usus, sed civitatum suarum præsidio uterentur, ne illâ  
militaris turbæ inopia, interveniente cohortium cæde aut fugâ recu-  
perandorum præsidiorum commoditate Hollandicæ urbes privarenrur.

Tum Schenckius victor patentibus campis & cæde hostium contra-  
tis unum diem agens, quiete parum per fesso militi datâ Coverdiam Schenckius  
victor Gron-  
ingam  
tendit.  
properavit, eamque Sonoï avaritiâ aut incuria patrûm neglectam tunc  
incolarum ac præsidij vacuum invenit. Itaque multo partium metu,  
Hohenloo Oldenzelam cum reliquijs insaufæ cladis amoto, medios per  
Drentiæ agros Groningam contendit, urbemque soluto obsidio acce-  
sui facilem specie triumphantis ingressus est. Quippe Senatus & ex  
conjuratis primi, quos Lalainius opprimendis jam antè foederatis ha-  
buerat, ei obviam egressi, de victoriâ Hardenbergici prælij gratula-  
bantur, & quod fessis obsessorum rebus ac ad faciendam deditionem pro-  
nis victore cum exercitu subvenisset. Tum dies genio vinum inter &  
epulas delecti, solenniumque veluti festorum hilaritate exacti sunt. La-  
lainius ipse animi diu anxius & interno tortore pectoris ex defectione æ-  
ger frontem tum exporrexerat, omnemque violati foederis ac simul fi-  
dei poenitudinem facescere animo jussit. Mox Schenkianum exercitum  
per omnem Omlandicæ agrum sparfit, Opslachumque & Salinas, quas  
quinque cohortium præsidio foederati præoccupaverant, obsidere con-  
stituit. Itaque nobilium arces & castella passim à Schenkij exercitu  
diruta atque direpta, dominorum fugâ vacua cultoribus & omni or-  
natu jacuere. Quippe auro argentoque tum pretiosâ supellectile in præ-  
dam captâ, ferrum & omne æs fusile armorum usui impensum, quæ La-  
lai-

CL. IO. Iainius nullo obstante per Amasi & Reiderij amnis ripas circumferebat.  
 LXXX. Quare centuriones, qui Oplachum præsidio tenebant, habito concilio obsidij metu auxilia Frisios petiere, & ut ocyus subvectandis commeatibus oneraria navigia adornarent. Alias fore, ut nullâ sui defensione aut gloriâ instar pecorum macentur, defectoque commeatu languidi & imbelles promiscuâ morte pereant. Igitur necessarium esse, ut fortissimi quique & perire pro patriâ nati ejus auxilium atque opem sentiant, & ut ad præstandos opportunè commeatus patrum sollicitudo se extendat, habitura viros fortes si fecerit. Hoc ab Harmano Olthovio, Egberto Bevelandio, Cornelio Weda, Stephano Pensio, Florentio & Scageno, Sceltone Iargæo signatum.

*Leonini ad  
Frisios literæ  
ac solatia.*

Gulielmus quoque Ludovicus Nassovius Doccomij tum hærens, pro obtinendo tormentario pulvere reliquoque commeatu intercessit, ac ut Bartholomæum Sneburgium virum fortem, comportandis ad obsessos commeatibus delectum, omni necessario præjuvarent. Quo Elberti quoq; Leonini, qui Antverpiâ Daventriam à Concilio Status Belgici amandatus erat, litteræ ad Frisios faciebant, hortantis, ut animos capeferent, Hardenbergicæq; cladi salubres curas reponerent. Neq; enim planè convulsas foederis vires esse, aut detrimenta cladis sævienti fortunæ imputanda, quæ insperatus militum pavor & solâ confusio peperisset. Emendanda esse exercitus vitia & torporem, aut metum virtute aut ejus fiduciâ mutandum, quo omne dedecus ex pavore & fugâ quæsitum resumptæ fortitudinis gloria cooperiat. Se interim apud foederis focios, apud Hohenloum & suos quoq; Antverpiæ intercessurum, ut stipendia atque auxilia habeantur, & ut Frisix vicinarumque gentium discrimini auxiliares Gallorum Scotorumque copiæ subveniant. Hoc tantum petere, ut Frisij mortalium mores & ingenia imitati adversâ ex fortunâ civilem concordiam induant, & ut militum provincialium animos decentibus solatijs erigendo oppida ac castella præsidij firment. De cætero cogitarent Deum prospera sanctissimo foederi largiturum, eosq; esse adversarum rerum fines, ut initia secundis præsternant. Sic Leoninus actis pro liberalitate gratijs valere Frisios jussit, interceptaq; in Omlandiam ex Hardenbergico prælio legatione, in Brabantiam recessit. Litteræ VIII. Kal. Iul. Daventriâ datæ:

Cujus cladis causam, etsi temerarijs Hohenloï consilij, dubia rerum ut certa habentis, plerique imputarent, ita erant, qui socordiam foederatorum Ordinum criminarentur, quod hostium copijs, transvehendis patère Rhenum sivissent. Quippe illorum consilio Iselfteinium cum legione è superiore Geldriâ in Transisulaniam evocatum, nudato fluminis margine, qui adiri relicto ad Rhenum præsidio non potuisset, Erant quoque qui crederent, Hohenloum cum imperio & simul mandato pugnasse, quod dubium & obscurum infœlicis prælij eventus fecisset. Prospera scilicet rerum mortales adorare, fieriq; in adversis ut eorum culpæ in alios referantur.

*Lalainij  
post victo-  
riam mi-  
chinationes*

Igitur liberatâ post tres menses & medium Groningâ foederatoque exercitu in Frisios revocato Lalainius, quo quo vellet, copijs suo arbitrio usus Schenckiani exercitus partem Delphzilam duxit quam Fivelæ anni qui in Amasum exit, assitam Bartoldus nuper in justæ munitionis formam



mam redegerat. Quippe valli altitudine & mole multo aggere firma-  
tâ, fossam quoque centum & decem pedum erecto operi præduserat,  
quod introrsum septingentis & ultra passibus ab Amasi ripâ jactum  
commoditate amplissimi fluminis parum juvabatur. Quare Lalainius  
occupato portus ostio, agrisque ad Amasum procurrentibus castra ag-  
geribus circumdedit omnemque, quem potuit, commeatum inferri ijs-  
dem castris jussit. Delphzilam vero præsidio tres cohortes tenebant,  
quæ etsi mutatis sacramentis, plurimos vetere in Lalainium gratiâ af-  
fectos in illâ multitudine numerabant. Sic præssâ levibus castris Delph-  
zilâ per Fivelingios Hunesgoniosque exercitum reduxit, Opflachumq;  
in ripâ Reiderij amnis iusto opere erectum, subvertendis præsidij com-  
meatibus properavit. Tredecim cohortes fuisse annalibus proditum est.

Unde Frisiorum litteris Eschedæ & Rinsuoudij cohortes, quæ in Ger-  
riconis cœnobium diverterant, celerrimò itinere Opflachum ire jussæ,  
quo obsessi sustinendis opugnationibus impares illarum auxilio juvaren-  
tur. Cæterum Rinsuoudij milite cæso aut dissipato, ipso captivo &  
saucio Escheda cum cohorte pedem retraxit, adaucto magis terrore,  
quod Schenckius prosperâ fortunâ superbè & crudeliter usus, resectos  
fomentis ac cibo captivos sedato iracundiæ calore interemisset. Qua-  
re obsessorum quoque animi sensim defecere, quorum virtus ex anno-  
næ & commeatum penuriâ languidior spem liberationis amiserat. I-  
gitur Frisij Didericum Sonoium, muniendæ Harlingæ intentum, socias  
naves ut in auxilia procuraret, datis litteris monuere ac ut unam annonâ in-  
structam per æstuarîa maris deferri Opflachum ocyus faceret. Is Iohani-  
nem Buningam virum fortem præsidium Harlingæ agentem instructissi-  
mæ navi præfecit, quæ lecto littore prid. Kal. Iulij medio diei Oostmahor-  
nam provecta, ac in anchoris stare jussa tardiori auxilio moram injecerat.  
Quippe classarij artium rudes & numero pauci ministeria non implebant,  
interque otia silente vento dies actus obsessorum angustiam prægrava-  
bat. Unde consilium faciendæ deditiois captum, eaque conventum,  
ut præsidiarij loco salvi & incolumes cum armis & impedimentis exirent,  
intraque trimestre arma in Regem non ferrent. Quare impulsis per Fri-  
siam rebus, à regiæ factionis multitudine, quæ in provinciarum vicali-  
bus adhuc hærebat, frumenta & commeatus in castra hostium clam sub-  
vecti, quorum stativa modo per marini apertique littoris edita, modo  
fertilium camporum planitiem habebantur. Igitur autorati, qui in cri-  
minum ac malorum consiliorum conscios inquirerent, eorumque nomi-  
na ad Senatum provinciæ deferrent.

Mox dilectus per omnem agrum atque municipia habiti, Biltanique  
viritim coacti armatos recensuere. Reliquis in præturis fortes pavidis  
immisti difficiliter cogebantur, & quod essent qui arma tuendæ patriæ  
imperata hostium servitijs destinarent. Itaque Lalainius redacto in po-  
testatem Opflacho castra Collumum movit, quem vicum in Oostergoâ  
amplissimum & modico portu commercijs opportunum circumducere val-  
lo statuerat. Cæterum mutato consilio, quo in inferiora provinciæ per-  
geret, de oppugnando Doccomio agitavit, quod oppidum Ea amnis le-  
nibus aquis Leovardiâ prolabens, navigabili alveo interluit. Quare Or-  
dinum sollicitudine & curâ omnes copiæ, quas è provincialibus college-  
rant,

*Frisij Op-  
flachi obses-  
sis auxilia  
submittere  
nituntur  
frustra.*

*Lalainius  
Collumum  
Doccomioq;  
minatur.*



clō. Id. rant, istud ad oppidum convenire jussæ, quo permuniendæ urbi destitutus labor armorum præsidio melius foeliciusque procederet. Sed rara civium manus, agrarij segnes & erigendis operibus invalidi, ægrè suorum imperijs parebant, ipsorumque etiam prætorum contumaciâ curribus atque equis destituebantur. Unde Cuningamus ne morâ aut per ignaviam consilium vilesceret, fossiores, equos, currus acciri è Dongrijis jussit, prætoresque promovendis novorum operum munimentis tardos acerbissimis litteris perstrinxit. Versari scilicet in summo discrimine provinciam innuebat, postquam ad muros fermè hostis & secundis ferox futuri temporis fortunam suâ ex virtute aut victoriâ æstumaret. Inde capto Opslacho, Collumano agro signa inlata, intra oppidum & in meditullium provinciæ progressura nisi virtute virorum fortium & labore manuum sistantur. Præter militem namque fossiores, currus, equos desiderari, ac ut patens oppidum per fœda murorum rudera sustinendo insultivi debile, justo aut pro ratione temporis tumultuario opere firmetur. Quod nisi fiat, oppido & simul provinciæ periculum imminere; cui causam non intermissa militarium tribunorum officia, sed socordia prætorum datura sit. Quas litteras etsi parum efficaces aliorum metus, aliorum contumacia faceret, ita Hohenloï repentino in Frisios adventu invaluer, qui Leovardiâ Doccomium decem cum cohortibus celerissimo itinere provectus, rusticam ac oppidanam plebem emuniendis locorum opportunis adegit.

*Hohenlois  
in contra-  
rium tendit  
Frisiamque  
passim opere  
ad præsidij  
munis.*

Mox copijs Stenuicum ad præsidia expeditis, dispersas cohortes con-  
duci Doccomium præcepit, oppidumque prædiario ad incursiones mi-  
lite firmavit. Præter pedestres namque copias, quas Grovensteinus &  
Feruovius ducebant, Joannes quoq; Escheda cohortis ductor cum reli-  
quis ex Entenianâ & Nassovicâ legione oppidum ingressus est, cujus  
ambitus & suburbana specie castrorum ex magnitudine præsidij visaban-  
tur. Tum Oostmahornam Roblesij ætate à Bartoldo Entenio opere cir-  
cumductam, qua Ea amnis latissimis in æstuaria aquis effunditur, vallo  
quoque terreo præcinxit, eique suæ cohortis præsidium imposuit. Dein  
ut omne littus, quod canales omnium rivorumque demittit, Colluma-  
nisque aut Dongricis agris & æstuario obtenditur hostibus inaccessum fa-  
ceret, lenia quædam castella, omnibus ac mari objecta rusticæ plebi de-  
fendenda commisit, omnemque illum Oostergoæ littoralem tractum ar-  
matâ multitudine obsepsit. Quæ discors & parendi rursus insolens,  
quod stipendia ad diem non præstarentur, importunius tribunos sollici-  
tabat, ac ut ruptis desertisque signis venale sacramentum inopis do-  
mini fastidio exuerent. Quod malum ne contumaciâ provincialium  
ingravesceret autoritate supremi Senatus apparitores in præturas passim  
ablegati, qui armatarum cohortium ope bona distraherent. Pecuniam  
quoque obluantanti populo extortam, aut ex dividendis bonis collectam  
Paulo Gellio tribuno ærarij penderent, quod illâ tempestate exsangue &  
impulsus tantæ rerum moli & militaribus impendijs non sufficebat.

Quippe publicis sociarum provinciarum indictionibus recipiendis, etsi  
Ordines annuissent, ita plebs passim refragabatur specieq; immodesti one-  
ris obsequia & pacem exuebat. Quare nec Matthiæ Gubernatoris hortatu  
nec Ordinum generalium litteris quid profectum, reputante eodem po-  
pulo,

pulo, liberam gentem, nec absolutis principum imperijs aut dominationibus. Id. 13. bus ullo tempore obnoxiam importunis servitijs eximendam. Tradunt L x x x. militum plurimos, sollicitatis perfide etsi nequicquam tribunis, grege facto ultro à signis descivisse, metuq; periculi, an ob stipendia incertum, debilem exercitum labefactasse. Quare Hohenlois, datis ad Ordines Frisiæ litteris, obsideri viarum spatia spiculatore petijt, ac ut destructores vinculis datis statuendis exemplis transmitterent.

Joanni Fervouio cohortis ductori, qui per Barranum ac Ferverdicum agrum residuum tributi, quod in aureos florenos indictum erat, armatâ manu exegerat bimestre stipendium Kal. Jul. exsolutum. Litteræ quoque passim in provinciam ad Quæstores publici indictionum æris missæ, ijsque constitutum, ut in Monasterienles, Dortumanos, vulgares Anglicos & Boechfeldicos pannos decem stufferos exigèrent. Cerevisiæ quoque Steenuicanæ, aut Oldemarcianæ, tum apud Drentinos ac per Trans-Isulaniam costæ, singulas in tonnas sex stufferi, Hollandicæ octo penderentur. Igitur Docomio oppido, foedâ rusticæ plebis ignaviâ, trecentorum militum ac operariorum industriâ munito, Cuningamus Ordines mercedem laborantibus poposcit, ac ut Hohenloium debilitato per excursiones & transfugia præsidio majoribus in Dantumianos cum copijs expedirent. Adeo dubiâ fide ac spe res per Frisiam fluebant, donec Aurantium suscepto præfecturæ imperio regundæ provinciae à Matthiâ Gubernatore confirmatum constans fama annuntiaret. Quæ ut læta in spem prosperi Frisiorum animos erigebat, ita illi e contra hoc uno consternabantur, quod ejus præsentiam Brabantinæ & Flandricæ adhuc res postulerent, gravissimaque belli & rerum moles illo rectoris destituta fluctuare per Frisiam cogeretur. Quippe quadraginta perditum cohortes modico cum equitatu irruisse in Flandriam vulgabantur, esseque necessarium, ut Matthiæ Gubernatoris juventû Aurantij consilij subnixâ, Frisiorum rebus administrandis legatus decerneretur.

Quare vicarium Præfecti imperium Bernardo Merodio Rumenio viro provectæ ætatis & prudentiæ non inopi ab Aurantio principe commissum, qui absentiam honestè excusando principalem affectum Frisiorum genti & simul Bernardum Merodium efficacissimis ad solatium litteris commendabat. Is verò vicariâ imperij potestate Aurantij & de consilio Archiducis & Ord. gener. acceptâ itineri se dedit, unaq; cum Barthio Idsaerda Legato, qui in ejus comitatu tum erat, Ultrajecti substitit, deque provinciâ administrandæ rationibus voluntatem Ordinum intellexit. Ibi hærens sarcinas ac impedimenta onerario navigio in Frisiam expediri fecit, exactoque inter publicas deliberationes tridui spatio valere provinciarum Legatos jussit. Mox ipse Harlingam provectus rebus urgentibus Leovardiam properavit, quâ in urbe concursu populi & procerum gratulationibus exceptus, de eorum consilio initia imperij auspiciatus est. Ferunt grandiora tormenta bono rerum omni, continuis per urbem fragoribus displosa, armatosque civium manipulos ad gaudia, ut solent, ex novi rectoris adventu excitatos, ejus ac simul publicæ salutis fidem atque auxilia obtulisse. Adeo sepultam secundis fortium virorum virtutem adversæ res accenderant, postquam conjugum atque liberorum perculsæ facies, denique perituræ patriæ imago aut metus

*Novæ per Frisiam viâ designet.*

*Aurantium gubernat Frisicæ deâ signatur.*

*Vicarium imperium Merodio commissit.*



clō. Id. oculis obverfabatur. Sic compositā civitate patres coacti, advocatis in  
LXXX. concilium Hohenloo & simul Merodio, quem asperis imperij rudimen-  
tis fortuna exercebat. Quare Didericus Sonoius acciendis in Hollandiam  
auxilijs confestim missus, & ut solvendo Delphzilæ obsidio tum occu-  
pando Amaso flumini præfidiarias naves impetraret. Abelo quoq; Franc-  
kenæ viro doctrinæ eximio legationis ad socios onus injunctum, quos  
Ultrajecto antiquā concilij sede amotos, Camporum in oppidum ad  
Isalæ fluminis exitum conditio temporum detruserat. Ibi Franckena vir  
eloquentiæ egregius salutatis socijs hoc modo differuit.

*Franckena  
Frisiorum  
legati ad  
Ordines or-  
ratio.*

**B**E L L V M omne in nos Frisios devolutum cernitis Socij. Quod quoniam  
sine auxilijs geri nostra ex infirmitate non potest, ita vel maxumè necessum  
est, ut ea ex superiore Belgicā, imprimis verò à vobis ex jure novissimi fœ-  
deris habeamus: Quare copias per Drentinos & Omlandiam sparsas no-  
stro sacramento militantes instrui stipendijs in auxilia petimus, ne illorum de-  
fectu lubricam fidem ex angustia æris induant. Quin hoc etiam necessarium  
censemus, ut tormenta & omnem belli commeatum ex publico provinciarum arma-  
mentario habeamus, omneque castrense instrumentum communi ere paretur.  
Et quoniam locorum spatijs à nobis discreti providere nostrā imbecillitati non po-  
testis, existimamus durante apud nos bello concessum vestrum Harlinge & in Fri-  
sijs habendum. Quo ita omnes ad casus & momenta rerum circumspedti nostram  
& simul sequiorem belli fortunam, vestrà ope ac prudentiā consilij præjuevitis.  
Sed æris potissimum cum inopiā luctamur, Socij, eoq; deventum est, ut decre-  
to publico pecuniam & commeatum sumendum sub veniā censeamus. Quæ si sortem  
nostram excedat, quicquid ultra impensum est, supplendum ex communi ærario  
acquisissimum arbitramur. Nam aliter nec interposita fides, nec societas nostra  
diu integra esse poterit & nisi communicatis consilijs unum in finem patriæ  
commodum conspiremus. Atqui iterum testamur, nos eam sine auxilijs aut  
delectum ope tueri non posse. Quos cum haberi per Nyennortium & Hæjonem  
Manningam conscribendis mille ferentarijs Hohenloous velit, ac ut totidem  
quingentis aureis autorentur, ita iudicium aut assensum vestrum flagitamus  
& an è rep. ac fœdere censeatis nutanti militiæ & simul ærario tanto cum onere  
aut auxilio subveniri. Imprimis verò hoc agite, Socij, ut Aurantium ac simul  
Hollandos auxilia pro nobis petatis, ac ut illi cum Zelandis socijs nostris, inter-  
cipiendis hostium ad Delphzilam commeatibus, Amasum flumen præfidiariā clas-  
se ingradientur. Nam omnia nobis angusta esse ne vos ipsi quidem nescitis,  
nosque liberando Opslacho omne consilium, omnes vires impendisse. Ita onera-  
rijs navibus ad Oosmahornam positus & milite nostro instructis, æstuaria maris  
fines ac provinciam nostram pedestribus equestribusq; copijs obsepsimus. Inde  
fit ut agri nostri ac simul opes atterantur, nostroque in exercitu annonæ & com-  
meatum, deniq; rerum omnium penuria sit. Hosti verò, etsi Omlandiam quo-  
que ac vicina depopuletur, ex Trans-Amasani, Trans-Iadaniisque tum  
Bremensium ac Monasteriensium tractu alimenta subvehuntur, factura hosti-  
bus certum & utile commercium nisi vestra cura ac apud externos intercessio præ-  
veniat. Quare necessarium est, ut litteras ad Trans-Amasani Frisie, tum  
Oldenburgeris Comites, denique Bremenses & Monasterienses ocyus mittatis  
curetisque, ne quid illis ex regionibus hostibus auxilij, nobis incommodi obve-  
niat. Hæc F R A N C K E N A.



Ad quæ F O E D E R A T I :

cto. 10.

**P** A V C I dies sunt, F R I S I I, cum Legati nostri in Geldriam, Hollandiam, Zelandiam & Vltrajectinos missi, quo provincijs copias, co-  
LXXX.  
Ordinum  
responsio.  
 pijs stipendia assignarent. De reliquis sex cohortibus nullo ere, per Drentiam & Omlandos agentibus similiter cogitavimus, daturi operam, stipendia à nobis, aut ab hostilibus agris tributa habituri sint. Quod ad commeatum belli attinet, eum censemus communi provinciarum ere coëmendum, exceptis tormentis machinisque quas quæque provincia suis impensis suæ defensionis paravit. Harlingam vero conventum nostrum Campis transferre, res nostræ hic non ferunt, ordinatis necdum per provincias stipendijs, & Zutphanensium Geldriaque agris incursionibus hostium expositis. Adhæc Lubberti Rhemensis tum Germanorum equestribus turmis recensendis dies hos diximus, adeo vario & diviso belli statu, ut de eo commodiore loco quam hoc ipso disponi non possit. Pecunias vero in usuras sumi consultum indicamus, esseque æquissimum, ut nimia æris erogatione gravati collatis rationibus sociorum ope leventur. Sed copias plures aut novos ferentarios conscribere, aut conscribi facere id nostræ potestatis non est, ita equato tributis exercitu ut sine Aurantijs aut nostrorum Ordinum decreto novis delectibus gravari erarium non possit. Id Hohenloo nuper Daventriæ per nos significatum & quod ex Brabantia sperata auxilia novo ac ferentario milite non egeant. Interim tam auxiliares copias quam classem premendo Amaso Hollandos sociosque sollicitabimus, dabimusque operam, ne, quod Benthemio Comiti indicatum est, vicinis è locis commeatum hostis, vos detrimenta accipiat. Hæc VII. Iul. Campis acta.

Mox Georgij Holsteinij ducentorum & amplius equitum cohors Leovardiam & in suburbanos agros præmissa, actâ ibidem nocte Docconium perrexit, firmando præsidio ac intendendis militum vigilijs, quorum cohortes quorundam ex Iselsteiniâ legione fuga & egestas æris extenuaverat. Unde Hohenlois decreto Ordinum impetrato, autorandis mille ferentarijs præfectos delegit, Egbertumque Stammerum cum mandatis Leovardiam ablegavit. Reliqua, quæ in secreto patrum tractanda decernebat, Ernesto Grovensteinio viro nobili commisit, unicuique retinendi in officio militis remedium, pecuniam poposcit. Tum Taco Hettingha vir stirpis antiquæ militem per Dantumanos collegit, signumque ex agrariâ plebe erectum sacramento foederis autoravit. Regneri quoque Idsij pedestris cohors per Sylvestres & Gesterlandiam conductâ ad sacramentum adacta, fanoque in Roordahufano à Renico Cammingha cenfore Frisici exercitus recensita. Dein præsidiariæ naves è minoribus Frisij Delphzillam missæ, adornatæque per Hollandiam vectoriæ, quæ transportandis in Frisiam auxilijs habiles majore numero subvectantibus quoque commeatibus expectabantur.

Quarum rerum famâ excitus Schenckius, qui refocillandis copijs Columi adhuc hærebat, adultâ nocte, quam sublustrem æstas faciebat, re-

Hohenlois  
autorandis  
mille ferentarijs præfectos delegit.

Schenckij  
irritum in  
Docconium  
ses impetus.

clo. Io. insultum & incondito militum clamore subjutum in oppidum fecit. Cæ-  
 LXXX. terum terreo vallo continuis imbribus, ut vestigia vix ferret, soluto,  
 infirmi gradus militem fatigabant, cujus lassitudine ingruentem vim pro-  
 pugnantium vigor atque firmitas repellebat. Unde Schenckiani re-  
 troacti & glabritie foli præcipientes dati, multâ cæde reiecti, in avia  
 locorum profugere nulloque ordine vagi & palantes Collumum rediere.  
 Multi fugientium vadosis incilibus & imbrium continuâ eluvie lubricis  
 hausti multata & cruore vulnerum foeda corpora victorum iris ac ar-  
 bitrijs permisere. Ita fortuna more suo recentibus hostium prosperis  
 adversa intermiscebat.

Creditum fuit, equitum turmam, quam Pieckius vir fortis ducebat,  
 è Dongrijs ubi præsidium egerat accitam, pedestre imprimis præsidium  
 præjuvisse, eamque fugientes equorum pernecitate affecutam promi-  
 scuâ cæde delevisse.

Annotatum invenio magnum cælati argenti pondus corrogandis sti-  
 pendijs Amstelodamenfibus à Legato pignori oblatum, ejusque con-  
 silium à malitiosis & provinciæ velut derelictæ fidem eluentibus invi-  
 diâ foederis interversum. Igitur Lalainius Doccomio repulsus, quo fa-  
 ti infœlicitatem, & ex eâ, ut solet, sui invidiam elevarer, Alexandro  
 Farnesio infaustæ expeditionis seriem perscripsit, Hardenbergicamq; vi-  
 ctoriam & secundas ad Opplachum & per Omlandiam res repetendo, prior-  
 ris fortunæ commendationem novo & gravissimo Doccomianæ cladis vul-  
 neri obduxit. Quæ etsi Schenckij temeritate aut fiduciâ obvenisset, qua-  
 si tot prosperis usus in potestate fortunam haberet, ita Lalainius omnem  
 cladis causam inclementijs naturæ imputabat, & quod medijs cancri ar-  
 doribus, velut eversâ anni temperie, continuo multorum dierum & fri-  
 gidissimo imbre desuper fuso salubre oppugnationis consilium subvertif-  
 set. Sic quod errore aut culpâ Ducis evenerat, rerum naturæ attri-  
 butum, more, uti assolet, humani ingenij, quod prosperis factorum  
 successibus sua consilia adaptat, adversis providentiam involvit. Quare  
 recollecto Collumi exercitu castris vallum produci jussit, haud ignarus  
 foederatos victores distributis apud Doccomium præsidijs, Dantumianos  
 per agros excurrere.

Tum apud Farnesium de comæatuum penuriâ questus, potiundæ  
 Delphzilæ haud incertam spem fecit, populumq; Groninganum præstan-  
 dis comæatibus difficilem acerbissimis litteris traduxit. Esse scilicet, qui  
 in urbe annonæ foecunda ferendis in vulgum discordijs periti desiderio  
 foederis castrensẽ comæatum impediunt, speciosâque libertatis voce  
 & execratione servitij ne civitatem quidem justo regis præsidio habe-  
 ri velint. Quare frændos esse civium mores atterendumque armis  
 aut per tributa populum, ne opibus ac commercio ad questum & lubi-  
 dinem usus damno regiæ autoritatis luxuriaret. Mitteret Farnesius au-  
 xilia circa Rhenum & per Clivos segni otio corrupta, quo agro Om-  
 landico populationibus ac spolijs exhausto, Groningana quoque civitas  
 impeditis commercijs & accisâ opulentiâ infirmetur. Neque enim ali-  
 ter retundi posse ferocis & insolentis populi lasciviem, & nisi intromisso  
 in urbem fortiore præsidio vulgus malis opinionibus imbutum intermissæ  
 Inquisitionis æquissimo rigore corrigatur. Renovanda scilicet esse  
 Phi-

Lalainius  
 Doccomia-  
 nam cladem  
 apud Farnes-  
 ium excu-  
 sat.



Philippi edicta morbisque animorum recrudescentibus usurpanda remedia. Id. dia persanandis vitijis opportuna. Adhæc solo eruenda veteris castelli LXXX. rudera & extruendam de novo arcem esse, ut regiæ dominationis ita civilis obsequij munimentum, subsidia quippe tantæ moli à tributis haberi posse, aut si fisco regio privatas opes iusta severitas addiderit. Quæ à Lalainio foèditer scripta ac à foederatis intercepta, largius infami perfidiæ testimonium improbissimo defectori præbuere.

Quare ex clade animi æger expeditis Collumo trans Lavicam castris omnes vires occupandæ Delphzilanae munioni intendit, sollicitatoq; ne quicquam per Oyenbruggium ad dedicationem præsidio, arctius obsessos præcinxit. Quippe Fivela amne & omni navigabili alveo obijce aut pontibus strato commeatum penuria increfcebat, & quod oclusis vijs ac itineribus auxiliorum spes atq; fiducia languesceret. Quibus & hoc accedebat, quod Amasus etsi disjunctissimis ripis patentem alveum foederatæ classi ostenderet, qua Fivelam excipit, minoribus castellis premeretur obturatiq; portus ac canalium difficultas præsidarias ægrius naves admitteret. Igitur summâ obsessorum angustia Fervovius cum cohorte minoribus navigijs in Amasum proventus, missique à Cornputto, qui nandi peritiâ flumen transmitterent, obsessiq; auxilia annuntiarent. Cæterum omnes aditus locorum excubiæ aut castella obseperant. Unde Hohenlous, collectis quas poterat copijs, quinquaginta navium classe Doccomio ac Oostmahornâ solvens Amasum ingressus est, deliberato, an in terram militem exponeret, an includendo commeatui flumen statione occuparet. Cæterum explorato Epirotas lancearios equites in castra Lalainij advenisse, Schenckiumque cum majore omni exercitu, iter per Omlandiam recta Delphzilam intendere, coepto destitit, & quod ipse nullo commeatu atque annonâ instructus subvenire præsidio non posset. Quare levatis, quas in Amaso posuerat, anchoris relegere æstuarium coactus Doccomium revertit, Iselsteinioque legionis tribuno reliquam in Amaso classem regendam consolandis obsessis commisit. Cæterum extrema annonæ penuria pristinum obsessis robur excusserat, & quod auxiliares sociorum naves ex Hollandiâ missæ, ignavæ & imbelles, ne tentato quidem solvendi officij consilio, torpescerent.

Igitur Hohenlous desperatâ obsidij solutione plebe rustica præsidio Doccomiensibus relicta, expediti copias Opslachum jussit, habitisq; Collumi, quo Schenckius aufugerat, stationibus, annonam militi poposcit. Quæ cum ægrius & viarum difficultate quas continui imbres foedaverant, subvehi posset, ad emissarium Collumani deferri navibus petijt, ac ut Ordines ex agrarijs fortissimos quosq; ad numerum octingentorum tuendæ oræ maritimæ armarent. Dein vastandis machinis ac necessarijs rebus octuaginta currus postulavit, raptoque celerius agmine Opslachum obsedit, locumque præsidij metu ac ignaviâ suæ potestatis fecit. Trecenti Lollio Liauckema ductore præsidarij inermes, solo commeatu impetrato exire munitione jussi, fide Hohenloo datâ, ne intra trimestre signa in Ordines ferrent.

Mox Monachozilam levi castrorum opere clausam ipsæ cum copijs in dedicationem accepit, quam Sampson Hestenius Germanus cum trecentorum militum cohorte ad Lavicæ annis exitum cum imperio & præsidio

Lalainius  
Delphzilana  
obsidione  
validius in-  
cumbit.

Hohenlous  
Opslachum  
recuperat.

Et Monachozilam.



cIo. Io. sidio tenebat. Conditiones fuere: Ut depositis armis Hestenius cum suis  
 L x x x. munitione abiret, eumque Hohenlois, procuratâ in triduum annonâ,  
 navi Embdam conduci faceret. Sed Hohenlois violatâ, quam hosti de-  
 pactus erat, fide victos puppi navium alligatos spectantibus Delphzilanis  
 in Amasum demisit, simulatoque an demergi vellet, funibus per flu-  
 men tractos inter ludibria ac pavores animandis obsessis habuit. Cæte-  
 rum animus obsessos jam liquerat, quos fame aut annonæ defectu mi-  
 nus fortes ac languidos dimissum è turri nigrius vexillum ostenderat.  
 Unde caduceatores in castra Lalainij & simul intra Delphzilam missi,  
 conventumque ut præsidarius miles exarmatus albas virgas, velut  
 exoratâ vitæ veniâ ferens, munitione cederet, ducesque & cohortium  
 præfectos vinculis datos Lalainij victoris clementiæ aut severitati tra-  
 deret. Ipse ad tres menses, quæ foedè habuerat, Ordinum sacramenta  
 exueret, omnemque belli commeatum Lalainio relinqueret. Itaque  
 exutâ veteris obsequij religione centurionibus à proprio milite manus in-  
 jectæ, ne ibi quidem integro pudore, ut desertâ turpiter munitione, præ-  
 fectorum reverentiam retineret. In eorum numero Asingha, Ioannes &  
 Iacobus Entenij, Nicolaus Burmania, Vogelius Auricanus & Vliegerus  
 Nikerckius fuere, quos Groningam Delphzilâ cum captivo ære ab-  
 ductos morti aut fugæ alijsque belli casibus fortuna reservavit. Quip-  
 pe carceri mancipatos, sævitæ locum belli lex & disciplina non re-  
 liquerat, etsi crederetur Lalainius militum suorum & Hestenij contu-  
 melijs irritatus, & ultro ex defectione ferox, effusione captivi sangui-  
 nis ultionem recenti ludibrio paravisse. Vogelius Auricanus, unus cen-  
 turionum in custodiâ decessit, reliqui lytro aut arte vinculis exsoluti  
 ad signa rediere.

Mox Hohenlois Zuythormi in Translavanis castra metatus, vulga-  
 tâ novorum auxiliorum famâ, ad Ordines Frisiæ scripsit, eosq; condu-  
 cenda navigia atque commeatum postulavit. Tum Joanni Stupero vi-  
 ro forti, & qui foederata jam ante stipendia ad Daventriam sub Lalai-  
 nio fecerat, autorandis novis copijs pecuniam Frisios petijt, ac ut au-  
 cto in dies exercitui annonam & stipendia excitandæ militum alacri-  
 tati præstarent. Sed omnia per provinciam angusta continuæ hostium  
 populationes effecerant, & quod alendæ tantæ armorum multitudi-  
 ni ne fecunditas quidem fertilissimæ regionis sufficeret.

*Auxilia ab  
 Hohenloo  
 undiquaq;  
 contrahuntur.*

Jam enim ex Ioannis Norritij movendis Delphzilâ Lalainij castris,  
 decem Anglorum pedestres copiæ & equitum turma in Frisiam adve-  
 nerant, præter Michaëlem Caulerium, qui sex pedestria Valonum si-  
 gna cum equitum quoque cohorte adduxerat. Anglos vir è Scoticâ no-  
 bilitate pro Norritio Morganus, Valones Pettinius pro Caulerio duce-  
 bat. In prioribus centuriones Cottonus, Episcopius, Fituillamius, Cha-  
 stertonius & Daylius erant, Pettinium Grenus Norius, Casparus Cres-  
 fonierus alijque sequebantur. His Germanorum equestres copiæ acce-  
 debant, quæ relictis ad lævam Suollâ, Hasselto & Steenuicâ Trans-Isu-  
 lanæ oppidis, Vidro, qua angustior est, superato Drentinis agris se  
 infuderant peragratoque Sylvestrium tractu Oostergoam, intraverant.

In eâ Hohenlois castra hand procul Docomio Rinsumagesti celebri  
 apud Dantumanos vico posuerat, quæ Anglicis Valonicisque auxilijs va-  
 lidio-

lidiora recta Collumum duxit, quem locum Schenckius Doccómio re- clō. 10.  
fugus levi operum figurā vallaverat. Is comperto Hohenloium Dantu- L x x x.  
manos per agros iter cum exercitu facere, conductis qui obstantia lo-  
corum amolirentur, Collumo cum copijs acceptā levi clade decessit,  
copiasque pavore debiles in interiora Omlandiaē retraxit. Quare Ho-  
henlois Schenckium infecutus, raptō celeriter agmine post superatum  
Lavicam amnem, qui Visfletam ponte stratus perlabitur, Grypsker-  
kam, mox Northornam duxit, Abrahamumq; Lindenavium virum Da-  
nicæ gentis & clarorum natalium binis cum hostium vexillis Leovardiam  
ablegavit. Mox Martinium Nitzenium virum nobilem, quem in comi-  
tatu habebat, communicandis secretis Leovardiam quoque expedit,  
datisque ad Bernardum Merodium, Aurantij per Frisiam vicarium litte-  
ris omnem foedioris calumniæ accusationem discussit. Quippe ferebatur  
Hohenlois comiteum Frisiae per agros mercatoribus Groningen-  
sium concessisse, hostiumq; commercia, velut pretio corruptus, beneficio  
salvi conductus præjuvisse. Quæ cum falso præducarentur quod classia-  
rium castrensemque militem detinendis bonis ac mercibus hostium ha-  
buisset, ita Merodio tacite credulitatis vitium objecit, & quod sinistris  
ac se indignis rumoribus fenescendi tempus ademisset.

Igitur Northornæ adhuc commoratus exercitu siti languido adulta  
enim ætas erat, sexaginta quinque tonnas cerevisiæ in castra importa-  
tas militibus distribuit, coctoresque aut eorum negotia gerentes exi-  
gendo pretio Leovardiam remisit. Tum de emuniendā Oostmahornā  
Ordinum Deputatos acriter commonefecit, ac ut locum Eæ flumini ac  
æstuario Frisici maris adjectum firmioribus operibus vallarent. Dein  
Norritio ac Michaëli Caulerio legionum tribunis, lancearioque quem in  
castris habebat equiti lanceas Leovardiā mitti postulavit, ac ut præter  
Bongæ, Fervouij, Grovensteinij, Hettinghæ, Bottniæ, Vrielsmæ & Id-  
sij cohortes ex Leovardiensium Snecensiumque tum Bolsuerdianā ac  
Franeckeranā juventute signa pro auxilijs expedirent. Pulverem quoq;  
tortamentarium, tum ducentorum fossorum manum complandis viarum  
obstaculum poposcit & ut naves vectando, ut plurimum cespiti delectæ  
Lavicæ ad ostium perferendis castrorum sarcinis mitterentur. Imprimis  
verò Frisorum Delegatis stipendiorum curam demandavit, & ut pe-  
ditum quæ Opslachum præsidio tenebant, tum equitum, quas Hol-  
steinus & Drutenitzius ducarent, turbidis cohortibus de menstruo ære  
datâ fide prospicerent. Gerardum quoque Entenium, qui egenum in  
Amaso militem privato ære subjuverat, indemnem præstarent, sibiq;  
stipendium Northornam quam ocysimè transmitterent.

Igitur Entenio ad foederatos Ordines à Frisijis remisso, mille Caro-  
læi ad Hohenloium Northornam perlatis, quo loci, velut grande ali-  
quod acturus, omnes copias atque auxilia contraxerat. Quæ ipsa,  
ne è Belgica superiore continuis copiarum transvectionibus Lasainius  
in Frisiam & Omlandiam evocaret, Rhæni flumen, qua Chivici ripis ad-  
volvitur, foederatâ classe occupatum, & ne adverso flumine negotiantium  
fraudibus subvectæ merces hostile commercium sublevarent. Caterum  
Principum curâ, quorum ditiones atque ripæ Rheno prætexebantur,  
classis instructa foederatam descendere iussit, usumque amplissimi flu-  
minis,



clo. Io. minis, suo an gentium jure Farnesio hostibusque aperuit.

LXXX. Quare Philippo rege Iuliacensi ac Clivicâ societate eorum officijs in-  
*De Andino in Belgi- cam fœderatam re- vocando co- gitatur,*  
 nexo quos principi rectores ejus innocentia aut fati infœlicitas ad-  
 moverat, de revocando in Belgicam Andino clam & fervidissimè actum  
 commendantibus principem, qui suarum virium haud ignari externæ &  
 juxta paratissimæ opis egere obnoxiam æmulationibus societatem, & ut  
 antè in secessionibus desitutam, non dissimulabant. Itaq; vetera in And-  
 ini gratiam ab ejus fautoribus repetebantur, proclivi cæteros inter proce-  
 res Aurantio cui Germaniæ suæ infidis societatibus traductæ, ut creditum  
 fuit, apud Coloniam pacis offensâ, Galliarum auxilia velut certiora  
 anteponebantur. Quippe Andinum prima in protestantes odia, emol-  
 lito ingenio posuisse, esseque in illo quod conciliandis Elisabethæ amo-  
 ribus & Anglorum regno se ostendat. Adhæc Andinum vigore ævi &  
 anterioribus rerum successibus laudatum foelicem militiam egisse, acturum  
 haud dubiè majora, nisi in medio cursu rerum ab æmulâ potissimum ma-  
 tre revocatum & odio in provincias accensum, aulæ inconstantia alienas-  
 set. Sed obruendam aut saltem obtegendam priorum memoriam, ita  
 compositis principum sicuti reliquorum mortalium ingenijs, ut offen-  
 sâ gratiam parent. Sperari posse ut infestam sibi Galliam Hispania sen-  
 tiat, & ut ex fratris regij innovatâ cum provincijs societate foelicius cum  
 Elisabetha principale matrimonium procedat, regni sui opulentiam &  
 auxilia impulsâ libertati subministrante. Econtra erant, qui accidi po-  
 tentiam Andini durioribus conditionibus volebant, & divisam in nonnul-  
 lis provincijs popularis imperij rationem unius juventæ ac ingenio non  
 committi. Quippe tenacissimos libertatis antiqui juris opinio faciebat,  
 quod olim etiam ex sanguine regio principes regendi legibus alligasset.  
 Non eam scilicet desperationem rerum esse, ut pro libertate pugnantes  
 eam externo principi transcribant, & quâ illi assertâ ne bello quidem  
 locus aut discordijs dominantium esse possit. Ita pacari Philippum,  
 arma tot cruoribus respersa poni posse, si parer citrà exceptionem,  
 aut servire libertas velit, resque naturâ sui diversissimas mirabili socie-  
 tate ac commercio conjungere. Atqui attemperari regnare volentium  
 cupiditates & illorum modestiam non posse, quibus effrænis potius, quam  
 nulla libertas arrideat. Quapropter habendam gentium & animorum  
 rationem esse, neque committendam illorum magnitudini ac arbitrio li-  
 bertatem, qui regnare didicissent.

*Frisij Prin- cipum im- peria exosi Andino ad- versantur,*  
 Itaque Frisij degustatis, quæ nunquam antea agnovissent, principum  
 imperijs Andino adversabantur, non sine metu ut sicut olim domesticis  
 factionibus, ita nunc ex bello fessi ac exsanguis in immoderati princi-  
 pis dominatum speciosis pactio-  
 num blandimentis reciderent. Quare vo-  
 lebant, ut non Saxonico, non Caroli Cæsaris, aut Philippi filij jure  
 aut exemplo Andinus reciperetur, cæterum ut ad veterem libertatis sta-  
 tum & Cæsarium diplomata Andini omniumq; præfectorum potestas for-  
 maretur. Igitur Sigismundi & Frederici III. tabulæ in comitio repeti-  
 tæ, respectantibus in majorum tempora & simul foelicitatem qui præ-  
 sentis ævi miseria & triste ad tutelam Andini perjugium licentiæ prin-  
 cipalis imperij & nato ex hac bello imputabant.

Cæterum omne libertatis retinendæ studium in ægrâ & cum fato suo lu-



luctante rep. invalidæ leges aut soluti mores subvertebant, & quod ea cl. 15. continuis tempestatibus obnoxia, ne autoritate quidem Ducum, aut Lxx. arte gubernantium regeretur. Quippe tardis, aut cessantibus provinciarum tributis stipendia non procedebant, militemque ultrò per infantiam belli morum rudem rapiendis alienis extimulabant. Quare per agros distributus ordinario athletarum victu se non explebat, cæterum lauitie cibi aut condimento, quod oppida subministrabant, natam ex egestate famem propulsabat. Unde civitates passim à licentioso milite alienæ, qui præsidio destinatus insolentia aut direptionis metu inopem æris populum exercebat. Quæ ut militarem turbam domesticæ paci gravem, ita bello inutilem faciebant. Robur namque corporum, luxu atque commensationibus fractum æstum, inedia frigora, aut labores non sufferebat, dejectumque de statu suo minimâ cæli inclementiâ, aut periculo offendeatur. Igitur in oppugnatione civitatum ac castellorum in transandis annibus, aut fossis, aut ad collata signa languorem, aut contumaciam induebat luxuque & mollitie vitæ enervatus, pavorem & sprete obsequia non solutis stipendijs obtendebat. Sed animus vino otioque marcidus & ex hoc ad disciplinam corruptus fracti & velut unguentati corporis ministerio non utebatur, quod in acie aut insultu inter querelas ac murmura fraudati æris vulneribus cædibusque exponebatur. Ita populus Ordinum imperijs iniquior ex licentia militum fiebat, eademq; agri annonæ & opum fertiles nullo inhibente & conniventia quod; ipsorum Ducum atterebantur. Quare tributis & simul præstando foederis subsidio invalidis, sociale ærarium contabescebat animiq; etsi aperta diffidia dissimulando, secretis odijs dissociabantur. Quippe bello pressos sociæ foelicitatis occulta invidies urebat, & quod foecundissimo in otio velut securâ pace constituti in omnium rerum affluentia commercio & opibus invalescerent. Sibi pauperiem ex bello, sibi squalentes situ aut vastitate agros relinqui, ac ut inter conjugum atque liberorum lamenta & angores, si non serviles saltem tristes animas possideant. Sic regie lubricini ac dominationi vix exemptos in deterius malum insolentissimi & egeni militis arbitrium recidisse, fierique ut ad sua quoque signa & sacramenta professos ipsi provinciales exhorreant. Quippe tributa stipendijs paria non esse, & belli onera supra fortunam communis ærarij exurgere. Atqui ut contrahi exercitum, ita rationes assignati æris non posse, ne dum parsimonie aut fraudi apud socios locus est, inofficiosis partibus tota societas quemadmodum in humano corpore ex consensu pereat. Igitur aucto externis gentium legionibus exercitu & in insolentiam ex egestate æris provoluto, ne frænis quidem militaris licentia coerceretur, ad quam in spem spolijs, sicut turbatis rebus assolet, corruptissimotum quoque ducum neglecta severitas dissimulabat.

*Militaribus disciplina apud fœderatos corrupta.*

Per Matthiam namque Gubernatorem & Aurantium principem in secretius concilium abstrusos belli lex & disciplina flaccebat, quod ultro pacis moribus adversum foedissimis apud Trans-Rhenanos exercitus exemplis Philippus Hohenlois administrabat. Qui etsi animi ingens & ad pericula intrepidus virilem factis audaciam præferret, ita præclaras virtutes solutior vita obscurabat, velut ita compositum esset, ut bel-

*Hohenlois corrupti mores & vitia.*

CLV. IO. licæ indolis gloriam probrosa juvenus & fœdata libidinibus ætas attal x x x. minaret. Quippe corpori in speciem pulchro animus suberat, volutpatibus immerſus & cui inter armorum etiam aſpera, Veneris ardor aut vinolentia imperabat. Quæ ideo mala, non tam ætatis, etſi ad talia lubricæ, quam ingenij vitio prodebantur, quod impurum & exinde focors, ac futuri improvidum bona conſilia interventu libidinis negligebat. Itaque dies agendis ſæpè rebus dicti, ortà per temulentiam lubidine, impuris fœminarum amoribus terebantur, in quos gregarius etiam quiſque aut lixa exemplo corruptus nullâ honeſtatis curâ proruebat. Quare grave ſcortorum agmen caſtra ut plurimum ſequebatur, quæ omni turpitudine, velut peſtilenti lue infecta, ægre ſacramenti fidem & cum eâ modeſtiam retinebant. Igitur inſidâ provinciarum ſocietate & diſſuente ſine boni rectoris imperio, exercitus provinciarum regimen Andino decretum, ac ut jure principis, etſi legibus inligati Belgicam ac Tranſ-Rhenana teneret.

Sunt qui tradant Ordines Belgicæ non tam in Andinum fiduciâ quam neceſſitate impulſos, eum regundis provincijs delegiſſe, & ut fraterni ac potentis regni vires Philippi armis objiceret. Quæ etſi in ſecuto patrum clam agerentur, ita peritius tamen diſſimulabantur, parum cautis talium ſcriptoribus, qui arcana & ſilentij fide obteſta ſuis commentarijs evulgavere. Mihi gentis noſtræ acta rimanti non eſt dubium, eam ut ante ab Andini ſocietate, ita tum quam maxumè alienam fuiſſe, velut tacitâ futuri inſpiratione, mobile principis ingenium & matris fœderi inſenſiſſimæ imperio obnoxium diverſa à patrum voluntate ac ſalute Reip. facturum. Cæterum omne ſiniſtri præſagium immutabilis quoque apud Friſios rerum neceſſitas eluebat, quos bellorum moli turbante trans-Rhenum res fortunâ & juxta ſeditionibus militum expoſitos ſtipendiorum egentia faciebat.

*Friſij Flam-  
drum auxi-  
lij ſtipen-  
dia petunt  
frustra.*

Igitur Anglicis & Valonum auxilijs in Bergumanos, mox ad Hohenloium conductis Abelus Franckenâ Antverpiam ad Aurantium, mox Antverpiâ Gandavum amandatus, ſollicitandis Anglorum Valonumque ſtipendijs qui Norritio & Caulerio legionum ductoribus Flandrico ære in Friſiorum finibus militabant. Cui rei etſi ſpem Aurantius datis in Friſiam diverſiſſimis litteris & relatione Legati faceret, ita Flandri tenuitatem ærarij tardioribus ſolutionibus obtendebant, & quod obſeſſo ab hoſtibus Buchaino Hannoniæ oppido omne ſubſidium liberandis vicinis & tutandis ſuorum agris impendiſſent. Fervere ſcilicet bello omnem oram & nihilominus ſocio affectu Friſiorum rebus proſpexiſſe, miſſis in Trans-Rhenanos auxilijs, quorum ipſi vergente in Flandriam bello, egentiſſimi forent. Darent Friſij in tempus ſuis legionibus ſtipendia, dum circa fines ſuos tempeſtas interquieviſſet, quâ ſedatâ, alio terrarum amotâ deſuturi ſociæ fidei & juſtis officijs non eſſent.

Aurantius quoque ſublevando Buchainio & iſti terrarum tractui, qui Flandros ac Tornacenſes interjacet, commeatum atque pecuniam Friſios popoſcit, ac ut ipſi bello præſſi ſociorum anguſtiam ex ſua æſtumarent. Opus ſcilicet eſſe, ne tributis mora aut cunctatio interveniat, & ne miles ſpontaneæ laſciviæ ſlagitia raritate ſtipendij obvelet. Se daturum operam, ut Flandri auxilijs in Friſiam miſſis, menſtrum &



amplius æs procurent, & ne seditione aliquâ belli ordo per Frisios & Omlandiam turbetur.

Cl. Io. Id.

LXXX.

Eadem Ordinum generalium litteris. v i. Aug. perscripta ac Norritio retinendis in officio cohortibus communicata. Igitur stativis Northornæ per Hohenloium actis quina peditum signa Slochtero quoque evocata, quæ cum Jargæo, Scageno, cæterisque copiarum præfectis Cornelius Veda vir nobilis conducebat. Quæ medio itineris per lancearium Epirotarum equitem & pedestres copias, quas Lalainius Groningâ emiserat, disiectæ aut cæsæ, improsperum prælio, quod Hohenloius parabat, omen attulere. Cornelius Veda, qui à dirutâ arce Stauriæ præsidium egerat, cohortis ductor, fortiter pugnans occubuit. Quare Hohenlous vindicandæ cladi equitum Anglorum turmas modico cum peditatu Slochterum ocysimè expedit, signaq; militaria fugientibus hostibus detracta, suorum virtute recepit.

Lalainius  
Frisijs cladem dat ab  
dammum.

Mox lustratum Northornæ omnem exercitum subsequi jussit, comperitoque hostem Slochtero & è Nyennortijs Groningâ movisse, ritè ordinatum agmen ducere ad urbem constituit. Quare Michaeli Caulerio cum sex Valonum signis, primam aciem in qua, Bongæ, Cornputti, Eschedæ & Regæri Idsij cohortes erant, mediam Norritio cum Anglorum copijs & Gulielmi Ludovici decem cohortium legione ducendam commisit, quam Iselsteinus cum Belgarum legione, Donavij & Zedenitschæ signis sequebatur. Equites verò in utroque cornu locati, quorum dextrum Germanorum turmæ, lævum cum Gorio & Pieckijs Frisij tenebant. Pedestre verò agmen sarcinæ atque impedimenta claudebant, præmissis Norritij, Caulerij & Limburgij equestribus copijs, quæ munitum tribus campestribus tormentis agmen antecederent. Ita disposito exercitu iter Groningam Hohenloius pronuntiat. Cæterum ponte, qui Horendiepæ imponitur, à Lalainij milite abrupto, adversæque ripæ margine tumultuario castelli opere firmato, parum substitit summissis interim, qui altitudinem fluminis tentarent nandique peritiâ aut vadiosi amnis beneficio hostile castellum oppugnarent. Unde hostes metu acti locum deferuere, latioreque fugâ Harenum palantes provecti in castra se recepere, quæ Lalainius illo in pago, velut tuta stationum sede posuerat. Sed comperto Hohenloum post fusas ad Deum preces, calore pugnæ inardescere, ac jam proxumis signis conspici Harenocastra movit, exercitumque ne petendo quidem commeatui ac impeditis tempore dato, Groningæ ad muros & suburbana revocavit.

Hohenloius  
exercitum  
disponit  
præloque  
instruit.

Hohenlous vesperscente jam die, Harenum pagum ingressus noctem ibi egit, soleque orto signum dari jussit. Tum exercitus, citò agmine suburbanis agris immissus, metum obsidij civitati Groningæ incussit, quæ repetitâ nuperæ molestiâ ad novi famam ex penuriâ annonæ inhorrescebat. Quippe frumenta prioris anni frequens in urbe præsidium attriverat, noviq; spes, etsi adultâ messe, vastatione circumjacentis agri accidebatur. Quare castrorum spatia Ordinum Frisîæ suasu ac imperio per Hohenloum ordinata, levibusque castellis pro opportunitate loci circumscripta obsidio fidem fecere. Cæterum legionum tribunis in concilium advocatis, qui præcludi commeatu urbi posse dis-

Groningæ  
obsidio.



CL. IO. fidebant, castra mota omnisque obsidij apparatus temeritate ac impru-  
LXXX. dentiâ Hohenlœi evanuit.

*Hohenlœi  
temeritate  
solvitur.*

Cl. Franckena in notis istorum temporum tradit, nullâ necessitate compulsâ continuandæ obsidionis consilium mutasse, corruptumque ut suspicabantur, aut meritis impotem, amplas potiundæ civitatis spes fœdissimo metu aut crimine præcidisse. Creditum fuit, Mularti, qui Lingam præsidio tenebat, acerbissimis litteris, quibus Groningenfē obsidium eludebatur, irritatum, Groningâ exercitum reduxisse, quo versis in Linganos castris privatam inimici injuriam publico detrimento vindicaret. Aded consilij inconstantem vinum sæpè aut ira faciebat, in quam ultrò fervore sanguinis & ætatis pronior vini quoque immoderato usu exardecebat.

Id certè compertum est, Hohenloum Aurantium apud principem Frisæ tum præfectum, prolixâ excusatione usum omnemque desertæ urbis culpam in Ordinum socordiam & defectum æris necessarijque commeatus rejecisse. Sed ea falsa ac inania fuisse, istorum temporum fidissimus Scriptor in fragmentis historicis Cl. Franckena annotavit.

Quippe præter æs in stipendia erogandum commeatus quoque abundè castris decretos præclarus autor tradit, Hohenloumque ut coeptam obsidionem & bonum exitum haud dubiè habituram continuaret, monitum severa Ordinum imperia pro ludicris aut non profuturis habuisset. Itaque retractas Groningâ copias partitus cum Gulielmi Nassovij & Iselsteinij legionibus Sutlaræ stativa habuit, Anglisque cum Valonum legione apud Nortlaram relictis, tum Bonga ac Idsio ad emissarium Aboardicum missis robur exercitus extenuavit. Corruptente velut illius consilium fortunâ quo mali moris & exempli Ducem repetitâ cladium atrocitate emendaret. Ita bellum sine Ordine ac disciplinâ per Frisios & Omlandiam fluebat, revocandoque è Gallijs in provincias Andino fundamenta substernebantur.

## Finis Libri Sexti.



P. WIN-

P. WINSEMI

# Historiarum

## LIBER SEPTIMUS.



U N E S T â prælij apud Hardenbergam fortunâ, novissimi, quod Ultrajeſti ictum erat, Belgicæ ac Friſiorum res collapsæ cernebantur. Quippe L A L A I N I U S more mortalium, quos ſecundæ res inflant, proſperis elatus in patientes quaquaverſum campos ſe effundebat, utendumque victoriâ ratus, quo fortunæ beneficia agnoſceret; diſſipatis aut diſjunctis foederatorum copijs, ſuo arbitrio moderandi belli rationes gerebat. Itaq; Lavicam amnem, qui

medius provinciam dirimit, tranſgreſſus in Ooſtergoam ſe effudit, vaſtatique circa Collumum & vicina agris captivum illius oræ populum Groningam abduxit. Econtra foederatorum copiæ in præſidia partim, partim in Drentiam reductæ, quam Hohenlouſ, velut fati adverſitatem in illâ regione, in quâ cladem acceperat, ulturus, modico cum exercitu peragrabat. Joanni verò Bongæ & Regnero Idzio copiarum Friſicarum ductoribus emiſſarium Adoardicum tutandum demandaverat, quo Reiderij annis commoditate caſtrenſem commeatum ſubveſtaret. Quod etſi Lalainij magnâ tum vi oppugnarent, virtute præſidiariorum ſemel rejecti ita poſtero die copijs aucti, retentatâque oppugnatione loci compotes facti ſunt, Joanne Bonga glande plumbeâ icto, quem à primis naſcentis belli exordijs libertatis patriæ amor melioribus partibus obligaverat. Reliquum præſidij, quod exceſſit, Opſlachum ſe recepit, quem locum ſitu & naturâ munitum, militares viri Taco Hettinghâ vir nobilis, Ieſſmanus & Stamlerus tutabantur.

Tradunt autores emiſſarium Adoardicum defectu imprimis tormentarij pulveris deditum fuiſſe, etſi credendum ſit amotâ auxiliorum ſpe, & Hohenloo per ſuperiora Drentiæ ſigna circumducente, animos obſeſſorum elanguiſſe. Is namque ut illo in tractu res ſœlicius ſecuriuſque gereret, & ne periculum ab inſequenti hoſte pateretur, pontem quo ad Werdenbraſſium amnis ſternitur, dejici jufferat, omneſque copias circa Coverdiam & ripam Vidri fluminis conduci. Ubi

*Adoardicum emiſſarium à Lalainio occupatur.*

*Guilielmus Ludovicus Naſſovius glande ictus.*

Covar-

cIo. Io. Coverdianæ arcis aut castelli postulavit, concessoque in posterum deli-  
 berandi spatio deditionem impetravit. Eâ conventum fuit, ne præsi-  
 dium hostile intra trimestre adversus foederatos militaret, accinctumq;  
 sine impedimentis castello excederet, moreq; belli Benthemicos in fines  
 deduceretur. Tum præsidium ex Donavij, Rashornij Renoï ( qui

*Coverdia  
occupatur  
ab Hohen-  
loo,*

*Opflachum  
Lalainius  
suum facit,*

*Hohenlois  
surpiter su-  
gie,*

*Gulielmum  
Nassovium  
Ordines pe-  
nè despe-  
rantes so-  
latur,*

Groningæ apud Lalainium captivus asservabatur) Coverdianæ arcis im-  
 positum, indignante nequicquam Lalainio prospera sua, repentinâ adver-  
 sitate obtundi. Quare collectis copijs & omni necessario apparatu instru-  
 ctus signa Opflachum movit, tormentisque muralibus valli hiatu facto  
 præsidij fugâ an perfidiâ munitionem suam fecit. Opflachum solo La-  
 lainij jussu æquatum, cujus sacramento magna præsidij pars prioris  
 oblita, tanquam foelicitati victoris se permisit. Hohenloum verò,  
 velut novis cladibus reservaretur, in alia locorum continua fati infor-  
 tuitas trahebat. Quippe exercitum partitus ex hoc solo imbecillum &  
 debilem, Lingæ Oppido & Weddano castello admovit, Gulielmumq;  
 Ludovicum Nassovium cum Michaële Caulerio Slochterum cum copijs  
 amandavit. Quod speculatus Lalainius, festino quoque itinere Slochte-  
 rum duxit, legionesq; Gulielmo Nassovio & Michaëli Caulerio commis-  
 sas ex improvise adortus est. Cæterum Nassovius ordines colligens  
 sensim copias retrocedere jussit, Winschotumque ac Heiligerlæum Cœ-  
 nobium ( Adolphi Nassovij & Arenbergij clade famosum ) salvas & inco-  
 lumes reduxit, quo loci Hohenlous equite cum Germano inops consilij  
 commorabatur. Qui cum omnem Lalainij & hostilis exercitus impetum  
 sustinere non posset, animi insuper territus, fugæ se dedit, milesque  
 Hohenloï sine signis ac ullo ductorum imperio per Drentiam fugiens  
 circa Zutphaniam in finibus Geldricis & haud procul ripâ amnis Isa-  
 læ confedit. Unde magnus Ordines terror tum invasit, metuentes ex-  
 ercitus foederatum tot cladum continuatione fractum & dissipatum,  
 recolligi non posse.

Cæterum Gulielmi Nassovij litteris consternatis Ordinum animis,  
 quos pavor majoris infortunii ex continuâ infortuitate occupaverat, ro-  
 bur quoddam additum, monentis novum militem supplendis autoran-  
 disque cohortibus habendum, modo provisum militaribus stipendijs fo-  
 ret, quæ fortissimis gentium ac libertatis amantibus inevitabilis neces-  
 sitas extorisset. Exercituum verò cladibus animorum firmitatem & con-  
 stantiam opponendam esse, quæ nec prosperis erigi & inolescere nec  
 adversis deprimi aut cedere deberet. Itaque Frisios ad minores litte-  
 ræ datæ auxilia imploravere, ac ut maritimas civitates Stauriam, ac  
 Hindelopam, aperiendo navigantibus mari socio præsidio firmarent.  
 Qui acceptis è majore Frisiâ litteris binas extemplo cohortes Neoma-  
 go ad Vaholim evocatas Stauriæ atque Hindelopæ imposuere, quo cum  
 præsidiarijs, qui Harlingæ agebant, adversus hostium excensiones ma-  
 rinum littus tuerentur.

Cæterum occidentali provinciæ tractu præsidij munito ab oriente  
 nova Frisiæ tempestas incubuit, ductoribus hostilium copiarum Eve-  
 rardo Ensio & Paulo Blancevortio prætore Hardenbergico, qui Oo-  
 stergoæ fines continuis populationibus infestabant. Quare foederatus  
 miles excursionum pertæsus, loco præsidij quod Docomi & Collu-  
 mi



mi habebatur, relicto, Adoardicum cœnobium petijt, præfidiariosq; c. 10. 10.  
vino ac somno graves cæcidit. Trecentos ex cæsis annales memorant, LXXX.  
Paulumque Blancevortium gravi è vulnere saucium Doccomium capti- Fœderatum  
vum abductum. Ingens præda parta, ipsumque cœnobium magnâ sui miles præ-  
parte injecto igne exustum. Quam adversitatem ut vindicaret Lalainius fidium cœ-  
castellum ad Coverdiam castra posuit, nullâque loci firmitate & debili nobij Ado-  
præsidio invalidum, suum fecit. Quippe jam aquæ, novo diversio ardisci cæ-  
deductæ fossas depleverant, obsessisque & campestria hostium tormen- dit, quod  
ta verberandis muris admota expugnationis periculum minabantur. Sic Lalainius  
castello Coverdiano in potestatem redacto, Oldenzelam tentavit, in vindicare  
Salijs aut Tubantibus pervetustum & celebre oppidum, quod duarum conatur.  
cohortium præsidio Suetenius vir nobilis tenebat. Qui propterea, quo  
sustinendo obsidio par esset, è vicinis equitum peditumq; auxilia evo-  
cavit, quæ aut stipendiorum egentiâ, aut periculi metu retardabantur.  
Itaque Lalainius ut auxilia & commeatum urbi præcluderet, castra prop-  
ius admovit, incensiq; suburbij & igne portis injecto oppugnationem  
acerrimam instituit. Sed virtute ac fortitudine præsidij repulsus, tre-  
centis militum & in ijs centurione Prumstio amissis à continuanda ob-  
sidione destitit, revocatusq; à civibus, qui libertatem regio imperio post-  
ponebant præsidioque valentiores habebantur, Oldenzelâ potitus est.

Mox ab illâ motis castris regressus famæ & magnarum rerum oc- Lalainius  
casionem quærens, Zuollam Trans-Isulanæ oppidum coronâ militum frustra ten-  
cinxit, existumans fore, ut quod Oldenzelæ factum erat, plus favore tat Zuol-  
ac gratiâ civium quam exercitus magnitudine proficeret. Quare in lam.  
antiqui affectus memoriam & populum regis reverentem continuo re-  
spiciebat, recordatus se Trans-Isulanæ haud ita pridem victorem docu-  
menta veteris gratiæ non amissurum. Cæterum modestiore populo ci-  
vico & metu militaris præsidij compresso, etiam bis mille militum au-  
xilio adjutus, castra Lalainius movit, non sine manifestâ indignatione,  
quod nuper in summo per Trans-Isulaniam fastigio collocatus  
accessu istorum locorum prohiberetur partumque jam ante fœderato  
bello nomen fœdissimo sui contemptu commutaret. Quâ re cogni-  
tâ Hohenloüs Lochemo, Dotechemo, ac Duisburgio præsidia impos-  
uit, Lalainiumque multa animo, sed nullo successu, agitantem morâ  
comminuere conatus est. Ipse Linga ac Weddano castello regijs præ-  
sidij relicto, per incerta ac avia locorum nullo insequente in Frisios re-  
cessit. Metuebat namque Schenckius, qui divisas cum Lalainio copias  
in Translavicanis tenebat, ne miles adulto autumno, quo tempore u-  
ligines paludum laxantur, minus expedito itinere laboraret, armorum-  
que pondere & lassitudine tardior discrimen inveniret.

Lalainius quoque etsi, desertâ Zuollâ castra Dotechemo admovisset, Et Dote-  
ab obsessis & Anglorum equitum turmis, quæ Doesburgi agebant, chemum,  
infestatus obsidionem finivit, copiisque per paludes Ommam & Mep-  
pelium versus transductis Steenvicam obsessurus contendit. Quod oppi-  
dum Trans-Isulanæ ditionis Aam ad flumen, quod modico alveo mu-  
ros præterlabitur, situm premendis majoribus Frisijs commodum ei  
videbatur, quo ex illo, tanquam belli sede, ereptam sibi provinciam  
continuis excursionibus vexaret. Oppidum vero Ordinum nomine Her-

clo. Io. mannus Olthovius cohorte cum suâ præsidio tenebat. Cui ne auxilia  
 L x x x. deessent sustinendis hostium castris oppugnationibusque valida, Joan-  
*Steenvicani*  
*à Lalainio*  
*petita ma-*  
*jori præsi-*  
*dio firma-*  
*tur,*  
 nes Cornputtius vir militiæ egregius magnâ cum festinatione ad oppi-  
 dum missus, succedentibus insuper celerrimo itinere Platio & Stupero  
 centurionibus, quorum cohortibus præter spem Lalainij debilius præ-  
 sidium duplicabatur. Igitur præsidarij, numero aucti in prima Lalai-  
 nij castra, quæ medio diei 18. Octob. Onningam ad portam advene-  
 rant, excursionem fecere, repressique à lanceario equite intra oppidum  
 recepti. Joannes Mommius apud Lalainium legioni Frisicæ, quam vo-  
 cabant, præfectus glande verberatus illo in conflictu occubuit suffe-  
 cto ei in tribunatu legionis Joanne Baptista Taxio, quæ è veteranis  
 collecta decem & quatuor cohortibus tum censebatur.

Mox è Geldricis copijs, quas pro Philippo rege autorari Lalainius per  
 Geldriam fecerat, novem & quinque signa addita, adductique præte-  
 rea in castra mille & ducenti equites, quos partim lanceis partim Sclo-  
 petis instructos cingere coronâ oppidum munitionesque præducere ius-  
 sit. Quas cum eruptione factâ portis obsessi interdiu complanarent,  
 obsidentes beneficio noctis resciferent, factum est, ut de petendis auxi-  
 lijs Steenvicani & ex præsidarijs cogitarent, Cornputtisque abnuente  
 & invito Ordines ad Foederatos tabellarij mitterentur. Ita defixis ad  
 Steenvicam castris, Arnoldus Gemenius nuper Prætor Stellinguerfius,  
 G. Snaterus cum modicâ militum equitumque manu quam ducebant,  
 Cuneram progressi, quem locum in orâ maris Austrini situm tumultu-  
 uario levique opere circumductum binæ ex foederatis cohortes præsi-  
 dio tenebant. Eas Escheda & Rudolphus cogmento Longus modera-  
 bantur. Qui de hostium adventu nihil suspicati, quos illunis nox &  
 offuscatus nebuloso aëre syderum splendor contexerat, cum somno ac  
 quieti se dedissent à Lalainianis facile oppressi ac dissipati sunt. Escheda  
 expugnatis per hostem tentorijs vigilum vivus in hostium potestatem  
 venit, Rudolpho Longo cum cohorte beneficio schapharum, quæ in  
 portu stabant, in Hollandiam subducto. Reliqui ex Eschedanis suis in  
 dormitorijs nulla miseratione confossi, Cuneræque pagus, quem olim  
 iusto titulo Comites tenuerant, nullo resistente direptus est.

Cl. Franckena tradit utrumq; centurionem incolumem servatum, plu-  
 rimosque præsidariorum, quos ad internecionem deletos alij tradunt,  
 fugâ Lemmariam pervenisse, quæ Pierij Anfskenij Prætoris Lemma-  
 riensis & cohortis præfecti præsidio habebatur. Quæ dum in ma-  
 ritimo tractu fiunt Steenvicani arctius quam fuerant obsessi, peri-  
 culi ex magnitudine virtutem acuebant, incendijsque suburbanis ac cre-  
 bris oppugnationibus tentati hostium castra diversis eruptionibus infesta-  
 bant. Quare spolia, captivi, armenta sæpe in oppidum perducta, quod  
 Lalainius misso præcone quamvis inrito consilio, dedi crebrius postula-  
 verat. Itaque Lalainius spem præter & expectationem trahi obsidionem  
 videns admoveri muris tormenta iussit, globisq; ferventibus ignitisque  
 immisis incendium dedit. Quod ipsum flante acri subfolano vires fu-  
 mens magnam domorum inceniumque partem una cum comiteatu ab-  
 sumpsit hostibusque qui oppidum cineribus involutum opinabantur, a-  
 nimus auxit. Unde Lalainius erectis signis velut oppidum, murorum  
 parte

*Præsidium*  
*Cunere à*  
*Lalainio*  
*opprimitur*

*Steenvicani*  
*egregie*  
*suarum re-*  
*rum sata-*  
*gunt.*



# Historiarum Lib. VII. 515

parte nudatum, oppugnaturus, Ordines instruxit, missisque denuo ca-  
duceatoribus qui veniam vitæ offerrent, deditionem oppidi repetijt. c. 10. Id.  
Cæterum Platus centurio vir magni animi & belli vetus, qui Onnia-  
næ portæ custodiam sibi sumpserat, elato æ generoso animo Lalainij  
postulata rejecit, missosque caduceatores, velut alias discrimen passu-  
ros, ocys se recipere in castra jussit. Quod responsum velut præfra-  
ctum & insolens etsi plurimis & urbico quoque Magistratui displiceret,  
tamen prævaluit, obsessosque in fide nutantes & ex periculo ancipites  
in officio continuit. Platus cum suis portâ erumpens globo in caput  
acto haud multo post exspiravit, egregiumque fortitudinis exemplum  
imitandum commilitonibus reliquit. Igitur Lalainius, negatâ dediti-  
one, tormentis oppidum concussit, datisque crebro incendijs, etsi re-  
medium igni adhiberetur, terrorem obsessis incussit, spemque auxilio-  
rum imminuit. Jam enim rumor percrebuerat, copias è Frisijs missas  
in itinere cæsas aut dissipatas esse, nihilque restare, quam ut obsessi  
inter cædes & incendia, famem ac frigora, quæ præcipitante autumno  
ingravescerant, vitam atque animas sustinerent. Sed senescens rumor  
solicitudinem allevavit, comperto duas tantum cohortes, quas Frisij  
tuendo Sylvestrium tractui ijs in locis collocaverant, ad Ouram proflig-  
atas. Istas Joannes Feruovius & ex Danicâ nobilitate tum per Sylve-  
stria ductabant, quo hostium in Frisiam irruptionibus occurreretur & ne  
tributa à Frisijs hostilibus copijs præstarentur. Quod speculatus Lalai-  
nius, Arnoldum Gemenium Snaterum & Oyenbruggium tribus cum co-  
hortibus castris emiserat, Frisiorumque copias, quibus Julius Bottnia  
& Doco Martena præerant, paucis cum equitibus in Sylvestribus agen-  
tes invadi præceperat. Cæterum Julium Bottniam & Doconem Mart-  
nam cohortium ductores periculo fortuna exemerat. Quare Feruovius,  
qui præsidio loci relictus cum imperio ibi erat, hostium adventu intel-  
lecto, suam ac Malsëmij cohortem derepente instruxit, manumque e-  
gregio facinore, etsi infeliciter cum hoste conseruit. Quippe forti-  
ter pugnans & foeditate vulnerum à suis vix agnitus Georgio cum fra-  
tre occubuit, Frederico Feruovio fratre altero, qui signum ferebat cum  
paucissimis militum servato. Ea clades ad Ouram in Sylvestribus prid.  
Kalend. Novemb. facta.

*Due co-  
hortes Fri-  
siorum à  
Lalainio  
cæsa.*

Mox Slota in ijsdem Sylvestribus oppidum quod rivus Austrino è ma-  
ri proveniens interluit, vastissimique circum lacus ambiunt à Docone  
Martna & Stenone Malsëmio desertum à Lalainianis occupatum, eodem  
Martna à suis prope Balckios deserto, ac in castra hostium perducto.  
Tum Geesterlandiam peragrantes Stauriam quoque antiquissimam Fri-  
siæ urbem in littore ejusdem maris Austrini sitam suam Lalainiani fece-  
re, nullâ aut certe quam parvâ difficultate, quod præsidium militare  
excessisset, civesque illâ rerum temporumque mutatione ambigui & an-  
cipites partium magis fortunam, quam jus sequerentur. His accede-  
bat, quod castellum, sicuti & reliqua per Frisiam jam ante dirutum,  
defensioni invalidum foret, ejusque tutela, aut perditio à statu civita-  
tis dependeret. Quare Lalainius, quo Castella, quæ odio sui, guber-  
nante provincias Matthia Austrio Ordines everterant, ocysissime redin-  
tegraret, velut spem in illis ac fiduciam recuperandi per Frisiam impe-  
rij

*Frifia La-  
lainij popu-  
lacionibus  
patet.*



CL. IO. rij conciperet Staurense extemplo reparari, emuniturque fecit, Maccolumque septentrionem versus eodem in maris littore terreo opere, valloque conclusit. Ita maritimis vicis oppidisque in potestatem redactis Harlingam usque dein Franekeram, Bolsuediamq; post totam fere per Westergoam populationes egit, Frisiaeque partem, quæ Slachtano marinoque aggere coercetur, tributariam fecit. Quâ ut excedere Lalainius cogeretur Frisij catarractas, atque emissaria, quæ pro ratione æstuum lunarium aquas emittunt ac recipiunt, aperiri curarunt, quo maris influxu factò aquarum quoque per campos stagnantium pellendis hostibus augmenta haberentur. Sed averſa à littore ventorum vis tum ferenius ficiusque cœlum, quod etiam vergente autumno post vergiliarum occasum imbres negabat, omne consilium subvertit, Frisioſque nuperæ ad Ouram cladis infœlicitate perculſos hostium populationibus permisit.

*Lalainius  
minores et-  
iam Frisios  
per literas  
tentat.*

Igitur Lalainius velut fortunæ pro arbitrio imperaret, \*superbus & simul secundarum rerum & ex voto fluentium vecors subactam majoris Frisiae provinciam ratus, animum quoque minores in Frisios intendit, quo ultroq; littore, quod medio & interfluo mari obtenditur, suæ potestatis factò utrique Frisiorum regioni & latissimis æstuarijs dominaretur.

Quare litteras Enchusanum ad Magistratum misit, fiducia plenus populum quoque transmarinum victoriarum ac prosperorum famâ suis partibus accessurum.

**N**ON dubito, quin rerum mearum prosperitas qua maritimam majoris Frisiae regionem regi PHILIPPO, meæ verò Præfecturæ asserui, ad vos perlata sit. Et quoniam intelligo esse ex vobis, qui turbatissimorum temporum pertasi, Fœdus Gandavense à rege confirmatum amplecti velint, nostramque societatem & commercia mutua expetant has scribendas duxi, ut deliberatione inter vos & cum Statibus oppidisq; minoris Frisiae habitâ, animi vestri apud me secretum expromeretis. Quare si ad Gandavense fœdus redire vobis mens atq; animus est, legatos quanto ocyus mittite, cum mandatis. Sin vero id vobis grave videatur, etsi comæatum illis daturus sim, operam date, ut litterarum saltem responsa ad me perveniant. Datæ in castris regijs ad Steenvicam VI II. Eid. Dec. CL. IO. LXXX.

Cl. Franckena notat coeptâ obsidione, quod in xv. Kal. Nov. diem incidit, agente in Frisijis Lalainio, obsessos annonæ propexisse munitoque divisio operis oppido, puteos quoque tardandis impediendisq; hostium cuniculis novâ quadam arte repertos. Auxilia quoq; Novembri mense dimissis ex oppido per noctem Campos tabellarijs socios Ordines petita, nullumque hostile tam in castris regijs quam apud obsessos intermissum. Itaque eruptiones obsessorum cottidianæ & hostes fatigabant & obsessi oppugnationibus obsidentium exercebantur, ægrè ferente Lalainio acre obsidium & ultrique parti grave per initia asperæ hyemis proferri. Quare ut finem consilio Lalainius faceret, muralia tormenta adduci Groningâ jusserrat avertendisque Ordinum auxilijs quæ jam parabantur, firmioribus operibus castra circumduci. Iam enim Ordinum ac Aurantij litteræ solutionem obsidio pollicebantur, quod fœderatæ reip. interesset limitaneum tot provincijs oppidum in defe-

*Soluti mem-  
obsessis pol-  
licentur Or-  
dines.*

cto-

toris Lalainij potestatem arbitriumque non recidere. Ea res Caroli cō. 13. Roordæ & Abeli Franckenæ datis ad Cornputtium litteris confirmabatur. L x x x. Cæterum Cornputtius vir futuri providus rescriptis ad Ordines Principemque qui Delphis agebat, litteris compositis cuncta quam festinantius agi petebat, totumque solvendæ obsidionis negotium rationi magis quam casui committendum. Igitur decreto Ordinum maturandæq; solutioni castrorum Stuperus cum cohorte Suartessulam, Hegemannus legionis tribunus sex cum signis in D. Joannis Campos haud procul Vollenhoâ missus quo destinata liberandis Steenvicanis auxiliarijs in locis contraherentur. Quo cognito obsidentes castris egressi in coenobium D. Joanni sacrum, quod campos vocant, celerrimo itinere irrupere, adortiq; Hegemanni legionem, etsi fortiter resistentem, non sine cæde in fugam egerunt. Capti ex centurionibus Joannes Vianensis, Joannes Wichmannus & Gedeon Pomeranus, vexillo ejusdem cohortis, haud citrà ostentationem, equinæ caudæ alligato ac in castra ad Steenvicam perducto. Creditum fuit, quod coenobium plano apertoque loco situm nec fossâ aut vallo emunitum foret, facile occupatu fuisse, foederatisque non tam animos aut virtutem quam infirmitatem patentis coenobij obfuisse. Quâ clade intellectâ languentes obfessi de mittendis ocyus auxilijs Ordines sociosq; monuere, animaque responso, quod militiæ stipendia ac virtuti juxta præmia pollicebatur, egregiâ fortitudine sua pericula & hostium impetus sustinuerunt. Igitur tum apud Ordines de solvendâ Steenvicæ obsidione serio agitatum, contractæque maturanda ad auxilia ex omni regione copiæ, quo laborantibus Steenvicanis subveniretur. Iam enim Norritius Angelus vir militiæ impiger cum x i. cohortium pedestri legione, ac turmâ equitum circa Zuollas advenerat, ejusque copijs Stuperi, Appelij, Clerhagij, Couwenbergique cohortes conjunctæ solutionem obsidio minabantur. Illas præterea Michaël Caulerius v i. cum signis, Caulerium Iselsteinius alijque cum v. peditum sequebantur. Reliquæ equestres copiæ quas Caulerius idem, Pieckius & Simon Limburgus ducebant, eîdem consilio destinatæ ablegato in minores insuper Frisios Duvenvordio Hollandici maris præfecto, qui celoces aliquot tam solvendæ Steenvicanæ obsidioni, quam recuperandis majorem per Frisiam oppidis munitionibusque adornaret. Vigboldo quoque Eufemio Niennortio viro nobili & strenuo legionem pedestrem v i. sub signis conscribendi potestas ab Ordinibus facta, quo omni ex orâ collecto autoratoque milite Lalainius animi insolens campo & castris pelleretur. Econtra Lalainium diuturnius apud Steenvicam obsidium urebat & quod Nyennortius collectas autoratasque in agro Translavicano copias Winsumi collocasset, objectisque quo defenderentur propugnaculis tributariam Omlandiam fecisset. Quare etiam inter famem & frigora reliquasq; hyemis naturæque inclementias castra adhuc tenens continuare obsidionem constituit, citiusque vitâ quam obfesso oppido se abiturum fidem apud Tribunos legionum fecit. Igitur ut instantia mala averteret, utque miles æris egens & inops in castris duraret, legionum primores ac legatos convocavit, editoque & modicis collibus adfurgente loco consistens hunc in modum disseruit.

Hegemannus cum suis ab hostibus cecidit.

De solvendâ obsidione serio agitur.



cIo. Io.  
LXXX.  
Lalainij o-  
ratio ad mi-  
lites.

**I**A M diu cognovi, Commilitones, ut secundis rebus animos, ita molliori-  
bus corpora corrumpi. Diutinam hanc obsidionem vexantibus inedia &  
frigore tolerastis, magno & felici indicio ipsum cælum, etsi triste & aspe-  
rum, ipsa sydera, etsi pruinis aut nivibus infesta virtute vestrà sufferi.  
Præter stipendia quoque angusta, quæ petentibus hoc tempore præstari non pos-  
sunt, difficilem commeatum habuistis. Omnia quæ movere animos possent ad  
deteriora, nisi sacramenti dulcedo atque memoriâ seditione ac tumultu cavior  
esset. Et quoniam vobis ista superare atque evincere patientiâ placuit, date  
operam porro, ut ego voti compos fiam & ne in blandissimâ victoriâ spe aut  
certissimâ constitutus consilio meo excidam, vestraq; virtus in fine rerum minuatur.  
Nam obessos ad extrema redactos ipsi non ignoratis, auxiliaque, quæ pellen-  
dis castris nostris parantur, imbecilla neque nostræ magnitudini paria esse.  
Equitatu certè longè nos prævalere in aperto est, qui cum concretis stratifi-  
que glacie paludibus non impediatur, promptus ad officium erit. Itaq; pe-  
to, ut sacramenti, quod regi Philippo præstitistis, memores in fide ac discipli-  
nâ brevè ad tempus persistatis, credatisque omnes molestias, pericula, vulne-  
ra, mortes lenimentum à victoriâ, gloriam à vestrà fortitudine habituras.

Quâ oratione averfa, quæ in proxumo erat, seditio contorpuit,  
milesque repetitâ sacramenti dictione poscenti Lalainio se obligavit.  
Mox Ioannes Norritius iustis copijs instructus Suartessulam contendit,  
compertoq; Ottonem Santium nuper Satrapam Herdervicenum regiæ  
parti ascriptum in Giethornis præsidium habere delectam sclopetario-  
rum manum celerrimo istuc itinere expedit, occupatoq; loco Santium  
captivum cæso filio abduxit. Reliqui hostium à Norritio in fugam  
acti ipseque pagus immisso tectis igne spectantibus hostibus conflagravit.

Arx Hat-  
sumana  
prodita re-  
cipitur.

Cl. Franckena in Ephemeride suâ tradit Hattumanam arcem quæ præ-  
sidio foederis tenebatur à Præfecto proditam, paucisque post diebus  
eandem à Campensibus Daventriensibusque receptam lætiora obsessis  
Steenvicanis evulgavisse. Pulverem quoque tormentarium cujus penu-  
riâ obsessi laborabant, culeis inditum quadraginta peditum ope obfes-  
sam in urbem importatum majores animos propugnantibus foederatis ad-  
didisse. Addunt alij in isto Norritij Angli cum hostibus ad Suartessulam  
conflictu peritissimos belli ac Lalainij veteranos cecidisse, Arnoldumq;  
Gemenium sub Philippo & per Frisiam in Stellingwerfij prætorem ca-  
stra regia tum secutum finem vitæ implevisse. Præter cæsos multos quo-  
que Vidro amni immerfos & extinctos annales tradunt. Unde clarum  
Norritij Angli apud foederatos nomen, quod cum bellicæ artis peritiâ  
conjunctum egregijs fortunæ quoque successibus augebatur. Quibus u-

ANNO  
cIo. Io.  
LXXXI.

tendum ratus, ut res prosperæ audaciam pariant, solvendæ obsidioni  
cIo. Io. Steenvicanæ animum atque consilia intendit & ut Lalainium vincendæ  
LXXXI. urbis certum & sacramento pertinaciam obsidij alentem, movenda ad  
hyberna compelleret. Igitur pecuniâ & commeatu sublevatis obsessis,  
auxilijsq; minorum Frisorum, quibuscum Sonoïus vir bello acer Bloc-  
zylam advenerat, ipse instructus manu decertare cum Lalainio statuit,  
suæque virtutis ac secundarum rerum fiducia totius exercitus salutem a-  
perto discrimini unique fortunæ ictui committere. Cæterum à Frisijis  
monitus ut majora auxilia, ut pecuniam & stipendia, pugnaturis ro-  
bur,



bur, atque alacritatem additura, expectaret, neu fortunæ ex se instabili tenerrimas sociorum res crederet, capto destitit, consiliumq; imprudens & nullâ futuri providentiâ ex temeritate natum mutare coactus est. Iam enim Lalainius, quo Norritium, erumpenteq; à fronte obsessos exciperet, magnam regij exercitus partem in insidijs collocaverat, quarum commoditatem, ut de hyeme solet, spissius cœlum & exsurgens nebula præjuvabat. Quâ fato seu forte relegendis, quæ Lalainius agitabat, arcanis discussâ litteras ad obsessos dedit, deditio-nemque si gratiam vellent, hortatus est.

*Satius scilicet esse obsessos regis sui veniam atque fidem amplecti, quam sum-mâ rerum desperatione spem collocare in auxilijs, quæ ne Aurantius quidem & totum sedes præstiturum sit. Scire se quo loco Ordinum res sint, qui neque veniunt, ut salvâ unius oppidi fortunâ totius exercitus flos atque belli eventui & uni ictui subjaceat. Huic rei fidem se interponere ex arcanorum, quæ patrum secretis eliminarentur.*

Cæterum centurionibus cohortiumq; præfectis alia mens erat. Ita-que respondebant perstare se in Ordinum Aurantiq; societate velle & per-mittere Rennebergio, ut quod è re suâ sit agat, experiaturq; quid aut aliena virtus discrimine irritata aut sua possit. Mox Norritius Anglorum cum legione auxiliariisque copijs, quæ sub signis Gulielmi Ludovici Nassovij erant, Giethorno duxit, Steenvicanumque saltum, qui urbi adjacet, ingressus captis cæsisq; pluribus incendium excitavit. Quo ve-lut signo dato, perlucante flammis sylvâ obsessi de faciendâ eruptione de-liberarunt, fusisque in foro precibus & peractâ re divinâ partem præsi-dij portâ emisere, quæ ad munitionem lapideæ viæ adjectam recto iti-nere ducebat. Quâ occupatâ, datis in fugam præsidiarijs, captaque foeminâ, quæ utero gerens, ut Franckena tradit, & fugæ impar erat, majorem munitionem oppugnare, quam ipse Rennebergius justo præ-sidio tutabatur. Ubi fortiter virtute præsidiariorum, qui intra muni-tionem erant, excepti in diversa se sparsere, tantâ noctis, quæ illunis erat, opacitate, ut commilitonem ab hoste vix distingueret. Unde con-fusio enata, nescientibus in quos armorum vis converteretur & quod Rennebergius munitione, quam defenderat, egressus justum agmen per emissarium Aë fluminis ducaret. Igitur obsessi factâ ad parvam mu-nitionem carragine, quam à suis teneri opinabantur, simile in discrimeni errore noctis inciderunt, diversisque conflictibus extenuati carris impe-dimentisque exustis in oppidum se recepere. Berenbroeckius Hagiuf-que re præclare gestâ vi hostium in oppidum quoque compulsi, cujus portam, prementibus obsessorum terga hostibus, regij facile occupa-vissent, nisi occultæ viæ beneficio, quam Computtius fieri curaverat & in quam obsessi se receperant, rejecti fuissent. Olthovius centurio por-tam, quæ sylvestrem Frisiæ tractum respicit, claudi fecit, justâque cu-stodiâ sepelit. Traditum annalibus magnum utriusque militum nume-rum illâ nocte cecidisse multosque captivos ut in oppidum, ita Ren-nebergij castra perductos utriusque partis damna & incommoda pen-sasse. Tum Norritius in arbutum modico aggere cinctum, juxta Tuccam pagum copias haud procul emissario duxit, per quod Aa fluviolus

clo. Io. tenui alveo se emittit. Quo cognito Rennebergius cum potissimâ  
 LXXXI. exercitus parte magno impetu Norritium adortus est, quem in ma-  
 gnâ annonæ commeatuque penuriâ equestre insuper auxilium desti-  
 tuebat. Iam enim deletas ad internecionem Norritij pedestres copias  
 suspitione credebatur, qui in maximo rerum discrimine constitutus a-  
 lienâ consilia, suam temeritatem & juxta fortunam inculabat. Cui in-  
 commodum & hoc accedebat, quod densissimæ nebulæ obortus omnem  
 conspectum impediret, quæ ab oppidanis auxilia mitti aut transferri in  
 tuta exercitum cœli opacitate prohibebat. Caterum post repulsum  
 Rennebergium & signum receptui dare jussum à cive quodam locorum  
 gnaro, qui oppido exploraturus regia excesserat, Bloczilam perductus  
 periculum evasit, quo loci Sonnoius vir belli egregius præsidium tu-  
 tandæ oræ maritimæ agebat. Ubi datis litteris Steenvicanos suo de  
 discrimine totoque rerum statu certiores fecit, subnixusque majorum  
 Frisiorum auxilijs, quæ ventura credebantur, certam solvendi obsidij  
 spem annuntiavit. Mox Bloczilâ copias movens in cœnobium D. Jo-  
 anni sacrum concessit, obfessusque à Rennebergio, qui magnâ celerita-  
 te illum circumvenerat, Frisiorum auxilijs liberatus est.

*Norritij  
discrimen.*

*Frisiorum  
auxilijs li-  
beratur.*

*Lalainij ex-  
ercitus sedi-  
ciosus vix  
placatur.*

Quippe Wigboldus Nienortius cum Menningeo, qui Bernardi Merodij  
 Frisiæ præsidis copias titulo optionis ducebat, victoriâ Windefchotanâ  
 (ubi hostium coitiones xviij. Kal. Feb. notante Franckena dissipaverat)  
 animatus cum auxilijs (clo. Io. numerabant) Scotam post Oldemarctum  
 progressus de Norritij sociorumq; consilio Bloczilam pervenerat, evulga-  
 tâ in castris Rennebergij famâ Frisiorum Translavianorumq; juxta auxilia  
 solvendo obsidio adesse. Quare Rennebergius magnâ in festinatione  
 P. Joannis cœnobium reliquit exustoque Grethorno in castra ad Steen-  
 vicum magno animi mœore militem & quidem sediciosum reduxit.  
 Quippe non pensitato stipendio totus exercitus & consilia miscere, mox fi-  
 dem & sacramenta exuere coeperat, additâ comminatione se ipsi Duci, ni-  
 si prospiceret, manum injecturos. Quamobrem Rennebergius Schenkij.  
 Ojenbruggijque consilio usus centum aureos unicuique cohorti assigna-  
 vit, passulq; domus suæ & rerum direptionem militarium furorum in-  
 commoda in singulorum capita pendere xxi. sestertios coactus est. Ad-  
 ditâ insuper fide, nisi promisso staret, castra se moturum, copiasque  
 cœli inclementiâ & hybernâ asperitate ferocientes molliore vitâ & dul-  
 cedine otij placaturum. Ita cæpta seditio interquievit Rennebergiusq;  
 deserto Steenvicano saltu & Tuccâ pago urbi vicino sparsas hinc inde  
 copias peculiari castrensium motuum remedio ad Aam flumen con-  
 traxit, tormentaque ad pontem flumini impositum perducere imperavit.  
 Quæ dum in Frisiorum finibus geruntur Belgicæ Ordines de revocando  
 Francisco Valleio Andium Duce Galliarum regis fratre cogitare, quod  
 Matthias Austrius sive imperij & tantæ molis regundæ pertæsus, sive  
 propinqui regis aut fratris Cæsaris consilio in Germaniam revocandus  
 successorem moderamini provinciarum desideraret. Iam enim auxilia  
 subsidiaque bello potentiam & fortunam tanti Principis secutura infirmio-  
 ribus rebus expetebantur acut ostendentia se jam tum popularis imperij  
 aut libertatis vitia & vix adversis inhibita unius eminentis autoritas ac  
 fastidium comprimeret. Neque enim à subjuvandis Belgis alienam

*Matthiâ  
Austrio dis-  
cessum me-  
distante de  
Andini su-  
cessione co-  
gitatur.*



Galliam esse, odio Hispani & averſis à ſe invicem iſtarum gentium clo. 10. ingenijs, quæ interventu ſui Principis Belgarum ſocietati innexa ar- LXXXI. ma quoque Hiſpano per Belgicam furenti intentatura haberentur. Poſſe Lutzenburgum, Hannoniam, Arteſiam cõterminas Galliæ regiones ſi non arma potentiſſimi Principis, ſaltem metum ſentire & qui laturus non ſit in fratris ſui regno, militem, commeatum, pecuniam, arma conquiri augendæ Hiſpanorum dominationi, aut ſubvertendæ Belgarum libertati deſtinata. In quam cum rarè Principum exemplo inclinaverit, quorum cupiditatibus gravis ut plurimum & ſuſpecta libertas ſit, ita Galliæ regno funeſtis, ut ſerè ſolet, incendijs flagranti moderata conſilia collocaffe. Quod ad Angliæ regnum attineret, male Eliſabetham vicinum Belgicæ rectorem Vallesium, quam Philippum habere, adjectâ jam Hiſpaniæ Luſitaniâ vaſtiſſimis terris & mari Oceano imperitantem. Præſtructas quoque inter Alençonium & Eliſabetham connubio occaſiones, obſervatumq; reginæ pectus à Vallesij Principis amoribus alienum non eſſe. Quæ ut in ſecreto patrum diſſerebantur, ita eo res perducta eſt, ut repetitâ ſocietatis auſpicandæ actione tabulæ quoque firmandis pactis, non Alençonij tantum, ſed regi & foederatorum ſociorumque (inter quos Friſicam gentem fuiſſe reperio) ſigillis conſignarentur.

Reperio in actis provinciæ Aurantium principem, quo belli ordinem ac diſciplinam terrâ marique ſtabiliret, poſtulata quædam menſe Ianuario exhibuiſſe, perlataq; in Friſios ne remedia quidem depravatis militiæ rebus atuliffet. Joannem quoque Verckenium Friſiæ cohortis ductorem in Omlandiam ac Translavianos cum cohorte miſſum, non damna tantum & incommoda hoſtibus, ſed ſocijs quoque intuliſſe, eundem quoque Wigboldi Euſemij curâ vinculis datum, ipſumque Euſemium datis in Friſiam litteris ſocij juris violati rationem allegaſſe. Similes litteras à R. Ackema præſidium Winſumi agente perſcriptas fuiſſe reperio. Cujus Verckenij cauſam etiam hoc prægravabat, quod Decembri menſe perſuga ac proditor quidam cum Rennebergio in caſtris ad Steenvicam poſitis conſilium communicafſet; deprehenſuſque à Verckenio ſexcentis aureis immunitatem redemiſſet. Adeo illo tempore, velut rudi adhuc militiâ, licentia invaleſcebat. Quæ per Friſiam atq; adeo ipſam Weſtergoam vires ſumens Wonſeranam quam maxime præturam affixit. Quippe Dodo Larius equitum turmæ, tunc cohortis peditum ductor inordinatis foedisque exactionibus illius orâ populum exhauriebat, hoſtisque magis ingenio quam ſocij uſus in omnem inſolentiam effundebatur. Unde ſupellex non tantum & villarum ruſticarum inſtrumenta ac utenſilia, ſed pecora quoque abacta, aut alendis flagitioſorum ventribus inactata, ne tuto quidem integroque hoſpitali ac templorum jure, quod omnia patrantibus foedâ immanitate ac ſacrilégio violabatur. Quare à ruſticâ gente criminationes & querelæ Novem-virale ad Collegium per Iancõnem Ofingam virum nobilem iſtius loci Prætorem perlatae, diſſimulante enormem militum proterviam illorum patientiâ, qui in fide ac ſacramento retineri ægrè militem niſi leni factorum indulgentiâ opinabantur. Quæ correctionum animadverſionumque militarium tarditas ne majus incommodum daret Translavi-

*Militaris  
diſciplina  
ſublata nec  
dum reſtitui  
potest.*



clō. Io. canorum Legati litteras quoque ad Novem-viros FRISIÆ misere.

LXXXI.  
Trans-Lavicanorum  
querelæ ad  
Frisiæ Pro-  
ceres.

**P**RÆSIDIVM quod Doccomij posuisti, FRISIJ, nobis ac genti nostræ molestum & grave est. Præter damna data municipibus nostris in captivitate abductis de remedio & emendatione præstandâ jam ante monuimus. Ceterum vestrâ morâ ac cunctatione abusus quasi miles insolentiam auxit, etsi non ignarus sociale jus ac sacra fœderum auspiciò & cum religione inita istâ militari proterviâ auferri. Quin pauci dies sunt, quibus istiusmodi furoribus frenâ laxata sunt, abductis in fines vestros Grypskerckijs, quos domui suæ ac familiæ reddi, præterquam pensitato 100. dalerorum lytro vestri milites noluerunt. Quæ cum pacem publicam, cum jus fœderum turbent, cum sanctissimæ societatis fundamenta convellant, hortamur denuò ut malis subnascentibus medicinam adferatis, ne tandem vestra dissimulatione aucta omne remedium respuant. Imprimis ut ablatarum rerum pretia numerando liberos homines & nostro imperio subiectos, sine ullo lytro rebus suis restituatis, moneatisque cohortium præfectos & simul militarem turbam, ne fines vestros excedendo trans Lavicam tanquam ditionis vestræ terminum aliquid prævum aut hostile moliantur. Ne nos aut aliò querelas deferre, aut invenire duriora malis remedia cogamur.

Subsidia ab  
Ordinibus  
provincia-  
libus flagi-  
tantur.

Quæ Snecæ, quo Delegati Omlandiæ confugerant, perscripta, meliores in curas Frisiæ proceres traxere. Tum valori monetæ, auro atque argento signato per provincias prospectum, vinoque ac cerevisiæ exoticæ indictiones impositæ augendis ærarij opibus, quæ terrâ marique strepentibus armis lacerabantur. Unde fiebat ut Ordinum provincialium legati subsidia ex ærarijs fœderatarum nationum urgerent, gravissimisque in rebus, sicuti fieri mos est, consensum ac iudicium cuiuslibet provinciae flagitarent. Jam enim postulata quædam in Frisios transmissa, quæ de impensis legationum in Galliâ factis, de Matthiæ Gubernatori in Germaniam abituro præstando residuo, de Elisabethæ Anglorum reginæ credito exsolvendo, de Aurantij annuâ pensione augendâ, de pactis cum Alençonio supplendis confirmandisque habebant. Quibus ut satisfaceret provinciae nomine Delphos Batavorum Julius Bottnia Oldermannus Franekerensium cum Orichio Dojemo Ordinum Frisiæ Syndico missi: Ijs in mandatis datum ut actorum defectum postulatis obtenderent, fidemque facerent Gallicæ ad Alençonium legationis impendia Andreæ Hesselio Graphiario Brabantiae ad clō. c. xviii. carolæos exsoluta. Quod ad Marthiam Austriam missionem Belgio petentem attineret, velle Ordines Frisiæ ut idem, quod vicinæ provinciae præstent, habitâ interim ratione ærarij Frisici, quod atrocium bellorum & per ipsa provinciae viscera grassantium crudelis tempestas minueret. Ad augendam provincialis Senatus, qui cis ac trans Mosam institutus erat, numerum, Leoni Beiemo fato functo Doconem Martnam suffecisse, missuros eundem quanto ocyus cum litteris publicis, quæ subveniendis belli necessitatibus & ordinandis provinciarum tributis expedirentur. Elisabetham Anglicam quod attineret censebant, inquirendum per Legatos esse, an Frisij præstandæ solutioni tenerentur, eoqueposito assensum vicinis provinciis, aut æquiora volentibus habituros. Idem in causa Aurantij velle, exsolvi que debita, ac æris magnitudinem præstan-

standam, quam Aurantius liberandis defendendisque provinciis impendisset. De Alençonio respondebant grave & molestum fore ulterio-  
riorem isti actioni assensum præbere, quod à vicinis provinciis in deliberationem missa esset, quorum iudicijs arbitrijsque statuti Frisij essent. Invenio in actis publicis Matthiam Archiducem missis ad Ordines Egberto Leonino, Antonio Lalainio, Joanne Asselerio legatis speciosis & ad movendos provincialium affectus validis rationibus usum apud eosdem de præstando ære & liberandis nominibus egisse, suæque familiæ ac gentis Austriæ, tum aulæ suæ incommoda ignominiamque obtinentem, solutionem residui æris postulasse. Frisios quoque præstandæ solutioni octo millia aureorum assignasse, duobus millibus Anglorum Reginæ in usuris adjudicatis. Omnia quoque prioris belli impendia magno provincialium incommodo petita attritis impulsisque privatorum rebus & facultatibus, quas tributis ex bello onus & per agros exactio vastatioque diripiebat.

Unde Bernardi Merodij regiæque Curia edicto paci tranquillitatiq; publicæ prospectum, cautumque ut Focconi Oenonio cæterisque partium regiarum suspectis bona salva intactaque essent, omniq; in posterum violentiæ parceretur, ne fœderis vires & bellorum nervi, privatorum rapinis succiderentur. Rerum quoque venalium, quæ usu consumuntur, indictiones per provincias scriptæ, cautumque Aurantij, qui imperium maris gerebat, litteris, ut ad x. Febr. diem omnes naves imprimis onerariæ portibus attinerentur, dum provinciarum Ordinumq; cura omni commercio prospexisset.

Mox Sonoïus Bloczilæ curandis Steenvicanorum rebus agens, communicato cum provinciarum legatis & Joanne Norritio fœderati exercitus ductore consilio, Vollenhoam maritimum & arce validissimâ firmatum oppidum tentavit, ductisque quatuor marinum per aggerem signis suum fecit, præsidio regio equitum peditumq; exire iussio.

Traditum commentarijs Belgicis reperio Antonium del Vailium nuper Philippi II. nomine per Frisiam Senatorem efferi & crudelis animi virum eo in oppido captum, Camposque ad Delegatos fœderis missum. Famâ additum eundem del Vailium multitudinis ad captivitatem sanguinarij hominis frequentissimo occurso in magnum vitæ discrimen incidisse, parumque abfuisse, quin ponte, quo longissimo Isala annis sternitur, dejectus effusum per Frisiam innocentium sanguinem lustralibus aquis expiaret. Memorant annales durante Steenvicanâ obsidione 4. Febr. tres perdices intra obsessam urbem captas prodigio ascriptum fuisse, interpretante Cornputtio, viro erudito & antiquitatis peritissimo evoluta trium septimanarum spatio annonam divinâ ope obsessorum fami atque extremæ inediæ subventuram. Quæ res in omen quoque pertracta Norritium solvendæ obsidionis momenta atque consilia agitantem majoribus desiderijs accendit. Quare modico equitum peditumq; numero castris emisso, Rennebergij Schenkijq; equites in Deveris pago Drentiæ commorantes nocte & ex improvviso adortus est, trecentosque ex ijs, ut Franckena notat, præter reliquos in fugam datos delet. Quo in conflictu Rombertum Friesma regium nuper per Stellin-  
guerfios prætorem, qui castrorum Rennebergij mensorem tum agebat,

*Sonoïus  
Vollenbo-  
am cum ar-  
ce occupat.*

*Antonij  
del Vailij  
captivitas  
Es d. scri-  
men.*

*Trium per-  
dium cap-  
tarum o-  
men.*



CL. ID. accepto vulnere Groningam perlatum expirasse in annalibus Cl. Franc-  
LXXXI. kena memorat, eundemque Friesmam quod in æstuario apud Harlin-  
gam navi vectus Batenburgicos fratres anno 1568. detexisset, per  
scelus ad præturam evectum dignum proditioni suæ factisque exitum  
fortitum. De quorum proditione, etsi suppressio tum quod ignora-  
batur nomine, primo Historiæ libro perscripti. A quâ victoriâ Nor-  
ritius, iusto agmine, (in quo præter suam Nassovicam, Merodæam,  
Nienortiam, Cauleriam, Iselsteiniam legiones, cum Hegemanni & Stu-  
peri signis & sex equitum turmis ducebat) instructus Steenvicano sal-  
tui in ortum ad montem Hindigerum castra posuit, qui modico ter-  
reo opere ac tramite exaggeratus, versus septentrionem, qua planior  
erat, factâ carragine defendebatur. Vexilla quoque signaque quo ob-  
sessis in conspectum daret, in edito montis proximorumq; collium posuit,  
quos inter hostiumque castra planities ad bis mille pass. interjacebat, quæ  
nullo arboreto confita, paludibus pascuisque, qua oppidum spectat, di-  
stincta, commodissimum gerendis rebus & pugnae locum designabat.

*Pugna  
Renneber-  
gii inter  
& Norri-  
tium.*

Quare Rennebergius ingenio loci usus, neque insidiarum metuens,  
quod aptius coelum camporum planities ostenderet, decem peditum  
cohortes, equitumque pauciores turmas iustâ acie instruxit, disposi-  
tisque machinis, ante lucis ortum Norritij in castra inventus est. Qui  
omnis, etiam ultimi, discriminis contemptor suos quoque desiderio  
pugnae accensos castris eduxit, juxtaque Tuccam pagum extimumque  
lapideæ viæ marginem cum hoste congressus est. Ubi retro citroque  
habitis velitationibus cum obsessi quoque portâ egressi levi ponticulo  
per Aam annem iacto damnum hosti facerent, sole meridiem per-  
menso iustum prælium subortum est, adnitentibus regijs, ut carrorum  
compage, quam castris præduxerat, luxatâ solutâq; castra Norritij ex-  
cinderet. Cæterum regij male excepti amissis quam plurimis ac faucijs  
signum receptui dedere Henrico Snatero, qui ab Albani ætate regias  
partes propugnauerat, fortiter pugnante desiderio. Obsessi, quos por-  
tâ egressos memoravi, castra, qua ortum diei spectabant hostium oc-  
cupavere, excitatoque igne & confossis agris, ac imbelli trium scemi-  
narum sexu interempto, victores Steenvicam rediere, quæ in ultimo  
discrimine constituta defectu alimoniae prægravabatur.

*Renneber-  
gii male  
acceptus ob-  
sidioni ta-  
men instat.*

Neque Rennebergius etsi æris inops, in tantâ coeli & omnium re-  
rum exacerbatione animum despondebat, quin erigendis novis castel-  
lis, reficiendisque castrorum munitionibus incumberet, militemque pe-  
nuriâ cibi languidum, virtutis constantiâq; commoneret. Idem à Nor-  
ritio factum, qui asperrimum gelu, quasi frigidissimorum siderum concu-  
rsu alto defluens, omnique malo sæviorem famem suis in castris tolera-  
bat. Cæterum clementius cœlum 17. Feb. hyemis asperitati subveniens,  
mox pluvia tempestas flante Favonio subsecuta uberiori annonæ spem fe-  
cit, viasque glacie interclusas subvehendis castrorum com meatibus ape-  
ruit. Quare Norritius castra propius ad urbem posuit, locumque mil-  
le pass. à castris distantem juxta Aæ veteris ripam extruendæ novæ mu-  
nitioni designavit. Unde noctu & interdiu militum operæ desideratis  
fossoribus provectæ, donec terreo vallo præducto nova munitio & duo-  
bus tormentis instructa oppugnationibus hostium sufficeret. Quam et-  
fi



si tentaret oppugnaretque Rennebergius, tamen experiundo discebat cō. 10. virtute magis militaris præsidij, quam objectis operum molibus erectam munitionem defendi. LXXXI.

Annotatum invenio quosdam ex obsessis vitæ ac animæ prodigos oppido egressos, spretis hostium castellis excubijsque novam in munitionem perrexisse, subutosque à quibusdam Norritianis panem ac caseum obsessæ urbi importasse. Norritium quoq; proviso magnæ munitionis commeatu, minorem fieri propius oppidum curasse, extructamq; è regione munitionis hostium carraginem Rennebergij subvertisse. Unde gravissimo conflictui nata occasio, ita commissis implicatisq; equitum peditumque ordinibus, ut hostis à commilitone non distingueretur, videreturq; justo prælio, fortunam castrorum determinaturo, commissa velitatio reservari. Sed obsessis erumpentibus tergaq; hostium & imprimis equitum ferientibus, quos agendis rebus minus idoneos densissimi imbres & soluta fossarum glacies faciebat, Rennebergij pedites ordines suos deseruere, flagitatisque stipendijs turbulenti & palantes, multis utrinque desideratis, in castra reversi sunt. Tum Norritius, quo faventi fortunæ manum præberet, notatâ in Rennebergij castris seditione aut saltem contumaciâ dedignationeque parendi, quosdam annonâ commeatuque onustos ad oppidum misit, subutosque ab obsessis, qui erumpébant, repetere officium jussit. Quod etsi impedire Rennebergius conaretur, tamen tempori & præsentibus rebus obsequi coactus est, ne mobiles militum animos & vile sanguinis vitæque pretium criminatos majora ad incommoda regijs castris inferenda irritaret.

Cl. Franckena in Ephemeride VIII. Kal. Mart. id factum tradit, Rennebergianosque impressione in castra Rennebergij Aam ad flumen facta cum numero plures superioresque evasisent, primos hostium ductores præfectosque cohortium cecidisse. Hostium quoque peditatum fugæ datum nec contineri per equitem in officio, nec reduci capeffenda ad arma potuisse, totumque conflictum imbrum interventu direptum. Quare Rennebergius provisus urbi commeatibus & suorum contumacia rerum exspes, de movendis castris agitavit, nulloq; signo dato & conquisitis tormentis castella munitionesq; suas deseruit, ne observato quidem ab obsessis hostili consilio, quod nocturnâ opacitate & nebuloso insuper spissoque cœlo tegebatur. Cæterum die postero omni castrensi officio silente, desideratisq; excubitoribus Rennebergij castra à Norritianis lustrata, quæ equorum militumque qui recenter occubuerant, cadaveribus oppleta, tristissimâ facie visebantur. Intra ipsas verò munitiones castellaque Rennebergij armorum, quæ projecerant, copia & castrensis quoque supellex reperta prædæ illorum cessit, qui liberatam virtute urbem lætabantur. Mox Rennebergius, etsi motis jam castris quo dedecentis fugæ suspicionem velaret, aciem editiore loco explicavit, potestatemque pugnæ Norritio fecit. Qui foelici suarum rerum successu contentus, simulque varietatem fortunæ, quæ in res bellicas dominatur, expendens oppidum fame exhaustum ubere annonâ ac commeatu instruxit, Ordinesque foederatos Campis ad Isalam agentes solutæ Steenvicanorum obsidionis certiores fecit. Rennebergius consilij inops palans & errabundus copias quaquaversum duxit, donec in Sal-

*Obsessi com-  
meatu illa-  
to refocil-  
lantur.*

*Renneber-  
gus Steen-  
vicam de-  
seruit.*

clo. Io. landiam defleſſeretur, Norritiumque arbitrio ſuo in ordinandis præſidijs  
 LXXXI. occupandiſque munitionibus relinqueret. Qui Cunerâ olim Comitatus  
 titulo inſigni fœderi adjectâ, reliquas cohortes Friſicas Merodij impe-  
 rio parentes Lemmariam atque Slotam duxit, quo omnis ora maritimo,  
 quæ Auſtrino maris ſinui, aut latiffimis æſtuarijs obtenditur, Renne-  
 bergij regioque præſidio liberaretur. Lemmaria ac Slota tormentis ma-  
 chinisſque verberatæ fœderatis ſe permiſere, deſerto inſuper à regijs Mac-  
 comio, qui Rennebergio ægritudine angoreque animi ex adverſis cor-  
 repto vanis diſcriminum pavoribus percellabantur. Quare & Stauria quo-  
 que olim regni Friſici ſede & nobili orientis commercio clara urbs, quam  
 Renicus Dekama vir nobilis cum cohorte regiâ tenebat, à Friſicis co-  
 pijs tentata, metuentibus Ordinibus ne regis auxilia illo in loco, tan-  
 quam limitaneo, contraherentur, & ne Rennebergius animum ab adver-  
 ſitate reſumpturus ſedem bello divexandis Friſijs deligeret.

*Præſidia  
 regia urbi-  
 bus muni-  
 tionibusque  
 Friſia ex-  
 turbantur.*

Igitur Sonoïus Bloczilæ hærens cohortem è minoribus Friſijs tranſ-  
 miſſam Stauriam amandavit, quod oppidum præſidij vacuum ſolâ arce ac  
 caſtello regio defendebatur. Mox pluribus copijs auctus portuque a-  
 ctuarijs navigijs occupato, ruſticam plebem erigendo terreo operi adeſſe  
 juſſit, objectoque ex oppoſito arcis vallo, machinâq; lignea, quæ  
 ſummitatem mœnium ſuperabat, fabricatâ obſidionem promovit, ad-  
 ductiſque Harlinga ac è minoribus Friſijs tormentis, poſt cuniculos ul-  
 tra foſſam ac ad ima mœnium perductos arcem deditione accepit. Cre-  
 ditum fuit obnitente & invito Dekama arcis Præſecto Friſiciſque præ-  
 ſidiarijs id obtigiſſe, qui à Germanis, qui ſub cohorte militabant, vin-  
 culis dati catarractas ad nigras, ut vocant, Vidrumque flumen perdu-  
 cti ſunt. Renicus Dekama fratre cum captivo Enchuſam miſſus, cuſ-  
 todiaque traditus eſt. Addunt commentarij vexillum majus præſidia-  
 rijs ereptum Enchuſæ majore in templo à Sonnoio appenſum expu-  
 gnatæ arcis Stauricæ illuſtre monumentum dediſſe.

Franckena notat menſis Martij initio capta Slotâ cohortem quoque  
 Friſicam Leovardiæ collocatam, Ordinumque Comitio, quod ibi ha-  
 bebatur, decretum, ut triumphum per Friſiam arcium caſtellorumque regio-  
 rum reditus emuniendis in poſterum oppidis deſtinarentur. Sixtum  
 quoque Sceltamam virum nobilem & Novemviri dignitate functum co-  
 horti Iulij Botniæ præſectum, qui Oldermanni titulo regundo Frane-  
 kerenſium oppido accitus, militare ingenium pacis artibus exercebat.  
 Quæ dum ſiunt Wigboldus Eufemius Nienortius proſpere res in Tranſ-  
 Lavicanis gerebat, liberatoque obſidione Winſumo Marrenſium pago,  
 ſecundâq; velitatione cum Rennebergicis habitâ ( in quâ Oyenbruggius  
 glande ictus occubuerat ) majore belli apparatu occupabatur. Quare  
 auxilia petenti quatuor ſigna peditum ipſo verno Æquinoctio, ut Franc-  
 kena notat, eî decreta, duæque cohortes à majoribus Friſijs poſt ad-  
 ditæ conſilia Nienortij ſubjuvere.

*Nienortius  
 in Tranſ-  
 Lavicanis  
 rem forti-  
 ter gerit.*

Quare Rennebergius cum apertâ vi parum proficeret, clam multo-  
 rum qui regijs in partibus per Friſiam adhuc erant, animos tentavit,  
 eiſque poteſtatem colligendi pro Philippo militis fecit. Inter Cæteros  
 Petrum quoque Everardum Dureuoutium, qui Rinſmageſtæ apud Dan-  
 tumanos agebat, illo autoramento inſtructum reperio, eundemque vin-  
 culis



culis datum ac Leovardiam in arcem regiam pertractum, velut prodicio. To-  
tionis reum, mox intercessione popularium liberatum relapsumque in LXXXI.  
graviora tragico exitu fontem vitam finivisse.

Principem quoque Aurantium missis id temporis Leovardiam Laurentio  
Jacobæo & Joanne Maertio legatis eundem Magistratum ad colligenda  
exigendaque mercium rei que nauticæ onera ac tributa 23. Iulij anni  
1580. Antverpiæ sancita sollicitasse, ipsumque Magistratum tenerri-  
mâ adhuc libertate, & ne frequentia mercantium in solitudinem verte-  
retur damno civitatis honestis rationibus facti invidiam abnuisse. Godf-  
calcum quoque Hiddamam cum Jacobo Jacobæo Consule Bolsuerdiano  
Legati personam agentem, & à Principe Aurantio mandatis instru-  
ctum multa de centurionum tribunorumque militarium peculatu & im-  
primis Iselsteinij proposuisse, & ut militari licentiæ exactionibusq; freo-  
no imposito & emunitâ Harlingâ maritimo oppido, Bernardum inter  
Merodium, qui autoritatis vilipendium apud Aurantium criminatus  
erat, vicarium Provinciæ Rectorem Ordinumque Delegatos & Sena-  
tum Juridicum ut Franckena vocat, pax ac concordia firmaretur.

Igitur decretum in Comitio Oostergoorum Sylvestrium & Oppi-  
danorum.

*Vt in florenum aureum avertendis rapinis grassationibusque militum quatuor-*  
*decim sesterij penderentur, tribunique ætariorum Boudexinus Locus, Paulus*  
*Gellius, Gellius Sibæus, Popko Roorda, Siboldus Aysma & Otto Svalve ju-*  
*risperitus ad præstandas in publico rationes coram nobilitate populoque Fris-*  
*co adigerentur. Liberando quoque Doconi Martnæ, qui in Sylvestri ad Ouram*  
*tractu captus erat tria millia aureorum assignarentur, sub cautione tamen, ut*  
*repeterentur. Quod ad Merodium Vicarium provinciæ gubernatorem attineret,*  
*deceiebant Ordines ut si in provincia foret, pro more, confessus Novem-vira-*  
*lis caput atque præses haberetur, deq; ijs, quæ ad bellum pacemque denique*  
*ad conservationem juris publici spectarent, cum Novem-viris consultaret. Hæc*  
*tamen cautione interposita, ut per illius absentiam consultandi deliberandique*  
*Ordinibus eorumque Delegatis jus foret. Quod ad Senatum juridicum spectaret,*  
*nam & hoc criminabatur Merodius, quod regunda provinciæ se immisceret illum*  
*facturum & lege receptâ, curaturosque Ordines ne quid detrimenti. Hæc*  
*in Comitio 8. Kalend. Mart. perscripta.*

Decreta  
Ordinum  
Frisiæ in  
comitijs.

Quæ partim ex æmulatione, quæ surgenti reip. quoque innascebatur,  
partim ex studio tuendæ libertatis aut dominationis profecta tenerri-  
mas res fatigaverat.

Mox Trans-Ifulani per Olthovium & Cornputtium cohortium ducto-  
res, qui Steenvicam oppidum egregiâ virtute ac laude defenderant, auxi-  
lia, bellicumq; comæum majores Frisios poposcere exemplo Nienortij  
qui isto tempore apud Husingium (pagus Omlandæ est) cum hoste  
congressus pulveris pyrij inopiâ, ut Franckena notat, evitandæ cladi re-  
trocesserat. Idem autor tradit Nienortios omnium indigos omnia pe-  
tisse, effusosque in omnem militarem luxum & intemperantiâ sæ-  
vioris belli brumæque aspera geniali hilaritate emoluisse. Unde sævior  
armorum tempestas cis ac trans Lavicam exorta, adnitente Renneber-  
gio, ut ægritudinem animi ex desertâ Steenvicâ contractam fiduciâ  
Gro-



clō. Io. Groninganae urbis, sparsis per omnem agrum copijs minueret. Quod LXXXI. incommodum ut Frisij majoribus, ipsique etiam Translavanis grave erat, ita maxime eos premebat, qui Groningam potentissimam urbem ac libertatis sedem crudis Philippi imperijs, & imprimis defectori Rennebergio serviliter parere indignabantur.

Igitur tecto nomine, sub specie sollicitandae societatis scriptum quoddam, Londini Anglorum, ut praeferebatur, impressum ad Groninganos transmissum, quo jus antiquum, avitaeque libertatis gloria cum novae servitutis foeda professione conferebatur:

*Littera  
hortatur ad  
Groninga-  
nos pro ex-  
cutiendā ty-  
ramide.*

**N**ATVR. A rerum sanctissima Parens, Groningani non sui tantum amorem, sed & proximi humanis mentibus ingeneravit, & ita quidem, ut ex unius incommodo ac discrimine alterius saepe periculum exsurgat. Quam natura legem confundi persaepe non exempla tantum veterum temporum, sed haec tempestates Belgicae recentibus actis docuerunt. Sive errore humani consilij, quod sua etiam varietate ex temperamentis corporum dissentit, siue instigatione hostium ac culpa. Equidem non credendum est illam pravitatem nostris ingenijs non subesse, à bono legitimoque fine abduci cum voluptate se partiantur. Praesertim cum ea civilium bellorum, quibus cum luctamur, calamitatem & legitimam prosperitatis humanae usum erga victos misratio impellit. Igitur satius fuisset jure potius ac pacto, quam armis egisse, parcendo illorum sanguini, quos legum & societatis communio connectebat. Quod cum vos imprimis concernat, Groningani, causam belli & armorum dissimulare non potestis. Neque enim haec in socios atque amicos, in congeneres & legibus connexos sumpta per errorem reputabitis, aut ut ex unius damno alterius commodum increasca, sed odio tyranni & jurati hostis, tum amore libertatis, quae honores, opes, omnemque prosperitatem, ac affluentiam rerum parit. Imprimis cum vestra libertas tanto sanctior atque eminentior vobis praeter ceteris gentibus fuerit, ut in urbe civitateque vestra & per Omlandiam, non Principes, sed Praefectos Protectoresque agnoverit. Nunc vero praeter ceteris nationibus, quas confines aut socias habetis, oppressa spectatur, erecto in urbe vestra regio & quidem validissimo castello quo externa peregrinaeque colluvies, legibus vestris, corporibus atque animis pro arbitrio & lubricine sua imperitet. Hanc ut restitutam redditamque nostris terris habeamus, arma sumpsimus, non mutuo exitio, aut ut in viscera nostra sanguinemque sevireremus, sed in Hispanos, qui sanctissimus etiamnum armorum nostrorum pretextus est. Apud nos vero imprimis, quibus inter omnia mortalium & fortunae bona vita carior libertas habetur. Ut tanto nocentiores, haberi possint, qui arma, qui consilia cum tyranno miscent, subvertendis socijs, amicis atque concivibus, quorum omne studium in conservatione legum & libertatis & desiderio pacis concordiaeque conquiescit. Quae cum sine armorum subsidio haberi non possit, actu ac fraude hostium effectum est, ut ea in suos convertant, divisoque & communibus viribus destitutos singulos opprimant. Ceterum nos ab oppressoribus legum, à violatoribus fœderum sacrorumque, à conjugum liberorumque, nostrorum pollutoribus alienos facit infelici servitij fastidium, & ne libertas majoribus nostris pace belloque quaesita tyranno cedat. Quod certe levitate illorum alibi effectum est, qui fidem patriae datam, venalem & enormis potentiae servam ministramque fecerunt. Quibus cum vobis nihil com-

mune sit, Groningani, aut saltem esse debeat, quos excelsa indoles & servitii cōspiciat. Id. Id. pertusa commendatos annalibus posterisque fecit, tamen hoc tempore vestra p- LXXXI. tientiā & fœdissimæ servitutis ludibrio gloriam Frisici nominis attaminatis, quod multis abhinc sæculis, reliquarum gentium invidiā, ut exterorum Principum imperiā ita arma repressit. Quæ omnia ut ad animum revocetis, Groningani, hortamur, cogitetisq; eadem ingenia, easdem indoles, eosdem spiritus, eandem virtutem, eadem arma quæ vicinis vestris esse. Quo magis mirari ad miraculum usque libet, ita vos à virtute nobilissimorum fortissimorumque majorum & à vestra descivisse, ut tyrannorum dominationes ac imperia pro justis acceptisq; habeatis, quibuscum nulla vitæ jurisque communio est. Qui autores fuere, ut cum Omlandis intestina arma misceretur, disceptaretisq; per vim de jure vestro, quod à peregrino, nec armato, sed à vobis ipsis, à proceribus vestris intra Curias vestras & comitia majorum more petendum fuisset. Cogitate plus damni datum illā tempestate urbi, reipublicæque ac libertati vestræ fuisse, quam si totam Omlandiam perdidissetis. Reputate multos ex vestris ad paupertatem mendicitatemque propulso, conjuges uxoresque vestras maritorum solatio & consuetudine viduatas, innocentes liberos & propaginem vestram æternitatem genti & imperio vestro daturam parentibus suis orbatam, optimos cives civiumque filios prædonum raptorumque contubernio ascriptos, multum sanguinis, ut sub Tyranno essetis, profusum, multum æris cum jacturā ararū & fortunarum vestrarum bello regio impensum, ne spe quidem vobis adhuc facta munitionum in Frisiā Trans-Isulaniāque potiundi. Quin spectate Neoxilanā munitione ejectum cum ignominia Remnebergium, longæque abesse ut majorem Frisiam suæ potestatis faciat egerrimè ad defectorem violatoremq; fœderis, in quod juraverat, redituram. Econtra soli à socijs, à vicinis sejuncti agitis, sine commercio, sine subsidio tributi & pecuniæ, quam ex Hispaniā petendam invium mare, aut longinquitas loci intercipit, non sine rerum vestrarum detrimento & dispendio, quas aut hostilis vis, aut vestrorum militum insolentia depredatur. Qui etsi victores gentium se fore opinentur, quas ad Regem se reducturos extincta libertate gloriantur, tamen scitote urbem vestram medio Frisiam inter & Trans-Isulaniam loco positam, regiæ dominationis & simul vestræ servitutis perenne domicilium fore. Illos ipsos quoque Hispanos communi & vestræ etiam ope manuque arcibus castellisque, quæ demoliti estis, exturbatos, magis magisque regni sui in securitatem emunituros, ne eadem arcium excidia, eadem præsidiorum exterminia patiantur, quæ ante pertulere. Ita illis perpetua durioris imperij tutela aut possessio, vobis perpetuæ servitutis urbe, in vestra munimentum erit. Nam ita Italiam, ita Siciliam, ita Indias, loca naturā & ingenio munita retinent ut erigere se nequeant, qui semel depressi sunt. Præter hoc urbem vestram, Groningani, aut omnium rerum penuriam circumjacentibus hostibus vestris, aut internā civium vestrorum seditione gravabitur. Quod si fiat, facile eveniet, ut vos ipsi qui spem vobis auctioris imperij facitis, fato & divine providentiæ ordinatione urbem cum dominatione, amittatis. Vtramque verò facile retinebitis, si cum amicis, cum vicinis vestris in gratiam redeatis, quorum intercessione adjudicabuntur asferenturque vobis, quæ fortuna & magnis casibus obnoxia sunt. Hoc etiam expendite in Frisiā & Omlandia non nisi per vos bellum esse, habituros pacem, quietem, prosperitatem, si æterna amicitia ac fide nobiscum jungamini. Nunc verò divinæ iræ satellites & flagella nostra auditis hinc, quibus ne belli quidem metus felicitibus terris foret. Ea propter commonemus ac hortamur, ut au-



CLV. Id. ferri à patriâ nostrâ, à vobis ac urbe vestra, à finibus nostris vestrisque quos  
 LXXXI. contiguos habemus, omne malum curetis, ne divinâ dispositione miseriam patiamini quam nobis intulistis. Equidem is armorum exitus, ea fortune vicissitudo esse solet, ut pravis ac ad bona sua obstinatis ac contumacibus ea rependat quæ meruerit. Sed hæc agræ urbis & levitatis vestræ ac inconstantiæ magna indicia sunt, ut modo harum, modo illarum partium, nec retinere libertatem nec imperia regia possitis. Reputate equidem quanto cum gaudio, quantâ cum ovatione, post ejectum abductumq; in captivitatem Roblesium urbem vestram impleveritis, quæ isto tempore alterum libertatis suæ natalem accepisse credebatur. Econtra quam peregrino imperio, quod servituti vestræ connexum est ledamini hodie, revocatis urbem in vestram Hispanis, qui omnem calamitatem vobis suo ingressu attulere. Quippe agri vastati, abacta pecora vestra, domus villeque incendia passæ, civibus inquilinisque manus injectæ, & ita quidem ut nihil malis vestris addi possit, nisi remedium. Sed cecitatis vestræ, sed erroris divinæ cælestesque causæ sunt, quæ in abdito positæ bonæ mentis exsortes vos faciunt. Ita fit ut ex fragili arbitrio omnia agentes mala pro bonis, prava pro rectis intueamini. Quam mentium nubem ut dispellat Deus precabimur fideliter, ne vos in perpetuam caliginem demersi continuas tempestates, continua bella, aut saltem metum habeatis.

Princeps  
 Aurantius  
 vocatus in  
 Frisiam pro  
 sectionem  
 procrastina-  
 nat.

Invenio in actis post dimissum Dodonem Larium cohortis ductorem munitionis Aelsumanæ custodiam Utingeranis, ac post Rauerdij Idardijque demandatam, eosdemq; Utingeranos, Rauerdios, ac Idardios supremæ Curiae supplices factos, æquandæ solo munitionis mandatum sollicitasse. Curiam quoque Tiallengo Wickelio Jurisconsulto & Senatori, hac de re cum Præfecto provinciæ Ordinumque Delegatis potestatem accepisse, totumque negotium, novo metu indies ex vicino hoste aucto, datâ operâ prolatum. Scipionem quoq; Meckmannum cum Orichio Dojemo Amstelodamum pro legatis missos Aurantium Principem, ibi commorantem ordinandis tam pacis quam belli rebus in Frisiam evocasse, ipsumq; Principem, etsi Frisiæ rectorem, varijs curis sollicitudinibusque apud Batavos distractum, profectionis suæ consilium in tempus distulisse. Quo tempore Ordines inter generales Frisiosque de provinciarum Senatu rite constituendo, de jure Frisco asserendo, de supplendis copijs, de assignandâ Alençonio pensione, de militari disciplinâ corrigenda, de conscribendis tribus equitum millibus multa disceptabantur. Quibus postulatis cum gravari se Frisij quererentur, solenni comitio Leovardiæ indicto missis Delphos Leone Bejemo viro nobili, & Jacobo Jacobæo Consule Bolsuerdiano responderunt: Causam cunctationis & moræ, quod conducto die Ord. Generalium Legatorumq; conventui interesse nequiverint, molem curarum occupationumque comitialium fuisse. Velle se quidem singulis ex provincijs Senatum constitui qui gerendis rebus præsit, ceterum sub cautione, ut numeri ratio habebatur, Frisijque ternos eo in Senatu habeant. Hoc quoq; delegatis suis demandasse, ut eminentiæ, jurisque Frisici ratio habeatur, provinciæque prærogativa & dignitas, quam Carolo Philippoque per Frisiam rerum potiuntibus concessam possedissent, asseratur. Quod ad supplementa cohortium, intendendamque disciplinam militarem attine-



ret, velle Frisios, ut ista fiant colliganturque quanto ocys & ut militaris licentia severis legibus coërceatur. Propterea nolle, delectum Germanorum equitum, quorum insolentiam Geldri, Zutphanienſes, Ultrajectini, Trans-Iulani, Drentini & Tubantes experti essent; institui, cæterum ut ex unitis provincijs tria equitum milliâ colligantur, tantominus incommodum factura, quanto magis arctiusque natali solo obligarentur. Interim permittere ut Alençonio ex ærario provinciarum fœderatarum viginti aureorum milliâ quotannis præstentur, quam diu fœderatis in provincijs commoraturus sit, & quam diu illi de conditione aliâ prospectum fuerit. Extraordinarijs vero tributis, quæ petuntur, ante assensum præbere non posse, quam rationes ærarij omnium provinciarum inita forent. Neque enim alia onera recipi per Frisiam posse, quæ menſtruo 24. millium tributo gravata levamentum ad xii. m. accipere debeat, rapinis & vastationibus hostium suorumque militum exhausta. Hæc Leov. 15. Mart. perſcripta ac Legatis communicata. Quibus difficultatibus etiam hoc accedebat, quod qui mos rerum mortalium, prosperis bellorum adverſa innascerentur, forisquæ læta, domi ac in ipsis reip. visceribus exitiosa suborirentur. Præterquam enim, quod miles, sive disciplinæ neglectu, sive stipendiorum egentia in licentiam pronus conspiceretur, ita legionum tribuni cohortiumq; præfecti progressum quoque publicæ prosperitatis morabantur, magnâ stipendia facientium infrequentia, quos ad signa & recensionem pro more habendam publicæ autoritatis solemnitas vocabat. Reliquis malis, quod inter primos status & in rep. eminentissimos exorta, nullus accusator reperi-tus, aut qui in melius corrigendis temporum vitijs consulere, quæ paucos inter secretim alita, postmodum egressa publicum de primatu certamen aperuere. Quare adductâ magnum in discrimen rep. ad Gulielmum Aurantium provinciæ rectorem honestissima Legatio instituta, quo militarijs malis & languenti disciplinæ, tum magnorum æmulationibus discordijsque mederetur. Qui auditis Amstelodami Orichio Dojemo & Jacobo Jacobæus Legatis adſcitisque in comitatum, ut nobilissimus vir Scipio Meckmannus notavit, uxore Loîsâ ac quatuor filiabus cum Gulielmo Naffovio filio naturali, seu ut alij, cum Hohenloo profectio-nem in Frisiam instituit, advectusque Harlingam, de quâ tanquam ma-ritimâ urbe muniendâ cogitabat, magnâ procerum populique gratula-tione exceptus est. Franckena in Ephemeride tradit, Novem-viros omnes collegio & Senatus sede egressos Harlingamque salutando Prin-cipi provectos, omne honoris officijq; genus Provinciæ Gubernatori de-tulisse, Principemque Harlingæ adhuc agentem multa in secessionem partium eruptura salutaribus decretis composuisse. Igitur & Hohenlois, qui provincialium animos rerum ac fortunæ adversitate à se alienaverat, ad colloquium se Principi arbitro obtulit, speciosisque rationibus inœli-citati suæ & simul publicæ patrociniatus est.

Princeps  
Aurantium  
paries in  
Frisiâ ad  
secessionem  
ſpectantes  
componit.

**N**E QV E enim, inquiebat, ſecordiæ meæ, FRISII, quid imputare potestis, quo minus dextrè pugnaverim, qui Sonoium, qui Legatos ad vos miſi, indicaviq; quantum periculi ac discriminis mihi exercituiq; meo incumberet. Obteſtatione quoq; honeſtiſſimâ uſus ſum, ut

X x x 2

Hohenloî  
Oratio ad  
Frisios.

nifi

**Ch. Is.** nisi pecuniam, belli, ut nostis, nervum, nisi commeatum mitteretis, contineri militare corpus & turbidas legiones in officio non posse. Quorum omnium et si fideliter vos monuerim, tamen discrimini meo & simul publico subventum non est. Igitur militari more & antiquis quoque Imperatoribus usurpato mobilem exercitum, & jam seditioni furorique proximum dividere ac segregare coactus fui, ut locis disjuncti obsequia induerent, quæ conjuncti sociatique suarum virium fiduciâ exuerant.

**Nobiles & proprietarii admittuntur ad Frisia comitia** Ad quæ cum Frisij responderent, plusque in ipso fati infœlicitatem, quam neglectum boni ducis officium culparent, Aurantij arbitrio res permissa definitaque est. Qui frænando ambitus crimine, quod optima libertatis initia & comitiorum ordinem turbabat, legem edixit, ut ordinaria ad comitia conventusque annuos ex nobilitate & proprietariorum ordine patriæ amantes rerumque periti vocarentur, eligendisque Deputatis aut Novem-viris Oostergoï, Westergoï, Sylvestres, Oppidani bis seni nuncuparentur, offerrenturque Reçtori provinciæ, qui delectum haberet, delectosque in muneris possessionem mitteret. Hac tamen cautione interpositâ, ut propinquitatis consanguinitatisque, in quartum, affinitatis in tertium ratio haberetur, removendis conspirationibus, & ne sanguinis societatisque cognatione juncti potentiam acquirerent reip. & libertati gravem. Quæ Principis constitutio à Deputatis Novem-viris approbata confirmataque usque, dum aliter solenni comitio statueretur, vim & efficaciam retinuit. Jam enim Aurantius postulata quædam Delegatis Ordinum exhibuerat, quæ amovendæ rerum confusione, stabiliendoque bono in rep. Ordini perscripta spem emendandi status publici, pacisque inter discordes æmulosque conciliandæ pollicebantur. Cæterum imperij cupido, optimis florentissimisque rebus exitio orta Juridicum Ordinumque Senatuum adhuc committebat, postquam hic potiundæ, ille retinendæ dominationis desiderio captus Principis animum non sine acerbitate fatigaret. Unde utrinque multa odio partium perscripta, quæ Philippici principatus & imperij primâ ætate in consuetudinem perducta verso temporum statu innovanda libertati videbantur.

Quare Aurantius quo finem contentioni imponeret & ne resp. tenerimis adhuc infantia suæ annis & fœlicitate adhuc dubiâ, quæ desertura regem credebatur, litem diremit, specieque edicti crescentem indies discordiam composuit.

**Edictum de dirimenda dissensione Juridicum inter Ordinumque Senatuum.**

**L**EGATIONE vestrà, FRISII, mense præterito sollicitatus sum ut in provinciam hanc venirem. Et quanquam excusari ab hac molestiâ potuissim, quod Ordinum Belgicæ conventus præsentia meæ egeret, tamen amore vestri commodique publici in provinciam meo regimini & fidei commissam adveni, non sine spe an dicam fiduciâ consilia vestra in unum idemque conspiratura. Sed omnia emulationum discordiarumque plena invenio, magno provincie vestro damno, & cum jactura prosperitatis publicæ, cujus cursum & incrementa fatalis secundis rebus dissensio subvertit. Ego verò ut pestilenti huic malo, remedium præscriberem, quædam ordinandæ reip. & sanandæ animorum exacerbationi destinata conceperam, quæ à vicario meo Bernardo Merodio, provinciali Curia & Deputatis Ordinum tamdiu servari retinerique volebam, donec plenior emendandæ firmandæque reip. occasionem nactus essem. Equidem ejus animi semper fui, ut me publica etiam provinciarum fata ac negotia



gotia tractantem sustinentemque vestris commodis impenderem. Huic fini Praefecturam provinciae vestrae non semel abnuendo tandem suscepi, siveque ut post Rennebergij defectionem mea fidei & imperio committeretur. Et quoniam ceteris quoque provinciis inferendum mihi erat, petistis, ut si ipse praesse rebus vestris non possem, Vicarium vobis darem mitteremque cum auctoramento in provinciam, qui meo nomine res vestras & officium Praefecti expediret. Itaque Bernardum Merodium virum belli pacisque gloria, & multa majorum imagine clarum, prudentiaque per aetatem & rerum experientiam eximium ad vos misi, quo rectius vestra procederent, quae privatae dissensiones rectore atque arbitrio destitutae distorserant. Cujus auctoritati ne quid decedat, de consilio tum Curiae & Deputatorum, Nobilitatisque & Oppidanorum statutum est, ut eundem Merodium pro Vicario meo ex jure concessi à me diplomatibus habeatis, neque quid impediendi injiciatis potestati à me concessae. Quin decerno petoque ut eundem tanquam Praesidem Iustitiae & Senatus iuridici agnoscatis, Curiaeque supremæ jus sartum tectum curetis, salvâ tamen praeturarum oppidorumque jurisdictione, tam in criminalibus quam civilibus actionibus iudicijque, ne quid enorme ac recepto ordini adversum eveniat. Hoc etiam addo determinoque, ut Praesidis Reclitorisque vicarij honor ac auctoritas à Deputatis Ordinum praestetur, & ut habeat potestatem in commune de belli pacisque negotijs consultandi, deliberandi, decernendique quod è re provinciae sit. Quare & fœdus Ultrajectinum, omniaque Ordines inter generales Frisiosque acta, ab illo approbari volo, & si quid imposterum sanciendum decernendumque erit, quod regis Dominia, Ecclesiastica bona, fiscales actiones, Canones, indictiones, reliquaque onera & ararum firmamenta in subsidium belli reperta concernet. Quae ipsa quoque ut in ararium prompte statoque tempore inferantur Vicarius meus, & Deputati provinciae effectum dabunt, & ne pecunia certis usibus decretâ in alios convertantur. Quod ut fiat, Tribunis ararum quaestoribusque, demandatur ut accepti expensique rationes actae in indicem referant, eaque coram Delegatis Ordinum quovis tempore, aut ipsis Ordinibus solemnî anniversarioque comitio exhibeant. Fiscalibus verò actionibus instituendis adversum eos, qui contra patriam, aut cum hostibus faciunt, potestatem faciendam procuratori fisci à Deputatis Ordinum censeo, ut coram supremo Senatu ijs iudicium intenet, editorumque, & juris subsidio utatur. Quod ad aggeres, vias, aqueductus & emissaria attinet, ista omnia veteri ex jure & receptâ consuetudine Praefectus Deputatique administrabunt, aut si inter oppidanos agrariosque lis oriat, eam Senatus Iuridicus sub formâ processus definit. Religionis verò dissidia, mea & Ordinum juxtaque Senatus Iuridici curâ erunt, sub hac interea cautione, ne quae alia doctrina quam reformatâ publicè habeatur, doceaturque. Creandorum quoque Praetorum morem legitimum proximo comitio restituam, factâ interim provincialibus agrariisque potestate ut si, vacans praetura sit tres patriae & libertati addictos nuncupent, eosque Praefecto provinciae, aut per illius absentiam vicario eius offerant, deque consilio Curiae, aut Deputatorum in praeturae possessionem dignitatemque mitant. Et quamvis tota gerendi belli militiaeque ratio nobis commissa, aut Vicario nostro sit, tamen concordiae pacisque causâ decerno, neque apparatus castrorum haberi, neque copias educi, neque oppida obsideri, neque praedia locorum mutari, neque delectum institui, neque aliunde in Frisiam evocari debere, nisi Ordinum Deputatorumque assensus acceperit, pluriumque suffragijs firmetur. Quod ad exploratores mittendos, ordinandaque secreta consilia, strate-



clō. Io. gemataque attinet, ea mihi aut Vicario meo expedienda reservo ex arcani silentij necessitate, & ne secreta pluribus commissa per imprudentiam aut malitiam evulgentur. Hac tamen conditione, ut si rerum magnitudo requirat exigatque, communicetur paucioribus, quorum fide & silentio committi possit. Vicario insuper meo Bernardo Merodio potestatem facio, centuriones, optionesque creandi eligendique, nisi forte Deputati inquilinos aliosque militari laude excellentes commendatos sibi habeant, qui preferentur. Quibus omnibus quoque singulisque, tam officialibus quam militi promptè stipendia numerari peto, & ut formula discipline militaris per Frisiam promulgata à Vicario meo confirmetur, eademque actis commissa severè noxios delinquentesque puniat. Quod ipsum tanto quoque facilius commodiusque effectum daturus erit, si stipendiorum militarium solutio fiat, ne aeris egestate & penurià rapinarum dulcedo aut necessitas oriatur. Et quoniam plura adhuc determinanda ad emendationem correctionemque status publici forent, idque fieri hoc ipso tempore angustia non sinat, leges scriptas ac decreta paucos intra dies statuturus sum, quibus Vicarius Gubernator, Curia & Deputati Tribuniq; erariorum pareant. Hoc interim decerno, ut huic Edicto sine exceptione sexus ordinisque stet, mandq; Officialibus, Magistratibus, Inquilinisque Frisæ, ut secundum eius tenorem facta sua consiliaque dirigant. Quod ipsum quoque, ut fidem publicam inveniat, per præturas oppidaque à provinciali supremâque Curia, à Deputatis Ordinum Novem-virisque volo, & ut in acta juridici Senatus quanto ocyus referantur. Interim rogo moneoque ut omnes singulique sacramenti officijque sui memores, quo patriæ provinciæque obligantur, omnes noxios affectus deponant, pacique ac concordie dediti offensas odiaque exuant, ne recordatione quidem istarum tempestatum actionumque relictâ, quo huic provinciæ pax, salus, atque tranquillitas aeterna stabilisq; habeatur. Datum Harlingæ vii. April. clō. Io. LXXXI.

Tamen e-  
grè compo-  
nitur.

Quæ etsi sedandis dissensionibus ac tollendæ minuendæve æmulationi reperta crederentur, tamen non defuere, qui veteres potentum discordias surdaque ad remedium vulnera refricarent. Quare Aurantius, Leovardiæ adhuc agens, (quam urbem magnâ festivitatis gaudijque ostentatione xv. April. ingressus erat) postulata Deputatorum jam antè Harlingæ perscripta Senatui juridico communicavit, quo omne controversum intermediâ pace & arbitrato suo componeretur. Cæterum Senatus juridicus ordinariam legitimamque in Comitio creationem, optimum erga Religionem & Rempub. affectum criminatibus Novem-viralis Collegij obtendebat, paratumque se fore in omni actione consilioque publico optima suadentibus accedere. Neque enim cum regiâ tyrannide suum imperium, quod Deputati allegabant, aliquid commune habere, testabantur, seque voto jvatueros remp. ut regiæ dominationis asperitas ab eâ arceatur. Quod ad mutationem Curiae in deterius attinebat, respondebant, nihil quidem stabile ac æternum in rebus mortalium esse, cæterum si cum annuis Deputatorum Novem-virorumque imperijs perpetuitas Senatoriæ dignitatis conferatur, minus ab illa periculum fore. Id exemplis recentium annorum abundè doceri posse. Quare nihil sanctius meliusque concipi ad utilitatem reip. posse, quam si indivisa collegiorum potestas sit, publicaq; & communia consilia à Senatu juridico servandis in ordine rebus conferantur. Adeo in-

quie-

quiebant; impossibile, esse, ut à juris dicundi officio reip. cura secerni clo. Id. queat, nisi cum detrimento rerum & confutionis extremæ periculo. LXXXI. Quapropter Prætorum per Frisiam constitutionem adimi Curia non posse, quæ jus ad hoc quæsitum haberet, & quod prætorum potestas exequendis Curia sententijs vicaria sit. Itaque petebant Princeps bono salubrique consilio instruere Deputatos Novem-virosq; vellet, quo creatio Prætorum & diplomatum concessio pro more & lege Senatui contineretur. Imprimis cum optimos quoq; & patriæ fidos creari in Præratōres Curia velir, cui nihil aliud propositum sit, quam divino honori & saluti publicæ officia sua impendere. Econtra Deputati vim inferri tabulis mandatorum suorum affirmabant, curamque regundæ reip. à proceribus populoque Frisco sibi commissam decreto Principis & interpositione novæ legis infirmari. Quæ quanquam veri speciem præ se ferrent, tamen hac moderatione Princeps usus est, ut tabulas mandataque Deputatorum firma factaque esse declararet, usque dum populi comitium Principis & Præfecti consilio roboratum plenius de rep. & toto negotio disposuisset. Hæc Leovard. xiv. April. perscripta.

Reperio in actis horum temporum Petrum Everardum Durevoutium Rinsmageestanium jam ante Oenia Witfmæ Prætoris Dantumani præscripto consilioque instructum, colligendis per Frisiam vicinaque duobus militum signis mandatum à Rennebergio accepisse, eundemque agendis rebus pecuniam reliquaq; subsidia petentem, quo ministros verbi, præratōres actuariosque in vincula ducere, aut multare damnis incommodisque posset, à Rennebergio post Steenvicanam obsidionem desertam ægritudine animi tabescente, ne nervum quidem fœdissimæ conjugationis impetrare potuisse.

Douwoni quoque Sixmæ, qui fiscalium bonorum capiendorum distrahendorum juxta Fisci advocatum potestatem nactus erat, Siboldum Aysman suffectum mobilium immobiliumque bonorum actionumq; fiscalium, eorumque qui arma auxiliaque contra patriam sollicitaverant, indicem ac commentarios accepisse. Deputatorum quoque ac Novem-virali collegio Sibethum Sceltemam & Doconem Aysman, ex Oostergois, Ielgerum Feitsmam ac Geroldum Intenium è Westergois, Aucōnem Edoniam & Abelum Franckenam è Sylvestribus Douwonem, Sixmam & Ioannem Montsmam ascriptos plenam administrandæ regundæque provinciæ potestatem mense Februario accepisse. Livium quoque Juckamam, Gisbertum Arnsman & Georgium Godefridi in Juridicum Senatum Ordinemque coopratos judicandi auspicia fecisse.

Quæ quamvis in spem ordinandæ firmandæque reip. fierent, tamen eveniebat ut tota belli tempestas, velut circumagente malo sidere à Dreninis Tubantibusque in Frisiam se desisteret, insigni, ut mihi videtur, providentiæ miraculo, ut tenerrima adhuc libertas domesticâ potentium æmulatione ipsis infantia suæ annis luxurians, hærentium in provinciæ visceribus armorum hostiumq; vi cohiberetur. Ipse etiam Rennebergius oppugnando, etsi infeliciter, provinciam, quam odio regis defenderat, majore animi ex fortunâ ægrotantis morbo corripere, disceretq; per eos adversis auspicijs res ut plurimum geri, qui fœdera violavissent. Quo tempore mole belli provinciæ gravi, novo quodam & majoribus

*Durevoutium adversus Patriam conspirant ab ipso hoste deseritur.*

*Siboldum Aysman istorum per-duellum adversus Frisiam indicem conquir.*

*Tota bellis tempestas in Frisiam se desecit.*



clō. Io. bus nostris infrequente remedio impulsis ærarij rebus subventum, vul-  
 LXXXI. gatis publicatisque venalium rerum indictionibus, quas in superiora Bel-  
 Venalium gicæ & foederatæ reip. populum primo extrusas, Frisij quoque ac con-  
 rerum indi fortione publici foederis acceperant. Quare vi. Eid. Mai ( ut in Ephe-  
 Etiones pu meride Cl. Franckena notat ) in comitio proclamata sequentibusq; diebus  
 blicanus sub per præturas & oppida in usum perductæ locarijs publicanorum subfuere.

Indicium  
 multorum  
 de hac re.

Quæ priscis olim gentibus vectigalium nomine ut firmamenta impe-  
 rij usurpatæ, ita tum experiundo comprobarunt, recens inventum etfi  
 libertati grave videretur, ut regundis domi rebus magnum præsidium  
 ita munimentum adversum hostes attulisse. Unde status quoque æra-  
 rij, quod à Saxonica usque dominatione canone censuque sustine-  
 batur, penitus quoq; introspectus, urgente Bernardo Merodio, ut ex  
 comitali decreto Quæstores Tribunique ærarij rationes ad publicas con-  
 stringerentur. Quod quanquam difficile istâ temporum ætate non es-  
 set, quæ virtutem & innocentiam regio metu, aut quia malæ artes ig-  
 norabantur prodebat, tamen credebatur Merodius, revocato in Hollan-  
 diam Aurantio, hæc & similia efferendæ dominationi, aut in odium  
 popularis licentiæ resuscitasse. Quibus & hoc accedebat, quod recen-  
 te Aurantij præfentiâ & famâ suffultus modum imperij intenderet, &  
 post exteros militiæ honoribus intrusos ipsa quoque procerum reip.  
 suffragia suo arbitrio infirmaret. Criminantibus in secreto suo Ordinibus  
 Aurantium solertis ne dicam an stupendæ prudentiæ Principem istum vi-  
 rum gubernandis Frisij præfecisse, qui natalium modicus & pacis belliq;  
 artium ignarus, nihil præter senilem ignaviam & impatiens militiæ cor-  
 pus inutili Præfecturæ præferret. Qui in otio ac securitate rerum im-  
 belles annos & superbam canitiem alens aulicos inter de bello disferre-  
 ret, exiguumque quod haberet poreftatis in dominatum verteret prio-  
 rum temporum Præfectis non usurpatum. Neque enim eum Egmon-  
 danis, Lignæis, Hyergijs ac Lalainijs accensendum, quos præter fami-  
 liæ decus militaris gloria ad majora hæreditarijs imperia extulisset. E-  
 contra hunc nominis obscuri diffitis terris evocatum Effætâ ac dege-  
 neri ætate ne vestigia quidem fortium clarorumque Ducum nosse,  
 quæ sequeretur, neque satis capere, quibus moribus artibusque nova &  
 tanto gravior libertas habenda sit. Quæ tum repetita & vulgaribus  
 sermonibus familiaria homini ignavo & quidem in illo rerum discrimi-  
 ne reip. incurioso, contemptum peperere.

Remeber-  
 gium Frisij  
 minatur.

Jam enim Rennebergius per Omlandiam, circaque Lavicæ & amnis,  
 qui majoribus Frisij obtenditur, Reiderij ripas, copias contrahebat,  
 distributisque per præsidia munitionum signis majoribus Frisij immine-  
 bat. Quorum securitati Nienortius foederatas quasdam cohortes per  
 Omlandiam ac Translavicanos ductitabat, quo de hostium consilio,  
 captisq; cognosceret. Quem ut Rennebergici lambentibus Omlandiam  
 æstuarijs ipsoque mari prohiberent, amni Reiderio, qui declivi prope  
 mare alveo fertur, munitionem imponere constituerunt, quo belli for-  
 tunâ per continentem ancipite Oceani saltem prædonumq; per sinus ma-  
 ris errantium pericula anteverterent. Cæterum à Nienortio, ejus rei  
 commonito, multis cæsis captisq; in fugam acti, cœnobio Adoardico  
 amissis etiam signis se intulere,



Franckena tradit ingentis justique certaminis speciem illum conflictum habuisse, quadringentisq; ut notat, Geldris deletis, qui pro Philippo militabant, reliquos urbem versus & Adoardiam abreptos majoris cladis periculum evasisse. Mox Nienortius, Winsumo, Marniorum vicus est, movens in Adoardios duxit, qui duarum Geldricarum cohortium præsidio defensi, Rennebergium de auxilijs commonuere, & ut quanto ocys militem per vicina collectum admovendo præsentium discrimini decerneret. Qui etsi animi æger, rejectâ in suos belli curâ, tamen contractas in unum copias Adoardiam ire Nienortiumque ut loco pellerent imperavit, qui modico vallo copijs suis præducto, quo adventantes Rennebergicos Reiderij amnis ripâ arceret, pedestres quasdam copias emiserat. Cæterum istæ, viso hostium adventu, mox terrore pavidos imbellesque subeunte retro in castra se recepere, quæ ut Franckena tradit, ultro metus & formidinis plena suis ex retroactis, majore discrimine augebantur. Nienortius tamen velut pugnaturus ordines instruxit, plebemq; rusticam è majoribus Frisij accitam militibus cuneis immiscuit. In quam cum Rennebergici justo agmine ordinato impetum facerent, dubium casu an per exploratorem, tota rei fortuna inversa est, plebsque rustica superatis saltu fossis in fugam data, aut quæ restiterat cæsa animosi alias exercitus latera nudavit. Stuperus cohortis ductor deserto quem occupaverat loco ab hoste cum suis interceptus est. Igitur in Nienortium omnis tum hostium impetus furorque conversus, qui sensim recedens strennuisque militis & simul ductoris officium faciens, nullâ insigni clade affectum exercitum reduxit. E Frisij centum & quinquaginta, ut commentarijs nostrorum traditum invenio, cæsi è Nienortijs pauci desiderati. Id. x. Kal. Jun. factum Franckenæ Ephemerides tradunt.

*Nienortij  
clades.*

Alij scriptores addunt, multos ex Nienortijs fugientes Adoardico emissario receptos fuisse victoresque Rennebergicos infectos ipsum emissarium ter repetitâ oppugnatione deletis ad internecionem præsidio occupasse. Tres cædi superfuisse annotatum ab ijs, Sceltonemque Jargæum centurionem, virum fortem & multis stipendijs rebusq; gestis clarum, isto in conflictu occubuisse. Franckena v I I. Eid. Jun. id evenisse annotavit, deprehensumque mihi est fati vicissitudine actum in finibus Frisorum & per Omlandiam bellum foelicibus prosperis adversa sæpe manifesto humanarum rerum ludibrio miscuisse. Sive ut illas per tempestates arborum more tenerrima adhuc libertas firmaretur, sive ne securitatis opinioni locus foret & quidem apud eos, qui foelicitate projectæ regię servitutis elati fiduciam sui continuâ ex prosperitate captaturi credebantur.

Mox hostium copię Joanne Baptista Taxio duce, qui absentis & hecticâ ex febris ægrescentis Rennebergij partes sustinebat, Winsumum ductæ, qui vicus Hunesi amnis flexu & modicâ munitione circumductus, omnium rerum & maxime annonâ commeatq; destituebatur. Creditum fuit nostros, qui de successu Adoardicæ expeditionis non dubitantes Winsumo excefferant, commeatum istius loci ære vendidisse, æsq; ex divendita distractaque annonâ contractum in stipendia seditiosæ multitudinis & infidelis præsidij vertisse. Alij causam in Bernardi Merodij se-

clo. Io. nilem incuriam aut cunctabunda Ordinum Frisiæ consilia rejecere, quæ  
 LXXXI. tardè capta etiam cum maxumè festinandum foret, nascentem temp.  
*Vinsumum* grave crebrò in discrimen pertraxere. Ita Vinsumum, nullà oppu-  
*hosti dedi-* gnatione aut impetu hostili tentatum à Nienortio Rennebergicis de-  
*tur.* ditum, certæ conditiones ea de re perscriptæ conventionem firmave-  
 re. Iis cautum fuit. Ut Niennortius cohortium præfecti milites,  
 cum agris & fœminis reliquoq; imbelli sexu munitione armati excede-  
 rent, inque Frisiam aliaque loca quibus commodum foret deducerentur.  
 Captivique apud Winsumanos Warfumanosque nullo lytro dato  
 liberarentur, & quidem ipso conventionis die, exempto Cornelio Kem-  
 pio, qui præfecti cohortis Matthiæ Keertzi curæ committeretur. Quæ  
 Winsumi v. l. Eid. Jun. acta Winsumanam munitionem Baptistæ Taxio  
 Billianæ legionis pro-Præfecto permisere.

Quare fœderatis præsidij omnino Omlandia & maritimâ imprimis orâ  
 ejectis, Nienortius rebus suis diffusus, copias in Frisiam reduxit, quæ  
 metu hostilium incursumum disparsum quaque versum militem recolle-  
 git, fociosq; ac Gulielmum Aurantium auxilia poposcit.

*Breda hosti  
 prodita,*

Qui amisâ Omlandia magna rerum detrimenta & fati indignationem  
 criminabantur, & quod dubijs rumoribus obnuntiaretur Carolum Gau-  
 rium Fresinium in arce Bredanâ captivum limitaneam Brabantia urbem  
 & Hollandia conterminam corrupto præsidio prodidisse. Quæ quan-  
 quam de urbe dicerentur, ita arcis victæ expugnataque ab hostibus  
 stabilem famam vulgare, quæ Frisiorum quoque auribus acerba gen-  
 tem bello implicitam majoribus curis exagitavit. Cui & hoc mali ac-  
 cedebat, quod exercitus ex Translavanis in Frisiorum fines retractus  
 importunius stipendia flagitaret, pridemque persoluta, ut Franckena  
 notat, majore infamia repeteret. Ad quæ cum conniverent Frisij,  
 quod provinciam suam licentioso & persuso voluptatibus milite teneri  
 scirent, ita murmurantibus legionibus i. v. Kal. lul. æs pensitatum, ne  
 negato vitæ subsidio ferocius lasciverent, gravioribusque insuper ex-  
 actionibus agrariorum fortunas attererent.

Quare Nienortio copias in Frisiam retrahente, magna per Ostergo-  
 am imprimis consternatio fuit, quod prima hostium, qui Nienortium  
 infecuturi credebantur, irruptionibus exposita reliquarum Frisiæ par-  
 tium minus discrimen expenderet. Unde Merodij delegatorumque Fri-  
 siæ de emuniendo Doccomio cogitatum, quod oppidum Roblesio Fri-  
 siam pro Philippo Governante à Valonibus non sine cæde incensum di-  
 reptumque eadem hostilium furorum incommoda præformidabat. Cæ-  
 terum fugâ rusticæ plebis aucto metu ab opere desitum, donec edu-  
 cto Rinsmageestum & mox Collumum exercitu allevatâ formidine inter-  
 missa ad officia fabrorum fossorumque multitudo rediret. Cl. Franc-  
 kena tradit, tantam laborantium æmulationem in promovendâ accele-  
 randaque oppidi munitione fuisse, ut à decimo Julij cæptam magnâ a-  
 lacritate & industriâ ad Kal. Octob. confecerint. Curam quoque or-  
 dinandorum conficiendorumq; operum per Merodium Legatosque Or-  
 dinum Magistratui Doccumano commissam, qui publicum Ostergoæ  
 munimentum curando privata quoque civium & suæ securitati non ig-  
 nobile studium impendebat.

*Doccomi-  
 um educio  
 vallo mu-  
 nitur.*



Mox auxilia à socijs, Aurantioque decreta, remissusque in Frisiam cl. 10. cum Anglorum legione Joannes Norritius, quasi fato quodam, ut li- LXXXI. berandis nuper Steenyicanis vocatus, Frisiâ quoque pellendis Renne- Norritius auxilio Fri- sja mittitur. bergicis destinaretur. Igitur Lemmariam advectus, magnam melioris fortunæ spem per provinciam excitavit, quæ alternantibus prosperis ad- versisque sui in defensionem Anglicam Nienortijque legiones tum sustinebat. Plane ut belli sedem Frisiorum in finibus constituisse fati vicissitudo videretur, quæ ut alijs incommodis, ita exhaustam bello & aquarum diluvijs gentem militari maxumè lasciviâ multabat. Quippe præter pecorum abactus vis atque rapina utraque in legione ingravescebat, ignorantibus Dongrijs suorum an hostium injurijs premerentur. Unde decretum à Norritio, ne per Anglos & legionis suæ militem pecora exportarentur quæ alio terrarum transvecta fertilissimos pascuis campos nudabant.

Franckena tradit villas quoque directas passim & incensas, præterq; Militariâ insolentia. vim matronarum virginumque castitati illatam, omnia sacra & profana violentiæ militari subfuisse. Idem addit Norritium legionis Anglicæ, ut memoravi, tribunum, sumptuosum epulum Leovardiæ 111. Kalend. Jul. instruxisse, ipsumque Merodium tum Legatos Ordinum & Curiae Senatores diem illum geniali festivitate & profuturis reip. colloquijs extraxisse. Unde querelis rusticæ per Dongrios plebis auctis, cum hinc Anglorum legio, inde Nienortius in omnem insolentiam effunderentur, Merodius legatque Ordinum festino itinere Kal. Jul. Doccomium profecti, quo nascentibus legionum morbis mederentur, Dongriosq; extremam militaris immodestiæ patientiam professos ab illâ calamitate injuriâque militum sublevarent. Quod cum enervi disciplinâ, quæ castrensibus moribus vitijque vincebatur, ægre fieret, animique feroces & pessimis assueti nec Merodij autoritate, nec legatorum provinciæ majestate deterrerentur, solâ pecuniæ ærisque pollicitatione, tanquam enormis luxuriæ fomento, evicti sunt. Quanquam Cl. Franckena tradat etiam sponcione stipendijs factâ necdum quievissè, auctamque villarum direptionem, militaremque ferociam soli castrorum otio imputatum. Ego crediderim aliam quoque militari licentiæ causam subfuisse, quod indictionibus per provinciam vulgatis, obligari quoque tenerique militem & exercitum publicanorum avaritia vellet hominesque parvo ære animam redimentes iisdem tributorum oneribus obstringi. Quæ res si non initium saltem fomentum castrensibus malis incommodisque dedit. Quapropter à Merodio Gubernatore Ordinumque legatis decretum. Ne milites, lixæ, calones & quicquid castrorum commearum annonæque serviret, istâ lege gravarentur & ut illi immunitatis exemptionisque privilegio gauderent, qui sacramento militiæ inligati corpora atque vitam publico discrimini objectarent. Unde ferox miles & prædandis agrariorum fortune inhians remissiore licentiâ egit, deprehensis tamen qui etiam istâ indulgentiâ procerum abusi & mox irritati majorem licentiam spirarent.

Quare Merodij Legatorumque jussu exercitus Dongriæ è finibus Rinsmageestum ductus, quo hosti propior, qui circa Lavicam castra morabatur, periculi discriminisque metu corrigeretur. Mox octo dierum



CL. IO. stipendia Nienortio numerata, conventumque ut accepto aere Dongriâ  
LXXXI. quanto ocyus excederet, Merodijque qui Doccomi tum erat, imperio  
obsecutus copias Collumo induceret. Quod quanquam raptis celeriter  
signis simularet, tamen exercitum, motis vix castris in Dongrios redu-  
xit, militemque ultro mobilem & flagitiosum suo exemplo & parendi  
designatione corrumpit.

Cæterum positis Collumi Anglorum & Norritij castris, cum prope  
Groningam (quâ in civitate annonæ caritas tum erat) equitatus  
hostium faciendæ in Frisios irruptioni coire diceretur, Dongriâ exces-  
sit, suumque exercitum Anglicis copijs pellendis Frisiâ hostibus conjun-  
xit, qui transenso amne Lavica Visfieto ac Virginum cœnobio sua jam  
præsidia induxerant. Quo cognito Norritius educatâ copiarum parte  
Hostes Vsf. cum hoste congressus est, eumque Visfietum in ripâ Lavicæ situm &  
fletum de- cœnobium Virginum deferere compulit. Multis hostium cæsis ac qua-  
serere ce- draginta captis Norritius Collumum reversus. Mox copijs auctus ce-  
guntur. dentemque trans Lavicam hostem Grypskerckam usque insecutus est,  
quo in pago, velut sparfas priduana clade & fuga copias recollecturus  
morabatur. Qui Norritio multitudine militum impar, & ob recentem  
cædis memoriam languens pavenque abjectis armis nullo ordine pro-  
fugit, Norritioque insequenti ferienda more pecorum terga dedit.

Cl. Franckena octingentos cæsos, signa septem, tria tormenta capta  
Hostium memorat, multosque & in ijs duos centuriones, tres vexilliferos in cap-  
insignis cla- tivitatem abductos tradit. Meteranus septingentos hostium, alius scrip-  
des. tor mille & quingentos ibi perijsse notat, Norritioque victori sarcinas  
insuper impedimentaq; hostilium castrorum in prædam cessisse. Addit  
A. Franckena Norritij equites Groningam usque provectos, plurimos  
illuc fugientium cæcidisse, occupatâque Adoardiâ & Cœnobio Sel-  
verdico ipsam velut urbem Groningam rudibus castris clausisse. Repe-  
rio in actis publicis Norritium è prædicto cœnobio litteras ad Frisios  
dedisse, stipendiaque bimestria pro se & equitatu postulasse, ac ut ista  
Gulielmo Barckero Thesaurario suo placandis copijs & victoriæ præ-  
mium traderentur. Litteras è castris ad Groningam datas scribit. An-  
gli victores Omlandiam Drentiâq; partem ita depopulati sunt, ut plu-  
rimæ familiæ majoris mali metu & amissis bonis agris atque possessio-  
nibus suis exceßerint. Conflictum illum de quo dixi ad Grypskerck-  
kam VII. Eid. Iul. habitum fuisse Franckena notat. Invenio in archi-  
vis provinciæ Ordines Belgicæ Kal. Iul. decretum perscripsisse. Ut de  
Ecclesiasticis per omnes provincias bonis statuendi singularum Ordinibus  
jus foret, additâ cautelâ, ut in eorum dispensatione, usu ac alienatione ho-  
nestatis quam maxime ratio haberetur. Adonem quoq; Harckamam Or-  
dinum Frisiæ nōmine Bolsuedriam missum, quo de cœnobij S. Spiri-  
tus monialibus reliquorumque religiosorum moribus vitâque cognosce-  
ret, probissimos quosq; civium ætate, aut prudentiâ venerabiles ad dan-  
da veritatis testimonia in opprobrium dedecusque corruptissimi ordinis  
examinasse. Catharinam quoque Cyprianam è monialibus primam vir-  
ginali cœnobio locoq; ejectam, quod Pontificiâ religione damnatâ & au-  
diendis reformatorum concionibus frequens, mores quoq; pessimi & omni  
vicio ac turpitudine ataminati coetus aversaretur. Itaque tunc cœno-  
bio-

Provincia-  
rum Ordi-  
nibus per-  
mittitur  
jus statuen-  
di de Eccle-  
siasticis bo-  
nis.

biorum Bolsuerdiensium vicinorumque luxus, & foedissimæ libidines cō. 13.  
vulgatæ, confessione etiam ipsarum quæ formæ decus ac venustatem LXXXI.  
nactæ præsulum coenobitarumque amoribus ac desiderijs exponebantur. *Præsulum,  
coenobita-  
rum ac mo-  
nialium li-  
bidades.*  
Addit Harckama virginem quandam Magdalenam formæ eximiam, in ip-  
so ætatis flore circumventam ac mox compressam concepisse, uteroq;  
gestantem, & profiteri promiscuos virginum concubitus coram & in se-  
creto loci vetitam locum illum tanquam sacrum execrandumq; procla-  
masse. Tres quoque Præsules Aengiummanum Præpositum & Ordinis  
Albatorum, istiusque coenobij Bolsuerdiensis cottidianis computationi-  
bus ætatem egisse, omnisque impuritatis ac temulentia liberrimâ pro-  
fessione ne vestigia quidem prisca debitæque sanctitatis ostentasse.

Compositâ militari seditione Varckanæ cohortis miles qui commi-  
litionum animos accendendo castrensi insolentia occasionem dederat, *Varckana  
cohortis ex-  
autorata  
propter mia-  
litem in-  
solentiam.*  
decreto Aurantij exauktorata provectaue Fletam, Leovardia sub-  
urbium est, flagitansque importunius stipendia Frisicis terris excedere  
iussa. Reliquæ copiae, quarum rationibus conficiendis Ordines Me-  
rodiusque Gubernator occupabantur, per Omlandiam & Translavica-  
nos sparsæ, pristinam obsequij fidem induerant, ne hostibus expositæ in-  
ter illa castrorum mala ac sacramenti ludibria solutæ & discriminum im-  
providæ, postquam pugnandum videretur, armorum neglectu turpi &  
flagitiosâ morte perirent. Jam enim Norritius Northormi castra, ad  
quæ præter Anglorum legionem & Nienortij copias Hollandicæ Gel-  
dricæque cohortes convenerant, metatus dicebatur, Frisiosque com-  
meatum reliquaque bello necessaria poposcerat premendis ut præ se fe-  
rebat, Groningensibus, quos summâ rerum angustia teneri non inanium  
rumorum fide confirmabatur. Quorum urbi ac ruri suburbano majora  
ut damna daret Northormo castra Adoardiam movit, missoque ad  
urbem exploratore qui cuncta specularetur, sternendo amni Reide-  
rio pontem destinavit. Igitur Adoardia agens Legatos Ordinum quo  
de singulis cogoscerent, per litteras in castra evocavit, monuitque  
Neozilum tanquam limitaneum & expositum hosti locum, quanto  
ocius emunirent, commeatuque ac annonâ subjuarent. Cæterum  
omnia, sicuti solent, deliberatu facilia, exitu tarda deprehendeban-  
tur, sive ingenio gentis, quæ fiducia suorum virtutis ferebatur, si-  
ve quod conficiendis rebus provinciae ararium non responderet. Cui  
sublevando omnes publicæ pecuniæ conquistæ, delegatique Orichius  
Dojemus Frisiorum Syndicus & Abelus Franckena Novem-vir & Histo-  
riæ scriptor, qui ab Heronis Burmaniae Thesaurarij viduâ Emckia Glin-  
zia omne æs redimendis civitatum creditis collectum reposcerent. Cæ-  
terum vidua suorum consilij usa, etsi primo abnueret, tamen cautione  
à delegatis acceptâ omnem ararij pecuniam delegatis concessit, resi-  
duumque præturarum & agri Biltani, quod debebatur, per acta ratio-  
num exposuit. Ita debitum, quod exsolvendis nuper Valonibus con-  
tractum erat, civitatibusque persolvendum restabat, necessitati belli-  
cæ impensum, quod à Frisia in Omlandiam velut reciprocante quodam  
æstu translatum, ne in Frisios, quasi syderum flexu se transferret formi-  
dine recentis mali exuentibus securitatem metuebatur. Unde aurigæ,  
equi, currus vehendis castrorum commeatibus impedimentisque Frisios



cIo. Io. petiti, ægrè affecto animi Norritio quod omnis belli fortuna & salu-  
 LXXXI. bre consilium cunctatione & morâ Ordinum ac defectu rerum retar-  
 darentur. Quare Novem-viros litteris per nobilem quendam perlatis,  
 commonuit, ut præter aurigas in usum castrorum fossiores insuper è Fri-  
 siâ mitterent, ne necessarijs belli subsidijs destitutus castra movere,  
 alioque locorum transferre exercitum in commodo reip. cogeretur. Ne,  
 inquiebat, cum ignominia & contemptu hic hærendo operam perdam,  
 qui alibi res gerendo majori gloriae & progressui rerum me & exerci-  
 tum impensurus sum. Quod scriptum eo magis Frisios urebat, quod  
 nudari exercitu provinciae fines non vellent, & quod Trans-Issulani Go-  
 ræ Tubantum munitioni circumventæ tacite auxilia missis quaquaversum  
 litteris sollicitarent. Quæ Clantij viri nobilis & Translavicani litteris  
 quoq; confirmata, Frisiorum in deliberando lentitudinem & impendia  
 fossorum exploratorumque tarde transmissa criminabantur. Quamvis  
 commentarijs traditum sit Renicum Burmaniam, sive castrorum legarum,  
 sive censorem exercitus tum agentem stipendia cohortibus attulisse, quæ  
 licentiæ pridem assuetæ, & patientiâ gentis indulgentius habitæ castror-  
 um pacem & quietem continuis murmurationibus obturbabant.

*Halevinium  
 adulteratæ  
 monetæ in-  
 simulatur.*

Invenio in actis Ludovicum Halevinium rei monetariæ per Frisiam  
 præfectum, à primarijs quibusdam civibus Henrico Jarichio & filio adul-  
 teratæ monetæ insimulatum, eundemque Halevinium injuriæ atrocitate  
 & tuendæ existimationis desiderio impulsus, libellum supplicem Bernar-  
 do Merodio obtulisse. Merodium quoque & Delegatos Ordinum No-  
 vem-viros decrevisse, ut tam actores quam reus vinculis manciparentur,  
 dum de crimine aut innocentia partium judicium cognovisset. Metue-  
 bant namque ne istiusmodi dicteria, etsi suspicionibus tantum inniteren-  
 tur, in plebem militesq; evulgata, turbida sponte populi & castrensis in-  
 genia ad graviora antea actis flagitia impellerent. Tum è provinciâ, ut  
 Franckena tradit, Carolus Roorda, Livius Bejemus & Godscalcus Hid-  
 dama pro legatis ad Senatum Belgicum missi, quo confessui provincia-  
 rum interessent, providerentque ne quid detrimenti & sociali jure il-  
 lâ vicinorum æmulatione Frisij incumbere.

*Simulacres  
 inter pro-  
 vincias fe-  
 deratas.*

Carolus Roorda scribit potissimam illius conventus partem majore a-  
 cerbitate quam concordia votorum actam, deprehensis qui omnia ad  
 se suasque provincias trahendo singularum magis incommoda quam pu-  
 blicam foederis & communis ærarij prosperitatem respicerent. Itaque  
 convectitium & simul nauticum æs, quod firmitati diuturnitatq; rerum  
 repertum credebatur, certissimo popularis imperij vicio, privatis pro-  
 vincijs, etiam contra pactorum conventionumque religionem, applica-  
 tum enormi certè licentiâ, quæ infirmando foederi invalescens, non ut  
 ante integro regis imperio, unius majestate coerceretur. Quippe Gel-  
 dri convectitiam portiorumque pecuniam, quæ securati commercio-  
 rum aut exigendis telonijs apud Arnhemum & Neomagium à præsidia-  
 rijs navibus in Rheno & Vahali stantibus colligebatur, pro arbitrio di-  
 strahere dicebantur, volentibus e contra Hollandis, ut æs istud in pro-  
 vincijs collectum adornandis instruendisque præsidarijs navibus in Hol-  
 landiam mitteretur, quo provinciarum proventibus opibusq; adjuti, sin-  
 gularum commercia accepto maris imperio imminuerent. Quod cum  
 Fri-



Frisiorum Legatis probrosum detrimentosumq; videretur, quasi nuda col-  
ligendi aeris nautici ministeria sibi reservarentur commoda & fructus LXXXI.  
Hollandiæ cessura essent relationum jus imploravere, ne quid in præ-  
judicium gentis suæ statueretur, & ne capiendi aeris adornandarumque  
navium beneficium alijs ereptum publici juris æqualitatem, qua liber-  
tas & resp. starent, imminuerent. Quin satius judicabant pro tempo-  
re & dum aliter statutum foret, per Hollandiam colligi, quam colle-  
ctum per Frisiam in Hollandiam remitti quæ citra hoc suarum navium  
ope socios defendi gloriaretur.

Quo tempore prima socialis dissidentiae indicia ostendisse se mihi *Incendium*  
videntur, quæ ut in libertate ac plurium regimine solet, diversis ex *agri palu-*  
causis aucta et si dissimularentur, vim atq; memoriam apud posteros re- *stru in Feen-*  
tinuere. Franckena notat 1 v. Ejd. Iul. magnum agri palustris in Feen- *busa.*  
husâ incendium exortum fuisse, ignoratumque an ardore coeli, qui tum  
intensissimus esse solet, an fortuito igne excitatum foret, prodigij sal-  
tem loco habitum secutam oræ istius calamitatem indicasse. Quippe  
provincialium animos enatus derepente pavor tum occupaverat, quod  
trans-rhenana auxilia hostibus destinari vulgatissimi rumores proderent,  
Franciscumque Verdugium legionis tribunum liberandis Groninganis  
vastandæque Frisiæ magnum armorum apparatus decernere. Quamvis  
Aggæi Albadæ qui Coloniæ tum herebat, litteræ 17. Iul. in Frisiam  
perlatae, de impotentia hostium & exhausto regis ærario palam testa-  
rentur, confirmantis spem securitatemque populi, quod nec supplementa  
cohortibus fore, nec delectus novos haberi circa Rhenum posse à Phi-  
lippo assereret. Mox Neosylum; quod Norritius petierat, muniri *Neosylum*  
Frisijs captum, delegato Scipione Meckmans viro nobili, qui curando *mutatur.*  
promovendoq; operi esset, quod tempestate, pluvîâ, aut pondere non-  
nunquam fatiscens, justæ tamen munitionis formam vergente Septem-  
bri accepit. Quæ res Norritio castra ad Selverdiam tenenti commoda  
fuit, postquam famâ hostilium auxiliorum renascente Groningæ obli-  
dionem, ad cujus orientale latus hostis recesserat, deserere coactus est.  
Franckena tradit Aggæum Albadam Frisiorum apud Agrippinenses lega-  
tum, alias à prioribus litteras de apparatu hostium ad Falckenburgum  
nuntiantes in Frisiam misisse, gentisque spem paucis ante dies concep-  
tam alitamque magno metu & pavore commutasse. Unde in exer-  
citu, qui Selverdiæ adhuc agebat murmura & mox tumultus cæ-  
pere, paucis primo mala in vetera pronis, qui bonos, sicuti pesti-  
lentiæ vicio, inquinando fertiles Frisiæ agros & amœnissimum Don-  
griæ tractum repetituros se comminabantur. Franckena notat Geldri-  
cas maxumè Hollandicasque copias, tum Nienortianum militem prio-  
rem in castris licentiam induisse; magisque prædæ & otio quam pug-  
næ & discrimini deditum omnem disciplinæ metum excussisse. Quâ  
occasione tumultuantium apud Selverdios castrorum hostium equites usi  
populabundi per Drentiæ fines in Stellingwerfos irruerunt, direptisq; tri-  
bus pagis Haula, Donckerbroekio & Osteruoldâ ad suos rediere. Quæ *Renneber-*  
dam sunt Georgij Lalainij Rennebergij valetudo cottidie igravescibat, *gy adversa*  
ipseque iniquis & conturbatæ mentis in malorum consiliorum auctores a- *valerudo*  
cerbis sæpe diſterijs invehebatur. *Et consierit*  
Cæterum Groningæ nomen ei maxu- *tia morsu.*  
mé

CL. Id. me frequens, five quod sumpti eâ in urbe imperij eum pœniteret, si-  
 LXXXI. ve quod locum consulis Hildebrandij amicorumque cæde ac sanguine  
 temeratum vehementibus odijs execraretur. Certè tristissimam factô-  
 rum imaginem animo ejus obverfari ne illi quidem diffimulabant, qui  
 ægri ministerio curæque delecti juxta lætalis morbi periculum aperta  
 quoque conscientiæ vulnera introspeciebant. Neq; Cornelix sororis no-  
 men diffimulabat. Itaque in illam invehi acerbè tum cubili ac collo-  
 quio prohibere, ne si forte admitteretur morti proximum vehemen-  
 tius commoveret, animumque inſœlicem & laniatibus expositum no-  
 vâ inquietudine conturbaret: Quare amotâ sorore Corneliâ, quæ so-  
 la è propinquis cum Montjoio marito in aulâ erat, augeri malum, & im-  
 minere extrema præſentiens peculiare moribundis ceremonias sacra-  
 que conferri Pontificio ritu sibi jussit, quatrimumque post, qui dies  
 in x. Kalend. Augusti incidebat, mortalitatem implevit. Creditum fuit,  
 illum non remissiore erga Corneliam sororem odio decessisse, quod ne in  
 extremis quidem solatio præſentis, & quod addo, unicæ sororis reſoveri  
 mixtam angoribus infirmitatem permiserit. Tum facta viſceratio cada-  
 vereq; aromate ac pretioſis odoribus condito, magnitudine juglandis cor  
 defuncti se ostendiſſe autores rettulere. Unde facile judicatum, eum  
 non veneno, quod propinatum vanis rumoribus ferebatur, sed ægritu-  
 dine ac mæore animi confectum, qui deſerti fœderis poenitentia ac a-  
 miſſæ florentis Præſecturæ recordatione tum fallacium nuptiarum cum  
 Mariâ Brimæâ tristi eventu tactus vividæ ætatis florem vigoremq; ma-  
 niſeſto vitæ tædio depavit. Poſtquam enim Maria Brimæâ deſuncto  
 priore marito Lanceloto Barlamontio, Philippo Croio principi Chimæo  
 nupta inritos inſauſti juvenis amores fecit, deſperatione rerum correptus  
 eſt, ac ſi fides tacitè, ſi ad Regem rediret, amanti data & mox elu-  
 ſa iratis fideribus & imminentibus fatorum adverſitatibus præluſiſſet.  
 Ipſa quoque Maria Brimæâ illius levitate ac perjurio, quod occultè ſol-  
 licitaſſe dicebatur, affectum concepti amoris vertit, verita ac indi-  
 gnata iſtius amantiſ nuptialibus ſacris pactiſque ſe credere qui publica  
 violaviſſet. Quæ etſi forte fingeret, ut ingenioſa indagandiſ malorum  
 cauſis amantiſ inſœlicitas eſt, ita & hoc acribus mordacibuſque co-  
 gitationibuſ accedebat, quod Aurantij Principumque per Belgicam vi-  
 rorum amicitia ac ſocietate prohiberetur, verſique in odia provinciâ-  
 lium favores inter inſida peregrinorum ſervitia, inglorio contemptui man-  
 ciparent. Ita omnem tolerati ſub Albano exiliij gloriam, actam ſub lit-  
 teris adoleſcentiam, adhæc formæ ac virtutiſ decus, denique geſtarum  
 in bello clariſſimarum rerum ſamam ſola deſertio fœderis obſcuraverat.  
 Quippe Tranſſulaniæ victor, Groningâ inſuper partiſ adjectâ tam-  
 diu quoque laudabile apud Friſios laudabile imperium egerat, quamdiu  
 ſpretâ Oyenbruggiſ aliorumque aulicarum aſſentatione Aurantij proce-  
 rumque conſilijs uſu fuiſſet, gratumq; libertatiſ & venerabiliſ nomen  
 regio ſervitio antepoſuiſſet. Cæterum per Corneliam ſororem, alio  
 pellectus à pleriſque per Belgicam ac ab ipſiſ regijs neglectuſ humaniſ  
 exceſſit, ſuſſecto ei vixdum animam ſpiranti & necdum humato Fran-  
 ciſco Verdugio. Deceſſit triginta & unum annos agens vigeſimo ſe-  
 cundo Julij à templo Martiniano condituſ cum Friſiæ viciniſque lociſ  
 præ

Remneber-  
 gij mors &  
 ejuſdem  
 cauſe.



præfuiſſet annis quatuor. Tradunt autores eum ab ambitione adeo a-  
lienum fuiſſe, ut etiam de deponendâ trium provinciarum honorabili  
Præſecturâ cogitaverit, niſi ſolius Pompei Uſkenij conſilio ( qui Har-  
denbergico prælio periit magnâque apud eum gratiâ vige-  
bat ) à propo-  
ſito revocatus fuiſſet. Exceſſus illius clam & per ſilentia habitus aver-  
tendis militum ſeditionibus, qui morte Ducis velut excuſſo rectoris im-  
perio flagitaturi ſtipendia non inrito metu credebantur.

Quare illius morte per omne conſinium & apud Agrippinenſes ( ubi  
magna pars nuper Senatus regij & nobilitatis Friſicæ quæ Philippi ſa-  
cramento innexa erat exilium ſuſtinebat ) vulgatâ ijdem profugi Ale-  
xandrum Farnesium Philippi proregem datis Colonia litteris ſollicita-  
runt, ut ſucceſſorem deſuncto Rennebergio quanto ocys daret Fri-  
ſiæq; ac laboranti imprimis Omlandiæ ſuccurreret.

L I T T E R A E hæ erant :

**E**X epistolâ, quam noſtræ ſubjunctam habes, ALEXANDER Litteræ ad Farnesium  
FARNESI, cognosces quis Groningæ & per Omlandiam rerum ſta-  
tus ſit. PHILIPPI regis noſtri exercitus RENNEBER-  
GIJ exceſſu fidei anceps eſt & ruinam imperio regis minari videtur, niſi  
FRANCISCUM VERDUGIUM virum ſtrenuum & cuius vir-  
tuti multum dandum eſt, cum auxilijs ſtipendijsque iſthuc miſeris ocysſimè.  
Crastinus quidem dies ducendo in Friſiam auxiliario militi dictus eſt, ſed re-  
quiritur ut arma in promptu ſint, & ut VERDUGIO autoritatem pote-  
ſtatemque facias tam diu pacis bellique negotia adminiſtrandi, dum regia ma-  
jeſtatis aut tuâ ordinatione Friſiæ Omlandique Gubernator datus fuerit. Quo  
noſtrorum omnium vota & ſpes contendunt. Non dubitamus quin juſtiſſimo im-  
perio provinciam rector ſit, foreque ut gratiâ quâ valet regis noſtri ſubditos  
conciliaturus ſibi ſit, incuſſurusque terrorem hoſtibus & rebellibus PHILIP-  
PI, quem hoc ipſum, quod nos deſideramus, præſtando ſummo beneficio, quo  
majus mortalibus dari non poteſt, obligabis.

Quæ episto-  
la à Bucchone Ayta, Georgio Weſtendorpio, H. Dekama, Iacobo Vinckenburgio & Vito Commingha ſignata, maturandis re-  
bus incitamentum addidit. Mox alteræ litteræ Georgij Weſtendorpij  
nuper Senatoris per Friſiam regij, ad Caſparum Robleſium Billium Fri-  
ſiæ jam antè Gubernatorem hunc in modum additæ.

**H**O C ipſo litteræ à Magiſtratu Deputatiſque Groningæ & Omlandiæ Litteræ ad Weſtendorpij ad Robleſium.  
ad me perlatae ſunt, exceſſum Comitæ RENNEBERGIJ, qui  
vigeſimo ſecundo Iulij horâ Octavâ matutinâ ex hac vitâ à Deo evo-  
catus eſt, nuntiantes. Cujus morte id incommodi datum eſt, quod  
regi rebellium copiæ in cenobio Selverdico caſtra habentes auctæ ſint, & quod in-  
tra urbem & turrim Martiniani ſani tres legiones congregatæ ſeditiones moliantur,  
perque ſuburbanum ruſ & planos in agros effuſæ villas provincialium diripiant.  
Neque minus à cive noſtro periculum eſt, qui nudis auxiliiorum pollicitationibus  
& cunctatione ALEXANDRI FARNESII fruſtratus coitiones fa-  
cit in apertam haud dubiè vim erupturas. Adhæc quoniam metuendum eſt,  
Germanos hac in urbe præſidium habentes, AURANTIUS ad defectionem ſol-  
licitet collocatis in proximo caſtris, ALEXANDRUM FARNESIUM



Cl. Io. monui ac hortatus sum, ut te Praefecturam in tuam quanto ocyus remitteret. LXXXI. Praesertim cum ita de te sentiam, teste Deo & mea conscientia, ut nemo procerum Ducumque magis hoc tempore idoneus gerendis rebus videatur. Quapropter rogo ut occasione hac utaris, certus te materiem gloriae & fama tuae illustrandae habiturum facturumque imprimis gratiam Regi, quā maiorem nulli, qui hac aetate vivunt, praestituri erunt. Tuae certe prudentiae ista provincia egent, quam sine morā aut deliberatione impendi regijs necessitatibus velim.

Datum Coloniae 27. Iul. 1581.

Simile adhortamentum Buchonem Aytam ad Roblesium, qui Namurci agebat perscripsisse reperio, quo Verdugio urbem ad Groningam Frisiosque praemisso, Roblesius trans-rhenanarum provinciarum imperio, quo exutus foederatorum armorum vi erat, indulgentiā Regis aut Alexandri Farnesij redonaretur. Addit Ayta Clareboo Melroio alijsque Philippi legatis Coloniae effectum fuisse, ut Germanorum equites peditefque supplendis aut legendis copijs abundē habere rex posset, ita alienis econtra ab Alençonio Germanis, ut ne unus quidem insigni mutatione rerum sacramentum ei dicturus sit. *Quin Gallorum, inquit, nomen adeo passim Germanis ingratum, ut nec ludibrij aut inuisus vacuum sit.* Quae omnia stabiliendo Philippi per Frisiam Omlandiamque in quam exules perfugaeque reditum sibi augurabantur, imperio enormi foederatarum partium odio perscribebantur.

De deferendo  
do Philippo  
agitur in  
Belgica.

Quo tempore specioso libertatis nomine neque improspere armorum successu, quae Philippo 11. Caroli filio ex malē usurpatā dominatione, tot jam annis reponebantur, de eodem rege deferendo in confessu Ordinum generalium actum, quo ejurato ejus imperio, populoq, tam Belgico quam Trans-Rhenano in libertatem asserto, jus quoque belli tanto aequius, & ut fieri solet, foeliciusque procederet. Cui rei revocatus ē Galliā Alençonius (frater unicus & regis sive totius regni auxilia, & per connubium Elisabethae Anglorum societatem & potentiam ut putabatur secum tracturus) multum addidisse momenti credebatur, & quod mare securum ac patens commercijs opes & subsidia gerendis incontinente rebus promitteret. Sive regis Philippi imperium fastidientibus fatis, quae ultro mutandis mortalium rebus prona, post violentum & grave regnum his in terris exercitum passis enormia meliora tempora pollicebantur, sive auctā gentium feroci virtute, quae olim potentissimas quasque nationes Principesque laceffere ausae sustinendis quoque Philippi armis, etsi per tot maria terrasque conquestis, majorum exemplo praeparabantur.

Quod factum, velut miraculo proximum & stupori gentium repletum, per omnem Europae aliarumque orbis partium angulum famam populi Belgici foederatique diffudit, quod maxum regum lacertos per Indiam Africamque ultra Gades longē Herculisque columnas moventem Belgicae suae circulo exitis sacramentis exclusissent.

сІѡ. Іѡ.

LXXXI.

2222



CLIO. IO. *tesq<sup>ue</sup> concitaverit.* Quo anno etſi muliebri MARGARETAE Gubernatricis prudentiâ ac ſolerti ingenio Belgica nonnihil tempeſtas conſediſſet ſugatis, captis caſſive partibus, tamen ad omne populi jus tollendum & ut hæ gentes, Indorum more, haberentur (quod ALANAE PHILIPPI Regis per Galliam Legati litteræ ad Gubernatricem prodiderant) miſſus eum exercitu & comitatu ſanguinarij Senatus FERDINANDUS ALBANUS crudelis efferique ingenij vir, Belgicæq; libertatis oſor acerrimus, qui magna reverentiâ inermis & non contra luçantis populi exceptus Philippi imperij, qui venturus ipſe adornatâ per Hiſpaniam Zelandiamq; claſſe credebatur, inauſpicata funeſtaque initia titulo Gubernatoris Præſectiq; regij etſi ſanguine non contingeret, inſolici BELGICAE exhibuit. Quippe urbes ac caſtella mox præſidijs firmata, novæ arces validiſſimas per civitates extructæ, Belgicæ Principes ſpecie officiij & velut ad concilium convocati, vinculis ac cuſtodia dati, & ne quid immanitatis deſoret, ipſo ALBANO judice aut Brabantia contra fas educti, aut gladio percuſſi amantem libertatis ſanguinem tanquam piaculares victimæ, effuderunt. Adhæc Nobilitatis clarorumque civium cruore ſædata pegmata, multi extorres patriâ exilia tolerare, profugorum domus milite completa, uxoris atque liberis intentata ſupra & ne vitæ ſubſidia forent, ditium patrimonium per ſcicum diſtracta, qui centeſimæ, vigeſimæ decimeque exactione, adinſtar lienis intumeſcens omne ſacrum & præſanum rapiebat. Scilicet quo impotens & inermis BELGICA virium ſuarum infirmitate Regi PHILIPPO ſine exceptione pareret, crudeſque miniſtri inter ſpolia & ſanguinem innocentiffimæ multitudinis ſe explerent. Igitur Curie, judicia, collegia ſuffectis Hiſpanis ejetisq; provincialibus contra jus ſaſque gentium rectoribus deſtituta, impedita decimis provinciarum commercia, invalidis civium procerumque querimonijs, quibus amovendam ad calamitatem tyranni ſatellitumque vultus ſalutabantur. Quæ mala, velut æternæ Principis famæ & populi inopiæ deſtinata, perpetuitatem quoque ſuam habitura fuiſſent, niſi AURANTII Principis, tum profugæ proſcriptæque nobilitatis impulſu, Hollandia Zelandiaque tantæ immanitatis odio ac ſaſtidio ab ALBANI imperio deſceſſiſſent. Vnde armorum viſ illas in gentes converſa, factumque ut iſtæ provinciæ aliarum armis, (quas aut horror aut veneratio regiæ potentie aut caſtella arceſque in metu ac obſequio continebant) impetite ſint, non ALBANO tantum regnante, ſed etiam REQUESSENTIO, qui in ſpeciem mitioribus, ſed æque pernicioſis artibus imperium exorſus Antverpiam, Alostum, tentatis Bruxellis ſede Principis, dein Trajeſtum ad Moſam cæde ac direptione oppreſſit. Poſt quoque à morte REQUESSENTII Concilio Status BELGICI, ita volente PHILIPPO, rerum potiunte & Hiſpanis hoſtium loco proclamatis, HYERONIMUS RODA ſive ingenij ſuperbiâ, ſive regiæ autoritatis mandato, motus ſultusque Ducem ſe ac patronum nefarijs Hiſpanorum actionibus declaravit repudiatoque Concilij STATUS ſigillo regum adulteravit, non aliâ potentie uſurpatione quam quæ Proregem deceret. Quare ſuperiorum Provinciarum ORDINES cum AURANTIO Principe tum Hollandiſ Zelandiſque pacem ſædusque ferire compulſi ſunt, continuatis interim apud Regem provincialium officijs ſupplicationibusque quo Hiſpanos legum paciſque ruptores populatoresque opulentiſſimarum urbium ſuam in Hiſpaniam PHILIPPUS Rex revocaret. Quod quamvis facturum ſe Rex promitteret, inſolentiamque ſuæ gentis & ſcelera deſteſtari ſe ſimularet, boni Principis & paterno affecto obtentu-



tentum dato, tamen (cognitum est, Regem in illo Hispanorum furore sibi placuisse. Qui quoque ut majore dolo ac fallaciâ populum BELGICUM LXXXI. circumveniret, non multo post IOANNEM AUSTRIACUM tanquam regij sanguinis Principem in provincias misit, quo fœdus Gandavense & conventa ORDINUM approbando confirmandoque in Hispanos pacis publicæ ruptores animadverteret, jureque provincijs asserto libertatem redderet. Ceterum discordiam socias inter provincias serendo, conventionum fœderumque ruptor, quas perjurio temerabat, nihil aliud primâ imperij sui infantia molitus est, quam ut legionum Germanicarum fidem sollicitaret, quorum præsidio validissima per provincias castella attinebantur. Non alio certè fine, quam ut societate cum Germanis eorumque tribunis initâ castellisque in potestatem redactis gravius AURANTIO, Hollandiæ Zelandiæque bellum inferret, prælatâque pacis ostentatione, civilem discordiam & intestina arma concitaret. Quæ etsi occultè tegetet, tamen illius consilia fato quodam in apertum producta maturitatem non acceperat, evenitque ut jurata pacis loco crudis adhuc potentia suæ rebus bellum daret. Quæ omnia etsi deferendum ad Regem sufficiant, eligendumque alium Principem, qui mitiore imperio ac curâ desertas per viginti annos à Rege provincias moderaretur, ita ab AUSTRIACI morte non aliam regis mentem fuisse deprehensum est, quam ut Gandavensi Fœderi alijisque conventionibus illuderet, gravioribusq; postulatis BELGICAE PROCERES & omne pacis remedium turbaret. Igitur Regis actionibus diffisi Regum Principumque intercessionibus sollicitavimus, quo cum Rege, si per arbitros fieri posset, ex æquo pacisceremur, missis insuper Coloniam legatis nostris, ut CAESARIS Electorumque Romani Imperij cõitione pax perscriberetur. Ceterum id arcanum isti conventui subsuit, ut provinciam à provincia, socium à socio divelleret, quo provincialium vires ex concordia auctas discordia minueret. Inde publico mox edicto majestatis nos damnavit, proscriptiones instituit, assignato percussori pretio, qui AURANTIUM submoveret. Igitur omni spe pacis ruptâ destituti omni malorum remedio, desolati-que naturæ legem instinctumque imitati, quo jura majorum asseramus, defendamusq; à vi & injuriâ conjuges, liberos, denique ipsam posteritatem nostram alio auxilio tutandis legibus nobisque reperto, Notum facimus nos ultima necessitate compulsos communi suffragio & consensu REGEM HISPANIAE jure dominationis, eminentia, jurisdictionis omnique imperij hereditate privasse, non usuros Regio impofterum nomine tituloque, à cuius Sacramento Magistratus omnes populumque insuper absolvimus. Et quoniam cum ANDIUM Duce singularum provinciarum mandatis fulti convenimus, MATTHIAEQUE Archiduci missionem petenti concessimus; ita volumus, ut REGIS HISPANIAE sigilla aboleantur, omittantur, tradanturq; Provinciarum ORDINIBUS, qui sive suo, sive ANDINI, sive provincialis SENATUS, sive AURANTII usuri erunt. Volumus quoque ne aurum argentumq; Regis nomine & insignibus signetur, & ut Præsides, Cancellarij, Senatores, Rationum magistri, reliquique Officiales sacramento quod Regi præstiterunt, soluti, nobis & quidem novâ sub formulâ dicant. Quæ omnia ut vim ac perpetuitatem obtineant demandamus Præsidi secreti Senatus Brabantiae, Geldariaeque, & Comitatus Zutphaniae Cancellario Senatuiq; Præsidi per Flandriam, per Hollandiam Senatuiq; Rationum Magistris per Zelandiam, Præsidi Senatuique, per Frisiam, Prætori Mechliniensium, Præsidi Senatuique Ultraiectino alijsq;

CIO. IO. Magistratibus Officialibus, ut hoc nostrum E D I C T U M more loquoque solitis  
LXXXI. publicari, sine ullâ morâ ac dissimulatione curent, quod ad utilitatem reip. de-  
cernendum vulgandumque existimavimus. Datum Hagæ in concessu Ord.  
Generalium vigesimo sexto mensis Iulij Anno 1581.

*Signatum*

I. DE ASSELIERS.

Mox 1 v. Kal. Aug. nova dicundi S A C R A M E N T I formula ab  
ijsdem præscripta, quæ amovendæ imposterum diffidentiae hac iurif-  
jurandi religione firmabatur:

*Formula  
iurijuran-  
di Ordini-  
bus præstiti*

**I**Uro me imposterum Regem Hispaniæ, non  
pro Principe aut Superiore agniturum, quin  
econtra eundem Hispaniæ Regem deserturum  
habiturumq; me ipsum pro eo, qui regiâ obe-  
dientiâ ad quam publico provinciarum nomine  
tenebar, solutus sim. Promitto itaq; juroq; me  
unitis Provincijs Brabantiae, Geldriae, Flandriae,  
Hollandiae ac Zelandiae earumq; focijs ac foede-  
ratis, tum eorundem Provinciali Senatui Magi-  
stratibusque ac Ordinibus Generalibus constitu-  
tis, fidelem, obsequentem obligatumque fore  
omneq; auxilium opemque pro viribus meis ip-  
sis præstiturum contra prædictum Regem Hispa-  
niæ ejusque affeclas, reliquosque provinciarum  
hostes, deniq; facturum ad quæ fidelis subditus  
unitarum provinciarum tenebitur. I T A M E  
D E U S A D J U V E T. Actum Hagæ  
29. Iul. Anno CIO. IO. LXXXI.

*Non sine  
horrore Fri-  
siorum.*

Quod Edictum etsi pro more promulgaretur, ita per provincias jam  
ante foederi inligatas, quam per Frisiam, gratius acceptiusque fuit, quod  
plerique ex nobilitate regij nominis aut Romanæ sedis veneratione im-  
buti, nova imperia & religiones tum æqualium, ut in libertate fieri solet,  
dominationes fastidirent. Cui & hoc incommodi accedebat, quod du-  
biâ adhuc & ancipiti fortunâ Frisiorum in finibus & per Omlandiam  
Translavicanosque bellum traheretur, quod à parte Regis morie Ren-  
nebergij & novi Ducis successionem revicturum habiturumque prospera  
& prioribus adversa ominabantur.

Quip-



Quippe Verdugius conscriptis Colonienſem per Epiſcopatum & conſi-  
 nia copijs octingentos milites etſi inermes ut Albada ſcribit, ſecundo  
 Rheno verſus Veſaliā ducebat, auctoratis inſuper trecentorum equitum  
 turmis qui Franciſco Alençonio Andium Duce (is Galliā jam exceſſerat)  
 deſerto perſugurum more nova ſacramenta & occaſiones bellorum quæ-  
 rebant. Quibuſcum Veſaliæ Clivorum ſubſiſtens facile ſui adventus  
 regiorumque auxiliorum famam vulgavit, quæ per Geldriam vicinaque  
 Rheno loca quaquaverſum ſe ſpargens, novo cum Gubernatore novæ  
 quoque fortunæ fiduciam neque vanis rumoribus præferebat.

Quare Cancellarius Senatusque Geldriæ litteris in Friſiam datis nun-  
 tiare.

*Intellecta VERDUGII trans Rhenum expeditione Zutphaniæ ſe comitatui  
 viciniſque locis metuiffe. Caterum certiore veri famâ accepiſſe eundem VER-*  
 DUGIUM Grollam prope caſtra metatum Friſiæ comminari, velut in prædam  
*Præmoni-*  
*tionem Gel-*  
*drorum.*  
 date. Iſtum in finem exigua ſtipendia equiti triginta pediti quindecim ſeſter-  
 tior assignaſſe; quo ex raptō auctiora faciat, utilique agrorum populatione  
 majora ordinarijs emolumenta & juxta gloriam ex direptis hoſtium finibus ac-  
 cipiat. Monere itaque ſe Friſios ſocios ac juxta vicinos, ut in armis quanta  
 ocys ſint finiumque ſuorum curam & rationem collocatis ibidem præſidijs habeant.

Quæ per Everardum Reidanum Geldriæ Graphiarium & Annalium  
 ſcriptorem Friſijs communicata, populum discriminis & periculi igna-  
 rum fidelis officijs monuere.

Similes litteræ à provinciali Senatu (qui trans ac cis Moſam à miſ-  
 ſione Matthiæ Auſtrio factâ & per tardum Andini in Belgicam adven-  
 tum conſtitutus erat) ad Deputatos Friſiæ datæ.

Caterum Verdugius belli & rerum prudens longo viarum flexu, qui  
 mille & quingentos faciebat, militem circumduxit, peragratifq; Dren-  
 tiæ, qua Weſtphaliā ſpectat, finibus Groningam advenit, quem lo-  
 cum antecęſſoris ſui veſtigia premens ſedem novo imperio & ſimul  
 Philippi bello delegerat. Ubi inter gaudia & ſpes populi exceptus æ-  
 gros omnes, nuperoque ex conflictu ſaucios adivit, educendiſque fo-  
 ras & ad Reidam copijs omnia ordinavit.

Wigboldus enim Euſemius Nienortius quatuor peditum cohortes iſt-  
 huc duxerat, quo locum ad inſtar promontorii, ſinum in Dullartum pro-  
 currentem & Embdæ urbi Amaſoque flumini vicinum occuparet. Quod  
 fugâ regij præſidij nullâ moleſtiâ effectum eſt; deſiderato tantum ut  
 locum naturâ & ingenio paluſtris agri munitum novo opere emuniret.  
 Sed foſſores milites, arma, pecuniæ præterque iſta omnia inter licen-  
 tiosos & morum ſolutos diſciplina exigebatur, quæ neglectâ parendi  
 imperandique lege, & creſcentibus etiam nullo ſocialis imperij reſpectu  
 flagitijs metum ac formidinem ex adventante Verdugio induerat. Qui  
 decem cohortibus pedestri itinere Reidam perductis diſparſis palanti-  
 buſque Nienortij copijs facile munitionis potitus eſt; ſolo Caterio vi-  
 ro nobili & cohortis præfecto fortiter rem gerente glande trajecto.  
 Norritius ſcribit trecentos milites fœderatos ſine armis ſigniſque Rei-  
 dâ excedere juſſos, ſcaphiſque vectos & caſtris jam proximis arma &  
 ſtipendia petiſſe. Quæ ipſa ut toti fœderato exercitui præſtarentur,  
 acri & ad movendos Ordinum animos valido hortatu idem Norritius  
 urge-

CL. IO. urgebat, quo hostem de Neosilo cogitantem præbito ære majore auxilio. dacia & vigore corporum adoriatur.

Ita omnis Omlandia ab Amafo in Lavicam amnem protensa, ejectis foederatis Hispano iterum asserta, retracto jam ante Selverdiâ in Frisiam & circa Collumanos Norritio quem egens æris & ex hoc solutior exercitus, tum regia Verdugij auxilio rumoribus, ut solent, aucta, movenda ad castra compulerant. Unde per Frisiam metu orto Abelus Franckena Historiæ scriptor pro Legato Hagam missus, qui auxilia, qui stipendia tumultuantibus copijs peteret, Principemque Aurantium sociosq; de toto rerum statu edoceret.

Is copiâ fandi petita hunc in modum disseruit:

Abelus  
Franckena  
Hagam mis-  
sus auxilia  
petit.

**R**ERVUM nostrarum conditio, Socij, modo secundis nos efferens, modo deprimens adversis, ut res mortalium ferunt, ea hoc ipso tempore est, ut deterior esse non possit. Castra nostra Selverdiam tertiumque ab urbe Groningâ lapidem promota erant, & jam metu civitas tenebatur, ne nostra feret. Tarditate nostrâ & lenitudine agendi usus hostis auxilia contraxit, & sub Verdugio superato Rheno amne Groningam perductus est. Ibi qua ad bellum pro PHILIPPO gerendum spectabant, novi Ducis rectorisque prudentia ordinavit, captâque à nobis Reidâ, mox potitus hostis est. Igitur copiae nostrae egentia stipendiorum effrænes & turbidæ trans Lavicam in Frisia nostre agros reductæ sunt, ulteriorem receptum molitura, aut vastatura provinciam nisi sociali fide auxilia & commeatum, ac quod primum disciplinæ robur ac firmamentum est, pecuniam & stipendia mittatis.

RESPONSUM Legato à Principe & Provinciali Senatui fuit.

SE GULIELMUM NASSOVIVM cum sex cohortibus peditem in FRISIOS missuros, evocatuosque minore Frisiâ SONNOIVM qui conscensis navibus suis cum copijs maiorem in FRISIAM maturet. Quod ad pecuniam attineret, delegatuos quosdam è Senatu suo qui propediem Legatum subsequantur, pecuniamque & commeatum ita postulantis rebus exercitui subministrarent.

Ita Legatus (quod v. Eid. sextilis factum in Ephemeride suâ notat) in Frisiam reversus.

Idem addit Senatum provincialem istâ lege stipendiâ se daturum promississe, si Frisij viginti quinque aureorum millia mutuum darent, communique ærario subsidium de suo præstarent. Eundem quoque Senatum Renicum Dekamam Stavoranæ nuper arci cum cohorte præfectum arctiori custodiæ dedisse, tarditatemque & moram suâ in Frisios profectio- nis non tam suâ culpâ quam defectu ærarij evenisse, quod Hollandico Zelandorumque subsidio sublevatum, majora socijs Frisij subsidia daturum foret.

Reperio in actis ex eodem quoque Senatu mensis Sextilis initio Frisicæ gentis viros Cornelium Coninxium Iurisperitum & Leonem Beie- mum virum nobilem in Zelandiam ad Aurantium proceresque istius gentis missos, quo præsidiorum per provincias quasque distribuendorum certum numerum exigent, stipendiorumque ratione initâ ordinarium



exsolvendis militaribus copijs tempus impetrarent. Magistratum quoque Embdanum missis in Frisiam hoc tempore litteris ob Amasum fluxum proximisque agros navibus copiisque foederatis infestatos quemoniam attulisse, salvosque gentium fines, salva jura orasse.

Igitur regresso in interiora Frisiae Norritio Angli equites quidam non numero aere populabundi planos per agros se sparsere, Leovardiamque & in suburbana proVecti rusticâ ex plebe caesi vulneratique sunt. Quod agrariae gentis factum, etsi honesto praetextu Frisij velarent, ita Norritius indignissime ferebat, equitem suum non pensitatis stipendijs, alimenta vitae quærentem à sociali armataque rusticorum manu morte vulnerumque foeditate multari. Quare litteras ad Delegatos Frisiae dedit, vehementique motae mentis ostentatione provinciâ se abiturum ni rustici populi ferociae obviam iretur, comminatus est. Innebat quippe hoc in Imperatoris Ducisque bellici, qualis ipse foret, arbitrio constitutum esse, partiri copias equitemque castris emissum & annonae stipendijque egenum rusticorum pagis villisque inducere. Cui rei cum quidam ex Delegatis tacite contradicerent, qui à mercenario socioque milite diripi villas, atterique provincialium fortunas nolebant, postero acerbiore dedit. Cæterum revocatâ mente velut, quæ evenerant, dissimulans, commeatum castris petijt, Neosilumque emuniri postulavit. Doconi quoque Frisio hostilium actionum rerumque fidissimo exploratori honestam mercedem praestari sollicitavit, quo Prætori Neosilano aliisque prospiceretur, quorum interesset hostium consilia praestanda suorum securitati cognoscere.

Carolus Roorda scribit novam dissensionum materiem Ordinibus Hollandiae cum Senatu provinciali tum subortam magnum firmandae reip. impedimentum attulisse, eoque amoto, prosperum stabileque imperium novae libertati foederique gentium portendi. Tum Eckij & Gorae equitum turmas, quæ Cunerâ in Stellinguerfios descensurâ dicebantur recensendas à Martinio quodam censore exercitus perscripsit, quo vagæ huc usque & modo Geldriae, modo Trans-Isulaniae finibus hærentes Frisiorum castris copiisque jungerentur.

Actis traditum est Verdugium contractis in unum copiis cænobio Adoardico noctem tum egisse, progressumque Northormum Omlandiae pagum, obsidionem Neosilo destinavisse. Quæ quanquam de isto loco oppugnando tum temporis dicerentur, qui solus per Omlandiam vincendus Verdugio restabat, tamen majora solitis consilia tum agitabantur. Sive in Verdugium fiduciâ nova auxilia novas legiones ducentem, sive illorum scelere ac perfidiâ, qui in Frisia tutissimâ suorum rerum possessione per æquitatem indulgentiamque foederati populi fruenter, regiam fidem ac sacramenta exulantibus patriâ profitebantur.

*Hostes Patriae ac perduelles.*

Quorum pars, quæ Groningæ agebat, cognito Anglorum equites rusticæ plebis, quæ arma induerat, virtute caesos dissipatosque litteras in Frisiam istiusmodi misit.



clō. 13.

LXXXI.

Frisios ad  
regis par-  
tes per lice-  
ras perra-  
bere co-  
nantur,

**I**NTELLEXIMVS vos pro vobis, uxoribus atque liberis vestris arma contra Anglorum tyrannidem & regis PHILIPPI majestatis hostes induisse. Quo cognito FRANCISCUM VERDUGIUM legionis tribunum & regij exercitus Mareschallum eius rei certiores fecimus. Is ut in proposito perduraretis petijt, addito se auxilia equitum peditumq; praefinito à vobis & isto loco missurum qui vobis commodus videbitur. Fide insuper datà nullos vestrum ab auxilijs exercituq; regio qui vobis mittetur, damna detrimentaque passuros. Quin econtra promittit disciplinam militarem omnemque bonum ordinem regio in exercitu fore procul prioris anni insolentià, quæ contra regis voluntatem & per defectum aris patrata exercitaque in exemplum itura non est. Praesertim cum à VERDUGIO isti rei prospectum sit numeratis equiti peditique regio stipendijs, autoribusque flagitiorum in alia terrarum amotis. Nos responsum vestrum expectabimus & commendabimus vos omnipotenti. Actum Groningæ 21. Augusti. 1581. Litteræ ab Hansone à Roorda, Onia Wijtsma, Martino Hamconio, Martino Boutsma signatæ.

Quo die ipse Verdugius ad nobilitatem plebemque rusticam quæ armata apud Rinsmagestum convenerat, litteras quoq; addidit, suâque manu, prout in archivis extant, signavit.

Litteræ Ver-  
dugij ad  
Frisios.

**C**OGNOVI Anglos aliosque milites tuendis agris domibusque vestris in speciem missos, ingenijs suis, ut solent, usos incendijs, latrocinijs, populationibusque grassari, vosque arma adversum eos sumpsisse. Quo intellecto omittere non potui, quin equitum peditumque quæ ad manum & in promptu habeo, auxilia vobis vestraq; tutelæ offerrem. Neque fidelitate tantum meâ aut curâ res geram, ceterum Ducem me dabo, quo divino auxilio subvolutus omnia expediam. Exercitum quoque meum ex praescripto disciplinae rector sum, ne quid damni vobis detur, cui fidem interpono. De ceteris si colloquij mecum animus sit in majorem vestri securitatem, duos tresve legatos mitti peto, quibus omnia tuta liberamque commendi retro citroque potestatem facturus ero. Amicum me, si voletis, habebitis. Groningæ 21. Aug.

Invenio in actis horum temporum Oniam Wijtsmam, qui Petrum Dureuoltium Rinsmagestanum ad patranda horrenda 20. April. hujus anni promissâ mercede præmioque sceleris incitaverat, Idibus Septemb. litteras ad Praesidem quendam Senatus dedisse, ac ut Legati è nobilitate rusticâque plebe Oostergoâ ad Verdugium qui hoc voluerat, mitterent bono regis habendisque auxilijs orasse.

Norritius  
stipendia  
exercitus  
petit,

Econtra Norritius repetitis ad Delegatos Ordinum litteris, lanceas, pulverem, tormenta & quod primum erat, stipendia exercitui petebat, criminatus Senatum provinciale Hagæ in otio & omni rerum incuriâ ac securitate agentem nec in exercitus sui discrimen, nec in vires apparatusq; hostium respicere. Bono scilicet loco res Verdugij esse confirmabat, neque tam longè suis à castris distitum ut immunem metu se præstare possit. Ad Groningam vero quod attineret, non videre se foelicem isti rei successum, quin econtra destitui se eorum omnium ope ac ministerio quæ potiundæ urbi desiderarentur. Interim se procerum consilij, si meliora nossent, obsecuturum. Tantum quoque abesse ut educi extrahique miles castris velt, qui æris egentissimus & vanâ spe

spe solutionis alitus agri messem & anni proventum stipendijs applica- cto. Is. rurus sit. Quæ ipsa quoque nisi hoc ipso mittantur, tam de exercitu LXXXI. quam de rep. agi. Cæterum adventu Senatus provincialis nuntiato, <sup>Gulielmi Ludovici Nassovij adventus in Frisiam.</sup> qui Leovardiæ jam erat, exorti animorum motus derepente confederunt, erecto ex ipso in lætiora exercitu, quod præter auxiliares copias per Gu- lielmum Ludovicum Nassovium advectas, pecuniam quoq; adferre pa- candis legionibus crederetur.

Franckena in Ephemeride notat 26. Sept. omne stipendium exerci- tui solum infectaque pestilentia vitio castra cum tribunis præfectisq; cohortium plurimos militum abstulisse. Quosdam quoque è Tietierck- kiji Smallingijsque captivos, qui Hermanni Martenij copiarum censoris militumque ex cohorte Episcopij bona diripuerant, Collumum in ca- stra perductos procurante Ioanne Ratallero loci prætore data Mar- tenio militique damna pensasse. Doconem quoque Martnam virum nobilem jam ante memoratum, morte Livij Beiemi in Senatum pro- vincialem cooptatum, qui acceptis in mutuum à nostra gente viginti aureorum millibus de pellendo Frisiorum finibus Verdugio tum cogita- bat. Itaque tum annonâ & comineatu ubertim castris, quæ Collumi adhuc erant, inlato, stipendijsq; Anglicæ legioni, quæ maxumè tumul- tuata erat, persolutis, vigor atq; promptitudo militaribus animis rediere, quos ante desides & ex hoc seditioni proximos egentia æris corruperat.

Quorum ignarus Verdugius, qui Norritij exercitum seditione lacera- tum ex non soluto ære rebatur, Groningâ Adoardiam post castra Nort- hormum movit, ductisq; secum viginti & quatuor peditum signis ac quin- que equitum turmis additis ut Franckena notat, leve vallum fossamq; castris suis præduxit prælioque se paravit. Neq; minor Norritio vir- tutis eximio animus erat, quem ultro experiundis arduis asperisque facilem excitasse Frisij subeundum ad certamen odio ac fastidio castris- sis otij credebant. Quare ducto per Neosilum exercitu recto itinere tormentis campestribus instructus Northormum contendit, Verdugium- que instructis ad pugnam ordinibus & quidem præmissâ re divinâ pa- rantem insigni alacritate adortus est. Quæ precum solemnitas etsi An- glis ludibrio ac inrisui haberetur, ita plurimum ad fortunam hostium & foederati exercitus secutam adversitatem valuisse dicebatur.

Norritium tredecim Anglorum signa, sex Gulielmi Ludovici Nassovij, novem Sonnoï, ex Nienortianæ legionis vexilla sequebantur. Qui- buscum in planitiem campumque, qui Northormo ab occasu præten- ditur, descendens, signo dato, stipatusque Gulielmo Ludovico Nassovio tanto in hostem Verdugiumque impetu invecus est, ut luxatis ho- stium ordinibus Verdugij peditem arma, ne oneri forent, projicientem intra Northormum compelleret. Unde victoriæ magna apud Norri- tium spes erat, quæ, sicut omnia mortalium, instabili fortunæ innixa magnorum sæpe ducum virtutem confudit. Quo tempore lixis caloni- busque qui hostium castra sequebantur, de fugâ quoque cogitatum com- mentarij prodidere, in quam totus Verdugij exercitus effusus fuisset, nisi Verdugius equestris turmas inclinantibus jam ordinibus immiscuisset. Quæ visâ Anglorum paucitate & raris cuneris, Anglorum in legionem tantâ animi fortitudine procurrunt ut loco moverent, motamque &



cIo. Io. referre pedem iussam fugæ darent. Quod ne Norritio quidem & Gulielmo Ludovico Nassovio cognitum, quos rem strennuè gerentes medijs confertissimisque hostibus animi vigor & cupido gloriæ intruserat. Qui ubi à tergo versam pugnæ faciem & suorum fugam notavere, avertà ferro viâ, multisque circum cæsis periculo subducti sunt.

Norritij  
clades.

Tradunt autores Gulielmum Ludovicum quinque glandibus plumbeis thorace ferreo exceptis, unâ sed invalidâ in crus prolapsâ prælio excessisse, reservatumque fato majoribus rebus primos juventæ annos illustri gloriâ honestasse.

Franckena notat causam cladis semiplenis copijs & centurionum perfidiæ vulgo tum imputatam, & quod in triginta & ultra peditum signis ne terna quidem millia magno reip. incommodo numerarentur. Alij adversitatem hunc à Norritij equite, qui à pedite Verdugij Northor- mo procurrente progredi prohibitus fuerat, profectam fuisse tradunt, multaque foederatis iniqua, viarum angustiam & confertas condensatasq; Norritij turmas, mox confusos ordines, equitumq; fugam concurrisse.

Mihi Cl. Franckenæ fidem secuto ab Anglis à Verdugij equitatu retroactis malum evenisse compertum, impeditaque quo minus officium facerent, tormenta inclinante jam acie Verdugio cessisse. Franckena addit multos milites foederatos in præcipitem fugam effusos, à lanceario Verdugij, qui insequabatur, equite cæsos, fossisque ac incilibus immerfos armorum ponere aut vi prementim perijisse. Quâ clade mediam peditum partem sublatam autores notant, èque præcipuis Rudolphum Scullium, Winandum Ommerium, Carolum Wingardium, Petrum Berensteinium, Matthiam Kærtium, Gerardum Entenium, Cornelium Loënum, ex Anglis Cottonium, Episcopium, Fuillanium, è præfectis equitom Henricum Eckium, Bellevinium & Joannem Nisbetium, cecidisse. Nec incruenta Verdugio victoria fuit, quingentis sexcentisve in regio Philippi exercitu desideratis. Pugna Prid. Kal. Octob. facta.

Verdugius  
victor Neo-  
silum obsi-  
det frustra.

Tum Verdugius continuatione fortunæ ac rebus circa primæ dignitatis suæ initia prosperis utendum ratus, Neosilum, in quod multi ex acie dispersi palantesque confugerant, obsedit, qui locus trans Lavicam ad rivum ex æstuario proruentem situs quatuor cohortium pedestrium (quibus Steno Maltesius nobilis Danus, Sixtus Sceltema nobilis Frisius, Regnerus Idzjus & Schaius præerant) præsidio asservabatur.

Castra ejus Grypskerckæ & Fisfleti ad Lavicam posita, ubi defossis, qui ad emissarium rivi excurrabant, cuniculis, & fluentis alveo onerarijs navigijs obturato, commeatum obsessis intercludere conatus est, quem provincialis Senatus obsidij metuens cum levioribus tormentis Neosilanae munitioni importaverat. Igitur velut minimum ageret, modo copias suas in formam aciei instruebat, modo velut oppugnationem facturus, obsessis minabatur, non ignavis interea obsessis qui eminus tormentorum ope rem gerentes multos ex Verdugianis sustulere. Dein avertis aquarum claustris, emissariisque qua æstuararia maris spectant, patetactis vicinos agros & stativa castrorum Verdugij aquis operuere, quas usque ad Emetillam se efferentes vi marinorum æstuum densissimi quoque imbres adaugebant. Unde in castris Verdugij omnia sensim angusta atque difficilia facta ingenio loci sponte depressi nimia humi-  
dita-



ditate aucto & languore insuper militum succrescente, qui ab instituen- cto. 10.  
dâ oppugnatione militem molestiæ pertæsum & defectu æris seditiones LXXXI.  
minantem deterrebat.

Ita obsidio Neosilana deserta, obsessiq; tergis hostium invecti, qua-  
draginta trucidatis & viginti quinque militibus captis victores, ovan-  
tesque rediere. Ita gravis ad Northormum clades novâ foelicitate  
pensata, Verdugiusque repulsæ ignominia mærens Groningam recessit:  
Stenoni Maltesio, qui cum imperio ibi fuerat, resque præclare gesserat, *Stenonis  
Maltesij  
virtus &  
præmia.*  
vicarium Merodij munus collocatum, aureaque donaria virtutis ergo  
militari more concessa.

Adeo retro citroque modo prosperæ, modo adversæ res illis tem-  
poribus fluebant, quæ domi procerum dissensione, foris inopiâ ærarij  
per avaritiam præfectorum militumque licentiam turbabantur. Unde  
factum ut à debili infirmoque exercitu fortuna sæpe belli penderet, foe-  
disque cladibus, etiam connivente Ordinum patientiâ, surgentis reip.  
primordia insignirentur. Tantum Angliæ ac Germaniæ, tum circum-  
jacentium locorum è quibus auxilia supplementaque legionum habeban-  
tur, societatibus dabatur, adnitentibus isto tempore quam maxumè  
optumatis sua Philippum in Regem odia fidis aliorum Principum a-  
micitijs velare. Igitur ne fœderato exercitui stipendia deforent, missus  
Amstelodamum à Senatu Belgico Abelus Franckena, qui subsidia com-  
muni ærario ocys peteret, avertendisq; turbidarum legionum incom-  
modis iter acceleraret. Is acceptis Amstelodami 23. aureorum milli-  
bus, quo Senatu Belgico apud Frisios adhuc agenti, allevandis militiæ  
oneribus traderentur, mox itineri Frisiam versus se dedit, gratissimòq;  
adventu pecuniam ferendo velut necessariâ corporum refectione mi-  
litem refocillavit.

Mox vergente eodem Novembri mense, qui ut plurimum occiden- *Calamitosa  
tempestas  
ac pestis in  
Frisiâ.*  
tibus Vergilijs procellosus noxiusque omni oræ maritimæ esse solet, ve-  
hemens tempestas coërta, quæ tonitruum fragore, intermistis fulminum  
ignibus, Floridi campi, quod Bolsuerdiæ vicinum est, cœnobium pro-  
digio & simul damno multavit. Quippe post campanas turri vehe-  
mentiâ fulminis detonantiumque nubium expulsas, majus quoque alta-  
re disjecit, statuasque & imagines tum horti arborem & monialium ve-  
stimenta demisso cœlitus igne ambussit. Quod inter prodigia relatum,  
auctâ simul pestilentia, qua plurimi mortales rapiebantur, malignita-  
te, provincialium sollicitudinem metumque vertentium se, quasi retor-  
tis fideribus, temporum incendit.

Quare odiosiore sensum Philippi nomine, quod publico per Braban-  
tiam, Geldriam, Flandriam, Hollandiam, reliquasq; provincias edicto  
jam ante damnatum erat, Senatus Belgicus Leovardiæ adhuc subsistens;  
post Doccomium, Slotam, Stauriam oppida, reliquaq; maritimæ oræ  
loca necessario opere ac commeatu emunita, ejurando quoque regio  
nomini ac simul imperio ordinavit, inligatisque novo libertatis sacra-  
mento Magistratibus, Prætoribusque tum pagorum vicorumque ma-  
gistris, Senatum quoque qui supremâ juris dicundi potestate fungebatur,  
velut regiæ venerationis dignitatisque retinentem obligare religio-  
ni fœderis novæque libertatis constituit.

CL. IO.

LXXXI.

*Ejuratus**Elisp. Rex**à Juridico**Frisiorum**Senatu.*

Quare congregatis Ordinum Frisiæ Delegatis, citatoq; Senatu Juridico, litteræ Concilij Status ex decreto Ordinum Belgicæ quod mensè Augusto perscriptum erat, in publico prælectæ, quibus Rege à Senatu ejurato, novam sacramenti dictionem Senatus Belgicus proponebat. Quod etsi Senatus Judicialis detrectaret, modo actorum copiam modo deliberandi capiendique consilij tempus poscens, ita non obscura sui in regem affectus signa edebat, severiterque & cum rigore quæsitus, quid tergiversationi obtenderet, diem in proximum, qui in Nonas Decembres 1581. incidebat, sententiæ dicendæ animique expromendi solemnitate extraxit. Itaque tunc, ne iudicium, quod tum cœptandum erat, justitio impediretur, præsentè Senatu Belgico, Ordinum Frisiæ Deputatis sacramentum dixit, fidemque patriæ & libertati datam publica regij nominis detestatione firmavit. Quâ actione durante Fecco Rhala Jurisperitus & Senator, qui confessui intererat, damnatione regiæ majestatis imperijque propositâ, repentinâ morte exanimatus est. Quod sive animo, ut creditum fuit, defectione correpto, sive viri consternatione ad tam duram vocem legemque inhorrescentis factum fuerit in silentio est, hoc saltem de præclaro viro & libertatis patriæ amante traditum est, eum nec à Rege nec à libertate alienum moderatis consilij egisse.

*Quo in ætate Fecco Rhala Senator exanimatur.*

Franckena in Ephemeride notat, non obscuro animorum motu habitam actionem fuisse, Senatumque Juridicum invitum, ut scribit, & frementem sacramento Ordinum Delegatorumque se obligasse. Mox omnis actorum vis ac memoria, quæ CAROLO sub Cæsare, mox PHILIPPO filio invaluerat, infirmata, sigillumque ac nomen regium jussu publico abolitum.

Ita Natalis LIBERTATI dies ortus, Belgicæq; & Frisiorum gens regijs imperijs exempta, factorum seriem temporæq; libertatis ab illo patrum Senatus-Consulto inchoavit. Quare & adorata quæsitæque ad Gades Herculisque Columnas CAROLI PHILIPPI QUE majestas Provincijs assignata regiumque imperium in formam REIPUBLICÆ redactum velut fatalibus rerum suarum periodis, valido per Provincias fœdere evanuit. D. O. M. Laus & Gloria.

F I N I S

Historiarum P. WINSEMI.



MARTINI à WYBINGA  
Iuris-Consulti & Antecessoris Ordinarij in  
Illustri Frisiorum Academia Franequerana,

# Laudatio Funebris

H A B I T A

Post Exequias in Templo Academico,

IN HONOREM AC MEMORIAM

*Viri Excellentissimi, Clarissimi ac Spectatissimi,*

D. PIERII WINSEMII, IC.

Illustr. ac Præpotentum ORDINUM

Frisiæ Historiographi Celeberrimi, Eloquentiæ

Professoris Famossissimi, in ACADEMIA Patria.



LEOVARDIÆ,

Excudebat CLAUDIUS FONTANUS,

Illustrium ORDINUM Frisiæ Typographus Ordinarius.<sup>†</sup>

ANNO CLO. IOC. XLV.

Illustrationes Ordinis  
Illustrationes Ordinis  
Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

Illustrationes Ordinis

*Nobilissimi, Amplissimi, Consultissimi ac Spectatissimi,*  
Almæ hujus Academiæ CURATORES;  
Illustrium ac Præ-potentum ORDINUM FRI-  
SIÆ DEPUTATI gravissimi;  
MAGNIFICE DIRECTOR;

*Clarissimi, Consultissimi, Acutissimi,*  
DD. PROFESSORES, Collegæ honorandi,  
VIRI NOBILES;

*Amplissimi, Consultissimi, ac Spectatissimi,*  
DD. CONSULES,

*Reverendissimi ac Doctissimi,*  
Mysteriorum Divinorum Dispensatores, Anima-  
rum PASTORES Vigilantissimi;

*Doctissimi ac Spectatissimi,*  
DD. Doctores, Licentiati, ac Magistri;  
Amici, Consanguinei, & Affines denati *Μακαρίαι;*  
Cæteri; Viri Doctiss. Honoratiss. ac Spectatissimi.

*Tuque Nobilissima, Doctissima, Lectissima, ac Ornatissima,*  
Studioforum CORONA, Flos & decus Academiæ nostræ.



UANTIS calamitatum, miseriarum, ærurnarumque fluctibus gravissimis ac decumanis, genus humanum passim obnoxium sit: testatur continua ac jugis rerum humanarum tristes ac subitanea mutatio & catastrophæ. Testatur in primis celeberrima ac famosissima hæc ACADEMIA PATRIÆ, quæ proh dolor! non quotannis: verum singulis fermè semestribus aut trimestribus, gravissimo lethali-que vulnere sancitur ac lancinatur. Ut enim unda undam trudit: sic publicus luctus & squalor, publicum antecedentemque è vestigio subsequitur. Excessit, pronuper ex hac vita, camposq; Elysæos petijt, unde negant redire quenquam, *Nobilissimus, Acutissimus nec non Theologorum hujus ævi facile Princeps* JOHANNES MACCOVIUS S. S. Theologiæ Doctor & Professor primarius, Collega conjunctissimus ac dilectissimus. Hoc gravissimo vulnere Academico non contenta, non



# Laudatio Funebriſ

ſatiata, dira ac implacabilis illa D E A M O R T A, iterum ex improviſo, quaſi per cuniculos aggreditur ac adoritur, ipſas *Athenas Attico Friſiacas, ac incomparabilem ſummumque virum, Clariffimum Collegam Dominum PIERIUM WINSEMIUM, I. V. Doctorem, Eloquentiæ Profeſſorem, Patriæ Hiſtoriographum, Academiæ decus ac columen æternum*, præter omnium bonorum ac doctôrum virorum votum, præter omnem expectationem in ipſo florentis ac vigentis ætatis flore atque vigore (lucis præſentis) uſurâ privavit.

— — — — — Nec non Fati  
*Abſtulit atra dies, & funere merſit acerbo.*

Ex hoc clariffimi ac celeberrimi viri diſceſſu ex hac vita, quantum publica ac Academica res, detrimenti capiet, ſentiet, teſtabuntur fortean ſeri noſtri nepotes, omneſque illi quibus ſtudia, bonæque artes curæ ac cordi impoſterum erunt. Hujus igitur ſummi ac incomparabilis viri exequias, dum omnes ac ſinguli hodie pulla veſte, longoque ſyrmate ex officio caritatis ac Chriſtianæ *Cyrenaicas* iverimus leſſumque fecerimus. Unicum hoc tandem, *Auditores Ornatiſſimi*, reſtat, ut ex laudabili inſtituto huius Academiæ pijs manibus denati *Μακαρίης* parentemus: Quamvis quidem clarorum virorum fama, ex ſe æterna, ex ſe quoque immortalis ſit: Nihil tamen unquam ſanctius habet habuitque reverentia ſuperſtitum, quam ut amiſſos cum pia veneratione ac memoria recordetur: dandum enim hoc illuſtrium virorum poſteritati (Tacito teſte) ut quomodo exequijs, à promiſcua ſepultura mortalium ſeparentur. Ita in traditione ſupremorum accipiant, habeantque propriam memoriam ac laudem. Sic enim olim Athenienſium Oratores, eos qui bello Perſico ad Plataeas mortem fortiter pro ſalute patriæ oppetierant, funebri laudatione publicè proſecuti ſunt. Sic quoque *Fabius Maximus Publium Scipionem*, Sic *Iulius Cæſar Iuliam Cæj Marij uxorem*, amitam ſuam, ampliſſimis ac magnificis verbis in ſupremo funere publicè pro concione ornârunt ac laudârunt. Sic & *Appj Decemviri* defuncti funebrem laudationem ſequutis temporibus, æquis auribus Plebs Romana audivit ac accepit.

Qua quoque de cauſa indubiè moti, proximi heredes ac amici denati noſtri Collegæ ac *Μακαρίης* etiam atque etiam à me flagrantiffimè & inſtanter petierunt, ut hoc extremum Chriſtianæ pietatis officium in me reciperem. Acceſſit quoque præterea Ampliſſimi S E N A T U S A C A D E M I C I decretum, quo, per Delegatum, hanc dicendi Provinciam impræſentiarum humeris meis impoſuerunt, quod pietatis, quod humanitatis officium, tum S E N A T U I A C A D E M I C O Ampliſſimo, tum denati *Μακαρίης* amicis, nullam excuſationem planè pleneq; admittentibus, tum imprimis familiari amicitia, quam cum demortuo, conſtanter, pie, religioſe ſemper colui & habui, me debere exiſtimavi. Verum enimverò cum probe novi, quid humeri valeant, quid ferre recuſent, & quam curta domi nobis ſit in dicendo ſupellex. Proinde omnes ac ſingulos (*Auditores Ornatiſſimi*) vos etiam atque etiam rogatos volo, ut præſentem hanc Oratiunculam non gravate accipere & excipere dignemini, in qua ſi fortean verborum pondus, elegantia, ſplendor, cæteraque oratoria ornamenta deſiderentur, cogitate quæſo, non ab Rhetore, aut Rhetoris filio proficiſci, verum ab eo, qui parum aut nihil à ſacundia poſſit. Ne igitur (*Auditores Ornatiſſimi*) diutiùs animos veſtros, longa per exorſa, ſuſpenſos teneam, (novi enim optimè quàm odioſa ac tædioſa ſit Circenſibus pompa) paucis &

Laco-

## in memoriam P. Winsemij.

Laconicè orationis penicillo adumbrabo, ac delineabo nostri *Μακαρίου* nativitatem, educationem, studia, vitam, mores & mortem.

Nativitatis locum quod concernit, natus est ὁ *Μακαρίου* Leovardiae Frisiorum, Anno Æræ Christianæ Millesimo Quingentesimo Octuagesimo sexto, quæ totius provinciæ nostræ caput ac Metropolis est, claris ac stupendis ingenijs, clara ac superba, juxta illud Poëtæ.

*Doctorem genitrix L E O V A R D I A clara Virorum.*

Permagni ut plurimum refert an quis Vervecum in patria, crassoq; sub aëre;

*Colchisne natus an enutritus Athenis sit.*

Sic Plato (uti memoriæ proditum est) imprimis maximam foelicitatis suæ partem urbi, in qua natus ac educatus erat, adscripsit: *quotidie Dis immortalibus singulares gratias referens*, quod Athenis non Thebis natus esset, non secus ac si tacite Philosophorum Princeps innueret summa ac excelsa ingenia, & ad magna nata, non nisi in summis ac excelsis locis lucem aspicere. Quod nativitatis præfagium si verum unquam fuit, sane in nostro *Μακαρίῳ* verissimum fuit.

Ad Parentes quod attinet: honestissimis ac præstantissimis est natus Parentibus, patrem habuit, *Virum Clarissimum omnigenâ Literaturâ politiori & Philosophia, nec non arte Oratoriâ exercitatissimum, Liberalium artium Magistrum H A J O N E M P I E R I I W I N S E M I U M, Præfektum ludi literarij Leovardiensis vigilantissimum*: Matrem habuit *T H O M U L A M M E N E M I A M, Matronam honestissimis civibus Leovardiensibus oriundam*. Præterea fratrem *M E N E L A U M W I N S E M I U M, SS. Medicinæ Doctorem, Περξίαν, Anatomices, & Botanices Professore*m, donec patria Academia stetit, per viginti (& quod excurrit) annos longè celeberrimum. Scilicet (Poëta teste)

*F O R T E S creantur fortibus, & bonis:*

*Est in juvenis, est in equis, patrum*

*Virtus: nec imbellem feroces*

*Progenerant aquile columbam.*

Hujus patris prædicti (ut revertar ad id unde digressus) ὁ *Μακαρίου* noster & *Χειρογγραφέας*, aut privatâ manu ductione in studijs suis tantum profecit, ut postmodum accedente institutione *Conrectoris T H E O D O R I L A V E R M A N N I*, imprimis verò superveniente tandem institutione *clarissimi viri J O H A N N I S F U N G E R I I. V. & Medicinæ Doctoris, Scholæ Leovardianæ Gymnasiarchæ quondam longè famossissimi ac felicissimi*, ut brevi temporis spatio reliquos suos condiscipulos longis parafangis foelicitate, dexteritate ingenij ac profectu studiorum antecesserit, ita ut anno ætatis suæ decimo-quarto, post varia singularis eruditionis specimina, in Latina ac Græca Poësi, nec non in Orationibus methodicè dispositis facundeque habitis, ex angustis studiorum carceribus emissus, & quasi à patre manumissus aut emancipatus, ad augusta, ingenua, ac liberalia Academica studia & exercitia publica fuerit admissus, ac receptus in album aut matriculam Academiae, Anno millesimo sexcentesimo primo, decimo tertio Aprilis, *Rectore ac Dictatore Academico magno illo (piæ memoriæ) J O H A N N E A R C E R I O T H E O D O R E T O, Græcæ linguæ Professore Celeberrimo,*



# Laudatio Funebris

Academiam hanc vix ac ne vix ingressus, mox Orationem publicam pro Rostriſ Academiae habuit in ſolemni panegyri, ad admirationem ac ſtuporem Auditorum ac clariffimorum Dominorum Profeſſorum, cum adhuc ejus eſſet ſtaturæ ac proceritatis ut hypopodio ſtatura ſublevanda fuerit, ne forte alias ſannâ poſticâ aut anticâ ab auditoribus exciperetur, aut exploderetur. Ingreſſus hanc Academiam mox invenit amicos ac Mecœnates magnos, imprimis in Græca Lingua JOHANNEM ARCERIUM THEODORETUM; in Logica clariffimum Dñum LOLLIIUM AB ADAMA: in Phyſica magnum illum HENRICUM DE VENO I. V. & Medicinæ Doctorem, Liberaliumque Artium Magiſtrum, ſub cujus præſidio plurimas quæſtiones in publico congreſſu acute defendit, tantâ cum animi alacritate, tantâ promptitudine, tanto judicio, ut ipſus Præſes in publica diſputatione, Collegam ipſum nominare ac ſalutare, non dedignatus fuerit.

Horum fideli ne dicam paternâ inſtitutione pro tempore uſus, tandem ad ſtudium Medicinæ animum applicuit: ut autem cum fructu fieret, nihil prius aut antiquius noſtro Μαμαεῖτη fuit, quam ut ſe in ſingularem favorem clariffimorum DD. Profeſſorum, præſertim Clariffimi Domini AULÆTII: nec non viri Celeberrimi RAPHAELIS CLING-BYL inſinuaret, ſub cujus quoq; præſidio publicè de igne elementari diſputavit cum ſumma circumſtantium admiratione: uſq; adeo ut in publica diſputatione Præſes aut Moderator publice in hæc verba eruperit. *Quis Spiritus hunc Juvenem ac Respondentem agit? videtur ad magna natus.* Paulo poſt Athenas Friſcas è Μαμαεῖτης deferens, ut uberiorem ſtudiorum ſuorum fructum & meſſem conſequi poſſet (tquam ad uberiorem mercatum) ſeſe ex conſilio patris, rectâ Lugdunum Batavorum contulit. In qua illuſtri ac celeberrima Academia itidem (uti Franequeræ fecerat) in omnium Dominorum Profeſſorum gratiam ac ſingularem favorem ſe inſinuavit, præſertim in gratiam ac amicitiam clariffimorum Dominorum Profeſſorum PAVIJ, VORSTIJ Medici, HUERNIJ, DANIELIS HEINSIJ, nec non MERULÆ, quorum omnium inſtitutione ac familiaritate quotidie uti frui noſtro Μαμαεῖτη in ſummis delitijs fuit, qui omnes & ſinguli ipſum ſingulari affectu, amore & favore proſequebantur, ſummaſq; ingenij doctes admirabantur ac venerabantur. Ne tamen cochlearum inſtar, aut domi ad focum deliteſceret, aut in una atq; altera Academia conſeneſceret aut oberraret, relictâ Leydâ cenſuit exteras regiones & Academias quoq; luſtrandas eſſe,

— — Et ire per omnes

Terrasque tractusque maris.

— — — — —  
Ut mores hominum multorum cernat & urbes.

Voluntariumq; (amore literarum) exilium decennale in ſe è Μαμαεῖτης ſuſcepit, biſque ſe in Germaniam omnium nationum matrem, ſtudiorumq; alumnâ & altricem ſe recepit: ibidemque mutato ſtudij Medici curſu, ſe ad divinarum ac humanarum rerum ſcientiam, juſti atque injuſti notitiam, artē æqui & boni, id eſt, ad Jurisprudentiam ſe contulit, ſive hoc aut proprio Naturæ ductu ac inſtinctu factum ſit, ſive amicorum Mecœnatumque hortatu ac ſuaſu, nec ne, non ſatis conſtat. In Germania ubi vixit Helmſtadij, Erfordiæ, Jenæ alijsq; in locis, ſummam quoq; mox cum ſummis viris ac Juris-Conſultis familiaritatem ac amicitiam inivit ac contraxit. Imprimis vero Jenæ cum ma-



## in memoriam P. Winsemij.

gno illo Juris-Consultorum Coryphæo ac Dictatore conterraneo suo D O M I N I C O A R U M A E O *Frisio*, ex vicino pago *Arum* patricijs parentibus oriundo. Cum hoc Juris-Consulto, nec non cum Consiliario Ducis Brunsvicensis *Doctissimo Domino F O P P I O A B Æ T S E M A* conterraneo familiarissimè, quoque toto illo tempore quo in Germania hæsit ac vixit conversatus est. Postmodum relicta Germania contulit se in *Μακαρίτης*, ut alias quoque lustraret Academias longe celeberrimas, in Sueciam, nec non paulo post in Gallias, ut summis Galliæ Luminibus, Juris-Consultis, Politicis, & Historicis quoq; innotescere posset, quibus omnibus in locis, propter singulare ingenij acumen & naturæ donum, apud summos Juris-Consultos, Politicos, ac Historicos in summo honore ac æstimo fuit; qui omnes ac singuli, singularem amore & favore, qua publicè, quâ privatim *Μακαρίτην* prosequerantur. In Gallijs dum agit, ut studiorum suorum fructum consequeretur, debitosque virtuti ac eruditioni honores ac dignitates reportaret, visum ipsi fuit, ad Lauream Doctoralem aspirare, eamq; Anno Millesimo, sexcentesimo, undecimo, vigesima prima Mensis Aprilis in Academia Cadomensi, post publicam Disputationem de Testamentis habitam, consecutus est præsentibus multis Proceribus, Clarissimis Dominis Professoribus, Doctoribus, Licentiatis & Magistris, postquam cum summo omnium applausu publicè disputavit; qua disputatione peracta, stupendum hoc ingenium omnes in admirationem sui rapuit. Relicta Gallia postquam per continuum decennium proprijs sumptibus ætatem in diversis celeberrimis Academijs egisset, visum ipsi fuit, tandem rectâ in patriam ad amicos ac Mecœnates tendere, quos non paucos sibi addictissimos ac faventissimos habuit, invenit; & fecit, usque adeo ut quasi mutua æmulatio ac concertatio pia ac religiosa inter illos fuerit, dubiumque ac ambiguum sæpe foret, plusne noster *Μακαρίτης* diligeret ac æstimeret Mecœnates: an verò vice versâ illi nostrum *Μακαρίτην* Domum reversum, ne segne otium magnifico nomine velaret, Doctorisque Titulum ac Gradum ad inanem pompam ac ostentationem haberet, coram Suprema Frisæ Curia (post immatriculationem) Praxin Forensensem exercere cœpit; Verum nec illa res foeliciter ipsi ex animi voto ac sententia cessit, mox enim in ipso ingressu ac praxeos limine defecit, ac defcivit, Foroq; valēdixit, repudium misit, divortiumque à Foro fecit, iussitque (more solenni Romano) forenses res suas sibi habere. Moxq; ad theoreticum, tranquillum, modestum, ac placidum vitæ genus se contulit, rus in Tusculanum suum nimirum privatus, ut altum dormiret, nec non ut tanto liberius philosophari ac meditari posset remotis arbitris.

*Scilicet, secessum scribentes & otia querunt.*

*Sylva placet Musis, urbs est inimica Poëtis.*

*Vel quia cum Poëta Lyrico, beatum illum existimavit.*

*Qui procul negotijs*

*Ut prisca gens mortalium,*

*Paterna rura bobus exercent suis*

*Solutus omni sænore*

*Forumque, putat, & superba civium*

*Potentiorum lumina.*

## Laudatio Funebris

Dum totus in theoretico ac solitario hoc rurestris vitæ genere est, seque privatis Musis oblectat, ecce derepente ex improvviso ad gravissimum ac præclarissimum Historiographi munus ab Illustribus ac Præpotentibus Frisiæ ORDINIBUS vocatur, non secus ac si patriæ Procere Clarissimo *Managirtus* doctum hoc & solitarium otium inviderent, existimantes scilicet tam nobile ac portentosum ingenium ruri non debere in privatis speculationibus consenescere aut torpescere, verum illa meditari, aggredi, æternæque memoriæ posterorum consecrare, quæ ab ipso Regifugio inter Potentissimum REGEM HISPANIAE, nec non inter PROCERES hujus provinciæ domi & foris gesta sunt, post violatas Leges fundamentales UNITARUM PROVINCIARUM, post violatum Jus Gentium, post violata Fœdera, post violata Pacta publica, post violata pedibusque conculcata, (tyrannide Hispanicâ) Privilegia Majorum: Et quod caput rei est, post introductam tyrannicam Conscientiarum mortalium Inquisitionem, Orthodoxæque Religionis Reformatæ suppressionem & extirpationem. Hanc Historici Patriæ Spartam ac Provinciam sibi ab Illustribus ac Præpotentibus ORDINIBUS hujus Provinciæ concreditam, fideique suæ commissam, quanrâ cum laude immortalique famâ *Managirtus* noster ad æternam memoriam decusque Patriæ exornârît, testabitur ipsa HISTORIA, quæ jam sub prælo est, brevique lucem aspectura est, instantibus proximis comitijs Patriæ. Ex eo enim tempore, quo primam Historiæ suæ partem publici fecit juris mox quasi agminatim per literarum commercium viri totius Europæ celeberrimi ac famosissimi (profundam eruditionem *Managirtus* admirantes) primas ipsi detulerunt, atq; ad cœlum usque laudibus encomiisque extulerunt, uti videre est ex literis incomparabilis ac immortalis Herois JOSEPHI SCALIGERI, HUGONIS GROTIJ, PAULI LUBBERTI *Legati Illustrissimi Regis Sueciæ*, DANIELIS HEINSIJ, PONTANI, CATZIJ, GRASVINKELIJ, ZEVECOTIJ: nec non quoque liquet ex commendatione AMMIANI STRADAE *Iesuitæ Romani*, qui non semel atque iterum verum multoties in Historia sua nostri *Managirtus* honorificam mentionem facit, summèque commendat. Verum Historici Patriæ munus cum per viginti quatuor aut quod excurrit annos, *Managirtus* fideliter bona fide obivisset. Visum deinde Illustribus ac Præpotentibus Frisiæ ORDINIBUS, nec non Nobilissimis ac Amplissimis Almæ hujus Academiæ CURATORIBUS, *Managirtus* nostro propter summam spem quam de illo conceperant, injungere ac demandare quoq; ordinariam Historiarum & Eloquentiæ Romanæ Professionem, quam Anno Milleesimo sexcentesimo trigesimo sexto, die VII. Decembris, post publicam inaugurationem, *Rectore clarissimo Collegæ* GEORGIO PASORE, (*pia memoriæ*) aggressus est, in qua professione quantus *Managirtus* fuerit, vos Frisij, vos Belgæ, Germani, Sueci, Sarmatæ, Ungari, Dani, Norvegi, Galli & Angli, qui quotidie ad ipsius lectiones, publicas agminatim tanquam ad uberem mercatum confluxistis: testes omni exceptione majores esse potestis. In hac Academica dignitate ab Illustribus ac Præpotentibus Frisiæ ORDINIBUS constitutus, Amplissimos quoque Academiæ honores ac dignitates Anno CIO. IOC. XXXIX. sustinuit, Recturæque honos ipsi concordibus SENATUS *Academici* suffragijs demandatus est, in qua summa dignitate ac Præfectura Academica positus, se muneris isti parem ostendit, juxta illud tritum Græcorum proverbium *δεξιὰ ἀνδρῶν δίδωται*, id est, Magistratus virum ostendit, cum alias, Tacito teste, *Plurimi*



## in memoriam P. Winsemij.

*boni sint ante imperium, pauci in imperio.* Legeſque Academicas quas ſartas teſtaſ-  
que ſe conſervaturum juraverat, piè, religioſè & maſculè defendit, & qui-  
dem eâ tempeſtate, quâ boni mores in hac Academia proli dolor! non cole-  
bantur, ſed exulabant. In Academica hac dignitate poſitus ò Μακαρίτης cum per  
oſtènnium firmâ ſolidâque valetudine ut plurimum præditus fuiſſet, poſt varia  
edita eruditionis ſuæ monumenta, poſt HISTORIAM ad umbilicum de-  
ductam, poſt SYRIUM editum, poſt AMORES editos, poſt varias e-  
ditas ORATIONES FUNEBRES. Tandem pridie calendarum No-  
vembris anni præſentis CIO. IOC. XLIV. qui dies erat Mercurij, mane Le-  
thargo exquiſito, ac legitimo corripitur ac infeſtatur, uſque adeo ut mox nemi-  
nem Amicorum aut Collegarum dignoſceret aut alloqueretur, verum toto de-  
cubitus tempore omni loquelâ, & quantum extrinſecus dijudicare licuit, et-  
iam omni rationis uſu & ſenſu deſtitutus fuerit. Hoc gravi ac trifti ſpectacu-  
lo attoniti ac contriſtati Amici ac proximi Hæredes, eveſtigio atque conſeſtim  
curaverunt vocari Clariffimum Dominum PHOCYLIDEM HOLVER-  
DA, nec non Doctiſſimum VIBRANDUM REVIMUM S. S. Medicinæ Do-  
ctores, qui poſt varias deliberationes ac conſultationes, ultrò citròque habitas,  
judicabant ex re ægri eſſe, tertium Medicum vocari, ne quid temerè in tam  
periculoſo ſymptomate aut morbo acuto ſtatueretur. Evocatur igitur Harlin-  
ga, Dr. JOHANNES ANSTA, Medicus ejuſdem Reipublice Ordinarius, ac  
Practicus ſummus, ταῖς πρὸς πολλῶν ἀδόξιστον αἰδῶν. Hic ubi nocte concubia aut in-  
tempeſtâ appuliſſet, communicato conſilio, cum prædictis Medicis, ſuaſit Φλε-  
βολομίας aut venæ ſectionem inſtituendam ac tentandam eſſe, quæ etiam mox  
ſubſecuta eſt. Verum enimvero cum ne ſic quidem, ſœliciter hoc negotium  
ſuccederet ex voto & opinione Medicorum, proinde de alijs quoque medijs aut  
remedijs inter Medicos deliberatum ac diſceptatum fuit, quæ tamen pro illo  
temporis momento dilata fuerunt, donec aut melior & commodior εὐκαιρία,  
occurreret, aut ſe offerret. Verum enimvero cum poſt tentata omnia reme-  
dia, quæ in hoc caſu, ex Medicorum opinione ac ſententia, aut ſchola & ad-  
hiberi ſoleant & applicari, incaſum cederent, deceſſit interim Μακαρίτης Vir  
Clariffimus ex hac vita, quarto Nonarum Novembris, circa mediam ſeptimam  
veſpertina, Anno ætatis quinquageſimo oſtavo. O triftis, funeſta, infauſta  
nox! nigro ſignanda lapillo, quæ omnium Doctiſſimorum virorum noſtri ævi  
facile Principem nobis ademittit ac ſuſtulit! Suſtulit Academicæ noſtræ Ocellum;  
ſuſtulit Patriæ Lumen ac Decus æternum; ſuſtulit conſummatiffimæ eruditionis  
ac Πελυ-Hiſtorias virum incomparabilem; de quo ipſa Fama mentiri veretur.  
Verum enimvero fruſtra leſſo ac immodicis lachrymis denatum μακαρίτην pro-  
ſequimur, qui optimo jure illud Poëtæ uſurpare, ſibi que vindicare potuit.

*Nemo me lachrymis decoret, nec funera fletu*

*Faxit, nam voluto docta per ora virum.*

Ille præceſſit, nos ſequemur omnes ac ſinguli; illum non amiſimus, ſed  
præmiſimus.

*Seriùs aut citiùs ſedem properamus ad unam.*

Omniſus nobis ſemel calcanda eſt via lethi, quicumque terræ munere ve-  
ſcitur: Subductus eſt tot calamitatibus, infortunijs, ac concuſſæ Europæ mo-  
tibus



## Laudatio Funebris.

tibus ac turbis præsentibus, maximisque periculis quæ nos manent. Ille cœlestis Aulæ incola ac municeps, terrena omnia ex alto despicit ac ridet.

Ille jam omnium calamitatum ac dolorum experts, in gremio Abrahæ con-  
quiescit. Nos hic quotidie morimur, singulæque horæ aliquid de vita no-  
stra demunt, ludibrium sumus fortunæ, fragilitatis exemplar, lachrymarum do-  
mus, curarum omnium carcer. Igitur quod restat, salve terque quaterque,  
mi beatissime W I N S E M I, qui supra orbis cœlestes evectus, curas mor-  
taliū despicias, qui jam in suprema cœlesti Curia maximus Professor, qui non  
purpurâ, verum niveo indutus es virtutis ac æternitatis Amiculo ac Stolâ,  
qui pro R E P U B L I C A, pro E C C L E S I A, pro A C A D E M I A  
nostra ad genua divinæ M A J E S T A T I S ac potentiae humiliter te submittis  
ac incurvas. Iterum salve atque vale, beatissima W I N S E M I A N I M A.  
Nos ubi decretoria aut fatalis illa hora affulserit, rursus tuo grato ac venera-  
bili adspectu fruemur in æternum, cum omnibus fidelibus, freti *παρηγορία*, ac  
meritis unici Salvatoris ac Mediatoris nostri I E S U, cui cum P A T R E &  
S P I R I T U S A N C T O, D E O T R I N O & U N O, sit laus & glo-  
ria in secula. A M E N.

D I X I.



I N-

# INDEX Rerum memorabilium in Pierij Winsemij Historiâ Frisicâ.

## A.



**AB**BATES Frisia de novo episcopatu respondent Trajectensi Episcopo, Pag. 57. citati nolunt ad concilium venire. 56.  
**Abel**us Franckena in Hollandiam mittitur, Pagina 280. de eo passim.  
**Ebinga** Hector adversatur exercitui religionis reformatæ, pagina 75.  
**Adoardicum** emissarium à Lalainio occupatur, 511. presidium ejus cæsum & cænobium magna parte exustum, 513.  
**Adolphus** Nassovius in prælio cadit. 106.  
**Adrian.** Antonius Alcmarianus Geometra. 472.  
**Egidius** Barlamontius Frisicæ præfectus, 140. vide Barlamontius.  
**Egyptij** errorum genus coerciti, 38.  
**Ærarium** in ordinem redigitur, 402.  
**Aggeus** Albada, 383. multa de eo, præcipue in pacificationis Colonienfis negotio ad annum. 1579.  
**Aggerum** præfecti Leovardiam vocati & remedia inundationi quaesita, 175. agger marinus. vide Gaspar Roblesius.  
**Agrarij** Ordines subsidio ad bellum Gallicum Caroli V. agrè assentiuntur. 22. cupiunt sibi totam dominationis vim tribui exclusivè oppidanis, 25. vide plura in Ordines & dissenso Ordinum,  
**Albanus** Dux destinatur in Belgium, 77. advenit, 94. 96. edita promulgat. 97. ejus astuta crudelitas, 98. vincit Ludovicum Nassovium, 109. 110. Cogitat Delfzælum urbem facere, 111. Culenburgiorum palatium diruit, 114. Triumphat de oppresso Belgio, 115. 116. centesimam, vicesimam, decimam urget. 118. 119. renovat editum Caroli V. ex anno 1550. 120. publicat editum veniæ. 125. fœderatas urbes ad defectionem sollicitat, 176. missione impetrata concedit in Hispaniam, 180. 185. ejus statua diruta, 208.  
**Alexandri** Farnesij nuptiæ cum Maria Portugallica, 60. constituitur Gubernator Bel-

gij. 341. alit disensiones Belgicas. 382. ager est inopia eris. 415. Groningam liberare meditatur, 479. auxilia mittit. 483.  
**Alcmaria** obsessa à Friderico Albano. 179.  
**Alençonius** seu Andinus discessum cogitat. 353. haud facile mitigatur, 354. Ejus revocationi adversantur Frisij, 536. principatus & regimen illi decernuntur, 508. Iterum de eo actum, 520.  
**Amelandia** ab Entenio direpta, 136.  
**Amoralis** Egmondanus capite plectitur, 108. vide Lamoralis.  
**Anabaptistæ** petiti edictis. 9. 19. 99.  
**Anglicæ** naves à fœderatis direptæ, 227.  
**Anglicum** sedes non procedit, 302. Anglicæ legionis sub Norritio insolentia, 539. Anglici panni, 52.  
**Anna** Oldenburgica comitissa Emdana moritur, pagina 237.  
**Anna** Austriaca Philippo nubit. 128.  
**Anna** Heremia deserit cænob. novum, 47.  
**Annonæ** caritas. pagina 16. 97. 202.  
**Antonius** antè Hogebeintanus sacerdos primam concionem reformatam publicè habet. pagina 70.  
**Antonius** Perenottus Cardinalis Granvelanus Consiliarius Philippi, 27. minister & assentator Romanorum Pontificum pollet solus apud regem. 44. opponunt se illi principes aurei velleris, ib. concedit in Hispaniam, 45. mora pacis Colonienfis, 413.  
**Antonius** del Vailius captus. pagina 523.  
**Aremerbergius** comes Frisicæ præficitur à Carolo Cesare, 1. Ejus præfectura turbulenta, ibid. Cum Frisij voluntarijs Castellum in Gallia capit, 18. poscit subsidium, quod negatur nisi restitutis commissis in privilegia, 34. 35. promittit supplementationem à rege, 35. cogitur minus petito recipere, 36. Pontificiam religionem restituit Leovardie, 79. 80. Irascitur fœderatis & Ordinibus, 84. militem clam colligit, 85. duas militares cohortes in urbem Leovardiam introducit, 88. in Brabantiam proficiscitur ad adventum Albani, 94. du-

eit auxilia Belgica in Galliam, 98. 99.  
 proficiscitur contra Ludovicum Nassovium,  
 104. 105. vincitur & occumbit. ibid.  
 Exequiæ ejus, 107. viginti octo Leo-  
 vardenses exilio multat. Ibidem.  
 Arnoldus Gemenius. pagina 377.  
 Artesij & Hannonij à cæteris provincijs de-  
 ficiunt, 359. ad eos Philippi literæ, 360.  
 Auranus in Germaniam concedit. 95. con-  
 sumitur ejus exercitus apud Trajectum,  
 112. classem in mari comparat. 120. ex-  
 ercitus colligit, 139. conventionem cum  
 Carolo IX. Frisiam sortitus est, 151.  
 Cum Ordinibus externa auxilia imploran-  
 da censet. 233. mittit in Angliam, 235.  
 Eius literæ monitoriæ de Iohanne Aus-  
 triaco. 261. ab Ordinibus evocatus Ant-  
 verpiam & Bruxellas proficiscitur. 295.  
 Ejus consilium de circumveniendo Austriaco,  
 ibid. Brabantie præficitur. 301. Qui-  
 dam procerum malè in eum affecti, ibid.  
 Andinum & Artesios placare nititur,  
 360. de novo fœdere Belgico cogitat.  
 364. Ultrajectino fœderi subscribit. 386.  
 conditiones à Swartsenburgio oblatas re-  
 pudiat, 429. exercitum conscribendum  
 suadet, 436. institui concilium status Bel-  
 gici suadet. ibid. Andinum commendat.  
 437. in præfectum Frisie petitur. 475.  
 484. suscipit. 499. in Frisiam venit &  
 multa componit. 531.  
 Ausonius Galema præpositura Bolsuerdiensi  
 donatur. 420.

## B.

**B** A I O M E N S E ænobium provinciæ  
 transcriptum, Pagina 458.  
 Balduinus Loüis thesaurarius regius, 293.  
 Baptista Taxis Rennebergij vicem sustinet,  
 Pagina 537.  
 Barlamontus impellere creditur Philippum &  
 Gubernatricem ad mala consilia, 55.  
 Barthius Idsacerda ad Ordines Generales mis-  
 sus, 308. Ultrajectum, 375. de eo passim.  
 Bartholdus Entenius, 136. mari domi-  
 natus, 240. Ostmahornâ fugatur, 241.  
 videtur & captus ab Hegemanno, 314.  
 binas Frisorum cohortes ducit, 388. Le-  
 gio Frisica, quam Lalainius habuerat,  
 ei commissa, 460. Elostus proclamatur

à Senatu Groningano, 468. Reederium  
 annum oppilat, 473. Groningam obsi-  
 det, ibid. & seq. temulentus suburbana  
 aggrediens glande sternitur. Pagina 482.  
 Belgicos principes quid impulerit ut se Gran-  
 vellano opponerent, 44. Eorum secessio  
 Senatum Regium sue potestatis facit ad  
 introductionem novorum episcoporum, 45.  
 Belgici nobiles ineunt fœdus contra poten-  
 tiam peregrinorum in aula Philippi &  
 inquisitionem, 60. expostulant & suppli-  
 cant apud Margaretam, 62. Mittunt  
 legatos in Frisiam, 66. capite plexi, 107.  
 Bernard. Merodius vicarium Frisie imperium  
 accipit, 499. Cum vicaria potestate tolli  
 mittitur ad obsidionem Groningæ, 481.  
 Bethlemæ virgines Matthiæ Archiduci sup-  
 plicant, Pagina 486.  
 Biltani agri provinciæ applicati, 309.  
 Blesæ vallo obducta. Pagina 455.  
 Bolsverdæ rem mutat Bronchorstius, 148.  
 redit ad Roblesum. 157. Bolsverdia &  
 Elost septuaginta sex Familiæ in exilium  
 pulsæ, 217. Bolsverdi pro reformatis tem-  
 pla petunt, Pag. 390. Eorum querela ob  
 novas indictiones, 347. Bolsverdia Ultra-  
 jectino fœderi accedit. 389. Io. Bongam  
 cum præsidio recipere nolens turbat, 422.  
 423. Kursum turbida, Pag. 431. 432.  
 pontificij ibi Lalainio addictissimi, 439.  
 Bossvius capitur, 179. ejus strategema,  
 Pagina 335. moritur, Pagina 356.  
 Breda prodita, Pagina 538. ibi conven-  
 tus de pace, pagina 220. & seq.  
 Brederodij literæ de nova fossa devehendis  
 Frisorum commercijs ad Mosam & Va-  
 halim, pagina 15.  
 Buchainum obsessum, pagina 508.  
 Burtanga muniti capta, 472. 473.  
 id consilium repetitum, pagina 481.  
 Bustamantius castellanus Harlingensis cap-  
 tus, Pagina 277.

## C

**C** Æ S A R debortatur Ordines ab Andi-  
 no, Pagina 478.  
 Caletum occupatur à Gallo, 21.  
 Campi paciscuntur cum Lalainio. 327.  
 Carolus V. Caesar imperium transfert in Phi-  
 lippum, 1. 2. Frisiam. 3. ejus edi-  
 ctum



*Etum de Religione confirmatur à Philippo*  
 13. *eius lex de legitimatione confirma-*  
*ta à Philippo, 14. moritur 25. fu-*  
*num ejus Leovardie factum, ibid. mor-*  
*tem meditatur, 26. Ius Saxonis ac hæ-*  
*reditarij Frisæ Præfeti nomine Germa-*  
*nici imperij accepit, 39. Sed deinde habuit*  
*ut annexam comitatui Hollandiæ. ibid.*  
*Carolus Philippi filius successor à Patre de-*  
*signatur, 38. occiditur, 113.*  
*Carolus Brimeus Groningam fugit, 106.*  
*Frisiæ præficitur, 109. exstinguitur, 140.*  
*Carolus Niezenius Senatus regij præses, Pa-*  
*gina 34. 42. 43. &c.*  
*Carolus Roorda ab exulibus ad Aurantium*  
*ablegatur, 231. 232. Franequerensi*  
*Magistratui mutando mittitur à Lalainio.*  
*Pagina 306. 307. de eo passim.*  
*Carolus Nicolaus Senator jam dignitatem*  
*ambitu occupat, Pagina 237.*  
*Carmelitarum cenobium Woldfenda & Ilstæ.*  
*Pagina 469.*  
*Carnium esus prohibitus; pagina 42.*  
*Castrenantius pacem Colonensem impedit*  
*duris postulatis, 396. 397.*  
*Classis Aurantijs sub præfecto Bartholdo En-*  
*tenio Amelandiam & Voricomium diripit.*  
*136. regia vincit fœderatam. 158.*  
*Clerus convenit in ædibus Præsidis Senatus*  
*regij de expensis concilij Tridentini. 43.*  
*respondet Friderico Archiepiscopo Ultra-*  
*jectino, Pagina 106.*  
*Cenobia direpta, 458. 469. deserta, 457.*  
*eorum census ærario additi, 469. scholis*  
*& templis destinati, Pagina 475.*  
*Cenobitis & monialibus pensiones annuæ as-*  
*signatæ, 458. 469. eorum libidines &*  
*corrupti mores. 540. 541.*  
*Cometa fulget, 12. 25. 303.*  
*Comitia turbida de fœdere Ultrajectino,*  
*390. & seq. vide. Ordines & alia loca.*  
*Concilio Status gubernatio Belgij committi-*  
*tur, 239. Ejus literæ querulæ ad Maxi-*  
*milianum Cæsarem, 246. Regium mi-*  
*litem declarat hostem. ibid. Palati-*  
*num Electorem auxilia adversus Austria-*  
*cum poscit, 294. ejus obtestatio apud*  
*exteros principes, 296. reparat bellum*  
*post cladem Gemblacensem, 318. per*  
*Aldegondiam à Cæsare & principibus Ger-*

*maniæ auxilium petit, 324. cum Alen-*  
*gonio convenit, 333. ejus numerosus*  
*exercitus, 352. vide Ordines Generales.*  
*Conventus de pace inter Henric. Gallum &*  
*Philipp. Hispanum insulis Flandriæ, 24.*  
*Conventus concionesq; religionis causa pro-*  
*hibiti, 41. Conventus regionum & fœ-*  
*deratorum de pace Bredæ, 220. & seq.*  
*Cornputius muniendi solers, 400. præ-*  
*fectus cohortis, 472. de eo passim.*  
*Cornelius Moda, pagina 452.*  
*Cornelius Weda centurio, pagina 469.*  
*Coverdia munitur, 400. incendio deforma-*  
*tur, ibid. muniri jussa, 472. hoc con-*  
*silium repetitum, 481. Capta à Schenck-*  
*io. 495. recepta ab Hohenloo, 511.*  
*Cruningius præsidet Doecomio, 145.*  
*Cunera federatis accedit, 526.*  
*Cunerus Petri Episcopatum Leovardiensem*  
*init, 121. 122. 123. 124. provinci-*  
*am totam obit, 124. custodiæ datur,*  
*316. non vult juri suo renuntiare,*  
*337. ejus controversia cum Achlenijs &*  
*Ludingakerkijs, ibid. Matthias Archid.*  
*illi æquior in assignanda annua pensione,*  
*368. Bergomo Leovardiam abducitur.*  
*379. ejus patrimonium provinciæ ce-*  
*dit, 422. ejus canonicis ducenti annui*  
*assignati. 355.*

## D

**D**AVENTRIA capta, 338.  
 Defectorum fœdus. 381. 382.  
 Dekamæ cujusdam in aula Farnesij prodi-  
 toria in patriam consilia. 490.  
 Deputatorum collegium ab Ordinibus Agra-  
 rijs erectum, 300. Deputati Ord. Frisæ  
 scribunt ad Matthiam, 316. eorum prima  
 indictio conventus Ordinum, 320. eorum  
 libellus supplicis de Episcopatu & Senatu  
 regio ad Matthiam, 394. eorum confes-  
 sui leges scriptæ, 409. supplicant Auran-  
 tio ut præfecturam Frisæ suscipiat, 484.  
 eor. electio ordinata ab Aurantio, 532.  
 Didericus Sonnojus Boshusij classem fugat,  
 107. muniri jubetur Coverdiam & Bur-  
 tangam, 472. Vollenhoam capit, 523.  
 Didericus Bronchorstius infundit se in Syl-  
 vestres, 140. Bolsverdiæ rem mutat,  
 142. Franequeram occupat. 144. Stauri  
 en-

riense Castellum oppugnat, 145. classe  
adornata Doccomum tentat, 145. 146.  
Snece capitur, 157.  
Diricius Fogelsangius Antverpiam Legatus  
contra Senatum regium, 379.  
Disceptatio de aggere marino, 133. 134.  
135. 165. 166. & seq.  
Dissensio in Frisia super restituendo veteri  
dominatu, 344.  
Diffidia Ordinum Belgij ob religionem, 342.  
impediunt tributa, 381. inter Deputatos  
Senatumq; Iuridicum, 527. 532.  
Doccomum à Scipione Scheltema occupatum,  
147. receptum à Roblesio, 148. incensum  
direptumq; 150. fœderi Ultrajectino acce-  
dit, 405. defenditur ab Hohenloo contra  
Lalainium, 498. frustra oppugnatur à  
Schenckio, 502. munitur educto vallo, 538.  
Dodo Larius, 530.  
Dominicus Hottinga Oldermanus Bolsverdi-  
ensium, 156.  
Dongria Orient. agger maximus reficitur, 328  
Dowvo Glinzius Groningæ decollatur. 149.  
Dowvo Sixma Ultrajectum legatus, 370.  
Drentini fœderis acta, 481.  
Duco Martna consilia agit cum Aurantio  
de occupanda Leovardia, 139. Frisici  
maris imperium habens classem regiam co-  
git dispergi, 179. in mari & è mari do-  
minatur, 227. 228. deputatus, 300.  
de eo passim.

## E.

**E**CCELESTICA bona provin-  
ciarum Ordinibus permittuntur. 540.  
Edictum de libris nisi censitis non excudendis,  
39. contra iconomachos. 71. edita aspe-  
ra per conventionem cum Arembergio &  
Margareta prohibentur. 80. 82. in sacri-  
legos. 124. edictum perpetuum, 273. edi-  
ctum veniæ Leovardiæ recitatum. 204.  
eo quinam exempti, 206. edita religio-  
nis renovantur & publicantur, 216.  
de his querele, ibid. edictum religionis  
in Frisia, 433. de re nummaria le-  
nem dissensionem creat inter Ordines Ge-  
nerales & Hollandiæ, 438. alia alijs locis.  
Elbertus Leoninus, pagina 488.  
Elizabetha Angliæ regina negat Requesen-  
tio auxilium, 226. fœderatos tamen li-

toribus suis prohibet. 227. Ordinibus au-  
xilia addicit & cum ijs novas tabulas fœ-  
deris facit, 304. increpat Ordines, quod  
Andini beneficia non agnoscerent, 353.  
Elizabethæ Valesiæ mors, pagina 117.  
Eloftum, pagina 217.  
Elpendamus datur carceri, pagina 85.  
Eman. Philibertus Belgij præses post Mariam  
Gubernatricem, 2. cedit Gallos, 18 du-  
cit Margaretam sororem regis Galliæ. 27.  
Emckia Glinzia Heronis Burmanicæ vidua,  
pagina 591.  
Episcopi novi, 37. 38. suspecti tanquam  
inquisitionis magistri, 44. eorum bene-  
ficia abrogata. pagina 351.  
Episcopatus Leovardienfis institutio, 37. 38.  
commendatio, 47. ei contradicunt Ordinum  
Deputati Ibid. & Abbates Horti-Mariæ  
& Lidumanus, 47. 48. negotium hoc  
manet in suspensio, 50. vide Cunerus.  
Erasmus Douma, pagina 379.  
Ericus Brunswigius tentat Hornam & Enc-  
husam, pagina 202.  
Excisa regia publicanis locatur, 476. cui one-  
ri nobilitas se frustra eximere studet. Ibid.

## F.

**F**A N A Frisicæ directa, pagina 469.  
vide Imagines.  
Fecco Rhala denator in actu ejurationis Phi-  
lippica exanimatur. pagina 558.  
Feico Tatmannus Bruxellam mittitur, pag.  
274. &c.  
Fene Bantiana & Scotane litem habet. 68.  
Fenbuse agri palustris incendium. 543.  
Festorum dierum celebratio. 42.  
Feuterius Franequera custodiæ datur. 256.  
Focco Sibrandius Staurius regie classis præ-  
fectus à fœderatis in Dimeno lacu vincit-  
tur, pagina 163.  
Fœderatos conventionem se tutos putant, sed  
urgentur ad formulam fœderis & socios  
fœderis edendum, 83. scelere Donckeri  
nautæ capti & supplicio affecti, 92. 93.  
citantur & afficiuntur supplicijs. 99. exu-  
lum bona fisco addicta, 100. commercia  
cum ijs vetita. Ibid. bellum decernunt.  
deque eo mittunt ad Aurantium. ibid.  
respondent Grosbecio. 103. citantur, 115.  
116. frustra supplicant Spiræ, 125. eo-  
rum



rum supplicatio ad regem contra Albanum. 181. 218. Omnes proscripti damnatiq; 194. fœderatorum Ord. conventus Dordraci, 219. fœderati Geesterlandiam depredantes à regis circumventi ferro sibi viam faciunt. 230.

Foxius Selsma, 446.

Foxius Hasseltanus, 90.

Franciscus Boshusius Enchusæ captus. 158.

Franciscus Sonnius Legatus regius de novis episcopis, pagina 37. 38.

Franciscus Baudimontius Graphiarius, pag. 485. 486.

Franequera de religione veteri neglectâ communita à Senatu regio, 41. occupata à Bronchorstio, 144. Schouwenburgius ibi senatum provincialem constituit, 152.

Roblesio deditur, 157. motus, quo capitur Feuterius, 256. magistratus Hispanicus inibi cum difficultate mutatur, 306. 307.

Fridericus Albanus in obsidione Harlemiensi Roblesium evocat. 162.

Fridericus Hornius Iacobi comitis Hornani nothus Stauriæ satrapa & prætor Hemelolferdius obit, 208.

Fridericus Tauburgius Archiepiscopus Ultrajectinus evulgat episcopatus Leovardensis rationem, 45. citat Abbates Frisiæ ad concilium, 55. & excusantes iterato, pagina 56.

Frisia membrum Germaniæ. 39. annexa Hollandiæ, 39. 40. Lalainij populationibus patet, 515. eâ expelluntur regij, 526. in eam incumbit tempestas belli, 535.

Frisici nobiles in exilium concedunt, 90. Quidam cum Batenburgicis Harlingæ capiuntur. 91.

Frisici agri deserti ob nimia tributa & incursus, pagina 217.

Frisij solliciti pro libertate sub Carolo & Philippo, 25. indignantur supplicem libellum & fœdus nobilium male accipi, 65. subnixi fiducia juris sui indictiones rescindunt, 193. & Senatum regium æmulatione accendunt. ibid. suo juri per societatem Belgicam derogari nolunt, 324. indignantur se præteritis conventionem fœdam cum Alençonio malentes Germani cum principem, 334. volunt in concilio Status & collegio rationum aliquem de suis

considerare, 345. petunt ut quæ ex ærario suo alijs provincijs impensa essent, in solum cederent. Ibid. permittuntur ipsis sua castella, 348. ad novum fœdus Belgicum sollicitantur, 364. multi inclinant ad fœdus Atrebaticum, 369. de quo Montinius alijsque gloriantur. Ibid. Ultrajectinum fœdus repudiant, 371. sed recipientes prævalent, 373. sollicitantur ad defectionem, 416. ab ipsis petuntur pecuniæ pacandis Bruxellensium & Iovorodensium præsidij. ibid. Andani revocationi adversantur. 506.

Frisij maiores quidam innocentes plectuntur in minore Frisia. 230.

Frittema Petrus Sneca occupandæ consilium magno mercatur. 140. legatus Antwerpian. 376. &c.

Fru mentum exportari prohibitum, 40. sed id decretum antiquatur, 41. iterumque oppidanorum studij statuitur. ibid.

## G.

GABINIUS Selsma populum concitat Leovardiæ. 69.

Gallicum bellum renovatur, 17.

Galli vincuntur ad Grevelingam, 23.

Gandavensium res pacatæ, 354.

Gaspar Roblesius præfectus præsidio Groningano, 116. Snecam inani operatentat. 140. & Bolsverdiam. 141. scribit ad antistites, ib. fit præfectus trium provinciarum inter Flevum & Amasum, 189. eius aspera dominatio. 189. 190. 191. duos sestertios Floreno imponit ad aggerem struendum, 194. aggerem sternit, 194. 195. odia in eum aucta, quod peregrinos dignitatibus adhiberet, 208. regium mandatum de exactionibus novis obtendit urgetq; 210. 211. & seq. promulgat, 215. Texalia pulsus Flevolandiam occupat, 230. aggeris marini perfecti monumentum statuit. 241. 244. male tractat Stelam legatum pacificationis Gandavensis, 252. capitur, 254. uxor eius custodiæ data. 255. verum de ipso iudicium, 257. mittitur in Geldriam, 278. ab exulibus petitur in locum Rennebergij, pag. 545. 546.

Gellius Istanus commendator Nessanus, 379.



Gelu intensum, 16. 42. 51. 218. 524.  
 Gemmæ Frisij cosmocritica, 43. 51. passim.  
 Generales Ordines deliberant de revocando  
 Andino, 414. de reformando reipublicæ  
 moderamine, 421.  
 Georgius Lalainius Frisæ præficitur, 264.  
 Senatus regius illi minus æquus, 265.  
 recipitur ab Ordinibus Frisæ, 267. sti-  
 pendia militibus poscit, 269. Leo-  
 vardiam ingreditur captum trahens Ro-  
 blesium & quosdam Tribunos, 271.  
 Stauriam, 298. præfectum impetrat,  
 288. recipitur hac lege ut cum Deputa-  
 tis & ex eorum consilio provinciam gu-  
 bernet, 289. 290. 291. quatuor  
 stuferos obtinet primæ pensioni stipendio-  
 rum militarium, 292. præsidia mari-  
 timis munitionibus educit, 293. eius  
 clarum nomen ob ordinationem provincie,  
 301. Oppidorum Magistratus immu-  
 tat. 306. Transisalanæ præfecturam  
 adeptus Campos obsidet. 326. qui pa-  
 cisuntur. 327. Magistratum per minores  
 Frisæ urbes immutat, ibid. Daventriam  
 obsidet, 337. capit, 338. non vult præ-  
 torem facere contra mores receptos, 350.  
 Groningam intrat, 399. Coverdiam mu-  
 nit, 400. invehitur in Tuentes præsulum  
 factionem. 408. ad partes regias inclinat,  
 416. eius artes, Groningæ munimentis fi-  
 dit. 438. Ordinibus est suspectus, 439.  
 deficit impulsus à sorore, 442. 443.  
 444. detegitur, 444. tumultum exci-  
 tat in Silvestribus, 469. Abelum Franc-  
 kenam custodie dat, qui elabitur 460.  
 ferit Ordines Omlandia favere, ibid. ab  
 Vfskenio monetur. 462. Aurantius cona-  
 tur eum in viam reducere. 463. eius pro-  
 ditoria consilia patefcunt, 464. libere  
 monetur ab Hildebrando consule Gronin-  
 gano. 465. respondet simulatè, ibid. Gron-  
 ingæ veteri magistratui novum substituit,  
 467. frustra sollicitat Omlandior. ibid.  
 & Transisalanos, 469. pœnitentia de-  
 fectionis ductus, cum Groningæ obsidere-  
 tur, confirmatur à sorore. 474. Farne-  
 sium auxilia poscit 481. capit Opslachum,  
 497. 512. Doccomij cladem accipit, 502.  
 cladem dat Frisij, 509. frustra ten-  
 tat Coverdiam, Swollam, Dorechemum,

513. Stenovicum, 513. Præsidium Cune-  
 ræ opprimit, ibid. duas Frisiorum cohor-  
 tes cedit, 515. minores Frisios per literas  
 tentat, 516. Stenovicum obsidet, 516. &  
 seq. exercitum seditiosum vix placat, 520.  
 Stenovicum deserit, 525. minatur Fri-  
 siæ, 536. moritur, 544.  
 Georgius Westendorpius Senator regius ca-  
 pitur, pagina 286.  
 Gisbertus autor invasionis Doccomiensis conso-  
 ditur. pagina 149.  
 Godefridus Sylvius præsul Horti Maria. 43.  
 Goslicus Herama Wonseranorum prætor. 423  
 Groninga Ordinibus asserta, 555. fæderi Vl-  
 trajectino adjicitur. 388. 389. regi æ-  
 quior, 413. in ea Lalainiani motus, 466.  
 467. invidia Lalainij. 472. obsidio ab En-  
 tenio. 473. 479. & seqq. ad Groninganos  
 scriptum testi nominis. 528.  
 Grosbecius Pro-præfectus Frisæ, 45. tentat  
 nobilitatem & viros primarios ut anima-  
 ti de adventu Ludovici Nassovij. 102.  
 contra Ludovicum Nassovium ducit & re-  
 trocedit, pagina 104.  
 Gualterus Hegemannus Hindelopam capit  
 & diripit. 216. Entenium vincit & capit,  
 314. à Lalainianis malè accipitur, 517.  
 Gulielmus Buma captus, 91. decollatus. 108.  
 Gulielmus Dux Clivie mente captus, 489.  
 Gulielmus Lindanus in Frisiam mittitur pro  
 inquisitore dictus Delegatus Generalis. 15.  
 eius diploma. 20. quod restringit Philip-  
 pus. 25. eius auctoritatem confirmari vult  
 Philippus. 29. in odio est apud Frisios &  
 ejus insolentia contradicitur ab Ordinibus,  
 31. 32. pergit insolenter agere. 34. su-  
 stinet acrem juris processum. ibid. in eum  
 querelæ iteratæ sed elusæ, 36.  
 Gulielmus Ludovicus Nassovius in Vicarium  
 Aurantij petitur, 475. ad Groninganam  
 obsidionem mittitur, 479. strato Entenio  
 castrense imperium obtinet, 584. glande  
 icitur. 511. Ordines Frisæ solatur, 512.

## H.

**H**ARINGIUS Glinxius Præses Senatus  
 provincialis à Schouwenburgio. 52.  
 Haringus Haersma in præsidio Maccomien-  
 si, pagina 59.  
 Harlemium obsesum, 162.

*Harlingana arx occupatur.* 448. & seq.  
*Harlinga rudi mœnium ambitu cingitur,* 484. à Sonnojo munitur. 497.  
*Hartmannus Galema captus,* 91. decollatus, pagina 108.

*Hattumana arx prodita recipitur.* 518.  
*Hector Ayta in Philippi curia Senator intercedit pro Frisij ut Otto Schomvenburgius averteretur,* 203.

*Hector Dekama federi minus æquus.* 156.  
*Henricus Smeinzus abbas Horti Mariæ* 49.  
*Hero Ockinga ad Albanum* 133. *Bruxellam missus,* 244.

*Hero Burmania erarij tribunus.* 270. *passim.*  
*Hesselus Hysma sex-vir obit,* 51. *cognominis ei patruelis deligitur ad recensendos Kemponis Martene annales,* 52. *provincia legatus ad confessum Ordinum generalium,* 309. 319. *in eo confidet,* pag. 377. *passim.*

*Hesselus Haytsma captus,* 90.  
*Hildebrandus Consul Groninganus à famulo Lalainj globo trajicitur.* 466.

*Hindelopa direpta,* 216. à minoribus Frisij presidio inessa, 512.

*Hippolytus Persinus Senatus Regij præses* 8.  
*Hobbius Bardius,* 469. &c.

*Hommius Hettinga copias federatas contrasit,* 102.

*Horatius Ruma in presidio Maccomiensi,* pagina 156.

## I.

**I**ACOBUS Ofius religionis damnatur & morte afficitur, 19.

*Ianco Ofinga Wonsenarorum prætor,* 521.

*Iarichus Hottinga tribunus cohortis,* 317.

*Idzardus Douma Bruxellam legatus,* 233.

*Idzardus Sickinga publico semotus ægritudine animi obit,* 178.

*Igramus Achlenius senatus regij præses.* 132.

*Imagines templis motæ.* 457. 475.

*Indictiones rerum venalium scriptæ,* 470. *novæ indictiones,* 499. *publicanis subiectæ,* 536.

*Inquisitionis edictum vulgatur,* 9. *mitigatur à Philippo,* 11. *hoc Carolus Anabaptistis opponi dicebat, sed strictum fuit in reformatos.* *ibid.* *inquisitio per conventionem cum AreMBERGIO prohibetur ur-*

*be Leovardia,* 80. & *tota provincia in eandem conventionem descendente,* 82.  
*Inquisitores Frisici Lematius & Somnius,* 10.  
*Intercessionis principum pro federatis apud regem,* 184.

*Invidia Hispanorum in Belgas gloria & fructu Gallicæ victoriæ illustres,* 28. & *dignitatibus honoribusque Belgicis fruentes.* *ib.*

*Inundatio maris,* 34. 130. 174. 219. 317.  
*Ioachimi Hopperi de Requesentio iudicium.* 187. *mors.* 292.

*Ioachimi Panseri Marnij copie à Ludovico Nassovio cæse,* 104.

*Iohannes Austriacus advenit,* 259. *ejus literæ ad Ordines,* 260. *dolus de dimittendo externo milite,* 263. *Ordinum cum eo dissensio ingravescit,* 271. 272. *marino itinere milites abducere pertendit,* 272. *exterum militem educit,* 277. *Bruxellam ingreditur,* 278. *in conventu Ordinum sacramentum dicit,* 280. *ei diffidit Aurantius,* 281. *scribit ad regem de Belgij provinciis,* *ibid.* *Namurci arcem occupat,* 282. *Lalainum evocat.* *ibid.* *secreta ejus cum Margareta Gallica & Guisij pacta.* *ibid.* *denovo Ordines dissidentes & defensionem se parantes de pace sollicitat,* 284. *litteras dat ad Leovardienses.* *ibid.* *parat provinciis bellum,* 294. *Ordines illi successorem petunt à rege,* *ibid.* *obtestationi Ordinum respondet,* 298. *ad eos scribit.* *ibid.* *judicatur hostis,* 309. *bellum indicit,* 311. *Ordinum exercitum vincit,* 312. *cum magna clade repellitur,* 336. *moritur,* 338.

*Iohannes Aysma Ultrajectum delegatus.* 404.

*Iohannes Bonga Snecam munit,* 141. *Bolsverdie admittitur,* 142.

*Iohannes Buninga,* 497.

*Iohannes Carolus Iulio Gelio succedit in procuratione fisci,* 97.

*Iohannes Dimerus Antverpiammissus à Senatu regio,* 376.

*Iohannes Fervovius.* pagina 446.

*Iohannes Escheda,* 498.

*Iohannis Hasseltani abbatis Horti Mariæ luxus.* 49.

*Iohannes Mathenessius arcis Leovardiensis Satrapa,* 286.

*Iohannes Petreus Sannius,* 455. 459.



*Iohannes Verkenius*, 521.

*Iorwerdt pagus*, in quo thesaurus invenitur in prædio Hæctoris Dekemæ, 180.

*Iosephus Talimerius* Triremis regie præfectus, homo crudelis, 164. custodie datur ob licentiam & scelera, 178.

*Isbrandus Hardervicenus* abbas Lidlumanus dignitate in luxuriam labitur, 49.

*Iulius Botnia* cum Carolo Roorda ad mutandum magistratum Franequerensem conjungitur, 360. legatus ad Rennebergium, 355. multæ loco totum prædium amittit, 120.

*Iulij Dekemæ* Senatoris regij hortus subvertitur per insolentiam plebis urbanæ, 349. ipse subjugandis Frisjs destinatur, 424. 430. 434.

*Iurisjurandi formula*, quo Philippus ejicitur, 550. ejus edictum non sine horrore Frisorum. *ibid.*

*Iustitiæ ædes* Leovardie, 137.

*Iustus Schouwenburgius* in Frisiam cum septem Germanicis cohortibus advenit, 150. ostendit se datum ab Aurantie Proprefectum Frisie, 151. Snecam & Bolswardiam ingreditur 151. Franequeram. 152. ejus luxur & torpor, 153. perfidia, 156.

## K.

**K**EMPONIS Martenæ annales recensiti, 52.

*Knysius episcopus Groninganus*, 117.

## L.

**L**AMBERTUS Calvus, 227.

*Lamoralius Egmondanus* in odio Hispanico ob gloriam victoriæ Gallicæ, 28. ablegatur in Hispaniam, 53. 54. indignatur legationem suam contrarijs decretis subverti, 59.

*Legati Belgici* in Hispania morte mutantur, 113. Frisorum stantes Philippo sacramentum dicunt, 8. ad Philippum abiturientem in Hispaniam de non evocandis Frisjs extra regionem, 29. 30. Hispanici in Belgio absument illustres Belgas luxu suo provocatos, 28. Ordinum à Requesentio Bruxellam evocati, 206. 207.

*Lemmarie munitio eversa*, 301.

*Leovardie Clerus* opponit se novo Episcopa-

tui, 49. Leovardia suæ urbis defensionem arripit & militem regium portis prohibet. 69. 70. exercitium religionis reformatæ admittit subversis æris & remotis sacris pontificijs, 70. pontificiam ejicit, 72. & seq. cogitur eam recipere, 79. 80. reformatis ministris stipendium petit. 330. pontificij illic ad publica suæ religionis exercitia redeunt. 350. castellum in potestatem redigitur, 445. 446. 447. incendum, 99.

*Leppæi aggeris controversia*, 355.

*Lex Saxonum* de mensuris & ponderibus immovata, 41. legitimatiani, 14.

*Locupletum* opibus bellum trahendum esse censetur. 229. 232.

*Lonckius*, 472.

*Lofius* tribunus cohortis opponit se Roblesio, 253. 254.

*Ludovicus Halevinus*, 542.

*Ludovicus Nassovius* in Frisiam venit jussu Aurantij, 101. & seq. Arenbergium vincit, 105. Groningam dolo inutili aggreditur, 109. ab Albano vincitur, 110. victus & cæsus, 199. 200.

## M.

**M**ACCOMIUM deseritur à præsidio fœderatorum. 157.

*Magistratus Frisici* Philippo sacramentum dicunt, 9.

*Margareta* soror Philippî Gubernatrix Belgicæ constituitur, 30. Commendat institutionem novi episcopatus, 47. scribit ad regem de fœderenobilibium Belgarum, 61. & ad Frisios de eodem, 62. promittit mitigationem edictorum, 64. mittit de eo legatos in Hispaniam. *ibid.* ejus literæ minaces ad Arenbergium de regis voluntate cavende mutationis in religione prætegentur in conventu Ordinum & turbant, 73. accusat Belgas per literas ad Philippum, 76. Scribit Senatui Leovardiensi ut profugorum civium nomina in indicem referat, 93. & profugum molientes denuntiatione confiscationis & pene capitis deterreat, *ibid.* discedit è Belgio, 98.

*Margareta Marchica* uxor Arenbergij. 27. scribit de filij successione. 111.

Ma-



*Maria Anglica conjux Philippi moritur* ,  
 & ejus exsequia in Frisia celebrantur. 26.  
*Maria Gubernatrix Ordines Frisiae cogit*  
 ad extirpandos Anabaptistas & sectarios,  
 19. eius mors & funus , 26. abhorruit  
 semper à consilijs durioribus, nec voluit  
 Belgas ab Hispanis regi, 27.  
*Maris ejectamenta Principi debita* , 40.  
*Martinus Bajartus cohortis Valonicae præ-*  
 sectus susceptus Fr. Hornio. 208.  
*Martinus Nitzenius contra asperitatem &*  
 exactiones Roblesij Bruxellam legatur ,  
 192. & rursum , 274.  
*Martinus Schenckius ductor copiarum Gro-*  
 ningae auxilio venientium, 488. 489.  
 victor acie contra Hohenloium , 443.  
 Coverdiam venit , 495. Groninganam  
 obsidionem solvit , ibid. cladem in Docco-  
 miensi oppugnatione accipit , 502.  
*Martinus Stella legatus concilij status cap-*  
 itur & torquetur à Roblesio , 252.  
*Matthias Austriacus in Belgium vocatur &*  
 venit , 302. Antverpiam ingreditur ,  
 303. dicto sacramento regimen cum Au-  
 rantio capeffit , 310. Frisiae legatis  
 quaedam proponit. 380. ei pensio statuta.  
 437. discessum cogitat , 520.  
*Matthias Kommartius Leovardiensis Syn-*  
 dicus à seditiosa plebe ad necem questus  
 liberatur ab Arembergio , 87.  
*Menno Simonius clam haberi vetatur &*  
 deferenti merces assignatur ex arario. 19.  
*Miles casum isti glande Arembergij nun-*  
 tians virgis caditur , 99.  
*Militares seditiones in Belgio* , 248. disci-  
 plina apud federatos corrupta , 507. se-  
 ditio in castris ad Groningam , 494.  
 sedatur, ibid.  
*Montjojus Stauriae praesidens oppidum af-*  
 fligit , 164.  
*Mutuum aes à locupletibus sub usura peti-*  
 tum , 336.

## N.

**N**AUTICUM aes ob impendia va-  
 sorum syrtis judicantium, 42. id  
 edictum delegati Ordinum recitari prohi-  
 bent. ibid. de eo rursum actum. 50. 51.  
*Neosylum munitur* , 543.  
*Nienortius in Translavanis fortiter remi-*

gerit , 526. Rennebergianos repellit ,  
 536. cladem accipit 537.  
*Nobiles Belgici* , vide Belgici Nobiles.  
*Nobiles Frisici admittuntur ad comitia*. 532.  
 nobilitas Frisica ab excisae regiae onere im-  
 munis esse cupit , 476.  
*Norritij & Caulerij legionibus in Frisia mi-*  
 litantibus stipendium è Flandria petitur.  
 508. eius discrimen , 520. Renneber-  
 gium data clade repellit , 524. Steno-  
 vicum liberat , 525. in Frisiam mittitur,  
 539. hosti dat cladem , 540. ejus qui-  
 dam equites à rustica Frisorum plebe cæ-  
 sa , 553. stipendia militibus petit , 554.  
 vincitur à Verdugio. ibid.

## O.

**O**MLANDIA tota praesidia fæde-  
 rata ejecta , 538.  
*Ono Grovensteinus* , 446.  
*Oppidorum magistratus* , à Lalainio muta-  
 ta , 306. 327. Ultrajectino fæderi ac-  
 cedunt oppida , 391. novam tributi par-  
 tem solvere jussa , 407. inter ea aquata  
 ratio , 408.  
*Ordinum Belgij Oratio in imperij translatio-*  
 ne in Philippum , 2. respondent caesari de  
 negotio Andini. 478. vide Concilium  
 status & Generales Ordines.  
*Ordinum Frisiae iusjurandum Philippo da-*  
 tum , 7. ipsi mittunt Bruxellas pro sta-  
 biliendis patriae suae privilegijs sed frustra.  
 8. supplicant contra Lindanum commissa-  
 rium fidei. 32. 33. scribunt ad episco-  
 pum Trajectensem de novo episcopatu ,  
 58. petunt intercessionem ad Philippum  
 aut episcopum. 59. testimonium exhibent  
 formulæ fæderis nobilium. 67. intercedunt  
 pro fæderatis ne cogantur inconsultis so-  
 cijs fædus rescindere. 83. approbant an-  
 tè dicta factaq; & à jure Patriae recede-  
 re nolunt , 84. libellum supplicem mit-  
 tunt ad regem , 89. qui interceptus res-  
 ponsum tulit à Margareta. ibid. eorum  
 conventus de tributo Albani , 126. 127.  
 indignantur Rennebergium cum Senatu  
 regio confusurrare , 359. eorum delegati  
 commissarios petunt è Senatu regio , qui  
 de laeso jure gentis cognoscerent. 42. pe-  
 regrinos praefectos arcibus & castellis mo-  
 veri

veri petunt à Lalainio. 440. Ordines agrarii & oppidani dissentiunt, 288. 346. eorum fœdus, 475. oppidani prompte promittunt subsidium ad Bellum Gallicum agrarijs cunctantibus, 22. queruntur se à comitijs prohiberi. 374.  
Orichius Doyemus, 522. 530.  
Ostmahorna munita, 24. obseffa, 286. desertata, 287. ejus muniendæ consilia. 498. 505.

## P.

**P**ACIFICATIO Colonienfis, 383. 384. 385. & seqq. ultrà annum totum, 1579. Gandavensis, 250. 251. publicatur Leovardia, 255. 276. novo fœdere firmatur, 268.

Pax inter Gallum & Hispanum, 26. pacis arbitrium Rodolpho Casari offertur à Farnesio & Ordinibus. 361.

Paulus IV. Pontifex Romanus confirmat consilium Philippi de novis per Belgium episcopis, 37.

Paulus Blanckevortius, 512. 513.

Petrus Adrianus Bolsverdiensis cum fratre à militibus, quos cohibere studebat, confoditur. 228.

Petrus Boimer. 129.

Petrus Everardus Durevoutius. 512. 513.

Philippi regis successoris Caroli oratio, 3. ejus juramentum Frisæ datum per comitem AreMBERGIUM, pag. 5. Oratio ad Frisæ legatos, 6. iurjurandum. ibid. literæ de emendandis monasticorum & sacerdotum in Frisia moribus, 12. emittit titulum Angliæ & Franciæ, 26. ducit Elisabetham Vallesiam Gallicæ regis sororem, 27. ejus consilium de subvertenda libertate Belgicæ, 28. è Belgio discedentis oratio. 30. discessum ægre ferunt Ordines, ibid. promittit exautorationem militis nec facit, 31. vehementi tempestate discedens in Hispaniam affligitur, ibid. scribit ad Margaretam Gubernatricem literas minaces de recipiendis episcopis. 52. ejus pertinax dictum de novis episcopis, 59. ægre fert fœdus nobilitatis Belgicæ. 64. legatos de mitigatione edictorum & auferenda inquisitione malè excipit, 65. edictum ejus de non novandis sacris Leovardiæ prælegitur in

in secreto Senatus & supprimitur, 74. 75. scribit ad Frisios sua manu, 132. ejus induciæ cum Elisabetha Anglica. 164. edicit ut Iohanni Austriaco pareatur, 315. 316. ex Anna Austriaca nascitur ipsi filius Philippus, 317. Portugallia ipsi accedit. 457. abdicatur, 546. 547. & seq. Philippus Hohenloius imperium belli ad Groningam habet, 481. hosti arcendo se accingit, 490. contra mandatum Ordinum in prælium descendit cum Schenckio, 491. fortiter dimicat & vincitur. 493. Frisiam defendit contra Lalainium, 498. vita dissoluta. 507. Groningam obsidet & temerè omittit, 508. 509. turpiter fugit, 512.

Philippus Montmorentius capite plexus, 108.

Pierius Ielgerhusius. 88.

Pius IV. sanctionem de novis episcopis confirmat, 37.

Pompejus Roorda ecclesiasticorum bonorum Questor, 357.

Pontificij indignantur reformatis templa dari, 332. quæ discordiæ causa & inclinationis in Hispanos antè exosos. ibid. Frisiam grassatoribus implent, 406.

Prædiorum pastoralium fructus vacante ministerio ne sacerdotibus accedat, 50.

Prædones compressi, 38. infestum habent mare & vicinam Frisiam sub finem Albani & initia Requesentij, qui utriusque & fœderatæ & regiæ classis, 185. eorum crudele facinus in pago Wikel. ibid.

Præsules aliq; partis ejus opponunt se faderi Ultrajectino, 393. turbas movent, 404.

Prætores Philippi in querela. 51. prætorem facere contra mores receptos non vult Lalainius, 350. non prætoribus neque privatis licet solemnî comitio interesse, 393.

Prætorum quinque ejus ad aggeres, 50. prætorum querelæ & libelli supplices de impendijs in militem. 126.

Principum aurei velleris consultatio de adventu Albani, 94. eorum dissensio reducit pontificiam religionem. ibid.

Prodigia, Pag. 51. & passim.

Proprietarij admittuntur ad Frisæ comitia, pagina 532.

Provinciarum similitates, 542.

Provocatio in causa religionis ad decreta Germanicæ



manie iussa non valere, pagina 39.  
Publicanorum fraudes, pagina 53.

Q.

QUERELAE de Lindano, vide  
Gulielmus Lindanus adversus præ-  
tores & alij, 50. 51. 53. alias vide in  
suis vocabulis.

R.

RATIONUM publicarum cura ordi-  
nata, 293. Reformati ministri Leovard-  
ia excedunt, 81. tota provincia jubentur  
excedere. ibid. 88. reformati templa  
sibi aperiri petunt, 328.

Regie factionis seditio, 485. 486. regia præ-  
sidia tota Frisia ejiciuntur, 528. regij exu-  
les scribunt ad Frisios populares suos, 554.

Regnerus Alberda consul Groninganus 468.

Renicus Camminga ad Ordines Generales mis-  
sus obtinendo rescripto ulterioris mutatio-  
nis, 308. 319.

Renicus Dekema in presidio Doccomiensi pro  
rege, 145. prætor Collumanus, 286. du-  
ctor cohortis, 526.

Regesentius Albano succedit, 184. ad illum  
Frisiorum legati, 188. mittit edictum in  
Frisiam frenandæ militum licentiæ, 189.  
regem adhortatur ad instruendam classem  
208. molitur bellum navale, 225. Re-  
ginam Angliæ auxilium poscens repellitur.  
226. bellum nisi subacto mari inutiliter  
geri scribit ad regem, 238. de occupan-  
da Emda cogitat, ibid. moritur. 239.

Risvicius Medenblici præfectus frustra ten-  
tatur à Roblesio, 202.

Rodolphi Cæsaris uteræ ad Belgas, 248.

Romane sedis cultus per totam Frisiam à Ro-  
blesio restitutus, 157. abolitus ab Ordi-  
nibus & quare, 470.

Rombertus Friesma, 523.

S.

SACERDOTUM concubinatus veti-  
tus & in eos facta inquisitio, 100.

Scelto Tiarda, 274.

Scipio Sceltama Doccomium invadit, 147.  
ejicitur 148.

Scipio Meckama, 494.

Senatus curie Frisie Philippo sacramentum

dicat, 8. exigit secundam honorarij pen-  
sionem & repellitur, 10. edicit de suman-  
dis pecoribus pestilentia absumptis, 15.  
monetur sui officij, 97. 123. eius mo-  
litiones pro rege, 103. edicit de prædijs  
non locandis peregrino, 120. edictum de  
vendendis proscriptorum bonis, 228. Depu-  
tatis se opponit, 314. custodie mancipa-  
tur à Lalainio, 315. acerbè accusatur.  
367. patrocinium querit Matthiæ Ar-  
chiducis, 378. mittit Antverpiam, 366.  
crimina illi objecta, 377. respondet. ibid.  
gravatur novis criminibus, 379. Leo-  
vardia excedere jubetur, 401.

Senatus novus constituitur, 321. introdu-  
citur, 331. nec decens numerus nec auto-  
ritas, 486. ejurat Philippum, 558.

Sestertius in florenum decretus adornandis  
tredecimbris contra fœderatos, 174.

Sext-viri redarguendo Philippi imperio, 51.

Siboldus Aysma, 535.

Sibrandi Richei apud Aurantium oratio,  
pagina 155.

Sicco Tiesenius cohortis ductor cum Iohan-  
ne Bonga, 148. 149.

Sigismundus Curispachius custodiæ datus,  
pagina 411.

Simon Langebardus captus, 90.

Sinus Scholbalchicus non notatus tonnis, 51.

Siricius Doma occidit naufragio, 174.

Sixtus Abbeus pastor Oldebovius pridie con-  
fessione facta Romane religionis postredie  
deficit, 71.

Slota munitio diruta, 301.

Sneca tentatur à Roblesio, 140.

Stauriæ castellum oppugnatum à Bronchor-  
stio, 145. Stauria occupata à fœderatis  
& recepta à Roblesio, 159. arx occupa-  
tur & tollitur, 452. 453. 454. oppidum  
munitur. ibid. fanum direptum, 469. op-  
pidum à minoribus Frisij præsidio inside-  
tur, 512. magistratus immutatur, 327.

Stella nova, 159.

Steno Maltesius Merodio succedit, 557.

Stenovica à Lalainio impetita, 514. obse-  
sa solutionem pollicentur Ordines, 516.

Suffridus Bejemus captus, 91.



## T.

### **T**ABULAE de successione Philippi in Frisia. 3.

*Tabulationes littorum portuumve violentibus  
poena statuta*, 40.

*Taco Aëbinga Lidlumanus abbas obit*, 43.

*Taco Hettinga*, 311.

*Tarquinius Valesius consul Leovardiensis re-  
formatam religionem admitti urget*, 70.  
*inter primos cenam capit*, 75. *accusatur  
& per edictum citatur*, 99.

*Telum gestare nemini Leovardiae licitum ni-  
si officiali regio aut publico ministro ju-  
stitiae*, 42.

*Tempestates & venti*, pag. 25. 26. 38.  
43 174 557.

*Tiallingi Eyssinga oratio ad Ordines Trans-  
Lavanicos pro Ludovico Nassovio*, 104.  
*eius bona fisco decreta* 106. *obit*, 152.

*Titus Hettinga Sneece praesidium tenet*, 153.

*Titus Walta*, 459.

*Trajectum ad Mosam ab Ordinibus negligi-  
tur*, 362. *capitur*, 398.

*Transsylvanos inter & Frisios amulatio con-  
posita*, 456.

*Translavanici se redimunt à Ludovico Nas-  
sovio*, 104. *duce Entenio arma capiunt  
in Lalanium*, 313. *eorum querelae ad  
Frisiae proceres*, 522.

*Tributum Albani conventionione aversum*, 128.  
*menstrui ratio disceptata*, 405. 407. 411.

## V.

**V**ALERIUS Camminga legatus ad  
Albanum, 133. *ad concilium Sta-  
tus*, pagina 244.

*Valones Schouwenburgicos Ripae agentes op-  
primunt*, 153. *eorum fidei permittuntur*

*urbes, quae à federatis recesserant*, 158.  
*eorum dissensiones pacari non possunt*, 357.  
*foedus faciunt cum Parmense*, 358.

*Varckanae cohortis insolentia*, 541.  
*Vbertas*, pagina 26.

*Vestigal mercium importatarum confirma-  
tum*, 38. *nova ab Ordinibus Generalibus  
instituta dant in Frisia motum animorum*,  
326. *illis intercedunt Matthias & Au-  
rantius*, 327.

*Verdugius armat in Frisiam*, 551. *Gronin-  
gam venit & Reidanus obtinet*. *ibid scri-  
bit ad Frisios*, 554. *Norritio cladem dat*.  
554. 555. *Neosilum frustra obsidet*, 556.

*Weslgeri Ultrajectino foederi accedunt*, 391.

*Via à Sigeri canobio Garipam*, 40.

*Vibrandus Aylva Snecensium Oldermannus*,  
pagina 155.

*Vibrandus vel Vibius Goutumanus occupat  
arcem Leovardiensem capto Mathenessio*,  
pagina 287.

*Viglius Zwichemus dissuadet promulgatio-  
nem decretorum Philippi de religione &  
concilio Tridentino*, 52. *respondet Albano  
tributum immodicum petenti*, 118. *eius  
indignatione in apoplexiam incidit*, 119.  
*de Austriaco judicat & moritur*, 279.

*Wingardius*, pagina 472.

*Winsumum deditum*, 538.

*Vlpius Aylva à Roblesio in carcerem conje-  
ctus*, pagina 203.

*Ultrajectensium federatorum decreta*, 477.

*Ultrajectino confessui leges scriptae*, 409.

*Ultrajectinum foedus*, 350. 365. *id amplexae  
provincia, quem modum tributi acceperint*,  
392. *eius publicatio multos Antverpiae  
offendit*, 396.

*Vorcomium ab Entenio direptum*, 136.

# F I N I S.